

Bibl. Aut. Darmst.
Dep. 26. Loc. 7.

DEI ET AMERICANA LIBRIS

DE

IVRE CIVITATIS

LIBRIS

COMMENTARII

DE RE PUBLICA ET GOVERNATIONE

DE RE PUBLICA ET GOVERNATIONE

DE RE PUBLICA ET GOVERNATIONE

DE RE PUBLICA ET GOVERNATIONE

DE RE PUBLICA ET GOVERNATIONE

DE RE PUBLICA ET GOVERNATIONE

DE

DE RE PUBLICA ET GOVERNATIONE

DE

DE RE PUBLICA ET GOVERNATIONE

DE RE PUBLICA ET GOVERNATIONE

DE RE PUBLICA ET GOVERNATIONE

ULRICI HUBERI
ICTI ET ANTECESSORIS FRISII
DE
IVRE CIVITATIS
LIBRI TRES

CVM
COMMENTARIIS
NICOLAI CHRISTOPHORI
S. R. I. LIB. BARON. ET EQVITIS
DE LYNCKER

S. C. M. a CONSILIIIS IN AVLA IMPERIALIBVS

EO SVPERSTITE

QVIDEM MAXIMAM QVOAD PARTEM IMPRESSIS

SED NUNC DEMVM

EX AVCTORIS MSTO QVOAD RELIQVAM PARTEM SVPPLETIS AC
EDITIS

NOVA DE SCRIPTIS LYNCKERIANIS
PRAEFATIONE


ET

INDICIBVS NECESSARIIS

ADORNATI

CVRA

IO. CHRISTIANI FISCHERI.



FRANCOFVRTI ET LIPSIAE

IMPENSIS EDITORIS ∞ Idcc LII.

THE HISTORY OF THE
DE
TWO CIVIL STATES

LIBRARY

COMMENTARY

OF THE

CONSTITUTION

OF THE

UNITED STATES

OF AMERICA

BY

JOHN WAYNE

OF THE

ARMY

AND

NAVY

OF THE

UNITED STATES

OF AMERICA

IN

THE

LIBRARY

OF THE

CONGRESS

OF THE

UNITED STATES

OF AMERICA



PRAEFATIO.

B. L.
S.



i numquam Tua B. L. humanitas atque beneuolentia, meum studium meamque operam antea comprobasset; id tamen nunc ab ea sperare liceret, quum duorum inter ICTOS saeculi nostri Principum HUBERI nempe ac LYNCKERI exasciatum laborem, quem in elaborando, interpretando ac illustrando iure publico uniuersali seu iure ciuitatis tam egregie posuerunt, Tuo nunc sistere audeam obtutui. Quare non laudo Viros, qui longe meam superant laudem, quorum fama iam dudum totum peragravit orbem, et quos ipsa intuetur cum admiratione aeternitas. Non commendo librum satis commendatum, nec materiam, quae tantis auctoribus digna est, et tantum habet voluptatis, quantum vtilitatis. Hoc vnum ago, vt promissum feruem et breuiem, sed tamen accuratum scriptorum LYNCKERI Tibi exhibeam indicem, quem nunc praefaminis loco a me humaniter accipe et vtiliter in Tuos conuerte vsus.

I N D E X

Scriptorum tam editorum quam ineditorum NICOLAI CHRISTOPHORI S. R. I. Lib. Baron. et Equitis de LYNCKER, S. C. M. à Consiliis in Aula imperialibus.

1. **R**atio docendae discendaeque iurisprudentiae Romano-Germanicae. Ienae 1786. fol.
2. Sciagraphia institutionum imperial. Ienae 1686. fol.
3. Facies genuina pandectarum. ibid. 1687. fol.
4. Conspectus iuris publici Romano-Germanici Ienae 1686. fol.
5. Delinaatio iuris feudalis, ibid. 1688. fol.
6. Decretalium iuris Pontificii methodica dispositio ib. 1681. fol.
7. Series operis Hugonis Grotii de I. B. et P. ib. 1688. fol.
8. Sciagraphia Ethic. *Ionston.* et libr. Politic. *Iusti Lipsi* ib. 1685. fol.
9. Insti-

9. Institutiones eloquent. forens. ad veter. et recentior. doctrinas.
10. - - ad disciplinas philosophicas omnes.
11. Nexus institut. Iustinianear. per singulos §§. Ienae 1691. 8.
12. Institutiones Iustinianae.
13. Analecta ad ius vniuersum, Ienae 1691. 4to.
14. - - ad *Georg. Ad. Struvii* Syntagma iuris Ciuilis ib. 1690. 4to.
15. - - ad *Valer. Andr. Desselii* erotemata iuris canonici, ib. 1689. 4to.
16. - - ad *Gabr. Schwederi* introduct. in ius publicum Imp. Rom. Germanici nouissimum, ib. 1689. 4to.
17. - - ad *Georg. Ad. Struvii* Syntagma iuris feudalis, ib. 1722. 4to.
18. Emendationes ad analecta Lynckeriana ad ius vniuersum.
19. Commentarii in vniuersum ius ciuile Romano-Germanicum, ib. 1698. 4to.
20. Vniuersi iuris pandectarum methodus dichotomica. 1678. fol.
21. Series codicis Iustiniani Viennae Austriae 1725. fol.
22. Nouellarum Iustinianear. exegetis methodica, ibid. 1726. fol.
23. Systēma iuris publici Rom. Germanici. Ienae.
24. Praecipua feudalia.
25. Institutiones iuris canonici.
26. Iurisprudentia axiomatica.
27. Commentatio ad praecognita notitiae Imperii Boeclerianae Ienae 1691. 4to.
28. Prohibentia. Giesae 1669. 4.
29. Tractatus de grauamine extraiudiciali. Ienae 1737. 8.
30. Concordantiae Iuris feudalis ib. 1688. fol.
31. Vigor Romani iuris inter iura publica Rom. Germ. Imp.
32. Praerogatiua iuris canonici.
33. Lapsuum Grotianorum specimen in Cap. X. Lib. II. de I. B. et P.
34. Atrium iuris publici Giesae 1671. 8.
35. De superioritate territoriali eiusque iuribus commentatio vberior.
36. Commentatio ad capitulationem Leopoldinam. Ienae 1696. 4to.
37. Tabula facti.
38. Rationale differentiarum iuris Electoralis et iuris Ducalis Saxonici.
38. Obseruationes forenses ad processum iudiciarium.
40. Unterweisung wie Beamten und Gerichts-Verwaltee in Verführung peinf. Prozesse sich zu verhalten. 2c.
41. Schema aureae Bullae.
42. Nerus capitulationis Caesareae.
43. Fluētus interpret. de communicatione Maiestatis eiusque iurium in Imper. Rom. Germ. Ienae 1692. 4.
44. Index in Lampadium de Republ. Rom. Germ.
45. De pontificatu Imp. Rom.
46. De incorporatione terrarum imperio debita.
47. Restituta hereditaria obligatio. Ienae 1696. 8.
48. - - - - -
49. Praxis iuris canonici in foro protestantium, Libri duo.
50. De Magnitudine et perseuerantia Imperii Romani.
51. De iure Sacrorum, quo Caesar Maestate sua valet.
52. De exortu Electionis et Electorum Imperatoris Romani ac de origine Electoralium officiorum.
53. LL. Romanorum de praeiudicio partus in speciem dissidentium conciliatio, Ienae 1692. 4.
54. Suppetiae nouae et ad L. LXIX. D. pro Socio, 1697. 8.
55. Auspicia academica.
56. Notae subitaneae ad *Io. Henrici Boecleri* institut. politicas.
57. De Legato secundo et vltiori.
58. De Manu regia dissertatio.
59. Praescriptiones publicae inauguralibus praelectionibus praemissae, Ienae 1693. 8.
60. Dissertat. inaugural. pro Licentia de separatione, Giesae 1664. 4.
61. Dissertatio pro loco in Facult. obtinendo de beneplacito, Ienae 1677. 4.
62. de impari ad Morganaticam matrimonio.
63. Tractatus de iure habitationis, Giesae 1673. 4.
64. Zwey Bücher: eines von der Liebe Gottes gegen uns. Das andere von den Pflichten unsrer gegen Gott.
65. *Andr. Bilderbeck* iuris Lubecensis patrii a communi Rom. Germ. iure differentiae. Giesae 1672. 4.
66. Gründliche Ausführung warum das Fürstl. Samthaus Sachsen zur Reassumtion der vorlängst geendigten vom Kayserl. Cammer-Fiscal aber von neuen erregten so genannten Gleichförmigen Exemtions-Sache nicht gehalten, samt einem Anhang, daß das Erzstift Maynz und dessen Belehnte darbey in keine Wege interessirer sind. Gedruckt im Jahr 1681. Fol.
67. Instructorium forense ad vniuers. scientiarum complexum, solidamque cuiusuis iurisprudentiam, quare publicis prospicimus, directum etc. prodiit, 1691. et denuo editum 1698. fol. et quoniam in hoc opere nimis libere de *Stryckio* aliisque ICris eorum scriptis iudicauerat, index quorundam vesanorum iudiciorum quae instructorio deprehendisse putabant, huic operi bellum indicebat, sed eius masculam suscipiebat defensionem.
68. Index repetitus quorundam iudiciorum &c. qui prodiit sine anno 4to.
69. Consilia et responsa primo 1704. Ienae fol. excusae, postea ib. 1704. denuo Vol. II. editae sunt. fol.
70. Rerum in Sereniss. Ducum Saxoniae dicaster. decimarum centuriae XV. Ienae 1720. 4to.
71. Resolutiones DCC. disceptationum forensium per principia authentica ad rationes praecipuas litigantium Ienae 1723. 4to.
72. Libertas statuum imperii, et quae perperam libertatis eius esse dicuntur, cum biga tabularum aureae Bullae et capitulat. Ioseph. Ienae 1717. fol.
73. *Karoli Sylbindi Nicei* monita plus quam quinque Millia, quibus totidem et amplius errorum, absurdorum et deliquiorum Tractatus nuperrimus *Samue-*

Iis Stryckii ICti de actionibus forensibus inuestigandis et caute elegendis, vt et de actionum praescriptione, Halae hoc ipso anno emendate editus, con-

uincitur iuxta rationem solidam doctrinae Lynckerrianae, Francofurti et Lipsiae 1698. Liber olim prohibitus, hodie vero perquam rarus.

Differtationes sub eius praesidio habitae, quae plerumque a Respondentibus eius auspiciis ductu et sub censura conscriptae sunt.

Differtatio.

1. De periculo et commodo rei venditae.
2. quo tendant studia iuris. Ienae 1678.
3. de vi legis in praeteritum. Ienae 1681.
4. de iudicio status, Ienae 1691.
5. Lex Rhodia de iactu, Ienae 1679.
6. de pactis. Ienae 1679.
7. de repraesentatione pecuniaria, Ien. 1694. fol.
8. de vinculo Familiae. ib. 1691.
9. de cautione fructuaria, Ienae 1689.
10. de absolutoria. ib. 1695.
11. de praesentatione sui ipsius. ib. 1689.
12. de Anagyria. ib. 1692.
13. de compromissis. ib. 1686.
14. de eo quod iustum est circa silentium, Ienae 1693.
15. de familiarum nobilium splendore, ib. 1689.
16. de iuramento Mandatarii in animam principalis.
17. de affectione, Ienae 1690.
18. de partu supposito, ib. 1690.
19. de Transactionibus, ib. 1679.
20. de commendatione speciali, ib. 1693.
21. Iura secundi, ib. 1693.
22. de receptis, ib. 1679.
23. de eo quod interest, Ienae 1691.
24. de iuribus ac privilegiis minorum. ib. 1693.
25. de Landi vitiis. ib. 1679.
26. de potestate matris in liberos.
27. de iure denunciationis, Ienae 1669.
28. de cautione usufructuaria, Ien. 1681.
29. de fideicommissis vniuersalibus, ib. 1680.
30. de indiuiduitate, ib. 1684.
31. Iura praemiorum, ib. 1691.
32. Iura Minerarum, ib. 1695.
33. de Ganerbinatibus, ib. 1689.
34. de accessione fluuiali, Ienae 1689.
35. de iure commissorum, ib. 1670.
36. de semiplenis probationibus, ib. 1693.
37. de reductione ad arbitrium boni viri, ib. 1691.
38. de Auxiliatoribus furum, ib. 1687.
39. de potestate Imperatoris alienandi bona imperii. Ienae 1695.
40. de acquisitione coniugali ad P. V. Tir. V. Reform. Francof. ib. 1695.
41. de iure repressalium iurisque gentium et ciuilibus qua illud conuenientia et disconuenientia, ib. 1691.
42. de bonorum Allodialium in feudalia incorporatione, Ienae 1693.
43. de resistentia quae sit potestati, ib. 1694.
44. de iure rerum, ib. 1678.
45. Experimentum conciliationis Enantiophanon in decisionibus Meuianis, ib. 1694.

46. de Pauliana. Ien. 1675. 4to.
47. de successore feudi. ib. 1689. 4to.
48. de amputatione membrorum in his qui delinquant ib. 1681.
49. de privilegiis depositi, ib. 1683.
50. de reliquis, Ien. 1683.
51. Select. positionum centuria, ib. 1687.
52. de praecellentia Marium prae femininis. Giesae 1673.
53. de Proxenetis. ib. 1674.
54. de mero imperio. Ien. 1679.
55. de iurisiurandi inualiditate, ib. 1688.
56. de potestate eminente Principis in iudicio, 1680.
57. Processus iudicii prouinc. Holfatiae comparatus cum processu iuris commun. et Saxonici.
58. de iure et contractu colonario prouinciali Land-Siedel-Recht und Leyhe, ib. 1696.
59. de militia togata, ib. 1697.
60. de bona fide in praescriptionibus, ib. 1696.
61. de iuribus peculii militaris, ib. 1697.
62. de euictionibus, 1699.
63. Trutina doctrin. Io. Brunemaani ICti, quibus in Commentar. suis ad II. et Cod. cursusque scriptis suis a *Benedicto Carpzovio* aliisque ICC. Saxonici dissentendum sibi existimauit. 1697.
64. de mandato rei turpis, Ien. 1699.
65. Commentatio in ius Patrium statuti Ciuit. Luneb. part. commun. et de statutis ciuitatum prouincium. ib. 1699. ibid. denuo edita Tractat. forma.
66. de auctoritate vsuque LL. Iustinianear. in Germania iudiciis, tam rationum robore, tum ICC. versatissimorum fide ad seriem Tr. *Grönwegii* de LL. abrogatis in Belgio. &c.
67. de iuris legumue dissentaneis s. contrariis Ien. 1698.
68. de inuentione. 1674.
69. de commissario imperiali ad negotia status, Ienae 1678.
70. de commissario imperiali ad causas iustitiae, Ienae 1685.
71. de iure restituendi famam, ib. 1678.
72. de Baptismo. ib. 1684.
73. de eo quod circa facram coenam iustum est. ib. 1690.
74. de fatalibus, ib. 1678.
75. de nominatione Socii criminis. ib. 1686.
76. de bonis ereptitiis. ib. 1694.
77. de bonis ereptitiis. ib. 1694.
78. Assertiones ex diuersi iuris materiis, ib. 1680.
79. de feudo pecuniario, ib. 1680.
80. de Bodmeria. ib. 1679.
81. de sumtibus, ib. 1684.
82. de plenitudine summae Maiestatis. ib. 1691.
83. de superioritate sacra, ib. 1689.

84. de potentatu, ib. 1690.
 85. de Archiuo imperii, ib. 1686.
 86. de idiomate imperiali. ib. 1687.
 87. de consensu Electoris, ib. 1687.
 88. de eo quod iustum est circa personas diuersae religionis ib. 1691.

89. de munere oirectoriali circa negotia imperii, ib. 1693.
 90. de persecutione hostis imperii publici, ib. 1691.
 91. de religione obsequii ib. 1682.
 92. de Catastris, ib. 1692.
 93. de causis iudicium camerale fundantibus, ib. 1693.
 94. de formis procuratoriis. ib. 1694.

Scripta quae sub prelo sunt, et MSta quaedam.

1) *Commentarius, seu notae ad VLRICI HVBERI Libr. III. de iure ciuitatis.* Vltimum hoc fuit opus, quod ante mortem elaborauerat et impensis suis splendide imprimendum curauerat Illustris LYNCKERVS, sed morte praeventus, antequam penitus perficeretur, cum reliquis impressis nondum confectis ab heredibus repositum et reconditum fuit. Cum autem iis postea consultius visum fuerit, reliquias istas vendere, mihi tam feliciter contigit, vt eas emerem ex iisque commentarios hos cum inserto HVBERO fere perfectos ex tenebris protraherem et cum orbe nunc communicarem litterato. Et quemadmodum ius publicum vniuersale nemo felicius tradidit quam HVBERVS, nemo autem docte ac solide magis interpretatus est ac illustrauit quam LYNCKERVS, vtriusque exasciatum laborem promulgate excipiet eruditorum quisque, qui nouit tantorum Ictorum merita atque harum litterarum gloriam intetpretari. Prodit cura nostra Francof. et Lipsiae 1752. 4to maiori.

2) *Instructorium forense.* Hoc opus in breui quasi descripsit tabella et ita edidit Auctor. Quum autem illud immensum quantum auctum suis impensis curaret imprimendum, et vix dimidia operis pars esset excusa, praematura mors abstulit LYNCKERVM fecitque, vt *instructorium nouum* cum HVBERO aliisque iacuerit in tenebris, et illustres Magni LYNCKERI successores decreuerint, denique cum reliquiis doctis instructorium forense vendere. Quam primum hoc mihi fuit patefactum, primum HVBERVM postea etiam *Instructorium forense* cum ceteris impressis Lynckerianis in praediis reclusis et latentibus

comparaui, et quoque omnibus precibus meis a gratia et humanitate Illustrum Heredum impetraui, vt quae de hoc opere adhuc perfecte elaborata MSta in bibliotheca B. Auctoris afferuantur, mecum communicare, ea promiserint lege, vt consummatum hoc opus, quod priores editiones octo alphabetis (vt vocant) superat, publicarem. Dedi fidem, et si Deus vitam et vires concesserit, lege praenumerationis, id quod deest huic operi, curabo, exscribendum, et pro aequissimo pretio offeram horum scriptorum amatoribus. De hac noua *Instructorii forensis* editione in STRVVI *bibliotheca iuris selecta* editionis septimae ab illustri BVDERO 1743. editae p. 2. haec legimus: *de eodem (instructorio nempe) sollicitus fuit perillustis Auctor, bonamque instructorii partem ample auctam formis exprimendam curauit cuius tamen perfectionem grauiora Summi Viri negotia et mors impediuerunt.* Vbi tamen probe obseruandum, totum opus memorati noui *instructorii* a Perillustri Auctore fuisse elaboratum et perfectum hinc in MSto ad prelum paratum, sed ob praematuram Perillustri Auctoris mortem vix ad dimidiam partem impressum adeoque ratione impressionis nondum perfectum. Cuius rei, praeter alia, fidem facit, instructorii laudati MStum, quod in Bibliotheca B. Perillustri LYNCKERI habetur.

3) *Notae in GEORG. AD. STRVVI iurisprudentiam Romano-Germanicam forensem* cuius accuratissima editio prodiit in 4to Ienae 1670.

e MSto erutae iam sub prelo versantur, et mox lucem adspicient publicam.

4) *Ius publicum* in Swederum in MSto.

Quam plurima alia MSta extant in Bibliotheca Lynckeriana, quae, cum videndi facultas ac potestas data mihi non est, iam a me praetermittuntur. Interea in hoc indice plura tamen iuuenies *Scripta Lynckeriana*, quam in Tr. cui inscriptio: *Scripta quae Lynckerianum Nomen praeferunt*, qui 1696. hic prodiit, et alibi, quorum notitia forte Tibi B. L. maiorem adferet voluptatem ac vtilitatem, quam si Tibi commendarem, iam dudum Tibi satis probata et commendata. Vale B. L. et, si placet, his deliciis frui conatibusque nostris imposterum faue. Dabam in Athenaeo iuxta Salam die 23. Mens. Dec.

A. S. R. ∞ 100011.



IVRIS PVBLICI
UNIVERSALIS,
SIVE,
DE
JURE CIVITATIS
LIBER I.
QVI EST
DE IMPERIO.

CAPVT I.

De Jure & quotuplex id sit.

ARGVMENTVM.

Jus prō regula actuum moralium. Ejus divisiones. In hoc opusculo de Jure Gentium publico agendum, & quo modo. Differentia ejus à Politicā. Esse qui id seorsim tractarit neminem. Constare praeceptis naturalibus, Gentium & Divinis.

I.

JURIS vox cū multifariam (a) usurpatur,* tum inprimis nota est significatio, quā dicitur, Regula boni & æqui, (b) id est, Lex, quatenus hæc latissimè (c) accipitur.**

* Triplicem Juris significationem vide apud Grotium l. 1. de Jure B. & P. c. 1. §. 2. 3. & 4.

** Jus pro lege, apud eundem §. 9. unde derivata Juris significatio pro arte Legum.

(a) *MULTIFARIAM*. Propius tamen ad hoc institutum, vel (1) *Causaliter* pro *Lege*, ut *b. l.* & *formaliter* quidem, ut *præcipiens* notat; idque *varium*: *materialiter* autem ratione *objecti*, quod continet; ut *præceptum* innuit. Vel (2) *Effectivè*: cum relatione ad *Facultatem*, iustè aliquid habendi vel agendi; unde *Jus Dei* & *Jus HOMINIS*. Et in *homine* quidem (sic & *Universitate* hominum,) *qualitatem* *moralem* constituit, eamque *activam*; sicut *passivâ* *jus nostrum*, v. c. in obstrictio ad præstandum, *imminuitur*. Utrumque, (& non minùs in *publicis* quàm *privatis*;) vel *Personarum* vel *Rerum* est: unde *Actiones* & similia *Remedia*, prout hoc *jus perfectum* est, competunt. Et sicut *Jus* illud sive *Facultas formam* ipsam notat: ita inde *concretum*, & sive *persona* sive *actio* ejus, *justum* denominatur.

Quamquam verò de *JURE DEI*, quod non modò *Is in hominem*, sed & *angelos* habet, (nam ad *ratione destituta*, quæ *impropriè* parent, ut respiciamus, nil attinet:) ut hic plenius agatur, præter institutum fuerit. Tamen hoc saltem, ne in istud in *transformatione* nostrâ deinceps impingamur, commemorare juvat: quòd artissimè illud cum *miserericordiâ*, *beneficentiâ* & *reliquis attributis divinis*, conjunctum sit: indeque *Amyraldus*, c. IV. d. *Prædestinat*. Deum posse hominem *innocentem*, pro *arbitriò* suo merò, in *gehennam* detrudere, perperam statuatur: reprehensus ob id à *Curcellæo* & aliis, tum & à *Dannhauerò* in *Hodomor. Spirit. Calvin. pag. 204*. Nec enim juvat *Amyraldum*, quod Deus peccatum *protoplastorum* humano generi imputaverit. Cui quidem non satis fit, si cum *nonnullis* dixeris, quòd defectum *justitiæ* originalis imputaverit nobis Deus voluntate interpretativâ: ut eorum voluntas nostra voluntas etiam fuisse videatur. Quin potius in nobis carentia utique est *justitiæ* originalis, propriâ nostrum voluntate voluntariâ; saltem virtuali & secundum præscientiam Dei: siquidem Deus præcivit, si extraordinariâ potentiâ omnes simul homines essent producti, omnes etiam eodem modò & eadem occasione, *Liberò* arbitriò abufuros fuisse. Porro ne quidem illa sententia probanda est, quâ asseritur, quòd Deus *hominem annihilare possit*: Nam istud *posse non vult* Deus. Quamvis hæc voluntas, quâ ipse animam hominis (ut *creatam* & *principiò* nitentem, cujus indoles etiam cum æternitate necessariam connexionem non habet,) *immorta-*

lem & in æternum supersitem vult, revelatione quidem certò constet; ex ratione autem invictè probari immortalitatem illam animæ posse, plerisque non persuaserit *Dygbæus* in *Tr. d. Immortalit. anim. rational. (Paris. 1651.)* ut nec *Angelus* alter, *Henricus Morus*; quando ex hinc naturalem Animæ immortalitatem, quòd illa *indiscerpibilis* sit, demonstrare annisus est: nec *Hildebrandus* *pecul. Tr.* quippe qui omnes solum hoc apodicticè probasse visi sunt, quòd anima *corpori superses* esse queat. Ceu nec beatitudinem *Naturalista* largiuntur, aut damnationem æternam, ex ratione evinci posse: cum quidem ratio dicet, *virtutem*, quod in hac vitâ sæpè non fit, in alterâ *remunerandam* esse. At verò per solam, ajunt, gloriam *supersitem* remunerari virtutem post vitam & in vitâ sibi ipsam virtutem pulcherrimam mercedem esse, videri posse: cum & in exercitiò *Virtutis* summum bonum consistat. *Gentiles* etiam, (ita sentiunt,) vel ex relatione eorum, qui *Divinæ voluntatis* conscii fuerunt, animam immortalem esse, vel argumentis quidem suis, sed tamen inefficacibus, credidisse. Nam *Platonici* quidem animas humanas, ceu effluvia *divinæ essentia*, in æternum, aut certè longius corpore, duraturas opinati sunt; *Epicurei* autem, ceu educas ex potentiâ *materiæ*, caducas planè & interituras esse, statuerunt.

Sicut verò *Jus Dei* & *Imperium* ejus, cum & hoc & istud à se ipsò habeat, ad paria redeunt; secus ac in *Homine*, ubi *Imperium* non est *Jus ipsum* s. *Facultas*, sed *causa*, unde *Jus* & *Fas* oritur; ex quò facultas illa educenda est: quamquam in Deo etiam non ubique *Jus* illud se per modum *Imperii* exserat. Ita *Imperium Dei*, tum *INTERNVM*, tum *EXTERNVM* est.

Illud, licet *absolutum*, h. e. plenissimum, sit in homines: non tamen est difforme à reliquis attributis Dei, sed omninò conforme illis & hinc ordinatum. Exseritur autem in *Conscientiam* quoque hominis, per *Jus* naturale; atque *Puffendorffius* in *Præfat. d. Offic. Hom. & Civis* docet, quasi *Jus naturale* solum ad *forum humanum* & actiones *exterioriores* respiciat. Nam (1) *forum humanum* solum actus *imperator* tractat. Frustrâ autem legi etiam alii, nedum naturali, actiones humanas exteriores subicias; nisi & internæ legibus regantur & assuefiant: impuræ aliàs futuræ actiones. (2) *Amplitudo* & *Eminentia Divini Imperii* tale quid internum requirit.

quirit. (3) *Actiones interna* sunt per se & *proprie actiones humane*; exteriores internarum tantum effectus & signa esse videntur. (4) *Peccatur interioribus actionibus*: unde cum interni motus exterioribus actionibus adversantur, *Lucta illa moralis* exoritur; quam agnoscit ipse etiam Seneca *V. de beneficiis* c. 14.

EXTERNVM Dei Imperium vocant, quod per *Jus vita & necis* in hominem se exserit: rectius in *externa hominis*, & quicquid ei *præter animum* concessum est; quod non *vita* modò, sed & *res* illius pertinent: ne satis amplum hoc imperium non videatur. Hoc verò pari ratione in *Gentes* integras, ut *Cananaam*, v. c., exercet, quin & in *infantes*. Sed ne hoc quidem absolutè adhibet, etiamsi *modus* absoluti quid inferre quandoque videatur; qd. nos eum ordinatæ rationi convenire non advertimus: & falsum aded est, quod *H. Grotius Lib. 2. c. 20. §. 4.* tradit: *finem* aliquem esse *punientis Dei*; ut sibi in puniendo placeat, *Prov. 1. v. 26. Psal. 2. v. 4.* tuncque ipsum non vi justitiæ, sed *jure Domini*, punire: cum tamen nulla pœna sit, nisi *culpa* anteceda-

neâ; hæc autem ex justitiâ arguatur, non ex *Dominio*; & *Dominium* absolutum, quod justitiâ & *beneficentiâ* Divinâ temperatum non est, in Deo nullum sit: Deum verò sibi in puniendò placere, non ad affectum, sed *effectum* pertineat; sicut etiam gloriæ ejus ostensio, aliique fines interveniunt.

(b) BONI ET ÆQUI. Nonnullis *Bonum* notat moralitatem absolutè & simpliciter, *Æquum*, quâ *ad alios* illa refertur. Nos verò hæc *ad w.* ut videtur, rectius exposuimus: ubi simul etiam de *Juris* definitione per *Artem*, *systematicè* sumptam, & de *Habitu Jurisprudentiæ* inde productò: sicut quoque *Systema* esse potest absque *Librò*, aut *præcepta* saltem, priusquam in *Librum* rediguntur: possunt & *præcepta* esse perpetuæ veritatis, licet nemo prudens illorum reperiatur.

(c) LATISSIME. Nec tantum quâ *Jus positivum*, etiam consuetudinem s. quodlibet *Jus*, quod *usu* invaluit; sed ut *Jus* quodcunque, etiam *commune*, & sive à *Deo*, qualibet ratione, sive *ab homine* fuerit, complectitur.

II. Partitio summa (d) *Juris* est, in *Naturale* & *Voluntarium*, quod in scholis *positivum* vocatur. *Naturale*, quod hominibus innatum. *Voluntarium*, quod repertum & excogitatum. Hoc rursus aut *Divinum* (e) est aut *Humanum*. Et hoc vel *Gentium* (f) vel *Civile* (g).^{*} Utrumque *Publicum* (h) vel *Privatum*.

* *Grotius tertiam juris humani speciem addit d. cap. 1. §. 14. quâ tamen heic facile superfedetur.*

(d) PARTITIO SUMMA. Est verò Partitio in *Divinum* & *Humanum* æquè summa, & simplicior: (quia etiam *naturale jus*, quâ *Lex* est, ex *voluntate* Dei obligat.) nec tam *ambigui* sensus est, ceu in *Jure voluntario*, etiam quâ *Jus Gentium* attinet, occurrit; tum & vim *Imperii*, à quò *Legis* est auctoritas, rectius, quàm *Grotiana* illa, exprimit.

(e) DIVINVM. Sed & *Jus Naturale totum divinum*, ceu nec *omne* divinum est *voluntarium*; & quâ *hoc voluntarium* est, arbitramentò mediò *repertum* & *excogitatum* vix commodè dicitur. Tum & *Jus Voluntarium*, ut sunt ex illò *Ceremon.* & *Forense*, ad hanc disciplinam non pertinet.

(f) GENTIVM. Saltim non eò sensu *Jus Gentium* voluntarium dici seu *arbitrarium* potest,

ut *Jus Civile*. Quâ verò ratione *Voluntarii* appellatio eidem *adequate* non congruat: c. IV. dicitur.

(g) CIVILE. Hòc arctius adhuc patere *Jus* quoddam, *ab inferiori* quàm civili *potestate*, profectum, *H. Grotius I. d. J. B. & P. c. 1. §. 3. & 14.* comminiscitur, quod *Familiarum* & domesticum sit, *aquatorium* aut *rectorium*. Est verò id improprium, nec quodlibet imperium sive *Jussus* *Legem* conficit, quippe quæ non nisi ad *societatem perfectam* dirigitur. *Lex* tantum est *analogicè* *jussus* *Patris*, & quatenus ex *supernâ Lege* pendet. Sic etiam inter *maritum* & *uxorem* non est *Jus* per omnia *aquatorium*. *I. Cor. 11. 3.* Tum & si distinctionem hanc ad *Societates perfectas* applicare velis, (qualis ne quidem *Domus* est,) inter *Regem* quoque & subdi-

subditos æqualitas est, velut in contractibus; nec tamen inde *Societas*, (cui omnia superstruit *H. Grotius*,) *æquatoria*. *Æquum* verò etiam inter æquales est. Et quamvis *Rectoriam* dicere possis *Societatem* & *Jus Rectorium* quatenus cum subdito intercedit: tamen non minus *Rectorium Jus* illud erit, (etiam quod *pactis* vigorem conciliat,) quod Ipse æquatorium appellat: quoniam & hoc *supernò Jure* dirigitur. Videlicet omne *Jus*, quò *Lex* est, *recltorium Jus* est: quoddam *Jus*, quò *Facultas* est, (quem significatum *priori* acceptioni inferre non debebat, & cum eo confundere, *H. Grotius*,) inter æquales, quò tales, *æquatorium*: omne verò *Jus utròlibet sensu æquum* est.

(b) *PUBLICUM*. Est verò *Divinum* quoque *Jus*, quod in *Publicum* (§. 20. b.) & *Privatum* abeat. Est quoque *tale*, ipsum *Naturale Jus*; (d. §. 20.) nec omne *Jus Publicum* solum *Gentium* vel *Civile* est. Optimè *Romani*! quando *Jus Publicum* & *Privatum*, *systematicè*, & rectè quidem, accepta, (quoniam ad *constitutionem* *Juris* relata, quò

hoc ipsum pro *Lege* sumitur, non discernuntur:) ad distinctiones *Jurium* illorum non referunt. Hi enim, ostensò prius *Fine*, pulcherrimò *Doctrinæ*, *Justitiæ*, *Objectum* exhibent, in quò ista occupetur, *Jus* videlicet seu *Systema*; quod in duas illas *Positiones*, *Publicum* sc. & *Privatum*, distinguunt: & utrumque ex *Præceptis Juris N.G. & C.* compositum esse monent: quibus etiam hæc, quæ *Divini Juris* revelati sunt, superaddimus. Quòd si verò quem desiderium capiat distributionis *Jurium*, exactæ magis: hæc esto. *Jus* omne vel *Divinum* est vel *Humanum*. Hoc non nisi *Positivum* est seu *Civile*. *Divinum*, vel *Naturale* est vel *Revelatum*: *Naturale* tum *Primævum* & *absolutum*; quod & nomen suum meritò servat: & *Secundarium* seu *Hypotheticum*; *Jus* scil. *Gentium*. *Revelatum* verò tum *commune* est humano generi, & vel simpliciter, ut *Morale* seu perpetuum; vel suò modò, ut *Ceremoniale*, quod temporale fuerat: tum *proprium* *Populo Judaico*, estque *Forense*.

III. *Jus Gentium publicum* est, quod docet, quid in regimine (i) civitatum ex voluntate populorum (k) fas & rectum sit. *Privatum*, quod de rebus singulorum ubique *Gentium* cum ratione introductum est. Sub hoc comprehendi videtur id, quod inter diversas civitates (l) nec invicem nec uni subjectas imperio intercedit.* Tales enim nihilo secus quam singuli in statu naturali positi se habent.

* De quo *Grotius d. cap. i.*

(i) *IN REGIMINE*. Oportet regimen hic accipere, non modò *distributum*, (quò rat. etiam in una Civitate, & si vel nulla *Gens* alia existeret, *Jus* quoddam *Gentium*, & imò à singulis hominibus, servari potest,) sed & quò Civitas quælibet alias quoque Civitates respicit; & sic non minùs *collectivè*. Deinde voluntas *Populorum* intelligenda est *communiter*. Sunt enim plurima non nisi *Civilia*, & quæ cum ratione *particulari* introducta, à pluribus tamen *Populis*, sive per *imitationem* sive per *conventionem*, suscepta sunt; velut *Dotium*, *Feudorum*, *Servitutum personalium*, *Jura*.

(k) *EX VOLUNTATE POPULORUM*. Ostendam verò c. IV. nullum *Jus Gentium* propriè dictum pendere ex voluntate *Populorum*. Nec etiam *Jus*

aliquod, *Lex* scilicet, est à pari; sed *Superioris* est unicè: indeque *Jus* nullum *naturale* est, si per scelus supponatur, *Deum* non esse. Est quidem *naturalis origo Majestatis voluntaria* & à conventioneparium. Sed *Majestati constituta* inviti obsequimur, ut superiori. Non est *Lex*, velle majori parti in fundandâ *Republicâ* obtemperare; sed *pactum*, ex quò non *Jus*, ut *Lex* est, oritur, nec oriri potest; (secus ac introductâ jam in *Democratia* *Majestate*: nam ibi si majori parti paremus, *Majestati* obsequimur,) verùm *jus* ut *facultatem* notat: hæc autem facultas pendet ex *Lege* seu *Jure*, quod pacto robur tribuit, & pacto prius ac superius est.

(l) *INTER DIVERSAS CIVITATES*. Si quando ut *privati* agunt; v. c. in *Contractibus*. Itaque

Itaque refert tantum naturam Juris privati: Cum alias non protinus *privatus* sit, qui *singulus* est, atque si *Jus*, privatis conveniens, *persona reive publice* applicetur, privatum illud non sit amplius. Ceterum distinctio Jurium non tam ex *subjecto* & usu juris, quam potius ex fonte seu *efficiente* cu-

jusque petenda est. Nam & in *statu naturali* positi utuntur Jure illò *Gentium*, quod distributivum dicimus; cum non omne, saltem non distributivum illud, Jus Gentium requirat *gentem*, ne unam quidem.

IV. Jus Civile Publicum (m) est, quod ad statum (n) cujusque Reipubl. pertinet. * Privatum, quod ad singulorum in eadem civitate utilitatem spectat.

* §. ult. *Inst. de just. & jur. ibidemque jus privatum.*

(m) PUBLICVM. Efficienter omne Jus Civile est *Publicum*; maxime illud, quod evitare arbitrio suo civibus est impermissum: in quo jura *testamentorum* (v. l. 3. *qui testam. fac. poss.*) jurbus *conventionum* opponuntur. Sed *h. l.* Publicum est, quod tale est *simul objecto & fine* publico: quorum nec alterutrum per se solum ad hoc sufficit. Unde Dotium, Tutelarum & sim. Jura ad publica non rediguntur. Quæ tamen sicut ex objecto & fine ut plurimum *privata* sunt: ita quoties ad objectum finemque *immediate publicum* applicantur, & ipsa publica fiunt. Indeque Juris publici illa tantum *eximie* dicuntur, quæ privatis nun-

quam applicari possunt. Maximus verò *Privati* exhinc *Juris* præ publicò *usus* est, quod ad Personas, Res & Actiones, atque hinc ad *Judicia Publica*, quoadusque *communia cum privatis* fortuntur, applicari queat; non etiam publicum privatis.

(n) AD STATVM. Non tantum ad *formam* Reip. ex parte *Imperantis*, uti statum *Regium* v. c. dicimus; sed ut Status *totam habitudinem* Reipublicæ denotet, per quam illa possit ad perfectionem indoli & naturæ suæ convenientem ascendere. Et quidem si *Jus Publicum Systematicè* cum *Romanis* accipitur, quor. hæc definitio est: Status ille *formale Objecti* Juris istius constituit.

V. Nobis consilium est, delineare Jus Publicum Universale, (o) hoc quidem opusculo; Neque enim prius aut Publicum Jus Romanum, quod præcipue intendimus, aut Patrium, quod secundum illud, aut alterius gentis, nisi hoc præsumpto, solide collocari potest. Ita autem hoc agemus, ut non modo viam ad specialia sternat, sed & continuo singulis (p) suo modo civitatibus (q) applicari queat. Illarum sane exemplis (r) ita hæc generalia publice privatimque illustrabimus, ut neminem in dijudicatione ullius Reipubl. cujus situm noverit, ratio fugere possit.

(o) UNIVERSALE. Quod communiter & abstractè omnes Civitates *distributim*, (& vel una Civitas, ex ratione communi,) agnoscant: ut Majestatis, subjectionis; & vel Monarchicæ Majestatis, omnes Respublicæ Monarchicæ. Sic & Domini, Conventionum, Criminum, Judiciorum. Et tamen cum non modò *principia* Juri privato

communia, sed & plura, quæ exinde in jus privatum *deducuntur*, in his *Libris* reperias. Sint etiam in illis passim integri Articuli, qui ad *privatas* æquè personas & res, causasque pertinent; ut lustranti Libros istos facile patebit. Hinc usurpare hanc Institutionem pro *Systemate Juris Universalis*, utriusque tam *Privati* quam *Publici*, (& imò

imò hujus *etiam collectivi*, ut in Bellò, Pace, Fœdere, & sim.) nil impedit. Imò quia faciliùs *Publicum Jus Universale distributivum* seu Civitatum, ut hæc singillatim, extrà nexum cum aliis, positæ habentur, doceri potest *seorsim*, extrà Jus alterum istud collectivum; (quâ tamen ratione *nova disciplina* non est:) quàm ut à distributivo Jure Universali publico privati Juris doctrina separetur; à quò, ceu *communi* suâ ratione, Jus publicum, maximè distributivum, sortiri complementum suum oportet: quoties nim. Jus privatum personis quoque rebusve publicis applicari necessitas flagitat. Inde Jus Universale Publicum distributum illud, sepositò penitus *privatò* aut *communi* saltim jure, vix commodè tradere licet; idque vel ed quòd hæc quæ privati *Juris Civili*s sunt, non tam arcè publicis, ut *privata* *Juris Universalis*, cohæreant. Cæterum *Jus* istud *Universale* Auctoris est *objectum Artis*, uti hætenùs *Jus illud*, in distributione *Juris*, pro *regulâ* sumpti venit. *Ars* verò ejus Juris præcepta continet; & *habitus* inde quæsitus *Prudentiam* Juris Universalis conficit.

(p q) SINGVLIS CIVITATIBVS. *Individua* ex *speciebus*, v. c. Monarchici Regiminis, ipsisque generibus Imperii, puta, Subjectionis, &c. educta, sed *distributim*, intelligit: non quasi *Hugo Grotius* cæterique Jus Naturale illud unicè, cumprimis *Publicum*, scripserint, quod integris Gentibus *collectim sumptis*, *inter se* conveniunt: sed quod *seorsim* illud non tradiderint. Enimverò *H. Gro-*

tius, ait, *Orbi se scribere*, & proponit ea non minùs, quæ ad *singulas etiam Civitates*, quin & ad *hominum Individua*, quâ requirit hoc illa *Juris Universalis* disciplina, pertinent; ceu vel ex solâ *Capitum* inspectione liquet: utcunque se operosum magis in tractatione *Juris Belli* exhibuerit. Neque etiam aliud ille sub hujus, ut & *Pacis*, nomine, (angustiori scilicet, quàm doctrina ejus, se exhibet; quæ nec tantum *Juris Publici* est,) quàm pompam Libris suis & gratiam pro istorum temporum ratione, captavit. Quando autem *Libri* isti *Huberiani* aptius ad Doctrinam integram *Juris Universalis* dispositi sunt, & qui honorem *Juri Romano* servant, nostroque *Imperio* propius adhiberi queunt. Hinc non dubitavimus, eos cæteris in istò genere præferre, illosque in argumenta *Dissertationum nostrarum* *Juris universalis*, *Naturalis* & *Gentium*, assumere. Quâ quidem in re, quamvis non ex *Christianismo* scita istius *Juris* eruenda noverimus: (vid. *Schilterum de Prudentiâ Juris Christianorum*, & quæ cum *Pufendorfio* disceptata sunt:) Tamen hoc agemus, ut ne quid adversum *Divinis literis* asseratur, & cumprimis etiam disciplina *Hebræorum*, quatenùs ea cum communj illâ congruit, expendatur; ceu in hoc *Seldenus*, *Spencerus*, aliique jam præluxerunt.

(r) EXEMPLIS. Specimen habes *Universalis Jurisprudentiæ exemplaris*, in his quæ *Historiæ Civili* suæ subiunxit *Auctor Cl.*, exinde selecta. Quam verò exempla *vim* in hac disciplinâ habeant, posthac dicetur.

VI. Est autem hoc Jus Publicum ejusmodi, ut pari fere passu cum Politicâ ambulet. Unde à plerisque cum eâ confundi solet. Ut vix reperias ex recentioribus, præter unum *Lipsium (s)*, qui meram Politicam tradiderit. Neque ad nostram mentem, qui jus publicum universale (*t*) seorsim dederit. Differunt tamen (*u*) hæc *Ars* & *Politica*, ut alioqui *Jus* & *Prudentia*. Nam *Politices* est, actiones publicas cautè dirigere ad beatitudinem civilem. *Juris Publici*, ut facultas ejus, quod singulis in *Republ. ordinibus* competit, rectè tribuatur, & *justitia* in omni regimento custodiatur. Quod fieri posse existimandum, etsi *Plato ** omnia Imperia esse corrupta (*x*), & *Aristides *** *Republicam* multâ egere *injustitiâ*, dixerit. In Politicâ practicâ, difficillimum sanè est, non quidem fraudes apertas, quales ille ab *Hetruriâ (y)*

riâ (y), *** sed consilia leviter ab honesto devia, quæ & Belga no-
ster (z) **** admittit, ubique vitare. Sed Juris disciplina ab omni
iniquitate suâ sponte aliena est. Quanquam nuper extitit, qui flagitia
seculi & scelera dominationum ex fonte juris & naturâ civitatis, specie
philosophiæ, derivare instituit. *****

* In epist. ad amicos Dionis.

** Apud Plutarchum in vitâ.

*** Machiavellus.

**** Lipsius l. 4. polit. c. 14. n. 2. §. 3.

***** Thomas Hobbes (aa) in tract. de cive & Leviathan vernaculo.

(s) PRÆTER VNUM LIPSIVM. Et tamen ille ne quidem integram doctrinam Politicam (sal-
tim non partem Architectonicam, tradidit, sed so-
lùm Consultatoriam; imò ne hanc quidem per
omnia, sed tantùm quâ ad Principatùm ea respi-
cit. Jo. Frid. Hornius autem nostrâ ætate Con-
stitutivam illam, seu Architectonicam, persecutus
est: & utramque Boxhornius, ut & Bæclerus; qui
posterior tamen complura, quæ juris sunt, (in
quò & Bodinum reprehendit H. Grotius §. 57.
Proleg. d. J. B. & P.) immiscuit. De aliis ad No-
sitiam Imp. Rom. ipsius Bæcleri egimus.

(r) JVS PUBLICVM VNIVERSALE. nisi
quòd Anton. Perezius tale quid tentaverit. Spe-
cialia verò, sive singularum Rerumpubl. Jura hi
executi sunt, quos itidem ad dictam Notit. Imp.
R. G. designavimus.

(u) DIFFERUNT TAMEN HÆC ARS. Ita-
que definitiones, quas hactenus proposuit, (&
Juris sunt, quâ Regulam id notat,) ad Artem cu-
juslibet, ut & ipsa Juris Publici descriptio, aecom-
modandæ sunt. Quamvis Artem hîc habitualiter
accipi videamus, cum Prudentia Politicæ oppo-
natur, (quæ duabus istis Partibus A. & C. constat:)
pro Judiciariâ scilicet, sive Jurisprudentiâ. Cæ-
terùm discrimen inter hæc Prudentiæ species, ex
hic traditis, deprehendi vix poterit; quoties Po-
litica utilitatem æquitati congruam sectatur. Licet
verò Ericus Mauritius in Diff. de Principiis Juris
Publ. Germ. Politicam specialem nullam agnoscat,
& inde Politicam à Jure Publico, quòd illa se ad
Rempubl. quamlibet in individuo demittat, distin-
guendam esse censeat. Tamen sicut datur Politi-
ca, tum generalis seu universalis, (& non minùs

quæ ad nexum quoque Civitatum respicit, & Ju-
ri Gentium colectivo æqualis est: quàm quæ Civi-
tatum distributim spectatarum commoda curat;
& Gentium Juri distributivo opponitur,) tum spe-
cialis, v. c. Rerumpublicarum Aristocraticarum;
& imò Individualis. Ita ubique Politica illa à Ju-
ris oppositi prudentia studiosè discernenda est.
Videlicet (1) Politica Prudentia tantùm utile, quâ
tale est, respicit. Jus verò, seu rectius Jurispru-
dentia publica (nam privata non in his modò,
quæ nunc dicemus, sed in eò saltem, quâ priva-
ta est; per quod tamen & ipsa Prudentia in se pu-
blica esse non definit: multò evidentius à Pruden-
tiâ Politicâ distinguitur,) id considerat, quod æ-
quum est; & exhinc utile etiam publicæ rei existe-
re, & ex usu ejus esse potest: tantò magis, quan-
to non utique illud verè ex Reip. usu est, quod ta-
le videtur; & cum honesto seu æquitate pugnat.
Uterque verò, JC. & Politicus, actiones publicas
prudentiâ suâ ad beatit. civilem dirigit. (2) Poli-
tica etiam absque Jure & Legibus, saltem abstra-
hendò ab illis, esse potest; sed non etiam Juris-
prudentia. (3) Politica Leges sequitur, non quâ
Leges sunt, sed quâ commodant civitati: nec in eis
supplet, quâ id æquitas requirit; sed egreditur il-
las, quâ id exigit Reipubl. utilitas. In Jurispru-
dentia secus est: quæ Leges respicit, quâ justiti-
am illæ sustentant, easque supplet ex Juris fonti-
bus. (4) Politica instruitur ex mero arbitrio ratio-
nis; indeque decipi citius specie commodi publici
& aberrare potest. Jurisprudentia verò sequitur
scita universalis & definita morum, nec adeò faci-
lè in applicandò illa ad factum, probè cognitum,
labitur. (5) Illa Leges etiam aliquandiu negligit, &
dein-

deinceps impedimentô remotô ad eas revertitur. *Jurisprudentia* autem nil sibi indulget. (6) *Politicus* utilitatem *presentem* respicit. *Jurisprudentia* æquitatem, & utilitatem adedò *stabilem*, quæ inde sequitur; nec *utilitatem* idcirco nisi *per indirectum* attendit. (7) *Politicus*, ut *mediô*, utitur *Legibus*. Sed *Jctus* etiam ut *objecto*, quod interpretationi ejus subiacet. (8) *Politicus* suggerit materiam *ferendæ Legis*, quoad *utilitatem* & *expedientiam*. Sed *Jctus* eandem, quoad *æquitatem*, & *latas Leges*, *aliaque Jura*, solus ad factum applicat. Denique (9) *Politicus*, si *mutanda* sit *Lex*, defectum utilitatis detegit. *Jctus* examinat, num aboleri illa & substitui hoc, salvâ æquitatē, possit, quod *Politicus* suggerit. Interea Jus Publicum tam *ordinibus* singulis, quàm *singulis* etiam in his ordinibus prospicit; quâ membra Civitatis aut Gentium *publica* sunt. Sanè etiam in *Jurisprudentiâ practicâ*, (est v. uterque habitus non nisi practicus, & qui ad *singulas* actiones procedere debet,) difficile est, ut viam rectam teneas; & tamen qui abinde studiò deflectit, quis hunc *Jurisprudentiâ* uti dixerit.

(x) CORRUPTA. quâ rat. *civis* erit *bonus*, qui *Legibus* obtemperat, etiam in *statu corrupto*; maxime his, quæ *Juris Publici* sunt. v. quæ de *Comparatione viri & civis boni*, alibi ad *Doctr. Politicam*, differuimus.

(y) ILLE AB HETRYRIA. *Nicolaus Machiavellus*, (maculati velleris,) *Reipubl. Florentine*, tempore *Laurentii Medicæi*, sub finem *Sæculi XV.*, *Secretarius*: quem licet multi putent, non id, quod à Principe fieri debet, scripsisse; sed facta tantum *Tyrannorum* representasse: quin nec *malum* probasse Principem, sed aliquando solum non *bonum* voluisse; (c. 4. *Principis sui*.) *Fortune* autem nomine (c. 25. *ibid.*) Ipsum providentiam Divinam intellexisse. Tamen, post *Oratores*, *Dan. Heinsium*, *Orat. de Civili Sapienciâ*, & *Barlaam in Principe Machiavelli*, alii quoque integris *Tractatibus* advertunt, quàm *Ille* non tantum scelera Imperia tenentium recensuerit, (quod quidem *Tacito*, in *exemplis* tuendæ *Tyrannidis*, & *Xenophonti* in retinendâ *Democratia*, *Historicis* quippe, exprobrari non poterat;) sed & commendaverit, vel saltem non unâ & scientiam & odium ejus rei professus sit; quod in *Platone* & *Veteribus* aliis laudat d. I. *Heinsius*. *Adversarios*

nactus fuerat *Possavinum*, (qui tamen ne vidit quidem *Machiavelli* Librum,) tum & *Gentilletum*, *Bozium*, *Osorium*, *Ribadencira*, aliosque. Fuisse illum *imperitissimum*, solâ exceptâ *civili Historiâ*, *Campanella* scribit: & decessisse fertur in summâ pauperie, quam divinæ iræ in se concitatæ, ob consilia prava Principi suo data, attribuunt.

(z) BELGA NOSTER. Ipse *Justus Lipsius*. v. *Bæclerum* in *Disquis. de Libris Politicorum Ejus*. 1642. ubi hunc ipsius & alia loca, I. iv. III. x. 18. III. xi. 5. IV. ii. iii. iv. IV. vi. IV. vii. 12. IV. viii. 20. IV. ix. 17. & 62. & in cap. h. cit. cumprimis. n. 59. 84. 85. examinat; junctô *Hieronymo Sirturo*, in *Compendio Doctrinæ Polit.* J. *Lipsii* an. 1614. qui tam quoad *profana* ista, quàm illa etiam, quæ ad *Religionem* pertinent, plura in eò emendavit.

(aa) THOMAS HOBBS. vulgò; aliàs *Th. Hobbius*, (Noctua illa *Malmesburiensis*,) quem ubi ex *naturâ* hominis corruptâ, *bellicque indole* perpetuâ, res *Societatis* eruere & ad *Dominatum* deducere, inque finem illum *sacra* etiam ad *conceptus* suos *pertrahere* studuit, *Richardus Cumberland*, omnis impietatis, injustitiæ, nequitiae & discordiæ doctorem accusat. Expertus est, præter dictum *Cumberland* de *LL. Naturæ* *Adversarios*, *Templerum* in *Ideâ Theologicâ Leviathan*, & *Franciscum Julium Chopium*, in *Philosophiâ Juris verâ*: pluresque alios, in *Vitâ ejus*, anno 1681. editâ, designatos. Qui *hypothesin* ejus simpliciter tueretur, *sectatorem* neminem, præter unum *Lambertum Veltbuisen* in *Tr. Principior. Justit. & Decor.* *Amstel.* 1651. sed plures tamen *asseclas*, nactus est. Quamvis autem monitus *Hobbius* in *Gallia*, quod concesserat, ibidemque anno 1646. *Parisiis* suum de *Cive* Librum ediderat, ab amicis, (quos inter etiam *Gassendus*,) de *hypothesibus* suis fuerit; tamen ab his non destitit: in quibus etiam proponendis *ambiguum* se gessit. Nam in *Leviathan*, (quò nomine *Civitatem*, ceu *hominem artificialem*, cujus anima Princeps sit, intelligit; inque illo de maximâ formâ & potestate Civitatis, *Ecclesiasticæ & Civilis*, pro *Jure Regis & Episcoporum*, contra *Parlamentarios*, agit: *vernaculâ* primùm *Lingua*, seu *Anglicô sermone*; quò, ut ex *versione Thueydidis*, ab eòdem exaratâ, constat, potens fuerat; ab ipsò, jam ætatem 63. annor. agente, *Parisiis* etiam scriptò, sed in *Angliâ* 1651. editò, tum deinde *Latine* cum *Appendice* redditò,) *Philo-*

lofophiam suam, *cap. 14.* apertius quidem profitetur. Sed in *c. 2. de Cive*, Legem naturalem definit, per *dictamen rectæ rationis*: Et tamen hoc ipsò fallit, cum per rectam rationem, semet interprete, non facultatem infallibilem, sed actum ratiocinandi seu *ratiocinationem cujusque propriam* circa actiones suas, (quæ videlicet in utilitatem & damnum cæterorum hominum redundare possunt,) intelligat. Similiter in Libro *de Homine* (quem, ut & Librum *de Corpore* redux in Angliam scripsit,) *c. 14. §. 5.* Deum, ait, homini, quem rationalem fecerit, hanc legem inculpsisse, ne quicquam faceret, quod alium sibi facere iniquum ipse duceret. In *Præfat.* autem *de Cive*, iterum: *nullum dari justum & injustum*, ait, præter LL. Civiles, & in *c. 10. dist. Tract. de Homine in fin.* Leges & Pacta, inquit, ipsi fecimus, ante Pacta & Leges nulla justitia nec injustitia magis inter homines, quam inter bestias, *Natalem* habuit *Hobbius* annum 1588. *emortualem* 1679. sub *Carolo II. Rege nonagenariò major.* Scripta illius plura, quæ junctim edita sunt, adducuntur in *Vita* ejus, ubi & *inedita Hist. Belli Civ. inter Carol. I. & Parlam.* tum & *Liber de LL. Anglicanis.*

Atheismi jam superstes inculsatus, vindicias scripsit, sed ineditas. Denuò cum *Edoardo Herbert* de *Cherbury* & *Benedicto Spinosà*, in censum Atheistarum, sub tit. *Trium impostorum*, relatus est à *Kortholtio*, *Kilon. 1680.* Quòd si *Veteres Philosophos* requiras; ex quibus secta cumprimis *Platonica*, *Pythagorica*, *Epicurea*, *Peripatetica*, *Stoica*, respiciendæ sunt: *Historiam* illorum omnium *G. J. Vossius* præ cæteris exhibet, in *Lib. de Philosophorum sectis*; quem nuper, cum *supplem. & Auctariò*, (in quò & de *Christiana*, item *Scholasticâ Philosophiâ*, tum & de *Adversariis Aristotelis*, & *Eclecticis*.) accepimus. Nec minùs juvat recentes adire Scriptores, qui Veterum placita etiamnum illustrare satagunt; ut sunt, (præter eos, quòd *Platonica* recoquunt,) *Jo. Schefferus*, qui sententiam *Pythagoreorum*, in quam *Jcti Romani* de Jure naturali brutorum propè inciderunt, excussit. *P. Gassendus*, qui Philosophiam *Epicuri* repræsentavit, valdè *Aristoteli* adversus; ceu *Democriti* doctrinam *Petrus Borellus* examinat. De quibus aliisque, sicut *Instructorium nostrum Forense* plura suppeditat: ita de *Renato Cartesio* inferius *L. 1. c. 25.* quantum satis fuerit, dicetur.

VII. Constat hæc Ars præceptis Naturalibus, Gentium & Divinis, ut tamen & multum lucis ex civilibus (*bb*) populorum institutis accedat. De Jure igitur Naturæ ante omnia agendum.

(*bb*) EX CIVILIBVS INSTITVTIS. Quæ tam Civitatis, quàm Civilia: ita lucem solùm quidem, quæ communia sunt, ad præcepta, sed ut huic disciplinæ universali adferunt. *Gentium* Juris, pertinent; quæ propria, & non

CAPVT II. De Jure Naturali.

ARGVMENTVM.

Status integritatis è gentili & Christianâ doctrinâ quid differat. Pro sensu gentili adhuc eum superesse in sano rationis judicio: hoc rectè imaginis divina dici. Definitio Juris Naturalis Tulliana ejusque interpretatio. Esse id immutabile, etiam ut videtur, respectu DEI, utique in universum. Esse alia improprie Juris Natura eaque mutabilia.

I.

Vetustissimos mortalium nullâ malâ libidine sine probro & scelere egisse, etiam Gentiles credidere. * Sed ut magis esset ignoratio
B vitio-

vitiorum, quàm cognitio virtutum, nec aliud, quam mali nescia & adhuc astutiæ inexperta simplicitas. Neque plus originali integritati tribuere videtur validissimus doctrinæ civilis præceptor, *ὁ μέγας*. ** Sed è sacris constat, hominum primos à Deo esse conditos in iustitiâ & sanctitate efficaci. *** In quibus, juxta dominium in cætera terrena, Imago creatoris (a) relucebat. **** Quam si in mutuâ & eximiâ caritate illi custodivissent, vix opus fuerat imperio civitatis. (b) Nisi quod ad communicandas utilitates & confusionem vitandam ordo aliquis non fuisset non necessarius.

* *Sunt verba satis nota Taciti & Justini.*

** *Grotius l. 2. c. 2. §. 4.*

*** *Vid. Eccl. 7. v. 29. Ephef. 4. v. 24. Col. 3. v. 10.*

**** *d. v. 10. Col. 3. 2. Corinth. 3. v. 18. adde 1. Corinth. 11. v. 7. Genes. 1. v. 26. & seqq.*

JURE NATURALI. Dari Jus naturæ docet:

(1) *Conscientia* eorum, quos nullus metus Superiorum urget, (etiam Gentilium:) eaque (a) *antecedens* (seu de agendis & omittendis:) quàm comitatur lucta carnis & Spiritûs. (β) *consequens*: v. *Rom. 2. v. 13. seqq.* unde & pudor oritur, qui non potest non ex interno provenire principio. (2) Quia Civilium Jurium & Legum memoria extat. Ante igitur jus Civile aliam regulam extitisse necessum est. (3) *Consensus Sapientum & Populorum*. Neque enim *tota species humana* falli potest.

Quamvis autem *Joh. Caramuel* statuerit, potuisse Deum hominem condere absque Lege; tamen hoc omnino falsum est. Quia (1) Deus ordinem amat, quod *Iustitiæ* ejus convenit; neque liberum motum ab omni lege (quod & *sapientiâ* ejus indignum fuerat,) *rationali* cumprimis *creaturæ*, collatum voluit. At verò ordo non potest esse sine Regulâ. (2) in Deo acquiescit homo, nec quid potest verè diligere, nisi quod in Deo est; neque bonus esse, nisi Deum actu vel habitu diligat. Sed finè Lege contemptui ducere poterat Deum; à quo tamen principium habet. Equidem *Pufendorffius* *L. II. c. 1. §. 5. d. J. N. & G.* hominem idèò putat non potuisse creari ex legem, quia *hominis dignitas* hoc non admiserit: non & *prævitæ* & *varietas ingeniorum*: incultus item *naturalis* & *imbecillitas hominis*. At verò melior est ra-

tio, quæ ab ipso Deo desumitur: quòd hominem ad *imaginem* sui condiderit; ipse autem Deus non utique ex beneplacito, sed ante hoc per essentiam *justus* sit: per quæ non minùs ad locum *L. I. c. 2. §. 6.* respondendum est.

Cæterum, quando *H. Grotius* adèd Deum à *causandò* in jure Naturali seponit, ut licet per scelus detur, Deum non esse; tamen adhuc dari Jus Naturale existimandum sit: *Pufendorffio* quidem cum eo non convenit; quippe qui totam substantiam Juris Naturalis ex solò Dei beneplacito (quod quidem hætenùs à *Voluntate* distinguitur; ut istud faciliùs vertatur & in se mutabilitatem innuat; secùs ac voluntas,) educit. Quemadmodum verò & hæc *Pufendorffii* doctrina reproba est: cum dentur bona & mala *antecedenter* ad *Voluntatem* Divinam; (non quidem ratione causalitatis: nam tale quid de eo contipi non potest; sed ratione *objecti voluntatis*: sive, objectum intellectûs Divini potest ceu principium dirigens concipi, quòd sit ante voluntatem Dei, quæ conficit principium imperans:) puta, ut *per se* talia sint, adèdque in se honestatem vel turpitudinem habeant: non quia solùm ita voluit; cùm quidem aliter velle non potuerit, quàm congrueret sanctitati & iustitiæ ejus: siquidem dictamina illa fundantur non in proportionem; sed tamen in relatione ad integritatem illam Divinam naturalem, seu æternam: quæ antecedenter se habet. Ita abstractio illa *H. Grotii* locum

locum invenire non potest, ut abstrahamus sc. à Deo quoad existentiam ejus: quia *existentia* præceptorum *juris* naturæ, citrà dependentiam à Deo, nulla est: quippe quodd non tantum Lex naturalis ut *indicativa* respici queat; verum etiam in formâ *præceptionis* & *prohibitionis*: quæ nulla est absque *superiori*, ejusque voluntate. Unde, licet voluntatem Dei non excludamus à Lege Naturali, quâ talis est; & quâ *promulgationem* ejus: sola tamen illa non *causat* Jus Naturale; sed simul bonitas eorum, quæ præcipit, *intrinseca*. Quin & abstractio per præcisionem ab *essentiâ* Dei fieri non potest, (etiam ut scopus est Juris Naturalis,) in his quæ Deum respiciunt, ut colendum & glorificandum. Quid verò est, quod nuper effinxisse dicebantur Jesuitæ, *peccatum Philosophicum*; ut hoc esset Actus humanus, disconveniens naturæ rationali & rectæ rationi. *Theologicum* verò transgressio Legis divinæ libera. Et *Philosophicum* quidem in illo, qui Deum vel ignorat, vel de Deo actu non cogitat, non esse offensam Dei vel peccatum mortale, dissolvens amicitiam Dei, & pœnâ æternâ dignum. Sed vide de *Peccato Philosophico Jesuitarum*, perversè sententiam illorum à *Jansenistis* intellectam, *Seegerum S. j. Colon. 1690. 4.*

Nec tamen sufficit, nosse Deum Juris Naturalis Auctorem esse, nisi etiam dignoscatur, (nam & de hoc curiosius disceptant,) cuinam *fundamento* hæc auctoritas ex parte Dei, & necessitas obedientiæ ex parte hominis, innitatur? Nec enim acquiescunt, si dixeris: satis esse, quodd Deus sit, qui Legem hanc homini injunxerit. Itaque *Hobbesius*, qui *jus omne*, (facultatem & fundamentum ejus seu fontem,) à *potentiâ* in alium deducit, *jus etiam naturale ex potentiâ Dei irresistibili* petit. *c. 15. d. Civo, n. 5.* Cum verò potentia *per se* obsequium *internum & purum* non pariat: quodque rationem hominis convincat, *cur* parere debeat; sed hactenus *facti* sit, quodd oporteat ipsum obsequi. Potentia etiam, (saltem extrâ Deum, in se) arguat, si fieri queat, ipsam *oppositâ potentiâ* aliâ reprimi licitè posse: nec obsequium illud *natura humanae*, ut nec *sapientiæ Dei & justitiæ*, congruat. Hinc *Pufendorffius I. J. N. G. c. 6. §. 12.* vim obligationis J. Nat. ex *Beneficiis Dei* in hominibus deducit; eò quodd *voluntaria* subiectio in hoc Jure Nat. locum habere non possit. Quoniam verò obtemperare oportet Deo, non *nostri gratiâ*, sed quia Ille

sui causâ super omnia verendus & amandus est; indeque beneficia ejus nos solum ad obsequium, quod præter illa *jam ei debemus*, *invitat*: quin & plura sunt *obsequia*, quæ ad *Beneficentiam Dei* non respiciunt; ceu nec dici potest, hominem refractarium & inobedientem solum *ingratum* esse. Imò ipsa gratitudo *Legem* aliam supponat, quâ injungatur: & Beneficia solum *conditionem sine qua* non *gratitudinis* conficere possent. Quid quodd ea quæ Juris Nat. sunt *ergâ hominem*, satis oblique ex beneficiis Divinis educerentur. Hinc adhuc *Alii* sunt, qui *Eminentia Dei* auctoritatem illam Imperii tribuunt. Et sanè, si eò nomine intelligant, quicquid *Numinis* in Deo est, quod vereri homo possit ac debeat: assensum utique merentur. Omnino enim *velle Deus* justissimè potuit, (quæ *Lex naturæ* est,) ut *Sapientiam* suam ineffabilem, & Sanctitatem, & quicquid est Divinorum attributorum, homo vereretur, eisque actiones suas conformaret. Hæc sunt, quæ non solum suadent obedientiam, sed & explent omnem rationem & necessitatem subjectionis, ad *Legem* illam homini datam & ad Auctoritatem, unde illa profisciscitur, relatæ. Proinde non debet arcessi obligatio illa ex *Dominio*; & *herili* quidem. Nam licet ejus nomine *Imperium* intelligas; ceu quidem *Majestas* est in terrenâ potestate, (cùm *Dominium* quoque res creatas reliquas respiciat,) sicut inde *herile* dicitur; quod non est nisi in creaturam rationalem: Non etiam ad *Angelos* respicias, in quos & ipsos *dominium* habet Deus ex creatione. Oportet tamen ut *Dominio* huic *causam* eamque *justam* supponamus, ex quâ in hominem exerceatur. Hæc verò nulla alia est, quàm *Eminentia* illa, de quâ modò diximus. Sed hæc cùm ipsa jam *auctoritatem amplissimam* habeat, ipsumque *dominium* unâ contineat. Angustius etiam sit *dominium in hominem*, quàm ut omnem Legis naturalis ambitum exhauriat: imò facile in sententiam *Hobbesii* incidat; nisi quodd causam *justam* supponi velit, quam *nec injustam* potentia suæ *Hobbesius* circumponit. *Dominium* porro, ut inter homines est, ex *resignatione voluntatis* subsectorum in Principem constituatur; & hinc *modum* suum capiat: quicquid verò aliud *Dominio Dei* peculiare adjeceris, illud omne ad *Eminentiam* essentia Divinæ referri edque redigi oporteat. Indeque in esse Juris Naturalis non possit non vis illius & auctoritas à *tota Divinitate* pendere;

dere; quā illa *hominem, ad imaginem sui* conditum, respicit. Nam *Dei Majestas* non continetur finibus illis, quibus *Dominia* mundana circumscripta sunt. Quin & *bonitas ac malitia* actionum ad *Jus Nat.* relata non ex *dominio* illō pendet, ut in his quæ ab *Imperio humano* proficiuntur; sed jam à *naturā* est, indeque *Deus* ea jubet vel prohibet, nec aliter potest. De cætero rigidum esse videtur, non alii *vinculo* imputare obsequium hominis, quā quod is *berile dominium à Deo* sentiat: in quo vix est, ut in *Socinum* non irretiare; quem & *H. Grotius*, quando *Legem naturalem* ex eodem *dominio* deduxit, respexisse videtur. Denique non modò ut *Dominum suum* homo *Deum* revereatur; sed & ut *sapientem, benignum, justum, immensum, omnipotentem*, &c. indeque non solum ut *Jus in ipsum* habet. Hinc in *Eminentia* illā *DEI* meritò persistendum est.

(A) IMAGO CREATORIS. Quò rectius disponantur illa, quæ in tractatione hâc de *IMAGINE DEI* expenduntur: dicendum est (1) *Legem naturæ* non esse *Imaginem* illam *Dei*, (quæ & plura complectitur quā ut omnia ejus ad *Legem* illam referri queant,) sed potius *Imaginem* illam hoc esse, ad quod, ceu *normam* in actionibus humanis, attendendum esse jubet *Lex* ista *Naturæ*, quæ est *Vis* illa *Imagini* huic *superaddita*: siquidem *Imago* ista refert solum similitudinem cum attributis Divinis, Ipsa verò *imago*, quā homini eorum conformitas concreata est, *per se non præcipit nec prohibet*. Igitur *Lex naturæ* est *præcipiens* illorum, quæ, *Imagini Dei* congruunt, seu *objecti* illius, quod ad *Imaginem* ceu *normam*, expendi oportet. Sicut in *Lege Civili* *Vis Legis* *Voluntatem* Principis, ut *præcipiens* innuit, & *præceptum* ipsum continet. Hoc tantum *Jus* est, & *materia Legis*. Ex quo sequitur, non posse dici: *imaginem* numinis esse *Legem* illam *naturæ*: imò ne quidem quod sit *Jus naturæ*, h. e. *justum* illud, quod *Lex* illa præcipit vel prohibet; quin potius est *norma Juris* illius seu *justi naturalis*. Non etiam rectè dicitur, *Imaginem* illam esse *lumen rationis*; sed potius inde *lumen* affunditur *rationi*. Hinc cum extincta sit vel imminuta *Imago Dei* in nobis, adhuc tamen *integra* est *Lex naturalis*: & adhuc obstricti sumus agere secundum *lumen rationis*; prout hoc lucet ex reliquiis *Divinæ Imaginis*: quam *Christiani* ex verbo *Divino* perfectius

agnoscere possunt. Itaque nec *Lumen* illud rectè dicitur *Imago*: nec idem rectè dicitur *Jus naturale*; & ne quidem *Lex naturalis*. (2) Notandi sunt illi, qui *Legem Naturæ* ad *STATVM INNOCENTIÆ* exigendam volunt. Nam hi rem satis difficilem magis impeditam reddunt. Non enim idem est, *Jus naturale ad Imaginem Divinam*, ceu *normam*, *exigere* oportere; ut quæ huic conformia sunt, præcipere, & quæ ab eò devia sunt, prohibere, censeatur *Lex Naturæ*: & *Jus naturale* ad *Statum innocentie* oportere *exigere*: non tam eò quod *Status* ille primævæ integritatis brevissimo tempore duraverit: & vix ortus iterum defierit; (de quo & §. 2. b.) quā quod *Lex Naturalis* amplissima sit; prout *Archetypus* ille, *Lex æterna* scilicet, se habet: ut *Deus* quoque prospexisse ab æterno credatur humano generi, etiam cum lapsurus fuerat homo. Nam illa *Benignitas*, *Misericordia*, &c. cæteræque *Virtutes*, seu *Attributa Divini Numinis*, pro quolibet *Statu* hominis vigent semper: indeque *Typus* quoque, seu *Jus naturale*, ad *Statum* hominis lapsi se protendit; atque ea rectè ex illo jure deducuntur & deduci oportet, quæ ad *corruptam hominis naturam statumque* pertinent: ut tamen & sic ad *normam* eandem, quā *actu* & *perfectè* homo in *statu* integritatis utebatur, nunc quoque actiones hominum singulorum & *Universitatum* exigendæ sint. Uti que *bellum* in *statu* integritatis nullum fuerat; sed tamen *justitia* & *modus* ejus in *temperamentis*, item *finis*, *pax* & *concordia*. Non minùs *elemosynarum jura* nulla in eò *statu* exercebantur: nulla item *successionum*: & tamen *fontes* quoque illorum inibi reperiuntur; atque hoc *formaliter*, ut ut *applicari* nequiverint. Quod *superiori* parendum velit *Jus naturale*: idem injungit *partitionem Tyranno*. Nec aded plus *luminis* supervenire potuit homini cum *statu corrupto*, seu plura *præcepta naturalia*. Quocirca aliud seu *diversum jus Naturale* in *statu* *Integritatis* futurum fuisse ab eo quod nunc est: ut *alia* sit *norma integrorum*, *alia lapsorum*; non aliter dici potest, quā quod illa *Jura*, quæ ad *statum corruptum* quā talem pertinere poterant, *applicari* tunc quidem non potuerint. Quæ verò ad *statum integrum* pertinere, illa etiam in *corrupto* non sunt *alia*. *Formalis* quoque *ratio Legis naturalis*, in esse *præipientis*, eadem mansit: tum & *complexus præceptorum*

nunquam non *integer* esse potest; saltem quòd præcepta illa, quæ ad statum corruptum apta fuerant, *objecto applicationis caruerint*. Quid quòd in statu integritatis *Leges* datæ fuerint, ex quarum *neglectu status corruptus sequi* potuerit. Neque eò quia Lex naturæ in statu integritatis primum data est: idcirco solum pro illò statu data videri potest. Imò nunc etiam in quolibet homine lex illa promulgatur, pro statu ut corruptus est: eademque ad *imaginem Dei* adhibens se refert, quantumvis ea deperdita & corrupta sit. Denique præcepta illa, quæ dicunt esse *naturalis Juris secundarii*; eaque pro certò rerum statu obtinere debuisse, (quò quidem, licet perperam, referunt prohibitionem conjugii inter fratrem & sororem,) etiam in statu integritatis locum habitura fuisse, si diutius durasset, ut largiantur, necesse est; quæ tamen & ipsa non absoluta, sed *hypothetica*, sunt.

Ut verò exactius constet, quidnam *Imago* illa *Divina* fuerit. Ideò dicendum est: fuisse illam *positivum* quid; contra *H. Grotium*, (quem & Auctor *b. vers. sed è sacris*, rejicit:) qui *simplicitatem meram*, & *negativum* quid, substituit: cum tamen integritas Dei, quam refert *Imago*, non sit negativum quid, quò homines tantum non mali, adeoque non *boni* fuerint; ipse *textus* quoque *authenticus* hanc doctrinam perimat: & *nuditas Parentum* non in simplicitate, sed in puritate affectuum & temperamenti perfecti, posita fuerit; tum & *communio rerum*, quam tantoperè affectabat *Grotius*, nulla asseri queat. Constitit verò *Imago* illa quoad *Essentialia*, in exquisitâ notitiâ boni & mali, & perfectâ cupiditate ac vi agendi salutariter; secundum virtutem ac voluntatem Dei: quæ cum ad vitam *Spiritualem* pertineant, planè *deperdita* sunt, ne humanis viribus recuperari possunt; utut illa per *renovationem*, seu remedia spiritualia, imperfectè in hac vitâ recipiamus. *Ephes. 4. Coloss. 3.* *Accidentalialia* verò pertinebant, vel ad *Civilem* vitam, vel ad *naturalem*. Illius pars fuit *Dominium* in creaturas. Ad *naturalem* spectat, quoad (I.) *animum*: quòd (α) *Intellectus* polleret eximiâ rerum scientiâ: quò *principia Theoretica*, etiamnum relicta, referuntur. (β) *Voluntas* virtutibus instructissima esset; quò *principia practica* respiciunt: eoque *Reliquia* referri debent, quæ non minùs hujus loci sunt, communes sc. etiam non regnitis. In hac quidem *Imaginis Divi-*

næ facultate (cujus amissio seu corruptio in ipsis quoque *Facultatibus*, *Intellectus* & *Voluntatis*, non solum in *affectibus* & *usu* habituque inde contractò, consistit,) *reparandâ*, cum maximam partem & ipsa deperdita sit: generis humani studiis, per plura etiam *objecta* sensim *exorta* occupatis, laboratum est, & in hac porrò quoad vires suggerunt, laboramus. (II.) Quoad *Corpus*: passionibus id exemptum erat atque mortis periculo: Et hoc ex toto amissimus.

Equidem Auctor *b. §. 1.* *Imaginem Divinam* eam videri posset unice ad *spiritualia* referre, seu ad ea, quæ illius essentiam conficiunt. Cum verò etiam *Dominium* in terrena adjungat; quod accidentale & quidem civile est: oportet addi *naturale* etiam animi; quod alias à *justitiâ* & *sanctitate* illâ, quam *efficacem* vocat, omninò secernitur. Cæterum, quando Idem in *justitiâ* & *sanctitate* *Imaginem Dei* constituit: qualia omninò sunt illa *spiritualia*; nec ad ea, quæ in istâ *naturalia* dicimus, aliter quàm per confusionem, referri queunt: (ceu nec seponi possunt, quòd fecisse videtur. *§. 3. b.* ibi: *exquisitiore sensu*, in inquirendâ *Juris Naturæ* origine; quò quidem inde, quoad perfectionem omnimodam, utique pendet; ceu ex post dicendis apparebit:) non potest dici, non extinctam fuisse *Imaginem Numinis*: (præterquam in naturalibus.) Atque hinc distinctè potius dicendum est: extinctam utique esse quoad *spiritualia*; imminutam solum quoad *naturalia*. Ita tamen, ut quoad *spiritualia* notitiam ejus teneamus, & virtutem quoque illius recipiamus imperfectè in hac vitâ: *naturalis* verò, quoad *animum*, in se reparabilis sit. Quà propter in *perfectiōne* absolutâ *Christiani* & renati solum possunt *Juri Naturali* operam dare; sed *Gentiles*, solum in *perfectiōne naturali*. Equidem contra *Jus Naturale perfectum est CONCUPISCENTIA*: est quoque eadem contra illud, quâ in *perfectiōne*, quoad *naturalia*, consideratur. Sed non *profunditate* eâ, quam revelatum *DEI* verbum recludit; & quæ *Juris perfecti* *naturalis* est. Nam & *Apostolus Rom. VII, 7.* cognoscebat quidem, *concupiscentiam*, in mala opera erumpentem, esse peccatum, & interiores motus, voluntatis concursu, reprobos esse; sed tamen non cognoscebat, nisi ex *Lege*, *radicem* & malum *concupiscentiæ habitualis*: quippe quòd non nisi *spiritualis* &

reginitus cognoscit. Illa verò involuntaria habitualis, in Præcepto Decalogi X. actualis in IX. interdicta est: *Voluntaria* seu *πεγαίεσται* præceptis reliquis. Interea naturalis etiam facultas, quæ Imaginis divinæ est, *uniuersos*, quantum satis est, ad *integritatem Juris Naturæ* assequendam, de Bonitate & Justitiâ Dei instruit; secus non possent dici habere *congenita Juris Naturæ principia*.

Quamvis autem Pufendorff. L. II. c. 3. objiciat, *Gentes non admissuras*, si dicamus Legem naturæ, ad imaginem Divinam, expressam esse. Tamen (1) *Patres* ex hoc principio contra eas disputarunt. (2) Ipsi Gentiles ex sanâ ratione docuerunt, quod homo per virtutem, seu per intellectûs & voluntatis debitam conformitatem, Deo similis reddi debeat. (3) Deus finis noster est, & in eo originî nostræ hæremus. (4) Licet Ethnici persuaderi non possint: primum hominem perfectâ integritate usum fuisse; tamen credunt: hominem se conformem reddere debere Deo. Instat quidem Pufendorffius, d. l. non posse dici: ita esse Legem Naturæ ad divinam essentiam expressam; ut *quomodo Deus se gerit erga homines*, ita etiam hi se debeant gerere *inter se*: quia aliter se gerat Deus erga homines, quàm homines inter se, & erga Deum. Sed Resp. Quamvis Lex naturalis *gratitudinem* v. c. à nobis erga Deum & proximum exigat; cum tamen *nulla à Deo* possit exigi. Tamen nec à nobis, nisi in *beneficos*, exigitur: quæ obligatio, ejusque æquitas, in Dei quoque *Justitiâ* fundamentum habet. Deinde non utimur eò jure, quò utitur *Deus* in relatione *ad nos*: neque hoc etiam Deus nobis præscribit; quanquam haud dubiè illud etiam *essentiæ ejus conforme*, nec inordinatum sit; sed jus, quò nos debere uti Ipse nobis præscribit, ut sancti simus; sicut ipse Sanctus est: *Levit. XI, 44. & XX, 7. & 26. I. Pet. I, 16.* atque vult ut *attributa* divina respiciamus & imitemur illa, sub nomine *virtutum*; in relatione ad ipsum Deum & proximum: siquidem ad imaginem Dei conditi sumus, *Ephes. 4.* Videlicet *Sapientia*, *Justitia*, & *Sanctitas* in Deo, sunt causa *exemplaris* Sapientiæ, Justitiæ & Sanctitatis, *primis hominibus* concreatæ. Quanquam igitur non fuerint hæ in primis hominibus eò *perfectionis* gradu, quò in DEO sunt. (Est enim *Sapientia* in Deo infinita, & *Sanctitas* in Ipso conjuncta cum impeccabilitate; multæque aliæ in eo *perfectiones*;

ut immensitas, potentia, æternitas, &c. quæ in homine non reperiabantur.) Tamen sufficere debuit, si ad *exemplaris* imitationem *effectus* quocunque modò, & licet non ex parte omni, productus esset. Ulterius *objici* potest: Excellentius esse *jus Dei* in homines, quàm hominis in hominem v. g. Deus habet jus vitæ & necis in hominem absolutè; non homo in hominem. Resp. nos Jus pro *regula* sumere: in Objectione pro *facultate* accipitur. Et imò quando accipitur pro *regulâ*: imitari adhuc Deum possumus; licet non in gradu tantæ perfectionis.

Cæterum Imaginem illam divinam intendit *LEX ÆTERNA*: hæc verò est *Conceptus* Divinæ mentis practicus, secundum quem Deus *res à se conditas*, sanctitati, bonitati & justitiæ suæ convenienti ratione, gubernare intendit. Alii etiam Definitionem Legis æternæ (*ad homines*) hanc exhibent: quòd sit *norma*, quâ Deus secundum Bonitatem, Sanctitatem & Justitiam suam homines potissimum, seu creaturas intellectuales, gubernat; sive quòd sit æternum & immutabile intellectûs divini *judicium* de actionibus, quæ naturæ *rationali* necessariò conveniunt, committendis; quæ verò ei disconveniunt, omittendis, conjunctum cum *decreto*, ut illæ ab agente rationali fieri, hæ autem intermitteri debeant. Non ut *Idea* aliqua per Legem hanc ponatur, quam Deus intueri necesse habuerit, Leges Naturales laturus: quippe quòd *ex se* noverit Deus, quæ rerum idea fuerit; ipse sapientissimus. Nec adeò Deus *Legi cuidam subest*; sed loco normati consistit, *Lex Ipse* sibi perfectissima: ceu nec facit *dependentiam*, quando quid in signo rationis antecedit; prout nec intellectus Dei sit dependens, quòd objectum dicatur eum in signo rationis antecedere. Unde non dicitur *Lex Dei*, quasi foret regula & mensura actionum Dei; sed potius essentia ejus est ratio dictaminum Dei practicorum. Videlicet norma & normatum est Deus, & imò ipsi actûs Dei norma sunt, & quasi Lex Dei. Unde licet in divinâ mente Decretum voluntatis de agendis præcedant, ordine rationis, dictamina practica; Legis tamen rationem, respectu divinæ voluntatis, non habent: cum non præcipiant, seu voluntatem superioris indicent; sed quæ sit ratio agendorum significant, habitudinem scilicet actionum ad essentiam Dei. Et naturalis illa rectitudo est iuxta Legem, i. e. quod nobis Lex est:

est: Deo est ipsius natura. Proinde veluti *dictamina* illa rationis divinæ practica in ordine ad ipsam divinam voluntatem non habent rationem Legis; sed dictant, quid Deum ex ratione essentiae suae velle deceat: ita etiam, in ordine ad voluntatem creatam, non habent rationem Legis; donec divina voluntas accedat. Quæ quidem promulgatio fieri ante hominem conditum non potuit; licet nihilominus Lex illa ab æternò vim suam ac potentiam habuerit. Neque tamen voluntas Dei, per Legem significata, sola est & adæquata norma actionum bonarum & malarum: siquidem de bonitate actionum judicare etiam possumus; ne quidem cogitandò de proximâ & immediatâ directione Legis divinæ. Ut adeò, licet nulla Lex lata fuisset; tamen differentia actionum, seu moralitas earum in se, potuisset ex ipsâ rectitudine & sanctitate Dei naturali, antecederet ad Divinam voluntatem, (seu promulgationem Legis æternæ in cordibus nostris,) cognosci. Nempe Moralitas ipsa actionum, quæ honestæ possunt dici & rectæ, potest concipi ante ipsam Legem æternam; quæ moralitas illa absolute spectatur. Sed quæ necessitatem habet, ita in actu primò fundatur in Lege illâ Dei immutabili, quæ ante omnem creaturam extitit: quoad actum verò secundum in promulgatione illius Legis, quæ facta est in Creatione hominis, & hodiernum fit in generatione nostrâ. Equidem peccatum anomia dicitur: quò ipsò ad νόμος seu Legem refertur. Interim & sic anomia est, quando dicimus, actus honestos & turpes dari antecederet ad τὸν νόμον: quippe quòd non modò Lex sit expressio voluntatis divinæ; sed simul etiam typus & exemplar rectitudinis Dei. Quare non potest fieri transgressio Legis, ut non etiam simul mediata lædatur sanctitas Dei naturalis. Et quamquam Lex quoque positiva Dei congrua sit ejus sanctitati & sapientiæ. Attamen id magis negative se habet. Imò cum ista ex voluntate Dei simpliciter profluat, in re per se mutabili. Hinc antecederet illa ad voluntatem divinam se non habet.

Et ex his utcumque de DEFINITIONE Juris Naturalis judicare licet. Nam Hugo Grotius L. I. c. 1. §. 10. illud per dictamen rectæ rationis minùs rectè definit: cum (1) dictamen sit actus transiens. (2) Si pro dictatis accipitur, non exhaurit definitum: quoniam hoc non præcepta solum, sed & præcipiens notat; nisi dictamen acci-

pias eò sensu, ut & Legem notet & contenta Legis; & sic dictans & dictatum. Ita verò (3) adhuc ratio dictaret, jus esset dictatum: & tamen ratio non est recta, nisi per ipsum jus naturæ; & huic substernitur. Neque etiam convenientia vel disconvenientia cum naturâ rationali est regula, sed potius convenientia vel disconvenientia eum voluntate divinâ; quæ naturam illam informat. Non etiam rectè definitur, per omne, quod actionem notat: ceu nec est potentialis qualitas; sed habituale quid. Rectius & simplicius fratre suò Wilhelmus Grotius c. 1. de Princip. Jur. Nat. §. 10. quòd sit Lex, quam Deus, ut naturæ auctor, omnium mortalium cordibus inseverit, ad discernendum honestum à turpi; illud jubens, hoc vetans. Est utique Lex naturæ supperadditum quid intellectui humano: indeque male Scharrokius, quòd sit vis animæ nostræ, seu intellectus: nam is aberrare potest. Male etiam alii ipsam potentiam, & vel intellectum vel voluntatem seu appetitum rationalem esse: nam & hic præterea necessitatem principiorum dare non posset. Quin potius est, Vis, animæ rationali congenita, ei rectum & bonum, ex concreatâ imagine divinâ, repræsentans, & inculcans simul, quod sequatur aut fugiat. Aliqui definiunt per ipsam Legem æternam Dei, quæ hominem spectat, in cordibus nostris promulgatam: Nam Lex illa æterna archetypa est; Lex verò naturæ cordibus hominum implantata, est Lex eotypa, & Legis Dei æternæ quædam participatio. Item quòd Jus naturæ sit Regula quædam (eò quòd etiam antecederet ad Legem justum sit, quòd ingerit:) firmiter homini infixa, indicans quid ex se sit justum & injustum, & ad prius sectandum, ad posterius fugiendum obliget. Dicitur infixa, ut habituale quid: Justum verò præscindit ab actu spirituali, morali & civili, ut ad quemlibet statum congruat. Alii iterum definiunt, per vim quandam innatam mentibus humanis, quæ præcipiat, quod Legi æternæ conveniens, & prohibeat, quod eidem repugnans sit. Et vim quidem non oportet accipere, ut magis ad voluntatem Dei, quam ad moralitatem actus, antecederet ad eam, respiciat; quamquam per verba Legis æternæ satis rei consulatur.

Discernitur autem facile Jus Naturale ab Assertionibus rectæ rationis. Nam assertum rectæ rationis nihil exigit, nec præceptum infert; sed solum

solum objectum est intellectus: & hoc, quod verum vel falsum est, de re vel scientificâ vel practicâ, monstrat; ut: bis duo esse quatuor, virtutes esse bonas. Atque hæc quoque sunt *notitiæ* impressæ, antecederent ad exercitium rationis.

De *DISTINCTIONIBVS* Juris Naturalis si quæras: Distinguit *Zieglerus*, cum communi scholâ, Jus Naturale, in *Præmum & Secundarium*. Illud dicunt, quod cum origine generis humani coeperit; cujus principium dicunt esse *ὄν* seu *ὄντισιν* aut *ὁλκυσιν*, quæ *sinè discursu* judicet. Hoc verò esse, quod natura docuerit, per illationem certæ consequentiæ; cujus principium sit *Ἀλογία*, *λογισμός* seu *Ἀλογιστική*: quæ *per discursum* ex collatione rerum quid colligat. Hoc oriri non ex naturâ ipsius rei, sed *ex suppositione* talis *status* aut *conditionis*: & coincidere hoc ipsum cum *J. Gentium præmum*. Sed perversè omnia. Nam (1) Jus naturale non est *sinè discursu*. (2) etiam, quæ ad certam *hypothesein* respiciunt, primo homini *connata* fuere; utut *applicatio* eorum ante objecta sua fieri non potuerit. Hinc rectius Jus Gentium *præmum* dicimus: quod utrumque illud, *etiam absolutum*, quod dicitur, contineat: quippe quoddam *Gentium* non dicatur jus, eò quoddam necessariò Gentes ad exercitium sui requirant; ut *Gentium* illius *secundarii species* altera, quæ *colligendi* juris est. Malè etiam refertur communiter ad Jus illud naturæ hypotheticum, prohibitio *conjugii* inter fratrem & sororem. Nam hæc prohibitio nullius Juris naturalis, sed solum *Civilis* est: quæ sensim aliis quoque Civitatibus, utut non omnibus, & ne quidem cunctis moratoribus, placuit.

Porro quædam dicunt cum *H. Grotio* Juris esse Naturalis (I.) *reductivè*: qualis sit furti prohibitio; postquam ex ejusdem *Grotii* sententiâ, (II. c. 2. §. 2. & *alibi*.) falsâ quidem illâ, à *communione* rerum abscissum fuerit. Nam ita Jure Naturali etiam turpe factum esse dicunt, alienam rem, qualis demum post distincta dominia fuerit, invito Domino furripere. Et tamen inanis illa est *reductio*: quam adhibere quoque solent in his Capitibus, quæ Juri Gentium secundario adscribuntur. Equidem quâ ratione Jura tam *Personarum* quàm *Rerum*, imò *Actionum & Judiciorum*, ad Jus quoque Naturale, (de *Statu naturali* distinctius alibi agitur,) pertineant, ad *Tit. Inst. d. J.*

N. G. C. expositum est. (II.) Aliqua *negativè*; ut est stipulatio, & omnia, quæ *non contra jus Naturale* sunt; quamvis merè positiva seu civilia. Nam ita quoque prohibitio venationis promiscuæ civilis est; prout ipsa venatio promiscua, non positivè sed *negativè*, Juris Naturalis fuerat: cum hoc ipsum de eâ nil planè disposuisset; neque adeò, ut quilibet venaretur, prohibuisset: relicta in mediò eâ facultate.

Sed an etiam nonnulla *suasoriè*, Juris Naturalis esse dici oportet? Sub quò schemate multas quidem doctrinas reprobas *Moralistæ* tegunt, & vel ipse *Grotius*; quasi *Charitas*, aut *Generositas*, quid suadeant, quod Jure naturali non adeò præcipiatur: v. c. ut interfici me patiar potius, quàm ut aggressorem, cum periculo æternæ ipsius salutis, enecem. Imò verò nullum est *jus naturale* suadens seu *suasorium*. Nec suadet Jus naturale, ut à nuptiis consobrini, aut viduæ avunculi, abstineas. Nil penitus de matrimonio hoc in finibus Juris Naturalis. Et quanquam multa sit *jectatio* de *Gradibus Honestatis* in Jure Naturali; uti magis v. c. commendari debet is, qui remotiori, quàm qui propiori gradu, licet Juris Naturalis permisso, matrimonio sibi mulierem jungit. Non tamen istud ad *moralitatem* ipsam quid attinet. Nec magis gemma est, quæ major est, licet pretii sit majoris. Non etiam magis est Juris naturalis, quod præstantius objectum aut majorem contingentiam habet; quin potius rectitudo juris *in se* unius generis est. Eòque pertinent quæ de gradibus beatitudinis æternæ tradi solent. Interea ob studium majus, Honestatem sectantium, ad laudem & concelebrationem, tum & remunerationem, istud vergere debet. Et hætenus *Gradus Honestatis* dici possunt. Denique Divisio illa *Præceptorum Naturalium* quâ in *Affirmativa*, & *Negativa* distinguuntur, à *Conceptione* illorum desumpta est. An verò ad rem ipsam quid faciat? Qu. Communiter tradunt, præcepta *Affirmativa* semper obligare; sed non ad semper; i. e. non obligare omnes homines nec omni momento. *Negativa* verò, seu negativè concepta, utrinque. Verum istud multas exceptiones patitur. Nam præceptum: Deum esse colendum, ad semper obligat. Imò Suum cuique tribuendum, quò tota *Justitiæ* ratio absolvitur, ad semper obligat. *Negativorum* quoque jurium obligatio quandoque ad tempus

pus à Superiori suspenditur, & sunt non minùs illorum, ut affirmativorum, subordinationes. Indeque illis dictariis frustra quis immoretur. Denique sunt quædam jura quæ ad omnes, alia quæ ad hos tantum, qui in particulari societate vivunt, pertinent.

Equidem de CAUSA EFFICIENTE, seu fonte Juris Naturalis, ex modò dictis, satis constat. Sed & falsas sententias distinctè ut refellamus, oportet præteritum est.

(I.) Malè ex *Naturâ humanâ* Jus naturale petit Pufendorff. *Lib. II. c. 3. d. J. N. & G. n. 14.* hûc argumentò: Quæcunque media ad salutem conducunt, illa sunt juris naturalis: Media à *naturâ humanâ* producta ad salutem conducunt. E. &c. *Resp. Neg. Min.* *Natura* enim non est causa efficiens, sed *objectum* mediorum: non regens est, sed *regibilis*; nec potest habere in se *imperium*. Ulterius, natura potius est *sedes Legis*, quàm Lex ipsa. Denique, non statim Lex est, quod habet rationem qualiscunque *regule*: nam non quælibet regula habet rationem *precepti*. v. g. Necessitas corporis est mensura temperantiæ; sed non est Lex: item, indigentia pauperis, & facultas dantis, sunt mensura eleemosynarum; sed non sunt Lex. Neque omnes *actus naturales*; ut edere, bibere, dormire, (quæ suò modò etiam media salutis sunt,) &c. sunt statim juris naturalis.

Sic & qui Pufendorffium sequuntur, ad investigandum Jus naturale, (sepositis illis, quæ de *statu integritatis* in Sacris litteris prodita sunt,) hominem talem supponunt, ut nunc est; vel *statum præsentem* totius *humani generis*: ac *figendum* esse volunt, homini de Verbo Divino nil innotuisse; sed *judiciò suò* necesse ipsum habuisse, ut de ratione, quâ *Societas* humana consistere posset, circumspiceret. Ad hanc normam reperta, pro *jure naturali*, & *cynosura* actionum in illò statu, habenda esse. *Fingi* autem posse, salvâ *religione Christiana*, etiam ea, quæ Deus nobis revelaverit aliter: cum prima pars propositionis nil ponat; ut in hac v. c. si asinus volat, habet pennas. Et tamen inde *consequens* inferatur. Nec posse *Paganum* aliâ ratione de dictatis Juris Naturalis persuaderi.

Quamvis autem Jus Naturale ad omnes spectare debeat, & omnibus inculcari; eosque ex eò convinci posse oporteat, citrà discrimen Religio-

nis. Non tamen cuiquam proponendum est tale quid, quod verbo Dei adversum est. Non enim est *sana ratio*, quæ illi non congruit; sed num congruat eidem vel adversa sit, cognosci, nisi ratio ad illud exigatur, non potest. Fingas etiam licet hominem corruptum, ut nunc est, projectum undecunque in mundum,ingas simul plures ut fungos è terrâ productos esse: quodnam alii inde *Jus Naturale* demonstrabis, nisi *imperfectum*, imò *vacillans*; finè *lumine* scilicet idoneò, quò uterque carebitis. Volatum è pennis educere licet: non licebit jus naturale, quod *ratione purissima* niti debet, ex statu elicere: quem juvare non nisi *rectitudo* illa potest, ex *cujus amissione* corruptus est. Ne dicam ad *prudentiæ* quæstiones rem eventuram, quid Societati sc. expediat. Et verò ea rationem necessitantem aut certitudinem irrefragabilem inter omnes non habent. Non poterit etiam *corruptio* naturæ penetrari, nisi de *rectitudine* ejus constiterit; ut nec constare Medico de ratione morbi, qui non oppositum perspectum habuerit, ad quod ægrum perducere studet. Nil denique ad Jus illud *Paganum* proficit, quod *fingi* possit, plures homines simul facultatem Domini ab initio habuisse: etiamsi tantum unus illud habuerit homo. Neque enim hæc fictio adversa est *habitudini* acquirendi Domini: cum & omnes habere eam simul potuissent; sed *numerum* tantum acquirentium fingit. Ex hoc verò non sequitur: ergò *totum Jus naturale* ex *ficta hypothesis*, & *corrupti* quidem *hominis*, ut & corruptæ rationis *judiciò*, extruendum & Christianæ doctrinæ, quam in talibus nec paganus repudiaverit, eò quodd *sana Philosophiæ* optimè congruat, præferendum esse. Nam nec aliàs *Philosophia* sibi sufficit; quæ plura ex Divino verbo *incrementa* sumsit. Neque enim v. c. discrimen inter essentiam & substantiam singularium substantiarum reale esse, Philosophis innotuisset; nisi hoc ex revelatione Divini verbi constitisset. Quinimò ne quidem *Jus Gentium* ex corruptâ naturâ humanâ educi debet. Nec enim ex *objecto*, circà quod versamur, *principia* auxilii desumere necesse est.

(II.) Non est *Natura humana* Principium Juris naturalis, *quatenus est rationalis*. Nec enim hæc legaliter præcipit, sed realiter: quia actiones malæ cum ipsâ sunt moraliter impossibiles. Non efficienter se illa habet ad jus naturale; sed

subjectivè: nam hominis naturæ rationali inscripta est Lex naturæ. Et hinc rationalitas congruum quidem reddit actum naturæ nostræ; sed non imperatum. Non jubet illa, nec auctoritate prædita est, *intensivè* deficiens: tum & *extensivè* deficit, quia ne quidem in Sapientibus, quoad conceptum specificum, eodem modò se habet.

Non etiam (III.) *natura humana* est principium Juris Naturalis, *quatenus illa est Socialis*. Nam (1) Socialitas, (malè *Pufendorff Sociabilitas*, corrigendò *Aristotelem*; cum tamen infantes jam sociales sint. Et quamvis homo affluentiam omnium bonorum haberet; tamen si *socio* destitutus esset, infelicissimum se esse sentiret haud dubiè:) nihil homini præcipit, sed præcepta est; atque stimulat tantum hominem ad actiones virtuosas; neque præcipit sibi ipsi appetitus socialis. (2) Socialitas potius ob utile instituitur primariò, & ob necessarium; non ob *honestum*: quam utilitatem etiam promovet. Id verò non intrinsecè bonum vel malum est; sed indifferens. (3) *Cultus Dei* ex socialitate non pendet; & tamen ille est maxima, earumque præcipua, pars Juris Naturalis: ita ut vita socialis à Religione vinculum sumat. Neque etiam Deus coli vult propter socialitatem; sed propter se ipsum. Et falsi sunt, qui obligationem hominis *ergà se ipsum*, intuitu Dei, ne quidem ad Jus Naturale pertinere volunt; indeque nec *Religionem naturalem*. Quasi Religio sit *presuppositum*, cum non habeat socialitatis rationem. Nam illi, dum ad socialitatem exigunt Jus Naturale, per hoc illud parte suâ præcipuâ imminuunt: cum tamen, si vel maximè hominem ante societatem, eumque ratione obligationis, quam sibi debet, in officiis *ergà Deum*, respicerent: ex Jure tamen naturali, cum ante & præter hoc nulla alia officiorum præcepta dari possint, ea pendere oporteret. (4) Obligatio hominis *ergà seipsum* naturaliter prior est obligatione *ergà alterum*; & sic amor sui prævallet. Quod si fiat, ille regulam præscribet societati; non hæc amoris sui. (5) Custodia societatis etiam ad malam societatem se extendit, ut apud Ephesios: Nemo nostrum frugi esto. (6) Jus naturæ se porrigit quoque ad peregrinos, ultra societatem; saltem civilem. (7) *Αυτοχρηστία* & similia delicta, quæ extrà societatem sunt & committuntur, non forent delicta & contrà Jus Naturæ; & tamen fuissent delicta, etiamsi unus solus ho-

mo in mundo degeret. Itaque homo *antecedenter ad societatem* & custodiam illius, principia habet, quæ Jus Naturale constituunt; quanquam posita societate eadem efflorescant, & appetitui sociali dextram porrigant. Hinc licet Lege Naturali prohibeantur illa, quæ vitam socialem tollunt: tamen id non utique fit primariò & per se, propter illam vitam socialem; sed ne *legi Dei* quid adversum fiat: in quâ & ipsa fundamentum suum habent ea, quæ faciunt ad societatem dirigendam.

SUBJECTUM Juris Naturalis est *homo*. Qu. An *Deus* etiam obligetur Jure Naturali? *Resp.* Deus admittit quidem, de se judicari secundum Legem Naturæ. (H. Grot. I. I. 10.) Sed illud tamen fit solum conceptu humanò; idèdque eâ non obligatur ut homo; verum ipse est sibi Lex. Idem Grot. II. XI. 4. Feldenus quidem ad *b. l. Grotii*, libertati Dei repugnare opinatur, quando ille promissis suis *teneri* dicitur. Sed verò nihil propterea libertati Divinæ decedere, verius est; fidesque Deo non vulgariter sed *eminenter* competit, & cum defæcatione imperfectionum: ad quas pertinet alienatio particulæ cujusdam nostræ libertatis.

OBJECTUM CIRCA QVOD sunt agenda & omittenda. Quoad objectum *in quo*, Lex Naturæ est in *Intellectu* nostro *objectivè*, quat. per modum objecti cognoscitur; simul & *subjectivè*, quat. in eo radiat, non tantum per modum dictaminis actualis, quia hoc est motus transiens; sed, cum Lex nobis sit impressa, *per modum habitus*. Neque etiam *dictamina* illa rationis sunt *Leges*: quia practice quidem dirigunt, ceu judicia facultatis pure cognoscentis; *legaliter* verò & per modum Imperii non præcipiunt. Non minus etiam in *Voluntate* conspicitur, quæ ut ordinatè velit; hæc regulâ indiget. Itaque ipsa non est Lex, cæca quippe, utcunque primum in homine movens sit.

FORMA Juris Naturalis *constituitur* est convenientia cum Lege æternâ. *Constituendi* verò & *promulgandi* est *insitio* in Corde humano. Qualis insitio quænam sit? multa est contentio. *Zeisoldus*, *Aristotelem* in hoc etiam secutus, (qui intellectum se ut potentiam solum initio nativitatis exserere; & *notitias* adedò ipsas innatas non habitus esse, sed *nudas potentias*, tradidit; indeque *tabula nuda* intellectum comparavit, qui per *receptionem* specierum à sensibus ei impressarum cognosceret,) *inscriptam* quidem Legem naturalem, ait,

ait, sed non eò modò, quò Dissentiens velit *Sperlingius*, cum *Scholasticis*. Non esse alium *Paulo* scopum *Rom. II. 15.* quàm ostendere, apud Deum non esse discrimen Judæorum & Gentilium: quorum hi promulgatione externâ Legis quidem caruerint, sed Legem tamen habuerint *in natura*: nec tamen illam ibi *innatam* dici. Equidem *Scholastici* docent, menti statim *congenita* esse *principia* generalia & *propositiones actuales*, per *modum habitus*: quæ cum usu sermonis generalia præcepta suppeditent, & invito etiam, ac minùs rectè ratiocinanti, se objiciant. Sed cum *Sperlingius* hanc sententiam juvare vellet, ex hoc, quòd *fides* tribuatur infantibus: *fides* verò notitiam supponat, eamque *actualem*. Responderunt dissentientes, fidem dari *praternaturaliter*. *Pufendorfius II. d. J. N. G. c. 3. §. 13.* negat, dari *principia naturalia congenita*: habere autem intellectum humanum *facultatem*, ut *ex conditione* generis humani *liquidò perspicere* facienda & fugienda possit. (Nam ille, quòd *suprà* diximus, fontem *J. N. in conditione humana* quærit.) Quò verò periculò Jus ipsum naturale hæc doctrina involvat; & quò tendat ille: inde cognoscitur, quòd notitiam *J. N.* non cadere in hominem, nisi *præviâ informatione*, & *adfectudine* laudum & pœnarum; indeque iudicium de honesto & turpi *non nisi ab informatione & exemplis* oriri, tradit. Neque etiam locum *Rom. II. v. 15.* evitare potest; ceu nec dixerit aliquis *Luc. II.* in Christo sapientiam tunc non fuisse; sed non exercuit Ille eam, nisi sec. mensuram ætatis. Melius aliquantum *H. Grotius II. c. 3. §. 13.* tum & *Calixtus, Theol. Moral. p. 46.* ut & *Hülsemannus: conosci* homini Jus Naturale, non per modum habitus, sed per *potentiam cognoscendi propinquam*; eò citantes *Rom. I. 19. 20. & II. 4.* quæ quam primùm se ratio exferere possit, in actum se prodat. Dicemus autem: *Lumen* illud rationis seu naturæ non esse *speciem impressam* intellectui, quæ ante usum rationis per naturam ei inexistat; nec *habitum* propriè dictum. Sed nec *potentiam cognoscendi nudam*; verùm aliud quid *potentiæ cognoscendi supperaditum*, eique *innatum*, *Perfectionem* sc. aliquam, quæ intellectum *in potentiâ propinquâ* ad actus cognoscendi eliciendos *constituat*. Ea verò licèt non sit habitus propriè dictus; est tamen quid *habitui analogum*.

Illud Qu. *An Demonstratio Juris Naturæ*, ad arguendum vel ostendendum illud, *detur*? Videtur quòd non. Nam *Morales actus* contingentes sunt, ut proprium demonstrationum objectum non videantur posse constituere. Sed *Resp.* actus exerciti sunt ejusmodi; non etiam actus signati. Omnia autem eò redeunt: (1) *Dari* demonstrationes in moralibus: non quidem propriè dictas, ut in rigore *Aristoteles* eas in scientiis exigit. Dantur tamen Demonstrationes sumptæ pro evidentiâ conclusionum, cui necessariò assentire debeamus; quat. necessitas datur inter subjectum & prædicatum. (2) Non esse Demonstrationes in Moralibus, ratione *finis* scientifici: cum ultimatò non doceant nos scire; sed agere. Interim conclusiones illæ practicæ non minori *certitudine*, quàm scientificæ, nituntur; nisi cum longius à fonte ductæ fuerint. Unde *non obst.* quòd *Gentes* circà *Moralia* sæpè dissentiant. Nam hoc non impedit certitudinem rei *in se*; neque etiam veritas moralis *sensibus* apprehendi potest, sicut *Mathematica*. Equidem frustraneam putat esse litem *Pufendorfius Lib. I. c. 2. §. 2.* siquidem per subjectum demonstrationis *Aristoteles* intelligat integram *propositionem*: ut aded v. c. non sit subjectum demonstrationis: furtum; sed hæc propositio: *furtum est vitandum*: quod sanè subjectum, ait ille, vel maximè est scientificum. Et tamen in §. 4. ipse ait, Disciplinam tantum *Moralem* seu *Ethicam* scientificam esse; non etiam *Politicam* seu *Civilem*. Verùm vix est, ut his immoremur, & ipse in §. 8. 9. & 10. sibi non constat. Quòd si verò de *modo demonstrandi* moralitatem *a priori* quærat? Ratio *Moralitatis* consistit in *valore* quodam, qui ex concursu certarum conditionum & circumstantiarum resultat, examinatorum ad rectitudinem divinam. *A posteriori* autem demonstratur *ex consensu Gentium* humanarum; earumque cumprimis humaniorum, quæ spectantur cum interno animi stimulo, ab objecti honestate petitò, singulos ad tale quid obligantè: quem quidem valdè urget *Scharrokus*. Sed *Hobbesius* hanc etiam à posteriori demonstrationem negat, nec ex Gentium consensu Jus Naturæ argui posse putat. c. 2. d. *Cive. §. 1.* Et sanè *Gentes* quasdam ea, quæ *Juris Naturæ* sunt, negligere, ex *Scharrokii* recensione p. 143. seqq. p. 157. 166. & 170. & jam ante eum, ex *Georgii Calixti* industriâ, in

Epit. Theol. Moral. p. 49. seqq. & Seldeni Lib. 1. d. J. N. ad discipl. Hebraeor. c. 6. p. 79. seqq. evidens est. At verò uti ipse *Scharrokius* ista non ob stare docet, quò minus à iudicio rationis Jus Naturale petatur: ita *Resp. potest Hobbeso.* (1) Non sequitur, si ex ratione demonstrari jus naturæ posset, non peccare Gentes: nam & jus Civile civibus innotescit, & tamen contra hoc etiam peccatur. (2) Non ex ratione simpliciter æstimatur; sed ex ratione rectâ. (3) Gentes non in principiis peccant, sed in Conclusionibus: siquidem & *Atbei* in actu primo principia, & imò plus quàm in actu primò, habent. Proinde ex consensu Gentium non quidem (1) evidenter & infallibiliter demonstratur, quid esse Juris naturæ: quia non potest probari, omnes in universum Gentes actu in eadem dictata consentire: cum potius contrarium per exempla constet: nec (2) ex consensu Gentium solum morationum, (1) quia nondum certò constât, quænam sint morationes. (2) non omnes Gentes nobis adeò notæ sunt. (3) si vel maximè de morationibus Gentibus constaret: non tamen irrefragabile foret illud ex intrinsecâ ratione; sed vel ex naturâ loci & genio procedere posset. (4) Idem sæpè ex jure speciali potius & Civili recipiunt Gentes, quàm ex jure communi: ut proinde apodicticè jus Naturæ ex consensu Gentium probari nequeat. Dicendum potius est, consensum Gentium probabilitatem facere: ita ut tunc demum, si concurrat ille cum aliis rationibus, inducat demonstrationem à posteriori; puta si conveniat (1) naturæ sociali. (2) naturæ rationali. (3) præceptis Decalogi & communi Divino Juri.

FINIS Juris Naturalis est exercitium honesti & Gloria Dei. *Scharrokius* in eò finem proximum collocat, ut homo tranquillus & finè stimulis seu morfu vitam degat. Sed adjunctum quærere non debebat præ subjecto; nec tam consequens respicere, quàm antecedens.

DE EFFECTU Juris Naturalis si quæratur? Distinguere licet, inter Jus Naturæ POSITIVUM & CONCESSIVUM, five, ut communiter dicitur, *permisivum*; saltim ut hæc appellatio ipsam in effectu actionem: ista juris actum formalem & vim magis innuat. Est enim Jus Concessivum, quod tribuit facultatem: Positivum verò nomine Legis præcipientis vel prohibentis venit, & effective ad actionem respicit; ut tamen in *permisivis*

etiam prohibitio fit ad tertium, ne hunc qui concessionē utitur, impediat. Sint etiam Jura illa, vel Facultates, quas *Concessivi Juris* appellant, & ipsa præceptis variis & interdictis circumscripta. Indeque Officia ex utroque jurium genere seu formâ constant. Exemplum Facultatis ex Jure Naturali concessivò est, in J. personarum, Jus Patriæ potestatis; in J. rerum, sunt infinita. Præceptivum habet peccata commissionis vel omissionis. Sed an in statu etiam integritatis præcepta Natur. prohibitiva obtinuerint? Qu. Multi dubitant. Affirmativa tamen ex Gen. c. II. v. 7. probari potest: ne de arbore vetitâ comederent: non obstante, quòd hæc ipsa Lex positiva fuerit, nec naturalis. Siquidem homo non erat is, qui non posset peccare, sed qui posset non peccare. Habebat vires ad implendum Legem, sed exercitium tamen virium in libertate erat positum; ut labi potuerit. Indeque non fuit status integritatis destitutus præceptis prohibitis, quorum quidem disertè mentionem fieri, in Historia sacra, necessarium non fuerat. Imò Nostrates statuunt, in Decalogo maximam partem Jus Naturæ per præcepta negativa repetitum esse: (*Pufendorffius*, pleraque Decalogi præcepta ad Jus quidem Naturale, sed non nisi materialiter, pertinere ait:) Porro etiam Prohibitio Polygamie & Divortii ad LL. positivas primarias referenda est.

Effectus itaque Positivi Juris Naturalis propior est seu primus, illuminare intellectum. Ortus, obligatio in Conscientiâ; vel ad obsequium vel ad penam: quæ fluit ex cognitione discriminis inter rectum & iniquum. Videlicet humanæ actiones à relatione ad Legem morales dicuntur; atque normam earundem ac principium primum, (*esse bona facienda & mala fugienda*,) ceu radicem omnium conclusionum, exhibet Synteresis: eamque, in applicatione & formatione Legum particularium, sequitur Conscientia. Hæc quidem in genere, est Judicium intellectus, circa actiones illas, Lege imbuti: & tum (1) antecedens est; iterumque vel rectè judicans, vel erroneè. (Hinc dubia Conscientia, quia non judicat, cum potius suspensio fit Judicii; huic affinis scrupulosa, cum formidine scil. oppositi, quòd malum sit hoc, quòd bonum putamus, & viceversâ: ne quidem Conscientiæ species propriè sunt:) Recta verò iterum, vel certa est, ex principiis indubiis; vel probabilis,

ex topicis. Conscientia consequens est, quæ probat bene & damnat secus admissa: estque vel tranquilla vel inquieta. Et Conscientia illa sequens afflictæ, in *pæna* vicem cedit, in *statu* naturali. Proinde quando in Statu Civili pecco contrà Magistratum: non modo quatenus contrà Legislatorem pecco; sed & quatenus custodem utriusque tabulæ. Licet itaque *civiliter* quis puniatur à Magistratu; obligatus tamen & Deo manet,

Est autem *Forum internum* unum conscientiæ, in quolibet homine: quando Jus naturale coram tribunali *conscientiæ* à nobis rectitudinem actionum nostrarum exigit. *Externa* duo, alterum (1) *Divinum*, & hoc respicit *Theologia Moralis*; quippe quæ docet, in illò Forò, quomodo actiones nostræ respectum habeant ad Deum, ejusque voluntatem *revelatam*; & quæ sint remedia propitiando Deo *ad expiandas* à Lege *aberrationes*: alterum (2) *Humanum*. Differt itaque *Theologia Moralis* à Disciplinâ *Juris Naturalis*, quòd *ista* debeat ipsas theses suas verbo revelato: *hæc* hypotheses solum nonnullas inde mutuetur. *Ista* ob hoc sit pars *Theologiæ revelatæ*. *Hæc* verò, quæ Christiana est, sit pars *Philosophiæ sublimioris Christianæ*. Effectus verò *irritationis*, à Jure Naturali, ut actus contra Jus Naturæ susceptus sit irritus, *specialis* est; & pertinet ad actûs tantum aliquos juris prohibitivi, ut (1) quando actus prohibitus est, ob defectum potestatis, v. g. ob defectum consensus; (2) ob materiæ incapacitatem, v. g. in matrimonio matris & filii.

De Effectibus *Juris naturalis*, quod *Concessivum* appellant, videamus. Sunt illi, tum *Libertas* ad agendum in nobis, tum *Dominium* in creaturas. Equidem Hugo Grotius *Lib. 1. c. 1. §. 5.* tradit: *LIBERTATEM esse potestatem in se ipsum*. Hinc arguit, quòd populus, quandò Regem eligit, omnem potestatem suam in Regem transferat. Quamvis autem Libertas non sit potestas in se ipsum *positivè*: quia nemo sibi simul imperat & subicitur; sed potius *privativè* seu *negativè*, quatenus à potestate superiori in exercitio actionum suarum impeditur. Tamen quatenus illa in ordinem *fundandæ Civitatis* veniat, suò locò videbimus. Cæterum Libertas illa pariter ac Dominium, utut *Concessivo* Juri adscribantur, tamen *positivis* & ipsæ subjacent: junctis adèò *Juris facultatibus*.

Et cum *Homo absolute* spectari possit, quoad hæc, quæ sibi debet; & relatè ad Deum vel *proximum*. Hinc *Libertatis* nomen retineri potest, in his quæ sibi debet homo: in cæteris *Officiorum* doctrinâ res omnis comprehendi potest. Ubi quidem ergà *se ipsum* homo si spectetur: & Corpus & Animam attendere debet; tum & *Externa bona, Honores & Divitias*. Quoad *CORPVS* (1) illud debet *conservare*. Itaque *Autocheiria* Naturali Juri adversa est: sive suâ manu, sive alienò ministeriò, mortem sibi quis acceleret; velut tædiò molestiarum, aut indignatione malorum communium, vel metu dolorum, quibus fortiter tolerantis exemplo etiam suo prodesse poterat. Neque licita est illa, si quis (1) conjiciat, se deinceps *victurum esse in probrum Dei*: (ut *H. Grot. II. 19. 5.*) nec enim ea Dei voluntas præsumi debet. Nec *Simfonis* factum in Sacris probatur; quanquam id pœnitentia subsecuta esse potest. vid. *Hebr. XI, 32.* (2) Si videat *certitudine* moraliter infallibili, *mortem* sibi paulò post ab hoste, aut summo Principe, cum cruciatu intolerabili, *adferendum*. Quid verò de exemplis *Devotionum*? *Liv. VIII. c. 9. 10. 28.* *Autocheiriæ* & ipsæ sunt: nec enim de Rep. desperandum fuerat; ceu nec aliter se devovere licet, quàm *cum spe evadendi*, & ut quis præter destinationem occumbat. Hinc etiam illi devotentes ad *auspicia divina* recurrerunt; quasi id ex monitu Deorum fecerint. *Flor. I. 14. Justin. II. 6.* *Abbreviare* tamen *vitam* suam homo potest, quibusdam casibus; & imò debet. Neque enim dubium est, posse hominem eligere vitæ genus, quò probabiliter vitæ terminum, aliorum bono, citius sed cum gloriâ promoveat; quin & probabili vitæ periculo aut vix evitabili se exponere potest; modò spes evadendi subsit: ut si jussus quis pro patriâ in periculum se conferat, è quo vix evasurus sit. An verò *Pufendorffius* in *Disput. d. Oblig. adv. Patr. §. 22.* rectè statuit, quòd navim & se unà pulvere pyriò perdere quis possit, ne in potestatem hostium deveniat? *Schokius c. 26. d. Imperio maritimo*, injungi id non posse putat à Magistratu; posse tamen id sponte fieri. Sed *N.* hoc; & rectius in contrarium *Hornius* differit *Lib. 2. Polit. Archit. c. 2. n. 16.* Adde *Disp. Schalleri de b. Argum. anno 1671. Argentor. habitam*. An autem homo cooperari saltim *ad propriam mortem* poterit? Et hoc *Neg.* quia nihil interest, utrum totum perficiat

ciat opus mortis seu occisionis, an ad hoc co-
operetur. Quapropter in se ipsum *penam* mortis
exequi non licet; non ideo, ut *Dominicus à Soto*
dicit, quoniam unus & idem simul & seinelagens
& patiens esse nequit: (neque enim hic de natu-
ralibus, sed de moralibus, sermo est.) Nec fa-
cit pro *dissentientibus*, quodd minus malum eligen-
dum sit præ maiore. *Resp.* nunquam minus ma-
lum morale eligendum esse, præ maiori malo pœ-
nali: cum peccare nullò prætextu liceat. Et quam-
vis hic de pœnâ quærat; tamen quando quis ipse
sibi eam infert, eadem cum culpa jungitur: quam
ne quidem iudex præcipere, & ut quis se ipsum
enecet, injungere potest. (2) Vitam homo pro-
longare debet Abstinentiâ, Quietē, Medicinâ.

Defendere quoque vitam suam homo obstrictus
est. Nec rectè dicitur tutelam sui *plerumque* Ju-
ris Naturalis permissiui esse. Imò vix unquam per-
missiui tantum est. An verò defendere quis se
possit cum internecone alterius, etiamsi alter ille
de salute sua æternâ periclitetur? *N. Ziegl. ad Gro-
tium Lib. 1. c. 3. §. 3. & ipse Grotius L. 2. c. 1. §. 3. 8. Item c. 25. §. 7. & Pufend. II. §. 2.* Malè
omnino, cum quilibet non nisi vitæ suæ curator sit,
eamque precariò à Deo habeat. *Non Obst.* quòd
caducæ & temporalis vitæ amissionem æternæ alte-
rius damnationi postponi, tanquam minus ma-
lum, conveniat. *Resp.* ex duobus malis tristibus
tunc demum est eligendum minus, quando ele-
ctio per se est necessaria, ad majoris mali evitatio-
nem; hic autem evadere potest inasor malum si-
nè occisione mei. Et imò ipsi hoc malum im-
minet, non mihi; & sic non ponuntur termini ha-
biles. Sed de hoc *aliàs*. Nunc quidem per tran-
situm, de electione ex duobus malis concurrentibus,
seqq. notandæ sunt *Regule*. I. Inter duo mala mo-
ralia, cum certum est, ambo esse mala, neutrum
est eligendum. Sed inter duo mala moralia, dum
non prorsus certum est, ambo esse mala; sed al-
terum in dubio versatur: id quod tutius est, eli-
gi debet. II. Inter duo mala naturalia, quæ do-
lorem inferunt, semper eligendum est minus.
III. Inter duo mala pœnalia minus est eligendum si
electurus sit nocens; neutrum, si innocens. v. g.
Princeps Condæus Carolo Regi Galliz, qui ipsi
pœnæ loco, ut, nisi Missam audire vellet, aut
mortem obiret aut carcerem ingrederetur, prohi-
buerat: respondit: *Primum per Dei gratiam non*

*faciam. Reliqua duo non sunt in potestate mea; eli-
gat Rex, utrum horum ipse per Conscientiam in me
statui posse putaverit.* Utique eò ipsò, quòd ma-
lum pœnæ innocens eligit, nocentem se confite-
bitur.

ANIMÆ Partes seu facultates duæ sunt. (1) *In-
tellectus*, qui ratione iudicii & memoriæ informan-
dus acueendusve; & (2) *Voluntas*, quæ ratione af-
fectûs concupiscibilis & irascibilis moderanda & ad
Dei voluntatem dirigenda est.

Et hæc quidem quoad Bona interna. *Externa*
(1) *Honores* sic curet homo, ut mundanos non a-
vidè expetat: 1. *Jo. II. 15. 16.* neque luxum secte-
tur. 1. *Theff. IV. 4.* Superbiam, in speciebus variis,
quòd & Jactantia & elatio animi petinet, fugiat.
(2) *Divitias*: ut qualicunque sorte suâ & necessariis
vitæ aut statui suo contentus sit; etiam in calami-
tatibus. 1. *Cor. X. 13.* Congerere tam opes licet cu-
râ debitâ, eaque moderatâ; nec cum diffidentia.

Consektaria sunt ex præcedentibus: Homo Cor-
pus suum alat cibo & potu. Ubi *Qu.* An *carni-
bus* homines ante diluvium usi fuerint? Multi esum
carnium Adamo interdictum esse statuunt: quasi
usus creaturarum non tantum naturalis, sed & spi-
ritualis, fuerit: *Gen. IX. v. 3.* neque *morbis* homo
fuerit obnoxius in statu integro. Deinde conser-
vari etiam herbis ipsum aliosque homines, potu-
isse; secus atque post diluvium, frugibus sc. acri-
monia aquæ inquinatis. Inter eos est *Seldenus*,
Lib. 1. c. 7. cui accedere videtur *Pufendorffius*. Sed
contrarium verius est. (1) ex sacrificio Abelis: Sa-
crificii autem partem sacrificantes communiter
comederunt. (2) ex dominio & usu animalium
omnium. Nec enim verisimile est, Deum homi-
nis Dominio animalia subdidisse, ut tantum ea ad-
spiceret, atque pro pennis & squamis venaretur.
(3) ex fine & effectu carniû: cum constet, car-
nes melioris, quàm herbas, esse concoctionis.
(4) etiam venationes & aucupia ante diluvium ob-
tinuere. *Non Obst. Gen. IX. v. 3. Resp.* non pro-
bat locus ille, quòd denuò post lapsum esus car-
niû coeperit; sed quòd Deo is placuerit: vid. lo-
cum parallelum *Gen. VI. v. ult.* Sed an in casu ex-
tremæ necessitatis alterum, quò vitam meam *carni-
bus ejus sustentem*, interficere possum? *Qu.* *Schar-
rokus c. 12. de Offic. sec. jus nat. p. 476.* rectè
negat. In contrarium movet, quòd liceat alterum
interficere in sui defensionem: quidni & in sui su-
sten-

mentationem. *Resp.* pro illo natura militat; pro hoc posteriori non item: nam ἀνθρώπου φύσις naturæ humanæ adversatur; nec in contrarium, quod muniis & sanguine itemque adipe humano in medicinâ utamur, quicquam juvat. An v. bruta affligi aut interfici possint finè necessitate; Q. Neg. Nam crudelitatis ea sunt indicia, & truculentia, ut si vivo arietis quis pellem detrahat; quæ idcirco in populo suo Deus ferenda non esse constituit: & in contumeliam creatoris tendere videntur. Possunt tamen interfici *finè peccato*, non quod nobis status sit belli cum brutis, quàm nobis adversa sunt; neque etiam bellum dat jus in infinitum: estque status extraordinarius, ex injuriâ ortus. Sed quod dominium quoque aliàs in ea liberum homini competit.

Ad propagationem speciei humanæ pertinet Matrimonium. Tenetur autem homo etiam propter se, ut propagationem eam decenter curet; in solatium vitæ brevioris. Sed an Matrimonium Juris simpliciter præceptivum sit? Qu. Distinguunt inter statum Mundi initialem, ubi præceptivum juris fuerit: v. Poncius *Lib. 1. d. Matrimonio c. 3. §. 5. & c. 4. §. 8.* Selden. *Lib. 1. c. 3. p. 165.* & inter statum proVectiorem, quò non semper de præceptis esse dici possit. Dannhauer. *Part. 2. Theol. Symbolætica, Dial. 3. sect. 3. q. 2. add.* Scharrok. *c. 7.* ubi an Philosopho conveniat uxorem ducere. Utique *tx. in 1. Cor. VII.* præceptum infert; ut ex Græco patet, Malè Grotius *L. III. c. 4. §. 2.* simpliciter, quod cœlibem vivere, secundis item Nuptiis abstinere, laudabilius sit.

OFFICIA sequuntur. Et sunt primò locò Officia erga DEUM? quæ pietatis nomine veniunt: cui opponitur Impietas & Superstitio. Hæc est fucatus & ineptus cultus, extra manifestam idololatriam: ex utrâque mixta est Magia & Divinatio. Ista, Impietas sc., est Atheismus aut Idololatria. Atheismus vel (1) theoreticus est, eorum qui nulum esse Deum vel talem dicunt, qui nullam rerum humanarum curam gerat. Et hi vivunt quasi Deus non sit: quos crassos appellamus. Sicut subtiles sunt, qui dicunt, Deum non esse; vivunt tamen ac si Deus sit. (Possunt verò dari Athei tales ad tempus, non per naturam, sed per occasionem malitiosam: ut h. m. notitia Dei conata per justam Dei desertionem & Diaboli potentiam eludatur.) vel (2) Practicus eorum, qui non dicunt non esse Deum; vivunt tamen quasi non

sint. Hos profanos etiam appellamus. Et hi quidem non sunt hostes Dei; (ut Hobbesius ait:) sed rebelles, cum subditi Dei sint. Idololatria est eorum, qui Deo cultum præstant, sed non soli; estque vel subtilis & interna. *Phil. III, 19. Act. XII, 22.* vel crassior & externa: eaque tum explicita quorundam Gentilium; tum implicita. *Col. II, 28. Matth. IV, 10.*

Erga Proximum, quæ Officia nobis J. N. incumbant, ad Capita specialia exhibetur.

Explicitâ Libertate, ad DOMINIUM procedendum est in Creaturas. Et quidem tum Rationales; quod Imperium dicimus: velut in Familiari & Civili Potestate: (quibus quidem & Officiorum tractatio miscetur.) tum Inferiores, animatas & inanimatas. Et quidem quod Dominium hoc posterioris speciei attinet: illud quidem non fuit causa occupationis, ut Strauchius voluit, quasi Deus potentiale Dominium prius homini in omnia dederit; sed occupatio fuit modus acquirendi Dominium: cujus acquirendi titulum ac potestatem Deus homini dedit. Malè etiam dicitur, Dominium ex naturali Jure negativo procedere, ut homini vetitum non sit acquirere dominium; cum potius facultatem tribuat & titulum, rem nec dum occupatam suam faciendi: ut de cætero homini liberum sit, an illâ facultate, rem quæ nullius est, occupandi, uti velit, nec ne. Falsus etiam est H. Grot. *L. II. c. 2. §. 2.* qui communionem asserit in statu primævo. Nam, præterquam quod traditio hæc nec sacris litteris congruat, nec rerum ipsarum conditioni: quarum pleræque communionem talem non admittunt: insuper (1) hæc ratione multæ virtutes, Liberalitas, Justitia, Gratitude, demptâ proprietate, exerceri non potuissent. (2) Ordo familiarum fuisset quodammodo perturbatus. vid. Selden. *L. 1. c. 4. d. Mari clauso*, qui cum aliis eam communionem pluribus improbat: & quæ deinceps suo locò dicemus.

De Concessivo Jure Naturali aut Permissivo hætenus. Et quidem Permissio illa, ut juris est, & hujus loci, à permissione facti vel maxime discerni debet. Neque enim permissio facti actus Legis est, aut permissionem juris arguit; v. c. Venari promiscuè non fuerat juris permissio, sed facti: usque dum jure positivò civili quid de eò restringendò introduceretur; ubi in objectum Legis prohibitive

hibitivæ civilis transit. Ceterum distinctio Per-
missionum *juris*, in *plenas* vel *minus plenas*, ap. H.
Grot. *Lib. I. c. 1. §. 17.* huc non pertinent. Est nem-
pe *Permissio plena*, quæ liberat à peccato, h. e. dat
facultatem ad licitè quid agendum. *Minus plena* à
pœna solum impunitatem conciliant: qualis est v. g.
Lupanarium permissio & similes. Nam illud discrim-
men non nisi Legum civilium seu Civitatum est.

(b) *VIX OPVS FVERAT IMPERIO CIVI-
TATIS*, Et tamen, quoniam & *vita socialis* fue-
rat, & *Societates minores* seu simplices, in statu
Innocentiæ: non apparet, cur *familias segreges* esse
oportuerit, & non potius in Civitates coituræ fuis-
sent. Sicut verò *Vita socialis* non est finè *Ordi-
ne*, nec ordo finè directione. *Directio* verò im-
perium infert, quale in Viro fuerat, *1. Cor. II, 3. seqq.*
1. Tim. II, 12. in Parentibus, in Dominis, rati-
one famulitii, & vel eorum, qui liberorum edu-
cationi admoveandi erant. Ita etiam in Civitatibus
futurum erat Imperium. Negatō enim *modō*, non
est neganda res ipsa. Non sequitur: tunc non
fuerat obsequium invitum, non metus, non etiam
dominium in personas, non indigentia, non in-
commoda alia, non lites, non delicta, ut iudicii
opus fuerit. E. nullum fuerat Imperium; sed so-
lum non *tale* fuerat, qualia nunc sunt: non *Maje-*

stas & Magistratus, quales & in quem finem nunc
sunt. Videlicet nunc quidem voluntas *subest* impe-
ranti cum renitentia, anxietate & solitudine: (non
aliter atque *parit* deinceps mulier cum conscientia
doloris, *laborat* homo cum sudore, &c.) quippe
quodd in *modō* operum consisteret *maledictio*, qui
iisdem impositus est. Satis fuerat *perfectiones mo-
rales* in statu innocentie habuisse; & dabatur sanè
imperfectio *naturalis* in eo, quodd bonum non esse
habebatur, hominem solum esse: Quod verò non
bonum erat, *emendationem* poterat recipere. Et
in civitatibus etiam potuisset homo *accipere* quid ab
alio: (nam & *dominia* & rerum *jura* alia futura
fuissent,) quamvis non in subsidium indigentie;
tamen in abundantie incrementum ulterius. *Ju-
dicia* non in eum finem adhibenda fuissent, ut nunc
veniunt. Ubi verò *justitia actionum* est, ibi Ju-
dicia; nec præcisè singulorum, sed & in *collegio*.
Imò non protinus ubi *Judicia* nulla, ibi *Magistra-
tus* nullus, h. e. *Primates* in populò. Nec potest
dici Imperium nullum dari, quod *solum directi-
vum* sit. Denique diversa est ratio *Status natura-
lis* & *Status Innocentie*. In Statu naturali sicut
Respublica nulla est, ita nec *Majestas*, ullumque
Jus *Majestatis* obtinere possunt: quippe quæ ad so-
cietatem perfectam seu *Civitates* respiciunt.

II. Post editum rebellionis specimen non sensim homo adsueta-
ne facinorum, sed incontinenti à creatore suo est alienatus.* Idque
brevissimo tempore post creationem accidisse scriptura & ratio credere
jubet.** Imminuta tamen non extincta, fuit imago Numinis sive lux
infusa mentibus, quæ turpia & honesta discernerentur.*** Quæ pro-
pagato genere humano auctisque usu promiscuo iudicii illius objectis
magis magisque semet exeruit.

III. Lumen illud, nihil est aliud, quam jus Naturale, quod to-
tum recte imaginis divinæ (c) dici videtur. Quatenus est conscien-
tia (d) & sculptura voluntatis divinæ. Etsi Imaginem Dei alio exqui-
sitore sensu per excellentiam sumere nihil vetat.

* *Genes. 3. ad Rom. 5. v. 12. c. 6. v. 17.*

** *d. cap. 3. in pr. juncto sine cap. 2. adde sis rationem; generatio confestim procedere
debeuit, per v. 28. c. 1. at in statu integritatis nulla fuit generatio, arguente labe
originali.*

*** *Rom. 1. v. 18. & seqq. c. 2. v. 14. seqq.*

(c) TOTVM RECTE IMAGINIS DIVINÆ. Sed non tota in eò Imago Divina. Deinde licet Gentiles non eam perfectionem habere possint Juris Naturalis, qualem Regeniti. Tamen quā fieri potest, ad *Statum Integritatis*, & quoad ea, quæ Imagini Divinæ essentialia sunt, Jus illud exigendum est: quippe quòd perfectioni ejus, ob lapsum hominis & amissionem Luminis spiritualis, quantumcunque in eò reparandò laboremus, detrahi quid non oporteat. Ex quo simul patet imperfectio Doctrinæ Juris Naturalis ap. hos, qui *Verbum Dei Revelatum*, ex quò tamen unò Imaginis illius naturam & simul perfectionem Constitutionis Juris Naturalis, haurire licet, seponendum existimant. Videlicet, non propterea Perfectio Juris Naturalis

omittenda est, quia eam Gentiles seu Irregeniti *assequi* non possunt: ceu nec constitutio illius idè in conceptu simpliciter naturali propinari debet, quòd aliam nisi hanc *communione* cum Irregenitis non habeamus, & ea quæ spiritualia sunt, actionibus nostris assequi non liceat: quòdque illa, quæ ex Imagine Divinā educuntur Juris Naturalis principia, irregenitis non ut *Spiritualia* & secundum Spiritum, sed ut *Naturalia*, & secundum Naturam, indeque imperfectè seu sub aliā ratione, cognita sint: suasque illi actiones secundum ea, juxta notiones Naturales, instituant.

(d) CONSCIENTIA. ut indicat simul & inculcat, *velle* Deum, ut quæ per se honesta sunt, agamus, quæ per se turpia, evitemus.

IV. Definatur autem, auctore Tullio, Jus Naturæ, Ratio summa insita à Naturâ, quæ jubet ea, quæ facienda sunt, prohibetque contraria. * *Summa* dicitur ratio, quoniam est prima, perpetua & supra omnia, omnesque regit actiones humanas. (e) *Insita à Naturâ*, consequenter ab auctore Naturæ Deo. Plato ** divinus, legem non scriptam (f); Alius meliori jure Divinus, *** legem in cordibus scriptam appellat, pari uterque sensu. *Jubet facienda, prohibetque contraria*. Hoc est, dictat ex ipsâ naturali ratione (g) cuius actui inesse necessitatem aut turpitudinem moralem, idèque eundem esse vetitum vel præceptum.

* Cicero 1. de legib.

** in lib. 8. de legibus.

*** Paulus ad Rom. 2. v. 15. adde Grot. l. 1. c. 1. §. 10. quem vide ibidem ad exegesis de-
finitionis Juris Natur.

(e) ACTIONES HUMANAS. Nam hæc ratio seu regula actiones *liberas* regit; sicut regula eadem, quæ Jus naturale (seu primævum Jctis Romanis,) actûs *sociales*, seu qui in homine, ad conservationem sui & speciei, faciunt, docere *omnia animalia* dicitur: bruta quoque regit eò modò, quò ad Jus Civile Rom. explicavimus.

(f) LEGEM NON SCRIPTAM. ut scripta pro positivâ sumitur. Nam aliàs, cum distinctio Juris in scriptum & non scriptum Jus positivum civile omne & tota contineat: Jus naturale eò sensu nec scriptum nec *non scriptum* dici potest.

(g) EX IPSA NATVRALI RATIONE. Pro-
ut hæc scil. informata est.

V. Eaque necessitas immutabilis est, ne divinâ quidem, ut videtur, exceptâ potestate. (h) * Quod enim est imaginis ac sculpturæ divinæ, nihilo magis quam Deus ipse mutatur. Nec obstant furta &

homicidia à DEO permiffa, nec primæva cum fororibus connubia aut id genus alia. Neque enim jus in illis exemplis, fed res, de quibus jus constitutum eft, recepiffe mutationem, (i) facile explicabimus. Si tu dicas, immutabile effe Jus Naturæ, quod ad homines, liberum ex voluntate & dispensatione Dei, (k) nihil proferes, quò magis naturæ jus immutabile fit, quam funt leges positivæ divinæ. (l) **

* *Vid. tamen hac de re D. Voetium p. 1. Disp. de just. & jure Dei. Hoornbeck. Institut. Theol. c. 8. §. 6.*

** *Vid. D. Essen. tract. de subject. Christi ad legem Dei. c. 2. §. 18. & seq.*

(b) NE DIVINA QUIDEM EXCEPTA POTESTATE. Nam in his, quæ divinam naturam afficiunt; ut est amor & justitia cultus Dei, fuga perjurii, & similia, ne quidem dispensare Deus potest; secus in his, quæ naturam humanam respiciunt; ut est adulterium, homicidium, furtum. In quibus mutare quid potest in individuo; sed tamen non in specie humana. h. e. ut homicidia in universum prohibita amplius esse non debeant: quippe quò Orbis subverteretur; quod sapientiæ divinæ repugnaret. Quin & ex secundâ tabulâ quid est, quod Deus licitum facere non possit, quoniam essentia ejus repugnaret; verum v. c. dicere falsum & viceversâ. Cæterum sicuti subordinatio Jurium in illis mutationem nullam infert, neque derogationem; ut quando inferior lex cedit superiori, affirmativa negativæ, (v. c. fidem non debeo fallere, ut possim dare beneficium,) simplex duplici, generalis particulari. Ita nec adversitas jurium est, quando major ratio minorem vincit, hypothesis thesin non admittit: Jus Positivum declarat actum, ut alterius natura habeatur, v. c. pactum omne pro non deliberato.

(i) RECEPISSE MUTATIONEM. At verò nec jus naturale nec res mutata est, in conjugio fororum. Semel enim naturaliter admissa adhuc admitti possent; nisi Deus morali Lege ea prohibuisset. Quocirca ab illis abstinendum est, non quia naturaliter, sed quia moraliter, prohibita sunt.

(k) EX VOLUNTATE DEI. Nam divina potestas cæteris divinis attributis ceu normæ convenit, ut non possit non perfectissimò modò agere; & sic non quidem ex defectu potentia, sed ex nature perfectione. Nec velle potest mutare Jus naturale, ceu non potest præcipere ut odio habeatur: cum observare hoc præceptum amorem involvat, qui

odio contradictoriusest. Igitur impius est de Rhada, quando statuit, saltim in secundâ tabulâ, posse Deum tollere Jus Naturale, variatâ solâ circumstantiâ prohibiti & non prohibiti. Nam ex circumstantiâ hâc solâ malitia & bonitas amoris v. c. (& sic in aliis,) non provenit; verum etiam à ratione objecti. In positivis longè aliter habet, quia in his moralitas à præcepto oritur, & ab hoc in præceptum se diffundit; sed in Naturali Jure contrâ. Non minus vanus est Rhetorfortis, quando tradit, actum qui in homine peccatum est, posse in Deo esse non peccatum; & hinc à voluntate tantum Dei moralitatem pendere. Nam licet Deus nullâ Lege ab extrâ teneatur; tamen Sanctitas essentia ejus est immutabilis; ad quam æterno, ante hominem conditum, & voluntatem Dei in corde ejus promulgatam, bonitas & malitia actionum moralium exacta fuerat. Denique Pufendorfius L. II. c. 3. §. 4. turpitudinem moralem per se non dari docet, respectu Dei; sed respectu hominis: adeoque tantum ex hypothesis, postquam Deus hominem rationale animal esse voluerit. Nam coitum v. c. esse rem per se indifferentem, (& in conjugio licitum,) motum linguæ non minùs; sed adulterium, item blasphemiam, (qualis ne quidem sit, quando testis refert blasphemiam,) tantum mala esse ex hypothesis, quòd coitus, quòd motus linguæ, ad animal rationale referantur & ad certum objectum. Sic etiam, qui doctrinam ejus sequuntur, dicunt, posse quidem actiones Lege naturali determinatas dici per se honestas aut turpes esse, intuitu immutabilitatis; sed non antecedenter ad Legis ipsius determinationem. Quòdque actus sint naturâ honesti, non esse intelligendum abstractivè à circumstantiis, ut actus morales sint. Ita verò non sequi,

sequi, quodd actio quædam *sua naturâ* moralis sit; sed quodd quando sit cum circumstantiis, sit per se moralis, & sic *per se præcepta vel prohibita*. At verodd licet coitus in genere acceptus sit indifferens; tamen per applicationem mali, ut est coitus cum bestia v. c., sine vitio non potest fieri; adedd ut *ἀναξία* ab actu illo ne quidem divinitus sit separabilis. Distinctio verodd inter actum & ejus *ἀναξία*, juvat solum ea peccata, in quibus materiale remotum distingui potest à formali; sed non in his, in quibus materiale proximum, seu ipsa motus applicatio, à formali *ἀναξίας* est inseparabilis. Sic & motus lingue *determinatus* indifferens dici non potest: nec actus quoque ille, quâ Physicus seu naturalis, vel materialis est, spectatur; eodd ipsodd quodd de moralitate ejus quæritur, & actio materialiter spectata moralis non est. Cæterum de eodd hic quæritur, an actio per se, antecederet ad Legem, turpis dicenda sit, quæ Legi naturali adversa est: non, an per se turpis dici possit, quæ per Legem prohibita est, aut quæ ob Legem immutabilis haberi posset. Neque etiam de actione quæritur, quæ non moralis est, h. e. circumstantias non habet, ad quas Lex prohibitionem suam direxit: ut nec an actio, quæ circumstantias tales habet, per se moralis aut per se prohibita; sed an per se turpis sit, quam Lege prohiberi oportuerit. Quodd verodd ait, Pufendorffius, hominem etiam *potuisse aliter condi à Deo, quam animal rationale*: id nequaquam concedendum est. Nam uti naturæ rerum sunt æternæ; non ut sint independentes à Deo: nec enim necessarium aliquod absolutum datur independentes, præter Deum. Datur verodd tale dependentes; quodd quidem non à se, verum ob perpetuam eamque necessariam connexionem requisitorum essentialium, absolute est immutabile: cum contradictionem implicet, esse hominem, & tamen essentiam hominis non habere. Ita etiam ut tu sis homo & animal rationale, necessarium quidem est hactenus, necessitate hypotheticâ; si scilicet te hominem Deus condere decrevit, cum brutum te condere potuisset. At quodd Tu, quâ homo, animal rationale esses: id necessarium est necessitate simplici. Sic & præcisâ voluntate Dei, quodd actum essentia, homo per necessitatem absolutam est animal rationale; quicquid sit de actu existentia seu entitativo: dum sc. hunc in individuo hominem Deus condere volebat; nam ille

se habet consequenter ad divinam voluntatem, nec ideo absolute necessitatis est: uti essentia hominis quâ vera est, æterna est; & cum antecederet ad divinam voluntatem se habeat, Deus ob voluntatis, quæ divina sapientia semper est conformis, perfectionem, aliam essentiam homini dare non potest. Nec verodd oportet *suppositum* admitti, quodd naturam rerum destruat. Unde procedit hypothesis: si homo volat, habet pennas. Non enim per hoc natura ejus tollitur. Sed nil potest in homine supponi, quodd naturam ejus auferat: sic enim prædicatum corrueret, subjectodd sublatodd. Nec jus naturale foret, si non homini datum foret. Non potest autem esse homo, nisi ad imaginem Dei conditus. Hoc verodd supposito necessariodd constante, non possunt non esse turpia, quæ licita esse ex hypothesis, (impossibili sc. illâ,) volunt.

Denique *mutasse* Deum Jus Naturale, probari non potest exinde: quodd (I.) *Vasa Egyptiorum* Deus Israelitas *abalienare* jussit. *Resp.* (1) Deus habet in res creatas quaslibet supremum dominium excellentia. (2) Non mutat Jus, sed rem, ut non amplius aliena sit: nec adedd (3) ut Legislator hoc fecit; sed ut Dominus. Non (II.) quodd Deus Abrahamum *interimere* filium jussit: *Resp.* (1) Deus est Dominus vitæ. (2) Secunda Tabula cedit primæ. Et (3) præceptum istud ad exitum ne quidem perductum fuit. (III.) Quodd permiserit *Conjugia* Fratrum & Sororum, sive inter Liberos primorum parentum; ob quas tamen *Levit. XIX.* Gentes Cananas ejici voluit; quasi Deus solum pro tempore licitum id esse voluerit naturaliter; ex hypothesis, quâ totum genus humanum *ex uno hominum pari* processurum decreverat. *Act. XVII.* *Resp.* Alii, (1) Deum quandoque posse eximere *actum* quendam vel objectum *ex imputatione* objecti peccati; vel ex ratione formali, sub quâ *intrinsece* malum est. Sed quando id fieri possit, esse nobis incognitum; & de Reservatis divinis. (2) Satis fuisse ad indignationem divinam, quodd Gentes Cananæ exempla aliarum Gentium non sequerentur. At verodd neutrum congruit. Videlicet ex dictâ interminatione inferri non potest, quodd conjunctiones *in illo* *Cap. XIX.* prohibita omnes contra *Jus Naturale* fuerint. Non etiam, quodd adversæ omnes Juri Gentium; neque etiam quodd aliunde Gentibus illis de Lege Dei Morali, crescente genere humano lata, innotuerit. Nam utique *Conjugium Fratrum*
D 2 & So.

& Sororum naturâ turpe non fuisse, & nequidem Gentium juri adversari, rectius asseritur. De locô autem *Levit. XIX.* & quò illa ejectio Cananæorum, quòdque ad species solum aliquas ejus Capitulis, pertineat, aliàs decernimus. Non (IV.) Deus Jus Naturale mutasse, ut nec in eò dispensasse, dici potest, quòd Patribus *Polygamiam* permiserit. De quò ut rectius constet, distinguunt nonnulli, inter Jus Naturale, quod consideratur in *Principiis*, & quod consideratur in *principiatis seu conclusivibus*. Alii hoc appellant *hypotheticum*, quòd pro certo rerum statu obtineat; ceu prius absolutum esse dicitur. Quoad prius, naturali instituto polygamia convenire non videbatur: quia Deus omnes homines ex uno sanguine nasci voluerat. *d. Act. XVII.* Hinc bonum speciei prævaluit bono individi. Nec tamen est, ut in polygamia hæc distinctio locum inveniat. Videamus, an altera illa rem conficiat, quâ Dictata Juris naturæ alia sunt fundata in ipsâ Dei naturâ: ita, ut quæ ab illis deviant, directè Divinæ essentix & naturæ adversentur; quædam tantum mediâtè ad Deum referri possunt, & in Naturâ hominis propius radicata sunt. Quæ posteriora respicit Monogamia, quatenus immediâtè ad homines refertur, Naturæ hominis conveniens; indirectè verò Deum concernit, qui naturæ humanæ illam legem indidit; sed tamen rationem peccati ab objecto auferre potest. Intereâ non minus etiam ex Lege Dei æternâ ea, quæ secundi ordinis sunt, procedunt: atque aded ex se simplici-

ter & absolutè loquendo, sub ratione suâ formali, intrinsecè mala sunt; ut remanente illarum ratione formali, (quam Deum in ordine illò matrimonii v. c. perpetuò abesse voluisse improbabile est,) non possint ullâ ratione fieri licita; quanquàm in singulari unâ vel alterâ specie, ob circumstantiam singularem, fieri possit, ut illa planè ex objecto juris Naturalis, ab autore juris Naturalis, Deo, extrahatur. v. g. innocentem (Isaacum,) occidito. At verò licèt hæc distinctio, non minùs ut prior illa, in aliis admitti queat; non tamen est, ut quis per eam juvet permissionem illam continuam polygamix in V. T., nec singulari tantum exemplò, aut magnò casu vel necessitate urgente, à Deo probatæ. Quid ergò quoad Polygamiam decernendum sit, inferius sequetur.

(I) QVAM SVNT LEGES POSITIVE DIVINÆ. Et sic nulla inter Leges Divinas positivas & naturales foret differentia. Equidem *Pufendorfius* Leges naturales, non nisi ex *hypothesi* humanæ naturæ, quam illæ respiciant, necessarias esse vult. Sed proptereâ non desinunt esse necessariæ & immutabiles; ut *superius* expositum est. Utique per hoc Deus non immutat Jus Naturale, quando ea, quæ istò jure vetita non sunt, Lege *moralis* prohibet: cum *arctius* nos obligare queat; ut tamen hæc *tollì* iterum possit, non possit prohibitiva naturalis. *Dispensatio* verò non tollit Legem; ut modò diximus.

VI. Sed mutabilia sunt, quæ improprie ad jus naturæ referuntur, uti quæ licent duntaxat neque repugnant rationi, nec tamen imperantur. * Ut est, tutela sui, procreatio sobolis, libertas, occupatio ejus, quod nullius est, aliæque naturales facultates: quæ *jura* quoque, (m) sed diverso sensu, dicuntur, uti mox videbimus. Denique, mutabilia sunt, ea quæ ratio suadet ut meliora, (n) non jubet præcisè, ut hereditatem præ extraneis relinquere sanguini licet remotiori, quæque similia.

* *Vid. Grot. l. 1. c. 1. §. 10.*

(m) JURA QVOQUE. effectivè: & tamen quia ex concessione Legis naturalis non minùs pendent: omninò ad Jus naturale proprie referuntur. Nec dici potest quòd duntaxat liceant, nec rationi re-

pugnent, nullumve in illis sit Imperium. Videlicet non facultas ipsa, sed Lex, unde ista profluit, respicienda est. Et tamen quid præceptivi etiam illa permissiva Jura Naturalia, seu Leges & Dictamina,

mins, habere, ex suprà dictis evidens est. Quæ verò Juris naturalis *negative* sunt: illa mutationem Juris ipsius positivè talis non inferunt. Talia sunt, de quibus Jus naturale nil statuit, quatenus vel (1) nil de iis Jure aliò inferiori definitum est; ut fuerat Venatio: quippe quæ nec Juris Naturalis nec Gentium dici potuit; nisi quodd in thesi Jus naturale statuerit, rem quæ nullius est, occupanti cedere posse. Vel (2) definitum est tale quid, quod Juri naturali non adversatur; ut sunt inventa Juris Civilis: Stipulatio, Acceptilatio, & sim.

(n) SVADET VT MELIORA. An ergò dantur *Consilia* Juris Naturalis? *Resp.* Dantur omninò; ita tamen ut obligent: saltim ad ea, quæ consiliis inferiora & minus laudabilia sunt, si ista assequi non detur. Pufendorffius *L. 1. c. 2. §. 8.* distinguit, quodd detur bonò melius, pro diverso necessitatis gradu: sed non detur quoad bonum, si consideremus illud pro eo, quod congruit cum Lege. Sic etiam, quoad *Juris* rationem, distinctio inter *necessitatem* moralem & *honestatem*, locum non invenit: cum & hanc jura exigant, ut plenè satisfecisse officio videare. Ad hunc itaque effectum honestas etiam necessitatis est.

An autem distinctio admittenda sit, inter id, quod justitia exigit, & quod *charitas*? Qu. H. Grotius affirmat *L. II. c. 17. §. 9. c. 20. §. 22. L. III. c. 13. §. 4.* At verò (1) quod Regula Juris exigit, debet tranquillare conscientiam & interna animi; non tantum impunitatem præbere externis actionibus. (2) Charitas per omnia præcepta secundæ Tab. se diffundit; nec aliud est, quàm Justitia Christiana, proximum æque respiciens; Quin & (3) eodem fundamentò nititur: suum cuique tribui debere. Unde & si vel maximè dicere velis, ea quæ Charitatis sunt, ad Justitiam naturalem pertinere, quæ exactionem non habeat. Non tamen hic de effectu actionis in foro agitur: & naturaliter etiam Justitiæ universalis atque Charitatis est necessitas.

Equidem *Charitas* est Virtus, quâ affectu benignò impulsus non tantum proximi nostri incommoda, quantum in nobis est, præcavemus; sed & commoda ejus pro virili promovemus: eique ea, ad quæ forensi jure adigi non possumus, tribuimus. Quodd verò *Charitas* dicitur, non quærere illa quæ sua sunt. *1. Cor. 13. v. 5.* per hoc non nisi æquilibrium innuitur amoris proximi & nostri.

Cæterum non impedit Charitas, quò minus famam meam tueri possim adv. calumnias, repellere injuriam defensione legitimâ, res meas repetere, urgere restitutionem *damnorum*, impenfas & mala vulneris illati, imò occidere inuasorem. Nec enim hoc prohibet *Matth. V. v. 39.* Debetur verò Charitas etiam *inimico*, qui ope & auxiliò nostrò indiget: *Gal. VI. v. 10. 2. Petr. II. v. 7.* nam & hic proximus noster est, quem consiliò, auxiliò & facultatibus nostris juvare tenemur: *1. Job. III. v. 17. 18. Gal. V. 13.* juxta Regulam charitatis *Matth. VII. v. 12. & c. 22, v. 39.* Nec teneor alium *plus* diligere, quàm me ipsum respectu æternæ felicitatis. v. c. ut peccem in gratiam proximi, respectu affectus, quò felicitatem hanc opto aut promovèd. Videlicet non teneor majori cum affectu charitatem exhibere alii, quàm mihi ipsi. Sed ratione affectus externi seu exercitii aliquando magis est diligendus nobis ipsis, ut quando jubemur inimicum nostrum diligere: *Matth. V. v. 44. Rom. XII. v. 20.* animam seu vitam pro illo ponere. *1. Job. III. 16.*

Dantur etiam, quæ ad Bene Esse (non morale) sed actionum moralium, pertinent, & quorum omissio seu contrarium per se quidem delictum non est; sed indignum tamen: & *Decorino* mine veniunt. Nec enim, quâ fieri potest, committi quid debet, quod sensui aliorum & judicio adversum est. Eò pertinent signa externa, ceremoniæ: (quæ ab his, qui obedientiam nobis potius debent, quàm honorem, si exhiberi nobis velint, indecorum est:) huc vestitus ratio, comæ item, referri potest. Et hæc quidem, ap. Gentes integras, pro morum diversitate, variant. Pertinet etiam huc, quod per se rectum, sed aliis fastidio esse potest. Ast prodiga donatio non indecora tantum; sed in vitio est. *vid. Velthuyfen. d. Princip. Justi & Decor.* At verò hæc talia speciem quandam singularem præcepti non constituunt; sed ad Virtutum homileticarum cultum respiciunt.

Denique An *æquitas Juris Naturalis* detur? Qu. *Resp.* Datur æquitas Naturalis; sed non juris Naturalis: quia jus Naturale, cum scriptò non constet, nunquam auditur nisi *totum*, i. e. positis & coherentibus simul omnibus circumstantiis; ut nihil ergò, quod in eò suppleri possit, reliquum sit. Et quanquam (2) ratio *preferendi* Juris Naturalis principia imperfecta esse possit; tamen hæc eidem accidentaliter est. Verum autem Juris illius tribu-

nal perfectissimum est, nec uspiam Legislator ille deficit. (3) Jus Naturale supplet ac corrigit jus Civile. Non potest ergo esse norma & norma- tum; nec potest simul & semel corrigere & corrigi.

VII. E contrario, sunt, quæ ratio naturalis deteriora esse judicat, non præcisè tamen prohibita, ut nuptiæ consobrinarum, item in ter- tio & forte secundo affinitatis gradu, &c. *

* Dixi in digress. Justinian. l. 2. c. 15. & 22.

CAPVT III.

Quo Jus Naturæ Hobbesianum evertitur.

ARGVMENTVM.

Non esse primum Juris Naturæ principium, ut quisque vitam & membra tueatur, differ- re τὰ πρῶτα ἔφασκεν à jure Naturæ, cum illa & brutis competant. Sed rectè istud dici fundamentum juris, quod pro facultate habendi agendique sumitur: à quo regula actuum moralium toto genere differant. Utroque tamen jus sumptum sensu esse jun- gendum. Nihil esse juris ut pro facultate sumitur, nisi quod & juris illius est, quo nefas habetur societatem violare humanam. Igitur etsi inclinent homines ad invaden- dos subigendosque alios, tamen & citra pactum id turpe & illicitum esse, quin & pro- hibitum, conscientia Numinis, à quo illud dictamen. Refutantur, quæ pro jure pri- mævo omnium in omnes & omnia, ab Hobbeso proferuntur. Etiam ante civitates fuisse meum & tuum. Falsum esse quod discretio boni & scelesti in civitate à lege in univ- ersum pendeat. Dictamen rationis etiam in statu naturali habere effectum coa- ctionis & punitionis. Comparatio Hobbesiana sententia cum dictis Brenni & Atheni- ensium ad Melios, denique cum Grotiana doctrina.

I.

PRoinde, si Juris Naturæ illud est demum, quod ratio necessaria præcipit aut prohibet: sequitur. Non rectè statui fundamentum Juris Naturæ primum (quod periculosa autor philosophiæ (a) tradit) ut quisque vitam & membra sua, quantum potest, tueatur. * Hoc enim neque præcepti necessitatem, (b) neque omnino ratiocinationem, quatenus primum est, requirit.

* Hobbes tract. de cive tit. 1. c. 1. §. 7. in fin.

(a) PERICULOSÆ AVCTOR PHILOSO- PHIÆ. Hobbesus ille, in Statu Naturali fuisse jus (Facultatem scil.) omnium in omnia (c. 1. d. Cive. §. 10.) adstruit. Et negat dari Jus Naturale.

quoad pro præcipiente seu Lege vel Regulâ sumi- tur: (vid. cap. 14. §. 3.) cum honestum non sit aut turpe ante Civitatem. Jus verò suum, seu fa- cultatem suam, Ille ad omnem hominem adstrin- git.

git, ut eam à se ipso habeat, & non ad superiorem aliquem referat. Nisi quodd ratione Facultatis illius Jus negativè dici queat; uti Jus est illud Naturale, de quo nil in Statu naturali definitum est: ex sensu quidem Hobbesii; tum & externò sensu, quando extrà Imperium constituti faciunt de facto contrà fas Dei & hominum, quicquid expedire sibi opinantur. Quale Jus potentium est: ut quando in statu naturali nemo Judex esse potest alterius, quia invicem æquales sunt, juxta Hobbesium: bello agant, suòque arbitrio in infinitum, quoad viribus licet, utantur; neque ulli possit tunc dici fieri injuria: quippe quodd nulli in alium jus, nisi ex abdicatione voluntatis suæ competat. Hoc autem quia in statu naturæ per pacta fieri nequiverit, ed quodd ex promissione nudà jus alteri quæri invitum, atque sic per facta simplicia à Jure omnium in omnia recedi, non potuerit. Hinc ex dictamine rationis suadentis, quia in ejusm. statu Genus humanum persistere nequiverit, pactò multitudinis ad LL., quas Ille naturales appellat, quæ deinceps etiam conscientiam stringant, c. 3. d. Cive. n. 27. & 34. opus fuisse per quodd una voluntas omnium fieret: & hanc Civitati ejusque Imperio fundamentum præbuisse; ex quò Leges Civiles, tanquam pactiones Civitatis, seu multitudinis, habendæ sint, quæ primam Justo & injusto originem deducunt.

Dividit verò Librum suum de Cive Hobbesius (1) in Libertatem; ubi Facultas naturalis: quod ipsi Jus naturale audit. (2) Civitatem: tunc honesta & turpia distingui cœpisse, tradit; & ita Jus seu Justum naturale alterum ipsi ex Pactis constituitur. (3) Religionem: quæ poterat ipsi non minus Pactis seu ab Imperante constitui; modò non unum hoc, quod putat extrà Imperium positum, fuisset: JEsus est Christus Dei. In Hobbesii sententiam incidit, cum Epicurò suò, P. Gassendus, in Philosophiâ Epicuri p. 1544. & malè Robertus Scharrokus defendit Epicurum, quasi ille nec providentiam divinam negaverit, nec Summum Bonum in voluptate corporis collocaverit. vid. Præf. Libr. de Officiis secundum Jus Naturæ. & p. 38. c. 1. n. 8. item p. 605. 665. & 676. Cæterum Hobbesius petit suum Jus Naturæ ab hominum pravitate & bello, cum adhuc dum pactis homines non confringerentur: Vel potius nullum jus obtinuisse docet, nisi quod super pactis deinceps fundatum fuerit. Un-

de Hypothesis ejus (1) est: hominem non esse socialem: (Aristotelica doctrinæ adversa.) Non ferri scilicet spontè hominem ad societatem; nec illius desiderio teneri; indeque originem Civitatis non esse à desiderio quodam naturali societatis; sed à mutuò metu ad evadendum mala, cum quibus homines aliàs conflictari oporteret; dum ob æmulationem inter pares & earundem rerum appetitum, cujusque Libidini & Potentiæ quisque pateat. Enim verò, quodd metus non causa principalis sit Societatis humanæ; sed inter causas solum moventes & impulsivas reperiatur: ad L. I. c. 5. videbimus. Aded ut dici ne quidem possit, Societatis amorem hominibus, juxta metum, pariter fuisse causam ineundæ societatis. Et perversè Hobbesius naturam hominis concipit: cum homo potius judicet, non esse vim faciendam alii nil tale merenti, & quod quis occupat, ejus fieri & manere, quin & fidem datam servari debere; secus si fiat, lumini Intellectus hoc adversum & homini grave fore, nec libidine eâ electâ societatem jam existentem durare posse.

Reprimere quidem hypothesein illam Hobbesii & ipse olim visus est Pufendorffius, Lib. II. Elem. Jurisp. Univers. obs. 3. Sed tamen desiderium Societatis, ex necessitate magis, procedere vult, quam ut sponte in eam feratur homo; necessitate scilicet tali non adactus. Et nec ipse Hobbesius hoc desiderium negat: quin potius Pacem querendam vult; c. 2. §. 2. d. Cive. per Legem, quam naturalem fundamentalem vocat, consensione scilicet & unionem constantem: c. 5. §. 6. d. Tr. Imò Pufendorffius non inclinare hominem ad Societatem, tradit; sed solum aptum esse ratione & oratione, qui Societatem, si in eam ipsum transire oporteat, colere possit. Hinc ille propius quoque ad Hobbesium, in L. II. c. 3. J. N. & G. accedit, nempe quodd sociabilis tantum homo sit; non socialis: ceu nec infans; qui homo tamen & ipse est, ad societatem sit aptus. Et tamen propterea aptum ad Societatem protinus natum esse hominem, negari nequit; quamvis ad hoc, ut colere eam possit, maturitas judicii requiratur. Imò non tam de aptitudine ad Societatem, quam de inclinatione ad eam, queritur. (2) Hypothesis Hobbesiana est, (Libr. de Cive c. 1. §. 10. 12. c. 9. §. 3. c. 13. §. 7. & in Leviathan. c. XIII:) quodd Status naturalis hominis habeat indolem belli.

Ad hanc *Pufendorffius*, L. II. §. N. & G. c. 2. Falsam quidem esse hanc doctrinam; sed tamen *rationabilem*, si per modum *hypotheseos* assumere-
tur. Nimirum positò: quoddam homines, finè Le-
ge & obligatione, è terrâ, ut fungi, nati fuissent.
Neque enim Gentiles *Imaginem divinam* in homi-
ne, aut promulgationem *Legis aeternae*, admissuros.
Proinde necessitatem *Societatis humanæ* aliunde de-
ducendam. Aequales inter se homines; & hinc
unum adv. alterum ambitione & indulgentiâ mo-
veri: quod cum hominum conservationi, tanquam
bellum continuum, (v. *Hobbesium*. c. 9. d. Cive.
§. 3. & c. 13. §. 7.) adversum esse, omnes sense-
runt: quærendam fuisse pacem mutuis *pactis*, è
quibus *Legem fundamentalem naturæ* educat Idem
Hobbesius: Resp. (1) Sinè ullâ hypothesei certum
est, quoddam *primo homini* statim ab initio *associata*
arctissimò vinculo fuerit *Conjux*; sicque Status fue-
rit *pacificus*. Nec (2) potest exprimi, quare *inter*
diffitos bellum esse debeat. (3) Si *æqualitas* est in-
ter homines, potius impeditur bellum: ex æqua-
litate enim *pax* oritur & amicitia. (4) Cupido o-
mnia habendi non est universalis. (5) Quod op-
ponit: inter Gentes *piraticam* & prædatoriam diu
obtinuisse (c. 5. §. 5. d. Cive:) Resp. hoc ex cor-
ruptione provenisse, & naturæ adversum fuisse;
nisi quodusque ex *retributione* adv. Gentem immo-
rigeram & effrænem susciperetur. Vtcrius, se-
queretur Juris N. præcepta talia esse solum *per ac-*
cidens; quæ tamen sunt talia *per se*: & quoddam sint
ea *secundum quid*, quæ talia sunt *absolute*; ex posi-
tione scilicet *naturæ humanæ exorbitantis*; quam
tamen rectæ *rationi* debere *subjici* constat. (6) Ho-
mini bene faciendum potius dictitare *rationem na-*
turalem, quæ affectûs *temperat*. Quod verò di-
citur, in *gratiam Gentilium*, ut contra eos verita-
tem erueret, hæc talia *Hobbesium* supposuisse. Resp.
Non esse supponendum in *Naturalibus* falsum, ut
verum inde consequatur: nam ex *veris principiis*
sequitur *verum*; non ex falsis, quia (1) per falsum
non infertur verum; nisi quandoque per accidens.
(2) *Hobbesius* potius *impura*, quam *vera*, ex illis
infert. (3) Idem *Auctor* illud non supponit ut fi-
ctum, sed ut *verum & actuale*, principium, *Chri-*

stianus autem nihil contra S. Scripturam asserere
debet; nec in gratiam Gentilium, de perfectione
Statûs hominis primævâ, quiddam dissimulare. (4) Et-
iam ipsi Gentiles ex *assimilatione* cum Deo deduxe-
runt sua principia. (5) non est contra *rationem*, ho-
minem fuisse *integrum*, & postea descivisse; hocque
facilius credit *Ethnicus*, quam quoddam homo *impu-*
rus fuerit. Quoddam si dixisset *Hobbesius*: *facultatem*
sibi sumpsisse hominem in omnia: excusandus fo-
ret. Enimverò (1) expressè dicit: *jus ei esse* in o-
mnia. (2) Docet *Legalem* Statum *exinde deductum*
esse. *Pufendorffius* equidem valde fluctuat, & quo-
ad licet, manûs *Hobbesio* porrigit; v. L. II. c. 3. §.
3. & 4. maxinè quoddam in c. 2. *Hobbesium*, ait, non
asserere, quoddam promiscuè & *finè ratione* quis pos-
sit sibi *jus sumere* in omnia. Et tamen *Hobbesius*
nullum *jus*, nisi quoddam *ex pactis* conficitur, agno-
scit; & ipse *Pufend.* §. 7. fatetur, quoddam *serid Hob-*
beseus, illum statum *naturalem hostilem* esse, fla-
tuat; quam quidem doctrinam rejicit *ibid.* & in
L. VIII. c. 1. §. 4. ipse *Pufendorffius*.

(b) NEQUE PRÆCEPTI NECESSITATEM.
Ita etiam in §. 6. C. præced. quanquam, quoad ho-
minem, minùs rectè. Aliàs utique *ratiocinationem*
non requirit *defensio sui*, si eam *absolute* spe-
ctas, prout & in *bruta* cadit; quoddam idem est hic
Auctori, ac quando dicit, *quatenus primum est*.
Ad *prima* scilicet *naturæ* ea pertinet. Quæ qua-
tenus à *Jure Naturali* differant, pluribus exponit
Auct. Cl. Libr. I. Digress. c. 11. Et hactenus, quoddam
Idem monet contra *Hobbesium*, non minùs valet:
quoddam scilicet *Tutela* ejusmodi *præcepti* necessita-
tem aut *ratiocinationem* non contineat; si quidem
Præcepta aut *ratio* in *bruta* non cadunt; & tamen
vitam suam tuentur. Cæterum si hæc ipsa consi-
derentur, quæ *homini* *Defensio sui per rationem*
præcipitur. Ita verò in quæstione *an*, seu quoddam
defendere se debeat homo, non minùs atque quo-
ad modum *defensionis*, seu quoad *moderamen* in-
culpatae *Tutela*; *Defensio illa ratiocinationem* re-
quirit. Quapropter non habet ad hoc facultatem
utendi *mediis omnibus*; quorum nec ipse *judex est*
aliter, nisi prælucente *Jure naturali*, ne *tuitio illa*
cum iniquitate conjuncta sit. §. 4. §. h.

II. Etenim est primum hoc secundum eam Naturam, quæ com-
munis etiam brutis, quibus æque insitum est. Tamen, si vis ita, dici
quo

quoque potest fundamentum Juris Naturæ illud ipsum; at sensu diverso. Nam præter quod jus significat Regulam actuum moralium, quâ obligamur ad id quod rectum est, ut initio cap. I. dictum. Magni quoque & crebri usus est altera significatio, quâ dicitur, *facultas aliquid habendi aut agendi*, ut est jus domini, (c) jus herilis, jus patriæ potestatis. *

* Grot. l. 1. c. 1. §. 4.

(c) JVS DOMINII. Sed prout hæc facultas *jus concessivum* præsupponit, ut fanè præsupponere debet: ita *Hobbesi* non est: cui nec datur *Jus* ante Civitatem. Et facti est igitur. Imò non po-

terat illa facultas esse Juris: cum Jus tale statuisset *pugnantia*. v. c. non potest Titius habere Jus in omnia, si idem habet Cajus, si idem omnes habent, in res omnium. &c.

III. Hujus juris si tu primum quæras principium, nullum prius reperies, quam quod vitam & membra quemque sua tueri docet. Cui fanè convenit, ut quisque jus habeat omnibus utendi mediis & agendi quidlibet, sine quo se conservare non potest. * Ejusque rei quisque etiam naturaliter iudex esse videtur, ut ille postulat. **

* *Hobbes d. cap. 1. §. 8.*

** *vid. §. 9.*

IV. Inde tamen non sequitur, jure naturæ unicuique jus in omnia competere, ut idem vult Philosophus. * Aut in statu Naturæ, mensuram juris esse utilitatem, quod fere idem, Carneades (d) disputabat. ** Nisi quatenus vita aliter conservari potest. Aut alii iniqua conditio non infertur.

* *vid. §. 10.*

** *ibid. in fine. adde Grot. in præfat. operis de jure belli & pac.*

(d) CARNEADES. apud *Lactant. V. Instit. Divinar. c. 17.* ubi adstruit, (1) nihil esse justum, nisi ex voluntatis arbitrio: Resp. (1) hoc modò *Deus* blasphemiam, adulteria, præcipere posset. Quin potius sicut recta ratio (ex L. Dei) ita probabilis ex Lege humanâ civili necessaria est, ad regendum hominem, ceterisque hominum. (2) Stultum esse ait, illum, qui utilitatem publicam suæ præferat. Resp. Virtus sui causâ expetenda est; licet ærumnis non vacua: ob præmia immortalia. Satis utilitati suæ consulit, qui communi studet. Subvertit suam, qui publicam & communem negligit. (3) Jus Ci-

vile, quâ utile est, obligare videri. Resp. non præcisè, quâ utile; imò utilitas *universæ civitatis* ad æquitatem redigitur. Et ut Legislator utilitatem aliter respicere non potest; nisi ex regulâ prudentiæ, & motivò quodam virtutis. Ita Utilitas, quæ cum rectâ ratione convenit, (non quæ ex affectibus æstimatur,) moribus Gentium promovetur; nec nulla est tam potens Civitas, quæ suam utilitatem, neglectâ salute communi, promovere possit. Quod verò instituta ipsa Civitatis variant, illud ex Civili, non ex Gentium aut Naturali Jure, profluit.

E

V. Nam

V. Nam quod idem alter statuit, * ea quæ quis fecerit in statu merè naturali, injuria in hominem videri neminem, id verum non est. Quicquid enim contradicat ille, insita est homini, ut primum ratione valet, cupiditas societatis, odium solitudinis. ** At illam societatem haberi non posse cum licentiâ se invicem lædendi aliosque vexandi eadem ratio dictat.

* *Hobb. l. 1. §. 14. in notis & cap. 3. §. 4.*

** *Vid. Grot. in d. præfat.*

VI. Ideò rectè dictum est. Naturam ante omnia spacta cognitionem quandam statuisse inter homines. * Quin & regulam cœlestis oris; quod tibi non vis fieri, id alteri ne feceris, (e) in simplicissimo Statu Naturali obtinere oportet. Quod igitur contra hæc dictamina fit, id injurium esse manifestum est. Minimè verò desinunt illa Juris Naturæ esse dictata, ex eo quod pravitas humani ingenii ad contraria ausa plerosque impellat.

* *Florentin. in l. 3. ff. de just. & jur.*

(e) ALTERI NE FECERIS. Scharrokus quidem c. 10. d. Offic. sec. J. N. n. 11. per instantiam hoc principium impetit: Num enim, ait, servo meo calceos purgare, coquo jusculum coquere, captumque delinquentem judex dimittere deberem: quia hoc mihi fieri velim? *Resp.* Cæteris paribus

regula illa procedit. Non enim quod mihi placeret contra ordinem Status & conditionis; sed ad quod obstrictum habere possem alium, & quod ille vicissim, salvo utriusque officio, exigere à me possit: illud verò attendendum est.

VII. Proinde perperam colligit idem auctor, quo consilio homines congregentur, id ex iis cognosci, (quæ faciunt congregati.* Adeoque causam consociationis inter homines, mutuum esse metum. Item studium utilitatis honorisque præ aliis usurpandi. Unde liqueat, nullum societatis appetitum esse homini Naturalem.

* *Hobb. d. c. 1. §. 2.*

VIII Planè de metu negandum non est, eum ad conciliandas firmandasque societates facere plurimum. Sed commodi honorisque studium, verum est, usu demum & comparisone sociatorum maxime esse inductum. Imò certum est, etsi, nullâ malorum experienciâ, homines alii non timerent alios, tamen societatem appetituros, solitudinem exosuros. Multò certius est, si initio constaret, nihil quemque

que præ aliis commodi aut honoris consecuturum, minimè tamen appetitum societatis cessaturum.

IX. Cum igitur ista cupiditas immediatè hominibus insita sit, sequitur, illa sine quibus societas stare nequit, immediatè animis obversari. Ex quibus liquet, alterum lædere & facere quod sibi quis fieri nollet, id turpe esse à primo rationis dictamine, & originario jure naturæ prohiberi. Hinc falsa esse quæ ab illo ut hypotheses postulatur, cuilibet apparet. Scilicet, jure naturæ licere uni alium invadere.* Eodem jure, fortiozem posse debiliorem cogere ad præstandum cautionem futuræ obedientiæ.**

* *Hobb. c. 1. §. 12.*

** *d. cap. 1. §. 14.*

X. Neque enim potentia aut excellentia, Juris perfecti in alium causa esse potest.* Sed ratio tantum probabilis juris acquirendi, positæ terminis habilibus. Argumentum à Divinâ potentiâ, unde jus in cuncta creata oriatur, ad homines, nequaquam admittimus. Quia non ut Deus cuncta per se proprietate complectitur, idem homini in hominem sine facto antecedente (f) tribui potest.

* *Secus ac ille vult d. §. 14. in fin.*

(f) SINE FACTO ANTECEDENTE. Imò enim ex *potentiâ solâ* ageret Deus, æquè gravis foret ea hominibus: idem est si ex *Dominio* seu proprietate solâ ageret. *ait Hobbesus.* Itaque respondendum est, in eò discrimen esse, quòd Dei potentia non sit sine justitiâ, sapientiâ, benignitate. Quod si

XI. Nec verum est, jure naturæ pacem quærendam, eò tantum, quòd bellum homines incommodum experti sint.* Concordiam enim citra experientiam bellorum esse naturalem patet inde, quia ad substantiam primævæ societatis, quam & sine bello appeteremus, est necessaria.

* *cap. 1. §. 17.*

XII. Falsa quoque hypothesis est, jus naturæ dictare, quod recedendum sit à jure omnium in omnia, quia paci hoc noceat.* Nullum enim ejusmodi jus existere dictum est, nisi vitæ causâ servandæ. (g) Eatenus autem dictat natura, non debere ab eo recedi.

* *Hobb. c. 2. §. 2.*

(g) *VITÆ CAUSA SERVANDÆ.* Posse scilicet nos largiri *Hobbefio*, quod homo *jus* habeat *in omnia*, quando & quodvisque *vitam* suam *aliter servare non possit*. Nam illum omnia *vitæ* suæ post habere. Et hanc aded homini *Jure* ipsò naturali commendatam esse, ut facultate eam tuendi ne quidem *abdicare* se ullâ ratione, aut ab eâ *recedere*,

possit. At *Jus* illud *Hobbefi* in omnia *illimitatum* esse, imò *nullum*, quod nec *Legem* ex quo ducatur, habeat aut habere possit. Quod igitur non est, ab eo etiam recedi ne quidem potest. Cæterum de *Jure* *vitam* suam tuendi, & quod ei *renunciari* non possit, ne pacto quidem eò, quod quis *imperio Civitatis* se submittit: *inferius* dicetur.

XIII. Verum quidem est, quod ante actum voluntatis humanæ omnia inter homines communia (b) fuerint. Et quod à communione recedendum esse ratio experientiâ edocta monstraverit.* Sed non ideo sequitur, in statu naturali omnia fuisse omnium semper: Si quidem status naturalis est, quatenus civitatem præcedit.** Ita ut ante civitatem non possit intelligi *meum* & *tuum*, ut ille docet.*** At qui initio generis humani, cum paucitas nec confusionem nec periculum mutuum crearet, non est statim constituta Civitas. Potestas enim Patrumfamiliarum per se naturalis fuit, non ex consensu neque bello.**** Enimverò familiæ latè diffusæ & in plures cohabitationes sparsæ uni tamen patri subjectæ Imperia non familiæ fuerunt. Quoniam familia est societas usus quotidiani causâ, civitas autem Societas domuum.***** Atqui *meum* & *tuum* cum primâ hominum multitudine proditum est, & sic ante civitatem. Quod enim quisque ad victum, amictum, quietem aliosque usus incommunicabiles occupaverat, id ratio & regulæ suprà collocatæ confestim dictabant, esse nefas eripi. Proinde quod quisque de suo, volens, in alium transtulerat, id nec ab eodem nec ab alio jure poterat auferri. Potestas enim tradendi alii quod plene nostrum est, cum hoc animo ut is hoc perpetuum retineat, necessariò naturalis est. Nec tantum traditione (i) jus alteri in rem meam dare possum, sed & significatione quavis clarâ voluntatis.***** Quam si alter acceptaverit, nihil excogitari potest, quare non jus, quod ego habebam, in alterum transiisse dicatur. Proinde quod alteri promisisti, quia hoc facto, jus rei promissæ (k) est penes alterum, salvâ ratione fieri nequit, ut tu hoc alteri rursus eripias, id est, implere neges.

* dixi in digression. Justinian. l. 4. c. 10. & seqq.

** Status Naturalis sumitur aut cum respectu ad singulos homines aut ad familias, priore sensu quolibet pacto & facto definit status natur. Posteriore durat usque dum civitas fundetur.

*** Hobb.

*** *Hobb. c. 6. §. 15.*

**** *secus ac Hobbes c. 1. §. 10. in fin. not. c. 6. §. 15. in not.*

***** *Aristot. l. 1. polit. c. 1.*

***** *vid. digress. Justinian. l. 4. c. 8.*

(b) COMMVNIA. Nullam hanc *communione* primævam fuisse, suò locò ostendimus.

(i) NEC TANTVM TRADITIONE. contrà Hobbes. P. 1. c. 2. Corp. Pol. §. 5. & 7. & *Leviath. P. 1. c. 14.* An ergò ad dominium transfere-
rendum necessaria non erit *traditio*? Non esse ne-
cessariam, *Grotius Lib. II. c. 6. §. 1. & 2.* idem-
que rectè *Molina Tom. 1. Tr. 2. de Just. & Jure. Disp. 3. §. 18.* statuunt: quamvis modus ille per
Traditionem ad transferendum Dominium habeat-
ur *naturalissimus*. Contrà *Feltmannus c. 13. d. J. in re & ad rem*, ubi l. 3. pr. π. d. *Oblig. & Action.*

adducit. Sed *textus* hic nihil de traditione habet,
neque l. 64. ff. de Furto. quicquam conficit. Non
enim in morientibus est traditio; (& quidni mor-
te finiatur Dominium.) sed tantum patientia, res
suas in alium transire permittens: ut aded fru-
strà *Feltmannus*, in illis modis, quibus jure nostrò
Civili citrà traditionem dominium transit, tradi-
tionem quampiam *latentem* quærat.

(k) IUS REI PROMISSÆ. Nullum hoc
agnoscit *Hobbesius*: P. 1. Corp. Polit. P. 1. c. 2. §. 5. &
7. & in *Leviathan. P. 1. c. 14.* quem eò nomine
refutavit *Scharrokius d. Offic. p. 307.*

XIV. Unde liquet, falsum esse, quod idem tradit, posse aliquem
jure naturæ promissâ ab altero accepta retractare, propter metum pro-
babilem. * Neque enim mea formido (l) causa esse potest, qua rem
aut jus alienum usurpare aut detrahare mihi liceat. Sed eum, qui ju-
stam metus causam alii præbet, posse prohiberi, aut cogi ad cautio-
nem indemnitis præstandam, non abhorret à jure naturæ.

* *Hobb. c. 2. §. 11.*

(l) MEA FORMIDO. Sic enim si quis vim
mihi minuetur, eum occidere non possum. Quam-
vis enim habeat voluntatem *efficaciæ*; non tamen
voluntatem *efficacem* habet. Et mora quandoque
plura suppeditat remedia. Cautione tamen indem-

nitatis mihi consulendum est. Unde nec fas est
occidere alterum, ne metuere habeam, ipsum me
dormientem fortassis occisurum esse. vid. *Lud. Molin. Tr. 2. disp. 12. d. Just. commut.*

XV. Quin si maximè in statu naturali ante civitates nullum fuisset
meum & tuum, tamen perperam juri naturæ talis retractatio adscri-
beretur. Quia certum est, jus naturale non minus pertinere ad ea,
quæ actus humanæ voluntatis consequuntur, (m) quam quæ omnes
hominum conventiones præcedunt. Quippe dictamen rectæ rationis
omni mortalium statui ac ætati adæquatum est. Ideoque omnes hu-
manæ actiones reguntur Jure Naturæ, quam diu durat societas huma-
na, etiam utique in civitate.

(m) ACTVS HUMANÆ VOLUNTATIS CON-
SEQUUNTUR. H. *Grotius reductivè*, dicit, fur-
tum contra Jus naturale esse: ut postquam occu-

patione vel placitò divisionis, res singulorum pro-
priæ factæ sint, quæ antè ex hypothese ejus (ut
& *Auctoris hic*) in *communione* fuerant: jam quo-
que

que juri naturali adversum sit, rem quæ cujusque facta est, invito illi eripi. Sicut autem *communio* illa evanida est; & simpliciter *Romani* furtum *naturali jure*, quod dominia jam sunt, *prohibitum* esse ajunt. Ita Jus Naturale etiam illa *inipio* sui com-

prehendere *superius* dictum est, quæ *ratione communi* nituntur; quamvis ea non nisi *objectis* postea intra *Civitates*, ac inter *Gentes*, productis applicari demum potuerint.

XVI. Quare & falsum est, quod idem docet: quid fas, quid nefas, bonum aut scelestum sit, hoc ex lege civili dijudicandum. (n)* Nam quæ necessitati morali adversantur, ea, certum est, nunquam turpia esse desinere, quicquid legibus sit cautum. Sed quæ ita ad jus naturæ referuntur, ut ei duntaxat non adversentur, aut quæ tantum suadentur, ea recipiunt mutationem. Quo discrimine probandum aut improbandum *ᾠδοξον*, quod idem scriptor tradit, *quid sit furtum, homicidium, adulterium & injuria, id ex legibus civilibus cognosci, nec aliter esse talia, quàm si per has declarentur.* (o)**

* *Hobb. c. 6. §. 16.*

** *Hobb. ibidem.*

(n) EX LEGE CIVILI DIJUDICANDVM. Hinc idem *Hobbesius c. 14. §. 10. de Cive.* Impossibile esse docet; ut *Lex Civilis naturali repugnet*, quia *Jus naturale* (quod nimirum ille in Pacto Civitatis fundat,) velit: omni præcepto civili obtemperandum: cum tamen potius præsupponant hi, qui Principem constituunt, *Jus naturale in Civitate cumprimis* exercendum esse. Quod autem Ipse putat, ante *L. civilem crimen* non esse; in eo non faciunt pro illo (1) *Spartani*, olim & alii. *Resp.* Hi quidem scelera nonnulla, & præcipue furta, per mittebant; sed non jubebant illa aut honesta ducebant: quin & impunitati huic terminos statuerant; atque finis certus, aliter obtineri nescius, hanc permissionem exegerat. Non (2) quod extra Civitatem non sit *proprietas rerum*. Nam hoc *negatur*: num enim Rex Regi suum eripere potest, eo quod ei cum altero non est Civitas; num quis suum Civi alterius Civitatis. Imò verò poterit hoc ex doctrinâ

Hobbesii. Sed nos dominium primævum ejusque exortum alibi demonstramus. Non (3) *Duella*. per hoc quod permittantur aliquando, non fiunt iusta; sed tantum *impunita* in foro humano. Interim potest utique, ob rationem majorem, permittere quædam *Magistratus*, quæ juri Nat. (quoad *objectum*, inæquale scilicet,) non conveniunt; ut est *permissio lisionis infra dimidium*. Quamquam *dolum* nihilominus Leges non ferant: qui si interveniat, licet fortassis probari non possit, conscientia tamen decipientis relinquitur. Accedit, quod non tam velit Magistratus malum ejusmodi, quàm *permissionem mali*; adeoque non malum, sed *permissio mali*, immediatum voluntatis Magistratus *objectum* sit: de quò ad *Jus Civile* dicitur.

(o) SI PER HAS DECLARENTVR. Et in *Leviath. P. 1. c. 13. & P. 2. c. 26.* ait: *Virtutes*, ut Gratitude, Liberalitatem, Fortudinem, non nisi *animi qualitates* esse.

XVII. Porro ex his omnibus judicatur, an rectè ab eodem sit dictum, leges naturæ nullas esse in statu naturali.* Nam regulas, quibus in primo statu actiones hominum morales reguntur, supra ostendimus. Easque leges esse, quales in illo statu dari queunt, nempe regulas obligantes, manifestum est. Obligationis voce non ex arte Romana,

mana, quæ nullam sine facto novit, (p) sed populariter acceptâ. Quatenus quicquid necessitate juris obstringit, obligare dicitur.

* *idem c. 5. §. 2.*

(p) NVLLAM SINE FACTO NOVIT. At quâ homines obligamur; Civili tamen cum obli-
verò hæc non est obligatio, quâ Legi tenemur, sed gemur ut Cives: idè hætenus etiam factum no-
quâ homini, ex negotiò: tum & naturali Legi, strum supponunt, quò in Civitatem accessimus.

XVIII. Verum sanctiones, id est, leges, quæ cogant aut puniant, non cadere in illum statum, res ipsa loquitur. Noli tamen putare, jus in illo statu fuisse tam inefficax, ut coactionis puniendique effectum destitutum fuerit. Nam quicquid juris cuique compete-
bat, id, si aliter non posset, manu ac vi (q) sibi rectè assererebat.

(q) MANU AC VI. Sed non eâ ad puniendum uti poterat, scelus nempe nil ad ipsum pertinens: quò quidem §. seq. dilabatur. Si verò necem sibi intentatam amoliretur, sicut pene locum non habet: ita si manu sibi rem suam assereret, Magistratu deficiente, hoc ipsum ad se & suarum rerum defensionem pertinebat; Superioritatis jure omni exclusò. Sic & rerum jura si spectes, ante Civitates alteri suum eripere, & promissi fidem violare, nefas fuerat: perinde atque etiamnum inter populos duos, eidem potestati non subjectos, obtinet: quippe qui statu naturali utuntur, Lege sc. instructi; non illò Hobbesianò. Cum enim singulis hominibus, & sic etiam Universitatibus hominum, à communi Domino, Jus naturale impressum sit. Hinc singuli quoque jus habent contra singulos, etsi nullâ pactione conjunctos, ac si unius & ejusdem Reipublicæ cives forent. Atque ille est Status verè Naturalis: qui Civili contrà distinguitur: in se pacificus, socialis, ordinatus, perpetuus: quem ut Universitates servare, sic & singulos secundum Jus universale, oportet. De cætero Status hominis aliis quoque modis naturalis dici potest; velut (1) per essentiam; quatenus per rationem brutis opponitur: (2) per miseriam; ut sibi relictus sine ope humanâ spectatur, (præscindendò à respectu juris, quem inde educunt Hobbesius & Pufendorffius. Hic, ut suppetias quæret ex ratione, citrà pacta, singulis jus illud sociale ingerente. Ille, ut finem faceret statui efferrato, & juri ejus instabili; à quo voluntate majoris partis abire, & cum singuli nullò vinculo internò constringantur, pactis inducere pacem oporteat.) Tum & naturalis dici potest Status hominis, ut accidentali ejus opponitur: quâ ratione non est naturalis, quò homo nobilis est, doctus, formosus. Sed hic respectus ab hac tractatione est remotior. Cæterum Leges, quæ cogant aut puniant, in statum naturalem non possunt non cadere; saltem quòd effectum non nisi arguant & meritum, edusque vacuæ executione externâ, donec superior quis extiterit. vid. Genes. IV.

XIX. Hætenus quoque potentiam ad juris causam pertinere agnoscimus, quod qui viribus prævalebat, (r) ille jus puniendi violatores humanæ societatis rectè exerceret.* Non quod potentia superiorem constitueret, sed quia omnium intererat, nihil committi, quo minus homines consistere possent. Quod autem cujusque intererat, id erat jus ejus, quod & exequi poterat, quatenus vires non deessent.

* vid. Grot. l. 2. de Jure Bell. & Pac. c. 20. §. 30.

(r) QVI

(r) QVI VIRIBVS PRÆVALEBAT. Nequaquam verò. Nam jus puniendi capitaliter solum apud Deum erat, qui in familiis primis jus vitæ ac necis exercuit. Nullus ibi violentiæ locus, nullus pœnæ. In cæteris duntaxat, quæ supplicia non exigebant, domesticum impertum corrigendæ iniquitati fatis idoneum & efficax fuerat; donec Civile, & in eo cum Majestate Jus vitæ & necis, succederet. vid. plura inferius de Pœnis; ubi & H. Grotius Lib. II. c. 20. §. 3. 7. 8. 9. 40. Ipse sibi in Libro de Satisfact. c. 2, adversus, emendatur. Quicquid enim sit, quodd naturaliter pœnam debeamus: quod unde procedat, Scharrokus, ut solet, ex fontibus

quos cumulat, deducit: 'exactionem tamen pœna non debuit tribuere H. Grotius cuilibet alii, qui pœnam in statu naturali delinquenti infligere valuisset. Neque enim illud evincitur ex hoc, quodd (1) corrigere liceat alium. (2) verbis reprehendere. (3) judicare de eo, Magistratu deficiente. (4) emendare juniore ætate, vel imperitos. (5) innocens nocente sit superior; aut si superior non sit, intersit tamen omnium, ut qui focietatem violet, extrâ Civitatem positus, ab eo qui potentiâ valet, (nam hætenus potentiam ad causam hujus juris puniendi pertinere,) compescatur. add. Pufend. VII. §. N. c. 3. §. 1. seqq.

XX. Quem usum hæc Hobbesiana adstructa vel refutata (s) habent, si quis roget, is cogitet, diversas civitates hodieque inter se versari in statu naturali, (t) quibus si illa postulata applicentur, videbimus faciem mirificam rerum humanarum. Est plane illud caput Hobbesianæ philosophiæ, idem quod Brennus olim: quem Plutarchus scribit, *πρεσβύτατον τῶν νόμων ἐκ φύσεως, vetustissimam legem naturæ esse, πλέον ἔχειν τῆ νεώτερον τῶν ἐπιδεδεγμένων, ut validior plus quam imbecillior habeat.** Vel quod idem apud Livium,** *Omnia esse virorum fortium.* Et apud Thucydem*** Athenienses ad Melios, legem *ἐκ φύσεως ἀναγκαιῆς, ex necessitate Naturæ* ajunt esse, & *ἂν κατὰ ἄρχην, imperare iis quibus possis.* Nunquam verius, *summum jus summa injuria;* sed nec juris illa, verum prætextus latronum (u) sunt. (hæc obiter.)

* Plutarch. in vitâ Camilli.

** Liv. lib. 5.

*** Thucyd. lib. 5.

(s) REFUTATA. Et tamen ad ea omnia, quæ Hobbesio refellendo allata sunt, facile quis reponet Hobbesius. Jus seu facultatem se nullam aliam intelligere, nisi quæ in facto seu potentiâ consistat, & viribus majoribus; non illam, quæ ex Lege & per consequens ex pactō, quod Lex Civitatis insequitur, dependet. Bruta quoque ipsa sibi prospicere: & hæc esse prima naturæ, quæ bruta sequantur, impetu quidem; ut homo judiciō: cum is non tantum quodd ea sibi, sed cur ea expediant, decernere possit. Expedire autem ea sibi, quæ ad exitum ipse, licet cum pernicie alterius, valeat deducere. Nec enim illum ab hoc arcere posse,

quodd alterius, cui insultat, interesse videri possit. Nam & huic liberum esse, ut à se insultantem amoliatur: Jus verò aliquod ipsi non competere, ex quō solo repellere insultantem possit; ceu nec alteri jus quoddam adv. ipsum quæsitum sit, quando ille similem vim alteri illaturus fuerit. Nil esse Juris quæsitum, sed quod quisque obtinere actu possit; velut in Civitate per Imperium. Nil itaque injuriæ & iniquitatis esse in statu naturali. Non parcere quem velle socio, nisi sibi expediat: expedire verò, si aliter non expediat, quam cum istius internecione: & sic ad omnes posse quem libidinem suam vertere, quodusque singuli illi & ipsō imbe-

imbecilliores sint. Non esse societatem ante Civitatem seu Imperium, sed esse conversationem; etiam in societatibus, quas nos appellamus, simplicibus. Nam & in his fortiolem posse intereccioni dare omnem illum, quocum versatur; & daturum etiam, si expedire sibi videat; indeque matri in factum tribuit potestatem præ Patre *Hobbesius*, quod mater proximam potestatem habeat partum enecandi. Nec ferri etiam hominem in societatem, nisi ex metu, quod violentiæ aliorum resistere non possit: nec virium suarum fiduciam, nisi à sociis seu multitudine, habeant. Istam regulam, *Quod tibi non vis fieri, alteri ne feceris*, facile elusurum illum, qui alterum non metuat. Pravitatem nullam esse ingenii, si quis aliud sentiat: cum nulla sit pravitas ante Legem; nulla Lex nisi ex pacto antecedaneo. Planè ut Reges nunc videmus pro lubitu aggredi alios, & Jus sibi in omnia usurpare: nec ullò vinculo se constrictos credere, ne pacto quidem cum Gentibus, nisi quod ad hæc servanda cogi viribus possint. Hunc esse statum illum naturalem & exlegem. Obligationem nullam, ne quidem ex facto seu promissione, dari: quia potestatem habeat is qui promissit, retractandi promissum; maximè quod & præstitum alteri vicissim ei eripere queat. Nil hîc valere nisi potentiam, quam natura suggerat. Non potuisse esse *meum* & *tuum* ante Civitatem, quia hæc ex Jure argui oporteat; quale tunc nullum fuerit. Eripere me potuisse alii, quod penes ipsum fuerat, sive promissum illud mihi ab eò fuisset, sive secus; non quidem bellò justificò, sed qualicumque. Prætextu etiamnum inter Gentes opus esse, non causâ; nisi ad invidiam avertendam & æmulationem Gentium cæterarum. Punitionem quoque ullam propriè dictam non fuisse, ceu nec hodiè sit inter Gentes: nam & hanc meritum supponere, quale nullum sit in Statu naturali. Denique si in infinitum præbeas potestatem homini, ut vitam suam servare possit, adversus omnes; suppositò etiam Jure naturali. Ita verò etiam cætera, quibus vitæ suæ prospicere queat, ejusdem arbitrii & potestatis esse oportere, postulat. Hæc talia inquam *Hobbesii* sectator aliquis regeret. Et sanè cum omnia nostra Ille *petitioni ejus quod est in principio* pariter imputaturus sit: nihil est quod validius iis oppo-

nere liceat, quàm ea, quæ *initio c. 2. de existentia Juris Naturalis* posuimus, & quod Deus hominem exlegem condere non potuerit. Nisi namque *Imperium Dei internum* in homine per *institutionem* firmes, (*Hobbesius* enim *Imperio*, saltim in Civitate, locum facit, & Pacto multitudinis; ne quidem id *Spinosa*, qui *usque omnia vi & potentia niti* credidit:) nil quicquam est argumenti alterius, quod causam nostram evincere possit. Hinc videas, omnes aditus ab illis sectatoribus præcludi velle, quæ ad Deum & curam divinam rerum humanarum, ut & conformitatem nostri cum Deo, ducunt; quin potius illi hominem nudum, suæque societati relictum Juri suo impiè supponunt.

(t) IN STATV NATVRALI. nisi quod jam *pactis* etiam sibi invicem teneantur; ex sententiâ illorum, qui ex istis Jura Gentium consistere autumant.

(u) PRÆTEXTVS LATRONVM. Quid verò, quod *Judæi* olim *omnes Gentiles* prædæ suæ expositos habuerint, *Tacito* quoque memorante, *V. Hist. 5., 2.* Gentesque aliæ quædam, in pace etiam, *exteros* pro *hostibus* haberent: *H. Grot. II. 6. 14.* ut ne de *predatoriâ & piraticâ* veterum dicamus; v. *Eund. II. 15. 5.* & quàm nunc etiam id genus Tartari & iisdem vicinæ Gentes, tum & *Piratae* Africani, exerceant. Planè de *Romanis* in *L. 5. §. 2. d. Captiv. & postlim. revers.* habetur, quod *si quæ Gens cum illis nec amicitiam, nec hospitium nec sædus habeat, obtinere cum eâ jus belli.* ut licet à *Latronibus* capti nec servi, nec res nostræ ab illis captæ ipsorum, fierent; *l. 1. d. Leg. 3. l. 19. §. à privatis. d. captiv. & post. rev. l. 13. qui test. fac. poss.* in his tamen, qui à *Latrunculis*, (*Gentibus* scilicet ejusmodi) caperentur, secus obtineret; quas Gentes *Romani Barbaricas* appellabant v. *l. f. C. d. Postlim. rev. l. 5. §. 6. de re milit.* Sicut verò non unâ ratione constitit, quod *Romani* etiam suos, ab *hostibus* captos, servos esse vellent. Ita quod de *Latrunculis* idem statuerint, summâ ratione factum; nec de nihilo est, quod *Impp. Christiani l. fin. C. d. postlim. revers.* emptori eorum, qui à *Barbaricâ* *Scytharum & Gothorum*, feritate capti sunt, pretium refundendum voluerint. add. *l. 6. d. Capt. & postlim. rev. l. 12. §. 7. 15. eod. j. l. 2. d. t.* Proinde *Legis* illius *§. 2.* dispositio non est *Juris Romanâ Rep.* indigni.

XXI. Audio, qui Grotium optasse ferunt, visa ut sibi fuisset Hobbesiana doctrina, (x) antequam suum jus belli & pacis dedisset. Credo ut præmunire suum lectorem adversus pestifera dogmata potuisset. Neque enim fas est credi, pœnitentiâ pulcherrimi operis facturum fuisse, quod in negotio *ὀρθοδοξίας* admiserat miserrimè, dejectus infrà Crellium (y). *

* ut liquet ex epist. ipsius ad Crellium. subjecta libri Crellii de satisfactione.

(x) HOBBSIANA DOCTRINA. Quid si visa Grotio fuissent plura alia *Portenta Juris Naturalis*? postquam aut ineptus unus alterve, nec instructus illis prædiis, quibus oportuit, doctrinam ejus suscipere, aut ingenio sive validus sive abreptus alius eam incestare ausus est. Et quid de illo Naturali Jure, quod Orbi propinavit *Bene* sic dictus Spinoza; totus ille, Spinas ferens arbor. Nam Ille in *Tract. Polit. Jus omne Naturale potentia* niti docet, nec interesse, an *ratione* homo agatur, an *affectu*: nam & affectibus hominem subijci necessario, æquè ut rationi: hanc verò ex causis naturalibus earumque serie produci, nec *Imperium* habere posse, eò quòd ipsa in imperio naturæ constituta sit. Esse enim hominem particulam aliquam illius naturæ, & ex necessitate ordinis naturæ æterni agere; ut tamen quò magis *ratione* ducatur, eò magis *liber* habendus sit. Nul- lum alii *jus* esse in *rationem* seu mentem hominis, quisquis ille fuerit, nisi per *deceptionem*: in *corpus* autem non nisi per vim; utròque cessante, penitus cessare jus alterius. Hinc uti *extra Rempubli- cam* facultas nulla, quæ juris locum teneat, saltem non stabilis detur: quia nulla ejus *extra Civitatem* obtinendæ sit securitas; & per *vim propriam* quis istud non semper exequi possit. Ita à vi & *potentia*, cui cives *ejusdem Civitatis* subsint, *jure quòdam* seu *facultate* frui licere. Non etiam *Jus* seu *Legem* quandam esse ex *pactò*, quò in *Civitate* coëatur. Cum enim *Fides* per naturam falli possit, & *Imperium* à *viribus* alium cogendi pendeat, aut à *persuasionem* mentis. Hinc cessantibus his in *Principe*, seu eorum neutrò superstitè, *Imperium* quoque ejus cadere & cessare.

Si *Hobbesio Spinosam* compares: ante *Civita- tem* *Hobbesius* *Rationem* præire vult affectibus, ut hi per illam improbentur. *Spinoza* *Affectus* æque

validos esse existimat, & paris æquitatis. *Liberi- us* tantum agere illum, qui *ratione* utatur. *Hob- besius* igitur *rationi* dictamen tribuit. *Spinoza* nul- lum ei regimen, sed causæ naturali adscribit: inde par quid affectibus. *Hobbesius* *rationem* sua- dere docet, ut à promiscua lubidine omnium in omnia recedatur. *Spinoza* tuituram se lubidinem, si posset, nec ab eâ spontè defissi; imò ne defissi quidem: nec ullum inde interitum communis vi- tæ metuit. *Hobbesius* hominem utilitatem suam sectari, & ad hanc se componere; *Spinoza* ne- cessitatem naturæ eum sequi, quâ quisque agatur. *Hobbesius* *rationi* internum judicium & actiones hu- manas tribuit, non affectibus. *Spinoza* naturæ vim solam & potentiam agnoscit, quæ etiam per affe- ctus regat, parque sit in rebus naturalibus quoque, extra hominem, exteris: in quo etiam natura, non specie sed gradu, à bruto differat. Post *Civitatem* Gentesque conditas *Hobbesius* *Pactis* *Multitudinis* induci obligationem tradit. *Spinoza* nullum pacto vigorem, quem à se habere possit, adscribit: quin potius procedat ille vel à coactione corporis, saltem metuendâ; vel a deceptione mentis. Itaque eum qui cogit alium vel decipit, validiori jure niti. Sic *intra Civitatem*, sic & *extra* illam obtinere. *Hobbesius* non ultra potentie locum esse in *Civitate*. Imò esse *Spinoza* asserit. *Hobbesius* idem inter Gentes servari, quòd *Pactis* constringantur. *Spinoza* idem servat principium Coactionis vel Circumventionis. *Hobbesius*, non posse dissolvi So- cietatem contra *Pactum*: posse *Spinoza*, si possit quòvis modò.

Uterque verò, *Hobbesius* & *Spinoza*, profana & famosa nomina, in hoc conveniunt, quòd uter- que Deum seponat; dum *Hobbesius* hominem sibi, ut suâ ratione, non per *Imperium* à Deo, regatur; *Spinoza* ordini naturæ, quam appellat, ipsum relin-

relinquit. *Uterque* vires naturales, *Hobbesius* ab ipso homine specialiter dispositas, *Spinoza* compositas à communi naturæ impulsu, attendit. *Uterque* nullum Jus Fasque primævum agnoscit. *Hobbesius* effectum quoddam deinceps cum Civitate, & ex necessitate ejus, à voluntate humanâ profectum, admittit: *Spinoza* non nisi vim aut fraudes seu iniquitatem continuam, locum Juris & Imperii sustinere insulcat. Denique *Neuter* Eorum in ullô statu honestum quid aut turpe, quod per se tale sit, *neuter* conscientiam novit; ne quidem *Hobbesius*: cujus Conscientia ex Lege Civitatis educata, Deo sepositô, nulla est.

Nec minus hîc *Impietatem* cæterorum, qui *Naturalismum*, variâ itidem sectis, fovent, quos inter etiam *Herbertus* de *Cherbury*, in scripto de *Religione Gentium*, aliisque, locum fortitus est, de testari; hypothesein verò eorum, per tradita *Dicemanni*, peculiari *Libellô*, discutere licet.

De viâ illâ, quam *Veltbuisen* in *Tr. d. Principiis Justitiae & Decoris*, ineundam censet, paucis discernamus. Ille existimat, *Ordinem Mundi*, sapienter à Deo constitutum, homini indicare debere & posse, quodnam cujusque sit in actionibus suis in-

stituendis officium. Et tamen (1) Ordo ille etiam naturalis est, adeoque principium non proprium homini, sed commune. (2) exterius tantum, & non nisi indicium; atque hoc *Sapientia Divina*. (3) remotum, per consequentias, ad hominis actiones, difficulter nectendas; Imò (4) vagum, nec (5) nisi objectivum. (6) Minus plenum, nec adequatum: cum omnem Eminentiam non referat, (7) Contemplativum, non Practicum: (8) ex quo nec primus homo, nec singuli, ratione Civitatis, officia sua dignoscere potuerint; & (9) omnium minimè ex ordine rerum, ratione, imò animâ & vitâ, carentium.

(γ) *INFRA CRELLIVM*: qui alicubi ipse ait: se nunquam satis vim atque evidentiam veritatis mirari potuisse, quæ & sibi adversus Clarissimum *JCtum*, (*H. Grotium*), disputandi arma suppeditaverit, ad eum convincendum, & simul effecerit, ut hæc ad doctrinam Juris naturalis spectantia, (sic enim *Crellius*, *Socinianus*, de satisfactione Christi ex ratione sibi disputandum esse censebat,) ad quæ cum accessisset, non fuerit nescius sibi cum eorum esse, cujus ista facultas esset propria, quæ sibi aliena, non amplius habeantur pro invictis.

CAPVT IV.

De Jure Gentium.

ARGVMENTVM.

Jus Gentium discrepare à *Naturali*, diverso tamen sensu quàm *JCti* volunt *Romani*, *Hobbes*, qui nullum *Jus Gentium* à legibus *Natura* agnoscit distinctum, refellitur & probatur, esse, quæ nec naturalia neque civilia sint, adeoque *Gentium* necessario. *Justitia* & *jus* in externum internumque dividitur. Illud, quod in hypothesis quandoque rationi recta repugnet, secus ac internum.

I.

Retinemus igitur veterem certamque philosophiam, quod *Jus Naturæ* sit, quicquid ratio immediate dictat, esse turpe aut honestum. Præter hoc, aliud commune *jus generis humani* (a) traditur, quod circa ea vertatur, quæ convenienter quidem rationi *Naturali*, non tamen immediate (b) ex ejus dictamine, sed per modum arbitramenti, usu ita exigente & humanis necessitatibus, inde deducta sunt,

Cujus generis sunt pleraque jura belli, Imperia, dominia, servitutes, contractus aliaque plura. Atque hoc Jus Gentium definimus, Quod voluntate omnium aut sane cultiorum gentium vim obligandi accepit. Cujus à jure naturæ discrepantia est, ea, quam definitiones indicant. Nempe quod hoc sit innatum homini ac insculptum, illud repertum & excogitatum.

(a) ALIUD COMMUNE JVS GENERIS HUMANI. Dari Jus quoddam Gentium, à Jure Civili pariter ac naturali distinctum, inter JCtos Romanos comprobatum, & à Philosophis receptum est. Sed *ambiguum* illud variis modis reddidère (1) ipsi JCti Romani, dum ad istud exempla nonnulla retulerunt, quæ non pertinere ad omnes Gentes; neque eas etiam, quæ illis juribus utuntur, ex *ratione necessitante*, sed ex *compacto* quodam, obligare, satis constat; ut sunt jura *servitutum* personarum: alia verò, quæ & ipsi non minùs juris Gentium esse dicunt, ad *Jus Naturale* rectius referuntur; ut sunt *Dominia* & *contractus*: quanquam quod posteriora illa exempla attinet, JCtos Romanos ambigùe locutos esse videamus: cum & ipsi Jus Gentium (*præmum* scilicet,) appellandò, sæpiùs *Jus Naturale*, *humanum* scilicet nōstrum, (ut dicere liceat,) seu *Jus Naturale Secundarium*, in oppositione ad hoc, quod illi *Jus Naturale* cum brutis commune esse docent, (id quod *præmum* dicere posses,) intelligant: ita ut quod unò loco *Jure Naturali* introductum esse ajunt: id alibi *Juris Gentium* esse eloquantur. Quare *Auctor* quidem opinatur, appellatione *Juris Naturalis* & *Gentium* nos contentos esse posse, cum §. 11. *Inst. d. R. D. l. 1. d. A. R. D.* ut tamen à veteri illà doctrinā, quā jus in *N. G. & C.* distinguitur, recedendum non sit. Et tamen ipsi quoque JCti nostri, per appellationem *Juris naturalis* non aliud intelligunt *dd. ll.* quā *Gentium* illud, quod *ratione naturali* dicunt constare, & inde *naturale* appellari posse; quod sanè accuratissimum est. Cæterum omninò *Jus Gentium* illud *ante Civitates* fuit, *distributivum* scilicet; de quò ibi agitur: Idque *cum genere humano* proditum est. (2) *Jus Gentium* dubium reddidit, & nullum dari à *Jure Civili* distinctum, asseruit *Hobbesius*: cui nullum jus est ante Civitates, nisi *pacta* quædam, quæ *Juris Naturalis* ille fundamenta, quibus Civitates conti-

neantur, constituere docet. Unde *c. 14. §. 4. de Cive.* idem esse putat *Jus Naturale* & *Gentium*, & solum *denominatione extrinsecā* differre. Videlicet, præcepta quæ ille ait *Juris Naturalis* (v. §. 4. ap. *Auctorem b.*) quoad singulos homines, si deinde applicentur integris Civitatibus, *Juris Gentium* dici, perhibet. (3) Quamvis hætenus ab *Hobbesio* discedat *Pufendorfius*, quod *Jus Naturale* quoddam distinctum à *Jure Civili*, atque idem aliunde deductum, quā ex fonte *Hobbesiano*, agnoscit. Tamen quoad *Jus Gentium*, in *L. II. c. 3. §. 22.* (conf. *Elem. ejusd. L. I. defin. 13. §. 20.*) *Hobbesium*, si rem ipsam spectes, non deserit: atque Ipse non minùs docet, *Jus Gentium voluntarium* seu positivum nullum dari; quod Gentes, ut *Lex* quædam, seu tanquam à superiori, obliget. Nimirum, quæ à *Romanis* ad *Jus Gentium* referantur: ea vel ad *Jus Naturale* pertinere, vel esse *Jus Civile* singularum Gentium; in quod per accidens conspirent. Imò Romanos *Juris Gentium* aliqua *Civilia* appellasse, ad quæ etiam aliarum Civitatum Cives in *Republ. Romanā* admitti possent: ut in *l. 8. ff. de acceptil.* Esse quidem *Consuetudines* aliquas, maximè in *Bello*, in quibus gloriam quærant Gentes, & speciem magnanimitatis. Sed si quis ea negligat; modò ea faciat, quæ non sint contrà *Jus Naturale*: eum non injustum, sed solum *rudem* vocari posse; qui artem Belli non calleat. *Jus* quoque *Legationum* ex *Jure Nat.* procedere. Beneficia autem nonnulla Legatorum ex indulgentiā cujusque pendere, si & suos ita haberi velit. Denique *Jus Sepulturae* ad *Officia humanitatis* pertinere. Et de *Consuetudinibus aliis Gentium* (quales vid. ap. *Boeclerum ad H. Grotium. L. II. c. 4. §. 5.*) idem censendum esse.

Enimverò, licet *Romani JCti* ambigùe, nec tamen malè, loquantur, multòque minus perperam sentiant; exempla etiam, vel ab ipsis, vel ab aliis quoque, ad *Jus Gentium* relata (dum ipsos qui-

quidem maxime *Romanos* ambigüe Jus Gentium fuisse constat, non *unius generis* sint: rem tamen ipsam hoc nihilominus subvertere non debet; quin potius rectè asseritur, *dari* quoddam *jus commune*, quod homini non per rationem absolutam, sed *hypotheticam*, i.e. ex suppositione necessitatis & malitiæ humanæ inculcatur; indeque in *Statu integritatis* applicari non potuit. Ita quidem, ut quamvis *aquitas* illorum negotiorum ad Jus naturale saltem negativè duci posse debeat. Tamen quoad *Substantiam*, illa Juri Gentium accenseri oporteat, quod ea per rationem *discurſivam* suggerantur: quapropter licet Jus naturale *per se* & simpliciter *immutabile* & absolutæ necessitatis sit; tamen Jura illa Gentium *immutabilia* solum sunt *ex hypothesi*: adeoque impossibile tantum est moraliter, ut mutantur; ceu quidem *Bella* cessare atque Jura ipsorum tolli, non possunt; quousque malitia humana non cessat. Et sic in cæteris, quæ necessitatem inevitabilem hominum & terrarum respiciunt.

Utique *jus Naturale Divinum* est directò & à *Lege æternâ* proximè deductum. Sed jus Gentium indirectè & remotiùs; indeque jam *humanum* ferè audit: (nec tamen nisi *improprie*; sanè non eò sensu, quò *rationi* ceu *constituenti* imputari vellet, aut *positivis* accenseri Juribus;) atque post depravatam rationem introductum, ut nimirum vel *singulorum*, aut *Gentium* tanquam singulorum, usui & necessitati prospiceretur, vel *conventus Gentium*, quâ in *societate* illâ *universali* & *complexu* spectantur, unanimis & tranquillius suslineri posset. Unde Jus naturale *primò rectitudini mentis* & *probitati actionum* infervit; sed *Jus Gentium* circa *pacem* & *commoditatem Societatis* versatur. Similiter illud ad iusta hominem *absolutè* ducit, & ad *innocentiam* componit; sed *Jus Gentium* efficit, ut homo jure *Societatis* commodiùs fruatur, atque indigentiam magis sublevet, nec non ab injuriis tutus sit.

Ut verò exactiùs, quod *distinctum à Jure Naturali* detur *Jus Gentium*, & quodnam illud sit, constituamus: Dimovendus est (I.) *HOBBSIVS*. Nam uti ille *Jus naturale* nullum agnoscit, nisi id quod *factò* antedaneò constituitur; nec aded à *superiori*, ante Civitates: quod quidem jam *suprà* refutavimus; Ita, dum Jus ille, quod *naturale* haberi vult, nomen suum retinere cupit, quando est *hominum*, & quatenus ad pacem humani generis

facit, dum in *Civitates* seu *Imperia* illi coeunt; *Jus* verò *Gentium* posse illud *idem*, atque *iisdem præceptis* comprehensum, appellari permittit, quando *totis invicem Civitatibus* applicetur: eò ipsò nil aliud agit *Hobbesius*, quàm ut Jus omne à *Pactis* suspendat Gentesque invicem ut *singulas* spectet; in *magnâ* quâdam *societate*, non nisi *pactis* constrictas. Hæc verò ratione, cum *intrâ Civitatem* pactò illò *superior* aliquis constitutus sit, qui *vim Imperii Civilis*, juxta pactum, & voluntatem *omnium coeuntium*, sustineat; non tamen *inter Gentes* tale quid, quod vicem *superioris* teneat, per Ipsum *Hobbesium*, reperietur: quin potius, *diversum* quid re ipsâ non conficietur, ab eò, quod Ipse in statu ante *Civitates* obtinere dixerat; *Jus* nempe *omnium in omnia*: quippe quod pacta ad Gentes invicem relata, deficiente superiori seu Imperio, impunè violare liceat. Proinde *Hobbesius* quidem *Jus Civile* quoddam asserit; quò & dominia ille & contractus refert. Sed Jus tamen aliquod ut *naturale* Ipsi nullum, & nec ita *Jus Ei* aliquod *Gentium* datur.

Non etiam (II.) habuit *PUFENDORFFIVS*, quod *exemplis promiscuè* à *Doctoribus* ad Jus quoddam *Gentium* relatis, confunderetur; postquam viderat Ille II. J. N. G. c. 3. §. 22. aliqua eorum ad *Jus Naturale* referri debere, aliqua merè *Civilis* esse: cætera verò non nisi ad *mores* quosdam *Gentium cultiorum* pertinere, quibus aliæ non obligentur; quod tamen, ut omnes eò teneantur, fieri debeat in eò Jure, quod quis *Gentium* esse diceret. Nam & hæc ipsa largimur *Pufendorffio*: neque etiam *exemplis illis* Jus Gentium constare existimandum est. Quod verò Ille, quoad *rem ipsam*, putat: idèò nullum Jus tale dari posse, quoniam præter *Deum* & *Rectores Civitatis* nullus sit *superior*, qualem tam *Jus quodlibet* requirat: in eò iterum rectè Idem sentit; sed fallitur, quando in Jure illò *Gentium* idèò *superiorem* deficere opinatur: quoniam *diversæ Gentes* *Superiorem* non habeant. Etenim quoad Jus illud, quod nobis *Gentium* est, non tantum *Gentes collectivè* seu integræ *inter se*, sed & *singuli homines* in *Gentibus*, sive *diversarum* sive *ejusdem Civitatis* fuerint, *Superiorem omninò* habent; ut deinceps demonstrabitur.

Neque enim (III.) admittenda in posterum erit *communis Schola*: quæ cum deprehenderet, naturam dictaminum illius Juris, quod nos *Gentium*

dicimus, eorum etiam quæ sincera habenda sunt, ita comparatam esse, ut sub definitione Juris *Naturalis* comprehendi non possint: eò, præfractò etiam consensu, ductore inter primos HUGONE GROTIUS, devenit, ut Jus Gentium *Pactis tacitis* introductum esse, statueret: quam & doctrinam *Cl. Auctor* sequitur. Videlicet Jus etiam à *Paribus* constitui posse, nec ad constitutionem Juris requiri *qualitatem superioris*, existimant: Tantum obligationem in his, quæ supra *conventionem* sunt, vel eam præcedunt, esse *unicè* volunt à Superiori, qui *Deus* sit; indeque suò modò etiam *Civilia* Jura à *paribus* procedere. Hinc quoque Jus Gentium posse *voluntarium* suâ ratione & *positivum* dici. Interea secus in eo, atque in *Civili* Jure, obtinere, cum nihilominus, utcumque *voluntati* paciscentium Jus illud *commune* seu *Gentium* debeatur, ac *decreto* illorum: *necessitatem* tamen habeat moraliter immutabilem. *Vimque obligandi*, quam ab his, qui *Pactis* illis Jus Gentium superstruunt, desideret *Pufendorffius*, satis validam esse posse, è *consensu* populorum rectè utentium analogiâ Juris naturalis: quin & *executionem* ipsam à facultate *puniendi* proficisci; quæ etiam in Jure *Naturali* à *pari* procedere possit. *Jo. Frid. Hornius* autem necessitatem obligationis *ex re ipsâ* procedere, inque eâ fundari, putat; quippe quòd & sanctimonia Majestatum & nexus ac contextus Gentium talia postulet: (quò ipsò Ille solùm rationem habet Juris Gentium illius *collectivi*; alterâ ejusdem specie penitus sepositâ.) Ad quæ *Alii* non minùs expendunt, quòd Juris quoque *naturalis* obligatio *ex rei ipsius naturâ* & vel ipso actionis *objecto* profluat; indeque in *Jure Gentium* simile admitti oporteat. Et tamen in his non desunt, qui aded insistunt *pactis* suis *tacitis*, ut his adscribi unicè posse velint, si quid in *Jure Gentium* reperiatur, quod *Juri Naturali adversum* sit; qualia nonnulla ipsi putant se adducere posse.

Contrà ex *pactis tacitis* Jus Gentium utique derivari non potest. Nam (1) non ita ut *pactis* constituitur *Civitas*, quò deinde à *superiori* Lex *Civilis* procedat: (quanquam & sic à *Majestate* veniat: nec tam suò pacto, per quod ad Imperium *constituendum* quis concurrat, quam per *Majestatem constitutam*, quæ in fieri *multitudinis* fuerat, constringitur:) ita etiam *Majestas* aliqua ex *pactis Gentium*, de quibus nec constat, extruitur;

quæ singulis superior sit. (2) In *arbitrariis* rem ad *Majestatem* duci oportet. In Jure Gentium *necessaria* habentur: quæ ut voluntariò principiò niterentur, hæc ipsa nec desiderant, nec admittunt. Imò illi (3) *Superioritatem* quandam ex ipsis *pactis* tacitis ne quidem ædificari, per hoc ipsum largiuntur; ut quidem in *Civili* potestate sit: quando vim obligandi in Jure Gentium *ex objecto* oriri tradunt: perinde ut *H. Grotius* in *J. Naturali*, vim obligationis *ex rei ipsius naturâ* deduci posse, ait; etiam si daretur, *Deum* vel *superiorem* nullum esse. At verò *nullum Jus*, quodcumque fuerit, *absque superiore est*; quanquam ex objecto Juris *Naturalis*, ut & *Gentium*, *necessitas*, quâ constitui talia oportuerit, satis eluceat. Unde quidem præcepta naturalia per se honesta: nec tamen præcipi præcepta, seu honesta illa, aut *Leges* esse, potuerunt; nisi *voluntate* Divinâ, hominum cordibus inscriptâ. Imò aded ad Superiorem oportet in effectu Juris respicere, ut plerique *Majestatem* quoque *Civilem* immediatè à *Dei* constitutione pendere doceant; de quo tamen *inferius*. Equidem ex *pactis* (4) *Jus* oritur, ut *Jus facultas* est, seu attributum personæ. Verùm ita, quoad *originem*, principium est *voluntarium* naturâ suâ; qualem originem omninò *Juri naturali*, vel quod ei proximum est, *Gentium*, adscribere non licet. Imò ut pactum hoc obliget, *Lege aliâ* opus est, quæ paciscentem ex pacto constringat. Et tamen non ided tenentur Gentes, quia pacto semet obligaverint. Sic enim ante pacta ad illa quæ Gentium sunt, non tenerentur: imò pactis mutuis abinde recedere possent. Quòd si verò tenentur illis, etiam ante & citrà pacta: ad quid figmentò illò pactorum inutilium opus est. Pacti autem taciti eadem ratio est, quæ expressi; & hoc, antequam perficiatur, neminem ad objectum, quod continebit, obligat. (5) Non posset Jus Gentium *renitentes* & *barbaras* Gentes obstringere; quippe quæ pactæ fuisse dici non possunt: haberi autem quem pro eo, qui pactus sit, cum pactus non fuerit, veritati repugnat. Quòd si verò pacisci debuerat ille, jam ipsius pacto opus non est, qui necessitate aliquâ ante pactum seu ad pactum tenetur: quidni enim ad illam necessitatem potius, quam ad pactum illius, respiciendum foret. Planè (6) si quæ obligatio pactorum, quæ talium, ex *J. N.* est: adeoque non datur Jus Gentium; dantur verò pacta Gentium, ad

quæ

quæ sibi servanda Jure Nat. tenerentur. Ita verò constituens quoddam habebunt ea, quæ tamen illi *Juris* esse dicunt, non nisi arbitrarium, aut voluntarium saltem: ex se autem vim illa habent, quæ ex pactis pendent, planè nullam. (7) Quàm fieri non possit, ut Jus quoddam seu *Lex à pari* cuiquam feratur: *superius* evictum est. Nam Pactum utique seu *Conventio* *Lex* non est. Malè autem Jus Gentium quis *positivum*, & imò malè *humanum*, diceret: cum nil detur humanæ Legis, accuratè dictæ, nisi quæ *Civilis* est. *Punitionem* verò posse fieri inter homines *à pari*, falsum est pariter. Nec ulla *punitio* est *externa*; uti non in *Jure Naturali*, ita nec in *J. Gentium*. Omnis autem *punitio* à potestate *Civili* in *subjectos* est: quippe *Jurisdictionis* illa & *Judicii* est; non *Juris* per se, vel *Legis* alicui incumbentis. (8) Ex nexu atque *sanctimonia* Gentium inter se, colligi quidem potest: necessarium quid esse, ad illa adstruenda & conservanda. Sed necessitas illa *ex se* non habet vim *præcipiendi*. Et imò si necessitas est ex re ipsâ: jam non est *ex pactis*. Movet solum scopus, non *præcipit*: & quæ ipsum scopum promoveant, non *præcipiunt*; imò *præcipienda* sunt. Non etiam *utilitas* vim Legis habet, aut principium juris illius constituit; utut quod Gentium nexui prodest, illud *justum* sit, *per consequens*. Itaque oportet esse *principium rationale*, quod ea in genere *morum* præcipiat, quæ necessaria sunt: nam nec necessaria ipsius *Juris Naturalis* ex se vim habent *Legalem*, nisi *voluntas* Dei ea homini præcepisset; quæ quidem aliter illa in naturalibus velle non potuit. Videlicet non ea *formalem* rationem Legis obtinent, sed *objectivam* & rationem *Justi*; quanquam ne hoc quidem, nisi per *reflexionem* ad *superiorem*, qui eorum *Vindex* sit. Nec est *Lex* aliqua, nisi ubi *executor* est: cum *Lex* quælibet Jus dicentem seu *Jurisdictionem* & *Judicium*, ejusque executionem, postulet. Tandem (9) inepti sunt penitus, qui putant Jure Gentium aliqua contineri, quæ *Juris naturalis* rationi *adversa* sint. Nam nec ea *pactis* validè promitti possent, cum Jus Naturale pacta talia non modò invalida habeat; sed & prohibeat. Imò spurie ista, quæ illi adferunt, *Juris Gentium* dici, ex sequentibus patebit.

Est igitur vera, opinor, sententia, quâ IVS GENTIVM repetendum censeo non minus ex *Legis aeterna Dei*, quàm illa *hypothetica* est, & ad homi-

nem lapsurum respicit; quò ejus *indigentia* magis subveniri & *malitia* eorum, qui immorigeri futuri erant, quamvis *Gentium integrarum*, per homines etiam ipsos, eorumque industriam & operam, reprimi posset. Hæc igitur cum non minus homini per *rationem discursivam* consent; atque ratio illa, per *reflexionem* ad regulam *ipsi rationi præcipientem*, vim obligandi repræsentet. Idè non minus omnibus pariter hominibus præcepta illa *Juris Gentium*, per *Legislatorem* istum *supremum*, Deum, promulgata esse in cordibus, asserendum est.

Et quidem illa *Juris Gentium* præcepta, à *præceptis Juris Naturalis*, evidenter discerni possunt. Nempe (1) hæc, quæ *Juris Gentium* sunt, non ita ad hominem omnem, in *quocunque statu* fuerit, ut *Jus Naturale*, pertinent. Et fuit *Jus Naturale*, cum nec dum esset, saltem *applicari* non posset, *Jus Gentium*. (2) Jus id Gentium non *absolute* homini, quàm tali, quamvis etiam in *societate* posito, congruit, (nec enim solum *Jus Gentium* & unice *societati*, ne quidem *Gentium integrarum*, prospicit; quippe quas & invicem *Jus Naturale* stringit;) sed *Jus Gentium* homini convenit, quàm in statu *indigentia* & *malitia* humanæ positus est, quippe quòd *Jus Gentium* non ex *natura* ipsius rei seu *actûs*, sed ex *suppositione* illius *status* & *conditionis*, qui homini non *naturalis* aut *primævus* est, oritur. Indeque (3) præcepta *Juris Gentium* per *modum conclusionum*, quæ nec per se singulis nec semper, necessariæ sunt, educuntur: quæque nec evidenti ratione constant, ut illa quæ *Juris naturalis* seu *Gentium* *primævis* sunt. Adèd ut etiam humanò discursu & *agnitione* *conclusionum* (nec tamen *constitutione* eorundem,) indigere videri queant: non quidem, ut *Gentes* talia *arbitrariè* determinent; sed ut ea *discursu necessario* adversus instantias, quas videri poterat ipsa *ratio simplex* suggerere, & incerta conjecturæ, ex dictamine & suggestionem *rationis* compositæ *irrefragabilis*, eliciant: *suppetias* quoque in hoc *Gentibus* & hominibus *Christianis*, & quicumque eò ducuntur, *Verbo Dei revelatò* præbente. Cæterum non *constitutivum* est *Jus* illud *Gentium*; sed *ostensivum*: licet non eò *evidentia* gradu, quò *Jus* radiat *Naturale*.

Itaque IVS GENTIVM est *Lex*, quam Deus *indidit omnium mortalium cordibus*, ad discernendum

dum ea, quæ indigentia & malitia hominum emendanda congruunt; præcipiens illa, & prohibens contraria. Videmus equidem mores complures hominibus agentibus, etiam inter se, in certis actionibus, perpetuò & similiter servatos; tanquam congruentes voluntati Superioris, & hominibus, maximè in societate Gentium aut Civili viventibus, salutares. Ad quos in universum omnes, cum necessitate qualicunque, aut institutò peculiari, nitantur, discernendos omninò attendere oportet: num ratione aliquâ necessariâ, & quânam illâ; vel an solum arbitrariâ, quoad principium conslent: (nam & quæ in Civitate vel extrâ eam probabile etiam initium habent, ad effectum quendam necessitatis suò modò deduci possunt.)

Videlicet quæ rationis sunt naturalis absoluta & puræ: illa Juri Naturali relinquere oportet; quamvis & hæc Juris Gentium, (eò quòd Gentes omnes, & singuli in Gentibus, illis utantur:) dici soleant; ut est Religio erga Deum, obedientia erga Parentes; l. 2. ff. d. Just. & Jure, & Inviolabilitas hominum, è cognitione communi. l. 3. cod. Quò etiam, sicut Dominium, ejusque acquisitionem & amissionem, l. 4. d. t. ut & Pacta fidemque eorum, d. l. 4. referri oportet. Ita etiam qui pacem rumpit, aut fœdera solvit, is adv. Jus Naturale peccat; quanquam Pax ipsa, Inducia item, ut & Fœdera, ad Jus Gentium pertineant, quæ talia sunt; nec enim omne, quod naturalem finem habet, v. c. tranquillitatem, & ne quidem quod rationem seu æquitatem habet naturalem: illud statim in se Juris naturalis est. Nam & pleræque Leges Civiles rationi naturali insistant. Unde & Mediationes & Arbitria Bellorum Juris Gentium sunt. Legationes quoque in se, ut nunciorum sunt, ad Jus Naturale; sed ut ad compositionem dissidentium pertinent, ad Jus Gentium referri debent. Inviolabilitas tamen illorum in se, communi etiam ratione naturali nititur, vid. l. fin. d. Legat. Transitus quoque per Terras alienas Juris naturalis est: quem quidem variis casibus justè etiam denegare licet. Pax meritum Juris naturalis est. Sed executio ex vi illius Juris ad Deum respicit: quæ ad Hominem spectat, merè Civilis, & ne quidem Gentium est. Libertas Commerciorum Juri naturali debetur: quæ indigentiam sublevat, ad Gentium Jura pertinet; quò & modi ejus respiciunt.

Nam illa, quæ non absolutâ, sed hypotheticâ,

nituntur necessitate, & ut talia per rationem humanam agnoscuntur, Jus Gentium referunt: Et falsum est penitus, quòd actûs Juris Gentium non necessarij, sed indifferentes, sint: quippe quòd ex hypothesi ipsis necessitas concilietur. Falsum quoque, actûs solum in eò civiles esse. Nam & morales habet Jus Gentium; ut & Civiles Jus Naturale. Quamvis autem Defensio ipsa, & vim vi repellere, l. 3. π. d. Just. & Fur. etiam cum internecione aggressoris, sit Juris naturalis: tamen ipsa defensio, quæ formam Belli habet, seu potius Bellum, quò ad defensionem nostram, multòque magis, quò ad persecutionem juris nostri utimur, seu aggressorium; eò quòd nullum extrâ Civitates in humano genere sit Judicium, quò Jus suum asserere & tueri liceat, Juri Gentium debetur: (isque modus Divina quoque voluntati probatus est:) Videlicet quæ Bello fiunt, non fiunt ex simplici potentia fortioris, ut Hobbesiana illa; sed ex facultate legitimâ seu morali. Hinc etiam Captivitates & Jura postliminiorum in se, ut & Pax ipsa, Inducia, & quæcunque Belli sunt consecraria, pendent. Huc Fœdera quoque, Legationes, & quæcunque eorum ad Gentes integras pertinent; tum & Transitus exercitûs innoxium, referri oportet. Nectamen ea solum, sed & quæ ad singulos in Gentibus, ex eodem fonte, promanant. Unde & varii modi acquisitionum Dominij, ut & Jura in re alia, Servitutum & similium, tum & Possessionum: (quæ, ut cætera singulorum, non minùs ad Gentes integras æquè pertinent:) nam Præscriptionum Jura non nisi Civilia sunt; nec minùs quòd lésiones infra dimidium admittamus; ut & vis judicati. Modi deinde Conventionum & Contractuum varii: quibus invicem singulos Gentium, & ipsas inter se Gentes, uti necesse est: nam cæteri civiles sunt, utut à Gentibus, seu placitis singulorum Legislatorum, deinde sensim quoque assumpti: ut vel ipsa est per nummum introducta Emptio Venditio. Sic enim Testamenta etiam reperti Civilis sunt; sic & Feuda. Repressalia verò & Pignorationes compendium quoddam Belli referunt; indeque ad Jus Gentium meritò referuntur. Sed Retorsiones Jurium, ad vim statutorum, quæ aliarum Civitatum Statutis opponimus, ut earum quoque Cives similibus ap. nos subjiciantur, respiciunt; & quamvis ratione naturali talionis nitantur, non tamen ipsa in se nisi Civilia Jura sunt. Denique punire son-

res ad requisitionem alterius, aut *dedere*, Jure Gentium Potestas Civilis non adstringitur.

Succedant jam *Instituta* illa, quæ *probabili* tantum ratione, five honestatis, five utilitatis communis, nituntur; indeque ea Officiorum illorum nomine continere licet, quæ Gentes tantum *moratior* observant: & vel ea sibi invicem præstant, (cùm quidem ea, quæ propriè & verè Juris Gentium sunt, etiam *barbaras* obstringant atque renitentes:) indeque non sunt illa Juris eximie dicti, & magis ex *compacto*, non etiam ex *Imperio*, profluunt. Videlicet Officia illa in *nudâ* quidem *imitatione facti* non consistunt; quippe quæ pacti vim non infert: sed quandam *obligationem* habent, ex consiliò omnibus moratioribus probatò, quod *harmoniam* illam universalem inter Gentes *cultiores* facit & *perpetuam*. Proinde *Origo* istorum *Officiorum* in se est *arbitraria*; id quod ex objectis & qualitate eorum patet, dum *materia* ipsorum *indifferens* est; ut tamen ratio communis, ejusque evidētis, salutis *suadeat*, ne officia illa intermittantur: perinde ut in *Theoreticis*, de naturalibus aliisque rebus, *sapientes* in unum tacitè consentiunt, illudque probant. Verùm hæc quidem *Legem formaliter* non efficiunt; sed solum *effectivè*, ut Jus seu *Facultas* Gentis in aliam ex compactis illis educatur: edusque constituta, donec aliis idem præstare voluerimus. Quanquam & *regulam* quandam rectius agendi dicere posses. Nec enim omnis regula Lex est. Eò pertinent, quæ Gentes in *Commerciis*, in Jure *Legatorum*, & in ipsis quoque *Bellis*, velut v. c. in denunciationibus illorum, totòque Jure *Feciali*, nec non in *Fæderibus*, quoad *Solennia*, servant; & quæ circa illa *observantia* seu *consuetudini* (quæ tamen in rigore non nisi à *Potestate* superiori *Civili* est,) imputari solent: item quòd *corpora hostium* concedantur sepulturæ, quòd capti *servi* non occidantur, (nam *venditio* illorum, ut & *occiso impunis*, non nisi *Civilis* est:) quòd *sacris* rebus hostium parcamus, ne cultus religiosus in suspicionem adducatur: quòd *usus veneni* in Bellò illicitus habeatur. Nec minùs omnia huc respiciunt, quæ *correspondentiâ* nituntur Gentium *mutuâ*. v. c. quòd *judicatis* hujus Civitatis alia quoque locum relinquat: quòd *actum* secundum *solennitatem* istius gestum & ipsa probet: quòd *statutis* istius in multis valorem concedat: quòd *Legitimos* istius Civitatis seu Reipublicæ ap. se etiam pro ta-

libus agnoscat; & quæ similia sunt. Nempe non quia ad hoc teneretur inevitabiliter, sed ut etiam vicissim eadem quoad se & suos obtineat: nec ob rationem aliam, nisi *utilitatis promiscua*. Id quod demum *compacto reciproco* tribui potest: ad rationem verò *Legis* referri nullatenus oportet.

Quòd verò *Dominium* ad Jus Gentium referri soleat, inde est: quia frequens sententia accepta fuit, *communione* rerum *juris naturalis* esse; à quâ per *divisionem* vel *occupationem* Gentes ex placitò communi recesserint: Cùm tamen non modò ad Gentes etiam plura *Juris Naturalis* respiciant: quippe quòd non hoc solum *singulorum* curam habeat; verùm etiam *Dominium* rectius ad *Jus Naturale* referatur: *negotia* etiam plura, quæ præcisè ad indigentiam sublevandam reperta non sunt, eò pertineant: & in cæteris *aquitas* non minùs ex Jure *Naturali* adferatur. Quâ ratione etiam *Jura Legatorum*, *Fæderum*, *Pacis*, ad Jus *Naturale* spectare diximus.

Planè quòd *Jura Servitutum Personarum* attinet; ut capti potius *serventur* quàm occidantur, *Juri Gentium* adscribi debet: ut verò ad *perpetuas* operas addicantur; quæ demum *servitus* illa est: id verò *abusivè* Juris Gentium dicitur; cum tantum ex *compacto* Gentium illarum, quibuscum *Romanis* Bellum intercessit, *Jura* illa *servitutum*, nullâ ratione necessariâ, sed solum *probabili* quâdam & *arbitrariâ*, obtinuerint: Jus autem *vita & necis* cum cæteris, ad *Civiles LL.* cujusque Civitatis per se referri oporteat. Nunc quidem *Servitutes* illæ inter Gentes non nisi *Barbaras*, & ne quidem per omnia eò modò, quò inter *Romanos*, cum indignatione Gentium *moratiorum*, conspiciuntur.

Jura autem *Acceptilationum* in *l. s. ff. de Acceptil.* aliò, nec minùs *abusivò* sensu, Juris Gentium dicuntur: quia *acceptilatione*, licèt inventum *Civile* sit, etiam aliis in Republicâ *Romanâ*, quàm *Civibus Romanis*, uti permissum fuerat.

Denique illa tantum *subjectivè* & sic improprie, non item *efficienter*, Juris Gentium dicuntur, quæ *inventione Civilia* sunt; sed ab aliis etiam, eò quòd eadem expedire suæ Civitati viderent, *assumpta* fuere: quem in sensum non solum *particularia* quædam, sed & *integra Jura*, qualia *Feudorum* sunt, Juris Gentium esse dicimus. Sic etiam *Grads* quidam *propinquitatis*, in *Nuptiis* prohibiti, non ex ratione necessariâ Gentium pendent; sed

ex institutis Civitatum procedunt, quas & alia, quæ in his majorem laudem agnoscebant, secutæ sunt; ut cum idem Civitates seu Gentes pleræque fusciperent: inde Juris Gentium *speciem*, & *nomen* etiam, acceperint. Atque talis quoque prohibitio conjugii inter *fratrem & sororem* est: talis quoque ea, quæ inter hos versatur, qui sibi *Parentum & Liberorum* loco sunt. (De Jure enim *Divinò* *positivò* jam non quæritur.)

Ipsam verò *Jus Gentium* propriè dictum, ut superius descriptum est, rectè *DISTINGUITUR* in id, quod tale est inter Gentes *distributivè*; & quod est tale inter eas *collectivè* sumptas. Illud inter ejusdem quoque Civitatis Cives locum habere potest, adeoque etiam in primis *familiis*, cum nondum *Gens* daretur, obtinuit. Et valdè imperiti sunt, qui *Jus Gentium* per hoc à *Naturali* discernere volunt; quòd hoc ad *singulos*, illud ad *Civitates & Gentes* integras spectet; cum tamen & *Jus Naturale* Gentem genti obstringat. *Jus* etiam quoddam imò *maxima* pars *Juris Gentium*, ad *singulos* homines & Gentes ut *singulas* pertineat. *Collectivum* verò *Jus Gentium* non nisi inter diversas Gentes servatur; uti sunt *Bellorum*, *Legationum*, *Commerciorum*, *Fœderum* & similia jura. Num verò etiam *Jus Gentium* in id quod *Pacis*, & quod *Belli* est, distingui potest? Utique non ita posset *Jus Naturale*. Hugo Grotius etiam *Jus suum Pacis* non aliter, quàm ut *Bello* finem imponit, nuncupat: cum *Bellorum* Jura cum primis executurus esset. Sed adæquata erit definitio, si dixerimus, à *negotiiis* eorumque discrimine: (sumptâ *Pace*, pro quocunque statu, qui *Belli* non est; terminò infinitò:) quòd *Jura alia Gentium* pertineant ad ea, quæ *Belli* sunt, alia ad *reliqua* omnia; non modò in *statu Pacifico*, sed & in *Bellico*, quæ in hoc *Bellica* non sunt: *togata* dicimus, seu ad *togam*; ut ista ad *sagum* pertinentia. Porro *Jus Gentium* aliud *Publicum*; aliud *Privatum* est; quod posterius qui negant, parte suâ meliori *Jus Gentium* mutilant. Est quoque *Jus* illud aliud *Sacrum* aliud *Profanum*; sed non est aliud *Commune* aliud *Particulare*; quasi hoc sit *moratorum*: ut abstinere in bellis à venenò. Nam hoc *Juris Gentium* non esse, modò diximus: & omne igitur *Jus Gentium* commune, nullum tantum *moratorum* est. Non etiam in *Antiquum* & *Recens* rectè distinguitur: nam illa non est distinctio nisi *Juris positivi*, non

etiam *Juris communis*; quale est *Jus Gentium*. Imò *Legatio assidua*, item *lytri* acceptio pro captivis, non sunt *Juris Gentium*, nec ratione necessariâ nituntur; sed *ex pacto* procedunt. Denique non aliter *Jus Gentium Permissivum* datur, quàm de *Jure Nat.* diximus. Estque & illud *Gentium* *permissivum immutabile*. Quæ verò *negativè* illius sunt, i. e. de quibus nil statuitur eò *Jure*, sed quæ *Legislatoribus* singulis relinquuntur: ea nec *Juris Gentium* dici possunt.

Vim ipsam *Juris Gentium* si expendamus, *directiva* tantum illa est, quam vocant, *inter homines*; *coercitiva* seu *Judiciaria externa* non item. Nulla talis in *jure Naturali* extrà *Civitates*, seu in *statu naturali*: nulla etiam in *statu Gentium*; multò minùs ut *penam* *Gens* una sumere possit: de aliâ, quasi violante *Leges Gentium*. Nam *coercitio* qualiscunque non habet protinùs formalem rationem *pæne*: quippe quòd hæc *superioritatem* inferat; nullas verò præter *Deum*, ut in *Naturali*, sic & in *Gentium Jure*, sit superior. Et ne quidem *omnes Gentes* si conjunxeris, illæ superioris vicem habere possunt; secùs atque in *Democratia Civica*, ubi singuli superioritatem universorum seu *Multitudinis* sibi imposuerunt; quale quid singulæ Gentes in universis ne cognoscere quidem possunt, aut usui hæc agnitio futura esset. Quòd si verò *communi* omnium *sensu* aliquem *Juris Gentium* reum damnari posse dicas: nil aliud inde conficies, nisi *applicationem* *Juris Gentium*, *executionem* non item; neque exequendi potestatem: quæ non *rationis* est, sed *Dei* unicè; qui non *universale* mundi, sed *Civitatum Imperia* tantum, dedit hominibus. Equidem *Bellorum exitus* vim *judicati* inter Gentes obtinet hætenùs, quòd *finem contentionis* esse oporteat; sed *judicatum* tamen *per se* non est: ut nec *Bellum* est *Judicium*, aut *Gladius* superioris vicem gerere eâ quâ decet, *reclitutine* potest; nisi quòd *Dei* directionem in exitu *Bellorum* agnoscere oporteat, qui *victoriam* tribuit *vincenti*, non ubique ob *justitiam* causæ *bellò actæ*, sed quòd *justum* fuerit, ipso *bellò* hoc, etiam ex *injustâ causâ* susceptò, alterum *vinci*.

(b) IMMEDIATE. Simpliciter, vult *Auctor*, nam & cætera jura, tam *Gentium* quàm *Civilia* à ratione *immediate* procedunt; tantum quòd in his non absoluta, sed *composita* & *hypothetica* sit. Quatenus verò *arbitramentum* contineat, seu *voluntate*

Iurata Gentium nitatur, Jus *Gentium*, ex modò promiscuè *h. l. Auctor* Juri illi attribuit, judicare dictis constat: ex quibus etiam de *exemplis*, quæ licet.

II. Diversum docent, principiis tamen singuli diversis, & conditores Juris Romani & Hobbefius ille Britannus. Jcti Naturale Jus appellant τὰ πρῶτα καὶ φύσιν, prima naturalia, (c) quæ brutis quoque animalibus insunt.* Id autem quod generi humano proprium simul & commune est, hoc omne, Jus Gentium vocant, tam quod cum hominibus ipsis proditum (d), quam quod ab illis introductum est. Hinc ad Jus Gentium referunt, Religionem in Deum, pietatem erga patriam & parentes, cognationem inter homines naturalem, denique servitutes, manumissiones, bella, regna, dominia, contractus.** Quæ jura, cum facile appareat, diversæ esse constitutionis, Interpretes Artis, duas Juris Gentium species, primævum & secundarium, distinxerunt. Qua partitione factum est, ut verbis quam re sententia Juris Romani à philosophiâ, quam Grotius sequitur, differre videatur.

* Dixi in digression. l. 1. c. 21.

** vid. l. 1. in fin. cum ll. seqq. de Just. & Jur.

(c) PRIMA NATURALIA. Sunt prima naturæ, quæ nobis ut animalibus insunt, per modum instinctus; Secunda, quæ ut hominibus, per modum reflexum rationis. Et tamen ex primis naturalibus H. Grotius L. I. c. 2. §. 2. Jus naturale deducendum esse, putat. Hinc etiam in Prolegom. curam foetus v. c. in brutis tribuit intelligenti cui-dam extrinseco. Quod quidem posterius uti falsum omnino est, neque intelligens quoddam habetenus desideratur in brutis & ipsorum operationibus; quippe ad quas nudus instinctus naturalis, & vis æstimativa quædam interna, sufficit. Ita à primis illis naturæ, quoad hominem, Jus Naturale derivari non potest: Nam (1) illa non sunt electionis & rationis, sicut esse debent actiones Juri sub-jectæ: siquidem inclinatio solum competit anima-li, quæ tale est. (2) Competunt illa prima homi-ni, quoad appetitum sensitivum, qui tamen ut ra-

tioni subest, ita cum eâ sæpè pugnat: Et prius est igitur, ut audiat ratio à Lege æternâ informata. (3) Quia motus illi ob temperamentum hominum & rationum varii sunt; Lex verò naturalis apud omnes est eadem. (4) In primo homine non potuerunt fuisse illa prima inordinata. (5) Homo ut animal concipi & considerari debet; sed ut homo utitur Jure Naturæ, & non minus homini etiam quæ homini inest v. c. studium se conservandi, ad quod utique ratione instructus est. Neque enim potest habere rationem proprii Juris naturalis, quod æquè brutis competit; quodque à secundis naturæ determinatur & indifferens est, atque ad excessum æquè propendet.

(d) CVM HOMINIBVS PRODITVM. Naturale scil. humanum, seu secundarium, quod dicunt, aut Jus Gentium primævum; ut nunc sequitur. conf. §. 6. h.

III. Hobbefius * discrimen statuit, inter Jus Naturæ & Leges Naturales, quemadmodum ex superioribus intelligi potuit. Jus Na-

turæ videtur sumere pro facultate istâ aliquid habendi aut agendi. Hoc adæquatum vult cum Statu Naturali, idque solâ potentiâ docet æstimari, ut quisque jus habeat, quantum viribus valeat. Sed Leges Naturæ vocat illa dictata, quæ docent à Statu Naturali & jure illo validiorum in imbecilliores esse recedendum. Expertis hominibus, eò jure vigente, nihil esse in mundo quam bella omnium adversus omnes.

IV. Leges igitur Naturæ has esse; (e) ** *Pactis standum, gratiam referendam, non esse incommodum alteri, non contumeliosum, esse misericordem, modestum, non præferre semet aliis, nec alios aliis. Item habenda communiter, quæ dividi nequeunt, aut sorte dividenda, quod quisque primus occupaverit, id ipsius fieri. Controversias non manu sed per arbitros exequi. Neminem esse arbitrum, aut testem in propriâ causâ. Postremam esse Legem, non inebriari.* Harum Legum nulli locum esse in Statu Naturali, *** sed tum solummodo, cum secure id fieri possit. ****

* *Hobb. c. 1. §. 7.*

** *Idem cap. 3.*

*** *cap. 5. §. 2.*

**** *c. 3. §. 27.*

(e) LEGES NATURÆ HAS ESSE. Viginti recenset *Hobbesius*, quas strictim hîc complexus est *Cl. Auctor*. Vigessimam *de non inebriando* seu vitandâ *crapulâ*, hîc niti, ait, quia Leges naturæ is observare non possit, qui sciens volens id faciat, quò *facultas rationalis* labefactetur: indeque perinde esse, utrum præter officium faciat quis; an id faciat, quò minus Officium implere possit. *Scharrokius* Officia, quæ vocat secundum *Jus Na-*

turæ, his Capitibus includit. (1) *Innocentia*. Neminem innocenti damnum inferendum. (2) *Fidei*. Hanc servandam. (3) *Gratitudinis*. Paria bene merentibus retribuenda esse. (4) *Philantia*. Salutem sui procurandam. (5) *Studii prolis*. Sobolem gignendam. (6) *Amoris Cognatorum*. Benefaciendum consanguineis. (7) *Humanitatis*. Hominibus reliquis prodesse oportere.

V. Porro Leges Juris Gentium diversas à naturalibus nullas agnoscit. Sed aut naturales esse, quatenus faciunt ad pacem humani generis custodiendam, ut sunt discretionum Gentium, constitutiones imperiorum. Aut civiles, (f) quæ jam Imperii ordinem & unionem præsupponunt, ut distinctiones dominiorum, commercia, contractus, & id genus alia.

(f) AUT CIVILES. Nec tamen aliter naturales istas ab his civilibus, nisi *denominatio- ne extrinsecâ*, differre docet; ut *suprà* dictum est.

VI. Primam illarum opinionum, quæ est Juris Romani, terminorum

norum abusu, duntaxat à doctrinâ, quam nostram fecimus, differre diximus. Jcti enim Jus Gentium vocant id, quod homini innatum. Quoniam principia illa, quorum imitamenta brutis inesse videntur, (g) juris naturæ appellatione perperam nec tamen sine exemplo dignantur.*

* *Dix. in digression. Justinian. l. 1. c. 11.*

(g) IMITAMENTA BRUTIS INESSE VIDENTUR. Nam rationem licet inesse Brutis nonnulli asseruerint, & Hieron. Rorarius, Exlegatus Pontificis, peculiari Libello, quod bruta ratione melius utantur, quam homo, conatus fuerit ostendere; Franciscus quoque Bonæ Spei, bruta ratiocinari: non quidem ad actûs liberos & in ordine ad electionem, sed ad actûs necessarios: cum discernere & cognoscere bonitatem consequentis, sit ratiocinari. Imò Jammetus, ut & Salmasius in *Animadv. ad Epietetum. pag. 136.* in brutis gradum rationis dari tradiderint. Adde quoque de la Chambre *Traité de la Connoissance des Animaux, du Raisonnement des Bestes. Paris. 1662. 4.* Tamen imitamenta potius rationis, seu vim quandam æstimativam in brutis reperiri, quam rationem aut gradum rationis, (quippe quod gradûs illa non admittat,) verius est. Ejus vim æstimativam, quâ intentiones etiam non sensatas perciperent, adeoque ultra apprehensionem formarum in sensûs incurrentium: (siquidem, ut bruta solum moverentur, ob convenientia vel disconvenientia sensui, non sufficiebat;) formicæ, v. c. item avi nidificanti, &c. natura indidit: ita ut impulsus & cognitio quædam congenita sit in brutis; quæ quidem à rationali totò genere differt. (1) Quia opera sua perficiunt bruta, non cum facultate cognoscendi rem in naturâ suâ; quod est rationis: sed solum sub ratione boni privati sui, idque ex simplici impulsu, & absque præcurrente experientiâ. (2) Consimiliter, sine variatione, nec modò differente. (3) Cognitio brutorum non est reflexa; ut est ratio. Nam quando naturam rerum apprehendimus per rationem: naturam quoque ipsius cognitionis apprehendimus, eoque ipsò in cognitionem nostram reflectimus. Sed brutum non cognoscit se brutum esse, nec habet facultatem supra actûs suos reflectendi, quod tales sint; v. c. dum brutum se defendit, non cognoscit, quod & cur se defen-

dat. Oculus etiam in homine videt, nec tamen videt se videre. (4) Non cum prænotione finis alicujus. Finis enim cognoscitur (a) formaliter, cum habitudine ejus ad media. (b) materialiter, sub respectu convenientiæ cujusdam; præcisâ proportionem cum mediis: quæ posterior æstimatio solum in bruta cadit; quamvis & ipsa imperfectè: siquidem cognitio non simpliciter est tam agentis bruti, quàm acti à naturâ: atque illa ex principiis impressis, naturali potius necessitate, quàm obedientiâ, Divinæ ordinationi obtemperant, & in fines præordinatos feruntur. Proinde nullum est periculum, si cognitionem dictò modò brutis tribuamus, ut illis gradum rationis largiri oporteat; quod Cartesius & qui eum sequuntur, meritò se vereri, opinantur. Ita enim est, quod Bruta quidem cognoscant objectum suum, & illud excitet Spiritûs animales: siquidem factâ objecti externi in animâ bestiarum impressione, ad varias cerebri partes impelluntur Spiritûs: qui si inveniunt speciem speciei delatæ similem, in memoria animantis hærentem, excitatam illam Phantasia, unâ cum speciebus connexis, objiciunt. Unde fit, ut ex memoriâ illorum, quæ aliquando sensit brutum, & specierum receptarum, jam excitatarum, conjunctione & concursu, eadem colligat, quæ olim sensu percepit. Nec tamen per hoc illa ratione aut gradu ejus aliquò valere inferri potest; quippe quod satis remonent ea, quæ ante diximus. Videlicet sensu interno illa non carent, nec cognitio quælibet seu perceptio, rationis est: estque falsa Cartesii doctrina, quod actûs brutorum determinato motui interno spirituum animalium tribui debeant; dum illa moveantur, ut machinæ: brutumque nihil aliud fit, quàm corpus vivum motu præditum. Falsum etiam, quod ratio hominis nihil aliud fit, quàm cogitatio: quodque si brutis sensum communem, phantasiam & memoriam tribuimus, inter hæc & rationem hominis non nisi gradûs

gradus sit differentia. Interea cognitione licet prædita sint, sensuque illò etiam internò, indeque animam sensitivam totam; non tamen Juris naturalis illius propriè dicti capacia haberi possunt; neque enim justè agere dici potest, quod naturaliter solum agit, non moraliter seu cum electione. Accedit, (1) quòd Jus naturale etiam in statu lapsus imaginem divinam respiciat: cum adhuc superstes sit in sensu Ecclesiastico lumen veri & sensus boni. (2) conscientia. Rom. II. & γινώσκοντες θεόν. Rom. I. v. 20. illi juri tribuatur, (3) In Brutum non cadat habitus; cui quid analogum jus Naturale habendum est. (4) Non sint capacia illa præmiorum & poenarum; nisi harum solum materialiter. Vel potius non in poenæ vicem, sed aliis de causis aliquando tollantur è medio: quas bene exponit Pufendorf. L. II. c. 3. §. 3. (5) Quando natura quid præcipit in ordine ad conservandam naturam sensitivam, semper involvat modum rationalem. Nec sufficit, ut Strauchius arbitratur, si in præcipiente tantum ratio sit: puta in Deo: nec quòd actus quidam communes sint in brutis, ratione essentiae seu physice: cur enim non simul cum plantis jus commune fingitur (Neque etiam Grotius recipiendus est, qui in Prolegom. Brutorum actus ab externo principio dirigi existimat; cum tamen nec

forma assistens, nec angelus, nec anima mundi, id conficere possit, nec ad Deum istud referri propriè debeat; verum ad internum principium, & vim æstimativam, de qua antè diximus.

His omnibus non obstat; Quicumque participat de Lege Dei æterna, ille capax est Juris naturalis. Atqui Bruta. E. Resp. utique Bruta participant de Lege Dei æternâ; quatenus hæc sumitur pro judicio intellectus divini practico, secundum quod res creata qualibet, secundum naturam sibi convenientem, regeantur. At verò hoc modo etiam res inanimata de illâ Lege participant. Quà verò Lex æterna inaduatè sumitur pro Regulâ morali creaturam rationalem obligante ad id, quod in se & suâ naturâ rectum est: ita Bruta de ejusmodi Lege Dei æternâ participare non possunt. Prior acceptio Legis æternæ præcisa est; posterior hujus loci, & ad hominem ipsumque Jus Natur. definita. Et tamen ad priorem sensum aliqua brutis insunt, non nisi materialiter, secundum quæ scilicet agunt necessariò, ad jussu, non ad Jus: (nam & rebus inanimatis ex illâ Lege Dei inest inclinatio; ut igni ad ascensum &c.) sed non etiam formaliter, prout hæc ipsa in homine reperiuntur; cognoscente convenientiam & disconvenientiam actuam suorum, cum illâ Lege Dei æternâ.

VII. Hobbesii jus naturæ à legibus diversum, ita ut ab illo explicatur, præcedenti capite refutavimus. Sed leges ipsius pro Jure Naturæ admittimus; sic tamen, ut facile plures addi possent. Etiam ut in Statu Naturali, quatenus termini habiles singulis conveniunt, obtinere debeant, quod similiter probavimus.

VIII. Porro manifesta res est, quod multa in rebus humanis instituta plerisque populis communia vigeant, quæ sine actu voluntatis humanæ vim habere non potuerunt. Quæ proinde naturalia, id est, nata cum hominibus, videri non possunt. Cum autem nullius certi populi autoritate introducta vel excogitata sint, clarum est neque civilia dici posse. (b) Unde tertium genus dari necessarium evadit, quod Jus Gentium appellamus. Scilicet, positiones talium institutorum non esse naturales, contendimus. Quibus tamen suppositis conclusiones ex illis immediatè naturales omninò producuntur.* Sic dominium est juris positivi (i) actuque voluntatis humanæ stabilitum. Sed, rece-

recepto eo, tunc & ipsum Naturæ jus indicat esse nefas alteri eripere quod ejus est proprium.

* *vid. Grot. cap. 1. §. 10.*

(b) NEQUE CIVILIA DICI POSSE. Et tamen propterea non definit *Jus* quoddam *Civile* esse, quod plures recepere Republicæ; quamvis de certâ quâdam *Gente* non constet, à quânam illud primitus introductum sit. Imò sunt quædam *Instituta* pluribus usurpata, quæ tamen ne quidem propterea *naturam* & *vim juris* habent.

(i) DOMINIVM EST JURIS POSITIVI. Imò juris naturalis. Est enim commentum illa,

quam *Cl. Auctor* cum *H. Grotio* statuit, *primæva communio*. Et non posset aliter juris naturalis esse illa conclusio; (quæ quidem, ut propior, instar principii habet; saltem non Gentium aut Civ. est:) *ab alieno abstinendum*. Ut enim modum quendam *Jus G.* aut *Civ.* introducere possint, quò alicujus res fiat; tamen *ipsum in se dominium* Juris naturalis est.

IX. Præterea, quanquam *Jus Gentium* rationi *Naturali* convenire debeat, tamen *Juris Gentium* in hypothese esse potest, quod repugnat rationi. (k) Propterea, quod universale jus ob varietatem circumstantiarum mutari nequeat. Cum ob judicii de illis incertitudinem, tum, quia prætextu singularium jus universum infringeretur. Hinc jus domini in servos, patris in liberos, mariti in uxorem, magistratum in cives durat, etsi iniquè exerceatur. Quemadmodum & in iis, quæ sunt juris civilis, haud rarò obtinet; ut præscriptione longissimâ per malam fidem. Unde haud inutilis distinctio inter ea, quæ justitiæ intrinsecus & quæ extrinsecus (l) conveniunt, ut in loco nobis occurret.

(k) QVOD REPUGNAT RATIONI. *absolutè*, non omni; quamvis nec ista rectè dicatur *repugnantia*. Nam *præscriptio* ratione *naturali* quoque nititur, quæ vult litium in Republicâ finem esse: & possessionum justas acquisitiones, certis requisitis, etiam contra veros olim Dominos, defendi, rationi non adversatur. *Jus verò Domini* in servos iniquè exercitum *Jus* non est, seu *Facultas* Juri aut *Legibus* probata; ne quidem ut jus est *iniqua sententiâ*: nam hanc, si in rem judicatam transeat, publica salus defendi jubet; & læsus illâ sibi imputare debet, quòd eam sententiam in rem judicatam transire passus sit. At verò si jus suum Dominus, si Pater, iniquè exerceat, ne *externâ* quidem ratione tale quid juris nomen obtinere potest. In cæteris verò *institutis Civilibus*, ut *Vellejano*, *Macedoniano*, *lesione infra*

dimidium, nequaquam *ratio naturalis* abest; sed *fortior ratio* inter concurrentes respectus prædominatur. Cæterum non tam videtur *Auctor* statuerè, quòd detur *Jus* quoddam *Gentium*, quod rationi adversetur: nam hoc in *pr. §. 9.* Ipse negat; verum quòd facultate eâ, quæ ex jure suo competit, quis quandoque *abuti* queat: id quod *Jus* vocat in *hypothese*. Nam ita licet jus verum non exerceat; tamen in Civitate, ut & inter Gentes, illud *effectum juris* habere. At verò hæc acceptio hypothetica ad rationem *juris*, quæ pro *Lege* accipitur, non pertinet. Quodque hic eò significatu de *Jure Gentium* traditur, istud ei ne quidem proprium est; verum etiam in *Jure naturali* occurrit. *Impunitas* verò neutri, sed solum *Juri Civili*, adscribi potest.

(l) EXTRINSECVS. Quoad *Fori humani* ratio.

rationem; quod propriè non nisi in Civitate obtinet. Nam inter Gentes impunitas & tolerantia non tam positiva quàm negativa est; ed quodd executio pœnarum, & emendatio iniquitatis exacta, ibi nulla dari possit. Neque igitur, si quæ impunè fiunt inter Gentes, illud ipsi Juri Gentium ejusque naturæ attribui debet; quasi Jure scilicet Gentium illa impunè fiant, & non ita in Jure Naturali se habeat; uti sint stupra, incendia, cædes, è solâ libidine, infantium sc. puerorum, senum, fœminarum, finè usu belli: atque hæc Juris Gentium externi haberi oporteat. Quod & referunt Alii perfidiæ incitationem alienæ, velut subditi Regis hostilis, in Ipsum Regem; item quodd promissorum in bello solenni fides ex metu rescindi non possit. Imò non aliunde fortiùs discrimen Juris Naturalis à Jure Gentium se ostendere posse credunt. Enimverò (1) Impunitas illa nil ad Jus ipsum Gentium: in civilibus aliter habet; quod ipsum tamen solùm effectum facultatis ejusmodi factis permittit, ut Juri tamen ipsa formaliter non congruant: quin potiùs talia Jus ipsum improbat.

(2) Debet Jus omne tranquillum reddere in conscientia; quale quid non est in effectu Impunitatis. (3) Etiam adv. Jus Naturale inter Gentes impunè peccari potest: nec tamen ea Juris Nat. externi quis rectè diceret. (4) Non approbat ullatenùs Jus Gentium supra & reliqua, quæ omitti possunt: imò ne quidem mala Belli inevitabilia; dum ipsa Bella probat: unde si in obsidione infantes globis injectis perimantur, illud non nisi Belli malum & infortunium est, & ad factum Belli ejusque naturam pertinet, Jus verò Belli non attingit. (5) Incitatio subditi ad perfidiam nulli Juri Gentium probatur. Metus verò, quia privatus non est, qui bellò infertur, idè nec solus ille, nec cum læsione, respici potest, ut causa ex integro cognoscenda sit; ne bellum ex bello recrudescat. Imò belli alia & incommoda, quæ modum scilicet non habent, admittere non possunt, ut de læsione ex metu disceptetur. Intereà Jus Gentium Belli iniqua non probat; nec ut vindicentur, impedit. Quod tamen ne fiat, prudentiæ potiùs, ad evitandum majus malum, quàm Juris prohibentis est.

X. Cæterum ex dictis apparet, tam Jus Naturæ in Statu Civitatum, quam Jus Gentium in statu naturali, (non tam illo primævo, (m) quam qui nunc est inter populos diversos,) obtinere.

(m) NON TAM ILLO PRIMÆVO. imò & ante conditas Civitates Gentesque Jura Gentium, quæ distributivè talia sunt, obtinuere. Neque enim Jus Gentium illud subjectivè, quasi Gentes ad sui exercitium requireret, verùm efficienter dicitur;

quodd eadem ratiocinatio idem dictitet Gentibus integris, quod singulis hominibus, ut v. c. indigentiam suam contractibus & aliis modis sublevent, ingesserat.

CAPVT. V.

De Jure Divino.

ARGVMENTVM.

Jus Natura & Gentium omnemque rationis usum subesse regimini Juris Divini. Hoc duplex statuitur Mosaicum & Christianum. Illud ad Hebræos solos, hoc ad omnes populos latum. Mosaicum rursus duplex, cerimoniale aut morale, hoc aut necessaria aut probabili ratione niti: necessaria, ut in plerisque Decalogi: quâ proinde omnes non modo vi tacitâ natura, sed & expressâ præcepti Divini homines obligari: probabiles rationes in præcepto de Sabbatbo esse & in Politicis, easque aut solis Hebræis aut æquè reliquis convenire; solis Judæis, ut in lege de asyris; æquè aliis, ut in præcepto de habitu

bitu sexuum, pœnis delictorum. quæ prioris sunt generis, eas cum Judaico populo cessare, non ita reliquas, sed quatenus in iis honestas moralis etsi non necessaria vertitur, ita hodieque esse obligatorias, mutabiles tamen, quatenus in iis aliquod ceremoniale aut judaicè peculiare consistit. Applicatur hoc quæstioni de Sabbatho; in quo sit ratio moralis; non tamen necessaria, sed cujus probabilitas nobis æque ac Judeis conveniat, ut septima dies pro cultu solenni excipiatur: Unde hac parte nos quoque teneat: quæ autem ex hebdomade feria eligenda sit, hoc peculiare & mutabile videri. Quod de obligatione legislatoria in hoc capite dicitur, id non cum relatione ordinis civilis capiendum, quo sensu nulla lex Hebrais lata ad nos spectet, ne decalogus quidem, sed de conscientia voluntatis divina aliis ita manifestata, ut nos eadem voluntatis declaratione obstringi non sit dubium, eoque sensu decalogo nos teneri & legibus moraliter probabilibus, quæ & nobis congruant eadem analogiâ. Denique non videri in N. T. severiorem morum disciplinam ac in V. T. tradi.

I.

Dictamina rationum, unde Jus Naturæ & Gentium, sunt principia philosophiæ, quibus, si sola sint, homines facile abutuntur (a) καὶ καταστρέφονται. Ita ut studium sapientiæ καὶ πᾶσι fiat ἀπ᾿ αὐτῆς inanis argutia, & deflectens à τῷ γνωστῷ τῷ Θεῷ totum evadat ὡς ἄλλοις τῶν ἀνθρώπων, hominum traditio. Per se tamen illa minimè improbanda esse indubitatum est. Quando è sculpturâ numinis impressâ cordibus (b) originem habent. Quæ, ut ante dictum, obscurior facta non suffocata est.

(a) FACILE ABUTUNTUR. Hinc suppetias ex Theologiâ sumere oportet, ne quid Juri Divino adversum statuatur: tum & ut Disciplina hæc, saltem quâ his *universalis* est, qui Verbô DEI revelatô censentur, complementum suum habeat. Equidem Theologia est tum Fidei tum Morum, (in Systemate scil. seu Partibus ejus; non enim hæc distinctio specierum est:) Illa in Locis Theologicis spectatur, & Credenda per Positiones continet, (Thetica seu Positiva,) quò in Controversiis Polemicam redigunt. Hæc in Agendis, unde & nomen Moralis obtinet: ad quam Casuisticam, in Disceptationibus specierum Moraliū, referunt. Nonnulli verò Partes illius Theologiæ Moralis etiam in Locis de Lege, de Bonis Operibus, de Conjugio, de Magistratu Politicò, explicant. Estque de cætero Moralis illa Theologia vel communis vel propria: hæc quæ ad certum vitæ genus vel ordinem refertur. Sed Theologia Fidei huc non pertinet: aliàs propius huc Theologia faceret naturalis: nisi quòd adminicula disciplinæ nostræ præbe-

re hæc etiam pars Theologiæ possit. Cæterum Partes Theologiæ Moralis Officia ergà Deum, seu Cultum & Obedientiam, Tit. II, 11. & ergà Homines continent, per prædicationem verbi, 1 Tim. I, 5. ad fructum Spiritus & Justitiæ æternæ. Rom. VII, 4. Ephes. I, 3.

(b) E SCULPTURA NUMINIS IMPRESSA CORDIBVS. Distinguit Hugo Grotius Jus omne in Naturale & Voluntarium. Hoc in Humanum & Divinum. Quocircà licet Jus Naturale suò modò etiam Divinum sit; tamen quâ voluntas Dei exterius prodita est, Jus Divinum hætenus erit Voluntarium seu Positivum; quamvis etiam Morale fuerit: nam Forensè atque Ceremoniale positiva esse dubium non est. Hinc vel ex eo solo discrimen inter Legem moralem & naturalem constituunt multi, quòd moralis Lex à voluntate & sanctione Dei expressâ obliget; naturalis autem ex concreata vi quâdam, citrà revelationem peculiarem. Ex quò sequitur, Jus morale mutabile esse, nec internum, & justum quia Deus voluit; indeque consequen-

quenter ad voluntatem DEI. Enimverò, quòd illi in *Statu integritatis*, ubi *voluntatem* DEI ab homine ex lumine naturæ satis cognosci potuisse volunt, Legem Naturalem à *Morali* non fuisse distinctam opinantur, vix admitti potest: cum & in illò statu Leges *positivæ* DEI, ut de arbore vetitâ, extiterint; nec Legem Moralem, quâ talis est, Deique in eâ *voluntatem*, natura unquam dictaverit; quippe quòd in illâ Lege talia, quæ *per se* honesta ac turpia sunt, non veniant. Quare post lapsum multò magis opus fuit Lege illâ *Morali* seu positione expressâ, quâ voluntas DEI, ulterior ista in genere morum, inter homines *custodiretur*, atque *vera* insuper *ratio* Juris Naturalis, (quam obscuratò lumine, quâ Spiritualis fuerat, cognoscere homo amplius non poterat,) unâ *reduceretur*. Est quoque Lex Naturalis, ut nunc homini innotescit, carnalis; sed moralis; ut illi in subsidium veniat, est spiritualis, *Rom. VII.* Lex Moralis est

supernaturalis & ex revelatione, & qui eam implet, non manet sub irâ DEI; secus qui tantum implet naturalem. Nam Lex moralis *necessariam* rationem & ipsa continet: Interea quod Naturale est, illud quidem morale multò magis haberi debet; nec tamen quod Morale est, idipsum quâ tale est, ullatenus Naturale haberi potest. Cæterum non est Jus triplex *voluntarium* Divinum, eò sensu, quò *H. Grotius* voluit, *I. 1. 15.* Scilicet (1) *arboris vetitæ*. *Resp.* illud nos non obligat; sed in Adamo obligavit. (2) in reparatione *humani generis post diluvium*. *Resp.* non omnia, quæ ante Decalogum obtinere, ad Jus morale pertinent. v. c. Sacrificia Abelis, item circumcisio. (3) in sublimiori reparatione *per Christum*. *Resp.* Istud Jus Socinianum est. Neque etiam Lex aliqua *Oralis* datur, quam à DEO Mosen accepisse *Maimonides* & Rabbini tradunt. vid. *Osiandr.* ad *H. Grot.* pag. 245.

II. Integer homo si maneret, fieri non posset, quin id quod clare & distincte perciperet, verum esse sciret. Nec quidem nunc id dictum minus est necessariæ veritatis. Sed opinio talis perceptionis fallit hodie, ut pro Junone nubem. Igitur in ordinem redigenda Ratio ad præscriptum divinæ voluntatis expressæ. Quam habemus aut per Mosen populo Hebræo aut per Christum (c) & Apostolos toti humano generi significatam.

(c) AUT PER MOSEN AUT PER CHRISTUM. Quid verò de *Præceptis*, quæ *Hugo Grotius L. I. c. 1. §. 15. seq.* statim post hominem conditum humano generi data, & in reparatione humani generis post diluvium repetita esse, tradit; quæ *Noachidarum* Præcepta & Jus mundi appellant, *Selden* recensita, in *Lib. I. de J. N. & G. c. 10.* numero *septenariò*; ut sex priora Adamo imperata fuerint: nempe (1) de Cultu extraneo. (2) de Maledictione Numinis. (3) de Homicidio. (4) de Incestu, seu non revelandâ turpitudine. (5) de Furto. (6) de Judiciis seu Reginine Civili. *Septimum* verò de Membro animalis viventis non comedendò, postea accesserit: quod, cum tempore *antediluvianò*, ubi *carnis esus* illicitus fuerit, (nam ita statuunt,) supervacuum fuisset, post diluvium fuerit conditum; *capitis* de cætero *pœnâ* in violatorem unius ex præceptis illis statutâ. vid. *Seldenum L.*

VII. c. 5. 6. 10. satis in hæc præcepta pronum. Quibus septem illustribus alia *Minora* seu obscuriora, tanquam *appendices*, addunt, *XXIII.* Idem *Selden. L. VII. c. 3.* Quorum quidem nonnulla ex prioribus. tanquam *principiata*, sequuntur; alia verò ab illis planè *differunt*, ut: ne diversi generis animalia commisceantur, ne animal quodvis aut homo castretur: &c. quæ quidem Hebræi à *Profelyis* domicili non exigebant; nec omnino puniebantur in ea peccantes *Noachidæ*, qui in ditione Israeliticâ continebantur: vid. *Eund. L. VII. c. 2. & 5.* Nonnulli etiam addunt *Noachidarum* illis præceptis, *unum* de *usu sanguinis*: quanquam alii solum per extensionem præcepti *septimi*; & potius Præceptum de *Sabbatho septem* illis adjiciunt. Sed præcipui tamen Judæorum Magistri non nisi *Septem illa*, quæ antea recensuimus, agnoscunt: add. *Selden. d. L. VII. c. 1. & L. III. c. 12.* Itaque Præ-

Præcepta illa putant naturæ simplici in *Adamō & posteris* ejus, ab intellectu quōdam agente, per specialem illuminationem, & per Deum vel Angelum, Ministrum ejus, superaddita esse; cum quidem *natura sola*, absque auctoritate & indicatione superioris, ad boni malique dictamen non suffecerit. Placet *Job. Hornbekii* Judicium de convincendis & convertendis *Judeis*. Lib. VII. d. Lege c. 1. p. 448. qui putat, Præcepta illa ex *Lege Moysi* sumpta, & temerè à Quibusdam sub *Adami* nomine, tanquam ab ipsō Deō immediatè universo humano generi præcepta fuerint, commendata esse: quam sententiam juvat, quoddam Præceptum de honorandis Parentibus inter ea omissum fuerit; fortassis, quoddam Auctor commentum illius respexerit ad promissionem temporalem, illi in Decalogō annexam: quæ terram promissionis *Judaico populo*, nec aded toti humano generi propriam, continebat; nec non Præceptum *Sabbathi*, quod non minùs *Judaicum populum*, (non etiam ceteras gentes,) concernere autumarit. Igitur quamobrem *Seldenus* tantoperè in exponendis illis Præceptis & *Thalmudistarum* traditis (*Thalmud* autem consistit in 91. *Rabbinis*, Habet VI. Partes & LX.

Libros.) defudaverit, mirandum est. Nam & (1) de illis Præceptis nil *Philo* aut *Josephus*. (2) *Ben Maimon* ipse in eâ sententiâ fuit, Præcepta illa non fuisse tradita *Adamo*, vivâ voce, aut per ministerium exterius; sed in ipsâ naturâ insita fuisse, & hinc esse merè naturalia. (3) Apparet multa *Juris Nat.* præcepta in illis omisssa, & præcipuè illud de Honorandis parentibus, quod alibi primum est *Hugoni Grotio*, II. c. 20. §. 30. Siquidem (4) etiam *Proselyti portæ* non solis illis, sed longè pluribus tenebantur; ut & ipse *Adamus* cum posteris. (5) Præceptum septimum Cerimoniale est, quod sacrificium *Christi & Sanguinem* ejus respicit; nec *Sabbathum* quoque ad Jus Naturale aded pertinet; Imò Ipse *Seldenus* L. I. c. 2. p. 33. fatetur, *Thalmudistas* quàm plurima ad Leges illas nugare, quæ Jus Naturale minimè referant: & magnoperè à toto L. II. usque VII. quanquam inani conatu, fatigatur, ut indè jus Naturale exculpat. (6) Non etiam *Juris Moralis* haberi Illa debent; ob præceptum septimum & assumenta alia. Denique (7) nil quicquàm pro Illis in *Gen. IX.* & *Gen. II.* v. 16. præsidii.

III. Jus Hebræis datum (d) est duplex, Cerimoniale aut Morale. (e) Cerimonie post Christum, quem adumbrabant, evanuerunt, affixæ omnes cruci salutiferæ. *

* *Coloss. 2. v. 14.*

(d) JVS HEBRÆIS DATVM. Quod *Cl. Auctor* hic & §. præced. ibi: per *Mosen* populo *Hebræo*. *Grotio*, L. I. c. 1. v. 16. non simpliciter ad stipuletur, ex §. 8. h. in fin. & §. 5. h. (ubi legi debet: nisi *Legislatio cum respectu*;) evidens est. Malè scilicet *Grotius* docet, nullâ parte *Legis Hebrææ*, quæ *Lex* est, nos teneri: cum tamen ministerium tantum *Mosis* ad *Israëlitas* solum pertinuerit; *Lex* verò ipsa *Decalogi omnes homines* respexerit: non solum quatenus præcisè naturalia continet; sed & quat. ab ipso Deo solenniter omnibus promulgata est. Facit (1) *Rom. III. v. 19.* ibi: totus mundus. (2) *Exod. 20.* ibi: Ego sum Dominus seu essentiator tuus. (3) aliàs Gentes concupiscentiâ, quæ nunc quidem ex naturali lumine agnoscitur pro peccato satis non potest, non peccarent. (4) *Matth. V., 18. Rom. III., 3.* & quod *Apostolus*

li semper nos ad *Legislationem illam* ducant. *Rom. IV., 9. Eph. VI. Jac. II., 8.* Quècirca *Israëlitas* obstrinxit etiam ratione promulgationis solennis immediate. Intentio autem Dei spectavit ad inducendam obligationem omnibus Gentibus, ad veram fidem convertendis & converfis; quas idèd *Lex Moralis* in totâ latitudine, si salvæ esse vellent, obligabat. Adeò ut non minùs Cerimoniales ad eas respexerint, quippe quæ *Evangelium* continebant: *Hebr. X., 1.* quò finè *Legem implere* non poterant. *Actor. XV.* Spectat scilicet *Lex* illa nos etiamnum, citrà *federis* cujusdam specialis superinducti rationem; atque data nobis est, licet non per circumstantias personalis objecti & allocutionis (nam aliàs nec posterì *Israëlitarum* eâ fuissent obligati;) neque etiam per adjunctam promissionem, ut in *IV. Præcepto* de terrâ *Canaan*: prout etiam non à *Lege*,

H 2

sed 2

sed à *morfu ejus* & à *Lege peccati*, scilicet ne concupiscentia prava in nobis dominetur, *liberi* sumus. Et sic ergò *Lex Moralis* non solum apud *posterios Adami*, ante-Mosen: verum etiam postea ap. *Profelytas* (*Advenas*) *omnis generis* obtinuit. Erant enim *Profelyti* seu *Peregrini* apud *Hebraeos*, triplices: *Justitia*, (qui in *Judaismo* erant transgressi,) *Domicilii* seu *Portæ*, (item *Peregrini in Portis*, qui suscepti in se *VII. Noachicorum Præceptorum*, & universæ *Humilitatis*, (non *Judaismi*), observatione, ad *Domicilium* admittebantur;) & *Mercenarii*. *Exod. XII. v. 12. seq.* *Justitiæ* etiam *jus sacrorum* commune habebant (*Num. XVI. 15.*) & alia. Sed tamen contemptui habebantur, nec in *Synedrium* magnum membra recipiebantur. (*contra Grot. d. l.*)

(c) CEREMONIALE AUT MORALE. Præmittit *Morali Jus Ceremoniale*; quippe quod per dispositionem contrariam deinde *abrogatum* esse, juxta *Jer. XXXI. v. 31. seqq. Act. XV. v. 28.* rectius dicitur; quam cum *H. Grotio I. c. 1. §. 16.* cum *templò cessasse*. Nam licet superfuissent, tamen cum *typo* *apparente* sublata esse debebant: quapropter etiam *Idola evanuerunt* ap. Auctorem *b.* non aliter accipiendum est. Et sunt ergò *LL. Ceremoniales*, *atæna*, *Gen. XVII. v. 13. Exod. XII. v. 24.* quoad æternitatem non absolutam, sed *periodicam*. Cæterum *Sacramenta V. T.*, licet considerata, respectu rituum externorum, in sensus incurrentium, ad *Ceremonias* referri possint, atque sic etiam ipsa interierint; tamen respectu *officii*, quat. erant *commonefactiones Dei de peccatis*, & *typi beneficiorum Christi*, non possunt referri ad *LL. Ceremoniales*: cum ex naturâ & institutione suâ fuerint *promissiones Evangelicæ*, & *Beneficiorum Christi organa*. *Rom. IV. v. 11.* Cæterum *Circumcisionis* obligatio ad solos *Israelitas* restricta fuerat; non verò ad omnes *Abrahami* posteros pertinuit; contra quam *H. Grotius*. Quid verò de *Esu Sanguinis* vetitò: num non etiam ista prohibitio (quæ ratione illâ nitebatur, quòd *sanguinem hostiarum* oportet ad altare affundi ad expiationem,) post *Christum* cessavit? Omnino, quoad necessitatem; *Gal. II. v. 3. seq.* sed tamen libertate usi sunt *Apostoli*, ut prohibitionem illam ad tempus, & per necessitatem *expedientia*, servarent; quòd *Synagogam Judaicam* cum honestate sepelirent: *Act. XIII.*

v. 3. 1. Cor. IX. v. 20. & ne infirmi *Judæi* scandalizarentur. *1. Cor. IIX. v. 9.* Quòd pertinet *Act. XV. v. 28. 29.* Quanquam apud *Christianos veteres* adh. prohibitionem illam observatam ostendat *H. Grotius*, in *Flor. Sparf. ad Jus Justin. p. 340.* & non modò *Nov. Leonis 58.* (*Philosophi* scilicet, & qui emendandos sibi *Antecessores* præsumserat,) eò pertineat, (*Canones* verò *Apostolici* suppositi sunt; ut *alibi* ostensum est:) sed & *Stephanus Curcellæus* peculiari *Diatriba de Esu sanguinis*, inter *Christianos*, *cap. XIII.* ostendat, eam prohibitionem adhuc dum *Græcos*, *Moscos*, *Habesinos* & *Maronitas* servare: cum tamen cessante causâ meritò & ipsa cessare debuerit prohibitio: & *charitas* quidem semper liget, sed tamen non hæc vel illa *species charitatis*; ut fuerat illa abstinentia à suffocato. Unde meritò damnavit *Canonem LVII.* in *Concilio Græco Constantinop. Cardinalis Baronius*; qui prius damnare debuerat similem *Can. LVII. Concil. Wormat.* vid. *Dannhauer. P. II. Theol. Symbol. Dial. VII. §. 5.* (ubi & *Augustini* locus elegans:) junctò eòdem *P. I. Sect. H. Art. II. §. 8. p. 387. seqq.* ubi & *Txx. ad Gal. II. v. 12. & Act. XVI. 3.* item *c. XXI. v. 16.* egregiè explicat. Et cum *Hugo Grotius* ad *Act. XV.* multa improbata doctrinæ prodiderit; ceu quidem *ibi* non minùs hanc de prohibito *Sanguine* & *Suffocato* *Legem*, *Noachidis* datam esse, eamque omnes *Adami* ac *Nohe* posteros obligare, docet: Idèd eundem solidè refutavit, integrâ *Dissert. posthumâ, Rostockii 1669.* editâ, *Dorseheus*: ubi simul etiam §. 5. de *Novellâ Leonis*; quam in eum finem latam esse tradit, ut tantò lubentius *Judæi* ad consuetudinem cum *Christianis* transfrent, (ceu videre liceat inter alia ex ejusd. *Leonis Nov. LV.*) tum & de *Can. Apost. LXII.* agit, & ad singula, quæ *Hugo Grotius* magnò studiò cumulaverat, exactè respondet. Sanè *Maimonides* Ipse, *Sanguinis* prohibitionem non *Jure naturæ*, sed aliis de causis, factam esse, credidit: quas habet in *More Nevochim. P. III. c. 46. p. 484.* *Scortatio* verò idèd juncta est huic prohibitioni, *Act. XV. v. 20.* quia *Gentiles* habebant scortationem simplicem pro re *indifferenti*: per *ἀλίσγηματα* autem *τῶν εἰδώλων*, (*die Unsauberkeit der Abgötter*; ut *Lutherus*,) non *Idololatria*, sed *esus idolothytorum* intelligitur, vid. *vers. 28. seqq. & Act. XXI. v. 25. & I. ad Cor. IIX. Necessitatem* quod attinet *v. 28. Resp.* in fonte reperiri *τὴν τῶν*

τῶν ἐπ' ἀνάγκης τῶν, i. e. *præter hæc ad necessitatem præsentem quasi pertinentia*: undè necessitas *simplex à necessitate expedientiæ* distinguenda est.

IV. Morale jus est, quod ad regimen morum spectat. Nititurque aut necessaria aut probabili ratione. Illa immutabilis, (f) hæc mutabilis est. Necessitas apparet in decem dictis Domini, (g) excepto quarto. Probabilis ratio moralis est in Politicis Judæorum, nec non in præcepto de Sabbatho. (h) Quanquam & fundamentum, unde præcepta illa positiva petita sunt, æque est necessarium. Sed ὡς κεί-
ται, poterant aliter se habere leges civiles Judaicæ. Et septimam diem præcisè colendam esse necessitas nulla rationis inculcat.

(f) ILLA IMMUTABILIS. quæ *simplex naturæ* educitur: nam quæ morale atque *positivum* in specie est, à Deo utique *mutari* potest; ut in *Pol-
hygamiâ* vel solâ apparet. Quanquam verò communiter probata sit distinctio Legum Divinarum in *Morales, Ceremoniales & Forenses*. Tamen Auctor. b. *Forenses* seu Politicas non minùs sub Moralibus comprehendit; tanquam *moralis discipline partem*: quod quidem quoad *Remp. Hebr.* nil aded habet incommodi. Sed nunc tamen, cessante *Judeorum Politia*, cui illud *proprium* fuerat; quoniam Legibus Forensibus Divinis, etiam quatenus ratio eadem in Respublicas nostras congruit, nullâ *necessitate* utimur: Ided ut sub complexu Legum Moralium, eas ulterius contineamus, quod & fit §. 5. in fin. & §. 6. b. consultum non est: cum & ratio *formalis* Legem Forensi à Morali distinguat; nosque Forensium *obligationem* eam versùs nos (ed quod ad *morum nostrorum Regimen* non spectent:) quam Auctor agnoscit, non admittamus.

(g) IN DECEM DICTIS DOMINI. *Moralia* hæc esse omnia, etiam *quartum*, (nobis *tertium*;) de Sabbatho, (tantum quod hoc ipsum non necessariam *rationem*, licet fundamentum necessarium, sed *probabilem* & mutabilem habeat,) Auctor hîc docet. Ac de Sabbatho quidem deinceps. Illud verò protinùs notandum est, quod uti Præcepta Decalogi, vel ex solâ Sabbathi Lege, non omnia esse *Juris naturæ*, constat: ita nec *formaliter*, nec *totum*, Jus naturæ Decalogus referat: cum neque prima Juris naturalis, aut inde primò deducta; sed conclusiones, & ne quidem omnes, contineat: utcunque Dictata Decalogi penè omnia in Lege naturæ *fundamentum* fortiantur, & vel ipsa

Concupiscentia Lege Naturali in vitio sit: de quo tamen nunc quidem post lapsum, nisi ex L. Decalogi seu præcepto Divino, (conf. Gerhardum, Tom. III. Locor. Theol. de Lege §. 16. seqq. ubi vestigia Decalogi ante Mosen exhibet:) quoddam peccatum illa sit, constare non poterat. Quem in sensum accipi oportet, quando Nonnulli Legem Concupiscentiæ nunc non naturalem, sed moralem tantum, habendam esse volunt. (add. quæ ad hæc *superius* dicta sunt.) Nec minùs hîc notandus est *Hobbesius*, quando in c. XIV. d. Cive. §. 9. Decalogum Leges tantum Civiles esse, docet: quoniam (ex solenni illò principiò,) ante LL. civiles nil injustum sit: cui ex hætenus dictis melius respondebis, quàm à *Puffendorffio* factum est, L. IIX. c. 1. §. 4. ubi crudè tantum, quod Decalogus ad Jus Naturale *materialiter* pertineat; *formaliter* verò Lex Civilis sit. Addi etiam debet cautela, ne in Decalogò & expositione Legis Mosaicæ per Proximum intelligamus tantum *Israelitam*: uti *Grotius* I. 2, 6. II. 15, 8. seqq. & II. 20, 10. insinuat; contra usum vocis *Exod.* XI., 2. *Judic.* XIV., 20. & *Tx.* in *Exod.* XXIII., v. 4. 5. *Prov.* XXV., 21. & XX., 29. *Matth.* XXII., 40. & V., 46. *Luc.* X., v. 33. 36. & quod *Officia* in *Naturæ* humanitate, non in *Gratiâ*, fundentur: cum ne quidem *Israelitæ septem* illos *Populos* odiò habere, sed tantum non amicitiam cum illis colere debuerint. *Deut.* VII., 1. *Exod.* XXXIV. v. 11. Atque *Levit.* XIX. v. 16. seqq. frequentem tantum occasionem respiciat; exclusionem verò non ingerat.

(h) IN PRÆCEPTO DE SABBATHO. quod quidem plures ex recentioribus *Judæis* Juris naturalis esse, tradiderunt. vid. *Seldenum* L. III. c. 13.

Jacobum Gothofredum in notis ad Tertullian. ad Nationes. L. I. c. 13. & Heraldum ad c. XVI. Apologet, Tertull. Notæ etiam sunt de hoc argumento curæ Th. Brodei Angli; item Joh. Cocceji, singularem sententiam foventis, & Andr. Essenj; qui præceptum illud non quid Naturale, sed Morale, & Juris divini *positivi* esse tuetur: cui sententiæ Auctor accedere videtur; dum quidem *fundamentum* Sabbathi necessarium esse tradit, sed tamen rationem instituti *probabilem* & hætenus positivam, quæque ex Lege Naturæ nil referat; indeque mutari possit. v. §. 7. b. Et juvat Doctrinam hanc, quod Nonnulli Moralem Legem rursus in naturalem quam vocant, & positivam distinguunt: ut posterior mutationem à Deo patiatur; prior non item. Quæ quidem distinctio, in difficili hac de Sabbatho disceptatione usum suum, si rectè intelligatur, omnino exferit. Utique *mixtum quid* seu compositum in Sabbatho agnoscendum est; ut constet (1) ex præcepto morali, ampliter sic dicto, indeque tum naturali, & sic necessariò, quantum ad cujusdam temporis divino cultui necessariam deputationem; atque ratione cultûs externi & vacationis à labore, sacra impediens; tum à positivo, quoad septimum diem indefinitè in quâlibet hebdomadâ. (Nam & Turcæ ac Mahometani ceteri diem Veneris, Habessinî Sabbathi eum Judæis, & Solis diem cum Christianis, sacrum habent; omnes verò dies Anabaptistæ & Sociniani, acnuper Schurmannia. v. *Εὐαγγελία* ejus.) (2) ex Præcepto Ceremoniali, quantum ad diem septimæ Judaicæ determinationem; quæ aded stante adh. *Politia* Judaicâ, & sic ex *hypothesi*, immutabilis fuit; donec auctoritate Apostolicâ, vid. Act. XX. v. 7. Marc. XVI. v. 2. & 9. Apoc. I. v. 10, (nam quod Christus ipse illud instituerit, ostendi non potest: vid. Luc. IV. v. 16.) mutatio in diem, quæ ab *objecto* Dominica dicitur, in memoriam scilicet Resurrectionis Dominicæ, seu *novæ creationis* per Christum, facta est. conf. Gal. IV., 10. Col. II., 16. vid. Auctor. §. 7. in f. b. Quocirca non repugnat, diem hunc *consensu totius Ecclesiæ* denuò mutari posse. (3) Ex *Forensi*, quantum ad quietis præscriptionem, in operis fervorum & negotiationibus.

Nil itaque facit pro *merâ Moralitate* (1) quòd nil in Decalogo ceremoniale sit. Nam Decalogus integrum Fœdus Dei cum populo Israël continet: estque *Tabula prima* radix Legum *Ceremonialium*; uti *Secunda* radix *Politicarum*. (2) quòd jam à creatione Mundi Sabbathum obtinuerit: (Nam malè utique Franc. Gomarus, post egressum ex Egypto illud institutum esse, asseruit. vid. Gen. II. v. 3. Exod. XVI. c. 20. v. 11. Hebr. IV. v. 1. 3. 4. 5.) Resp. etiam *fructûs vetiti* præceptum antea obtinuit; nec tamen *intrinsecam* in se bonitatem habuit. (3) quòd ante lapsum Adami Lex *ceremonialis* existere non potuerit; cum ea Christum respexerit. Nam Resp. Gentes quidem ad illam *Septimam* diem *Judaicam* adstrictas fuisse, probari non potest; & hætenus, quod solum *Judæos* concernit, dies Sabbathi pnes ipsos quid *ceremoniale* habuit. Vel potius, simpliciter dici potest: Leges à Deo ante lapsum latas non esse *typos speciales*, seu qui Christum respiciant exhibendum, ad redimendum genus humanum: licet potuerint esse *generales*, qui pertineant ad *omnem Statum hominis*; quòd etiam Sabbathum respicit: nam etiam integro homini *eternam quietem* poterat significare. Hebr. IV. Ubi meritò redarguit Osiander H. Grotium, quando II. 20. 45. tradit, rationem violati Sabbathi fuisse abnegationem creati à Deo mundi. Est etiam vanus Hugo Grotius, quando I. 1. 17. obligationem de *Decimis* accenset obligationi de Sabbatho. Neque verò, Decimarum exhibitionem esse *necessariam* aut *justam* Clericorum mercedem, de J. *Naturali*, aut in genere *morum*, probari potest: ceu nec *Juris divini* perpetui sunt; licet, ob destinationem, Juris Divini esse in J. Canon. dicantur. Potius ad Jus *Ceremoniale* spectant Num. XVIII. v. 26. & quodammodò ad *Forense*; quoad *quanti* determinationem. Hætenus tamen, quatenus Clericis pro labore merces exhibenda est, adeòque *materialiter*, Juris *naturalis* sunt. Matth. X. v. 10. I. Cor. VII. v. 7. seqq. Unde cum non sint *Juris Moralis positivi*, humanitus utique *immutari* potuerunt, ut solum Clero tribuerentur *necessaria*; prout etiam in Ecclesia veteri ex oblationibus vixerunt. vid. Busch. d. N. & J. Bon. Eccl. & Carpzov. Lib. I. *Consist.* T. 8. def. 125.

V. Leges quæ nituntur necessitate morali, omne genus hominum in perpetuum obligant. Non tantum vi tacitæ Naturæ, sed & expref-

expressâ Legislationis: vel, si malis, præcepti, si legislatio cum respectu ad certum populum intelligatur: nam hoc sensu legislationem Judaicam ad alios populos non pertinere certa res est. Sed voluntas Dei revelata aliis, cujus rationem palam est nobis exactè convenire, non potest non necessariò nos obligare. Hinc decalogus, quæ est æque ad Hebræos specialiter lata, quàm reliquæ politicæ, nos tamen obligat, non modò ut dictata naturæ, sed etiam ut præceptiones Dei: Ideò & leges illæ, quarum probabilis est ratio honestatis, similiter omnes in perpetuum obligant. Quatenus certum est, differentiam rerum hominumque nullam subesse; qualis est Lex, de usu vestium (i) pro sexu discernendo.

(i) DE VSV VESTIVM V. Deut, XXII., 5. & l. 23. §. 2. ff. d. aur. & arg. leg. ibi: muliebria vestimenta, quibus vir non facile uti potest sine vituperatione: & Seneca, Epist. 122. ibi: contra naturam vivere, qui commutant cum feminis vestem, Eruditè per omnia Petrus Faber Lib. I. Semestrium c. 15. ubi etiam de vestimentis communibus: & mul-

ti hinc Comædias seu Ludos scenicos averfantur. Sanè si non ulla Lex talis in Politia Judaicâ extitisset. Tamen oporteret rem illam non aliter in Republicâ quâlibet constitui. Quapropter, dum hoc idem nunc servamus, necessitas illa ex Republ. Hebræorum, aut Lege Forensi eorum, non pendet.

VI. Sic constitutiones Mosaicæ (k) hodieque tenent, modo non habeant respectum peculiarem ad Rempubl. Judæorum. Qua ratione aliquæ ad nos planè non pertinent, ut constitutiones asylorum. (l) Quædam adhuc nos spectant, sed cum aliquo discrimine, quantum diversitas morum & instituta Reipubl. ferre queant. Sic pœnas delictorum à Deo statutas servare debemus, ut eadem proportio delictorum ad delicta, pœnarumque ad pœnas, custodiatur. Sed modis generibusque pœnarum sine dubio non adstringimur aliæ gentes. Gradus etiam aliquantum variare licet, quatenus mores temporum & ingenia populorum pœnas remitti aut intendi requirunt. Non tamen adeò, ut capitalia in non capitalia, & vice versâ, convertere liceat, jure quidem ordinario. Sed hoc semper est verum, Christianis non minora pietatis caritatisque officia (m) incumbere quam olim Judæis injuncta fuerint.

(k) CONSTITUTIONES MOSAICÆ. Forenses seu Politicas intelligit, quibus adhuc dum nos teneri, cum Reformatis (Leges Ethnicorum hactenàs averfantibus:) Auctor putat; si respe-

ctum peculiarem ad Remp. Judæorum non habeant: nam & LL. de anno Jubilæo, de Repudiis, de superinducendâ fratris uxore, abrogatas esse, Ipsi largiuntur: eò quòd circumstantiæ, quoad hæc

ad hæc LL. forenses, planè cessent: aliàs verò quantum fieri potest, secundùm eas etiam nostrarum Rerumpubl. LL. formandas; indeque *Fœnus*, quanquam cum aliquò *discrimine*, quantum ferat morum diversitas, ad nos adhuc spectare; pœnas autem, v. c. non capitales, ut in furibus, *Exod. XXII. v. 3.* & viceversâ, ut in pseudoprophetis, *Deut. XIII. v. 5.* immutandas non esse. At verò Leges Forenses cum *Republ. Judaicâ* penitus sublatas; indeque non aliter quàm *doctrinâ*, non etiam Legis causâ, ap. nos attendi, verius est: ut scilicet, quamvis peculiarem respectum ad Rempublicam Judæorum non habeant, libertatis tamen sit nihilominus, si quid exinde recipiamus, & consultum illud censeamus; saltem quia eò modò certum sumus, contrâ *voluntatem Dei*, quam in suo etiam populò tenuit, nos non impingere. Nec enim sequitur: illæ Leges Forenses sunt sapientes & justæ. Ergò etiamnum durant. *Resp.* (1) etiam speciales illæ, Jubilæi, Repudii, &c. tales sunt. (2) Fuere tales, ratione *certi Populi, temporis & loci*; ut terræ Canaan, ubi Sacerdotium Leviticum, Tribus, &c. Imò ne quidem *Profelyti* domicilii seu portæ, sed tantum iustitiæ, illis tenebantur: nec *Jobus* aded, Jethro, Ninivitz, illis Legibus vivere; quia non obligabant *hominem*, quâ *talem*, sed quâ *civem* Reipubl. *Judaicæ*. (3) Licet fundamentum habeant in *J. Naturæ*, tamen id remotius est: & nonnè sic etiam Legibus omnium Civitatum aliarum tenebimur? quarum tamen aliquas si recipimus, tantum *materialiter* tales erunt, non amplius *formaliter*. Quin & *Ceremoniales Tabule primæ* infisteant; & tamen sublatae sunt. (4) venit *Messias*, & *novum populum* condidit. *Gen. XLIX. v. 10. Dan. IX. v. 16.* Ad *Fœdus Legale* V. T. per N. T. antiquatum illæ pertinuerunt: *Hebr. IV. v. 15.* & ipse Deus *Politiam* illam destruxit; cum *ablatis quoque Sceptri signum* adventus *Messiae* esse debuerit. (vid. de Reliquiis quarundam LL. inter *Judeos*, *Osiander, ad Lib. III. c. 15. Grotii. §. 9.*) Denique ad *parietem illum intergerinum* referri debent, qui per Christum dirutus est: *Ephes. II. v. 14.* Non *Obst.* ita imperfectam fore *Legislationem Veteris Testamenti*, quòd ei aliquid nunc quidem addi possit. Nam sufficit, *perfectiorem in Moralibus* subsistere: aliàs ne quidem *Jus Naturale* in suo genere perfectum foret, cui indies *Magistratus* quid in *Civilibus* superaddunt. Igi-

tur Forensis illa *Legislatio etiam positivâ abrogatione* cessat *Matth. XXII. v. 21. Rom. XIII. v. 1. 2. & 1. Pet. II. v. 13. 14. Matth. XIX. v. 7. seq. Act. XV. v. 10. & XXII. v. 15.* (ubi *Paulus* ad *Romanor. LL.* provocat:) Aded ut in quibusdam eam retinere velle, peccaminosum sit; v. c. cum *urbe refugii*, usque ad mortem *Sacerdotis Summi*, &c. Nil *officiente*, *Deut. XXXIII. v. 3. 4.* ubi aut *Sancti V. T.* intelliguntur, aut si *Novi Testamenti*, præcipua capita de *Messia* & officio ejus accipienda sunt. Nil etiam *Matth. XV. v. 4.* Nam ibi *Christus* disputat cum *Pharisæis*, ex *hypothesi* ipsorum, nec tum temporis planè cessaverat *Politia Judaica*. Itaque *genus*, & quod in Legibus illis *morale* est, v. c. furtum esse puniendum, retinemus; *Speciem* abrogatam, & in libertate cujusque *Magistratus* imitationem ejus positam esse, asserimus. Expone re Leges Judæorum forenses annisi sunt *Wilhelm Velvod Scotus*, in *Parallelis Juris Judæor. & Romanorum*, *Molinæus*, *Pithæus*, *Constantinus L'Empereur*, *Justus Calvinus*, & alii.

(1) *ASYLORVM.* Quoad rem ipsam, nil vetat, *Astyla* hodiernum constitui: de modo & effectu *Veteris Testamenti*, quem exponit *Osiander*, ad *Lib. II. c. 21. H. Grotii §. 5.* secus est: Etenim *Astyla*, in *Veteri* quoque *Testamentò*, locum non habuere in dolosis & voluntariis homicidiis, aliisque facinorosis. *Deut. XIX. v. 5. junct. Num. XXXV. v. 16. seqq.* Et quamvis in N. T. *Christiani* videri possent *Gentiles* imitati esse, qui *Templis Deorum & Statuis Principum* *Astyli* jura indiderant. Tamen ex genere *licitorum* *Astyli* esse inde patet, quia unquam Ipse *Deus* ea constituit; ne tam constitutio eorum, quàm *dilatatio* in *Gentibus* culpa-ri poterat. Non *obstat*, quòd *vindex sanguinis V. T.* in N. T. cesset. Nam hæc non sola erat *causa* *Astyli*, nec aliàs omne periculum hodiè cessat. Tantum *Canonistarum* extensionem cum *Osiandro d. l. p. 1195. & Brandmyllero*, in *Manud. ad Jus Civile & Can. Theorem: Astyla*. improbamus.

(m) *CHRISTIANIS NON MINORA OFFICIA.* Sed an *Consilia* etiam dantur *Evangelica*, in *Jure Divino*? Ita *Hugo Grotius. p. 10. Proleg. & I. 2. §. 9.* quæ superiora sint præceptis, seu *consilia Perfectionis*. Pontificium hoc est, & negari debet: nam omnia ex voluntate *Dei* agenda sunt; at verò hæc est *Imperii*. Legem implere est ad *Summa* contendisse; nec *dilectione* *Lege* præcepta est quid

quid superius. Quæ Deus *consultit*, *præcipit*. Si verò consilia dicerentur ea, quæ *indifferentia* sunt, & arbitrio cujusque permissa; ut vini modici, quod Paulus Timotheo suavit: ita admitti possunt. Sed inde nulla *merces*, ut *Grotius* loquitur. Non *Obst.* abstinencia à *Conjugio*. Nam ea præcepti est, in *capacibus*. vid. *1. Cor. VII. v. 20.* & Paulus *v. 33. 34.* non dehortatur à Matrimonio tanquam à *malô*; sed tanquam à *onere*. Quanquam *cælibes* curarum quidem minus, sed tamen etiam periculi plus & incommodi habent. Non etiam, quodd à secundis Nuptiis dicantur aliqui in *Vet. Ecclesiâ* ab-

stinuisse. Nam hoc non est laudabile consilium. *Rom. VII. v. 2. 1. Cor. VII. v. 29.* Non quodd Christiani Judicio abstinerint, *adv. sua sapientes*. Nam id fecerunt in casu scandali, sub hypothefi gloriæ divinæ. Non quodd à Juramentis: ne scil. per idola jurare cogerentur; nec tamen prorsus non jurarunt. Est etiam hic tangenda doctrina ejusdem *Grotii Lib. I. c. 1. §. 17.* ab *Osiandro ibidem* improbata, quando *promissiones salutis æternæ* in *Vet. Test.* minus apertas, & hinc fideles *V. T.* non tam *rigide LL. obstrictos* fuisse, tradit.

VII. Liceatne hæc etiam Sabbatho applicare, Theologis censendum relinquam, si res ita ponatur, (ludunt enim in his & juris rationes.) Quietem Sabbathi mandatam fuisse non modo in typum quietis Christianæ & symbolum novæ creationis juxta memoriam primæ, sed & ob sanctificationem actualem cultumque Dei excellenter obeundum; quod facile opinor esse probatu. Ita fundamentum Sabbathi primum erit, debere aliquod tempus excipi & pro cultu numinis eximio consecrari, quod tamen non est morale necessarium. Quare dicendum, pro Lege, ut loquitur de septimâ die, rationem tantum probabilem & positivam esse voluntatis divinæ, petitam à memoriâ primæ creationis. Adeo ut præceptum de cultu septimæ diei rationem habeat moralem, non tamen necessariam, ac insuper ceremonialem. Quatenus verò est morale ac positivum, visio est, num qua ratio possit reddi, cur Christianis minus temporis Deo excellenter colendo destinare fas sit, quam Judæis injunctum fuerit. Si hoc non modo non liqueat, sed contrarium constet, colligendum ex suprâ dictis, obligari nos vi legis promulgatæ ad Hebræos, ne minus septimâ parte temporis pro cultu solenni eximamus. Neque plus, quo religio animis inferatur, deficiente mandato, vitandæque *ἐθελουσιμίας*. Sed ut eadem præcisè dies celebretur, non est perpetua obligatio. Quia Christianis ratio & auctoritas mutandi hætenus constat in memoriam novæ creationis per Christum factæ. Adeo ut is, qui diem antiquam coleret, nullâ ratione id velle videretur, quam quod typicam Judæorum intentionem missam facere nollet, umbram quodammodo corpori præferens, & spei vetustæ imitamento nova ac vera gaudia corrumpens.

VIII. Si quis dicat, relationem obligandi duntaxat inter Legislatorem & eos quibus lata lex est, versari; vim obligationis, ut juris ratio dicat, esse personalem, quæ ad tertium non pertineat; nec ideo ad nos Legem, cujus vis & vox est hæc, *audi Israël*: Idque argumento Regis illustretur, à quo Leges uni è provinciis suis datæ non teneant reliquos cives, licet eadem ratio his perfectè conveniat. Respondebo, melius convenire exemplum Regis, qui, cum angustius imperaret Legem præsentī populo dederit, quæ tamen cives postea adjectos eodemque imperio unitos æquè obligabit. Cujus comparisonis termini & argumentum à populo Judaico ad Christianos, qui sunt insiti illorum trunco, recte duci videntur. Repetimus igitur, etiam concessō, Decalogum solis Judæis fuisse præscriptam, nihil tamen obstare, quo minus eadem nos hodieque vi Legislatoriæ obstringat.

IX. Porro quicquid per Christum ejusque legatos præceptum est, id sine dubio omnes indistinctè ligat. Nec tamen putandum, quod alii & ipse Grotius * statuunt, severiorem morum disciplinam in novo fœdere, (n) quam in antiquo fuerit, esse introductam. Sanctitas enim quam Lex postulat, ejusmodi esse debet, cui nihil desit & cui præmium vitæ æternæ conveniat; qua major esse non potest.

* Grotius *lib. 1. c. 2. §. 6.*

(n) SEVERIOREM DISCIPLINAM IN NOVO FŒDERE. Propugnat hanc doctrinam H. Grotius in I. 1., 15. 16. 17. I. 2., 5. 6. 7. 8. I. 4., 4. & 13. II. 15., 10. II. 20., 10. 11. & 26. cum Socinianis. Nam hi, cum doceant hominem per opera propria justificari in N. Testamento; non per Christi satisfactionem: inde justificationem Legalem V. T. hunc in modum opponunt Justificationi Evangelicæ Novi Testamenti; quæ per implementum novæ Legis fieri debeat. Pertinere verò ad novam illam Christi Legislationem non modò perfectiones & complementa Legis Mosaicæ, ut v. c. de vitando omni juramento, de diligendis inimicis, omittendâ quâlibet vindictâ, de Monogamiâ, item Divortiô, extrâ casum adulterii; verum etiam Præcepta Christi propria, de abnegatione sui, toleratione crucis, insigni patientiâ & sequelâ atque imitatione Christi: nec minùs etiam præceptum de Oratione Dominicâ, & imò Ceremonia-

lem quoque Legem de S. Cœna. vid. Joh. Hoornbekium, *Tom. II. Refut. Socinianismi, Lib. II. c. 2.* Sed hæc quidem fundamentis fidei nostræ adversantur, & in Christi satisfactionem injuria sunt. Etenim (1) Christus & Moses sibi opponuntur: *Joh. I. v. 17.* (2) Lex Mosaica perfecta est, quoad sinceritatem, extensionem & intensionem. vid. *Marc. XII. v. 31.* (3) Christus missus est ad evangelizandum & erigendum miseros. *Matth. XI. v. 5. Luc. IV. v. 17. seqq.* qui finis fuit principalis officii illius Prophetici; minùs principalis, ut legem doceret. Inde Auctor exponendus, §. 4. in fin. significatam. (4) Deus ipse additionem & deductionem Legis prohibuit: *Deut. IV, v. 12.* estque lex uniformis, nec rigidius esse præceptum potest, quam dilectionis ex omnibus; nec pœna magis intensa, quàm *Deut. XVII. &c.* (5) Quæ Christum de novo tulisse ferunt, in Decalogò omnia jam continentur; quippe qui perfectissimum comprehen-

hendit exemplar Sanctitatis, & Justitiæ divinæ: ita ut qui ea fecerit, victurus sit; *Lev. XIX. v. 5. Ezech. XX. v. 11. 13. Rom. X. v. 5. Gal. III. v. 11. 12.* etiam æternum; quia vita absolutè ponitur: & juvat argumentum à contrario, *Gen. II. v. 17.* conf. etiam *Matth. XIX. v. 16. & XXII. v. 37. 39.* Quin & Christus ipse toties eò remittit, *Luc. X. v. 18.* quippe qui antiquam Legislationem à corruptelis solam vindicavit, *Matth. V. v. 20. 21.* ubi: *veteribus*, idem est ac: à *veteribus*, qui in cathedrâ scilicet Moſis sedebant. Quæ verò Christus circa *Culturam & Sacramenta* instituit, ut omnibus incumbant hominibus: inde non est Legislator. Nil etiam introduxit ad *Officia* hominum inter se: quod & Patris Sapientiæ adversum foret. Facit (6) *Astor. XV. v. 10. seq.* (7) Ne quidem fideles V. T. implere potuerunt Legem Veteris Testamenti. (8) Non minùs divortia, ut & polygamia, in Decalogo vetita sunt; sed cum obliquitatem quandam habeant, divinitus dispensationem in V. T. admiserunt: quin & Legem repudii *Deut. XXIV.* plures ad Forenses Leges referunt. (9) Accidentibus igitur solùm, & gradu Charitatis, V. & N. T. discrepant. Nec Grotium ac Socinianos juvat *Jes. XXX. v. 22.* Resp. vox legis ibi doctrinam significat: & in *Matth. XXIII. v. 3.* Minister non

Legislatorem, sed Doctorem notat; ut aliquando Lex Doctrinam. (2) *Joh. XIII. v. 31.* Resp. non esse præceptam Legem novam; *Lev. XIX. v. 18.* sed novam dici certò respectu, sive in relatione, quod debeat esse nota discipulatus *v. 35.* (3) *Matth. V. v. 21.* Resp. non esse promulgationem Legis; sed vindicationem à corruptelâ Pharisæorum. (4) *Matth. XI. v. ult.* Resp. crucem quæ Evangelium comitatur, ibi dici jugum Christi; idque leve esse, quoniam à placatò Deò proficiscitur; cum aliàs jugum Legis omninò grave sit. (5) *Hebr. VII.* Resp. de Lege Ceremon. loquitur; ut & *Gal. III.* (6) *Hebr. VIII.* quodd nemo Lege illâ (veteri,) salvari queat. Resp. culpâ nostrâ, non imperfectione sui (7) *Rom. X.* Resp. Christus est finis Legis: quia per eum justificamur: *1. Cor. I. v. 30.* (8) *Hebr. VIII. v. 2. 3. & III. v. 5. 6.* Resp. Lex & Evangelium quidem inibi opponuntur, sed non *Moses & Christus*; saltem non ut duo Legislatores, sed ut servus & Dominus. Itaque hæc Grotii doctrina cavenda est, de Lege illâ, ut loquitur. *I. 1., 16.* Evangelii: Siquidem Lege consummatè observatâ cessat Evangelium; nec Evangelium demum cœpit cum Novò Testamentò, vid. *Actor. XV. v. 10.*

CAPVT VI.

De Jure Civili, obiter, & de Justitiâ.

ARGVMENTVM.

Ex triplici illo jure nasci omne jus civile. Romani notitiam ad hanc quoque artem esse perutilem. Justitia quid & quotuplex. Universalem vix aut parum à virtute in genere, differre. Particularem proprie esse distinctam virtutis speciem. Πλεονεξίαν non cohiberi cunctis virtutibus. Universalis sensu scholastico justitia refellitur. Justitia particularis divisio vetus cum Grotianâ conciliatur.

I.

EX hoc triplici fonte Juris Naturalis, Gentium & Divini, leges cujusque populi (a) tam privatæ quàm publicæ sunt derivandæ. Dempſtis, additis, mutatis illis, quæ status civitatum, ingenia populorum, ratio temporum aliter atque aliter constitui volunt. Quate-

nus, scilicet, Naturalia & divina recipere mutationem ex regulis suprà collocatis intelligi potuit.

(a) *LEGES CIVISQUE POPULI.* Civiles, quæ saltim negativè *Juris communis* esse possunt; quæ ei non adversantur. Nam quæ Civiles sunt, ita nil trahunt *directè* ex Jure Naturali vel Gentium. Unde obligatio Juris naturalis dicitur oriri à *natura objecti* & se diffundere in præceptum; sed obligatio juris positivi civilis, oriri à præcepto & se diffundere in objectum: quia videlicet necessitatem objecti à voluntate præcipientis habet, cum *indifferentia* contineat, quæ à bono vel malo intrinsecè tali præscindunt. Nam hic intelligimus *Jus Civile*, quod tale est ratione *originis*. Nempe ratione *auctoritatis* etiam *Lex naturalis* est Civilis, v. c. ut plenam vim in Civitate habeat: cum vel in delictis disponat *Lex Civilis*, quænam illorum puniendæ, quænam vindictæ Divinæ committendæ sint. vid. Pufend. *Lib. IIX. d. J. N. G. c. 1. §. 1.* Et quidem optimæ notæ sunt illæ LL. Civiles, quæ *Jus Nat.* ad exitum deducunt: mediæ, quæ *indifferentia* definiunt: inferiores autem, quæ sub certis circumstantiis speciem honestatis aut effectum inducunt illis, quæ in se illicita & iniqua sunt. Quæ ipsæ tamen iterum differunt à Legibus Reip. *corruptæ*, quippe quæ manifestæ sunt iniquitatis & turpitudinis. Ubi quidein notandus occurrit *Hobbesius*, quando in *Tr. d. Libert. & Necessit. c. 12. §. 1. nullam Legem Civilem esse injustam*, scribit, eò quod in Principem subditi voluntatem suam transulerint; volenti autem injuriam fieri non posse: & in *Tr. d. Cive. c. 12. §. 1.* esse iniquum dictionem, Regibus non esse obtemperandum, nisi juxta præceperint: non enim esse *justum* nisi *post Imperia*: omnemque actionem naturâ suâ esse adiaphoram. Nam quod posterius attinet, quasi justum ante Civitates non detur, ei *suprà* responsum est. Et quamvis Princeps ad exitum rectius possit ducere Leges naturales in Civitate, per media externa & humana; tamen defendi illud non potest, *Principem*; aut omnem eum, qui suprà vel extrâ Civitatem positus est, *nullo jure teneri*: quia nec *pactis* Civitas, ex *Hobbesii* sententiâ, constitui posset, si pacta servanda esse non præciperet jus quoddam ante Civitatem. Metu quoque frustra populum unicè quis continere præsumeret. Quinimò

Princeps ne quidem audeat contrà jura naturalia in Rep. quid præcipere. Illud solum verum est, de *Utili Civili* & quid Reip. expediat, atque adeò de LL. merè Civilibus, si *disquisitio*, num justæ num injustæ sint, à populo suscipi velit: istud utique seditiosum esse. Falsum verò, non licere de *ratione* Legum ac mente ad hoc, ut *numin conscientia* obligent, si fortè à naturali jure planè abluerent, decerni possit, inquirere: quod negat *Hobbes. c. 10. & c. 12. §. 1. d. Cive.* Prius deinde quod concernit, quamvis & *l. 1. ff. d. LL.* Lex definiatur sponsio Reipublicæ: ubi quidem videtur *præconsultatio* solum populi, vel saltim eorum qui populum repræsentant, Ordinum vel Statuum, in qualibet Lege condendâ, intelligi; (nisi quod etiam Resp. dum Principi deferret potestatem, spondisse censetur in ea, quæ Princeps Legibus constituturus sit; atque sic *Pactum* & *Lex* differant: quæ & ipse *Hobbes. c. 14. d. Cive.* discernit: cum obligatio, quæ pactum sequitur, non obstringat ex ipsò jam pacti consensu, sed ex voluntate superioris, qui pacto constitutus est:) Tamen objectum *sponsionis* ejusmodi, sive *antedaneam* illam & generalem, in delatione Regni, sive quamlibet *interpretativam*, in quavis Lege ferendâ, respicias, non sunt ea, quæ juri communi adversantur; quippe in quæ Princeps adeò non habet Imperium, ut ipse potius illis juribus subjiçatur. Hoc tantum *Hobbesio* concedendum est, postquam populus Principi potestatem Reip. detulit: jam non amplius consensum ejus, quoad vim & potestatem *Imperii* delati, intercedere posse; sed eundem abdicativum & irretractabilem esse. Unde patet, quid de *H. Grotii* doctrina in *Prolegom. d. J. B. & P.* sentiendum sit, quando ille *Jus Civile ex consensu* esse tradit.

Quod etiam docent nonnulli, *Jus quoddam positivum* dari posse in esse *Juris*, quod *injustum* sit: (cum quidem *Jus Naturæ* nunquam injustum quæ tale reperiatur,) illud non minus largiendum est; sive Leges publicas, velut in statu *corrupto*, sive privatas, unam vel alteram, spectes; quam subfit sæpè *ratio*, quæ deprehendi non possit: *l. 20. ff. d. LL.* & imò *ratio* sæpè in ejusm. Legibus, quæ maximè Civiles sunt, nulla alia sit, quam

quàm arbitrium & voluntas Legislatoris. Igitur iusta satis est Lex, quæ si non positivè talis sit, est tamen talis negativè, h. e. ut non fuerit hoc quod imperatur injustum ante Legem. Nam post illam nunc saltem civiliter est iustum positivè; quamvis tale maneat præcisè & extraneè necessitatem Legis, (quæ & ipsa necessitas Jure naturali iungitur,) negativè. Videlicet ratio quæ deprehendi posset, non est de necessitate, sed de bonitate Legis. Quod si tamen Lex rationem habeat, cui insistit: tunc cessante ratione cessat obligatio, quoties ad actum ipsum præceptum respicitur, v. c. ad emendationem fratris, dum præcepta est ejusd. correctio: nam si spes non sit emendari posse fratrem, obligatio Legis cessat. Secus est, si non actum solum, sed & medium ipsum, Lex prohibeat. Nam ita v. c. peccat is, qui arma gerit, quamvis cum illis aliquem nec offenderit, nec offendere voluerit. Sunt etiam Leges quædam injustæ solum comparativè, quod justior esse circa idem objectum posset; item respectivè seu in relatione ad LL. quæ jam latæ sunt, alias justiores. Sed illæ injustæ non sunt, quæ Leges priores Civiles tollunt: siquidem hæ adversantur quidem rationi illarum Legum priorum, quæ mutari potuit; sed non rationi simpliciter. Quin etiam Legi quæ aperte rationi adversatur, ne quidem parendum est.

Nam quod obligationem Legum Civilium in conscientia concernit, illæ, quæ materiam habent Juris naturalis, vi ipsâ materiæ præceptæ & concurrentis directè in conscientiam obligant: non aliter ac Lex nuda naturalis; (prout & divina positiva; quippe quæ immediatè Deum auctorem habent, ut illa mediatè per vim connatam.) Quæ verò Leges Civiles medium habent objectum seu indifferens, illæ intuitu Majestatis, quæ vices Dei sustinent, indirectum in Conscientias imperium exercent; nullum verò, quæ à Divinis seu naturalibus præceptis ita abscedunt, ut etiam illis adversæ haberi possint. Nimirum, quando injusta est Lex quædam, ut per obedientiam ei præstitam quis delictum committeret. Nam si iusta sit hæcenus, ut ratione materiæ ejus delictum quis commissurus non sit: omnino etiam injustæ Legi parendum est. v. c. Iniquum onus ferre debet subditus, quia hoc non est peccatum à parte ferentis. Econtra ut delicto cooperetur subditus, non licet: nam ita se non haberet tantum passivè. Quod verò diximus

de obligatione in Conscientiâ h. e. ut Lex in foro Dei obliget ad reatum: illud accipiendum est de Lege Civili, quæ ad moralitatem actûs cujusdam indifferentis pertinet. Nam Lex, quæ actui cujusdam Civili modum aut solennitatem præscribit, juxta quam si suscipi velit, peragi debeat: illa non stringit hunc, qui actum ejusmodi suscipit; sed si eum non secundum Legis præscriptum obeat, actus solum nullus est: nec insuper ille peccat, quia actus ipse ei præceptus non est. Vasqu. 1. contr. 29. Franzk. 2. Ref. 5. n. 47. 49.

Denique ad expositionem L. 6. ff. de J. & J. & quoniam hoc pertineat, quod Jus Civ. addere quid aut detrabere Juri Nat. dicitur: illud exactius ex Commentar. ad ff. peti potest: ex quo apparet, mutationem illam non nisi ad subordinationem ipsorum inter se naturalium Jurium spectare. Plura etiam, quæ ad constitutionem Juris Civ. tam scripti seu Legis, quàm non scripti seu Consuetudinis; tum & ad ejus sublationem & immutationem, spectant, ibid. tradita sunt.

Sicut autem summa est Legum Civilium necessitas, neque permittendum sive Principi sive Judici rerum judicandarum arbitrium. vid. Aristot. III. Polit. 11. & 12. Civitas etiam Romana initidè ne quidem fuit omnimodò sine Legibus; cum & Romulus LL. tulerit. Liv. I. c. 8. l. 2. §. 2. d. O. j. posthæc verò Legislatio Romana, eò quod præ aliis & casus innumeros deciderit, simul ac præcepta & disciplinam Legum, tam ferendarum quàm latarum, exactissimè tradat, cæteris omnibus aliarum Gentium etiamnum longè præcurrat. Ita illa omnia, quæ in statu naturali indefinita erant, Potestate Civili circumscribi possunt. Selden. Lib. I. d. Mari claus. c. 3. Ipsa verò naturalis ratio, quæ suadet solum, & sæpè cum probabilitate oppositi, (cum quidem Jus ipsum naturale præcipiat,) per Jus Civile plurima, in necessitatem, ne fluctuent regulæ actionum in vitâ Civili, deducit. Et quamvis actiones hominum internæ propter se non subiaceant Imperio humano; sed solum propter externas, & secundariò. Tamen Legislator internè quoque bonos efficere studet: atque hinc ex intentione ejus, actiones illæ, quatenus in externis se exerunt, punibiles sunt. Imò cogitatio quoque actionis, ut faciendæ, adv. Legem Civilem, est illicita: (quamvis talis non sit, quæ merè speculativa est.) Dannhauer. II. Theol. Symbulev. Dial. 5. p. 252. Veruntamen, ad cogitationes illas

coercitio penalis nulla dirigitur: quoniam illæ tranquillitati Civili *per se* non officiunt. Nam & alia plura sunt *illicita moralia*, in quibus *admonitionibus* Legislator potius utitur, ut illa intermittantur; sed *Legibus penalis* non item: aded ut si quis *admonitionibus* illis non pareat, saltem *immorigeri dedecus* subeat, & *cenfuram hominum proborum* experiatur. Talia sunt *vitia frequentia nimis*, ut avaritia, ambitio, inhumanitas, ingratus animus, gula, hypocrisis, ira, invidia, detrahendi studium, superbia, discordia, & sim. In quibus *coercendis Leges punitivæ inanes* forent. Imò etiam *Legibus Civilibus* quandoque disertè *permissio maiorum* cavetur. Quarum quidem *Legum actus unus est nudus*, qui pro objecto *voluntatis* Legislatoriæ habet *immediatè permissionem* mali; sed non *malum ipsum*: quippe quod *immediatum est objectum permissionis*. Adeo ut *Lex non velit malum*, sed *permissionem mali*, & *hoc in medio* relinquat. Alter *actus* illarum *Legum est positivus*, *circumscriptio* scilicet seu *determinatio mali*; quò & *pæna excedentis* constituitur. Et tamen, etiam *intra modum*, *permissa illa, tantum in foro soli* seu humano, *impunia* sunt. l. 144. d. R. J. Non etiam quicquam *permittere* Princeps seu Potestas Civilis debet, quod *providentiam & Majestatem DEI immediatè lædit* aut sollicitat; qualis est v. c. *proba Sagarum per aquæ innatationem* (vid. Dedekenn. P. II. *Consil. Eccles. fol. 444. 446.*) cum similibus.

Cæterum *Civilem Legem*, si vel maxime *dura* sit, *Magistratus*, itemque *JCtus*, sequi debet; l. 12. *qui & à quib. manum*. Vinn. Lib. I. qu. 2. nec unquam suo ausu quid suscipere, quoties vel *initio extrinsecum est Legi temperamentum*; ut tale quid *virtute suâ & sententia vel ratione* non contineat: vel cum *temporis progressu* *Lex aliqua non amplius æquabilis est*. Nam utròque casu ad *Principem*, ut is immutet *Legem*, vel subveniat, *unicè* pertinet. Quanquam sæpè *Leges duriores Censoribus* videantur, quam debeat. Quis enim temerè, si non *H. Grotius*, (qui subinde *prudentiali Romanam*, ut scilicet *Juri suo pretium inde pararet*, inconsultò vellet,) *Silanianum* carperet *SCtum*, quando hoc *familiam Domini occisi*, *servum* quippe non modò *vilissimum*, sed & *suspectum odii* in herum suum, & *injuriæ seu neglectûs* in eundem jam satis *reum*, vel *sceleri faciliè per conspirationem cum familiâ reliquâ implexum*, tor-

queri posse *in necem Domini* voluit; maxime quòd & *servos*, in aliis, ad dicendam *veritatem*, pro testimonio *torquendos*, *rationi solidæ adversum* non sit; de quo vid. *Taborem in Diss. I. d. Quaest. & Tortur.* Diversum verò penitus est *Jus strictum*, quod appellamus, à *duro illo*. Nam *hoc* quidem locum nullum *Interpreti* relinquit; & *rigidum apertumque est*. Sed *strictum* dicimus, quatenus, prout jacet, applicari vult *speciei cuilibet*, quæ sub eò contineatur; ut tamen *incurrens circumstantia* *Interpretem ad mentem Legislatoris* ducat, quam ipsius verba, vel *angusta vel laxa*, non satis exprimunt; aded ut illa vel *extensione vel restrictione* indigeant. Quin & *JCti in LL. nostris* *strictum Jus* aliquando in uno loco exhibent, quòd & *regulam* dicimus; iidemque alibi abinde *abscedendum*, vel *temperandam esse regulam*, eamve vel *ampliandam vel restringendam*, aut *excipiendum* inde volunt ipsi casum, si *circumstantiæ* id requirant. vid. §. 23. *Inst. d. R. D. junct. l. 7. §. 5. d. A. R. D. tum & l. 38. cod. item l. 31. §. 1. Depos.* In quibus locis aperte profitentur *JCti*, quòd *regula* in quibusdam sit cui si *insisti in omni casu* velit, *summam illud fore injuriam*. Alias imperiti omninò *jurium* sunt, & *legnes nimium*, qui protinus, quando *Leges duas in speciem dissidentes* vident, ut ex *discrimine eluctentur*, earum unam de *jure stricto*, alteram de *benigno*, accipiendam esse volunt; cum potius *casus diversos*, utrobique *speciales*, nec ulla earum *regulam tantum*, seu *jus strictum & indefinitum*, contineant. Ubiunque verò *strictum jus esse* constat *Judici vel JCto*: ibi *æquitatem* adhibere, nec aded *circumstantiam* negligere debet; quam *Jus illud indefinitum* seu *generale* vel non habet, vel *circumstantia* nunc occurrens, ei quam *Jus habet*, non per omnia similis est; idque per *tramites veræ prudentiæ* facere instituet, ac per *analogiam Jurium*: neque enim *cerebrina æquitas* digna est *Justitiâ*, eòve qui *justum se aut peritum juris* profitetur. Vult nempe hoc *Majestas ipsa*, quod *Judex aut JC.* *æquitatis* implicitæ reperit; eaque si ex *ratione naturali est*, *naturalis æquitas*, si ex *civili*, *civilis* dicitur. Nec semper in *lenitate* consistit. l. 1. §. 1. *si is qui test. lib. esse juss. est. l. 1. de eo per quem factum est.* Siquidem non *rigori* opponitur *Æquitas*, sed *strictæ verborum expositioni*: atque hinc *diversa penitus est à Clementiâ*, quæ non est nisi *Principis*.

Monendum quoque est, *Canones Ecclesiasticos*, seu Constitutiones in *Rebus Ecclesiæ*, quæ quidem olim per modum *conventionis*, non etiam *ex imperio*, obtinuerunt, *Civilibus Legibus* pares haberi posse. Illi verò non *promulgatione* nudâ, sed *agnitione* à populo Christiano, valebant. Deinceps verò *Principes* ad Christianismum perducti, majori auctoritate, ut *Principes* quoque aut *Primi in Ecclesiâ*, constitutionem hanc susceperunt, *Præsides* scilicet, nec tamen nisi *cum Consiliis*, si quid *noviter* definiendum fuerit: quod quidem *Cæsari* assertum cuperent *Protestantes*, si per Fidei discrimina liceret. Interea *Pontifex Romanus* aded sibi *potestatem* ferendi *LL. in rebus Ecclesiasticis*, per totam quoque *Christianitatem*, asserit, ut ne quidem necessarium esse *Bellarminus*, *promulgationem* De-

creti Papalis ubique locorum fieri, quod minùs illud omnes teneat, quibus duntaxat *innotuit*. Sed diversum sentit *P. d. Marca L. II. C. S. § I. c. 15. n. 2. seq.* ubi *n. 10.* textum *c. 1. X. d. Postul. pralator.* de *singulis* tantum hominibus agere monet, ut illis publicari talia necesse non sit; secus esse de *Provinciis* integris. Et supponi aded in *d. textu*, quod Decretum communiter jam publicatum sit; maximè quod *Roma* non amplius tantò confluxu petatur. Utique *Galli* Pontificis Decretis Bullisque locum non faciunt, nisi *Regis* assensu præviò. *Hoornbek. ad Bull. Pap. Innoc. p. 285.* *Nostros* ea spernunt penitus: & quodvisque *Jus Canonicum* admiserint, ad *Bæcleri Nor. Imperii*, tum & per singula Capita, in *Praxi Jur. Canon.*, à nobis expositum est.

II. Sed pluribus de jure civili agere non est hujus instituti. Quamquam notitia Juris Romani in hac quoque universali disciplinâ non quidem ad intellectum necessaria, sed perquam utilis est ad illustrandum, & fortè necessaria ad docendum. Quia satis constat, nihil solidius & sapientius ad interpretationem Juris Naturæ & Gentium quam à Romanis prudentibus extare relictum. Etsi contemptum, ignorantia manifestus, Romanæ prudentiæ præ se ferat ille sui ingenii Hobbeseus.

III. Jam qui præcepta omnigeni juris vitæ suæ tenore servat, is justus, & hic à justitiâ dicitur. Quæ nihil est aliud quam habitus, per quem homines justa volunt & agunt ut Aristoteles * finivit.

* *V. ad Nicomach. c. 1*

IV. Justitia, quæ omni juri cunctisque virtutibus adæquata est, universalis dicitur. Neque aliud est, quam virtus in genere; (b) tantum quod Justitia relationem ad alios usumque in societate civili contineat. Unde liquet, eam non esse distinctam virtutis speciem, sed omnium complexionem.

(b) VIRTUS IN GENERE. At verò ita non posset omni Juri adæquata esse: eò quod Justitia Universalis non modò virtutes morales dirigat, præter Justitiam particularem; quippe quæ per se virtus specialis est: verum etiam actionibus civium omnibus, nec tantum privatis, sed & publi-

cis, præsit. Hinc omnino Justitiam universalem, ratione objecti sui, ulteriùs porrigi oportet, quàm plerumque rem alii definiunt. Equidem A. ne quidem justitiam illam, quam Aristoteles ad complexum virtutum dirigat, in §. seq. agnoscit; quin potius omnem justitiæ rationem ad efficaciam juris info-

in foro deducit; aded ut tantum iustitia particularis Ipsi iustitia propriè dicta habeatur; imò quando ex virtutum aliquarum exercitio commodi quid in reipublicam redundat, Ille hoc non iustitiæ esse putet; quoniam satis prodant se virtutes illæ; quamvis utilitatis exinde, sive publicæ sive privatæ, nil quicquam se exferat. Ita verò, si vel maximè dicatur, nil prodesse Reipubl. virtutes illas, nisi cuique facultates seu bona quæcunque sua custodiantur; tamen hoc, quod suum cuique bonorum ejusmodi tribuatur, non proficisci ex iustitiâ universali; neque de naturâ hujus dici posse, ut cuique suum tribuatur. Enimverò sicuti jura non ed tantum respiciunt, ut de bonis externis suum cuique tribuatur; verum etiam oportet, ut virtutum, quæ ad exercitium sui bona externa non desiderant, actûs, vel interni, ad alios dirigantur: hisque per eos tribuatur, quod debetur ipsis; quamvis ex imperfecto jure: cum sanè liberalitas, beneficentia, & similes virtutes, non modò perficere debeant ipsum eum, qui illas exercet; verum etiam in societate dirigi ad alios. Hinc nulla poterit esse virtutum in Republicâ, nisi quæ ad alios dirigantur; siquidem virtus tantum dicitur, quâ ipsa quem virtuosum efficit, sed iustitia quatenus ad alium refertur,

Ceterum particularis Iustitia, sicuti ad externa bona unicè respicit, & jus perfectum confert aliis: ita omnino in foro & communi vitâ magis urgetur; nec tamen sola finem Juris aut Jurisprudentiæ, siue Romanæ siue alterius, absolvere potest. Quippe quod Jura etiam inculcent ea, quorum persecutio in foro non datur: siue illa debeantur singulis, siue Reipublicæ; imò Deo etiam. Quod verò diximus, Iustitiam Universalem niti imperfecto jure: illud solum ad privatos referendum est. Nam Deo quoque & Reipublicæ, ad exercitium eorum, quæ universaliter iusta sunt, plenè siue perfectè tenemur. Utique Juri Romani hoc suum cuique tribuere non aliter intellexerunt: nec potuit Auctor §. 5. illud exponere tantum per actum, eumque negativum, Iustitiæ particularis, alterum non lædere: cum nequidem tota iustitiæ ratio absolvatur per actum positivum, qui speciali sensu, per suum cuique tribuere, inter præcepta juris, exprimitur. Generale autem præceptum juris, quod ad universalem spectat, penitus Auctor præterit. Quod de Charitate Idem dicit: lar-

giri possumus facillè, ut illa complementum iustitiæ inter Christianos indicare possit; quin & Pietas, si latò sensu capiatur: cum aliàs pietas ad Deum magis respiciat; uti eharitas ad proximum. Quamvis enim in Republicâ cives adigi possint, ut suum cuique tribuant; licet charitate destituti: tamen hoc solum ad finem externum pertinet, quod intendimus etiam internè bonos efficere; estque de naturâ finis ejusmodi, ut eum intendamus quidem, etsi eundem sæpè obtinere non possumus.

Igitur Particularem Iustitiam non putat Auctor Cl., idem genus Virtutis ejusdem subire cum Universali: quoniam particularis cohibeat vel repellat το πλείον, plus suo capere; quale quid non agat quam dicunt Iustitia universalis, in complexu reliquarum Virtutum. Alibi verò, & recentius quidem, ait, Suum illud, cujus coërceatur cupiditas, sumi vel pro iis, quæ nos faciant locupletiores; & partem aded patrimonii conficiant. Ita coërceri per iustitiam nimium pecuniæ studium, quam particularem unicè dicat Aristoteles; eamque Iustitiæ universali opponat. Vel suum dici, omne id, quod qualibet ratione ad nos pertineat. Ita docere Iustitiam, ait, cohibere omnem malam cupiditatem, quâ quis alium in quâlibet re quovis modò lædit: quæ quidem universalis est Philosophis; (si ve dicas illam esse universalem eam, quæ particulari opponitur: siue quod Iustitia in universa latitudine sumpta curet hæc posteriora, & curet etiam priora; indeque ob complexum integrum universalis dicatur; cui idcirco non opponatur Iustitia particularis, sed illi universali, tanquam pars quædam, insit: adedque hic sit pars totius; ibi sit conspecies sub unò genere, absolute definitò.) Quando autem sensu illò, quod Iustitia dicitur regere, quod qualibet ratione ad nos pertinet, unum genus nos habere posse Iustitiæ & ipse Auctor largitur; quæ doceat scilicet neminem lædere in bonis, corpore, honore suo suorumque: ceu Iustitia à Cicerone & Juri definiatur: non potuit tamen taliter constitutam dividere, in distributivam seu attributivam: cujus debita non possint necessariò exigi, cum scilicet perfectè non debeantur, (quod ille omnia refert, quæ Iustitiæ universalis sunt;) & commutativam. Etenim hæc distinctio adh. non nisi est partis Iustitiæ illius, in complexu sumptæ, quam nos particularem dicimus. Et quamvis distributiva non perfectè tribuat, (in effe-

At scilicet, quod civi v. c. rat. *præmiorum* debetur: sæpè enim Civitas *solvendo non est*; indeque saltem Civi tribuitur, quod pro *facultatibus & modo* Civitatis potest:) tamen *in causâ suâ*, ipsâque obligatione seu debito inde procedente, Justitia quoque *Distributiva*, (ut tota particularis,) *Jus per-*

fectum confert: cum quidem *Justitia universalis*, etiam quoad *causam* debiti, eâ rat. imperfecta sit, quodd *exigi* debita illius non possint, v. c. gratitudinis, misericordiæ. Quæ quidem cum *Auctore* ad distributivam nullatenus referri debent.

V. Proprie autem dicta justitia est ea, quæ docet plus suo non capere aut cupere, cujus oppositum vitium illud frequens est, *πλεονεξία*. Quæ cum ab aliâ virtute non coërceatur, fieri nec potest, quin hæc sit peculiaris & ab aliis discreta virtus. Nam quod aliqui dicunt, justitiam universalem, adeoque omnes virtutes cohibere *πλεονεξίαν*, sive concupiscentiam alieni, hoc cavillatorium est. Cum multas dari virtutes, in quibus nihil tale vertitur, sit manifestum. Definitur justitia à M. Tullio, * virtus, quæ cuique jus suum & dignitatem tribuit. Quæ verba cuilibet virtuti non convenire palàm est. Neque enim temperantia, patientia, fortitudo, modestia, similesque virtutes in hoc consistunt, ut suum cuique tribuant. Nec erit, qui liquido explicabit, quomodo illæ virtutes *πλεονεξίαν* refutent, quod aliqua virtutum facere debet, nec ab alia tamen fit, quam quæ per *suum cuique tribuere* definitur. Imò clarum est, quod exactè suum cuique tribuere, id est, *alterum non lædere* possit, qui & timidus & helluo & impatiens est. ** Proinde alienum dictu est, definitione virtutis, quæ suum dat cuivis, nullam non contineri virtutem, eamque esse universalem. Nisi tu universalem dicere velis, non quæ cunctas virtutes continet, ut Aristoteles, sed quæ reliquarum virtutum actus ad suum finem bonumque commune refert, ut schola Thomæ. Atqui ita particularis justitia quam nos dicimus, erit universalis, quatenus reliquæ virtutes nihil profunt Reipubl. nisi facultates cuique suæ custodiantur. Dicis, vix aliunde posse colligi alicujus temperantiam, modestiam, patientiam, nisi ad omnium vel singulorum utilitatem illæ virtutes exerceantur. Imò temperantia, modestia, patientia, pietas, verecundia, magnificentia, facillimè possunt colligi, ultròque se produnt, etsi de effectu publicæ privatæque aliorum utilitatis nihil dum constet. An, si natura illarum sine officio tribuendi quicquam alii, plene constet, tamen hoc, sine quo esse potest quæque virtus, de naturâ ipsius esse contendes?

des? Quomodo ita non charitatem sumemus pro virtute universali, omnesque sub eâ virtutes complectemur, ad quam omnium officia virtutum dirigit Apostolus? Plane, qui non abutitur iudicio, non potest negare, quin evidentissimum sit, eam virtutem, quæ docet alterum non lædere, id est, suum cuique tribuere, non esse quamvis virtutem, sed ex pluribus aliquam.

* 2. de invent. § 3. ad Herenn. pr.

** Thom. 2. 2. qu. 58. artic. 2.

VI. Porro jus & dignitas in definitione Tullianâ ita fere opponuntur, ut apud veteres τὸ ἴσον καὶ ἀξιοῦν & τὸ κτ' ἀξίαν. Illud, quod omnibus ex æquo sine discrimine tribuendum, qualia, quæ plenè & perfectè ad quemque pertinent, uti quæ in dominio aut in credito habentur. Ad dignitatem referebant ea, quæ probabili ratione non tamen necessariò cuique debentur, neque exigi possunt, (c) ut præmia bene meritis.

(c) NEQUE EXIGI POSSUNT. Quoniam *Justitia universalis* nobis illa dicitur, quæ non modo virtutes cæteras, præter justitiam particularem, verum etiam *omnes actiones civium*, complectitur, quatenus diriguntur ad alium, eique jus suum, idque imperfectum, ad quod scilicet actionem ille non habet, tribuitur. Idè à particulari eam facilius distinguimus, quòd hæc respiciat bona externa, quatenus ex his alii quid, ex jure hujus perfectò, tribuendum est. Igitur *Justitia* reverà non nisi una est, quæ suum cuique tribuit: species tantum, sive digressiones potius, duas inde conficimus; quòd *justitia* circa bona illa interna & externa diversimodè se exferat. Ex quo simul patet, *Justitiam particularem sub universali*, tanquam speciem sub genere, non rectè collocari: cum potius *Justitia una* sit, illa quæ in universalem & particularem distinguitur. Auctor verò, sicuti *particularem* unice amplectitur: ita quando *aptitudinem* in §. 7. b. ad *Justitiam Distributivam*, *facultatem* verò ad *Commutativam* refert; in quo *Grotium* sequitur: non rectè aptitudinem per hoc expressit, quasi non possint *exigi* vel non perfectè debeantur, quæ distributiva *Justitia* civibus attribuit; cum tamen non modò ad præmia, sed etiam ad onera communia, species illa *Justitiæ* particularis porri-

gatur: quin & præmia perfectè debeantur bene meritis, quasi jure quodam actionis; licet non semper *adequata* meritis, ob Reipublic. indigentiam, conferri possint. Nam ita non negatur debitum; sed solum defectus in executione est: ut immeritò *aptitudinem* dicamus, & non etiam plenam facultatem, *quicquid* *Justitia distributiva* præcipit. Quid quòd etiam possit plena haberi *retributio*, quæ pro statu Reipubl. congrua est. Quapropter recipi non potest, quod dicitur, *Justitiam* illam probabili tantum ratione niti; non etiam necessaria. Illud planè huc non pertinet, quod in §. 7. de operariis ex Evangelio adducit: cum satis constet, quoad vitam æternam de meritis, seu retributione aut proportionem eorundem, frustrà queri. Facile autem accedi potest *Auctori*, quando *beneficium* quodlibet ad *Justitiam distributivam* non pertinere, tradit. Imò potius nullum eò pertinet; quoniam actus ille est *Justitiæ universalis*, quando testator *legatò* quem honorat; adè ut *Grotius* malè omninò ad *Justitiam distributivam* hoc retulerit. Legati verò *executio*, quæ hæredi incumbit, ad quasi contractus, & sic ad commutativam *justitiam*, referenda est. In eò non minus *Grotium* notari oportet, quando Is nullum *proportioni* locum facit, in *justitiâ distributivâ*, si

unus tantum muneri fit idoneus. Quidni enim posset unus ille idoneus ad alios minus idoneos referri? quid quod præmium ejus ad meritum comparari debeat; & vel hinc proportio educatur. Quid etiam quod munus illud, ad munera reliqua, licet non ejusdem, sed diverſi generis, comparari queat. Itaque nihil penè fani in *L. I. c. 1. §. 8.* habet *H. Grotius*; ubi ſimul etiam ſtudio *virtutum* ad juſtitiam attributricem, h. e. *distributivam*, refert; (in quam & ſententiam *Auctorem* pertraxit:) Nam hoc quidem ad *Jus imperfectum* reſpicit; & vel ob id neceſſum fuerat, ut *Grotius* iſtud Juſtitie univerſali relinqueret.

Illud verum eſt, quod *Idem Grotius* perhibet, *distributivam* & *commutativam* juſtitiam non diſtingui proportionibus. Quamvis enim *distributiva* ſemper attendat proportionem *Geometricam*: quippe quod ea pro obſectō habeat illa, quæ civibus, quæ talibus, debentur: ſive commoda, & ſic plus quam præmia; ſive onera, & ſic aliud & diverſum quid à pœnis. Tamen quoniam in his etiam, quæ debentur privatis, citrà reſpectum publicæ ſocietatis, occurrere poteſt ſæpius, ut ratio diverſorum reſpectuum haberi debeat; uti fit, v. e. inter focios, coheredes, concurrentes creditores, &c. Ideò in alterâ quoque juſtitie ſpecie, *commutativâ* ſcilicet, tunc quidem proportionem *Geometricam*, ut in cæteris *arithmetica*, obſervari oportet.

Equidem *Zieglerus Lib. II. d. Jurib. Maſtat. c. 3. §. 24. ſeqq.* opinatur, in *Immunitatibus* & *Privilegiis*, æquè ut in præmiis, *Geometricam* quidem proportionem obſervari. Poſtquam verò illa priùs conſtituta ſint, & dehinc ad onera imponenda procedatur: illam fieri impoſitionem per *Juſtitiam commutativam*; indeque per proportionem *Arithmetica*. Nempe falſum eſſe, quod in *Societate* proportio *Geometrica* obſervetur, cum tamen in eâ non reſpiciatur dignitas vel meritum perſonæ. Sic & in *collectis* imponendis, ubi itidem nullum ampliùs perſonæ meritum conſideretur; ſed ſolum proportio inter bona & tributum ſervanda fit. Proportionem verò, quæ in *Societate* ſervatur, videri tantum *Geometricam*; reverà tamen non niſi *Arithmetica* eſſe: nam & emptorem unum, qui ulnam v. c. unam panni pro thalero emit, cum altero qui duas pro duobus emit, proportionem *Arithmeti-*

cam ſervare; quod omnes fateantur: parem autem in *Sociis* quoque rationem eſſe; quorum unus, qui 100. contulit, ex lucro 30. thalerorum, decem; alter ex 200. collatis, viginti lucretur. Sed in his falſa non una ſunt. (1) Quod exiſtimet *Zieglerus*, *Juſtitiam Distributivam* & *Commutativam* *Proportionibus* diſtingui: cum tamen ratio attributionis in *obſectis Commutativæ* Juſtitie illud non ferat, ut in omnibus iſtis *Arithmetica* ſervetur, aut ſervari queat. (2) Quod putaverit Ille, oportere *collectas* ideò imponi civibus non exemptis per proportionem *Arithmetica*: quoniam aliter *aquitatis* ratio haberi non poſſit. (3) nullam eſſe *Geometricam* proportionem, niſi ubi reſpectus perſonarum, in dignitate earum & meritis; habetur: quæ rat. etiam pœnas oporteat *Geometricè* imponi duobus, in eadem ſpecie delicti; quod tamen æquè falſum eſt. (4) in *Societate arithmetica* ſervari. Scilicet quia *Societas* ad *Distributivam* non pertineat. (5) nullum quoque inter *Societatem* & *Emptionem* diſcrimen eſſe. Enimverò ſicut *collecta*, quæ rat. agri unius penditur, non æquivaleret agro illi, ut pretium rei emptæ; ſed æquitas iſtius ex proportionem ejus cognoscitur, quod alii rat. agrorum fuorum pendent: idemque in *Societate* occurrit; ubi 10. lueri non conveniunt numericè cum 100. in ſocietatem collatis, tanquam obſectō ſuo; proportionem tamen habent cum illis: quia 20. recipiuntur ab altero fociorum, reſpectu 200. Ita è contrario in pœna pauperis & divitis, exterius ſolum differunt 10. & 20. aurei: interius verò, quoniam obſectum ſeu delictum idem eſt, (non ut ibi agrorum, item collatorum in ſocietatem, eſt diverſitas;) Ideò oportet etiam attributum *Arithmetice*, rat. ejusd. doloris ſeu mali paſſionis, quod formale eſt pœnæ, idem eſſe.

Tandem, *Juſtitia* illa *commutativa*, (quam *Grotius* explettricem appellat, alii *Correctoriam*,) non tantum ad conventiones, verum etiam ad jura *Realia*, imò ad jura perſonarum ſuo modò, ut alibi diximus, pertinet; indeque referuntur eò non minus pœna, prout ex delictis privatis debentur; publicæ autem juſtitie univerſali relinquendæ ſunt; quæ non minus proportionem habet, æque ac per illas particularis dirigitur. Eſtque verior ſententia, in pœnarum inflictione proportionem *arithmetica* attendi oportere.

VII. Jus proprie dictum Grotius * *Facultatem*, quod est dignitatis, *Aptitudinem* appellat. Justitiam, quæ circa illam vertitur, *Explettricem*, quæ circa hanc, *Adtributricem* vocat. Terminis scholasticâ industriâ ad doctrinam, quæ est veterum, adtemperatis. Non est tamen ita, quod omnis aptitudo & quodvis beneficium sit objectum Justitiæ Adtributricis. Non utique ubi testator amicos honorat Legatis, quo Grotius ** utitur exemplo Neque simpliciter, in distribuendis eleemosynis aliisve liberalitatibus. Neque enim, qui plus uni tribuit præ altero, æque aut melius merito, propterea injustus est, ut docet Christus, historiola de operariis. Liberalitatis enim nemo rationem reddere cogitur. Saltem ut minus acceperit nemo, quam ratione factis probabili prægnantique sibi deberi, fidem facere possit.

* Grot. l. 1. c. 1. §. 5.

** Idem d. l. 1. c. 1. §. 8.

VIII. Plane ita videmus, Justitiæ nomen vel à jure, quod est Regula boni & æqui, esse desumptum. Vel à jure, quod est qualitas moralis ad habendum aliquid vel agendum. In priore sensu dicitur Universalis, in posteriore particularis. (d) Verum ut illa jura non sunt Species oppositæ, sed diversæ ejusdem vocabuli significationes. Ita nec Justitiæ illa propriè sumpta divisio est, cum una species alteram contineat. Sed revera quæ particularis dicitur, ea sola pro virtute habenda est. Altera non est habitus certi objecti, proinde nec virtus dici potest. (e) Quid igitur? est translatio vocabuli, quæ universæ moralis disciplinæ exercitium, παντοῖας ἀρετῆς ἀσκησιν secundum omnia divina humanaque jura significat.

(d) IN POSTERIORI PARTICULARIS. At verò non apparet, quâ ratione *particularis* non æquè à *Jure* pro *Regula* sumtò, & vicissim *universalis* non à jure, quod est *qualitas moralis*, procedere, tam quoad nomen, quàm rem ipsam, dicenda sit.

(e) NEC VIRTUS DICI POTEST. Quòd si verò in eò *virtutis* cujusdam *ratio* consistit, justitiæ puta particularis, quòd *suum cuique tribuat*: non poterit ex numero virtutum ejici justitia quoque *universalis*; quippe cui in eo cum particulari convenit. Nec enim quicquam impedit:

Justitiam universalem versari circa virtutum aliarum moralium objecta; ut si eundem modum servat, qui servandus est in earum quâlibet specie: tunc non tam virtutis simplicis nomen habitura sit, quàm *virtutis politicæ*, sive ad alios relatæ. Nam in eo saltem nobilior est hæc virtus, quòd non sibi tantum commodet; sed vel maxime *bonum alterius & publicum* quærat: in quo uno dum objecta quælibet ad alios, idque *intrâ modum* ex æquitate dispositum, refert: rationem *virtutis* hucusque *peculiaris* absolvere omnino potest. Quin imò *justitia universalis* ultra quoque *virtutes mor-*

tes mor-

tes morales extenditur: ad ea scilicet, quæ non modò virum bonum attinent, verum etiam quæ *civem* decent, ac ad munera seu officia publica respiciunt.

Priusquam hinc abeamus, expediendum est: quâ ratione *Princeps Legibus solutus* dici possit? eis scilicet, quæ vel ad actus *merè civiles*, eorumque requisita & solennia, pertinent; ut testamentariæ & similes: vel quæ *indifferens* quoddam in honestate morum continent; sive hoc tale fuerit *absolute*, sive ex parte & *secundum quid*: ut nempe quid *necessitatis moralis*, extrâ definitionem civilis potestatis, habeant; quales sunt v. c. *Leges pœnales* in delictis, *divinò* licet vel *universali jure* prohibitis. Equidem *Scholastici* obstringunt Principem Legibus ipsius, per vim *directivam*, sive in modum regulæ; non etiam per *coactivam*. At verò cum Princeps imperium intrâ civitatem nullum agnoscat extrâ se; ita ut principium agendi in ipsum penitus deficiat: hinc *ne quidem* quoad vim *directivam* Legibus suis tenetur. Imò sicut etiam *coactivam* in ipsum asseri oporteret: eò quòd is quî culpæ reus fit, à pœnâ immunis esse nequeat; quicquid sit quòd *executioni* ea non detur. Et sanè *reatus* infert respectum ad *superiorem*, quò tamen in *civilibus* Princeps destituitur. Accedit, quòd nec obligari possit legibus illis *ex voluntate suâ*; quia hanc pro lubitu mutare posset: neque ratione *materiæ*; quæ cum sit *indifferens*, quâ civilis est, ex se non obligat, sed ex præcepto superioris: quem tamen non habet Princeps. Quòd si *scandalum* obvertas, ad quòd præcavendum Princeps obstrictus sit: dicendum est: *hanc obligationem* perfectam non esse; saltem non esse *legalem*, ut ex ipsâ vi legis, quam dedit Princeps, pendeat; nec *specificam*, sed *universalem & indirectam*, quæ ex universali virtute Principem movere possit. Ad actus verò ipsos si respiciamus: aut *communes* illi sunt Principi cum *subditis*; aut ad *hos* unice pertinent. *Horum* nulla hîc habetur ratio. *Illi*, vel *civiles* sunt, vel *morales*. Quoad *civiles*, Princeps legibus, quæ circâ eos disponunt, nullatenus tenetur: indeque testamentum, donationem, so-

lenniibus civilibus neglectis, efficaciter condit. vid. l. 1. §. f. d. Off. Proc. Cæs. junct. l. 90. d. A. O. H. l. 26. C. d. Donat. int. V. & U. junct. t. 1. ff. & C. eod. add. l. 56. d. Legat. 2. l. 34. C. d. Donat. Nov. 25. c. 2. Actûs verò *aliorum*, quamvis ad Ejus commodum, si forent validi, pertinere possent; non tamen potest nulliter celebratos pro validis, contra legem suam, cujus illi actûs proprium objectum sunt, pronunciare. Nec enim actum eundem simul invalidum & validum esse possibile est. *Morales* quod attinet: illi vel *simpliciter tales* sunt; & tunc legibus, quibus circâ eos quid dispositum est, ne quidem tenetur Princeps, quâ talibus; sed quatenus sunt *regula rectæ rationis*, quibus ostenditur, quid *publicæ utilitati* conveniat; quippe quam Princeps pro *Officio suo* negligere non debet, tanquam pars *Communitatis* potior: tum & quâ *Leges istæ civiles Jus supernum* proferunt: quale quid non modò occurrit in *criminibus*, sive illicitis; verum etiam in *contractibus*, & negotiis licitis aliis. Proinde Princeps non tenetur ex ejusmodi legibus; sed potius *ante eas*, quâ *naturale* quid continent: ut est pretium v. c. *justum*, in *denen Tax. Ordnun-* gen; atque Principem obligant, non quia ipse sic ea definivit; sed quia aliter definiri non poterant: saltem quòd probabilitas naturalis, uti fuerat ante definitionem ejus, necessitas quædam fuisse, post declarationem ejus, appareat. Sic & *crimina*, quæ communi jure sunt vetita, non minùs Principem afficiunt; licet eum non feriat pœna illa, quam Ipse propter ea civibus imposuit: nam hæc est *forensis*; utut *pœna effectum*, quem jus ipsum *commune* delinquenti interminat, à Deo, cui hætenùs unice Princeps subicitur, expectandum habeat. Quod enim Grotius L. II. c. 20. de J. B. & P. opinatur, posse *Principem puniri à Paribus* etiam, sive Principibus aliis, inter *Gentes*: id *inferius* discentemus. Cæterum quod de *Summo Principe* dictum est: idem non minùs in *Statibus & Principibus Imperii nostri & similibus*, Potestate Leges ferendi *subalternâ* gaudentibus, quoad *Statuta provincialia*, obtinet.

CAPVT. VII.

De Origine Civitatis ex consensu & vi.

ARGVMENTVM.

Causam Civitatis prater desiderium societatis odiumque confusonis, fuisse malitiam hominum. Contra quam boni se tueri non poterant, nisi conjunctione multorum, & quidem tali, per quam omnium voluntas una fieret. Plures tamen populos vi in civitatem & sub imperium quâ jure quâ injuriâ fuisse redactos. Facultatem quâ potentior imbecillio cogit ad obsequium, improprie dici Jus. Divisio Imperiorum in voluntaria & involuntaria. Graswinckelii sententia, Imperium à populo ne quidem per modum causa secunda derivari statuentis, refellitur.

I.

Illam sanctitatem justitiamque universam si homines integre perstissent, exacte implere potuissent. Sed ubi desciverunt, ambitio, avaritia, libido invasere. Adhuc quidem leges naturæ, id est, dictamina rationis satis æquum ab iniquo separabant. Ineratque animis cupiditas societatis, (a) judiciumque de rebus ad eam necessariis. Sed quia sine ordine certo non poterat confusio evitari. Nec commoda univerforum invicem communicabantur. Maxime, cum ob pravitatem feritatemque hominum dictata rationis negligerentur, tantumque omnes valere vellent, quantum viribus possent: palam est, opus fuisse ad bella evitanda conjunctione multorum.

(a) **CUPIDITAS SOCIETATIS.** Hanc esse causam impulsivam civitatum, & internam quidem, probata est *Antiquis* sententia: ita ut fundet illa societates simplices, nec felicissimi etiam felices se esse putent nisi in societate aliorum versentur. Senec. *IV. d. Benef. 8.* Idèd hinc etiam deinceps causam societatis perfecta, i. e. Civitatis, Theologi quoque petièrè; adèd ut *Dannhauerus p. 2. Theol. Consc. p. 699. seq.* non posse quem vitam solitariam eligere, statuat: Quamvis illum, qui negativè est solitarius, ut si quis casu aut fortunâ in vitam ejusmodi inciderit, meritò inculpatum habeat. Idem appetitus societatis efficit, ut in *Statu* quoque innocentia (quem & indigentia omni vacasse dici non potest: nam & Adamus indigebat sociâ, *Gen. II., 18.* & tenelli infantes auxilio pa-

rentum indignissent, &c.) cœtus ordinatos exstiteros fuisse, asseri debeat; licet eos *Rempublicam Majestaticam* appellari non potuisse satis constet: quia majestas, ad continendum refractarios, *Jure vite & necis* potissimum instructa est; nec minus ea valet *Jure bellum decernendi*, & his quæ eidem annexa sunt: qualia non possunt cadere in Statum integritatis. Neque tamen èd minus *Rempubl.* quis appellaverit, quæ familiarum ordinem habet *hominum perfectorum*, in quos scilicet pœna nulla fivè coërsitio valet. Noviter alii, hominem non esse socialem tradidèrè; sed tantum *sociabilem*, h. e. aptum ad hoc, ut societatem colere possit, ob loquelam & rationem ei inditam; idcirco nec societates esse secundum naturam, sed tantum non contrà eam. Scilicet à naturæ instituto eas non procedere;

cedere; sed ob metum extrinsecè potentium, & ob mala quoque interna, quæ naturalem Statum comitentur, nec aliter quàm coitione in civitatem evitari vel tolli possint, suasisse tantum naturam, ut plures in Cœtum majorem coirent: Ita Hobbes s. II. de Cive. Pufendorff. L. VII. §. N. c. 1. & ipse Conringius de Prudentia Civili, cap. VI. cum primis quòd probabile non sit, homines libertatis maximè amantes jacturam ejus spontè facturos, & Imperio alterius, nullâ adigente necessitate, subiecturos se fuisse. Enimverò, ut causæ illæ, ad impellentes externas, referendæ sunt, quas Græci *procatartêlicas* vocant: ita adhuc communis sententia, quæ appetitum societatis præfert, & primum movens sive internum constituit, potior est. Et bruta quidem hinc facilè abigimus; quippe in quibus nulla est societas, nec ullum, quod vanè plures effutiant, Imperium: quin potius signatantum excitant gregalia quædam, velut aves, ad uniuscujusque bonum privatum. Neque Apum est regulus, sed mas unus totius cœtus; ut ex Plinio XI. H. N. c. 16. & Aldrovando Lib. I. d. Insect. c. I. p. 45. seqq. ostenditur. Humana verò Imperia quod attinet, exortum eorum disponere voluisse, ex Antiquis, Hermogenianus l. 5. d. Just. & Jur. non videtur. Nam ille solum instituta qualibet hominum communia recensere voluit. Inter quæ orditur ab his, quæ majoris sunt moliminis & publici, integrarum gentium; tunc verò ab istis ad singulas earum, & singulos in gente qualibet, progreditur: nec idcirco ille bellis originem Imperiorum tribuit.

Nobis ita naturalis causarum series, ad Imperium formandum, disponitur. Firmatâ ex principiò suò genuinò hominum societate, post illas societates speciales, ordinatas, simplices, conjugalem, paternam & dominicam; in quibus, ab humani generis lapsu, Jure vitæ & necis ipse Deus fungebatur: postea inter hominum excrementum familias pactum processisse saltim naturaliter videri potest, quò familiæ plures in mutua auxilia coirent; idque citrà imperium publicum, promiscuâ libertate. Subsequitur dehinc, ipsâ etiam naturali serie pactum alterum, quod ordinem inducat partitionis, ergà hos, quibus obtemperare ceteros debere convenit. Sed hunc cœtum Magistraticum dicere licet; quippe qui nec omnimodam potestatem iis, qui communitati præerant, neque stabili-

lem aut perpetuam, conferat. Donec tertium (nisi duo priora, tanquàm rudia magis, in gradus tantum distinctos unius speciei, abire velis,) accedat, quò omnibus & singulis Majestatem Civitati ejusmodi inducere, & hinc pluribus vel uni, imò quod Auctor inferius, seu primordium Civitatis, constituit, ipsis universis Democraticè Jus vitæ & necis, tanquam omnium maximum, sive Jus in vitas & fortunas civium, competere debere, placeat; idque cum abdicatione voluntatis omnimoda, quousque saltim universorum vita & salus sub eo regimine tuta esse possit. Etenim qui pacto priori subsunt, eos Pufendorff. L. VII. c. 2. §. 8. & c. 3. §. 1. solò jure Naturæ contineri tradit; qui verò posteriori, eos vel ipso contineri imperio. Vicissim imperantes status Magistratici Jure Naturæ valere, ipsòque pacto cum ceteris inito; Principes verò, aut qui Majestate polleant, non posse nisi per vim externam cogi. Quod quidem probari non potest, cum & Princeps, ut Imperium rectè exerceat, ipsò jure Nat. obstringatur; nec officiat, quòd executio obligationis illius in ipsum à civibus nulla locum inveniat. Quocirca etiam religione jurisjurandi, & interiori aded conscientia vinculo, Principes adstringi solent. Planè quem nos modò posuimus ordinem causarum, in educendâ Majestate, non laborat illis incommodis, in quæ incidere necesse est illos, qui hoc sequenti modò procedunt. Nimirum Voluntatem coëuntium dicunt esse Imperium Civitatis. Voluntatis illius seu conventionis tres quasi gradus videri: primum, ne alii aliis noceant; secundum, ut omnium voluntas una fiat; tertium, ut modus istius Unionis constituatur. Primus gradus, ajunt, dat pacem, alter Rempublicam, tertius formam Reipublicæ. Econtrariò (1) Voluntatem coëuntium Imperium Civitatis esse, neque vera est simpliciter neque tuta sententia: & qui pacto quid confert, is non duntaxat suam voluntatem alii submittit: nec etiam superest voluntas, utut majoris partis, postquam hâc Regi potestas delata est. &c. (2) Pactum primum simpliciter Hobbesii hypothesin probat; & tamen insuper in illo jam una est voluntas omnium: quam pacto secundò illi induci volebant. (3) Pactum illis protinùs inducit Majestatem; cum tamen detur Status Magistraticus, qui istum naturâ antecedit. (4) Idem pactum penes ipsos Majestatem fecernit à modò Majestatem habendi: quem quidem

dem in tertium, idque distinctum pactum, illi differunt: cum tamen modus ille non nisi accidentalem formam Majestatis constituat, & sub pacto habendi Majestatem in Republicâ contineatur; maxime quod Populus, qui Majestaticum statum sibi expetit, hoc ipsô formam simul etiam definiat. Quin itaque rectius dicamus. In primô pactô auxilia esse & studia mutua, ad incommoda vitæ quotidianæ levanda, per *Civitatem*; quale esse potest in-

ter familias plures. In altero jam *Imperium*, & sic *Rempublicam*; sed quod à constituentibus etiam in facto esse dependet. In tertio *Majestatem*: quippe quæ nec dici potest esse in constituentibus ex se Magistratum, in pactô medio; cum diversa sint, posse Majestatem & velle eam constituere. Nec ubi *potentia* est, ibi *Majestas* est, nec in secundo nec in tertio pacto, ex parte *constituentium*.

II. Nec tamen consensio in foedus, se invicem non lædendi, ad tollendam confusionem sufficiebat. Necessaria fuit ejusmodi ratio & modus, per quem omnium voluntas una fieret. Neque enim aliter communium actionum exitus ad concordiam obtineri poterat.

III. Hæc est unio illa, quam vocamus *Rempublicam*. Et multitudo hoc modo unita *Civitas* dicitur. Voluntas autem una ista nihil aliud est quàm *Imperium Civitatis*. Consensu tali priscos populos à dissipatione generis humani, saltem aliquos, in unum coaluisse, dubium non est.

IV. Complures tamen vi bellicâ sub *Imperium* aliorum redactos sacræ literæ & experientia rerum humanarum docent. Et poterat hæc origo *Civitatis*, quanquam violenta, tamen esse non injusta. (b) Nam qui alios hac gratiâ invaserant, si vincerentur, summo merito in servitutem agebantur. Imò occidi poterant, si qui alios prius occidissent, aut morte quicquam dignum admisissent. Proinde & rebus suis omnique jure privari poterant. Quia quos honestum est occidere, eos spoliare non potest esse inhonestum.* Proinde, quantum vellent, tantum juris victori in eos exercere licebat. Etsi plerumque fiat, ut ejusmodi *Imperia* pactionibus deinceps alium modum accipiant, adeoque voluntaria vel saltem mixti generis evadant.

* *Cic. lib. 3. offic.*

(b) ESSE NON INJUSTA. Loquitur hic *Auctor Cl.* de populo, qui bellô se defendendo adversus invasionem aliorum, hosce subigit: De quo dubium non est, quod *Imperium* in subactum populum justè fundet. In §. autem seq. de aggrediente populo agit; & quidem si hoc fiat sine causa. Ut Bellum habet instar persecutionis judicariæ inter Gentes; ita aggressor quoque populus,

qui jus suum adversus iniquum populum alterum bellô asserit, si aliter hoc reparare non possit, etiam subigendo populum hunc, vel partem ejus, fundare Majestatem potest. Sola verò subactio bellica potest quidem modum conficere; sed qui titulô destituatur. Unde non poterit ejusmodi subactione Majestas constitui; nisi populus subactus titulum ei sive justitiam acquisitionis, voluntate suâ,

suâ, utcumque coacta sit, addiderit. *vid. Horn. L. II. Polit. Architect. cap. 9. & Scharrok. de Off. secundum Jus Nat. p. 273. ubi & de tacitô & præsumptô populi consensu. de quo & Bœcler. L. II. ad Grot. c. V. n. 27. Quoad Democratiam, an hæc*

etiam per vim bellicam introduci possit? *vid. Pufendorff. Lib. VII. c. 7. J. N. §. II. cujus tamen sententia de Statu Democratico corruptô, non item de bene constituto, procedit.*

V. Sed ut potentior imbecilliores nulla aliâ causâ ad obsequium cogeret, id naturale facti, non juris habendum. Secus ac Hobbes voluit. Non est etiam Juris Naturæ, ut, qui ad usum libertatis inepti sunt, hi per vim ad serviendum adigantur. Si non alia sit ratio, quam quod nati ad serviendum parere nolint, *πεφυκότες ἀρχεῖν μὴ θέλousi*, ut magnus vult philosophus.* Neque enim ab aptitudine ad Facultatem, à ratione probabili ad jus perfectum, licet argumentari. Non magis quam id, quod ab alio occupatum est, eripere licet, eò quod nobis potius convenire videatur. (c)** Quomodo tamen Imperia vi injustâ fundata, fiant legitima, alio loco dicendum.

* *Aristoteles 1. polit. c. 3. 4. & ult. Dix. lib. 2. Digress. c. 2.*

** *Xenoph. Cyrop. lib. 1. à pr.*

(c) CONVENIRE VIDEATUR. Hôc argumentô utitur H. Grøtius Lib. II. c. 22. §. 12. Quod tamen minùs huc pertinet: qua non petitur ratio illius servitutis *ab utili*, quodque subigenti expedire posset; sed ex *conditione* ejus, de quô subigendô quæritur. Equidem sunt, qui servitutem hanc naturâ *Philosophum*, in gratiam *Alexandri*, subigendis populis quâcunque ratione intenti, pro-

didisse, scribunt. Verùm deferendus est *Aristoteles*, nisi de *hypotheticâ* Justitiâ intelligi velit, suppositô scilicet, populum quendam subigi, ut tunc justior fuerit subactio in eo, qui se ipsum regere non valet. Sed de hoc *inferius*. Audivimus autem his quoque temporibus inter Christianos *Le Droit de Bien seance. Die Convenienz.*

VI. Summa igitur Imperiorum differentia est, quod voluntaria sint aut involuntaria. Hæc aut invitis imponuntur bello, aut volentibus quidem sed necessitate aliquâ majore subactis, cujusmodi actiones philosophi mixtas appellant. Sic olim Campani à Samnitibus ad extrema redacti, se, urbem, agros, divina humanaque omnia in S. P. Q. R. ditionem tradiderunt.* Nec alia fuit Ægyptiorum causa tempore Josephi.

VII. Hæc igitur Imperia ex consensu multitudinis (d) originem habuere. Nasci enim illa immediatè à Deo, ut in rebus humanis nihil sit, quod vel secundæ causæ ferre queat nomen, quomodo post & ante alios Graswinkelius ** operosè disputat, incondita sententia est.

est. (e) Nam ratio nimis manifesta in contrarium est, ut ex supra dictis intelligi potuit. Etiam inde, si non quemque res ipsa convincit; quod populus, si velit, imperii facultatem ipse retineat, nec in unum vel paucos conferre cogatur. Quæ autem è sacris literis ab illo proferuntur, ea vel allegoricè detorta, vel à speciali Theocratia (f) populi Hebræi petita, vel nihil aliud quam ipsi Gentiles loquuntur, *ἐκ τοῦ Διὸς βασιλῆες. Ab Jove sunt Reges.*

* Liv. lib. 7. cap. 33.

** in tract. de Jure Majest. cap. 1. & 2. nec non vernaculo tract. de summâ potestate Ordd. Holland.

(d) EX CONSENSU MULTITUDINIS. Hæc plerorumque Recentiorum est sententia: cui obloquuntur Theologi, maximè Nostrates, & plures etiam ex JCtis & Politicis: qui Deum esse immediatam causam & solam Majestatis asserunt; eamque sententiam ex Scriptura, ut & Augustanâ Confessione, art. XVI. quin & ipsò Jure Naturali firmari posse, opinantur. Equidem quod sacra attinet, 1. Sam. 12. v. 13. cum simil. (Prov. VIII., 15. Dan. II., 37. & V., 18. Sap. VI., 4. Rom. XIII.) possunt commodè loca illa exponi, alia de causa efficiente primâ seu universali, alia referri ad Reges non constituendos, sed constitutos: ita ut quidem in fieri à populo seu hominibus procedant Reges, & sic quoad constitutionem; in factò esse & ratione Statûs, ejusque tuitionis & sanctimonie, à Deo pendeant. Hinc in Epistolâ Petri I. c. II. v. 10. 13. Humana dicitur Ordinatio. Neque hoc ad subjectum referri potest: cum in v. 14. idem de Magistratu subalterno enunciatur; qui tamen haud dubiè non modo subjective humanus est, sed etiam constitutive ab hominibus proficiscitur. Equidem Regibus obedire debemus ob conscientiam. Rom. XIII. v. 7. Sed hæc referenda sunt ad æternam Legem Providentiæ, & dictamen juris Naturalis: tam specificum, quoad Regimen ipsum, quod in Naturâ & Legibus ejus fundatur; (ut Potestas ipsa Civilis in potentiâ sit à Deo immediate, qui ordinem esse imperandi & parendi voluit ab æterno:) quàm genericum, quoad obligationem pacti, quò populus Majestatem Principi irrevocabiliter contulit. Ut enim actu existeret Imperium & Majestas, consilii factique humani est: ita tamen ut hæc sub directione DEI

& ipsa posita sint. Inde Reges per gratiam Dei regnant nihilominus. Interea subalternus Magistratus, quanquam & ipse vices Dei gerere dicatur, Prov. VIII., 15. seq. tamen à Deo in factò esse non dependet immediate; quippe quod soli Regi, seu Vicario proximo Dei, proprium est. Est enim Status Majestatis à Deo peculiariter, quòd ille nemini hominum subfit, & Rex civilem ordinem tuendo sacrum Deo gerat officium. De Theocratia, quò spectat Deuter. c. XV. v. 1. I. Reg. 7. & 12. Judic. XXII. v. 22. seq. frustra hic disquiritur: cum factis constet, extraordinarium hoc imperium, quò Deus ipse se Regem gessit, non nisi Magistratûs & ministerium populo permisisse; ut paulò inferius dicetur. Augustana Confessio, quando legitimas Ordinationes Civiles bona opera Dei & licita appellat, Fanaticis opposita est, ut sunt Anabaptistæ, qui Magistratum omnem, quasi illicitum, rejiciunt; nam ex hæc sectâ Protestantes quidtraxisse tunc temporis arguebantur. Itaque in abstractò & quoad institutionem Majestatis, Deus utique causa sola rectè dicitur; non in ratione compositionis illius potestatis cum subjectò in individuo. Idem observare licet Auctoribus hujus sententiæ, quando ad Potestatem Ecclesiasticam provocant, quæ & ipsa immediate à Deo sit, nec radicaliter in populo potestas docendi & sacramenta administrandi, sed tantum habitualiter & fundamentaliter, reperiatur. Nam potestas quidem Sacrorum ad Imperii, ejusque arbitrarii, rationem ita non pertinet, totique Ecclesiæ seu universæ in singula membra concedita est; indeque Ministri delegata potestate funguntur. Verior itaque est sententia, quæ vult Majestatem

statem pactō populi cum Rege initō constitui; quod superius pactum alterum, & certō respectu tertium diximus.

Huic opponi præ cæteris solet, quod per Majestatis delationem Regi tribuatur non modò rerum omniū Dominium eminens, ad quod facile res deduci potest, per resignationem dominii à quolibet factam rerum suarum, ad commune bonum; verum etiam Jus vitæ & necis in personam, corpus & vitam singulorum. At verò neminem posse concedere alteri jus in vitam suam: cum hujus non sit Dominus. Sed tamen, cum Deus civitates constitui debere homini ingesserit, simul etiam promissionem obsequii prohibuisse non potuit. Libertas quoque juris Nat. præceptivi non est, sed solum negativæ; unde quis in servitutem alteri se addicere potest. H. Grotius L. II. c. 3. d. J. B. & P. §. 8. Sic marito uxor, domino servus se submittit: & quamvis hoc imperium, quod in subjectum obediens maritus & dominus obtinent, à Deo esse velit Jo. Frid. Hornius, atque hinc ex Societatis simplicis imperio, imperium alterum in Universitatem Civitatis educat. Tamen inde nil sequitur aliud, quàm in primis familiis Jus vitæ & necis non competiisse capitibus Societatum simplicium. Interim quod quis se possit subicere alii, etiam naturaliter, exinde non evertitur: Et Jus vitæ ac necis ut exerceatur in familiis, ne quidem naturale est; sicut necessitas continenda civitatis illud exigit. Nam singulorum vita in societate Civili non potest diu servari citrà subjectionem illam, quæ vita singulorum universis, sive Principi universitatis, submittitur. Et cum jus occidendi detur singulis, ex Jure Naturæ, in homicidam aggressorem: non repugnat, quod minùs universitati istud conferri possit, tam in homicidas, (vid. Gen. IX. v. 6.) quàm in aliorum quoque criminum reos; maxime quod Respublica per Judicia exactius servare possit & vindicare vitam necemque singulorum; idemque Deus approbet. vid. Josua c. I, v. 16. seq. & Deuter. V. v. 33. Qui v. Jus habet in vitam hominum: etiam media permisisse putandus est, ad securitatem vitæ cujusque, in Vicario suo, procurandam. Quid quod quis animam possit ponere pro fratribus; Job. XV. v. 13. & Epist. I. Job. v. 16. (add. l. I. §. 28. ad Sc. Silan.) nec minùs in Bellō vitam suam exponere liceat pro universis. Quamvis etiam per omnia procedere non videatur

argumentum à pactō, quod quis libertatem, quam habet in bona sua, obstringere potest ad pactum in corpus seu vitam suam; tamen hactenus par est ratio, quoad submissionem libertatis in se, & quod quis eam se abdicare possit. Tum & quod sicuti dominium non confert Regi Universitas simpliciter; sed secundum Jura Imperii, ut quæ fieri potest, salva cuique sua maneat: ita non minùs cum vitâ se res habet. Hæc verò submitssio nisi fiat ab universis: nullius ex singulis vita salva ac tuta esse potest. Igitur facile ex his refelluntur ea, quæ Jo. Frid. Hornius objicit; cum primis: Non habere singulos majestatem; ergo eam non posse illos dare alteri. Habet enim singulus cum multitudi, & in hac singuli habent cum cæteris, Imperium virtualiter; quin & ipsimet sibi possunt pacisci Majestatem Democraticam: ut hinc Auctor, §. 7. Licet eam non habeant formaliter, (& ne realem quidem; ut alii volunt;) nec ea detur formaliter in Republicâ, priusquàm pactō cum Rege, electō v. c., conficiatur. Sic enim se res habet cum entibus moralibus, ut etiam ante sui collationem sæpè non existant; cujus exemplum est in usufructu, à parte constituentis, & similibus. Non etiam est potestas illa singulorum in se; est verò aliqua ex voluntate universorum in singulos; æquè ut colores simplices non faciunt imaginem, sed benè juncti: nec voces singule symphoniam efficiunt, nec miles unus hostem fundit. Itaque postquàm singuli universis, vel uni, locò universorum, semet subicere: hujus tantum voluntas activa manet, quoad hæc quæ Imperii sunt: quæ tamen ratione illa efficax esse non possent, sinè jure in vitam & bona singulorum.

Cæterum cavendum est, ne dum populo constitutionem Regum adscribimus, in sententias eorum incidamus, qui nimium Populo tribuerunt: ut sunt Miltonus, Buchananus, Althusius, & ex Jesuitis Suarezius, Mariana & alii; quos tamen facile evitamus, per hoc quod diximus: Reges tantum constituendos, (vid. I. Sam. IIX.) sed non etiam constitutos à populo pendere. Nec enim concessio illa potestatis cumulativa est, sed cum abdicatione voluntatis enascitur; dum supra se Regem populus constituit. vid. I. Sam. XX. v. 13. Non etiam Lex Commissi cum Majestate compatibilis est: quæ scilicet, si Princeps non per omnia modum delatæ Majestatis servet, excidere illâ de-

beat. Qualem, qui *tacitam* in omni Regno supponi tradunt: illi utique in omnia Imperia, & naturam ipsius Majestatis, injurii sunt. Longè etiam sententia Eorum à nostra abest, qui docent, in Populo Majestatem esse *radicaliter*, superflite quoque Rege; in Ipsò tantum *formaliter*, sive actu. Item: Eorum, qui Majestatem *realem* in populo, *personalem* in Rege, esse tradunt; quæ distinctio præterea non exactè nisi in Statum *Monarchicum* congruere potest. Falsa tamen est; nisi eum in modum accipiatur, ut *eadem Majestas*, quam Rex habet, *denominet* Ipsum *personaliter*; ut tamen re quoque illam nemo extrà eum teneat: Rempubl. verò *denominet realiter & inadequatè*: ut nempe *Status* ille pro *Magistratico* haberi non possit; sed pro Regno & Republicâ, cui Majestas inest. Hinc falsum quoque est, moriente Rege, in populo *reviviscere*, (ut modestius alii,) Majestatem. Cum enim populus, priusquam Regi Majestatem deferret, eandem non habuerit. Idèò definiente illò, nullam quoque *recipere* potest; atque hoc rationi *entium moralium* optimè congruit. Quin potius nulla in *Interregno* Majestas, sed solum Imperium *Magistraticum* datur, ex *pactis* Regni, sive *Legibus fundamentalibus*. Facilius multò rejicitur sententia eorum, qui Majestatem apud populum *formaliter* esse volunt, ut Rex tantum ejus *executor* sit. Quòd si enim tale quid reperitur in Republica quâdam; non hæc ad Regna pertinebit: de quibus hîc quæritur. Quamvis de cætero Majestas etiam in Statu *Polyarchicò*, tam Aristocratix quam Democratix, non minùs à *Populo* pendeat; & postquam delata est *Optimatis*, vel decreta universo *Populo*, non ampliùs quicquam Majestatis resideat in his, qui eam detulere; ut in Democratia sunt singuli.

Denique licet *Auctor* hætenùs probatæ sententiæ accedat, dum populi voluntatem respicit; tamen non debuit in *cap. IX. & duobus seqq.* asserere, quod ex pacto singulorum protinùs *Democratia* conficiatur. Nam *Primum Pactum* singulorum ut priùs ineatur, necesse est, quod multitudinem quâcunque ratione compingat, in *tutelam mutuam*, citrà *Magistratum*. Dehinc inducitur *Secundum*, quando à Magistratu ad *Majestatem* procedere placeat; neque protinùs Democratiam inde confici oportet: eò quòd Monarchia vel etiam Aristocratia, multitudini placere possit; quod quidem posterius

ut ex Statu Magistratico fiat, perquam facile est. Imò sæpè tacita etiam voluntas Populi, increscente in Republicâ arbitrio Optimatum, hisce Majestatem conciliat. Ipse quoque *Auctor alibi* nullum pactum iniri docet inter subditos & Imperantes, in *Regnò & Oligarchiâ*; sed *sedus* inter Cives singulos: ita verò ex pacto singulorum non fit Democratia. Deinde in *cap. XII. & XXIII.* populum, etiam constitutâ Majestate, non esse multitudinem dissolutam tradit. Ergo non etiam dissoluta erit multitudo ante Democratiam; & sic datur Status ante Democratiam alius: quod *suprà* firmavimus.

Succedat *Hobbesius*, qui *pactum* quidem etiam agnoscit; sed *unum* solum, in erectione civitatum, nempe *singulorum cum singulis*: & huic includit renunciationem voluntatis propriæ. Quia verò frustranea foret illa renunciatio, si non *acceptaretur* ab alio, Imperium recepturò in renunciantes. Idèò facile adparet, *Hobbesium* locò acceptationis supponere *jus omnium in omnia*, quò cum singuli semet abdicent, solus id retineat, quem in Regem designarunt. Et sic *Houtuynus* putat §. 17. *Politica Generalis*, n. 2. junct. §. 36. n. 1. resolvere posse dubium, quod à *nostrâ sententiâ* plures absterret, quasi non possit per submissionem singulorum Jus vitæ & necis, in designatò in Regem, induci; æquè ut *privatio* in unò non inducit *habitum* in altero: & abdicatiò nostræ voluntatis non videtur parere posse Imperium in altero, quò in renunciantes utatur. Jam enim, ait *Ille*, non est necesse ut Imperaturo quid conferatur; quippe qui *jam habet Jus in omnes*, quà ipsi reslituri non sunt. Enimverò (1) Jus illud omnium in omnia nec dum evictum est. (2) *Pactum* illud unum *Hobbesi* posset solum obligare renunciantes, ad perseverandum *inter se*. Quousque autem ipsi non hunc designant *unum*, cujus in se *jus seu Imperium* agnoscere velint: utique nullum Ipsi *jus quæsitum* est, ut non ei *universi* resistere possint. Imò (3) si *quæsitum* est, ex voluntate ipsorum: jam non erit *pactum*, quà singulorum cum singulis; sed potius *omnium cum ipso*. Quid quòd (4) etiam renunciatio illa propriæ voluntatis, sensu *Hobbesiano*, non aliò possit dirigi, quàm ad *non resistendum*: quod *pactum negativum* est; sed non etiam ad *obediendum*, quod vel primam seu potissimam partem *subjectionis* conficit. Sanè *Hobbesius* ipse negat

cap. II. de Cive §. 4. & cap. XIV. Leviath. (ubi vel maximè docet, quòd nemo se accusare, vel per confessionem prodere se ipsum teneatur:) *jus semet tuendi pactò* posse *abdicari*: id verò pugnaret cum pactò illò, quò non resistere velle cives sibi invicem promittunt: nam inde Jus nullum Regi quæsitum foret; imò hæc doctrina pactum illud destruit. Utique *Houtuynus d. §. 17. n. 1. & §. 14. n. 3.* adeò averfatur pactum fubditorum cum evchendo in Regem, ad tramites *Hobbesii*; ut velit, Imperantem *sub pactò & in pactò*, (si quod cum eò ineatur,) *non esse Imperantem*: eò quòd *Jus* aliquod, five *libertatem voluntatis omnimoda*, in Rege *amitti*, (quod alii velint pactò fieri posse, five legibus fundamentalibus,) repugnare omninò videatur naturæ Imperantis. Cum verò pactò fiat *maritus*, fiat *dominus*, *Patronus*, & post pactum talis *maneat*, etiam eò *respectu*, quò ex pactò *constrictus* tenetur; maximè quòd *vicissim* uxor, servus, *Cliens*, ipsi teneantur *ex pactò*, nec possit esse *nexus* nisi *reciprocus*. Idèò non apparet, cur libertatem five *licentiam immensam* Imperaturo tribuisse debeat cenferi populus; quin potiùs ipse Rex non possit, si vel maximè potens aut habilis esset, jus in omnia exercere, postquam in *Regem* designatus est, cum internecone & injuriis populi Regnum ei deferentis: quippe quòd hoc ipsum adversetur *intentioni* semet subjiçientium; quâ sepositâ ipsum *pactum annullari* necesse est.

(e) INCONDITA SENTENTIA EST. Quòd scilicet *prorsus excludat* populum; adeò ut ne quidem hunc ad *causam instrumentalem* referat, per quam Majestas, à Deo quasi condita, per modum translationis physicæ, ut voluit *Hornius*, Regi deferatur; nec ut *causam sine quâ non*, ut alii, quatenus *modum subjectionis* à Populo procedere docent; & simul hinc hypothesin suam tuentur, quòd ille *modus* ad *virtutem activam* referri non debeat: vel eò quòd *modus* ille procedat *ex potentia passivâ* subjeçti regibilis; id quod recipiat potentiam activam à Deo, & eam quidem, quam ab illo exoraverit. Sic enim ceram se habere ad recipiendum formam per impressionem, aurum per liquefactionem; indeque varias esse formas Rerum publicarum, pro *variis dispositionibus* civium, seu subjeçti sub imperium redigendi. Idem dicunt, in *Democratia* occurrere. Et sanè multum distat *Interregni* Status (quem ne quidem rectè cu-

stodem Majestatis realis dicunt alii,) à *Statu Democraticò*; quem *perpetuum*, & cum *Juribus Majestatis propriis* alibi populus sibi constituit. Iterumque Democraticus ille Status à *Magistraticò* per hoc discernitur: quòd Magistratùs non minùs vulgare istud habeant *Jus vitæ & necis*; sed non habeant *eximium* alterum, quò Majestatem innuimus; scilicet in vitam quoque *præter meritum*, in bona *citrà causam* aliam, quàm commodum universitatis; ut adeò potestas illa, quamvis *summa*, si exercitium respicias, secùs si *virtutem*, (sic enim summitas *penes constituentes* Magistratum *remanet*,) non tamen *extraordinarium* quid habeat; sicut in Majestate *eminens Imperium* ac *dominium* reperitur; nec *perpetuum*, seu nunquam abrogandum.

Equidem sententia illa, quòd *Majestas à Deo immediate* sit, à plerisque recepta, & à *Bæclero Lib. II. Inst. Pol.* non minùs operosè defensa, per hæc non satis dimovetur, quæ *Pufendorffius Lib. VII. J. N. & G. cap. 3. §. 4.* attulit; quippe quòd tradita ejus *illustrare* potiùs, quàm firmare per omnia, hypothesin nostram possint. Quod enim dicit, per *vocem unam* harmoniam induci non posse; posse per plures: ex eo simpliciter & apodicticè, quod intendit, non infertur: nam in voce quid reperitur, quod *sonum* producat & sic conficere harmoniam possit; sed in *cive nullò* reperitur *aliquid imperii* in vitam suam: unde nec abdicatio libertatis imperium in Rege producere posse videtur. Deinde, quod dicit, majestatem si *accidens* foret, non esse absque subjeçto; si *substantia*, non videri, quòd de novo à Deo *creetur*: itidem ad rem nil facit. Præterquam enim, quòd recepta sit à pluribus sententia, quorumlibet hominum animas rationales à Deo immediate produci, & Majestas illis, quibuscum *Bæclerus* statuit, dicatur *in manu Dei* esse; saltim *eminenter*: ad hoc argumentum modò adductum *Pufendorffius*, ex *Hornii* hypothesi, dilabitur, qui Majestatem adinstar *nummi* ab alio percussì, & per alium rursus tertio traditi atque sic instar corporis naturalis, expendit; cum tamen satis constet, *moralia* tunc demum, quando conficiuntur, subjeçtum suum quærere, cui insit, aut in quod ferantur. Ulterius ait *Pufendorffius*, etiam *bellò* fundari Imperia. Sed & in his Majestatem à Deo procedere, & vel maximè divinam esse, dicunt *dissentientes*; quippe quòd hîc non agatur de *Justitiâ Imperii* seu legitimitate, sed

de substantiâ ejus, sive potestate ipsâ. Progreditur Pufendorffius, quod Paterfamilias etiam in Regem possit ascendere. At verò sic etiam eò ascendens, Majestatem à Deo consequi, videri potest. Sicut Hornius videmus, ex Imperio familiarum, quod immediatè à Deo patribusfam. conferri scribit, Imperium quoque civile educere. Non etiam urget dissentientes, quod populus jura sua in alium transferre queat, postquam hætenus Democratiâ usus est. Respondent illi, definere h. c. majestatem Democraticam & novam infundi superne à Deo Regi, quem populus sibi talem adsciverit; prout nec populus suam Majestatem à semetipso, sed in coronidem Decreti sui de Majestate gerenda, à Deo obtinuerit. Quin igitur fulcris, quæ superius ostendimus, sententiam nostram potius sustentamus. Ex quibus etiam, de Majestate in Statu Polyarchico, decerni potest. Utcunque enim in eò Majestatem personalem alii non rectè dici, sed tantum realem, doceant. Illud tamen locum habet, si personalem accipias pro Dignitate, quæ omnis in personam unicam, ut in Monarchiâ tantum occurrit, terminetur. Etenim vera quoque Majestas, eademque in his etiam formis Polyarchicis, quæ in Monarchiâ seu Rege, datur; licet singuli Optimatum non ea sibi possint asserere, quæ in Regem competunt, sive dignitatis sive impunitatis, & similia: quippe quod nec imperent ut singuli, aut divisim, sed universim, & non nisi conjunctionem cum aliis.

Enimverò Jo. Frid. Hornius in Lib. III. c. un., quod etiam inscripsit de Republicâ Liberâ, Majestatem in Rebuspublicis Polyarchicis nullam planè agnoscit. Non etiam posse Majestatem in plures cadere, opinatur: quia id quod summum est, non possit pluribus deberi. Et sicut in Aristocratiâ subinde fieri possit, ut, dissidentibus sententiis, istud exitum reperire nequeat, de quo decernendò agitur: Ita singulos Optimates & puniri & removeri posse; sublatis verò singulis universos omnino subverti. Non etiam dividi posse ipsa jura Majestatis, quorum tantum usurpatio sit penes Optimates, ex pacto. Et hæc in Democratiâ multo magis occurrere. Verum hæc facile refelluntur, quæ nec aliâ de causâ Hornius commentus est; nisi ut productionem suam Majestatis & infusionem à Deo in Regem, eò facilius assereret. Aliàs in Polyarchia quoque non sunt plura summa, sed una

tantum summa potestas, quæ per plura subjecta exercitur. Libertas etiam, quam vocat Hornius, ut ut independentiam ipsi notet, non tamen potestatem infert in alios; quæ quidem Rempublicam Polyarchicam animat. Nil enim officit, quod subjecta in Republicâ Polyarchicâ non videantur esse stabilia, sicut est Persona Regis. Neque enim ut singula respicienda unquam sunt: universa verò per successionem continuam (quæ & natura aliarum universitatum est,) perdurant, ut nunquam universi defuisse censeantur. Puniantur itaque non universi, sed singuli; nec tamen facile: eò quod Majestatem in Republicâ sustineant. De quâ etiam in Aristocratiâ dici potest, illam vel absolutam esse alicubi, vel limitatam; Quale quid in Democratiâ cadere non posse Pufendorffio videtur, L. VII. c. 6. §. 8. nisi quod vis Democratiæ in selectis è populo, sive Magistratibus, re ipsâ consistere censeatur; utut radix potestatis, actusque primus ejusdem, omnino etiam in singulis, quatenus ex his universitas conficitur, resideat; qui tamen singuli ad habenas Reipublicæ nunquam adhibentur. Hinc fieri potest, ut aliquando majus sit arbitrium Magistratuum, aliquando minus; ut ex periodis Reipublicæ Romanæ constet. At verò ille respectus ad executionem potestatis seu Imperii magis, quam ad Imperium ipsum, pertinet: ut ad eò hoc ad Discrimina inter Democratiâ & Aristocratiâ referri oporteat; eò quod nemo vivat in Democratiâ, qui non simul pareat & imperet.

(f) THEOCRATIA. Sic Josepho dicitur Regimen illud, quod Deus humanum in modum tenuit, in Populo suo. 1. Reg. VIII., 7. Judic. XXVIII., 22. seq. vid. Bosium in Introd. in Notit. Rerump. c. XXX. §. 51. seq. (& Damonem tale quid aliquando molitum quoque fuisse, est ap. Conring. in Animadv. ad Machiavelli Principem. c. VI.) Constitutionem verò Theocratia, per speciem quandam fæderis, habes Exod. XIX. XX. Legislationem XXI. seqq. Religionis ordinationem; XXIV. seqq. Magistratuum: Num. XI. ut tamen casus dubii ad Deum referrentur, Lev. XXIV. Num. XXVII. Poenas quoque sumit Deus, Bella gessit. &c. Pro-Rex fuerat Moses, Exod. XIX., 9. Deut. XXXIII., 5. tum Josua, Num. XXVII., 18. dehinc Judices imperare jubebantur, non à populo; sed mittebantur à Deo inspirati. Terminus illius Imperii Theocratici est in 1. Sam. 8. Tunc enim Populus Hebræorum Regem

gem petiit: quod Deus ita interpretatus est, ut Imperiò ejusmodi Divinò immediatò, & per Magistratus Vicarios, regi amplius nollent. Sed Rege, qui ipse Majestatis vim & splendorem coram tene- ret, uti. Quod quidem reprobatur Deus simpli- citer; quatuor Deut. XVII., 14. 15. jam antè præ- scripserat, si quem sibi Regem aliquando electu- rus foret populus, qualisnam is esse deberet. Quod verò modum constituendi Regem illum attinet: hic etiam extraordinarii quid in Regibus Hebræorum

occurrit; quoties nimirum illi per Prophetas ritu unctionis legebantur. Neque tamen Rex talis per unctionem illam & designationem jus in re & ipsum Imperium accipiebat; sed jus ad rem, Deut. XV., 1. cum haud unquam, ab introducto Statu Regiò, absque populi constitutione & investiturâ, Rex aliquis extiterit. vid. de Saule. Sam. X. de Da- vide. 1. Sam. XVI. & 1. Sam. XXIII., 21. 2. Sam. I., 14. 16. II., 5. V., 4. de Hazaële 1. Reg. XIX., 15. 2. Reg. VIII., 13.

CAPVT VIII.

Quid sit Civitas, quid Respubl.

ARGVMENTVM.

Definitio Civitatis ejusque exegesis. Etiam in Despoticis Imperiis recte statui civitatem. Juris quoque & Imperii mentionem recte in finiendâ civitate fieri. Definitio Rei- publ. Ex quâ judicandum, sitne una civitas aut Respubl. vel plures, quod exemplo il- lustratur.

I.

Civitas, de cujus jure quærimus, definiatur; Coetus perfectus fa- miliarum juris fruendi vitæque sibi sufficientis gratiâ, sub eodem summo imperio sociatus. (a) *

* Dixi in digression. Justinian. l. 1. c. 13.

(a) SUMMO IMPERIO SOCIATUS. Intel- ligit Auctor Imperium, quod in Majestatem jam in- valuit, & pacti extremi. Nobis autem Civitas est, absolutò (non eximio seu specificò) conceptu, li- cèt adhuc Majestate vacua sit: imò quando pagi coeunt, ut numerò & facultatibus validi sint, ad defensionem & communem utilitatem; ut hic in §. 2. cæsum describit Auctor. Et sic etiam rudis esse potest: aded ut ne quidem præcisè Magistra- tum requirat; sed communi tantum dictamine ju- ris Nat. teneatur: quòd Statùs Magistraticus inducatur: quâratione Civitatem appellare licet, non modò, uti coetum priorem; sed jam etiam Rempublicam, saltim Magistraticam: ut tamen subfit ei cæu materia, Civitas perfectior. Inde apparet, juris quidem fruitionem in

Civitate quoque simpliciter & absolutâ ab omni imperiò reperiri; nullum verò hoc ipsò Imperium, nec sum- mum, & multò minùs Majestaticum. Equidem nos, dum hòc in locò initia Societatis civilis col- locamus, quæ omnino gradus suos habet, usque dum ad Civitatem Majestaticam, quàm perfectissi- mam dicere licet, excreseat; (nam & primum, quòd supra constituimus pactum, Civitatis jam est:) non respicimus ad Societatem illam universa- lem, inter homines, l. 3. d. Justi & Jur. quippe quæ & dispersorum hominum est; quàmvis ipsa Ju- re tantum naturali regatur. Videlicet non hòc so- lum, sed & factò hominum seu sociatorum, con- stat rudis illa Civitas, quæ foetus primi pacti est, nim. conventionem; indeque jam suâ etiam jura pe- culiaria seu facultates socio quâ tali competentes ha-

habet: nec minùs etiam *Politica* objectum est. Non etiam dicemus, *Civitatem* esse posse *sinè familiis*, ut *Roma prima*, priusquam matrimoniis potiretur, fuerat: tum etiam *Coloniae* esse possunt, in quibus generatio, non submissis subjectis habilibus, deficit; imò *Resp.* illa ingens *Clerici Pontificalis*. Nam species *priores* insolitæ sunt, *tertia* Rempublicam planè irregularem conficit. Interim, quòd *Bodinùs* tot solum homines ad *Civitatem* requirit, quot ad *tres familias* desiderantur: non abludit ab eà *Civitate*, quæ *primi pacti* est: quò sensu & *vicus* & *pagus Civitatis nomen* sustinere possunt; nisi verò tot familias etiam *Primo pacto* subicias, ut, si velint illæ, in *tertium* quoque pactum se conferre possint: quod tamen necessarium non est, cum sufficiat *capacem pacti primi cætum* supponi; eamque *societatem civilem* appellari. Imò cum differentia illa hominum non nisi *numeri* seu quantitatis sit; saltim *gradus* hujus etiam *Civitatis primi pacti* constitui posse sufficit: ut *infimus* vici, *medius* pagi nomen in *specie* sustineat. Sicut verò hominum proposita, extrà usum quotidianum, infinita esse possunt, ob quæ non modò *conversationem*, sed *societatem* specialem aliorum, affectent; unde *collegia* etiam, *corpora*, *sodalitia*, *systemata* quoque

ad communicandum operas, jura, consilia, procedunt: eaque faciliùs nec dum *Civitate* imperativâ constitutâ, sed *intrâ eam* non nisi auctoritate Magistratûs, tolerantur. Ita coitio familiarum ad pactum primum non solum ingeritur illis ad *defensionem* mutuam, & ut *pax* quærat illa, quam *consensione & unione* constare tradit c. II. §. 2. & c. V. §. 6. *Hobbesius*, adedque non solius *securitatis* causâ; verum etiam ob communicationem & participationem *bonorum* omnium, quæ *vita Civilis*, pro diversitate *graduum* perfectionis suæ, præbere potest. Neque ullò *Imperiò* simpliciter coëuntes illi indigent: imò *major pars* quoque valere apud ipsos potest, citrà aliquod, etiam *Magistraticum*, Imperium; quod ipsum tum demum, quando ad *secundum pactum* progredi animus est, vel per *conventionem*, vel citrà illam, à *majori parte*, si minor eam spontè sequatur, induci potest. Quòd si verò non valeat in actibus publicis *major pars*: ad *extrinsecam prudentiam & potestatem*, *mediò*, vel tandem *majestaticam*, *extremò* pactò, transitor. Proinde nulla *Civitatum* illarum *informis*, & quælibet universitas, item *Societas*, ac cætus *ordinatus* est, qui *communione* quoque *Jurium specialium*, quâ *talis* est, ex pacto habet.

II. *Cætum* dicimus *perfectum*, non cui nihil desit, sed qui numero & facultatibus satis sit validus ad *defensionem* communemque utilitatem. *Familiarum*, quoniam ex his proximè componitur *Civitas*, ut *Aristoteles* * civitatem vocat, *κοινωνίαν τῶν οἰκίας καὶ τοῖς γένεσι*. *Juris fruendi*, hic enim finis præcipuus est eorum, qui civitatem constituunt, ut bona vitamque suam beneficio tutelaque *Juris*, quod alioqui bellis injuriisque turbatur, frui possint. *Vitæque sibi sufficientis gratiâ*. Id rursus ex *Aristotele* *ζῶης τελείας χάρις καὶ ἀυτάρκεις*, qualis extra civitatem in solitudine, si bella maxime abessent, haberi nequit.

III. Beatitudo illa civilis est duplex, quam *Cicero* ** utramque describit, ut *civitas opibus firma, copiis locuples, gloria ampla*, denique *virtute honesta sit*. Ex eadem *αὐταρκεία* colligit *Aristoteles*, servos ad communionem civitatis non pertinere, (b) quia τὸ δῆλον ὅτι ἀυτάρκεις, servilis conditio minime beata, sed omnino poenitendæ conditionis est. Quod tamen non impedit, quo minus *despotica imperia*, in quibus herili potestati homines subjiuntur, rectè *Civitas* dicatur. *** Separanda enim

enim illa servitus publica videtur à privatâ, quæ singulos homines actionesque singulares constringit. Publica & universalis illa tam graviter singulis non incumbit, ut *αὐτάδικειαν* penitus excludat, civiliterque miseros faciat. Potius, ubicunque multitudo est, juris fruendi causâ sub eodem imperio sociata, ibi civitas omninò statuenda est.

* *Aristot. 3. polit. c. 6.*

** *lib. 8. ad Att. epist. 11.*

*** *ut disputavimus contra Grotium digress. Justinian. l. 1. c. 15.*

(b) SERVOS AD COMMUNIONEM CIVITATIS NON PERTINERE. Et imò Civitatis vocem minùs propriè *herili* competere H. Grotius, III., 8. 2. ut & *Conringius d. Civ. prudent. c. 2. p. 10. § c. 5. p. 67. 68.* opinantur. (Aliter planè *Hobbesius, c. 10. d. Cive, §. 5.*) Sed nec *servos singulos* poterat *Auctor Cl. ex* communione Civitatis per hoc excludere, quòd *conditio* ipsorum minimè *beata* sit. Nec enim beatitudo civilis in singulis *individuis* quæritur, sed in *Universitate*. Quocircà minùs rectè habet, quod ille respondet ad *objectionem*, quæ *Grotii* sententiam fulcire videbatur, quòd in *Statu herili* omnes subditi servire, & sic tota parentium conditio in illo Satu minùs beata haberi, indeque in Republicâ Despoti-

câ *civitas* non esse credi possit. Rectiùs enim dicitur, pro Statu civitatum *gradus* quoque dari *Beatitudinis*. Quin & Beatitudo *finis externus* est: nec ed minùs in ipsâ *Tyrannide*, aliòque Statu *corrupto*, reperitur Civitas, & imò *Respublica*; licèt in eò beatitudo ad incitas ferè redacta esse possit. Cæterùm si conditionem servorum, ut in *familiâ* priùdè respicitur, attendamus: (ex *Familiis* enim Civitas enascitur:) tunc servi utique non sunt *cives*, quia non fruuntur, ut *patresfamiliâs*, & liberi in Republicâ homines alii, *Furibus Civilibus*. Sic & publicò respectu ne quidem *uxor* & *liberi* perfectè cives sunt: cùm nec subsint Imperio, si quod habet Civitas, nisi *mediâ* privatâ familiæ potestate. Confer, quæ de Civibus *Lib. II.* tradentur.

IV. Sunt qui juris & imperii mentionem in Civitate finiendâ fieri nolunt.* Quoniam illis verbis respectus ad Rempubl. contineatur, à qua civitas abstrahenda sit. Differre equidem à Civitate Rempubl. ut animam à corpore (c) fatemur.** Sed in corpore vivi hominis describendo, quid vetat dici animatum id esse? Tantundem est dictu, civitatem sub certo imperio agere, sine quo civitas nulla esse potest.*** Denique, est in definitione, *summo imperio*. Quale si non sit, nec civitas per se, sed alterius civitatis pars (d) constituitur, etsi conformationem distinctam habere videatur.

* *Arnif. 1. Polit. c. 6.*

** *Seneca 1. de clem. 4. Isocrat. in panathen.*

*** *plur. vid. in d. lib. 1. digress. c. 15.*

(c) UT ANIMA A CORPORE. jung. §. seq. At verò nec opus est, ut in Corpore definiendo *anima* fiat mentio; nec fieri debet, aut potest et-

iam. In corpore animato secùs est. Quando igitur Civitas ita à Republicâ, ut *corpus* ab *animâ*, distinguitur: utique ut *Imperii* mentio fiat in definitione-

definitione *Civitatis*, eò modò abstractè sumtâ, admitteri non potest. *Civitas* autem concretivè accepta similis est *homini*. Ita verò anima ab homine non discernitur, ut à corpore; sed ut *pars à toto*. Et quidem supponendum est, *Auctorem* ubique *Civitatem* cum Imperio Majestatico accipere, qui & perfectissimus *Civitatis* significatus est. (Aliàs ne quidem necesse fuerit, ut *Civitatem* sub Imperio, quanquam sub communione *jurium*, agere dicamus; quò tamen *Arniseus*, quippe qui *Civitatem* *Majestati* suppositam respicit, non intendit.) Vicissim *Respublica* concretivè accepta sinè *Civitate* nulla esse potest. Et sic constituit pactitia confociatio formale *Obiecti* *Reipublicæ*, h. e. *Civitatis*; ut ipsa *Respublica* forma est Confociationis, quæ *Ordinem* Imperantium habet. Et ipsius *Reipublicæ* formam facultas imperandi & obligatio parendi conficit. Forma autem essentialis *Reipublicæ* in specie *Majestatica*, non est *Majestas*: nam hæc solum in Republicâ tali reperitur ex parte Imperantium; sed ordo *Majestaticus*, cum relatione scilicet ad subiectum; seu parentem *Populum*. Ipsa verò in hac Republicâ *Forma* *Monarchica*, *Aristocrat.* &c. dici potest esse *partialis*, vel potius *forma* solum *Majestatis*, eaque *existentiæ* & *accidentalis*, pro diversâ sede *Majestatis*. Græci quidem nomine *πόλις* intellexere non nisi *Civitatem* Imperiò sociatam: *πολιτεία* verò illis est *forma* potius *Reipublicæ*, quàm ipsa *Respublica*, & quidem frequentius *Democratia*; ut *Ciceroni* *Respublica* *Popularem* seu *Libertatis statum* sæpè notat. Firmat ea ex parte, quæ de primâ *Civitate* seu rudi illâ dicta sunt, *H. Grotius* *Lib. III. d. J. B. & P. c. 3. n. 2.* ubi sistit societatem, in quam *piratæ* per foedus coiere, eamque ex hoc discernit à populo, *Legibus* (quàmvis *injustis*,) & Magistratu socia-

tò. Nec enim necesse est, illos, qui per foedus coeunt, nullis *Legibus* positivis aut Magistratu inductò, *piratas* esse; quin potius ab injuriis im alios æquè ac versùs se invicem abstinere, (qui *civitatis* finis est,) & vitam honestam degere justamque possunt: quamvis omninò in eâ conditione, cum primis excrecente multitudine, diutius versari malitia humanæ naturæ non patitur; indeque societas quælibet civilis naturâ per gradus ad perfectionem sui, quæ in *Majestate* Imperii consistit, enitatur.

(d) SED ALTERIVS CIVITATIS PARS. Ex *hypothesi* suâ & in sensu eximiò AVCTOR loquitur, cum *Civitas* ei non sit, nisi quæ *Majestatem* habet. Aliàs enim & summò imperiò quæ destituitur, *Civitas* est. Equidem maxima beatitudo in Statu illò perfectò obtinetur. Cæterum finis ille, beatitudinis, cuilibet *Civitati* communis est; licet ea, in ipsâ etiam *Civitate* perfectâ, variè quærat, indeque fines etiam proprii habeantur; v. c. rat. *situs*, *Civitatis* *maritimæ*; (de quâ totâ *Dissert. Bæclerus*;) rat. *formæ*, *Reip. Monarchicæ*, &c. quò variæ cujusque *Status* rationis tendunt; nec non distinctio inter finem & scopum *Reipubl.* ubique observanda venit: ceu quidem aliqua *Respublica* pro scopo habet *potentiæ dilatationem*; ut *Hispani*, seculò superiori, cum classe suâ invincibili, quam jactabant; dehinc *Galli* hóc ipsò seculò: olim *Romani*. Quod quidem studium ampliandorum finium non est Imperii *Polycratici*, vid. *Hert. P. 1. Polit. Sect. XI. §. 2.* Utique *Conringius*, quando *Belgas* pro scopo *divitias* habere, tradit, non eam reprehensionem, quam à *Marnio* de *Scopo* *Reipublicæ* *Polonicæ*, cui *luxum* pro scopo *Idem* accensuit, expertus est.

V. Porro *Respublica* definitur *τάξις πόλεως* ordo civitatis, consistens in regimine summæ potestatis & subiectione reliquorum, per medios Magistratus. * Unde liquet, *Rempubl.* differre à *Civitate*, vel ut concentum à chordis, vel ut animam à corpore. ** Ubicunque igitur talis est ordo, ibi *civitas* existit, æque ac corpus, ubicunque anima est. Ubi plures ejusmodi ordines, (e) ibi & plures *civitates* ac *Respublicæ* intelliguntur. Proinde *Helvetiorum* atque *Belgarum*, per me licet addas, *Germanorum* *Imperia*, non singulas sed plures constitu-

unt civitates. Cujusmodi fœderati, si quod habeant commune legatorum concilium, ut sunt apud Belgas Ordines, dicti Generales, id non est unum omnium caput, sed plura capita repræsentat. Nec verè cunctis civitatibus imperat, sed imperata singularum communiter exequitur. Unde tamen argui non potest, generales ejusmodi confessus dignitatis æstimatione singulis civitatibus non præferri, ut præcipua Belgicarum nationum contendit. Nam quia Legati suas quique civitates repræsentant, omniumque repræsentatio præ singulis excellit, omnium confessus dignitate singulis præferendus videtur; dignitas inquam, potestate salvâ & exceptâ.

* *Aristot. 3. Polit. c. 6.*

** *Plutarch. de trib. form. Reip. Seneca & Isocr. à loco, ubi ὡς ἐν σώματι φέρνται ut in corpore prudentia.*

(c) PLURES EJUSMODI ORDINES. Itaque distincta Jura Majestatis Rempublicam diversam non efficiunt: cum nihilominus Majestas una maneat. Non etiam, quando *divisim* consistunt Jura Majestatis penes eos, qui Imperium tenent; ut in Statu, quem *mixtum* appellant. Sic enim *actus essentia* sive Majestatis unus adhuc manet; *existentia* tantum, quatenus in subjectis, & quidem *divisim*, existit, (nam in Aristocratia & Democratia subjectorum Imperantium *indiviso* obtinet:) distinctus est: id quod ad Reipublicæ formam *accidentariam* pertinet. Quare licet forma ista Reipublicæ mutata fuerit; prout variè in *Romanâ* contigit: nihilominus eadem quoad essentiam perdurare putanda est. Non etiam efficit distinctas Respublicas, si *membra subalternis*, puta nobilioribus, ut sunt *Statûs* in Imperio Romano, *administratio certorum jurium*, quamvis *irrevocabiliter*, conferatur. Hoc enim non ad *suprematum*, in respectu ad Caput Majestaticum in Republicâ, referri debet. Quin potius adhuc subordinatio est, sicut de *Communicatione Jurium Majestatis* inferius exponemus. Denique non sunt distinctæ Respublicæ, quando *potiori*, sive victrici, accedit alia: licet eò modò non utique amittantur Jura accedentis; sed vel invicem communicentur, aut modus solum in accessoriâ, velut provinciâ, constituatur. *vid. Grot. Lib. I. c. 3. §. 7. & II. c. 9. §. 9.*

Quoties autem ita accedit Respublica una alteri, ut non hujus fiat accessio, sed per omnia *suis Legibus* impofterum quoque regi, & solum *idem* cum alterâ *Caput* agnoscere velit: atque hoc quidem sive tantum respiciat *Domum unam regnatricem*, quod in Carolo M. & ejusdem Posteris factum erat à Regno *Francorum*, ipsove *Germaniæ & Italiæ*, ut & reliquiis Imperii Romani ceteris, (nisi verò nexum illum Regnorum Germaniæ, Galliæ & Italiæ, sub unò, non tam *Potestatis* distinctæ, quàm *Dignitatis*, ex potentiâ Conjunctorum Regnorum resultantis, *Imperii* scilicet *nomine*, contineri rectius quis dixerit:) in eum modum, ut extinctâ Domò Regnatrice, quilibet Populus liberum arbitrium alii deferendi Majestatem recepturus sit: (vid. H. Grot. *d. Lib. I. c. 3. §. 7.*) sive etiam populus unus alteri sic uniatur in perpetuum, ut quem *hic* sibi *Regem* elegerit, eodem quoque suam Majestatem delatam velit: sicut ab *Ottomnis M.* tempore Regnum *Italiæ* eundem, qui *Germaniæ* unquam præfutura esset, suum quoque Regem fore constituit. Ita verò *plures* omnino erunt *Respublicæ*: quarum quælibet suâ Majestate, suisque Legibus fundamentalibus utatur, atque nulla earum alterius Imperio subsit. *add. de Divisionibus Imperii Carolini, Conring. Lib. I. de Finib. Imp. cap. IV. seqq.* Exemplum simile in *Polonia & Lithuania* Regnis deprehenditur; nec minus aliò respectu in Imperio Romano *Germanico & Hungaria*

ria Regno; (cui *Bobemicum* minùs rectè accensent alii: quia istud non modò *Feudi*, sed & *subjectionis* lege, Imperio Romano subest.) Rectius fortasse superioribus annumerabimus Regna Magnæ *Britanniæ*; sed non etiam cum *Auctore*, §. 6. Regna *Hispaniarum*: quippe quòd hæc ipsa adiungat *Provinciarum* habeant, quæ non tam per accessionem, salvis Juribus suis, quàm per necessitatem potiùs atque vim armorum, sub idem Imperium redactæ sunt. Nec enim, ut *Auctor. Cl.* §. 8. ipse tradit, instituta singula cujuslibet populi singulas etiam Majestates conficiunt.

Porro ab hac ratione, diversas Respublicas uniendi, discernenda est illa, quâ plures Respublicæ in *fœdus* coeunt; sive *æquale* istud fuerit, sive etiam uni earum in quibusdam, vel etiam in omnibus rebus, ad *fœdus*, quâ tale est, pertinentibus, *directionem* permittant: quod genus *Symmachiam* Rerumpublicarum, sive *systema* earundem, appellant. *vid. Grot. Lib. I. c. 3. §. 7.* & explicatè magis *Pufendorff. Lib. VII. de J. N. & G. c. 18.* Tale corpus *Fœderatum*, (licet *Fœderum vulgarium* terminos in quàm plurimis hæc Constitutio excedat, eamque ex *civili societate* multum trahere videamus:) occurrit in communi *Helvetiæ, Rætiæ, & Inferioris Germaniæ*, sive *Belgii, Fœderatorum, Reginine*: in quorum Membro quolibet peculiaris, eaque integra, Jura in *vim Majestatis* evecta reperiuntur; quamvis ad securitatem totius *Fœderis* arctius composita. Num verò illis accensendum quoque veniat *Imperium Romano-Germanicum*, prout nunc se habet, sive potiùs Regnum *Germaniæ*, in quò Status Imperii nonnullis videntur quisque si non Majestate; (nam hæc quidem, cum terrarum tractum ingentem, & potentiam eò splendore dignam, requirat, in plerisque Statibus non reperitur,) saltim *independentem* potestate, sive omnimodò liberâ, gaudere: illud variè nostrò ævò disputatum est. Nec enim primus id *Monzambano*, de *Statu Reipublicæ Romano-Germanicæ*, verum ante illum *Hippolitus à Lapide* & omnes hi asseruere, qui hypothesein eandem Superioritatis liberæ in formâ *Aristocratiæ* effingere allaborarunt, & vel ipse *Rosensfeld*, quando cuilibet Statuum Imperii *Majestatem* competere tradidit. Licet verò Imperium Romanum in *Fœdus* ejusmodi non coisse, sicut tale quid in *Libertatem* atque *Potestatem* terrarum *patrimonia-*

lem, tum & *Potentatum*, sensim invaluerit: unde non minùs faciem *Monarchiæ* Imperialis, inter membra hæc junctim spectata, *singularem*, quæ ex vero vix aliqua trahat, deducunt; sicut vicissim, ratione *Capitis*, *Monarchiam Papalem* eò virium *adscendisse* tradunt, ut Catholicis Regnis & Rebuspublicis, non tam volentibus & ex *fœdere*, quàm adhibitis artibus & observatâ rerum oportunitate, Papa superincreverit. Tamen quàm illa doctrina de Majestate Imperatoriâ, Legibus Imperii, & ipsi usui earundem, adversa sit, in *Dissert. de Formâ J. R. G. ad Notit. Imp. Bæclerianam*, (ubi etiam argumenta pro unâ Republicâ in Imperio reperiuntur,) summam ostensum est. Ex quo simul *Auctorem*, quando in §. 5. (ut cum moderamine quòdam,) in sententiam illam adversam inclinat, illustrare licet. Cæterum, quando ad *Fœdus Achaicum*, (de quo nonnulla *Micrælius, Lib. I. Hist. Profan. Sect. VII. n. 11. p. 106. seqq.* accuratius verò, in quibusdam speciminibus, hanc in rem editis, *Præschius*,) cum *Jac. Gothofredo* respicere cœperunt *Nonnulli*: (quanquam *Gothofredus* non nisi ad Imperii *Vulnera* Panegyricos suos, & quidem *Ulpianum*, tanquam Auctorem *L. XXXI. d. LL.*, quòd Imperator, *Ferdinandus II.* scilicet, Imperii modum egrederetur: *Julianum*, quòd in *sacris* violentia Protestantibus intentari vellet; & *Achaicam*, quòd quisque Statuum peculiarem sibi in Imperiò Rempublicam fingeret, direxerit:) in adversum *Alii*, quibus natura *fœderis* illius perspecta ex antiquitate fuit, plurima circa assimilationem illam desiderarunt. Et sanè Panegyrico *Jac. Gothofredi* servire poterat quadantenus *Fœderis* illius dispositio: quæ tamen ob hoc ad ipsam Rempublicam seu Imperii nostri *Constitutionem* deduci non potuit; sicut ad *Notit. Bæcleri Lib. I. c. 5.* ostensum est.

Aliàs in istâ Respublicas plures sub unò capite compingendi ratione Discrimen hoc etiam intercedit, quòd vel (1) nihil commune Regna duo vel plura habeant præter *Caput*, sive personam Imperantem; qualis Unio erat inter Imperium Romanum & Regnum Hispaniæ, in *Carolo V.*; & nunc etiam inter istud & Regnum Hungariæ, sub *Leopoldo*: vel ut (2) habeant *Jura* quædam communia; & sub unò capite sit societas quædam, communis securitatis gratiâ: indeque in Pace Belloque pariter Respublicæ illæ involvantur. Aliquibus verò
solum

solum *Jus Protectionis* commune est; aliquando etiam *Census*, it. *Provocationis*, & alia. Sic enim *Carolus M.* Regnum Francorum, Germanorum, Lombardorum & Dominium Urbis Romæ, ipsumque Exarchatum, initio quodlibet illorum distincto Regio Jure tenuerat. Deinde vero *Imperatori* axioma omnibus superimposito, juribus communibus Belli & Pacis Regna & Domina illa continuit: ut tamen *plus fœderis* in Statu publico, defensivo & offensivo, interea reperiretur, quam communis Regiminis. Unde & ipse *Carolus* postea, præmissis tantum Imperii Romani titulis, *distinctos* gessit titulos Regni Francorum, Lombardorum &c. Quanquam à *titulis* non utique argumentari liceat; quia ipse Dominationem quoque *Carolus* in Frisios & Saxones, distinctam à Regno Francorum, exprimebat, cujus tamen istæ accessiones fuerant.

Utique variè hæc servantur, & non nisi *summis generibus* discerni possunt. Sic enim in *veteri jam Imperio Romano* Regna *socia* plura cum Romanis coibant, juribus tamen suis relicta: *provincia* autem aliquæ non eodem modo; utut quibusdam Legibus suis relinquerentur. Atque sic *species* cujuslibet Reipublicæ ex unitis distinctè expendi & haberi debent. Nam & hodiè, licet *Italia & Germania* sub *Imperio Romano*, nexu perpe-

tuò, constituentur; tamen *Italia* non utitur iisdem cum Germaniâ Comitibus: neque Contributionibus, nisi eò casu, oneratur, quò & ipsa securitas ejus peti posse videtur; aut ut in causâ communi populi Christiani, velut adversus Turcas, in partem trahatur. Non etiam utitur Judiciò *Camera Imperialis* cum Germanis; *Aulicò* verò non nisi eò respectu, quò *Cæsar Rex Italiae* est, & in causis utriusque Regni, Italici & Germanici, unò fungitur *Aulæ Imperialis* Judiciò. Denique de eò conferri potest *Jacobus Gothofredus*, *P. I. de Precedentia*, c. I. §. 5. & c. III. §. 24. quòd si duo vel plura Regna uniantur, *Jus* quidem *Precedentia* ex hinc nulli Ipsorum ademptum censerì debeat; de quò non minùs, circa unionem *Episcopatum* quorundam, sub Regimine Electoris Brandenburgici, disquirat integrò consiliò *Mevius*. Porro *Majestatis*, non quà Potestatem, sed quà *Dignitatem* continet, imminutionem efficit, quoties alteri Reipublicæ accedit aliqua per fidem *Clientelarem*: (de quo *Magerus* de *Advocatiâ armatâ*, *Bakelius* & alii de *Protectionibus*.) aut *Feudalem*, vid. *H. Grotius Lib. I. c. 3. §. 23.* quâ operas ei, sic & *Vestigalem*, quâ tributa vel pensitationes, debeat; & vel pacem ab eâ aut tutelam, quæ tamen non semper *Clientelam* præcisè dictam infert, redimit.

VI. Porro neque una est Civitas, ubi unum quidem caput sed non unum corpus, penes unum quidem est summa potestas, sed non eadem subordinatio potestatum inferiorum. Hinc Hispaniarum & Magnæ Britannia Imperia non una sed multiplicia habenda sunt. Quare ejusmodi Reges & Tyranni & simul Principes justì esse queunt, quod Belgæ Philippo II. (f) accidisse interpretantur.

(f) PHILIPPO II. At verò non ille præerat inferioris Belgii Provinciis, tanquam distinctæ Reipublicæ; quin potius illæ jure *accessiones* vel partis in toto habebantur: quale quid in Regno quoque

Gallia, & aliis, quæ Provincias unò Imperiò, in perpetuum, licet per instituta distincta, complectuntur, asserendum est.

VII. Potest idem quoque Princeps liber ac summus alioque respectu alteri esse subjectus (g), ut crebrò accidit.

(g) ALTERI ESSE SUBJECTVS. Hoc quidem, si cum *nonnullis* subjectionem accipias, ut *subjectus* sit, cujus terræ tantum alii subjacent; sub-

ditum verò qui & ratione personæ alii subest, intelligas, facilius admitti potest: ut inde Principi ejusmodi nil quicquam subjectio illa officiat. In-

terim adhuc verius est, manere Principem etiam illum, utcumque respectu Regionis alicujus in modum subditi à Principe sive Rege aliò habeatur, summum nihilominus & liberum respectu Regni, in quo Majestatem ille tenet: cujus rei species luculentæ sunt, in Rege Hispaniæ, quoad Burgundiæ Ducatum, Regibus it. Succiæ, quoad Ducatum

Bremensem & Verdensen, ac Pomeraniam &c. nec non Daniæ, quantum ad Holsatiæ Ducatum attinget. Confer omnino, quæ hanc in rem L. II. de Gravam. Extraj. c. IX. §. 55. expendimus. Quid quodd sibi etiam Ipse quis subesse, in ditionibus hereditariis, Imperio vel Regno electio subjectis, & imperare sibi queat.

VIII. At divisio unius corporis in diversa membra seu coetus diversos, non facit civitates sed jurisdictiones diversas, ut pleraque regna in provincias, sive singulæ ordines populi & instituta juris habeant distincta, ut in Galliâ, sive secus, ut in Angliâ, distribuuntur.

CAPVT. IX.

De

Fundamento & Efficaciâ Imperii, quæ primum è Natura status Democratici indagatur.

ARGVMENTVM.

Difficultas questionis de jure summi Imperii. Pro fundamento positum, in Imperiis voluntariis Imperantes habere tantum juris, quantum cives in eos transferre voluerint. Huic contrariam esse Hobbesii & Locke, tantum habere juris Imperantes, quantum cives in eos transferre potuerunt, nihilque ab iis posse reservari, quia post unionem voluntatis omnium, subjecti non sint unum quid neque persona in se. Judicium hujus rei indagatur è Natura status Democratici, ut qui proxime ad statum naturalem accedat. Formam ejus esse, fœdus, in hoc, ut majoris partis voluntas sit omnium voluntas, quod locum habeat in omnibus rebus. Etiam quæ adversus singulos dura vel iniqua sint. Dux exceptiones ponuntur. Si pars major, coitione factâ, reliquos vitâ bonisque pro lubitu exuere instituant; altera, si quis per vim injuriamque manifestam rapiatur ad mortem.

I.

EX definitione Reipublicæ liquet, ordinem Civitatis, adeoque totam Juris Publici disciplinam consistere in jure imperantium atque eorum qui subjecti sunt. Quæ cujusmodi sint & quomodo pariter consistere debeant, plena semper difficultatis visa fuit & est disquisitio. Dum alii potestatem imperantium in infinitum extendentes, genus hu-
ma-

manum libidini paucorum ut mancipia, imò ut bruta animalia, (neque enim secus loqvuntur) tanquam jure subjiciunt. * Alii Imperantes nihil fere aliud quam ministros populorum (a) (sic etiam loqvuntur) reputantes, in hoc sunt, ut levissimo momento status civitatum ordinesque inter se periculose committant. ** Paucis curæ, ita rationes inire, ut inter abruptam civium contumaciam & effrenem dominandi licentiam, medium iter periculis utrinque vacuum aut minus infestum reperiatur. Arduum sane & anceps hujus propositi esse judicium, post multam ac attentam meditationem, & inducta sexies quæ collocaveram, etiamnum fateor: nec aliud quam indagandi partes pollicebimur.

* Hobbes cap. 12. in pr. & pass.

** Junius Brutus, Althus. & alii.

(a) MINISTROS POPVLORV. Qui verò ministerium Regiminis Principibus tantum relinquunt, Illi sequuntur hypothesin Georgii Buchanani, (in *Diascepsi de Jure Regni*; quam tamen deinceps ipse fertur detestatus fuisse,) Job. Althusii, Syndici Embdani, & quem Antesignanum hic nominat Junium Brutum, in *Vindictis contra Tyrannos*. Hic tempore Caroli IX. R. Gall. scripsit, & quamvis H. Grotius in *Apologetico contra Rivetum*, & Gisb. Voëtius, de *Atheismo*, auctorem Vindictarum istarum putent esse Philippum Mornæum; Rectius tamen Idem Voëtius in *Bibliothec. Stud. Theol. & Rivetus tom. 3. Op. p. 1163.*

sub eo nomine Hubertum Languetum latere tradunt; cujus & Manuscriptum adhuc *Lausannæ* servatur. Sicut verò in eo paralogismi quam plurimi, & potissimos eorum H. Grotius discussit: *Lib. I. c. 4. §. 3. seqq.* Ita apparatu majori hypothesin hanc refutandam sibi sumsit Salmasius; nec tamen accuratè satis in eo argumentò est versatus: unde Miltono, Philippo, & aliis in prædam cessit. Sunt quoque sociandi Bruto; Marius Salomonius, Fr. Hotomannus, David Pareus, & Joh. Mariana in *Lib. de Rege & Institutione Regis*: in quò subditos vim inferre posse Regibus docuit: quem librum Parlâm. A. C. 1610. Parisiis igne cremari fecit.

II. Diximus antea, Civitatis constitutionem nihil esse aliud quam recessum à Statu Naturali. Neque aliam ejus causam esse post Deum, quam voluntatem singulorum omniumque conventionem, quod utcunque multi hodiè (b) secus trahant, pro certissimo habendum. Unde liquere videtur, in cujusque populi potestate fuisse (loquimur de imperiis non violentis) modum statuere, quatenus à Naturalibus recedere vellent. Tantumque juris in imperantes fuisse translatum, quantum populus in eos transferre voluit.

(b) MULTI HODIE. Equidem quòd Deo utinè & immediatè, in constituendo, seu conferendo, *Majestas* debeatur, plerisque agnita est sententia; cumprimis *Theologis*, quos inter præci-

puius quidam est Wilh. Schickardus de *Jure Regiò Ebræorum. jung. Gerhardi in Locò, de Magistratu Polit. §. 125.* ubi argumenta sententiæ hujus proponit. Hoc tantum singulare est, quòd *Graswinckelius*

ckelius excludat prorsus populum, aded ut ne is quidem ei *causam instrumentalem* conferendæ Majestatis conficiat. Et tamen *Auctor* per hoc non satis evitat communem illam sententiam, quando hîc tradit, in Populi potestate esse, ut *modum* Imperii statuatur: nam & *Ipsi* dissentientes hoc ultrò

largiuntur; satis gnari, quod dependeat iste *modus* à conditione *subjecti passivi*, pro ratione receptivitatis ejus; sicut de ære *superius* diximus, quod formam illud non æquè per impressionem, ac cera, recipiat.

III. Atqui Hobbes * ex eodem principio colligit, cives tantum juris transtulisse in imperantes, quantum potuerunt, ut nihil eximerint. Nec quidem potuerint eximere; eò quod per unionem imperii omnium voluntas una sit facta. ** Et quia populus, imperia ad unum hominem vel concilium delato, desiit, esse unum quid, desiit esse corpus, nec personam amplius repræsentat, sed nihil quam singuli, & dissoluta est multitudo. Unde nec ullum jus, quod est qualitas personæ competens, populo post imperium translatum tribui possit. ***

* *Hobb. c. 6. §. 13.*

** *Idem cap. 6. pr. & in not.*

*** *Hobb. ibidem.*

IV. Nos ut fundamentum naturamque hujus rei clarè detegamus, primo statum Imperii, qui minimè (c) à Naturali recedat, considerabimus. Qui est Democraticus, in quo jus imperandi penes populum est universum. Quem naturalem dicimus maximè, non quod rationi imprimis conveniat, aut quod ante monarchiam ab hominibus à statu naturæ digressis fundatus fuerit, quod Historici negant: Sed quia minus in eo quam in cæteris à libertate & æqualitate Naturali homines recedunt.

(c) MINIME. Præ cæteris scilicet, ut *Auctor* innuit, quando statim, ait, *Democratiam maximè naturalem* esse. Equidem videri poterat, quando de *Imperio* fundando agitur: non præcisè ad ejusmodi Statum respiciendum esse, in quò *Libertas obsequii* major est præ cæteris; quin potius à *Monarchiâ* petenda fore fundamenta *Majestatis*: eò quod hæc illa omnium maximè exhibeat: cum primis quod alii, ne quidem esse *Majestatem* ullam in Statu *Polyarchicò*, doceant. At verò cum non tam de *vi Imperii*, ejusque *perfectiōe* sive *fastigiō* summò, quàm de *exortu* ejus qualicunque, rōque primò & naturali, hîc disquirat *Auctor*; (de

violentis, ut jam §. 2. innuit, nullatenus:) Ideò *Democratia*, ob *rationem* hîc in *fine* propositam, ad ostendendam educationem Regiminis *per pacta*, commodius præ formis aliis (quanquam non ex *Democratiâ* ad formas alias,) adhibetur. Et quamvis *Pufendorff. Lib. VII. J. N. & G. c. 5. §. 4.* hanc Reipublicæ formam *antiquissimam* esse dicat, tamen *Auctor* ne quidem hoc, refragante scilicet *historiâ*, asserere audeat: Quin & hîc valet distinctio inter *prioritatem* quoad *naturam*, & quoad *nos*. Estque non minùs fatendum, *Democratiam*, si *pura* haberi posset, optimam præ cæteris futuram. Sicut autem difficilis est ejusmodi Imperii in hy-

in hypothesi seu actu ipsò, constitutio: ita nec *duratiorem* Statui ejusmodi diuturnam quis facile promiserit; quin potius inde sensum ad *Oligarchiam*, imò *Tyrannidem* vel Principatum, tenditur.

V. Forma ejus est, fœdus omnium cum omnibus, cujus summa in hoc consistit, ut quæ consensu majoris partis (d) statuuntur, ea cunctos obligent. * Idque in perpetuum, quia quo tempore ab imperio communi recesserint, norunt, neminem salutis suæ fore certum, (e) omniaque pessum itura, quod eos minime velle manifestum est.

* Hobbes c. 5. §. 7. adde Grot. l. 3. c. 4.

(d) MAJORIS PARTIS. Sed hoc fœdus, ut appellat *Auctor*, (rectius *Pactum*,) illudque describit, *Democratiam* nec dum constituere putandum est: quia in *pactò primò*, quò in Civitatem plures v. c. pagi coeunt, id non statim obtinet, ut *majoris partis consensus* cæteros obstringat; imò in *Republica* ne quidem protinus Majestas inest: & Imperium ibi *ex consensu populi perdurantis* pendet, nec idcirco Majestatis est. Illò unò *Auctor Cl.* sibi prospicit, quando dicit, fœdus hoc in *perpetuum* constitui. Ubi tamen cavendum est, ne hoc ipsum *in facto esse*, quoad Statum extrà *Democratiam* cæteros, à placitò majoris partis suspendamus. Imò *Auctor* videtur hic confundere *Democratiam* in *facto esse*, seu prout jam constituta est, & in *fieri*; de quò posteriori respectu hîc tantum agitur. Quod enim de majori parte tradit: illud

quidem ad *exercitium Imperii*, penes universos *constituti*, pertinet. Imò forma *administrationis* in *Democratia* non ad omnes refertur, qui de Majestate participant: siquidem satis constat, in *Politia* nunquam Magistratûs ab omnibus actu geri, aut geri posse.

(e) SALVTIS SVÆ FORE CERTVM. Et tamen certi ejus sunt etiam hi, qui ab Imperiò *Majestaticò* ad Magistratum, (quod in *Interregno* fit,) revertuntur. Interea, quia Status ille, qui Magistratu tantum constat, perfectionem Imperii non habet omnimodam: inde quòd *perpetuitas* de ratione formali Majestatis sit, eaque ad tempus constitui non possit, (æque ut nec uxor, nec filius, in eum modum assumitur,) vera exhinc est sententia.

VI. Plurium suffragiorum prærogativa ideo necessaria est, quod alioqui publicis consiliis exitus nullus dari posset. Scilicet ita, ut quod plures voluerint, hoc omnes & singuli velle censeantur; neque minus id ipsum totius populi voluntas est. In ejusmodi consensionem populi facile descendunt, siquidem omnium in fœdere democratico conditio, spes & ratio par est. (f) Nec quisquam magis se superatum iri, quam alios superaturum præsumere potest.

(f) SPES ET RATIO PAR EST. Quod tamen aliter accipi non debet, quàm ut conditio illa & ratio *proportionè* consent, prudentiæ, senii, divitiarum, &c. Est verò, dum à *Democratia* constitutio Imperiorum quæritur, cavendum sedulò, ne à *voluntate* populi, quam ubique *Auctor* nimi-

um urget, vis Imperii, prout *in esse* constitutum est, derivetur. Quamvis enim in *Democratia* illud Majestatis esse censeatur, in quòd *major pars* populi, saltim per Magistratûs, consenserit; tamen hæc ipsa voluntas non nisi *Imperantium* est. In *Monarchia* verò *unius Regis* voluntas tota & sola

rem conficit; licet in *constituendō* Regem voluntas *partis majoris* in populō, causæ locum subeat. Quæ tamen *desinit* Rege constitutō, quoad ipsa obsequia Populi, quatenus cum *Imperiō* Regis conferuntur; utut voluntas populi *haud unquam desinit*

nat, quoad *nexum* cum Rege, ratione *imperii* & prout voluntas illa *fundationem Imperii* recipit: Indeque *Hobbesii* sententia, quæ §. 3. rejecta fuit, in alia penitus abit.

VII. Neque dubium, quin *foederati*, suum illum consensum de omnibus, quæ ad salutem utilitatemque communem ullo modo pertinent, intellectum velint. Etiam si contingat, ut salutis commodisque paucorum aliquid adversetur. Salva enim res communis esse non posset, si ratio ejus non vinceret utilitatem privatam. Adeo ut ne vitæ quidem (g) rebusque singulorum propriis, boni communis causâ parci velle videantur. * Unde casu eveniente, ei in quem fors incumbit, non fit injuria, quod absque suo merito patiatum malum; in hoc enim aliis consensit. Proinde nec resistere illi, populo per plura consentienti licebit.

* *vid. Grot. lib. 1. c. 4. n. 7.*

(g) NE VITÆ QUIDEM. In *pactō*, quō citrà constitutionem Magistratūs coitur, enecari nemo potest, nisi vitæ defendendæ gratiâ, & ut aggressor instar hostis habeatur; non aliter ac in *Statu* non *pactitio naturali*. Magistratui autem *Jus vitæ* necisque jam tribui potest: Quod tamen ipsum

differt iterum ab eo, quod *Majestati* in cives competit; ut *suprà* innuimus. Hoc enim, quia cum Imperio *eminenti* est conjunctum, ideo ut innocentem quoque valet; modò is boni communis causâ vitam suam exponere cogi possit.

VIII. Nec quicquam refert, quod ad vim obligandi, utrum rectius an pejus (h) pars major sentiat. Alioqui lis super hoc judicio rem identidem ad primam reduceret confusionem. Quam ut omnium majorum maximum cives super omnia vitare voluerunt.

(h) RECTIVS AN PEIVS. Nec ita licet vota ponderare, ut in *Statu naturali*: indeque *legalis* status efficit, ut illud executioni dandum sit, quod major pars decreverit. Vid. *Dissert. Jac. Thomassii de Statu Naturali & Legali*: & in specie de *Jure Majoris Partis* H. Grotium *Lib. II. de J. B. & P. cap. 5. §. 17. & in cap. 8. Apologetici*, item *Præschium in Dissert. de Jure Majoris Partis*. Optime ad hunc locum *Pufendorff. Lib. VII. §. N. & G. c. 2. §. 15.* ubi *Formas Rerum publicarum Polyarchicas* in eo à *Monarchiâ* distinguit, quòd in hâc

id velit civitas, quod Rex velit; in istis vero majoris partis conclusa respiciantur. Sanè in *Populo Romano*, qui suffragia in *Comitiis* per *centurias* ferebat, quarum erant CXII. vel *sextâ* etiam *classē*, quæ non habebat *Centurias*, annumeratâ, CXIII. si quando XCVIII. *centuriæ*, quæ primam *Classē* efficiebant, consenserant, reliquæ ne quidem rogabantur, nec adeo istæ expectabant, ut minor pars animi sui sensa declararet. Adeo *majoribus* simpliciter insisterant.

IX. Nec quidem aliud dicendum, etsi malitia in parte majori adversus

versus aliquos appareret. Nam, si antequam id alicui contingeret, rogarentur, an tali casu cuiquam eveniente, vellent imperium commune solvi, non cunctarentur patientiam præferre. Cum alioqui vix unquam causa turbandæ societatis deesse posset. Proinde quod in thesi (i) quisque censuit esse faciendum, id in hypothesi nemo improbare potest; eaque ratione petalismi & ostracismi (k) veterum Rerum-publicarum defenduntur.

(i) IN THESI. Puta ut quod *major pars* sentiret, ea sit voluntas *Universitatis* Majestatica; idque in Democratiâ in hypothesi & applicatione ejus, quod sibi jam imminet sive imperatur, nemo improbare suscipiat.

(k) PETALISMI ET OSTRACISMI. Quod *Athenienses* *Ostracismum* vocabant, *ὄστρακισμὸς*, sive testulis, in quas viritum à Populo suffragia de Illo, qui ob nimiam gloriam, divitias & potentiam, Rempublicam occupare posse videbatur, conjiciebantur; (de quo pluribus *Aristoteles* III. *Pol.* c. 9.) ut scilicet illi decennale exilium

sine infamiâ indiceretur: eò quòd sine suspitione, tanquam unus præ cæteris excellens, in Civitate retineri non posset. Idem *Syracusani*, post exactum Tyrannum *Hippiam* & *Pisistratum*, *Petalismum* nuncuparunt; de quo in *Cornel. Nepote* passim agitur; & ad hunc *Robertus Keuchenius*, p. 43. plenius autem *Ubbo Emmius*, de *Republ. Syracus.* conferendus est. Junge non minus de axioma hoc accidendæ nimix potentix, Polyarchici Status æqualitatem excedente, *Ludov. Septalium* *Lib. VII. de Ratione Status*, cap. 6. seqq. & *Forstner. II. Annal. Tacit.* p. 206. § 251.

X. Quod si tamen, coitione factâ pars major palam id ageret, ut reliquos non modo superarent semper (quod in rebus mediis ferendum) sed & vita bonisque pro lubitu exuerent, dicendum videretur, pauciores separare se posse; proinde & resistere. (l) Neque enim consenserunt in id quod scopum societatis institutæ penitus everteret. Is autem non fuit alius, quàm ut quisque præsidio communi vitâ bonisque suis securè frueretur. Nec plus ex eo jure delibaretur, quàm utilitas societatis, sine qua nec singuli subsistere queunt, identidem postularet. Imò fortè an nec singuli planè, si qui ad mortem manifestâ injuriâ vocarentur, vi primæ consensionis ad ferendum tenerentur.

(l) PROINDE ET RESISTERE.) Hæc verò in Republicâ *Democraticâ* non ita distinctè considerari, ut in *Principatu*, possunt. Cum enim resistendi facultatem *Auctor* ex voluntate eorum petat, qui in societatem coierunt: (quâ ratione quilibet resistendi facultatem sibi sumere poterit, Regi etiam suo seu Principi, quoties ille quid imperaverit, in quod ab initio, in constituendò illum, se consensisse subditus videri noluerit.) Utique non tanto periculo involvitur Respublica in Statu

Populari, si pars Populi, minor licèt, ex universitate, dum Majori succumbere non vult, secedit; quàm quidem in *Principatu*, si quilibet subditorum idem jus sibi asserturus foret in Regem, quod *Pars minor* in Democratiâ in majorem sibi postulare audet. Nam minor quidem pars populi facilè *per vim* a majori reprimatur; sed Principi adv. Populum, maxime universum, iniquè sibi oblectantem, nullum remedium nisi *auctoritas* juxta causæ & virtutis Regiæ competit, quæ Divinæ simi.

similis & succedanea, eaque in personâ unâ, ceu sacrâ, conspicua est. Unde tantoperè insistant Reges *Auctoritati*: de quâ præclara quædam sunt ap. *Lipsum in Politicor. Libris. add. l. 4. C. d. LL.* Aded ut Principes *Romani* Rescripta sua, *Juri* publico privatove *contraria*, ab omnibus Judicibus refutari voluerint. *l. 7. C. d. precib. Imp. off. l. un. C. qu. Imp. int. pup. & vid.* Et ubique in *LL. Romanis* Principes profitentur, quod ab ordinario jure nolint recedere. Nec non tale quid in *Capitulationibus Regum Romanorum* etiamnum habetur. Idemque in *herilibus* quoque imperiis occurrit, ut populus non ferat *extraordinaria*, nisi quâ necessitate publicâ nituntur. Sicut igitur Respublica in *constituendô* rectius ad Statum Polyarchicum expenditur; quamquam ne sic quidem ex eô simpliciter educi possit: ita *securitatem Reipublicæ constituta*, & *sanctimoniam Imperantium*, longè tutius ex *Statu Regiô* petimus.

De cætero ut in universum, quid de *RESISTENTIA* subditorum statuendum sit? cognoscamus; Distinguendum est inter *Actiones Principis absolutas* five in ipsum reflexas, aut quatenus in *Universitate Imperii* consideratur; & inter eas, quibus in *subditos singulos* abit. *Ibi* vel moralis est illius actio vel civilis. *Moralis*, ut si turpiter vivat. Sic verò crimina ejus Deo committenda sunt; nisi quod *H. Grotius Lib. II. c. 21. de J. B. & P.* de eô disquirat: quandonam Dei quoque ira, ob peccata Principis, in populum justè se exferat? Interim quoad *civilia*, i. e. ea quæ ad Imperium pertinent, impio & scelerato Principi adhuc parendum est. Quodsi etiam actio civilis, five Imperii, vitium habeat, vel titulô vel exercitiô: ita Invasor Regni, quem *titulô* tyrannum appellant, quodunque in subjectionem ejus non tranierit populus, ut hostis repelli & necari potest; secus, si eundem pro Rege agnoverit, five expressâ five tacitâ ratihabitione; licet metu compressus. Nam ita potius est, ut resistere ei non possit, ne Respublica denuò in discrimen adduceretur. vid. *Grot. Lib. I. c. 4. §. 15. seqq. de J. B. & P. junct. Forstner. ad L. I. Annal. Tacit.* ubi de intereptione *Julii Caesaris. Exercitiô* Tyrannum quod attinet, quando princeps legitime constitutus imperium crudeliter aut injustè exercet: (nec enim *privatæ utilitatis studium* tyrannum protinus absolvit; ceu nec *rigor* quilibet: qualis describi videtur in *2. Sam. 8.*) ferenda quoque sunt fa-

cinora ejus singula; modò non eô perungere videantur, ut everfio Reipublicæ exhinc subsequi censeretur. vid. *Horn. Lib. II. Pol. Arch. c. 12. n. 10. & Wilb. Barclajum adversus Bellarminum.* Cujus quidem rei judicium sicuti perquam est difficile: ita Principem aliquem dari, mente sanum, qui *extinctum* iturus sit Rempublicam totam, vix credi potest. Suntque voces animi solum irati & inanes *Caligule*, ap. *Sueton. c. 30.* quibus optabat, ut *Populus Romanus* unâ cervice sustentaretur, quam *sua manu detruncare posset.* Quod si tamen partem Reipublicæ Princeps extinguere suscipiat; sicut *Pharao Israelitas*: potest hæc, quando se à corpore reliquo Reipublicæ separaverit, etiam armis se tueri. add. *Bodin. II. d. Republ. c. 5.* ubi regulis & exemplis *Judicium Politicum* instruere nititur. Equidem effectu destituuntur disquisitiones illæ de *Resistentiâ*, ut & de *deponendô* Principe, quodunque Militia mercenaria in manu Principis est: nam ita quæ volet agere, potest. Sed tamen hæc de *Jure* quæritur: & si quæ fieri jure posset depositio, vis magna populi est, si caput ille sortitus ac ducem fuerit. Illi verò profani sunt, qui, pro ni in dejectionem Regum, opinantur, subjectione solvi populum, quando Princeps *modum Imperandi*, quod imperium suscepit, non servet. Quin potius directò hoc repugnat intentioni populi, Regem constituentis. Videlicet ita deum *fidem* prodenti & ipsi non tenemur amplius, quando promissio apertè respectum habet alterius promissionis, quæ ei quasi conditio implicita fuerit; non item si diversi generis promissa fuerint, & citrà respectum mutuū. Jam verò obsequium populi se ulterius porrigit, quàm fines Officii Regii. Unde & precibus amoliri vult tyrannos Apostolus *1. Pet. II.* Et *Jacobus Rex Angliæ* optimè utitur, in hoc de Depositione Regis argumentò, simili *Patris* rat. Liberorum, & *Capitis* ratione corporis. Utique si *exitium* populo immineat, & Princeps sit *inemendabilis*, ad depositionem procedi posse, ad *Not. Imp. Bæcleri* pluribus ostendimus. *Pontifices Romani* obliquâ depositione *Imp. ac Regum* aliquando utebantur, & primus suis partibus hæc viâ subjecit superstitiosum Orbem Europæum *Gregorius VII. in Henrico IV. Imp.* Nam antiquiores si quæ fuere *excommunicationes*, quod negant alii; (vid. *Becmann. Parall. Polit. c. XII. §. 7.*) illæ non fuere illorum effectuum, quod *Gregorius* suam valere

lere voluit, nec ad *civilem* pertinere; & omnium minimè ad *exsolutionem subditorum ab obsequio* Principi suo debitò: ceu nec ignominiam excommunicato attulerunt. Quemadmodum licitè potest arceri Princeps, etiam summus, à *communione sacrâ*, quippe quòd hoc *coercitionis* non sit, sed officii sacri; ne periculo Ministerium involvat Dominum seu Principem suum: quanquam si nihilom. hic urgeat, possit ad communionem suo periculo admitti Princeps. Defectus quoque hujus celare quidem Minister Verbi non debet, nec tamen publicè eos redarguere: nam & sic in *coercitionem* transit, & fomitem seditioni præbere potest.

Porro, quoad Principum actiones in *subditum* unum alterumve feruntur, gemina iterum inspectio habenda est. Aut enim pertinent ad inferendum subdito *malum passionis*; aut imperandò *malum actionis*. Ibi vel *infra vitam* illud constitutum est: & quoniam *duri quoque & difficiles* ferendi sunt. 1. Pet. II., 18. Hinc etiam ad ferendas *injurias*, quæ periculum vitæ aut bonorum non inferunt, subditus obligatur. *Atroces* verò ut fugâ, emigratione vel aliter, evitare possit, curabit. Quando autem quæritur: num *resistere* possit Principi subditus, injuriam ipsi inferenti? istud rectè negatur ab H. Grotiò Lib. I. c. 4. §. 6. & Pufendorff. Lib. VII. §. N. & G. c. 8. §. 5. (Nec tamen resistentia est, v. c. quando gladium quis manu intercipit;) Atque hoc non tantum est novi fœderis sive *Christianorum*; ut H. Grotius locò cit. §. 4. opinatur. Sed nec discrimen constitui debet inter subditos *privatos & Magistratum*; sicut rectè Idem §. 6. Nam *Regi* quidem, tanquam *summæ potestati*, parendum est, *ὡς ὑπερέχοντι*; *Præsilibus* autem, i. e. inferioribus Potestatibus, *ὡς δὲ αὐτὰς πεμπόμενοις*, tanquam *missis & ordinatis* à Summâ Potestate. 2. Pet. II. 13. 14. Indeque illi ad Principem relati æquè sunt *subditi* ac è plebe singuli: quoniam ab istâ quoque potestate in imperio suo *dependent*. Sicut verò in Reipublicæ illò statu, ubi Princeps *Ordinibus* est circumdatus, quibus in *officio* contineatur, resistentia quandoque locum habere potest. Ita non unâ definitione res ista absolvitur. Neque enim Ordines illi seu *Primores*, aut *Senatores Regni*, vel *Statûs* etiam, unius sunt generis: quapropter in his attendendum est, num illi *potestatem* Regis ejusque *exercitium*

ingrediantur, num ad *modum exercitii* solum concurrant: an *nullitas* tantum ex illorum non adhibitione procedat, an *jus intercludendi* actum habeant, &c. Nec enim protinùs *jus resistendi* tribuendum est his, qui à *Clasibus populi* in partem receptis *mandatum conservandi* *jus ipsorum* receperunt: ceu nec pares sunt invicem *Ephori Sparta* & *Senatores Regni in Polonia*; nec pares omnino aliis. Utique peculiare quid in *Imperio Romano* deprehenditur, ubi *Statuum Libertas* ea est, ut quoties iniquò Imperiò & injuriis in universos uti suscipit Imperator, *jus resistendi* imperio ejus, ex pactò antiquissimò, & à *Francorum* institutis petitò, obtineant: *jung. H. Grotius d. c. 4. §. 13.* & quæ ad *Jus publicum* tradita sunt. Maximè verò istud in causa *religionis* obtinet, ut deinceps tradetur. *Vitæ* periculum si intentet Princeps, num eidem resisti, ad ejus usque internecionem, possit; anceps disquisitio est; ut si vel justè inobedienti, vel etiam nullâ de causâ, necem intentet, subdito. Utique *prudencia* non est hæc quæstio. Vix enim est, ut qui Principem, justissime licèt, perimit, salvus evadat; sed juris. Ita verò succumbendum potius esse subdito, quàm ut Principem perimat, verior est sententia; ut Deo scilicet vindici Princeps permittatur: quò pertinet 1. Petri II. v. 18. Rom. IV. v. 2. cum *similibus. vid. H. Grot. d. l. §. 7. & Hornium d. n. 10.* Nec asseri potest, *jus illud externum*, quod subditum ad patientiam obligat, etsi cum malitiâ ejus, qui in obligatione est superior, conjunctum sit; ut est *jus Parentis, Magistratûs*, non extendi oportere ad *vitam*. Neque enim eadem ratio est *singulorum* subditorum, & *everfionis totius Reipublicæ*: imò hæc in periculum conjicitur, quando singulus vitam suam vitæ Principis præfert. Dissimilis etiam hac in re est *Parens*, item *Magistratus* subalternus, & *jus ipsorum*, à Principe. Nec *publica salus* per interemtionem Patris aut Magistratûs subvertitur: imò difficile est, ut non statui debeat, *teneri* insultatum (nec tantum ei *permisum* esse,) à Patre vel Magistratu se cum hõrum internecione defendere. Sanè omnis resistentia potius in crimine est: quâ præsumi potest, subditum vel mediatè vel immediatè simul internecionem Principi intendere voluisse; qualis *cruenta resistentia* plerumque haberi potest. Quæ verò aliàs in adversum *objiciuntur*,

huc redeunt: Non videri Principem amplius; sed latronem: non esse Principem, qui subdito insultet; cum ille hujus gratiâ sit. Imò Principe non amplius eum indigere, qui non ultrâ, ab ipso scilicet peremptus, eidem superstes fuerat. At v. Imperii ratio, vel sanctimonia Principis, ex *singulorum periculo* æstimari non potest. Hinc quia occisio Regis cum maximo incommodo universitatis conjuncta foret: omninò expedit, ut subditus ille pro salute publicâ occumbat. Et licet occisus iste non aliter, quàm ut superstes est, Principe utatur; tamen non ex commodi privati studiò simpliciter metienda est coitio in Rempublicam: siquidem in societatem illam ferimur spontè magis & naturâ; indeque necesse est, ut multorum commodo nostrum postponamus. Quin & charitas imperat, ut non tantum nostri, sed imò magis omnium causâ Rempublicam salvam velimus. Quocirca Principem *inviolabilem* esse putandum, non tantum sui gratiâ, (vid. Pufendorff, L. VII. c. 8. §. 5.) sed & *Reipublicæ*: nec tamen iterum hujus solius: quid enim si *successorem* habeat; verum etiam quòd ipse Princeps Dei, cuncta sospitantis, effigiem gerat; nec unquam videatur lædi posse, ut non etiam lædatur Respublica. Itaque cum *necessitas* in moralibus finis rationem ducat, utique per Civitatem prohiberi potest *singulis* resistentia: prout Civitati in singulorum vitam jus est, non solum ordinariò modò, exque scelere; sed etiam in salutem universi, citrà meritum. Secus ac se res habet in *multitudine*, sive simplici vel absolutâ, sive Magistratâ. Aliter nequidem *major pars populi* foret parcitura Regi; cui tamen æquè resistendi jus in Regem nullum competit; quòdusque scilicet everasio civitatis metuenda non est, & ut hostem Rex induisse, dissolutò penitus nexu Imp., videri possit.

Quòd si imperet *malum actionis* Princeps: illud vel *morale* est, vel *naturale*. Prius istud vel *certum* vel *dubium*. In *hoc* obsequetur Principi subditus: *Hornius d. c. 12. n. 5.* quia certum est, Principi jus imperandi competere. Et malè *Castro Palao, P. 1. Disc. 2.* quòd subditus, si opinionem habeat *probabilem*, mandato Principis contrariam, possit *suam eligere* opinionem: eò quod superior hoc casu solum *justè probabiliter* imperet; Nam *justè* potius ille, quod probabiliter *justum est*, imperat: & in praxi *dubium* is seponere debet, in

obsequio debito Principi, qui speculativè dubitat. Aded ut cum subditus de jure externò, seu *Jure Potestatis* Regiò, certus sit, de *Jure internò* mandati Regi *dubio* optima quælibet præsumere debeat; quod & fieri potest, quando illud *aparte* adversum quid in *naturali* aut *Divino* jure non habet. add. Gerhard. §. 399. d. Magistr. Polit. & Hülfsem. c. XX. Breviar. n. 14. item Leymann. Lib. II. Theol. Moral. tr. 3. c. 12. n. 8. Imò si vel maxime dubium sit, ipsum Principem esse legitimum; tamen cum in possessione Imperii constituitur, actionem sibi imperatam, de cujus malitiâ non constat, non modò tutò subditus exsequitur; sed & eadem exsequi debet. Planè ipsi Principes aliquando hominis imbecillis conscientie quid indulgent, seu dissensui illius privato; ut videmus in *professione* istius *Religionis*, quam ipse Princeps à verbo Dei alienam æstimat. Porro si turpitudinem *certam* habeat actio imperata: tunc verò Deo magis obediendum est; & vel mortem subire, quàm scelus, oportet. Actor. V. v. 29. Grotius d. c. 4. §. 1. & Horn. n. 8. Nempe subditus se obstringit Universitati seu Principi ad illa, quæ sunt in *potestate* promittentis. Talia verò non sunt turpia vel inhonestia: quippe à quibus abstenturus erat, etiam extrà societatem Civilem positus: quare si in talibus non obsequatur, etiam ad *penam* ne quidem tenetur. In *executione peccati alieni* secus ferem habere, Pufendorffius tradit, de *Obligatione adversus Patriam*, §. 17. quoties scilicet exsequens ille non nisi instrumentum subire censeretur: quod non minus in genere moralium à causâ aliâ elevetur, ut effectus ei imputari non possit: quasi actio talis non sit propria subdito, sed mera executio *actionis*, quæ propriè sit *imperantis*: quâ ratione cædes v. c. imputari non possit eam exequenti, ut nec possit gladio aut securi. At verò nemo hanc *meram executionem* dicere poterit: nec licet hanc actionem comparare cum *lectione orationis*, in quâ mendacia habentur. Et quis non *scrupulum* matri inferendum, si quis hoc filio, sub interminatione mortis, imperaret, horrendum facinus habendum cenfeat; quod tamen & executio est. Imò ingens est discrimen inter *gladium*, & *agentem hominem* vel *actionem* ejus. Unde licet is, à quo contagium metuendum est, si illum occidi jubeat Princeps, repugnare non possit, Molina Tom. IV. d. J. & J. tr. 3. D. 13. concl. 2. Tamen is, cui cædem

Idem illam mandat princeps; ipse potius mortem subire, quàm exequi jussum debet: cum remedia ad contagium evitandum alia adhibenda sint. *Hobbesius* quidem putat, in *cap. 12. de Cive*: non posse subditum examinare jussum Regis, sed cæcò ductum eum obsequi teneri. Ast hoc verum est in actibus *civilibus*, & quorum Imperium ab unico Rege pendet; non etiam in *naturalibus*, quæ *supra Principem* sunt, & quorum dictamina quisque civium ab *internò* principiò sortitur: cum falsa penitus sit *Hobbesii* sententia, quasi extra civitatem, & ante eam, discrimen honestorum & turpium nullum sit, h. e. justum naturale non detur. *add. Pufendorff. L. VIII. c. I. n. 6. seq. de J. N. G.* Quamquam nihilominus *Hobbesius* in aliquibus casibus nos martyres potius fieri, quàm obedire debere, jubeat. Quid si Princeps *Religionem falsam* subdito imperet? Idem multò magis dicendum est: cum obsequium hoc à Principe non pendeat; nec civile sit. Equidem *Hornius d. l. n. 12.* resistantiam ingerit: quæ tamen vix locum habere potest, nisi in Statu, qualem Imperium Romanum refert. Nec

enim sequitur, obtemperandum non esse Reipublicæ: ergò si vim illa inobedienti intentaverit, eidem *resistendum* esse; id quod de injuriis à Principe subdito illatis, *H. Grot. d. §. 2. & 6.* negaverat: qui non minùs §. 7. æternâ memoriâ dignum exemplum *Thebææ legionis* adducit: cujus quidem constantiam, *Hornius*, laudandam esse, sed nullibi Christianis præceptam, autumat. Denique si *naturale* quid Princeps inferat, quod gravè subdito videatur, parere debet ille, & vel vitæ periculum subire; quamvis eò ipsum ire Princeps jubeat, ubi evadere non possit: saltem Principis vitam aut Reipublicæ salutem per hoc redimere queat: De quo tamen & quomodo vitam opesque suas, imò famam, quisque subditorum, Principis aut Reipublicæ bono debeat, distinctius experiemur. Interim ad naturalia illa pertinent etiam *injusta* quælibet *ex parte Principis*, internò quoque jure. Nam & talia præcipienti obediendum est; modò non ipsi *obsequio* seu ministerio *crimen* infit; ut *ap. Plinium* dicitur, 3. *Epist. 9.* Unde & *iniquam* contributionem pendere debet subditus.

XI. Enimverò ingentis boni communis causa posse extendi obligationem expressam usque ad mortis patientiam, (*m*) ut est lex de statione non deferendâ, ratio Juris idonea, quæ prohibeat, nulla profertur. Sed cum à morte homines efficacissimè abhorreant, non potest dici, quòd primi conditores Civitatis, commune fœdus, quo pars minor populi tenetur eò quod plures volunt, ad mortem sinè ullâ causâ & ordine judicii ferendam durare voluerint. * Enimverò ut detrimentum bonis alicujus illatum causam fœderis rumpendi præbeat, id auctores Reipublicæ nullò modò voluisse manifestum est.

* *vid. Grot. d. lib. 1. c. 4. n. 7.*

(*m*) AD MORTIS PATIENTIAM. Hæc de re sic habendum est. Non posse quem de vitâ suâ disponere *positive*, & de eâ ex suò arbitriò sibi eripiendâ, ut ad amittendas res cæteras: quia concessa non est homini vita sui gratiâ: aliàs quò minùs in eam decernere possit, nil impedire videbatur. Potest enim quis disponere de *libertate* suâ, quæ naturaliter ipsius est, nec præcisè societatis gratiâ; cum quidem liberos omnes esse nulla exigat necessitas. Igitur cum vita nostra socie-

tati primò debeatur: ideo possum hætenus super eâ disponere, ut societatis gratiâ *maturius* eam consumere queam studiis, vigiliis, quin & discrimini, ad perdendum; eam *exponere*; ut in obbundâ militiâ. Possum quoque vitam meam oppignorare, si ut eam serveim, præstitò eò, quod promiseram, in mea potestate est; sicuti captivus ab hoste obstringere se potest, quòd, sub periculò vitæ amittendæ, arma adversus ipsum accipere unquam nolit. Nec enim pactum illud

contra

contrà officium civis vergere putandum est; non quidem ex eò, quia alii, qui contrà hostem pugnent, suppetere possunt: Sic enim nil obstaret, quò minus civium quilibet in libertate positus, officio suo salvò, in eum modum hosti se obstringeret. Verùm quia pactum hoc ex statu, quò captivus tenebatur, considerari, & ut in hostium manu positus ille, promittit, æstimari debet. Ita verò, citrà pactum ejusmodi, Reipublicæ in nullo utilis existere poterat, neque libertatem parare sibi; & in hostium arbitrio fuerat constitutum, ab omni civis officio cum penitus abstractum tenere. Illud quæritur, num saltim *Respublica* in civem, ejusmodi pacto liberatum, vi Imperii Eminentis, statuere possit, ut pactum hoc *servare non teneatur*? *Negativa* verior est, eò quòd vis illius pacti ex imperio, eoque iusto, quod per captivitatem sibi hostis in captivum acquisierat, dependet. Interim ex interna ratione illud eò interpretandum est, ut accipi debeat, non de Reipublicæ *defensione*: quam si non suscipiant singuli, universos perire necesse est; ac perinde credi non potest, captivum edusque se non esse pugnaturum contrà hostem, promississe, ut non ipsum se periculo mortis, aggressionem scilicet propulsando, defendere posse voluerit. Et tamen hoc quoque non nisi de extrema necessitate, in quam *Respublica* per hostem conjicitur, accipiendum est; nec etiam aliter interest Reipublicæ, ut reclusus ille civis periculo iudicii fortassis acerbi ipsius hostis, dum in manibus ejus denud cadere potest, semet exponat. Cæterum *pro Republica sua* non modò in pugna, sed aliàs quoque, vitam suam periculo civis subicere tenetur. Nam de *pugna* quidem, sive statione, in qua probabiliter videt civis sibi pereundum esse, obtemperare debet iussui Ducis; etiam in extremo casu, quo vix est, ut evadere possit: modò *Respublica* vel exercitus ex hoc juvari possit; cuius arbitrium Duci permittendum est: adeò ut ne quidem *fortem* urgere liceat, quippe quòd hoc etiam penes Ducem merito constituatur, quemnam aptissimum ille stationi deputare velit. Estque maxima ignavia, si quis civium vel mutilando, vel aliter, *inutilem* se civitati reddat, ut ad hæc pericula subeunda protrahi nequeat. vid. l. 4. §. 10. 16. *Cod. Theodos.* (& quæ exhinc *Justiniano* illata sunt) *de Tyrionibus*. An autem quis obstrictus sit, ignem *pulveri pyrio* injicere, ut ne una

cum navi in potestatem hostium perveniat; aut cum sibi pereundum videt, ut simul aliam navim hoc ipso ut submergatur, affligere possit, ne hostis una navi sit superior? quæritur. *Negativum* superius, quòd quis illud possit moraliter, & negat quoque *Dannhæuerus* p. 2. *Der Catechismus Milch, Concione XIII. in sum præceptum*; ubi citat *Jeremia XXVII. v. 12. & 2. Chron. XII.* Itaque negandum quoque est, quòd *invitus* quis eò per imperium adstringi possit. Hinc etiam *Hornius II. Pol. Arch. c. 2. §. 16.* civem adigi non posse, putat, ut antequam se dedat, *sane* pereat. Sed an subire *hostiam* quis debet, ut ad placandum numen se mactari sinat: quod inter paganos aliquando suscipiebatur. (vid. *Cluver. Lib. I. Antiq. German. c. 37. §. 14.*) Utique numen non poterat credi placari posse per mactationem unius, cum ira non fuerit in cives; nisi & ipsi scelus, quo eam provocaverant, approbassent. Christianis autem immanis est & frustranea quæstio; asserenda de cætero, ex hypothesi profana, si universitatem per hostiam unius eripere vindictæ numinis licuisset. vid. *Bœcler. ad H. Grot. p. 99.* Porro ad placandam hominis iram, qui civitati interneeionem minatur, nisi deditio civis cujusdam fiat, *se ipsum tradere* quis non tenetur; licet ob delictum. Debet tamen aliò se recipere, quamvis cum periculo suo, ut civitas sit salva. Quòd si *pœnam* promerita civitas fuerit, quam deditio-
ne avertere liceat, non potest unus alterve tradi interneeioni: id enim perdurum foret. Sed æquum est, ut singuli periculum fortis subeant. Quid si *innocens* per hostem à civitate poscatur. Non posse eum tradi ab hac, *Bœclerus d. Comm. p. 95.* rectè asserit, & *Horn. Lib. II. cap. II. §. 19.* Neque tamen Civitas ipsum defendere cum exitio suo, tenetur: nam & sic ipsi civitati pereundum foret, & ei, quem defendere nitebatur, cum ipsa. Quocirca *fuga* sibi consulat, necesse est, cum non possit ipsum cogere civitas, ut se hosti tradat. *H. Grot. Lib. II. cap. 25. §. 3. & Horn. d. §. 19.* ubi rectè monet, quòd ne quidem civitas per traditionem hanc periculum evasura sit; quin potius hostis iteratò alios, eosque innocentes pariter, petere possit. Hinc etiam *charitatem* non posse obligare civem, ut se dedat; maximè quòd ambiguum fuerit, an deditio illa Civitati profutura sit. Sic etiam *Civem enecare* non potest Civitas, extra
necelli-

necessitatem, aut incerto periculo declinando: & malè utebatur *Caiphas* argumentò obligationis civis cujuslibet pro civitate, ad eadem hominis innocentis. *Job. II. v. 50.* Potest verò Princeps jubere, ut invito *membrum amputetur*, ne pars sincera trahatur, & ut ne is vitâ se privet ante tempus. De *nuptiis* quoque disquiritur, si quis, in-
visus moribus, eas cum cive nostrâ expetat, sibi-
que eam, sub denunciatione belli, dedi velit? Ite-
rum *Hornius d. c. II. §. 20.* Quæstionem hanc ex-
pendit. Quando autem absolvendam esse putat
Civitatem à culpâ, quæ impellat subditum ad fa-
ctum sive negotium, quod si volens sponte suâ fa-
ceret, non peccaret: indignè argumentatur. Sic
enim nunquam peccat deditus, in quò tamen pec-
care potest civitas. Quare potius est, ut dicamus,
petitam sponsam hanc desitui posse, ut dimittatur
ex civitate, & suæ libertati, quâ poterit ratione,
consulat. Illud facilius adstruit *Hornius*, non fuisse
pactum injustum, quò à Mauris *Hispaniæ* Re-
ges aliqui antehâc, *tributi* locò, ingenuas quasdam
virgines, causâ matrimonii, pacti sibi fuerint. De
Obsidibus, & quòdusque eum periculò vitæ, in ca-
sum, quo civitas promissis statuta non est, civis in

obsidium ire teneatur? *suo locò* videbimus. De *Bo-
nis*, (etiam *forensium*,) quid in ea ex dominio
eminenti liceat Reipublicæ, *inferius* experiemur. vid.
interim *H. Grotius II. 14., §. 8.* & *Bœcler. in Diss. de
Domin. emin. ibid. p. 117. seqq.* Quid de *Famâ*? non
tenemur utique eam patriæ consecrare, ut ipsi sce-
lus admittamus, vel scelera aliorum in nos fuscipi-
amus. Nec enim virtute nos excutere, ut & vi-
tâ non tenemur. Tenemur tamen *honorem* exhi-
bitivum, sive insignia virtutis, quippe quæ civita-
tis sunt, salutis ejus dimittere: maximè quòd ina-
nia sint; modò virtus nobis maneat. Sicut verò
non ita quis Reipublicæ vitam, bona & honorem,
debet, ut non etiam possit Rempublicam sibi *de-
bitricem* reddere, per virtutes egregias; quicquid
etiam ad has parandas adjumenti tulerit civitas: ita
non potest civis *expelli* pro lubitu; sicut ipse qui-
dem pro arbitriò *migrare* potest: nam ei non su-
perfluxit se Civitas, ut ipse se Civitati. Quâ ra-
tione verò pars Civitatis abscindi per *alienationem*
possit? *inferius* apparebit. Interim vid. *Groti-
um Lib. III. c. 20. §. 5.* & *Bœcler. ad eund. p. 104.,
116. & 285.*

XII. Concludimus igitur, in Democratia sive populari Imperio
singulos teneri ad ferendas injurias totius populi, exceptis hisce duo-
bus casibus, qui commemorati sunt.

CAPVT X.

*Dari fœdus inter Imperantes & subjectos, rur-
sus ex naturâ status Democratici, contra
Hobbesium demonstratur.*

ARGVMENTVM.

*Queritur, an Imperantes injuriam perfidiamque adversus subjectos committere possint.
Hobbes negat; hac ratione, quod nulla fœderis obligatione teneantur, eò, quod civi-
tas pactione singulorum cum singulis non cum majori parte vel cum Imperantibus con-
sistat. Quod refellitur inductione fœderis, quo Democratia constituitur, in qua se om-
nes & singuli obligant in eum maximè casum, quo in majori parte adeoque inter im-
perantes sint futuri, idque pluribus firmatur & concluditur, esse in Democratia duplici
respo-*

respectu obligationem. Inter singulos cives uno, alteroque inter eos, qui in majori parte sunt cum inferioribus. Majorem tamen partem nulla re obligari, quam eo quod tacite exceptum de quo cap. præced. & quod expressè in stipulationem sit deductum.

I.

Planè ex his sequitur, civitatem, id est, majorem populi partem, adversus singulos fieri posse ream injuriæ. Quod enim mentem fidemque pacti egreditur, non potest non injurium censerì. Respublica autem per conventionem (a) de vitâ bonisque omnium defendendis constituitur, quæ conventio tam violari quàm servari potest.

(a) **PER CONVENTIONEM.** Sic *fœdus* pro pacto *Auctor* in hoc articulo ubique accipit; minùs propriè. Quamvis autem pactum ejusmodi, si-ve sponso, in deferendâ Majestate non minùs, intercedat inter Principem & Populum: (ad *Principatum* enim, quoties de Majestate Imperantis agitur, præprimis respici debet: quia in *Democratia* non modò ob libertatem majorem civium singulorum, & æqualitatem perdurantem; quodque idem & parens sit & imperans in Republicâ, nec subiectò, sed respectu unicè, imperans à parente discernatur, in naturam Majestatis non eâ distinctione inquiri potest: tum & *Monarchicus* status *divinum* in his terris *Vicariatum* maximè exhibet; cum quidem in statu *Democratico* sit plenior similitudo statûs *naturalis*, quia omnes ibi *Libertatem* prætendunt: *Aristocratia* verò medius sit Status, qui & ipse titulum Libertatis, ad electos scilicet, præferat.) Tamen *inaequale* habendum est pactum ejusmodi, nec, ut alia pacta, simpliciter per omnia *reciprocum*: eò quòd pro objectò Majestatem ejusque exercendi modum habeat. Ex quo sequitur, Principem, postquam Majestatem tenet, populum adigere posse *civili Imperio* ad hoc, ut pacto morem gerat: quâ potestate populus in Principem valet nullatenùs; quin potiùs Principem sibi obstringere solet *jurisjurandi religione*: nec potest aliter initum hoc pactum censerì, pro fine ejus, quàm ut daret subiectio populi, etiam in difficillimo Regis Imperio; quòdusque integra manet *relatio*, quæ inter Imperantem & subditum intercedit. Non aliter *arrogandus* Imperium patris subit, & *miles Ducis*, quàm ut hujus judicio & coërcitioni semet subdidisse, ejusque arbitrio Imperium permisisse, censendus sit. Equidem

pactum inter pares summos, nullum habet remedium nisi vim, quæ periculò propriò nunquam caret, si alter sponte promissis stare nolit. Pactorum verò, quibus alter absolute evadit *superior*, ea est natura, ut *superior*, quid pacto consentaneum sit nec ne, *solus judicet*; inferior autem, licet contrà pacti tenorem se læsum putet, tamen neque jurisdictionem neque vim ullam justè contrà superiorem intentare queat. Neque verò solus *subditorum consensus* est, qui Civitatem sustentat: quippe quòd illi dum Majestatem constituent, *liberi fuerint*. In quem statum nisi restituantur, liberâ voluntate Superioris, nunquam *de summa rerum* deliberare possunt. Quidcirca non debuit negare pactum omne *Hobbesius c. XVIII. Leviath.* Satis enim est dicere, neminem hîc esse, qui litem dirimat, an pactum sit violatum nec ne; quippe quòd *nec omnes subditi* id possint. Quamvis enim hunc casum, quò omnium subditorum animos à se abalienet Princeps, impossibilem ferre putet *Hobbesius*; tamen dum videt periculum fundamenti illius, ipse firmius quid non reperit, quàm *obligationem subditorum* ergà imperantem. *c. VI. d. Cive. §. 20.* Quam tamen obligationem ex principio altiori deducere oportet, quàm quidem est *Hobbesii*. Proinde nec *comissi* clausula, nempe si non Princeps servaverit pactum, ad obedientiam quoque populus non ampliùs teneatur, cum Majestate consistere potest: Utique si non omnem curam Reipublicæ Princeps abjecerit, aut hostilem induerit animum. Inde si *Juramentum Poloniae Regis*, sub exordium Regiminis præstitum, expendamus: illud sensum aliùm habere nequit, quàm ut universi obsequio ejus eximantur, si promissis suis, putà *eum in modum*, quem diximus, non

non steterit. Quamvis de cætero Imperium Regis Poloniæ nec absolutum nec plenum sit; saltem quodvisque Regnum ipsi est delatum, non potest illud suspendi à *commisso*; quippe quod hoc cum naturâ Majestatis directè pugnet. Equidem *Hobbesius* ultra tendit, & cum populus potestate suâ penitus se abdicaverit, nec velle ulterius quicquam in civilibus intelligatur: nullô casu fieri posse tradit, ut Princeps in populum injurius existere queat. At verò non fundatur pactum illud cum Rege initum præcisè super illâ qualitate, quâ populus est

Universitas; quippe quæ omninò, saltem *ratione Imperii*, extinguitur, (ut tamen *surrogatum* in locum ejus, ut est Majestas, quæ vicem Magistratûs subit, non repugnet fini prioris:) sed quâ futuri sunt Regis *subditi*. Nam licet tollatur concilium, sive collectio unius sententiæ ex majoribus, vel cui potestatem hi ceu Magistratui detulerint. Tamen adhuc manet cætus ex pactis primigeniis: sicut proculus v. g. adhuc tenetur personæ, cum quâ ut virgine paciscebatur; licet nunc virgo non sit amplius.

II. Hobbes * dicit, non esse pactum inter pauciores & plures, quatenus hi corpus constituunt. Sed inter singulos cum singulis. Ideoque plures cum singuli non sint, sed jus omnium prærogativâ suffragiorum nacti, haud quaquam ex pacto teneri. Imò non posse voluntati singulorum quicquam tribui post foedus de servando plurium placito, ita ferè demonstrat. Foedus democraticum hujusmodi est: singuli cives, alter ab altero tacitè stipulantur hoc modo; *quod pars major populi statuet, ei tu pariturum esse te spondes? spondeo: & tu vicissim? spondet similiter*; sic totus populus conjungitur. Quod igitur placita plurium tenent, ejus rei quisque pro se autor est. Inde quicquid plures statuunt, hoc ipse quilibet statuere intelligitur. Proinde, si quid durius sit decretum, sibi quisque id imputet, tam contrà se, quàm adversus alios. Sane pactum, inquam, quod pars major, quæ non fuit tempore pacti, nullum inivit, id nec violari ab illâ posse concludit.

* c. 5. §. 7. cap. 7. §. 7. & §. 12.

III. Ad hæc, nostra sic est ratio: Pactum illud singulorum cum singulis iniri hac mente, ut in defensionem communem valeat; id quod nemo negat. Quæ conditio non minus, quam pactum ipsum, à singulis servari debet. Quatenus publicæ utilitatis, quæ sæpe contra singulos est, ratio permittit. Non est dubium autem, quin omnes in reciproca stipulatione (b) ac sponsione, cum in primis casum spectaverint, quo ferè unicè obligationis usus erat futurus. Nempe, quo ad suffragia de rebus communibus multitudo vocaretur. Dum itur ad suffragia nemo in superiore numero est, qui non ex pacto reli-

quis teneatur. Et quidem in eum maximè eventum, si ex plurium numero ipsum esse contingat. (c) Ubi nemo obligationis est expers, ibi universos obligari oportet. Vinculum enim personale fidei, quo omnes obstricti sunt, prætextu universitatis eludi nulla ratio permittit. (d)

(b) IN RECIPROCA STIPULATIONE. Jam antè exposuimus, quâ ratione stipulatio illa *reciproca* videri possit vel fecus. Cæterum *Hobbesio* facilius responderi posse videtur: nam ille solum arguit, ad constituendum consensum subjectionis, ex parte parentum, & quidem de futuro. Potest enim hoc pactum *Hobbesii* esse antecedaneum Statûs Majestatici; imò cujuslibet, in quò de efficiâ majoris partis deinceps inducendâ agitur. At verò pactum, quò re ipsâ *vis hæc Imperii* nunc producitur, non modò subjicit populum parti majori, sive ut *Auctor* hîc *in seqq.* numero superiori; sive singulos ex populò, & imò parentes universos ac singulos, etiam Regi; verum & Regem ipsum obstringit universis ac singulis, quatenus in his universorum salus & incolumitas, cujus gratiâ ei Majestatem, tanquam conditionem sinè qua non, detulêre, promovenda est. Aliàs sequeretur, ipsam vim Imperii esse à singulis; quod tamen ita se non habet, quâ singuli sunt, sed quâ in universitate reperiuntur.

(c) IPSVM ESSE CONTINGAT. Hæc quidem ampliatio non videbatur rectè subjici *versui*:

dum itur. nam ille aliud jam non innuit, quàm quòd is, qui est in majori numerò, tanquam Imperans, teneatur ad salutem parentum promovendam. Interim *Auctor* diversos respectus jungit: Is qui in superiori numerò est, ut imperans, tenetur etiam sibi ipsi, ut parenti singulo; & singulus parens tenetur singulo Imperanti sibi, ut in superiori numero. Quoties enim major numerus in Democratiâ imperat: toties minor, extrâ hunc positus, tenetur obsequi; multò magis tenebitur omnis ille, qui in majori numero continetur, eò quòd rein imperatam justam esse reputaverit. In *Statu Regiò* hæc ita se non habent: quia Rex nunquam ratione præcepti civilis simul Rex est & subditus, sive imperans & parens. Interim facilius percipitur, universos & singulos, quia nec hi nec isti imperant ullò modò, simpliciter obsequi Regi debere.

(d) NULLA JURIS RATIO PERMITTIT. Et *universos*, si obstrictos manere voluerunt, omnes etiam quâ *singuli* mansuri sunt, quamvis ad emolumentum universitatis: ut §. 4. b. sequitur.

IV. Præterea non est dubium, quin populus cum de salute communi ageret, singuli se singulis obligaverint, ut quantum in unoquoque esset, bono communi operam darent. Cujus pacti cum expers nemo fuerit, necessum est, universos illo quoque teneri, adeoque & hos, qui numero in suffragiis identidem sunt superiores.

V. Quod si nulla fœderis ratio inter plures qui consentiunt & reliquos esset, scire cuperem, quid impediret, quo minus major pars suo consensu dissolvere posset Rempublicam: Atqui non esse hoc in eorum potestate, docet ipse *Hobbesius*, * idque vi fœderis primitivi. Proinde cùm manifestum sit, obligationem duas requirere partes, (e)
appa-

apparet eas in exercitio Democratiae esse partem majorem idem sentientem & reliquos numero inferiores.

* c. 6. §. 20.

(e) DVAS REQUIRERE PARTES. Sed per hoc non respondet *Auctor Hobbesio*. Is enim de pacto, quoad Rempubicam constituendam, agit, non proximè; sed de pacto, quod assensum præbet majori parti, quæ etiam Monarchiam indu-

cere potest. Multò minùs *Hobbesius* loquitur de exercitio Majestatis jam constitutæ, quando in hac jam singulos jus suum amisisse putat. Ast satis ei jam ante responsum est.

VI. Ex his palam fit, eos, qui prætextu numeri prævalentis latrocinium exercent, recte perfidos injuriosque in democratiâ dici. Proinde nec quenquam eorum qui numero inferiores sunt, in talem casum ex sponsione suâ teneri omnino dicendum est.

VII. Tamen extra duas illas species suprà (f) collocatas nullum aliud exceptionis specimen, quo pars minor se plurium sententiæ opponere queat, agnoscere possunt, qui nolunt populum in eandem confusionem recidere, quam, Republicâ contractâ, vitare voluerunt, quâ de re præcedenti capite actum. Nisi quod de rebus divinis propria consideratio est, de quâ suo loco agetur. Nisi & disertè initio constitutæ Reipublicæ aliæ res sint expressæ, in quibus prærogativa suffragiorum non obtineat. Quod tamen in democratico statu (g) rarò solet fieri. Quia præter populum nullus hic alius ordo est adversus quem multitudo præmunire se cupiat. Tamen etsi, ne ordinum populi singulorum jura mutantur, aut violentur à Magistratibus, id etiam in popularibus imperiis excipi solet atque conducit.

(f) SUPRA. Cap. præced. IX. §. 10. & seq. ubi diximus. De rebus divinis c. XXII. *Auctor* disquirat.

(g) IN DEMOCRATICO STATV. In Monarchicâ non potest, nisi cum alio Statu mixtus

fit; In Aristocraticâ secus: nam ita videmus in Comitibus quoque Germanicis, quæ Collegii Aristocratici modum habent, de pluralitate suffragiorum, quòd illa in aliquibus attendi non debeant, variè disquiri.

CAPVT. XI.

*Quo probatur, idem quod pars major potest in
Democratia, etiam posse Reges & optimates.*

ARGVMENTVM.

Constituatur hypothesis populi democratice gubernati ac tadio confusionis uni vel paucis Imperium deferentis. Eo ipso quod desinit populus velle congregari & facultatem regendi civitatem transfert, non posse fieri, quin potestas eorum in quos illa facultas translata est, sit eadem, qua transferentium fuit, quia surrogatum habet naturam sui surrogati; & jura translata nihil quam situm & personas mutant. Utique si nihil sit dictum, ex quo possit intelligi, populum ministerio duntaxat eorum, quos constituit in certis minoribusque negotiis, uti voluisse; in qua specie non Jus Imperii sed modus administrandi mutatur. Imperio igitur simpliciter translato, Imperantes singulos vel paucos nihil habere superius, ne totum quidem populum, quia in Democratia pars major sine dubio absolutè superior est: Idque pluribus firmatur. Denique mutua subiectio populi & Imperantium refutatur.

I.

CÆterum popularia Imperia inprimis majora, omnibus seculis plena confusionis & turbarum fuere. Quas ut evitarent pleræque gentes jus imperii certis hominibus, iisque vel singulis vel paucis, concedere maluerunt. Unde Aristocratia, aut plerumque Monarchia. Jus, inquam, quod populus in Democratia habuit, hoc omne Regibus aut optimatibus simpliciter Reipublicæ impositis detulerunt, dederunt. (a) * Ipsorum autem Imperium in consensu plurium consistebat. Quicquid igitur pars major populi potest in Democratia, id necessariò possunt Reges & optimates. Quod cum pro fundamento eorum, quæ sæpe dicuntur, habendum sit, est quod bene observetur.

* *Hobb. c. 7. §. 8.*

(a) **DEDERVNT.** Quod tamen non ita accipi debet, ac si *Majestatem* habuerit populus *formaliter*, dum Regem constituit. Quod si etiam Populus Statum Majestaticum & Democratiam antè habuerit; tamen & sic erit *distincta* Majestas, quam ille Regi confert, mutato in Regium Sta-

tum Democratico. Non etiam dicendum est, quòd solum Populus constituendò Regem amittat *rationem* unicam *exercendi Juris sui*, ut Auctor §. 2. *h.* loquitur: ne quis putet, *radicem* Majestatis vel *habitum* ejus adhuc post constitutum Regem in Populo residere. Equidem quod à plerisque

risque receptum est, ut populus sive *Civitas*, ut alii efferunt, *subjectum commune*, Rex verò *proprium* Majestatis sit, agnosci utique non debet. Videtur quidem *H. Grotius Lib. I. de J. B. & P. cap. 3. §. 7.* distinctionem hanc ita explicare, ut ea nil periculi Statui publico, & cumprimis Majestati Regis, inferat. Quòd si tamen *Eundem*, in *Lib. II. c. 9. §. 8.* juncto *Lib. II. c. 4. §. 16.* inspicimus, sententia ipsius falsa penitus est, quando dicit: Majestatem *radicaliter* esse in Populo, & in eò semper *actu primò* sive *habitu* perdurare; licet quoad *actum secundum* (& ita ferè *Auctor* cum *exercitiò suò*, *§. 2. b.*) tunc quidem quando Principem habet, seu Caput seu subjectum proprium, quiescat: quem in sensum simile istud de *visu Ipse* evolvit; quando hujus subjectum proprium esse oculum, commune verò corpus hominis esse, ait; & sic cum Majestate in Rege & Republica se habere. Videlicet (1) non protinus ea, quæ à natura petuntur, in moralibus argumentum concludendi tribuunt. Imò (2) Corpus subjectum visus non est; sed homo, vel potius anima sensitiva: eò quòd corpus in se facultatibus illis planè destituitur; nisi quòd anima sensitiva absque organis operari nequeat: Et tamen si anima recesserit à corpore, visus quoque & ipse perit. Sic etiam, mortuò Rege, Majestatis nil superesse poterit in Populo. Et quidni musæum dicere posses, eadem ratione, subjectum eruditionis. Illud tamen concedi potest, Civitatem esse *subjectum denominationis*, quatenus Civitas Majestatica Magistraticæ opponitur; ut tamen Majestas non sit in parentibus, tanquam subjecto *inhesionis*, ne quidem communi; sed in Rege: ut proinde hæc denominatio non nisi *extrinseca* sit; ratione scilicet Statûs Majestatici, quem *Parentes* habent in Principe. Idem est, si dicas Majestatem populum denominare *terminative*; sed non *subjectivè*. Itaque (3) denominatio hæc im-

propria, nec solum inadæquata est: cum populus Imperii, ubi Rex adest, capax haberinequeat; & Majestas fundamentum sit Reipublicæ non nisi ex parte *Imperantium*. Exhinc *Pufendorff. Lib. VII. c. 6. n. 5. 6.* quando Regem universò Populò superiorem, & tamen in *Lib. VII. c. 5. n. 3.* Principem subjectum Majestatis proprium esse, tradit, exponendus est. Nam ille nimius quoque in eo ad *Hobbesii* hypothesin esse videtur, quoad *voluntatem populi* in Principem translatam: (quâ ratione putant subjectum *proprium* esse partem Civitatis rationalis, cujus *voluntatem* tanquam *totius Civitatis* valituram decreverit Universitas: subjectum verò *commune* esse *omnes Cives*;) quæ tamen sollicitè ubique limitibus suis contineri debet; sicut ad *cap. præcedens* distinctè ostendimus. Interea terminis hisce subjecti communis & proprii Majestatis certâ ratione usi fuimus, in doctrinâ *Juris publici Imperialis*, quando v. c. in Jure Bellum decernendi cæterisque, *potentiam* magis Imperii quam potestatem respicientibus, (quæ potentia quidem in Imperio R. G. citrà exemplum aliorum Regnorum, tota ad Statûs pertracta est:) subjectum *commune* diximus constituere *Statûs Imperii*, *proprium* verò *Cæsarem*: quâ tamen ipsâ hypothesi nil videri debet Majestati Imperatoris decedere, quò *virtus* ei imminuatur. Est enim *ratio formalis* Majestatis in *potestate* magis quam in viribus; modò his uti possit Majestas quâlibet ratione, ad potestatem eam exserendam: licet de cætero Majestas finè potentia aut viribus, eisquæ idoneis, ad majorem Statum, dari aut subsistere non possit, (ceu non juvat claudum ad eundem, qui *potestatem* eundi habet, sed non *potentiam*.) Quòcirca etiam illa Majestatis jura, quæ ad *potestatem* in se respiciunt, *majora*; sicut cætera, quæ iisdem in subsidium veniunt, & nervum agendi conciliant, *minora* non immeritò appellamus.

II. Essentia, inquam, popularis imperii consistit in voluntate atque consensu majoris partis, cui pars minor identidem subjicitur. Ne quis cavillettur, totum populum esse majori parte superiorem. Imperium enim in populari Statu non nisi in prærogativâ majoris partis identidem suffragiis detectâ consistit. Sed pertæsus discordiarum populus, quibus in democratia est obnoxius, desit velle certare suffragiis:

giis: & Imperium ita sæpè defert aliis, ut multitudo nihil sibi reservet, neque de summâ Republicâ amplius arbitretur. Quod argumento est, illum abdicasse semet Imperio, amissâ ratione unicâ exercendi juris sui. Quod amissum jus non est nec potest alibi esse quam penes eos, quibus id populus datum voluit, expressè, vel tacitè, saltem videndo & experiendo. Nec omninò illud jus aut minus aut majus esse potest, quam fuit apud multitudinem prærogativâ suffragiorum ad Imperii vim discretam.

III. Quo tamen loco monita duo limitandi causâ prætereunda non sunt. Primo, translationem illam Imperii non semper adeò liquiddè claroque multitudinis consensu fieri. Sed patientiam sæpius & taciturnitatem longi temporis pro consensu haberi, qua de re plenius in loco. (b) Dein, argumentum juris, quod à democratia ducitur ad Monarchiam, locum habere, quoties in translatione imperii nihil secus exprimitur. Quod an omninò & quo pacto fieri possit, brevi mox videbimus.

(b) *PLENIUS IN LOCO. cap. XXVIII. & XXXV. Lib. II.*

IV. Nunc super fundamentum recens collocatum id stabiliemus, quod multorum contradictioni obnoxium est. Falsum esse, quod populus universus semper suis Principibus superior sit, (c) aut Rex sit quidem singulis major, at minor universis. Nam ut pars major populi nullam suprâ se potestatem agnoscit, ita Principes (sub quibus & optimates comprehendo) simpliciter recepti nihil habent superius. Hæc de voluntariis Imperiis; ne jam de violentis & jure belli fundatis loquamur. Talia enim non modo imperium absolutum sed & dominium (d) in bona & corpora civium complectuntur. Sed nos fundamentum Imperii, quod originem à voluntate populorum habuit, indagamus.

(c) *SUPERIOR SIT.* Sunt enim qui tradiderunt, Principem quoque *pænam* posse dare *Majestati reali*. Rectius *J. F. Hornius Lib. II. cap. 10. Pol. Arch. §. 15.* ubi quòd in Principem non valeat populi nec judicium nec bellum.

(d) *SED ET DOMINIUM.* Differunt utique Imperium & dominium, quod *Imperium* respiciat hominem, per rationem Imperii recipiendi

capacem; sicut *Dominium* res hominis sive bona respicit; indeque Imperio obedire dicimur: quod de bonis enunciari nequit. Est quoque discrimen in eo, quòd qui personæ Imperium habet, ei quoque res saltim in loco subjiciantur; cum vicissim ex dominio Majestatis potestas in res cujusdam, non etiam Imperium in personam, argui possit. Cæterum non minùs in *voluntariò* Imperio bona & cor-

& corpora civium subiecta sunt Principi, ejusque Imperio absoluto, h. e. pleno (vid. §. 7. b.) & vel *extraordinario*, (scilicet extrà negotia *assidua* seu *ordinaria*, in his quæ ob imperiosas *necessitatis* publicæ rationes locum illi Imperio faciunt :) quod

Manum Regiam sive Imperium & dominium *eminent* appellamus. Et quæ bello fundantur Imperia, modò legitima fiant per ratihabitionem sive agnitionem populi, non aliâ Majestate, quàm hâc ipsâ, quam imperia voluntaria habent, uti possunt.

VI. De Optimatibus magni numeri adeò mirum insolensque non videtur, eos habere totum jus universi populi; atqui in paucis & singulis, evidenter eadem est ratio, videlicet, translatione summæ potestatis in hos & illos simpliciter facta, ut nos supponimus. Quin imò quod magis est, etiam fieri posse putamus, ut populus se volens dedat in publicam servitutem, omniaque imperantibus, bona quoque & corpora sua permittat. Idque à populis totis aliquando fuisse factum, historiæ testantur. * Siquidem singulos homines hanc suimet habere potestatem Jure Hebræo & Romano (e) constat. Imò ex iisdem docemur, esse gentes, quæ molliori imperio haberi neque possint nec optent. **

* vid. Grot. l. 1. c. 3. §. 8.

** Justin. l. 38. c. 2. Tacit. 33. Annal. c. 34. vid. Grot. d. loc.

(e) HEBRÆO ET ROMANO. vid. Exod. XII. v. 7. 8. L. 5. §. 1. d. Statu hominum. L. 6. §. 5. XXI. v. 2. XXXI., 6. Lev. XXV. v. 39. 2. Chron. de injusto, rupto, & irrito testam.

VII. At tamen id facilè largimur, in universum æstimanti non esse præsumendum, quod populus sui juris ultimo servitio mancipare se voluerit, verùm hoc palàm liquere debet. Quippe libertatem corporum & patrimonia familiarum eos citra communis boni causam Imperio exempta voluisse non potest dubitari. Cujus enim servandi causa Imperium stabiliverunt, id Imperio quærendo abdicare voluisse credi non debent. Sed Imperio simpliciter uni vel paucis concessio, summam & absolutam potestatem, non modo in singulos sed etiam super universos (f) esse delatam nobis certi juris esse videtur, sub ea limitatione, quam antea collocavimus.

(f) SED ETIAM SUPER UNIVERSOS. Quid verò quiddam Schifordegheus in Lib. III. ad Ant. Fabrum tr. XIX. qu. 11., cum Magistrò suo, tradit, plus posse Principem, quàm potuit Populus: quia possit imperare non modò singulis, sed & universis: Quod ideò non potuerit populus, quia ne-

mo sibi ipsi imperet, ac potestas populi fuerit universi. At verò potestate seu Majestate superior in Democratiâ non detur. Anxius est in eo *Limnaeus* Lib. I. §. P. c. XII. n. 112. seqq. Sed brevibus dici potest: non esse supponendum populum, ut est in Statu Regiò, qualis fuit in Democratiâ. In hac

P

univer-

universus imperabat; nunc non amplius: quia potestate suâ semet abdicavit, & voluntatem *ne quidem majoris partis* imposterum amplius obtinere voluit: quâ ratione cum *evacuata sit cum voluntate potestas* illa, nil superest, quàm ut universis sive majori parti, nunc in conditione merâ parendi posita, Princeps imperet. Nihilominus inde educitur, sicut *Auctor in §. 7. in fin. item §. 8. universos* accipit pro omnibus *singulis*, (nec enim *universis* imperatur in Democratiâ, quâ major

pars illos repræsentat:) Ita vinculum obligationis non in omni genere Civitatis eodem modo se habere: nec *foedus* illud, quò majori parti se *subjicit minor* in Democratiâ, idem in *diversis formis* obtinere. Nam quòd ex Democratico statu non nisi ostendi possit, *pactò Majestatem constitui*; de cetero autem in *Monarchiâ subjectionis diversa* & *amplior ratio* quàm in Democratiâ occurrat: illud in *seqq.* ostendetur.

VIII. Ejusmodi vim Imperii, qua & singuli & universi constriungantur, in Democratiâ nemo recusat. Nec videas illam homines negare in ejusmodi civitatibus Aristocraticis, ubi ingens numerus Imperantium habetur, velut hodie Venetiis & in Frisiis. Sed qui summam rerum pauci vel singuli tenent, hi controversiam patiuntur. Quod argumento est, invidiâ insolentiâque parendi magis, quàm juris ratione plebrosque hominum agitari in contrarium. Quippe vinculum obligationis in omni genere civitatis, quæ simpliciter instituta est, eodem modo se habere, jam validè ni fallor, demonstravimus.

IX. Prorsus enim quod foedus in Democratiâ singuli cum singulis ineunt cives, quo se parti majori spondent parituros, id in diversis formis super placitis principum & optimatum fieri palam est. Nec omnino aliter populus suum finem adsequeretur, quem fuisse docuimus, ut voluntas omnium, quod ad publicas res, una fieret; adeoque Imperantium voluntas singulorum è populo & totius populi voluntas censeretur. Quin ubi jus suum singuli transtulerunt, manifestum est, quod ipsi semet potestate privaverint. Exceptis iterum illis, quæ tacitè aut expresse Imperio submittere noluerunt.

X. Porro ex eodem fundamento sententia illorum evertitur, qui mutuam subjectionem (g) inter populum & imperantes existere volunt. Ita ut populus universus rectè imperantibus parere debeat; principes autem male imperantes populo subjiciantur. Quod in thesi atque in Imperio nullis conditionibus limitato falsissimum, omnisque confusio- nis flabellum esse potest; quippe controversiis omni die futuris, utrum bene an male publica res gereretur, quæ nec iudice alio quam ferro decideri possent. *

* *Vid. Grot. lib. 1. c. 3. §. 9.*

(g) MUTUAM SUBJECTIONEM. Inaudita hæc est *sententia*, si ad tractum omnem Imperii eam referas; adeò, ut ne quidem illam instruat *libertas obsequii*, quam *Boxhornius Lib. I. Inst. Pol. integrò cap. tuetur*. Itaque *Auctor* in *seqq.* illam mitigat: quòd Princeps tunc solum Populo subji- ciatur, quando malè imperat; quod tamen cum & ipsum asseri non debeat; ne quidem si hanc do- ctrinam cum Ipso in Imperiis admittere velis, quæ e conditionibus *limitata* sunt: Ideò potius illa sub- jectio mutua penitus rejicitur. Utique in Regnis etiam, quæ *Commissi* clausulam habent, (quæ ta- men *improprie* talia sunt; & non nisi Statum *Ma- gistraticum* referunt,) ne quidem asseri potest sub- jectio illa mutua. Sed solum si Magistratus ille in- justa & legi adversa imperet, nil aliud inde, quàm *detrectatio obsequii* procedit; (non etiam mutua

subjectio,) & si quælibet pervertat imperans, ab- rogatio Magistratus. Hinc in *limitatis* Imperiis, (quibus ideò non protinus clausula commissi in- est; cum & *verè Majestatica* sint,) non desinit ef- se Rex per imperata, quæ injusta, vel legibus con- grua non sunt; sed solum *efficaciâ* quoad actus illos iniquos destituitur, idque ex *antecedenti ipsius Prin- cipis*, hoc ita promittentis, *voluntate*. Quis enim dubitet, *Cæsarem* v. c. Majestatem habere; & ta- men si iniqua imperat, non protinus Majestatem amittit, nec per hoc subjicitur populo; quippe in quò, & vel in eò subditò, cui quid iniquum in- jungit, *Imperium* propterea non enascitur; quod tamen necesse foret ex hypothesis *Auctoris*, de sub- jectioe mutuâ. Quod verò objici potest: Princi- pi fidem frangenti, vicissim eam à populò servan- dam non esse: illud facile discutitur.

CAPVT XII.

Quo rationes contrariæ examinantur.

ARGVMENTVM.

Primum argumentum, quod constituens necessario sit superior constituto, & alterum, quod Reges sint propter subditos, ideoque inferiores, refellitur, ut & Tertium Junii Bru- ti, quod è sacris, ubi de fœdere Dei & populi agitur, petitum est: non sequi, populum pro delictis Regum judicio divino esse obnoxium, etsi occasione illorum affligatur.

I.

ARgumentum, quo dissentientes utuntur, quod is, qui alium con- stituit, superior sit constituto, (a) neutiquam universale est. Fal- lit enim in his, quæ primo voluntatis, postea sunt necessitatis, ut in eo qui se domino sponte mancipat, (b) omnique die in matrimonio vi- demus, quò mulier eligens virum non desinit inferior esse electo.* Nec firmiorem illud habet sequelam, *Reges sunt propter subditos*, (c) ergo *hi sunt superiores*; quod vel pupilli & tutoris exemplo refutatur.

* *vid. Grot. d. cap. 3. §. 9.*

(a) SUPERIOR SIT CONSTITVTO. Huic jam respondit *H. Grotius lib. I. c. 3. §. 8.* Scilicet constituere is quoque dicitur, qui per relationem constituit; ut filius constituere dicitur patrem; aut

qui juxta se, ut socius socium. Quamvis autem populus *Majestatem* Regi tribuat. Tamen per il- lam Populò superior deinceps existiturus est, post- quam *Majestati* illi se Populus subjecit: ut nil aliud

penes ipsum; post constitutionem illam; quam *obsequium*, idque ex voluntate populi non modò, sed etiam dehinc ex tuitione supernâ Dei, super Rege constitutò, in his qui eum constituerant, imperfecti; (unde *characterem divinum* obtinet. *Jos. III., 7. Judic. III., 10. 1. Reg. X. v. penult.*) nec infrâ se Regem, sed *suprà se*, constituit. Imò non solum ei *Majestatem consignat*, verum etiam illi *se universum subjicit*; per quod in esse Regis ex Majestate non collatâ solum, sed & *subjectionem sui* constituitur.

(b) MANCIPIAT. Itaque & *subjectio* requiritur. Quòd autem *se in servitutem* penitus quis dare possit, quod magis est, quàm *civilis* subjectio, H. Grotius II. V., 27. seq. evincit: ad operas scilicet, quæ præcisè ad alterius utilitatem pertinent. Nam *vitam* alii subdere, nisi ob *universorum salutem*, (& ne hoc quidem simpliciter,) non possumus.

(c) REGES SVNT PROPTER SVBDITOS. Exemplum pupilli & Tutoris, per quòd *Auctor* respondet, in eò est, quòd Tutor sit propter pupillum & pupillò tamen superior. Si excipias, posse tamen tutorem malè administrantem *removeri*; & sic etiam Regem. Respondendum est, hæcenus esse disparitatem, quòd pupillus tutorem non removeat, sed tutore superior; Rex verò superiore non habeat: nec progressus in infinitum evitari posset, si non *Deum* solum Regi incumbere dicamus; cujus & *Vicarius* est, Cæterum qui *alterius gratiâ* est, ut ei *inserviat*, sicut uxor in *auxilium* marito venit: 1. Cor. XI. de eo dici non potest, quòd dominans, vel eò in ministerium utens, sit auxiliante illò inferior. Deinde, quod ex Canone philosophicò dicitur: *Propter quod unumquodque tale est, illud magis tale est*, Atqui Rex imperat propter populum: ergò populus magis imperat. Illud facile refellitur. Procedit enim Canon, si & ipsum, propter quod quid tale est, sit ejusmodi, ut prædicatum consequentis vel *forma* possit tribui illi, quod causa dicitur; & quidem ut non competat ei per accidens, ratione *effectus*, sed ut possit fieri reflexio per *id quia*. v. c. Luna est lucida propter solem, quia sol est lucidus: ergò sol est magis lucidus. Jam verò non sequitur, Rex regit populum, quia populus regit: (hoc enim falsum est) ergo populus magis regit. Sic & *id* magis exponitur à Philosophis, ut non

denotet intentionem, sed *certitudinem*, putà: illud magis h. e. certius tale est, quòd v. c. sol sit lucidus. Sunt & alia, quæ hîc obijciunt Auctores *Monarchomachi*, cum *Brutò* suò: scilicet, quòd non credendum sit Populum hoc intendisse, quod tanta secum trahat *incommoda*; qualis est absoluta in Rege potestas. Resp. Imò *incommoda majora*, ex sententiâ adversâ exoritura sunt: Et quid non in rebus humanis sine incommodo? Præstat verò habere Rempublicam aliquam, quàm nullam. Quin & superius munivimus securitatem Populi, saltem *universi*; etiam adversus Regem difficilem. Ulterius, quod vita est, ajunt, in homine: illud potestas est in populo. Resp. quatenus Populus ipse Imperium retenturus est. Cæterum vita est in Principe, quem sibi superimpofuit, & actus essentia Statûs Majestatici. Quòd verò Libertate suâ quis abdicare se possit, vel potius *voluntatem suam*, seque & res suas, *subjicere* alii, & quâ ratione *Majestas* in electo conficiatur; de eò hîc denuò disquirere supervacuum est. Non etiam facit pro *dissentientibus*, quòd *Majestas* sit *inalienabilis*. Resp. non est in patrimoniò Regis, invitò populò; sed non impedit tamen, ut *populus* Majestate se abdicet, quam ipse in dominio absolutè habet. Si porrò urgeas, Regem *ad rationes reddendas teneri*, ceu *mandatarium*. Dicendum est, non gerere Principem negotia *singulorum*, nec mandatò agere, sed suâ voluntate, & ut dominum Imperii: nec enim Imperii quid est in populò amplius; indeque nec ille mandantis locum habet. *Universis* verò tunc ad rationem tenetur, si universos *eversurus* sit; aliàs Deo ad rationes tenetur, non multitudini, seu populo; ne quidem *universo*, cum hîc *totus* illi subjectus sit. Quamvis etiam pacto Majestas tribuatur, idque non minus ubi *simpliciter* imperium defertur, & *citra modum*; sit quoque non tantum *inter singulos* cives, qui se obligant ad obsequendum Regi, sed & *inter subditos*; etiam *universos*, & ipsum Regem: nam hoc negari non potest nec debet. Tamen abhinc in *facto* esse Majestas non dependet amplius, eò quòd pactum illud *abdicationum* sit. Quid verò si quis *Auctori* objiceret, dum ille Majestatem Regi collatam ex *statu Democratico* petit, ut Rex id possit, quod potest *Major* populi *pars*: ita fecuturum esse, habere quidem Regem potestatem in minorem partem populi, sed *non etiam in majorem*,

jorem, nedum in universum. Ita verò non poterit in eâ persistere *hypothesi* Cl. Auctoris, quicunque Regis Majestati prospectum voluerit. Quin potius dicendum est, non pendere Majestatem Regis ab universitate statûs Democratici, nec inde rectè educi posse. Nec enim ea est in Democratiâ fundandâ voluntas singulorum, ut Monarchicè sibi imperetur; sed potius semet singuli subdiderunt votis universorum, in Polyarchia. Quare si Statum in Monarchicum mutari oporteat, denud singulorum voluntas in hoc obtinenda, vel singulis abscedere liberum est. Non enim placuit hoc singulis, ut major pars debeat formam Reipublicæ commutare posse. Nunquam igitur Major pars Regi potestatem deferre potest, sed singulos id facere oportet. Rursus, non defertur per hanc Potestatem id solum, quod Major pars potuit in partem minorem; nam ita Rex majori parti imperare non posset: quicquid sit, quod major pars suo cesserit imperio; quippe quod simul etiam quærendum sit de subjectione, & quisnam se ei potestati, quæ majoris partis potestati succedanea est, subjecerit. Videlicet major pars in Democratia non imperat tantum minori parti, sed imperat sibi ipsi, quâ in illâ parte singuli sunt: ex quò sequetur, majorem partem imperare etiam omnibus ac singulis, qui de universitate sunt. Ita verò non ceditur Imperium solum majoris partis in minorem Regi constituto; verum etiam imperium in se ipsos, qui in majori parte sunt, & ut singuli etiam considerantur. Hoc est, quod in Populo Romano contigisse dicitur per Legem Regiam, quod is Principi potestatem suam, eamque in se, populum quoque, dederit, & quidem, quâ nunc non modò ut singuli tantum spectantur, sed ut universi; ut cum universitas Imperium in majori parte tenuerit: nunc etiam ipsa universitas Regi subjiciatur. Consonat 1. Sam. VIII., 7. 9. 19. IX., 16. 17. X., 1. XII., 17. Ex quo sequitur, Regi omninò rat. obsequi plus deferri, quàm in Democratiâ; vel saltem aliud obediens subjici, quàm in Democratia fuerat. Nam in hac universitas imperabat; in Monarchia etiam hac subjicitur. Major pars non imperavit Universitati, quippe ipsa Universitas repræsentativa. Sed Rex imperat & singulis etiam in majori parte, & ipsi parti majori. Indeque inania sunt, quæcunque Cl. Auctor majori parti Democratix superstruit vincula securitatis pro Imperio Monarchico. Hinc

etiam, cum difficile sit, ut unius voluntati Populus morem gerat, plura Reges cum Proceribus, ut ut hi non minùs subditi sint, communicat; nil cum plebe seu populo reliquo *Optimates*. Non potest minor pars in Democratiâ resistere parti majori; sed universi possunt facilè Regi; nisi hic vim Imperii, saltem jure, in totam universitatem, & sic non modò Imperium universitatis, sed & in ipsam universitatem teneret, qualis in Democratiâ fuerat. Proinde nec sufficit, si dicamus Principem esse æqualem universis, ut est facies in speculo, sicut ap. nonnullos reperitur. Nam Princeps quidem repræsentat universitatem in imperando, seu totam Rempublicam, maximè versus Respublicas alias; sed cum Majestas ex parte alterâ subiectionem intrâ Rempublicam exigit: non potest dici id solum posse Principem, quod populum, etiam universum, quâ nunc imperio exutus non solum est, verum ei se quoque subjecit. Aliàs solum equalis foret universitati, non superior. Et duntaxat imperaret in ipso universitas, non subjiceretur ei; sicut in Democratiâ universitas tantum imperabat, nec subiecta fuerat: adeò ut Rex non solum subintraret locum universitatis. Idem est in Oprimatibus, quando Aristocratix Monarchia succedanea est.

Illud quæritur, an Princeps quâ privatus haberi potest, sit sub publicâ sui ipsius potestate? Equidem Civis in Democratiâ, ut singulus, subest sibi ipsi ut universo, quatenus in majori parte constitutus est; indeque à se ipso cogi potest. Dicendum est, in civilibus, quoniam se ipsum ut privatus est, exemisse censetur, (statuta verò localia ipsum multò minùs attingunt,) non posse ipsum censi sub potestate esse, imo exemptione ipsum non indigere, quia in his extra sortem privatorum initio constitutus est, eò quod civilia omnia solus & totus sustineat. In cæteris autem cum cesset respectus Principis, idè sub potestate publicâ, quæ nulla est alia in Civitate, nisi Principis, omninò consistet: atque hæc etiam valet in promovendâ necessitate negotiorum, quæ ex Naturali vel Gentium Jure pendent. Hinc procedit, quod Principes, ut privati, faciant de causis suis, quas cum civibus habent, per Judicia Civitatis, quæ ab ipsis pendent, cognosci atque se condemnari. Sed si Princeps hoc etiam non velit sponte, nec etiam sponte præstet judicatum: nemo extra ipsum est,

est, qui eum *cogat*; secus atque in *Optimatum* vel quolibet Statu *Polycratico*. Nec tamen ob hoc neganda est *Potestas* Principis in se, ut *privatum*. Nam per hoc *potestas* non cessat, quod *invitum* executioni non detur. Manet *potestas* etiam cum sponte quis ei obtemperat, & hoc ipsum quoque obsequium non aliud est, quam *subditi* cujuslibet *alterius*. Estque coactio solum refractoriorum;

sed obediētes potestatem non minus sequuntur. Denique *ut Princeps* sibi non tenetur Princeps, & nullibi *Majestas*, in Rebus publicis quoque *Polycraticis*, tenetur *sibi*: cum obligatio alium cui obligemur desideret. Planè *Magistratus*, qui ut *privatus* tenetur sibi, si non sponte pareat potestati publicæ, quam Ipse tenet, à *Principe*, quasi cessante *subalternâ*, cogi potest.

II. Plus valoris inesse videtur petito e sacris literis argumento, ubi foederis longe alia, quam nos collocavimus, ratio tradatur.* Fœdus esse *inter Deum, populum & Regem, quod futuri sint populus Dei*.** Cuius sanctio sit, *si perseveraveritis in malitiâ tam vos quam Rex vester peribitis*.*** Duos hic esse volunt reos promittendi, qui in solidum singuli obligentur, Regem & populum; nempe universitate hominum unius personæ vicem sustinente. Regem igitur, si populus legem Dei viollet, teneri ad hanc promissionem integre præstandam: Proinde ad cogendum quoque populum, uti stet promisso, puniendumque, si qui fidem rumpere sint ausi. Quod si negligat Rex, ita juris esse, ut ipse culpâ totius Israël teneatur. Quippe inter duos reos ita leges dictare, factum alterius ut alteri noceat.**** Sic populum quoque, deficientem Regem quasi e fuga retrahere & coercere debere; eadem ratione ni faciat, fore ut populum delicta Regis luere oporteat, ut contigerit in perfidia Saulis adversus Gabaonitas, & Davidis in censu populi aliisque similibus.***** Qui ad promittendum, is etiam tenetur ad præstandum; qui ad hoc is ad media quoque jus habet. Absurdum fore, si populus ad præstanda luendaque Regis facinora teneatur & impedire illa non possit; cum ultra id quod potest nemo teneatur.

* *vid. Jun. Brut. Quest. 2.*

** *2. Chron. c. 23. v. 16.*

*** *1. Samuel. c. 12. v. 16. 17. & ult.*

**** *l. pen. π. d. duob. reis.*

***** *lib. 2. Samuel. c. 8. & ult.*

III. Ad hæc nos ita; videri quod Samuel populum cohortatus non sit, ut fœdus cum Deo initum adversus Saulum exequeretur. Quod quidem facere debuisset, si plebs tanta sub pœna ad hoc ipsum teneretur. Miram videri stultitiam Davidis, qui Regem impium, cum posset,

set, tollere sit veritus. Planè id verum est, populum vi fœderis cum DEO pacti, non debuisse Regibus obedientiam, in tantum, ut contra leges ipsius delinquerent. Sed nihil profertur, quare populus debendi reus in solidum fuisse dicendus sit. Quippe in delictis contra leges admissis obligatio ad pœnam non egreditur personas delinquentium. Quæ tam juris divini quam naturalis & civilis notissima regula est.* Sed neque in contractu à pluribus inito, alia quam pro parte virili actio, in singulos nasci solet. Nisi expressè quilibet in solidum se voluerit obligatum. Quod in fœdere DEI cum Israëlè non legitur conventum. Sanè obligatio fœderis quemque non tantum pro se, sed & pro iis, quos habebat in potestate, devinciebat. Quatenus ipsorum neglectus argui posset. Unde parentes pro liberis, domini pro servis, Reges & Magistratus pro subjectis meritò tenebantur; Si non omni modo, etiam manu & vi suorum impietatem cohibuissent. Non quod ex illorum delictis, sed ex proprio peccato, conniventiae exitiabilis contra officii sui rationem, tenerentur. Non'eadem ratio vicissim liberos pro parentibus, servos pro dominis, subjectos pro imperantibus, faciebat obnoxios; Eò quòd vi & armis adversus eos, quorum ipsi in potestate erant, experti non essent. Siquidem ipsa res loquitur, diversam utrinque esse officii rationem. Populum utique infontem, ob peccata Regum fuisse punitum, nusquam probatur. Nam vix est, ut in exemplis modo projectis & si quæ alia publicæ administrationis delicta in plebem expiata sunt, reliqui se non participes, etiam committendo, fecerint.** Quanquam si maleficia publica eorum, quos sibi rectores imposuerunt, temporalibus malis (d) in populum redundarent, id ab hominibus injustum censerì vix posset. Cum hoc, more nec non jure Gentium omni die fiat & exerceatur, ut facta Imperantium civitas præstet.

* Deut. 24., 16. Exech. 18., 20. 2. Reg. 14., 6. 2. Chron. 15., 5.

** vid. Grot. l. 1. c. 2. §. 10. in fin.

(d) TEMPORALIBVS MALIS. Ad duo ergò redit responsio Auctoris. Unum est, quòd populus propriæ culpæ pœnam subierit; non quasi culpa in eò fuerit, quòd debuerit Regi impio resistere, aut non debuerit connivere. (Hoc enim pugnaret cum eò, quòd in fine §. 4. habet Auctor;

& repugnaret ipsi Majestati, quæ redargui, & ad rationes cogi à Populo non potest.) Verùm quòd non debuerit propriis moribus imitari, & sic probare actu positivò, peccata Regis. Nam & pestem ac famem esse mala, quibus Deus populum visitavit ob alia peccata, quorum materia in

in hōc ipso non defuerit, etiamsi Deus ad *maleficium* personale Regis non respexisset. *Alterum* est, quō utitur, in his exemplis, ubi approbatio ejusmodi *positiva* in populo non apparet. Sic enim sufficere putat *Auctor* cum *H. Grotio*, quōd Deus in Populum quoque *innocentem* possit uti Dominiō supereminente, quō valet in vitam singulorum, quam eripere potest homini, ex mēro beneplacitō; saltim ut Regem affligat: cui grave est subditis orbari; quippe quōd subdito per hoc non nisi malum temporale inferatur. Quamvis etiam, licet publica scelera, vel saltim publicē, non appareant, potuerit tamen Deus etiam occulta illa crimina in singulis ex populo simul & semel coercuisse; per quod nec dum sequitur, facta imperantium *cives* hāc ratione pręstare oportere. Imō non sequitur: punitus est populus scelerati Regis, ergō Regem populus ipse plectere debuisset. Quidni enim, nisi aliter Deo visum fuerit, Ipse mortem accelerare Regi, qui soli Deo peccaverit, posset. Equidem non aliud est in *federe* memoratō, quā quōd Deus & Regem & populum *pium* sibi que *morigerum* habere velit. Sed nullibi habetur, quōd populus, si non *corrigat* Regem, puniri propterea debeat divinitus; quanquam Rex pœnæ Divinæ, ex *conniventia* in populum peccantem, reus fieret; exhinc, *quamvis cetera innocens, juxta populum* puniendus. Differunt autem propositiones illæ duæ *Adversantium*, Regem & Populum esse duos correos *promittendi*; & Regem ex *indole* Reipublicæ, *citra promissionem* Deo factam, teneri *pro populo*, populum *pro Rege*; quod *posterius* oporteret illos probare; in quolibet scilicet Imperiō illud reperiri. At verō ut *populus pro Rege* respondeat, quem tamen redarguere & corrigere non potest; sed difficilem quoque & injustum pati debet: postulatum iniquum nec ullibi fundatum est. Prius etiam, quasi Rex & Populus Dei facti fuerint Deo *correi ex federe*, non habet Scriptura. Quōd autem fieri illud non potuisset, aut non possit, (quā

quis Rege & populo, cui uterque teneri possent, ut Deus, superior existeret,) illud quidem frustra negatur. Quidni enim potuissent *duo rei* in *maleficiis per conventionem* constitui, & nunc etiam possent in his, ubi potest aliquis, velut in *pecuniā*, fieri alterius *pœnæ succedaneus*; quale quid etiam in fidejussoribus delinquentium reperitur. Nec tantum ex delicto plures *citra conventionem* teneantur in solidum, quisque *ex facto suo propriō*; verum etiam hoc *conventionem* fieri potest. Et imō fieri potest omnino, ut correat teneatur in solidum, etiamsi *per illum ne stet* quidem, quō minus alter *foedus* servet; adeoque correi teneantur etiam respectu solum *alterius* negligentiae seu perfidiae. Proinde necesse non est, ut populus correat *directē* solum teneretur ex negligentia seu *facto propriō*. Quid enim, saltim de *correis* mutuo *fidejudentibus*, dicendum foret? Deus verō poterat etiam in populum sumere pœnas ex conventionem, & in *personas* eorum, ceu vitæ earum Dominus: nec inde sequitur, ita oportere potuisse populum *corrigere* corream suam, Regem; nam tale quid *correatas* per se non desiderat, ut nempe non aliter ex sponsione suā correat teneatur, nisi ille facti proprii seu negligentiae reus fuerit. Ex quō infertur, si vel maximē populus hactenus pro Rege spondidisset; tamen ex hoc non sequi, quōd ipse habuerit per hoc *potestatem corrigendi* Regem, eoque existerit *superior*: multo minus sequi, *citra pactionem* illam in istum modum teneri populum, & quidem nunc etiam Deo, in sequelam quasi istius *foederis*: quale tamen nunquam extitit. Denique *exempla* eorum, qui capitis damnarunt Reges suos, examinat *H. Grotius d. l. §. 8. n. 11. & §. 10.* scilicet *facti* sunt partim; & quæ *juris* haberi possunt, non sunt eorum qui summum Imperium, sed solum qui *Magistratum* tenuere; ut sunt Duces & Ephori quarundam Reipublicarum.

VI. Quid igitur? populus ob male consulta Regum & optimatum bellis affligitur; Ergo se consiliis publicis ingerere, neu quid perperam fiat, intercedere potest, manu quoque & vi armatā? Pulchram me hercle jurisprudentiam! theologicum an sit, ut illi volunt, alii viderint. Nonne & David obnoxium se populo, ob adulterium & homici-

micidium fuisse negat, quando *soli Deo peccasse* profitetur. * Negat id D. Coccejus *ad d. v. 6.* Nec tamen id inde non sequitur. (e)

* *Psal. 51. v. 6.*

(e) INDE NON SEQUITVR.) hoc est, licet uti nihilominus *hòc locò* ad inferendum, quòd Rex populo non teneatur rationem reddere; quicquid sit, quòd hác intentione illud non dixerit *David*, nec mens illius fuerit: *Ego mihi ipse Judex sum*: quasi nimirum istud *humiliationi* ejus non conveniat; quin potiùs hoc indicaturus videatur: *Non prodest mihi quòd Rex sum.* Nam si ab hominibus essem puniendus, aliquà ex parte satisfacerem: nunc *ira tua tota mihi incumbit.* Proinde non posset haberi pro eo, qui se elaturus populum sperneret; sed qui gravitatem pœnæ sibi imminenti sentiret. Adhuc enim ex dicto loco sequitur, quòd populo *re ipsâ* rationes reddere obstrictus non fuerit; quamvis ex hòc coram Deo se non efferret, tanquam Majestate pollens & hominibus superior.

Facit plurimùm ad Imperantium potestatem muniendam adv. Populi ausus, Jus illud REGIVM in 1. Sam. VIII., 9. 11. de quò ut exactiùs constet, sciendum est, quamvis *Petr.* Cunnæus I. d. Rep. Hebraeor. c. XIV. putet, Deo non displicuisse simpliciter, quòd Populus Regem postulaverit; sed solum petitionis modum; quippe quòd in Deut. XVII., 14. 15. ipse Deus *Leges Regni* jam dedisset. Tamen verius esse, Deum rem ipsam indignè tulisse: nec idèò, quia Samuelem illi spreverint, aut desiderarint statum, ut fuerat in vicinis Gentibus, aut quia istum ad Religionis mutationem petierint; sed quia amplius Theocratiam sustinere nollent; v. 6. 7. & præcisè dicerent: *constitue nobis Regem*, Samuele inconsultò. Neque etiam Deus Deut. XVII. iusserat, ut Regem sibi unquam facerent; sed cum prævideret fore, ut simul atque terram sanctam occupassent, malò proposito Regem sibi forent postulaturi. Hinc præceperat, ut si Regem omninò vellent, ipsum è fratribus suis eligerent &c. Videlicet non habebat Populus, quando fastidiebat Præfectos Joëlem & Abiam, filios Samuelis, declinantes utique in viis, ut propterea regiminis à Deo instituti mutationem petere debuerint: cum vel emendari illi vel aliter populo prospici potuisset. Postquam verò de Jure illo Regis deinceps

eum populo agendum fuit: non est putandum contineri (1) in descriptione illius d. c. VIII. nudum juris falso prætensi, quasi illud à Deo sit, exercitium; ut est ap. Limn. Sect. 2. Proleg. ad Capitul. Imperat. n. 3. & Nic. Caussin. d. Regno DEI, Diff. LXIX. vel (2) Jus verum & internum Regium; quasi illud solum ibi Rhetoricè describatur: Marc. Ant. d. Domin. VI. d. Rep. Eccles. c. 2. n. 7. Hülsem. c. XX. Breuiar. n. 12. Schok. c. 2. d. L. Regiâ, Schickard. c. 3. d. Jure Regio, theor. 8. Cunnæus, & alii. Cui quidem illa, si ad literam accipiantur, non congrunt cum Officio Regiò; Deut. XVII. miris verò accepta non erant nova aut insolita, etiam in Imperiò Moïsis & reliquorum Ducum & Judicum, v. Exod. XVII., 9. Num. XXXI., 4. Exod. XVIII., 25. XXXI., 2. 6. Num III. IV. XXXV. Et tamen in v. 18. d. c. Samuel. dicitur: *clamabitis.* Vel ut (3) quædam immixta habeat duriora; quæ tamen ob Imperium ac Dominium eminens ad Jus Regis verum referri oporteat; cui quidem extraordinaria quoque & absoluta, seu eminens, illa potestas, jus plenum in casu necessitatis Regium est: quod ipsum officio quoque Regio congruit. Indeque Achabo omninò illicitum fuerat Nabothi licitare vineam: 1. Reg. XXI., 2. necessitate publicâ nullâ existente; sed per abusum Regiâ potestate ad privatam pertractâ. v. Ezech. XLVI., 18. Vel (4) Jus verum & internum herile, ut Zieglerus, Bælerus & quidam alii: quò ordinariè continetur abusus quoque rei suæ. Nam Populus quidem regnari volebat, ut vicinæ gentes; sed non eâ specie Monarchiæ, ut Regi suo serviret: sicut, Salomone mortuò & aliàs etiam, satis ostendit. Sed est Jus quoddam externum, quod rat. formæ significationem modi habet, Scalig. 1. Epist. 15. sed effectum tamen Juris habet inter homines, cui resisti non possit. Indeque etiam iniqua & dura, Regisque officio adversa, continet. H. Grot. I, IV., 3. Nimirum ut si Rex ipsorum, contra delationem & per injuriam, sepositò Officiò suò, talia ipsis illaturus sit, quæ vicini Reges subditis suis: ea ipsos contra intentionem suam pati oporteat. Quò ipsò Sa-

Q

mucl

mucl eos absterre à Statu Regiò volebat. Nam in *Deut. XVII.* de moribus Regis formandis, sed in *1. Sam. 8.* de patientiâ & obligatione Populi agitur; quæ duris etiam præstanda est. *1. Petr. II., v. 18.* Optimè *LXX. Interpretes* Jus Regis vertunt: ὁ δὲ δικάτωρ ἢ βασιλεὺς, quod Tremellio est ratio Regis; Diòdato la maniera del Re! nempe Jus seu facultas: quod jus non statim vel ubique δίκαιον seu justum est; nisi quòd semper tale sit τίτλος justò, & in archivis sacris repositò, *1. Sam. X., 25.* indeque etiam in effectu; hoc est effectum juris quasi

liciti habeat. Neque enim officit expositioni huic, quòd *Rabbini* tradant, Regem vapulare potuisse, si vel mulieres multiplicasset, vel equos, aut divitias ad pompam tentasset. Nam hanc traditionem licet crediderit *Baronius*, ceu quidem ea apud *Rabbinos* (negante hoc *Causaub. Exerc. XIII. m. 5. ad Baron.*) reperitur; vid. *H. Grot. I., 3. 20.* Tamen illam commentum esse, tradit *Salmasius De sens. Regià, c. 2. p. 56. & c. 5. p. 181.* quòdque *Rabbini* Synedrìo nimium tribuant, satis constat. vid. *Selden. III. d. Synedr. c. 9.*

CAPVT. XIII.

De

Summæ Potestatis definitione & differentiâ.

ARGVMENTVM.

Definitur summa potestas cum Grotio. Divisio Majestatis in Realem & Personalem, Delegantem & Delegatam, refellitur, eò quòd potestas summa non nisi una esse possit: ideoque si delegantes acta delegatorum infirmare queant, penes hos esse Majestatem, si non possint, esse eam penes solos delegatos.

I.

Multitudo, quæ nulli subjecta coit in Civitatem, si quod Imperium condant, hoc esse summum, (a) sponte liquet. Neque enim Imperium extra civitatem habet superiorem, ubi ipsa multitudo nullum talem agnoverat. Nec in civitate potest dici Imperium habere quicquam superius sine contradictione. Attamen personæ Imperantium certæ possunt aliquo modo habere superiores, (b) si disertè ita sit constitutum.

(a) ESSE SUMMVM. Nec tamen protinùs *Majestaticum*: imò si *Magistratum* sibi aliquandiu constituat; hujus quoque imperium ab *imperiopatrifamilias*, & rursus hujus, tanquam patris, mariti, aut domini, diversum est: quippe quòd *Magistratus jus vitæ & necis* ex consensu Populi universi teneat; non ita *paterfamilias*, ut inferiùs *Lib. II.* ostendimus. Hic verò de *Majestate* experientum est, quæ ut variè accipitur, ceu *Jac. Gothofr. ad L. 5. C. ad Leg. Jul. Maj.* præ cæteris ostendit:

ita definitio ejusdem *Aristotelica* concisa, & melior est *Grotianâ*, quam hic *Auctor Cl. §. 2.* recipit; quippe quæ insuper quoque *negativa* est: quicquid sit, quòd intelligantur actûs, qui *jure proprio* & *per se* subsistunt. Ne dicamus, *Erenitæ* actûs à nemine irritos reddi posse: nam hic quidem de *Civitate* agitur. Modò quando *Aristoteli* dicitur esse *Summa in Republica*, sive in Civitate, ubique potestas; vocem: *ubique*, non solum de *intensione*, sed & *extensione*; pro variis in Republica objectis,

nec

nec minus ratione *durationis*, quodd sit *perpetua*, accipias. Ex his enim non minus *auctoritas* Majestati, quā talis est, conciliatur; quippe cum quā *Boxhornius*, in definitione suā *Lib. I. c. 4. §. 11.*, Majestatem confundit. Exprimunt quoque rem melius & probius *Potestas*: quō ipsō non tantum *facultas moralis* indicatur: ad quam omnino, & sic ad prædicamentum *Qualitatis*, referre Majestatem oportet; æquē ut jura omnia. Sed etiam, quodd *potentia* ei subternatur: ita ut hæc ipsa primō Majestatem non conficiat. Aliis Majestas est *summa potestas dirigendi actiones civium, & cum iis, qui extra Rempublicam sunt, nomine Civitatis, negotia Pacifica & Bellica suscipiendi, ad obtinendos Civitatis fines.* Et hæc definitio insinuat distinctionem jurium Majestatis, in illa, quæ dicuntur *equiparantia & disquiparantia*: quorum ista sunt, quæ non habent, (nisi in subjectos,) superioritatem, ut sunt Jus Belli, Fœderum, &c. quatenus ad Rempublicam aliam, & *potestatem æqualem*, referuntur, totamque Rempublicam repræsentant. Quodd si unum daretur Imperium, cessarent illa, sed non reliqua jura. Aliis Majestas est *facultas exercendi universa jura Reipublicæ.*

Sunt quidem qui *summitatem* Majestatis, etiam ad *latitudinem* jurium, referunt; secus atque *Aristoteles*, qui hanc ipsam per vocem *ubique* insinuat. Et sane Majestas in quolibet Jure particulari, v. c. Leges ferendi, tota reperitur; ut magis *summitas* ad *longitudinem* sive *independentiam* juris cujuslibet Majestatis pertinere videatur. Ex quibus *Pufendorfium Lib. VII. §. N. c. 6.* interpretari licet. Alii *summam* simpliciter dicunt eō, quodd in exercitio sui non dependeat ab ullō mortalium, sed ex proprio judicio, ita ut actus ejus à nemine tanquam superiore possint irriti fieri: nec teneatur proinde ad rationes ita, ut si eas non approbaverit alii, pœnis aut coërcitioni, tanquam à superiori inferendis, subsit. Nempe *Summitas* de formā *essentiali* Majestatis est; indeque libera etiam est ab externis, soluta Legibus, *inviolabilis* à judicio vel coërcitione, & *indivisibilis* in plura talia, quale est ipsum.

Est verō Majestas totum quoddam *potestativum*: quod ipsum totum aliquid *analogice* tale est, quia propriē partes nullas habet; uti *solem* ejusmodi totum, ut & *animam rationalem*, constituimus, quando partes fingimus utriusque varias, pro di-

versis operationibus, quibus se circa objecta sua exerant. Equipollet tamen totum illud potestativum toti *Integrali*: (quod quidem partes realiter distinctas habet; secus ac Majestas;) quia Majestas dici non potest, cui quid deficit; saltem pro ratione Regni sive territorii, cui inest: cum fieri possit, ut in aliquo eorum Fodina v. c. nullæ aut alia non reperiantur, quæ in cæteris Regionibus ad summam potestatem trahuntur. Idemque sentiet aliquis de Principibus illis summis, qui ad se pertinere non credunt *Sacrorum Potestatem*. Sanè *Alb. Gentilis Lib. I. c. IV. d. Legat.* dubitat, an *Reges Hispan. & Gall.* habeant summam potestatem, eō quodd in causis Religionis subsint *Pontifici*, & quodd *Clerici* in terris ipsorum degentes ab Imperio ipsorum exempti sint. (Quamquam nec submissio illa Regum, nec exemptio Cleri tanta; quin & in diversis Regnis diversa sit. vid. *P. d. Marca Lib. IV. d. Concord. Sacerdot. & Imperii, c. IX.* ubi quodunque se *Libertas Ecclesiæ Gallicanæ* extendat; item *Schilterum de Libert. Eccles. German.*) Nam Pontificis quidem arrogantia latissimè se porrigit, indice coronā triplici, in cœlestia, terrena & inferna, & super omnes adeo potestates; ap. *Theoph. Raynaudum d. Coronā Papæ.* Et tamen Princeps ex vi Majestatis, & ex Jure communi, potestatem sacrorum meritō sibi vindicat; abstractā etiam qualitate Religionis. Etenim forma *Regiminis Ecclesiastici* potest exerceri finē contactu potestatis secularis; ut in primitivā Ecclesiā. Sed non potest forma *Regiminis Politici* exerceri finē jurisdictione seu potestate circa Religionem; quamquam possit finē contactu Potestatis Ecclesiasticæ specificè dictæ. Cæterum hoc ipsō, quō integrale totum est Majestas, totum quoddam sive ens per aggregationem dici non potest. Nam hoc est totum quoddam per accidens; ut acervus lapidum, grex ovium: ex quibus licet quid demseris, totum tamen manet nihilominus. Non etiam Majestas est totum *essentiale*, ceu *physicum*: quia hoc solum duas partes habet; quale est homo, dum ex animā & corpore constituitur. Etenim Majestas plures habet partes, certō numerō non definitas, cum objecta nova subinde exoriri possint; quale quid occurrere aliquando videbatur imi *Recht, Zeitungen zu verbieten.*

(b) HABERE SUPERIORES. Si de *Monarchiā* accipi debet Auctor, non apparet, quomodo

do Rege quisquam esse possit in Republicâ ullô modô superior? Quod enim *intercessionem Ordinum* alicubi attinet, illa *summitatem* Imperii non ingreditur, neque *exercitium* ejus imminuit; quippe quod nihilominus totum manet Regis, licet in *modo exercendi* Ordines vel maximè concurrant. Indeque non protinùs, si quod *jus* existit alicubi in *parentibus*, illud propterea *Majestatis* seu superio-

ritatis habendum est. In *Aristocratiâ* quisque Optimatum habet superiores Universos, sive partem majorem, penes quam *summitas* Imperii se exserit. Ad hoc autem nulla *disertâ constitutione* opus est; sed id *natura* Statûs Polyarchici postulat. Ubi-
cunque verò aliquis Imperantium superiorem habet alium, unum vel plures, ibi Imperium ejus *Majestaticum* esse non potest.

II. Interest autem plurimum, scire perfectè, quid sit *summa potestas*, quam vulgo *Majestatem* (c) vocant, etsi aliter veteres, (d) quibus hæc vox notat amplitudinem & dignitatem. Definiatur cum Grotio, *Facultas moralis regendi civitatem*, cujus acta nullius humanæ voluntatis arbitrio infirmari possunt.* Differentiæ hujus argumento pleraque difficilia *Quæstionum*, circa hoc caput moveri solita, suis quæque locis conficiemus.

* Grot. l. 1. c. 3. §. 6. pr.

(c) MAJESTATEM. Equidem omnis *Majestas Summa Potestas* est, sed non vicissim; ut ex *Statu Magistraticô* patet: quamvis hic *simpliciter* *pactitius* sit.

(d) ALITER VETERES. Quibus *Imperium* quoque audit, ut & *Principatus*, nec non *Potestas* simpliciter. Est verò vox *Majestatis*, (quam ex *majori Statu* compositam esse volunt; rectius à *majori* deducitur,) *allusiva* potius, cum quidem simplex vocabulum, non minùs ac potestas, sit *Romana lingua* aded *proprium*, ut ne quidem *Græcus* sermo, fecundus licet, simile quid habeat: siquidem *μεγαλειότης* & *σεμνότης* ei exactè non respondent. Interim ipsi quoque Romani *Majestatis* vocem sæpè pro *Dignitate* usurpant; ut est *matronalis majestas*, apud Livium: add. Lips. II. Pol. 16. & IV. Pol. 9. vel *auctoritate* eorum, qui eminentiores sunt aliis, *splendore* quoque & *magnificentia*; velut *Senatûs*, apud Sueton. in *Tiber. c. 30.* & Plin. VIII. Epist. 6. Sæpius *auctoritatem* cum po-

testate junctam notat, apud *Ciceronem*; utut etiam *inferior* fuerit; qualis est *Majestas Prætoris*. L. 7. ff. d. *Jurisdic.* Sic enim ipsi quoque *Ciceroni* in *Partit. Orat. c. 30.* *Majestas* est *magnitudo* quædam *Populi Romani*, in ejus *potestate & jure* retinendô. Et II. d. *Invent. 17.* *Majestatem* minuere est, de *dignitate* aut amplitudine aut *potestate* *populi*, aut eorum, quibus *populus* potestatem dedit, aliquid denegare. Recentioribus verò *Scriptoribus* *summam potestatem* ubique designat. Et quamvis *Stylus Curie* soli *Dignitati Regiæ* illam applicet; est tamen æquivalens *summæ Potestati* seu civili *Imperio*. Non aliter atque *Sanctimonia* cum primis *Monarchiæ* defertur. add. quò sensu *Imperatores Romani*, etiam *Christiani*, usurpârunt nomina *Sanctorum*, *Sacratissimorum*, Selden. II. d. J. N. G. c. VIII. p. 225. & Boecler. d. *Sacr. Rom. Imp.* item ad I. *Annal. Tac. X. annot. 15.* ut & de arcano dominationis *Consecrandi principes* defunctos seu *Apotheosi*, Eund. ad I. *Ann. Tac. 2. annot. i.*

III. Dividitur à multis in *Majestatem Realem* atque *Personalem*. Quarum illa universo corpori civitatis, hæc paucis (e) vel uni Imperantibus conveniat. Sed vitiosam hanc esse divisionem putamus. Quoniam si *Majestas* sit *jus summum*, fieri nequit, ut duplex sit. Non magis

magis quam in una linea dentur duæ summitates. Nisi compositam aut mixtam statuamus Rempublicam. Sed tales nullas esse vel paucas, alibi videbimus, & si daretur talis, ibi duplex quidem esset majestas personalis, realis ei nulla posset applicari. Præterea in Democratiâ nemo, opinor, dicet, esse duplicem Majestatem. At vim Imperii non esse aliam in statu populari, quam in concilio paucorum vel personis Regum, dicere occupavimus. Si quid optimatibus aut principi detractum vel circumscriptum ordinique diverso datum sit, hoc ad divisionem Majestatis personalis referendum.

(c) PAUCIS. Imò personalis Majestas haud unquam nisi *uni* convenit; etiam in *Dyarchiâ*, quatenus hæc *divisio Imperiõ* utitur; de quo suo loco: & sic *Monarchia* propria est. *Realis* autem in omni Statu reperitur, modò eam sanò sensu accipias. Ita verò Majestas realis dicitur inesse *Democratia*, non oppositivè, & quasi in eâ quoque verè personalis locum habere possit; sed per *epithetum*, quòd omnis in eo Statu Majestas *realis* sit. Unde procedit, quòd *unus alterve* Optimatum & multò magis *singuli* ex populo, (quippe qui non ita omnes ad exercitium Majestatis adinvenitur:) capite quoque plecti possint. Idemque est, quòd *Auctor* hic innuit, divisionem hanc non esse æqualem rei divisæ; quippe quòd *Democratia* congruere non videatur, in qua tamen Majestas est. Quòd enim ille dicit, *paucas* dari *Respublicas mixtas*: inde non probat imperfectionem distinctionis in realem; quippe quæ in aliquibus etiam verificari posset. Quòd verò *nullas* dari mixtas insinuat, falsum est, ut *inferius* dicitur. Quamvis autem distinctionem illam *vitiosam* putat *Cl. Auctor*; (ut & *Pufendorff. Lib. VII. §. N. c. 6. §. 4. seq.*) tamen non apparet, cur *Auctori* sit accedendum, eò sensu, quem ipse pròdit: cùm ille nil absurdi habeat; imò explicandis pluribus difficultatibus inservire queat. Quidni enim ipsam *Potestatem*, quæ totam Rempublicam, Majestaticam scilicet, informat, (atque hoc non nisi ex parte *Imperii*,) *realem* dicere liceat, & *eandem* Majestatem *numero*, *personalem*, eò respectu, quò per *Imperantem*, Regem scilicet, exseritur. Ex quo procedit, quòd moriente Rege, & sic expirante Majestate personali, unà Majestas realis *concidat*; quæ cum in *Populo* nunquam antea fuerit, (ne quidem

cùm per voluntatem ejus, in Rege constituendò, *produceretur*;) hinc ne quidem ad populum *reverti* possit: indeque nec *habitu* nec *actum* Majestatis ille tempore *Interregni* teneat; utut omnino *dispositione* ad Statum *Majestaticum*, sive priorem, h. e. Monarchicum continuandum, sive diversum alium, non destituatur. Proinde *falsà* est distinctio hæc, si eos sequamur, qui superflite Rege *Majestatem Realem dormire* putant, & pro eâ vigilare *Leges fundamentales*, quibus modus præscribitur Regenti: *Reviviscere* autem eam, quoties vel potestate suâ Princeps *abutatur*, (sicuti dominium uxoris, quando prædium dõtale maritus ex lege matrimonii non tractat,) atque multò magis tempore *Interregni*. vid. *Besold. Sect. I. de Majestate in genere, th. 4. seqq.* Toties enim repudianda est hæc distinctio, quoties inter utramque Majestatem *reale* quoddam *discrimen* inducere nititur. Equidem qui hoc intendunt, nec ipsi in *subjecto* Majestatis realis conveniunt. Nam aliqui illud esse *Populum* tradunt, nonnulli *Ordines tantum*, sive primores ex populo, reliqui *Leges fundamentales*. Quid verò, ubi *absolutum* est Imperium, & Lex fundamentalis nulla? quippe quæ ubique modum imperandi definit. Ita verò in illis Regnis Majestas realis nulla reperiretur. Quam tamen & illa *nostrò sensu* habet. Utique *dissonantes* isti *duo summa*, æquè plena, in eadem Republicâ constituunt: quòd à principiis Prudentiæ Civilis aberrat. Lex autem *fundamentalis* Principem non tenet, ut Majestas quædam ei supereminens; quin potius ipse, quæ solus Majestatem tenet, in *pacta* cum Populo convenit: quæ non aliter ipsi Leges sunt, quàm quælibet Juris Naturalis dictamina; quò religio pactorum respicit. Porro in

rd in *Dominatu*, aliòve *Statu* corruptò, ex *Istorum* sententia, vel nulla erit, vel disiecta, *Majestas* realis; & tamen *corrupta* etiam *Reipublica* nostrò sensu *Majestas* realis inest. Denique illi *Majestatis crimen* non committi in *Majestatem* realem opinantur. Nobis autem *Majestatis crimine* rea-

lem quoque *Majestatem* lædi, rectius asseritur; saltem ut *Majestatis* crimen in specie appellemus, quando sanctitas *personæ* regentis violatur: *perduellionis* autem quando *Status* ipse concutitur. Interim & hoc crimen *Majestatem* non minus petit: quam Princeps *unicè* in *Reipublicâ* sustinet.

IV. Nihilò melior est distinctio *Majestatis* in delegantem & delegatam. Nam si illi, qui delegant Imperantes, horum acta possunt infirmare, planum est, quod delegantes non transtulerint, sed retinuerint summam potestatem legatosque habeant ut ministros. Si infirmare illa nequeant, palam est, quod delegantes potestatem summam habere desierint. (f) Proinde quod transtulerunt, hoc ipsis non recte amplius adscribitur.

(f) HABERE DESIERINT. Sicut enim qualitas Principis & conditio ab eo haud unquam separari potest; verum Ipsi ejusque dignitati personali immediatè inest, ut eidem (quippe ex intrinsecâ ejus potestate procedens,) inseparabiliter adhæreat. Ita etiam de natura est delegationis sive Commissionis, ut delegans facultatem & jus, quod alteri committit, suo Jure non tantum Ipse exercere, sed etiam liberè delegationem revocare possit; L. XII. §. 16. L. XXVII. §. 1. Mandati. secus si quis delegatus fuerit, qui re ipsâ talis nequaquam est, sed solò nomine. Scilicet mandanti nunquam res desinit esse integra, quò minus retractare possit mandatum suum; quippe quod à mandante penitus dependet. c. 2. d. Officio Vicarii, in 6. c. quamvis. d. Officio deleg. in 6. Cl. f. d. Procur. Et si non posset delegationem quamcunque revocare suo arbitriò: non utique posset videri propriò jure aut re suâ uti, nec aded Principatum tenere. vid. Molinam Tr. II. d. J. & J. Disp. 552. n. 6. Id quod aded verum est, ut ipsum à revocatione non impediatur, si vel maxime jurasset, revocaturum se non esse. c. 25. d. jurej. Mozzius d. Mandato. col. VII. n. 1. cum plurib. cit. Non etiam, si obceptum mandatum Mandatarii interesset: adhuc enim ipsum mandatarium ex revocatione in posterum desistere oporteret. §. 9. Inst. Mand. l. 12, §. 16. l. 25. ff. l. 3. C. cod. l. 16. d. Procur. Nihil officit, quòd Jura tam Civilia quàm Canonica Vicarios perpetuos loquantur. Nam qui Vicarius est perpetuus

& Ordinarius ex lege sive Conventione irrevocabili: ille Mandatarius non est; sed principalis, aut saltem jure suo propriò utitur; qui nec ab Illo, respectu ejus dicitur Vicarius, jure suo removeri potest. c. 3. d. Offic. Vicarii: quippe quod principalem ne quidem habeat actum; vel potius hunc in perpetuum oportebit se abdicasse jure suo: ita ut Vicarius iste à nullo aliò dependeat, quin potius habeat Jus reale & titulum. Cl. un. cod. c. 13. d. filiis Præl.: Saltim ille, cujus intuitu Vicarius perpetuus dicitur, nil ipsò invito suscipere potest. Azorius p. II. Inst. Moral. Lib. III. c. 6. qu. 2. in fin. Fagnanus ad cap. 33. d. Præbend. n. 19. Ex quò iterum colligitur, ipsum non esse reverà principalem Vicarii, quia nec istius mortis, nec depositionis, Vicarius esse desinit; dum à Lege seu Statuto pendet, indeque jus in re & potestatem ordinariam, eamque ab aliò independentem, tenet. Azorius d. c. 6. qu. 7. add. cap. 27. d. Rescript. & c. un. d. Offic. Vicarii. Leve est, quod obverti posset: Licere per alium facere, quod per se ipsum licet: cap. 68. d. R. J. in 6. Nam hoc quidem valet, quoties ipse qui mandat, egisse videri potest. Et nemo negat, Principem quoque Legatum sive Officialem negotio deputare posse, ut acta hujus ipsi imputentur. At verò hæc non est perpetua & irrevocabilis commissio. Imò populus, qui Regem constituit, perpetuam ejus personæ industriam elegit: ut solum aliqua Ipsum committere posse Officialibus voluerit: Ipseque Princeps non posset exercitiò

citiō Statūs frui, nisi liberè & per se ipsum fruere-
tur. At verò istā ratione surrogatio alterius lo-
cum non invenit, l. 31. d. fidej. ubi alterius versa-
tur præjudicium, & vel Regni universi: nam ita
omnis subditus omnisque Vicarius meritò excludi-
tur, arg. l. 16. pr. cum similibus. C. d. erogatione mi-
litar. annonæ Gail. I. O. 97. n. 2. seq. Hinc etiam
verè quis non facit ipse, quod per alium facit; sed
tantum facere videtur. l. 5. §. 3. d. administ. & peric.
rut. & curat. ibi: videtur enim gessisse. &c. Quis
ergò Regem illum verè talem existimaret? cujus
alius Vicarius perpetuus fuerit, cui nec modum
dictare Imperii nec Vicariatum retrahere posset.
Sic enim Rex iste nunquam posset in actu esse prin-
cipalis, qui scilicet suo jure ejusve moderamine ac
exercitiō in perpetuum se abdicasset. Cum primis

verò in civilibus hæc obtinent, in quibus non ad
nomina, sed ad rem ipsam, attendendum est; nec
asserere licet, aliquem jus habere posse, licet exer-
citiū juris permiserit alii. Nec enim nomina va-
riant speciem, & qui nunquam potest ad exerciti-
um reverti, atque idem exercere quod potest Vi-
carius: ille nec jus habere censendus est. Itaque
non potest dici exercere per alium, quod ipse exer-
cere non potest: quicquid sit, quod jus se habere
dicat, in animo scilicet, quod nunquam in actum
deducere valet. Et tamen Majestatem, nemo di-
xerit, quæ in actum secundum deduci nequit: uti
nec Principem Regentem appellamus Apanagia-
tum; quamvis actu primò Regimen Principatūs te-
neat, emortuā Primogeniti lineā in actum secun-
dum deducendum.

V. Scilicet, auctores harum divisionum tenent, in populo uni-
verso semper residere summam potestatem. Quod cum ratione modò
improbavimus, (g) adeoque & divisiones illas rejici consentaneum est.

(g) MODO IMPROBAVIMVS. ad cap. XI. §. 4.

CAPVT XIV.

Continens monita de aliis Imperii differentiis.

ARGVMENTVM.

Jus Imperii in Civitate non mutari ex formā Reipubl. non quidem ex herili aut civili mo-
do imperandi, licet efficacia in illo sit major. Differentiam patrimonialis & quasi
fructuarii Imperii nobiles quidem habere effectus, jus tamen summum non variare.
Esse despótica regna quæ non sint patrimonialia, & civilia quæ in patrimonio habentur.
Contrà, summam potestatem in regno quasi fructuario esse posse. Objeçtio ex
natura ususfructus & proprietatis petita solvitur. Non mutari Jus Imperii ex eo
quod invitis aut volentibus sit impostum: siquidem ex voluntate civium aequè absolu-
tum condi potest ac vi bellicâ. Male definitioni summæ potestatis inseri, ut perpetua
sit: temporarium aequè summum esse posse. Denique ex magnitudine aut parvitate no-
minumque distinctionibus & titulis nullam juris nasci diversitatem. Postremo Legem
de approbandis in senatu Regum decretis, iisdemque in jus vocandis, per se non tolle-
re summitatem Imperii.

I.

Sunt qui ex aliis quoque rebus differentiam summæ potestatis colli-
gunt.

gunt. Primo enim, interesse putant plurimum, quâ formâ Reipublicæ civitas gubernetur, monarchicâ vel plurium imperiô. Et in monarchiâ, sit ne despoticum an civile Regnum. Patrimoniale an quasi fructuarium. Populo volente an invito sit constitutum. Eligantur, an successione gaudeant Imperantes. Temporalis an perpetua sit potestas. Nonnullis quoque parvitate vel magnitudine civitatum jus summi imperii variari visum. Denique, nominum titulorumque species hominum judicia sæpe præstringit.

II. Nobis ex illis omnibus nihil ad summitatem Imperii tollendam, augendam vel minuendam facere videtur. Nam quod ob formam regiminis, politicorum aliqui, minorem potestatem (a) in democratiâ putant, hoc ad eò falsum est, ut mensura juris optimè ex illâ formâ capiatur, quod modò demonstravimus. Ex adverso, quod alii monarchas ut à populo præfectos, minoris faciunt, populi verò ut ἀντιπρωτοῖς imperantis jus majus in democratiâ intelligunt, hoc perinde superius refutatum. Certum igitur est, quod modus imperandi varius speciem jusque imperii minime variet.

(a) MINOREM POTESTATEM. ad eò ut ne quidem *Majestatem* appellandam esse velint: quæ est *Joh. Frid. Hornii* sententia, qui solam Monarchiam Reipublicam Majestaticam, cæteras non nisi *liberas*, ut vocat, admittit. Cæterum *Auctor* hic duo innuit: *Unum*, quòd par Majestatis vigor sit, in quâlibet Reipublicæ formâ; *Alterum*, quòd mutatâ ejusdem Reipublicæ formâ, v. c. Monarchicâ in Democraticam, non mutetur ipsa Respublica. Utrumque rectè; nisi quòd ratione *prioris*, in Statu Polyarchicò, respectus Majestatis *personalis*, idem non sit, qui in Monarchiâ occurrit. Deinde quod ait, ex *Democratiâ* mensuram *Majestatis* optimè capi posse; id examini subjecimus, in *cap. IX. seqq.* quòd *Auctor* hic provocat. Similiter quòd Monarcha à populo *in factò esse* non dependeat, ut & quòd alia non sit conditio populi, dum ipse Imperium *retinet*; quamvis *Majestaticè*, atque est Regis à Populo constituti: quasi scilicet hic ex se non imperet, ut in *Democratiâ* Populus: id similiter in *cap. XII.* expositum est. *Posteriorius* quod concernit: videbatur quidem mutatâ formâ rem ipsam sive totum suppositum mutari.

Sicut verò Reipublicæ forma essentialis sive *actus essentie*, quem *Lampad. in part. I. d. Rep. Rom. Germ.* appellat, in Ordine Civitatis consistit; illæ autem quas *formas* Rerumpublicarum appellamus, ad *actum existentie* pertinent, & ex diversitate *subjectorum*, quæ Majestatem ejusdem Reipublicæ sustinent, desumuntur; indeque *accidentales* sunt. Ita mutatò Statu Monarchicò in Democraticum, aut vice versâ, nequaquam ipsa Respublica, sed ratio tantum Imperii seu *sedes Majestatis* mutari putanda est; non aliter atque Petrus & Paulus, Cajus & Cajo dissimiles accidentibus, sed non etiam diversas essentias habent. Hinc quoque illi, qui *mixtas Respublicas* dari negant, ex eò, quòd *essentie* rerum misceri non possint, facile refelluntur: eò quòd formæ, quarum mixtura, vel potius *compositio*, sit, (secus ac in mixtura physica, quæ alterationem miscibilium inducit,) merè accidentales sint; imò ut maximè naturalium rerum essentiarum non misceantur: in moralibus tamen omnia aliter habent. Illud non officit, quòd *Aristoteles III. Pol. II.* tradit, *Civitatem quando redditur diversâ specie, necesse esse, ut eadem Civitas non sit amplius.*

Nam

Nam ille non loquitur præcisè de commutatione Formarum; quin potius eò respicit, num *jura* extra Majestatem posita immutationem subeant; ut sunt *credita* Civitatis sive æs alienum, quando Respublica per vim, velut à Tyranno, occupatur. Scilicet quando volente Populo Status commutatur, haud dubiè jura etiam illæsa manent, & Princeps, qui à populo causam habet, in eandem obligationem succedit; quod non eodem modò in *Invasore* obtinet. Interim quod identitatem Populi de cætero concernit, quemadmodum locus & *migratio* ipsius *non mutat Civitatem*, ita nec convertitur per accidentia cætera, imò *immortalis* est: quò ten-

dunt Conditores Juris Civilis in *l. 76. d. Judic. l. 10. Quib. mod. ususfr. amitt. l. 23. §. 5. d. R. V. l. 30. d. Usuc.* Imò idem manet Populus *numerus*. Et si vel maximè variet materia per successionem individuorum; ordo tamen, saltim communis sive essentia, idem manet: ut tamen, quando Grotius *Lib. II. d. J. B. & P. c. p. §. 8.* (qui & simili fluminis utitur, & aquæ succedaneæ,) subjectum idem manere tradit, Democratiâ in Monarchiam versâ, confusè rem exprimat, non distinctè: cum quidem *subjectum proprium*, sive sedes Majestatis omninò alia succedat.

III. Plus discriminis inter heriles sive Despoticas & civiliores monarchias consistere videtur. Heriles vocantur, ubi Imperantes sunt domini corporum atque bonorum. Civiles, ubi Imperium Reipublicæ salvam relinquit libertatem personarum & proprietatem bonorum. Sed tenendum, in hoc capite, non quæri, de majori minorique efficaciâ imperii; verùm an unum præ altero magis minusve *summum* sit imperium, quod heic negatur. Dabimus loco rationis exemplum. Patris in liberos potestas Jure Gentium & civili aliquanto minor habetur, quam dominorum super servos. Patria tamen potestas æquè est summa & absoluta quam Dominica potestas. Atqui Reges veri à despotis non multò secus, quam ab heris parentes, differre videntur. Adde, quòd utrobique acta publica imperandi irrita fieri non possunt. Utrobique voluntas Imperantium, civitatis voluntas intelligitur. Duntaxat, jus externum (*b*) Dominatus ad res & corpora privatorum indistinctè extenditur. Quod in regno non aliter, quam ex causâ utilitatis communis, non pro lubitu imperantium, juris est.

(*b*) JVS EXTERNVM. i. e. quod *effectum* Juris habet; non etiam formam, sive Juris interni & veri rationem.

IV. Tertia differentia patrimonialis & quasi fructuarii Imperii (*c*) à quibusdam cum præcedente confundi solet. Scilicet Patrimoniale vocatur imperium, quod inter vivos & mortis causâ potest alienari. Fructuarium imperanti solum ad vitam competit, sinè libertate alienandi. Quidam regna despotica statuunt eadem esse cum Patrimonialibus, Civilia verò cuncta esse fructuaria. Verùm hoc est ex eorum

R

gene-

genere, quæ ut plurimum, non quæ semper vera sunt. Cum nihil vetet, herilia Imperia quasi per modum ususfructus teneri. Ita ut alienandi tam inter vivos quam post mortem potestas ultimo cuique Imperanti negetur. Quod ferè unicum hujus differentia momentum constituit. Exemplum est in Turcico Dominatu, qui licet *δεδωτοικώται*, jus tamen alienandi aut successionem pro lubitu Imperatorum mutandi ignorat. E contrario civilia regna in patrimonio haberi posse, liquet ex pluribus modicis per Europam Principatibus, (d) qui superiorem non habentes, hoc jure tenentur; etsi in majoribus Imperiis rarò id usu venire experientia testatur.

(c) ET QVASI FRUCTUARIUM IMPERII. Nec enim accuratè aptari Imperio possunt termini illi privatarum rerum, *proprietas & ususfructus*: quia nil commune habet Imperium cum dominio; nec ipsum in patrimonio esse dici potest. Quid quodd ususfructus facillè dici posset *amitti*, quando potestate Rex abuteretur. vid. *Auct. §. 6.* Accedit, quodd videri posset penes populum esse *proprietas*, dum ususfructus unicè Regi tribuitur: & sic penes Regem *accidens tantum domini*, quod à populo *penderet*: nam & Dominus utilis dependet à directo. Neque etiam *causalem ususfructum* intelligit H. Grotius, qui pars *plena proprietatis* est: nam ille appellat ususfructum, qui proprietatem non habet. Sanè in Regno quoque civili potestas Regi aded *propria* est, ut quicquam ejus *alienum* esse non possit. Non etiam omnem *fructum*, qui è Regno capi posset, absumunt Reges; & quos percipiunt, non percipiunt *de alieno*. Denique vix in Civitatibus *Polycraticis* invenitur distinctio hæc in Patrimoniale & usufructuarium imperium; præterquam ubi sunt *dissimiles*. Ut idcirco cautè hi termini adhibendi sint, & vix, nisi in quæstione circa *alienationem*, atque hoc docendi tantum gratiâ, valeant. vid. Grot. lib. II., VI. §. 3. & III., XX. §. 5. Licet autem alienari (& sic etiam *opprimi*, vid. art. XII. Capitul. Leop. & Carpz. c. VII. d. Leg. Reg. sect. 1.) populus haud unquam posse videri queat, ed quodd *liberi hominis* nullum sit commercium; tamen rectè idem Grotius Lib. I. c. 3. §. 12. tradit, hinc non quæri de libertate personali, sed *civili*. junct. §. 21. cod. Quin & venduntur homines non ita, ut *jus eos regendi*: quod nec

ad modum *rerum privatarum* est Jus quoddam *in re*; sed facultas publica alia, eaque in Gentium commercio. Venduntur etiam in *Universitate*, qui non possunt singuli, quemadmodum templum & res sacras vendimus, venditò pagò. jung. *Auct. §. 8. h.* Cæterum diversa sunt: *plenum* habere Imperium, & *plenè* istud habere. Posterius de illò dicitur, qui Regnum tenet in patrimonio. vid. Grot. d. §. 12. Plenum verò dicitur, quò Imperans omnia Jura Majestatis solus tenet; quamvis ea non nisi *consultis aliis* exercere possit. Illud certum est, quodd Imperium, *populi voluntate* quæsitum, non præsumatur esse in Regis patrimonio: cum nec ea voluntas populi fuisse videatur, ut Regi *alienatio* permessa sit. H. Grot. d. c. III. §. 3. Et tamen in ejusmodi Imperiis, *Populi voluntate libera* delatis, attendendum est, quid circa *subjectum* imperans, quid item circa *modum*, actum fuerit. Nam *ibi* hoc actum esse potest, ut vel *personaliter* huic individuo collatum fuerit, ne scilicet electi personam egrediatur; vel *realiter*, ut continuâ serie imperium tenere debeant hi qui à primo acquirente, & quousque aliquis eorum superfuerit. Neutrâ ratione facultatem alienandi imperium Princeps consecutus videri potest. Quoad *modum* tamen, sicut indubium est, *disertè* factâ promissione de non alienandò, quod fit in *Capitulat. Cæsareis*, potestatem non habere Principem quicquam alienandi de populò; ut tamen invitâ etiam parte aliquâ, velut Civitate, Principatu, &c. id fieri queat, *Ordinum assensu*, quo Universitas reliqua, velut Pacis causâ, salvetur. Ita ubi nulla ejusmodi Capitulatio extat, non videri prohibitum Regem, vi *Domini*

minii Civitatis, quod habet, quamvis etiam illud Ipsi non nisi personaliter delatum sit, *in casu necessitatis extremae*, alienationem suscipere, nec eundem consensu Populi indigere. vid. H. Grot. II., 6. 4. & III., 20. 5. Est verò *necessitas*, quoties aliter Civitas eripi & salvari ab interitu non potest. Cæterum Imperia, quæ Populi consensu liberò non deferuntur, *Hugoni Grotio patrimonialia*: illa vel *absolutè* Principibus competunt, iisve permissa sunt; vel *sub conditione* non egrediendi certam familiam vel lineam ejus, v. c. victoris. *Ibi* facultatem alienandi liberam Princeps habebit. H. Grot. I., III., 12. & II., VII., 25. *Hic* verò poterit excludi per testamentum vel aliter persona, quæ in ordine ab intestato potior futura erat; ejusque rei

in *Regnis Israëlitis* exempla referunt. Quamvis autem *testamentum* aliàs non sit *alienatio*, puta quæ statim, ut negotia inter vivos, effectum habeat irrevocabilem. Est tamen eventualis, & quando Testator in voluntate suâ perfluit.

(d) PRINCIPATIBVS. Ut ferè sunt in *Italiâ* nonnulli; præterquam quòd *Feudali* conditioni & ipsi plerumque subsint, etiam extrà dominium Imperii Romani constituti, veluti *Papa* aut *Regis Hispaniæ*. In *Germaniâ* quidem Principatus sub Majestate Imperii continentur, nec eos alienare fas est; quicquid sit quod Statibus unam alteramque portionem, modò notabilem Principatus partem non conficiat, *oppignorare* in sciò quoque Cæsare liceat.

V. Differentiam hanc patrimonialis & fructuarii Imperii ab Hobbesio & omnibus, qui vim Imperii infinitè intendunt, (e) nec populo aut singulis quicquam relinquunt, explodi manifestum est. Quippe qui subjectos indistinctè pro servis habent, & regnantibus potestatem de successionem quovis modo disponendi semper adscribunt. Quæ de re nobis alibi (f) locus erit dicendi, ut & de reliquo discrimine regni & dominatus. (g)

(e) INFINITE INTENDUNT. De eò L. I. cap. 10. vidimus.

(f) ALIBI. L. I. cap. 29. §. 4. seqq.

(g) DOMINATUS: Lib. I. cap. 28.

VI. Sed de ultimâ distinctione scrupulus restat, dices enim, ubi datur ususfructus, ibi penes alium proprietas existit, quod jus haud dubiè majus est. Proinde secundum hanc distinctionem ususfructus Majestatis Imperantibus, proprietas populo tribui videtur. Quod in damnatam modò divisionem summæ potestatis, quâ realis aut personalis dicitur, incideret atque populum rursus superiorem imperantibus efficeret. Verum nos *quasi* fructuarium non verè usufructuarium illud Imperium, quod patrimoniali opponitur, esse diximus. Quatenus usumfructum imitatur in hoc, quod nihil juris ultrà vitæ terminos producit, nec alienationem inter vivos permittit.

VII. Fortè rectius comparari posset cum dominio revocabili, quale est mariti in prædio dotali, heredis fiduciarii (h) ex Sc. Trebelliano, in rebus post mortem restituendis: Nam illi tempore domini sui plenè liberèque de rebus illis disponunt, exceptâ alienandi potesta-

te, nec ulli, ratione juris & disponendi facultatis, obnoxii sunt. Quin si maximè maneamus in terminis ususfructus, ne quidem inde quicquam potest colligi naturæ summæ potestatis adversum. (i) Fructuarius enim facit in re quicquid vult, modò substantiam relinquat salvam. Neque proprietarius impedire vel infirmare quicquam ab illo gestum cum hoc temperamento, potest. Ergò si tu ponas Regem habentem imperium quasi per modum ususfructus & proprietatem penes populum statuas, ideò tamen Rex non statuitur obnoxius populo; duntaxat si salvam præstet Regni substantiam, ut ita loquamur.

(b) *HÆREDIS FIDUCIARII*. In quò tamen ipsò non minùs cautio adhibenda est: cum factis constet, quamvis fiduciarius adstringatur, ut post mortem fideicommissum restituat: tamen inde ipsum detrahere quid posse; ut ne de aliis dicamus. Sic &, ratione *dotis*, nullum sine patrimonio Regnum est; & tamen nuptiæ quoque finè dote. Non etiam omnia bona ubique in dotem dantur, ut omnia Regis: sic & uxoris dominium maritus non consequitur, ut Rex Populi, Cave autem Populum pro uxore supponas durante Re-

gnò, licèt similis ei sit, istò finitò. Igitur & hæc assimilatio non nisi quadantenùs succedit; prout de alienatione Regni disquiritur. Idque est, quod *Auctor §. 2.* & per totum hoc *Caput* innuit: hæc discrimina ad ipsam *Majestatem Imperii* nil attinere.

(i) *ADVERSVM*. Imò verò licèt fructuarius in re faciat, quicquid vult; tamen id facit in re alienà, & cujus dominium actu tenet proprietarius: quâ ratione plus populo tribuitur, quàm Juri Regio congruit.

VIII. Sed nec alter regni patrimonialis terminus caret difficultate. Neque enim liberi homines, quales sunt cives, in patrimonio cujusquam sano sensu dici videntur.* Scilicet, non de ipsis hominibus, sed de jure imperandi illis, non quâ singuli, sed quatenus sunt populus, esse in patrimonio prædicatur.

* *vid. Grot. l. 1. c. 3. §. 12.*

IX. Quod porrò nihil variari summam potestatem ex eo diximus, quia volente invitove populo stabilita sit, id habet rationem suprà (k) insinuatam. Non minus enim, quàm bello posse, consensu & fœdere populi, jus imperandi summum acquiri, aliquoties probavimus. Nam quod plerumque victores jus herile & patrimoniale in subjectos occupent, hoc diversam summæ potestatis speciem non inferre modo (l) audivimus. Fundamentum autem obsequii, quo populus armis subactus, imperium jure suo exercenti obstringitur, inferius (m) explicabimus. Præterea nec electionis successionisque differentia juris rationem mutari suprà dictis consentaneum est. Successiva

enim

enim Imperia * quæ quidem voluntaria sunt, initium ab Electione habuere. Nec plane aliud est successio, quam juris initio ab eligentibus statuti continuatio. Nam quod leges tempore electionis præscriptæ à successivis Imperantibus vetustate & dominandi artibus obsolescant, hoc ad politicam (n) non ad juris disciplinam spectat.

* *Grot. d. cap. 3. §. 10. sub fin.*

(k) *Supra. Lib. I. c. VII. §. 4. & 7. item Lib. I. c. II. §. 3.*

(l) *Modo. §. 3. h.*

(m) *Inferius. Lib. I. c. XXIX. §. 9. seq.*

(n) *Ad Politicam.* h. e. artes imperantium, & ad ea quæ facti sunt, quibus familia per successionem radicata sibi sensim incrementa potestatis sumit. Interim *electio*, quamvis restrictam Regi potestatem conferre censeatur, *successio* libe-

riorem; tamen hæc perpetua non sunt: quin sæpè externâ specie decipiunt. Neque verò successio est titulus Imperii, ut libertatem imperandi siue dominium majus conciliet; verum Imperii veteris continuatio. Ita electio Regibus *Laconum*, de quibus *Grotius Lib. I. c. III. §. 9.* ne quidem veram potestatem Regiam, sed ferè Præturam tantum militarem, contulit.

XI. Cæterum, quod observatio hæc ad voluntaria, non ad violenta Imperia pertineat, res ipsa loquitur. Siquidem electionis * in his cessare libertatem manifestum, quatenus utique sunt violenta. ** Dantur enim quæ partim talia, partim voluntaria sunt regna in unitate Reipublicæ. Nempe si quis populus, Regem à se habens creatum, aliam gentem subigat, inque idem cum illâ corpus civitatis coëat, ut tamen maneat discrimen populi victoris & subacti. Tale fuit Mameluccorum Imperium initio superioris seculi à Selymo Turca extinctum: illi Ægyptum & Syriam arctissimo servitio tenebant, suos autem Reges eligebant ipsi. Turcici quoque Imperii initium non fuit aliud, quanquam hodie vix potest discerni potestas Imperatoris in originarios Turcas & subactas gentes. Eòdem pertinent Uniones Galliarum, quibus acquisitas bello regiones in unum idemque Regni corpus adjungere solent. Quin & Romani Imperatores in populum & Italiam civile, super provincias herile Regnum habuere. ***

* *Ita & Hobbes c. 4. §. 11. sub fin.*

** *vid. Grot. d. cap. 3. §. 11.*

*** *quâ de re Sigon. lib. de Jure Civ. Rom. Ital. & Provinc.*

XII. Plerique Politici in definitione Majestatis requirunt, ut *perpetua* sit potestas, quasi temporarium Imperium non esset summum.

Sed hoc à philosophiâ & juris ratione alienum putamus. (o) Quippe natura rerum mortalium non à tempore sed ab effectis æstimatur, qui possunt iidem esse in brevi tempore ac longiori. Æque igitur summam absolutamque potestatem habent Rectores annui Civitatum quàm perpetui. Quod non modo de singulis, ut erant Romæ Dictatores, sed & de ordinibus summis liberarum nationum, quorum personæ quotannis mutantur, ut heic in Frisiâ, (p) adfirmandum. Quibus nihilo minus juris quam Senatui Venetorum, utcunque perpetuo, adscribi oportet; nisi quat. Legibus cujusque Reipublicæ fundamentalibus aliter sit cautum.

(o) *ALIENVM PUTAMVS.* Imò alienum non est: cumque Auctor Cl. exemplò *Dictature* utatur, cum H. Grotiò *Lib. I. c. III. §. II.*, id ipsum ante omnia removeamus. Quod enim Dictator Romanus (quicquid sit quod ap. Dionys. Halicarnass. *Lib. V.* legitur, Dictatorem fuisse absolute nullique subjecta potestatis, in omnibus quæ vellet aut ageret. *Pacis & belli omniumque dominum rerum*, omnesque infra se *Leges habentem*;) *Majestatem* tamen non habuerit, ex sequentibus conficitur. (1) Quod potestatem habuerit *delegatam*; eò quod Populus sibi propriam, saltem actu primo, retineret. (2) Dictator exhinc *Magistratus*, & quidem *extraordinarius*, ubique dicitur. vid. Lips. *d. Magistr. Pop. Rom. c. XVII. & Pompon. Lxtum L. I. d. Magistr. Rom. c. XVI.* (3) Constitutus fuerit solum ad certos actus, velut ad componendas seditiones, bella gerenda; nec Populus ei majorem potestatem collatam voluerit, quàm necessum fuerat temporibus Reipublicæ corrigendis; ad quod *Curatoria potestas* omninò sufficiebat. (4) Quod *Italiam egredi* non potuerit. (5) Quod *sumtus facere* nequiverit ex ærario, *injussu Populi*. (6) Quod potestatem *retinere* ipsi fas non fuerit, *ultra sex menses*: Et insipidus est Hornius *Lib. II. Pol. Arch. c. X. §. 3.* quod Dictatorem ad Imperium restituendum non nisi *religione jurisjurandi* obstrictum fuisse, ait; quò neglectò istud potuerit retinere, nec à quòquam exauctorari. Sic enim Syllam spontè decessisse, nec potestate populi, sed sponfione Dictatoris, potestatem temporariam effectam fuisse. Quæ quidem insuper ipsi rerum actui & historiis non congruunt.

(7) Quod electus ne quidem fuerit à *Populò*, imò nec à Senatu; sed vel Consulum aut Prætorum aliquis, ad populum progressus, Dictatorem nuncupaverit. (8) Vix unquam fuerit Dictator aliquis sine *Magistro Equitum*: Hic autem instar Præfecti Prætorio fuerat, ut ab eo provocari non posset. Quod verò (9) Populus à Dictatore etiam provocari noluerit: illud tandem ob abusum Legis, à Valerio Publicolâ latæ, placuit: quâ sancitum fuerat, ut à Dictatore ad Populum provocare liceret: adeoque non facti utique, sed *Juris*, fuerat illa provocatio. Quapropter è vestigiò, quoties expedire populo visum est, provocationem ipse licitam esse decrevit. Cujus rei exemplum est in Livio *Lib. VIII. c. 33.* Ex quibus constat, Dictatorem non nisi *exercitium* habuisse *Majestatis*; idque dependens & revocabile; *Majestatem* non utique. Nec juvat Grotium *d. Lib. I. c. III. §. II.* quod actus eodem Jure exercuerit, quò Populus: non enim omnes exercuit, non etiam eodem jure, i. e. proprio & authenticò, sed fiduciariò, & ut Curator Reipublicæ. Quod verò actus ejus *irriti* fieri non potuerint: illud non processit ex hypothese *Majestatis*; sed quia *Populum* repræsentabat. Quò ipsò jus summum Regium & *independens* non habebat: cum possit omninò Populus res componendas in arbitrium alicujus ita conficere, ut is, *vice Populi*, ultimò eas componat & definiat. Porro, quòd ait, Regem, etiam *temporarium*, seu qui ipsâ die electionis *morte abripitur*, Regem verè extitisse: id huc non pertinet, quia iste proprio & perpetuò Jure Potestatem accepit, & tempore *sive morte* potius, quæ omnia extinguit, per acci-

accidens esse definit. Similiter Rex, qui se abdicat Regno, suâ id facit eâque liberâ voluntate: atque hic pro mortuo haberi potest ab internô principis; temporarius autem ab externô. In Dictatore verò tempus ipsum per se & directò potestatem illam modificat. Hinc quidem duratio temporis, in se, circumstantia externa est, si absolutè consideretur; in Dictatore autem, & non minùs quolibet Imperante temporariò, si disertè ad tempus pactò restringatur Imperium, duratio idè potestati fit *intrinseca*: quia frænum est potestatis, eâ de causâ injectum, ut ne Majestatem veram sibi occupet; ipseque Populus, etiam superstitè illò & finitâ causâ, exercitium suæ Potestatis ad se recipere velit. Nimirum quòd deponat Princeps temporarius finitò tempore imperium: id non pendet à tempore simpliciter; sed cum cogi ille possit ad deponendum à Populo, imperio illius superiore: hinc pendet ab Imperio Populi. Nec ullibi habetur, quòd Dictator depositò imperiò non obstrictus fuerit ad rationes reddendum populo. Quâ ratione tempus quidem formam Imperii in se non determinat, quoad exercitium actûs; sed tamen quoad Jus Potestatis: quò ipsò temporis restrictio infirmitatem potestati injicit; quæ cum Majestate, characterem perpetuum requirente, consistere non potest. Neque verò solùm ratione *Dignitatis*, ut illi putant, prærogativa est in imperio perpetuo; sicut omninò *modus habendi* ad Dignitatem facit: verùm etiam ad naturam ipsam Majestatis facit duratio; quæ quidem ad naturam cuiuslibet Summæ Potestatis, v. c. *Magistraticæ*, nil faceret. Quin & modus habendi pactò subjici potest, sed non etiam tempus, quod omnia perimit: exequente illud populò, vi hactenùs pactò solùm *suspensâ*. Unde nec de rerum privatarum juribus ad Majestatem arguere convenit. Nec sequitur in Jure Civili, qui Dominus ad tempus est, item qui ad tempus obstringitur, ille verè interim est Dominus l. 66. d. R. V. & hic verè obligatus. Utique & temporarius Magistratus, à quò provocari non potest, verè habet Imperium summum; sed non habet verè Majestaticum: neque suò jure, ut nec habet Curator Pupilli Regii; (de quò ipse Grotius d. l. ubi quidem quando tutores quosdam habuisse veram Majestatem ad tempus tradit: intelligit hoc non aliter, quàm quòd summam auctoritatem à populo acceperint.) Denique ab effectu frustra æstimam-

tur formæ rerum civilium. Sic enim *Statûs Imperii* plurimos effectûs, qui Majestatem referunt, in suis territoriis edere videmus: sic etiam *Nobiles immediatos* effectûs plures, qui Superioritatem Territorialem referre videntur: nec tamen hic est Superioritas, aut ibi Majestas: Imò effectus hòc ipsâ efficiendi *secundario* tribui non potest, qui à primò, velut hîc Populò, dependet: cum & *Delegatus* eundem effectum inducat, nec tamen illi potestas delegantis adscribi possit. Illud planè huc non pertinet, quod de *Rectoribus annuis* Civitatum adducit Auctor: nam in esse Magistratûs nil quidem interest, an ad tempus quis fasces teneat, an in perpetuum; quippe quòd penes neutros Majestas Civitatis consistat. Ipsa verò Majestas non patitur, ut qui semel Regiò axiomate insignitus est, in privatorum ordinem aliquando transcribatur; sicut nec ad tempus uxor aut filius assumitur. Ex his itaque rejiciendus est non minùs *Hornius d. l.* ubi quidem species similes ex Historiâ veteri adducit, ut fuerant *Æsymnetæ* apud *Mytilenenses* & alii: quanquam diversæ, nec eadem conditiones, capitum ejusmodi temporariorum, fuerint. Est quoque observandum, quòd malè dicat *Hobbes. c. VII. d. Cive. §. 16. & c. IX. §. 11.* temporarios esse Reges, qui potestatem ad tempus vite accipiunt: Quos & usufructuariis ita comparat, ut solùm usum Imperii habere censeantur; dominium verò ejus penes populum remaneat. Videlicet *Hobbesius* non putat Majestatem Regi competere, qui successorem sibi constituere non possit. Eòdem redit ferè, quod in *Leviathan. c. XIX.* habet, quasi Reges *electi* Summam potestatem non habeant.

(p) UT HEIC IN FRISIA. Cum itaque *Legati Ordinum Hollandiæ* ad Comitiam, nihil aliud sint quàm *Mandatarii*, & delegantes eos infirmare acta illorum possint. In *Frisiâ* tamen *Cl. Auctor*, putat exemplum *Optimatum* quoque temporariorum reperiri, quod & c. XXXIII. inferiùs proponit. Nam ibi Populum, tradit, Legatos suos mittere ad Comitiam cum plenâ potestate statuendi, quod ipsis è Republicâ videatur, finè specialibus mandatis & finè rationum redditione, vel ut populus acta delegatorum suorum infirmare queat. Et sic ibi factam esse translationem Summæ Potestatis annuam duntaxat. Verùm ut nec *Aristocratia temporaria* datur; quæ quidem

dem facilius dari posset, quàm *Monarchia temporaria*, eò quòd in hac Imperantis sanctimonia & inviolabilitas major existat: ita de re ipsâ pluribus ad d. c. XXXIII. videbimus.

XIII. Magnitudinem parvitatemque civitatum nihil facere ad diversitatem (q) summi Imperii, modo superiorem non habeant, facilius intelligitur. Nisi quod enormis quandoque differentia distrahat judicia hominum. Adeò ut Ragusam Illyrici, & Genevam Allobrogum urbes, principatusque Arausionum, iisque minores Ithacam olim Ulyssis æque summam habere potestatem, atque Turcarum Gallo- rumque vasta Imperia, gravatè existunt. Majestatis tamen vox licet usu populari summæ potestati adæquata, tamen id ex usu antiquo retinuit, ut simul dignitatem amplitudinemque requirat majorem quam ut nimis exilibus civitatibus congruat.

(q) AD DIVERSITATEM. Equidem non officit, quòd minùs *summam potestatem* parva etiam habeat Respublica; & perperam nonnulli *decem Diveses* ad Regnum requisivere, ap. Arnif. L. I. d. Republ. c. V. sect. 6. Facit tamen ad gradum dignitatis, ut ipse Auctor in fin. hic innuit. Nec potestas illa eundem vigorem habet, quòd sibi constat Respublica magna, quæ *potestatem* suam *potentiâ* satis validâ tueri potest: adeò ut licet potentia primariò ad constitutionem potestatis non faciat; tamen ad *exercendam* illam conferat plurimum. Hinc in Imperio quæque Romanò Statùs conditio,

(quæ tamen *Majestatica* non est verè, sed analogicè,) æquè competit imbecilli, ac potenti: Et huic tamen ob potentiam *effectûs singulares* tribuuntur, qui in serie causarum civilium jus peculiare *Potentatûs* producant: quò unicè valere illi censentur, qui ad instar Regum Jura sua, tam contrà vicinos Constatûs suos, quàm exteros, justò robore asserere & vindicare possunt. Interim aliquando *Civitas*, licet *exigua*, se tueri potest æmulatione vicinorum, vel ob causas alias. Exemplum est in *Palmyrà* urbe, ap. Plinium V. Hist. Nat. c. XXV. & in *Sagunto*, ap. Liv. XXI. Hist. c. III.

XIV. Postremò, sæpius evenire docent historiæ, ut nomina summæ potestati consueta, tribuantur iis, qui rem nullo modo habent. Quod de Regibus Laconicis & Germanis olim, hodieque Polonis (r) ipsisque pene dixeram Cæsaribus, ne de Venetorum aut Genuensium Ducibus loquar, adfirmari potest. Ex adverso, non paucos invidiam summæ potestatis popularibus verborum imitamentis declinasse, docent nuncupationes *Principum* (s) & *Imperatorum* Romæ, novissimèque, in Anglia *Protectorum*, aliaque alibi terrarum.

(r) POLONIS. Et tamen cum non modò Rex Poloniæ præcipua quædam jura Majestatis *Monarchicè* tenèat; sed etiam aliquando plura, quæ postmodum Ordines Regni occuparunt, obtinuerit. Hinc eidem non modò titulus hodiè, sed & Reverentia Majestatis, etiam à Regibus aliis & Re-

buspublicis, tribuitur; secùs atque Duci *Venetiarum*. Nec enim dubium est, in *Statu mixto* Principem sive Monarcham *veram* habere Majestatem, etiam quoad *summitatem*; licet *plenam* non habeat. Illud sanè indignum est, quod constare hic Auctor ait, de *Cæsaribus*, illis nullò modò summam Potestatem

testatem competere. Nam hoc ne quidem refelli meretur. Quod verò de *Germania* antiquis Regibus memorat: id ipsum ex *Commentatoribus* ad *Taciti Germaniam* illustrari potest. Et sanè hos etiam solos habuisse *potestatem*, quamvis cum *libertate* Populi sui *mixtam*, constat potius, quàm ut cum Regibus *Laconicis* conferri possint. vid. *H. Grot. Lib. I. c. 3. §. 10.* ex quò species illas Regum ap. *Lacones & Germanos Auctor* strictius retulit, quàm debebat. Cæterum *Administratio* Reipublicæ differt sæpè ab *interiori* potestatis *constitutione*; nec ulla potest consistere Aristocratia vel Politia, nisi illa *speciem* Principatûs, hæc speciem Oligarchiæ induat. Imò si *vim* Imperii, non etiam ipsum *Jus*, spectes, *Ministro* quoque vis Imperii sæpè competit; sicut ab excessu *Henrici IV. Gall. Regis*

penes *Aneraum* erat *Galliæ Regimen*, mox penes *Luynæum* erat, cui *Magnates* succelsère, & paulò post *Richellus*, dehinc *Mazarinus*. Ita *Julius Formosus* quidam: in universum, ait, omnem Majestatem, in Personis Regum, externum potius splendorem, quàm vim & potentiam veram, plerumque designare; Regum verò salutem in eo esse, si summam Reipublicæ ipsi teneant.

(s) PRINCIPVM. Quasi Principes in Senatu, Imperatores in bello: Et sic *Cromwelus* Rempublicam Angliæ, *Protektoris* nomine, nec tamen primus, occupavit. vid. *Politicum sine exemplo*, & nuper de vita *Oliv. Cromwelli* plura alia. Vicissim in *Germania* popullis olim Regna vocabant, quæ tamen Principatus erant. *H. Grot. I., 3., 10.*

XV. Denique summam potestatem evidenter aut tolli aut minui putant multi, cum in Regno constitutum est, ut decreta principis non aliter valeant quam in aliquo senatu recognita & approbata sint: At hoc ejusmodi est, quod sæpè fallit, cum plerumque magis id prudentiæ quam juris (t) sit institutum. Non ut inde vis imperii pendeat, sed ne Principes decipiantur à supplicantibus.

(t) MAGIS PRUDENTIÆ QUAM JURIS. Quò referenda est *l. 8. C. d. LL.* ubi spontè Imperatores valere nolunt, quicquid sine consiliò Senatûs edictum aut rescriptum fuerit. *Juris* autem esse dicunt, quando placitum ejusmodi non est in arbitrio Principis, ut reverti scilicet ad licentiam priorem, & spernere Senatum nequeat: Tale quid esse in Imperio R. Germanico, dum Imperator recedere à pactione, quâ Consensum Statuum adhibiturum se esse, in rebus magni momenti, spondit, non potest. In *Gallia* quoque antehac Senatus *Parisiensis* seu *Parlamentum* hoc jus habuit, ut Edicta Regum non valerent, nisi recognita; quod tamen Jus Reges jam pridem subegerunt. Et tamen sive prudentiæ hoc sit, ne facile Princeps labi possit, aut effrenis arbitrii incusari; sive Juris, h. e. necessitatis: neutribi quidem per se Potestati summæ officit: quò & *H. Grot. Lib. I. c. III. §. 16.* inclinare videtur, quando ait: Summum Imperium esse non definire, licet Imperaturus promittat subditis aliqua, (hoc verò juris est, & necessitatis,) etiam talia, quæ ad

Imperii rationem pertinent; quamvis in ipsam facultatem illa cadat obligatio: Quia non reddatur casus hoc actu nullus ex vi superiori, sed ipsò Jure, h. e. voluntate Principis ipsius antecedentè. Interim sicuti certum est, necessitatem obligationis in Rege cum libertate & summitate Majestatis non pugnare: ita nihilominus illa, in quæ spondet Imperaturus, ita comparata esse oportet, ut ne in iisdem quicquam ex potestate populo relinquat: Sic enim plenam Majestatem Ipsum tenere nemo dixerit. Equidem Imperatorem R. G. quod concernit, consensus Statuum, quem necessariò ex pacto Capitulationis adhibere obstrictus est, sicuti non causam efficit productricem actuum, sed tantum conditionem sine quâ non: quippe quòd Ipsi Imperatori soli & uni Jura omnia Majestatis, & sic potestas Imperii summa, tribuatur, nullò Statibus retentò vel reservatò Majestatis Jure: ita exercitium quoque jurium istorum Cæsari nihilominus manet integrum, & solum modum exercitii adhibitio illa consensus Statuum conficit.

XVI. Denique nihilo magis variatur summa potestas, exinde, quod qui habent illam, ob privatas causas in jus vocari soleant. Cum id fiat ex voluntariâ submissione in illis, quæ principes non ut capita (u) Reipubl. sed ut membra societatis civilis contrahunt.

(u) NON UT CAPITA. Hôc ipsô, quòd *privatas* causas hîc supponat *Auctor*, & quæ ex iuribus illis, quæ Principi cum privatis *communis* sunt, dirimere oporteat; etiamsi ex *legibus civilibus* definiendæ forent: quibus, quâ ratione Princeps vivere possit, illæ sâ Majestate, superius *cap. VI.* expositum est. Quid verò si *rationem Imperii* Princeps reddere teneatur *Comitiis*? Ita verò si hoc ex necessitate juris fiat, ex Majestate omninò quid debet; secus si *sponte & fiduciâ causa* ad hoc se offerat imperans: cum & *Deus* apud Prophetas ad disceptandum cum hominibus, super causæ suæ iustitiâ, se declaret. Illud utique falsum est, quod *Hippolith. à Lapide* docuit, *P. I. c. III. Rat. Stat. Sect. 2.* quasi *Judicium Palatini*, de quò in *A. B.* mentio sit, in Cæsarem quoque valeat; quatenus Ille Imperio Ipsum rectè non præfuisse accusari queat. Nam hoc ne quidem verosimile est, indeque id negant tutius *Schütz. vol. 1. Disp. 7. th. 21. Becker. L. II. Synops. c. VII. §. 17. add. Rümelin. p. I. ad A. B. D. §. & Strauch. in Exoter. p. 705.* Imò totum illud Jus *Palatini* dubium penitus, indeque explosum reperitur, integrâ *Deductione* apud *Lundorpium*. Saltim hoc admitti potest, cum antiquitus Præses *Judicii Aulici Cæsarei Comes Palatinus* fuerat, & Cæsar in causis privatis, Imperium nullatenus attinentibus, conveniri se coram istò *Judiciò*, sive *Comite Palatino*, dem *Hof-Richter*, pateretur: (non aliter, atque hodie Ipsi Electores & Principes in *Curiis suis Provincialibus* li-

tes, cum subditis quoque suis, spontè suscipiunt:) Inde *Judicii & Palatini* memoriam in *A. B.* irrepsisse: Nunc autem ubi *Comes Palatinus* ex *Aula* secessit, mutatâ penitus rerum facie: conveniri *Imperatorem* coram suò *Judiciò Imperiali Aulicò* adhuc dum posse; sicuti nec *Judicii Comitis Palatini*, ab eò tempore, quò ab *Aulâ* secessit, *exemplum* ullum in *Historiâ* reperitur.

Illud tandem quæritur: An verè *Majestatem* habeat, qui eam cum *Clausula Commissi* tenet? h. e. si fidem fallat, ut tunc Regnò cadat? *Affirmat H. Grot. Lib. I. c. III. §. 16.* quasi *modus habendi* solum per conditionem hanc imminutus sit. At verò, sicut Ille *temporarium* quoque Imperium, cui istud *Commissorium* non absumile esse, ait, *Majestate* constare autumat; quod tamen cum potestate non quidem summâ, sed tamen *Majestaticâ* pugnat: (ceu quidem ubique potestas *summa* in se & simpliciter spectata, quippe quæ Magistratuum quoque esse potest, & extra Statum *Reipublicæ Majestaticum*, ab ipsâ potestate eximiâ *Majestatis* discernenda est; quippe quæ *Sanctimonia* peculiarrem habet, indeque inviolabilis & perpetua haberi debet:) Ità in hoc meritò deferitur. Et injurius est in Cæsarem *Limnaus*, quando *Clausulam Commissi* inesse *Capitulationi* tradit; quæ tamen nil amplius continet, quàm si quid adversum *Juribus* rescribat vel decernat Cæsar, quod illud pro inefficaci & nullò habendum Ipse velit.

CAPVT XV.

Quatenus summa potestas per fœdera mutetur.

ARGUMENTVM.

Minores populos conjungi vel per unionem civitatis vel per fœdus arctum, quo etsi cuncta belli & pacis quaque ad defensionem necessaria communicentur, summum tamen jus omnium illasum manere posse, quod exemplis probatur. Perimi tamen singulorum jus sum-

summum, quatenus plurium suffragia pauciores sequi cogantur. Idem juris esse in fœdere inaequali, etsi unus populus majestatem alterius observare debeat, imò etsi judicia quaedam à superiore in fœdere super alios exerceantur; quod tamen non licet aut universis sociis aut uni superiori, nisi quatenus expresse convenerit: at si provocandi jus detur civibus singulorum, per hoc desinere summam esse potestatem. Quod autem ipsi socii ab reliquis cogi & plecti, quod tributa, milites exigi possint, non officere summa potestati; denique & eos, qui victi ad tributum adiguntur, etiam vassallos, posse habere summam potestatem.

I.

Parvitas (a) civitatis adeò nihil detrahit juri summæ potestatis, ut non alibi magis doctrina ejus conspicua sit, quam ubi singulis urbibus Imperia terminantur. Veteres fane de civitate agentes hanc simplicissimam explicare solent. Utique per Europam ante Macedonum & Romanorum arma vix aliæ societates publicæ extabant. Athenæ, Sparta, Sicyon, Argos, Corinthus, Thebæ, Roma & quicquid alibi clarum fuit, hoc exemplo gubernabantur. Nec ulla res æque Philippo Macedoni adversus Græcos, Romanis contra Italos & in Hispanis Gallicisque bellis quam hæc minuta populorum divisio profuit. Dein per victorias, aut, suadente utilitate, consensu factum est, ut in majora corpora plures populi coalescerent. Quod vel per unionem civitatis vel per modum fœderis arcti contingere solet.

(a) PARVITAS. add. not. ad cap. pæced. §. 13.

II. Prior ratio extinguit summam potestatem, ita ut qui prius imperabant, nunc imperata faciant. Nam quæ antea fuerant civitates, jam membra majoris civitatis factæ nihil aliud quam subjecti corporis partem constituunt. Idque tam in plurium quam Unius Imperio ex æquo obtinere certum est.

III. Fœderis arctioris, ubi tamen non fiat σύγχυσις πολιτείαις, plurium confusio civitatum in unam, variæ sunt species, quarum nulla summam potestatem lædit. In universum est vel æquale vel inæquale. Quod est æquale, id non officere summæ potestati per se patet. Saltem restringit libertatem faciendi quod velis in ea re, de quâ convenit. Quod etiam in naturali plenissimâque libertate (b) potest fieri. Ita fœdus Amphictyonicum (c) quod universæ Græciæ unum in publicis cau-

sis tribunal statuebat, singulis Græciæ civitatibus non ademisse potestatem summam extra controversiam est *. Sed fœdus Ætolicarum & Achaicarum nationum (d) videtur unam fecisse de pluribus Rempubicam, ut ex Polybio ** colligitur.

* *vid. Ubb. Emm. de Græc. vet. tom. 3. de Concil. Amphict.*

** *l. 2. c. 38. Justin. l. 34. c. 1. Ubb. Emm. d. tom. 3. d. Rep. Æt. & Ach.*

(b) PLENISSIMA LIBERTATE. Hinc vana sunt argumenta omnia Hippol. à Lap. cum sequacibus, à necessitate, quæ Imperatori Romano ex Capitulatione, vel Juribus Imperii, in actionibus suis incumbit, desunta: quibus Ille hõc ipsõ libera summæque Potestati Cæsaris detractum esse argutatur.

(c) FOEDVS AMPHYCTIONICVM. Dictum ab *Amphyctione*, tertio Rege Atheniensium. Postquam enim *Cecrops*, tempore diluvii Deucalionis, Anno Orbis 2390. primus Athenarum Rex *Arzopagum*, ad jus dicendum in causis majoris momenti, constituisset; quanquam istud *Scaliger* ad Regem XII. *Demophoonem* referat; judicium *Amphyctionicum* à suo nomine, dictus *Amphyction*, (qui anno 2449. imperare cœpit,) in hunc finem instituit, ut Græci universi quotannis, in commune istud Consilium, bis coirent, & secundum *Leges Amphyctionicas*, quæ ad instar *Juris Communis* erant, & supplementum Jurium, in singulis civitatibus obtinentium, per *Pylagoras* (nam ita *Assessores Tribunalis* dicebantur, & ipsi confessus eorum *pyleæ*,) judicaretur. Et quidem habebatur primum in *Thessaliâ* ad *Thermopylas*, postea verò in *Phocye*, propè *Delpbos*.

(d) ÆTOLICARVM. Complectebatur *Græcia* propriè dicta, sive *Hellas Ætoliæ*, in qua *Chalcis*, *Doriden*, in qua *Pindus*, *Atticam*, in qua *Athenæ*. Coierant verò *Ætoli* & ipsi, exemplo *Achæorum*, in unam Rempubicam, & crescentibus rebus secundis implicabant se bellis variis: ita ut de *Achæis* etiam opprimendis subinde confilia agitent; eumque in finem cum *Antigono* Macedoniæ, & *Cleomene* Lacedæmoniorum Rege, fœdus pangerent. Sed *Achæi* Macedonem sibi conciliabant, ut ipse in *Ætolos* & *Spartanos* verteretur: sicut & *Sparta* potitus est; *Ætoli* verò à *Philippo* Demetrii filiõ, Macedonum Rege, ab *Achæis* in auxilium vocatõ,

in Ordinem redacti, tandem Romanis in prædam cesserunt: deletõ ipsorum nomine, & cum hoc etiam ipsõ *Panatholiõ* & conciliõ communi, in quod ad Rempubicam ordinandam quotannis coire consueverant; sicut apud *Polybium* Lib. XIV. proditum est.

(e) ET ACHAICARVM NATIONVM. Describit originem & constitutionem Corporis *Achæici* ex Græcis Auctoribus, & Urbes ex quibus Corpus illud constitit, enumerat, simulque formam ipsam Statumque Reipublicæ exhibet *Ubb. Emmius*, p. III. *Græciæ veteris*, p. 274. ex quõ non minùs atque ex *Polybio* hîc citatõ apparet, quod exemplar egregium benè constitutæ Reipublicæ penes *Achæos* fuerit: & ex *Justino*, quod unum Corpus & unum Imperium habuerint; indeque Romani Legatis suis occulta mandata dederint, ut Corpus *Achæorum* dissolverent, singulasque Urbes proprii Juris facerent. Proinde Scriptores eos, qui hodiernum Romanum Imperium *Achæico* fœderi comparant, illis quidem, (ut vulgò putatur,) non accedere patet, qui Imperium nostrum non esse unam, sed plures unõ fœdere contentas Respublicas, statuere annisi sunt. Quamvis enim *Kulpisius* in *Dissert. d. Unitate Reipubl. in S. R. Imp.* eõ nomine istos reprehenderit; tamen satis ex *historiis* intelligitur, quod *Achæia* non complures Respublicas continuerit, æquè ac Corpus illud *Amphyctionum*, quod *Achivis* comparat *Strabo* Lib. IX. & *Lyciorum*, apud Eundem Lib. XIV. Sicut verò *Achæi* sub *Philopomone*, Prætoris suõ, vel maximè efflorescere cœperant; adeò ut eundem in societatem Romani allicerent: ita etiam cum eõ contabuit gloria *Achæica*. Nam Romani, quibus *Peloponnesi* totius vires in unam Rempubicam coivisse grave videbatur, extinctõ istõ, *Spartam*, *Argos*, *Corinthum* &c. à fœdere per actum separarunt, & causam belli dehinc adversus *Achæos* cæteros, ex læsione honoris Legatorum

torum suorum, arripuerunt. Bellum cepit *Mellus* & confecit *Mummius*; à quo Corinthus excisa penitus, abolitum Concilium Achaicum, & *Gracia* universa in *Provinciam* redacta est.

IV. Potest autem belli & pacis, contributionum, omniumque rerum ad communem defensionem pertinentium communio haberi, salva singulorum sociorum potestate summâ. (f) Et si cunctis partibus integra non sit: nam in iis, quæ communia sunt facta, & in quibus coeuntium suffragia numerantur, singuli non habent potestatem, sed omnes pariter. Attamen omnia, in quibus sententiæ non prævalent numero, (g) manent singulorum, & sic nihil detrahunt Majestati.

(f) POTESTATE SUMMA. In exemplum est *Belgium federatum* quod fœdere *Trajectinô* altissime quidem conjunctum est; ut tamen salva manserit *singulorum Provinciarum potestas*: v. H. Grot. d. antiqu. Reip. Batav. quippe quod solum res illæ exceptæ sint, quas ex fœdere ad universitatem sociorum, seu *Ordines Generales*, deferre oportet. Nam istas duntaxat non singulæ, sed omnes pariter, exercent; ut tamen etiam quasdam præcipuas facultates prærogativæ numeri suffragiorum eximerint. In *Helvetiorum* autem *Republicâ* fœderatâ minor est aliquantum conjunctio, quàm in fœderato *Belgio*. Sed in *Germanicô Imperiô* fœderata conjunctio nulla. Nec admitti potest, si non species fœderis sit in *Germaniâ*, rem tamen esse: & falsum est, quod Status *Germaniæ* tribuant solum nomen Majestatis Cæsari, qui sit *Princeps fœderis*, eumque prosequantur imitamentis Majestatis: quodque Principes Imperii Statusque sint *independentes*, & omnibus ferè juribus Majestatis *independenter* à Cæsare utantur: adeo ut ne quidem tam arctè cstringantur ut *Belgæ*. Porro differre *Superiorita-*

tem territorialem à *Summâ Potestate* solum modo, non specie; sibi verò *Majestatem* non tribuere Status, quia nec illam tribuant *exteris Regibus*, sed soli Cæsari suo. Enimverò, Status etiam *Regibus exteris Majestatem* tribuere, satis constat. Cur verò aliquando scripserint ad Reges *Vestra Regia Dignitas*, & quidem ex *Comitiis Imperii*, illud ad *Notit. Imp. Bæcleri* expositum est: ubi simul omnia, quæ perperam de fœdere *Germaniæ* adferuntur, solidè nō fallor, refutavimus.

(g) NON PRAEVALENT NUMERO. Esto tamen, conventionem placitum esse inter fœderatos, ut ex *majori numero* suffragantium negotia publica pendeant: Utique minora suffragia per hoc Majestatis vacua haberi non possunt, ut nec ipsæ *Respublicæ*, quarum illi suffragantes *delegati* sunt. Neque enim vincuntur aliquâ potestate superiore, sed suo arbitrio & votorum plurium pondere. Quod egregiè explicavit *Lampad. in Tract. d. Rep. Rom. Germ.* ubi de *Comitiis Stat. Imp. Germ.* agit. vid. *Auct. §. 8. in f. h.*

V. De fœdere inæquali (h) plus est dubii; inprimis distinguendum, utrum onus transitorium vel an permanens alterutri imponatur. * Nam si quæ præstatio ratione sumptuum belli redimendæve injuriæ quæ transit, uni præ altero injungatur, id palam est, non officere Juri Majestatis. Nec quidem si convenerit, ut populus unus comiter alterius principis populivæ majestatem conservet. Hoc enim adjicitur, ut intelligatur, alterum principem populumve ratione dignitatis esse superiorem, non quod libertati summæque alterius potestati

quicquam decedat. Quemadmodum clientes nostros intelligimus liberos esse, etiamsi neque auctoritate neque dignitate nobis pares sint.

Vid. Grot. d. c. 3. §. 21.

(b) FOEDERE INÆQUALI. Equidem de inæquali foedere, quod vel tale dicitur ratione *virium*, & inde *præstationis minoris*; licet *permanens* hæc fuerit: vel etiam quod actum *transcuntem* habet, dum v. c. in amicitiam & foedus recipitur, qui hostis antea fuerat, si impensas belli finiti solvat: non adeo quaeritur; ut rectè *H. Grotius §. 21. h. c.* sed, ut in versu: *Nec quidem.* &c. apud *Auctorem* sequitur, quando ex vi *pacis* permanentem aliquam foedus conventionem habet, ut alter alterius Potestatem & Dignitatem cum prælatione quâdam conservare obstrictus sit; quale Foedus *Ætolorum* tum Romanis fuerat. De quo tamen *Auctor Cl.* rectè cum *H. Grotio* affirmat, quod inferior in foedere non propterea alterius Potestati suppositus sit. Neque enim *patrocinium* in Cliente ne quidem libertatem *personalem* tollit: quippe quod hic in *fide*

tantum sit patroni, non etiam in illius ditione (nec verò de *Clientibus*, quales *Thessali & Athenienses* habebant, sermo est, qui eosdem tractabant, ut mancipia; sed quales *Romani*;) und giebt Schutz und Schirm-Recht keine Obrigkeit. vid. *Magerum de Advocatia Armat. c. X. n. 368. Gail. II. O. 54. Bœkelium de Jure Protectionis, Heiderum von Reichs-Vogteyen*, & quæ ad *Bæclerum Lib. I. Notit. Imp. Rom. Germ. c. III.* dicta sunt. Accedit quod *inaequalis amicitia* aliàs quoque nullum inter amicos pariat imperium; atque hoc est quod *Auctor* dicit: Superiorem alterum non esse Potestate, sed *Auctoritate* solum & *Dignitate*: Idem quod *Grotius d. l.* Quem in sensum quoque accipiendus est *Proculus Jctus*, quando in *l. 7. §. 1. d. Captiv. & Postlim. revers.* alterum superiorem esse tradit.

VI. Quin imo etsi convenerit, ut apud commune foederatorum concilium vel eum qui in foedere superior est, cives singulorum civitatum certis ex causis rei fiant damnatique puniantur, (i) id nec ipsum potestati summæ adversari docet *Proculus Jctus*. * Nam & in æquali foedere potestas decidendi sociis reliquis aut certis personis ex pacto deferri potest.

* in *l. VII. ff. de captiv. & postlim. revers.*

(i) REI FIANTE DAMNATIQUE PUNIAN-
TUR. Hujc dubio non satisfacit *Auctor*, sed potius principium petit, quia de hoc disquiritur: an pacto fieri id possit, illæsa Majestate foederati inferioris, ut illius populi cives apud nos rei fieri queant, & in eos damnatos animadvertere possimus? Sicut autem in aliis, ita non minus in hoc articulo *Auctor H. Grotium* pressè sequitur; qui verò licet *d. cap. III. §. 21.* varia de punitione subditorum populi foederati commentetur; tamen ea ad locum *Proculi* solvendum quicquam non faciunt. *Pufendorfius Lib. VII. c. V. §. 18.* cum is locum hunc *L. 7.* impeditum esse videret, nihilominus

planissimam responsionem suppeditasse vult, quando *d. l. §. 1.* ad jus, & *§. 2.* ad factum referendum esse cupit; quasi cum *Proculus* in antecedentibus dixisset, quid ex naturâ foederis fieri deberet: deinceps addiderit, quid factum fuerit, quando *Romani* socios deinde, ut bello victos, tractaverint. Et tamen utique *Proculus* nil, quod facti est, insinuat; quippe quod hæc verba: *sunt apud nos rei &c.* sensum Juris & ipsa continent. Igitur cum non possit non jure Majestatis, saltim aliquò, excidere Civitas, quæ *jus vita & necis* in suos cives alteri civitati permittit: Idèò cum & *Antonius Matthæi d. Crim. ad Tit. de Læsâ Majestate*

statè cap. VI. doctrinam *Proculi* penitus evertat, indeque expositio ejus, si quæ alia, planè à mente *Proculi* aliena, ipsique veritati Historicæ adversa sit: rectius dicemus: Romanos cives idèò à populo fœderatò, si penes hunc deliquissent, plecti non potuisse, ipsisque immunitatem à pœnâ pactos fuisse Romanos; idque salvâ populi ipsius Majestâte potuisse: quia nec poterat pœna capitalis statui in *Civem Romanum*, intrâ *finès Romani Imperii delinquentem*, inconsultò Populò Romanò. Quâ ratione multò minùs facultatem illam peregrino populo, si hoc declinare liceret, permittebant.

Quin potiùs sibi paciscébantur, si quis civium Romanorum, in finibus istius populi, delinqueret; ipsum vi pacti Romam, ut puniretur, *remittendum* fore; cujus generis remissionum hodiernum, inter diversarum ditionum Dominos, nullâ potestatis alterutrius diminutione, subinde frequentantur. At verò peregrinum, populi fœderati subditum, si in suò deprehenderent Romani, eundem meritò, juxta regulam, pactò non restrictam, in foro delicti & deprehensionis puniebant; eaque fœderis fuerat *inaequalitas*. vid. l. 3. d. *Off. Præs.* ibi: *In extraneos. Nec distinguitur unde sint. &c.*

VII. Sed absque conventionem nec unus sociorum nec commune concilium, cui administratio rerum ad fœdus pertinentium committitur, jus dicere possunt de capite fortunisque hominum qui sunt in singulis civitatibus. Nisi constet eos, qui præsunt civitati, nolle in suos, qui contra fœdus deliquerunt, animadvertere, imò illos recipere in publicam protectionem. Tunc enim socios habere jus, ejusmodi maleficos ut hostes capere & damnatos punire, non quidem imperii sed magis jure belli dicendum videtur. Si manifestum sit delictum, & contra fœdus admissum esse; alioquin hoc obtentu jura sociorum conspiratione plurium è sociis violari possent.

VIII. Observandum est etiam, posse fieri, ut tales socii certo respectu unius instar civitatis obtineant. In iis ditionibus, quas jure belli communiter partes per commune concilium regunt. Adeò ut in hi plurium consensus pro omnium voluntate per omnia absolutè habeatur.

IX. Verùm enim verò si provocandi facultas daretur civibus sociorum adversus acta suorum Imperantium ad aliquem ex fœderatis, vel ad commune concilium, tum manifesto læderetur summa potestas. Non æque si ordines summi, unius sociæ civitatis, de rebus inter se controversis ad commune concilium ex pacto rem deferre (k) cogantur.

(k) EX PACTO REM DEFERRE. Cui quid simile olim placuit Civitatibus quibusdam *Hanseaticis*. de quo *Mevius* ad *Jus Lubec.*

X. Quin etiam cogi & plecti (l) potest sociâ civitas, quæ legibus fœderis satis non faciat, quæ res adeò juri summo non obstat, ut nec fœdus inæquale constituat. Siquidem aliter fieri nequit in statu naturali,

rali, quo sunt foederati, quam ut alterum promissis non stantem vi & armis compellat.

(l) *COGI ET PLECTI.* Sed non item *puniri*, ne quidem si de casu foederis, ob conventionem dissoluti, agatur; quæ *H. Grotii* est sententia. Nec enim jus puniendi in alterum, nisi ex jure *Potestatis superioris*, competit; ut *inferius* ostenditur. Quæ verò est *in Ordinem redactio*, seu ut *Leges foederis* alter observare teneatur: illa non est vis *Majestatis*, sed impressio potius & adactio quædam, inter æquales; quæ nec semper

bellò, sed *indignatione* sæpius aut minis, conficitur. Sic & *paritio*, si quam dicatur foederatus inferior alteri debere, *effectu* tandem similis esse potest subjectioni; sed *causa* talis non est: ut rectè hætenus *H. Grotius d. c. III. §. 21.* Quin & cognitio deferri potest ad *Caput foederis* super injuriis, quæ reliquorum foederatorum unus alteri confederato intulerat, illasâ horum *Majestate*; ut rectè iterum *H. Grotius d. l.*

XI. Quid verò, si superior in foedere jus habeat indicendi reliquis exercitum, exigendi pro arbitrato tributum, moratores citandi cogendique ad solvendum? Ne hæc quidem pro defensione communi ex pacto concessa summam potestatem tollunt, sicut ratio & exempla docent. Non inter Græcos, Sparta ac Athenæ principes reliquorum foederatorum, ea jura tenebant, & tamen inferiores in foedere populi sinè dubio liberi summæque potestatis erunt.

XII. Quin etiam qui bello victus cogitur victori solvere annuum tributum etsi perpetuum, (m) is eâ re non amittit summam potestatem. Quia pecuniaria præstatio non impedit, quò minus is qui tributum solvit, omnia Imperandi acta liberè in subjectos exerceat.

(m) *TRIBUTUM ET SI PERPETVUM.* Quamvis hæc sit confessio quædam *infirmittatis*, quoad *potentiam*; & ex *Dignitate* quid delibet. Interea *Potestatem* ipsam, sive Jus Imperii, non attingit. Et tamen hic etiam in simplici hæc præstatione subsistendum est. Aliquando enim, præter conditionem tributariam, alia quædam populo injecta sunt, aut incumbunt, ut ex his saltim imperio ejus detractum censerî possit. vid. de *Judæa*, postquam *tributaria* fuerat facta, *Selden. Lib. VI. d. J. N. G. juxta disciplinam Ebraeorum, cap. XVI.* Vicissim non est protinùs *tributum*, quod tale vocatur; sicut tributum nonnunquam est, quod tale non vocatur. Planè quod ex pacto, non ex *subjectione*, debetur, *Majestati* solventis illud non præjudicat. add. *Becmann. Parall. Polit. c. XX. §. 3. 4.* Illud verò non est recipiendum, quod *Zieglerus* ad

H. Grot. Lib. I. c. III. §. 12. tradit: idèò tributariam conditionem cum potestate summâ stare posse, quia exigendi tributa potestas inter *Jura Majestatis minora* referatur: quæ propriè *Majestatem* non constituent. Uti enim hætenus nullum est discrimen inter *Jura Majestatis*, & nec ullò etiam regali minori *abdicare* se potest *Civitas*, ut non dici debeat *imminutam* habere *Majestatem*: (de *communicatione* enim hic sermo non est; quippe quoddam *majora* etiam *Majestatis jura* salvâ *Majestate*, ut suo locò dicetur, aliis communicari possint:) Ita *h. l.* *Respublica* tributaria se non abdicat *Jure collectandi subditos suos*, sed solum fructum ejus juris, sive exactas contributiones, easque tantum aliquas, ad certam summam modumque, *Reipublicæ foederatæ* impertit.

XIII. Eâdem ratione adhuc fortius dicendum, ne quidem feuda-

lia Imperia, etsi habeant quem dominum appellent, cui servitia præstent, minimè tamen jus summæ potestatis hoc ipso desinere habere. Modo qui subditi sunt vasallo, jus provocandi ad dominum (n) non habeant. Nam servitia quæ dicuntur, nihil ferè sunt aliud, quam officia exhibendi se in armis pro domino. Quorum præstatio nullo etiam modo impedit facultatem ita imperandi suis, ut acta infirmari non possint.

(n) JVS PROVOCANDI AD DOMINVM. directum scilicet. Et hinc Rex Bohemiæ potestatem absolutè summam non habet, eò quòd subditi ipsius ex privilegio tantum exempti sint à Camera Imperiali; cæterum & hi, & Rex ipse, qui tamen alias, ut & Austriæ Archi-Duces Libertate & exemptione singulari gaudet, maxime verò Rex, *Pacis Publicæ* Constitutioni, & sic *Legibus ac Judiciis Imperii Romani*, suppositi sunt. Neque verò probanda est illorum distinctio, qui putant Regem Bohemiæ tunc quidem Majestatem habere, quando idem fit Rex Bohemiæ, qui *Imperator* est, ut nunc plerumque in Austriacis; alias verò secus esse. Nam illi qualitates personarum distinctas, ex unitate subiecti sive personæ, quod tamen fieri non potest, confundunt: siquidem Imperator Romanus sibi ipsi, ut Regi Bohemiæ, sicut Carolus V. sibi, ut Duci Burgundiæ, imperare valet. In cæteris, ubi Rex quidam *Vasallus tantum* est alterius, sed non etiam subditus: omnino conditio feudalitatis Majestati ejus nil detrahit; sicut exemplum est in Rege Neapolitano, Regnum in feudum recognoscens à Pontifice Romano. Satis enim ad *Jus Feudale* ostensum est, quòd ne quidem obligatio Vasalli, quâ quoad personam ejus domino directo tenetur, aut quâ hic in ipsum *Jurisdictione* pollet,

subjectionem inferat. Nec etiam officit, quòd jus istud Regis Vasalli *amissibile* sit: quia scilicet non amittitur ex præfinitione temporis & *per se*, sed ex naturâ conditionis feudalitatis: id quod Majestati accidit, indeque ejusdem naturæ quicquam non detrahit. Idemque dicendum est in *Feudò Ligiò*, ex quo fidelitatem Domino suo debet Vasallus adversus omnes. Idem etiam de eò casu, quando *Dignitatem Regiam* à Domino directo, qui conferendæ ejus arbitrium inter Gentes habet, acceperit. Nam illa Dignitatis collatio in subditos quidem valet jure Majestatis; sed in cæteros non aliter habenda est, quàm *judicium* quoddam eximium; cui tamen deferunt Gentes aliæ, ut cum Ipse pro Rege quem declarat, illæ quidem eandem *Dignitatem* in eo agnoscere non vereantur. Quod multò minus habet dubii, quando *exterorum* alicui Imperator Dignitatem quandam confert, quæ *Imperio Rom.* propria est; ut fit, dum Magnatem aliquem *Poloniæ* inter *Principes Imperii Romani* recipit. Ex quibus *Zieglerum* emendare licet ad *Lib. I. H. Grotii, c. III. §. 23.* ubi non minùs *Statibus Imperii* malè *Autocratiam* tribuit. Videlicet hi non tantum Vasalli sed & *subditi* Imperii sunt, quorum ipsa potestas seu Superioritas territorialis dependens & aliena est.

XIV. Sufficit enim ad jus summæ potestatis, quod subditi cujusque nihil altius aut majus habeant, cui parere debeant. Hoc enim ipsis summum est, quo ulterius adscendere nequeunt. Quippe ratio imperandi atque parendi intra fines cujusque civitatis liberæ continetur.*

* vid. *Grot. I., 3. §. 21. seqq.*

CAPVT. XVI.

De

Fundamento imminuendæ Majestatis.

ARGVMENTVM.

Repetitur, Imperio Civitatis simpliciter constituto excipi patientiam mortis indubie violenta ac injusta, & instituti perpetui in bona civium pro lubricine grassandi, præter ea, quæ specialiter in quaque Republicâ eximuntur, quod maximè in monarchiis fieri; utrumque ratione probatur. Contra niti Hobbesum, eò quod populus ad Imperium stabilendum congregatus, multo minus, post stabilitum, dissipatus, non habeat jus corporis aut universitatis, nec proinde capax sit juris personalis acquirendi: quod refellitur ab effectu, qui est, delatio Imperii per actum unum voluntatis, quam unitatem etiam illic esse, ubi populus per oppida vicose dispersus Imperantes constituit. Conventu populi dissoluto manere tamen effectum exceptionis Imperio adjecta, tam per modum nullitatis actuum qui contra sunt, quam quia societas civitatis post digressionem civium à comitiis universitatis jus conservat, quod exemplo Democratia comprobatur; adeo ut Imperantibus in his, quæ concessa illis non sunt, impunè non pareatur. Questionem, an expediat hoc civitatibus, à juris quæsito alienam videri. Hobbesiana alia refutantur.

I.

MAjestatem adhuc suo fixam fastigio secuti sumus. Nec quicquam ei præter licentiam (a) continuo instituto in personas & bona subjeutorum grassandi, Vimque manifestam vitæ civium more latronis inferendam negavimus. De rebus ad secreta animorum & sacra pertinentibus infrà dicturi.

(a) LICENTIAM. Sic ergo licentia, quæ semper est in vitio, à libertate sive summitate Imperii discernenda est. Expenditur autem licentia tam in Corpora civium, seu personas, puta vitam

eorum & actiones civiles, quàm animi interiora, quorum dominium DEO reservatum est; velut circa sacra & res conscientie alias: de quibus Auctor Lib. I. c. XXII. ut & in bona subjeutorum.

II. Probavimus pridem, in Democratiâ (b) minorem populi partem non obligari ad patiendum illa duo extrema, quæ modò excepi-
mus. Unde ex fundamento sæpius collato idem in paucorum vel Regali Imperio statuendum intelligitur.

(b) IN DEMOCRATIÂ. Quamvis autem pro-
ductio Majestatis, quatenus pactis constituitur, ex

Democratiâ fieri queat. Tamen non satis tutum est, illa quæ ad vim Majestatis constituta pertinent,

ex naturâ Democratici Regiminis deducere; ut *inferius* apparebit. Adeò ut ne quidem simili modo id quod in Democratiâ obtinet, ad paucorum

sive *Optimatum*, multòque minùs ad *Regale Imperium*, adplicari queat.

III. Dictum (c) insuper, in Democratiâ posse, ubi populus velit, excipi plura, in quibus prærogativa numeri suffragantium cesset. Sed ob æqualitatem ibi, cessante metu invidiæque, populus rarò vel nunquam singularia exceptionum à se ipso stipulatur.

(c) DICTVM. *Lib. I. c. X. §. 6. seqq.*

IV. In Aristocraticis civitatibus pleræque cautiones sunt pro securitate optimatum, quam hi callidè vocant Libertatem. (d) Cum ferè plebs in illis adductius quam in ipsis principatibus habeatur. In quibus tyrannidis insolentia in eminentiores maximè redundat. Optimatum artes ad plebem premendam unicè paratæ sunt.

(d) LIBERTATEM. Quasi per cautionem non tam Optimatibus, quàm plebi prospiciatur. Regitur autem vel idèò plebs adductius in Aristocratiâ, quia ferè tot Principes habet, quot Optimates sunt. Rectè tamen *Auctor* cautiones seu maximas, quæ pro Aristocratiâ tuendâ faciunt, quales apud *Septalium de Ratione Statûs*, plerumque ex Politicis *Aristotelis* deductæ, nec minùs *ap. Boxhorn. Lib. II. Inst. Pol. & nuper Hertium P. II. Elem. Prud. civilis, sect. 6. seq.* leguntur, à flagitiis, quippe quæ privata, sive omnium sive quorundam Optimatum, commoda promovent, &

ap. Clapmarius de Arcanis Rerumpubl. tradita sunt, distinguit. Quanquam Clapmarius minùs rectè appellatione arcanorum utatur. Nam hæc tam à Maximis sive Cautionibus, quàm à Flagitiis, plurimùm discernuntur. Sic enim v. c. arcanum Imperii Romani haberi poterat, in quod impegisse Constantinus M. dicitur, quòd sedem Imperii ex Capitali urbe Româ transfulerit; per quod credi poterat, alibi etiam quàm Romæ sedem ejus constitui posse, & sic direptioni Gentium Roma relinquebatur.

V. Sed in Monarchiis præsertim conspicuæ sunt leges, quibus principis potestati subinde nonnihil eximatur. Quæ res displicet mirificè *Hobbesio*. * Qui proinde vehementer adnititur, ut nec sanâ ratione id fieri posse, cum ratione evincat. Sed rationibus non aliis, quàm quas suprà (e) refutavimus. Cum inter populum ac Imperantes foedus intercedere demonstravimus. Exemplo quidem à Democratiâ sumpto, sed quod ad reliquas civitates (f) & Imperia extenderetur.

* in cap. 6. de cive.

(e) SUPRA. *Lib. I. c. X.*

cas & Aristocraticas. Adde simul quæ d. c. X. notavimus §. 6.

(f) RELIQUAS CIVITATES, Monarchi-

VI. Imò in Monarchiâ Imperantes ex pacto subditis fieri posse

quodammodò obnoxios ratio clarior quàm in democratiâ docere potest. Nam in populo universo partes fœdus contrahentes in eodem ipso populo, (g) penes quem est imperium, sunt quærendæ. At in Regno, pars una contrahentium è subjectis constat; alteram Imperans ipse constituit.

(g) IN EODEM IPSO POPULO. Quatenus scilicet ille à se non differt, nisi ut consideretur tanquam *universus*: quâ ratione *imperans* est; & tanquam *singuli* de Universitate: quâ ratione *subditorum* locum tenent. Hinc etiam in *Monarchiâ*

clariorem esse discernendi rationem, ait *Auctor*, inter Monarcham & distinctum penitus ab eò populum; ut inde magis perspicua *obligantis & obligati* ratio sibi constet.

VII. Sed Hobbefius negat, subjectos ut unum quid posse considerari. Non sane, *ait*, quamdiu sunt congregati. Multo minus, postquam dissoluti ad sua quisque sunt dilapsi: maximè si nullum tempus, quo rursus conveniant, (h) sit constitutum; sicut in Angliâ fit, ad quam ille tantùm & ubique respicit ac alludit. Ratio, quare ne tum quidem, ubi convenere, *personam* repræsentent, suprâ (i) insinuata. Quoniam singuli pactum cum singulis habeant, imperata se facturos. (k)

(h) QVO RURSUS CONVENIANT. Sic enim putat *Hobbefius*, ipsò illò tempore aded in unum congregari, ut ne quidem possit videri Rex potestatem summam unquam habuisse, eò quòd *voluntatem* suam omnem populus non abdicaverit. Imò, ut *suprà* dictum, *Hobbefius* ne quidem Regem esse putat, quem ita constituit populus, ut cum vita ipsius Regnum ad se, scilicet populum, *reverti* debeat: Quasi scilicet Regem oporteat *disponere* posse de Regno, etiam in id tempus, quò Rex esse desiturus est. Utique *Hobbefius* nullum unquam Regnum pro tali habet, nisi quod *absolutum* sit; neque ullam limitationem *per naturam* in Regno admitti posse, opinatur. Hinc etiam nullam inter *summum & absolutum* Imperium distinctionem agnoscit. Excusat tamen eum, ne illa quæ de absolutò Imperiò disseruit, crudè nimis accipiantur, *Pufendorffius* Lib. VII. cap. VI. §. 13. eò quòd *Hobbefius*, quando dicit cap. V. d. *Cive*. §.

6. posse Regem *cogere* subditos ad omnia, *qua ipse vult*, intelligendum hoc esse tradit, quantum faciat *ad finem Civitatis*. Cæterum quoad *Conventum populi* distinguendum est, ut si cœtus ille suò jure coire & de Reipublicæ negotiis decernere queat, vel eidem Princeps ad rationes reddendas obnoxius sit: non utique Status ille pro *Regiõ* haberi queat; secus si ad hoc, ut *de injuria Regis* deliberent, conveniant: quâ ratione cur non æquè possint *personam* repræsentare; talem scilicet, qualem initio in *resignandò* voluntatem Tuam habuit, non apparet: quamvis non eam sustineat, quâ polluit *ad voluntatem & potestatem Majestaticam* in Democratiâ antecedaneâ, vel saltem *civilem*, sive quæ ad Magistratum summum requiritur.

(i) SUPRA. Lib. I. c. X. n. 2.

(k) FACTVROS. Ita verò prò dispersis habet *Hobbefius*, ut unum quid non sint: Et tamen huic etiam d. l. responsum est.

VIII. Quo equidem concessò nihil causæ video, quare illud singulare pactum universam cum Imperaturo pactionem (l) excludat. Imò

inter-

intercedere talem, rei ipsius, ni fallor, evidentia declarat. Delatio enim Imperii à populo in Regem fit uno actu. Nec enim à singulis, ullus opinor, unquam Rex immediatè fidem accepit. Primò quidem suffragia viritim colliguntur; Sed ex collectis unum fit decretum; Ubi actus & voluntates infinitæ singulares in unum compinguntur, ibi manifesto fit unum quid è multis. Exemplo sit Servius Tullius, qui dolo regnum adeptus, rebus benè gestis, civiumque studio fretus, ausus est ferre ad populum, vellent juberent ne se regnare. Tantoque consensu quanto haud quisquam ante se alius Rex est declaratus. * More comitiorum Romanorum, curiæ vel centuriæ populi in suffragia missæ fuerunt. Quod major pars sciverat, id pro lege promulgatum est. Atque ita populus persona factus est, (m) antequam Rex constitueretur. Pari modò L. Flaccus Interrex de Sylla tulit, ut omnia quæcunque ille fecisset, essent rata. A quâ verbis potius quàm re discrepabat lex vetus Imperii, quæ Cæsarum potestati juris prætextum (n) circumdedit. Quam Jcti Legem Regiam dixere, de qua aliàs plenâ manu egimus. ** Populi decretum, lex appellatur. Legem nihil esse aliud quam communem Reipublicæ sponzionem (o) ὁμολογίαν κοινὴν πόλεως, fœdus universale, dixere sapientes, *** neque res ipsa non loquitur.

* verba Livii in lib. 1.

** in lib. 1. Digress. cap. 16. & seqq.

*** l. 2. π. d. LL.

(l) PACTIONEM. Quippe quæ ex pactò illò singulorum cum singulis, & firmatò per illud arbitriò majoris partis conficitur; idque sequitur Decretum illud, quò universi, sub modò, in quem cum Rege paciscuntur, se eidem subjiciunt: idque est quod Auctor. Cl. hic ait: *Regem non à singulis immediatè fidem accipere.*

(m) PERSONA FACTA EST. Et adhuc persona permansit, constitutò Rege; saltem quòd voluntatem eam non ampliùs haberet, quæ dictata summæ potestatis promere posset. Nam hoc ad essentiam pacti sive constituendi sive constitui non requiritur: sicut etiam in Principe ipsò non attendendum est, quà pactum attinet, quòd Majestatem habeat, quò minùs circà objectum, quòd civitatem concerneret, (eàdem ratione quàm circà objecta alia: Nam hactenus promissa ejus sub religio-

ne & fide Gentium, non etiam sub Majestate civili consistunt,) populo suo obligari posset.

(n) JURIS PRAETEXTVM. Hoc vult Auctor, Cæsares Rempublicam occupasse; nec indiguissè Lege Regiâ, ut tamen viderentur Principatum tenere populi magis voluntate, quàm potestate suâ; inde ipsos, ut Lex Regia conderetur, procurasse. vid. Auct. cit. lib. I. Digress. Justin. cap. XVI. seqq. ubi operosè Martinum Schoetkium refutat, quando hic in Tract. d. Quadruplici L. Regiâ. unquam exstitisse Legem Regiam negat.

(o) SPONSIONEM. Confundit Auctor Legem propriè dictam, & quæ vi Majestatis fertur (quæ ne quidem ipsa certò modò sponso Reipublicæ est, ut in Comment. ad tit. ff. d. Legibus. diximus,) cum decreto populi Romani, per quòd in modum pacti, cum Principe, Majestatem ei deferendò,

convenit: siquidem in eò pars neutra superior altera, sed pacificantes hactenus *aquales* sunt; & lex solum dicitur ab *externa formâ*, quia populus eò more, quò Leges in Statu populari ferebantur, dum *Augusto* potestatem in se delatam vellet, pro

concione *rogatus* fuerat. De *fœdere*, quòd nomen hoc inter populum, eumque cui Imperium in se ipse defert, non satis bene adhibeatur, superius admonitum est.

IX. Qui vult, qui decernit, qui agit, qui jus transfert, numquid ille jus acquirere non possit? (p) Qui totum uno actu à sese alienat, an ille, quo minus partem retineat, (q) si res de quâ agitur, recipiat divisionem, impediri posset.

(p) ACQUIRERE NON POSSIT. Imò ait *Hobbesius*, postquam transtulit, non est *habilis* amplius ad acquirendum. Et sanè in hoc non evertitur *Hobbesius*, quando *Auctor Cl.* confundit jus translatum, Imperii scilicet, cum eò jure, quod ad paciscendum populus habet: nam sicuti populus *Jus Imperii*, quod transtulit, acquirere denuò non potest, & postquam transtulit *Jus Imperii*, non is est amplius, qui de Imperio, & secundum illud, decernere possit: Ita sicuti ante translationem *jus paciscendi* habebat, sic eum illud nil attineat ad objectum pacti, sive *Jus Imperii*, idè et-

iam post translationem illam populus *jus idem* paciscendi, & hinc Regem sibi obligandi, retinet.

(q) PARTEM RETINEAT. Hic verò non quæritur de *Scissione Majestatis*, ut populus partem sibi servet; sed de specie illâ, quâ populus *omnem potestatem* in Regem confert, num illud fieri possit eum in modum, Princeps non absolute sed *restricte* imperet. Multò minus autem retentio quædam fieri potest, postquam semel in Principem potestatem omnem Populus dimisit; ut ipse *Auctor §. 12.* tradit,

X. Ita jam constat, populum principi vel optimatibus Imperium deferentem esse unum quid, esse personæ instar jurisque tam retinendi quam statuendi capacem. Non minus quam universitas hominum eodem juris civilis effectus habere potest, atque singuli homines.

XI. Quid si nunquam populus in unum conveniat, sed per oppida, territoria, per pagos dispersus Imperantes constituat? Nihilominus unum esse, ac jus personæ habere, statuendum est. Cum enim ex plurium consensu ubique concludatur & omnium conclusiones in unum conjungantur, juris ratio nihil ex situ locorum mutatur. Sed quantum hoc institutum in politicam (r) inferat diversitatis, id hujus non est loci. Utique nihil ad compescendas seditiones utilius, nihil rursus ad oligarchicas artes opportunius esse, docet ratio & experientia.

(r) IN POLITICAM. sive utilitatem & securitatem imperantium.

XII. Supereft quærendum; possitne populus aliquid juris retinere, postquam Imperio constituto simpliciter dissipatus est. Et quidem
nullo

nullo tempore constituto, quo rursus eum convenire oporteat, ut fit ubique per Europam dimissis regnorum populorumque ordinibus, Hobbes * negat, eò quòd dissoluta multitudo non sit universitas neque corpus hominum, sed singuli tantum. Atqui nec hoc inquit, est actum neque fieri potest, ut singuli jure universis quæsito uti præsumant.

* in d. cap. 6.

XIII. Id quidem concesserim, si quis populus non omne Jus Imperii transferre cupiat, etiam rectius sibi consulere, si tempus certum rursus conveniendi, statuatur, (s) aut potius si relinquat aliquam potestatem conservandæ libertatis, ut in regnis quibusdam legitimis olim factum accepimus, in Spartano, exempli gratia, & Arragonio. Tamen etsi nihil ejusmodi extet, populusque post leges imperii dictas resolutè difflexerit. Adhuc tamen jus, quod ex constitutione imperii populo quæsitum est, durare suoque effectu non carere putamus. Præter enim quod ipso jure esse queant nulla, Imperantium acta contra leges præscriptas: Manet etiam communione vinculoque juris & foederis sociata multitudo, à qua nihil vetat aliquid juris retineri. Denique obligatio in eum casum contracta fuit, ut conventu populi dissoluto, in regimine exercendo usum effectumque haberet. Conditio obligationis simpliciter initæ hæc est, ut perpetua sit, non modo civili sed & gentium jure & ratione naturali.

(s) STATVAT. Concilium istud est *Auctoris*. Sed iterum dilabitur in confusionem Statûs limitati cum mixtò. Ad hunc pertinet casus illè, quò populus non omne jus Imperii transfert; & sic quando coit sive conventum celebrat, certò tempore, non est hæc universitas *Majestate vacua*, ut est populus sive corpus illud repræsentans, quod conventus suos celebrat in *Regnò limitatò*; quale videri potest esse corpus *Comitiorum Imperii Romani*. Hæc verò ut non est *potestas summa Imperii*, sed solum *Jus conservandæ libertatis*: ita hoc ipsum benè consistere potest cum translatione *omnis & totius Imperii* in Principem. Ipse quo-

que *Auctor Cl.* largitur deinceps, ne quidem conventus ejusmodi necessarios esse ad hoc, ut libertas populo sive limitatio Imperii conservetur; & sufficere posse, quòd *nulla* habeantur acta Imperantis, si quæ contrà pacta, initid regni cum ipso inita, admiserit. Est quoque hoc recipiendum, quod *Auctor in vers. conditio &c.* habet, ob hoc, quòd Princeps pacta non observet, non oportere statui, quòd protinus quasi fide ruptâ Imperium *Majestaticum* scilicet, necessariò *perpetuum* esse oporteat; Quamvis *Auctoris* sententia alibi & in *Lib. I. c. XIV. §. 12. de Regnis temporariis*, diversa sit.

XIV. Idem evidentius docetur ac illustratur ex specimine *Democratia*.

cratiæ. Nam in popularibus imperiis post habitum de publicis negotiis conventum omnes dilabuntur. Administratione rerum magistratibus commissâ. (t) Quibus nemo ex universo populo in iis de quibus imperium habent parere non debet. Sæpe etiam plebs dissolvitur, ut nullum conveniendi tempus certum constituatur. Quod Romæ & Athenarum experimento compertum. Nemo tamen dixerit, illos populos interea nihil habuisse juris. Quod si Imperium totum in eo statu retineant, nihil est causæ, quare non partem, posito quod divisibile sit, (u) per juris rationem servare queant.

(t) MAGISTRATIBVS COMMISSA. Quos interea *Universitatem* populi, quâ *imperat* scilicet, repræsentare oportet. Aliàs enim *singuli* ex multitudine potestatem Imperii, quatenus *ad universitatem* Reipublicæ referuntur, attribuire sibi possunt. Hinc quando *Magistratus* administrationis modum non servat, administratione suâ *privari* potest; quippe quodd ibi *populus* etiam constituto Magistratu sit *superior*. Tale quid verò de populo, qui *Regem* constituit, dici non potest, quamvis ante hunc constitutum ipse imperium *Democraticè* tenuisset. Illud solum admittitur, ut modum exercitii Majestatis Rex limitatè & secundum pacta teneat; atque non per imperium summæ potestatis in populo, uti Magistratus Democraticus, sed per religionem & vinculum promissi teneatur.

Quâ ratione *Auctor* infirmiter adversus *Hobbesum* à Magistratu Democratico ad Regem argumentatur; & vicissim à populo in Statu Democratico ad populum in imperio Monarchico. Et tamen ille ex specimine Democratiæ hanc rem *clarius* doceri posse putat.

(u) POSITO QVOD DIVISIBILE SIT. Est verò omnino Imperium per se divisibile, ut detur Status *mixtus*, & possit sibi populus Regem constituendo *Jus* unum alterumve Majestatis *retinere*. Sed rursus *b. l. Auctor* statum *limitatum* cum *mixto* confundit: nec satis confusionem hanc per ea quæ in *§. seq.* habet, evitat; saltem vis inde argumentis ipsius adversus *Hobbesum* conciliari non potest.

XV. Non tamen huc pertinet ista comparatio, quod Principes instar Magistratuum censeamus. Sed quia partis quod ad partem, eandem quæ est totius quod ad totum rationem esse oporteat. Nempe cum integra aliqua jura majestatis ab Imperantium personis alienantur, non ubi quodlibet ab eo promissum elicitur, hæc intelligimus.

XVI. Tu dices; obligationem extinguere, ubi persona cui debeatur, deficit, ubi nemo est, qui exerceat jus partesque exigendi occupet. Quod evenire tum, cum populus stabili Imperio, dissolvitur absque certo ordine redeundi in unum. Neque enim singulis vel paucis facultatem resistendi Imperio totius Reipublicæ sine summa confusione, quam suprà omnia fugit civitas, posse permitti. Sed nec ulli competere facultatem convocandi populum, cui id lege non sit datum, invito eo, qui tenet Imperium. Ob eandem summi periculi & exinde præ-

præsumptæ omnium voluntatis rationem. Quod si populi conventus agi non possit, nihil quoque decerni adversus eum posse, licet terminos sibi positos egrediatur. Sed videri contingere, quod in testamento, ubi testator ex parte assis heredem scripsit, neque ex reliquâ hereditate quenquam nominavit. Tunc enim heredem ex parte institutum haberi pro herede ex asse, non tantum Juris Romani sed & communis ratio dictat. Ita & principem, cui pro parte Imperium sit delatum, non expresso, à quo & quomodo reliquum teneretur, (x) in solidum Reipublicæ impositum videri. Quia præsumptio, quod populus minimè voluerit pro parte regi & pro parte non regi, validior est, (y) quam quod testator partim testatus partim intestatus decedere noluerit.

(x) QVOMODO RELIQVVM TENERETVR. Utique respiciendum est, an de *ipsis juribus Majestatis* agatur: & sic certum est, quòd Princeps, extra id quod ei delatum est, sibi vindicare quid non possit; maximè quando jura partim, licet Monarchicè, ipsi concessa fuerint, cum antea populus universa teneret: An verò circà unum alterumve jus Majestatis, Populus *de modo exercendi illud* cum Principe paciscatur: & hòc casu populus neque ex istis juribus, nec multò minùs ex cæteris, sibi quid reservasse credi potest. Atque hòc modò posteriori comparatum est cum *Capitulatione Cæsareâ*, quippe quòd Cæsar sublatus sit in potestatem *integram Monarchicam* eam, quam ab antiquo *Impp. Romani* tenuère, super cujus aliquot deinde Juribus, maximè iis, quibus premi Libertas Statuum & subditorum citius posse videbatur, Ipse cum Statibus, de modò ea exercendi, per certa capita, paciscitur. Unde traditio *Quorundam* falsa est, quasi Electores ex ipsis juribus Majestatis sibi & Statibus quid *reservaverint*. Falsa quoque traditio *Lampadii*, quando ille per Capi-

tulationem ideò Majestati Cæsaris quid detractum non esse docet: quia Illi non tota per Capitulationem, sed *pars tantum Majestatis* collata sit; cui idcirco, quâ Ipsi delata est, hocipsò detractum quid esse nequiverit.

(y) VALIDIOR EST. Quia scilicet pars illa bonorum, de quâ testator non disposuit, ad heredes ab intestato eòdem jure *patrimonii* pervenire poterat. Non autem fieri potest, ut populus qui Imperium à se abdicare vult, *pro parte* tantum à Principe regatur. Quònam enim reliqua jura Majestatis abirent: cum tamen non possit dari Majestas, nisi *omnia jura* habeat, quorum exercitium illa regio patitur: ut aded non possit dari Status, in quo Princeps Majestatis partem teneat, ut non altera pars penes populum debeat remanere; & exinde Status *mixtus* confici. Hic verò de Statu mixto iterum sermo non est; sed de *limitatò*, qui nulum Jus Majestatis in populo ponit, sed unicè *jus* sive facultatem *intercedendi*, si Rex Majestatem non eò modò, quò ipsi est delata, exerceat.

XVII. Pro responsione primò sit, quod existâ sententiâ, populus Romanus se Decemviris, cui summum Imperium ad tempus dederat, ne quidem post illud tempus opponere potuerit. Nemo enim erat qui Imperium præter illos haberet. (z) Si dicas, non habuisse diutius quam datum erat. Regeram, nec principem, cui partes imperii po-

tentiales non omnes datæ sunt, Imperium habere, quatenus jura, quæ nunquam data sunt, exercet. Adeò ut in iis æque nihil sit supra privatum, quam Monarcha temporarius spatium suum emensus, aut is, qui extra territorium, jus dicere præsumat. Sanè quod docet Hobbes, * Populum digredientem sine tempore & loco repetendi conventus, si relinquat alicui potestatem puniendi eos, qui leges transgrediuntur, eam necessario esse absolutam, id nulla ratione niti videtur, ut ex democraticis exemplis (a) perspicuè patet. Proinde res eò deducitur, ut statuendum sit, cuilibet corpori civium imò & singulis eorum, quibus primævum eligendi jus fuit, in tempore quidem & loco, facultatem competere exigendi ab Imperantibus, ne usurpent quod nunquam iis datum atque delatum fuit. An & contra vim resistendi facultas ex eadem juris necessitate consequatur, alibi dicendum. (b)

* c. 6. §. 17. *sub fin.*

(z) QVI IMPERIUM PRAETER ILLOS HABERET. Perinde ac necesse est, populum extrà Magistratum in Democratiâ positum ut privatum consideret *Auctor* in §. 14. b. nam aliter adversus *Hobbesum* illò simili uti non poterat: ita etiam hîc *Populum Romanum*, tempore Decemvirorum, considerare ipsum oportebit. Et tamen nemo asseret, illum tunc temporis Majestate destitutum fuisse; quin potius Imperium Decemvirorum, quod & tempore finiebatur, à populò suspensum, & non nisi in *actu secundo* tale, atque exhinc *dependens*, fuerat. Scilicet agnoscenda non est *Auctoris* hypothesis, quasi Magistratus summus, ad tempus constitutus, reverà Majestatem teneat. Indequè adversus *Hobbesum* exemplo Decemviro-

rum & Magistratûs Democratici non illâ, quâ putat, efficaciam utitur.

(a) DEMOCRATICIS EXEMPLIS. Ubi quidem Magistratus potestatem puniendi singulos habet; sed tamen non nisi *delegatam*. Hinc facillè concedet *Hobbesus*, hunc ipsum à populo universo, ut justè eam exerceat, adstringi posse: Cum quidem ut populus in Statu Monarchicò *Regem* adstringere valeat, quò is benè imperet, nequaquam ille concesserit. Nam in Statu Democratico *populus* semper *universus* manet, etiam *Majestaticè*; sed non item in *Monarchicò*: licet ibi universus etiam haberi possit, quâ *super modo Majestatem habendi* cum Principe paciscitur.

(b) ALIBI DICENDVM. *Lib. I. c. XXXV.*

XVIII. Non audiemus, si quis hoc periculosum, quin & exitiale publico dicat. Valet enim hætenus ea ratio, ne in dubiis populum tranquillitati communi adversa voluisse credamus. Non ut ea quæ differtè constituit (c) hoc argumento subvertantur. Omnino enim alia juris, alia prudentiæ quæstio habenda est. Siquidem cuique de suis rebus quæque liberâ in facultate habet, pro lubitu disponere licet. Profit an noceat sibi, modo nulli alii iniquam inferat conditionem, id politici judicent, à juris differentiâ remotum quidem est. Atqui liberum

rum fuisse populo, deferre & non deferre & quantum imperii deferre vellet, id & Hobbesio confessum & ratione exploratum est. Tu qui putas, principibus fas & integrum esse jura sibi expressè negata invadere, nequitiam secuturis inde incommotis sententiam tuam liberabis. Plane & Grotius * summæ potestatis acerrimus vindex, haud secus docet, quam Principem partes Imperii non datas sibi vindicantem, hætenus privatum nec cives ad obsequium esse obstrictos.

* l. 1. c. 4. §. 13.

(c) QVÆ DISERTE CONSTITVIT. At verò hoc etiam vel idèd constituit, ne tranquillitas communis inde quid patiat: & semper est prudentiæ, ut dum potest apud Principem, pacta non servantem, intercedere, illud utique haud unquam intermittat: quâ ratione jus ita constitutum est, ut id ipsum fervari & eò adstringere Principem nunquam non prudentiæ habendum sit. Quod si ve-

rò aliàs *Hobbesii* sententia juri consentanea foret, Ipse potiùs *Auctori* obverteret: quamvis nonnunquam incommotis non possit vacare, si Princeps jura sibi negata invaderet; tamen per hoc nil juri decedere; sed tantum rem prudentiæ & consilii esse, quando & quâ ratione Princeps asserere sibi velit, quod non possit non Regi deberi.

XIX. Verum nec periculo publico deest quò prævertatur. Remedio non tantum prudentiæ, qualia excogitare politicorum est, sed & juri consentaneo. Nam ut populus in democratiâ, ordinatis magistratibus, ad sua rediens tacitè mandat, ut si quid suprà illorum ministerium in Re communi occurrat, civium conventus ab ipsis indicatur. Prorsus ita & populus statuens principem, sed quædam jura sibi reservans, tacite hoc ipso stipulari intelligitur, ut si quid ad hæc pertinens sit agendum, Populare concilium indicatur. Nempe si electio sit populi. (d) Nam hoc ultro intelligitur, si Proceres eligant vel jus soli ad comitia veniendi habeant, de his ea, quæ dicta sunt, intelligenda. Idem, si non omnis populus, sed ordo aliquis aut immobilium possessores jus constituendi plures imperantes, annuos vel perpetuos in Republicâ habeant.

(d) SI ELECTIO SIT POPVLI. Quidni verò *convenire* etiam posset populus, in Regnò *successoriò*, quod *limitatum* est: Quidni etiam Proceres & Comitia in eo Regnò esse possent, quod *successione* constat; saltem tale *concilium* populo in

Regno negandum est, quod idèd suscipitur, ut circa ea quæ summæ Potestatis sunt Ipse *statuat*, & non etiam ut querelas ad Principem deferat, aut ab illò remedia in commune bonum postulet.

XX. Acquiescamus igitur in hac *civiles* Hobbesiana. Populum esse unum quid, eique jus aliquod rectè adscribi, quamvis nec con-

gregatus sit, neque sciat tempus futuri conventus. Quia manet obligatio, qua mutuis pactis se pridem conjunxerant. Et quia naturaliter quicumque jus ex pacto commune cum pluribus habet, æqualiter id, seu convenient sive non, habere censentur.

XXI. Præterea populum teneamus totum quàm totum posse paucis vel uni deferre imperium. Non modò per fœdus mutuum, quo singuli à reliquis stipulentur iisque spondeant obsequium se paucis unive præstituros. Sed & fœdere διπλεύρω inter populum totum vel qui jus populi habeant, veluti partem unam & Imperantes, ut alteram partem. Priore sensu nullum est vinculum obligationis inter populum & Imperantes. (e) Sed in altero respectu duos patet esse fœderatos.

(e) INTER POPULUM ET IMPERANTES. Sed inter singulos cum singulis.

XXII. Denique populum etiam, dissoluto conventu, retinere facultatem ejus juris, quod congregatus acquisivit (f) vel actu habebat. Verissimumque esse, quod imperantes nullo modo plus obtineant, quam ex voluntate eorum, qui imperium dederint. Et hæc quidem ex iis quæ dicta sunt apparent.

(f) CONGREGATUS ACQUISIVIT. Modum Majestati exercendæ præfiniens: & tunc quidem licet in Rege constituendo adhuc Majestaticus; ut tamen vim obligationis ex pacto conferret in id tempus, quò Majestate omni; etiam reali ipse destitutus, & Rex in factò esse futurus erat. Quamquam ne tunc etiam populus universus esse definiret, quique personam moralem pacti capacem repræsentaret.

XXIII. Quare iterum negamus Hobbesio, * *in omni civitate aliquem esse hominem vel concilium, qui quodve potentiam in cives singulos jure habeat tantam, quantam extra civitatem unusquisque habet in semetipsum.* Cum enim collatio illius juris pendeat ab eorum voluntate, nihil est causæ, cur non ita animum inducere possint, ut aliquanto minus potentiæ translatum velint. Quatenus defensionì communi vitandæque confusione sufficere arbitrentur.

* c. 6. §. 13. in pr.

XXIV. Instat ille; *Si potestas Imperantium limitatur, necesse est, ut id fiat à majori potestate.* (g) *Hæc vel sine limite est vel iterum cohibetur ab aliâ majore.* Et sic tandem ad potestatem sine limite devenietur.* Respon-

sponsio est; ultimum terminum potentiae consistere in singulis, qui suimetipsi jus in infinitum habent. Potentia civitatis, ex universis eorum voluntatibus conflata est, quas nulla necessitas prohibet, quo minus aliter atque aliter se habere possint.

* *Hobb. ibidem.*

(g) A MAJORI POTESTATE. Si *potestatem* accipimus pro eâ, quæ Imperii est, falsa est propositio *Hobbessii*: siquidem Civitas Majestate vacua constituto à se Principi potestatem confert, quam ipse populus non habet, nisi *virtualiter*; & sicut eam Principi tribuit non vi majoris potestatis, sed ex placito voluntatis, arbitrio suo renunciantis: ita Princeps hoc arbitrium sibi delatum suâ voluntate & ipse in modum conventionis acceptat, & ad promissa servanda, tam quoad imperium gerendum, quam quoad modum in eo tenendum, non à potestate populi vel aliâ externâ, sed per vim internam conscientiae, quâ juri naturæ obstrictus est, adigitur: indeque nullâ potestate aliâ opusest, quæ imperantem coerceat. Cætera, per quæ *Auctor Cl.* respondet, iterum confundunt populum, spectatum in se, quâ paciscitur, & quâ ad objectum patri refertur. Estque diversa quæstio: an populus

Majestatem producere, quam alii conferat, possit: Quod jam *superius*, adversus eos, qui Majestatem unice à Deo repetunt, assertum est: An verò populus Regem sibi obstringere queat, circa *modum Majestatem habendi*: Nam hoc etiam illi asserunt, qui Majestatem à solò Deo pendere propugnant. Quin potius nullam vim consequentiae inesse dicet *Hobbessius* aliquis, argumento *Auctoris in fin. hic.* Si populus potest Regi *Majestatem* conferre, etiam poterit ei conferre *limitatam*: siquidem *Hobbessius* Majestatem aliquam limitatam dari posse negat. Ex illò tamen *Hobbessius* in *Leviathan. p. I. c. XX.* frustra negat, dari posse Majestatem limitatam, quia huic repugnet locus scripturæ 1. *Sam. IIX. v. 11. & 12.* Quàm enim *Hobbessius* sententiæ suæ fulcrum nullum in *istò loco* reperire possit, ex his quæ, pro intellectu illius, *suprà* adduximus, planum est.

CAPVT XVII.

De Legibus fundamentalibus.

ARGVMENTVM.

Imperantes simpliciter constitutos Legibus cunctis esse solutos, tam quoad directionem quam coactionem, quatenus in illis ad civilem obedientiam obligatio vertitur, at obligatione quæ est Juris Natura, Gentium & divini haud dubie teneri, ut & fundamentalibus. Quæ sint tales. Non esse instituta quæ tacite in omni Imperio excepta intelliguntur, sed esse constitutiones, quæ in fundando Imperio instar conditionum adjiciuntur. Illarum potestas, quando tollant, quando minuant vel restringant summam potestatem. Jura Majestatis in una civitate penes diversos communicative non separatim consistere posse. Quid juris sit, ubi Imperantes salvis Legibus fundamentalibus, nullis tamen expressis, sunt constituti. Legem, ut controversiæ publica inter principem & ordines populi per arbitros terminentur, tollere videri summam potestatem. Etiam stabilito Imperio, communi Imperantium & subditorum consensu expresso vel tacito per præscriptionem temporis immemorialis, oriri posse Jura fundamenta-

lia. Privilegia civibus indulta non esse fundamentalia, nisi forsitan vetustate crebrisque stipulationibus vim utriusque obligatoriam acceperint: quo modo aliqua Imperia è despoticis civilia sunt facta. Quale sit genus obligationis è Legibus fundamentalibus.

I.

DEcantatius nihil est quam Principem legibus esse solutum. Nec tamen æquè usquam mirificè variant interpretationes.* Nos in principe summâ potestate simpliciter prædito, qualis erat Romanus, (a) nullam agnoscimus exceptionem. Proinde cunctis legibus eum solvi nec ullâ omninò teneri arbitramur. Ne quidem illis, quæ fanciunt (b) ea, quæ jure naturæ, Gentium & divino præcipiuntur. Non quod adversus illa jura princeps haud æquè peccet ac privatus. Sed quia legum vis consistit in necessitate civilis obedientiæ. Quam non cadere in summam potestatem voces ipsæ, ne dum principia pridem posita, sponte docent.

* *Vid. disp. 1. A. Matthæi ad Pand. ubi variae opiniones recensentur.*

(a) **QUALIS ERAT ROMANVS.** Et tamen Bæclerus in *Not. Rom. Imp.* Librò XXII. quò de *Formâ* agit, cap. I. graviter ostendit, ne quidem Reges Romanos, ut nec Principes, occupatâ Republicâ, imperium *absolutum* habuisse: Quâ ratione vacui haud unquam fuere Legibus fundamentalibus. Quamvis axioma hoc de *solutâ* Legibus Principis potestate non nisi loquatur de Legibus *civilibus*, & hinc nullatenus de Legibus sive *pactis* *Civitatibus*. Et possit tamen Princeps etiam qui absolu-

tam potestatem non habet, Legibus tamen *Civilibus* solutus esse, quippe quòd hæc Statum publicum non attineant.

(b) **QVAE SANCIVNT.** Hoc vult *Auctor*, quòd lege civili, quâ firmatur hoc, quod Juris communis est, sive divini sive humani, *Principem*, quâ ista formam civilem habet, aut pœnam externam sancit, non stringat: de quo ex *superioribus*, an & quousque *Princeps* ut privatus *sibi* ut Principi *subsit*, discernere licet.

II. Proinde aliud est quærere, num iste homo, qui principatu potitur, jure naturæ, gentium divinoque teneatur. Aliud, num princeps, quâ talis, legibus sit solutus. Jura sane ejus personam obligant, ea vi quam efficere possunt. Nempe ut & Deo & hominibus illis, quibuscum in statu naturali agit, ut sunt omnes exteri, devinciatur. A quibus & cogi & ob delicta puniri (c) potest. Quoniam illis non est Princeps. Sed eorum respectu, qui ut principem eum noscunt, ista jura nullam adversus eum vim exerere possunt. Qui enim cogi potest, is vel superiorem vel parem duntaxat habeat oportet, Quorum neutrum de Principe simpliciter constituto prædicare licet.

(c) **OB DELICTA PUNIRI.** Falsum hoc est, si ad *homines* quoque referatur, Nec enim Gens aliqua

aliqua five Populus Principem exterum, (de quò hìc *Auctor*,) licet contra Jus Nat. & Gent. peccantem, nec omnium minime suum, *punire*; sed fo-

lùm hunc si ut hostem se gerat, Republicâ in statum liberum resolutâ, vi etiam adhibitâ compescere potest. conf. *not. ad Cap. XV. §. 10.*

III. Ne quidem excepimus Leges Imperii fundamentales, quibus alioqui principes teneri volunt. Non quod hoc negemus, sed quia in principatu simpliciter constituto nullæ præsumi (d) possunt. Nihil audimus jactari frequentius, nihil videmus intelligi rarius, quam leges fundamentales, ut non immerito notat Hobbes.

(d) NULLAE PRAESVMI. Videlicet *Leges fundamentales*, (quæ tamen haud unquam inferri in doctrinam LL. *Civilium* debent,) si propriè accipiantur, (vid. §. 4. b.) ad Imperium *absolutum* non pertinent; sed solum ad hoc quod limitatum est. Absolutum verò non dicitur, quod effræne est penitus: nam & *Libertas absoluta* definitur, quâ facere possum quodlibet, nisi quid *jure* vel *vi* prohibear; & imperium aded absolutum est, quando proprio arbitrio & judicio Princeps statuere potest de rebus civitatis: in oppositione ad modum exercitio potestatis præfinitum; non etiam *oppositivè* ad quodlibet *Jus* aut *rationem Juris*. Equidem in *Democratia* distinctio illa non aded manifesta est: cum etiam Concilium sive Senatus Democraticus ita comparatus sit, ut quolibet tempore à populo immutari possit. *vid. Pufend. Lib. VII. c. VI. §. N. §. 8.* Illud verò quicquam ex absolutò Imperio non detrahit, quando Princeps, quippe qui judiciò singulari non omnibus sufficit, *ordinibus & consiliò* utitur. *Idem d. §. 8. & 9.* Sicut etiam illa simpliciter, quæ ad nudum officium Regis, putà id, quod ipsius conscientie tantum commissum est, (de quò *vide Pufendorff. Lib. VII. c. IX.*) pertinent, absolutæ potestati non officiant; sed solum ea, quæ quidem potestatem ipsam non attingunt, nec ejusdem exercitium, sed ad *modum* ejus, & sic etiam ad officium Regis, attamen illud pertinent, ad quod Princeps *promissione* quadam *speciali*, & quæ Regiæ potestati *absolutæ conformis non est*, semet obligaverit. Hinc etiam quælibet promissio Regis, sive obligatio inde procedens, potestatem limitatam non conficit; qualis est *generalis* aliqua, sive *expressa* sive *tacita*: *Pufend. d. L. VII. c. VI. §. 10.* ut nec quælibet *specialis*, veluti nec illa quidem, quâ solam conscientiam suam oppi-

gnorat, in jura etiam expressa; nullò tamen *conci-liò*, cujus judicium adhibere *debeat*, requisitò. Verùm quoties *obedientia* subditorum *ex modò*, qui Imperii seu *facultatis exercitio* statuitur, & ipsa modum capit. Equidem communiter tradunt, quando Princeps contra promissionem restrictionis facit, quæ in *ipsam facultatem* sive potestatem Regiam cadit: actum *irritum & nullum* habendum esse; quòd si verò contra *modum exercitii* tendat actus, ita *injustum* esse tantum, sed tamen *validum*. Et tamen non solum *vim* ipsam Imperii seu facultem ab *exercitio* ejus distinguere non licet; verùm etiam in promissione illa, quæ ipsam facultatem Regis stringit, non potest dici, quòd nihilominus *Majestas tota* sive facultas imperandi penes ipsum Principem, consistat. Cæterum non interest, an *jurata* sit promissio Regis, an *injurata*: nam & hæc conscientiam ejus afficit; nec juramentum quid ampliùs quàm *Religionem majorem* promissioni conciliat. Utique ne *Regnum quidem limitatum*, adedque verè *Regium*, dici potest hoc, quod alicui sub *clausula Commissi* collatum est? Quamvis enim istud in hoc à *temporariò* Imperio differat, quòd clausula *Commissi potestativa* sit, & penes Regem stet, an promissa servare, & per hoc commissum impedire velit, nec ne; adedque ab ipsius voluntate conditio illa, non etiam à populo, pendeat. Tamen hætenus id repugnat *characteri Regio*. Non quidem ut *Hobbesius* putavit *P. II. Leviath. c. XIX.* quasi *persona* post collatum in Principem Imperium ampliùs nulla superfit, in quam commissum Imperium recidere possit. *vid. Scharrock. c. IV. d. Off. secundum Jus Nat. n. 8.* Sed quòd Princeps ob quemlibet neglectum potestate suâ excidere, & in privati conditionem redigi posse non debeat; si non etiam in *hostem* se vertat,

tat, ut tunc *deponi* posse mereatur: quicquid sit, quòd conditio illa Regni commissorii à *voluntate Principis* antecedentè dependeat. Saltem hoc inter omnes constat, *minus dignè* Imperium istud teneri ad cætera comparatum, quæ clausulam non commissi, sed nullitatis actuum, habent; (nam & hæc, illas in se facultate, locum habere potest:) Unde satis infirmum est *Regnum Polonia*, quod sub ejusmodi clausula Commissoria Regi conceditum est; nisi ita exponatur illa clausula, ut *suprà* tradidimus. Denique limitatio Regni non

causam inducit actuum, sed *conditionem sine qua non*. Hæc verò ne quidem est in Regnò illò, ubi *consilio tantum* utitur Princeps: quia hujus rationes rejicere potest, ipsique Consilarii à nutu & constitutione Regis pendent; quod in *Ordinibus seu Statibus Regni*, necessariò assumendis, aliter habet. Planè ab *exemplis* in hac doctrinà quid solidi petere non licet. Unde & *H. Grotius Lib. I. c. III. d. J. B. & P. §. 16.* circa Reges *Persarum & Hebræorum* aliosque lapsus est; ut ibidem in notis ostendit *Osiander p. 502. seqq.*

IV. Nos legis vocabulo primum considerato, submovemus ab hoc termino quicquid actu non est constitutum. (e) Positivas igitur Leges proprie ad hanc classem referendas putamus. Proinde, quæ in voluntariis Imperiis tacitè excepta intelliguntur, ea non nisi analogice fundamentales Leges appellari videntur. Veluti salvam civibus libertatem, vitam rerumque suarum dominium, esse debere. Item nihil posse de Imperio ultrà terminos vitæ statuere principem, nisi id habeat in patrimonio. Civitatem in partes subjectivas non distrahendam, id est, ex unâ civitate non fieri duas, aut alterum alterius membrum esse faciendum. Mares feminis, primogenitos minoribus natu esse præferendos, & quæ similia. Porro fundamenti verbum significare id cui tota structura innititur & quod primò omnium ponitur, suoapte planum est.

(e) ACTV NON EST CONSTITVTVM. *Constitutio* enim propriè Legis formam infert: quâ ratione *Auctor §. seq.* Leges *fundamentales* non rectè per *Constitutiones* describit; nec *Leges* illæ propriè dicuntur, quippe quòd in ipsâ Summæ Potestatis constitutione fiant. At verò Leges ferantur à *summâ potestate*, & respiciant ordinem & decus rerum *eidem subjectarum*, v. c. Magistratuum electionem, sumptuum rationem, &c. Nec etiam *jussa* sunt Leges illæ fundamentales; sed *ratio* seu *modus* necessariæ connexionis rerum ad statum Imperantis facientium, qui à *tota Civitate* conficitur, ut in *Libertate* posita est, vel talis habetur; dum declarat, *pactòque* firmat, quâ formâ regi velit. Non igitur *§. 6.* Auctor *Populo*, si modò illum exclusò imperaturo capiat, potestatem *Leges* ejusmodi *constituendi* tribuere debebat. Nam Le-

gibus quidem *propriè* talibus solutus est Princeps; & si quando secundum illas vivere se velle promittit: illud aliter accipiendum non est, quàm de Legibus civilibus (*Naturalibus* enim & *Gentium* juribus, citrà promissionem, tanquam supernis, tenetur etiam intrà civitatem & ergà subditos; saltem quòd ratione horum *externâ vi* ad servandum ea *cogi* non possit;) sed ita tamen, ut illis quoque non aliter obligari velit, nisi quatenus in actibus civium, quibus ipse Princeps implicatur, adhiberi debebant; sicut ad *§. fin. Inst. Quib. non est permiff. fac. Test. & suprà* pluribus dictum est. Quoad actus enim *proprios* utique Legibus illis nec obstringitur, nec obstringi potest, neque etiam obstringi vult; sive ut Princeps se habeat, sive ut privatus: putà in contractibus, donationibus, suâque voluntate ultimâ, ipsòque Fori Processu, & similibus. Ill

verò

verò doctrinā, quam *Besoldus* habet in *Tr. de Majestate in genere p. 14.* quasi Princeps tantum solutus sit Legibus, per potestatem *extraordinariam*, sed non etiam quoad ordinariam, penitus falsa est. Interim *Leges fundamentales, civiles* non sunt *efficienter*, tanquam à Civili potestate profectæ: quamvis sint *Civitatis*, & sic *Civiles objective*; imò ratione *subjecti* respiciunt Principem, tanquam præcipuum societatis civilis, ex una, & subditos sive reliquos, ex alterâ parte. Porro quando *Auctor §. 4.* tradit, *Legibus fundamentalibus* accenseri non posse, quæ tacite *excepta* intelliguntur: illud solum pertinet ad Imperium *de novo* constituendum: quia hoc simpliciter delatum omnem modum, Majestatem sive potestatem exercendi, respuit; sed non

etiam ad imperium *constitutum*: sicut plura, in *Imperio Romano* cumprimis, antequam per *Capitulationes* in *Scripturam* redactio fieret, tanquam *Leges fundamentales* obtinere: de quibus haud constat, quòd unquam actu *constituta* sint; quin potius per *Observantiam & usum* Imperii sensum introducta videantur. Neque etiam simpliciter est recipienda *Auctoris* doctrina in *fin. §. 4.* Cum enim *Majestas* sit fundamentum *Reipublicæ Majestaticæ* non nisi ex parte *imperantium*: idè etiam *Leges fundamentales* non totam *Reipublicæ* structuram concernunt; sed solum circa Majestatem versantur, vel saltem ad ejus *exercendi modum*, pertinent.

V. Leges igitur fundamentales erunt propriè constitutiones, quæ in fundando Imperio ante plenam ejus translationem (f) stabiliuntur, ut juxtà eas *Respublica* exerceatur.

(f) ANTE PLENAM TRANSLATIONEM.

Imò etiam postquam *Majestas translata* est: quoniam hæc illæsa *limitatio* fieri potest, nec per illam *Majestas* simpliciter, sed solum *absoluta* esse definit: cumprimis si populus limitationem ejusmodi sibi pactus fuerit, vel non aliter regi possit; sicut in *Imperio Romano* Imperator *Majestatem ex more populi* suscipit; eaque demum *suscepta*, in certa capita spondet. Adhuc enim inter *Imperantem & parentes*, etiam quæ tales sunt, rectè dicuntur iniiri pacta *super imperandi modo*, & falsum est, me super eò frustra pacisci, quod jam est totum in meâ potestate. Quidni enim posset remittere quid Princeps de Potestate, voluntate liberâ, aus *freym* gnâdigem *Willen*. Neque igitur pacta talia se habent semper & unicè, ut *declaratio* ejus, quod initio tacite subintellectum fuerat; nam & *nova* penitus conveniri possunt: & valet omnino, si vel *partem Imperii* relictam Populo velit Princeps: quod *Hobbesius* malè negat; multò magis si, ut hoc locò, *exercitio potestatis* suæ limites ipse præfinitos velit. Non quòd Ordines vel *Populus* cum Principe suo agens *Majestatem realem* habeant; aut quòd *Libertas* ejus se referat necessariò ad *Imperium*, ut *constituendum* fuerat: (nam hoc solum pertinet ad conditiones invito Principi propinandas.) Sed ut etiam *Ordines, quæ parentes & subditi*, in

Imperio jam *constituto*, habeantur. Planè si de *Interpretatione Legis fundamentalis*, in contradictione Regis & Ordinum, agatur: ad Imperium in fieri seu ut *constituendum*, Ordines referendi sunt. Debet autem Interpretatio ex jure *communi* fieri, ne *partis* alicujus jura lædantur; nec ubique & semper, (quod *Hobbesius* vult c. XXI. *Leviath. p. 109.*) id agendum est, ut dubia verba pro Imperante & Imperio exponantur. Atque Interpretatio itidem pacto firmanda est; quippe quæ à *solo Principe* fieri non possit. In *Republicâ* quidem *mixtâ* quælibet pars itidem suo arbitrio non gaudet; quando pacta certa adsunt. In *Systemate* autem pars minor majori cedit; sic & in *Polycratiâ*. Utique Princeps haud unquam circa Legem fundamentalem ut *Imperans* aut *Legumlator* se habet. Nec vicissim *Leges fundamentales* injunguntur Principi à *tertio*; sicut in *Legibus* fieri solet. Verum *Ipsè* enunciat conditiones illas gerendi Imperii, in modum *pactis* de quò etiam *alibi* diximus, quòd quidem æstimari istud non possit in modum *pactorum* simpliciter; idque ob peculiarem indolem *objecti*, (*Majestatis* scilicet,) irretractabilis, circa quod versatur. Cum itaque populus ex alterâ parte constitutus, sive post imperium, sive ante delatum, non sit considerandus tanquam Regi *suppositus*; sed qui cum *Ipsò* religioni & fidei, Jure Nat. & Gentium validæ,

validæ, obnoxius sit: Ideò non rectè dicitur à nonnullis, quòd Princeps ad pacta Regni, *principio* tantum *internò* teneatur; populus verò ab Ipsò, ad pacta illa, quà talia, per *Imperium* & vi *Majestatis*, cogi possit. Nam illud quidem ad *populum universum*, quà pactus est, referri non debet: *singulos* autem de populo, sicut extrà formam pacti constituuntur, eosque ad imperata per *Majestatem* simpliciter, ipsà vi illius, adigit: ita etiam ad ea, quæ iisdem injungere secundum modum habendi *Majestatem* potest, ipsos eadem *Majestatem*

Regiâ, adstringit. Videlicet postquam *singuli* per pactum primigenium *in universitatem* transiêre; *Universitas* quidem deinceps *pactò alterò* se quidem etiam *submittit*; nec tantum *singuli*. Neque etiam dici potest, Imperantem habere solum jus, quod *singuli* in statu naturali. Nam ita semper posset commodum suum anteferre *commodo communitatis*. Interim tamen secundum pacta illa cum *communitate* inita, nec aliter, *ipsi* etiam *communitati* imperat.

VI. Jus habere populum tales constituendi, copiosè demonstratum est. Etiam Imperantes illis teneri dubio caret. Siquidem plus juris, quam acceperint, exercere eos non posse, ex iis, quæ disputata sunt, irrefragabile est. Tollant autem vel minuant leges fundamentales, an arctius duntaxat summæ potestatis exercitium faciant, ex qualitate sententiæque singularum est colligendum.

VII. Tollitur vel potius communicatur, & quia communicatur, ideò tollitur (g) in Principe summa potestas, si constitutum sit, ut nihil possit in juribus imperandi maximis sine adsensu senatus vel ordinum populi. Species illa quidem est societatis. Sed qui socium, is habet parem. Qui parem, ille summus esse desiit. Nec minus juridicum aut philosophicum quàm popolare est, quod dicitur; socium habere, id est, dominum habere.

(g) IDEO TOLLITVR. Imò non quælibet *communicatio* Jurium *Majestatis* in Principe potestatem tollit; & minimè illa, quâ Ipse nil posse velit, sine assensu Senatus vel Ordinum Populi; quod ad §. 20. *infra* distinctiùs ostendemus. Sic enim, quòd *Imperator Romanus*, in modum exercendi *Majestatem*, admittere teneatur Status *Imperii*, propterea non eò minus potestatem Ipse retinet; cum ex eò non sequatur: non potest Imperator legem con-

dere, sine adhibitione Ordinum: Ergò non potest. Imò contrarium inde, quòd possit, inferitur: atque hinc ei *Majestas* ejusque exercitium *in solidum* debetur. Videlicet Status sunt non nisi conditio sine quâ non, citrà quam effectus quidem produci nequit; ut tamen non nisi causæ alii effectrici & verè influenti adscribendus sit: & malè *Auctor* hîc speciem societatis immiscet. Est enim causa sociæ vera causa, quæ in Ipsum effectum influit; quod de assensu Senatus dici non potest.

VIII. Quod si illud non in universum, verum de certis capitibus, (h) ut plerumque fit, statutum sit, tum non tolli sed minui summam potestatem rationi consentaneum est. Nam ubi vel unum Imperii jus, quod ad summam Rempublicam spectet, Principi relinquatur, obnoxium nulli, dicemus, ibi summam esse potestatem, etiam si

non

non integram. Ejusmodi porrò communicationem totius vel pro parte majestatis posse fieri, ex ratione sæpius memorata, clarum & experientiâ certum est.

(b) DE CERTIS CAPITIBVS. Neque sic minuitur summa potestas, quatenus videlicet *ad modum Exercitii* Leges fundamentales pertinent; putà quodd, exceptis illis, talem in reliquis adhibere obstrictus sit. Neque enim exhinc quicquam patitur ipsa potestas; & dum quid *ex hac*, vel etiam ipsò *exercitiò*, detrahi posse, illæ sâ Majestate, vult *Grotius Lib. I. cap. III. §. 16.* omninò defendendus est. Nos equidem, non posse Regem fingi, qui plenam omnemque Majestatem habeat, censemus; nisi *facultas* Ipsi integra, & nec hæc tantum, verum etiam *exercitium*, ei in solidum

relinquatur: quicquid sit de *modo exercitii*, ad quem vel in *omnia* Jura, vel in *certa* quædam, se obstringit. Ille verò, qui vel unum aut plura capita ultra modum, & sic etiam quoad exercitium ipsum, indeque ex consequenti quoad facultatem, (nec enim *facultas* illa, nisi *viva & in exercitiò* est,) restricta habet: *summam* habet quidem potestatem, & in *longitudine* quoad Jura irrestricta, sive potius non adempta; sed *plenam* tamen non habebit & in *latitudine*: indeque Status Reipublicæ non simplex sed *mixtus* erit.

IX. Sed divisionem jurium summæ potestatis fieri posse, adfirmantibus politicis non adstipulamur. Civiliter, inquam, ut res in moralem facultatem unius regendæ civitatis coalescere queat. Videlicet eo modo, ut integra Majestatis jura inter ordines diversos distribuantur. Quædam uti princeps, aliqua primores nec nulla populus, singuli suo jure invicem non obnoxii teneant & usurpent. Excederet hoc notissimos Reipublicæ terminos, ac nescio quod monstrum præsentaret. Evanesceret comparatiò concentus cum chordis aut animæ cum corpore, quam supra civitati & Reipublicæ accommodavimus. (i) Nec planè una sed omninò triplex foret majestas. Tres enim potestates liquido & simpliciter summæ in ea specie consisterent.

(i) ACCOMMODAVIMVS. *Libro I. cap. VIII. §. 5.* Imò nequaquam evanescet; nec inde multiplex Majestas exsurget: quoniam in *latitudinem* tantum Jura ejus, per diversa subiecta, distribuantur: nec v. g. triplex in eâ quoque Republicâ mixtâ, sed una datur, Leges ferendi potestas, quæ cum cæteris Juribus *unam Majestatem* conficit. Quod enim dicitur, quodlibet Jus Majestatis esse Majestatem: illud solum verum est quoad *summam* seu *longitudinem*: quoad *latitudinem* enim implere Majestatem integram non potest; eaque natura est cujuslibet totius potestativi, ut pars ejus quælibet nomen *totius* suslineat: cum non nisi ratione objecti à cæteris partibus distinguatur.

Verior itaque est sententia communis, quodd datur *Respublica mixta*, non solum ratione *finis* (quod quidem illi largiuntur;) sed etiam ratione *formæ*; quicquid hîc *Auctor*, (qui tamen *§. præced.* divisam in Rege dari posse Majestatem, quoad *Jura non omnia* ei concredita, asserit; quanquam hoc *communicationem Majestatis*, ut Ipse putat, *v. §. 8. & 20. b.* non pertineat;) ipseque *Pufendorff. Lib. VII. cap. V. §. N. §. 13. & cap. VII. §. 12. & seqq.* (ubi *Arniseum, Piccartum & Grotium*, eò nomine refellere nititur,) objiciant: utcumque *Pufendorffius* Republicas ejusmodi, quas *mixtas* appellamus, h. e. ubi *divisim* habetur Majestas, ut unus aut plures, aliis vel cæteris inconsultis, Jura

Majestatis ipsis competentia, teneant, *irregulares* esse concedat. Etenim *Forma* Rerumpublicarum non substantiales, sed merè *accidentales*, sunt; & accidentia misceri possunt, ut salva nihilominus substantia Reipublicæ maneat. Neque etiam *mixtio* illa ejusmodi est, ut in *physicis*: quibus est miscibilium alteratorum unio. Quin potius *compositam* appellare licet Rempublicam; ne oporteat dicere, ut in *physicis*, *mixturam* esse in quâlibet particulâ Reipublicæ, & sic in omni eâ aliquid etiam ex miscibilibus cæteris: tantum quod in quâlibet vigor Majestatis, quâ Rempublicam totam actuat, reperiatur. Est quoque civiliter intelligenda distinctio, quam nonnulli afferunt, inter *mixturam similem & dissimilem*: ut *priorem* vocent, quando mixtura sit ex pluribus Monarchiis vel Aristocratiis. Quamvis autem ex pluribus *Democratiis* mixtura dari non possit; tamen propterea omnis mixtura neganda non est. Imò *quædam Jura Majestatis* ita comparata sunt, ut separari non possint. Quid enim si uni competat Jus belli gerendi, alteri divisim potestas collectandi: nam ita istius actiones omnes, hic qui nervum rerum gerendarum habet, irritas facere posset. Cæ-

tera facile remouentur; veluti: quod *forma* ejusque rei *indivisibilis* sit. Nam hoc verum est de substantiali: item, quod Majestas sit *individa*. Videlicet in plura talia, quale est ipsum. Ita nec in *longitudine*, nec in *latitudine*, divisionem recipit. Ipsa verò latitudo seu *objectum* admittit plura Jura Majestatis, eorumque in diversa *subjecta*, quibus ea divisim committuntur, *distributionem*. Est quoque Majestas *individa* in simplicibus Rebuspublicis, sed non est *indivisibilis*: indeque mixtura exurgere potest. Non etiam possunt dari *plures summitates* integræ, hoc est, quæ omnia summa unius Majestatis, plus vice simplici, in *una Republicâ*, conficiant. Ulterius dicunt, non posse plura *contraria* esse in uno objecto; ut sunt Monarchia & Aristocratia. Nempe non possunt esse, quoad easdem partes; ut unus tantum habeat potestatem Magistratum conferendi, & simul eandem habeant plures. Neque etiam *Formæ* Rerumpublicarum sunt contrariæ, sed *disparate*, & in eandem Rempublicam utique cadere possunt: quoniam non nisi ex subjectis seu exercentibus Majestatem distinguuntur.

X. Cæterum non rarò contingit, Imperium sub hac conditione deferri, ut salvæ sint leges fundamentales, nec tamen ullæ conditiones exprimantur. Et quidem, si noviter civitas condatur, nihil apparet, quo id genus adjectio effectum habere queat. (k) Proinde nullius momenti & ab initio & in futurum eam esse oportet. Haud secus ac si testator, heredem scripsisset, sub conditione, quam omninò servari velit, nec tamen exprefferit. Ut enim mortuus nihil præscribere potest, ita nec populus Imperio simpliciter translato. Utpote qui tunc pro civiliter mortuo, quatenus utique est populus, (l) haberi possit. Nisi quod ea, quæ in voluntariis Imperiis excepta intelliguntur, etiam heic excepta videri non sit dubitandum.

(k) HABERE QUEAT. nam ita per *Leges fundamentales* aliud nil intelligi potest, quàm *Ratio communis* Regni cujuslibet, quâ excepta sunt ea, de quibus *Auctor Lib. I. cap. X. §. 7.* agit. At verò hæc ad *Leges fundamentales* non pertinent; quippe quæ *proprium* quid huic vel illi Regno conficiunt. Quod si enim præter communem natu-

ram quid intellectum voluisset Populus, omninò illud exprimendum fuerat; cujus nec deinceps post imperium translato admittitur oppositio. In Imperio autem jam constituto, v. c. Romano, ubi jam ante constat, quibusnam illud *Legibus fundamentalibus* nitatur, Cæsar, licet simpliciter constitutus, nihilominus adhuc in capita illa, quæ

natura

natura Regni postulat, spondere tenetur. vid. §. 11. h.

(l) QVATENVS VTIQVE EST POPVLVS. Talis videlicet, qui integram adhuc potestatem paciscendi habeat. Qui enim pactus est, quoad *pacti fidem*, mutuò inter ipsum & Regem servandam, ne quidem post imperium delatum, etiam

quà *populus* est, pro civiliter mortuò haberi debet: ut *suprà* notavimus. *junge* §. 15. h. Hinc etiam ab Imperante solò mutari non potest Lex fundamentalis: quoniam eò respectu non ut *Imperans*, verum ut *pars Civitatis*, consideratur; indeque in ipsum valet illa, ut *pactum*, ex L. naturali.

XI. At si pridem constituta civitas & novum alicui deferens imperium, quod crebrius accidit, ita stipuletur, non perinde inutilis promissio videbitur. Intelligentur enim ea fundamenta civitatis, quæ tunc sunt, (m) integra & immota relictum iri. Item leges, quæ prioribus Imperantibus aut expressè impositæ aut sine controversiâ observatæ fuerunt. Denique partes civitatis integrantes, ut ita loquar, non ministrantes, (n) eaque collegia, quæ exercitium subordinatum habent Jurium Majestatis, fore inconcussa. Conventus ordinum populi, magistratuum in urbibus, jurisdictionum in agris, minimè submotum iri.

(m) QVÆ TUNC SVNT. Intelligit *Auctor* Civitatem *Majestaticam*; seu quæ Imperium Majestaticum jam antè habuit. In eâ enim, quæ solum formam *Magistratus* habet, difficile est; ut à statu illius ad modum Majestatis, in Rege v.c. novò, inducendum argumentemur.

(n) NON MINISTRANTES. Innuere videtur *Auctor* primores in Civitate, ex quibus administratio proxima seu immediata Jurium Majesta-

tis conficiebatur: quippe quæ Civitatis partes integrantes constituunt; quasi videlicet Princeps novus, quoad ministrantes seu inferiores, aliter statuere possit. Vel si disponere queat circa *individua* personarum; ipsam tamen dispositionem Collegiorum, & Ordinem Majestatis, quatenus hic salvâ Monarchiâ perdurare debet, evertere aut immutare non valeat.

XII. Non tamen ut modus exercendi ista aliaque jura in ejusmodi collegiis, omniaque capita moris olim observati, pro fundamentalibus (o) habenda sint. Modo ne tota tollantur, aut jura, in quibus vis & essentia illorum consistit, adimantur.

(o) PRO FVNDAMENTALIBVS. Quidni verò habendæ forent leges illæ pro fundamentalibus: siquidem ad modum exercendæ Majestatis pertinent. Nam Lex fundamentalis non ea solum est, quæ Majestatem Principis minuit, & *mixtum* Statum inducit; verum maximè, quæ *salvâ Majestate* tantum exercitio ejus *modum* circumpo-

nit: ceu nec constitutio nova, in quolibet actu electionis Regiæ, requiritur; sed & *repetitio* anteriorum sufficit. Vtique Jura illa Collegiorum, de quibus in §. 12., ad Regem quoque pertinebunt: eò quod exercitium Majestatis in illis Principi posthâc subordinatum sit.

XIII. Ejusmodi autem fundamentalia pacta sive tacita sive expressa, non tollunt neque minuunt summam potestatem. Populus enim

defert liberam administrationem Reipublicæ illius, quæ in præfenti existit. In quâ, si nihil aliud convenerit, minimè cuncta imperii jura pro lubitu exercere prohibetur. Manente duntaxat eâdem constitutione subjectivâ (p) civitatis, & subintellectis semper exceptionibus, quas in omnibus imperiis tacitè reperiri diximus.

(p) CONSTITUTIONE SUBJECTIVA. Intelligit *Auctor* civitatem ipsam; aliàs subjectum civitatis appellamus, ex quò forma civitatis conficitur: quâ ratione post mutatam Civitatem in Monarchiam, constitutio subjectiva eadem manere non potest.

XIV. Quid verò si novus princeps receptus sit à populo pridem formato, sub hac lege, ut jura & libertates servet, deque coortis controversiis inter se & ordines populi tertium patiat judicem? Qua conditione Frisii Carolum Cæsarem V. pro domino receperunt. * Parum abest, quin ejusmodi principatus non sit verè summæ potestatis. Quoniam huic naturaliter competit, esse judicem in propriâ causâ. Nempe ut *Naturaliter*, non sit simplici jure naturæ, (q) sed necessario. Quicquid enim est necessarium, hoc ei rei non malè dicitur naturale. Necessitatis autem illius ratio vel ex definitione summæ potestatis suggeritur. Quod equidem princeps se tertio ut arbitro submittat, id nihil quidem officit majestati. Sed pactum ejusmodi initio adjectum necessitatem imponit. Talem, ut acta principis infirmari hoc modo posse videantur. Sanè causam armorum Frisiis contra Hispanos hoc pactum sine dubio præbere potuit evidentem. Quia satis constat, Philippum æquos arbitros sæpius imploratum defugere perseverasse.

* ap. *Winsenium Hist. vernac. ad ann. 1515.*

(q) NON SIT SIMPLICI JURE NATURÆ. Hoc est, non tantum hoc videatur esse melius & laudabile magis; sed quòd etiam necessitatis sit, nec aliter se habere possit. Verum hæc sententia *Auctoris* falsa est; nec firmatur hoc argumentò *vers. quod equidem*: quasi videlicet Principis Majestati non detrahatur, si quando is *sponte suâ* citrà pactum & sic liberè, arbitrio tertij se submittat; officiat autem, quando ex pacto, quod ab initio necessitatem imponat: (secus in quolibet Regnò, ubi *leges fundamentales* habentur, immutata esse Majestatem, oporteret:) Imò *necessitas officii Regii*, etiam citrà pactum, omni Principi in-

cumbit; veluti quòd de Regnò quicquam *alienare* non possit, nec quicquam suscipere quod Rempubli-
cā dissolvat: quippe quòd nec Deus possit omnia, nisi quæ ipsum posse non repugnet essentia-
ejus: unde nec mori possit, nec peccare; saltem
ea, ad quæ Princeps *necessitate vel simplici*, quæ Rex
est, vel *pactitiâ*, obligatur, per se Majestatis natu-
ræ non repugnent: quâ ratione videndum est,
num hoc tale sit, quòd *Auctor* hic de arbitrio ter-
tij movet. Etenim & hoc *liberi est arbitrii* in Prin-
cipe, in cujus necessitatem ex pacto *antecedan-
tè*, suâ ipsius voluntate susceptò, deducitur. Num ve-
rò arbiter ille tertius, inter me & populum meum,
hoc

hoc ipso me *superior* existit? cum tamen arbitrium non sit *potestatis*, sed *judicii* tantum & *intellectus*; voluntati verò cuiusquam me subesse oporteat, ut summus amplius non habear. Videlicet *declaratio Juris* mei inter me & populum, alteri permittitur: num ego *Leges* fundamentales v. g. servaverim; sed *Coercitio* Legis, quod non servaverim, nec populo per hoc, nec tertio, permittitur. Equidem quod Princeps *in suâ causâ* iudex esse possit, ad causas tantum *civiles* restringitur, sive *privatas*: & tamen in his quoque, potestate suâ illâsâ, Dicasterio suo, quò ipse haud dubiè superior est, submittere se, idque vel ex pacto fundamentalis, potest. Vnde interesse nil quicquam videtur, sive Princeps arbitrium, (seu *Judicium* potius aut declarationem actûs unius vel alterius, circa objectum Majestatis,) initio suscepti Regiminis, permitturum se esse tertio, promittat; sive dehinc sponte suâ, si quæ populi indignatio occurrat, eò commoveatur. Quod si enim res ipsa cum Majestate consistere potest: non apparet quid interesse queat, num ad illud ipsum pactò antedaneò, an pactò incidenti, aut voluntate suâ, feratur; & an ad actûs plures, an ad unum, qui contröyer-

fiam pati potest: & an per se ipsum, an per arbitrium, in quo fiduciam æquitatis collocat, declarationem suæ potestatis, quodvisque ea valeat, susceptam velit. Nam hætenus sub Jure Gentium positus est; etiam dum in esse Regis, & sic in Imperio constitutò, versatur. Quod si etiam vel maxime *contrâ Principem* declaratio cadat: non est putandum, actum *infirmari* per extrinsecam potestatem, sed per voluntatem ipsius Principis; sicut etiam stare cum Majestate posse *Auctor* superius largitus est, quod ex pacto Principis, illius actûs, contrâ pacta Regni suscepti, vel injusti vel nulli declarari queant. Num verò *Frisii* Justitiam armorum contrâ *Hispanos* habuerint? quod arbitros ille detrectaverit, alibi disquiritur. Imò vel pactò nullò antedaneò, si Princeps, absolutus licet, in populum sæviat, & arbitros, ad quos populus provocat, admittere nullos velit: an non ita resistere Tyranno queat populus? dubitare non licet: indeque constat, sicut ille Majestatem habet haud dubiè, ita etiam ex pactò antedaneò de suscipiendò arbitriò, quicquam imminutionis Majestatem non pati.

XV. Existimamus porrò & eas leges quæ firmato pridem Imperio per modum solennis conventionis inter imperantes & subjectos legitime stabilitæ sunt, hac mente, ut pro fundamentalibus habeantur, utrimque esse obligatorias. Nec non eandem vim habere instituta Reipublicæ ad summam Imperii & jura ordinum spectantia, quæ longo usu (r) tacitoque consensu Imperantium & subjectorum indubiè recepta sint. Nam & Jura Majestatis præscriptione acquiri vel mutari posse in loco (s) videbimus. Cum enim populus sit universitas, etiam quando sub Imperio est, cui & actio aliqua nec non jus ut superius (t) probatum, tribui potest. Nihil est causæ, quare jus novum per liberam consensionem cum Imperantibus, acquirere nequeat. An autem ab illis invitis novi quid populus exigere possit, haud quaquam temere adfirmandum. Sed hoc infra (u) excutietur.

(r) LONGO VSV. Quod igitur *supra* §. 4. *Auctor* dixerat, se nihil agnoscere pro Lege fundamentalis, nisi quod *pactò* constitutum sit: illud

opponendum est tantum *Regula* Imperiorum, & *natura* eorundem, quæ ubique supponitur; nisi diversum inductum fuerit: idque sive pacto expresso sive

sō sive tacitō. Ut sic etiam hoc, quod usu invaluit, pro eo quod actu constitutum est, haberi debeat.

(s) IN LOCO. *Lib. I. c. XXI.*

(t) SUPERVIS. *Lib. I. c. XVI. §. 22. & alibi.*

(u) INFRA. *Lib. I. cap. XXI.*

XVI. Privilegia verò, id est, jura liberaliter & ex gratiâ principum indulta, vim legum fundamentalium non habent. Nec aliò quam honestatis, nullò necessitatis vinculo, largitorem obstringunt. Quare monitos velimeos, qui de justitia armorum nostratium adversus Hispanos loquuntur, ne meritum causæ in violatione privilegiorum, ut loqui amant, statuere velint. Nam nî leges fundamentales palam violatas docere queamus, solâ possessione libertatis (x) contenti esse deberemus.

(u) SOLA POSSESSIONE LIBERTATIS. Hoc vult *Auctor*: in petitorio *Belgar* causam justam non fuisse habituros; sed tantum possessioni inniti debuisse libertatis, quâ nunc gaudent; si tantum hanc excussi jugi Hispanici causam prætere possent, quòd Rex *Hispania* privilegia ipsorum violaverit; quoniam uti Rex privilegia concedat subditis, ex gratiâ: Ita Ipsum adimere illis ea rursus posse, etiam illasâ Justitiâ. Hispaniæ verò Regem *Leges fundamentales* violasse, ad quas Privilegia referri non possint. Equidem, ut falsum est, privilegia semel concessa, indistinctè Principem subditis posse eripere; saltem ut in justitiam, cui Ipse obstringitur, non impingat; de quò alibi plenius: sicut etiam non apparet, cur Privilegia Legum fundamentalium naturam solum induere pos-

sint, per durationem temporis, aut confirmationem successorum in Imperio. Ita quidem Privilegia, si Statum privatorum, licet integri corporis, concernant, ad *Leges fundamentales* non pertinent; secus autem si statum attinent publicum, & pro Juribus eximiis capiuntur, quibus Princeps Status quosdam, uti *Cæsar* Electores, Principes, ceterosque *Ordines*, quâ tales in Imperiò, maculat: ita ut ex Juribus illis Majestatis exercitium modum capiat; qualia sunt plura, quæ in *A. B., Capitul. & Recept. Imp.* reperiuntur: nam hæc ad *Leges fundamentales* utique pertinent; etiam si durante jam Regnò, sive firmatò illò, inter Principem & Statum, quâ tales, constituentur. Nec minus etiam Lex fundamentalis aliqua ad partem duntaxat *Rei publicæ*, velut ad Provinciam unam, dirigitur.

XVII. Videri tamen possunt vetustate populi stipulationibus ac novis Imperantium promissionibus iterata privilegia vim legum utrimque obligantium adipisci. Quin & dominica Imperia quandoque in civilia hoc modo fuisse mutata videntur. Quod in Anglia à Guilhelmi Normandi temporibus accidisse videtur. Nam is jure belli regno potitus eodem id exercuit. Nec à posteris idem exerceri non potuit, nisi crebrâ jurium largitione ac indulgentia solennique confirmatione sensim ab antiquò rigore, cui pares non erant, (y) recessissent.

(y) CUI PARES NON ERANT. Hæc est *Auctoris* sententia, successores *Wilhelmi*, sicut in Jus Belli, seu Regnum Jure Belli quæsitum, suc-

cedebant, & sic herile sive dominicum & absolutum consequebantur: Ita etiam illos potuisse eundem rigorem, si titulum spectemus, exercere; sal-

tim

re; saltim quòd pares non fuerint illi rigori, nec viribus ad hoc instructi idoneis, indeque popu-

lo sensum plura indulgendò à rigore illo recesserint.

XVIII. Cæterum, conventiones non cum toto populo, verum certis hominum ordinibus initæ, pro fundamentalibus minimè habendæ sunt. (z) Sed hic articulus pertinet ad caput de promissis summarum potestatum, de quo inferius. (a)

(z) MINIME HABENDAE SVNT. At verò non apparet, cur non hæ etiam pertinere possint ad Leges fundamentales: quin potiùs ad §. 1. & 16. contrarium firmavimus; secus non posset haberi pro Lege fundamentali, quod cum Collegio Electorali pepigit Cæsar, aut cum quolibet Ordine in Imperio, nomine publico; & ut non *simplici exemptione* à nexu universali Legum, conven-

tio seu indultum Cæsaris, constet. Neque etiam Lex fundamentalis ubique talis esse potest, ut omnes simul Ordines contingat: quin potiùs sufficit, omnium seu totius Populi, qui Imperium Regi detulit, interesse; ut cuilibet hominum ordini in Republicâ id servetur, quod eidem, *Statùs publici causâ*, comparatum est.

(a) INFERIVS. *Lib. I. cap. XXXVI.*

XIX. Obligatio, quæ ex fundamentalibus oritur legibus, haud alia esse potest quàm naturalis. (b) Quoniam in eos, qui habent summam potestatem, vis civilium sanctionum intendi non potest.

(b) QVAM NATVRALIS. Enimverò quòd *naturalis* illa obligatio huc non pertineat, quam in articulo de Juribus rerum, maximè privatarum, *minùs plenam* appellamus; velut ad remunerandum: illud facile patet. Nam ista est ex nudâ *honestatis* ratione, *citrâ promissionem*, & ne quidem *extrâ Civitatem* jus perfectum continet. De cætero distinguendum est, an *Lex Fundamentalis* salvam Majestatem Principi relinquat; an minùs. *Ibi si communia* continet, ad quæ Princeps, nullâ etiam factâ promissione, velut *Officii naturâ* & ratione, tenebatur, ne quidem *proprie* Lex fundamentalis dici potest: quippe quòd haud unquam Lex fundamentalis detur *citrâ promissionem*, sive expressam sive *tacitam*, (eam scilicet, qua observantiæ Regni & Institutis specialibus Antecessorum se obstrinxisse Princeps censetur:) & communia illa Principem stringunt non nisi *jure internò*, quod vocant; ut nempe in Civitate *judicium decretorium* super illis Populus sumere sibi non possit: aded, ut simpliciter inter homines ea *sustinenda* sint, quæ adv. illa Rex suscipit, isque licet ob hæc teneatur civibus; tamen *Deo* de illis unicè ad rationes reddendas obstringatur. Quocirca *aliena* sunt non minùs, quæ huc adferuntur de obligati-

one *in homines*, & in specie de illâ, quæ est inter *Dominum & servum*, inter *Patrem & filium*; ut sicut ex eâ inter ipsos *actio nulla* est, ita quoque non sit hætenùs inter Principem & subditos. Nam ea *Civilis* Juris Rom. dispositio pertinet solum ad rationem *patrimonii*; quod *nullum* habebant *civiler* servus & filius. Deinde ad *actiones civiles*, & jus *in foro* exigendi. Hic verò de Officio Regiò ad *statum Imperii constituendi* redactò quæritur, & de obligatione seu nexu penitus diversò. Proinde si Princeps non ea faciat, quæ boni Rectoris sunt, si promissa non servet, v. c. *Privilegia*, quæ ipsemet civi concessit: frustra de obligatione ejusmodi *naturali* quæritur. Sed ipse *plenè* teneretur, si in ipsum *Potestas Civilis* aliqua valeret. Ad *specialia* si Princeps se adstrinxerit, sive illa *nullitatem actui*, qui contrâ gestus est, impingant: obligari dici potest Princeps *plenè*, etiam *inter homines*; sed tamen is effectus *annullationis* ex factò antecedentò *Principis ipsius* pendet, ac cum *Majestate salva*, ritè scilicet gestâ, stare potest: atque sic *judicium humanum* seu potiùs *declarationem voluntatis propriæ* Princeps patitur: sive *invaliditatem actui* inferre videatur: & in hac specie idem ferè obtinet. Utrumque enim *ad modum Facultatis*

exercenda pertinet; saltem quod nullos dicamus actus, quos tales *voluit ipse Princeps*; dum aperte contra Leges Civitatis tenderent: *invalidos*, de quibus initio protinus constare non poterat, sed *cognitione* opus erat, usque dum pro invalidis, & *in effectu* seu ex postfacto pro nullis haberi, idque non minus *per ipsum Principem*, possent. (utut hæc aliter *H. Grotius*, cum distinctione limitationis ipsius *facultatis & exercitii ejus*, sed perperam, definierit:) Et hæc quidem etiam quoad *singulos* de Populo procedunt. Nam si *adv. Populum universum* subvertere ea velit Princeps, quæ initio Regiminis circa modum gerendæ Majestatis promisit: ita quatenus Populus ad statum *Imperii constituen-* di se referre & intercedere possit, nec *subjectionem omnimodam* subire teneatur, ad §. 5. colloca-

vimus. Quod si verò Lex fundamentalis ea sit, quæ *Majestati ejusve exercitio*, (nec tantum exercendi modo libero,) *detrahit*: ita verò vel talis est, ut Principem unò alteròve *jure uti* nolit, nec tamen id sibi Populus sumere cupiat; *immutata* velut Reipublicæ *Majestate*, saltem in ejus *exercitio*, v. e. circa Religionem. Vel ut *Populus jus aliquod sibi retentum* cupiat; qui verò *Status mixtus* foret. Ita utrobique Populus habet *Jus persone*, ut *ex ipso* pendeat quoque *effectus*, ibi *resistentia*; (& sic plena in Rege *naturalis obligatio*, etiam ad effectum in *Civitate*: quanquam penitus illa ab obligatione, quæ effectum *actionis* in Foro Civili habet, discernenda sit;) hic verò etiam *coactionis Majestatis*, quæ Rex ad Populum talem relatus ut *singulus* haberi potest.

XX. Atqui cum tales sunt Leges, quæ communicationem summæ potestatis in quibusdam duntaxat juribus inferant, tum Imperantes non desinunt habere summam potestatem. Nam etsi populo jus ex iis legibus quæsitum affirmamus, non ideò superiorem principem, (c) constituimus. Possunt enim actus esse nulli ipso jure, ad quod superior alius alio non requiritur.

(c) NON IDEO SUPERIOREM PRINCIPE. Sed foret illò omninò superior, quando in communicatione summæ potestatis propriè dictam veniret: aut superior vel saltem æqualis foret Regi in his, quæ communicata sunt: quod idoneum est ad inferendum, quod Rex non habeat plenam & solidam Majestatem; licet in Juribus ipsi divisim relictis, & non communicatis, summa potestas in longitudine ipsi remaneat. Ut verò accuratius discerni possit, quid in difficili articulo de Com-

municatione Jurium Majestatis habendum sit: ideò *communicationes* omnis generis lustremus, quæ in hunc articulum illabi possunt: simul ac doctrinas nostras ad *exempla Imperii nostri* Romani applicemus; si plura *alibi* reperiuntur communicationum genera, faciliè ad nostra illa referri illisve jungi poterunt. Deprehendimus autem COMMUNICATIONEM MAJESTATIS EJUSVE JURIVM aliam esse

1. *Univocam*: de quâ tum

1. *Positivè* agendum est. Fieri autem potest illa Communicatio, tum per

1. *Indivisionem*; qualis est communicatio, quâ Cæsar Regi Romanorum, se vivò electo, *Majestatem* communicat: quâ rat. *eadem numero* Majestas remanet.

2. *Usurpationem*, ut *solus* retineat Cæsar Majestatem, *subjecto suo & proprio*; fiat autem communicatio quoad *exercitium*: & sic, ut aliqui utantur Majestate, non tantum jure alienò, sed plerumque nec suo nomine; quin potius Cæsar *per ipsos & in ipsis* eam *exerceat*: id quod fit, aut per

1. *Delegationem*, & *formaliter*; vel quoad

1. *Totam Majestatem*, ut quando illius exercitium abiturus Cæsar mandat *Locumtenenti*, ejus nem *Stadthalter*, vel *Commissario*, nullò existente Rege; quò antehac referri potuit ali-

quæ-

quatenus Regimentum Imperii. Vicarii autem, durante Interregnò, summum Imperium, nec tamen totum & omnimodò, exercent: idque ex pacto civitatis; sed non etiam, saltem non propriè, *Majestatem*.

2. Partes s. jura Majestatis: ut vel

1. *Actus signatus* tantum retineatur, *exercitium* ejus non ampliùs; qualem communicatorem esse dicimus librorum & bibliothecarum: (nisi quòd hæc ipsa precaria, nec perpetua, sit:) iterumque, vel quoad

1. *Universum* statum publicum Imperii; quò pertinet jus constituendi *Magistratus Circulares*, cum similibus.

2. *Terras* cuique *Statui* proprias, & in *Regimine subalternò*, Ita Cæsar communicavit *Statibus Vestigalia*, portoria, fodinas, venationes *initio*, eum illa nec tum in *Jura patrimonialia* transissent; adhuc scilicet *Cæsaris Jura fiscalia* seu *Regalia*: quorum & *nomen* diu retinuerunt. Et hæc communicatio fieri potuit, salvâ Majestate; eò quòd regnum quoque aliquod dari possit, in quò fodina non sit, & similia alia emolumentum *Jura*. Quamvis etiam Communicatio Jurium *eminentium*, v. c. Jurisdictionis, in unâ alterâve parte aut districtu, vel Provinciâ, non fuerit unquam plena vel adæquata: sed vel *subordinata*, vel tantum *Vicaria & successiva*; ut *exercitium*, in obtinente eam, *Majestaticum* non fuerit. Inde & *jus de non provocandò* non excludit hodiernum querelam protractæ vel denegatæ *Justitiæ*.

2. *Actus exercitus* quoque penes communicantem, in aliis, remaneat; in *Universitate Imperii*: ut tamen eò quoque Majestatis jure, cum effectu *universali*, *concessionarius* utatur; idque vel

1. *suò nomine*; ut Archiduces Austriæ habent Jus nobilitandi, *Statùs* plerique *Monetandi Jus*.

2. *Nomine Cæsaris*: qualis est collatio Graduum Academicorum, Legitimation per Rescriptum in Comitibus Palatinis, Notariorum creatio, Famæ restitutio per Comites; Utrobique ex *concessione* perdurante, & sic jure *alienò*, penitus *derivativo*, seu *privilegiò*.

2. *Imputationem*, sive ratione *effectùs*; cujusmodi communicatio reperitur in eò, quòd in *Electoris* crimen Majestatis committi per A. B. constitutum est.

2. *Negative*, quando statuimus: fieri non posse communicationem Majestatis, ut communicans ex communicato *nihil retineat*. Sic enim non potest fieri per

1. *Divisionem*, sicuti quis potum vini cum aliquo communicat. Videlicet dimidiata Majestas non datur; qualis nec olim in *Dyarchiâ* erat: de quâ *alibi*,

2. *Traductionem*, quam *effectivam* vocant, aut κατ' ἀλλοπώλειν: quando aliquid simile, *diversum* tamen *numero*, producit: ut quando anima humana dicitur produci aliquibus per traducem, ignis producit ab igne, &c.

2. *Analogâ*: Hâc ratione potest dici, communicata esse *Statibus Superioritas territorialis*, quæ olim suò modò, in *Universò Imperiò*, *Majestas* fuerat: nunc verò talis in territoriis non est ampliùs: ut nec *Majestatica*; ceu in *Dissertatione de Superioritate Territoriali* exactiùs ostenditur. Similiter *Libertatis & Potentatus Jura* à Cæsare *pendent*: Et sicut hætenus communicata, vel rectiùs *concessiva* non minùs, ac *Superioritatis Jura*, dici debent: ita nec ipsa *Jura Majestatis*, sed *eximia tantum & eminentiam* singularem conficiencia *jura*, habenda sunt. Ex his ea dijudicari rectiùs poterunt, quæ *inferiùs c. XX.* traduntur.

XXI. Quod & in despoticis Imperiis, quæ sine controversia absoluta sunt, locum habere potest. Persarum Rex haud dubiè talis erat.

Qui tamen adversus leges (*d*) cum proceribus regni semel stabilitas ob-
luctari non poterat.

(*d*) ADVERSUS LEGES. At verò si nullum
est præceptum Regis contra leges cum Proceribus
initas, & ab his adedò suspensa subditorum obedi-

entia, non poterit Regis ejusmodi Imperium *absol-
utum* dici; sicut hæcenus discrimen ejus à limita-
tò ostensum est.

XXII. Sed ubi Rex nihil omninò absque senatu procerum vel po-
pulari, in publicis rebus decernere potest, ibi magis est, ut Aristocra-
tia (*e*) obtineat. Qualis hodiè sinè dubio Dux Venetorum, nescio an
& Rex Poloniæ, & Imperator Romano Germanicus (*f*) est. Proinde
adversum eos civilis legum obligatio (*g*) valere posse videtur.

(*e*) ARISTOCRATIA. Sed & hoc falsum
est: tantum *absolutus* non est Rex ejusmodi; qui
tamen *summus* est nihilominus & *solus* Majestatem
tenet: cum enim Ipse decernat, solus id potest,
quà effectus ille Majestatis est; licet possit non ali-
ter quàm adscitò Senatu vel populo in Concili-
um: neque adedò ex Decreto Concilii vis Imperii
pendet, ut nec actui quiequam Majestatis conci-
liat; sed solum ad hoc ut Majestas exerceri queat,
prærequiritur. Hæc verò necessitas solum efficit,
ut *absolutum* non dicatur Imperium.

(*f*) IMPERATOR ROMANO GERMANI-
CVS. Est verò ingens in his differentia. Nam
Dux Venetus nil penitus habet Majestatis Monar-
chicæ; sed auctoritatem Capitis & Præsidis in Se-
natu tenet. Rex verò *Poloniæ* omninò quædam
tenet Monarchicè. Et exhinc tanquam Rex, in

Republicâ *mixtâ*, Dignitate Monarchicâ sive Regia
pollet, ut *coronatis* capitibus inter Gentes accen-
seatur. Quod verò Imperatorem R. G. attinet, va-
nissima est sententia, in *Hippolyto à Lapide* jam du-
dum refutata, ac Legibus Imperii atque actui re-
rum apprimè contraria, quòd Imperium nostrum
purè *Aristocraticum*, in quod *directionem* tantum
Senatus obeat *Cæsar*, habendum sit.

(*g*) CIVILIS LEGVM OBLIGATIO. Qua-
tenus adversus quemlibet ex Optimatibus, (nam
hic quàm talis Majestatem non habet,) civiles Le-
ges valeant, *inferius* exponitur. Equidem ob *Pri-
vilegia*, quæ Iphis competunt, tanquam decus Ma-
jestatis in Republicâ sustinentibus, subjectio illa
modum diversum recipit ab illâ, quæ cæteris incum-
bit civibus.

XXIII. Cæterum de executione Legum fundamentalium & qua-
tenus resistere liceat, infra (*b*) tractabitur.

(*b*) INFRA. L. I. c. XXIV. & XXV.

CAPVT XIIIX.

De Juribus Majestatis majoribus.

ARGVMENTVM.

*Divisio Jurium Majestatis in majora & minora. Primum jus gladii, id esse duplex, vi-
ta & necis in cives, belli in externos. Prius ut discrepet à mero Imperio. In civili
Republ. non esse jus Imperanti quenquam indictâ causâ necandi, nisi in extremo pericu-
lo.*

culo. Ad hoc jus vita ac necis etiam asyla referri. De Jure Belli. Alterum Jus Majestatis de pace ineundâ. De fœderibus, eorum differentia à sponsionibus. Jus mittendi Legatos. Tributa exigendi & vectigalia: idque malè inter minora referri. De dominio eminente, ut differat à ratione status. De Jure Legum condendarum, ubi & de statutis municipalibus. De creandis Magistratibus, eos nihilo plus juris adversus summam potestatem habere quam privatos. De judiciis & de summâ provocatione.

I.

Sed cujusmodi Leges sint fundamentales, id in quâque Republicâ considerandum est. Hæc nostra universalis disciplina summam potestatem simpliciter spectat. Cujus proinde jura singula & omnia, in quibus exercitium ejus consistit, (a) ordine recensebimus. Jura Majestatis, id est, summæ potestatis vulgò non malè in majora & minora dividuntur. Ab illis incipiemus.

(a) **EXERCITIUM CONSISTIT.** Hinc satis apparet, quâ ratione Majestatis naturam minime perspectam habeant illi, qui putant, Regem quempiam posse *Majestatem in solidum* habere, qui non habeat eadem ratione illius exercitium: cum tamen viva ubique Majestas existere, & illius exercitium in solidum à Monarchâ dependere debeat; licet *modus exercitii* requisita quædam necessaria, v. g. interventum Ordinum, admittat.

Cæterum quia diversi actus Majestatis, pro mediis variis, quibus ad gubernandam Rempublicam opus est, in Imperio se exserunt: quippe quod omnia Jura illa Civilis potestatis sint, absque quorum curatione Civitas salva esse non potest. Inde ex istis totum quoddam conficitur, non quidem ut ex partibus heterogeneis & ut singulæ per se subsistere possint; verum *potestativum*, quod appellationes partium ex objectis suis recipiat: cumque ex occasionibus jura Majestatis pendere queant; ut exerceri nunc possit facultas aliqua summæ potestatis circa ejusmodi *objectum*, quod hactenus aut non extitit, aut eò pertractum non est. Hinc non possunt Jura Majestatis certò numero definiri. Et malè Nonnulli jura illa, quæ noviter emergunt, ad *Dominium eminens*, seu extraordinariam Majestatis virtutem referunt. Interim non debet Princeps Juribus Majestatis accensere ea, quæ *infra Dignitatem Regis* sunt. Non etiam debet adimere jura *subditis quesita*, & inde Regalia conficere.

Idemque in Imperio quoad Jura *Superioritatis Statuum*, dicendum est. Quocirca Princeps malè ageret, si subdito *Jus morticinorum*, quod *Carnificibus* locatur, erepturus sit, qui illud longò usu tenuerat; quasi *titulum* ille Juris ejus ostendere non possit. Nam & *emolumenta* Jurium illorum, quæ *Majestatis* itemque *superioritatis* sunt, *prescribi* possunt haud dubiè adv. Principes. Ziegl. L. I. d. Jur. Maj. c. 3. §. 19. Nec tamen Princeps debet sibi pro Regali vindicare, quod pro tali *nec dum declaratum*; sed in usu *Privatorum* quâ talium fuit. Imò si pro Regali in posterum declaretur; possesores tamen ejus sibi relinquendi sunt. Quid enim, quod *privati* non solum *emolumentorum* capaces sint, vel solum *usus* regalium, aut habeant tantum *locationem*, aut *permissionem* commodorum; verum etiam ipsa Regalia tenere queant, v. c. Jus vectigalis, venandi, Leges ferendi, & quædam eorum ut privati, cætera non minùs ut subditi. Ut malè Ziegler. d. l. §. 18. diversum sentiat; indeque velit illa solum *communicari* posse Regalia, (nec tamen ut talia verè sint,) quorum possit esse *usus absque Majestate*: cum tamen non protinus Majestatem consequatur Nobilis v. c. qui Jus condendi Legem in suo districtu accipit. Longè rectius se habent, nî fallor, ea quæ modò de *Communicatione Jurium Majestatis* asseruimus.

Sunt autem diversæ Jurium Majestatis *partitiones*: Non sufficit illa, quæ est Jurium Imperii & Com-

& *Commerci*; quæntiam membra hæc exponi, nec tamen nisi coactè, queant, ut *commercium* v. c. ad *Belli* quoque jura trahatur. Sed & *Hugonis* *Grotii* *Lib. I. c. III. §. 6.* multa incommoda habet, nec membra accuratè distincta continet. Videlicet Ipse gubernari docet Imperium vel per *Regem*, vel per *alios*. Ibi in universalibus & singularibus: *Universalium* potestatem *architectonicam* dicit; edque *Leges* in sacris & profanis refert: *Singularia* esse, aut directè *publica*; aut *privata*, sed ad publicum ordinata. *Illorum* potestatem *Politicam* vocat, seu *Βασιλικήν*, aut *consultatricem*: & versari eam tum circa *actiones*; quod redigit *Belli* *Pacisque* ut & *Fæderum* *Jura*: tum circa *Res* civium; quod refert *vestigalia* & *similia*, cum *Dominio* *Eminent*. Circa *privata*, potestatem *Δικαστικήν* seu *judiciariam* constituit; & *publicæ* quietis, ait, interesse, controversias *privatorum* publicâ auctoritate dirimi. Denique per *alios* Imperium exerceri tradit, tum *Magistratûs subordinatos*, tum *Curatores* cæteros; in quibus & *Legatos* computat. Affectat utique doctrinam *Aristotelis*, quando hic *Civilem prudentiam* in tribus occupari censet: *Legibus*, *Consiliis* & *Judiciis*: quam & partitionem alibi in eundem modum explicavimus, ut omnem *prudentiam* illa exhaurire possit. Verum ut ad *Potestatem* ipsam, & *Majestatem* aded in Republicâ, applicetur, nec necesse est, nec commodum haberi potest; quin & in ipsâ *Grotii* evolutione plura desiderare licet. Est enim incongruum, si de *Juribus* *Majestatis* disquirimus, ut in administratores sive *subalternos* transeas: Nec ita *Magistratûs*, *Officiales* & *Legati* in censum illius veniunt. Sed potius *potestas*, omnes hosce constituendi: quorum tamen & ipsa constitutio diversum respectum inde consequitur, quod *Legatorum* sanctimonia, ad *exteros* quoque producat; secus ac in *Magistratibus* cæteris obtinet. Neque etiam *Grotius* *Legatos* segregare debebat à *Juribus* aliis *affinibus*, ut sunt *Pacis*, *Belli* & *similia*; ut nec *Magistratûs* penitus à *Judiciorum* potestate. Etenim ipse *Aristotelis* doctrinam unice exhaustam esse putat, illis actibus, quos per se ipsum *Rex* obit. Ita verò quæ per *alios* agit, extrâ *Majestatem* collocabuntur. Ulterius, de *Legibus* dici non potest, ut non etiam ad illas redigantur *singularia* *Jurium*: & plura pertinent ad *Legislatoriam*, sive rectius *Architectonicam*, quam *Legis* constitutio. Utique *vesti-*

galia & cætera ed rectius referuntur, quàm ut ad *singularia* deferri debeant; quin & ipsum *Dominium* *eminens*: quippe quod exceptio ad *Regulam* suam pertineat. Denique *Judicia* non modò ad *privatas causas* redigenda sunt: quin potius per expositionem nostram illud membrum positionis *Aristotelicæ* ad universam dispositionem, exercendæ in *causis quibuslibet* *Justitiæ*, intrâ *Rempublicam* respicit; ut ne de cæteris *novis* doctrinæ *Grotianæ* dicamus.

Est & communis distinctio *Jurium* *Majestatis* (quoniam *Majestas* se exserit non solùm in relatione ad *subditos*, verum & in ordine ad *paris*;) in *immanentia* & *transseuntia*. Per illa rem habet *Rex* cum *subditis*; per hæc immediatè cum *Regnis* aut *Rebus* *publicis* alijs. Igitur ista, in unâ quoque *Republicâ* nata esse, sed hæc non nisi post *aliam* quoque constitutam locum habere, potuerunt. In *Statu corrupto* hominum, inter *Jura* *immanentia* *Panæ*; inter *transseuntia* *Bella* eminent. Utraque evenerunt, & deinceps ampliora reddita sunt, post *Statum* *Innocentiæ*. Falsum verò est, quod *Zieglerus* habet ad *Grotium* *Lib. I. c. III. §. 6.* quasi in *Republicâ simplici* *Jus* mittendi *Legatos*, *Belli*, *Pacis* & *Fæderum*, semper *transseuntia*; in *Republicâ* autem *mixtâ*, diversò quoque respectu *immanentia* haberi possint; quatenus *Statûs* *iisdem* uti adversus *Principem* possint. Cum enim *Bella* hæc *civilia* sint, nec inter diversas *Majestates*, sed *subjecta* *Majestatis* *unius*: ided non potest haberi h. c. *Jus* *Belli*, nec pro *immanente* nec pro *transseunte*; imò ne *jus* quidem *Belli* ferè est, ut & si *Jus armorum* *Statûs*, qui *Aristocratiam* tenent, in *Principem*, *Jure* *Belli* *vacuum*, exercent, nec ipsum hoc bellum est; sed *civilis* coërcitio. Quando autem *Statûs* *Majestate* non gaudent, ipsique solum *resistunt* *Principi*, ne hoc quidem bellum est, sed *defensio*, quæ *speciem* *Belli* habet.

Sicut verò *Jura* *Majestatis* ad *Regimen* quodlibet necessaria sunt: quam *necessitatem* quoad *Leges*, *Judicia*, *Officia*, *Tributa*, & cætera ostendit *Pufendorffius* *L. VII. c. IV. §. N. & G. §. 2. usque ad §.* Ita communiter distinguuntur in *majora* & *minora*; quam distinctionem *Auctor* *Cap. seq. §. 1.* aliò sensu, quam communiter receptum est, accipit. Eadem distinctio est *Regalium*, quò nomine insignita fuere *Jura* *Principum* & *Statuum* in *Imperiò* *Romanò*, postquam *Reges* (sic enim in Ita-

in Italiâ Cæsares appellabant; indeque *Regalium* Feudalis est appellatio II. F. 56., eaque potius ad Italiæ, quàm Germaniæ Reges, pertinet,) participes eos reddebant Jurium suorum, atque hinc in Cæsare posthac rectius utimur appellatione *Jurium Majestatis*, cum hæc sola sint in Cæsare; in Statibus Jurium *Superioritatis*, quâ illa in suo *Territorio* exercent, & *Regalium*, quâ in alieno; quam communis à plerisque vox *Regalium* habeatur: quò sensu definiuntur: *Juracemisia*, quæ Civibus Imperii immediatis, & præcipuè illis, qui dignitatem Regalem habent, in suo Territorio Jure Superioritatis, in alieno ex conventionem, vel usu aut privilegio, competunt; iisque vel præminentiâ quandam singularem vel Fiscii quoddam emolumentum conciliant. Hinc *majora* di-

cuntur, quæ magis faciunt ad Dignitatem & Potestatem Superioris; *minora*, quæ ipsius comoda & emolumenta publica respiciunt. Equidem *Nobilibus*, qui Dignitatem Regalem non habent, ut & *Civitatibus*, licet *Imperialibus*, (nam & hæc Dignitate personali destituuntur,) *Regalium* nomen non facile tribuimus; sed subsistimus aut in nomine *privilegiorum*, vel *Hohheiten* aut *hohen Gerechtigkeiten*. Sunt etiam quædam Jura Majestatis, quorum participes ne quidem redduntur Cives Imperii, quâ *Status* sunt; aut *Regionibus* valent, ut *Nobiles Immediati*: indeque nec Superioritatis nec *Regalium* nomine, vel complexu der *Hohheit*, veniunt: Talia sunt, quæ *Comitibus Palatinis* per delegationem exercenda committit Imperator. vid. *Tabul. de Communicat. Jurium Majest.*

II. Principio certum est, quia non tantum ob amorem societatis, sed etiam ad tuitionem vitæ bonorumque Civitates constitutæ sunt, sine gladii potestate nullam haberi posse Rempublicam. Eamque tam ad coercendos maleficos in civitate, quam propulsandam vim externam. (b) Unde duplex Jus Majestatis oritur. Primum vitæ ac necis, alterum jus belli.

(b) VIM EXTERNAM. Repetit hoc Auctor §. 27. b. c. & malè tamen potestas Gladii ad Jus Belli extenditur; nec debebat Auctor accipere gladii potestatem pro omni eo, quod in vitam alterius licet, etiam privati, in *defensione naturali*: quò hætenus pertinet Jus Belli inter Gentes integras: nam ut Jus Belli potestatem notat, seu *Jus Majestatis* constituit: ita quidem auctoritatem recipit sive *justitiam externam* Status bellici à *Capite Reipublicæ*, quod totam hanc repræsentat; sed auctoritatis in Populum peregrinum nulla potestas est. Quoad potestatem verò ipsam, hætenus ad Jura *immanentia* rectius refertur, & ad Jus Gladii non

pertinet; verum ad generalem vim Imperii in personas Civium, quâ Princeps ipsos exponere potest vitæ periculo, cum vindicandum & tuendum est bonum commune Civitatis. Jus autem Gladii solum immanens est Jus Majestatis, eoque Princeps eminenter valet, ad puniendum subditos suos, Magistratus formaliter; in quo etiam meri Imperii nomine venit. §. 3. b. Tit. junct. l. 5. ff. d. *Jurisdic.* Et facile est, ut cum Auctore in *Hobbesii* sententiam, per confusionem utriusque Potestatis, incidamus; quasi liceat Regi cuidam gladio uti, ad puniendum Regem vel populum extraneum: cum tamen in hunc isti jus puniendi nullum competat.

III. A priore discrepat merum Imperium: quod est jus animadvertendi in facinorosos, Jure Magistratus (liceat ita loqui per JCtos,) quod est ministerium summæ potestatis, competens. Sed huic imperio non adest facultas dandi veniam (c) reis aut damnatis; Quod sub jure vitæ necisque omninò continetur. Idque potest quidem semper, raro

raro tamen debet exercere Summa potestas. At quando debeat, hoc ad caput de judiciis (d) pertinet.

(c) DANDI VENIAM. Quippe quod *Majestas* est.

(d) DE JUDICIIS. vid. *Lib. II. cap. X. §. 6. in fn. & Lib. III. cap. IV. §. 19.* Cum verò in illis locis leviter solum *Auctor*, quatenus Princeps *Jus aggratiandi* exercere possit, attingat. Ideò notandum est: posse quidem videri Eum ad aggratiationem procedere non debere, quando reum mortem esse promeritum certum est. Nec enim frustra gerit gladium, & qui hominem v. c. enecari patitur, ipse mortis retributioni se obnoxium reddere censi potest. Debetur etiam poena *Deo*, quò cum non sit superior Princeps: in legem ejus poenalem dispensatione non valet. Unde perperam H. Grotius *II. d. J. B. & P. XX. §. 4. seqq.* quia *natura non precipiat punire*, cum fines aliquando non sint necessarij, (quod quidem refellit jam antè Ant. Matth. d. *Criminib. Quib. mod. Crim. extingu. c. V. n. 3. & nos infra pluribus*.) Ideò posse Principem poenas liberè *omittere*. Quin & multa mala ex cessatione poenarum in Rempublicam deduci possunt; saltim ut hi, qui semina Virtutis habent, spe veniæ in vitia & ipsi defleant. Interim *misericordiam* subinde ad exemplum Dei exercere potest Princeps, isque si innocentem hosti dedere potest, in salutem Reipublicæ: cur non etiam impunitum multò magis dimitteret, si Reipublicæ id exigat necessitas. Loquimur autem de poena *Capitis*, quam jura communia, etiam Divina, delinquenti interminant, (in cæteris enim, quæ potestati Principis magis subjacent, aggratiatio facilius locum invenit.) Sic verò inter poenam *internam*; quæ suo foro relinquitur, & *externam*, quæ hujus loci est, distinguere oportet. Hac autem vel *correctiva* est, vel *afflictiva*: Istam nunquam Princeps omittere debet, ac per verba etiam vel ritus, puta censuram, eamque *Ecclesiasticam*, fieri potest: hac autem boni publici causâ *mitigari* & imò *remitti*, poterit: nec enim *præcisè* poenas irrogare delictis oportet, cum per varios casus vindictam criminum *Deus* sumere de criminosis possit. Princeps verò exequatur poenas prout *saluti Reipublicæ* expedire videt. Nec potestate gladii aliter uti de-

bet, aut potest. Sic & quædam delicta in nonnullis Rebus publicis *severè* puniuntur: quæ alibi prorsus nulli poenæ subjacent. Aliter quoque *homicidia* punivit ipse Deus, ante diluvium; secus habuit in Statu Noachico, aliter etiam apud Israëlitas: quâ ratione sicut aliquando *Deus* poenas *externas* remisit, solis *internis* contentus; quarum tamen non minus gratiam *penitentibus* facit: ita quoque mitigare aut remittere posse vicarios ejus, Reges scilicet, poenas afflictivas, nil impedit. Nec tamen ultra tendere potest Aggratiatio, quàm quo pertingit *Legislatoria potestas*. Quæ cum non ligetur ad poenas, *Legibus divinis* proditas, quat. ad *Rempublicam Hebræorum*, ceu *forenses*, spectant: unde non satis est dicere, posse Principem tantum *mortis*, quam Lex Divina interminat, *genus mutare*: quin potius ne quidem in omnibus illis *mortem* inferre tenetur: si non aliàs finis poenæ, nisi per mortem, in Republicâ obtineri non possit. Cæterum non est aggratiatio, quæ sit ob causas delicto *internas*, velut in *l. un. C. si quis Imp. maled.* Videlicet ibi verba maligna, in Imp. projecta, spernuntur. Neque etiam est aggratiatio in *c. 2. X. d. delict. pueror.* ubi homicidium quoddam pecuniariè punitur. Indeque *externas* esse causas oportet, ad quas *Aggratiatio* respicit, ut à poenâ sec. delictum promeritâ recedatur. Denique Princeps quandoque solet ex jure Aggratiandi aliis gradum ejus quendam, velut *commutationem* poenarum, *communicare*. Et vel ipsi *Principes Imperii* tale quid *Vasallis* suis tribuunt. Sic enim in *Electoreatu Saxon.* Nobilis potest Relegationem perpetuam cum *fustigatione* in pecuniariam poenam convertere; nec tamen hoc aliter, ne hâc facultate abutatur, quàm ex sententiâ Collegii cujusdam Juridici, & ut poena non sit exigua, atque in pios usus impendatur, indeque significetur *Consistorio*: & ut tamen delinquens nihilom. *relegetur*. Ipsa verò *relegatio tantum* simpliciter dictata, potest non minus, ex sententiâ ejusmodi Collegii, mutari; Sed hoc casu poena pecuniaria Vasallis adicitur. vid. *Növ. Refol. El. P. 2. 1661. n. 59.*

IV. In civili Imperio, licet absoluto, vita quidem nulli, quam causâ cognitâ, jure potest auferri; (e) nisi fortè secus ratio & periculum Reipublicæ postulet, (f) neque res moram cognitionis ferat. Cujusmodi Regiâ manu, (g) quæ in parata executione consistit, non posse Rempublicam carere, Dictatura satis apud Romanos ostendit. Judicium verò de ratione illâ necessitatis repentinæ ad Imperantes pertinet; si qua tamen cædes, causâ non cognitâ, committatur, licet in dubio pro imperantibus existimandum videatur, cessat tamen hic præsumptio, qua res judicata pro veritate habetur.

(e) POTEST AVFERRI. Hoc enim actum esse censetur, ut quamvis absolutum Imperium habeat Princeps; tamen illò utatur in eum modum, quem *ratio juris communis* exigit. Unde non potest jure actum dici, quod non *causâ cognitâ* definitur.

(f) POSTULET. ut moram cognitionis non ferat.

(g) REGIA MANU. Intelligit *Auctor* executionem, nullâ præviâ causæ communicatione cum aliis; indeque in *vers. seq.* Rationem illam Status necessitatis repentinæ vocat. Hâc cum opus sit in Statu bellicò: ubi sæpius est, ut cunctari non liceat; est verò prompta magis executio, quæ Imperiò sin-

gulari conficitur. Idèd *Dictaturam*, ejusque com-
moda, ad *Manum Regiam Auctor* redegit. Aliis *Manus Regia* est Majestas in universum, quatenus *extra ordinem* se exserit; atque in *eminens Imperium* & *Dominium eminens* distinguitur: de quò *ad §. 14. h. t.* Sunt quoque nonnulli qui *Brachium seculare* eò nomine accipiunt: & tamen istud opponitur Jurisdictioni Ecclesiasticæ; ita ut Magistratui quoque, adeoque potestati subordinatæ, competat: atque hoc toties locum habet; quoties *executio* suscipienda est, quæ in Potestatem Ecclesiasticam non cadit: dum vel earum rerum Imperium ei non competit, ut sunt causæ sanguinis; aut infirmior est, quàm ut negotio sufficiat.

V. Denique si quem Princeps more latronis invadat, is nec justè nec jure cæsus videtur. Quia nec in populari Imperio pars major eo modo quenquam sine injuriâ opprimere potest, ut diximus priorem. (b) Quid autem in ejusmodi casu liceat invasis, *infra* (i) in loco communi differemus. Non est etiam, ut putemus, Ordine cognitionis servato manifestas oppressiones & injurias vim juris inducere; sicut historia Achabi & Nabothi loquitur.

(b) PRIDEM. *Lib. I. cap. X.*

(i) INFRA. *Lib. I. cap. XXXV.*

VI. Porro ad jus vitæ necisque refertur constitutio locorum asylo-
rum, quibus supplices contra vim privatam publicamque proteguntur. Cum enim eâ re sistatur vigor judiciorum, palam est, excedere hoc institutum potestatem Magistratuum. At quatenus justa sit eorum usurpatio, id alibi (k) tractandum.

Z

(k) ALI

(k) ALIBI. *Lib. III. cap. V.* Et *Aryla* quidem agnoscunt omnes nationes, saltem contra vim injustam. Atque eò destinantur loca, quibus jam antea reverentia quædam competit; velut templa, signa in castris, statux & imagines Principum. vid. interim *Mylerum* in *Arylologia*.

VII. Altera pars juris gladii adversus vim externam comparata est. Diversos enim populos inter se uti conditione status naturalis; cumque rectè dici *statum belli*, haud gravatè concedimus Hobbessio. Quatenus contentiones facillimè inter homines nullo judici subjectos oriuntur. Neque alio exitu, si convenire nequeant, quam decernente ferro, (l) terminari possunt. Quò pertinet celebre dictum, ubi *Judicia desinunt, ibi incipere bella*.

(l) DECERNENTE FERRO. Equidem Pax inter Gentes rei judicate vicem subit: cum bellum per se titulus non sit; sed *modus* tantum, & instar judicii, ad jus suum obtinendum: indeque externam *Jusitiam* per se, non etiam internam, nisi ex causâ suscipiendi, habeat. Interim non potest referri potestas Belli ad Jus Gladii; ceu ad §. 2., Jus quoque *Fæderum* ac *Legationum* æquè tempore *Pacis* valere, dictum est.

VIII. Cum autem universæ Civitatis motum & discrimen hæc res contineat, clarum est, non posse id quam à tota Civitate, hoc est, eo qui jus totius (m) habet, exerceri. Quod omnium populorum juriurumque consensu maximo traditur. Quatenus autem Magistratibus hæc potestas armorum (n) communicari possit, ut & reliqua juris bellicorum, peculiari loco (o) trademus. Hæc enim simplici enumeratione juxta ac demonstratione, cur ad summam potestatem quæque jura pertineant, defungemur.

(m) JUS TOTIVS. Et cum in Imperiò Romanò vires ejus sive *potentia* penes *Statum* resident. Hinc facile constat, quâ ratione dicantur *Bella* geri nomine *Cæsaris* & *Imperii*: ita quidem ut potestatem Belli habeat Cæsar, & hæcenus Jus totius; sed vim totius & potentiam non aliter, nisi præviâ voluntate Statuum, Vires suas Cæsari ad bellum conficiendum largientium: quas nec periculo exponere Cæsar, nisi ex Decretò Comitiali, potest.

(n) POTESTAS ARMORVM. Est utique potestas armorum à potestate belli ubique discernenda. Sic enim *Statibus* Imperii *Jus armorum* competit inter se; *Jus Belli* non item: quippe quòd *Judicio* eos experiri oporteat. *Adversus externos* autem Jure belli non Majestaticò, sed eò quod ex *Potentatu* procedit, utuntur.

(o) PECULIARI LOCO. *Lib. III. cap. X.*

IX. Proinde, cujus est bellum decernere, ejusdem est sine dubio, pactiones, quibus bellum finitur, id est, pacem contrahere. (p) In democratia sine controversiâ id est majoris populi partis, alibi optimatum. Consequenter Regis in statu verè monarchico. Modò is rex jus habeat non impeditum (q) per ætatem aut amentiam, vel denique captivi-

privitatem. Non enim credibile est à populo Imperium eâ lege delatum esse, ut etiam à non libero exerceatur. Eadem præsumptio est de exilio Regis, nisi voluntaria & planè libera sit absentia. Sed hæc limitationes cunctis juribus summæ potestatis videntur esse communes.

(p) PACEM CONTRAHERE. Ex hoc judicium facere licet, de Jure Belli in Imperio Romano. Quâ ratione enim pacem concluderit cum Rege Galliæ *Cæsar*, in Conventu *Noviomagensi*, nullis intervenientibus *Statuum Deputatis*, & quomodo Status sibi prospexerint; ut tamen ex hoc non nisi Consilium & Consensus eorum confici

queat, ex *Actis publicis* evidens est.

(q) NON IMPEDITVM. At verò hæc restrictio non tantum est ad *Jus Pacis* adferenda; sed ad integrum Majestatis *exercitium* pertinet: sicut tandem Ipse *Auctor* advertit. Atque de cære-
strictione *Libro I. cap. XXXVII.* agitur,

X. Paci adsimilantur fœdera, quæ sunt reliquæ conventiones diversorum populorum principumve inter se. Nam cum obligatio nisi in personam cadere nequeat, & civitates per eos, qui potestatem summam habent, personæ fiant, manifestum est, jus fœderis pangendi ad hanc classem, esse referendum. Hinc oritur differentia inter spon-
siones & fœdera, quorum illæ sunt conventiones absque mandato initæ à ministris summæ potestatis, de rebus ad ipsam pertinentibus, qualis *Caudina pax* & *sponsio Luctatiana*, quas ideò populus ratas non habuit.*

* *Liv. l. 9. à pr. Polyb. lib. 3. cap. 5.*

XI. Hisce cohæret jus mittendi legatos, quorum ministerio fœdera contrahuntur. Quales cum hoc effectu, ut Jure Gentium sancti habeantur, nullis quam qui vere habent Majestatem mittere licet. Nam in reliquos qui mittuntur ab iis, qui subditi sunt aliis; leges civiles (r) valent. Quia plus juris delegatis quam delegantibus, qui leges accipiunt, adscribi non potest.

(r) LEGES CIVILES. Hinc quod *Cæsar* *Statuum Legatis* tribuit, illud ex *Capitulatione* deducendum; nec non ex his (quanquam suo

modò,) quæ in *Legibus Romanis de Legationibus* habentur.

XII. Atque hæc ad defensionem civitatis pertinent, quò etiam pertinet jus tributa & vectigalia exigendi, quod multi inter minora Majestatis referunt. Adeò perperam, ut nullum in omni Republ. pluris faciendum sit. Nec aliud manifestius *ἡγεμονία* absolutæ potestatis ha-

beatur. Nullum quoque frenum populi censeant esse adductius, nullum efficacius remedium, ad continendos in officio Principes, quam si hoc jus saltem ex parte sibi met reservent; (t) Quando non minus in Republ. quam privatis familiis, pecuniæ cuncta servire, comperitum est.

(t) SIBI MET RESERVENT. Aut saltem non faciant Principi *potestatem exigendi tributa liberam*. Ut tamen, si non facultatem *intercedendi*, sicut in Imperio Romano se res habet, sibi pactus fuerit Populus: utique Princeps *absolutò* hoc *Jure* uti queat. Est enim omnino Jus Tributorum *ordinarium* quoddam Jus Majestatis, & ad sumptus Imperii gerendi pertinens; id quod proprietati bonorum in privatis nil detrahit: nec idcirco ad *Dominium eminens* five extraordinarium referri debet. Quanquam verò cum *Auctore Arniseus* quoque facere videatur, *Cap. VI. d. Jur. Maj. n. 6.* quasi Jus Contributionum ad *majora* spectet, *Georg. Schultzius* verò *cap. VII. de Feud. n. 14.* potestatem Vestigialium *instituendorum* vel augendorum ad *majora*, sed *exigendorum*, ad *minora Regalia*, redigat: potius tamen est, ut juxta definitionem supra positam, ex *communi sententia*, Tributorum Jus inter *minora* habeamus. Videlicet non protinus, quod summè necessarium in Repu-

blica, nec quod populum magis premit, ejusve libertatem minuit, ad *majora* spectat: cum nec ullum jus Majestatis deesse Principi queat, ut non Majestas penes ipsum manca dici debeat; inque eò omnia Jura Majestatis *paria* sunt, ut in quolibet eorum Majestas tota seu vis ejusdem, quantum ad summitatem potestatis & vigorem Juris cujuslibet attinet, conspiciatur. Interim Tributa *Dignitatem* & *Potestatem* Principis non ita, ut eximia alia, arguunt; quin potius *emolumenta* & *reditus* pecuniarii, ingentes etiam, privatorum haberi possunt. Et ob hoc, quæcunque jura Majestati in *subsidium* veniunt ad *exercendum* scilicet *majora*; ut commodum pecuniarium aut Fisci emolumentum præferant: ea omnia *minoribus* Regalibus accenseri debent. Nempe non *potestas*, (quoad hanc enim discrimen inter Regalia *majora* & *minora* nullum est,) sed *finis*, quem ea respiciunt, (quique *emolumentum* est in *minoribus*,) differentiam illam constituit.

XIII. Imperio alioqui civitatis simpliciter delato, nihil est causæ, quare non hoc etiam jus liberè translatus videatur. Siquidem adeò necessarium ad tutelam civitatis instrumentum, nullo modo ab Imperantibus separari potest, nisi id expresse liqueat esse factum. Non moramur, quod prudentissimis visum est scriptoribus, nulli principum in terris licere ab invitis civibus exigere pecunias. Habent hanc hypothesein, quod proprietas bonorum in civilibus Imperiis relicta sit privatis; verum hoc non prohibet, quo minus Imperantes singulis pecunias imperare possint.

XIV. Nam & Civitati recte aliquod dominium (u) in bona civium tribuitur, quod privata quidem dominia non tollit, sed tamen eminet supra illa. Unde à Grotio non absurdè *dominium eminens* vocatur. Cujus hæc vis est, *ut ad Imperantes* (verba Senecæ*) *potestas omnium, ad singulos proprietas pertineat*. Idque merito in numero Jurium

um Majestatis collocatur; fundamentum habens in consensu illorum, qui constituunt civitatem. Quos omnes ita velle manifestum est, ut si contingat Reipubl. utilitatem non posse custodiri sine incommodo damnove privatorum, utilitas publica privatæ præferatur.

* 7. de benef. 4.

(u) ALIQUOD DOMINIVM. Ex hoc jus tributorum deducere videtur *Auctor*. Sed hoc ipsum malè; nec in eò sibi constat, quòd *§. hòc DOMINIVM EMINENS* in numero *Jurium Majestatis* collocet: & tamen *§. seq.* illud *ordinaria* potestatis modum transcendere largiatur. Nobis equidem videtur *potestas* Majestatis esse, vel *ordinaria* vel *extraordinaria*: illa regularem & æquabilem modum servat per jura Majestatis omnia; *hæc* verò non nisi summâ *necessitate* postulante se exserit, in *personas* & *res* civium: Ita ut ad unum vel paucos eorum deveniat onus seu incommodum, ob salutem *universi* sustinendum: eò quòd aliter rei consuli non possit; eaque potestas quâ in personas emittitur, *Imperium*, quâ in res, *dominium* eminens appellatur: quod quidem *H. Grotius* *Dominio Vulgari* Civium contrâ distinguit. Sed hæc oppositio adæquata non est, quia *Dominium Regis*, quod ipse in res Privatorum habet, non est eminens illud, sed *Regium* & *Ordinarium*: quale in Juribus Majestatis, æquabiliter exercitis,prehenditur. Eò pertinent *communia* illa, & per cives omnes transeuntia, circâ bona eorundem, in emolumentum publicum, disposita; ut quando defendimus æquitatem *Usucapionis* ex *Dominio Principis* eminente seu *Majestatico*, quod in res privatorum habet. Eò quoque pertinet in specie, dispositio *l. 2. §. 3. C. d. Quadrienn. præscript.* quando ibi domino priori intercluditur dominium rei, quæ ad ipsum pertinuerat, à *Fisco* tertio venditæ; ut hic protinus contrâ vindicationem tutus sit, & dominus ille à *Fisco* reparationem rei suæ, nec tamen nisi *intrâ quadriennium*, querere debeat. *Jung. §. f. Inst. d. Usuc.* Quam quidem dispositionem *iniquitatis* immeritò postulat *Zieglerus Lib. I. d. Jurib. Majest. c. IV. §. 20.* eò scilicet, quòd Princeps *jure Privatorum* uti soleat, quòdque dominia à *Jure naturali* sint. Neque enim *d. l.* agitur de *re privatâ* Principis, sed *Fisci*, & de hujus

privilegio. Sanè *Fiscus* in *privilegiis Jure Privatorum* non utitur. Non etiam *Fiscus* cum domino, cujus res fuerat, contrahit; & sufficit huic, quòd reparationem rei suæ à *Fisco* habiturus sit. Enimverò *Dominium*, quoad *modos* acquirendi & amittendi, *Dominio Civitatis* subjacet: ac privatorum dominio cedunt causæ publicæ, quando hæc non stare potest cum regulâ, quæ privatorum est. Nisi enim tutum *Fiscus* reddere posset emptorem suum, in rebus ut plurimum per universitatem in *Fiscum* redactis; ita ut facilè in eâ res alienæ reperiantur: vix unquam ille emptorem inventurus esset. *Exceptiones* verò per *Gabrielium* traditæ, ab Imperatoriâ illâ dispositione, omnino examine indigent. Et cum justâ ratione sibi illa constet, non debuit *Zieglerus d. l. n. 24.* asserere, quasi *Principes Imperii*, (ad similitudinem alias usurpatam ad *Cæsarem*,) eadem uti nec possint nec debeant. Posses quoque ad *Dominium* illud *universale* Imperantis referre præcepta, quibus *Principes cogunt* aliquando Cives *ad contrahendum*; velut ad annonam emendam, vendendam. &c.

Licet autem alterum illud *Dominium*, quod hujus loci est, quodque cum *Hugone Grotio*, & *Doctoribus Gentium* aliis, eminens vocamus, & jam ante *H. Grotium* *Lugo* id nominis, in eadem re, *Tom. I. d. Just. & Jur. Sect. I. 9.* usurpavit, *irregulare* sit; tamen non modò illud, verum etiam *Imperium* eminens, exseri possunt circa *quolibet objecta*, *omnium Jurium Majestatis*; indeque non potest dici cum *Auctore*, vim illam seu potestatem in numero *Jurium Majestatis* collocari: quasi distinctum scilicet ac peculiare Jus Majestatis, inter cætera, quæ objectis suis discernuntur. Quin potius in omnibus illis Juribus, si *Manu Regia*, i. e. *extraordinaria* illâ exerceantur, intervenit; nec objecta à cæterorum jurium objectis distincta habet. *Zieglerus* quidem & alii, *Dominium* eminens, quò tamen ipsi *Imperium* quoque tale

complectuntur, nil esse à cæteris Juribus Majestatis distinctum & Ipsi tradunt; & novum, eumque abjiciendum, volunt fœtum *Hugonis Grotii*, ejusque sequacium: cum nec in Deo sit alia Potestas extraordinaria, sed eadem quæ agit extra ordinem: indeque Dominium eminens nihil sit aliud, quàm ipsa vis Imperii. At verò hoc aliter admitti nequit, quàm ut nunc diximus; indeque rectius *Bæclerus* cum cæteris illud recipiunt. Interea *Hobbesii* doctrinam, quando cives nil proprii habere tradit, meritò repudiamus: quippe quæ tunc solum admitti potest, quando Regi bona sua protinùs ab initio debent cives: aliàs ut extra civitatem, ita quoque intra illam, proprietas rerum datur; saltem quoddam Dominium super bonis suis Cives detulisse Regi censeantur, quatenus ad Imperium ejus sufficit: adeò ut ne quidem Princeps Civem solvere possit sive à Dominio Majestatis ordinariò, sive eminenti; ut rectè *Pufendorff. Lib. VIII. Cap. V. §. 1. - 8.*

Est verò MANVS REGIA, quò nomine utrumque, & Imperium & Dominium eminens plenius designamus, potestas summa extraordinaria, quam Princeps habet in Cives & res Civium, exercenda publicæ utilitatis causa; ita tamen, ut ex communi, si fieri possit, retributio detur. Nam facultates subditorum limitatæ sunt per se, quod firmat ipsum Majestatis exercitium; ut negari non possit: estque planum satis, posse duos esse Dominos ejusdem rei subordinatos: ut ex directò & utili apparet. Et quamvis possit subditus Principem reddere Dominum suæ rei, quando hanc ei donat vel legat; non tamen reddit ipsum talem eò modò, quo jam est; nec verò proprietas privatorum per hoc tollitur. Et si in personam Princeps Imperium habet, etiam extraordinarium; veluti ad dedendum vel obsidio supponendum; quidni multò magis in bona? cum non rectius dicatur potestas illa procedere ex Imperiò, quàm ex Dominio. Necessitas verò, ut in moralibus Jus inducit: ita etiam persona & res privati eorumque tuitio singularis, semper cedit necessitati communi & publicæ omnium; ut tamen necessitas illa solum impellat, causam verò eandem habeat potestas illa, quæ Majestatem in se conficit. Add. *Bæcl. ad Hug. Grotium, p. 85. seqq. juncto Harniò, Lib. II. Architect. cap. 4.* qui tamen isthòc durior est. Simile esse videtur Dominium excellentia, quò Deus

singularibus Decretis, in vitam & res hominum, utitur. Princeps autem sicuti Manu Regià utitur per essentiam: Ita alii eandem adhibere possunt per participationem; ut sunt Statùs in Imperiò; nec non Ministri Regum, qui eorum vicem in Regnis exteris & Insulis obeunt. Quando autem cum *Hugone Grotiò* Jus istud Civitatis competere diximus; illud non in sensu complexo accipiendum est; sed potius ut pro capite veniat, vel pro his, qui Imperium in Civitate tenent. Exercetur in personas subditorum, quatenus v. c. Hosti traduntur. Vid. *H. Grot. Lib. II. c. XXV. §. 3. add. Pufend. VIII. §. N. & G. c. I. §. 5.* ubi an Civitas innocentem Civem dedere possit hosti placando, ex delicto ejus proprio, vel Civitatis, vel nullo; de quo & nos alibi. Utique Stupro virginem committere nequit, ceu *Aurelius Hispaniarum Rex* quotannis aliquot virgines, à Mauris stupro dandas, pactus fertur, ap. *Marian. L. VII.* Nec enim Moralium arbitrium Civitas habet, ceu nec talium est restitutio aut compensatio. Neque dici potest, dedentem non intendere directò stuprum; sed solum deditionem. Nam in eo non est tantum permissum quid; sed traditio ad scelus perficiendum. Valet deinde Dominium seu Imperium hoc etiam in Clericos; quin & in subditos temporarios seu transeuntes: quò pertinent aurum & argentum transvehentes, ut in necessitate Resp. illud occupet. vid. *Stradam Dec. I. 57. Cambden. ad A. C. 1568, & 1582.* Deinde in rebus civium se exserit; ut in ædibus demolendis, & vel integris suburbis, ut munitioni loci consulatur, & receptacula hosti eripiantur. vid. *l. 6, & 14. Cod. d. Oper. publ.* Item quoad Jura ad rem, quando Princeps contrahens cum subditis initos retractat, privilegia revocat, &c. *H. Grot. Lib. II. c. 14. & 23.* Imò quando delicta præter ordinem remittit. Si formam requiras, extraordinariam oportet dicere virtutem Majestatis, ad quam Princeps honestà & verà necessitate adigatur; ita ut nec ultimum necessitatis articulum expectare debeat: cum summa ratio sapientibus pro necessitate sit, & non minùs utilitas excellens rationem necessitatis habeat. Finem unicè præfert, utilitatem communem, non eam quæ ad pleraque civilia instituta pertinet; verum exquisito loquendi genere, ad necessitatis imperiosa rationes adstringitur. Exhinc Effectus procedit, ut in vitam quoque singulorum valeat, in eum modum, quem

suprà

suprà inuimus; nec non ut ablationem *bonorum*, vel saltem restrictionem *facultatis* circa illa contineat. *Ortus* verò *effectus* ad *resarcitionem* spectat: non utique quoad actum, siue naturaliter; sed quoad *intentionem*, & *moraliter*, quâ fieri potest. H. Grotius *Lib. III. c. XIX. §. 7. & cap. XXVI. §. 52.* quoniam *Uriversitati* exinde prospectum est: unde si non ex *Fisco* fieri queat, iacunda est *contributio*; à quâ ne quidem *privilegiatos* excipimus. *l. 7. C. d. Operib. Publ. Pauperes* autem re ipsâ eximuntur. *arg. l. 2. §. 6. d. Leg. Rhod.* Denique ad *Jura Majestatis immanentia*, potestas illa restringi simpliciter non potest. Utcunque enim in populum

extraneum non valeat. Tamen circa *Jura*, quæ in hunc feruntur, & sic *transseuntia*, quoad bellum puta, *Legationes* & *Fœdera* sæpissimè exferuntur; ut tamen & sic non nisi *in Cives* valeat. Quòd si *necessitas* nulla vel *prætensa* sit, an tunc *resisti* possit Imperanti? *alibi* disquiritur. Vid. Grotium *Lib. I. c. 3. §. 2.* Denique Alberti *Lib. II. J. N. c. XIV. p. 214.* *Jus Regium* in *1. Sam. 8.* complecti tradit partim ea, quæ juris eminentis sunt, partim licita, & quæ solum in externò forò impunita maneant. Et tamen *Majestatem totam*, quoad vim utramque, *ordinariam* & *extraordinariam*, utrobique *justè* & *iniquè* exercitam, continet.

XV. Quod cum maximi sit momenti modumque ordinariæ potestatis transcendat, consentaneum est, à nemine, quam ab eo qui summum habet Imperium, esse exercendum. In quem singuli ex pacto cum singulis hoc jus transtulerunt, ut omnium atque singulorum rebus pro communi bono, invitis etiam singulis, uteretur. Adeoque voluntatem Imperantium quisque sic ut in aliis, ita hac in re, pro sua voluntate reputare debet, ut ex principiis dudum positis (x) recordamur.

(x) EX PRINCIPIIS DUDUM POSITIS. *Lib. I. cap. 9.*

XVI. Hinc est, quod injuria non fit civibus, quando res suas non modo vendere sed & sine pretio illis quandoque cedere coguntur. Sic tamen ut *Respublica* cum primum poterit (y) ad restituendum plerumque teneatur. Quia certum est, populos quam minimo singulorum damno illud eminens dominium fundare voluisse. Etiam hinc est, quod aliquando cives pro Republicâ certo exitio exponere liceat, cujus rei speciale principium *sub fin. cap. 9.* collocatum est. Denique ex hac ratione defenduntur innumeræ leges, quæ duritiem & iniquitatem contra singulos utilitate publicâ rependunt. (z) Imò efficiunt, ne sit iniquum, quod seposito consensu ac fœdere civium foret iniquissimum. Nam quod ipse quilibet facere intelligitur, in eo factam sibi injuriam nemo conqueri potest. Ita liquet responsio, quâ occurrendum sit illis, qui statuentibus aliquid licitum fieri ob utilitatem publicam, quod in se ac simplicitate naturæ iniquum est, dictum ob-

objiciunt Apostolicum, non esse facienda mala ut inde eveniat bonum.

(y) CVM PRIMVM POTERIT. H. Grotius *Lib. II. cap. XIV. §. 7.* Siquidem nec privatus ad impossibile tenetur, sed quisque renunciâsse creditur rebus suis, ut salva sit universitas: cum eâ salvâ non existente, nec singuli servari possent. Cæterum si per collationem alicui satisfiat, hoc non est ex Dominio eminente: quoniam ita reditur ad præstationem æqualem singulorum civium. Unde & Tributa ad Dominium eminens malè redigit *Auctor §. 13. & seqq.* Utique non interest, quoad hunc, qui ob Communitatem patitur, quod minus illi retributio facienda sit; quamvis non ipse Princeps seu Respublica, sed alius etiam, v. c. Gubernator extraneus, Belli tempore, quò Urbem destituit, ad fortalitium extendendum v. c., agros civi eripuerit. Nam ita non modò agrum subtra-

ctum, sed & fructus hætenus cessantes, retribuire Civi Communitatem oportet. Non etiam Civi officit, si vel maximè non annuente Civitate ille quid pro eâ passus sit. Unde afflictus Civis, v. c. officialis Senatus, quòd facultates Civium detegere noluerit Hosti, indeque ab ipsò, contrà immunitatem sibi debitam, metatis gravatus, omninò restitutionem immeritò exactorum petere potest. Idemque de abductis obsidibus existimandum est; quamvis pro illis Cives aut Senatus non sponderint.

(z) UTILITATE PVBLICA REPENDUNT. Ita Tacitus XIII. *Annal. cap. 32.* Jung. Grot. *Lib. I. cap. II. §. 9. in not.* ubi de Silaniano, & quæ ad Tit. ad Sc. Silan. in *Anal. ff.* notavimus.

XVII. Cæterum, eminens hoc, inquam, dominium vocatur, quia non tollit, sed limitat ac gubernat dominia privatorum. Alii potestatem extraordinariam dicunt, non tam malè quam odiosè, quia sub hoc titulo flagitia dominationis (a) latere creduntur. Denique rationem status huc plerique trahunt. Sed hujus appellatio patet latius. Æque enim adversus externos ac cives exercetur. Dominium autem eminens solos, qui cuique Imperio subjecti sunt, spectat.

(a) FLAGITIA DOMINATIONIS. Et tamen longè distant hæc à *Manu Regiâ*; quin & ab *Arcanis Reipublicæ*. Hæc verò non minùs à *Maximis*, seu *Regulis* Rempublicam conservandi, discernenda sunt. Equidem *Ratio Status*, quam *Bæclerus Enigma Politicorum* appellat, per hoc ab *Auctore* distinguitur à Dominio eminente, vel potius *Manu Regiâ*, quòd hæc ad externos non pertineat; quanquam & hoc non absolutè asseri queat. Nam ut *Manus Regiâ* non minùs jura Majestatis transeuntia contingit: ita quoque effectus ejus ad Belli Pacisque & similia cum exteris negotia, porriguntur; Iltim quòd *Ratio Status* non ita vim Imperii notet ac *Potestatem*; indeque *Auctori Cl.* videatur ad externos faciliùs porrigi posse; cum econtrà *Manus Regiâ*, per se & vi suâ, in potestate imperandi radiceatur. Est verò *Ratio Status*,

prout habitualiter accipitur, (nam objective sumpta modum potius seu formam Status publici innuit,) pars quædam prudentiæ civilis secretior, quæ illas complectitur causas, quibus ea, quæ ab utilitate singulorum, sive Civium sive exterorum, abscedunt, Reipublicæ conservandæ vel emendandæ media, h. e. consilia & actiones, per absconditos utilitatis communis, à Jure tamen universali non abludentes respectus, à turpitudine liberamus. Ex quo patet, hæc prudentiâ nos uti posse, circa quælibet Imperii media, & sic etiam *Manum ipsam Regiam*: in quam tantò faciliùs *Ratio Status* incidit, quòd in ordinariò modò, Jura Majestatis exercendi, nil absconditi nec inæquabile, quod Rationem Status innuit, occurrat; indeque non tam latitudinè suâ, quàm potius eò, discernuntur *Ratio Status* & *Manus Regiâ*, quòd hæc potestas ipsa sit, illa

fit, *illa* verò modus & Ratio exercitium potestatis & dirigendi & vindicandi. *Flagitia* verò *dominationis* salutem communem populi non ita respiciunt, nec Regio congruunt, sed *Herili* vel *Tyrannico Imperio*, & cum *Jure Universali* divino aut humano pugnant; quòd referre licet *fratricidium* Turcarum & scita alia *Tyberiana*. *Arcana* dicimus, quæ ad *superstitionem* vergunt; ut quando sedem Imperii non aliam esse posse, quam

Roman, prætendebatur; nec alibi posse fieri nunc etiam *electionem Regis Germanici*, nisi *Francofurti*: Nam in his latent quoque multa, quæ in conservandis Imperiis plurimum valent. Denique *Jura Imperii* ab his omnibus diversa sunt; & vel notant ipsas *potestates* sive *Jura* Majestatis, vel *Leges*, maxime *fundamentales*, indeque pacta, quæ efficaciam legali similem habent.

XVIII. Fuerunt jura quæ ad tutelam Civitatis pertinent, aut illuc referuntur. Sequuntur, quæ ad internam administrationem requiruntur. Tale omnium primo *jus est legum condendarum*. Quibus cum tota Reipubl. conformatio insit, palam est à nullo, quam qui habet summam potestatem, eas posse proficisci.

XIX. Non igitur plebes olim Romæ, non Senatus, non Prætores, non Jcti auctores Legum (b) esse potuerunt. Sed in libertate solus populus fuit *νομοθετης*, supremus legis conditor; ait *Theoph.* postmodum Imperatores. Nisi quatenus summa potestas vim obligandi illis addere voluit, ut factum in Plebiscitis lege Hortensiâ, in Senatus-Consultis à Principibus Romanis. * Municipia quoque, id est, Civitates majori subjectæ imperio nihil contra jus commune illius Imperii statuere possunt; Nisi consensu summæ potestatis, atque ita, ut Ejus voluntate semper abrogari possit. (c) ** Sed jura provinciarum, quæ superiorem non agnoscunt, & quæ municipalia sæpius nuncupantur, verè tamen sunt Leges.

* *dix. lib. 1. Digress. cap. 2. & 3.*

** *l. 9. π. ad L. Rhod. l. 3. §. 5. π. d. sepulchr. viol.*

(b) AVCTORES LEGVM. Nam ad Legis vigorem obtinendum, Principem priusquam deernat, rem quàm poterit exactè *perquirere* oportet. Hinc non satis est, ipsum *Consiliarios* tantum suos audire; verum expedit vel maxime, ut *Status* suos seu præcipuos ex *subditis*, quorum vita & fortuna stat Legibus, in *Comitiis*, indeque *Civitatem* *representativam*, audiat. Sæpè enim nec *Consilarii* unius alteriusve, & ne omnium quidem, *interest*: *affectibus* etiam abripi possunt; ac Principem magis *verentur*. Hinc & *Romani Principes* cum Senatu agebant per *Orationes*, & in *Senatus cen-*

suisse dicitur, *l. 20. §. 6. d. Har. Pet. & addidisse* Senatus-Consulto Imperator. *§. 7. J. Quib. mod. test. infirm.* Sanè *Augustus* Principatui non putavit officere, quòd *Comitia* reduceret. Sueton. *c. 40. in Aug.* Idemque institutum *Cajus* revocavit. Suet. *in Ipso c. 16.* Ne quidem Princeps *absolutus*, sed solum Tyrannus, *Comitia* averlatur. *Alexander Severus* haud unquam, nisi *Jurisprudentum* & *Oratorum* seu *Politico*rum consilio & assensu, *Legem* tulit. vid. *Alex. ab Alexandr. L. VI. Genial. Dier. c. 23.* Sic & *Theodos. II. & Valentin. III.* in *l. 8. C. d. LL.* ut *universorum consensus*, ajunt, nostræ *Se-*

renitatis *auctoritate* firmetur. Nec aliter, quantum constat, ceteri *Rom. Imperatores*. Sic & *Hispania* Reges, teste *Barbosâ ad d. l. 8. & Gallia* olim. *Tiraquell. L. I. d. Nobilit. c. 20. n. 26.* Nunc etiam *Anglia*. &c. Ceu nec *Principum Germania* Superioritati Territoriali officere creditur, si ad *Leges* ferendas consilium & consensum Statuum suorum *Provincialium*, ad modum Comitiorum *Imperii*, adhibent. Quin & *Officiali* Princeps committere potest *arbitrium novæ Legis*. Quid enim hoc est aliud, quando in *Novell 152. Justinianus* edicît, nullam *Legem* valere debere; nisi *Præfeto Prætorio* insinuata & ab Ipso probata fuerit: ut videlicet *ma-*

teriam ejus, an illa publico congrueret, examinet.

XX. Suæ porro non alienæ potestatis Lege quemque teneri res ipsa loquitur. Unde *Jus Romanum* hodie nullos obligat. Nisi quatenus à liberis *Europæ* populis liberè receptum est. Cujus rei auspiciū *Lotharii Cæsaris* memoriæ adeò non exprobramus cum *Lipſio*, ut nihil salubrius, si hætenus substitisset (d) posteritas, ullius principis extet factum. Sed hæc aliò spectant.

(d) SI HACTENUS SUBSTITISSET. Indignatur hîc *Auctor*, quòd ampliaverint *Jus Justinianicum* studia seculorum istud insequentium; & tamen hæc quoque provocavit publica & inevitabilis necessitas. Imò nimis angusta potius est *Jurisprudentia* nostra, licet in tanto interpretum cumulo,

(e) SEMPER ABROGARI POSSIT. At verò si ex Privilegiò vel longò usu *Jus statuendi* acquisiverit Provincia: non potest asseri, Principem voluntate suâ abrogare Statuta illa simpliciter posse, quatenus communibus Imperii Juribus adversa non sunt; sed quatenus cum utilitate ejus communi pugnant: eò quòd *Salus Reipublicæ* semper & ubique in his etiam, quæ privilegiò vel indulgentiâ Principis quæſita sunt, excepta esse intelligatur. An autem & quâ ratione *Status Imperii R. G. contra Jus commune* illius quid statuere possint? illud in *Comment. ff. ad Tit. d. LL. expeditum* dedimus.

quam ut de ejus exuberantia conqueri liceat. *Locus* verò *Lipſii*, quem hîc attingit *Auctor*, est in *Lib. II. Monit. Pol. c. 10.* ad quem videri convenit *Rupertum* in *Ltb. I. animadv. in Pomponium de Orig. Jur. cap. 6.*

XXI. Legislatoria potestas jus quoque *Leges* mutandi continet, nisi sint fundamentales. (e) *Æquitas* etiam illa, quæ est mitigatio juris scripti legum sanctionibus contraria, (f) solius est *Majestatis*; quia vim continet mutandi. * Sic etiam jus dandi privilegia (g) tam singulis personarum quam certis hominum ordinibus, ut mulieribus, minoribus, fisco, &c. non est diversæ facultatis à *Legislatoriâ*.

* l. 1. C. d. Legib.

(e) NISI SINT FUNDAMENTALES. Non protinus ubi *Respublica* inclinât vel mutatur, etiam *Leges abolitæ*, & non amplius nisi fallacia *Status* abjecti simulacra esse, putandæ sunt; quæ *Conringii* est traditio. c. XII. de *Civ. Prud. p. 241.* Quin potius deliquia illa factò imputanda, & semper inhærendum *Legibus*; donec ipsæ, modò congruò, & au-

thoritate debitâ, immutentur. Nec tamen omnia etiam *Jura publica* indistinctè, communi populi vel Imperantium, & in Imperiò *Cæsaris* voluntate, Statuum adhibitò consensu, tolli possunt; quoties exteri *Constitutionibus* *Reipubl. implicantur*: quò numero venit *Instrum. Pacis* unum alterumve, & imò ipsa *Cæsaris Capitulatio*, quantum quidem ad

Capita

Capita illa cum exteris communia attinet. Sunt etiam *Leges* in Imperiis, quæ aliquando *emendationem* citius efflagitant, quàm *admittunt*. Et nonnunquam mutatio *moraliter impossibilis* est; aut si maximè quoad *actum*, non tamen quoad *substantiam actus*, fieri potest. *Leges* autem *fundamentales* uti propriè *Leges* non sunt, ita nec *mutari* possunt, nisi ab his quos *Conditores* referunt, ut est *Princeps* cum *populi Primoribus*; quorum alterum *de Jure* ab initio Imperii *quasito* recedere oportet, & sic aliquat. *ad initia* illa *reverti*, ut locum habere queat mutatio. Nec tamen semper necesse est, coire populum universum: quin potius *Princeps cum parte illâ populi*, quam *Lex* aliqua *Fundamentalis* concernit, puta si istius partis solum interfit, mutationem suscipere valet.

(f) CONTRARIA. Intelligit *Auctor Cl.* interpretationem *authenticam*, eamque *expressam*; quâ dum aperta est *Legis* sententia, ipsa verò *Lex duritiem* præfert, quam emendare *Judici* vel interpreti non liceat: (vid. l. 12. §. 1. *Qui & à quib. manum.*) tunc quidem *Princeps* *Legem* illam immutat. Tum & *Legem* quamlibet ad eò *obscuram* vel *dubiam*, ut *Judex* illam sequi ambiguus non possit, solus *Princeps* interpretatur. l. 12. C. d. LL. l. 6. C. cod. Nov. 143. pr. Nam *æquitatem* quidem hanc non ita dicere licet; quippe quæ legi illi nullatenus inest, sed futuræ tantum, sive immutanti, causam præbet. Interpretationem verò appellant rectius, eamque idcirco *Principi soli* reservatam volunt. l. 1. §. 2. C. d. LL. junct. l. 32. ff. ad L. Jul. d. adult.

(g) PRIVILEGIA. Hic *Auctor Privilegia* intelligit, quæ *Constitutiones Personales* dicuntur, unâ etiam cum *specialibus personarum*. Sed *specialia causarum* præterit. Cæterum rectè non solum *Privilegia*, quæ personarum vel causarum sunt, l. 196. d. R. J. verum etiam *Constitutiones illæ personales*, de quibus §. 6. *Inst. d. J. N. G. C. Legislatoria* potestatis sunt. A *Privilegiis* distinximus *Dispensationem*, in *Comment. ff. d. Const. Princip.* sicut etiam ab illâ differt *Licentia*, & ab utrâque *Interpretatio*. Nam hæc fit per *Administros*, secundum æquita-

tem, & *Legi* inest; indeque eam declarat. *Dispensatio* autem est à *Principe* & à *Legis* nexu ac pœnâ eximit, ne quis dum ei subest, si eam non sequitur, pœnam ejus sentiat; factumque futurum respicit: ut *Aggratiatio* factum præteritum. Illa facit, ne quis contrà *Legem* facere censeatur, cui suppositus est. Hæc, ut eum adv. eam deliquit, in reatu constitutus, saltem effectum ejus seu coërcitionem evadat. Denique *Licentia* est, quæ protinus ab initio quem à *Lege* immunem reddit, ut ne quidem eâ teneatur. Et hanc semel obtentam esse sufficit. *Dispensatio*, item *Aggratiatio*, toties requirenda est. Equidem quod facultatem dispensandi attinet, ea non ultrâ, quàm ipsa *Potestas Legislatoria*, patet. Hinc *Papam* in aliquâ *Lege Divinâ* dispensare posse, *Catholici* perperam asserunt; quanquam quod gradus in *Levit. 18.* attinet, prohibitiones illorum non omnes ne quidem *moralis Juris* esse existiment. vid. *Bellarmin. d. Matrim. c. 27.* junct. *Bachov. II. Tr. Disp. VI. th. 2. c.* Facilius in *Legibus Ecclesiasticis* procederet *Dispensatio*. Et tamen ne quidem adv. has *dispensatio*, nisi magnâ de causâ, fieri debet: prout hoc per exempla taxat *Hottinger. Sec. XVI. Hist. Eccl. Part. 3. p. 139. seqq.* Agit verò plenius de *Privilegiis* seu *Constitutionibus specialibus Enenckelius*, aliquot *Tractatibus*; de *personalibus* autem *Constitutionibus Rumelinus* ad *A. B. integrâ Dissert. & Tabor. in Tr. d. Obligat. Success. in Officio*. Et quamvis *Imperatori R.* Jus concedendi *Privilegia*, sive beneficia *personalia*, ex *Jure Reservatorum* competeat; (cum quidem *Leges ferre* non possit, nisi *Statutibus* adhibitis,) non tamen uti facultate illâ potest, nisi *salvo Jure tertii*: & in his, quæ totum *Imperium* attingere posse videntur, modum quoque eum servare debet, qui *Juribus* ipsius congruat. vid. *art. III. Capit. Leopold.* Quod verò effectum *Jurisdictionis* secundum *Privilegia* illa concernit, *Imperator* quidem de *validitate* illorum & *substantiâ*, ut & *interpretatione* & *sensu* illorum, *solus* ex *Reservatō* cognoscit: Quod si verò de *Violatione* eorundem disceptetur, *Camera* quoque *Jurisdictio* fundata est.

XXII. Legum Ministri sunt Magistratus. Per quos cum universus Reipubl. ordo exerceatur, non possunt aliunde Magistratus quam à summa potestate proficisci. (b) Unde sequitur, adversus eum qui ha-

bet summam potestatem nihilo plus juris habere Magistratus, quam infimum quemque civium. Quemadmodum dispensator aut ordinarius in familiis privatis æque sunt servi, quam mediaſtini aut vicarii. Ideoque errant, qui Regem exorbitantem non à quibusvis è plebe, sed à præcipuis Magistratibus in ordinem poſſe redigi (i) arbitrantur. Id enim à nullo poteſt fieri, quam eo cui jure fundamentali (k) id liquet eſſe commiſſum.

(b) PROFICIſCI. Habet nempe *Magiſtratus*, ut *Romano* jure dicitur, *juris reddendi poteſtatem*, idque formaliter; ut *Princeps* eam habet eminenter. Et quanquam *Magiſtratus Romano more* dicatur *jurisdictionem* ſeu *poteſtatem* illam ſuo jure habere ſeu propriò; tamen & ſic habet non niſi jure *Magiſtratus*, quò talis eſt, & quòd eſſentiam ejus conficiat; in oppoſitione ad *Mandatarium* ſuum ſeu *Delegatum*, licet hic *Principis* fuerit: ſaltem quòd hic non jure ordinario & perpetuo, nec inter *Magiſtratus* cæteros & officiò ſtabili, fungatur. Aliàs *Magiſtratus* non ſolum eos, qui *Jurisdictionem* obeunt, ſed & *Officiales* quoslibet, qui Imperium cujuſdam rei, etiam præter *Judicium*, tenent, designat. Indeque poteſtas *conſtituendi Magiſtratum* à poteſtate *Judiciorum*, (quæ tamen, etiam *Romano jure*, non unius *Magiſtratus conſtitutione* ac *perſonâ* abſolvuntur,) ubique diſcernenda eſt.

(i) IN ORDINEM POSSE REDIGI. Ad-

verſus hos integrò *Capite IV. lib. I.* agit *H. Grotius*.

(k) JURE FUNDAMENTALI. Nec tamen unquam videas illos, quibus *Lege fundamentali* commiſſum eſt ſive relictum, ut *Regem in ordinem redigere* queant, ſimplici *Magiſtratu* deſungi. Nam *Magiſtratui* quidem, quò tali, nullus eſt locus, ut quid circa modum exercendæ *Majeſtatis* ſuſcipiat, invitò Rege; nec poteſt reſpectus illius ad *initia Regni fundandi* retrahi. Quocirca ſi quid monendum fuerit ex *Legibus Fundamentalibus*: illud ſuſcipiendum eſt ab his, qui dum *Regi Imperium* deferretur, *populum* repræſentabant. At verò hi non ſunt *Magiſtratus*: indeque illos, qui *populum ceu-paciſcentem*, etiam *poſt regnum ſtabilitum*, repræſentant, *Ordines* potiùs ſeu *Statûs* appellamus. Atque hinc inter alia eluceſcit, quare non poſſint *Statûs Imperii Germ. pro Magiſtratibus* haberi.

XXIII. *Judicia* pertinent quidem maximè ad jus privatum. (l) Sed conſtitutio & ordinatio illorum ſine dubio eſt juris publici ac *Majeſtatis*. Imò hac cauſa *Principes* maximè ab antiquiſſimis populis conſtitutos fuiſſe (m) accepimus.*

* vid. *Plutarch. in Demetrio. ubi de factò Demetrii, libellos ſupplexes in profluentem projicientis.*

(l) AD JVS PRIVATVM. At verò non minus ad *Jus publicum* illa reſpiciunt. Quæ enim diſtinctio eſt *Juris* in publicum & privatum, quatenus *publicum* pro *civili* habetur: ita illa ab ipſo Rege pendet, indeque ad *Jus Regni* ipſius, ſive ad *Imperii Jura* non reſpicit. Proinde quoties ſuper *Jure publico* diſceptandum eſt: illud aliter quam

per *Judicia* fieri non poteſt; imò etiam *publica Jura*, quæ ex *Gentium & Naturali Jure* in *Rempublicam* recepta ſunt, objecta ſunt *Judiciorum Civitatis*. Ex quo patet, nil quicquam ex *Jure publico* ſuperreſſe, quod in *Judicia* deduci non poſſit, præterquam *Jura Majeſtatis*; & quidem hæc etiam, ut in ſe conſiderantur, & quatenus ſuper poteſta-

potestate Regis, ipsi competat, iudicium in civitate nullum cognoscere valet; quanquam super *applicatione potestatis* illius & exercitiò Jurium in cives, aliosque quibus cum civibus negotium est, iudicia illa omninò valeant. Utique non modò in cæteris Rebuspublicis, sed etiam in ipsò Imperio Romanò, Tribunalia media æque ac summa fatis loquuntur, non tantùm eò deduci causas *eximie* publicas, sed etiam illas, quæ cum privatorum æquè esse possint, indeque ad Jus privatum referantur, eò ipsò tamen quòd ad personas sive res publicas applicantur, & ipsæ *publicæ fiunt*. Ita-

que dici non potest, ad Jus privatum maximè pertinere *Judicia*; quin potius omnes causæ publicæ, quæcunque *ministerio Magistratuum* subjici possunt, & sic intrà sphæram civitatis sunt, ad iudicia æquè rediguntur.

(m) *CONSTITVTOS FVISSE*. Eò quòd *Justitià* unicè Reipubl. salus constet, nec citrà eam diu stare possit. Interim Principes illi iudicia *Majestatica* tenent, quæ ad causam Magistratuum referri non possunt. Imò *Justitià Principis* latior esse videtur, quam quæ unicè ad diremptionem *causarum controversarum* pertinet.

XXIV. Etsi verò pleraque iudicia per iudices ut ministros summæ potestatis expediantur. *Summa* tamen *Provocatio* (n) salva semper est ad illam. Sive appellandi, sive supplicationis vel revisionis aliove titulo. Item, jus avocandi certas causas (o) ad cognitionem Principis; quo quidem rarius utuntur boni Principes, separari tamen penitus à summâ potestate nequit.

(n) *PROVOCATIO*. Hinc quando Doctores Juris publici provocationem hanò *soli Casari* in Imperiò largiuntur: non apparet, quâ ratione *Jurisdictionem universalem* ei in Imperiò denegare queant. Et tamen ad ipsum Principem à sententiâ, secundum Principis *Rescriptum* latâ, appellare licet. Scacc. *Qu. 16. lim. 1. n. 130. seqq. v. l. 1. §. 1. d. appell.* Quando verò ad ipsum Principem provocari vult, regulariter id *gradatim* fieri debet; nisi iudex intermedius sit suspectus vel inhabilis, aut justitiam protrahat vel deneget: aliàs ne quidem id *utrâque parte volente* fieri potest? Scacc. *Qu. 7. n. 16.* Cæterum Jus extremæ provocationis Principi nec per *prescriptionem* eripi, nec *statuto* potest. *Pactis* tantum possunt *renunciare* in causâ suâ partes, quò minus appellent; quod *privati* juris est. Unde nec *universitas* ita pacisci potest: hætenus enim in omnibus causis, & totâ juris dicendi potestate, facie publicâ immutatâ, Principi præjudicatum esse oporteret. Interim *Ipsè* Jus de non appellando *subdito etiam tribuere* potest; non tantùm quòd nihilom. hic secundum *LL. Principis* judicare teneatur; & sic perinde sit, quasi ipsè Princeps judicaret: *l. un. §. 1. d. Officio Præf. Prætor.* quin & Jus illud Principis beneficiò & *alienò jure*

seu concessione tenet. Verùm etiam, quòd & sic *extremam provocationem* non abdicasse Princeps putandus sit. Unde sicut ab eo, qui de non appell. Privilegium habet, *supplicare* licet. *l. un. C. d. t.* quippe quòd supplicatio sententiam ne quidem iniquitatis arguat, atque ex iisdem actis justificanda sit. Quin & *Revisionem*, ut & *Nullitatis* remedium, ille admittere debet. Ita ubi Privilegium quoque has provocationum species excludit; quale est *Seren. El. 5. Ducum Saxonia*: ibi ne quidem provocatio ex c. *deneg.* vel *protracta justitia* adempta gravato censetur. Et repugnat omninò Majestati, *nullatenus* ad Principem provocari posse. H. Grot. *II. IV., 13.* Est autem *Summa Provocatio*, quòd ad Principem quilibet provocare queat, sed ab ipso ad neminem provocari possit.

(o) *CERTAS CAUSAS*. Et quidni omnes. Quòd enim Princeps non semper *avocatione* illâ utatur, istud non ad objectum sive causas ipsas, sed ad *modum* avocandi pertinet; ut avocatione non utatur in *præjudicium instantiæ inferioris*, quam fortè aliquibus in Republ. jure *patrimoniali* sive *propriò* largitus est. Quapropter ab his qui *simplici Magistratu* funguntur, causas *liberius* avocat.

XXV. Denique Jus Comititia indicendi solvendique est in monarchiâ Jus Majestatis. Nam in regno, ubi comitiorum facultas aliter quam jussu Principis (p) exercetur, ibi certum est Imperantis potestatem non esse absolutam. In plurium Imperio jus comitia indicendi summæ potestatis esse nequit; (q) Quoniam in comitiis ipsa potestas summa residet. Ideoque nil ibi quam ministerium est; etsi per artes politicas sæpe fiat Magisterium. At de his non agimus.

(p) JUSSU PRINCIPIS. Talis non minùs in Imperiò Rom. reperitur; ut tamen Imperator de loco & tempore consultationem præambulam cum Electoribus instituat.

(q) ESSE NEQVIT. At verò non apparet, cur non illa potestas Majestatis æquè sit, ac in Regnò. Sive enim Comititia ipsam Majestatem authenticè habeant (ut Magistratus, velut in Democratiâ, exercitia Jurium magis frequentium & minoris momenti interim teneant:) sive Comititia tantum ineunda sint, amplioris consultationis gratiâ,

idque ex pactò, quod cum Optimatibus ceteri de populo inierunt: utrobique Jus ipsum indicendi Comititia, juxta placita ejusmodi, non potest non penes eos residere, qui summam potestatem habent. Quoties verò in Democratiâ Magistratus ad Comititia devenire non patitur,, toties vitium capit Respublica; & tamen ibi populus ad Comititia provocare poterit: indeque & hâc ratione tam jus provocandi ad Comititia, quàm vis ipsa Comitiorum, Majestatis erit.

XXVI. Quæ plura de hisce juribus eorumque œconomiâ dicenda sunt, ad partem operis ultimam reservantur.

CAPVT. XIX.

De Juribus Majestatis minoribus.

ARGVMENTVM.

Divisio Jurium Majestatis minorum, quod vel utilitatem vel dignitatem spectent: & quæ ad hanc pertinent, rursus subdividuntur, quod vel in publicis collationibus vel privatis dispositionibus consistant. Prioris generis esse jus creandi magistratus inferiores, nobiles, equites, etiam comites, principes ac duces; ratione redditû, cur eorum creatio ad majora non pertineat. Item creandi Doctores, Comites Palatinos, Notarios, concedendi Nundinas & ferias. Dispensationis privata sunt jus legitimandi liberos, fama restituendi, veniam ætatis largiendi, solennia Legum remittendi, debitoribus inducias dandi, onus fideicommissi bonis auferendi, res minorum sine decreto alienandi &c. Quæ ad utilitatem spectant, hæc sunt: Jus moneta cudenda, confiscandi bona damnatorum & mulctandi, successiones auferendi indignis, bona vacantia occupandi, item res derelictas, velut thesauros, haud tamen jure, bona naufragorum; sed & jus venandi, gabellas, portuaria, ripatica, angarias, parangarias, armandias & repressalias &c.

I.

Minora Majestatis jura sunt, quæ ad functiones (a) Reipubl. inferiores levioresque referuntur, nec tamen Magistratibus committi solent. Hæc ita dispertimur, ut vel ad potestatem aut ad utilitatem Imperantium spectent. Quæ prioris sunt generis, ea vel in conferendis honoribus jurebusque publicis, aut in privatis dispositionibus consistunt.

(a) FUNCTIONES. Equidem nullum Jus Majestatis ad *functionem* quippe quæ *Magistratus* solum & *subordinata potestatis* est, refertur. Quod verò *Auctor* etiam *minora* quædam Jura Majestatis in censum illorum referat, quæ *potestatem* & *eminentiam* Regis arguunt, id utique agnoscendum non est; sicut *Cap. precedenti* monuimus: quicquid sit, quod aliqua eorum Jurium ad singulos

tantum sive *privatos* referantur; velut est jus dandi *moratorias*, aliaque *beneficia personalia*. De Magistratibus verò minùs constat, quare eos ad *minora Regalia* redigat, nisi quod ille discrimen inter *minores Magistratus* & *maiores* constituat: quod tamen quoad *ipsam vim Majestatis*, quæ non minor est in minoribus Magistratibus, nullum planè est. Idem Judicium esto de cæteris.

II. Ad primam classem referamus primo, jus creandi *Magistratus minores*, qui per oppida & agros juri dicundo (b) præsent. Jus creandi Patricios, *nobiles Equitesque*. (c) Ut nobilium ordini Duces quoque, Principes, Comites, Barones aliosque Germanicæ originis (d) titulos accenseamus. Quos quidem creandi jus mirabitur non nemo, ad minora Majestatis à nobis referri. Sed ratio constat, quod ad Imperii explicationem hæc res directè non pertineat. Verum hoc sine illis (e) tam summum, quam integrum, facillè esse queat. Si quis tamen ita faciendum putet, ut jus conferendi illustres nobilitatis gradus ad majora, cæteros ad minora Majestatis jura referendum putet, nihil est quod refragemur.

(b) JURI DICENDO. Strictè *h.* sumit *Auctor* Magistratus. Nam & *Officiales* creandi potestas, eos scilicet qui juri dicundo non vacant, ad Jus creandi Magistratûs pertinet.

(c) EQVITESQVE. Dantur verò *Equites* tum *Sacri*, qui omnes *Cruce* utuntur; ut *Johannitici* seu *Melitenfes*, *Teutonici*, &c. tum *Civiles*, hique & *Clinodiorum* seu *Torquati*: ut *Aurei vel Jeris*, *S. Spiritûs*, *S. Michaëlis*, *Auræ periseelidis*, *Danicus*, *Suecicus ordo*: & *Aurati*. Juri Dignitates & Officia conferendi proximum est Jus dandi *Insignia*. Hæc verò sunt tum *Familiarum*,

tum *Officiorum*. Definiantur *Figure* symbolicæ statui designando adhibitæ. Continent *scutum* seu *Campum*, *Emblemata* in ipso. *Galeam* cum *Clinodiis* impositis, ut *plumeo apice*, *corvo*, *cornubus*, &c. tum & *sustentacula* seu *telamones*, quibus *scutum* tenetur; quales sunt *Illustrium ferè*, ut *Angeli*, *Gryphi*, *Unicornua*. &c.

(d) GERMANICÆ ORIGINIS. Equidem nomina pleraque ex *Romanâ* quoque *Republica* desumpta sunt: Et tamen tituli *idiomatis Germanici* naturam illarum accuratius exprimunt; quippe quod officia & administrationes in se debeantur *Francis*, præci-

præcipuis in fundando Germanicò Imperiò populis. *Limn. lib. II. Jur. Publ. c. 9. n. 18. & Lib. IV. c. 2.*

(e) SINE ILLIS. Hoc verò asseri non potest: nam sicut non datur sine præmiis & pænis Respublica, neque Magistratus vel alia potestas subordinata similis, citrà *Dignitatem*; non etiam Ordines Civium absque *Nobilitate*, saltem personali, si non familiarum, subsistere possunt: ita non potest dici sine Dignitatibus Imperium quoddam summum esse posse & integrum. Idem enim est, ac si *Auctor* assereret, jus conferendi Dignitates tale esse, quod ad *Majestatem per se* non requiratur. Videlicet abreptus est opinione eâ, quâ

Jus illud ad minora redigendum censuit. Et tamen non modò directè illud pertinet ad Majestatem; quod Ipse hoc s. negat: (cùm tamen, sicut *personas & res suas*, ita etiam *Dignitatem suam & honorem*, cives à Principe recognoscant;) sed etiam inter *præcipua & majora Majestatis* Jura Potestatem conferendi Dignitates idèd referri oportere constat: quia Dignitas plurimùm facit ad *Ordines & præstantiam civium*: Unde in crimine quoque *Majestatis* non absque summâ ratione constitutum est; ut non modò *liberi* reorum carere bonis, sed & *honore* destitui debeant, ne quid ab illis metuendum sit.

III. Largiri facultatem docendi Artes studiorum publicèque exercendi, id ubique etiam summæ potestatis habetur. Adeò ut Doctores autoritate eorum, qui superiorem agnoscunt creati, jure & ornamentis huic ordini debitis minimè fruuntur. Ita necesse non videtur, jus condendi Academias huic numero adjicere. Quando in iis vix quicquam Majestatis proprium, præter istud jus conferendi honores (f) studiorum, cum effectù tam latè diffuso, reperitur. Tamen ita fieri solet, ut Academias sive Universitates studiorum constituere, juribus Majestatis adscribatur, nec satis est causæ, quare ab hoc more loquendi recedamus.

(f) PRÆTER ISTUD JUS CONFERENDI HONORES. Hoc vult *Auctor*, Academias condendi facultatem non pertinere ad Jura Majestatis, nisi quatenus alibi *Honores Doctorei* conferri non possunt, nisi in eisdem. *Gymnasia* verò in alio ab Academiis non discernantur, eò quod *Professiones omnium Facultatum* in Gymnasiis reperiantur. Et tamen licet in *Germaniâ* videamus docendi facultatem posse impertire *Statûs*, & quandoque etiam *mediatos*, longò usu vel privilegiò. Quia tamen plurimùm interest Majestatis, quidnam hi qui regimini publicò aliquando admoventi sunt in re quâlibet, & *sacrâ* cumprimis, *erudiantur*; inde non potest non in se concessio facultatis docendi & honores literarios conferendi, *Jus Majestatis* censerî. Et hinc, quia potestate illâ uti permissum non fuerat aliis, quàm qui titu-

lum *Doctorei* gerebant: Inde *Jus Academias condendi* de Majestatis Juribus in *Imperio* etiamnum habetur. Planè qui in *Belgiò* creati fuerant *Doctores*, priusquam *Libertatem* *Statûs* uniti ex *Pacificatione* cum *Hispanis* initâ consequebantur, extrâ *Belgium* pro *Doctoribus* habiti non fuere. Quid verò quòd *Papa* quibusdam Academiis Privilegia contulerit? scilicet quia *Jus Sacrorum* ei competere creditum est, extrâ *Cæsarem*, atque eò integra *Jura Cleri* atque *Academiarum* referebantur, sive *Schole majores*. Idèd ex errore *Pontificis* in hoc summa Potestas delata est. Hodie tamen *Academiarum*, quæ solius *Pontificis* auspicio fundatæ sunt, non nisi *tacito consensu* & approbatione *Cæsaris*, auctoritate suâ constant. vid. *Carpz. II. Consistor. def. 396.*

IV. Prætereà homines constituere, qui legitimare natos contra

præce-

præcepta legum & creare Tabelliones aliaque jussu summæ potestatis facere possint; quales in Germania Palatini Comites dicuntur, id haud dubiè Majestatis est. Nec ideo tamen minus ipsum jus ordinandi *scribas*, quorum fide instrumenta pro publicis à populo judicibusque habeantur, (*Notarios* vocant) ad potestatem summam referri debet. Solent quidem hæc modica jura plerumque per inferiores potestates exerceri. (g) Sed origo juris & modus exercendi separatas habent rationes, ut *cap. seq.* videbimus.

(g) EXERCERI. Ut his scilicet permittatur creare *Scribas*, *Notarios* &c. Est verò notandum, quòd in *Capitul. Leopold. art. 44.* non dicantur Comites, sed simpliciter *Palatini*, quibus hæc talia committi solent; & ibidem *postponantur Nobilibus*. Habent verò illi *plus potestatis*, quàm ipsi *Statūs Imperii*, quippe quòd his potestas *Notarios* creandi (nam quod *Scribas* attinet, eorumque officia, ad certas tantum operas restricta, ut in his & non ultrà *fidem* fortiantur, secus est: inter *Jura superioritatis* non conferatur, & *Notarii* à Comite Palatinò creati, ob potestatem à Cæsare delegatam, *per universum Imperium* fidem habeant; indeque vim *Instrumenta* illorum à summa Potestate fortiantur. Unde etiam prohibere pot-

est Princeps, ne valeat *Instrumentum* *Notarii alterius*, quàm ejus qui ab illo creatus est. Boër. *Dec. 242.* Cæterum si *instrumentum in alienò territorio* conficiat *Notarius*, *inter subditos illius territorii*, non valet; quamvis partes in id consenserint: nisi *instrumenti illius vis & effectus se extendat in territorium ejus*, qui *Notarium* creavit; ut quando in hujus territorio ex illo agendum fit. Quòd si verò in alieno territorio *inter subditos illius Principis*, qui *Notarium* creavit, hic conficiat *instrumentum*, valet ipsum; nec non si confecerit *instrumentum inter subditum sui & extranei Principis*: nam ita ob jus correspondentiæ mutue valet, ne cum incommodo utriusque retorqueri possit, & ne contractus claudicet.

V. Denique & ad hunc ordinem pertinet jus constituendi celebriores mercatus, quos *Nundinas* vocamus. Cum enim privilegii vis (h) non uno sensu in illis contineatur, patet, ad summam quoque potestatem id esse referendum. Sed minores (i) peculiaresque *nundinas* (k) nihil vetat à Magistratibus ordinari. At in his tunc ea quæ *nundinis* alioqui tribuuntur, velut immunitas ab executione judiciali (l) similiaque obtinere non possunt; Quia sistere aut impedire vigorem juris publici est suprà Magistratum. Ex eadem ratione constat, jus indicendi *ferias* (m) quibus judicia intermittantur, esse Majestatis.

(h) PRIVILEGII VIS. Nempe Privilegia non tantum ea in *Nundinis* locum inveniunt, quæ in *subditos* valent; qualia quæ sunt in privilegiato *subjectionem arguunt*, sed etiam *Beneficia* varii generis, ad vigorem commerciis inducendum; cuius generis sunt ea, quæ *Civitates Hanseaticæ v. c. in Angliâ, Belgio &c.* obtinuerunt. Hæc vero non

aliter possunt haberi Majestatis, quàm jura cætera *transseuntia*, & quæ vim Imperii exteris, quando in locò deprehenduntur, Princeps, secundum illa beneficia, impertit. De *Nundinis* aliàs *Fritschius* quædam concessit, & plura apud Saxones, *Berlich. 1. concl. 77.* & alios, qui *praxin Nundinarum Lipsiensium* habent, reperiuntur.

B b

(i) MI-

(i) MINORES NUNDINAS. *Wochen-Märkte* intelligit *Auctor*, nobis *Jus Fori*, quod *Magistratibus oppidanis* in Germania, in sequelam *Juris Civitatis*, competit: unde etiam minutæ Civitates *Märck-Glecken* dicuntur. Sed *Nundina annua Jahr-Märkte* tantum à Principibus ex *Jure superioritatis Terr.* conceduntur. Denique de *Commerciis* integrarum *Gentium Lib. III.* agitur: conf. de *Monopoliis* *Pufendorff. L. V. J. N. G. c. 5. §. 7.* Tum & *restrictiones* commerciorum à *Majestate* pendent, cum non omnis restrictio *libertati Commerciorum* Gentibus debite repugnet. Sic enim *exportationem* licito jure potest prohibere Princeps, nummorum, annonæ, materiarum rudium, quas ipsi tractare possunt incolæ; ut sunt v. c. lana, chalybs, ferrum. Quin & *invectionem* eorum rectè prohibet, quæ ad luxum pertinent, & quibus *Resp.* sua depauperari potest. Non etiam *Stapula* libertati illi adversatur: nam & breviori tempore & paratâ pecuniâ *peregrini* merces suas hac ratione vendunt. Quicquid non subducit necessaria genti alteri, ut vitam tolerare nequeat, illud Libertati Commerciorum non obest: sibi verò primò quælibet Civitas merito pro-

spicit, suæque securitati, quò & prohibitio *mercium contra bannum* vectarum pertinet. Sunt autem *Merces* tales *Von Contrebande* non merces quælibet hostibus destinatæ, sed solum eæ, quibus *hostilitas* exerceri potest: quales v. optimè designatas *art. XII. & XIII. Pacis Pyrenæ.*

(k) AB EXECUTIONE JUDICIALI. Est enim hoc potissimum privilegiorum Nundinalium, quòd mercatores in Nundinis *arrestari*, sive in *bonis* sive in *personis*, nequeant; non modò non ob debita *anteriora* & alias, sed & ob ea, quæ *in ipsis nundinis* contracta sunt, quamvis de *fugâ* Mercator *suspectus* sit: quò casu jure communi *arrestum* obtineret; tantum non *fugam* adornet. Idque etiam in *juratis* debitis obtinet. *Renunciare* tamen quis potest privilegio nundinarum. Denique *extra locum earum*, quamvis in eadem provinciâ, illud non obtinet; ut nec in locò *extra tempus* nundinarum.

(l) INDICENDI FERIAS. Huc pertinet disquisitio de potestate *Calendarii*, & acta modernorum Comitiorum. vid. *Diff. D. Linckii de Calendario.*

VI. Sequuntur ea, quorum effectus in dispositionibus atque dispensationibus (n) inter privatos locum habentibus consistit. Etenim sæpe fit, ut ordo legum ob circumstantias æquitatis haud semper ita præcisè custodiri possit. Quod tamen Magistratus, qui sunt ministri Legum, facere debent.

(n) DISPOSITIVIBVS AC DISPENSATIONIBVS. Præstat quâ fieri potest, *distinctis* hæc in re, quàm generalibus, vagis aut ambiguis, uti *nominibus*. Nec etiam *Dispensatio* & *Privilegium* æquivalent; ceu nec *Privilegium* & *beneficium* ad paria redeunt. Sic enim communiter dicimus *privilegia* esse, si quæ jura, quæ in personis, *regali* dignitate valentibus, *regalia* sunt, privatis competunt; ut *vestigal*, *venatio*, &c. Et tamen *privilegium* est *exemptio à Lege*: quò *Jura illa* *eximia* non pertinent. Cæterum *latè acceptò privilegio*, pro *beneficio* quod uni alterive cum exclusione cæterorum tribuitur, sicuti *Princeps* qui *Privilegium* tale alieni concedit, per hoc *juri suo*, & quò minùs ipse eadem facultate liberè uti possit, *non præju-*

dicat; v. c. *oenopolii*, *braxationis*. vid. *Surd. Dec. 13. n. 11. Ant. Fab. I. Cod. Sab. T. 12. d. 8.* Unde non potest *retorquere* Concessionarius adversus Principem, quòd hic v. c. *Salinis* juxta ipsum uti nequeat. Non etiam possunt privilegia dari in *præjudicium tertii*: l. 7. C. d. *Precib. Imp. offer. l. 4. C. d. emancip. liber. l. 43. §. 2. d. V. & P. S. Ant. Fab. IX. t. 29. d. 6.* ut quando ob *immunitatem* à collectis uni datam, reliqui tantò magis gravarentur; in suum verò *præjudicium* potest, ut Ipse Princeps detractum ferat. Ita *latissimè* est interpretandum privilegium, puta quòd merum est beneficium, atque liberalitatem & largitionem continet. *Strictè* verò accipi debet, quatenùs derogat *Juri communi*, aut vergeret in *præjudicium* tertii,

tertiū, vel salutī communi officeret, aut causā movens in casu proposito cesset: ceu nec potest ex *rationis identitate* ad alias personās vel causas extendi.

VII. Proinde iis qui extra matrimonium sunt nati, jus dare Legitimorum, id cum excedat manifestos ordinariæ jurisdictionis terminos, pertinet ad Majestatem. Sive id per rescriptum identidem fiat, seu Lex à principe lata modum, quo id immediatè peragatur, præscribat, cujusmodi modos Græci Imperatores subsequens matrimonium & curiæ oblationem (o) tradiderunt. *

* l. 3. & l. 9. C. d. Natur. lib.

(o) CURIÆ OBLATIONEM. vid. L. III. & L. IX. Cod. d. Naturalibus liberis. Ipsa quoque Legitimation per matrimonium vim omnem habet à Lege, quæ matrimonium ad hoc actuat, ut retrahi possit; idque ad liberos inde natos. Nec enim si quis spuriam ducat, per hoc matrimonium ipsa

legitima redditur. Liberis verò causam legitimæ tionis præbet istud matrimonium, eò quòd ex illò suscepti esse censeantur. Add. de effectu & discrimine specierum legitimæ tionis Knipschildum de fideicommiss. famil. cap. 9.

VIII. Similiter jus restituendi natalibus, aureosve donandi annulos, quibus libertini homines fiebant ingenui, priscis Romanis pro Jure Majestatis habebatur. Eos, qui infamiæ sunt notati, causis non redditis, (p) integræ existimationi restituere, id etiam Principis opus est. Nam Magistratus & Judices non nisi per in integrum restitutionem certas ob causas id facere possunt. Præterea adolescentes potestati curatorum (q) subtrahere, *veniamque ætatis* datâ, rebus suis ante tempus lege constitutum præficere, hoc est, suprà ministerium legum, adeoque Majestatis. *

* l. 1. §. 9. de Minor. t. t. C. d. his qui ven. atat. impetr.

(p) CAUSIS NON REDDITIS. Videlicet potest Princeps pro arbitrio famæ quem restituere; sed ratione officii non debet. Imò in Imperio Germ. Cæsar non potest, quando infamis per judicia Statūs Imperii quis redditus est: quia Imperator judicia, eorumque effectūs integros, seimet relicturum esse Statibus promisit. Nec ergo aliter ejusmodi infamem restituere existimationi, nisi ex causâ novâ, aut si judicio suo Status debitò modo in condemnatum usus non fuerit, potest. Ipsi verò Statūs, sicut gratiam vi Superioritatis condemnatis, vitæ etiam & bonorum, largiri valent:

ita etiam quos ex Jure Imperii sui infames reddiderunt, infamiæ rectè eximunt. Interim, qui Jure Communi (sive lege) existimationis suæ immutationem patiuntur; ut sunt spurii & similes, & vel levis nota maculam subeunt, quales sunt lictores, carnifices: illis ne quidem maculam hanc abstergere valet Princeps; sed hoc de Reservatis Imperatoris est, cujus exercendi potestatem ipse Comitibus Palatinis, vel etiam aliis pro lubitu, delegat. Exemplum notabile in Recess. Imp. occurrit, quando illos, qui in seditione rusticorum, im Bauern Krieg, infames declarati fuerant, Cæsar

famæ suæ restituit. Equidem quod *Auctor* hîc tradit, *Magistratus* restitutionem famæ dare posse per *restitutionem in integrum*: illud ad restitutionem *gratiæ* non pertinet, de quâ hîc; sed *justitiæ*. Hæc verò *Jurisdictionis*, licet *extraordinaria*, (vid. l. 63. C. d. furt. l. 23. C. de Nupt. & l. 1. §. 10. d. Postul.) uti ista *Majestatis*, est. Est verò *Restitutio* illa *gratiæ* amplior, nec solum ad *Famam*, sed & ad *pœnam* quamlibet, respicit, & facilius quàm *Aggratiatio*, item *Abolitio*, locum invenit. add. Dd. ad tit. C. d. sentent. passis & restitutis. Tantum hoc notandum est, quod restitutus non restituatur in *Bona* jam à *Fisco* alienata; nisi facta sit restitutio cum *Cl. annulationis*: quâ rat. *Fiscus* etiam *pretium* restituere debet. Fachin. IX. contr. 18. Nec tamen aliter, quàm si inde factus esset *locupletior*; non etiam quando *Princeps* aliis bona interim donâisset. Perez. d. t. n. 5. *Fructus* quoque *Fiscus* non restituit, quos interea percepit; quoniam restitutio non valet, nisi à tempore *gratiæ*. Cæterum quando dicitur *Vitam* & *Famam* pari *passu* ambulare: illud non simpliciter accipi debet. Nam *Fama* potest defuisse, ubi *Vita* adhuc super-

est! *Infamiae* pœna minor quoque est pœnâ *mortis*. *Fama* ad *Civilia*, *Vita* ad *naturalia* pertinet. Hæc restitui non potest; illa potest. *Fama* ex *civili* principio pendet; estque donum *Civitatis*, indeque facilius impediri potest: *Vita* est à naturâ. *Famam* sibi quis parat; *Vitam* alii. *Fama* augeri potest: *Vita* invitis imminuitur. *Fama* non definit *Vita*. *Vitam* adimens non potest *Famam* adimere. *Infamia* metus non est justus; *mortis* est justus. *Vita* omnibus æqualis est; non *Fama*. *Fama* itaque & *Vita* tantum *Civilis* pari passu ambulant: & *Civiliter mortuus* est, cui fama erepta est.

(q) POTESTATI CURATORVM. Et tamen illi quoque adolescentes *venia* ætatis indigent, qui *Curatores* non habent. Quamvis de cætero *venia* illa *maiores* eos solum reddat, in his, quæ *Decretum Magistratus* nullum requirunt. Esse verò *concessionem* hanc *venie* *Jus Majestatis*, d. l. 1. §. 9. d. minor. t. t. Cod. d. his qui ven. ætat. & ipsa ratio innuit, eò quod *dispensationem legis* contineat: Confer de eo *Mylerum* in *Etologia*, juncto *Simoncello*, in *Tr. d. Decretis in rebus Minor.*

IX. Eodem pertinet, concedere alicui, ut sine solennibus testamentum condât, actumve alium præter legis præscriptum celebret, quod utique Legum ministri permittere non possunt. Sed concedere, ut testamentum absque solennibus conditum (r) vim & effectum habeat, id ne Princeps quidem potest. Quia sic heredibus ab intestato jus suum imperfecto testamento stabilitum interverteret, (s) quod extra usum dominii eminentis jure facere non potest.

(r) ABSQUE SOLENNIBVS CONDITVM. Citrà Principis indultum antecedaneum, ut dum conderet testator testamentum, solennia adhibere debuisset. Quod cum non fecerit, ab intestato decessisse videtur; indeque jus hæredibus ab intestato *questum* Princeps evertere *Jure ordinariò* non potest: neque aliter id potest ex *dominio eminentis*; nisi ubi hoc *salus communis totius Reipubl.*, juxta requisita *superius* exhibita, postulat. Si verò testamentum condendum fuerit, *testaturo* gratiam solennium facere potest; quin & ab ipso testamentum sibi, remotis omnibus testibus sive arbitris, *oblatum* suscipere, ut effectum solenni-

um hîc ipso habeat. Quale quid ad Principes quoque Imperii, *Statusque* ceteros, & non minùs ad similitudinem Imperatricis, ad Principum Comitumve *conjuges*, ex usu Imperii, teste quoque *Tabor*, in *Tr. de Testam. Principi vel Comiti oblato*, perductum est.

(s) INTERVERTERET. Respicit huc *Tr. Anton. de Petras de Jure questito per Principem non tollendo*: & quamvis nonnulli in eâ fuerint sententiâ, posse Principem auferre jus *questitum* *Civi ex Jure Civili*, v. c. *præscriptionis*, & vel ex ipso testamento, quatenus vim suam ex civili jure con-

re consequitur. Tamen & hæc sententia falsa est; ut ex his, quæ *superius* diximus, de Principe Legibus solutò, & ex *Brünigio*, de *variis Universitatis speciebus*, th. 4. lit. a. patet.

X. Sufflaminare & differre Jura hominum, quo minus aliquando possit, etiam præter ordinem legum, nihil impedimento est. Huc pertinet potestas debitoribus inducias dandi moratorias quinquennales, aut non multo longiores, aliasve dilatorias exceptiones, non peremptorias, (t) nec quicquam aliud quo vires principalis negotii exhauriantur.* Item judicis sui jurisdictioni aliquem eximere, (u) judicesque dare extraordinarios, (x) id manifestè summi Imperii est. Quemadmodum & bona fideicommissis subjecta hoc onere liberare; quia commodum posteritati subtrahitur, nemo alius potest, quam qui habeat summam potestatem, supraque leges sit evectus. Sed an potest hoc omninò summa potestas, si verum est, ut modò diximus, Eum non posse cuiquam jus auferre suum? Jus quæsitum certè non potest; jus futurum, maximè eorum, qui nec dum sunt nati, potest aliquando præcidere, graves ob causas, quæ in fideicommissis, maximè dividiis, sæpè se produnt.** Denique res immobiles pupillorum atque minorum permittere alienari (y) citra causam necessitatis, posito, quod hoc Lege prohibitum sit, est etiam Majestatis.

* l. 2. C. d. precib. Imp. offer.

** vid. Grot. l. 2. c. 4. §. 10.

(t) NON PEREMPTORIAS. per l. 2. Cod. de Precib. Imperat. offerend. præterquam si salus publica per universum istud quoque efflagitet: quale quid in tribus quartis usurarum p. Recept. Imp. d. anno 1654. constitutum est. add. Hahn. ad §. d. indaganda Sc. Instrum. Pac. W. Equidem de rigore posset creditor excutere debitorem, nullâ licet sui culpâ ad inopiam redactum. Sed Princeps dilationem debitori indulgere potest; quia in morâ non est præjudicium; cum primis si restrictiones admittamus, quibus Moratoriz modum capiunt: tum & Reipublica interest, Moratorias tales non simpliciter denegari. Quid quòd utrique parti per illas, si requisitis debitis insistant, consulatur. Imò Magistratus quoque dilationem aliquam dare potest; l. 45. §. 10. d. J. Fisc. Sed non prolixioris temporis; quod ibidem dicitur ab Imperatore postulandum esse: tum & ad unam certam causam;

non etiam, ut Princeps, universaliter ad creditum ejusdem regulariter omnia. Quin & dilationes Magistratus nituntur auctoritate Principis. l. 21. d. Judic. j. l. 31. d. re jud. Nam utique invitis etiam Creditoribus antehac à Magistratibus dilationes ejusmodi breviores (nunc non nisi dispositiones debitorum ex auctorit. Magistratus admittuntur:) dari poterant. vid. Hillig. XXII. D. E. c. 9. E. ubi lit. N. non teneri, tradit, debitorem præstare cautionem, (in Moratoriis à Principe impetrandis:) nisi à creditore peteretur; quæ & juratoria esse possit. j. Ant. Fabr. l. 1. C. S. def. 21. Dantur verò Moratoriz etiam multò longiores, quàm quinquennales. Sic enim 20. annorum indultum impetraverat Elector. Palat. in Recept. Imp. d. anno 1654. §. Nachdem aber 20. & posthac Nassovia Comes Weilburgensis, alique. Et quod Cæsar. promisit, Moratoria se ulterius concedere nolle: illud alium sensum

senfum ex observantiâ subsecutâ, non habet, nisi quodd *promiscuè* illud fieri non velit. jung. Myler. c. 55. de Principib. & Stat. Imp. ubi inter alia, quodd licet ad heredes non pertineant Moratorix, *fidejussoribus* tamen profint, (quippe quodd principalis prius excutiendus sit: Nov. 4. c. 1. nec possit fidejussor conveniri, antequam dies solutionis venerit:) nec futuro obsint creditori. *Vsuras* quoque interim currere, verior est sententia: (præterquam si probare possit debitor, quodd interea nullum ex bonis suis emolumentum percipere potuerit; ex Nov. Decis. Elect. Sax. XXX.) quamvis *exigi*, nisi finitis induciis, non possint; sicut ad *Schwederum* notavimus. add. Wilhelm. Anton. de Freudenberg. tot. Tr. d. Rescriptis Moratoriis, & DD. ad dict. l. 2. Cod., qui simul docent, quodd Moratorix illæ non operentur in creditis Ecclesiæ, piæ causæ, pupillorum, alimentorum, atque pauperum, Fiscalibus, opificum, & qui manu victum quotidianum quærent.

(u) EXIMERE. In Imperiò quidem *exemptiones* ejusmodi se daturum non esse, Cæsar in

Capitul. pollicetur. Sunt tamen hodiernum *Exemti Imperii*, quibus Cæsar gratiam facit, ut ab *onibus noviter imponendis* innumes esse debeant; quos tamen *necessitas ingens* nihilominus contributioni publicæ subijcit.

(x) EXTRAORDINARIOS. Utique *Commissarii*, quos Cæsar dare solet, *extra vias Austregarum*, ne quidem ad hunc locum pertinent: quia illos *vi Jurisdictionis* five potestatis *Ordinariae*, & ad Regulas delegationis, constituit.

(y) PERMITTERE ALIENARI. Miscet hæc variè *Auctor*. Cum enim nullius interfit, nisi ipsius *Minoris*, dum de bonorum ipsius alienatione quæritur. Idem permissio illa Principis ad potestatem *ordinariam* referri potest; non ita *moratoria* aut *fideicommissi subtractio*: & hæc quidem omnium minimè. Accedit quodd hic *decretum* Princeps impertiat, indeque modò ordinariò procedatur, tantum quod in causa necessitatis dispenset: & tamen quod utile esse censetur minori, id ipsum Princeps in locum necessitatis substituere valet; quin & valet *Magistratus*.

XI. Poterant plura recenseri ex Romanis & aliarum gentium institutis. Sed reliqua ex his dijudicari possunt.

XII. Supereft, ut ea quæ ad utilitatem Imperantium pertinent, breviter videamus. Inter quæ primo loco jus monetæ cudendæ (z) meritò refertur. Quâ in re quando commercii omnisque civitatis ratio summa vertitur, palam est, id nulli quam summæ potestati, vel cui illa hoc commiserit, licere oportere.

(z) JVS MONETAE CUDENDAE. Et hoc tamen hætenus, quâ Princeps non est, in cudendâ monetâ *emolumentum* pecuniarium fisci quære, ad *jura Majestatis majora* rectius refertur. *Statûs* quidem Imperii illud non habent *Jure Superioritatis*; sed ex *privilegiò & investiturâ*, *nominationem* eò directâ; nec non ex *prescriptione* seu usu diuturno, cui annuerit Imperator. Quin & *exercitium* ejus ita in *Rec. Imp.* limitatum est, ut qui non habent *auri & argenti fodinas*: eos oporteat Jure monetandi uti in *Circuli* cujuslibet *urbibus monetariis*, denen *ordentlichen Münz-Städten*. vid. de naturâ *nummi*, (qui, ut modus æstimandi est, plerisque gentibus receptus, imitatione &

usu *Juris Gentium*, & sic improprie seu subjectivè, sed inventione & constitutione, *Juris Civilis* est:) ut inde penitus, quâ ratione jus monetandi Majestatis sit, cognoscere liceat, *Lampadium*, in *Dissert. Tractatui de Rep. Rom. Germ.* subjectâ; qui plurimum tribuit *materia*, ut tamen definitionem valoris *Majestati* adscribat. (Nam communiter quidem valor de *extrinsecâ bonitate* esse dicitur; respiciendò scilicet ad hoc, quod ex ipsâ rerum naturâ jam subesse videtur, non quod ex hominum *impositione*;) Et sanè nummus neque ex *materiâ solâ*, nec ex solò valore constat; verum ex *materiâ & formâ*. Indequè moneta ex *corio*, *papyro*, tantum *subsidiaria* est, eaque intentione

con-

confecta, ut cessante necessitate aliud quid loco ejus surrogetur. Quod si tamen terra quædam aurum vel argentum non habeat, etiam continuò *ferreâ* vel *stanneâ* monetâ uti potest. Planè Zieglerus I. d. J. Maj. c. 49. n. 26. minùs rectè *accidentalem formam* in valore & caractere ponit, *essentialem* in quantitate. Malè econtrario Horn. II. Pol. Arch. VI. 3. 4. *essentialiam* unicè in *æstimatione* collocat, quicquid de *materia* fuerit: nec multò meliùs illi, qui *essentialiam* nummi constituunt in *Valore fungibili*, qui talis sit *ex impositione Majestatis*; ut tamen plerumque ea *naturalem materia* *valorem* sequatur. De cetero vide Limnæuin c. II. A. B. art. 10. Obs. 9. seqq. Kizelium, Bocerum & a-

lios de *Jure Monete*, Goldastum in *Catholico rei monetaria*, & de his, quæ in modernis Comitibus acta sunt, Fritsch. cap. XVI. in *Elect. Jur. Publ.* p. 155. sqq. & post eum plenius Thomam, peculiariter *Tract. Actorum Monetarium*, nuper editum. Denique *Mediatis* in Imperio Civibus, qui concessione ab antiquo ad monetandum nitebantur, jus illud se ademturum esse, *Ferdinandus III.* in art. 47. *Capitul. sua* promissit. De *pœnâ Monetarium* suò locò. Incidunt verò etiam illi in Crimen istud, qui *perfectam* cudunt Monetam suò ausu: quod tunc *Majestatis læsæ* pœnam habet, l. 2. C. d. *fals. monet.* quando id fit hostili animò, vel studiò novandi statûs publici.

XIII. Jus publicandi bona damnatorum, eaque in fiscum vel ærarium condendi, sine dubio est Majestatis. Quia nec fiscum habere (a) dicitur, quam qui universæ Civitati præest, ideoque id inter Regalia est. Idem de mulctis pœnarumque compendiis, tametsi hæc non rarò Magistratibus minoribus applicentur. Sed lucra successionum, quæ ut indignis auferuntur, in solum Fiscum rediguntur, tam Jure Romano, quàm moribus Gentium.

(a) NEC FISCVM HABERE. Est tamen utique distinguendum *Jus Fisci* à *Regali Fisci*: nam hoc comprehendit omnia emolumenta, quæ in specificis Regalibus minoribus; eorumque nûmerò, non recensentur; indeque ad illud etiam nostris temporibus *Adespota* pertinent; §. 14. h. ut sunt *inventæ in littoribus maris*, & alicubi *Thesaurus*, cum similibus. *Jus Fisci* autem, in specie dictum, respicit ad confiscationem bonorum *ex delictis*; quoad illa in Republicâ obtinet: sicut fuit varia in eò genere *immutatio* in *Republ. Rom.* & dehinc etiam in Imperio *Germanicò*. Sic & confiscatio bonorum, quæ *indignis* auferuntur, ut & *vacantium*, eò pertinent; olim quoque bona *incestuosorum*; quæ quidem juxta *Sixtinum* de *Regalibus* in Foro dudum cessavit. add. de Juribus Fisci, post *Sixtinum*, ut & *Peregrinum*, integrò *Tractatu Knipschildum Lib. II. d. Jure & Privil. Civitatum Im-*

perial. cap. XV. Nunc quidem *Jura Fisci*, in pluribus Germaniæ locis, annexa sunt *mero Imperio*, indeque *Nobilibus* quoque & cæteris imperiò illò instructis, competunt: Sic & *multarum commodarum Jurisdictionem* sive *mixtum Imperium*, tantumquàm *fructus* ejus, postquam in *patrimonium* cessit Jurisdictio, respiciunt. Equidem non potest *introducere*, ne Status quidem Imperii, *Jus confiscandi bona*, ob crimen aliud, quàm in *Legibus Universalibus*, *Recessuum* nempe & *Ordinationis Carolinæ*, expressum est. Quod verò bona *indignis* olim ablata concernit, quâ ratione ablatio illa hodiernum obtineat, apud *Mev. V. Dec. 153. seqq. Sandium, Heigium, Klockium* in *Consl.* & alios disquiritur; sicut ad ff. in *Tit. d. his quibus ut indignis*, & in *Diff. de Bonis Ereptitiis*, sub nostrò *Præfidiò*, solidius excussum est.

XIV. Præterea pleræque nationes suis Principibus ea quæ Nullius erant privati, concesserunt. Quæ cum Jure Naturæ occupantium fieri deberent, vi Legis, id est, communi consensu, adeoque justè dominio

minio singulorum (b) subducta fuerunt. Talia sunt bona vacantia, quæ dicuntur, eorum, qui sine herede decesserunt. Agri inculti aut deserti, (c) omniaque pro derelictis habita, inter quæ thesauri pro parte vel toti. Denique feræ bestię, (d) volucres, pisces omniaque animalia, quæ cœlo, quæ mari atque terrâ continentur. Quanquam alii jus illorum ad Majestatem referri nolunt, nos contrâ putamus. Hæc enim communia omnium desinere esse non possunt, nisi omnes & singuli de jure suo in gratiam unius vel paucorum decedant. Atqui omnes cives nunquam suum jus pariter, nisi in eum, qui toti præest civitati, transferunt. * Secundum hæc ad principem pertinent argenti & auri venæ, (e) terræ visceribus reconditæ, quæ etiam sua natura Nullius in Dominio sunt, nec non redditus salinarum. (f)

* *Grot. lib. 2. cap. 8. §. 4.*

(b) DOMINIA SINGULORVM. Hypothesin suam Auctor Cl. innuit, quâ communionem adstruit primaviam. At verò cum non appareat, quâ ratione occupantis fieri possit, quod jam actu aliorum est. Idèò rectiùs innitimur traditis Juris Romani, quòd quodvisque Lege Civ. aliud definitum non est, res ejusmodi, tanquam actu nullius, occupationi pateant. Lex verò ejusmodi superveniens, quæ Principis ea esse vult, non magis trahit ex consensu populi, quàm Leges cæteræ, nec quicquam detrahit singulis; quippe quòd his nullum sit Jus quæsitum in res ejusmodi, nisi quâ in societate Gentium seu Naturali positi sunt; ita ut mera facultatis sit: de quò aliter decernere possit Civitas, vel qui Regimen civitatis tenet. Nam dominium quidem, vel potius facultas illud acquirendi, à Deo singulis hominibus concessa, latior est, quàm ut ad modum acquisitionis pertinere queat.

(c) AGRI INCULTI AUT DESERTI. Ita ut si ipsos agros sibi non vindicet Majestas, tamen quam primum à subditis culturæ subjiuntur, novalia inde vel decimas sibi vindicent: de quibus vid. integrò Cap. Myler. d. Princ. & Statibus Imperii.

(d) FERÆ BESTIÆ. Utique non possunt illæ communes dici singulorum, nec opus est singulos de jure suo, quippe quod nullum habent, in gratiam Principis decedere. Jus etiam illas occu-

pandi, sive Venatio, juristantùm Gentium est negativi; h. e. non impedit Jus illud, quo minùs quilibet feram capiendò suam faciat: nec impedit, quò minùs Princeps licentiam venandi promiscuam, quæ factò solum, non jure nititur, imperiò civili restringat aut tollat; maximè ob justam causam, quales in ademptione venationis ubique à Dd. adducuntur. Ex quò Auctor hîc cum Grotio Lib. II. c. 8. §. 4. emendandus est; sicut alibi quoque ostendimus, minùs rectè nonnullos ademptionem facultatis hujus, à Principibus susceptam, Dominio Eminentiori adscribere: neque enim feræ dominium vulgare habet dominus fundi, ne quidem circumscripti. Malè etiam præscriptione dicitur quæsitæ esse facultas illa Principi; malè niti occupatione, quâ etiamnum utantur Principes, indeque prohibeant alios: nec enim fundos privatorum occupatione suos fecerunt, quippe non vacuos & acquisitos; ut nec feras nec dum occupatas, sed liberas.

(e) ARGENTI ET AURI VENÆ. Quâ ratione Imperator Rom. eò quòd terrarum nihil, quâ possideat, nihilominus dici possit habere Jura ejusmodi Majestatis: ex Tabulâ de Communicat. Maj. ejusve Jurium, superiùs exhibitâ, constare potest.

(f) SALINARVM. Add. de his Sprengerum in Lib. II. d. Jure publ. & Hobndorff. integrò tract. de Salinis Hallensibus; sed ad communia rei hujus momenta, quin & Imperii nostri, Diff. d. Jure Mine-

Minerarum, sub nostrò Præsidiò. (ubi inter alia ostenditur, non redditus, sed ipsas Salinas, Jus illud Majestatis constituere.) item Knipschild. *Lib. I. d. Jur. Civit. Imp. c. 21. n. 15. seqq.* ubi notat eum *cateris*: Salinas etiam *privatorum* initio fuisse, sicuti multa ejus generis etiamnum ad privatos plerumque pertinent: quæ tamen alicubi Principes *Superioritati*, ac Reges etiam *cateræque* Respubl. *Majestatis* Juribus accensuerunt. vid. Fritsch.

de Jure Oenopolii. Nec minus in universum tenendum est, quod Jura quædam in *Regno unò altero* in *Majestatis Juribus* consistant, qualia non agnoscat *Majestas alia* quælibet in Regnò suo. Tale est *Jus Deportus* apud *Anglos & Gallos*, penes Regem, in prædia *Beneficiaria Minorennum*: per quod Reges, ceu Tutores illorum, habentur, atque hinc ex bonis illis, durante *Beneficarii minoreninitate*, redditus sibi vindicant.

XV. Denique per Europam ita frequenter obtinet, ut bona naufragorum ejecta ad littora, cujusque Principis fisco tota vel pro parte acquirantur. Sed non quicquid seculum (*g*) vocatur, id juris esse dicendum. Quod enim jus habet Fiscus in aliena calamitate, ut de re tam luctuosâ compendium sectetur? * Ne quidem tralatitia vis legis, quæ alioqui constet, huc potest applicari, sicut alia non pauca adversus singulos iniqua, publicæ utilitatis respectu sub hoc clypeo defenduntur. (*b*) Constat enim pleraque naufragia exteros affligere, in quos illa vis Legis aut Dominiæ eminentis non obtinet. Quare cum populus totus vel quisquam ex eo nullum jus habeat, res naufragas in suum agrum delatas aut à se repertas diripiendi. Sequitur, neque per Legem, quasi ex civium consensu & jure eorum translato, tale jus populo vel principi rectè adscribi.

* *l. 1. C. d. Naufrag.*

(*g*) NON QVICQVID SECVLVM. Adducit enim *Grotius Lib. II. c. 2. §. 1.* multa Regna & Respublicas, in quibus introductum est, ut bona naufragorum Fisco addicantur. Ipse autem merito *Leges* ejusmodi *civiles* injustas dicit; & averfantur etiam confiscationem illam *Jura Romana*, in *l. 1. Cod. d. Naufr.*

(*b*) SVB HOC CLYPEO DEFENDVNTVR. Ex quò patet, Ipsum hîc de *Dominio Eminente* disquirere: ad quod tamen, licet *advenis etiam* incumberet, *Jus* istud *confiscandi*, quippe quod *necessitate* non nititur, nemo retulerit; quin potius respici posse facilius putabitur ad *consentum Gentium* magnæ auctoritatis, quibus illa ereptio placuit. Cui tamen non minus respondetur, quod nil quicquam *juris* ex consensu illò, vel errore potius seu rigore communi, proficisci queat: cum non in-

de juris *ratio* constet, quando mores illi Gentium, licet *moratarum*, ab ipsâ ratione æquitatis abscedunt. Sanè afflicto per naufragium non debbat addi, citrà factum culpamve ejus, nova afflictio. *Errorem* quoque *Jus facere*, eumque exemplò aliorum excusare, indignum est. Nec possunt præter hos reliqui exteri consensisse censerî in perversum morem hujus populi, qui confiscatione illâ utitur: nam inter *prædas* ejusmodi *mutuas* si vel maximè populus exterus similes quoque suscipiat, dum nemo naufragorum illas meretur, nulla est *æqualitas*. Hæc verò inter Gentes omnino requiritur: cum quidem intrâ civitatem *inæqualitas*, per *Dominium eminens*, admissa ex *consensu liberò singulorum*, emendetur. Denique *Dominium littoris*, & potestas præstationem pro impulsu exigendi, non tuetur exactionem illam, &

ereptionem immodicam, eamque in miseris exercendam; sed solum æqua *Ripatica & Portoria*. Ulterius si dixeris: Fas esse eodem Jure naufragorum uti adversus externos, ex regulâ: *quod quisque Juris in alterum*. nil utique conficitur. Nam hoc ad Edictum illud pertinere non potest; sed ad

speciem *Repressaliarum* respiceret. Aliàs enim *retributionem* oporteret fieri *Imperanti* ejus loci, qui iniquè bona alterius seu naufragi in Fiscum redegit, & *non civi innoſenti*, qui nec *statuit* jus illud novum, nec *impetravit*.

XVI. Partem tamen rerum, aut aliquam quasi præstationem vectigalis, pro defensione & auxilio, quod Potestas loci Dominis rerum impertitur, ut exigatur, id ab jure non abhorret. Amplius, adversus eas gentes, quæ jus fisci contrà naufragos avarè exercent, fas esse eodem jure uti, dicat regula juris. Quod quisque juris in alterum statuerit, ut ipse eodem jure utatur. Denique ad hanc classem Jurium Majestatis referuntur etiam modica vectigalia. (i) Qualia à feudorum interpretibus telonea (k) seu gabellæ, portoria vel portuaria & Ripatica dicuntur.

(i) VECTIGALIA. Nam quod concernit *munera*, tam *patrimonialia* quam *personalia*, illa ob affinitatem materiæ ad Regale *collectarum* referuntur; & lucem uberiolem ex his capere possunt, quæ ad *Tit. π. de Muneribus & Honoribus*, docuimus. Omnino enim collectas à muneribus patrimoniorum suâ ratione peculiari, ut & à *censu*, distinguere licet. Neque *personalia munera* solum in *Operis* consistunt, quarum ratio sub doctrinâ de Angariis vulgò haberi solet. Doctrinam verò illarum Scriptores de servitute personarum, *Staminius*, *Erhardus*, *Bonacossa*, *Hufanus*, & *pec. tr. Knipschildus*, aliique illustrarunt.

(k) TELONIA. Hæc quidem à *Vectigalibus*

proprie dictis, (quippe quæ à *tributis*, cum hæc unice *subditorum* sint, merito discernuntur:) quia externos æquè gravant, distinguere non solemus; & solum *præstationem* pro mercibus importandis denotant. *Gabellas* verò dicimus præstationem quandam, quæ pro rebus *venditis* penditur, & quidem cujuslibet generis; sicut *accisas* strictè solum appellamus præstationem de *consumptilibus*. Est etiam nomen *Der Imposten* ab *impositione*; *Der Licenten*, pro *licentiâ* transeundi per flumen, & quæ sunt *alia*: de quibus *ad Capitul. Imper.* & *ad II. F. 56.* agitur; sicuti nomina & distinctiones contributionum sive tributorum, *Klockius* in *Tr. de Contributionibus*. executus est.

XVII. Sed viæ publicæ, quas & Regias vocant, portus, flumina publica, non tantum huc spectant, quod attinet ad vectigalia, quæ ibi colliguntur; sed & quia protectione (l) supremoque dominio ad Principem pertinent.

(l) PROTECTIONE. Nec non ob *Jus conducendi*, das *Geleit*, ut & *Jurisdictionem*, das *Strassen-Recht*, quæ uti solet is quoque, in casibus, quibus *securitas viæ publicæ* temeratur, qui *Jus conducendi* peculiariter habet: cum quidem ceteræ cognitiones ad *Dominium Territorii* vi *Superioritatis* pertineant. *conf. Carpz. III. Cr. Qu. 110.*

sub qu. 3. & 4. ubi de *Jurisdictione* in viâ publicâ, ut & *in confinio* terrarum. *add. Maulium de Jure Conducendi & Orthium Tr. integr.* cujus quoque pertinens esse tradit, *in Exotericis Strauchius*, *Jus indagandi*, inquirendi, das *Streiffen und Rechtfertigen*.

XVIII. Memorant illi & Angarias & Parangarias, quæ videntur fuisse onera præstandi cursus & jumenta ad publicos cursus (m) veteribus usitatos, hodie jus postarum dixeris; quod tamen non, ut olim, provincialibus imponitur. Ab his distinguuntur plaustrorum naviumque præstationes, ad transvehendos milites, arma, sarcinas, impedimenta exercituum aliaque onera portanda.

(m) AD PUBLICOS CURSVS. Olim quidem *Cursus publicus* nec *velocitate* semper constabat, neque *certis* erat affixus *temporibus*; sed pro diversitate negotiorum diversimodè se habebat: indeque etiam à *Postis*, quibus nunc utimur, (& quarum jura in doctrinâ *Juris Publ. Rom. Germ.* tradidimus,) distinctus. Videlicet *Cursus* illè, aut *velox* erat aut *clabularius*, h. e. tardigradus, l. 62. C. Th. de *Curs. publ.* *Clavulare* enim erat currus onerarius, lentis & minutis itineribus, per boves, & coincidebat cum angariis: de quibus l. 4. *cod.* ubi Jac. Gothofr. & ad l. 13. & de nomi-

ne earum *Strauch. c. 3. d. Imp. Maris.* Dicebantur *Parangariæ*, quando vehiculis quidem etiam & bobus, sed extrâ viam Regiam expedirentur, in canali aut viâ militari ac transversâ. In Jure autem *Feudali d. tit. 56.* ut & *sequiori avô*, per *angarias* & *parangarias* designantur *qualibet opera*, maxime vectoriæ, *Frohnen mit Führen und Pferden, An- und Vorspann.* Quanquam in *d. t. 56.* non plenè recenseantur omnia Regalia, ne quidem *Minora*; sed tantum illa, de quibus erat *Friderico I.* cum *Statibus* & *Civitatibus Italiæ* controversia.

XIX. Hæc & si qua sunt alia, fere sunt ea, quæ vulgò Regalia, voce strictius sumptâ, (n) appellantur, in constitutione *Friderici de Regalibus*. * Tamen & *Armandiæ*, & jus muniendi, & jus *Repressaliorum* ad hunc ordinem referri possunt. Quippe neminem armamentaria, quomodo *armandias* interpretamur, neminem arces munitas, nisi summa potestas, aut cui specialiter ab illa permissum fuerit, habere posse ratio Imperii manifestò dictat. De *Repressaliis* multo magis. Nam concedere civi ut alterius Imperii quemlibet civem, eo quod ipse id antea passus est, deprædari queat, hoc quidem proximè ad bellum accedit, ut alibi plenius. (o)

* II. *Feud. 56.*

(n) STRICTIVS SVMTA. Videtur Auctor *Cl.* innuere, quòd nomine *Regaliorum minora* tantum veniant: & tamen in *d. t. 56.* etiam nonnulla ex *majoribus* referuntur; ut est *Jus Armandiarum*: quò nomine licet alias *Armamentaria* solum indicentur, (vid. *Tabor. p. 17. §. 66. Armam.*) tamen *Jus armorum* in universum ibi intelligitur. Illud verò non potest non ad jura *Regalia majora* referri; sicut etiam *Jus Repressaliarum* seu *Repressaliarum*, ut alii à *ripresa*, i-

terum *prehensione*, *Italarum.* Sunt enim illæ *Executiones violentæ Civitatis*, ob justitiam, in causâ liquidâ, civibus suis negatam vel elusam ab externâ civitate, contra ejus subditos quoscunque. Quamvis autem eas *Juri communi*, tam divino quam humano, adversari putent aliqui. vid. *Perez. ad tit. C. ut nulli ex vicaneis. Coler. P. 1. d. P. E. c. 2. n. 324. seqq.* Tamen alii magis licitas esse, quàm bellum ipsum, existimant; si modò legitimè exercentur. *add. Frider. L. 1. d. Process. c. 84. & H.*

Grot. III. 2. 4. *seqq.* eò quòd singuli non confiderentur ut tales, sed ut *partes Reipublicæ*. Interim Repressaliæ in Imperio non modò inter Cives & Status, sed & adversus externos, *prohibita* sunt. vid. *Rec. Imp. d. anno 1570.* & *Cammer. Gerichts. Ordn. p. 2. t. 28. Linn. IV. 8. 315.* eò quòd *cives*

jure agere oporteat: *exteri* vero irritari & imperium bellò involvi non debeant; nisi ex Decretò Imperatoris & Imperii. *add. Recess. Imp. d. anno 1595. §. auch sollen wir 2c. & Mynsing. VI. Obs. 1.*

(o) ALIBI PLENIVS. *Lib. III. c. 10. §. 12.*

XX. Enumeratione atque probatione, quot (*p*) & quod singula sint (*q*) Jura Majestatis, quatenus huic instituto opus est, defuncti videmur. Inquirendum est, an & quatenus hæc jura ab Imperantibus alienari, vel quando communicari possint, aut alienata vel communicata præsumantur.

(*p*) QVOT SINT. At verò hoc *designari* non potest: Cum ne quidem *Jura Superioritatis omnia* ad eò in numerum possint redigi, ut non, *oboriente novò objectò*, ad hoc etiam potestas illa

exporrigi queat: Cum tamen *Superioritas* illa concessiva & dependens sit, nec tam ampla, ut *Majestas* sive summum Imperium, haberi queat.

CAPVT. XX.

De

Alienatione & exercitio jurium Majestatis.

ARGVMENTVM.

Majora Majestatis Jura non posse transferri irrevocabiliter & independenter salvo Imperio, sed in quos ita transferuntur, eos hæcenus summam habere potestatem. Nequidem exercitium juris ullius majoris in totum posse conferri, sed Imperantes id quod est ultimum retinere semper. Quatenus belli jus transferri soleat aut non, item Pacis & Legum & creandi Magistratus & res judicandi. Minora Majestatis Jura facilius tota transferri. Quid juris habeat is, cui generaliter vices summa potestatis sunt delegate.

I.

Jura Majestatis vulgò dicuntur incommunicabilia; cum his scilicet, qui imperio subditi sunt, ac uti salva & integra maneat summa potestas in eo, qui jura quædam cum aliis communicat. Multò fortius dicendum, quod in totum alienari (*a*) nequeant. Tametsi exercitium aliis committi possit. Nam quod de DEO Tertullianus, *Imperium summæ dominationis penes unum; officia ejus penes multos esse*, suo modo non malè ad Principes transtuleris.* Quod igitur jura Majestatis alie-

nari,

nari, cum aliis communicari non posse diximus, eò non pertinet, ut Regem vel Optimates, alios in partem Imperii accipere posse negemus: Sed quòd Rex & summa potestas, quà talis manens, illa jura cum aliis communicare vel alienare non posse intelligatur. Nam Magistratùs quidem exercitium Jurium Majestatis habent dependenter. Quin & in ipso exercitio discrimen majorum minorumque jurium, si rectè discernas, animadverti potest. Nam majora ne quidem exercitiotenus in totum aliis committi solent, quin semper quod est ultimum in illis sibi reservet Princeps, aut quicumque habet Majestatem.

* *Apologet. c. 24.*

(a) IN TOTVM ALIENARI. Imò nec *pro parte* alienari potest, ut non tota evertatur; idque ex natura totius *potestativi*. Non etiam sufficit dicere, *exercitium* aliis posse committi, non ipsam Majestatem: nec enim Majestas est citrà exercitium. Et oportet ergò posse Principem vel *exercere juxta* etiam illud Jus Majestatis, cujus exercitium quoddam alii indulgit; ut v. c. quando Cæsar Notarium creat: licet ejus quoque juris exercitium Comitibus Palatinis concesserit; aut oportet, ut *actus signatus* saltem penes Cæsarem resideat, ut ei exhinc exercitium in solidum imputetur: quâ ratione in Imperio *Status* habent Jura Regalia in territoriis suis: quod quidem exercitium, quia est *irrevocabile*, non potest ad simplicem *delegationem* referri; (ceu quidem *Legatus*, qui tamen *communicatam* non habet Majestatem, sed alienam *representat*, ergà Majestatem parem aliam, revocatur;) & tamen quia *dependens* est, & ut *alienò jure* habetenus, quoad concessionem Imperatoriam, censetur, tum & quòd non pertineat ad Universitatem Imperii; sed ad partes terrarum ejus: idè nec ipsum *Majestaticum* dici potest. Videlicet adhuc Imperator, etiam in his, quæ universum Statum publicum Imperii concernunt, censetur retinuisse *vim Majestatis*; licet ejus *effectum* procurandum dederit Statibus, v. c. in Magistratibus *Circularibus* constituendis. Quæ verò ad Statùs cujusque *territorium* retulit, ea non minus retinuisse Cæsar videri potest, etiam quoad *exercitium*; quâ scil. Regalia majora omnia ad *modum* eum

exercenda sunt per Statùs singulos, sicut exigunt *Leges Imperii universales* & auctoritas ejus, quæ ad Cæsarem refertur: ac si scilicet etiamnum Ipse vi Majestatis suæ teneret regalia ista, quæ concedit Statibus, eosque in illis tuetur, & modum ea adhibendi, secundum Jus & Observantiam Imperii regit; ceu ad Ipsum quoque circà illa, tanquam *Caput Imperii*, recurritur. Regalia verò *minora* non minus Imperiò suo tenere censendus est, quòd emolumenta Territoriorum suorum Principes, tam Imperiò quàm Commercio Universi edusque deferant, quòd necessarium illud esse videtur, ad Universi salutem procurandam. Unde non tantum effectùs hujus Juris Cæsarei putandi sunt occurrere in *Contributionibus*, quando illas pendere Statùs ad Universitatem Imperii tenentur; sed etiam si quis accuratius ea investigaverit, in singulis Regalibus minoribus non aliud deprehendetur: quàm quòd eorum emolumenta etiam ad Universitatem Imperii, & sic ad Cæsarem, in tantum deferantur, quantum ad hoc, ut possint dici ea penes ipsum *Majestaticè* residere, sufficiat. Nec etiam cum *Auctore* faciendum est, quasi *minora Regalia*, sive Jura Majestatis, possint *in totum* exercitiotenus aliis committi; *majora* verò non possint. Nam hætenus par est ratio omnium jurium Majestatis; & nisi in minoribus quoque *ultimum* sibi reservet Princeps, ut *Auctor* loquitur: (nos verò distinctius ea, quæ ultima sint, quippe quod variè se habet, in *Tabulà de Communicatione Jurium Majest.* expressimus.) ne quidem Majestatem

quod teneat, dici potest. Sic & in *f. seq. in pr.* aliis communicari: nam in minoribus hoc ipsum *Auctor* non debuit innuere, posse jura minora illa æquè Majestatis naturæ adversum est. *irrevocabiliter & independenter*, secus ac *majora*,

II. Non inficiamur, posse etiam in totum transferri exercitium alicujus è maximis juribus; sed revocabiliter & dependenter, ut ita loquamur. Quod ita rursus comparatione Numinis, salvâ religione, illustratur verbis Hieronymi. * Deum solum, ait, naturaliter esse & immortalem & verum, cæteros ut angelos hominesque immortalitatem & veritatem ex illius largitione consequi; cum aliud sit, verum esse & habere quid per semet, aliud in potestate donantis esse quod habeas. Sed qui magna illa jura sic exercitio tota habent, ut revocari nequeant, illi magis proprietatem & jus summum (b) habere intelliguntur. Quia competit illis definitio summæ potestatis, quod acta illorum infirmari nequeant. Quod diversam supponit Rempublicam. Tales sunt, quibus in feudum jura majora conceduntur. Nam & vassallis rectè tribui summam potestatem sub finem *cap. 15.* diximus. Exemplum non modò præbet rex Neapolitanus, qui à Pontifice Jura Majestatis accipit, sed & Principes, ut videtur, Imperii Germanici. Qui quatenus irrevocabiliter & irretractabiliter Jura Majestatis obtinent, summa potestate non immeritò præditi dicuntur. Non obstante, quod Imperatorem dominum suum clementissimum, se verò Sacri Imperii fideles, appellent. Scilicet ratione feudi, & omninò integram eos non habere Majestatem conceditur. Quæ aliquo modo ex his, quæ de fœdere *cap. 15.* diximus, judicari possunt.

* in *epistol. ad Tit. in pr.*

(b) MAGIS PROPRIETATEM ET JUS SUMMUM. Sed hoc falsum est. Quis enim diceret? Statûs Imperii proprietatem Jurium Majestatis, & sic Majestatem ipsam, habere in suis territoriis, eò quod revocari jura illa non possint nec infirmari actûs eorum. Adhuc enim Jura illa sunt *dependenter*, & quidem cum *subjectione personarum*, non solum quoad constitutionem Jurium, sive *Legum Universalium* Majestatis Imperialis, quibus ipsi subsumuntur, unâ cum subditis suis; sed etiam quod ad *Jurisdictionem universalem* Cæsaris in supremis Imperii Judiciis attinet. Quapropter etiam Jura illa

Superioritatis non aliter, quàm secundum Constitutiones Imperii, & sic juxta principium *externum*, idque *limitatè*, exercent: Nec ea *proprio jure* aliter habent, quàm in oppositione ad *Magistratus*, qui eum potestate suâ tantum ut *Ministri* fungantur, & *personali* quidem jure, eoque simpliciter ex nutu Superioris dependente, Ipsi quidem Statûs Superioritate suâ & juribus ejus, ut *patrimonio* gaudent, eandemque cum territoriis *in heredes suos in perpetuum* transmittere possunt. Equidem, quod *adimi* illis nequeat Superioritas illa, non efficit, ut hæc propterea Majestatica dici possit:

fit: nec enim protinus, quod cuiquam adimi nequit, penes ipsum est, ex *summo Jure*, eoque *Imperit*. Et si ipsum Imperium ordinariò Jure alicui eripi non potest, ac in causa fuerit *conventio* cum ipsò inita; ut res se habet cum *Capitul. Cæsaris*, vel quòd Imperium istud, quod dependens & modificatum esse constat, ad alium referatur: non idèd potest dici, quòd ob firmitatem eam, in se & simpliciter spectatam *Majestatis* materiam consequatur. Similiter non facit pro *Auctore*, quòd *actûs* Statuum v. c. vel etiam aliorum similium, in Republicâ quâlibet aliâ, sicubi in eâ exercitia Jurium quorundam *Majestatis*, vel Jura *Majestati* analogâ, translata fuerint, *infirmari* non possint: Siquidem istud non habent ex *potestate propriâ*, sed ex *dependente & concessivâ*; partim etiam ex *conventionem* illâ *Cæsaris*, ut si juxta Imperii leges illâ potestate fungantur, turbare in eadem eos non posse velit: Indeque *Majestatem* utique non arguit, quòd actus alicujus *infirmari* nequeant; sed potius *causa*, eum hoc ipsum fieri non possit, & unde *validitas* actûs illius proficiatur, attendenda est. Igitur illi etiam, quibus in *Feudum* Jura majora conceduntur, tunc quidem *Majestatem* habere dici possunt, quando non unâ in *subjectionem* conferentis transiere: siquidem *Feudi* ratio ad Jus personarum non pertinet; sed ex *Jure rerum*, domini scil. & contractûs, *Feudorum* constitutio pendet: adèd ut *obligatio* quoque quæ per *Feudi* constitutionem in *personam* Vasalli dirigitur, etiam si hanc exponere, vitamque periclitari pro Domino, obstrictus sit, ne quidem ad Jus personarum referri queat. Equidem hîc quoque discernendum est, ut si Vasallo Princeps Jura tribuerit ea, quæ penes ipsum *Majestatis* sunt; quod fit in Imperio Romano: tunc quidem *proprieta-tem* illorum, omnimodam scil. habere dici non possit. (Ex hâc enim *hypothesi Auctor* loquitur:) Si verò Princeps terras cuiquam in *Feudum* ita tribuat, ut Jura illa Imperii, quæ in ipso Vasallus exerciturus est, non aliter referantur ad Principem, quàm ut ipse eorum *Dominium directum* teneat: (quod quidem *dominium* per se *Majestatis* non est:) tunc utique *Vasallus*, eò quòd Jura illa *majestaticè* exerceat *vi propriâ Majestatis suæ*, non potest ille subditus Principis, neque possunt

jura ejusmodi, in respectu ad Principem, Jura *Majestatis* hujus, censerî: quia potius Princeps tantum *virtualiter* illa habuisse putandus est, non formaliter; aut si formaliter illa, dum terras feudales adhuc teneret, sustinuit: tamen postquam non nisi *dominium utile* terrarum & Jurium, ad Imperium illorum necessariorum, Vasallo contulit: non propterea censerî potest ipsi quoque Jura *Majestatis* formaliter talia concessisse: sed potius *Vasallus*, eò quòd *Dominium utile*, (quod simplici & nudâ recognitione ad *Dominium directum* spectat, de cætero verò liberum est,) consecutus fuit, *characterem Majestatis*, vel ex *Dignitate Regiâ*, quam ante concessionem aliunde tenet, vel nunc quidem, si terrarum amplitudo illud exigat, per delationem sive assensum aliorum potentium & populorum, *propriâ virtute* assumere potest, juribus istis per se ipsum imprimit. De cætero, quod *Regem Neapolitanum* concernit, ne ille quidem subditus est Pontifici, ut *Statûs Imperii Rom.* sunt *Cæsaris*: indeque hî non tantum non *integram* habent, sed *nec summam* potestatem; *Superioritatem* verò territorialem integram omninò tenent. Et si jura illa territorialia *Majestatem* arguerent: quidni possent dicere integram habere *Majestatem*? secus atque *Auctor* hîc circâ finem loquitur: cum quidem præterea *Majestas* nisi *integra* sit, nulla sit penitus; nisi verò *Auctor* *Universitatem* Imperii Romani cum potestate subalternâ territoriorum confundere velit: cum tamen de universitate Imperii hîc utique non disquiratur. Qui autem Principes Imperii cum *Cæsare Majestatem divisam* tenere, quoad *Universalem* Imperii gubernationem, asserunt; ita ut *Cæsar* quædam illorum Jurium *Majestatis* *Monarchicè*, reliqua cum *Ipsò Statûs Aristocraticè* teneant: Illi ne quidem inficiantur, *Statibus singulis*, in suis territoriis, quoad Jura illa terrarum suarum, *Superioritatem* tantum, non etiam *Majestatem*, competere. Neque enim, utcumque Jura *Superioritatis* communicata dicantur, tamen *communicatio* illa *identitatem* cum *Majestate* communicante refert: siquidem *communicatio univoca* tantum ejus generis est; eaque five per *indivisionem*, five per *usurpationem*: & hanc, five delegandò fiat five imputandò. Sed in *communicatione analogâ* aliter omninò se res habet.

IV. Æstimari quoque ex his potest, illius vulgaris axiomatis valor, quod tantum Dux, vel Marchio, vel Comes vel Civitas in suo principatu vel territorio possit, quantum Imperator in suo Imperio. (c) Nam in his juribus quæ singuli Principes sine retractatione usurpant, nullam habent concurrentem potestatem. (d) Nec quidem eorum respectu, in quibus (e) Imperatori & Imperio sunt obnoxii, sed in his est subordinatio, non concursus potestatis. Si qua concurrentia dentur Imperia, quibus duo vel plures in una ditione pro indiviso imperent, quos vocant condominos, ea est species πολυκοινοῦς, quæ à nobis suo loco (f) explicabitur. Atque hæc nonnisi de Imperiis, quæ separatam habent constitutionem, non in iisdem Civitatibus, intelligenda.

(c) QUANTUM IMPERATOR IN SVO IMPERIO. Axiomatis hujus Auctorem Klockius d. *Contrib. c. 4. n. 134. & 3. Consil. 102.* Paulum Castrensem putat; & tamen, cum Bartolus & alii antiquiores, ita loquantur, anterior esse videtur origo ejus, ad illa tempora, quibus Superioritas exorta est, merito referenda. Equidem nemo non videt, Regulam hanc ob latitudinem, quam præ se fert, captiosam esse; ut eam appellat Mylerus c. VIII. d. *Princ. & Stat. Imp.* & maxime lubricam: cum satis constet Imperatorem non tantum plura posse quam Statûs, saltem quoad Reservata, quæ Statibus cum Superioritate in terris suis concessa non sunt; sed & Statûs eos, qui Ordinibus Provincialibus non utuntur, plus posse, quoad Jura cætera, saltem ratione modi, quam potest Cæsar. Possunt quoque Nobiles immediati tantum ferè, quantum Statûs Imperii; licet Superioritatem & hinc potestatem terrarum in eâ virtute, quam Principes seu Statûs, non habeant. Igitur possunt idem Statûs, (si Regulam quadantenus recipere velimus,) non identitate potestatis specificâ; (quod Auctor tendit:) sed analogicâ quâdam & proportionatâ; idedque possunt idem secundum quid & cum dependentiâ & subordinatione, non absolute: possunt ratione communis & ordinariæ gubernationis: ut licet gaudeant Manu quoque extraordinariâ, & sic Impe-

riò ac Dominiò Eminente; sit tamen hoc ipsum quoque modificatum, & in quo subditi recursum ad Cæsarem habere possint, & Manus illa modum inde ac judicium capere debeat.

(d) CONCURRENTEM POTESTATEM. Videtur Auctor innuere, quasi subordinatio potestatis cum Majestate consistere possit; non possit concursus. At verò subordinatio hæc Statuum Imperii non est ea tantum, quæ in Vasallo simplici reperitur: cum quidem Status non tantum fideles sint Cæsaribus; ut Auctor §. 3. tradit, sed etiam subditi: atque sic subordinatio Majestatem Cæsaribus respiciat, non unice dominium. Illud tamen concedi potest sanò sensu, quoddam Cæsar concurrentem potestatem, scilicet territorialem, non habeat cum Statibus, idque ex vi Capitulationis; habeat tamen concurrentem cum ipsis Majestaticam, seu potius eminentem Juribus ipsorum Majestatem; h. e. ut dum ipsi agunt vi Superioritatis: Cæsar hanc moderetur secundum Leges Imperii, ex vi Majestatis suæ; indeque hæcenus concurrere cum ipsis suo modo censi possit.

(e) IN QUIBUS. Quod docet h. l. Auctor Cl. Imperii Statûs in quibusdam Juribus obnoxios esse Cæsari; in aliis non item: illud Legibus Imperii earumque vigori adversum est.

(f) SVO LOCO. Lib. I. c. 27.

V. Cæterum, in simplicibus, quæ unum corpus animamque (g) repræsentant, civitatibus, nullum ex Majestatis Juribus, quæ majora dicun-

dicuntur, nec quidem ex reliquis, vim Imperii explicantibus, in totum aliis concedi potest; Nisi revocabiliter, (b) inquam, & sub lege reddendi rationes. (i) Nec quidem ita, ut exercitium aliis competat ἀνεπεθύνως, h. e. independenter, (k) quia semper summa potestas τὸ κυρία-
 ταιον, id quod est ultimum & excellentissimum, in illis sibi reservat. Ita Magistratibus Curiisque merum Imperium, (l) sive potestas gladii, ad animadvertendum in facinorosos permitti potest ac solet. At semper potestas summa, si velit, habet jus avocandi (m) causas vel ignoscendi damnatis, (n) adeoque retinet jus vitæ & necis, quod transferre salvâ quidem se ipsâ, h. e. summâ potestate illæsâ, non potest. Idque perinde in plurium ac unius Imperio, locum habere certum est. Et si in illis, ubi plus Leges valent, (o) rarius usurpetur. Quod si Rex verè amiserit eam potestatem architectonicam, ut sanè fieri potest, intelligitur, cum hos, quibus ita tenetur, in partem Imperii accepisse, quemadmodum in Angliâ Rex in quibusdam causis ignoscendi & dispensandi jus non habere creditur, & hætenus societatem Imperii cum Parlamento habere videtur. Noli tamen credere, quod ubicunque summa Potestas certum ordinem petendi remissiones & dispensationes præscribit, huic immutabiliter adstrictus sit, ut si velit, aliter statuere non possit. Nam in dubio talia prudentiæ & ordinis causâ, non ad minuendum jus suum, à summis Potestatibus constituuntur; quemadmodum Imp. Romani varia id genus instituta in corpore Juris sanciverunt. *

* de quibus in tit. C. d. Mandat. Princip. de Precib. Imp. off. in l. un. C. Quand. Imp. int. pup. l. 3. C. d. Legib. & passim.

(g) UNVM CORPVS ANIMAMQVE. Et verò in mixtâ quoque Republicâ non est anima nisi una, unaque Majestas, cujus tantum jura divisa sunt: eaque Divisio malè cum Communicatione confunderetur; siquidem communicatio est, quando Princeps vel Respubl. tenet jus communicatum originariè & primò: quâ verò communicatum est aliis, ita hi tenent dependenter & alienò Jure: Quale quid non potest dici de uno alterovè, qui in Republicâ mixta jus quoddam Majestatis divisi-
 sum habet.

(b) REVOCABILITER. Hoc ipsum est,

quod antè negavimus: cum utique possit fieri communicatio Jurium irrevocabiliter: quâ scil. propriè est communicatio. Nec enim unquam communicari potest Jus Majestatis per divisionem vel traductionem; quantumcunque revocabiliter hæ-
 ineantur.

(i) REDDENDI RATIONES. Quò nomine si intelligatur dependentia, & ut Legibus Imperii congruat exercitium Jurium ejusmodi: possunt disjunctim quoque illa capi, quæ hîc conjunctivè Auctor requirit; nempe ut concessio sit irrevocabilis, & tamen sub lege rationes reddendi.

Dd

(k) IN-

(k) INDEPENDENTER. Quâ ratione tamen id, quod ultimum hîc appellat *Auctor*, non simpliciter collocandum est in *actu primò*, citrà exercitium; quasi totum hoc penes concessionarium reponatur. Debet enim omninò exercitium quoque penes *Principem* remanere in eòdem Jure, quatenus citrà illud Majestas consistere non potest; sicut in *Tab.* ostendimus.

(l) MERVM IMPERIUM. Hoc verò non est Jus Majestatis, sed potestas planè *subordinata*: cum quidem Princeps *Jurisdictionem* non nisi *eminenter* habeat; quam hîc *Jus vite & necis* appellat *Auctor*: id quod tamen latius porrigitur, quam ut objectum meri imperii exhauriat.

(m) JVS AVOCANDI. Hoc Jure Princeps quandoque per *Conventionem* uti non vult; maxime quando merum Imperium aliquibus in *patri-monii* vicem concessit. Unde & *Status* Imperii à *Præfatis* quidem suis, qui nudò *Jure Magistratûs* merum Imperium tenent, causas liberè avo-

cant; non ita à *Vasallis*, quibus merum Imperium jure Feudi concesserunt.

(n) IGNOSCENDI DAMNATIS. Hoc uti *Jurisdictionis* non est in se: ita quoque *Status* Imperii, qui per Superioritatem imagine Majestatis funguntur, non solent potestatem mitigandi pœnas *Vasallis* suis indulgere in delictis, quæ pœnam corporis ingerunt; nisi quodd ratione *fustigationis* alicubi injungant *Vasallis*, ut super mitigatione vel commutatione illius in pœnam pecuniariam, *judiciò Jcutorum* utantur, & tunc pœnam pecuniariam in *pios usûs* impendant. Licet verò jus hoc *avocandi* & *ignoscendi* communicaverit *Cæsar Statibus*, tamen nec hi per hoc Majestate gaudent, nec *Cæsar* eadem excidit.

(o) UBI PLVS LEGES VALENT. Id quod magis obtinet in Imperio plurium. Utique in Imperio Rom. Germanicò, ubi satis adstrictum est Majestatis exercitium Lege Fundamentali, nihilominus *Cæsari* jus *aggratiandi*, quoad hos qui *Jurisdictioni* ejus sive Majestati immediate subfunt, integrum relictum est.

VI. Belli jus in externos (p) rarò ulla ex parte Magistratibus committitur; Nisi res moram consulendi summam potestatem non patiatur & periculum evidens subitis armis occupari possit, ut fecit L. Pinaris Ennæ in Siciliâ, apud Livium.* Quandoque tamen in Imperio latè patente potestates inferiores jus habere possunt inchoandi bellum atque gerendi, nomine scilicet ejus, qui summam habet potestatem, cui rationem ipsi rerum gestarum reddere debent; hujusmodi jus datum est Gubernatoribus Indiarum à Regibus Hispaniæ & Lusitanorum. Nostræ etiam Societates Indicæ ab Ordinibus Belgarum hanc potestatem acceperunt, non tanquam Magistratûs, sed ut Rectores imperii subordinati, quale sub aliò sole cœloque possident. Alioqui, si princeps negligere malit injurias Reipubl. aut privatis factas, nemini licet eas armis ulcisci, adversus externos nec contra cives. Ergo nec repressaliæ, ab iis, qui passi sunt injuriam, licet gravissimam, injussu summæ potestatis, exerceri debent. Et Cicero, qui in Philippicis, Brutos Cassiumque, non expectato populi mandato, arma in Antonios ac Dolabellam capientes tam magnifice defendit, causæ potius servire, (q) quam jure disputare censendus est, ut quidem Grotius existimat;

stimat; vix enim est, ut præsumptioni voluntatis in tam gravi causâ locus esse videatur. Quanquam ratihabitione, quod minus jure fuit inchoatum, sine dubio convalescere potest. Similiter jus fœdera pacemque ineundi, & tributa exigendi, dominiique eminentis, nec non Leges ferendi, creandique Magistratus majores, cum subordinatis potestatibus nunquam per omnia (r) communicantur. Hinc statuta quidem, Leges verò nequaquam ab his, qui Majestate carent, condi possunt. Et Magistratus minores facile, non perinde majores, ab iisdem constitui solent. Aut si fiat, ea potestas semper revocabilis est.

* lib. 24. c. 37.

(p) IN EXTEROS. In Cives bellum haud inquam dicitur; in externos verò Jure *Potentatûs* id Belli nomen habet, quod Proceres Imperii Rom. suscipiunt. Dicitur verò intrâ Imperium rectius *Jus armorum*, quod iisdem in subditos Jure Magistratûs seu Superioritatis, in Concives autem Jure defensionis naturalis, permittum est. Simile quid huic juri habere censetur Magistratûs Summi Regum, ut Vice-Reges Hispaniarum. Scilicet hi *ministerium* tantum Belli versus alios, & vim Armorum in Cives sustinent; *Jus* verò Belli ne quidem adversus extraneos, nec *Jus Potentatûs*, habent.

(q) CAUSÆ POTIVS SERVIRE. Nam *Grotius* putat, populum Romanum credi potuisse in eadem sententia esse, cum assertoribus illis libertatis; qui non poterant confestim Senatum populumque super hâc re consulere: indeque defendit

iplos assertores libertatis, quasi ad ratihabitionem non præcisè respiciendum sit. Et sanè in re maximi periculi cum *H. Grotio* existimandum est, sicut Princeps non poterat non credi ratihabiturus esse, quod Dux belli susceperat, ita hunc omninò jure licitò egisse videri.

(r) NVNQVAM PER OMNIA. Ad *objectum* hæc loquendi ratio pertinet, & tamen *per omnia* Princeps potestatem similem alii tribuere potest; sed non potest *omnimodò*, quoad dependentiam scilicet seu summitatem Juris; (de quâ unicè Majestati prospiciendum est:) sicut *in seqq* Auctor se explicat. Nec tamen debebat iterum inter *Magistratus majores & minores* distinxisse: nam & hi æquè ac majores ad Majestatis rationem referendi sunt. Non etiam necesse est, ut potestas concessa *revocabilis* sit; ut idem argumat,

VII. Quam autem stulte & periculosè summa potestas hoc jus totum vel majori ex parte mandet aliis, ad politicos pertinet ut commonefaciant. Hoc verò & ad Jctos, quod pauci potentiores in plurium Imperio pactionibus mutuis officia Magistratuum & Imperia partientes, æquè in Majestatem, quam si id faciant in principatu, delinquere possint. Utique si privatâ conspiratione tali modò inter se coeant. Nam si ex Imperantibus sint, qui sic agere atque pacisci instituunt, oligarchica duntaxat industria vocatur. Nisi in longius tempus quam delatum ipsis est Imperium coeant. Hactenus enim & privati sunt &

tantò minus illa parte juris habent, quantò iis, quorum est primævum jus imperii, plus à præfenti potentiâ præjudicii metuitur. Præter quod nullum enormius in fundamenta civitatis commissum existat, quam actus summæ potentiæ ultra tempus dati Imperii producere.

VIII. Denique facultatem res judicandi facilius videri posset in Magistratus Curiasque sæpe totam transferri. Sed & potestas creandi judices supremos manet penes Majestatem. Nec omninò (s) potestate res judicandas avocandi exuit se princeps, ut superius (t) dictum.

(s) NEE OMNINO. Utique dum *in fine hic* potestatem avocandi res judicandas servat Principi, *sive Jus summæ Provocationis*: non apparet, quâ ratione *totam judiciorum civilium potestatem* in Magistratûs transferri posse, jam *antè* docere poterit.

(t) SUPERIVS. *Lib. I. c. 18. §. 24.* Non satis rem expedit *Auctor*, dum ambiguis, quod in

usu ipsi est, incedit terminis. Quid enim est, *non per omnia* communicat, ut §. 6. b. *Mandare jus alii totum vel ex parte*; ut §. 7. *facultatem videri posse sæpe totam transferri*. ut §. 8. *difficiliter aut nullò modo communicatur*. §. 9. Firmius utique insistere licebit his quæ *suprà de Communicatione Jurium Majestatis* docuimus.

IX. Quod attinet minora Majestatis jura, quo minus pleraque illorum revocabiliter aut in perpetuum cum inferioribus potestatibus communicentur, ratio juris non obstat. Unde & in feudum (u) concedi possunt iis, qui vere manent subditi. Sunt tamen ex illis, quæ difficulter aut nullo modo communicantur. Qualia quæ majoribus cohærent aut affinia sunt, ut de repressaliis (x) dictum, & de his, quæ ad judiciorum ordinem mutandum petinent. Jus quoque majora nobilitatis insignia largiendi, nec non fiscum habendi, quæque similia sunt hujus naturæ. Sed aliquid ad fiscum pertinens facilius in totum alienari potest.

(u) IN FEUDVM CONCEDE. Et tamen etiam *qualibet Majestatis jura* sic concedi posse, atque sic *irrevocabiliter*, jam *antè* ostendimus.

(x) DE REPRESSALIIS. At verò & harum æquè ac *Bellî* potestatem concedi posse Ordinibus, afferendum est; (quamvis quoad *Repressalias*, adversus externos cumprimis, ea tenenda sint in Imperio Germ., quæ circa *Bella* ibidem con-

stituta esse, reperiuntur:) Sic & *mutatio Ordinis judicarii* penes Statûs est, salvâ Majestate Cæsaris: tum & *integra* penes illos sunt *Fisci* Jura. Quod si tamen quis *Jus quoddam communicatum* dicere velit *Majestatis*: illud solum procederet quoad *denominationem extrinsecam*, & quâ *originem suam* respicit; tum & quatenus à *Majestate* vel Juribus in Imperio *modum* capit,

X. Plane si summa potestas vicarium aut plures constituat, toto imperio vel certis locis, cui mandatum suis partibus fungendi dederit, quid

quid ille possit, facilius existimatur. Potest haud dubie talis Vicarius, quicquid expresse mandatis est comprehensum. Potest atque debet exequi omnia decreta summæ potestatis, quæ hac fine ad eum mitti solent. Disponere de his quæ in exercitio ordinis Lege constituti ad-fiduo occurrunt. Distribuire functiones Reipubl. ordinarias & inferiores. Compellere omnes, ut Legibus ordinique antea constituto di-strictè pareant.

XI. Sed in his, quæ excedunt modum quotidianæ administra-tionis, nihil novi ab illo sinè speciali mandatò vel magnâ necessitate constitui potest. Ne ullum quidem ex minimis Jus Majestatis, quod non in continuatione exercitii, sed actu singulari consistat, exercere posse videtur, (y) velut est remittere delinquentibus poenam, evocare causas à judicibus ordinariis. Nisi id ei datum fuerit specialiter. Aut cohæreat ordinario alicujus juris, quod ei sine dubio competit, exer-citio. Vicarius enim nihil est quam Magistratus. Et Magistratus est Minister summæ potestatis ac Legis. Atqui continuare functiones Jurium Majestatis, quæ in ordinario exercitio vertuntur, hoc est Mi-nisterium. Sed actus extraordinarios summi Imperii motu proprio in-stituire, hoc est *αὐτοκρατορικόν* & Magisterium. Exemplis abstinemus, in-ter explicandum daturi.

(y) POSSE VIDETUR. At verò sicut regu-la illa de actibus continuati exercitii vix est reci-pienda: ita simpliciter actus reliqui non poterunt censerī Vicario Regis adempti esse; quatenus scil. privatorum tantum commoda & jura respiciunt, & ut ne periculum publici involvatur, vel ipse ab ordinario jure citrà causam omnem absecessurus sit. Hactenus enim plus est Vicarius, quàm Magistra-tus: aut saltem *Discrimina Magistratuum* dari asse-re oportet.

CAPVT XXI.

De Præscriptione Jurium Majestatis.

ARGVMENTVM.

Status controversia, an diversi ordines ejusdem civitatis contra se invicem Jura Maje-statis per præscriptionem acquirere possint. Quod affirm. modo præscribens id faciat pro-prio nomine animoque sibi habendi. Hinc nullos magistratus aut judices contra Prin-cipem præscribere posse; cum hoc tamen effectu posse, ut subditi parere debeant, do-nec à Principe secus præcipiatur. Sed Principem, cui jura Majestatis non omnia da-ta sunt, posse ea qua defunt acquirere per præscriptionem, populum quoque aut opti-

mates jura eodem modo Principi subducere & sibi met acquirere posse. Utrumque rationibus probatur.

I.

Vidimus, ut summa jura in totum vel exercitio tenus transferantur. Sed modus alienandi unus, præscriptio, superest. De quâ primò omnium quæritur, habeatne locum respectu summæ potestatis. An, inquam, ex solo usu aut longissimi temporis, jura summæ potestatis acquiri possint. Eam quæstionem nos hic non tantum de Principibus aut populis diversis, sed etiam de ordinibus (a) ejusdem populi diversis, etiam & maximè de Imperantibus atque subjectis, intelligimus.

(a) **DE ORDINIBVS.** Sed *Ordines* nuncupare eos, qui imperant, insolitum est, & ne quidem *Optimates* eò nomine insigniuntur. Cæterum in genere de *requisitis præscriptionis* agit Pufendorff. L. IV. c. 12. §. 1. seq. ubi inter alia, non esse eam à potestate civili puniendi, contra Hug. de Roy. tradit §. 6. nec Juri naturali repugnare, aut Juri Gentium, §. 7. quin potius in tacita Gentium consensione positam, §. 9. cujus rationem in tacita derelictione collocet Grotius, quem §. 8. examinat, & in §. 10. subjungit, posse per præscriptionem etiam nec dum natis præjudicari; Vel potius, si quid jam præscriptum fuerit contra defunctum, ideo isto præjudicium non fieri nascituris putandum esse: quoniam in hosce, quod amissum est, ne quidem transmitti potuerit. Sicut verò in his præcipue, (cum primis ad hunc locum, ubi multum refert, num Gentium Juri præscriptionem attribuas,) desiderandum est, quòd Pufendorffius præscriptionem Gentium consensioni adscribat. Neque enim sequitur: Placuit illa Genti vel civitati uni alterique, & vel omnibus, intra Civitatem sive Rempublicam suam: ergò repertum hoc efficeretur Gentium est. Ita si fundamentum Præscriptionis inquiramus, illud potius ex Dominio Eminente seu supremò illò, (ordinariò tamen,) arcessendum fuerit, quò Princeps ita disponit de rebus singulorum, etiam eorum, qui nec causam amissioni nec culpam præbuere, ut exhiñc universis bene sit; seu quidem circa res etiam illorum, qui Studiosi sunt rerum suarum, & tamen non-

nullas earum ab aliis teneri ignorant, præscriptio non minùs, (ita ut ne quidem in integrum restitutione uti possint,) valet. Interim ad Hornii hypothesein in II. *Architect. Pol.* 6. dilabendum non est, quando ille Principem, omnium rerum in Civitate Dominum originetenus esse, & dominium omne ab ipso ad subditos derivari, docet: id quod facillè ex his, quæ supra diximus, de personis & rebus singulorum, qui per pacta in civitatem cœunt, refellitur. Idem Hornius lib. II. cap. 9. repugnare tradit *Majestati & juribus ejus*, ut præscribantur; siquidem, cum ipsa Majestas à Deo proficiat, ex hypothese ejus, non subsit hominum commercio. Accedere, quòd subditus, quæ talis, Majestatem præscribere non possit. At verò hæc ipsa omnem, qualiscunque fuerit, Majestatis acquisitionem, quæ ope humanâ fieri possit, evertunt; quòdque alibi Hornius tradit, si quando subditus Majestatis solum occupet, eum non habiturum Majestatem, nisi ex Dei unius constitutione: illud non nisi eò usque admittendum est, quatenus ad directionem divinam pertinet, vel etiam ad causam primam; secundæ enim hominibus in hæc etiam, summâ licet, potestate, relinquuntur: indeque non adparet, cur non possit sensim acquirere jus quoddam Majestatis, & vel totam Majestatem, sive exterus aliquis, sive subditus; licet hic, quâ Jus illud Majestatis tenet, subditus amplius haberi non possit. Neque tamen ex hoc arguendum est, quasi jura illa præscriptione acquirantur: cum quidem *Leges civiles*, quæ de Præ-

scriptio-

scriptionibus constitutæ sunt, nisi ad *res privatas*, aut quæ *in modum illarum*, habent, applicari queant; indeque Jura Majestatis (quicquid sit de rebus, quæ *in patrimonio Reipublicæ* sunt, per partes acquirendis,) à subdito *præscriptione* acquiri non possint; ~~exterus~~ etiam idèd præscriptione uti, & quod non minùs, *Grotiùs* præeunte, Conring. c. XIX. d. *Finibus*. propugnat, Regnum alienum eò modò acquirere, nequeat: quoniam præscriptio, quippe quæ tantum *juris Civilis* est, inter *Gentes diversas* nulla datur. Quocirca si quæ fiat *Juris Majestatis* acquisitio, illa utique, si vel *tempore* invaleseat, non tamen præscripta, sed *voluntate* populi vel cujus interest, (adèdque Principis etiam, ad evitandum majus malum & bella civilia, in communionem Majestatis ordines admittentis,) & vel *tacitâ*, acquisita dici debet. Sic etiam quando Princeps à jure quòdam Majestatis per usurpationem unius vel plurium potentium in Republicâ arcetur, ut in communionem ejus juris Ordines e. g. admittendi sint: utique non hoc per præscriptionem fieri putandum est. Sic enim consuetudo, observantia, & cætera, quæ usu firmanur, à præscriptione longè distant. Non etiam *bona fi-*

des in usurpatione illâ reperitur, non *certum temporis* intervallum, non *subjectum initio habile*, cum subditus Majestatis capax non sit. Quòd verò subditus in civitate *immunitatem* acquirere possit, v. c. à collectâ quâdam, per temporis decursum, ex eò non acquirit ille *Jus* ipsum, collectam talem indicendi; sed solum effectui illius juris, præstationi scil., eximitur; idque non tam præscriptione propriè dictâ, quàm potius Principis solius *voluntate* & conniventia: quæ si quando *ad tempus immemoriale* perdurat, *privilegii* instar & irrevocabilis habetur. Porro non sunt confundendæ *præscriptiones Regalium*, quibus Status aliquis Imperii v. c. adversus Con-Statum suum utitur: nam uterque horum *Juri civili Romano* subest; neque illa Majestatis jura; sed *dependentia* & *particularia*, quæ ad Universitatem Imperii non pertinent, eaque *patrimonialia* jura, sunt: quare etiam *eòdem præscriptionis tempore* acquiruntur, quò *privati* invicem, in præscribendis Juribus suis, uti solent: ipse verò *Princeps* quoniam subditus est Cæsaris, in relatione adhuc, ne quidem à *contributione Imperii*, nisi per *temporis immemoralis decursum*, & tamen hoc etiam vi *Recessus Imp.*, eximitur.

II. Leges civiles de usucapionibus & præscriptionibus heic non habent locum, ne quidem in eodem imperio, quatenus utique à *Jure Gentium* discrepant. Non obst. ita quod habet Zieglerus. (b) * Nam si usquam verum, Majestatem Legibus esse solutam, id sine dubio in iis, quæ summam potestatem qua talem spectant, obtinere oportet.

* *ad Grot. 2. 4.*

(b) ZIEGLERVS. Quamvis autem Zieglerus non rectè sequatur scholam communem, quando hæc Præscriptionem *Juri Gentium* acceptam fert: quam & *Auctor* probat. In eò tamen reci-

piendus omninò est, quando §. 12. subditum non posse præscribere Majestatem, existimat: sicut ex jam *dictis* sententiam ejus firmare licet.

III. Ratio Juris Gentium hic sola valet. Secundum quam putamus, etiam in summi Juribus Imperii locum esse præscriptioni. (c) * Modo adsit requisitum ejus fundamentale, ** ut usus ac quasi possessio illorum jurium, non ne proprio animoque sibi habendi, ab eo qui in præscriptione se fundat, habita & exercita fuerit. (d) Alioqui nunquam

quam initium habere potuit; quippe cum usucapio dominium sine animo domini per rerum naturam adiacere non possit.

* *Vid. Grot. lib. 2. cap. 4.*

** *Id. d. c. 4. §. 13.*

(c) LOCVM ESSE PRÆSCRIPTIONI. Ex eo scilicet, quod in Præscriptione *Juris Gentium* esse putat *Auctor*.

(d) EXERCITA FVERIT. Quod citant *leg. 2. Cod. d. Præscr. 30. vel 40. annor.* Est verò doctrina *Auctoris*; ut & *H. Grotij*, nec minùs *Seldeni*, *L. I. de Mari clauso c. 26.* (ubi præscriptionem malè *Juris Gentium*, sive Jure illò *res acquiri* præscriptione posse, probat, quia *Leges seu Jura Gentium quædam usu invaluerint*;) it. *Pufendorfii L. IV. c. 12. §. 7. & communiter* ferè omnium, falsa penitus, quòd præscriptio ex *Jure Gentium* educta sit; quin potius tota quanta inventum *Juris civilis* est. Nec enim facit pro *dissentientibus*: illud esse *Juris Gentium*, quo *finis litium* inducatur. Nam & diffidationes, ipsæque stipulationes, finem litibus & dubiis conciliant; nec tamen *Juris Gentium* sunt. Videlicet non sufficit, *finem* *Juri communi* consentaneum esse, ut exhinc remedium illi juri acceptum feras: quoniam hoc demum *Juris naturalis* aut *Gentium* est, quod tale esse potest per *omnes causas*. Deinde præscriptio non posset tollere lites inter Gentes; quin potius fereret easdem aleretque, eò quòd nullus inter eas judex detur; qui de *requisitis* præscriptionis cognosceret. Imò si vel maximè de illis constaret; adhuc tamen non foret *juris* ejus, nisi per *Bella, executio*; & tamen de *requisitis* ejus, quæ Gentes obstringant, *non constat*. Non etiam sequitur, *alienationem* esse *Juris Gentium*: igitur *modos* quoque alienandi quoslibet, (quorum aliquis è civilibus est Præscriptio,) ad *Jus Gentium* referendos esse. Sic & ut *regionum fines* terminentur, præscriptio necessaria non est; sicut quidem in Civitate: ubi facilius est finium confusio, & oportuna semper *reparatio per judices*. Unde admitti non debuit, ut in eà dominia, ob culturam rerum & fines alios, in incerto essent; verùm ut ex *stato tempore* possessoribus firmari possent. Porro iniquum foret, *Reipublicam* vel *Principem* quendam eò adigere, ut *jus suum* intrà tempora præscriptionis

(si quæ foret inter Gentes præscriptio,) *persequeretur*, & per hoc intempestivè fortassis, reliqua suarum terrarum in periculum conjiceret. Nec verò inter Gentes ratio potest haberi vel *silentii* vel *negligentiæ*. Imò negligentia impuiri nequit cessatio persecutionis: cum quidem privatis integrum sit omni tempore, quippe quòd *judicium* illis in civitate pateat, *jus suum* persequendi. Quin imò ne *protestationes* quidem inter Gentes consultæ semper aut tutæ sunt: & non sine causâ *Cæsar* ipse in *Capitulatione* circa Imperium Romanum, tantopere directum, detentores Regionum avulsarum non exprimit. Ulteriùs, aut à *Verò Dominò*, quis Regnum vel ejus aliquid, tenet Princeps exterus; & si malâ fide aut invasione, æterna foret ejus recuperandi auctoritas; aut à *non Domino*, & sic cum vitio iterum res in ipsum transiret: secus atque *inter privatos*, ubi res vitium non nisi *ex invasione* capit. Quid etiam, quòd inter privatos *tempore belli* non currat præscriptio: nullâ aliâ ratione, quàm quòd tunc quidem *justitium* seu *judiciorum* copia non sit. Quod multò magis valebit in Principibus. Equidem *mala fides* vel sola præscriptionem impeditura foret, quippe quòd hâc prævia, ne quidem per mille annos in civitate valeat præscriptio. *Franzk. III. Resol. 1. n. 200.* Quæ omnia faciliùs obtinebunt, quando publicæ prætensionum *deductiones*, vel earum saltim commemorationes *historicæ*, reperiuntur. Et hæc quidem efficere videntur, quòd *H. Grotius* præscriptionem cum *tacitâ derelictione* confundat; quem incautè sequitur *Conringius cap. XIX. de Finib.* & ab utroque seductus est *Limæus ad Capit. Caroli V. p. 574.* Et tamen nemo non videt distinctos esse modos acquirendi, per derelictionem & per præscriptionem: in eò saltim, quòd prior illa *statim* occupantem alterum reddat Dominum, & non nisi à *Dominò* proficiatur; præscriptio verò non nisi *tempore* inducatur, & in *re alienâ*, idque etiam à *non Dominò*. Denique si ad *Requisita* præscriptionis transeamus, nulla est inter Gentes definitio *temporis*, quæ tamen

men in praescriptione totam paginam facit; & si tempus *immemoriale* solum sufficere dixeris: undenam desumes exordium *memoriae*? Quin potius illud unice admittendum est, *diuturnitatem temporis*, per quod populus aliquis terras alienas detinuit, ad hoc proficere posse; (modò etiam praesumptione iustitiae aliquā gaudere queat,) ut in *possessione* *Judicio* superior Gens illa esse debeat, ei-que servari eodumque tuta possessio; donec causas *petitorii*, quippe quod tempore nullo absorbetur, altera gens apertis argumentis deduxerit. Atque hoc est, quod volunt *loca* illa, quae partim ex *saceris*, partim ex *profanis* *Scriptoribus*, de antiquā rerum possessione, in *lib. II. c. 4.* citavit *H. Grotius*. Denique *Conringius d. tr. de Finib. cap. 19.* in causā exemptionis non utendum esse regulis *Juris Romani*, opinatur: quod quidem concedi potest, quatenus *eximens extra Imperium illud* constitutus fuit; secus in *Civibus*, qui semetipsos ab Imperio abstraxerunt. Cum enim hi ejusmodi

legibus tunc temporis subessent, *Rebellium* instar vel *hostium* habendi sunt; in quos, donec causae suae iustitiam ostenderint, vel saltem voluntate Principis sui, vel populi, à quo abscessere, dimissi fuerint, *perpetua* erit *auctoritas*. Equidem difficile est, ut causam reddere queant; & plurima habet *Conringius* totò illo *tractatu*, quae abscedentibus ejusmodi indigne substernit; rationi *Juris* omni adversa. Nec etiam quisquam probaverit, v. c. quando *Belgas* putat ab Imperio abscedere propterea potuisse, quoniam *derelicti* fuerint, & *propria vi & virtute* adversus *Hispanum* semet vindicaverint: cum tamen Imperium, quā potuit, ubique causam ipsorum defenderit, & si maximè suismet viribus sibi consuluerit *Belgium*, nil etiam per hoc à cujuslibet *subditi* officio alienum praestitisset; nec propterea dici posset à Dominio Principis sui aut Imperii, (licet hoc succurrere ipsi non potuisset,) exemptum esse.

IV. Quare nulli Magistratus seu singuli seu collegia Magistratum vel judicum quā tales, quicquam juris hoc titulo adversus summam potestatem adserere sibi possunt. Quia clarum est, illos nihil agere, quam nomine jussuque potestatis supremæ, atque ut ejus Ministros. Unde nihilo magis contra Principem praescribere possunt, quam hi, quorum ministerio in retinendā possessione privatim utimur, ut coloni & inquilini, adversus quemque nostrum id est, dominos suos, usucapere nequeunt. (e) Proinde si quid tempore quantumvis immemoriali à potestatibus inferioribus usurpatum fuerit, hoc semper ab eo, qui summum habet imperium, absque injuriā tolli potest.

(e) USUCAPERE NEQUEVNT. Videlicet ita non possident ipsi; & tamen nemo nisi qui *civilem possessionem* habet, usucapit. Quando autem colonus *intervertit possessionem* domino, quod fit si non amplius ut talis rem detineat, sive neget causam possessionis suae, vid. l. ult. C. d. *acquir. vel retin. poss.* tunc adversus Dominum æque praescriptio induci potest, atque *Vasallus* dominium di-

rectum praescribit adversus dominum. jung. *Auct. §. 7. b.* Sic etiam, quod *Auctor* negat, *Magistratum* posse jus quoddam Majestatis adversus Principem praescribere: illud verum est, de *praescriptione* propriè dicta. Cæterum superius, quodd ex Principis voluntate sive concessione, citrà praescriptionem, acquisitio illa fieri possit, luculenter ostendimus.

V. Quod tamen non impedit, quò minùs contrà multitudinem subjectam jus illud praescriptionis, quod Magistratus longò usu acq-
Ee fiverunt,

siverunt, vim suam obtineat, atque si nihil ejusmodi à summâ potestate habeant in mandatis. Ita ut Magistratus & judices, quod illo titulo decernunt & exequuntur, hoc jure facere censeantur. Idque ex præsumptâ supremi Imperantis voluntate. Quo sciente adeoque tacitè consentiente, illa jura ab inferioribus collegiis usurpata fuere.

VI. Ita se res habet respectu Magistratuum. Quæstio est an Rex, cui Imperium non totum populus detulit usu temporis integrum acquirere possit. Vicissim, an Rex liber & absolutus quædam jura usu contrario populi vel optimatum amittere queat. Utrumque adfirmamus. Hobbes, (f) cujus principia hoc aspernantur, nos jam nihil moratur. Nec illi, qui Principem populi faciunt Ministrum. Utraque destructa sententia pati debet, ut populus capax sit juris acquirendi, & princeps nomine suo, non tanquam minister, agere dicatur.

(f) HOBBS. conf. quæ adversus hunc l. I. c. 9. seq. tradita sunt, & quid repositum sit his, qui Principem *ministrum* faciunt, Lib. I. c. 12. Hobbesio quidem Populus est dissoluta multitudo, quæ eum personam non gerat, etiam præscribere quicquam non possit. Nempe quâ *subditus* quis est, utique jus Majestatis acquirere non potest; & si acquirit, non sit ea acquisitio, ut *Auctor* vult, per præscriptionem; interim *Hobbesio*, quoad hunc articulum, respondendum est ex *superioribus*, quod populus voluntatem non amittat, nisi quâ subiectus sit; retineat verò, quâ pactus fuerit cum Rege, de imperio. Quidni igitur posset de pactò

hoc Princeps ex Majestate quid deinceps quoque dimittere. *Bruti* verò & *Althusii* sententiam quod attinet, quâ Princeps populi mandatarius constituitur: ex illâ *Auctor* dubium ad asserendam præscriptionem, videri posse existimat; quoniam mandatarius s. Procurator non possidet, non magis ac colonus, quâ ratione Princeps à *populo*, penes quem Majestas resideat; præscribere quid exinde, sibi que proprium facere possit. Sicut verò etiam damnata est illa *Althusii* sententia: ita non minus frustraneum est cum *Autore* de Regulis *præscriptionis*, in hac ipsâ doctrinâ *Reipublicæ immutande*, b. l. & seq. §. disquirere.

VII. Quanquam si quis Princeps legibus sit subiectus, qualem Latini verè proprièque dicerent *Principem*, id est *primarium*, iste summam dissolutamque potestatem *præscriptione* temporis acquirere posse dicendus est. Quippe animum absoluti Imperantis induere potest. Quemadmodum Colonus & Emphytevta nostri, si per longum tempus rem suo nomine tanquam Domini tenuerint, neque mercedem solverint, haud dubiè usucapere possunt. Et Vasallum contra dominum suum eadem ratione ex feudo prædium liberum, modò servitia non præstiterit, acquirere posse, consentiunt Doctores.

VIII. *Populus* etiam aut concilium *Optimatum*, quia Jus corporis sive Universitatis habet, possunt ita animos inducere, ut Regem, li-

cèt ab

cet ab initio cum vera summâ liberâque potestate constitutum, deinceps in quibusdam aut plerisque negotiis nolint facere quicquam sine suo consensu. Proinde ut ipsi *concurrentem (g) cum Rege potestatem* adepti, hætenus non ut subjecti per omnia, sed ut pares considerentur.

(g) *CONCURRENTEM CVM REGE POTES-
TATEM.* Et tamen exinde, quod Rex negotia quædam vel pleraque, sine consensu Procerum, perficere nequeat, non protinus inferendum est, hos ipsos cum illo *concurrentem potestatem* habere. Cæterum ex hoc quod *Auctor* hic tradit, populum potestatis quid ex Regiâ decerpere posse, remotis *præscriptionis* requisitis, satis colligitur,

quàm ille præscriptioni suæ in hoc articulo non inhæreat: quanquam præscriptionem denuò in eo fundare nitatur, quod Ordines, si qualitatem subditorum excusserint, quasi interversâ Regi possessione v. s. 4. b. usucapionem jurium Majestatis incipere, & absolvere queant: cui respondendum est, nec quemlibet usum, nec quod aliàs tempore invalescit, præscriptioni imputandum esse.

IX. Personæ igitur, de quibus heic quæritur, sunt in terminis satis habilibus, ut *præscriptio* illis applicari queat; modò *justitia causæ (h)* qua omnis usucapio nititur, juribus summæ potestatis conveniat. Fundamentum verò usucapionis & præscriptionis est *præsumpta derelictio*, aut negligentia Domini rem suam non requirentis, aut jus suum non exercentis. Quibus accedit ratio, in quâ maxima humani generis Utilitas vertitur. Ut causæ litium aliquò tandem fine terminentur.* Atqui illa præsumptio derelictionis facile in populum, qui jura quædam in Imperio deferendo excepit, cadere posse videtur; vel ob tædium confusionis, quæ sæpe de conflictu principis ordinumque populi solet oriri. Vel quia publicarum rerum administratio sæpius ex mora vel dissidio non leve dispendium capit, ubi summa potestas communiter à diversis Ordinibus exercetur. Præsumptio quoque neglectus *in multitudine* proclivis est; Cum quia nihil fit crebrius, quam ut segniùs expediant commissa negotia plures. Tum quia singulis in promptu est, privatam principum gratiam mereri, & republica prodita subrepere ad honores, & commoda domestica. Denique tertia nusquam validior est ratio. Nihil enim favorabilius est, quam litigia de Jure Imperii aliquando finiri. Ne bella Civilia, quibus nihil gravius, & quæ non alium uberiores habent fontem, æterna ex immortalibus rixis fiant.**

* *Grot. cit. lib. 2. c. 4.*

** *Id. d. c. 4. §. 6.*

(b) *IUSTITIA CAUSÆ.* Hanc ipsam *Auctor* in præsumpta *derelictione* collocat. Hæc verò sicuti præscriptionem conficere non potest, atque, si vera est *derelictio*, (aliàs enim *pro derelicto* usucapimus *per tot. tit. ff.* quando scil. res derelicta non est, quippe quòd per derelictionem protinùs derelinquens dominio excidat; sed solùm, quando rem à domino derelictam esse putamus) titulum usucapioni præbere nequit, cum nulla sit necessaria in re derelicta usucapio. Hinc potius est, ut totam iustitiam acquisitionis ad nudam & sim-

plicem voluntatem Imperantis referamus: quæ simul efficit, ut ipse populus habilis ad acquirendum fiat; quale quid per se fieri non poterat, per resistantiam, vel usurpationem *Jurium Majestatis*; ceu nec litium finis iustitiam acquisitioni conciliare potest: quòd *Grotium* citat *Auctor* in *Lib. 2. c. 4.* quippe qui tantum causam impellentem præbere posset Principi, ex iuribus Majestatis quid dimittendi; cum quidem aliàs præscriptio non protinùs hoc dicendum sit, per quòd tranquillitas five quies Reipublicæ inducitur.

X. Suffragatur experientia plurium in Europa Imperiorum, *Francici* nominatim. Quòd hodie perfectum *παμβασιλείας* five pleni liberique Regni specimen esse creditur. Cùm tempore Hugonis Parisiensis, cujus præsentēs Reges stirps sunt, haud adductiùs, quàm nunc *Germania* regitur, gubernata sit. Tam enormis mutatio nullo *quam præscriptionis* (i) *jure* niti videtur, hoc est populi procerumque derelictione, mutuoque consensu vel patientia manifesta.

(i) *QVAM PRÆSCRIPTIONIS JURE.* Quòd negandum est: cum illud, quòd tempore convertitur, non statim per præscriptionem eò deducatur, ut antè monitum fuit. Nec idem est, quòd *Au-*

tor putat, *præscriptionis jure*, hoc est, populi procerumque *derelictione*, mutuoque consensu vel patientiâ manifestâ.

XI. Jam eadem rationes contra Reges ipsos, qui longo tempore quibusdam iuribus haud liberè sunt usi, præsumi possunt. *Derelictio* inde, quòd sæpe contingit, ut Principes non bellicosi intelligant & experiantur, invitis populi Ordinibus, ægerrimè se rempublicam gerere posse. Proinde quòd malit requirere consensum, quàm cum perpetuis colluctari difficultatibus. Neglectus, *etsi rarior* (k) ex socordia, quæ ferè magnam fortunam comitatur, venit, aut ex proposito Principum Heroicorum, quos id operam aliquando dedisse constat, ut sceptrā Legibus submitterent; quòd institutum fuisse legimus Servii Tullii Marci Philosophi, Helvii Pertinacis ac Ælii Trajani Cæsarum. Metus bellorum ex eadem causâ, quàm modo in populo monstravimus, colligi potest; Etiam vero metus ab æmulis, & competitoribus sæpe dominantes subegit, ut remissius & indulgentius cum populis agerent, atque agere perseverarent.

(k) ETSE RARIOR. Et multò itaque rarior derelictio videri potest integræ Regionis, ex quâ Conringius in *Tract. de Finib.* præscriptionem induci posse tradit, Grotium in eocum ceteris secutus. Equidem nemo *Factorum* derelictionem stare docuerit cum necessitate; sicuti qui naufragii tempore res suas ejiciunt, eas dereliquisse consentur *§. fin. Inst. d. R. D. L. 43. §. 11. de furtis &c.* Est quoque indignum Conringio, quando de con-

jecturis derelictionis disquirat, quod putet, quoniam Respublica citam curam desideret, ut corpus animam; inde statim, ex quo tempore curare eam Princeps non possit amplius, eandem per hoc derelictam videri; & inò populo integrum esse, ut alterius tuitioni se subiciat: quas doctrinas ad *Not. Bæleri*, ubi de *Finibus Imperii* agitur, cum aliis, quæ in *d. tr. Conringius* commentatus est, examinavimus.

XII. Sed hæc præsumptiones contraria probatione vel fortiori præsumptione, removentur. Nempe probatio liqueat è verbis factisque in contrarium, testandi jurisque servandi causa ab alterutra parte interpositis, modò talia sint, ut ad notitiam ejus, ad quem res pertinet, dicta factaque pervenerint; Etiam ut specialia sint; nam infinita protestatio de Juribus Imperii non minuendis, qualem Imperator Romano-Germanicus præ se fert, *nihil ad interrumpendam* (l) singulorum, qui olim sub Imperio fuere, præscriptionem efficit. Præsumptio fortior ex metu, aliove justo impedimento oppositionis non factæ adversus usucapiones illegitimas desumitur. Sed verba & facta, è quibus ejusmodi præsumptiones desumuntur, *evidentia esse debent*; (m) Nam hujusmodi argumenta in dubio adversus præscriptionem temporis obtinere non possunt. Verùm ad impediendam illam probationes perfectæ requiruntur. Quia præscriptio tribuit jus, non modò perfectum, sed etiam ad quietem salutemque humani generis necessarium, quod temerè subvertendum non est: tum & interruptio est facti, quod probari debet. Si verò metu ab illâ deterritus dicatur, vix est, ut per tantum temporis spatium, quod hæc præscriptio requirit, formido in voluntariam patientiam non abiisse videatur. Quâ autem ratione, præscriptio nondum natis præjudicet? explicantem vide Grotium.*

* *Lib. 2. cap. 7. n. 10.*

(l) NIHIL AD INTERRUPTENDAM. Quidni faceret: Si vel maxime præscriptio proprie dicta obesset Imperio *vid. §. 112. Instr. Pac. Caesar. Gall. Monast. cum primis §. 80. ibi. si in Casarea Capitulatione, pactio vel in Comitibus propositio, deinceps fiat de occupatis distractivæ Imperii bonis ac Juribus recuperandis, ea non complectatur: aut complecti intelligatur, res supra expressas, &c. ex*

matricula expungi.

(m) EVIDENTIA ESSE DEBENT. Et vicissim verba & facta, quibus contra Principem inducitur, *dimissio Majestatis*, evidentia & ipsa esse oportet multò magis. Planè hæc ipsa ad simplicem voluntatem Principis citra præscriptionem reducenda sunt.

XIII. Cæterum qui totum Civitatis imperium invito populo invasere, an & hi, & quò pacto longi temporis beneficio legitimum imperandi jus consequi possint, *inferius* (n) videndum.

(n) INFERIUS. Ubi de Democratia agitur.

XIV. Unum hoc locò superest, quantum temporis ad implendam præscriptionem requiratur. Et quidem quod memoriam hominum excedit, sive id centum annorum, sive, ut verius videtur, non paulo minus sit, haud dubiè in omnem casum sufficit. Quandoquidem longius pro conditione mortalitatis dari non potest. Sed & si præsumptio non vergat, in contrarium generationis humanæ intervallum, quod *tertiā facit seculi partem* (o) admitti posset. Suffragantibus autem circumstantiis, quibus judicia voluntatis adfirmantur, non est dubium, *quin & brevior* (p) decem vel viginti annorum decursus satis haberi queat. Tu vide sis *Grotium*. * Hoc tamen spatium inter immemoriale & brevius interesse videtur, quod in illo non requiritur bonum initium, cum id negata memoriā tollatur; in brevioribus bona fides requiri videtur, ut rectè Canones, etsi aliter Jus Civile. Sed quantumcunque sit spatium implendæ præscriptioni sufficiens, id esse debet continuum, alioqui interruptitur præscriptio Jure non minus Gentium, quàm Civili.

* d. cap. 4.

(o) TERTIAM FACIT SECVLI PARTEM. Nam *Aristoteles* generare quem debere, vel matrimonium suscipere anno 35. ætatis voluit.

(p) QVIN ET BREVIOR. Nulla habenda hic temporis ratio, nisi quatenus voluntas ejus, contra quem Majestatis jura acquiruntur, ex factis pluribus inducenda est: Sic enim tacitus ipse *consensus* idem faciet, quod expressus. Et si aut præscriptio etiam contra ignorantem valet, ita non nisi *sciens & volens*, utut etiam coactè velit, Majestate vel totā vel pro parte excidit. Quod vero *Auctor* in *pr. §. de præscriptione immemoriali*, ejusque terminò, tradit, ad illud obiter notandum est, quod sicuti penitus differunt præscriptio *centum annorum*, & tempus *immemoriale*, ita hoc ipsum nonnisi de memoriā hominum *superstitum* accipiendum esse, bey Menschen Gedenden, hoc

est, ut nemo eorum, qui supersunt, aliter sciat obtinuisse, nec à majoribus suis diversum audiverit. Nec enim præscriptio immemorialis excluditur per hoc, si quis forte antiquis documentis, vel ex historiā, contrarium ostensurus sit. *add. Victor. Concl. 17. d. Exempt. & Ant. Fab. Lib. 7. Cod. Sab. Tit. 13. def. 2.* Fallitur tamen *Auctor*, quando putat hic, non requiri in præscriptione immemoriali *bonum initium*. Est enim certissimum, quod in illā quoque præscriptione *bona fides* exigatur; quippe quæ hoc ipsò conficitur, quod nemo superstitum aliter unquam servatum meminere: eaque est memoria probi usūs, quæ & initium justum arguit. *Negata memoriā* præjuncti, ponitur initium legitimum. De differentiā v. *Juris Civ. & Pontificii ad Desselium* aliqua diximus: è quibus *Auctoris* tradita de *bona fide* examinare licebit.

Plañè Rex

nè Rex in Regem alium non potest alienare jus quoddam Majestatis, ut hæc integra maneat; potest ut imminuatur: at non hoc etiam per *præscriptionem*, sed vel tacitam prioris possessoris *voluntatem* usu inductam; ut tamen hanc *justè colligere* potuerit is qui eò nititur, & ut prior ille dimittendi juris *potestatem* habuerit. Maximè verò justa per diuturnitatem videbitur usurpatio, quando, qui jure illò diu usus est, eodem se *quasi suo jure*, & velut in suo uti existimaverit; (quod facilius locum inveniret in jure, quod per se *communiter* vel *divisim* habendum erat.) Secus si probari queat, quod animum talem habere non potuerit: Sic enim *justâ acquisitione* destitutus censeretur. Quoties videlicet *injusta occupatio* ei ostendi potest, nil nisi *possessionem* adeptus videri potest; quæ facti est, nec jus rei perpetuum conciliat. Si non potest, *præsumptione* quidem nititur, nec jus nobis deficit, (de quò hic queritur,) sed probatio; quæ non minùs utut diverso modo, in *facto* consistit. Quod si ad *imperium Romanum*, prout nunc se habet, ejusque *jura Majestatis* respiciamus, in relatione ad hos, qui in eò *parendi* conditionem habent, ut sunt Status cæterique immediati, eorumque subditi. Dicendum est, non quidem *præscriptione*, sed modis aliis quos ad *concessionem* liberam Principis, ex actibus inducimus, & ad *privilegia* rediguntur, ea Jura, etiam si *majora* sint, non quidem hòc *contra Cæsarem*, sed *ab ipso* potius, idque & usu diuturnò, indeque *tacitâ concessione* acquiri, atque hanc acquisitionem fieri ipsis immediatis *patrimonii* jure: (Secus atque de *Magistratibus* suprà apud Auctorem, §. 4. & 5. qui officio suo talia jura acquirunt; quæ tantum adhuc à nutu Principis pendent) adeo ut Cæsar acquisita illa *revocari posse* nolit; ceu voluntas ejus Statibus exhibita pro *libertate* eorundem irrevocabilis est; nisi publica *totius imperii salus* diversum postulet: de quâ concessione, quâ ratione fiat, illasâ Majestate Cæsar, ex his definiri potest, quæ alibi de *Communicatione Jurium Majestatis* in universum diximus; Nunquam scilicet abdicativè & citra *dependentiam*, utque jura talia quomodocunque acquirentes iisdem utantur, suo & *proprio plane jure*: Eò ipso, quòd usurpationem illam *privilegii* jure tueantur. (Nec enim nunc de Juribus Majestatis, à Cæsare in Statibus abalienandis, quò iisdem vel soli vel unà cum Cæsare ad Imperium

universum gubernandum utantur, disquirimus. Id vero *temporis immemorialis* exercitium requirit, utut nulla *Cæsaris scientia* probetur; modò non ostendi possit *mala fides*, saltim in uno inter possessores succedaneos, ex quò interrupta videri possit *justa opinio*, quod suo jure id exerceat. Ipsam verò *dependentiam* s. *subjectionem* nullo unquam tempore quis præscribere, ut & jura, quæ *subjectionem* arguunt, eò ipso non potest, quò usque *subditum* se esse profitetur: ceu *adversus Principem* invitum quippe & ex *Lege civili* haud unquam valet *præscriptio*; imò nec *libertas immemorialis* ratione eorum, quæ quis debet *uti subditus*, adversus illum allegari potest; ut sunt *profectio fidei*, *præstatio ejus & operarum*; (nisi quòd in *contributionibus* & ad exemptionem ab eis *stabilendam*, *conventione* inter Cæsarem & Statum, allegari eò posse *immunitatem temporis immemorialis* placuerit: N. A. 1548. §. 56. 64.: haud dubiè quòd *præstatio* illa ad expeditionem Rom. *die Reichshülffe*, originem & ipsâ traxerit ex *conventione* Statuum libera.) Quæ verò de *Cæsare* in *Regimine* summò diximus: eadem quoque ad *Statum in Regimine* terrarum suarum *subalternò* congruè applicari poterunt, ut tamen possit *Statûs à Statu*, (cùm uterque sub sit *Legibus Civilibus Imperii Romani*;) *proprie præscribere* Regalia vel Jura Superioritatis, idque *cum titulò*, ut plerisque videtur, longò tempore. v. Rosenthal C. V. de *Feud. concl.* 17. n. 1. *sine titulò*, tempore longissimò. Pruckm. c. 5. de *Regalibus* n. 112. Quinimò Regalia hæcenus instar *Servitutum* habent; indeque ex harum *præscriptione* ad Regalium quoque illam acquisitionem arguere licet. Ast *Subditus contra Principem suum* non potest *Regale* acquirere aliter, quàm *usu immemoriali*; ut est *Jus Fodinarum*, Heig. 1. *quest.* 30. n. 3. idque *dependentè*: (nec enim ille capax est superioritatis vel juris cujusdam, ex quò constat Superioritas:) imò ne quidem ea, quæ *subjectionis* præcisè sunt, & ad recognitionem superioritatis pertinent; ut est *præstatio collectæ Provincialis*, quæ in locum *sequele* successisse videtur, immemoriali tempore à se excutere potest, quò minus iis supponi queat. L. 6. C. de *præscript.* 30. vel 40. ann. l. 6. C. de *Oper. publ.* l. 23. C. de SS. *Ecclæs.* Nov. 30. c. 7. Manz. Dec. Pal. 149. n. 11. *seq.* Wesenb. *Conf.* 303. n. 126. 1. *Conf. Marp.* 9. n. 5. quippe quòd *subjectio* quo-

tidie

tidie constituatur v. l. 10. pr. de Usu & Habit. l. 10. de Cap. minut. Et tamen si quem subditum v. c. de contributione interpellatum, aut in catastra relatum, exemptionem suam allegasse, & Principem in hoc acquievisse, constat: indignum omnino fuerit, eum posthac, eâ Principis indulgentiâ non frui debere, v. l. f. C. de fund. patrim. Rosenthal d. c. V. concl. 84. Ceterum adversus legem Principis prohibitivam, v. c. Ordinationem Provinciale, (quippe quod in eâ salvâ subjectione princeps uni vel alteri eitrâ aliorum præjudicium, dispensare ex justâ causâ possit:) non quidem præscriptio, sed tamen usus immemorialis, ex quô privilegii quid colligi queat, locum habet; ut si quis diversorium à se propriâ autoritate contrâ illam creaverit. Videlicet titulum non desiderat alium

istud privilegium temporis, quod tamen ipsum, quia Jus ei resistit, immemorale esse oportet. (Aliter atque si quis, Jure communi non resistente, tantum contra libertatis præsumptionem adversus privatum præscripturus sit. Nam ibi titulus quidem necessarius non est, sed tamen longè tempore absolvitur, l. 10. si serv. vindic.) Est autem facilius, ut quis jus suum, usu scil. immemoriali, ad similia, adversus Principem extendat. v. c. jurisdictionem quâcum investitus est, in via publica, ad jus ipsius viæ publicæ. Denique an quid ex Patrimonio Principis, seu bonis ejus Cameralibus, præscribere possit subditus, & quod saltem Jura Domaniorum in Germaniâ perperam eò applicari velint, aliis locis plenius ostendimus.

CAPVT XXII.

De

Jure humanæ potestatis circa Sacra; & primò de Ecclesia. E variis opinionibus de Jure Majestatis in Ecclesiam, una eligitur.

ARGVMENTVM.

Jus Sacrorum pertinere etiam ad Imperantes. Quid quantumve, id controversum. Primam esse Pontificiorum sententiam, qui totum hoc jus Papa subjiciunt: Alterum eorum, qui presbyteriis omnia vindicant. Tertiam distinguere inter jus Ecclesia internum & externum, quasi ex mente Constantini M. Quartam Erasianorum, qui nihil quam confessionem fidei Ecclesiasticis concedunt, potestatem omnem Imperio adscribunt. Quintam Hobbesii, à quò nullum jus sacrum, nisi Imperio Civili subjacens, agnoscitur. Ex his media, quæ est tertia opinio præfertur.

I.

INter Jura Majestatis majora, Politici omnes, & Jurispublici scriptores, referunt Jus rerum Sacrarum. Adeò ut & summam faciant divisionem illorum jurium, in Civilia & Ecclesiastica. Quod etiam Ulpianus * Jctus velle videtur, quando jus publicum consistere ait in Sacerdotibus & Magistratibus, hoc est, officiis illorum, plura enim jura

jura dari singularia nescire non potuit. De hoc nos adhuc agere distulimus, quia rectius post cuncta Civilis Imperii Jura secuturum videbatur.

* in l. 1. §. 2. ff. de Justit.

II. Esse aliquod jus sacrorum penes eum, qui summum tenet Imperium civitatis, ferè inter scriptores convenit. Et ratio, quæ in omnium oculos incurrit, idem svadet: Eò quòd absque aliquo jure circa sacra, Reipublicæ Imperium, & quies Gentium nullo modo teneri possit. Id quod historia omnium gentium, Pontificumque Romanorum, & hujus seculi Protestantium, abundè probaverunt. Sed quænam illius juris capita, quinam sint limites, intricatissima *disputatio est.* (a) Nos diversas sententias, primam, ut quæque minimum tribuit summæ potestati, tum eas, quæ plurimum ei vindicant, proponemus.

(a) DISPUTATIO EST. Hic Auctor in Editione mediâ integrum fere caput XXIV. à §. 7. ad finem usque inferit, ubi maximè de discrimine Civitatis & Ecclesiæ agit, (quod & in novissima Editione Sect. IV. c. 1. majori curâ instituit,) & hujus iterum discrimen exponit in visibilem seu publicam, & invisibilem, (qualis est non per absolutam negationem potentix passivæ, sed per comparationem. Ebr. II. v. 38.) Invisibilis sive Electorum, nullò scil. loco palam congregatorum, (quæ & hinc universalis quoque dicitur,) Regimen Christum sibi servasse, nec Vicarium Christi Universalium aliquem dari, aut dari posse tradit. Tum & de factis agit Ecclesiæ externæ, ante & post diluvium, ad tempora propiora. Velle Deum, ut fideles in corpora coeant, in quibus voluntas ejus prædicetur & imò segregari, qui malè de rebus sacris sentiant. Hæc fieri posse insciis etiam & invitis Rectoribus cujusque Civitatis. Sed tamen Ecclesiam auctoritate eorum sæpè indigere. Et cum Rectores Civitatis ipsi alicubi Ecclesiæ membra sint, hinc in fin. disquisitionem aggreditur, quænam eorum vel eò casu vel aliàs etiam in sacris Potestas sit. Equidem distinctio summa est, apud alios quoque Juris Sacrorum Doctores, inter Potestatem sacrorum internam, quam dicere

licet ex ipsorum hypothese ministerialem; quoniam prædicationem verbi divini, cum administratione Sacramentorum, complectitur: & externam, quæ versatur circa gubernationem, quoad personas & res Ecclesiasticas, ut & judicia sacra. Hinc ed referunt Vocationem Ministrorum, Reformationem exercitii Religionis, decisionem controversiarum, dispositionem Rerum Eccles. & Judiciorum administrationem. Hæc potestas tribuitur Principibus etiam, quæ seculares sunt; idè quòd Princeps esse debeat Custos utriusque tabulæ, qui & promovere cultum Dei Psalm. II. v. 12. & Ps. XXIV. v. 7. & protegere Ps. XLVII. v. 10. Esaiæ VI. v. 16. ib. debeat, tantò majori curâ, quòd ipse Dei vicem gerat. Exempla hanc in rem plura depromuntur ex Vet. Test. ut & Historiâ Græcâ, tum ex Constitut. Imperatorum, vid. l. 3. §. 6. C. de Summâ Trinit. cum suffragiis DD. Veteris Ecclesiæ. Sed abscedunt ab hâc sententiâ, quam & Grotius de Imperio Summarum Potestatum circa sacra latè exequitur, Pontificii, Baronius, Sanderus, Bellarminus, quorum argumenta hæc ferè sunt. (1) Regem Usum 2 Chron. 26. leprâ percussum fuisse, quod suffitum fecerit. (2) Ovium non esse, judicare de pastoribus. (3) Politicum Magistratum tempore Apostolorum Jus circa sacra nullum habuisse.

Ff

fe. (4)

se. (4) *Principes Protestantes* per *Passaviensem* Transactionem demum adeptos esse jus sacrorum. (5) *liberos* à potestate seculari *Clericos*, & *sacra* non minùs; quorum curam illi habeant. (6) Carere posse Ecclesiam *Imperiò superiorum*, cum & Christus Pastorale Munus instituerit; cui idcirco, vel *Vicario* ejus Pontifici, pastores subesse oporteat. (7) Denique *Episcopos* longissimi temporis *præscriptione* potestatem hanc sibi firmasse. Quibus tamen facile respondetur: *Usam* ad interna manum extendisse, Regem quoad hæc etiam ovem esse; in *externis* verò ipsum *pastorem* haberi: *Es. XL. v. 11.* Nec tamen propterea *domini* sunt animarum Principes, *vid. §. 5. h.* sed *capita* solum societatis *civilis*, quibus meritò ex *necessitate* architectonicâ & Clerum & *sacra* subesse oportet, *1 Sam. XV. v. 17.* Quamvis autem *seculares* Principes *Apostolorum* tempore jus circa *sacra*, non ita ut Principes Christiani exercuerint, cum potius Christianos persequerentur; Jus tamen habuere *sua religionis* & aliarum, ipsumque potestatis exercitium circa Christianam Religionem, licet eò malè usi fuerint. *Protestantes* quod attinet, sicuti ante Reformationem hypothesis Pontificia Germaniam occupaverat: ita plerique statuunt, eos potestatem sacrorum per injuriam Pontificis eò usque detentam recuperasse. Quamquam rectius asseratur, quoniam hic de jure *Majestatis*, (eique analogò, *Superioritatis*) agitur, cum nec ipse Imperator Jus Sacrorum ex debito sibi assereret, idè nec Status *Protestantes*, quippe quòd Statuum jura paulatim ex indulgentia Cæsarum extructa sint, Sacrorum potestatem (quâ *Episcopi* hætenus utebantur, Imperatori verò debitam Potestatem sibi sumpserat *Pontifex*,) antea habuisse, ceu nec dum eam habent *Status Seculares Catholici*: sed potius sub tempore Reformationis ex hypothesis *Confessionis sua*, quæ seculari potestati plus tribuit, saltem *Pontificis* & *Episcoporum* potestatem in *sacra* sua agnoscere non potuit, sibi de novò acquisivisse. Quòd si verò Imperator Jus Sacrorum, tanquam alteram partem summæ potestatis, debitò sibi modò non exercuit; illud *infelicitati temporum* imputandum est. Asserunt sanè Scriptores illi omnes, quos compegit præ cæteris in Monarchiam suam *Goldsus*, Jus Sacrorum Imperatori, adversus usurpationes Pontificis; eoque pertinet evolutio *libertatis Ecclesiarum Germaniæ*, quam post alios *Schil-*

terus instituit. Utique non potest carere Ecclesia, vel saltem non debet, *Superiorum Imperiò*, ne dicamus, quemlibet Statum eò carere posse. *Exemptos* autem *Clericos* esse à Regimine seculari, sacris adversum est, *Rom. XIII. v. 1. & 7. Matth. XVII. v. ult.* ut ad *§. 9. cap. seq.* ostendetur. Et sicuti omnes *Status* (non modò Clericalis,) *Christum auctorem* habent, nec tamen Pontifici subsunt, cum & *Princeps DEI* vices gerat: ita Clerus cum reliquis capiti Reipublicæ & ipse suberit. *Præscriptio* verò adversus Majestatem in Republica nulla est, ut nec contrà instituta, quæ divini Juris sunt. *adde* *Lentul. L. V. Apicis Rom. Gloria cap. 2. & seqq.* Quamvis autem hac ratione Principi Jus Sacrorum rectè asseratur: *Distinctio* tamen illa: quòd Principi *externa* potestas competat, rem satis explicatam dare nequit. Nam *interna* illa, quam vocant, unicè *Ministrorum* est, & ad actus formaliter & internè Sacros, quos virtute Christi obeunt, pertinent: eoque respicere constat non minus *benedictionem* tam *Ordinatricem*, quàm *consecratricem*, & *maledictionem excommunicatricem*; eò modò, quem inferius attingemus. Quantum verò ad Potestatem *externam* attinet, reperimus in personis Ecclesiasticis Pontificiorum actus plurimos *exotericos* sive merè & formaliter *politicos*, qui in civili objecto ad civilem finem diriguntur, & ad *externam* illam à nobis nullatenus referri possunt: qualis est potestas *gladii* cum terrenis cæteris. Deinde *exotericos*, qui *objective Ecclesiastici*, sed tamen *virtualiter politici* habendi sunt eò, quod radix eorum in Magistratu politico resideat: Tales autem iterum vel per Magistratum civilem geruntur, ut sunt *exauctoratio*, *vocatio personarum*, *dispositio de bonis Ecclesiasticis*, & *judicium de Religione*. Atque hæc sunt, quæ partem potioris potestatis illius conficiunt. *Reliqua* quidem eò non minùs respiciunt, nec ad interna redigi debent. *Interni* verò per *Ministerium* propius administrari solent: ut sunt *investitura Clericorum*, *audientia causarum*, *censturæ illatio*; quasi hæc ipsa ex *delegatione Magistratûs secularis* teneant. Eò pertinet dictum Constantini, quod *extra Ecclesiam Ipse Episcopus* sit, videlicet, quoad actus *exotericos*, quos vel per se ipsum Princeps, vel per *Clericos*, auctoritate principali exerceat. Unde nomine quoque *Pontificum* in Synodo *Chalcedonensi* appellantur *Valentinianus & Martianus* Imperatores, &

res, & curæ Theodosii Apostolica dicuntur, apud Theodoretum. Quare & Baronius in Annalibus, ad Annum 312. auctoritatem Pontificatus Imperatoribus Christianis necessariam fuisse inculcat. Distinctius adhuc illa percipiuntur, quando Principem tum infidelem tum fidelem consideramus: hunc iterum, ut est Caput Reipublicæ, quod etiam manu sive potestate valeat: & ut membrum est: hocque rursus vel præcipuum, vel æquale cum cæteris omnibus. Ita facile apparebit, Christianorum Principum potestatem, quæ videlicet ut Principes considerantur, (cùm aliter potestatem in Republica non habeant,) non esse merè laicalem & Civilem, verùm etiam Ecclesiasticam, (quod nomen Jurisdictionis Episcopalis pertinet; aut portio ejus, in complexu sensus Pontificii acceptæ) juri Ordinis contradistinctam: idque tam quoad Regimen externum Ecclesiæ e. g. particularis sive provincialis; ut in convocatione Conciliorum, erectione templorum & ædificiorum sacrorum, institutione Presbyterorum, Fæstorum, Visitatione, Jejuniis, Exequiarum, Litaniarum, Ordinatione, ut & Ceremoniarum,

& quæ ad Statuta Ecclesiæ ulterius pertinent; Verùm etiam (quod Triglandus & Voëtius soli Statui Clericali vindicant,) quoad suspensionem, remotionem, restitutionem, Ministrorum Ecclesiæ & Scholarum, ut & excommunicationem majorem. Porro quatenus Princeps præcipuus haberi potest membrorum in Ecclesiâ: ita directionem tenet in Presbyterio Laico, 1 Timoth. V. quale moribus externis Christianorum intendit, ipsique ordini ac doctrinæ publicæ: Non enim jurisdictionem habet Presbyterium Ecclesiasticum, sensu Canonum, h. e. internam solvendi aut ligandi, nisi quoddam judicium Ecclesiæ per repræsentationem ipsi deferatur: non etiam habet partem externam in Ordinando & consecrando Ministros (quam aliàs potestatem internam dicimus, eamque asseruimus ministerio.) Interim Jurisdictionem habent eam, quæ tertiam partem conficit Hierarchiæ Christianæ. Et hæc Princeps non aliter, quàm præcipuus in Ecclesiâ pressa, sub capite seu Principe pagano, spectatur.

III. Qui magnum Præfulem Romanum colunt, hi sic omnia ad Ecclesiam spectantia pedibus ejus subjiçunt, ut Imperantibus non modò nihil relinquunt, sed & ipsos Imperiumque eorum, seu directò sive per consequentiam (b) Pontifici submittant. Alii totum jus sacrorum pendere docent à collegiis presbyterorum (c) nec Imperantes aliter, quàm à fidelibus singulos, aut omninò extraneos reputant. Nisi quoddam defensionem Ecclesiæ, & executionem eorum, quæ presbyteri decreverunt, quatenus manum requirunt, Imperio civili committunt. Quæ sententia à priori, in terminis quidem, & in eò, quod Pontifici jus totò orbe (d) tribuitur, vehementer discrepat; genere tamen doctrinæ, quatenus utraque civili Imperio ferè tantundem relinquit, haud magnoperè abhorret. Nempe sic ut Aristocratica potestas particularis differt à Monarchia universali. Tertia est eorum sententia, qui internum Ecclesiæ & Sacrorum jus civili potestati negant; Externam vero administrationem ab illâ dependere eique subiacere volunt. (e) Hujus Auctor sententiæ Constantinus Magnus laudatur, cujus hæc de re convivalem ad Episcopos sermonem memorat Eusebius. * Quartò, sunt, qui confessionem fidei nudam & solam Ecclesiæ concedunt, sed pote-

statem animadversionemque vel audientiam foris se exerentem nullô modô, nisi à Majestate dependentem. Proinde potestatem ejiciendi è communione Ecclesiæ & arcendi a sacris, quam prior sententia sub internis comprehendit, similiaque Ecclesiasticis nisi cum eadem *dependentiâ*, (f) negant. Denique Hobbes, & qui sunt *Hobbesiani* (g) quicquid religionis aut Juris Ecclesiastici in hōc mundô esse queat, id omne ad Imperium Civitatis pertinere, contendunt. Ipsum quoque jus (& hoc vel inprimis,) statuendi de dogmatibus fidei Christianæ: nulla re excepta nisi hac una, quod *Jesus sit Christus Dei*. Reliqua *credendi capitula*, (h) quæ in Ecclesiis proponuntur, non esse fidei, sed obedientiæ. ** In quibus si erretur, Imperantes, non subjecti, rationem reddere debeant.

* Lib. 4. de Vitâ Constantini M. c. 24. *Vos quidem eorum qui vel quæ sunt in Ecclesiâ, ego verò eorum qui, vel quæ, sunt extrâ Ecclesiam, Episcopus à Deo constitutus esse videor.*

** Hobb. cap. 18. de Cive §. 6. & 14.

(b) SIVE PER-CONSEQUENTIAM. Dum scilicet cum Bellarmino L. V. de Pontif. c. 6. Pontifici potestatem *indirectam* temporalem in omnes Reges & Principes tribuunt; quatenus illud salutis animarum necessarium est. At verò adversa est unio ista sub unicô Pastore mortali institutioni Ordinis Ecclesiastici: *Ephes. IV. v. 11. 12. 16. 1 Corinth. XII. v. 14. 15. 24. 25. 27. 28.* nec ad Communionem internam necessaria, siquidem *Schismata* impedire satis potest subordinatio multorum, ad se invicem, non etiam requiritur dependentia istorum ab unô capite. vid. Calixt. in *Diff. de Pontif. Rom. in Tr. de præcipuis Religionis Christianæ controversiis*. Quicquid dissentiat cum Bellarminô Sanderus L. V. de *Monarchia Eccles. cap. IV.* & ipse H. Grotius in *Consult. Cassandr. art. 7.* Utique ex quô motivô Bellarminus illam potestatem indirectam Papæ concedit, ex eodem Regi in *Pontificem* tribuenda est, quando *Concilium* cum hōc contendit. Sanè Reges *Gallia* nunquam induci potuère, ut hanc potestatem admitterent, stetitque firmiter in hoc *Sorbona* contrâ *Jesuitas*. vid. Gramond. in *Hist. & Richer. in libb. de conciliis generalibus*.

(c) A COLLEGIIS PRESBYTERORVM. Presbyteros eosdem esse qui seniores. Olim erant duo-

rum generum; *unum* docentium, qui honorabiles fuerant Regentibus, Clerici videlicet; *alterum* Regentium, qui curam gerebant disciplinæ Ecclesiasticæ, & aliorum externorum in Ecclesiâ *1 Tim. V. v. 17.* Qui verò Presbyterorum collegio potestatem omnem tribuunt, illi detrahunt *Principi*, quæ ipsi, ut tali, competunt. Nec enim illa unice in defensione eorum, quæ Presbyteri, maxime regentes decreverunt, pertinent.

(d) TOTO ORBE. Scilicet *Presbyterium* particularibus Ecclesiis finitur, & Auctores presbyterialis illius potestatis universale & monarchicum caput repudiant.

(e) EIQUE SUBJACERE VOLVNT. Hanc distinctionem non agnoscunt *Pontificii*, quibus amplissima est *Episcopalis Jurisdictio*, dum eam distribuunt in illa quæ sunt aut *Ordinis*, aut *Legis Diocesanae*, aut *Status*, ut Jus Episcopale partim internum haberi possit, partim externum: idque positum vel in *officiô* vel in *beneficiô*. *Officiô*, in audientia & disciplina, quam utramque voce *Jurisditionis* specialiter appellant. *Beneficiô* verò fit tum *Dignitatis* sive Conditionis, quò & privilegia Cleri pertinent, illi *Statum* vocant; tum *Reverentiæ & obedientiæ*, quam Episcopo suo debent

Diocese-

Dioecesiani. Quapropter etiam apud ipsos *Lex Dioecetana* audit. Ex his apparet satis, quantum illi abstrahant Imperatoribus, quasi *incapacibus* ejus potestatis, & ad Episcopos, eorumque Jurisdictionem, redigant.

(f) *DEPENDENTIA*. Est tamen quod circa dependentiam hanc distinctè habendum sit, de quò §. 2. cap. seq. dicemus.

(g) *HOBBSIANI*. Quos inter etiam est ex Remonstrantibus *Simon Episcopus*, qui omnem

curam & Imperium sacrorum ad *Magistratum* refert; quanquam non penitus *Hobbesium* approbet.

(h) *CREDENDI CAPITULA*. Equidem *H. Grotius II. cap. 20. §. 45. de Jure B. & P.* capita quatuor & ipse prodit, in quibus Religio consistat; quem tamen ibi refutat *Osiander*. Profanus est magis *Herbert. de Cherbury in Tr. de Religione Gentilium*. Quadrigam quidem & Ipse capitum *Religionis* constituens.

IV. Ex his sententiis eligere aliquam aut improbare, ei, qui in universum excusari mallet, juris duntaxat scientiam professo, grave & anceps, neque temerè, videtur. Faciendum tamen est, quando & operis institutum & exempla aliorum, & necessitas refutandi perniciofa principia, id nobis imponunt. Si quid errati obrepat, veniam Juri haud gravatè speremus.

V. Extrema vitabimus, sequemur *ὑποθεσιν* ex omnibus mediam, loco tertiam, quæ *Constantino* Magno adscribitur, sanò sensu *intellectam*. (i) Neque enim adhuc satis constat, quomodò *Constantinus* suam distinctionem rerum, quæ intra Ecclesiam sunt, intellexerit. Accepit verò Episcopatum suum de Officio boni Principis in convertendis ad resipiscentiam, fidem pietatemque Civibus suis extrà Ecclesiam, hortatu, legibus, exemplò. Non igitur de regimine Ecclesiæ externo, sicut vulgò putant & putavit *Clariss. Vedelius*; nec etiam contrà *Paganos* solos, ut destitueret eos, sicut *Perronius* Cardinalis * loquitur. Et si verò *Constantinus* Episcopatum suum iis verbis ita non intellexerit, ut Regimen externum Ecclesiæ significarent; nihilò secùs tamen id ipsum sibi competere semper aliàs sensit, neque destitit ipsò actu exercere. Ejusmodi autem Regimen ad summam potestatem pertinere, probamus hâc ratione, quia summa potestas omnia rerum hominumque (de actionibus, non de animi sententiis loquimur) in civitate suo Imperio complectitur: Præter ea, quæ Deus nominatim ab hominibus exegit, & immediatè suo solius tribunali addixit. Cujus generis non omnia, quæ ad Ecclesiam pertinent, & ab Ecclesiasticis aguntur, esse existimamus. Quoniam multa ex illis reperiuntur, quæ esse & non esse, quæque aliter esse possunt. Quæ autem Deus

sine mediò & expressè postulat, ea non posse aliter se habere, manifestum est.

* in Sermonibus *Pitbæanis*.

(i) INTELLECTAM. Quippe quòd dubium exortum fuit circà sensum distinctionis illius *Constantini M.* rerum, quæ intra & extra Ecclesiam sunt: Quam quidem ex *Eusebio* pluribus recenset Auctor in *nova Editione* cap. XXV. §. 16. usque ad fin. & in §. 1. c. 26. ubi rejicit *Vedelium*, quem hic in notis quoque citat, quando is de regimine externo Ecclesiæ istud intellectum voluit; cum tamen *Episcopatum* sibi vindicet *Constantinus* in officio boni Principis in convertendis ad Resipiscentiam, fidemque ac pietatem civibus suis præeundò, extrâ Ecclesiam hortatu, legibus, exemplò. Quò respiciunt ea, quæ superius diximus, attendenda esse, ut *Principem* quemlibet, etiam Paganum seu infidelem, qui *Episcopatum* eiusmodi non omni ex parte tenet, & fidèlem discernamus. *Vede-*

lius ille disputationem scripserat *An. 1633. Daven-*
triae, de *Episcopatu Constantini M.* quam cum refutarent *Triglandus* & *Revius*, inde Contentiones de limitibus Jurisdictionis Ecclesiasticæ & cognitionis de Rebus fidei, exortæ sunt: quantum ex istis attribui oporteret *pastoribus*, quantum *Magistratui seculari*, & quantum simul etiam auditoribus, adedque cœtui universo junctim sumto, competeret. Et quidem *Triglandus* & *Revius* ipsi in terminis variant, discordes & imò dubii; ut tamen cumpri-
mis res fidei cum rebus ad mores & regimen pertinentibus confundant. Nec verò dissensiones illæ in *Belgio* fortuitæ sunt, postquam Provincia quælibet Majestatem sibi servavit; ex quò factum est, ut subinde contraria Decreta publica ab Anno 1570. in Rebus Ecclesiæ emanaverint.

VI. Propositionem, quod omnia, in Civitate, præsertim quæ ad universos spectant, summæ potestati absolutè consideratæ subjiciantur, ita ut juberi prohiberique possint: Et rursus, quòd ea, quæ Deus necessariò exigit, suæque cognitioni verò sine medio reservat, humanis imperiis mutari nequeant, neminem prævideo negaturum. * Quare ad approbationem sententiæ, quam suscepimus, duæ res explanatæ sufficient. Prima quænam sint ea, quæ Deus necessariò exigit, suoque tantum obnoxia vult esse judicio. Dein, quæ res ad sacra pertinentes non sint ejus naturæ, verum abesse aut diversimodè se habere possint.

* *Ratione Clariss. Vedelii: quòd potestatibus Ecclesiarum Jus in Ecclesiam competat, eò quod plerumque præcipua sint Ecclesiæ membra, (†) quod ille passim urget, in tract. de Episcop. Constant. M. nos non utimur; quia de jure quod potestati, jure potestatis, & quâ tali, adeoque & infideli, competit, agimus. Ecclesiæ membro utcumque præcipuo, quatenus pars totius est, nihil juris, quàm ex consensu Ecclesiæ, adscribi potest; Eminèntia autem ad illud jus ex consensu acquirendum ratio magis svasoria & probabilis est, quam sua vi efficax & necessaria.*

(†) EO QVOD PLERVMQVE PRÆCIPVA SINT ECCLESIAE MEMBRA. Loquitur autem *Vedelius* de potestatibus *Christianis*. Et quamvis

Auctor respectum illum, quò Princeps fidelis est, penitus seponendum esse velit; tamen hoc cum ipso agnoscendum non est: Siquidem Princeps ejusmo.

ejusmodi in his, quæ potest amplius quam infidelis, non modò unicum illum respectum habet, quò ut *membrum* Ecclesiæ considerandus sit, five *præcipuum* inter reliqua, five, in nonnullis, ut quodlibet eorum *aliud* (quamvis & in hoc discrimine, Principis, ut *capitis*, diversam rationem esse satis appareat,) verum etiam quæ *Princeps* est

Christianus & manu valet; unde ratio *Vedelii* rem totam non conficit. Re ipsâ tamen verum est; (secus atque *Auctor* opinatur,) *Principem Christianum*, in eo tantum ab infideli differre, quod *Christianus membrum Ecclesiæ* sit, quò infidelis nequitiam referri debet.

VII. Necessaria Dei præcepta sunt vel naturalia vel revelata. *Naturalia* de quibus actum supra *cap. 2.* videlicet, quæ necessitatem aut turpitudinem habent moralem. Cujus rei *discretionem* (k) Deus cordibus nostris, quod indubitato sentire queamus, impressit. Quam Legem non scriptam, Legem cordibus inscriptam, & Gentiles & Christianorum Doctores, audivimus locò citatò, prædicantes, & utrosque *Deum Auctorem* (l) laudantes. *Revelata* sunt, quæ Deus benignè, salvâ justitiâ suâ, ad salutem corrupti & perditionis generis humani per filium suum procurandam, ministerio Prophetarum & Apostolorum manifestavit, & sacris utriusque fœderis libris comprehensa voluit. Quorum capita credimus à Deo esse, non ex auctoritate cœtus præsentis fidelium, quem *Ecclesiam vocamus*: (m) neque ex historicâ *fide miraculorum*, (n) quibus olim illa in terris obsignata leguntur. Quoniam efficacia rationum illarum fundamento humanæ auctoritatis carere non potest, inque eam resolvitur; ita ut *credulitas* magis quàm certa fides esse videretur. Neque etiam solis nitimur indiciis & argumentis veritatem sanctimoniamque scripturæ ita persuadentibus, ut naturali quoque rationi convincendæ sufficere possint. (o) Fieri enim vix posset, ut infirma rationis conscientia adversum cavillos impiorum sine perturbatione se contineret, quin sæpius vacillaret.

(k) DISCRETIONEM. Ut non habeamus illam ex solâ informatione vel exemplis aliorum. *Aug. d. cap. 5. 14.*

(l) DEVM AVCTOREM. Quod illustrat *Aug. d. cap. 15. - 18.* ubi discernit probabilia, (quæ appellat:) hoc est, præcepta remotiora à necessariis.

(m) ECCLESIAM VOCAMVS. Maximè *representativam* universalem, quam videlicet DD. vel etiam delegati Ecclesiæ, in Concilio universalis, quæ haberi potest, *representant*. *Syntheticam*

etiam Ecclesiam vocant, internam & externam societatem fidelium, in unâ, etiam particulari, Ecclesiâ. Usurpat verò *auctoritatem* Ecclesiæ *universalis* in particulares, ratione objecti *realis*, in negotiis gravioribus de fide & moribus universarum; ratione *personalis* in homines, quorum dicta & facta ibi judicantur. Ipsa autem Ecclesia & *auctoritas* illius hâc ratione primariò & radicaliter se exserit per omnes omnino fideles, dum hi partim præscribunt, ut DD. & Episcopi: partim *ratihabent*, ut cæteri omnes. Sed an *Ecclesia* errore possit,

possit, ex eò facile definitur, quòd promissiones divinæ de conservandâ doctrinæ puritate in Ecclesiâ *conditionales* sint. Nimirum si in sermone Christi perseveraverit: *Joh. VIII. v. 31. c. X. v. 24. 27.* id quod maximè obtinet in Ecclesiâ quâlibet *particulari*; qualis etiam *Romana* est. Quòd enim plures talium defecerint, exempla satis loquuntur: quare, quòd *Matth. XVI. v. 18.* de portis inferorum non prævalituris habetur, accipiendum est de Ecclesiâ *universali*, & exhinc particulares quidem *divisim* deficere, sed conjunctim non possunt; etenim *Spiritum veritatis* Christus promissit primò Apostolis. *Joh. XIV. v. 16.* id quod ad Ecclesiâ *universalem* quoque secundariò pertinet, si normam Apostolicæ doctrinæ secuta fuerit: nam ita non recederet ab ore nostrò *Es. LIX. v. 21.* Interim de Ecclesiâ *universali* quoque tenendum est, quòd illa *errare* possit tanquam aggregatum omnium particularium; sed ita tamen, ut haud unquam possit amittere *fundamentum doctrinale & reale*, cui salus fidelium superstructa est. Denique locus *Joh. XVII. v. 17.* de Ecclesiâ *invisibili*, sive cœtu electorum, loquitur.

(n) FIDE MIRACULORVM. Nam hæc ad Ecclesiâ *constituendam* prædicuntur *Es. XXXV.* Succedaneis opus non est, quin potius circâ illa cavendum esse monetur *Matth. XXIV. v. 24.* Maximè quòd propria non sint miracula veris Doctoribus; sed & Pseudoprophetarum sint *Matth. VII. v. 2.* & Anti-Christi: *2 Thess. II. v. 9.* qualia per præstigias quoque & magiam confici possunt; quæ quidem mirabilia rectius quàm miracula dixeris.

(o) SVFFICERE POSSINT. Quoniam ratio naturalis res spirituales percipere nequit, ut Auctor in *novâ Editione* monet *cap. 26. n. 22.* Interim sicuti cum *Pontificiis*, qui ad externum Ecclesiæ testimonium provocant, faciendum non est; ita nec cum *Reformatis*, & sic Auctore h. l. ad internum Spiritûs Sancti testimonium simpliciter confugere oportet; quin potius utrumque & cum eò insita sacris ipsis criteria, quæ divinam circâ scriptum hoc providentiam arguunt, jungenda sunt: qualia apud *Nostrates* ibique tradita reperiuntur.

VIII. Quod *Hobbesius* * cum superciliò negat, id nos adserere, quatenus Christiani sumus, non est quod pudeat. Scilicet si dixerimus, largiri Deum verè credentibus *testimonium Spiritus sui*, quo de veritate eorum, quæ sacris literis ad salutem suam necessaria, continentur, prorsus sint certi ac adseverati. ** Qua de re plura dicenda erant, quibus hoc tempore collocandis supersedemus. Nisi quatenus contra *Hobbesium* mox nonnihîl subjungemus. Saltem id è sacris adfirmare non dubitamus, esse illam ejusmodi gratiam, quæ non tantum comitetur & adjuvet naturalem judicii vim, ut capita fidei recte apprehendat; quod tamen omninò etiam præstat; *Sed insuper quæ à rationali demonstratione (p)* ac apprehensione, nec non à rectæ conscientiæ gaudiò plane & perspicue diversa totòque genere distincta ac evidenter sine medio mentibus affusa sit. *** Videlicet præter motûs ordinarios, hodieque dantur sæpe motûs *extraordinarii*, à motibus *Enthusiastarum* discrepantes, quòd hi discedant à declaratione Spiritus in verbò scriptò, eique sæpe contrariantur, contra quam inspirationes piorum. Frustrà exceperis, quòd imaginarium esse queat hoc testimonium; si-
quidem

quidem ad tempus nec verè credentibus tale quid evenire dicitur. Cum enim consistat hoc testimonium in *πληροφορία*, id est certitudine animique persuasione penetrantissimâ, scrupulus de veritate fallaciave non cadit in illos. Præter quod minimè defunt rationes, quibus ludibria mentium, passionesque animi ferventioris motu spirituum animalium concitatae vel imposturæ geniorum à sanctis motibus discerni queant. Jam si certitudo scripturæ sacræ & norma credendorum divinitus præscripta in cordibus tam efficaci testimonio obsignetur, palàm est *fidem* nullo, quàm solius Dei judicio Imperioque esse subjectam, Idque non modò quod ad illam summam regulam attinet, *Iesus est Christus Dei*, ut Hobbes vult, sed respectu omnium, quæ in Scriptura traduntur: siquidem ea Deum habent Auctorem, qui omnem suam voluntatem à singulis fidelibus vult percipi & impleri; quòd hi certò nolunt, etsi non omnia singulaque pari certitudine perspiciant.

* c. 18. §. 6. & 14.

** Vid. *Epist. ad Rom. c. 8. v. 10. 16. 1. ad Corinth. 2. v. 4. 9. 12. 13. & 1. Johann. c. 5. v. 10.*

*** Calvin. l. 3. *Inst. c. 2. §. 14. Johannes testatur*, inquit, *fideles scire, se esse filios Dei, & sanè certo sciunt, sed divina veritatis persuasione confirmati magis, quàm rationali demonstratione edocti. Et mox: unde statuimus fidei notitiam certitudine magis quàm apprehensione constare.*

(p) SED INSUPER QUÆ A RATIONALI DEMONSTRATIONE. Videlicet *Reformati* nimium interno testimonio tribuunt, etiam quod *certitudinem salutis* attinet; de quò nos ita statuimus, quòd habere quis certitudinem possit de *prædestinatione* infallibilem in hac vitâ, ante finem vitæ, conditione quippe nunc in actu positâ, etiam *absolutam*. Discrimen verò *Pontificiorum* à nobis in eò est, quod illi *hypotheticam* quidem certitudinem habeant, ante finem vitæ, & in ipso fine *absolutam*: attamen solum *probabilem*: sed à Calvinianis, quòd hi ante finem vitæ *absolutam* esse asserunt, sed solum *probabilem* & *fallibilem*: & tamen illi nil nisi *hypotheticam* probant; siquidem textus *ad Rom. VIII. v. 29. de separatione* loquitur, quòd illam Deus *ex parte suâ* non facturum sit. Sicut etiam electionis pœnitentia Deum non capit *Rom. II. v. 29. Et certum est, illum nihil ad salutem nostram intermittere, Philipp. I. v. 6. 1. Cor. I. v. 8. Rom. VIII. v. 39. Interim penes*

nos situm est, an perseveraturi simus, & hæc est hypothesis ante finem vitæ. vid. *Matth. XXIV. v. 13. Apoc. II. v. 10. c. III. v. 11. v. 17. 26. c. III. v. 5. & 12. In fine autem vitæ* possumus, ex requisitis fidei, notitia & assensu, imprimis *fiduciâ*, meritum Christi apprehendente, *absolutam* habere *certitudinem beatitudinis*, & hinc in *Matth. XXIV. v. 24. electi dicuntur non posse seduci finaliter. Uti que Reformati, currente vitâ absolutam certitudinem ex internò testimonio suo non tantum idèd habere non possunt, quoniam fidei & virtutum futuri seculi gustus etiam reprobis tribuitur; Ebr. VI. v. 4. & seq. Verum etiam an persituri sint, certi esse nequeunt. De persuasionem enim omninò docere non licet, eam per se fallere posse; idque rectè hætenus cum Auctore: ne hoc ipsum quoque ad instantem vitæ finem quis applicet. De eo quid addere nunc non vacat, quid vires naturales circa divina possint: satis enim hoc ipsum à *Nostratis* adversus *Pelagianum* munitum est.*

IX. In universum igitur, quicquid ad internum jus conscientiae pertinet, seu naturale sive revelatum, cum immediatè subditum sit Deo, ipsius duntaxat jussio prohibitioque in illis spectari debet. Ideoque nulli Imperio civili vel Ecclesiastico quicquam juris est in illis vel prohibendis, vel augendis, vel mutandis.

CAPVT XXIII.

Quo usus sententiae electae explicatur.

ARGVMENTVM.

Qua ex naturalibus praecepta sint immutabilia honestate morali, quemque satis conscientiam docere. Ex Sacris propriè dictis, primo, confessionem fidei ad intrinsecum jus conscientiae pertinere, quaque ad cultum Dei praeerea spectant, jus quoque clavium, & Doctores statuendi. Circa illa tamen omnia verti jus civilis potestatis, modo qua divinitus praescripta non mutantur: specialiter quid faciendum, si de capitibus fidei non conveniat. Modum gubernandi Ecclesias videri externum; proinde Imperio subiectum, idem fortè de electione pastorum, sub cautionibus certis. Personas & res Ecclesiasticorum non eximi Imperio civitatis. Bona tamen Ecclesiarum alienari non posse ab Imperantibus. Quid Juris habeat Princeps, qui à civibus suis in rebus sacris dissentit.

I.

Pertinet igitur sine dubio ad jus illud internum *confessio fidei*, quæ ex sacris literis petenda est, & cujus ratio soli Deo debetur. Quam proinde Imperium civile nec imperare, nec prohibere potest, ut dictum.

II. Hinc cohæret facultas exercendi *cœtus* fidelium, eò numerò, qui ad excitandam religionem credentiumque communionem sit necessarius. Eòdem spectat judicium de fugiendo illorum consortio, qui fictam fidei adseverationem morum improbitate detegunt. Nam ratio unionis inter fideles & metus contagionis è peccatis ad internum jus conscientiae pertinet. Hinc sequitur, *jus clavium* (a) quod dicitur, esse merè Ecclesiasticum. Et à cœtu fidelium contrà cujuslibet homines conditionis, sibi aggregatos, rectè exerceri. Non quod juris aliquid coactivi habeant, sed quatenus se illis duntaxat, quos sciunt esse pollutos, subducunt. Quam ad rem necessum est, competere Ecclesiae aliquod

aliquod jus cognoscendi de moribus & pronunciandi indignos gratiâ cœlestium rerum. Idque etiam ratione *doctrinæ*; non quod eam alii imperare queant, sed denunciare possunt dissentientibus, se non posse cum illis habere cultum eundem, & signa communis gratiæ; Quamdiu ita sentire se profitentur, ut in summam doctrinæ salutaris impingere videantur. Denique *Doctores* sibi & *Rectores*, qui in omni cœtu sunt necessarii, præponere possunt Ecclesiæ.

(a) JVS CLAVIVM. Hoc *pastoribus* tribuitur *Job. XX. v. 23. Matth. XVIII. v. 18.* & hinc ad forum *interius* refertur; siquidem ad sententiæ dictionem & executionem spiritualem brachium seculare non requiritur. *1 Cor. V.* Interim quoad cognitionem & sententiam, circa innodationem publicè flagitiosorum, & enodationem illorum, pœnitentium, hoc est excommunicationem, & absolutionem à vinculo excommunicationis, requiritur unâ, quoad exercitium, consensus & sententia plurium, scil. totius Ecclesiæ *Matth. XVIII. v.*

15. 16. 17. 1 Cor. V. v. 8. 2 Cor. II. v. 6. 8. 10. Quantum autem ad vim executivam corporalem: ita nec *pastorum* est illa, nec præcisè Ecclesiæ: sed ad potestatem *civilem* pertinet. *Consistoria* verò representant in his, quæ consensum publicum desiderant, Ecclesiam, indeque *excommunicationes* etiam ratione exercitii ministerium suscipere non potest. Ex quibus constat, non rectè *Auctorem* jus *Clavium* in solidum ad *merè Ecclesiastica* referre; quamvis volvi dubius videatur in hoc articulo.

III. Atque hæc omnia, ignaris quoque ac invitis Imperantibus, fieri posse, consentaneum est; Sicut ab Apostolis primisque Christianis, ex mandato Domini, contrà voluntatem Imperatorum instituta sunt. Quamvis autem hæc Ecclesiæ ab imperantibus adimi & interdicti nequeant: inde tamen non sequitur, nullas in his rebus esse partes Summæ Potestatis, quæ est in quâque Republica. Nam in summa verum est, Principes habere jus exercendi quoslibet jurisdictionis imperiique actûs in suos cives eorumque actiones, omniaque dirimendi, quæ ad constituendum, augendumque Dei cultum pertinent; modò nihil inquam derogent iis, quæ a Deo determinata sunt. Ut per partes eamus, primo quod ad fidei confessionem attinet, si hæc imperantibus ad animum pertinet, jus habent eos, qui evidenter secus, quàm fert publicus Ecclesiæ consensus, docere instituunt, ultrò cohibendi atque coërcendi. Si de consensu Ecclesiæ dubitetur, partes utrimque ad silentium de controversiis adigendæ: divisiones interim molientibus pœnâ pro modo commissi statutâ, donec decisio (b) ab iis, qui numero in Ecclesia prævalent, interponatur. Siquidem in hoc mundo alius controversiarum exitus non datur. Juxta hunc consensum

potestas edicta condere & leges quibus concordia servetur, ipsique Ecclesiæ Doctores pareant, præscribere potest. Convictis aut consensu reliquorum superatis separatisque, tantum libertatis seorsim dabit, quantum expedire judicabit: quæ res ad conscientiam cæterorum, quibus integra causa est, spectare non videtur. Quod si inferiores publicæ quieti non sint adversi nec apertè blasphemi, poenis nec corporalibus nec pecuniariis mulctari posse videntur. Nec quidem ob coetûs modicos, sacrorum causâ duntaxat celebratos; nisi contra Schismaticos secus videatur, maximè si discrimen adeo modicum sit, ut contumaciæ, quàm religioni, res propior videatur.

(b) DECISIO. conferantur ea, quæ de exitu infelici *Synodorum* habet *Lentulus L. IV. Apicis* *Rom. Glor. c. 9.*

IV. Alioqui jus celebrandi sacrorum communionem & divini *cultus* civili potestati non esse obnoxium, antea diximus: quemadmodum nec est censura & animadversio morum atque doctrinæ, unde nec appellandi facultas ad summam potestatem harum rerum causâ datur. Quod tamen non impedit, quò minus huic advertere liceat, ne quid enormiter hac occasione committatur, neve sub prætextu religionis aut censuræ, factiones inimicitiaque exerceantur.

V. Siquidem consensu Christianorum, salvâ religione & fidei concordia, hæc res aliter atque aliter se habere potest. Nec in literis sacris quicquam per omnia certum & immutabile constitutum legitur. Quod autem in illis primitus obtinuisse liquet, hodie nusquam exactè servatur. Ratio igitur regiminis Ecclesiastici a potestate summa præscribi *posse videtur*, (c) modo nihil a Domino prohibitum instituitur.

(c) POSSE VIDETUR. Hic verò commodum de *ceremoniis* est in Ecclesiis disquirere. Videlicet illæ pars cultus divini non sunt; sicut in *Vet. Testamentò*: quæ quidem exhibitò Christo penitus cessarunt. Nempe cultus *electivus* à Deo rejicitur. *Matth. VII. v. 13. Coloss. II. §. ult.* & exhinc *ceremoniæ*, quibus nunc utimur, ex *Christianâ libertate* instituuntur, & retinentur. *vid. Galat. II. v. 3. sqq. c. IV. v. 10. 2^a II. c. V. v. 1. Coloss. II. v. 16. Ephes. II. v. 14. Ebr. IX. v. 13. c. X. v. 1.* maximè quòd scriptura Novi Testamenti solum *ordinem* in genere commendat. *1 Cor. XIV. v. 10. jun-*

ctò Cor. XI. v. 34. Sicut igitur ordo aliquis ab Ecclesiâ vel Ceremoniâ præscripta *conscientiam* secundariò obstringit; *Matth. XVIII. v. 17.* & imò *necessitatis* est, in statu confessionis: sicut in *Exorcismò* inter ritus baptismi in hoc consensum fuit, quoniam *Crypto-Calviniani* in terris *Saxonie* eundem non simpliciter, ut externum quid, sed quòd simul *virtutem baptismi* subverterent, tolli volebant, in Ecclesiâ retinendum esse: ita non approbantur *adiaphora* cujuslibet personæ, quippè quòd Ecclesia tantum talia ordinare possit. Non enim *pro adiaphoris* vendenda sunt, quæ ad ea non pertinent.

nent. Aliqua etiam eorum, licet mandatum non habeant in sacris, habebunt tamen *exemplum*, ut est privata confessio & absolutio, item ordinatio Ministrorum per manuum impositionem: & hinc firmitus ceteris retinentur. Porro ad dispositionem *Liturgiae Sacrae* pertinet ratio *Calendarii*, Fe-

storum scilicet & Dierum; quæ quidem potestas itidem summi est Imperii *Civilis*. Quocirca Pontifici nequaquam debetur. vid. *Fritsch. in Elect. Jur. Publ. c. XIII. p. 444.* Speidel in *Notabil. voce Calendar*, & quæ in modernis Comitibus hac de re tractata sunt.

VI. Præterea modus & tempus aliæque circumstantiæ exercendi illa jura, hoc est, edendi confessionem fidei, instituendi conventus atque censuram, adeoque tota ratio gubernandi coetus credentium, non est ita proprius Ecclesiæ, ut Summæ potestati hæc parte nihil juris aut inspectionis sit comparatum.

VII. Multo magis in consiliis & conciliis Præfulum Legatos Reipublicæ adesse, tam juris quam politices ratio permittit, & sæpenumero postulat. Proinde & in illis quæ ad jus externum spectant à Collegiis presbyterorum ad potestatem civilem appellari posse, manifestum est.

VIII. Facultas eligendi Doctores rectius quidem omnino coetui fidelium ipsi totum relinquitur. Non tamen videtur ad internum & inseparabile jus conscientiæ referendum; modò non admittantur, quam qui à peritis rerum sacrarum idonei ad docendum sint judicati; omnibusque potestas conquerendi refutandique libera detur. Quibus servatis, conscientiæ satis consuli, nec absurdum esse videtur jus eligendi ab Imperantibus exerceri. (d)

(d) EXERCERI. Equidem moderni *Batavi* plerique seducti ab Episcopis *Anglicanis* soli clericali Statui asserunt jus vocandi & removendi pastores. Ita in refutatione *Vedelii Revius* & *Triglandus*, ut & *Apollonius de Juribus Majestatis circa res Ecclesiasticas*; quasi Magistratus & plebs postquam Consistoria constituta sint, nihil juris in eo sibi reservaverit. Et tamen hi nihil aliud probant, nisi quòd *substantia Ministerii* ad Deum referenda sit. Ex quo tamen non sequitur, Statum secularem & Principem cumprimis, ab externis circumstantiis excludendum esse; iidem *Batavi* defendere nituntur à judiciò Ecclesiasticò ad summum Statum totius Magistratum provocari non debere. Equidem cum in Anno 1640. de Reformatione Ecclesiæ, in *Angliâ*, ageretur, aliquibus pro *Presbyterianismo*, ceteris pro *Independentismo* ni-

tentibus; tandem quidem *Episcoporum regimen* arrogatum est, & *Independentes* facti superiores, siquidem *presbyteriale* illud re ipsa Episcoporum potestatem in Ecclesiis sibi assererat; nomine tantum, & pompâ *Episcopali* sublati: ex quò deinceps *Presbyterianismus* ille collegia quoque Ecclesiastica in *Belgiò* eadem hæresi, quam nunc diximus, infecit, add. *Horn. Period. III. Histor. Eccles. §. 49.* Rem ipsam quod concernit, *vocatio* si passivè respiciatur est *totius Ecclesiæ* 1 *Petr. II. v. 9.* *Apoc. I. v. 6.* generalis videlicet; *personalis* verò est certarum personarum, ad docendum & Sacramenta administrandam: atque *ministerii* est unius, seu ad *Statum Ecclesiæ* respicit. Activè ratione obiecti, est vel *indeterminata* vel ad certum auditorium restricta. Ratione *formæ* vel *immediata*, quò refertur etiam exemplum *Act. I. v. 26.* quod ex

forte cum obtestatione Dei peculiari contigit; vel mediata, quæ tamen & ipsa divina est. Hæc verò adscribitur meritò toti Ecclesiæ, & sic tribus statibus ex quibus illa conficitur; maximè quod omnium tangat animos, ut idoneum Doctorem habeant. Illud volunt textus Sacri 1 Cor. XVI. v. 3. 1 Tim. III. v. 7. Act. VI. v. 3, c. XIV. v. 23. c. XV. v. 2. & quod tota Ecclesiæ claves regni cælorum habeat, unde & praxis Ecclesiæ primitivæ in constituendis Ecclesiæ ministris istâ ratione incessit, vid. Reinking Lib. 3. de Regim. Secul. & Ecclesiast. Class. I. c. VI. & Carpz. Lib. I. consist. tit. 3. defin. 27. Licet autem Pontificii simpliciter illam constitutionem Pontifici & Clero tribuant; tamen nos vocationem Lutheri etiam istò modò legitimam fuisse asserimus; cum presbyter fuerit, ordinatus ab Episcopò suo, Marchione Brandenburgico Anno 1507, ætat. 24. & ad Professionem Theologicam Wittenbergensem à generali Augustinianorum, Staupiso, Electoris Saxon. adnuto & confirmatione Anno 1504. dehinc etiam Anno 1512, in Doctorem promotus, & ubique ad doctrinam salvificam profitemdam religionis jurisjurandi adstrictus fuerit. In ministris Ecclesiis & imò ante reformationem, actus illi, quibus Ministri constituuntur, varii sunt. Sic enim presentatio perficitur ab eo, qui jus Patronatus habet, vocatio quandoque ab ipso eodem, quandoque ab alio, & vel ipso cœtu, cui Minister præ-

ficiendus est. Scrutinium fuscipitur ab Episcopò, vel quem in hoc Consistorium deputat. Ordinatio non est solius Episcopi, ut Pontificii volunt, verum presbyterii seu aliorum, qui ad ministerium ordinati sunt, indeque Pontificii ordinationem ad jurisdictionem quandam seu potestatem, & sic ad jus Episcopale, perperam referunt. Non enim ordinatio pertinet ad vocationis essentiam, sed ad capacitatem vocandi declarandam, licet exemplo in sacris prodito conslet, atque sic necessitatis quid habeat. Act. XIII. v. 2. 1 Tim. IV. v. 14. Maresius quidem etiam per Laicos illam fieri posse censet, cui & manuum illa impositio solum votiva, sed non ordinis collativa habetur. Interim ille nimium abscedit, nec simpliciter ad votum ordinatio referenda est, quemadmodum nec potestas Ministerii per illam confertur: interim locò declarationis est, quam Ecclesiæ primitiva per ministerium fieri voluit. Denique confirmatio per principem accedit: & ad hæc, quæ potestatis Episcopalis habentur, pertinet; quò etiam referendum est, quòd licet Pastorem aliquem primarium non minus vocet tota Ecclesiæ; tamen Ephoriam seu Superintendentiam illi Pastori jam constituto solus committat Princeps, ut hætenus Episcopi cujusdam locum sustineat. De exaucloratione ministrorum Ecclesiæ conf. Carpz. Lib. III. Jurispr. Ecclesiast. tit. 10. defin. 109.

IX. Personas & bona Ecclesiasticorum Imperio Civili nullo jure subduci extra controversiam collocamus; ut & publicis præstationibus ac pœnis propter commissâ Legum sine dubiò sint subjecti. Etiam ut ob malos mores, causâ cognitâ, non tantum stipendio, quod è publico capiunt, sed & munere docendi certò locò (e) privari possunt.

(e) CERTO LOCO. Et tamen non apparet, cur non ubique depositio hæc locum invenire debeat? De cœtero exemptionum una respicit forum, altera munera civilia seu immunitatem in specie dictam. De utrâque Arniseus in tract. de exemptione Clericorum adeundus est. Equidem Clerus communiter Auditores quoslibet notat 1 Petr. V. v. 2. seq. Pontificii autem id nominis personis Ecclesiasticis, quasi in sorte Domini peculiariter constitutis, vindicarunt. Sunt autem Clerici, quoad personas & res suas Principibus seu Magistratui secu-

lari subjecti, vid. Rom. XIII. v. 1. & 5. etiam infideli dict. loc. & malo. 1 Petr. V. v. 12. c. II. v. 17. & 13. 1 Reg. II. v. 26. Matth. XVII. v. 27. Act. XXVI. v. 32. Et insipidus planè Papa in cap. sollicitud. de Major. & obed. Utique exemptio Juris divini nequaquam, sed humani est. Et quamvis Principes exercitio potestatis suæ exuere se potuerint; habitu tamen haud unquam id potuere, cum primis quòd etiam damna plurima exemptionem Cleri insequantur; ceu ostendit Arniseus dict. Tract. c. II. p. 18. conf. etiam Lentulum L. IV. Apicis Rom. Glor. c. 6.

X. Bona

X. Bona tamen Ecclesiæ in usus Reipubl. convertere non possunt; nihil magis, quàm res cujusque privati: quia Ecclesiam esse cœtum à civitate distinctum, secus ac vult Hobbesius, nobis indubitatum est, & ex dictis jam liquet. Quatenus tamen Respublica & Ecclesia aliter servari nequit, aut ob causas valdè pias, *alienari possunt*; (f) quoniam ad tales usus vel maximè comparata esse videntur. Bona autem corruptæ Ecclesiæ, modò Christianæ, dicata, licet additò fine superstitiosò, fuisse & manere Ecclesiastica, etsi professio religionis emendata fuerit, dicendum putamus.

(f) ALIENARI POSSUNT. Solet tamen apud *Nostrates* super hâc re cognosci per *Consistoria*, quippe quæ funguntur illis omnibus, quæ ad Principis potestatem *externam* attinet, ut & *internis* illis, in quibus Principem Christianum versari oportet. Illud certum est, quod *bona Ecclesiastica* ex *Papatu* ad Protestantes allata, in usus privatos regulariter converti non potuerint: non obstante *L. 5. C. de Paganis*, ex quâ diversum non

sequitur. vid. Perez. *ibid.* Licet ex his, quibus abundare videri poterat Ecclesia, Reipublicæ omnino succurri potuerit, cum nec subsistere Ecclesia, nisi salvâ Republicâ, possit. vid. tract. nonnullos de *Secularisatione bonorum* apud *Hortled.* & quæ strictim monet *Buschius* in tract. de *natura & jure bonorum Ecclesiasticorum*, nec non *Hornbeckius* adv. *Bullam Innoc. IX.* adv. *Instr. P. Westphal.* & *Diff. Mauriti d. Secularisatione Bonor. Eccles.*

XI. Ex his & quæ similia sunt potest colligi, quoniam sensu principes *capita Ecclesiarum* (g) dici queant. Solum jus externum huic titulo, si bonus est, facultatem tribuat oportet. Cæterum esse liberum summis potestatibus *disfidere à cultu recepto* (h) non minùs quàm privatis, res ipsa loquitur. Nec ideò cives principi obsequium negare possunt, quod de sacris aliter, quàm prævalens populi sui multitudo, sentiat. Quin imò jus habere Summas Potestates suis sÿmmystis publicum cultus exercitium permittendi in universum quidem indubitatum videtur. Quia etiam jus prohibendi aliter sentientibus habet, ne publicos solemnesque conventus habeant, ne majoris corporis unionem stabili regimine forment. Sed ne omninò convenient, ne Doctores ullos habeant, ne libros legant, *ne Deum suo more colant*, (i) id abscondere prohiberi nequit. Quia hæ res sine mediò pertinent ad necessariam conscientie administrationem, quæ non est subjecta Imperio. Multò minùs externis poenis ob hæc novissima sævire licet; quia sanctio quæ pars legis est, non potest habere locum, *ubi lex ipsa cessat.* (k) Sed interdicare civitate heterodoxos, salvis vitâ atque fortunis, si expedire judicet, eum posse existimaverim. Quoniam

niam hoc præmunimenti adversus propagationem potiùs, quam supplicii, rationem habere potest. Etiam ut effectus aliqui juris publici illis præcludantur; velut ne munera publica singuli, ne cœtus eorum è testamentis capiant, similiaque decernere nil vetat.

(g) CAPITA ECCLESIARVM. Licet Ecclesiæ addicti non sint, vid. *Esr. c. II. v. 1. & c. VII. v. 23. Nebem. c. XI. §. 15. & c. XIII. v. 7.* ut tamen rectiùs dicatur, Imperatorem caput in Ecclesiâ, quam caput Ecclesiæ esse.

(h) DISSIDERE A CVLTV RECEPTO. Quod pertinet quæstio: num *plures unâ religione* in Republica tolerari possint? Hoc verò *asserendum* est (1) exemplo *Davidis & Salomonis*, qui subactos populos à fide suâ alienos, reliquere sacris suis; imò (2) Deus ipse in Orbe nunc diversas religiones Gentium tolerat, (3) in forò Politicò indecisum habetur, quænam religio vera sit; & sicut Reipublicæ admissio religionis diversæ sæpius expedit; aliter quàm si suppressio ejus tentari velit; ita religio non est ex eorum genere, quæ cogi possunt, eum & Deus populum spontaneum requirat *Psal. CX. v. 3.* Nec obstat, quod *heretici* vitandi sint *Tit. III. v. 10.* Nempe singuli & seductores; non Universitas & heterodoxi. Quamvis etiam nulla sit lucis & tenebrarum communio, *2 Cor. VI. v. 14. seqq.* Non tamen hoc ad conversationem trahendum est. vid. omnino *Rom. XIII. v. 5. 7. 1 Tim. II. v. 2. 16.* Utique Magistratus hōc ipsō contra conscientiam non peccat, quasi plures religiones veras esse posse confiteatur. Jam antè enim dictum est, in forò Politicò de hōc ipsō non constare; ceu nec ea semper obtineri possunt, quæ optanda sunt. Sic & inter tolerantiam diversarum religionum in *thesi* & in *hypothesi* discernendum est, cum non qualibet religio stare potest cum salute Reipublicæ, & quamvis eò *Pontificia* non minus referri queat, tamen etiam prospectum est in Imperio Rom. Germ. malis illis, quæ ex hypothesebus ejus in Republica metui poterant. conf. de beneficio *emigrationis* *Blumium Tit. XVIII. Proceff. Cameralis §. 41. seq.* ubi *art. V. Instr. Pac. §. 33. seqq.* explicat, junctò *Tabore de Metatis, pag. 143.*

(i) NE DEVM SVO MORE COLANT. Nec enim ea, quæ religionem concernunt, cogi possunt,

aut prohiberi; quoniam *conscientia* Imperium solidius Dei est; sicut hostis spiritualis, arma quoque *spiritualia*, & non mundana exigit; *2 Cor. X. v. 4.* Deus autem cultum spontaneum. *Psal. CX. v. 3.* Interim aliud est, cogere; aliud *reformare* religionem; Posterius admittunt exempla *Hiskie & aliorum*, qui idola detraxerunt. Sed & distinguendum est inter *invitationem* & *coactionem*; prioris alii modi sunt humani alii divini Juris, ad hos media tum *directa*, ut verba & Sacramenta, tum *indirecta*, ut crux, calamitates pertinent. Utrosque videtur indicare locus *Lucæ XIV. v. 23.* Denique *seditiones* non tam ob religionem quàm ob *crimen* capitale puniri possunt; quale quid per Judicium quoque *Westphalicum* Carolus M. exercuit. Locus vero *Matth. XXII. v. 7.* alienus est, quia non de contemptoribus religionis, sed de *homicidis* agit.

(k) UBI LEX IPSA CESSAT; Et verum est, *hereticos* pœnis externis & vel ipsâ morte ut *Pontificis* placet, affici non posse; idque ex *Matth. XIII. v. 30.* ubi de *Zizaniis*; quorum evulsio absque periculo boni tritici fieri nequit; *v. 29.* quare & spes superest, abscedentes illos ad meliorem frugem redigi posse. Pugnat etiam hoc cum *praxi Apostolicâ Tit. III. v. 10.* ut & *vetustioris Ecclesiæ*, quæ ad summum *exilio* usa est. Sicut autem resolutio hujus quæstionis ex priori illâ, de non cogendô religionem, pendet. Non facit pro *contrariâ* sententiâ, *Dent. XIII. v. 5. seq.* nam animadversio quidem in *hereticos* fieri potest, diversô modô, & imò etiam *capitaliter*, quando ad Rempublicam turbendam quid movent. Cæterum *textus* ille forensis est, & ad *Politiam Judaicam* æque ac facta *Jehu, Josie, Elie & Nebucadnezaris*, pertinet; quanquam hic blasphemiam magis puniverit. Ulterius in *Act. V. v. 5.* Deus ipse coërcuit, non *heresin*, sed *criminalia*: saltem ad *homines* ea trahi non possunt, indeque *Apostoli* *executores* tantum nudi fuere pœnæ divinitus constitutæ; *jung. Auctor §. 12. in fin. hic.*

XIII. Ex his judicare licet, utrum Ecclesiæ Præsulibus competat legislatio, competat jurisdictio, circa sacra, an summæ Potestati illud potius tribuendum. Posterius affirmatur, quatenus nihil, (hoc toties repetendum) in his quæ à Deo præfinita sunt, mutatur. De rebus ad sacra intrinsecè pertinentibus nemo mortalis habet jus ferendi leges: quia in hisce jus ligandi *conscientias* Deus sibi soli reservat; denunciatione, quæ ministerii est, commissâ duntaxat verbi ministris. Tamen etiam περί τῶν ἑξω, de rebus quæ aliter habere se possunt, & circa ordinem rerum sacrarum utiles sunt, Ecclesiastici rectè canones faciunt, quorum ea vis est, quam præstare queant cœtus, qui ἀναγκαστικῇ facultate carent, ita ut propriè vim obligandi a Potestate civili accipere debeant, à qua etiam abrogari possunt. Quemadmodum & Ecclesiis usurpata, quæ ad similitudinem Jurisdictionis aut Legislationis accedunt, habere speciali aut generali delegatione summæ Potestatis, sic ut ex principiô hujus doctrinæ semel stabilitô colligi potest.

XIV. Cæterùm hæc nos de eo, quod jure, non quid usquequaque in hypothesi justè fieri possit, aut quid summæ potestates facere vel sentire debeant, intelligimus. Atque in unversum, agimus de eo, non quod jure fundamentalis in unaquaque civitate de religione queat esse constitutum. Etiam de potestate verè summa, non de Principe, qui Imperium habeat imminutum, loquimur. Denique non de seditionis, nec schismaticis, (l) neque blasphemis, nec improbioribus hæreticis, (m) in quos gravius omninò animadvertendum.

(l) NEC SCHISMATICIS. Et schismaticos quidem Auctor dict. §. 14. accensuit his, in quos animadvertendum sit; quos tamen in nova edit. omisit. Lutherò autem malè imputatur schisma, quod Protestantes à Pontificiis sejunxit. Nec enim ille communionem deseruit sive internam sive externam; sed Leo X. utramque potius per illegitimam excommunicationem Lutheri (vid. Bull. de Anno 1520. 16. Junii in Bullario Romano Cherubini Tom. I. fol. 614. seqq. juncto Strauchiô in Exotericis) rupit, pendente scil. appellatione, ad concilium universale interpositâ. Videlicet internam fidei & charitatis communionem servavit Lutherus cum Ecclesia univèrsali, ipsâque Romanâ; quantum ex Scripturis (ut Augustana confessio habet) id est, Conci-

liis, Patribus Orientalibus, Ecclesiis Æthiopicis, Græcis, & Testibus veritatis, in Ecclesiâ ab antiquò receptis, nota est; ceu nec per rituum diversitatem communio illa censeri potuit: neque enim ab unitate charitatis secessit. Equidem quod ipsam unitatem fidei attinet, contradictio nuda schisma non facit: aliàs enim plura haberent Schismata ipsi Papæ; nequidem si contradictio matri fiat: Osee II. v. 2. Quid enim aliàs de Apostolis & de ipsis Pontificibus dicendum foret, qui Orientalibus Ecclesiis se opposuerunt: & falsum est, quodd Orientalibus & Occidentales Ecclesiæ inter se conveniant; Nam & Leo Allatius in Tract. suo, de perpetuâ Orientalium & Occidentalium consensione, & alii dudum hóc nomine refutati sunt; cum hodiernum

Hh

Orien-

Orientales rejiciant *Primum Rom. Pontificis, Transubstantiationem, & Purgatorium*, ipsamque Ecclesiam Romanam quotannis, tanquam *apocriticam* anathemate feriant: quin & *communione* sub utraque & *conjugium Clericorum* servant, *Liturgiam* quoque in *vernacula* obeunt. Non etiam contradixit Lutherus Ecclesiae Romanae, quae pura erat; imò non tam Ecclesiae, quam Curiae Romanae. Potius Episcopi Papae Lutherum & adherentes deseruerunt. Hi verò ministerium novum non instituerunt, sed *abusus* potius reformarunt.

(m) HÆRETICIS. De his, qui verè hæretici dici possint, ad Tit. C. de hæreticis. dictum

est, & simul ibi admonitum, ea quæ in *jure Canon.* circa eos disposita sunt, ad *protestantes* applicari non posse; saltem, quoad effectus Civiles, illud *Pace religiosâ & Instr. Pacis* sancitum esse. Interea, quod Lutherani quolibet sensu hæretici male habeantur, ostendit Ludov. de monte sperato. sub quo Conringius latere putatur in *Dissert. ad Instrum. Pac.* Reformatos autem Nostrates pro hæreticis habent, ut ex his constat, quæ ad Collegium *Rintkelense*, in quò super fundamentali dissensu Nostratum ab illis disputatum est, à Wittenbergensibus & aliis animadversa sunt. vid. Kromayer in *Scrutin. Relig. disp. V. in append.*

CAPVT XXIV.

Quo refelluntur diversæ opiniones.

ARGUMENTVM.

Ex eo quod antea dictum sub Imperio civitatis comprehendi omnia, quæ divinitus non sunt determinata, evincitur, Pontifici Romano in externis nihil esse juris neque Presbyteriis. Rursus ex eo, quod dictum, omnia quæ ad conscientiam intrinsecè spectant, eximi imperio, refelluntur Erastiani & Hobbesiani, quorum hi ipsa fidei dogmata, omnemque religionem Imperantibus subjiciunt. Rationes Hobbesi tres refelluntur, & methodo ipsius eringitur.

I.

EX fundamento distinctionis inter externum internumque regimen Ecclesiae, quam ut caput superioris doctrinae posuimus, patet, quid de reliquis a mediò recedentibus sententiis existimandum sit. Si enim circa Ecclesiam non pauca vertantur, quæ Imperio civitatis subduci nequeant, quemadmodum probavimus: perperam potestas earum rerum alii extrà civitatem constituto adscribitur.

II. Quare Pontifex Romanus, si maximè esset Vicarius regni, quod Christus habet in terris; quod nimium procul abest a vero: tamen nihil haberet juris, nisi in his, quæ Deus suo solius judicio addixit. At jus Imperii nullò modò neque directè neque per consequentiam, concessò licèt illo Vicariatu, adficere posset; adeoque in omnibus iis, quæ præcedenti capite enumeravimus, Imperio cujusque Reipublicæ obnoxius esset; (a) nedum ut cives vinculo subjectionis, (b) quod immani

teme-

temeritate audet, nullo rationis prætextu exsolvere posset. Sed hujus rei argumentum constat immensa disputatione, qua dudum alii plenissime sunt defuncti. Nobis sufficit, quod *suprà* ostendimus, universalem Ecclesiam visibilem totius terræ nullam unquam fuisse nec esse; proinde nec ejus Præfectum in mundo dari posse.

(a) OBNOXIUS ESSET. Satis enim constat, Christum solum & caput & sponsum & fundamentum Ecclesiæ esse, nec ferendam distinctionem Pontificiorum inter caput principale & ministeriale, (quippe quod de hoc non quærat, nec vitam spirituales communicare id possit membris, quod ipsum mortale est;) ut nec distinctionem alteram inter fundamentum *primæum* & *secundarium*. Nam si hoc superstruitur alii, quomodo ipsum fundamenti locum habebit? Non enim pertinent ad Pontificem Romanum, quæ de Petro in Sacris habentur, quem & Romæ unquam fuisse dubium est; imò & Petrum Matth. XVI. v. 18. Christus fundamentum Ecclesiæ non constituit, sed *petram* & confessionem Christi: *pascere* verò alios quoque iussit Apostolos, iisque omnibus *potestatem Clavium* concessit, & tamen à potestate Clavium, ne quidem ad *externum* & mundanum regimen, quod ipsi Pontificii Primatui Pontificis superstruunt, argui potest. Pertinet huc opus præclarum *Salmasii de Primatu Papæ*, & quæ in sum-

mâ *Calixtus* in Tr. de *principis Religionis Christianæ controversiis* tradidit, quâ ratione Monarchia Ecclesiæ, quo ad ministerium scilicet ejus, non congruat. *Primatum* quidem ordinis in *Episcopis Romanis* agnovere quædam *Concilia* ob sedem scilicet Imperatoriam, & morem hætenus observatum; sed non etiam quoad ordinem potestatis.

(b) VINCULO SUBJECTIONIS. Utique Pontifex *excommunicationem*, quâ utitur in Reges, ad eum quoque effectum extendit, vid. Gramond. Lib. XV. p. 654. Sicut autem Papæ solius non est excommunicatio, sed totius Ecclesiæ; quemadmodum ex professio contra *Bellarminum Wilhelmus Barclajus* evicit, eumque denuò vindicavit filius *Johannes* in Tract. *Pietas in patrem*, quæ scripta *Goldastus* in *Monarchiam suam* retulit: ita ad *Desselium* ostensum est: Excommunicationis effectum ad secularia, & cūprimis, ut subditi vinculo subjectionis, quò Regi excommunicato tenentur, eximi possint, non respicere,

III. Propius a verò abest altera sententia de *Presbyteriis*, quorum & saluberrimus & necessarius est usus; modò non nimium ad ipsa quoque jura Imperii potestas eorum, obtentu regendi conscientias, extendatur; Cujus rei specimen in Belgica Leicesterano tempore, neque minùs postea luculentum habuimus, in *magnâ Britannia*. (c) Certum est, nihilo plus juris habere presbyteria, quàm ipse habet cœtus credentium, a quò suum, ad ea curanda, quæ a multitudine commode administrari nequeunt, adipisci debet. Proinde cuncta, quæ Summæ Potestati circa ipsam Ecclesiam competere diximus, eadem sine dubio adversus *Presbyteria* institui possunt. Imò stabilis & legitimus ordo, habendi consistoria, exercendi audientiam & disciplinam, lege certi collegii, Pastores & Presbyteros eligendi, omnemque Ecclesiam gubernandi, sinè venia & auctoritate summæ potestatis, constitui at-

Hh 2

que

que teneri non potest; multò minus dioecesium Provinciarumque conventus generales. Quia talis ordo non potest dici nominatim a Deo imperatus & Ecclesiæ præscriptus; unde manet sub iis, quæ a dispositione summæ potestatis pendent, modumque ab ejus arbitrio accipiunt. Ad hujus igitur sententiæ excessum referemus eos, qui negant, Imperantibus quicquam rei esse cum Ecclesia, qui vim putant sibi fieri, cum legati politici conventibus eorum interfunt, quando Summæ Potestates decreta Synodalia negant esse Leges, nisi a se confirmentur, qui gloriæ sibi reputant, quod imperia Potestatum, de non concionando certis locis & temporibus, audeat contemnere, qui se ingerunt in consilia Principum, bellicque & pacis negotia suæ quoque censuræ esse arbitrantur, & id genus alia multa, nimis usu atque opinionum conflictu nota.

(c) IN MAGNA BRITANNIA. Videlicet post fata *Wilhelmi Auriaci*, conciliatis Hispaniæ Regi, & ad deditionem coactis plurimis Belgii urbibus, totaque Flandriâ & Brabantia retractâ, Ordines reliqui, frustra subsidio Gallorum implorato, Robertum Dudlejum *Leicestriæ* Comitem à Regina Angliæ, cum aliquibus subsidiis Anno 1585. impetraverant, qui *Ulsingâ* atque *Brûla* in potestatem redactis, cum provinciam majoribus præfidiis vellet communitam, Ordinibus ejus consilia non probantibus, paulò post desertò Belgiò in Angliam rediit: ex quò *Mauritio* Wilhelmi filio, ex Annâ filiâ Electoris Saxoniz, cum annum is vigesimum ætatis ageret, cum titulo *Præfetti Generalis* demandata est, Angliæ Regina consentiente, Provinciarum gubernatio. Hòc itaque tempore *Presbyteriani* ad se pertrahere jus sacrorum annisi sunt: Deinceps in Angliâ Sectæ cuidam simili obistere cœperunt *Independentes & Puritani* (id est, rigidiores Calvinistæ:) qui peculiarem excudere jurisdictio-

nem, cujus vi cœtus, etiam minimus, qui ad sacra sua in unâ etiam æde coit, ab harmoniâ doctrinæ & morum cum aliis cœtibus, utut ejusdem civitatis, liber habeatur. Ab hisce duabus sectis tertia quædam distincta fuit, *Politicorum* scilicet. Sicuti enim *conformitas rituum* juris divini est. 1. Cor. XII. v. 24. seq. ita quantum ad *Jurisdictionem* attinet, meritò ista toti illi Civitati vel Ecclesiæ tribuitur; juxtâ distinctionem superius adductam. Adde quoad Historiam Sectarum ejusmodi *Georg Horn. period. 3. Histor. Eccles. lib. III. art. 3. & Horubek in Summâ Controversi. Planè Robert. Scharroch c. IV. de Offic. secundum Jus natura n. 7. pag. 276.* nil hâc in re Jurisdictionis seil. Ecclesiasticæ ex principio necessario statui posse, tradit, indeque ad *conventiones* seu pactiones in quolibet locò deveniendum esse; saltim de aliquò non fiat pactio, quod *Juri divino* repugnet. Et tamen ex necessariis principiis *Jus sacrorum* citrà pactiones consistere superius evictum est.

IV. Sequuntur duæ posteriores sententiæ, quarum prior eorum, quos *Erastianos* (d) dicunt esse, videtur, qui Ecclesiæ nihil juris, quam docendi mutuumque monendi officium, sine ullo vigore disciplinæ aut animadversione concedunt. In quâ sententiâ quid desideretur, ex his quæ superius dicta sunt, intelligi potest. Jus enim præcludendi à communione fidelium eos, qui de fide malè opinantur, doctrinæque profes-

professionem moribus prostituunt, credentium coetui non posse negari, nec consequenter ejusmodi causas cognoscendi, existimamus. Nihil equidem *coactionis* esse penes Ecclesiam ultrò concedimus; sed audientiae, notionis & pronuntiandi jus, sine confusione, salvâque Ecclesiae integritate suâ, non potest negari; quin dolendum, quod hæc res, etiam ubi in usu est, pene redacta sit ad imitamentum *civilis censuræ*, (e) quâ homines intrâ terminos vulgaris modestiæ tolerabili modò contineantur.

(d) ERASTIANOS. Primus sectæ hujus conditor in Palatinatu fuit *Thomas Erastus* Medicus, ut ex *Historiâ Ecclesiasticâ Heidingii* constat. Orta fuit illa Anno 1565. *Heidelbergæ* occasione controversiæ de excommunicatione, quoddam *Erastus* doceret, non esse necessariam excommunicationem majorem in Ecclesiâ; & commentum purè humanum, Scripturæ utriusque Testamenti inauditum, & meram Cleri tyrannidem: quin nec eum, qui in vitâ & moribus scandalum præberet, excommunicari posse, sed solum illum, qui in fide & quidem fundamentaliter erraret. Præcipuum v. *Erastianorum* Dogmâ fuerat, quoddam à potestate Sacrorum, omnes, etiam ipsum Ministerium, excluderent, eamque soli tribuerent *Magistratui Politico*; sicut postmodum *Erastianos* secuti, *Colemannò* quodam Duce, *Colemanniani* in Angliâ, Regi uni, cum omnium aliorum exclusione, potestatem illam tribuentes. Enimverò in ipsâ Reformatorum Ecclesiâ *Erastum* refutarunt *Theod. Beza*, editò adv. ipsum Libro *de verâ excommunicatione*, & *Christianò Presbyteriò*: cumque doctrinam *Erastianam* Libellò *d. Idololatriâ & superstitione*, in Belgio, *Lambertus Velthuyssius* novis pigmentis incrustare niteretur; *Johannes Broun*, Scoto-Britannus, editis prolixis Anno 1670. *Amstelod. Vindictis* eum repressit. Sunt etiam, qui in nostrâ *Evangelicorum* Ecclesiâ, Principem non esse subjectum excommunicationi minori, quæ in suspensione à Sacramento consistit, disputarunt, quos inter fuerat *G. G. Titius*: quem refellit *D.*

Jo. Fechtius, in *Tract. d. Excommunicatione Ecclesiasticâ ejusque indole & aequitate*. p. 47. atque 59. ubi, non esse excommunicationem actum imperii Civiliis, neque externâ & Politicâ vi, sed verbò exerceri; idque ex civili potestatis concessione & tuitione: neque enim cogi impoenitentem ad pietatem, sed ad revertendum flecti ac commoveri. Adde eund. *Fechtium* in *Diff. citato Tr. annexâ d. Clave ligante & solvente*. Et perdurat etiamnum utraque Excommunicatio in Nostratæ Ecclesiâ: nec quoad majorem aliena est à Lenitate Christianismi Traditio Satanae, 1. *Cor. V. 5. 1. ad Timoth. I. 20. v. d. Excomm.* laud. *Fechtium* pag. 7. seqq. ubi d. sententiâ *Espencai*, *Dannbauri*, & alior.

(e) CIVILIS CENSURÆ. Ad illa hic redeundum est, quæ hæc de re ad *Vesselim Tit. de sententiâ excommunicationis*: dicta sunt, cumprius quoddam videatur Auctor nimis infringere fines excommunicationis, quippe quales sunt, ut non possit excommunicatio carere in Ecclesiâ, (cumprius ubi Princeps Christianus est,) externò Imperiò. Quodcirca superius quoque evictum est, quâ ratione *Clavium potestas* non tantum soli Ministerio non competat, verum toti Ecclesiæ, quod plenissime firmat *Dannbauerus P. II. Theol. Consc. p. 1138. seqq.* Verum quoddam peculiare quid circa excommunicationem illam, summa seu secularis potestas, quâ talis, (& Christiana quidem) est, obeat.

V. Sequitur quinta *Hobbesii* sententia, qui omnem sacrorum & religionis causam Imperio subjicit; quanquam hæc cæteris facilius improbatur, est tamen operæ pretium audire aliquas hominis subtilissi-

mi rationes. Has ego potissimum tres reperio, quarum primam ipsius verbis collocamus ex *cap. 19. de Cive §. 18. Tantum juris cives in Imperantes transtulerunt, quantum potuerunt. Atqui potuerunt transferre jus decernendi modum, quò Deus honorandus sit. Ergo & transtulerunt.* Sed propositionem hujus argumenti sæpiùs refutavimus. Nec minùs assumptionem esse falsam, ex iis quæ dicta sunt, apparet. Siquidem modus Dei honorandi in sacris literis à Deo præscriptus est. Quarum fides non auctoritate, sed *dictamine* evidenti *spiritûs sancti*, in animis fidelium obsignatur. Idcirco etiam *Hobbes* animadvertit hoc fundamentò, de *immediatâ* operatione spiritûs Dei in cordibus regenitis, opus esse quò destruat, atque in *humanam* auctoritatem cuncta resolvenda; ne amplius nefas videatur, causam immortalis Dei subicere mortalibus.

VI. His igitur verbis in rationem alteram se effundit, quam passim pluribus inculcat. *Sanctitatem & fidem non supernaturaliter hominibus inspirari, sed studio & ratione naturali duntaxat acquiri cap. 12. §. 6. Quod, opinor, post ea, quæ protulimus supra cap. 26. nihil opus erit, ut amplius probetur in contrarium.* Cautio est, ne quis putet, hæc malè à nobis imputari *Hobbessio*; quoniam in *locis citatis* agat de *regno naturæ*. Verùm si cui hoc incidat, is ad sequentia respiciat, ubi idem *Hobbes* iudicium de supernaturalibus, & verbo *revelato*, fidemque & sanctitatem, *naturæ viribus* tribuit, ac à *ratione* pendere docet. Item quod *cap. 16. §. 16.* jus admittendi libros sacros pro verbò Dei, jus interpretandi scripturas ab auctoritate Regum in Veteri Testamento, pependisse, contendit, idemque de his qui Christianis imperant; modò sint Christiani, tradit in *Cap. 17. §. 17. & 28.* Ex quibus palàm est, eum nihil hâc parte diversi ponere inter statum Naturæ & revelationis, sed duntaxat quod vult, hoc eum probare per partes. Quinimò contrariam opinionem inter fundamenta seditionum periculosissima refert, Auctoresque illius, svari convicio *Apostatarum rationis* increpat. Hinc colligit, in causa fidei, ut in aliis omnibus institutis, quæ sunt ἐφ' ἡμῶν, si quid certi ab universâ civitate servandum, hoc a summo Imperio esse præscribendum.

VII. Ad hoc, nostra sic est ratio: Non esse admodum in homine *Christiani nominis* insolentem hanc animi sententiam, neque raram,

licet indignam, concedimus. Nec est quod miremur ita colligentem, *si fides & sanctitas supernaturaliter hominibus infundatur*, nihil esse causæ, *cur non sit propheta quisquis verè Christianus est*. Mirari potius liceat, quamobrem *Hobbesius* caput summum doctrinæ sacræ, *quod Jesus sit Christus Dei*, ab Imperio civili exceptum voluerit. Nam si fides naturali studio duntaxat acquiritur, hoc ipsum, in quo summa fidei consistit, ex eadem causa proficisci oportet. Quicquid autem a cujusque ratione, & arbitrio pendet, hoc in Potestatem civitatis vult esse translatum. Quidni igitur & hæc credulitas, an aliquis & quis sit *Christus cælestis*? Scilicet, pudor eum retinuit, ut saltem non traderet, populum cogi posse ab Imperantibus ad Muhamedismum. Quod tamen ex ejus doctrina tam clarè sequitur, quàm quod est manifestissimum.

VIII. Quanquam verò, quod ore *Hobbes* impurò de rebus sacris docet, a nobis considerem posse refelli, idque hujus instituti ratio videri posset exigere, neque nihil in hanc rem scriptum haberem, præter ea quæ *superius* allata sunt; subsistimus tamen. Tu vide omninò *Calvinum l. i. Inst. c. 7. §. 4.* ubi cum divinitatem scripturæ sacræ multis rationibus probasset, fatetur, inde non *imprimi cordibus talem certitudinem, qualem pietas requirit; sed testimonium Spiritus Sancti excellentius esse cunctis rationibus*. Nam *etsi Deus*, pergit, *solus sit testis sufficiens sui in verbò suo, tamen hoc verbum non faciet fidem in cordibus hominum, nisi per interius testimonium Spiritus Sancti obsignetur*. Ideòque necessum est, ut idem Spiritus, qui locutus est per os Prophetarum, intret in corda nostra; alioqui Spiritus noster fluctuat inter scrupulos, & dubitationes, donec illuminetur. Denique *d. n. 5. sub fin.* Talem ait hanc esse persuasionem, quæ nullam requirit ratiocinationem, sed tamen ejusmodi notitiam, quæ optima ratione nititur, scilicet, in quâ noster animus longè certius & adseveratius acquiescit, quam in ullis rationibus. Denique, ait, talis hic est sensus, qui non potest, nisi ex divinâ revelatione nasci, subjungit. Nihil aliud dico, quàm quod singuli fideles in se ipsis experiuntur; nisi quod verba longè sunt infra efficaciam rei. Ita è Gallico. Hæc ideo ut appareat, nimis humiliter eos sentire de hōc testimoniō, qui volunt id esse tantum nescio, quod adjumentum ratiocinationis circa res fidei examinandas judiciumque defœcandum excitandumque.

IX. Unum obiter ad id quò idem *Hobbes* urget sententiam de causâ fidei & sanctitatis supernaturali; hòc scilicet incommodò, *si vera esset*, inquit, *non video, quare rationem fidei nostræ reddere juberemur, aut quare non unusquisque quid faciendum sibi sit, ex propria potius inspiratione, quàm ex præceptis Imperantium aut rectâ ratione, æstimaret.* Facillima ad ineptam objectionem responsio est; scil. *rationem minimè excludi (f)* ab his, qui in rebus fidei necessariis lumen spirituale prædicant; Neque enim *dogmata*, quæ ratione non perceperint, sibi dicunt revelari. Proinde nihil ex illis est, cujus non rationem possint & debeant è *scripturis* reddere apud eos, qui in dignitate scripturæ acquiescunt. Obsignatio & persuasio spiritualis nihil *ad alios* pertinet; sed ejus lapis lydius hic est, *si cum literis sacris conveniat.* Quod autem ad *facienda, fugiendaque* attinet, ex communi dictamine rationis ea maximè ad honestatem moralem adeoque ad dictamen rationis spectant; Quæ tamen nihilo magis ad nutum Imperantium mutari posse diximus, renitente quamlibet incassum *Hobbesio*,

(f) RATIONEM MINIMÈ EXCLUDI. Equidem *Socinianorum* dogma est, nihil credendum esse, nisi quod cum ratione conveniat: quod tamen adversum est *2. Cor. X. v. 4. & 5.* & quòd hac ratione mysteria omnia, item miracula, tollerentur; atque Dei omnipotentia vel in dubium vocetur, vel intellectus nostri capacitate mensurari veller. Interim in *Consequentis* necessendis ratione, ut instrumentò, & sic non etiam ut *argumentò*, utimur. Sic &, præsertim in *Theologiâ exegetica*, Philosophiâ universâ ceu Ministrâ utimur tantisper, donec *scriptura* excipiat, & sublimius quid doceat. In extremum alterum prolabantur, qui *Philosophiæ* penitus in sacris locum non faciunt; quæ factio *Hoffmanniana* olim fuerat, nuper à quibusdam resuscitata. Hinc etiam Paulus *1. Tim. VI. v. 20.* non potest tantum intelligi de Philosophiâ respectu *Mysteriorum* fidei: Nam Philosophia, si in cancellis suis maneat, donum Dei est; cujus principia tam formalia, quàm materialia, & hæc quidem absolutè necessaria, magnum in Theolo-

gia usum habent, atque adeò per se mysteriis fidei non contrariantur. Nempe falsum est, posse aliquid in Philosophiâ verum esse, quod in Theologia falsum sit, e. g. ex nihilo nihil fit, virgo parit: Nam quicquid verum est in Philosophiâ, illud quoque verum est in Theologiâ & vicissim; quia utraque *veritas* à Deo processit. Falsum quoque est, Apostolum ad *Coloss. II. v. 8.* dehortari à verâ Philosophiâ, cum potius à falsa dehortetur, quæ tunc temporis invaluerat, aut saltem de abusu veræ Philosophiæ. Sic & quando illi volunt *1. Cor. III. v. 19.* Philosophiam appellari *stultitiam* coram Deo, perperam locum interpretantur, quoniam Paulus ibi respicit ad *πανεργίαν*, und auf die Arglistigkeit der Welt, daß Gott die stolzen Weltgesinnten erhasche in ihrer vermeinten Klugheit. Denique *mysteria fidei*, ut illi putant, non sunt contrà rectam rationem, sed *suprà* illam: quia recta ratio est particula quædam ex reliquiis imaginis divinæ naturalibus, & non minùs abs Deo, quàm lumen gratiæ & revelationis.

X. Quem nunc videmus, quò fine in operis initio dixerit, *nihil esse fas & nefas, bonum aut scelestum, nisi quatenus à Lege civili pro tali habetur,*

betur, ut *cap. 3.* notavimus. Scilicet ut non modò conscientiam in revelatis, sed etiam in naturalibus, Imperio Civili subjiceret.

XI. Denique *tertiæ ex Hobbesianis* rationi paucis faciendum satis. Scilicet, ex nostrâ sententiâ duplex in unâ civitate imperium statui; à quibus contingat, more humani ingenii, contrarios canones, præcepta contraria, populo injungi. Existimamus, si termini à nobis antea positi & stabiliti custodiantur, quàm minimum ab hóc incommodò periculi futurum. Nihil quippe in iis Ecclesiæ adscribitur, quod Imperium coarctare possit; imò huic etiam contrà illam fortè plus adscripsimus, quàm boni Principes & Potestates utendum arbitrentur. Nec metuenda collisio præceptorum, modò Imperantes in jus Dei non invadant. Neque nos *resistendi facultatem* (g) populo ob religionem presso damus; nisi quatenus jure communi competere possit. Eat *Hobbes* suamque doctrinam *atheismi* nota tam bene liberet, quàm nostra seditionis absolvi potest.

(g) RESISTENDI FACULTATEM. Dum hóc locò quæritur: an Ministerium unà cùm illis, qui tutamen Ecclesiæ habent, *resistere* possint *superiori*, qui vel Religionem illorum extirpare nititur. Notandum est *in genere*, propter religionem *bellum offensivum* seu quò aggredimur alios, suscipere ne quidem Regi licere, in *defensivo* autem quod hujus loci est, *distinguunt* DD. nostri, etiam Theologi, inter Magistratum superiorem & inferiorem: ut *superiori* quidem liceat armis defendere statum præsentem, quò citant *Deut. XXIII. v. 18. Job. XXII. v. 12. & 1. Macc. III. v. 3. 17.* Quin & *religionem* in abstracto quidem non defendi armis, sed potiùs eos, qui religioni *addicti* sunt. Hisce non *obstare*, quod Principi resistere non liceat, scil. quum *animis imperare* volunt, magis Deo esse obediendum dicunt, quàm hominibus; *defensionem* quoque non habere speciem seditionis; modò non primus tentetur jactus, sed vis expectetur, nisi mora periculum augeat. Equidem exemplum Judæorum *1. Macc. II. v. 35. 36.* sibi non obfistere, tum quòd ex exemplis judicandum non sit, tum quòd circumstantiæ ibi certæ (scil. superstitio Sabbathi) reperiantur: ex circumstantiis verò defensionis ipsam defensionem negari non posse. *In specie*, si ad *Imperium Romanum* respiciamus; (cui

demum congruere potest illa inter Magistratum superiorem & inferiorem distinctio) sicut Magistratui cuilibet *inferiori* resistantiam omnino quis denegaverit, cùm precibus potiùs aut fugâ, si fieri posset, subditos qualicunque uti oporteat. Ita *Statùs Imperii Rom.* ab antiquò magnâ libertate gavisi sunt, & quoniam *Libertas Ecclesiarum Germanicarum* stabilita à multis retrò seculis fuerat, multò majori ratione Protestantes ad *defendendam* Libertatem illam adversus Pontificios, & sic quoque adversus Cæsarem, procedere potuerunt. Imò illi pro defensione fidei pugnantes postquam *jus armorum*, ex ratione Imperii constituti, suæque superioritatis, habent, non aliter considerari possunt, quàm privatus quilibet, quando Principi in conscientiam suam imperare volenti resistit; licet ob potentiam Statuum oppositio hæc *Belli faciem* accipiat. Faciliùs autem hoc tueri licet, quod Protestantes, post *Pacta* cum Cæsare & Catholicis inita, pro asserendâ religione suâ moliuntur. Nam hætenus Cæsar cum Catholicis locum *Principis*, quòdusque scil. jus religionis, seu potiùs libertas ejus, Protestantibus relicta est, non sustinet; verum in *partem contrahentem* abit; & huc respiciunt illa, quæ *Hortlederus* Libris suis *von Ur-sachen des teutschen Kriegs* plenius executus est, ut scil.

ut scil. ex his, quas prodit Consultationibus, Justitia causæ Statuum Protestantium, qualis fuerat ante Religiosam Pacificationem, instrui posset. Interea sicut à primordio Romani Imperii etiam Paganum jus sacrorum, & dehinc Christiani Episcopatum, tenuerunt: (vid. inter alios *Lentul. L. IV. Apicis Rom. Glorie c. 2.* ita in hac etiam fundatam intentionem adhuc tenet Imperator, etiam quæ Protestantes attinet, quantum Jus illud Sacrorum per Conventiones & LL. publicas restrictum non est: quæ quidem restrictio, quam non adversetur integritati Majestatis superius ex Tab. ostenditur: ut adeò male id ipsum detrahant Imperato-

ri Dissidentes exinde, quod quilibet Statuum maxime Protestantium, Papa sit in suo territorio. Omnino enim suspensa quidem est Pontificis Romani Jurisdictio, quam eò usque usurpaverat, in terris Protestantium; sed nullibi suspensa est Jurisdictio Cesaris: utcumque sit modificata, ne videlicet imperium ejus, sive quoad fidem & confessionem, sive quoad Politiam Ecclesiasticam Protestantium, impingat, pacemque turbet unâ profanam, ceu quidem Pax illa religiosa simul pacis profane nomine in Jure publico non immerito venit.

XII. Atque jam transitum ad jura trium civitatis specierum, quos totidem formas vocant, parabamus, quando unum axioma *Hobbesianum* adhuc incidit, quod ex *suprà dictis* solvi quidem poterat, evolutum tamen non est, monituque dignum videtur, ut ad jus summæ potestatis universæ pertinens. *Cognitionem de bono & malo spectare ad singulos, seditiosa*, inquit, *oratio est. Cap. 12. §. 1.* Alibi explicatius & quidem, ait, *illa quot rebellionum causa fuit, quâ docetur, Imperata Regum justa an injusta sint, cognitionem ad privatos pertinere? vid. cap. 6. n. 9. c. 11. n. 6. in fin. Leviath. Cap. 13. 29.*

XIII. Si de consiliis publicæ administrationis loqueretur, parum abest, quin admitti posset, *imperata Regum exequenda civibus esse, non interpretanda.* Idem de iis, quæ per facultatem dominii eminentis aut voluntate civitatis mutari & ex nefariis licita fieri possunt, judicandum. Sed in universum, ut *Hobbes* postulat, intellecta sententia, ne exceptis quidem moraliter necessariis aut voluntati divinæ repugnantibus, intolerabilis est. Utique, si de turpitudine, meritisque causæ manifestò constet; Nam alioqui in dubio pro civitate præsumendum esse facile conceditur, quemadmodum de causis belli à Republica suscepti, de quibus vid. *Grot. ** At ille nullam admittit exceptionem: quod nobis admittere religio est.

* *L. II. c. 26. §. 3. & 4.*

XIV. Commentum, quòd honestum & turpe, bonum & malum sit juris civilis, pridem refutavimus. Nec alterum ei prodest figmentum, esse illud peccatum non obedientis, sed imperantis. Aliter

Scriptura & notissima generis humani conscientia dictat; ut refutatione sit indignum.

XV. Quicquid autem diximus, de iis quæ à Deo præscripta non sunt in verbô suô vel in cordibus hominum, esse videlicet illa Imperio Civitatis obnoxia, de *animorum* sententiis minimè, verùm de actionibus externis intellecta volumus; Enimverò *cogitationes* ne quidem de rebus naturalibus & indifferentibus ad Imperantes ullô modô pertinere possunt, verùm declarationes & expositiones ejusmodi sententiarum publicæ prohiberi possunt, iisque interdictis parendum est à civibus; etsi *libertas* moderata in hoc genere laudabilis est.

XVI. Ista sunt quæ *Hobbes* se non differere, sed computare, sed *demonstrare* scribit, cæterosque juris & politices Magistros omnium seculorum in alia omnia descendentes vehementer contemnit, *quasi nemo eorum qui hanc materiam tractarunt, commodo usus sit docendi principio; se solum rationis invenisse*, ait, *in ipsis dubitandi tenebris*, (b) unde se gloriatur *in lucem evasisse clarissimam*. Ita scribit in *præfat. tract. de Cive & in epist. dedicat.* At ex his tenebris quam lucem eduxerit, videmus, Rempublicam adeò immanem, ut monstrum potiùs, quàm Civitas, videatur; Portentosius quam illud hominis fuit, ex cujus latere alius homo enascebatur; cum quo ille regnum, in quô populus aliquid juris retinet, *alicubi*, comparandum censet. Aut ego vehementer fallor, aut dicam ei grandem scriberent *dubitationis* magistri, *καταρχίας τῶ σκεπτικῆς*, vel in eo, quod minime vacuus præjudiciis ad meditationes suas accesserit. Dum haud obscurè nec uno loco, indicat indignatione atrocium in *Angliâ & in Scotia* turbarum, quibus speciem juris Brutina dogmata neotericis Theologis crebrò adoptata circumdabant, sese in alia omnia excogitanda fuisse compulsus. Id uti ageret, ne unquam populus justam adversus Reges belli gerendi causam habere posse diceretur. Quod se consecuturum desperabat, si quicquam publici privatique, sacri aut profani, summæ potestati subtraxisset. Proinde in omni meditatione hanc secutus videtur *cynosuram*, ut Imperantium potestatem ubique faceret infinitam. Quod cum repugnare consensui gentium, & communi rationi videret, principiis opus sibi fore animadvertit inusitatis *videlicet*.

(b) IN IPSIS DUBITANDI TENEBRIS. Idem hoc est, quò ducitur *Renatus des Cartes*, genite Gallus & Nobilis, natus Hagæ Turonum Anno 1590. & denatus Holmiæ 1650. in *Part. I. Philos. §. 1.* unde ex *primâ* hypothesi suâ semel in vitâ de omnibus & vel de ipsò Deò dubitandum esse, tradit *ibid. §. 6.* Quòcirca illum *Atheis* accenset *Voëtius* in *Lip. de Philosophia Cartesii*; quod tamen invidiæ imputat *Maresius*, eum Cartesius difficile tantum esse tradat, *Atheos* solidè refutare, & existentiam Dei probare. Videlicet instantias plures dari: nam si argumentemur (1) ex contemplatione *creaturarum*: exciperelicere, juxta *Scholasticorum* doctrinam, quòd Deus ab æterno mundum producere potuerit. Si (2) quòd res quædam *corrumpantur*, quædam generentur; illud saltem ad mundum referri non posse, dicturos: Si (3) res universas *virtute* agendi Deum instruere & conservare: objici posse, *spiritum universi* ab *Helmontiô* commendatum. Si (4) negetur progressus in infinitum: excipere licere cum *Benedictô de Spinozâ*: dari talem progressum in divisione partium *materiae*. Si (5) ex *conscientiâ* Deum quis arguat: reponi, etiam hanc ejurare homines *perfrictæ* frontis. Et sanè *Voëtius* ipse confitetur, refutationem *Atheorum* esse difficilem; quam tamen *Cartesiani* ex principiis *Doctoris sui* omninò extrui posse ostendunt. Altera *Cartesii* hypothesis sequitur, *primum cognitum esse, ego cogito, ergò sum.* Quâ ratione *naturam substantiæ intelligentis*, etiam Dei, in *cogitatione* constituere censetur; indeque negare *animam* brutis, ceu quidem omnes *formas substantiales* ille rejicit, unâ exceptâ animâ humanâ: quoniam si dentur, aut oportere *cogitationes* esse, ait, aut *extensas*; quorum neutrum fieri possit. Hinc potius esse, ut animæ *brutorum* e. g. nihil aliud sint, quàm sanguis, nempe ille, qui in eorum cor-

de calefactus, & quasi attenuatus in spiritum ab arteriis, per cerebrum, in nervos, se diffundat. vid. *Devt. XII. v. 23.* Et huic tribuendas esse *actiones* brutorum, cognitionem videlicet seu cogitationem aliquam, visionem &c. Tertia est, quod ait, *cognoscendi facultatem esse*, nullum unquam posse objectum attingere, quod non sit verum; quatenus ab ipsâ attingitur, hoc est, quatenus clarè & distinctè percipitur: proinde *errorum* originem à *voluntate* procedere. Quarta posse à Philosophò, qui sit Christianus, assumi *presupposita falsa* & *fidei Christiana adversa*. Atque in his subsistere *Cartesium*, ostendit *Valent: Alberti* in *diff. Lipsiæ Anno 1687. habita, De Cartesianismo & Coccejanismo*, Belgio molestis; qui etiam exhibet examen *principiorum* utriusque *sectæ*, ut & quæ *factiones* illas subsecutæ fuerint: quarum & *Historiam*, cum *documentis*, exhibet *Cyriacus Lentulus*, in *Cartesio triumphato*; idem qui *Cartesii Philosophiam* peculiari *tractatu* refellere annifus est. Quanquam fateri necesse habeant *Antagonistæ Cartesii*, cumprimis illi, quibus posthàc doctrina *Cartesii* accuratius à *Sectatoribus* ejus exposta est, quàm plurima *Cartesium* prodidisse in *naturalibus*, quæ multum faciunt ad emendanda scita Veterum. Et licet ratio docendi, quâ ipse utitur, dissimilis sit *Aristotelica* seu *Peripateticorum*, in eò quod horum ductus facilis & regulis invictis munitus sit, ad veritatem quarumlibet rerum custodiendam; ita ut magis *instrumentalis* illa Philosophia dici queat: sicut etiam *Logicam* & *Metaphysicam* eò ipse *Aristoteles applicuit*; tamen in rerum argumentis & ipsam *veritatem dogmatum* atinentibus, utut hæc non minùs etiam prodant in *naturalibus* & *civilibus* ipsa Philosophia *Aristotelis*, tamen in plurimis *Cartesius* cum *assectis* suis emendationem doctrinarum ejusmodi attulit.

* * * * *

De cætero, cum & in *Disceptationes* alias, quæ ad *Potestatem Sacrorum* non pertinent, sed *fidei Christiana principia* respiciunt, cum *Theologis* incidisset *Auctor*, nec sua in his dimittere vellet, collubuit ei, cogitata sua, licet hinc aliena, aliquot capitibus, in *novissimâ Editione*, Libris hisce suis *d. Jure Civitatis*, inferre: dum post Caput, d. Universitatibus DEI, ante Caput d. Ecclesia visibili externâ, Rubricam *capiti II. Libr. I. Sect. IV.* præscripsit: *d. Testamento DEI, quo Jus Ecclesie fundatum est*: Cui deinde hæc summaria subjecit:

Transitus. Quid Testamentum quâ voce designetur in Sacris. Διαθήκη significare dispositionem tam inter vivos, quàm ultimam voluntatem. Testamentum sine mortis respectu nullum intelligi. Dispositionem Patris DEi, quâ Filio dedit electos in hereditatem, non esse Testamentum. Removentur objectiones. Refelluntur alia Testamentorum DEi specimina. DEum Abrahamo non fecisse Testamentum. Nec in deserto Sinaistico Testamentum esse factum; remotis objectionibus. Non esse, nisi unicum in verbò DEi Testamentum, Christi morituri. Testamentum vetus & novum specie non differre; sed vetus esse clausum & mysticum: novum esse idem apertum & clarum. E Testamentò Christi hereditatem credentibus, sine ullâ conditione, & absque fœdere deferri.

QUâ occasione Huberus in hanc discussionem inciderit, in *Actis Eruditorum* de Anno 1688. p. 472. recensent *Lipsenses*, ubi & *Summaria* ista plenius habent ex *Tractatu*, quem iste adversus duos patriæ Academiæ, ipsum oppugnantes, ediderat, quem *h. l.* pluribus deducit. Equidem inter *Nostrates* doctrinam de Fœderibus ad hominum salutem *Jagerus* evolvendam post *Cocceji*, *Burmanni*, *Braunii*, aliorumque heterodoxorum studia, suscepit. Nec unâ cautione opus est, ne ab unâ alterâve Sectâ in devia dilabamur. Est verò discrimen ingens inter Fœdus & Testamentum. Hoc enim est unius: fœdus, inter duos paciscentes. Testamentum non nisi morte Testatoris invalescit; ast fœdus morte unius expirat. Bona Testatoris per mortem demum ejus in heredem transeunt; secus in fœdere. Testamentum repudiare quis impune potest, & non adire hereditatem: non ita fœdus dimittere. Quæ tamen ipsa in humanis facile & per omnia admittuntur. Sed *Paulus ad Ebr. VIII, 10. seq.* fœdus novum, in *c. IX. v. 16. seqq.* Testamentum, esse, cujus ibi significatum vox Διαθήκη habet, insinuat: quod sicut in Testamento mors Testatoris intervenit, atque inde bona in heredem, ex gratiosâ Testatoris voluntate, citrà pensationem, devolvantur: ita & Mediator fœderis Christus morte suâ nobis bona per fœdus promissa acquisiverit, citrà pensationem nostram. Et sic hereditas nobis obveniat per Filium, cujus nos ipse fecerit participes & coheredes suos, ex voluntate Patris, ad Gloriam, quam per mortem suam intravit. Quod si Legem divinam respiciamus implendam nobis, quæ est norma perfecta, fœdere (ceu Sponsione) mutuò obsignata: viam ad hoc geminam esse constat, ipsam sc. legem; quæ verò nobis mortalibus impossibilis, &

per accidens mortifera est; & Evangelicam, quæ per Spiritus S. gratiam ad Cœlos ducit unicè. Sicuti igitur Διαθήκη quodcunque notat pactum ad mutua officia præstanda, externò signò firmatum, & fœdus magis notat; ut est inter DEum & hominem: illum promittentem, & id signis stabilientem; hunc se ad cultum debitum obligantem; quod nec in Novo Testamentò desit: ita συνθήκη propius est Ultima Voluntas, ut sicut Διαθήκη ex iustitiâ constat indeque fœdere magis quàm Testamentò sancita sit: ita συνθήκη ex liberali libertate constet: atque cum illic sufficiat quaecunque signum: hic mors Testatoris requiratur: quæ tamen per victimas in fœdere Testamenti, ut dicitur, præfigurata est. Quid verò ad hæc *Socinus*? ille quidem utilem putat, ob causas plures, lectionem Testamenti Veteris, hisce qui novum recipiant; nec tamen necessariam: quia Religio Christiana ad novum fœdus s. Testamentum pertineat, & doctrina ejus apertè in eo, in Veteri autem Testamento obscurius, tradita sit. Equidem Mysteriorum Christianæ fidei lux major est in Scripturâ Sacrà Novi Testamenti; vid. *Buddeum in Diff. d. Prærogativâ Novi Testamenti præ Veteri*. Est tamen utraque ejusdem auctoritatis usûsque. 2. *Tim. III, 16.* 2. *Petr. I, 20. 21.* indeque utriusque necessaria lectio. Imò ad confirmandam Religionem Christianam & fidem ei faciendam conducit: quin & Articuli sunt Religionis Christianæ, quorum uberior cognitio ex veteri potius quàm novò Testam. petenda est; quales sunt de Creatione, imagine DEi in homine, lapsu primorum Parentum, Ecclesiâ priorum temporum, & alia. Et rectè *B. Lutherus* Novum Testamentum vetustissimum esse & ab Origine Mundi extitisse: Proinde *B. Dannbauerus*, in *Hodosophiâ Christianâ*, *Phenom. VI.*

p. 491. seqq. vocem Testamenti utrique Scripturæ convenire, ait; & duplex Vet. & Nov. Testamentum Evangelicum esse. *Vetus* sc. Abrahamo firmatum, legatâ ei hæreditate terræ Canaan, s. ter-

ræ promissionis; *Novum* verò, quod Jeremias prælagit, c. XXXI. v. 31. Utrumque, Legale & Evangelicum Testamentum suâ & Vetustate & Novitate constare.

Altera, quam totâ Sectione VI. intulit hisce suis de *Jure Civit. Libris*, Huberus, de principio cognoscendi divinitatem Scripturæ & fidei Christiana, Tractatio, pariter Digressio quædam, (v. n. 20. seqq. c. i. b.) & abhinc aliena est. Originem ejus, cum Theologis van der Wayen & Al. Roel. obortæ, super hæc Controversiæ Auctor ipse enarrat c. i. dictæ Sectionis. n. 15. seqq. & amplius Lipsienses in *Actis Eruditorum* ad annum 1687. Prodit autem ille Sententiam suam hisce positionibus, n. 23. seqq.

Divinitatem Scripturæ Sacræ & simul veritatem fidei Christiana persuaderi Auditoribus electis vi Spiritûs sancti, mentibus speciali gratiâ cœlitus adfusâ, juxtaque verbum illis insinuatâ; Auditionem & rationem esse causas instrumentales, sine quibus persuasio non sedeat animis; sed instrumenti modum non obstat quò minus efficiens causa fidei, cœlestis immediata sit ac irresistibilis, etsi voluntaria & cum ratione conjuncta: quæ fides animis recepta testimoniò Spiritûs Sancti in fidelibus obsignetur, idque testimonium, à fide ratione perceptâ, realiter esse diversum & discretum: Dubitantes v. seu Adversarios Deum ita facere auctorem fidei, ut ratio sit unicum principium cognoscendi divinitatem scripturæ & quæ cum eâ conjuncta est, Veritatis Christiana.

CUM verò nec Huberiana omnia agnoscere liceat, Hinc quæ recipienda sint, nutantibus tot sententiis, ex sequentibus, constare poterit. Equidem ratio humana non modò in naturalibus valdè debilitata, quoad perspicaciam intellectus, est & soliditatem judicii, ut absolutum circà veritatem Imperium habere non possit; quippe quòd in rebus etiam sibi subjectis sæpè deficiat, ut ex lumine revelationis quandoque supplenda & perficienda veniat: 2. Cor. II, 24. & c. X, 5. item Rom. VIII, 7, nec solum corrupta est & corrumpitur affectibus & præjudiciis, sed & in ipsis facultatibus ejus est corruptio. Quoad Spiritualia autem homo animalis, seu carnalis, & irreginitus quilibet (nec v. stultitiam rationis fidei de hominibus tantum illis intelligere licet, cum Rationaliis, qui glebæ & voluptatibus addicti sint.) (v. d. Carne Dannhauer. *Hodosoph. Phænom. V.* p. 456. seqq.) ad ea cognoscenda & recipienda, non habet ex se facultatem: cum in rebus fidei cœcus planè & perversus sit, Eph. IV, 18. V, 8. 1. Tim. VI, 5, 2, Tim. III, 8, & divina pro stultitiâ reputet. 1. Cor. II, 14. ut in his, nisi aliò principiò adhibito, nil veri statuere possit, 2. Cor. III, 5. Neque etiam Scriptura in his ad

rationem nos remittit. Imò ratiocinatio humana fideles turbat potius & confundit. Indeque mortuus planè dicitur irreginitus s. naturalis homo ad spiritualia, Ephes. II, 1. 2, ut nullæ ei quæ tali facultates ad recipienda fidei dogmata remanserint: de quibus distinctè agit Jo. Musæus in *Apologiâ* pro Facult. Theol. Jenens. Qu. 62. Non ergò imago DEI solum imminuta & suò modò recta dici potest: quæ principii rationem ingredi posset, circà Spiritualia. Nam licet in abstracto à nobis recta ratio concipiatur, non tamen hinc necesse est, ut etiam in homine actu & sic in concreto reperiri debeat: estque possibile, ut justitia, virtus, doctrina, in concreto non detur. In rationalitate aliter habet, quousque homo existit, quia omnis homo actu est rationalis; sed nullus est qui post lapsum recta ratione, negante id ipsum Scripturâ & docente experientiâ, præditus sit. Estque reproba Cartesi & illorum, qui eum sequuntur, doctrina, quòd magis insufficiens quàm corruptus sit hominis intellectus, aut si hic corruptus sit, eam corruptionem à corruptione voluntatis & affectuum procedere: nam ita Fabricius quoque Bassacurtius, in *Defensione Cartesi*, non vult vitium quoddam in intellectu,

lectu, sed ex abusu libertatis, esse, & pravum ejus exercitium. Indeque cum sequacibus suis Regulam *Cartesii de clara & distincta perceptione*, h. e. tali, quæ demonstratione nitatur, (id *clarum* volunt,) & solius rationis ope cum alio communicari, eique ad rationis ductum explicari queat, (quod ipsis *distinctum* est,) si ad *Theologiam* quoque applicetur, ne quidem in eâ ipsam fallere propugnant. Sic & vana doctrina habenda est, quod in *spiritualibus* Scriptura instrumentum, ad ea cognoscenda, *ordinarium*; ratio v. *extraordinarium*; in *humanis* autem & ad felicitatem terrenam ratio *ordinarium* sit, *Scriptura* Sacra *extraordinarium* principium: & falsa sunt *Wayeni & Roellii* Dogmata, quod ratio humana non in habitu, sed solum in usu corrupta sit; nec divinitas Scripturæ aliunde, quam ex ratione, adstrui possit & debeat: aded ut Lumen omne divinæ gratiæ ad rationem, h. e. ad *claram & distinctam* perceptionem reducendum sit. Proinde *Rationarii* illi *Ideas* Mysteriorum ex meritis *notionibus communibus* à nobis componi volunt. Planè *Bened. Spinoza*, audacissimus inter *Rationalistas* in *Tr. Theol. Polit. c. 15.* (*Et cum ipso Auctor præfat. Operum ejus posthumorum*), absolutum à ratione & solitarium in sacris Veritatis imperium poscit, & *Scripturæ* seu revelationi solam obedientiam relinquit; neque enim Scripturam conciliari cum ratione posse, eò quod Scriptura inepta sit ad veritatem ex eâ discendam. Itaque *Theologiam* merè *naturalem*, nec fidem nisi humanam dari, ut Scriptura non nisi humanam inter nos auctoritatem habeat. *Hobbesius* autem fidem Imperio summarum Potestatum subjectam esse, perhibet. Quod si ex his, qui rationi humanæ vim principii in sacris tribuunt, disquiras, quem illa locum in causando habeat: *Hülfsius* in *Libr. 1. d. Principio credendi*. Rationem præmittit Scripturæ. Rationem esse assensûs & convictionis *universale* principium; revelationem verò, in credendis etiam, non nisi principium cognoscendi esse *secundarium*: Cui *Baylius* accedit, propterea factam revelationem, ut rationem corruptam emendet: hinc quia ejus causâ detur, oportere ut Scriptura sanæ rationi famuletur: quasi v. sensibus ratio inferior dicenda foret, quæ eos corrigat. Imò quem locum ratio in negotio *conversionis* habeat, accuratius deinde constituetur. *Wolzogenius* in *Tr. contra Librum d. Philosophia Scripturæ Inter-*

prete: Internum lumen, ait, nil aliud esse posse, quam mentem expurgatam. Hanc deterlam à squalore peccati, (affectibus & præjudiciis,) recipere instar *speculi* distinctissimè rerum imagines. Scilicet *fracti*, & quas caperet *imagines* in *spiritualibus* ratio mortua? indeque lumen f. Spiritus ne quidem expurgans mentem, ut *hæc* principium fidei esse queat, rectè dicitur. Et num mentem expurgatam, ut volunt, sibi & ductibus suis, ut principium relinquit Spiritus Sanctus, in negotio fidei? Utique *Reformati* dum nimium rationi, idque variè, tribuunt, ceu fluctuantes, securi non sunt nec firmi *adv. Socinianos, Arminianos* aliosque *Rationalarios*. Sic & ex *Reformatis* videas, qui nolunt rationem *unicum* esse fidei principium, neque etiam *primarium*; esse tamen eam principium *aliquò* modò, (& quònam tandem?) & Dignitatis inferioris. Idem, esse *instrumentum*. At v. hoc non est *principium*; esse principium instrumentale, imò esse, quod & *Taurellus, Vedelius, Masfsovius* voluere, *secundarium*. Debere enim Religionem esse rationalem. *Rom. XII, 1.* Quid inde? de *Cultu* loquitur Paulus, ut *Mosaica* Religioni contradistinguitur, quæ externo & carnali apparatu sic erat involuta, ut rationalis qualitas in eâ vix appareret; non quod fides rationalis sit, multòque minus quod à ratione pendere debeat; Idem qui *1. Cor. I. Et 2.* de suâ etiam docendi ratione ait: se non usum excellentibus & suavoriis humanæ sapientiæ rationibus. Interim per hoc non abjicitur mens humana à *conversione* hominis, ut nec homo abinde abesse potest: tantum quod *principium* esse non possit *conversionis*, seu *Spiritualium*, adedque nec subordinatum; quippe quod *activum* esse oportet, mens v. nostra non nisi passivam habeat potentiam, ad lumen divinum recipiendum. Ex *Rom. verò c. XII, 1. Et 1. Petr. II, 2.* tantum sequitur, fidem non esse contrariam sanæ rationi ipso factò; non autem quod fides juxta rationem institui debeat. Proinde à janua aberrant, quibus Ratio humana *unicum* est cognoscendi *divinitatem Scripturæ Sacre*, & quæ ei conjuncta est *veritatis Christianæ, principium*. Nihil, ajunt, *Wayenus & consortes*, in mente esse, quam *rationationem*. Causalitatem v. cœlestem esse *decretum Dei*, ex quò homo *rationetur*, ut è *dubitatione*, *collectione & comparisone ideorum*, concludat, *Scripturæ divinitatem & veritatem fidei*

Christi-

Christianæ. Hinc Testimonium, quò fides ob-
signari dicatur, præter rationem, esse nil aliud,
quàm *Enthusiasmum*. Impotentiam credendi Ev-
angelio esse à desidia, præjudiciis & affectibus:
his deterfis, vim mentis puram esse ad accipien-
dum fidem, per ratiocinandi methodum. *Wolzogenus*: rationem, ait, quicquid in Scriptura extat, ex-
aminare, & quod ei repugnat manifestè, id ipsam re-
jicere debere. Sic & *Pajonus* mentem hominis
non posse moveri tradidit, nisi impressione ratio-
nali: ideòque *Enthusiastas* esse, qui operationem
extraordinariam aliunde rationi superaddere velint.
Quantum verò *impotentia rationis* ad recipiendam
fidem attinet, quam illi causentur: eam quidem
habitualement esse & acquisitam, quæ quidem suò sen-
su originalis dici queat; Sed tamen eam *sanabilem*
esse vi rationum & motivarum, quibus mens hu-
mana moveatur. v. *Spanhem. in Elencho controver-*
sar. p. 320. seq. Nec tantum isti *Rationarii* non ser-
vam esse rationem volunt Revelationis divini; sed
imò illam *dominam* hujus constituunt, saltem mi-
norem & amicam: utique dominium revelationi
tribuendum non esse, quin potius hæc prius rem
offerat rationi, ceu dominæ, ejusque judici-
um expectet, antequam ipsa dominium obti-
neat. Similiter ut *Wayenus*, quòd revelatio ratio-
ni famuletur & *Roellius* in *Diff. d. Religione ratio-*
nali: Fundamentum Religionis Rationem esse,
ut dijudicet divinitatem revelationis & mysterio-
rum: Fidem ratione niti oportere. Nec verò ju-
vant *Rationarios* eos, hi qui *rectam* rationem sup-
ponunt, ut congruentia Scripturæ cum illâ, prin-
cipium cognoscendi veritatem doctrinæ Christianæ
conficere possit; eò, quòd Scriptura quicquam,
quod rectæ rationi adversum sit, continere ne-
queat: Nam & *recta* ratio, si quæ daretur, h. e.
finè labe mens humana, quam illi fingere nitun-
tur: humana tamen & aded naturalis est, quæ
supernaturalia nec capere, nec multò minùs dijudi-
care potest. Dat tamen DEus rationi humanæ *ideas*
debitas per *Verbum*, rectè tractatum, ut cognoscere il-
la *clare & distinctè* mysterium possit; & tunc admit-
titur ratio ut *organum* ferendi de ideis ita revelatis ju-
dicium, quòdusque illa pertingere potest, *spirituali-*
ter scilicet, 1. *Cor. II, 14.* intellectum captivandò,
ut verbum DEI in dignitate *principii* ad creden-
dum *unicè* custodiatur. Neque enim libertatem
habet nullam mens humana in spiritualibus, eò

ipsò quòd hæc *supra captum rationis carnalis* po-
sita sunt; & ob hoc ex naturæ lumine, nec inve-
stigare nec intelligi possunt. Talia sunt beatitudo
æterna, Trinitatis mysterium, Filii DEI incarna-
tio, Christi passio, mors, resurrectio, adscensio
in cælum, peccatorum remissio, nobis unicè pro-
pter Christi meritum obtingens, &c. circa quæ
post lapsum mens humana ne minimas quidem vi-
res habet, ut eà *salutariter* cognoscere sibi que *sa-*
lutariter applicare queat; nec tamen *Enthusiasmus*
est ea credulitas, sed à Spiritu Sanctò, cui se per
Verbum s. Scripturam S. ratio humana subjicit. Et
maneant igitur à principio credendi exclusa ratio,
& falsum maneat, quòd hoc quod rationi huma-
næ adversatur, in spiritualibus, falsum sit. *Dann-*
hauer. Hodof. Christianâ Phénom. 1. pag. 13. seq. &
Hodom. Calvin. fol. 35.

Equidem *Mysteria* fidei non *absolute* sunt *suprà*
captum hominis: neque enim homo lapis est; sed
sunt *suprà* captum hominis, ex suo lumine *natu-*
rally captantis s. capere volentis: neque etiam ho-
mini non renato denegantur *vires naturales* ad au-
diendum verbum: nam hoc ad actiones externas
sive externam *pedagogiam* spectat, quæ ne quidem
inchoatur interius conversio hominis; sed *lapis* est
in ordine & respectu ad Conversionem, & qui-
dem *initium* quoque ejus, quippe quòd ita non
nisi *passivè* se habeat; i. e. aptitudinem s. capacita-
tem habeat gratiæ Spiritus S. passivam, ut omnes
vires in homine, ad *inchoandam & absolvendam* fi-
dem in solidum Spiritus S. sint. *Phil. II, 13. Eph.*
II, 8. Joh. VI, 44. 2. Cor. III, 5. Non etiam *prin-*
cipii appellatione quodvis h. l. intelligimus, quod
quocunque modò, ad inferendum Conclusiones
in spiritualibus, concurrat: quippe quòd *princi-*
pia rationis dentur & *Philosophia formalia*, h. e.
quæ ipsam argumentandi *formam* concernunt: quo-
rum usus ab argumentis Theologicis abesse non
potest. Dantur etiam *materialia*, h. e. ipsam Syl-
logismi materiam ingredientia, quæ, cum aliis ex
Scripturâ S. petitis & Theologiæ propriis prin-
cipiis, tanquam principia *communia* ad Conclusio-
nes Theologicas inferendas concurrunt, & ple-
rumque *majoris* propositionis locum habent, quæ
& ipsa à Controversiis Theologicis, ad eruendam
Veritatem fidei, abesse non possunt. Porro et-
iam *Prosyllogismi*, quibus Syllogismi principalis
propositio major, ex ratione humanâ, desumpta
confir-

confirmatur, nam & hi necessariò in eum finem adhibendi sunt; modò rationis illa *principia* sint *absolute* & simpliciter *necessaria*, ita ut oppositum evidentem involvat contradictionem, non tantum probabilia, aut de ordine naturæ tantum necessaria, ut oppositum *DEi potentia absolute* fieri non repugnet. v. c. Omne corpus naturale est in unò locò. Nullum corpus finitum simul esse potest in pluribus locis. Nullum finitum est capax infiniti. Jo. Musæus *Lib. II. de Usu principior. ration. in divinis* s. *Theologiæ. c. XIV. seq. junct. Sam. Marefiò d. Usu & Abusu rationis in Theologicis.* & Spanheimiò in *Elencho Contrövers. p. 635.* ubi ait: Rationem posse esse judicem falsi contradictorii, quale quid non revelatum sit; sed non posse judicem esse *normalem* veri revelati. Hoc esse supra sphaeram rationis longissimè evehctum. Nam & Spiritus S. motibus suis efficit, ut per humana illa homo in veritatem divinorum inducatur. Neque verò denegatur *rationi* iudicium de *formâ argumentandi* & applicatione notionum *humanarum* ad invicem; quod tamen *organicum* & *formale* tantum est. Iudicium v. de *rebus* divinis & contradictione rerum, quod *materiale* est, ad rationem non pertinet: quoniam id non nisi ex revelatione pendet, quam agnoscere & recipere debet homo per gratiam *DEi*, cum humana ratio quippe finita & corrupta ad hoc nullas plani vires habeat. Habent tamen in articulis *mixtis* principia quoque rationis usum *aliquem* materialem, qui non minus se exserit, quando mixti illi in puros influunt. Tunc adoptantur illa principia à revelatione, inque hunc usum admittuntur. Nec tamen principia Philosophica, ut sunt Metaphysica adduci possunt contra enunciatum divinum, clarum & perfectum, sed intrà terminos finesque suos reducenda sunt: nam aliter *principia Theologica negativa* ne quidem dici possunt. Vicissim *Huetius* in *Libb. de Concordiâ rationis & fidei*, (contra *Naturalistas*,) fidem & Scripturam planè non interponendas esse docet *Disputationibus Philosophicis*; nec in illis decidendis locum habere. *Lib. I. c. 3.* Sed *Lockius*, cujus Versio Gallica, *Amst. 1703.* prodit: *que la Religion Chrestienne est tres raisonnable*, ingentia *Paradoxæ* producit; quem Partum *Poiretus* effectum esse arbitratur rationis humanæ ludentis.

Præcipui inter *Rationalistas* sunt *Sociniani*, qui & ipsi ultimum cognoscendi divina principium in *ratione* constituunt, & tunc demum, quæ *Scriptu-*

râ continentur, admittant, & in *credendis* habent, quando *rationi* consentanea sunt; ut verò eam rationi quovis modò consentaneam reddere possint, ejus verba & sensum quâlibet ratione corrumpunt, & sic quæ rationi adversantur, in eâ non reperiri contendunt. Imò auctoritatem Scripturæ in dubium vocant, eamque corruptam esse volunt. Cum v. Christus & Apostoli in *Novò*, & Prophetæ in *V. Testamento* nos ad *Scripturas*, tanquam unicum & adæquatum credendorum principium, & nusquam ad rationem humanam, remittant: *Joh. V. 29. 2. Petr. XIX. 11. II. ad Tim. III. 14.* quippe cui differtè Paulus facultatem detrahit judicandi ex se & suis connaturalibus principiis, de his, quæ spiritus sunt. *1. Cor. II. 14. ad Rom. VIII. 7. 2. Cor. V. Ephes. V. 8. & IV. 17. 18.* resque fidei occultæ sint rationi humanæ & *suprà* captum ejus; quapropter etiam *mysteria* dicuntur; *1. Cor. II. 7. 1. Tim. III. 16.* & rationem nostram, quæ contrà ea, quæ fidei sunt, se opponit, sub obsequium Christi captivam ejusque verbo subicere jubemur. *2. Cor. X. 5.* Inde Secta hæc longè pejor est cæteris. Imò *Sociniani* ad negandum *mysteria* fidei eas adhibent assertiones, quæ vera rationis principia non sunt; qualis est: Quot sunt personæ, tot sunt essentia. Unius essentia tantum una est subsistentia, & plures similes: cum tamen recta etiam ratio veritatem docere non possit, nisi de sibi subjectis; nempe de creatis & finitis rebus, personis & essentiis; an v. divinæ essentia infinita possint unâ plures esse subsistentia sive personæ, id rationi sibi relicta ignotum sit. Sic etiam docent illi: quamlibet naturam intelligentem & completam habere propriam subsistentiam & esse personam; indeque negant, quòd duarum in Christo naturarum una possit esse subsistentia: Cum tamen recta ratio aliud docere non possit, quam quod de lege & cursu naturæ per causas secundas atque *ordinatâ* *DEi potentia* obtinet. An v. per *DEi potentiam absolutam* possit aliqua natura intelligens & completa conservari sinè subsistentia: de eo ex principiis rationis humanæ constare non possit. Plura talia, expendit *D. Lingershausen*, in *Disp. Jenensi*. Utique *mysteria* fidei per rationem non sunt, ne *rectam* quidem, quæ in hominem cadere potest, s. quæ ex genuinis suis principiis convenienter docet. Cum verò æquè ratio ac Scriptura & quæ in hac continentur *mysteria* fidei Christianæ, Deum auctorem

habeant, à quo non nisi verum provenire possit. Hinc quod recta ratio de rebus sibi subiectis, ex suis naturâ sibi infitis principiis vel argumentis, ritè deductis docet, falsum esse non potest; & quæ Deus in Scripturis patefecit, itidem falsa esse repugnat. Velut autem inter verum & verum pugna esse non potest: ita nec quæ recta ratio docet mysteriis fidei, nec mysteria fidei his, quæ ratio docet, contraria esse possunt: nec dici possunt rationi contraria, quæ suprà rationem in spherâ sublimiori constituta sunt; indeque perversè ratio ad eam ut telescopium se habere dicitur. Et ineptè *Baylins*, quodd enunciatio in Theologiâ vera, non saltem possit videri, sed & sit falsa iudiciò & solidò quidem Philosophiæ. Ad quæ expendere juvat *William Sparcke Christianæ Religionis Ratiocinarium, Oxonia 1628. 4. Anglicè editam*: Nil reperiri in Scripturis, quod rectæ rationi repugnet. Denique semel obsignatâ fide per Spiritum S. in corde hominis, introspectiens homo in *mysteria* fidei, dignam in illis DEi *sapientiam*, indeque cum ratione *verâ* convenientiam, soli rationi impenetrabilem agnoscit. De cæterò, cum *Sociniani* divina omnia rationi subijciant, *notitias* tamen homini *innatas*, tam in genere, quàm notitiam DEi in specie inficiantur. Has notitias dicimus esse *Lucem* & perfectionem *habitualcm*, potestatis cognoscenti conatam seu naturâ infitam: & proinde notitiam de DEo infitam naturâ mentibus hominum, non simpliciter & secundum se totam, sed secundum quid & quoad vim ac lucem cognoscendi, cum infitâ quâdam in Deum inclinatione conjunctam, quâ, apprehensis terminis, intellectus, citrà aliquam aliunde assumptam rationem cognoscendi, ad *assensum* determinatur. v. *Rom. I, 18. sq. & II, 14. 15.* Quod ipsum prodit Conscientia, accedente quoque Veterum s. Patrum Ecclesiæ doctrinâ. add. *Jo. Musæum in Introduct in Theologiam natural. c. 2.*

Ex his cognoscitur, quem locum ratio in interpretatione Scripturarum habeat: nec enim *Lud. Wolzogenius* Tractatum: *Philosophia Scripturæ Interpres*, condignè refutavit: imò hypothesis ejus, oportere Scripturam Sacram non aliter exponi, quàm *quolibet* scripta alia sive de *stylo* id sentiat, sive de *sensu*, cum utrumque falsum sit, & in adversantium castra transeat. Imò ipse perperam negat, dari *immediatas* Spiritûs Sancti in

mentibus fidelium *operationes*: quâpropter & ipsam proditorem causæ habent, *Jo. Broun. Amst. 1670. 8. & Reinerus Vogelsang. 1671. 8.* Equidem *verborum* profani alicujus scriptoris sensus *literalis*, ope humanâ, ex eò hauriri potest: quia res per illa significatæ humanæ sunt; indeque plenum ex verbis illis profanis sensum ratio humana haurire potest. *Revelata* autem res divinæ absque gratiâ divinâ, *salutariter* intelligi non possunt: idèdque nec *signa* illarum, seu verba, sensu literali debitò ac plenò, finè gratiâ divina intelligi: licèt aliquis sensus ex iisdem humanò tantum modò tractatis erui queat. Nam *patientis* solùm conditione, in summâ rei vel sensu DEi, in fidei rebus capiendis, homo utitur; ut Scriptura secundum rationem intelligi non possit, *Joh. V, 39.* indeque Scriptura ex parallelis locis, quibus ex se ipsâ & idèd ex *divinò principiò*, constantem habeat unius sensum Auctoris, qui ipse *sibi contradicere* nec voluit nec potuit. Etenim scriptura non solum quoad *formale*, sive sensum verborum & doctrinam, verum etiam quoad *verba* à Spiritu Sancto indita est Scriptoribus: quanquam inspiratio *Idiomatis primigenii* res inevidens sit, neque per sensûs externos pateat, sed oculis internis fidei sit percipienda, & ex revelatione implicitâ, & per consequentiam, à primitivâ Ecclesiâ conclusa & concludenda: *Locutum esse DEum*, ac ad scribendum Prophetas & Apostolos adegisse. Quanquam igitur notiones communes rationales, rectè adhibitæ ceu *organum*, in explicandis Scripturis, assumi queant: quoniam tamen hypotheses divinorum pleræque à notionibus illis digrediuntur, vel non satis comperta eisdem addunt: inde nec in talibus idoneum per se in scripturis exponendis organum constituere possent: nec disposita est ratio, ut sola & per se ipsam sibi persuadere, & alios convincere de revelationis divinitate, per conclusiones, ex principiis suis humanis, possit. Neque enim, quod irrogenito in mentem venit, divini verbi enunciatum est; Sed quod homini per actûs *pedagogicos* rectè *preparato*, & nihil in Scripturam inferenti, sed *sensum in eâ* quærenti & expectanti, ultrò ex verbis DEi elucet: hoc divinum intellectum gignit. Utcunque enim *verba* Scripturæ sint humanis similia: non tamen illa ex aliis verbis humanis, sed *ex se ipsis* & aliorum verborum Scripturæ & quæ etiam ipsæ, quodd divinæ sint, colla-

collatione dijudicari debent; pariter ut *idea divina* per verbum datæ, suo modò similes sunt humanis; sed tamen ex analogiâ *fidei* accipiendæ sunt: 1. Cor. II, 13. seq. sicuti omnia quæ ad salutem nostram conferunt, ex gratiâ pendent; citrà quam ne quidem vera divina à falsis doctrinis humana ratio secernere potest: nam falsum habent sensum *Sociniani & Armeniani*, qui non rationi & sensibus humanis conformis sit. Videlicet principium agnoscendi, Scripturam esse divinam, est revelatio interna Spiritûs Sancti, qui fideles, per interiorem afflatum, in cordibus eorum, docet ac convincit, ut firmiter credant, eam indubitatè esse verbum DEI, eaque *fides divina* est, qua enunciata ejus, & ex illis deducta, divinâ fide creduntur, nihil ad hoc contribuyente ratione humanâ, quâ talis est. Job. XIV, 16. 1. Cor. II, 12. ibi: accepimus illum: at v. ille ab humanâ mente distinctus est; v. 10. quippe in quem agit Spiritus Sanctus, eumque nisi resistat, fide divinâ imbuat; ut cum suprâ rationem sint veritates illæ, non possint intrâ sphæram rationis collocari, & nec ei conformia, nec contraria, haberi. Quòd si claram & distinctam cogitationem *Cartesiani* in divinis exigant, *scientia* quidem *fidei* in se clara est, sed *evidentia divina* est longè altioris indaginis; cum quidem in humanis & naturalibus *evidentia* detur *objectorum* fori humani, secus ac in divinis. Est etiam *fidei scientia distinctè* in Scriptura revelata. At verò distinctio illa à DEo est, cum eam ratio comprehendere non possit: proinde assentiendi Sacris principium est ipsa scriptura, s. verbum DEI scriptum vel prædicatum, DEI concursu supernaturali elevatum, quod hominis intellectum in supernaturalem sui assensum trahit: inque se habet vim divinam eò modò, vel inter hasce à Spiritu S. sibi communicatam; Eph. I, 19. sed humana ratio ne quidem *organum* est, relicta sibi, in divinis, verum illustrata divinitus, ut non dictitet, nisi ex verbo rectè percepto. Et sic operatur Spiritus Sanctus per actûs cognitionis reflexos, non absque verbo & extrâ illud, sed per Scripturam, cum eâ & in eâ, per vim divinam, quâ cum per liberam DEI ordinationem unita est, in cordibus hominum, ut verbum *ceu divinum* agnoscant & doctrinis ejus, ceu divinis, firmiter credant. 1. Thess. I, 13. Persuasio autem claræ perceptionis divinæ, ad præjudicia pertinet, quando in-

terpretationem verbi divini in hoc vel illo prævertunt aut pervertunt: quæ non est, nec esse potest à Spiritu Sancto, si non regulis bonæ interpretationis, ex verbo Divino, & secundum illud, conformis sit. Quemadmodum verò cognitio illa divinorum non est comprehensio, qualis est eorum, quæ sub sensum humanum cadunt: ita dum rationi nulla ne quidem *concurrent* cum Scripturâ in divinis jurisdictio tribuitur: non negatur simpliciter locus esse rationi, & ratiocinationi circa divina, sed solum negatur, quòd ei locus sit *in principiis*, & quàm non aliter de divinitate Verbi, nisi per rationem constare possit: ut proinde scrutari debeamus Scripturas, nec tamen aliter nisi adspirante Spiritu Sancto, & ut etiam Spiritus S. *absque scrutiniò tali* possit certum reddere credentem de divinitate Scripturæ; ideoque finè methodò dubitandi, ratiocinandi, quod abesse non posset, ubi ratio est principium. Inde quando *Lockius* in *Libris d. intellectu*, inter perversa alia, cum his, qui eum tantoperè suspiciunt, *Enthusiastas* esse scribit, eos, qui rationem omnem in sacris esse volunt, in hos injurius est. Neque enim, ex assertò *principiò* unico *fidei*, in Spiritu S. *Enthusiasmus* inferri potest; dum Spiritus S. motûs non nisi verbo per Scripturam Sacram, consentaneos, intelligimus. Quin & notitia verbi generalis, & nuda credendorum & agendorum, in *irregentum* quoque & *infidelem*, ut & qualiscunque assensus verbo, qui charitate omni caret, 1. Job. II, 11. in *hypocritam* cadere potest. Sed Spiritus Sanctus actione sublimiori excitat in intellectu cognitionem salutarem gratiæ divinæ, cum firmò hominis assensu conjunctam, ut se credat divinæ gratiæ participem; & ex parte *voluntatis* non tantum *suasione* suâ concurret, bonitatem objecti, mediante cognitione intellectûs, voluntati exhibendò, hortatu, promissionibus; sed virtute & actione longè sublimiori, quâ vires novæ voluntati conferuntur ad desideranda & amplectenda bona spiritualia. Hinc interpretationis, ab *irregentis* s. infideli susceptæ, usus *salutaris* non est, quando non ad Scripturam, ex eâ & secundum eam, instituitur: quò casu frustra de fide quæritur. Secus, quoniam Spiritus verbo suo adest, ista veritas secundum istud non à ratione, sed ab ipsò S. Spiritu ejusque moribus procederet in viam Veritatis. Etenim notæ, quas adducere solemus, pro divini-

divinitate Scripturæ, f. *signa motiva credibilitatis*, tam externa quàm interna, probabilia quidem admodum & majoris momenti sunt apud hominem merè rationalem, sed non convincentes finè Spiritu DEi, quò minus cavillis & argumentis, ex ratione petitis, impeti possint. Neque enim notiones divinæ menti *insitæ* sunt, sed radiis propriis lucent ad convincendum omnes conscientias. 2. Cor. IV, 2. quamvis cognitæ sint res ipsæ, quæ demonstrandæ sunt, & esse veræ: quippe quòd nec videntes miracula, iisdem omnes convincantur. Nam & *efficacia Verbi* pro Criteriò externò credibilitatis declaratur, quat. illa à posteriori se exserit, & in effectu conspicitur. Internum verò est, quat. in virtute divinâ Scripturæ internâ consistit, inque cordibus hominum operatur. Nam vis illa convincendi non inest Scripturæ ex necessitate *Physica*, ut sit *proprietas* ejus *essentialis*, nec ex necessitate absolutâ, sed ex liberâ DEi voluntate & ordinatione: indeque non originaliter nec inseparabiliter.

Quando igitur *rationem* ultimam, in quam reliquæ credibilitatis divinatorum causæ & motivæ tandem resolvuntur, quæque unicè, ut in ea acquiescamus, ad credendum Scripturæ, *fide divinâ*, movet, in solâ DEi auctoritate, tum *externè* veritatem & voluntatem suam revelantis, tum *internè* conscientias de eâ convincentis, eamque in cordibus pignore Spiritûs S. (Ephes. I, 13. 14.) *obsignantis*, constituimus: eò non pertingit præsumptio de veracitate causæ *Ministerialis*, non præsentis *Ecclesiæ* a *Doctore* proponentis, ut nec conformitas *cum intellectu humano*, uti nec consensus notorius *Ecclesiæ*, à quò dogmata fidei non pendent, sed unicè ab auctoritate revelantis DEi, cujus verbum *absque testificatione Ecclesiæ* præviâ, solò Spiritu S. per istud in corde hominis de veritate illâ testificante, agnosci fide divinâ, eique credi potest; ut frustra *Papæ* communiter testimonium internum Spiritûs S. pro *commento* habeant. *Add.* Dorſcheum, d. *Auſtorit. Ecclesiæ*. Equidem sunt, qui nil incommodi verentur, quando consensus *Antiquitatis Ecclesiasticæ*, qualis hodiè haberi possit, principium dicatur ad hominem, vel etiam ad rem, sed secundarium, probabile, & quod in ratione certitudinis atque auctoritatis Scripturæ subordinandum sit & ab eâ dependeat. Cum v. facilè talia capientur, ideò in principio unicò,

rejectis *secundariis*, rectiùs subsistimus, & quod consensus unanims primitivæ Ecclesiæ habeat se ad Veritatem credendorum per modum *testimonii*, ex quò conslet, Veteres eòdem sensu intellexisse & explicasse scripturas, quò à nobis hodiè intelliguntur & explicantur.

Sicut igitur nemo ex propriis naturæ viribus de mysteriis fidei veros conceptûs formare, multòque minùs plenum & idoneum sensum literalem, in locis Scripturæ, qui de *mysteriis* divinis agunt, apprehendere potest; neque enim *Salutaris* cognitio in quâlibet divinorum mysteriorum cognitione f. notitiâ cum qualicunque assensu conjuncta consistit, sed in agnitione gratiæ ac misericordiæ DEi in gratuitâ remissione peccatorum propter Christum, cum certò & immotò assensu conjunctâ; idque non in genere, sed *in specie*, ut credat, se habere DEum propitium propter Christum, & se aliquando consecuturum vitam æternam: cœu quidem voluntas à naturâ vires habet ad eliciendum actum circà bona Spiritualia *confuse*, sub ratione boni & *convenientiæ* sive simplicis *complacentiæ*, ut in *Marci* VI, 10. spectata, sed non ut spiritualia, sive *salutari* appetitu; non enim voluntas in ordine ad spiritualia, distinctè spectata, efficacem elicere potest actum, h. e. ferri in ea, ut obtinenda, & ut pium desiderium *gratiæ* divinæ habeat, fiduciâ in Christi meritò positâ; ità ut *conversionem*, sui inchoare, vel in ejus progressu Spiritui S. cooperari possit. Ita *Conversionis*, regenerationis & renovationis, sive inchoandæ sive absolvendæ *principium* f. causa efficiens est *solus Spiritus Sanctus*, ut tamen reliquæ personæ, *Pater & Filius* non excludantur, quanquam in his causæ *sociæ* non sint; cum in causis sociis requiratur, ut aliâ aliâque virtute vel potentiâ ad effectum concurrant. At in personis divinis non sit alia atque alia, sed *eadem numero potentia*, indeque una numero causa sint, tum in specie conversionis, regenerationis & renovationis: quas non *suadet* moraliter, cum suasio talis non conferret vires spirituales, sed *operatur* verè & realiter per verbum & Sacramenta, quæ tamen *coactio* dici non potest, quia non est contrà voluntatis naturam, nec libertatem ad oppositum homini adimit; sed est *media* actio inter suasionem moralem & coactionem, ut tamen fides Spiritûs Sancti opus sit, nullâ nostrum ratione, nisi *subjectivè*, propter solam receptionem & exercitium

citium, quò fit, ut Spiritus S. non dicatur credere, sed *homo*: quia actus fidei est activè à Spiritu Sancto, qui nos trahit, illuminat, disponit, impedimenta aufert, & convincit ad sensum & assensum etiam eos, qui præter suam intentionem ac citrà intellectus operationem in ordinem divinum inciderunt, denique obsignat, ut fides in homine terminetur. Quamquam enim *virtus* illa non sit in S. *Scripturâ* intrinsecè, h. e. formaliter, subjectivè & inhærivè; sed DEi infinità potentiâ, *Eph. I, 21.* quæ secundum rem est ipsa essentia DEi: Scriptura tamen in se habet vim illam *communicativè*, etiam extrà actualem sui usum, nec demum, ut ab extrà ei inferatur, sed continuè cum ipsa *uni-versa* fit: cum Spiritus S. conversionem & fidem in homine non operetur absque Scripturâ & extrà illam, *1. Cor. I, 21. Rom. X, 17. Matth. XVII, 5.* indeque Scriptura immediatè per vim divinam ei insitam operetur, ut ad eò conjunctim operentur supernaturalem assensum & fidem in cordibus *Spiritus & Verbum*, sed non æqualiter, verum ut causæ subordinatæ. Neque verò Scriptura in hoc negotio rectè *instrumentum* dicitur, (v. in simili d. Baptismo ceu Sacramento *Hülsem. in c. X. §. 15.* Breviar. ibique *Scherzerum*.) Sed causa potius media conversionis, siquidem non habet se ut *instrumentum passivum*, instar securis, cui vim secandi externè imprimi & per hanc elevari oportet; sed ut cooperativum, velut oculus vivus vel manus, vim videndi &prehendendi in se etiam intrinsecè habet, sibi ab anima communicatam. Et hinc Scriptura *Ebr. IV, 12.* vivum & *efficax* verbum dicitur: non quòd vis illa sit qualitas quædam verbis a. sensui Scripturæ inhærens; sed quòd, vi liberrimæ suæ voluntatis, DEus suâ gratiâ Scripturæ semper adsit, & quando illa legitur a. docetur, cum illa ad movendos homines concurrat; non secus ac si subjectivè illa Scripturæ inesset. Videlicet semper ei inest Spiritus S. actu *primò extrà usum*; *secundò* autem, quando in usu constituitur, legendò vel prædicandò, unâ indivisâ actione, DEi quidem, ut causæ principalis, verbi, ut causæ instrumentalis, virtute *causæ principalis* sibi *communicata* influentis. Nil in eò humanis viribus debetur, & ne quidem si quid veri ex rebus divinis in *Impio* reperitur, quamvis id ex divinâ gratiâ non habeat, quippe quòd is eâ destituatur, cum eidem resistat. Nam gratia quidem divina ex-

citans & *præveniens* etiam impiis non denegatur, nec iis deest, qui quamvis gratiæ salutariter, applicanti *resistant*, non tamen rejiciunt gratiam salutaria explicantem. Datur etiam *gratia* oeconomica *generalis*, quæ in servandis *mediis* salutis, nempe sacrâ doctrinâ eamque proponente ministerio versatur: quæ etiam resistentium animos, ne resistant, viacere potis est: nec illa media ab hominum pietate pendent. Deinde potest quis *naturalibus* viribus assequi *verba* Scripturæ & memoriâ tenere, sed coecò intellectu, nec perspicere mysteria modò debitò, ut illis verè & ferid, adeoque *salutariter* assensum præbeat. Cæterum *Conversio* hominis non fit in instanti; nisi *extraordinarie*, ut sub initium *Novi Testamenti* exempla in *Paulo*, item *Latrone* & in conversis aliquot millibus in *Actor. II, 41.* ex Concione *Petrì* habemus; ut tamen interfuisse potuerint, qui initia solum conversionis acceperint, successivè aut planè non conversi. Nam fides non est habitus adultis *infusus*, sed mediantibus actibus nostris acquisitus, *Rom. X, 17. Job. XVII.* qui à facultatibus animæ nostræ eliciuntur quidem, sed non per vires naturales nostras, sed per gratiam Spiritus Sancti, quasi per verbum se exserit, & facultates animæ ad tales actus eliciendos elevat: quò & actus *pedagogici* pertineant, quibus accedunt *notiones* nostræ communes, aliaque *idea* legitimæ tum & usus *disciplinarum* & *Philosophiæ* biblicus, in quibus ratio & facultates humanæ se exercere possunt; modò *principia* conversionis non aliunde quam *ex verbo Dei* petantur, nec aliter nostris utamur notionibus, axiomatibus & methodis, quàm *instrumentis*, & ut applicentur, quòdusque norma seu verbum Scripturæ divinum permittit. Nam actus *verbi Divini* immediati sunt actus *supernaturales*, in intellectu & voluntate elicti, quibus magis imagoque perficiuntur, ut in illis dispositio oriatur, quæ tandem in habitum abit, & sic fides est verbi divini effectus mediatius. Verbum sc. divinum auditu perceptum proximè est causa motuum & actuum doctrinæ s. informationis, consolationis, &c. qui omnes immediati, & distincti, & simultanei sunt, & hisce mediantibus, causa ipsius habitus fidei, *Rom. X. 17.* quam & Spiritus Sanctus, qui & inde pignus & sigillum dicitur, *2. Cor. I, 21. Ephes. I, 13.* obsignat. Concurrit ergò bono ad Conversionem sui tantum uti subiectum *passivum* & ut fractione Spiritus San-

Si se permittat: quippe quod ea non violenta, nec physica, ut nec merè moralis, sed supernaturalis, & suavis tamen & amoriflua sit. *Post conversionem* verò voluntas & intellectus hominis instrumentum sunt Spiritus Sancti, ut gratiâ viribus sibi cœlitus concessis apprehensâ utantur, & in fidei exercitiis Spiritui Sancto cooperentur.

Proinde, sicuti falsa est doctrina eorum, quibuscum collisus est *Huberus*, quasi *vis* immediata luminis *absolvatur* quod loquuntur, *decretò*, quod homo tales cogitationes salutares inire debeat, & tunc in mente non aliud sit fides quàm collectio rationalium argumentorum; & imò aliud non possit in eâ absque *Enthusiasmo* statui. Ita quando *Huberus* in hac positione mentem suam exponit: Divinitatem Scripturæ Sacræ & simul veritatem fidei Christianæ *persuaderi* Auditoribus *electis*, vi Spiritus Sancti, mentibus *speciali* gratiâ cœlitus *adfusâ*, *juxtaquè* verbum illis insinuatâ. Auditionem & rationem esse causas instrumentales. Ef-

ficientem causam fidei esse cœlestem, immediatam & irresistibilem. Fidem animis receptam *testimoniò* Spiritus Sancti in Fidelibus obsignari, idque testimonium à fide *ratione* perceptâ realiter diversum & discretum esse: *ex superioribus* facillè apparet, quid in assertis ejus desiderandum sit. Saltem hoc denuò inculcamus, Spiritum Sanctum Conversionem operari per verbum *non vi irresistibili*, sed ut homo impedire eam eive resistere possit: Sunt autem in hoc negotio considerandi primi motus sancti, & motus subsequeutes. *Priores* isti solum *irresistibiles* sunt, quatenus deliberationem nostram antevertunt, ut in potestate nostrâ non sit, ne oriantur: posse verò *resisti* illis, postquam orti sunt, ne radices agant, & ne boni motus posteriores subsequantur: sicut etiam illi, quos Spiritus Sanctus, post inspiratam per Scripturam cogitationem sanctam & desiderium, ulterius excitat, non inspirantur homini irresistibiliter; sed ut resistere illis eosque impedire, omninò possit.

CAPVT XXV.

De variis Rebuspublicis.

ARGVMENTVM.

Tres dari formas civitatis. Earum quæ sit præstantissima questionem esse politicam. Obiter tamen pro Aristocratia & quidem laxiore disputatur, hac inprimis ratione; quod in eâ liberissimum imperium sine periculo tyrannidis & confusionis haberi posse videatur &c.

I.

Diversitatem Rerumpublicarum, ad quas post Imperium in genere transeundum, optimè *ex numero imperantium* (a) distinguimus. Nam cunctas nationes & urbes populus aut primores aut singuli regunt. Delecta ex his & constituta Reipubl. forma laudari facilius quam evenire, vel si evenit, haud diuturna esse potest.* Nempe si jura majestatis ita inter diversos ordines distribuuntur, ut sua singuli non obstricti alteris seorsim exerceant, quâ de re dictum,

* *Tacit. l. 4. anal. c. 33.*

(a) EX NUMERO IMPERANTIVM. Sed non ut à subjecto proprio; ceu quidem *Pufendorfius*

dorffius VII. §. N. c. §. 1. Utique *administratio* in formâ ipsâ Rerumpublicarum nil mutat: Id. d. 1. si quidem v. c. in Democratiâ Aristocraticè ple-
raque, nonnulla & Monarchicè, administrantur, & administrari necesse est. Cæterum ex tribus illis Formis compositam plerique præferunt. v. tamen Hefenthal. Cl. 3. *Athlet. Polit. q. 2. & 4.* ubi de

præstantiâ *mixta* Reipublicæ, quam non dari existimat Pufendorff. Sed tamen irregularem. VII. §. 2. & 13. sqq. item *Systemata*. Tales non protinus esse, quæ Provincias habeat. §. 16. vide Eund. de his, quæ habent *communem Regem*, ut & qui *fœdere* coaluerunt. §. 17. 18. 19.

II. Tres igitur sunt formæ civitatis: *Monarchia, Aristocratia, Democratia*. Quarum quæ sit *præstantissima* (b) disputare Politicorum est. Forte in universum, nihil, quod singulis applicari queat civitatibus, determinari potest. Quando quæ forma uni populo saluberrima videtur, ea sæpius alteri anceps aut gravis est. Scilicet, præstantiam non ex nobilitate aliave excellentia, *sed ex solâ subjectorum utilitate* metiendam esse, ultrò intelligitur. Uti & illud, non quæri, quæ sit perfectissima, ut omnibus careat vitiis, *sed quæ incommodis laboret minus gravibus & crebris*.

(b) PRÆSTANTISSIMA. Pro quâlibet earum habet argumenta Hefenth. d. qu. 2. & Junius Qu. 4. *Polit.* Monarchiam præfert Forstnerus ad

t. ann. Tacit. p. 30. & Pufend. d. c. §. 22. ubi ad ea, quæ habet in contrarium Auctor der Politischen Wagschale, facile respondere posse, putat.

III. Ita sine præjudicio faciendæ applicationis ad singulas in hypothesis civitates, videmur nobis optimatum merito præferre posse Rempublicam. Non quamlibet, sed ita constitutam, uti *nemo sit ex populo*, (c) qui non in tempore & loco secundum ordinem legis Imperantium numero aggregari possit. Insuper ut non nimis exiguus sit numerus, sed pro magnitudine civitatis amplior quam restrictior. Rationem adducemus quam forte novam dicere possis. Quia quanto quæque civitas absolutius imperat, cum periculo quam minimo tyrannidis & seditionum, tanto Respublica præstantior habenda est. Hoc autem nos de ejusmodi Aristocratiâ, quam modò descripsimus, adfirmandum putamus.

(c) NEMO SIT EX POPULO. Sed hoc *Democratice* quid habet. (v. tamen c. 33. §. 4.) Sicut v. Aristoteles in *Aristocratiâ* proclivis est, cum Popularibus *Græcis*, qui Monarchicum imperium aversebantur: ita & *Belgas* videas eò propendere, interque eos cum Auctore *Grotium*, &c. cūprimis citatum Auctorem *Bilancis Politicæ*. Quan-

tumvis autem sibi Auctor *Aristocratiâ* singularem effingat, cui præstantiam hanc addicere queat; tamen vix apparêt, cur non absolute magis imperare posse debeat Rex, quàm Optimates, quorum studia nunquam non diversa, consilia magis lenta & impedita; nec prompta in illis, ut ab uno, executio: ita ut nil quicquam sit ad absolutum imperium

perium necessarium, quod non semper in Rege reperitur. Vix autem, ut in aliquâ *Aristocratiâ* absolutâ omnia constitui possint. Est quoque facilius, ut inter Optimates ad *Principatum* quis contendat, quàm Rex ad *tyrannidem*; imò & *Oligarchia* tyrannide s. Dominatu gravior est. Neque etiam ob hoc Regnum minùs præstantius Aristocratiâ, si Regni oppositum deterius Oligarchiâ æstimari posset, quia potius eò magis bonum censendum est, & contrarium excellentius arguit *Tyrannis*. Quæ

verò in *extraordinariis* Imperiis Aristocraticis *Auctor* admittit mala, quidni multò facilius admitteret in *perpetuis*, quæque abrogari optimatibus non possunt. Denique non ita Regem turbant aut turbare audent cives, ut Optimates singulos illi, qui præcipui sunt de populo, & imperium habere quàm expectare malunt: ad quod quidem in Principatu nullum alii patet aditus ac Principem majori Religione, ceu *personali Dignitate omni* unum & solum munitum, venerantur.

IV. *Absolutam potestatem* (d) duobus illis incommodis liberatam civitati salutarem esse, neminem rectè æstimantem censeo negaturum. Quippe cum ad expeditam efficacemque rei communis administrationem sine dubio utilissimam, nihil quam soluta impedimentis agendi libertas est convenientius. Sed in regnis ideò cordatioribus populis displicet absoluta potestas, quia tam proclivis inde est in tyrannidem lapsus, ut à multis, etsi perperam, pro tyrannide habeatur. Sed hoc in *Aristocratiâ* periculum, ubi aliorum bonitas malitiam aliorum refrenat, nullum aut perexiguum est. Quò pertinet, quod Cicero, collegium consulatus ita cohibuisse impotentiam singulorum testatur, ut præter *Marium* & *Cinnam*, denique *Pisonem* & *Gabinium*, nunquam mali Consules extiterint ambo, etsi de *Pisone* plus affectui quam iudicio tribuisse videatur. Decemviros aut Triumviros Romæ, Triginta *Athenis*, non est quod mihi quisquam objectet. Extraordinariæ enim illæ potestates fuere, quas ratio & experientia imprimis periculi plenas testatur.

(d) ABSOLUTEM POTESTATEM. De hac vid. Pufend. VII. 6, 7.

V. Præterea in regnis absoluta potestas suum finem haud perinde adsequitur. Quia populi & proceres sæpe Dominantes in exercitio *αυτοκρατίας* suæ turbant, & ab nutu unius omnia pendere pati non possunt. At in laxiore optimatum Imperio, non videmus ægrè ferre populum, omnia cum liberâ potestate agi ab his, quibus summa imperii suo jure competit. Aut si ægritudo non absit, motus tamen & destructio civitatis non facile contingit. Quia præcipui è populo, quorum ductu seditiones oriri debent, sunt vel participes Imperii vel futuri sperantur. Quæ ratio est, quod nec de honoribus tam facile tumultus nascantur.

nascentur, ut in veteribus Rebuspubl. ubi plebs & patricii perpetuâ familiarum notâ discreti, seorsim ad honores, altero ordine excluso, grassabantur.

VI. Plane & facilius credunt populi, à se ipsis gestum videri, quod est actum ab his, qui ex ordinibus cunctis sui que medio ad Imperium evecti sunt. Adeò ut non pauci Democraticam formam jure primævo esse putent, ubi promiscuè è populo sumuntur Imperantes, quod tamen erroneum esse *in loco* (e) videbimus.

(e) IN LOCO. c. 34. Antiquissimam utique idem sentit: de quò *superius* visum est. Auctor *suprà* habuit, & Pufendorffius. d. c. 5. §. 4.

VII. Haud temerè alioqui sunt qui arbitrantur in Imperio enormiter magno, quale fuit Romanum, vix aliter pacem, quam sub *unius Imperio* (f) posse servari. Sed hujus rei disputatio plenior, quæ non tam juris, quàm prudentiæ rationibus constat, à politicis petendam relinquemus.

(f) UNIVS IMPERIO. Et multum adferunt commendationis Pontificii ad Monarchiæ formam, ut *Papæ* Regimen tueantur: quò tamen ea non pertinent.

CAPVT XXVI.

De Monarchiâ & Condominis.

ARGVMENTVM.

Speciem primam Reip. esse Monarchiam, sive Regnum, à quo distinctum non videri condominatum, cum plures in eodem Imperio singuli summam habent potestatem, quia pro plurium Imperio id haberi non potest, cum non sit collegium, nec pauciores plurium sententias sequi cogantur. Variæ condominiumis species aut magis modi enumerantur. Esse & inter eos, cum Regina virum Imperii facit participem, quod tamen in voluntario Imperio sine consensu populi fieri non posse. Quot modis uxor Imperatrix maritum habere possit. An fœmina summis Imperiis rectè admoveantur.

I.

MONARCHIAM esse unius imperium solo satis vocabuli argumento constat. Quod tamen ita præcise captari nolum, ut quotiescunque plures in uno regno Domini extitere, toties Reipubl. formam mutari statuamus. Neque enim rectè existimaturus videtur, qui in Romano

imperio, si quando *plures* Augusti fuere, Principatum desiisse contenderet. Cum enim longius illa societas Imperantium ab *Aristocratia* quam a *Monarchia* distet, consentaneum est, ut ab eâ specie, cui proxima est, appellatio petatur. Ita *Lacedæmoniis* duo Reges fuerunt, idque Regnum vocabatur, nec non verum fuisset Regnum, si potestas verè summa fuisset. Præter quod extraordinarius atque, ut ita loquar, *accidentalis* ille plurium concursus plerumque habetur. Unde formas *peculiares Dyarchias* (a) aut *Triarchias* in Artem introducere nec congrueret neque expediret; tametsi fatendum, Monarchiæ vocabulum tunc esse minùs commodum. Accedit, quòd isti *Condomini*, ut hi vel his similes à Germanis *ICTis* appellantur, non constituent *collegium*, adeoque nec unus plurium sententiam sequi compellatur. Nam ut hoc juris sit, opus est pacto. Condomini autem Imperium civitatis habent eodem jure, quo plures eandem rem sine tractatu societatis pro indiviso tenent. Quo casu notum est, quemque liberum suæ partis arbitrium, nec reliquorum consensui obnoxium, retinere *l. 28. π. Comm. divid.*

(a) **PECULIARES DYARCHIAS.** Hinc quoniam subsistere non licet in Tribus illis Rerum. Formis, nisi quodd *Regulares* illæ sint: *irregulares* admittere oportet plures, ut tamen illæ ad *Regulares* istas à potiori deducantur. Quocirca nec *Puffendorffius V. J. N. c. 8. §. 15.* Dyarchiam aut Triarchiam distinctas formas conficere voluit. Equidem *Monarchiam* fuisse quando duo vel plures Imperium Rom. tenuerunt, *Besoldus* negat *c. 3. d. Monarch. & Bodinus II. d. Rep. c. 2. n. 188.* Sed affirmat *Arnif. Lib. 1. d. Jurib. Maj. c. 4. n. 1. & sanè Aa.* Monarchiam appellarunt. v. *Dion. L. 59.* nec dubium est, Imperium Rom. saltim Monarchiam dicendam fuisse sensu sacro, quò *Catholicum* notat. Cæterum *dist.* oportet, an Terras dividerint vel dividant imperantes nec ne. *Ibi* vel bimembris est divisio, ut quando olim imperatorum unus Orientem alter Occidentem tenuit, quæ & trimembris esse potest: ut Orbem s. imperium ingens tripertitò teneant, quò casu cum nullus eorum ab altero pendeat, duo quidem Regna dari asserendum est, ut tamen quando Legibus eisdem & fœdere ac consanguinitate perpetuâ po-

puli, ut tunc quidem in Rom. Imperiò, utantur, sitque substitutio quasi mutua Imperantium, nihilominus pro Monarchiâ haberi debeat. *Administratio* v. si unicè divisa fuerit: sive simultanea sive per vices, (*add. Auct. §. 2. b.*) ad Regni divisionem nil facit. *Indivisas* terras si duo vel tres teneant indivisim, ne sic quidem forma Aristocratia accenseri potest. Nam duobus existentibus, si dissentiant illi, nil conficitur, nisi quodd pacto in certos casus vel capita convenire queant: cum quidem si plures Optimates sint pares numero, tamen non ita frequens dissensio parium Votorum occurrat. Proinde *unum* præpollere oportet, & sic ad Monarchiam irregularem spectabit. Quando autem *Ludovicus* Bavarus cum *Friderico*, post diuturna bella, convenit, ut quidem communi Regis titulò *Fridericus* uteretur, sed de cætero imperiò abstineret, Monarchiam regularem fuisse minus dubium est, nil officientibus pacti verbis: *das Röm. Reich, dazu wir beyde erwählt, miteinander gleich als eine Person.* In Tribus verò Imperatoribus nullibi reperimus hoc actum fuisse, ut duo tertium, ut in Aristocratia necesse

neceſſe eſt, vincere poſſe deberent: quin potiùs eſſet Imperium reverà penes eum, qui cæteros admit- teret, aut ut Vicarios generales, aut ut Succeſſo- res; niſi pactò aut factione jungerentur: ſic vel utrobique *irregularis* Monarchia conſcitur, cum non æquò jure Triumviri Imperium teneant: qua- le quid ſi fiat, dubium iterum non eſt, quin

ſpecies ejusmodi (quam & *Triarchiam* nuncupare licet,) ad ſtatum Optimatum ſ. Ariſtocratiam re- ferri debeat: (ſecùs ac *in ſ. i. b.*) ad quem qui- dem unicè congruit, quod Rumelin. *III. ad A. B. c. 2. th. 17.* opinatur, Triarchiam Dyarchiâ melio- rem eſſe: nam de Majorit. votorum in Triarchiis Romanis non agebatur.

II. Ex quo apparet, quàm ſit fragile & anceps hoc genus Impe- rii, quoties verè ſummum eſt, ut fuit apud Romanos, cum duo tres- ve ſimul imperaverunt. Nam ubi ſuperior poteſtas penes populum aut ſenatum reſidet, ibi ſalubre inſtitutum, videtur eſſe, duos quàm u- num præficere ſummæ Reipublicæ, quod exemplo, Spartanorum Ro- manæque civitatis in Conſulibus egregie approbatum eſt. In exiguis quoque jurisdictionibus, ſicut plerumque accidit in Germaniâ, hoc genus communionis periculo magis quàm incommodo caret. Alio- qui in magnis ſummisq; Imperiis, oportet Condominos alterumve ex illis ſummâ moderatione vel induſtriâ præditos eſſe; veluti *Marcus* cum *Vero* comparatus fuit; Aut Imperium in partes ſubjectivas dividi neceſſe foret. Quod vel ita fieri poteſt, ut ſecundùm adminiſtratio- nem duntaxat partitio fiat; quod fecêre *Diocletianus* & *Maximianus*; Vel ut Civitates omninò diſtinctæ conſtituantur, ſicut poſtea Imperi- um Romanum in orientale & occidentale diſceſſit; quanquam hi tum deſinunt eſſe Condomini & tantisper ſinguli, verèque monarchæ ſunt. Vices quoque imperandi conſtitui poſſent. Aut ſi nihil horum, tum fieri debet, quod *Pyrrhus* ad filios ſuos; regnaturum dicebat eum, cu- jus acutior foret gladius, *teſte Plutarcho in ejus vitâ.* Quomodo Cara- calla & Geta, fratres, cum viam concordix diviſionisque fruſtrà ten- taſſent, dirempti leguntur; *Geta* per fratrem in ſinu matris *Julix* con- ſoſſo, cum quidem illud diviſionis conſilium in orientale & Occiden- tale magno niſu turbafſet, oblato corpore ſuo, ut id prius partiren- tur, filiis eâ de re ſeriò cum amicis deliberantibus, *narrante Herodiano. lib. 4.*

III. Porrò *Condomini* fiunt primò hereditate, cum in ditione patri- moniali plures liberi pariter ſuccedunt; idque ab inteſtato vel diſpoſi- tione ultimi regnantis, ubi hoc jus principibus competit; Secundò

electione, quando plures cum summâ potestate singuli constituuntur, eaque vel est à populo, vel à Principe Collegam adsciscente, ut in Imperio Romano sæpius accidit. Vel denique *mixtô jure*, ubi Primogenitura quidem obtinet, sed primogenitus ad regnandum ineptior à Proceribus aut à populo extrâ ordinem fratrem aliumve Collegam accipit, ut his diebus usu venit in *Moscovitis*. Etiam, etsi diversâ ratione mixturæ, apud Anglos & Scotos, ubi *V Vilhelmus & Maria* singuli summam potestatem in solidum acceperunt, jure quidem electionis, successorio tamen haud procul. Habent, inquam, singuli summam potestatem; in hoc quippe diversitas hujus regiminis à *polyarchiâ* consistit, quod optimates ut universitas Imperium accipiunt; Unde singuli pro subjectis habentur, & sunt reverà *è numero subditorum*. (b) Quod de *Condominis* istis nullo modo intelligi potest. Proinde cum ab *Aristocratiâ* sint prorsus alieni, non est, quod aliò quàm ad Regnum referantur.

(b) E NUMERO SUBDITORVM. Quodd si etiam partem definitam non teneat is, qui inter plures Condominos electione populi constitutos reperitur, non minùs videri potest cujuslibet Optimatis locum sustinere. (v. Auctor. §. 4. b.) ibi: ut *universis*. Quodd enim inter Condominos inferiores jurisdictionis partem suam pro indiviso quoque vendere possit liberè, l. 3. 4. C. d. Comm. Rer. alien. illud inde procedit, quia certam habet & definitam partem regionis. Ut tamen quoad *Administrationem* in illa Regione nil possit, ne quidem pro parte disponere, nisi concurrentibus Con-

dominis. l. 9. pr. d. Pact. Kylling. Disc. 8. de Gannerbin. n. 87. Adèd ut prohibentis regulariter melior sit conditio. Christin. 1. Vol. Dec. 210. A. Fab. 3. Cod. Sab. tit. 26. def. 1. Unde & *suffragia* in Comitibus oportet à Condominis Regionum in Imperio Rom. pactis & conventionibus in *unam* sententiam constitui, ut dehinc communi nomine proferrantur. Non etiam unus Condominorum in alterum habet Jurisdictionem, estque falsum penitus, quod vulgò traditur, quasi delinquendò Condominus Dignitate suâ excidat.

IV. Oportet a. in Electione diserte exprimatur, singulos fore Augustos: Nam Imperio simpliciter pluribus delato, non singulis, sed *ut universis* summa potestas *delata* (c) intelligitur; *Decemviris* Legum condendarum, & *Triumviris* Reipubl. constituendæ causâ; utrisque apud Romanos.

(c) UT VNIVERSIS DELATA. Nec interrit à populo, five à pluribus *occupata* & agnita à populo vel tolerata fuerit summa potestas.

V. Eadem fere species per feminæ regnatricis nuptias contingit, Quando maritus ut particeps & *collega* (d) imperandi adsciscitur. Quo modo

modo *Ferdinandus Arragonius* (e) cum *Elisabethæ Castellana* fuit conjunctus. Quod tamen non aliter quàm populo consentiente in regnis voluntariis fieri potest. Excedit enim id notissimos præsumptæ voluntatis terminos, & quidem magis quam si Princeps post mortem de imperio disponat.

(d) ET COLLEGA. Quò casu nec maritus in uxorem, ut nec hæc in maritum *Jurisdictionem* habet. v. in simili Mylerum.

(e) FERDINANDVS ARRAGONIVS. [Filius *Sancti III. Majoris, Arragonia & Navarris Regis.*

Is enim *Ferdinandus* Castellam Navarræ per matrimonium cum *Elisabetha* junxerat. Nostri temporibus eò Regnum *Wilhelmi Henr. Auriaci* cum *Mariâ* in Angliâ pertinuit.

VI. Multò fortius dicendum, *populi consensum esse necessarium*, si Regina se exercitio Imperii exuere totumque viro committere velit. Utroque enim casu Vir summam potestatem *verè consequitur*, (f) illic ut socius, heic etiam solus. Quanquam utroque casu revocabiliter, sub conditione morientis ante ipsum Conjugis. Maritus enim ubi esse desiit, jus quoque tanquam marito delatum finiri consentaneum est. Cujusmodi tamen conditio temporalis non impedit, quominus imperium æquè sit summum, ac si perpetuum foret, quemadmodum *antea diximus*. (g)

(f) VERE CONSEQUITUR. Neque etiam *temporalis* ea est conditio, quando maritus per totum vitæ suæ tempus Regnum gesturus est; tantum *Regina* Imperiò vacat, receptura illud, quando Maritus vivere desierit. Quòd si verò eadem ut Marito imperium concessum fuerit, ut solutò etiam ex parte Uxoris matrimonio depocere debeat Imperium: ita quidem non potest asseri Maritum, superstitè Uxore, Regem verè fuisse,

quippe temporarium, & quòd ex personâ Regine seu Conjugis suspenderetur: quin potius vis Imperii *radicaliter* penes Uxorem constituisse putanda est, ut id ipsum nunc etiam cum vitâ hujus expiret. Idem est, si Reginam diceret Imperium per essentiam, Maritum v. per participationem tenuisse.

(g) DIXIMVS ANTEA. L. I. c. 14. §. 12.

VII. Cæterum, potestas maritalis, quæ juris Gentium fertur, in priore casu, *vix est ut effectum habere possit*; (h) Nisi quatenus mulier, etsi jus imperandi non abdicaverit, administratione tamen, honore contenta sponte absteineat, ut ferè *Elisabethæ Philippi* juncta *Alberto in Belgis*. (i) Aliquando *Condominatus* ita ab initio constituitur, ut actus primus & signatus utriusque sit in solidum, actus secundus & exercitus apud unum: quod singulari exemplo placuit in *Angliâ*, ut Rex præ-

sens habeat solus facultatem summæ potestatis, eandem Regina, dum Rex abest, sola jure teneat.

(b) VIX EST VT EFFECTVM HABERE POSSIT. Quasi publica Potestas, Regia videlicet, in Muliere, videatur impedire effectum privatæ potestatis, h. e. maritalis. Et tamen quoniam hæc ab ipsô Jure *Naturæ*, (quod hîc Gentium est Auctori,) procedit, tanquam firmiori; Potestas v. Regia ex *Gentium* Jure censeatur. Hinc ab hâc ipsâ tolli potestatem Maritalem in Uxorem, quippe quæ Divinô etiam jure nititur, asseri non potest; quicquid etiam *J. Frid. Hornius* contradicat *L. 2. Polit. Archib. c. 11. §. 4.* Neque enim per se actus Imperii privati, (quod vel in Domô Viri Ma-

gistratum sustinentis cum Republicâ comparatâ elucet,) adversantur actibus Regiminis Publici, quin potiùs Consistere juxta possunt. Idemque *ad §. seq.* observandum est.

(i) ALBERTO IN BELGIS. *Austriacus* erat, frater Rudolphi II. Imper. ex stirpe Maximil. II. ultimus, hætenùs Cardinalis & Archi-Ep. Tole-tanus. Ille ductâ indultu Papæ *Isabellâ* Clarâ Eugenîâ, Philippi II. Filiâ, Phil. III. sorore natu majore, Belgii Gubernator, cum hereditariâ in Belgium jure per *Isabellam* acceptô, factus erat. Anno 1596.

VIII, Multo evidentius cessat matrimonii Lex, cum Regina totum & jus & exercitium Imperii sola reservat, nec aliud quàm Regis titulum viro impertitur. Quomodo *Johannæ Neapolitanæ*, (k) & forsitan *Mariæ Britannæ* (l) suos maritos habuerunt, utique Scotica. Nam de *Maria Angla* paulo aliter videtur. Tali casu, maritus non dispari jure utitur quàm *Augustæ* apud principem Romanum, estque subditus uxoris suæ Vir, quod aliquando malè cedit iis, ut *Andræ Neapolitano* & *Henrico Stuarto*, qui uterque ab uxoribus non modò à regiâ potestate, sed & è medio vitæ sunt sublati; *si fides Historiæ. dixi in Hist. civ. Tom. I. ad ann. 1250. c. 3. & tom. 2. ann. 1588. c. 13. n. 4.*

(k) JOHANNÆ NEAPOLITANÆ. Hæc *Johanna I.* quæ anno 1343. imperare coepit, *Andream*, *Caroli Roberti* Regis Hungariæ filium, maritum suum laqueô suffocavit, & dehinc *Ludovicum Tarrentinum* duxit. Adv. hanc Papa *Urbanus VI.* *Ludovicum*, & defunctô eô *Carolus*, Hungariæ Reges Neapolis Reges constituit; Ipsa verò *Johanna* *Ludovicum* *Johannis Galliar.* Regis filium adoptavit, eique Jus Regni concessit. Sed *Carolus Neapoli* potitus *Johannam* cepit & ad ann. usque 1381. regnavit.

(l) MARIÆ BRITANNÆ, *Henrici VIII.*

ex *Catharinâ* filia. Hæc superatâ fortunæ invidiâ, Regni scepra successionē hereditariâ consecuta est, & *Philippi Hispaniarum* heredi, *Caroli V.* filio, eâ conditionē nupsit, ut si liberi non nascerentur, *Philippo* nihil juris in Angliam esset: eaque videtur *Philippo* Imperium permittere voluisse, saltim ut non ille nomen tantum Regis haberet. Ipsa regnare coepit anno 1553. & ætatis anno 40. sine liberis decessit: quam *Elisabetha* soror ex *Bolenia* 1559. excepit. Diverſa est ab hac *Maria Scotiæ* Regina sub *Elisabethæ* Imperio anno 1587. securi percussa.

IX. Sed estne juris, ut *feminae* summis Imperiis admoveantur, quas DEUS & homines ab omni publicâ administratione tam in Ecclesiâ, quàm in Republicâ, voluit exclusas, & quas naturalis pudor acin-

firmitas

firmitas ad parendum potius quàm ad imperandum creâsse videtur. *Respondet*, jus naturæ & Gentium non excludere fœminas simpliciter ab omni imperio, ut apparet in matribus familiarum, quæ in liberos & servos utcunque magnò numerò, habent potestatem, item in pagos ditionesque hereditarias; sed ubi cum viris *concurrunt*, cæteris paribus, *excluduntur*, ut in Imperiis domuum, viris existentibus, & magistratibus, ad quos viri semper haberi possunt. Eodem modò, in summis Imperiis, *postponuntur viris*, (m) cæteris paribus. His in familiâ regnatrice deficientibus non excluduntur, nisi lege positivâ.

(m) *POSTPONUNTUR VIRIS.* Eas ab imperio exclusas vult *Lipsius*, sed tuetur eas *Daneus* & operosè *P. Gregorius Tholos.* De vidua Regina, quòd maritò extraneò citrà populi & procerum assensum nubere non possit, Vid. *Knichen. in Op. Polit. Lib. 1. c. 1.*

CAPVT XXVII.

De

Speciebus Monarchiæ, ubi de Dominatu & Imperio violento.

ARGVMENTVM.

Regnum heroicum, Æsymneticum, Laconicum, non esse distinctas regni species, quod ad juris rationem attinet. Non nisi duas esse tales, Regnum βασιλικόν & dominatum βαρβαρικόν. Definitio utriusque & differentia. Possesse & justum esse dominatum. Quo jure subditi bello victi ad obsequium obligentur. Nulla in re Despotas videri populis obligatos, nisi, ne totam perdant civitatem.

I.

Species Monarchiæ plures numerant ex *Aristotele* Politici, sed plerasque ad juris diversitatem (a) parum pertinentes. *Aristot. l. 3. polit. c. 10. & 11.*

(a) *AD JURIS DIVERSITATEM.* Videlicet duæ tantum eò faciunt, Regnum plenum s. βασιλεία, & Regnum Barbaricum s. Despoticum, quò plerumque Orientales utebantur. Itaque Heroicum, Laconicum & Æsymnetarum apud Græcos, nil ad rationem diversam Regni pertinent; ut tamen *Auctor Dictatoribus* Majestatem non rectè

tribuat, quibus pares in hoc Æsymnete fuerant, quòd & ipsi haberent ad tempus Potestatem: quos quidem *Aristoteles III. Politic. c. 4.* inter maximos Tyrannos retulit. Regnum Hebræorum quod attinet, *Hugo Grotius I. d. J. B. & P. c. 3. §. 20.* minis rectè illud ad hæc nomina retulit, ab *Osiandro* in *Annot.* ad ipsum meritò reprehensus, cum potius

potius Regnum hoc ad *plenum* referre debuerit; ceu ex *Jure Regis* apud *Samuel.* & ex *Psalm.* LI. eluceat. Etenim potuisse Regi *verbera* infligi, commentum esse *Rabbinorum*, ut & quod Regi-
bus judicia aliqua adempta fuerint. Et *Synedrui* quoque originem ad Statum regium inclinantem referri oportere.

II. Nam *heroicum* Imperium, quô ad regnum evehuntur hi, quos spectata inter bonos moderatio & valoris ac virtutis reputatio commendat, quales initio rerum hominumque Reges creatos volunt antiqui, jure potestatis nihil ab reliquis discrepat.

III. Nihilo magis *Æsymneticum* regnum, quando ad tempus aliquis summæ Reipubl. præficitur. Quia pridem diximus, durationem temporis non variare speciem summæ potestatis, modò acta imperantium intra suum tempus nequeant infirmari. Quare & *Dictatores* (b) magis est, ut nos pro *Monarchis* habeamus, non minùs quam *Decemviros* pro *Aristocratia* summâ, quanquam eorum potestas non semper integra conservata est, partim facilitate ipsorum, partim importunitate populi,

(b) DICTATORES. Idem, quodd Majestatem habuerint illi, propugnat operosè Jo. Jac. Müllerus, *tribus Dissertat.* Quantæcunque v. Potestatis illi fuerint, non tamen inde *Majestatem* quis exstruat, quippe, licet *summa*, tamen non nisi *Magistratus* & vicaria, à Populo illis delata, haberi potest, five illis in *tempus* definitum five ad *tempus vitæ* demandata fuisset; ne de cæteris, quæ in illis occurrunt, majestati, (quam Imperii summitas per se non infert,) minùs congruis dicamus.

IV. *Legitimum* Regnum, quod Legibus subjectum & Spartanæ civitatis exemplo *Laconicum* dicitur, tale duntaxat est nomine tenus, verà constituit *Aristocratiam*. Non quia Reges erant duo, sed quia domi magis Præsides Senatus, foris nihil quam Duces belli erant. Prorsus, ut hodie dux Venetorum, aut potius ut Arausionenses in Belgio Principes. Qua comparatione liquet obiter, ejusmodi Ducatus quamvis perpetuos cum libertate Aristocraticâ non male convenire, posito habili situ Reipublicæ; nam est etiam, ubi res secus evadit.

V. Nobis igitur plures Monarchiæ species non sunt considerandæ, quàm hæ duæ, *Regnum* & *Dominatus*, sive Imperium, ut Aristoteles, loquitur, *παυσασιλικόν* aut *βαρβαρικόν*. (c) *Regnum* verum & plenum est, ubi princeps habet summam & liberam potestatem, faciendi in civitate, quod è re communi videbitur, *salva tamen* (d) *civium libertate* & *proprietate rerum*. Plane de his illa omnia prædicare licet, quæ *superius*

perius de efficacia Imperii voluntarii & simpliciter delati, denique de jure summæ potestatis, nullis legibus obsessô, fusè disputavimus.

(c) ΒΑΡΒΑΡΙΚΟΝ. Originem Vocis inquirunt Voss. Martinus, Drusus, al. Græci per eam vitium *Sermonis*, inculti scil. notabant, extensâ etiam postmodum ad *mores* rudes peregrinorum, & asperos. Sic & *Romani*, cum Gens utraque linguis suis & institutis præstare sibi viderentur aliis, qui non in ditione eorum aut amicitia essent. Denique in *peregrinos*, licet Romanorum Imperio adjectos, eandem denominationem retinuerunt. Briffon. d. V. S. cum *infertis*. Ut jam non amplius convitii nomen, sed discriminis, fuerit. Bœcler. II. Diff. in Theodorico OstroGothô. p. 124. In Sacris linguam eorum, qui nec intelligerentur, ut & morum ruditas notat Barbaries. Rechenb. in HieroLex.

Inde ab asperitate, unius imperium durum Aristoteli Barbaricum dictum est.

(d) SALVA TAMEN. Neque verò libertati Civium aut bonis ullatenus detrahit, quod pro communi Reipubl. bono *personas* suas & *bona* impendere singulos oporteat, ut ipsi cum *universis* serventur: Jam enim *Imperii* & *Dominii eminentis* in civium personas & bona, quâ potestate extraordinariâ nullum carere recta Respublica & Imperium etiam *Polyarchicum*, in rectô justoque ejus usu, potest, ea est conditio, ut quod civium unus alterve sub eâ sustinent, iisdem quâ fieri potest, ex communi, quodocunque refarciatur.

VI. Existere igitur hanc regni speciem putamus, ubicunque potestas civitatis uni homini *sinè modo*, *sinè conditionibus*, (e) voluntate civium simpliciter defertur. Quemadmodum Lege Regia in Cæsares Romanos, ut Jurisconsulti tradunt in l. 1. π. de *Constit. Princ.* & nostro tempore Danicum Regnum ex electivo & legitimo factum est absolutum & arbitrium solenni Ordinum populi consensu. Nec aliter hodieque regnum Francorum haberi videmus, præscriptione tamen magis, quàm jure primævo, quô id etiam legitimum fuisse docuit Hottomannus in Franco-Gallia. Cæterum promissio Regum, quod juste imperaturi sint, nihil juris addit civibus, ex quo potestas regnantium mutetur aut restringatur, sed hoc speciale & exceptum esse oportet; Generalis ejusmodi promissio regnantium animos duntaxat obstringit; ut ante-hac demonstratum est.

(e) SINE MODO, SINE CONDITIONIBUS. Nec tamen *Lex Regis* sinè modô aut conditione fuit; ut *suprà* ostendimus. Cæterum universam Regni naturam his duabus speciebus, *Pam-*

basiliâ & *Dominatu* non exauriri facile constat, saltem quod ad illas, etiam anomalas & irregulares Monarchias suô modô referre liceat.

VII. *Dominatus* finitur, quod sit Imperium, quo Princeps sibi subjectis ut paterfamilias servis imperat, omniumque tam quod ad res quàm corpora Dominus existens, actiones publicas *ad suam præcipuè utilitatem dirigit*.

VIII. *Differentiam* (f) ejus à Regno ex definitione triplicem colligimus. Primam, quod *proprietas bonorum, quæ singuli possident, ad Imperantes pertinet*. Alterum, quod *personæ subditorum dominio Principis ita subjectæ sunt*, ut servitio illarum uti, deque vita ac nece disponere possit; Idque promiscuè, arbitrariâ potestate, causaque etiam indictâ. Non quod vitâ immerentem justè exuere possit, secundum id quod justitiæ ratio intrinsecus dictat: Sed quod ex causâ jure Gentium validâ habeat externam ita agendi facultatem, de quo discrimine juris diximus in cap. 4. Ex his tertia resultat differentia, à fine diverso petita, qui est in Regno civili originaliter, *utilitas subjectorum*; Quanquam illa sine commodo Imperantium obtineri non potest. In Dominatu originalis scopus Imperii stabiliti, est *utilitas Regnantis*. Quæ nec ipsa tamen absque commodo subjectorum potest custodiri. Ex his reliquæ differentiæ, inter dominum & Rectorem, servos ac cives, de quibus *Claudius* ad Meherdatem apud *Tacitum*, 12. *annal. c. 11.* quæque similia per se intelliguntur.

(f) DIFFERENTIAM. Et *specificam* quidem, vel ex solò *fine* sepositæ salutis communis. *factis* definitiones, quibus jura, (de his enim in hac disciplina disquiritur,) firmari oportet, enervandæ sunt. Neque etiam si Rex *de facto* ea perpetret, quæ herilis imperii sunt, hoc ipsò Regno, quod

IX. Causam hujusmodi Imperiorum primam vix aut rarò, nec tamen nunquam esse, voluntatem liberam populorum, sed plerumque vim aut necessitatem diximus in cap. 7. Nec tamen pro injustis habenda esse id genus Imperia, ibidem probavimus: Si vel justo bello vel deditione voluntaria tali formâ constituentur. Non magis quam privata servitus ex hac causa olim injusta fuit, quam scimus niti ratione suppeditatâ à Justiniano in §. 3. *Inst. de jur. Pers.* scilicet ab ipsâ servorum etymologiâ, quos ait appellatos à *servando*, quia cum victores bello captos occidere possent, eos *servant* ad serviendum, quod multò magis eis facere licet: eodem argumento, quo *Cicero* scripsit, non esse injustum spoliare, quos occidere justum & honestum est *lib. 3. off.* Et quidem Dominantibus ratio sui juris ita satis constat. Etiam subjectos qui se necessitate subacti dediderunt, ex pacto ad parendum eo modo teneri manifestum est.

X. Sed

X. Sed an bello victi, & *quô jure* in tantum hi *obligentur*, (g) & an status belli adhuc duret illis, quando sub stabilem dominatum sunt redacti, quæri potest. Plerumque superfluum facit hoc quæsitum nos omnium victorum, qui nihil prius habent quàm pacatos armis in verba sua adigere, fidemque stipulari. Aut si nullam expressè promissionem fieri contingat, quando victor parcit dediticiis armaque & vis præsens utrinque cessant, ita ut populus gaudeat sub certo jubendi parendique ordine vita bonisque frui; non est dubium, quin ex re ipsâ consensus eorum ad obsequium satis elucescat; quanquam jus dominantis omninò sit evidentius per promissionem disertè factam. Promittere autem videntur, se tantum potestatis Domino concessuros, quantam ipsi jus Gentium & belli tribuit. Atqui hoc sine controversia est libera rerum hominumque potestas. *Grot. lib. 3. cap. 7. & 8.* Cui se libenter subdicere intelliguntur, ut præsentis vitæ bonorumque jacturæ eximantur. Qui proinde actus cum sit voluntarius non potest non obligare promittentes. Quippe cum certum sit, eum qui vi metuque injusto coactus *promisit*, (h) naturaliter teneri, quatenus voluntas cogi nequit; ut tamen verum sit, æquè naturaliter, metus injusti auctorem, teneri ad alterum obligatione rursus liberandum. Quod si justus fuerit metus, ut in bello supponimus, nihil est, quod aut nasci obligationem impediat, aut infirmari natam requirat. Quippe Jure Gentium in bello *ex causâ licet injustâ ortô*, (i) si modò externa solennis belli requisita adsint, justam intelligi causam, quod ad externos obligationis effectus attinet, indubitatum est. *Grot. l. 3. c. 19. §. 11. d. Jure B. & Pac.*

(g) QVO JURE OBLIGENTVR. Jo. Frid. Hornius *Lib. II. Polit. Architecton. c. IX. n. 1. & 2.* consensum debellatorum non requirit, sed *Wilhelmum Barclajum* eò nomine impugnat, quasi videl. credendum sit, Deum nullò intuitu causæ justificæ victori imperium in eâ Gente concedidisse. Enimverò non ita occupamus imperia, ut res alias, quæ nullius sunt; Nec *titulum* conficit Bellum, si interna causa sibi non constet, sed *modum* acquirendi, quem tamen per externam justitiam instar tituli Gentes habendum, in causâ dubiâ, voluerant. Quoad verò durat sola vis, abs-

que pactò interveniente, durat etiam *status belli*, in quò nulla potest esse ab initio Majestatis ratio in eò, qui populum inimicum devicit. Quinimò si pactum vel maximè intercedat eum populo, cujus Regem victor ejecit & in fugam vertit, subditi quidem pactò suò obligantur; sed *Regi* tamen jus suum adh. salvum manet. Facilius autem, quando populus antea Democraticus fuit, ex patientiâ, etiam non longâ, subjectio illius populi tacita colligitur.

(h) PROMISIT. Et quis dubitet, metûs licet *injusti* auctorem promissum, quod *voluntarium* habet.

habetur, indeque promittentem *naturaliter* obligat, acceptari posse.

H. Grot. *Lib. III. d. jure B. & P. c. XIX. §. II. & Forstner. ad I. Annal. Tacit. p. 219.*

(i) EX CAUSA BICET INJUSTA ORTO. V.

XI. Non audimus igitur illos, qui Principes *hoc herili Imperio* (k) utentes indistinctè *Tyrannos* appellant. Nec qui sic tradunt, victorem Principem posse quidem delere vel dissipare populos; si autem formâ Civitatis conjunctos sibi que obligatos retinere velit, esse quod juri armorum renuntiet, populoque nonnisi liberè consentienti imperet; Proinde jus idem patiatur, quod in voluntariis Imperiis, illi cunctis Principibus incumbere docent.

(k) HOC HERILI IMPERIO. Nam & *absolutum* Imperium Rex justè habere potest; quod tamen *herile* non est. Et herile non minus justè

haberi ex se & instituto potest. At verò hoc *Tyrannis* non est.

XII. Nobis ratio dissentendi constat, ea quæ exposita est, omniumque seculorum exemplis firmatur. *vide sis Grotium d. lib. 3. c. 7. & 8.* Porro talis olim notissima Persarum & sueta Dominis Syriæ totiusque Orientis consuetudo fuit. Nec aliter hodie omnes ab ultimis Sinensibus ad usque Russos in *Europam*, populi à Despotis suis administrantur, idemque in *Africâ* omnique barbarie servatur. Quæ res cum in iisdem gentibus ab omni seculorum memoriâ pari tenore servata fuerit, ut oblatum quoque remissius Imperium sprevisse legantur, *parum abest* (l) quin *Aristotelis* sententia de servitute sive aptitudine ad serviendum naturali, quam *antehac* indicavimus, vera & evidentissimis exemplis confirmata sit, ac ita dominatus in illis gentibus etiam *δικτα φύσει*, propria populorum voluntate niti videatur. An & Israëlita petentes ab Samuele Regem ejusmodi, qualem habebant vicina gentes, suâ quoque voluntate se dominatui submisisse videntur: quemadmodum ex oratione Samuelis, quâ illos erudit de jure Regis, qualem petierant, intelligi possit? equidem in eâ cernuntur duo *νετρήσια* despotici Imperii, dominium in personas, *accipiens filios & filias vestras*, atque in res, *agros vestros, &c.* Attamen *de voluntate populi* (m) istius aliter existimandum esse *suprà* probavimus. Quemadmodum & hoc satis constat, labefactatâ Regum potentiâ post Salomonis excessum, non tenuisse Reges Judæ eandem potestatem, in longitudinem. Tu dices, nihilne igitur tales dominos suis civibus promittere intelligimus, ut nunquam juris

externi

externi ratione, Imperio abuti possint? Existimo, præter quod in præsentī, cum in statu belli fuerunt, incolumitatem pollicentur, eos ad universæ quoque multitudinis salutem in perpetuum procurandam esse obligatos. Proinde, si tam immanem ostendant animum, ut ad omnium perniciem contendant, tum verè perfidi atque tyranni dicantur; Natura enim negotii, quod geritur, constituendæ civitatis, sine hac, tacita duntaxat, obligatione, consistere non potest.

(l) PARVUM ABEST. Non itaque Huberus Aristotelem probat aliter, quàm quod *apta* magis sit ad serviendum natio una præ aliâ: cæterum aptitudo talis per se quâ *naturalis* est imperium nulli civile parere potest; in *hypothesi* tantum, posito herili imperio, iustum *magis* istud est in natio-

ne, quæ, ob imbecillitatem intellectûs aut stupiditatem, ipsa sibi prospicere ad *Rempublicam* non potest.

(m) DE VOLUNTATE POPVLI. Quænam vera sit de *expetito* ab Israëlitis Rege, sententia, ad §. I. diximus.

XIII. Cæterum, haud temerè patrisfamilias in definitione posita est comparatio: Siquidem hujus in servos & in liberos potestas evidenter Regni & Dominatûs differentiam exhibere videtur; utique sicut Patria potestas jure Gentium & recentiori Jure Romano comparata est.

CAPVT XXVIII.

De causis constituendi Monarchiam.

ARGVMENTVM.

Modos deferendi regnum ordinarios, Electionem esse & successionem. Refutatur Althusii doctrina, ut & eorum, qui statuunt, DEum esse causam Majestatis immediatam. Successionem solum in patrimonialibus obtinere. De voluntariis quaritur, si nihil sit dictum, utrum præsumatur, electivum esse, an successivum Imperium. Prius contra Hobbesium affirmatur. Argumenta in utramque partem ventilantur, Concluditur, hoc argum. Successio aut ex Lege fit aut expressâ vel tacitâ voluntate defuncti. Lex nulla heic esse potest, quia casum ponimus, quo nihil sit dictum. Voluntas ultimi defuncti in patrimonialibus quidem regnat imperiis, in voluntariis nullo modo; cum ibi voluntas fundatorum attendatur, hoc est, primæva populorum: adde, si in dubio, est successivum intestati imperium, poterit etiam testamento de eo disponi; si hoc, tum & inter vivos alienari: atqui hoc absurdè de imperio libere à populo statuto affirmatur.

I.

POst Species Monarchiæ sequuntur modi, quibus Regna acquiruntur. Hi sunt vel ordinarii, vel extraordinarii. Priores duo sunt,

Mm ;

Electio

Electio & successio. Extraordinarii perinde duo, matrimonium, & jus belli. De jure belli & matrimonio dictum quod satis sit, *in superioribus*; de sorte nihil quidem, sed hæc rarissime in usu est, *aut pro electione* (a) fungitur; ut olim apud Persas in Dario Hytaspide.

(a) AUT PRO ELECTIONE. Quam sc. vel insequitur, vel modus ejus est: ut in l. 47. C. de Episcop. & Cler. Accessorium v. est Electionis quando electio præcessit, aliquorum, qui virtute &

meritis pares sunt, ut deinceps, ad invidiam & cætera mala evitanda, per sortem exitum reperiat electio.

II. Utrum autem imperia melius per electionem, *an per successionem* (b) deferantur, id à politicis disquirendum. Verum sitne Imperium aliquod electivum, an successivum; & penes quem sit eligendi facultas, ea juris est quæstio; in hypothese tamen potius, quam præceptis generalibus determinanda.

(b) AN PER SUCCESSIONEM. Præferunt in thesi *Electiorem*, quamvis enim frequentior sit successio, & naturalis, neque turbis interregni

exposita; tamen huic per designationem successoris vivò Rege, ut & per Vicarios consuli potest. Ista v. ad præstantiam modi *per se* nil faciunt.

III. Planè, origine cujusque civitatis *inspectâ*, *nullum non Regnum ex voluntate populi ortum, fuit electivum.* Sed diversitas electionis & successionis deinceps orta est, cum quædam ex Imperiis ita sunt delata Principibus, ut identidem sedes vacua per *electionem* repleretur. Quædam ita, ut successio secundum ordinem certum propinqui sanguinis ab uno in alium devolveretur, ex præscripto Legis. Hanc quidem vocant electionis speciem; quomodo *Althusius* in *Polit. sua*, c. 19. n. 78. *seqq.* qui negant, ullum dari imperium jure familiæ hereditarium, sed totum à populo dependens, quod & in *Angliâ* multi opinantur. Si dicerent, successionem esse nihil, quàm electionis primævæ continuationem, nihil errarent. At si jus Imperii nunquam à populis alienari velint, res redit ad statum disputationis *suprà* aliquoties peractæ. Quà per electionem, ipsum jus imperii independentè alienari posse probavimus, ad vitam, vel etiam pro heredibus; Quæ tunc est *Successio*, non amplius à primis eligentibus dependens, sed familiæ propria, per actum alienationis. Planè quò minùs etiam successio possit ita constitui, ut successores inferiorem populo & ephoris habeant potestatem, dubitare non patitur aut ratio, aut exemplum Lacedæmonorum & similia passim.

IV. Aliter è diametro instituunt, qui Imperium *immediatè* à DEo esse volunt. Hi negant, Imperium ullô modô à voluntate populi pendere, nec à civibus quicquam juris ad imperantes manare, nec adeò causam Monarchiæ aut ullius in civitate potestatis esse populum, quos inter *D. Zieglerus* ad *Grot. L. 1. c. 3. & c. 4.* Et hi dictum *P. Apostoli* à nobis aliquoties adductum, quòd imperium sit *humane creationis*, interpretantur, quòd sit hominibus proprium, vel ratione causæ instrumentalis, quia per homines exercetur. Utuntur argumentis è sacris, de *potestate* solvendi ligandi & Sacramenta administrandi, quæ ministro *Ecclesiæ* competit. Quemadmodum igitur populus eligendô pastorem non confert potestatem illam nec conferre potest, quia non habet eam ipse, nihilque agit, quàm ut personam electam potestati à DEo *immediati* proficiscenti applicet: sic etiam populus, quando eligit Regem, non confert potestatem imperandi, sed personam electam producit eamque adhibet exercitio potestatis illi à Deo *immediatè* conferendæ vel collatæ. Nec sequitur, ita pergit *Zieglerus*, homines ab initio spontè aducti in societatem civilem coierunt, & ex hoc ortum habet potestas civilis: Ergò talis potestas *origine est humana*: Sic enim perinde liceret argumentari; Adam & Eva sponte adducti coierunt in matrimonium. Ergò matrimonium institutione non est divinum.

V. Sed ego ita existimo, rerum moralium & civilium naturam maximè ab effectibus æstimandam. Si DEus certam imperii formam & tenorem, cujus limites excedere non licet populis, præscripserit, electionem personæ fatemur ejus juris vim infringere non magis posse, quàm coetus fidelium potest auferre jus ligandi & solvendi suis pastoribus, aut uxor viro principatum domûs invito adimere potest. Sed hoc de imperio Civitatis à DEo non legimus esse determinatum. Hactenùs quidem, debere aliquem esse ordinem imperandi atque parendi, cui omnis anima debeat esse subjecta, non tamen, qualis & quanta in ordine ejus esse debeat; nec quò minùs populus imperium retineat, si id expedire judicet, Deus intercescit; multò minùs quo partem aliquam imperii reservaret, unquam prohibuit; quod de ministerio Ecclesiæ institutoque matrimonii nullô modô affirmare licet.

VI. Tutior igitur inter has extremitates est media via. Nec populos à causæ *secundæ* jure in Imperiis condendis excludi posse; nec eos semper Rectoribus suis esse superiores. Sed imperium simpliciter delatum censi verè & irrevocabiliter esse alienatum: cui deferentes non modò singuli, sed & universi subjicientur: idque vel certis legibus, vel absolutè, ad vitam, vel etiam in heredes; ut prior species electiva, posterior successoria sit. In illà imperium identidem Rege mortuo relabitur ad populum; in hac non nisi ordine successorum extinctò.

VII. Cæterum in *patrimonialibus Imperiis* non voluntas populi aut Lex, verum sola voluntas expressa vel tacita postremi Regnantis in Imperio propagando spectatur: Prorsus ut quisque privatus jure Gentium de suo patrimonio disponit. Idem in plerisque herilibus, quæ ferè simul sunt patrimonialia, dicendum; nisi quòd aliquando Lex quoque in illis ordinem præscribit, ut jam *suprà* innuimus.

VIII. Sed in voluntariis meritò dubites, quid juris sit, si populus Regem simpliciter constituerit, non expresso, *Electivum* in posterum, an *successivum* foret Imperium; utrius conditionis sit futurum, quemadmodum Romæ species illa fuit & in Regibus & in Cæsaribus, juxta hypothesein Legis Regiæ. *Hobbes* non dubitat adfirmare, successorium non modò, sed absolutè hereditarium illud Regnum esse habendum *de cive cap. 7. §. 14. & cap. 9. §. 13. & seqq.* Adeo ut cuilibet Imperanti suo arbitrio successorem declarare liceat. Idque etiam tunc vult obtinere, cum populus disertè Imperantes ad tempus & ad vitam duntaxat suam constituit, tempus tamen locumque non præfinivit, quò rursus eligendi causâ convenire deberet.

IX. Nobis hoc improbandum videtur, & quidem ad posterius primò respondemus. Esse quidem factum illud imprudentissimè, statumque illius Imperii lubricum esse fatemur. Sed casus, quando Imperium uni vel pluribus est delatum, nullà surrogationis mentione factâ, bifariam considerari potest; Aut enim imperio delato tempus adjectum est, vel certi spatii, vel ad vitam, aut nullum tempus adjicitur. Certo tempore præfinito putamus hanc esse rationem: quòd populus fœdere civitatis, cujus perpetua est obligatio, conjunctus, unique Imperium sui *ad tempus* deferens, hoc ipso tacitè, at validè, stipulatur,

latur, *ut antequam tempus exspiret, Imperantes comitia de Imperio habeant.* Quod si negligat facere præsens Rector, acta quidem Imperii, quæ post lapsum temporis exercet, ipsò jure nullius momenti sunt, eamque ad rem nullâ potestate superiori opus est. Neque verò tunc adhuc populum in statu naturali esse dicemus, *quia manet fœdus æternum civitatis*, quod omnes singulique contraxerunt. Sed quilibet civium jus habebit populum vocandi, deque his quæ ad salutem communem pertinent, referendi, ut olim Romæ factum à *Virginio & Icilio* contra Decemviros apud *Liv. lib. 3.* Idemque necessarium dictum est, ubi ad vitam Imperium uni delatum est, *nullo in antecessum ordine conveniendi præfinito.* Nam tunc à Rege non potest exigi, ut is ante mortem suam populum hac gratiâ convocet; propter incertum vitæ humanæ, & periculum designandi successoris, quod *Elisabetha Angla* tantumdem esse dicebat, ac involvere se vivam linteo mortuali. Quanquam tamen rectius faciet talis Princeps, si in tempore successorem designari sibi curet, ex *Hobbesii* vel potius *Naturali* regula, *de reddendo bono pro bono.* Falsum igitur liquet esse, quòd Rex, cui diserte ad tempus vel ad vitam datum est regnum, id aut sibi retinere, aut alium pro lubitu surrogare possit, quando cum definitione temporis & vitæ constitutum est. Regem post annos expressos, vel in tempus post mortem nihil juris habiturum; & ejusmodi conditionem privare Principes jure faciendi contrarium *abunde probatum est.*

X. Secundum hæc cogitandum, an id liceat Principi, cui simpliciter data est *summa potestas*, (c) nullâ futuræ Electionis aut successionis Lege stabilitâ, non adjecto quoque, ad tempus vel ad vitam; Sitne tum, inquam, *electivum an successivum* Regnum, haud levis dubitatio est. Argumenta pro successione haud spernenda se offerunt. Populus Regem creans exuit se Imperio totumque jus suum transfert in illum; utique ubi nihil excepit, præter id cujus gratia civitatem condit, scilicet incolumitatem, *eo sensu, quo pridem diximus.* Atqui dispositio de successione, à libertate dominioque rerum; quibus salvis incolumes sumus, evidenter aliena est. Quid obstat igitur, quominus & hæc potestas in principem simpliciter constitutum translata dicatur? Jam si de præsumptâ voluntate judicandum, quid faciendum sit, ubi

expressa nulla est: quid proclivius ad credendum est, quàm populum, qui tædio suæ potestatis, regnum instituit, nolle rem ad statum priorem reduci, quod tamen fieri oportet, si Rege mortuô alium sint electuri? Præsumtio est anticipatio judicii, ex eo quod plerumque fit in similibus, præsentī cuique negotio applicata, ut *Jeti tradunt*. Plerisque autem populis, qui regnantur, placuisse videmus *successionem*; Proinde & hanc in dubio nostri casus, populum in conspectu habuisse, præsumendum videtur. Quibus addere licet ea, quæ de salubritate ordinis successorii, præ incertitudine & ἀταξία Electionis à politicis cumulantur.

(c) **SVMMA POTESTAS.** Videlicet disporre posse de successione in Imperio, non est *Jus Majestatis*; sed ad modum eam habendi pertinet. Ille verò non ad ipsam Majestatem per se respicit, eive

ineft; verum de eo oportet convenire cum his qui modum gubernandi definire possunt, ipsò Populò aut Primoribus ejus.

XI. In diversam tamen partem inclinat sententia, prævalente hac ratione; Quod in dubio, si electivum non sit Imperium, non modò oporteret successivum ad liberos esse proximique sanguinis respectus, sed & absolutè hereditarium; Ut ultimus Princeps testamento quoque extraneum surrogare possit. Imò ut & vivus Imperium in quemlibet alium transferre valeat. Nam quod est Hereditarium, æque testamento quam ab intestato potest ordinari, & de quo licet ultimâ voluntate constituere, de eo non minus facultas inter vivos disponendi competit.

XII. Hæc ita cohærere nemo juris gnarus negaverit nec quidem Philosophus. Hæreditarium enim nihil est, nisi quod perfectè proprium est, sicuti non modò Jurisconsulti sed etiam Plutarchus docet, in *vitâ Solonis*; ubi narrat Athenis olim non viguisse jus testandi, Solonem id iis dedisse, Qua re factum, (est ἀπικρισις Plutarchi,) ut fecerit τὰ χεῖματα κτήματα τῶν ἔχοντων, *uti quisque Dominus ac arbiter rei suæ perfectus fieret*. Atqui vis perfecti Domini maxime consistit in facultate alienandi. *Aristot. lib. 5. Rhetor. c. 5.* ὅτι δὲ οἰκεία, inquit, ὅταν ἐν αὐτῷ τὸ ἀπαλλοτριεῖσθαι; *definitio Domini est, ubi penes ipsum est alienandi potestas*. Jam verò, ut cujusmodi libera alienatio competat Imperantibus, quibus Imperium simpliciter voluntate populi delatum est, utcunque *Hobbesio* indubita-

tum

tum sit, nobis minimè de voluntario, inquam, Regno concedendum videtur. Non, (per partes ibimus) ut Rex Imperium suum vivus transferat in alium; Quia tantum id juris habet, quod datum est ipsi. Populus autem dedit jus imperandi, à quo alienandi potestas toto genere diversa est. Populus *ipsi* dedit jus imperandi, non *alii*. Proinde ut ipse non habet, nisi quod populus dedit: manifestum est, nec alteri plus competere posse. Jam si vendere vel donare suum regnum vivus, simpliciter electus princeps non potest, clarum est, ne testamento quidem disponere posse. Nam & hæc donatio & alienatio quàm maxime est, secundum memoratam Plutarchi notissimamque juris sententiam. Si testamento extraneis relinquere nequeat successionem, dicimus, nec ab intestato ad sanguine proximos, ab ipso posse devolvi. Quoniam hæc fundamentum suum habet in absoluta proprietate defuncti, cui potestas adsit alienandi. Item in præsumpta ejusdem voluntate, quâ successio illis datur, quibus eam defunctus, nisi mors prævenisset, daturus fuisse creditur. *Dix. in prælect. ad Nov. 118. lib. 3. in pr. Instit.* Proinde, cui expressa voluntatis declaratio negatur, hujus tacita vim nullam habere potest. Plane, ejusmodi successio, qualis in plerisque regnis voluntariis obtinet, ut ad sanguine proximos ordine certo deferatur, ea Legem expressam manifestò requirit. Ideo talis in nostrâ hypothesi, ubi nihil de successione dictum, nullo modo obtinere potest. Rationes oppositæ ex his quæ modo & pridem sunt dicta, facile refelli possunt.

CAPVT XXIX.

De Electione Monarchica.

ARGVMENTVM.

Jus eligendi competere originaliter iis, quorum Imperium fuit primædum, vel quibus eorum jus datum est, expressè, vel per præscriptionem, quâ maximè Electores Germanos niti videri & Cardinales, qui Pontifici dant vere summam potestatem in urbem Romam subjectasque ditiones. Inde sequi, Imperatorem nihil habere juris in illam urbem cum annexis: nec proinde ad Pontificis creationem requiri illius consensum, nec Imperatori faciendo, Pontificis voluntatem. Digressio de Origine Principum Ecclesiasticorum in Germaniâ. Species electionis à latitudine eligendorum desumptas vix

usum habere. De modo & effectu electionis. Posse populum, Rege mortuo, mutare formam Reipubl. Quaritur, an & hoc liceat, cum jus eligendi contulit in certas personas: Distinguitur, utrum in hos ut ministros, an veluti jus proprium translata sit eligendi facultas. In quibus Regnis & quibus casibus Successio locum habeat. Natura & effectus Pactorum Gentiliorum.

I.

Igitur Electivi & successivi Regni differentia principem unum imperio vitave jam functum præsupponit; siquidem originaliter nullum non regnum ab electione habet ortum suum, ut *preced. capite* diximus.

II. Porro jus eligendi, sive surrogandi principem in vacuam sedem, naturaliter iis competit, quorum jus imperii primævum est. Adeoque penes eos, quibus populus suum jus concessit. Sive identidem Legatos ad eam rem constituent vitandæ confusionis ergo; sive jus hoc in perpetuum certo hominum ordini dederint, ut hac parte locò universitatis fungeretur. Veluti possessoribus immobilium rerum, ut in Frisiâ, vel *Nobilibus*, ut in Poloniâ, denique certis *Principibus*, (a) ut in Germaniâ. Sicutamen, ut immemorialis temporum usus sæpè tacito omnium consensu fungatur, quo fundamento niti videtur jus Electorum Germanicorum; nec enim satis constat, unde horum numerus & facultas originem habeat, nisi quod paulo ante annum à Nato Christo millesimum id institutum cœpisse videatur, quod novissime ex Abbate Stadiensi probat Mainburgius *Decadenc. de L'Empir. lib. 2.*

(a) **NOBILIEVS. PRINCIPIEVS.** Comparatione inæquali: Nam omnes *Nobiles & soli* in *Polonia* jus Comitiorum s. disponendi de negotiis publicis habent: in *Electores* Imperii secus est. Hactenus tamen comparatio procedit, quat. in *Imperio constituendo* plebis etiam ratio haberi potest: Nam ita videtur ad *Nobiles Polonos* diuturnitate temporis potestas eligendi Regis deducta esse; & in Imperio nostro cum illi, qui Comitibus interfunt, totum populum *Romanum* repræsentativè constituent, ad *Electores* solos eodem modò facultas eligendi Cæsarem pervenisse; Quamquam, quod tacito consensu populi vel Statuum cæterorum Imperii, non invaluerit, *Collegium Electorale*, ut quidem

plerique docuere, satis ostendi possit ex *Traditis Freinsheimii* in c. 3. de *Electorum & Cardinal. præcedentia*, §. 23. 24. indeque cautiùs auctor immemorialem usum pro firmamentò rei supponat. Multa enim sunt, quæ vigorem Collegio Electorali conciliarunt, donec invalescente consuetudine per *A. B.* roboratum fuerit. Videlicet juvit (1) Segregatio officiorum Summorum in Aula (v. g. *Archimarschallatus &c.*) (2) Productio illorum ad cujusvis Heredes, (3) Assumptio officialium ejusmodi in interiora Consilia Cæsarea. (4) Necessitas, Status per classes, in re ambigua, qualis erat electio, distinguendi, ut qui in classe primâ constituti essent, paulatim rem totam ad se trahere faciliùs

cilius potuerint; maxime postquam ultimis temporibus illi, qui *Officialium* nomine censebantur, reliquos ex aliis, sive familiis sive Ordinibus, velut Episcopis, aliquando unâ assumptos, amolirentur. (5) Decretum *Pontificis* in concilio *Lugdunensi*;

quanquam hoc non simpliciter receptum fuerit. (6) Brevi post subortum diuturnum illud cum morte *Friderici II. interregnum* (7) denique stabilimentum *Caroli IV. pro A. B.*

III. Eodem fundamento præscriptionis, si non & expressâ populi voluntate, *sacerdotes Cardinales* (b) Pontifici *Romano dant summam potestatem.* (c) Quod cum usu tot seculorum in vim juris externi invaluerit, clarum est, nullum hodie principem præter *Papam* habere imperium populi *Romani* ditionumque ei subjectarum. Quod tamen non impedit, quòminus *Imperator Romano Germanicus* in reliquas extra *Germaniam* civitates, quæ se pari jure præscriptionis non exemerint, antiquum jus retineat. Quandoquidem à pluribus seculis *Germanorum Genti* jus hoc quæsitum fuit, ut *Reges ipsorum Imperatores Occidentis essent.* Sed ut plerique populi ope præscriptionis sui juris facti sunt, ita id ipsi, inquam, *Romanæ civitati* accidit; cæteris, quibus id non contingit, (hi quidem extra *Germaniam* sunt pauci) subjectis Imperatori manentibus.

(b) SACERDOTES CARDINALES. De *Cardinalibus* confer *Lehman. Lib. 2. Chron. Spir. c. 5.* ut & de Antiquitate ac Origine eorundem *Freinsheim. d. l. c. 1. §. 23.* ubi notat, quòd antiquior mentio *Cardinalium* in Historiis non fiat, quàm anno 560. verum aliò planè sensu, quàm quòd *Cardinales* nunc vocantur: scil. omnes ii, qui fixam in Ecclesiâ habebant sedem, hoc nomine insigniebantur; prout & quilibet Episcopus *Papa* vocabatur: ut proinde verum sit, quod *Marcus Antonius de Dominis lib. 4. c. 5.* dicit, quem & *Fuesling* probat, in *Conclavib. Romanis referatis. Diff. V. Sect. 2.* hodiernos *Cardinales*, (quorum initia ad tempora fere *Caroli M.* referunt, postquam *Græcor. Imperium Pontifices* excusserunt, siquidem in Synodò *Rom. A. C. 768.* *Cardinalium* non *Episcoporum* modò sit mentio, sed disertè constitutum legitur: nemini viam patere debere ad culmen Pontificium, nisi antea *Diaconus a. Presbyter Cardinalis* fuerit: non esse veros *Cardinales*, cum nullam prærogativam vel dignitatis vel potestatis præ aliis Episcopis, neque omnes fixam in Ecclesiâ *Romanâ* sedem habeant, dum non omnes degant *Romæ*, sed eorum alii

in *Hispaniâ*, alii in *Galliâ*, vivant. Idem tamen vult §. 45. in Concilio *Constantiensi* primum jus eligendi *Papam* ipsis concessum esse, & quidem auctoritate *Scholæ Parisiensis.* Equidem *Sec. XI.* adhuc *Populi & Cleri suffragiis* *Papa* electus fuit. Sed *Onuphr. Panvinus* in notis ad *Platinum* in vitâ *Innoc. II.* qui sedit anno 1130. *Innocentium* hunc à solis *Cardinalibus* electum, & sic porro servatum esse, scribit. Dehinc sub *Innocentio IV.* plurimum auctoritatis & potestatis nacti sunt, isque primus illis rubros pileos gestandi licentiam concessit, prout etiam equis eosdem iussit incedere, v. *Petav. Rationar. temp. p. 568.* & *Bzovium Contin. Baron. ad ann. 1245.* *Coccineum v. vestitum* *Paulus II.* instituit, sec. *Platinum* in vitâ ejus. An v. *Paribus Franciæ* præferendi sint? vid. apud *Gramond. lib. 1. Hist. Gall. p. 54. seqq.* *Ferrandus Pallavicinus* in *Tract. de Divortio Cælesti*, multa de *Cardinalium* fastu omni-que vitæ ratione habet. Sed in carcere *Romæ* hanc descriptionem capite luit.

(c) DANT SUMMAM POTESTATEM. Ut Principem secularem auctor Pontificem respicere videtur, sive ut Principem *Italiæ*; quò axiomate etiam

iam patrimonio Petri & quibusdam Ducatibus, v. g. Urbini, Spoleti &c. in Italiâ fruitur: nam ita communiter adscribunt ejdem summam potestatem, & non minùs in Principem talem à Cardinalibus, (non etiam à Populò amplius,) quàm Pontificem eligitur. Admittunt etiam, saltim si possessorium attendamus, cultum Papæ deberi; sed non *πρεσβυτερι* cum illum & ad oscula pedum demissum. Hinc *Crimen lese Maj.* à subditis ejus in ipsum committitur: quale utique non est, si *Antichristum* dicamus alii, qui Majestatem ejus non ut subditi veremur, Vid. *Bertheidigung des Aug.*

Apffelb. c. 68. Cæterum quàm Papa *de jure* supremum sibi dominium frustra asserat in terras prædictas Italiæ, (quas tamen nomine Imperii populi Romani ditionumque subjectas insignire non debebat *Auctor*;) satis deduxit Conring. *c. 20. seqq. de finib. Imperii*, & *c. 13. de Imperatore Rom. Germ.* Unde auctor & hic §. 3. Principatum Pontificis viâ juris externi habere ait: & nos alibi Præscriptione uti non posse Pontificem, & quâ rat. aliæ Provinciæ pleræque adversus imperium nullo jure exemptionis suæ utantur, ostendimus.

IV. Jam facile constat, quâ ratione Romanenses negent, Cæsaribus esse jus creandi vel *confirmandi Pontifices*; (d) Et vicissim, cur *Cæsares Romani Germanorum*, spernant Pontificem, jus *sibi arrogantes* (e) approbandi Imperatorem, quatenus extrâ Germaniam Romano præsit Imperio. Nam quatenus ille Rex est Germaniæ, nihilo meliorem juris *habet prætextum* (f) Pontifex quàm adversus Regem Francorum aut Britannorum.

(d) CONFIRMANDI PONTIFICES. Alia etiam ratio subest, quia juxta doctrinam Pontificiorum Episcopus maximè à potestate seculari dependere non potest: de quo tamen judicium fieri debet ex *suprà* dictis, de jure Sacrorum.

(e) SIBI ARROGANTEM. Vid. Dietericus *ad A. B. p. 15.* Et sanè pontifex non tantum Imperatorem confirmare vult, quat. extra Regnum Germaniæ Imperio Romano præst; sed simpliciter & in universum; quâ de re latè diximus *ad Notiz.*

Bæclerianam. Confer. *Dissert. Strauch. ad capit. Venerabilem. §. 9. & 17. cap. 3.* item *Lentulum lib. 5. Apicis Rom. Glor. c. 3. add. Lehman, lib. 5. Chron. Spirens. cap. 68.* ubi protestatio quam Status & Principes Imperii rat. Coronationis Pontificiæ, tempore *FridERICI* ediderunt.

(f) HABET PRÆTEXTUM. Prætextus ille est, quia Pontifex ut Vicarius DEI indirectam potestatem habeat in omnes Reges terræ. Conf. *Conring. de Constit. Episcoporum. Germ. tb. 21. & seqq.*

V. Cæterum, quod alii per Germaniam Præsules sunt etiam Principes, ejus rei non tam à *Populis* (g) origo, quàm à Carolo Magno repetitur. ita *Cranzius lib. 1. Saxon. C. 23. Scip. Gent. de Regal. §. 25. & 26. Grotius in lib. de jure summ. pot. circa sacra* Ottonibus hoc institutum adscribit *cap. 10. n. 25.* Institutum hoc, ratione præsentis utilitatis, ut feræ gentes sacerdotali Imperio mitescerent, haud inutile; attamen fatendum est, synceritatem & humilitatem Christianismi lapsu temporis inde non parvam labem contraxisse; nec enim cum institutis Christi illa conjunctio litui & gladii idoneo modo concilari posse videtur. (h)

(g) A POPVLIS. Nec à populis origo illa peti poterat: siquidem populi provinciarum Germaniæ, eò tempore sub capite, Imperatore videlicet, fuerunt. At vero populus non exemptus Principem sibi constituere non potest. Neque Principes nostri in Imperio summi sunt: Hinc minùs rectè in exemplum Principum à populo electorum adducuntur. Deinde à *Carolo M.* frustra petitur Episcopis origo potestatis secularis in imperio. Ut-eunque enim Carolus ille Episcopos in partem Concilii inter Proceres adhibuerit; tamen Principum titulus & multò minùs jura secularia illis tunc temporis nondum concessa fuere; quin & sub *Ludovico Pio*, licèt sensim honoris causa Principum titulos adipiscerentur, (*Lehman. lib. 2. c. 15.*) tamen non nisi lapsis Francorum rebus præcipuè post *Arnulphum* aliqua potestas secularis Episcopis obtigit; donec uni alterive plenam superioritatem *Otto M.* Saxo tribueret, post quem deinceps paulatim reliquis, & tandem Abbatibus etiam & Abbatissis, secularis Jurisdictio acquisita est. vid. omninò Mylerum in *Archologia cap. 12.*

(b) POSSE VIDETVR. Contrarium asserit *Lampad. lib. de Republ. Rom. Germ.* & impertinens esse ait omne illud, quodcunque ex *Matth. XX.* vel aliunde ex Sacris pro sententiâ *Auctoris* adferatur: cum longè alia sit facies eorum, qui fixâ sede præsunt Ecclesiis, & cleri directionem obeunt, quàm Apostolorum, qui orbem peragere & ministerium Evangelio præbere debebant.

Etenim moderni Episcopi nec concionantur, nec docent, & unâ tantum alterâve Missâ annuatim defunguntur. Unde si dicendum sit, quod res est, non quidem simpliciter sunt Principes Seculares, nec etiam jure tantum Episcopali unâ funguntur eò modò, ut Principes nostri Seculares, sed simul etiam ministerium ex parte obeunt, ut *Experientia* docet; & sic potestate etiam internâ funguntur: adèd ut hætenus veri sint Episcopi, saltem quòd si *Lampadium* sequamur, in eos non congruant loca scripturæ, & possint adèd Episcopatu suo unâ fungi, locis illis non obstantibus, cum omninò gradus sint ministrorum Ecclesiæ, maxime Evangelio nunc plantatò, secundum quæ doctrina *Carpz. lib. 1. Consistor. d. 2. it. Reinkingii & aliorum*, quos *Dannhauer.* sequitur, *part. 2. Theol. Conscientiar. Dial. 3. q. 3.* examinanda est. Præterea hoc etiam observari debet, quando Episcopi Jus Episcopale exercent, eos jure illò non uti ceu Principes seculares: nam ita verum esset, ipsos non esse nisi seculares Principes, præterquam dum actus non nullos in Ecclesia obeunt, qui ad potestatem internam Sacrorum respiciunt; quin potius illi Jus Episcopale ex hypothesi Pontificiorum sibi vindicant, quâ Episcopi: quasi illud in Principem secularem quâ talem cadere non posset. Quocircà vel hòc saltem intuitu non possunt cum *Auctoribus* jam citat. pro Principibus tantum Secularibus haberi.

VI. Vulgo tres electionum species memorantur; quarum prima intra certam *familiam*, cujus tamen exemplum habeo nullum, altera ad *nationem* unam restringatur, tertia nullo termino circumscripta sit. Hujus autem posterioris generis electio quælibet, simpliciter instituta esse intelligitur: Limitationes disertè exceptæ probari debent. Alioquin ex usu potius & facti quàm juris esse videntur electiones intrâ certam familiam agentis ambitum factæ: ut plerumque videmus, electiones etiam illimitatas haud facillè egredi familiam ultimi Regis defuncti; quæ res tamen diversum in jure modum non infert. Sed & aliarum limitationes non desunt, qualis in *diplomate* (i) sive *aureâ bullâ*, CAROLI IV. ne infra *Baronum* dignitatem *Cæsarea* electio demittatur, & ad Germanos restringatur, ut *Electores ap. Sleidanum. Lib. 1. In Polonia*

nia nemo quidem eligi prohibetur, *neque ad Mœnum*, (k) nec in *Conclavi* (l) nationes discerni ullâ Lege sancitum, & exempla sunt in contrarium. Tamen Pontifices fere *Itali*, ob politicas rationes creentur, sed jus non est ita præcisum; exempla quoque non desunt in sæcis.

(i) IN DIPLOMATE CAROLI IV. Quodnam intelligat Auctor non liquet. In *A. Bulla* tale quid non extat, nec alibi Lege publ. quid simile cautum est: ne quidem speculum Suevicum ed trahere licet. *ap. Limn. II. 2. 79.*

(k) NEQUE AD MOENVM. Falsum hoc est. Nam utique ad Nationem *Germanicam* restricta est. Extat integrum in hanc rem Responsum *Beringeri*, Bremæ editum anno 1653. Saltem an Lege aliquâ diserte id prohibitum sit? dubitari potest? *Limnæus d. l. n. 83.* item *Strauchius in Exotericis p. 92.* id asserunt, item *Reinkingius & alii*: Utique de *Observantiâ* certi sumus: siquidem ad exempla in contrarium allata, velut *Richardii & Al-*

phonst, facile responderi potest. Vide *Limnæum in Adidit. prioribus ad dict. cap. 2. pag. 211. & 213.*

(l) IN CONCLAVI. *Conringius* aliqua edidit Conclavia, tum & *Fuesling* & *Sprengerus* in *Roma nova lib. 1. c. 1.* electionem Papæ describit. Quamvis autem Pontifices eligi ex omnibus possint nationibus. Hodie tamen vix alios quam *Italos* evehunt. *Hadrianus VI.* ultimus fuit ex *Germanis*, præceptor *Caroli V.* vir integræ vitæ & consummatæ eruditionis, ut *Causinus* eum appellat. Is vero Epitaphio suo inscribi curavit: Nihil sibi infelicius contigisse in hac vitâ, quam quod imperasset.

VII. In eligendô secundum prærogativam numeri concludendum esse res loquitur, nec enim alius datur exitus: Numerus autem præsentium initur; absentium ratio haberi non potest, neque solet. Quin etiam, an notabilis sit pluralitas, non attenditur, nisi quod specialiter convenerit aut constitutum sit, quomodo in conclavi Romanô duas præsentium partes (m) consentire oportet; sive id per scrutinium, (n) ut loquuntur, sive per adorationem fiat.

(m) DVAS PARTES. Tertias scilicet. *Sprenger. d. l. pag. 4.* Simile est in *l. 3. quod cujusque universitat. nomine.* De electione Episcoporum adde *Hermes c. 13. Fascic. Jur. Publ.*

(n) SIVE ID PER SCRUTINIUM. Nam adorationem nonnulli peculiarem electionis speciem constituunt. Et cum electio Episcoporum aliâ fieri dicatur aut per scrutinium, aut per compromissum, illi tertium adjiciunt, videlicet per adorationem. Verum illi adorationem cum inspiratione videntur confundere? Alii addunt, quarti modi loco electionem per accessionem: Enimverô

per compromissum electio non amplius usurpatur in Ecclesiis, nec etiam per inspirationem: quam etiam Nostrates nequaquam in Electione cum primis Pontificis (de quâ vide *Danish. v. 2. Theol. Consc. Dial. 1. p. 357.*) agnoscunt, sed unice per scrutinium, quanquam accessus sic quoque interveniat: nam si scrutinium vel unicum quis habeat, reliqui mutato etiam voto possunt accedere. Denique adoratio hodiernum adhibetur, sed alio sensu, quando videlicet post electionem, acceptionem dignitatis & mutationem nominis recognitio electi supervenit, i. e. adoratio, quam appellant.

VIII. De valore electionis, quæ per vim metumque fiat, in capite de tyrannide agetur, nisi quatenus in articulo de dominatu ex parte jam diximus.

IX. Est autem, vacante regno, tam libera electio, ut etiam non eligere possint Regem, aliamque Reipubl. formam introducere. Nempe, si totus populus aut omnes optimates eligendi facultatem exerceant, non si *in alios transtulerint*. (o) Hos enim nihil aliud posse dicemus, quàm quod ipsis commissum, scilicet replere sedem vacantem.

(o) IN ALIOS TRANSTULERINT. Nam his jus semel quæsitum tempore interregni invitis auferri non potest, ut Electoribus in imperio; quod usque sc. eundem Statum perdurare velit Universalitas. (Nam hæc hactenus procedunt, quæ Auctor h. arguit:) Quod v. Electores simul cum Statibus formam aliam introducere possint, Aristocraticam v. g. nullum est dubium, cum formæ introducen-

dæ potestatem esse penes populum etiam illi concedant, qui Majestatem à Deo derivant, tanquam penes subiectum passivum: non obstante etiam *lege fundamentali*, quippe cujus hypotheses servari aliter non oporteat, quàm cum Status, quem lex illa fundat, retinetur; At vero Status, regnò vacuò, à populo dependet, quem quidem in Imperio R. G. Statùs repræsentativè conficiunt.

X. Sed potest difficile quæsitum videri, an populus aut Optimates jure eligendi perpetuò in certos homines translatò, vacante regnò mutandi libertatem retinere censeantur. Nam & Electores privare potestate suâ & rursus, extincto sine successore eo, qui summam habuit potestatem, populum vel optimates sui juris haud esse, durum videtur. Quod si populus, ut heic videtur, suæ potestatis sit, facultatem de regimine Civitatis liberè disponendi, cum eâ necessario conjunctam esse dixeris. Sed ratio postulat, ut eo casu dicamus, fœdere civitatis ordinem Imperii non minùs stabilitum esse, quàm Lege de successione lata; propemodum, ut in *Aristocratia*, ubi jus surrogandi Imperantes in loca demortuorum est apud superstites. Voluit populus, Rege mortuo, non referri ad se de electione, adèoque jure, conventum hac gratia celebrandi semet ipsum privavit. Idque ex naturâ pacti, quod singuli cives cum singulis habent, ut *supra copiosè dictum*, pro æterno ac immutabili habendum. Nisi constet, ex verbis quibus delatum est jus eligendi, vel re ipsâ naturâque Reipubl. *Electores* nihil esse quam ministros, quo casu quid juris sit *ultro intelligitur*.

XI. Porro, etiam in successivis Imperiis, quæ voluntaria sunt, locus fit electioni, post defectum familiæ regnatricis; non æquè per abdicationem ultimi Imperantis.

XII. Quid si Rex Imperium *committat*, hoc est, suis factis vel tyranni-

rannide causam præbeat, ipsum regni jure privandi, an successores ejus pariter jure suo cadunt? *Respondetur*: In regnis simpliciter hereditariis electioni fit locus, quia successores ibi suum jus ab Antecessore, quod perit, acquirere debent: in successione lineali quæ dicitur, secus est; quoniam ibi jus succedendi non ab ultimò imperante, sed à lege primævâ descendit. At in *patrimonialibus* (p) regnis electioni locus non fit, defectu Familiæ Regiæ, si modò ultimus successorem sibi surrogaverit: quò non factò, dicendum est, electioni locum fieri. Populus enim ferviens, Domino absque successore extincto, non potest non esse liber, consequenter habet facultatem faciendi quod libet.

(p) IN PATRIMONIALIBVS. At minùs rectè H. Grotius patrimonialia dicit quæ alienari possunt, & his opposita, usufructuaria, siquidem regna omnia, etiam non alienabilia, sunt *patrimonialia*, nulla *usufructuaria*: nam si proprietas foret penes populum non haberet regnum, sed *administrationem* potestatis alienæ, quem dicit, *Usufructuarius*. Qui non successivum habet Regnum, sed cum vitâ suâ finiendum, is malè di-

citur *usufructuarius*. Qui hereditarium habet, is non est propterea à testamento arcendus, quòd hoc Juris Gentium non sit; modò non testamenta in illâ civitate prohibita sint: nam ita posset videri, Principem non potuisse sibi reservasse facultatem testandi, quamvis plures Gentes eâ utantur: qualia Jura Gentium subjectiva dicere solemus; sed quòd hereditarium sit solum in sanguinem Regis.

XIII. Pacta Gentilitia, quibus una deficiente familia, succedit alia, in Imperiis summis Patrimonialibus per se valida sunt. In voluntariis non aliter, quàm populo proceribusve consentientibus, ut è principiis instituti nostri dudum expositis constat.

XIV. Denique, in iis qui Superiorem agnoscunt hujusce requiritur consensus, ut in *Germania* (q) Imperatoris; maximè, quia ditiones feudales, deficiente omni vasallorum sanguine, Imperatori aut aliis feudorum dominis acquiruntur. *Sleidan. lib. 1. hist. Germ. in capitul. Car. V.* Proinde jus habet idem Imperator, ejusmodi in fiscum redactas ditiones aliis iterum concedere jure Principatûs liberi, quam alii Germaniæ Principes in suos populos habent, & præcedentes qui defecere Principes aut comites obtinuerunt; aut Cæsar in iis, tantum juris sibi reservare potest, quantum videtur, utpote, quæ ipsi pleno jure sunt acquisitæ.

(q) IN GERMANIA. Confraternitates dicimus, *Erbverbrüderungen*. Hæc pacta Juri civili

consentaneâ non esse *Bullaus* autumat, *Discurs. 7. de pact. affirmativis, n. X. 15.* & *Bachov. ad Treutl.*

V. l. D.

V. 1. D. 6. th. 8. lit. B. Quod quidem hactenus verum est, si pacta ejusmodi ut talia considerentur, quod tamen fieri non debet, quoniam ex se uti-

que ut pacta non subsistunt, sed vigore confirmationis Cæsareæ & investituræ eventualis.

XV. Sed liberis populis, sive singulares civitates sive integræ nationes sint, Imperator nullo modo dominos imponere potest, nisi ex voluntate populorum. Sicut olim *Frisii* aliquoties in ditionem concessi à Cæsaribus exteris Principibus, eos semper recusarunt, freti libertate à Carolo Magno vel donata vel exinde constanter usurpata, donec ultrò *Saxonem Albertum* introduxerunt; nec diversa ratio esse videtur *Frisiorum Orientalium*; Quorum idcirco Imperiorum initia provoluntariis habenda sunt.

CAPVT XXX.

De jure successionis hereditariæ.

ARGUMENTVM.

Successionem regnorum esse duplicem, hereditariam & institutivam. Illam ex testamento vel ab intestato. Harum priorem expressâ, posteriorem tacitâ ultimi regnantis voluntate niti. Locum esse hereditariæ succ. in patrimonialibus imperiis. In his posse patrem, cui velit ex liberis vel extraneo relinquere successionem, sine deductione legitimæ; modò hac aliunde præstetur. Ab intestato regnum deferri illis, quos defunctus habuit carissimos, quales in dubio proximi sanguine præsumuntur. Videri tamen quod defunctus Rex; (exceptis modicis Principatibus) ubi nihil dixerit, regnum voluerit esse individuum, ob diversas rationes; Inde sequi mares feminis, primos posterioribus natu præferendos, licet grandiores ante regnum acquisitum sint nati. Dissentire in quibusdam ex hisce Grotium. Fratres secundo genitos non videri in ejusmodi regnis præferendos nepotibus primogenitorum sed junioribus; ubi & de representatione. Naturales liberos excludi, non adoptivos. Differentia patrimonialis & herilis Imperii.

I.

IN Electione, mortuis Regibus, Interregnum exercitationem summæ potestatis (a) interruptit. In successionem persona Imperantis, non Majestas, deficit, quia successio sine ullo humano facto sequentis gradûs Principem solio imponit. Quo sensu dictum est, *Reges in ejusmodi Imperiis non mori*. Idque non modò verum est de actu primo, sed etiam de actu secundò & exercito summæ potestatis; quem proinde à solen-

nitare inaugurationis, ut interregnò opus sit, non pendere, certa res est. Et sicubi in Regnis successivis, ut nuper factum vidimus, in gente, quæ gloriatur successione bis mille annorum, ea lex imponatur successoribus; ne quid potestatis, *ante jusjurandum* solenniter præstitum, exercent, his postulatum ingens imperio & juri successionis injungunt.

(a) EXERCITIONEM SUMMÆ POTESTATIS. Imò in *interregno* Regni Electi ne quidem summa potestas, Majestatica videlicet, superest, ut de exercitio ejus frustra queratur; Etenim in

eò summum tantum *Magistratum* exerceri, idque juxta præscriptum Legum fundamentalium, alibi evictum est.

II. Sed de ordine succedendi multiplex consideratio est. Summam statuimus differentiam inter *patrimonialia* & *institutiva* (b) seu *voluntaria* regna; intellige liberè voluntaria, *non ubi deditio facta est*, (c) quando necessitas elicit voluntatem; talia enim magis patrimonialia sunt, utique deditioe simpliciter factâ.

(b) INSTITUTIVA. *Grotio* Usufructuaria dicuntur, qui eandem distinctionem in hoc articulo adhibet. *lib. 2. c. 7. §. 12.* Est vero successio *Institutiva*, quæ pendet ex voluntate Populi, Legibus statuta vel moribus recepta.

men quia Voluntas hæc populi libera penitus non est, hinc nec modus habendi in Regno à populi arbitrio pendet, adeoque nec ordo succedendi in eodem; quin potius dedititia Regna illa ad priorem speciem, patrimonialia scilicet Regna referenda sunt. Confer de Dedititiis illis plenius Bœclerum *ad lib. 2. Grot. c. 7. p. 277.*

(c) NON VBI DEDITIO FACTA EST. Licet enim hæc non minus sint voluntaria, hoc est, ut populo Regnum debeat Victor Princeps; ta-

III. Porro in patrimonialibus est successio *Hereditaria*, quæ transit eodem modo, quo hereditates privatæ, hoc est, per expressam ultimi decessoris dispositionem, quæ *testamentum* est, vel ex tacitâ ejusdem voluntate, quæ est fundamentum *successionis ab intestato*. *Hobbes* origine quidem modoque constituendi differre concedit illas species Imperii, patrimonialis & voluntarii, at semel constitutas habere omnes easdem proprietates & idem utrobique succedendi jus esse contendit, *Locis antea citatis*. Sed hæc judicatio pendet ex iis, quæ pridem disputata sunt: utrum populus deferens Imperium transtulisse quicquid *potuit*, aut quicquid *voluit*, intelligatur. Si prius, necessaria est *Hobbesii* in hoc articulo sententia. Sed *voluntatis consequentia*, (d) quam nos probavimus, evidentem discriminis causam suggerit.

(d) SED VOLUNTATIS CONSEQUENTIA. Ut nimirum, cum censetur populus id transtulisse,

lisse, quod voluerit, non etiam id voluisse quod potuerit, & ubique aded prerogativa voluntatis habenda sit, de discrimine regnorum, patrimonialis videlicet & institutivi, dubium amplius nul-

lum superesse possit, sed in Institutivo Regno omnia ex populi conventionem cum Rege metienda sint.

IV. Patrimonialia igitur Regna (voce regni pro omni Monarchiâ sumptâ) pendent unice ab arbitrio & dispositione Dominantium, qui quovis tempore rerum potiuntur. Idque tam *inter vivos* (e) quam mortis causâ. Adeo ut Imperia ejusmodi populorum, aliis donari, vendi similibusque modis cedi possint; cujus rei exempla nec in sacris neque in profanis desunt historiis.

(e) TAM INTER VIVOS. Utique in Regnis institutivis evidens est, alienationem neutram valere, citrà voluntatem populi. Quanquam enim Princeps, necessitate adactus, partem quampiam Regni aliquando hosti, pacis redimendæ causâ, relinquere cogatur; relinquit tamen eam solum i. e. præsidia, ut totum nempe Regnum servet, parti subtrahit, sed non tamen impedire partem illam potest, quod minùs ipsa sibi consulat, si velit; nec aded eam, ut se subiciat alteri, cogere potest. Utique quod Galli de *Incorporatione* sua tradunt, quasi quod coronæ unitum est, nullò jure in alium, victorem v. g. transire possit, illud vel inde vanum est, quod Rex Galliarum quantum in

se fuerit, abdicationi stare partis Regni sui, totius causâ, teneatur, cum aliàs nemo cum ipso contracturus esset; & hinc victori alteri justum partis debitæ dominium nascitur. Equidem ut alienare Princeps Regnum institutivum inter vivos non potest: ita nec in feudum illud potest recognoscere ab alio, nec oppignorare; saltim quod de fructibus disponere non impediatur. Enimverò Rex Regnum & Majestatem etiam à Populo, sed tamen abdicativè habet; ast modus habendi ex conventionem circâ eam cum populo initâ & sic ex parte à voluntate subjecti passivi regibilis etiam post Majestatem irrevocabiliter ei collatam, dependet.

V. Inprimis testamento relinqui potest successor, aut ex liberis unus, citrà ætatis, aut è cognatis sine propinquitatis privilegio, vel extraneus amicus, quemadmodum testator sibi populo expedire judicat, quò jure Ptolomæus *Primus* de Ægypto, Masanissa & Eumenes aliique de suis olim regnis disposuerunt. Neque heic liberis querela inofficiossæ voluntatis, aut detractio certæ portionis, quæque civili jure id genus remedia ob æquitatem à lege introducta fuere, competunt. Summa potestas ejusmodi *Legum commentis* (f) minimè subjacet, qanquam naturalis alimentorum ratio in istis quoque valet; sed huic facile absque Imperii sectione satisfieri potest, ut sit omni die in individuis ditionibus, per pecunias aut fructus terrarum, quæ sub eodem Imperio manent.

(f) LEGVM COMMENTIS. Num ergò Legitima tantum juris Civilis est, etiam quoad ma-

teriale? Ita *Zasius* & pauci alii. Malè omnino. Nam licet alimenta ne quidem necessariò militare

in testamento suo relinqui debeant; sed liberis penitus præteritis, nullum dici non possit, item Legitima jure Civili etiam illis relinqui debeat, quos ali necesse non est, dum videlicet egeni non sunt: ex quo diversam dicit *Zasius* rationem Legitimæ & alimentorum esse, ut cum alimenta jure naturæ debeantur, non tamen debeatur legitima. Hisce tamen non obstantibus omnino dicendum est, Legitimam quæ in alimentorum vicem à Legibus Civilibus constituta est, ex jure naturali quoad materiale dependere, & quidem ita, ut non modo nomine alimentorum ea intelligamus, quæ ad necessitatem summam exiguntur, (de quibus inter omnes constat, quod ex jure naturali perfectò debeantur, quamvis aliter *Grotius* existimet *Lib. 2. c. 7. §. 4.*) verum etiam, quoad vitam Civilem requiruntur, h. e. ut liberi omnibus modis decus paternæ familiæ sustinere, & in membra Reip. utilia evadere possint. Quapropter leges Civiles nullâ habitâ distinctione, num liberi divites an egeni fuerint, portionem rerum paternarum, & nec simplici nomine alimentorum designatam, sed legitimam liberis relinquendam esse voluerunt. Ex quo ipso, sicut ad alterum argumentorum *Zasii* satis responderi potest: ita quod de milite allatum est, aliter accipi non debet, quam quod solum leges Civiles non ita voluntatem militis, ut paganorum, penitus nullam esse voluerint, si vel maximè is liberos suos præterisset, sed ut omnibus modis ea sustentaretur, & tamen interim liberis ipsius militis alimenta idonea ex facultatibus Patris subministranda sint. Cur autem liberis incestuosus alimenta parentes ne quidem volentes suppeditare possint: Ejus rei disquisitio huc non pertinet; quamvis æquitati naturali dispositio illa non adversetur, æquæ ac non illæ leges Civiles, per quas in consequen-

tiam, dum parentes bonis exuuntur, ad liberos inde quicquam non pervenit. Utique ratio status publici non patitur, ut tanta portio, quæ æqualis videri possit legitimæ Civili, fratribus reliquisque liberis relinquatur: ut malè *Grotius* æqualem aded portionem in æstimatione s. pecuniâ liberis cæteris præstandam esse, velit, *d. lib. 2. c. 7. §. 13.* Nam unde tantam vim pecuniæ desumeret primogenitus, saltem ut non totum exhauriret aut enervaret principatum; & tamen tota successio Regni ad publicam utilitatem etiam in patrimonialibus dirigenda est; Quodcirca in Principatibus etiam illis, qui summâ potestate non pollent, ut in *Germaniâ* v. c. Principes, nequaquam adstringuntur, Legitimam, ut ne dicam portionem virilem, liberis cæteris, & nec maribus seu Appannagiatis, relinquere. Vid. Myler. *ad Rumelin. part. 3. Disp. 5. th. 15.* & Heigium 1. *Quæst. 21.* quoniam qui à successione excluditur, etiam à Legitimæ petitione remotus est: quippe quæ non nisi jure hereditatis debetur. Interim ex redditibus illius aliquid, quod congruum est, sustentandæ dignitati, & pro viribus Principatus, deputatur; id quod etiam hinc Deputat appellamus. Et cum Regius *Francia* liberis natu minoribus facta assignatio Appannagium dictum fuerit, & ex rebus Francicis multa ejus generis in *Germaniâ* resederint: inde etiamnum voce illâ Appannagii utimur. Vid. de Appannagio Springsfeld. & Mylerum, integris tractatibus, nec non Bethium de *Pactis Familiarum illustrium* p. 708. Saltem hoc observandum est, quod ne quidem in terris an Land und Leuten ut appannagium constituat Primogenitus, cogi possit, juxta Goeddeum & citatos, *volum. IV. Consiliorum Marpurgenf. 41. n. 22.* & de Filiabus si quærat, quod non tantum Sorores, sed & Filias secundogenitorum primogenitus dotare teneatur.

VI. Ab intestato viget in patrimoniis præsumpta defuncti voluntas, quam proinde heic unice oportet attendi. Aliarum gentium scitis, diversi sæpe respectus æquitatisque interpretationes obtinent, velut unde bona venerunt, illuc ut revertantur, & similes. Hic talia non æstimantur, nisi quatenus conjectura de voluntate ex iis colligi possit, sanguinis propinquitate tacitam ultimi possessoris voluntatem efficacius arguente, quam grati animi respectu; etsi aliter velle videatur *Grotius*

tius in *Lib. II. c. 7. n. 9.* Nam præsumptio gratitudinis, quæ in ultimo possessore fuerit, imbecillior est quàm ut ab intestato quicquam mutare possit.

VII. Efficacissima ratio naturæque ingenii humani convenientissima est, ut *propinquitas sanguinis*, ubi nihil expressæ voluntatis extat, *mensura sit affectionis*; quemadmodum *jure Romano* scimus esse consultum. Unde consequi videtur, eos qui æque sunt sanguine propinqui, pariter succedere in regnum, & si convenire nequeant, æqualiter id esse partiendum. Idque sine discrimine sexus, quam *προσωποληψίαν* Natura in *privatis hereditatibus* (g) quæ à liberâ dispositione domini pendet, interprete *jure Romano*, ignorat. Naturæ accusatores appellantur à Justiniano, qui discrimen illud ad consequentiam juris urgent, *l. 4. C. de lib. præd.*

(g) PRIVATIS HEREDITATIBVS. Quam jure Regna patrimonialia censenda esse H. Grotius II. d. J. B. & P. c. 7. §. 13. seqq. quamquam malè opinatur. Quocirca eum rectè in seqq. re-
fellit Auctor.

VIII. Quare, si mortuus sit dominus Imperii patrimonialis, cujus ab ipsius arbitrio pependerit dispositio, sinè ultimâ voluntate, non habetur dubium, quin dividuum sit imperium, adeoque dividenda sint inter primo & postea genitos, inter mares & feminas, naturales & adoptatos, quoniam & hi perinde jure privato vocantur & habent voluntatem defunctorum; nisi aliud more Gentis receptum aut à defuncto præceptum sit. Prærogativam autem marium & primogenituram non aliter ibi valere docet, eadem ratio, quam si Imperium expresse individuum sit factum.

IX. Planè in *Comitatibus* & *Baronatibus*, ut dicuntur, aliisque modicis ditionibus, quæ aut superiorem habent aut sub umbrâ aliorum degunt, sic observari docet experientia, idemque evincit ratio manifesta, quod in iis nihil aliud quàm affectio paterna vel consanguinea spectetur. Cujusmodi exemplum habemus ob oculos in *Amelandiâ* Frisiæ littori prætextâ, parvi insulâ momenti, sed tamen independentis imperii, quæ jure patrimoniali habetur, nec aliô modô, quàm bona cujusque Patrisfamilias, vendi potest; in quoslibet autem heredes sanguine proximos transmitti solet. Neque dici potest, quamobrem

rem plus in ejusmodi ditionibus spectari deberet, quatenus exigui & subordinati principatus magis ad exhibendum principalis vitæ cultum, quam ad subsistendum in statu belli contrà alias civitates, sunt comparati.

X. Sed videndum, ne non difficile sit, eandem in omnibus Imperiis, quæ est in privatis Patrimoniis, rationem sustinere, maximè in his quæ summa nec aliis obnoxia neque spernendæ sunt potentiæ. In illis modicis, inquam, ut & quibusvis hereditatibus, simplicitas naturæ, remoto sexus ac ætatis discrimine, prævalet idcirco; Quia respondent debito alimentorum, quibus parentes ex necessitate juris naturæ adversus omnes ex æquo liberos obligantur. Cui accedit ratio, quòd in illis nihil est, unde præsumptio de voluntate decessoris colligatur, præter animum paternum & sanguinis caritatem, quæ omnes æquè propinquos pari honore, in universum, haberi postulat.

XI. Sed in Imperiis summis & majoribus considerandus inprimis est amor Principum erga subjectos. Qui tantò major in patrimoniali quàm diverso Imperio esse solet, quantò teneriùs avita ac hereditaria bona, præ usufructuariis aut fideicommissariis amamus. Adde, si libet, tralatitium *Hobbesii* juris Naturæ principium, *de non reddendo malo pro bono*. Quod longè majus est in majoribus Regnis, quàm in modicis ditionibus. Id enim frequentissimâ omnium temporum experientiâ testatum est, haud temerè ullum gravius malum populis evenire posse, quam est *concurfus successorum in ejusmodi Regnis*. Unde vel collisio vel divisio, id est, prope certa destructio civitatis, aut afflictio duntaxat gravissima & prope inevitabilis, expectanda. In quod ferale minimèque obscurum discrimen, quis in dubio præsumat, Regem voluisse populum, a quo tot tantaque commoda percepit, præcipitatum? Maximè, cum id disertè adversetur desiderio, quod habet, de Imperio in familia suâ conservando. Juxta quòd patrem horrescere oporteat omen tragicum, cujus meminit Euripides in *Phenissis*;

Ἡ κίχ' σιδήρεω δῶμα Ἀγλαφείῃ πόδε, &c.

Fratres acuto regnum ferro dividant.

quod è concursu successionis confusæ prope necessario, ut sunt æmulationes regnorum, sequeretur. Adde, quod jus primogenituræ & præro-

prærogativa, usu generis humani in Imperiis ita invaluerit, adeò quidem, ut Principes qui hunc ordinem in imperiis quoque patrimonialibus expressâ voluntate mutant, *contra jus Gentium* (b) decernere dicantur, quomodo Justinus de Ptolomæo loquitur. *lib. 16. cap. 2.* Quare si nihil esset dictum à Ptolomæo Patre, nemo dubitasset, quin Ptolomæo *Cerauno* majori filio potius debita fuisset successio, quàm minori *Philadelpho*. Jus autem primogenituræ supponit individuum Regnum. Porro quod obligationem naturalem, per quam alimenta debentur, attinet, huic aliunde potest satisfieri. Institutum in hanc rem salubre multis in regnis obtinet, ut redditus certæ partis, sub obsequio primogeniti Imperantis, posthabito concedatur, quod *barbarè appennagium* (i) appellatur.

(b) CONTRA JUS GENTIVM. *Primogenituram* strictè dictam non ubique observari in Regnis *individuis* constat. Nam inter alios Goldastus in *Discurs. Exoteric.* ubi *Senioratum Vinariensem* defendit, variis Legum exemplis commonstrat, simplicem rationem primogenituræ inter septentrionales populos observatam antehac non fuisse, nec adeò per lineas fuisse processum, sed potiorum illum æstimatum fuisse, qui in unâ alterave linearum *majori ætate* præpolluerit: veluti nunc & *Majoratus* à primogeniturâ in specie dictâ eò modò distinguitur. Cæterum, an jus primogenituræ Juris *Naturalis* aut *Gentium* dici possit, *Hornius* disputat, in *Lib. 2. Politic. Architecton. c. 9. n. 8. seqq.* ubi simul etiam, quâ ratione jus *divinum* primogenitos præferat, disquirat, quod argumentum quoad *Hebræorum* Remp. latius prosequitur *Osiander ad Hug. Grotium p. 834.* ubi inter *Hebræos* jus illud Primogenituræ obtinuisse adstruit; ut tamen Juris *Gentium* de cætero dici non possit. Amplissimam quoque habet disquisitionem, præcipuè quatenus à Jure Naturæ primogenitura ingratum, *Bœclerus ad H. Grot. lib. 2. c. 7. p. 307.* Sed

valdè fluctuat, nec terminis accuratis rem circumscribit. Dicemus breviter, Jus *Primogenituræ* absolute Juris naturalis non esse, atque frustra hâc de re in *thesi* disquisitionem institui; prout nec ex consuetudine *Gentis* unius & alterius ad ipsam necessitatem juris quicquam hâc in parte inferre licet. Positò itaque, *regnum* quodpiam esse *individuum*, atque inter pares gradu nullam aptitudinis differentiam reperiri: utique jus naturæ exigere videtur, ut *ætatis* prærogativa, quâ unâ pollet præ cæteris primogenitus, quâque firmiter nititur prudentiæ præsumptio, attendatur.

(i) BARBARE APPENNAGIVM. Est enim vox hæc deducta per inflexionem vocis *Gallica*, quâ utebantur *Franci* in portione secundogenitis destinatâ, veluti supra admonitum est. Ergò malè alii *abbannagium*, quasi *ab-bannum*, malè etiam *apanagium*, quasi *a pane*: nam vel maximè alimenta per *appennagium* secundogenitis conferuntur, & de cætero quod ad *bannum* attinet, vox hæc non est Germanicæ originis; quanquam ferè obtineat, ut *Apanagium* dicere soleamus. vid. post *Springsfeld. Myler. in Apanalogia.*

XII. Enimverò, si expressa de patrimoniali regno ultimi Imperantis dispositio extet, illa cunctas superat præsumptiones, quæ tamen ideò non tolluntur *in casu intestati*. (k) Verùm in testamento potest ita institui divisio, ut incommoda, quæ alioquin è promiscua successione

fratrumque divisione orirentur, prudenti consilio testatoris præveniantur & cohibeantur.

(k) IN CASU INTESATI. Hoc est: non est putandum, quia pater testamentò aliter potest disponere, quam præsumptiones exigunt, ideo præsumptiones nullas esse admittendas, si testamentum non adfuerit.

XIII. Inducimus igitur in animum, ut putemus, Imperium patrimoniale, quoties nihil à rege defuncto vel more jam recepto expressum est, *in partibus subjectivis*, (l) hoc est, in terris, non recipere mutationem sed manere *unum & conjunctum*, (m) etsi à Grotio non tam contrà, quàm nihil hoc super articulo sit collocatum, in *d. Lib. II. c. 7.* Quò præmissò & præsuppositò facili consequentiâ intelligimus, mares potiore loco habendos esse quàm feminas, & *inter mares primogenitos* (n) esse præferendos. Eò quòd hi valore sexus & judicii maturitate videntur aptiores aut citius futuri sperantur, ad sustinendum cuncta regendi onus.

(l) IN PARTIBUS SUBJECTIVIS. Inter-
ris, ut exponit *Auctor*. non in personis Imperan-
tium: superius enim dictum est, licet Majestas di-
vidi nescia sit, posse tamen eam in partibus *sub-*
jectivis dividi, h. e. à pluribus Imperantibus
haberi.

(m) UNUM ET CONJUNCTUM. Atque ad-
dèd *Monarchica* retineatur non minus in Regno
Patrimoniali successio; prout contra *H. Grot.* cum
Auctore tenet *Pufendorffius*, lib. VII. c. 7. §. 11. U-
tique si Regnum jam aliud habeat Princeps, in quo
certus *modus* succedendi lege vel consuetudine ob-
tineat: tunc quoque Regni patrimonialis, si quod
tale fuerit, *accessorium*, idem fatum esse censetur
voluisse in successoribus, quod est Regni princi-
palis. Denique licet ab intestato successio ab Au-
ctore §. IV. dicatur unicè ex præsumtâ voluntate
defuncti pendere; tamen illud aliter accipiendum

non est, quàm si voluisse credi possit secundum
æquitatem juris naturalis & conditionem Statûs Re-
gni: quâ in re *H. Grotius Lib. II. c. 7. §. 3.* emen-
dandus est, qui nimis præcisè, voluntatem præ-
sumtam sequendam esse, tradit.

(n) ET INTER MARES, PRIMOGENITOS.
Modò ad imperandum apti fuerint. Nam
primogenitus *inhabilis* secundogenitum non ex-
cludit; malè dissentiente *Keckermannò*, sive corpo-
re inhabilis sit sive animò, vid. argumentum *A.*
B. tit. 24. §. Dann wenn. In *Electorum* quidem
successione distinctio admittitur inter vitium tem-
porale & perpetuum, ut in isto per *curatores* re-
gatur. Sic & in *Dominatu* absolutò sententia *Ke-*
ckermanni admitti potest. Pupillaris verò ætas, ca-
ptivitas & in utero materno existentia, per se non
efficiunt, ut vel inhabilis vel nullus esse censeatur
primogenitus.

XIV. An aliter Grotius, quando ait, *in Regnis patrimonialibus, si dictum sit, ne dividatur Regnum, nec cui cedere debeat expressum sit, ut quisque natu est maximus, mas aut femina, Regnum habebit. d. cap. 7. n. 13?* Est quidem hæc ratio pro *fæminâ* primogenita, quod hæc jus in-
dividuum in spe succedendi occupaverit. Sed in Regno *hereditariò*
nullum

nullum est jus potentiale successoris, Rege vivô; ut est in *lineali* successione, vi *Legis*: heic enim à voluntate expressâ vel tacitâ ultimipossessoris omne jus pendet, ultimum autem Regem in dubio, suppositâ individuitate, *marem* feminae prælatum voluisse, non potest dubitari; nisi fortè *Grotius* mares & foeminas non comparet in illis verbis, ut foemina primogenita mari præferatur, sed ut primogenitum marem, vel si mas non sit, tum feminam primogenitam vocari velit.

XV. Porrò eadem ratio docet, *filios ante regnum acquisitum natos* (o) haud minus habere juris, quàm qui postea sunt geniti, quâ de re olim toties magnis animis certatum fuisse legimus. Cùm enim Patris sola voluntas spectetur, eaque non pendeat à tempore acquisiti Regni, sed æqualis sit erga omnes liberos, primogenitum simpliciter in Regno individuo vocari consentaneum est: quemadmodum in aliorum successione bonorum tempus acquisitionis non attenditur.

(o) FILIOS ANTE REGNUM ACQUISITUM NATOS. Facit pro *Auctore*, (1) quòd statim patre Rege creatô, & filius iste inceperit Regis filius esse, procul dubio regnaturus, si nulli liberi postea suscepti essent: quò jure eum propter postea natum privari oportere, absurdum foret, v. l. 7. d. *Bon. libertorum*. (2) in Regno dividuo partem fert; Ergò in individuo ob ætatem præfertur. (3) Nunquam distinguitur in successione, quò tempore bona quæsitâ fuerint. Hinc & feudum sequitur eum, qui ante investituram natus est. (4) post mortem ejus, cui succeditur, succes-

sio considerari debet. Conf. L. 6. de *Ædil. Edict.* Consonat A. B. tit. 7. Quid verò in successione *lineali*; de quâ *inferius*? Resp. idem asserendum esse, quia si solus maneret filius, extrâ dignitatem Regiam natus, succederet: spes autem, ut *Grotius* ait, lib. II. c. 7. §. 29. eum radicata sit, jus facit; nec deinde cessat. Quòd si tamen filia fuerit, in suspenso est, quia filius nasci potest. Equidem quòd apud *Spartanos* aliter obtinuerit, ut tantum nati in Dignitate admitterentur, peculiaris erat constitutionis. In *Persia* autem, variè quòd observatum fuerit, facti est.

XVI. Magis inexpectatum videtur, quod placet quibusdam, fratres secundogenitos nepotibus è primogenito ætate minoribus esse præferendos, in regnis Patrimonialibus, de quibus heic agimus. Quidni enim hìc obtineat repræsentatio sive subitio liberorum in vicem parentum, per quam nepotes ex filio primogenito in locum Patris emergunt; Quippe cùm illa maximè sit naturalis, ideoque in Rege mortuo præsumenda, quemadmodum in aliis hereditatibus obtinet. Quid enim hac parte recedere jubet ab analogiâ privatarum successionum? quam cum patrimonialibus Regnis antea comparari vidimus. Opponitur: in privatis successione repræsentatio non plus efficit,

quàm ut nepos filio, quod ad gradum attinet, æquiparetur, quâ æquatione factâ, qui habent jus ejusdem gradûs, omnes æqualiter ad bona vocantur; quod secûs in Regnis individuïs & in jure primogenituræ se habeat. *Ætatis autem ratio mere personalis* (p) sit, quæ ad liberos ex simplici ratione naturali non transit, sed opus est lege positiva ad ejusmodi jus personale tribuendum successoribus; cui accedit, quod idem sit, contra fundamentum præsumptæ defuncti voluntatis, quæ sumitur ab ætate, ad aptitudinem regnandi.

(p) *ÆTATIS AVTEM RATIO MERE PERSONALIS.* At verò hâc ratione *Auctor* ætatem respici vult. Quò quidem respectu verum est, etiamsi filius Primogeniti patrem suum repræsentaret, & sic in paritate gradûs cum secundo genito constitueretur, eum tamen ætate adhuc inferiorem fore. Equidem cum ætas hîc non respiciatur, adeoque argumentum *Auctoris* hîc non concludat in primogeniturâ, sed tantum in *Majoratu*: Ideò nepotem ex primogenito præferimus secundo genito: non quando jure repræsentationis, quò videtur Hugo Grotius respexisse *Lib. 2. c. 7. n. 31.* quando in controversia, inter Regis demortui fratrem & fratris filium, naturali æquitati consentaneum judicat, ut fratris prioris lineæ per repræsentationem in lineâ Collaterali præferatur. Quamvis enim jura nostra Civilia *repræsentationem* inter collaterales unò illò casu admiserint: (successionis videlicet à fratribus & fratrum liberis suscipiendæ) tamen in Jure Primogenituræ verior est sententia, neque Repræsentationem neque Transmissionem locum habere posse. Non *Repræsentationem*, (secûs atque putat *Auctor*) si quidem Repræsentatio ad hoc inducitur, ut is ad successionem admitti possit cum aliis, qui gradu erat remotior: & verò in primogeniturâ hoc solum efficitur, ut unus & solus successionem habeat. Ex quò apparet, Repræsentationi locum esse non posse, nisi in Regnis hereditariis seu patrimonialibus *dividuis*; Itaque non jure Repræsentationis nepos succedet: (quippe qui nec jure patris s. jure primogenituræ paternæ gaudet, prout aliàs, qui repræsentatione fruitur.) Sed succedit propriò suæ primogenituræ jure; per quod momentò ipsò natiuitatis jus succedendi, ad instar propagatæ s. deductæ Nobilitatis, & non tempore demum delatæ succes-

onis, eò ipsò, quòd primùm nasci naturalis sit qualitas, consequitur. Multoque minùs *Transmissioni* hîc locus est, cum quilibet hîc propriò jure niti debeat; adeòque succedere etiam nepos ex primogenitò, licet hic nunquam actu Regnum tenuerit: prout ipse nepos, si solus mansisset, debuisset succedere: item si maximè Primogenitus, qui actu Regnum tenuerat seu tenere poterat, pro posteris, aut semet ipsò etiam, renunciasset. Nec enim valet ejusmodi renuntiatio in præjudicium ejus, cui natura favet, *vid. II. F. 26. Engelbrecht. de Success. in Electoratum §. 21. & seq. & Arum. Discurs. 20. ad A. B. §. 29. & §. 65. & seqq.* Ex hisce *Pufendorfii* examinari debet, quando vix solò jure naturæ nepotes pro patribus prævalituros esse, tradit; nisi id lex aut consuetudo Regni jubeat: quoniam jus in spe non sit firmiter. Utique enim firmiter est & radicum, quod protinus ab ipsâ naturâ infigitur: cum nec alius hîc habendus sit respectus, in Primogeniturâ, quàm natiuitatis, adeòque non ætatis, gradûs, vel alterius qualitatis. Rejiciendus etiam est Grotius *lib. 2. c. 7. §. 30.* quando & ipse in Regnis patrimonialibus individuïs potior esse rationem ætatis in prædictâ controversiâ, docet; secûs in successionem lineali, quam vocat, ubi mortuos haberi pro vivis, & ipse concedit. Consonat nostræ sententiæ *Aurea Bulla*, prout ostendit inter alios Strauch. in *Exoter. Disp. 2. §. 4. seqq.* item Rumelin. *Disp. 6. ad A. B. part. 1. §. 4.* Atque ita Germanicarum Gentium consuetudinem ferre, *Engelbrechtus* docuit, *d. Tract. concl. 27. 31. 62. & seqq.* ut Seniores esse non sufficiat, nisi vocatus sit, h. e. in ea lineâ vel in eo ordine consistat, cui ad successionem propior est aditus. Denique in patrimoniali Regno et si *Auctoris* sententia in tacitâ voluntate ultimi

Regis

Regis magis probabiliter fundari posse videatur. Tamen, num illa voluntas ipsius fuerit, cum vel maximè dubitari possit, siquidem paucæ gentes majoratum tenent: Idèd, cum nil expresse- runt, potius videtur, ad consuetudinem magis communem respexisse: eò quòd & aliàs sæpè nepos ex primo-

genito & filius secundo vel tertio genitus ætate non multum differant; sæpè & nepotes imperio aptiores, & tanquam spe radicatâ innitentium judicium ipsorum majori curâ & ratione ad imperandum sensim assuefiat.

XVII. Enimverò *Repræsentatio* rei, velut pecuniæ, in *anteceßum* exhibitionem notavit; sed sequiori ævò usurpata vox *repræsentare* fuit, pro præsentem reddere, quò significatu liberi Patrem mortuum iterum quasi præsentem sistere, & exhibere jus & personam ejus intelliguntur: quod verò repræsentatio nihil quàm adæquationem gradûs in hæreditariis succcessionibus efficiat, aliter liquet in eo, quòd fratris germani liberi, cum fratre defuncti uterino concurrentes, repræsentandò Patrem suum, non modò huic adæquentur gradu, sed eundem etiam excludant. Et, si nihil aliud, quàm adæquatio gradûs fieret, nepos primogeniti unicus, concurrens cum filiis secundo geniti pluribus, in hereditate divisibili, non haberet plus quàm unus ex his obtinere posset, quod verum non est; cum solus tantundem ac plures isti simul accipiat, idque è præsumptâ voluntate defuncti. Magis igitur est, per repræsentationem, quæ in hereditariis Regnis non excluditur, filium primogeniti ab avo in locum Patris affectu præsumptò substitutum videri; etsi in eò cesset præsumptio majoris aptitudinis ob minorem forte ætatem. Hæc enim præsumptio non potest tollere jus perfectum *repræsentationis*.

XVIII. Cum eadem tacitâ voluntate consentit, quod liberi absque justo suscepti matrimonio non admittuntur, quia vel ideo Rex videtur eorum matrem non in uxorem duxisse, quòd illam liberosque justo affectu non *prosequeretur*. (q) Quod secus, scilicet, est, ubi vel legitimatio vel sufficiens *voluntatis actus intercessit*, (r) aut nulla inter legitimas uxores concubinasque differentia fuit defuncto, ut *Dominis Turcorum* post *Bajazetem*, cum ejus uxor nimis contumeliosè à *Temirlano* habitâ fuisset, observatum est.

(q) PROSEQUERETVR. Est omninò probanda *Auctoris Cl.* sententia, quòd ne quidem in Regno *patrimoniali* naturales succedere debeant: & malè Hornius in *lib. II. Politic. Architect.* c. 9.

n. 17. ex hâc ratione, dissentit, quòd Princeps solennibus Nuptiarum non subiaceat, & maculæ tantum ex civili lege privatis, non etiam Regum filiis, inurantur. Nam quòd Lex, naturale vel le-

gitimum, in ipsa quoque ratione juris naturalis, discrimen ferat, & naturales non eò sensu dicantur, quasi de jure naturæ eò videlicet, quod honestatem nuptiarum inculcat, iis nil planè desit: illud *Bæclerus* inter alios falsum esse ostendit, *lib. II. ad H. Grot. C. 7. pag. 295. & seqq.* Multò minus itaque succedent naturales in Regno *institutivo*, quippe quòd populus solum Reges sibi voluerit, natos secundum Leges patriæ, cum quidem alibi contentui pateant; veluti ex desultoriâ libidine suscepti. Quid verò, num saltem Matri in eò, quod nec ipsa plene jure habet, matrimonio, naturales suc-

cedent? Utique, si soli fuerint. Idem in *Patre* non minùs asseri potest: ut nullum discrimen hîc locum inveniat. Unde si legitimos & naturales ipsa quoque Mater reliquerit, legitimum, licet ultragenitum, cæteris omnibus præferri debere videtur; aliter ac in successione privatorum definitum est.

(r) VOLUNTATIS ACTYS INTERCESSIT. Ita Raymundus Gothorum & Suecorum Regis notus, à patre heres constitutus, successit; quamvis nunquam plenum à subditis obsequium nactus fuerit.

XIX. Adoptivi tamen liberi, quos expressè defunctus pro filiis adscivit, ex illa clara voluntate non alio jure quàm reliqui naturales liberi, videntur habendi; adeoque & *filiabus* præferentur. Nam postremò his etiam, quando potioris sexûs liberi desunt, præ cognatis remotioribus successio debetur: quia sinè dubio major affectus patris erga suam prolem est, quàm respectu cognatorum; nec enim ille judicium de aptitudine ad imperandum comparasse videtur extrâ suam domum.

XX. Hæc ita, in regnis patrimonialibus, secundum probabilem defuncti voluntatem, quæ sola in iis spectari potest, si nihil cautum sit, habere se videntur; Quod, si constet, regnum esse & alias fuisse dividuum, jam non hærebimus, quin liberi omnes majores, juniores, masculi, feminæ, adoptati, (*non tamen nothi*) (s) & secundum eos, reliqui agnati aut cognati secundum gradûs prærogativam sint admittendi. ut *Grot. d. cap. 7. n. 12.*

(s) NON TAMEN NOTHI. Ratione matris omnes etiam *incestuosus* & *vulgò quæsi* naturales dicuntur; respectu patris autem naturales aut sunt suscepti in servitute, aut è concubina. Hisce naturalium appellationem demum post Constantinum tributam esse non nulli putant; sed malè probant ex *Nov. 89. vid. l. 7. C. d. confirmandis Tu-*

tor. quanquàm Græci Imperatores contra quàm apud veteres Græcos obtinuit, strictiori sensu nothos & naturales ex æquo sumserint. Hic sanè *Auctor* nothorum nomine videtur eos intelligere, qui ex scorto s. prostibulo, aut ex incestu etiam vel vulgò quæsi sunt.

XXI. Patrimonialis igitur & Hereditaria successio hætenus est eadem; Patrimonium enim & hereditas non differunt; *l. 38. Fam. Erc.* ut tamen successio patrimonialis à voluntate primi imperantis pendeat; licet etiam hereditaria detur, quæ pendeat à populi voluntate vel superio-

perioris. Est verò imperium aliud Patrimoniale, herile aliud. Sunt enim multæ ditiones *patrimoniales*, in quibus admodum est modica potestas imperantium: non pauca etiam sunt *herilia*, in quibus nec alienandi neque testandi potestas obtinet, adeoque ubi non est hereditaria, sed *institutiva* successio; cujusmodi Turcicum est Imperium. vid. de cassato *Amurathis* solenni licet & à ministris juratò Testamentò, quò fratrem excluderat, *Hist. Civ. ad ann. 1640.* Quin aliquando usu venit, ut herilia regna sint electiva, quale Mamaluccorum in Syrià & Ægypto fuit. *Hist. Civ. Tom. 2. l. 1. Sect. 3. c. 11.* Tantum abest, ut herilia cum patrimonialibus eadem sint, vel cum illis semper conveniant.

CAPVT XXXI.

De successione institutivâ.

ARGVMENTVM

Successionem institutivam esse, quæ ex voluntate populorum originem habet; eamque esse vel simpliciter hereditariam, vel linealem. In illâ multò magis in hac fere easdem nasci præsumptiones, quæ sunt in Patrimonialibus ex tacitâ ultimorum intentione regnantium. 1. non esse dividendam civitatem, quia nihil publica quieti exitiabilius. 2. ut mares & primogeniti præferantur, etiam qui ante regnum patri delatum sint nati, nepos quoque primogeniti filio secundo licet majori, non aequè, ut successio stat intra descendentes primi Imperantis; secus ac Grotius. Id esse proprium successioni lineali, casus à priore differentia exponitur. In hac etiam filium ex Patre nondum Rege natum præferri nato post Regnum acquisitum. Quid si delatum sit imperium Tali & filiis ex eò nascituris? Neptem ex filio præferri ex filiâ nepoti, & filiam fratris sororis filio; nisi feminis exclusis, quò cautò, natos etiam ex feminis censerè exclusos. Liberos illegitimos nec non adoptivos ab hoc loco esse alienos. Cessare hic testamenti factiorem, proinde & exheredationis effectum, quin & abdicationis, quia non pendet hoc jus succedendi à facto ultimi possessoris, sed à lege primæva. Ortâ de successore controversiâ, nullum esse judicem, quàm ferrum, nisi forte populum per modum interpretationis.

I.

Fuit hereditaria & arbitraria successio, sequitur Institutiva, quæ defertur secundum voluntatem ac institutum ejus, qui primum Imperium fundavit, sive populus fuerit, sive major Princeps, qui Imperium in alium contulit, ut sunt domini feudalium regnorum, in quibus

bus ideo simplex hæreditaria successio & testamentaria communiter non obtinet *cap. 1. in pr. de success. feud.* Possunt tamen etiam voluntaria, si ita constitutum sit, hereditaria esse, ut & patrimonialia.

II. Potestas alienandi non modò in *institutivis* seu *voluntariis* Imperiis, sed & in quibusdam *Despoticis* cessare videtur. Quatenus jure administrandi herilia quidem sunt, aliqua tamen fundamentalis constitutio in illis perpetuâ observantiâ invaluit; & *pars certa subjectorum*, (a) *unde origo Imperii activa manaverat, existit.* Quin & si cui imperium jure hereditario, sive pro se & heredibus delatum fuerit, ex negotii naturâ & præsumtâ voluntate populi, ne quidem potestas alienandi atque testandi per hoc concessa videtur.

(a) PARS CERTA SUBJECTORVM. Dominus dominum sibi imposuerunt, de successio-
minium i. e. jus certum penes subditos, qui pri- ne disponendi.

III. Habet autem prioris speciei, quæ venit à populo ejusve Proceribus, ordo succedendi institutivus locum etiam in quibusdam regnis herilibus. Quod adeò verum est, ut hoc respectu plenissimi Dominatûs esse possint & quandoque fuerint *electivi*. Sed regna civilia, quæque liberâ subditorum voluntate stabilita sunt, non deferri ad successores ex arbitratu Imperantium, sed ex lege vel consuetudine certâ, satis demonstratum est.

IV. Atquæ cum *successio Lege statuta, vel moribus recepta est*, verosimili populorum intentione, quæ juris parit præsumptionem, eadem ferè nasci videntur conclusiones, quas modò ex tacitâ defunctorum regnantium voluntate *collegimus* (b) in Patrimonialibus.

(b) COLLEGIMVS. Siquidem hæc etiam voluntas Regnantium jure niti debet.

V. Primò, *non esse dividendam civitatem*, quia populus id sui ipsius causâ multò fortiùs quàm Rex, ob amorem populi pacemque familiæ, voluisse videtur. Secundum hoc, ut alii non vocantur, quàm qui ex justò sunt nati matrimonio, quòd extra illud nati sanguinis incerti habeantur. Tertium ponit Grotius, *ut successio stet intrâ eos, qui descendunt à primò Rege.* Quod in terminis Regni simpliciter hereditarii sive *pro illo & heredibus ejus* constituto, ut Grotius ponit, in *L. II. c. 7. n. 14. sq.* verborum proprietas fert nullò modò. Ut hereditarii
appel-

appellatio tantum ad sanguinem Regis & quidem descendentem, restringatur. Sed hoc tutò ponere licet Quartò *ut mares feminis in pari jure sanguinis præferantur*, deficientibus demum viris sequior sexus admittatur, *ob eandem rationem.* (c) Quintò, ut *primogenitus* solus his, qui postea sunt nati, *anteponatur*, propter rationes etiam *supra* collocatas, in Regnò patrimoniali.

(c) OB EANDEM RATIONEM. Videlicet ob verosimilem populorum rationem, quæ juris parit præsumptionem; ut exprimitur initio §. IV. *hic*, & eadem etiam antecedentes tres Conclusiones s. *Positiones* nituntur. Quin & populo impu-

tari debet, quòd cum vocem *heredibus* non ad mares restrinxerint, videantur, ad turbas à peregrinis metuendas, heredibus masculis extinctis, ad *feminam* ex primo acquirente, quæ per se capax imperii est, successionem deferendam voluisse.

VI. Hinc quæri potest, non modo de lineali, sed de quavis hereditaria successionem: An etiam filius, qui ante regnum patri quæsitum natus est, jus succedendi habeat, quemadmodum de patrimoniali successionem diximus. Ratio dubitandi esse potest, quod in successionem patrimoniali sola Patris voluntas spectatur, quæ non est minor erga filium ante natum quam postea; proinde non videtur illi jus primogeniti adimere voluisse; verum in regnis, ubi legis dispositio regit successiones, potest dici, quod jus successionis nequeat incipere, nisi positus succedendi terminis habilibus, qui non sunt in filio ante tempus regni à Patre quæsitum. Suntque plenæ hoc genere exemplorum historiæ. Verum hæc ratio non est idonea ad hanc diversitatem inferendam. Nam si tunc, ubi successio primùm constituitur *jam natus sit filius*, ut accidit in imperiis recens acquisitis, clarum est, eum maxime designari, qui fuit in conspectu; nisi fortè dictum fuerit, imperium dari Tali & filiis ex eo nascituris. Quod si de filiis longiori à lege latâ tempore natis quærat, *antequam ordo successionis ad parentes pertigisset*, pro illis adhuc evidentior est ratio. Nam filius talis ante regnum patri actu delatum *jus illud potentiale*, quod in successionem lineali versatur, ante filium postea susceptum, acquisiverat: cui idcirco *anteferendus* est. Sicut in patrimoniali & hereditario idem fit jure repræsentationis, quod non habet locum præcisè quò tempore liberi nascuntur, sed omni tempore vitæ. Neque enim minus fuit filius is qui adoleverat, cum pater rex fieret, quàm qui regius infans fuit. Denique, ubi lex sancit successionem, ita constituit eam, *ut ab ipsâ, non ab ultimi possessoris respe-*

Et dependeat; ideoque nec ejus ratione potest interesse, quò tempore filius natus major ei sit genitus, modò verba & mens legislatoris ei convenient. Hinc etiam fit in lineali successione, ut nepos è primogenito, licet ætate filio secundo minor, huic tamen præferatur: Quoniam filius primogenitus, patre vivo mortuus, jus quò tum *spem habebat præcipuam*, (d) quodque jus potentiale diximus, ad suam prolem transmissit.

(d) *SPEM HABEBAT PRÆCIPUAM.* At verò (1) in *patrimoniali* non minùs *spem* habebat; & majorem, si *genituram* solam respicias. Et quid? quòd etiam (2) in *patrimonialibus* præsumptio pro designando successore lege niti debeat: eò quòd populus, si interrogatus fuisset, lege id fuisset constituturus. Enimverò populus ad hoc, ut magis stabilis foret Regum successio, videbatur lineæ potius, quàm ætatis, rationem habendam voluisse. Nam illa, quæ ætatem respicit successio, defultoria est, de lineâ in lineam; sed quæ *genituram*, magis est stabilis. Cæterum, quòd in *Primogenitura* transmissionis non habeatur ratio, *superius* exposuimus. Et cum de lineali successione dixerimus: Ideò hòc locò notandum est, *H. Grotium* successioni non hereditariæ in eo opponere *Linealem*, quòd in hac non ad ultimum possessorem, sed ad primum acquirentem, respiciatur; neque etiam ad prærogativam gradûs, ut in successione civili, attendi debeat; sed ad lineam: ut qui in lineâ Familix regnatricis Primogeniti constituti sunt, cæteris omnibus in secundogeniti Lineâ præferantur. Et hanc Linealem successionem *lib. II. c. 7. §. 22.* Grotius distinguit in *Agnaticam* & *Cognaticam*: ut in *agnaticâ* tantum mares & ex maribus nati, succedant, quæ *Francici juris* dicitur: ne per fœminas sc. Regnum ad peregrinos perveniat; nisi quòd alicubi deficientibus maribus ad fœminas ex familiâ successio pertingat: quâ ratione deinde *Cognatica* dicitur succedere. Est enim *cognatica linealis*,

ubi fœminæ quidem non excluduntur, sed tamen promiscuè non succedunt, verùm in eadem lineâ maribus postponuntur. Ex quo patet, quòd filia ex fratre, ubi hæc obtinet successio, præferatur filio ex sorore. Equidem ab hereditariâ facillè hæc successio *linealis* distinguitur. Nam (1) in hereditariâ obtinet repræsentatio, item transmissio, si sententiam *Grotii* quis sequeretur: qui plures simul ad successinem admittit; quanquam nos dixerimus, saltem repræsentationis nullum in successione patrimoniali usum fore; quippe quòd in eâ, qui solus succedit, repræsentatione non indigeat. (2) in successione hereditariâ fieri potest, ut si quis ex *tertia* lineâ defuncto sit gradu propior, is præferatur ei, qui in lineâ superstes est; & tamen huic non poterat præferri per successionem linealem. (3) in lineali semper est individua s. solitaria successio: hereditaria verò si testamento ita constituat Princeps, in plures etiam cadere potest. Deinde à *primogenitura* successione *Linealis* in hoc distinguitur: quòd in lineali expedita magis sit ratio succedendi, si nepos ex primogenito & secundo genitus concurrant; in *Primogenitura* autem studiis partium controverti soleat: adeò ut dicere possimus, re ipsâ quidem non differre; sed tantum nominibus, ut certiore respectum exprimat nomen successionis linealis, & ad instar successionis Feudalis in feudo individuò faciliori tramite, possit investigari, quàm si ex nuda primogeniturâ rem arcescere velimus.

VIII. Sed an non obstat heic ratio minoris aptitudinis ad regnandum, ex impari ætate, & an non hæc, respectu populi, validior est quàm in Rege, qui jus patrimoniale transfert in posteros suos. Non videtur, quia vis expressæ sanctionis validior est, quàm illa præsumptio esse queat; Lex vocat filium primogeniti sine discrimine, cujus ætatis sit, quia

fit, quia semel successionem in universum stabilire volens, ob exquisitos casus nullam varietatem recipere potuit. Tunc enim successorum ordinationem expressæ tacitæque ultimorum Imperantium voluntati committere debuisset; quod ne fieret, successionis ordinem definivit. Unde, nec primogenitum, etsi longè ad res gerendas ineptiorem, modò non furiosum aut mente captum, ordo Legis prætervehitur.

IX. Secundum hæc, fratris majoris filius secundogenitum fratrem antecedit, imo & nepos vel neptis illius, adeoque in infinitum hoc valebit. *Neptis* quoque *ex filio* præferenda erit nepoti ex filia, quia filius filiæ prælatus fuisset, suamque spem ad prolem suam transmisit; filia quæ nihil habuit, nihil suo gnato tradere potuit. Lex quidem mares etiam præfert, & prætulit in hoc casu filium filiæ; sed jure in filium stabilito, inter illius liberos si utriusque sexus extent, idem discrimen servat; si verò filias tantum reliquerit, hæc jus à Patre transmissum retinent; Nepos ex filiâ nihil habere potest, quia mater ejus nihil juris habuit, & lex non potest retrò operari per saltum, ut relictâ nepte ex filio, recurrat ad nepotem ex filiâ; Ideoque feminis tantum repertis, in his subsistit *nec retro currere potest.* (e) Eadem ratione filia fratris potiori jure quam filius sororis utetur, ac ita in cæteris.

(e) NEC RETRO CURRERE POTEST. Hoc ipsum in genere verum non est. (vid. §. seq.) nisi ubi ex æquo mares admittuntur ac fœminæ, ut tunc mas gradu propior præferatur, aliàs enim quoad-usque mas superest, in eâdem lineâ, fœmina non admittitur; sed deficientibus in illâ linea maribus, fœmina tamen ejusdem lineæ præfertur mari in alterâ lineâ: ita in II. Feud. 50. vide Hartmannum Pistoris II. q. 19. & III. q. 23. Knichen

de pactis Vestiturarum. part. III. c. 3. n. 41. Verùm ita oportet constare de Lineali successionem cognatica: & videtur, si maximè lege fundamentali expressum sit: mares & fœminas posse succedere, illud tacitè actum esse, ut fœminæ non tantum in paritate gradûs posthabeantur maribus; verùm etiam si gradu potiores sint; saltim quòd *linea* prærogativâ fruatur.

X. Ultro autem intelligitur, hujusmodi successionem in iis obtinere populis, ubi fœminæ non penitus excluduntur, sed ubi maribus duntaxat posthabentur; ut in plerisque Christianorum Regnis usûs & juris est. Quo casu etiam, ubi Lex viros produxit ad solium; si postea pares gradu deficient, retrocedit ad feminas, potius quam ad agnatos remotiores pergat. Id enim extra controversiam collocamus, nihil ob stare, *quominus fœmina ad imperia populorum, salvâ juris Gentium ratione, positis causis habilibus, extolli possint.*

XI. Utrum rectius prudentiusque penitus excludantur, quam in subsidium, deficientibus masculis, vocentur, *Politicorum disputatio est*, (f) de quâ rationes & exempla in utramque partem Historia sup- peditat. Nec de nihilo observatum est, nullas gentes plus à feminis esse perpeffas, quam quæ maximè gloriantur, eas penitus ab se à suc- cessione regnorum exclusas esse, quod nominatim de Gallis animad- versum est.

(f) POLITICORVM DISPUTATIO EST. vid. J. Fr. Horn. lib. II. Politic. Architeſt. c. II. n. 4. ubi de Imperio fœmineo disputat, & negativam te- net. Sed minùs rectè, si ita absolute quæſtio tra- ctetur; aliàs negativa prævalet. Nam licèt non prorsus rejiciendæ sint fœminæ: mares tamen sem- per prævalent: Quòd si verò masculorum defe- ctus & necessitas hoc jubeat, ut quandoque per connubia, per confœderationes, prospici Regno possit, aut mos patrius in naturam vertens adsit,

ut Fœmina imperium obeat: ita ob majus bonum Fœmina admittenda est, sed ut quàm brevissimum sit imperium, quod sola tenet & ad mares reditu- rum, atque ut limitibus certis imbecillitati mulie- bri consulatur. Utique exteri indignari solent, po- pulum habere fœderatum vel socium, qui fœ- minæ pareat. Hinc *feminas* ferè nunquam ele- ctas reperiemus, sed per obliquum aut magnâ ne- cessitate, item vi vel astu ad imperium, quod tamen non facillè diuturnum fuit, evectas fuisse.

XII. Porro, ubi omninò excluduntur, *ut apud Francos L. Salicâ fieri dicitur*, (g) quæ successio linealis agnatica vocatur, ibi non modò cognati remotiores illas præcedunt, sed ne feminæ quidem, deficien- te omni sanguinis lineâ, admittuntur, *expressâ prohibitione omnem tacitæ voluntatis excludente præsumptionem*. Quod ipsum in maribus ortis è fe- minis *haud dubiè statuendum*, (h) quia successio est ordo continuus, qui per saltum ferri nequit, obſtante regula, *ubi excludens te excluditur, mul- to magis tu excluderis*.

(g) UT APUD FRANCOS LEGE SALICA FIERI DICITUR. De Lege Salicâ, quæ sub Tit. de Allodis. 62. apud Wendelinum habetur: ut vide- licet de terrâ Salicâ in Mulierem nulla portio here- ditatis transiret, perperam traditur, quòd ad Re- gni successionem illa pertineat. vid. Conring. d. Orig. Jur. Germ. Cap. 7. p. 35. imò ne quidem ad allodialia pertinet, sed peculiare genus bonorum, ab allodiis & feudis distinctum, concernit, ter-

ram nempe Salicam, qui hostibus devictis, Regi militibusque Salicis, i. e. Francis, assignata fue- rat. add. Glossar. Lindeborg. v. Salica terra. add. Auctorem §. XIII. b.

(h) HAUD DUBIE STATVENDVM. Ro- fenth. c. VII. d. Feud. concl. 109. cùm continuum à primo acquirente semel ruptum, & nunc alia per fœminam familia sit.

XIII. Atque is ordo Lege stabilitus, quò jus *potentiale* certæ lineæ quæsitum est, ne quidem à *populò* totò, vel Proceribus, immutari pot- est; cùm ille suum jus etiam in futurum alienaverit; ne quidem si ul- timus Rex suum adhibeat consensum: quia dispositio ipsius neque vi-

ventis

ventis neque mortis causâ, in talibus imperiis, quicquam mutare potest. Sed discrimen *hereditariae* & *linealis* in Regno *voluntario* successionis plerumque ex Ufu & interpretaione populorum superveniente magis colligitur, quàm ut lege certâ ab initiô declaretur; ut in *Francia* Regno manifestum est. Quippe ibi Lex *Salica*, quæ dicitur, nudum ferè nomen est, cum de eâ nihil constet, quàm quod Salii olim Francis juncti solos mares ad hereditates privatas vocaverint. In Regno an obtinuerit, non fuit decisum ante mortem Ludovici Huttini, anno *Christi* 1316. & an linealis esset, paucis annis postea.

XIV. Jam de naturalibus spurisque liberis nemo dubitat, quin æque ab institutiva quàm ab hereditariâ successionem penitus arceantur; alimentorum quæstio à jure publico aliena est. Adoptivos in patrimonialibus solâ defuncti *Regis voluntate* (i) sat ipso actu declaratâ vocari diximus, quæ cum in voluntariis regnis cesset, nullum in his locum dari adoptatis manifestum est.

(i) REGIS VOLUNTATE. Exempla sunt in primis Imperatoribus Romanorum: in Augustô, apud Sueton. c. 64. & seq. & in Jul. Cæs. cap. 83. vide Sallust. in *Bello Jugurth.* de Micipsâ Numidicæ Rege: adeò ut in Regno divisibili succedant adoptivi cum naturalibus, & qui ante liberos naturales adoptatus est, hisce præferatur, quando

parens eum non emancipaverit. Favet tamen adoptivis in Regno quoque institutivo Bæclerus l. II. ad H. Grot. c. 7. p. 300. At verò illud non aliter probandum est, quàm si in speciem Regni, populo spectante, filius iste assumtus sit: nam ita certum potius successorem, quàm nullum, ad turbas scil. evitandas, maluisse censebitur.

XV. Jam non est quòd moneatur, Regibus in hujusmodi Imperiis non esse jus faciendi testamenti, quo successionis ordo mutetur, ut jam expositum est ac ultro liquet. Proinde exheredationem nec ob ingratitudinem licet atrocissimam fieri posse cum effectû, tam in hereditariâ quàm in lineali successionem, ut jam diximus. *Nec abdicatio* (k) principis cum præjudicio posteritatis, fieri potest in lineali: quoniam jus ei *Lege* quæsitum, non ab regnante profectum est. Sed in hereditate simplici, Regno tamen voluntario, quia jus heredis à defuncto in proximum venire debet, qui tempore mortis nil habuit, is nec in heredem quicquam transmittere potest. Idem de derelictione judicandum.

(k) NEC ABDICATIO. Differt *Abdicatio* ab *Exheredatione*; non tantum quòd *abdicatio* *Græcis* usitata fuerat, sed etiam, quòd sub præconis

voce publicè & inter vivos celebraretur: ita ut per eam & nomen & familia, secus atque in exheredatione, amitterentur. Rara fuit inter *Romanos*, vide

vide tamen l. 6. C. de patr. potestate & Jac. Gothofr. eod. in Cod. Theodof. item exemplum apud Valer. Maxim. lib. V. c. 8. Licet autem exheredare possit filium pater in patrimonialibus, etiam ultra alimenta; secus atque H. Grot. lib. II. c. 7. §. 25. si causa adsit: tamen in institutivis aliter obtinget; quamvis hæc etiam hereditaria sint: (nam

hereditaria ubique à patrimonialibus distinguere oportet:) siquidem hereditas illa est ab intestato: at verò ab intestato non est exhereditatio. Multò minùs locum habet in lineali successione, quæ quidem omnium minimè ex facto antecedentis s. prædecessoris pendet.

XVI. Sextò ponendum est, quod ordo *Successionis aliquando transire potest ad eos, qui non sint de sanguine primi Imperantis*; uti sæpe contingit, posteros alicujus habere cognatos heredes, ab illo alienos. Aliiter Grotius, qui in Regnis ex voluntate *hereditariis* statuit, præsumendum esse, quod constituentes voluerint, ut successio stet intrà eos, qui à primo Rege descendunt, eò quòd hæc ob nobilitatem electa censetur, quâ finitâ, Regnum redire debeat ad populum. d. Lib. II. c. 7. n. 15. Sed hæc præsumptio infirmior est, quàm ut jus hereditarium, quod habent proximi cujusque regnantis, superare queat. Nam si maximè Testamentarii exclusi videantur, non tamen idem de proximis Regi ab intest. dici potest. Cæterum illa Grotii positio videtur esse propria successioni, quam linealem vocant, secundum quam non proximi Regis quâ tales, sed qui à lege designati & dispositi sunt, vocantur.

XVII. Huic hereditariæ & institutivæ successioni proprium, in quo discrepat à patrimoniali, sit, quòd exhereditatio in eo fieri non potest, quia non proficiscitur, neque pendet à Regis sed à Populi voluntate, nec adeò testamenti jus super Regnò, tribuit. Denique & hoc est peculiare, quòd & si Regnum hoc sit hereditas, tamen à privatâ hereditate diversum sit. Ideòque licet illa non adeatur, Regnum tamen ab herede acquiri possit.

XVIII. Positiones præcedentes etiam omnes locum habent in illâ successione, quam Linealem vocari diximus, quæ à Lege, secundum certam succedentium lineam ordinatur; exceptò quod diximus, successionem hereditariam ad tales etiam heredes pervenire, qui non sunt orti ab imperante primo, cum Linealis ad solos ab ipso descendentes petineat. Præcipuum, quo hæc species à priori differt, est igitur, quòd simplex hereditaria successio ordinem suum accipit ab ultimo

mô Imperante, neque successor quicquam juris habeat, nisi per mortem. Sed in lineali, quanquam Lex effectum succedendi, non nisi vacuo Regnô cuilibet proximo tribuit, jus tamen Potentiale, quod Grotius vocat, etiam prius, etiam remotioribus addicit successoribus.

XIX. Cæterum, controversiâ de successione ortâ, non potest alius esse iudex *quàm ferrum utique cum decidendi potestate*, (1) quæ succumbentem obliget ad parendum. Populus enim, quandiu stirps familiæ regnatricis superest, omni jurisdictione manet exutus; Neque superstes princeps ultra vitæ suæ terminos quicquam de Imperio disponere potest. Quanquam si compromittere velint, nullum rectius arbitrum quam Regem vivum, eove mortuo, populum vel priores eligere possunt.

(1) *QVAM FERRVM VTIQVE CVM DECIDENDI POTESTATE.* H. Grot. *Lib. II. c. 7. §. 27.* distingvit inter iudicem Jctionis & iudicem juris. Jctionis nullum esse posse de controversiâ regni, nec in Regem nec in Successorem. Utique enim successio non est in jure Imperii s. Majestatis: unde Rex de ea statuere non potest, & in interregno Majestas nullibi reperitur. Quos verò Grotius iudices juris appellat, h. e. qui sine potestate, saltim quid æquum est, arbitrentur: illi dantur omnino unicè, tam vivò, quam mortuò Rege. Et quidem *vivò*, si in Institutivò Regnò versetur, ut populus voluntatem suam ante omnia declaret, necesse est: atque tunc quia populus nil valet in Regem, etiam quod ad modum habendî imperium attinet, quâ videlicet res ad successionem spectat. Hinc ad *arbitros* omninò deveniendum est. Nam *Lex fundamentalis* quæ non nisi pactum est, neutrius partis interpretationi decisivæ ut *Lex fundamentalis*, si modò pactò cum Rege inita fuerit, substat: indeque pactis etiam pacis Tertii Potentes adhiberi solent, quamvis non facilè, ut termi-

nòs mediâtorum seu interponentium, interpretatione decisivâ, egrediantur. vid. Cordejum d. *Guarantiâ Pacis*. Legem verò, quam Formæ Regiminis suò arbitriò statuit Populus, quòd eandem, ad normam rectæ interpretationis, idque eitrâ jurisdictionem, exponere queat, præterquàm si ipse Imperium in *Democratia*, & sic potestatem statuendi, vel maximè in publicis, habeat, indubium est. Sed tempore interregni rem conficiet idem populus, non per modum iudicii, sed assensus s. majoris partis. Variè hoc in argumentò volvitur Bæclerus ad H. Grot. *l. II. c. 7. §. 27.* luculenter magis incedit Pufend. *lib. VII. c. 7. §. 15.* jungit H. Grot. *L. II. c. 23. §. 8.* ubi modum *Compromissi*, quoties inter eos negotium est, qui Jctioni, quâ tales, non subsunt, uberiùs exponit. Utique causa hæc ad arma cum Auctore referri non potest, nisi eo casu, quò inter competitores nulla ratio juris exitum rei dare potest. Nam ita sæpiùs ratio decidendi factò magis, quàm jure nititur.

XX. In Imperiis, ordine successivò non bene stabilitis expedit & solet fieri, ut Reges filios suos vivi curent vel successores declarari, vel etiam pro Regibus agnosci atque inaugurari. Successores declarantur, vel cum titulò summæ potestati proximò, quomodo Cæsares in Impe-

Imperio veteri Romano sub Antoninis & postea, distincti ab Augustis, in hodierno Imperio Reges Romanorum declarantur. Quando Reges fiunt vivis Parentibus, tum veteris Imperii Collegæ adsciscuntur, ut Severus Antonium filium per modum condominiumis, auctoritate dispari, potestate pari; vel Pater se jure Imperii abdicat, ut filius eò solus potiatur.

XXI. Si quis tamen dicat, populum non quidem per modum jurisdictionis, sed interpretationis in causâ dubiâ litem decidere posse, quoniam jus αὐθεντικὸν legis conditæ ab illo profectum est, non admodum refragemur.

CAPVT XXXII. *De Tutelis Regis.*

ARGVMENTVM.

Tutores Regii an habeant summam Potestatem. Quotuplex sit hac Tutela, & quis eam statuere possit, Legis dispositionem per Testamentum heic non posse mutari. Quando Tutela finiatur, & an detur Cura Regia, ubi & de Jure devolutionis obiter.

I.

Porro, si Principem, cui successio debetur, infantem aut furiosum esse contingat, palam est, *tutorem ei esse dandum*, (a) vel Curatorem, qui & Protector & Regens alicubi appellatur. *Qui* cum habeat facultatem juris, cujus acta nemo infirmare queat, *summam quoque potestatem habere dicendus est*; sed exercitio tantum, proprietate penes *pupillum manente*. (b)

(a) **TUTOREM EI ESSE DANDVM.** Confer H. Grot. L. 1. c. 3. §. 15. Latius Gutierrez lib. I. d. Tutel. c. 18. Alicubi Status Imperii s. Ordines tutelam sibi vindicant, prout Strauch. in Diff. 2. Exoticæ. §. 7. de Regni Bohemiæ proceribus quasi in confesso ponit; & tamen longè diversum tuiti sunt Austriaci apud Lundorpium Tomo I. Actor. public. p. 625. pertinent huc Commentatores ad A. B. de Tutelâ Electorali: quam unicè legitimam esse, neque testamentò Tutorem, alium, in locum propioris agnati, dari posse, verius est; (sic & Au-

ctor §. 11. in fin. h.) aded, ut ne quidem Tutor testamento queat constitui, qui extra ditiones Electorales reliquis terris præsit. Unde simili ratione asserendum est, non posse Regem in Regno Institutivo hereditariò alium tutorem successori, filio v. g., designare, qui bonis *patrimonialibus*, Regno perpetuum annexis, præsit. Vid. Rümelin. ad A. B. p. 1. Diff. 7. §. 4. In Regno autem *patrimoniali* liberius Rex versatur: cum illius conditio potior est: nam ita testamentò *fæminam* etiam tutricem constituere potest. v. Rosenth. c. XII. d. Feud. concl.

concl. 10. Quin & mediatos in tutores recipere licet. vid. in simili Myler. de Principib. & Statib. Imperii c. 29. p. 250. Sanè in Imperio Rom. singularia quædam sunt Tutorum Illustrum, quæ suo modo Regum tutoribus aptari possunt: veluti (1) quoddam Administratores s. tutores ejusmodi inventarium raro conficiant, (2) rationes non reddant, sed ad majorenitatem perductum Principem ad ipsos Officiales remittant. (3) alimenta & sumtus Aulæ suæ ex patrimonio pupilli desumant. Vid. Balthasar. Tit. 5. Resolutionum Bavar. Resol. i. n. 20.

(b) PENES PUPILLVM MANENTE. Longè rectius, quàm H. Grot. docuit L. 1. c. 3. §. 11. Nec enim Tutor Majestatem habet; sed solum Majestatis exercitium. Aliàs (1) sequeretur, infantem Majestatem cum ætate demum consequi, quæ tamen ipsi connascitur. (2) Caput defectuosum caput est nihilominus, & suppleri potest prudentiâ, quæ potestate aliâ, quàm infantis non nititur, in-

dustriâ consiliariorum. Furiosus autem, licet exercitio rationis careat, tamen facultate destitutus non est; aliàs homo non esset; & sic quæ homo est, Rex est: ut ob infortunium privari jure suo non debeat. Quid quoddam (3) Rex dormiens Rex sit nihilominus, ita (4) praxis populorum jubet, ubi nunquam infantes aut furiosi Regnò aut Majestate privati esse existimantur; quia potius, quod Ordines etiam Tutores agunt, id omne nomine Regis seu in Vormundschaft, adeoque nil jure proprio, peragunt. Denique (5) periculosa est sententia Grotii, & facile Curatores infantem furiosumve eâ subnixi exturbabuunt. Quoddam si etiam diverso respectu Majestatem inesse infanti & Tutori dicere velis, nihil ages, quàm ut duas Majestates in unâ Rep. dari asseras: quod falsum est. Unde in actu secundo Curator ne quidem Majestatem habebit, sed potius actus uterque primus & secundus penes infantem constitui debet.

II. Deferre tutelam nemo alius, quàm is, cujus primævum jus fuit imperandi, potest. Quippe, cum præsens Rex nullum habeat animi judicium, nec defunctus habuerit potestatem faciendi quicquam in tempus post mortem suam. Nam Testamentaria Tutela in Regnis populorum voluntate constitutis locum habere non potest, quia Testamenti factio in hujusmodi Regnis omninò cessat. Etenim loquimur de non patrimonialibus; nam in regnis, quæ jure patrimonii habentur, non est dubium, quin Rex moriturus tutorem constituere, vel, ejus dispositione cessante, propinqui aliquem eligere possint. Si qua in Regnis voluntariis exempla tutoris à Patre dati extent, ea commendationis tantum habuere vim, quo modo & de successione ipsâ multi Reges testati leguntur, at sæpius absque effectu. v. exemplum in Lud. XIII. G. R. Hist. Civ. 1642. c. 3. 4.

III. Voluntas populi aut per Legem fundamentalem, aut hac deficiente, per expressam declarationem significatur. Per quam potest fieri, ut non unus sed plures constituentur tutores, qui per modum universitatis aristocraticum, teneant jus summum; unò licet præside statuto, cui nomen Tutoris aut Protectoris vel simile detur. Cujusmodi tutelæ administratio in Angliâ, commendante Henrico VIII. super Eduardum puerum, (c) constituta fuit; ubi consentaneum erat, eum cui

Rr

nomen

nomen Tutoris dabatur, qui & capite multatus est, non habuisse potestatem summam. *Baker in Eduardô VI.*

(c) SUPER EDVARDVM PVERVM. Per ultimam voluntatem, quâ filio suo *Eduardo* Novemni 28. Senatores junxerat, quorum præcipuus erat *Edtiardus Seymur*; inter cæteros autem *Sommerfettus* is est, quem auctor hîc designat. Nam ille per machinationes Ducis Nordhumberlandiæ per iudices viginti-novem, quos inter Baro *Cromwellius* quidam repertus est, securi subiciebatur: magnâ deinceps Regni confusione, in qua *Eduar-*

du etiam sexto annô regiminis sui diem suum obiit. Interim quodd unus ex pluribus tutoribus capite multari possit, idoneè sententiam suam, licet veram, Auctor non deducit: siquidem in Aristocratia etiam unum alterumve ex optimatibus capite multari posse non repugnat, & tamen ipsis in Universitate Optimatum *Majestas* laud dubiè competit.

IV. Comparant autem Leges meritò furiosis, *prodigos*, licet mentis compotes. Quâ ratione vel prætextu nuper usos vidimus *Lusitanos* in amovendô Rege suo.

V. Tutela pubertate finitur. Inde olim adolescentes in suam tutelam venire dicebantur, nec Curatores accipiebant, nisi causâ cognitâ propter furorem vel amentiam. A Marci Philosophi tempore adolescentes non redditis causis sub Curatoribus ad usque ætatem 25. annorum esse coeperunt. In Regnis frequenter reditum est ad veterem morem, ut puberes in suam Tutelam veniant. Et quidem ut annus inchoatus pro completo habeatur. In *Gallia* annô 13. decursô Reges majores declarantur. In *Electo*ribus in Germaniâ placuit ætas annor. 18. ob periculum scilicet usurpati regiminis, aut turbarum adv. alienæ potestatis exercitium.

VI. Ex his omnibus abunde liquet, jura privata, quæ cuique patri-familias jus liberè disponendi super pecuniâ tutelâve rei suæ largiuntur, *l. 120. π. d. V. S. ad jus publicum Civitatis* non esse producenda. Proinde nec tutelæ Electorales ex aureo diplomate, quo fratres defunctorum vocantur, ultimâ voluntate mutari posse videntur: quâ de re *dix. lib. 3. Digress. cap. 5.* Aliter olim pugnarunt *Dionys. Gothofr. & Marquardus Freherus* pro testamento *Fridericii IV. Electoris Palatini.* v. *Wissenb. ad inst. d. Tutel. n. 20.* magis quodd reformatorum in Palatinatu ob religionem intererat, quàm ex solido vero.

VII. Nihilo magis jura intestati legitimæque successionum devolutiones de patrimoniis vel de feudis privatis constitutas sine magno errore ad summa Imperia transferre licet. (d) Quò sine dubio pertinent

commissa secundarum nuptiarum, quibus *alicubi*, bona quæ parentes, sub finem prioris matrimonii habuere, *post transitum ad secunda vota*, *primi conjugii liberis acquiruntur*, usufructu duntaxat à parentibus retento, qui, mortuis illis, cum proprietate consolidatur. Non pertinere ad Imperia, hæc similiaque statuta vel uno clarum est argumento, quod ab summâ potestate proficiantur, ut subjectos ad parendum, non ut ipsos obligent imperantes, de quibus insanum est cogitare, quod secundis nuptiis Imperio semet ipsos privare voluerint. *vid. Grot. lib. 2. cap. 4. §. 12.* Proinde, ubi maxime *jus illud Devolutionis* obtinet, nihil tamen hærendum, quin filius secundi, filia prioris matrimonii, sit *in Imperio præferendus*, (e) quâ de re superioribus annis inter Hispanos & Gallos armis & Libris acerrimè certatum est. Nec verò *Grotii* doctrina *jus devolutionis* ad Regni success. attollere potest: *d. c. 7. n. 11.* nam in illo devolutionis instituto damnum quàm maximè agebatur.

(d) AD SUMMA IMPERIA TRANSFERRE LICET. Nisi etiam constitutiones ejusmodi Civiles aut Feudales æquitate naturali nitantur. Nec enim applicatio hæc adedò infrequens est, in controversiis Regum & Principum exterorum, ut ex multis locis *Goldasti*, *Thuari*, *Alberici Gentilis*, *Guicciardini*, *Jovii* & scriptis *Jctorum* circa argumenta illustrium familiarum, cumprimis *Menechii*, *Anton. Fabri*, *Molinai*, *Vasquii*, *Chassanci*, *Klockii* & aliorum patet. Cæterum quod de Regno hætenus dictum est: illud ad hereditatem separatam à patrimonio Regis pertinet; quâ patrimonium *rem privatam* notat. Scilicet Regis & Regni patrimonium differunt. *v. Grot. Lib. II. c. 7. §. 19.* Hinc in institutivo Regnò etiam situm est penes Successorem, an is unâ *privatam successionem* Antecessoris agnoscere velit nec ne; secus ac in Patrimoniali: non aliter, ac in Feudis habet; id quod tamen ad filios Regis, non etiam ad agnatos, respicit: atque hoc argumento eorum, quæ à Feudistis traduntur ad *II. F. 45.* Sanè in feudalibus Regnis quoad successionem Juribus Feudi in Curia domini obtinentibus, utimur. Simili ratione, quando Regna fideicommissa sunt, ad

Dd. juris privati, qui studiosè rem executi sunt, confugiendum est; ut sunt *Peregrinus*, *Fusarius*, *Intriglioli*; & cumprimis nostrâ ætate *Knipschildus de Fideic. Famil. illustr. Harprechtus*, & alii. Quamquam verò in *fideicommissis* ille ad successionem regulariter admitti debeat, qui primo acquirenti seu fideicommittenti propior est; tamen ut *Grotius* docet *L. II. c. 7. §. 24.* ita res etiam definiri potest, ut is, qui ultimo possessori proximè accedit, pro cæteris admittatur.

(e) IN IMPERIO PRÆFERENDVS, Quamvis enim *Brabantia* moribus *jus devolutionis* obtineat: (de quo integrò Tractatu *Stockmannus*,) tamen non videbatur potuisse *jus illud* privatorum applicari ad ipsum Regem Hispaniæ, tanquam eminentem Ducatûs illius Dominum; indeque frustra *putatus* Rex Galliæ prætendisse, ut *Maria Theresia* Conjugi suæ, tanquam *natum maxime* *Philippi IV.* Regis filia, & ex primo matrimonio procreatæ, principatus *Brabantia* & pleræque aliæ *Belgii Hispanici* provinciæ, præ sorore ejus, Imperatrice Romanâ, & ipso fratre Rege Hispaniæ, tanquam ex secundo matrimonio profectis, deberentur.

CAPVT XXXIII.

De Jure Aristocratico.

ARGVMENTVM.

Plurium Imperium esse duplex, Aristocraticum & democraticum. definitio Aristocratia. De numero imperantium in hac republ. nihil dari certum, modo sit longè pars minor populi, licet aliquot millia. modum continuandi Aristocratiam esse vel successivum aut electivum. Refutantur qui democratiam esse volunt, ubicunque omnis generis ordinis homines surrogari possunt, aut ubi populus deficientes optimates supplet. Discrimen hinc pendere, utrum acta imperantium infirmari queant vel non. sed utrum perpetua an temporaria sit potestas, nihil referre ad specificam differentiam. Igitur annuos optimates, qui jus habent faciendi quod è Republ. videbitur salvis legibus fundamentalibus, verè summam habere potestatem, quâ proinde careant hi, qui illos delegaverunt. Non posse tamen illos transferre jus summum, nec unum quidem ex juribus Majestatis, nec ullum imperii actum ultra suum tempus exercere. non teneri verò ad reddendas rationes delegantibus suis. plusculum de illa specie Aristocratia, ubi possessores immobilium habent jus constituendi annuos optimates. An optimates imperium alienare vel formam reipubl. mutare possint.

I.

Fuit Monarchia, unius Imperium. Quod à pluribus tenetur, est vel *Aristocraticum* vel *Democraticum*. *Aristocratia*, cum summa potestas est penes optimates, hoc est, minorem & eminentiorem populi partem. *Democratia*, quando jus summum Imperii à populo non transfertur, sed ab eo retinetur in summâ, administratio tantum per Magistratus exercetur, ad instar aristocratiaë.

II. Numeri Imperantium in hac formâ civitatis magna est latitudo, ut definiri nullo modo possit, nisi quod subjectam civium partem longe oporteat esse majorem. Est ubi *Decemviri*, *Triginta*, *Quadraginta* Viri, plus minus, est ubi *centum*, *quadringenti*, mille vel plures sunt; ut apud Venetos & Frisios. Imo in *Polonia*, (a) ubi jus summum est apud Nobiles quinquaginta & quod excedit, numero millium, formam esse aristocraticam, necessarium dictu videtur. Quia cæterorum incolarum multitudo, quos etiam communi nomine cives licet rusticos, dici posse non est dubium, immenso numerosior est, (b) & Nobiles utique optimates sunt.

(a) IN POLONIA. De Statu *Poloniae*, & potissimum de *Reservatis* Regum Polon. & Nobilium. vid. Sprenger. in *Polon. Nov-antiquâ*. pag. 104. Utique *reservata* Regia, speciem Regiam & Auspicia Monarchica Regi conciliant. Sed *potentiam* & vim Regni, quæque Terrarum *Jura* eximia & summa sunt, Magnates sibi suoque arbitrio retinent.

(b) NUMEROSIOR EST. Et vix accidere potest, ut major sit præcellentium in Rep. numerus s. Optimatum, ex quibus Aristocratia conficitur. Quin etiam, ubi plebs quandoque exhauritur, quod ipsum quoque rarissimum est; tamen adhuc ex lege Reip. status Aristocraticus esse censetur, licet plebs ad priorem numerum non nisi sensim redeat.

III. Hinc ubi jus supremum est penes dominos insignium prædiorum, licet aliquot millia forsitan hominum efficiant, quia tamen plebs sine terris immenso major est, ejusmodi Rempubl. dicimus Aristocraticam, ut in *Frisiâ* nostra. Nisi quartam Reipubl. formam, quæ sit *Timocratiae*, statuere placeat. Fatendum interim, quò major est Imperantium numerus, eò propius *Democratiae* similitudinem accedi, ut forte plus inter quasdam Aristocratias, quam inter aliqua optimatum & popularia intersit Imperia. Quæ res efficit, ut multi pro democratiis accipiant ejusmodi Respublicas; quæ accuratè æstimatæ sunt Aristocratiae. Nimirum, potest fere ut regnum, dividi *Aristocratia* in successoriam & Electivam, plerumque quod ad singulas attinet personas, non etiam universos; tamen ad universos quoque, ut in *Frisiâ* universi quotannis mutantur imperantes substituti.

IV. *Successiva*, ubi dignitas optimatum est hereditaria, ut summa Reipubl. concilia nulli quàm è certis familiis nato ingredi liceat, quod *Poloni*, *Veneti* aliique servant. Electiva, quando in locum deficientium alii ex eminentioribus civitatis per suffragia surrogantur, ut in *Belgis* obtinet. (c)

(c) UT IN BELGIS OBTINET. Singulas Aristocraticus non est, sed ex pluribus Rebusp. consideratus. Cæteroquin Belgii Status Aristocraticus non est, sed ex pluribus Rebusp. consideratus.

V. Errant autem sine dubio, qui *Democratiam* esse volunt, quando cujusvis generis & ordinis homines, nemine excluso, *surrogari possunt*. (d) Nam etsi nullus ordo hominum à capacitate electionis excludatur, tamen ubi perpetuò verum est, summam potestatem esse penes partem longe minimam, ibi certum est dari Aristocratiam, ut ex suprâ dictis colligi potuit. Perinde atque regno nihil decedit, ex eo, quod quilibet ad illud evehi possint, neque minùs est *monarcha*, qui ex omnibus, quàm qui de paucis, fuit seligendus.

(d) **SUBROGARI POSSUNT.** Nec obstat, quod in Democratiâ etiam omnes de populo curiam non ingrediantur. Resp. enim discrimen hoc nihilominus superest, quodd in Democratiâ licet singuli Remp. per se non administrent, tamen administrent per alios, qui ex populo in Ordinem Magistratum s. Administratorum quotan-

nis vel aliter ex instituto Reip. deputantur. Et sic ergo vis imperii penes singulos residet, ut singuli, ipso etiam actu, vim Imperii teneant: quale quid de omnibus & singulis in Rep. *Aristocratica* dici non potest. Non enim sequitur: Est capax, ut ad imperandum eligatur, ergo imperat.

VI. Electio Aristocratica dupliciter habetur; aut enim ipsi optimates jus habent loca deficientia suo arbitratu, ut fit in *Hollandiâ*, supplendi, aut populus totus ejusve Præcipui novos identidem senatores eligunt, ut heic in *Frisiâ*. Illam sunt qui *Aristocratiam* veram, hanc qui in se spectatam volunt esse *Democratiam*, modum duntaxat administrandi Aristocraticum videri.

VII. Sed arbitror, distinguendum esse juxta principium toties positum, utrum acta electorum procerum à populo dependeant, ab eoque infirmari possint, an omninò sint rata. Si acta, gesta, illorum rationibus reddendis, abolitioni aut animadversioni subjecta sunt, concedemus, fundamentum Imperii esse *Democraticum*. Verùm si plena & irrevocabilis potestas illis tribuatur, nulla ratio est, quare dicendum sit, electionem populi magis impedire *Aristocratice* appellationem, quàm *Monarchiæ*, ubi multitudo eligit Regem: siquidem utrobique eligentes omni potestate se ipsos abdicarunt.

VIII. Hæc distinctio firmior videtur, quàm quâ alii utuntur, inter potestatem optimatum *temporariam* & *perpetuam*. Si temporaria, volunt proprietatem Imperii manere penes populum, nihil verò quàm usum & exercitium esse penes illos *ad tempus* optimates.

IX. Equidem si nihil ab hac disputatione penderet, quàm quo nomine sit exprimendum jus illud, quo populus Imperium affectum habet in casum temporis elapsi, quæstio exigui fœtet momenti. Sed illi volunt, temporarios optimates nihil esse quàm *magistratus*, id est, *ministros* adeoque *ad rationes reddendas* esse obligatos. Unde patet, hoc quæsitum in utramque partem summæ potestati essentiale videri. Etiam *Hobbes* ita; si populus, electis Imperantibus ad vitam aut ad certum tempus, decretum prius fecerit de conveniendo, post tempus imperii elapsum, rursus, ad diem locumque certum; quod tunc medio tempore summum Imperium *in populo* ut domino, usus autem sive exer-

citium

citium ejus tantum in Proceribus temporariis fuerit. *tract. de Cive cap. 7. §. 14. & cap. 9. §. 13. & seqq.*

X. Nos hujus doctrinæ nullum agnoscimus effectum, neque putamus quicquam posse proferri, quod minus in potestate sit optimatum temporalium quàm perpetuorum. Proinde ex his terminis differentiam summæ potestatis inferre, ut antea improbavimus, ita nihil adhuc dum causæ videmus, cur sit faciendum. Diximus *superius* rerum civilium naturam *ab effectis æstimari*, (e) quæ à tempore non recipiunt diversitatem, sed qui facere possunt idem, alius ad tempus, alius in perpetuum, illis idem juris oportere adscribatur. Scimus, *dominium revocabile* dari, ut est mariti in dote & heredis fiduciarii, qui forte non omnia possunt, quæ domini irrevocabiles; *quatenus ad restituendum tenentur*. Sed hoc discrimen in Imperiis non habet facultatem; siquidem nullâ re plus valent, *inquam*, perpetui, dum vivunt, quàm temporarii, dum regimen eorum durat, Imperantes, *dum durat*, *inquam*. Aut si hæc Differentia in Imperiis obtinere debet, sic erit accipienda; quòd, sicut maritus in re dotali vel fiduciarius in re fideicommissariâ nihil facere possunt, quod impediatur restitutionem suo tempore faciendam, ita Regnantes temporarii prohibentur facere quicquam, ad corrumpendam restitutionem Imperii sibi commissi. Verum id ipsum prohibentur & hi, quibus Imperium *perpetuò*, hoc est, ad vitam delatum est.

(e) AD EFFECTIS ÆSTIMARI. Imò non objectum sed *forma* respici debet. Tutor idem potest quod dominus; nec tamen dominus est. Unde in Republica, ubi ad tempus administratio Majestatis uni vel pluribus concredita est, populus, quando contra ordinem quid suscipi necessarium est, in quo de summa rei agatur, à Temporariis ejusmodi Magistratibus summis in partem negotii non modò assumitur, sed etiam assumi debet. Nec quicquam facit pro *Auctore*, quòd Rex

hodiè electus & postridie moriens non minùs Rex fuisse dicendus sit: nam ita quidem finitio imperii à casu s. morte pendet, cui Rex non amplius superstes est, nec imperium, si velit, diutius gerere aut habere potest. Quòd si vero cuiquam tempus præfinitum fuerit, ita omnino à populi præfipientis voluntate vel finitio vel prorogatio imperii suspenditur, nec aded aliud, quàm summum *Magistratum* interea habere dici potest; ut *superius* jam notavimus.

XI. Cæterum, si quis illud jus, quo Imperium ad populum reverti debet, proprietatem velit appellare, ut in jure quandoque, matrimonio adhuc consistente, *dominium* dotis, quod viri est, ad mulierem pertinere dicitur, *analogicè*, id quidem concedi potest. Sed
Impe-

Imperium accuratè loquendo ab jure quod populus interim retinet, *est diversum*, (f) *ut ex definitione summæ potestatis constat.* Neque prorsus in specie aliud est jus quod populus retinet, quando Imperium defert ad certum tempus, durante eo tempore; quam est jus populi quod retinet in omnibus Imperiis voluntariis etiam regnis successivis, in quibus aliquando jus summæ potestatis ad populum redire potest.

(f) *EST DIVERSVM.* Imò diversum non est. Nam vera vis imperii est penes populum, ad quem propterea finito tempore administratio- nis collegii Senatorii quicquam non redit potesta-

tis, sed solum administratio in Senatoribus expi- rat: perinde ac ad dominum rei commodatæ non redit possessio rei finito commodato, cum duran- te etiam eo, rem possederit; licet per alium.

XII. Porrò eadem ratione, quâ ex *Democratia* fit *Aristocratia* per translationem juris supremi in minorem numerum, fit etiam ex *Aristocratia* laxâ & diffusâ, status *Aristocraticus* strictior; sicut in agro *Frisiæ*, ubi jus summum competens dominis veterum prædiorum facit *Aristocratiam*, latè quidem patentem, sed juxta *superius* dicta tamen *Aristocratiam*, id est, minoris numeri potestatem in populum universum. Ab his autem quotannis creantur *optimates* LXXXII. *plenæ potestatis*, *quibus datur jus* intrâ annum vertentem *faciendi quicquid è Republicâ videbitur, nullâ re exceptâ, nisi ut Leges Reipubl. fundamentales servantur*, & paucis quibusdam aliis capitibus *specialiter expressis*.

XIII. Postremò repetamus oportet, heic, quod sæpè demonstra- tum est, *Optimates* æquè jus habere delatum à populo sui juris, quàm *Reges & Principes*; Proinde in Imperio simpliciter delato, illos aut posse aut non posse, quicquid *Monarchis* ex jure sibi delato facultatis esse vel non esse diximus. Ex quò sequi videtur, *Optimates* non posse *Summam Potestatem* in alium *transferre*, non magis quàm *Reges* id facere possunt. Quod tamen cum ab usu alienum esse constet exem- plis, annon *Optimates* magnò numerò, in republicâ, ubi totus po- pulus in diversas Civitates & regiones diffusus nunquam coit & difficil- limè coire potest, considerari queant ita, uti jus omne populi de im- perio quovis modò disponendi complectantur. Quomodo sanè si *Po- loni* Nobiles Regnum ex electivò & legitimo facere vellent hereditari- um, nemo dubitaret, quin id facere possent: nec si possessores Im- mobilium in *Frisiâ* principatum erigere vellent: nam Legatos ad Co-
mitia,

mitia, id ibi vel in Polonia facere posse nullô modô statuendum est. Nec de magnô quidem Senatu *Veneto*, licet ibi plebs faciliùs convocari posset, dubium sit, quin si vellent speciem Ducatûs in Regnum mutare, suô jure id facere posse crederentur. Quemadmodum ne in *Hollandiâ* quidem dubitatum est, cum Rectores omnium Civitatum, populis inconsultis, Principi *Vilhelmo* seniori summam potestatem detulissent, quin id jure factum videretur; etsi dialectica juris ratio, quam diximus, & quæ Optimatibus non tribuit plus juris quàm Monarchis simpliciter constitutis, in diversum tendat.

XIV. Est tamen considerandum, inquam, annon Optimatibus hac parte tacitô populorum consensu plusquam Principibus datum videatur, maximè si magnô sint numero; quasi præsumptione populari, quod ejusmodi Optimates hâc potestate minùs facile sint abusuri quàm Principes, & quòd in magno Optimatium numero spissior & validior sit totius populi repræsentatio, quàm in singulis Imperantibus.

CAPVT XXXIV.

De

Republica annui Imperii, qualis in Frisiâ.

ARGVMENTVM.

Aristocratiam magni numeri annuam, esse raram. Jus annui regiminis in Frisia verè supremum esse, sub exceptione legum fundamentalium. Interpretatio hujus exceptionis & Consequentia. Juris & prudentiæ hac parte diversa ratio. Populum aut delegantes in tali specie non esse superiores delegatis intrâ suum tempus, ab iisque non posse animadverti vel abdicari. Remota objectio à naturâ mandati, quo tales delegati constituuntur. Examen ejusmodi mandatorum. Status talis Reipubl. in fine cujusque anni.

I.

Momentum hujus rei & in Patriam affectus exigit, ut heic paululum subsistamus, & quanquam ratio instituti nostri nihil quam jus publicum universale ferat, non est tamen, ut hoc genus summi *Impe-*

vii Annui, quod rarum & juris inusitati, attamen salubris temperamenti plenum est, silentio transmittamus.

II. Summam juris ejus delati annuis Rectoribus esse diximus, *facultatem statuendi & agendi quicquid è Republ. ipsis videbitur*; quibus verbis inesse perfectum & supremum jus regendi civitatem, ex eo quod *superius de summâ potestate* diximus, evidenter liquet; siquidem & hoc ipsum est in formula Legis Regiæ, quâ Cæsares olim arbitrium Reipubl. acceperunt. Maximè, cum lecti optimates nostri de rebus propositis ad Delegates, prius quam decernant, *referre non cogantur*, (a) *nec eorum acta deinde retractari possint*, quod apud nos post annum MDCXL. constanter obtinuit. Ex principiis dudum in *capite de summâ potestate & seqq. tituloque præcedente* firmatis, clarum & certum est, ejusmodi annuos Imperantes æquè habere summam potestatem in suo tempore, quam Rex Galliarum habeat; non obstante, quod eliguntur, quod delegantur, quod annui sunt & quæ prætera pridem ostendimus *summæ potestati non adversari*. (b) Ideoque delegantes interim æquè jure summæ potestatis oportet careant, quàm populos Gallorum, eo carere palam est. Nisi, quòd Leges fundamentales heic in *Frisia*, inquam, præscribantur, quas tamen non tollere summitatem Imperii, ita simpliciter exceptas *jam supra diximus*. Quæ autem sint Leges fundamentales, & quales, ubi nullæ sunt expressæ, intelligantur, *in loco generali* (c) dicere occupavimus. Applicanda similiter huc esse, quæ de voluntariis Imperiis *suprà* diximus, quatenus termini habiles conveniunt, ultrò intelligitur.

(a) **NON COGANTUR.** Quod quidem casibus momentosis aliter convenire non solet in his talibus, quàm ut de illis ad rationes adigi possint: nec populus unquam pro cujusvis Reip. statu potestatem absolutam & omnimodam temporario Magistratui tribuit.

(b) **SUMMITATI IMPERII NON ADVERSARI.** Scil. per se, ut leges fundamentales haud unquam tollunt, licet aliquando minuant virtute

Obiecti sui, dum sc. ex juribus Majestatis populus sibi quid reservat: Nam restrictio nuda jurium non restringit tam ipsam Majestatem nec aufert exercitium Regi, quam *modum* solum exercitii præfinit, ut adhuc Majestatem ejusquæ exercitium in solidum, licet non absolutum, penes Regem constitutam esse dicendum sit.

(c) **IN LOCO GENERALI.** L. I. c. 17.

III. Proinde ejusmodi annales Imperantes jus suum in alios transferre non possunt, neque præficere Reipubl. aut unum principem aut plures, qui cum summâ potestate suas vices per certa temporum spatia gerant.

gerant. Sed legati ab illis constituti, eo jure præditi erunt, quale *suprà* vicariis supremæ potestatis adscripsimus. Neque in sequentem annum suo loco Imperantes, neque vicarios, *ordinare possunt*. (d) Nec partes Reipublicæ alienare, tam *potentiales*, id est, jura Majestatis, quàm *subjectivas*, sive membra civitatis possunt.

(d) ORDINARE POSSUNT. Ex hoc ipso colligitur, quia nullò casu de modò habendi Magistratus hujusmodi temporarius disponere potest; ceu quidem potest plerumque etiam Rex, item Optimates; semper autem populus: quòd idè temporario ejusmodi Magistratui *summam potestatem* non oporteat competere.

IV. Quod si ultra tempus sibi præscriptum exerceant Imperium, acta illorum ipso jure nulla erunt, & cuilibet civi *non parere licebit*. (e) Tament si populus nullum alium constituerit ordinem, rursus, anno elapso, conveniendi, quàm ipsis, aut vicariis illorum convocantibus. Non obstante quòd *Hobbes* in hac specie Aristocratix, Imperium tempore ac intentione infinitum esse disputaret, ex suis principiis *sæpius expositis*.

(e) NON PARERE LICEBIT. Ergò, quòd acta illorum infirmari non possint, non pendet ex *vi internâ potestatis*, sed ex *voluntate populi*: qui cùm defierit, desinunt etiam actus illorum esse validi.

V. Secundùm hæc, non possunt annui Rectores decernere, quid juris sequentium annorum Imperantes exercere debeant: aut si decreverint, nullius id momenti esse videtur. Multo minus præscribere possunt, quid populum secuturis annis noviter eligendis optimatibus mandare oporteat, aut si præscribant, populus tamen vel primores, qui Annuos Regentes eligunt, suo arbitratu hætenus uti posse videntur. Ne dicam, eos, qui sub conditione reddendi rationes referendique de gravioribus causis electi sunt, statuere non posse, nec relationem neque rationes, aut nunc aut imposterum esse reddendas. Siquidem, hoc obtento, optimates delegati *fiunt absoluti Imperantes*, (f) & universa Reipubl. forma convertitur, quod non esse in eorum potestate multo clarius est, quam quod in jure privato traditur, neminem sibi ipsi causam possessionis mutare posse. l. 19. §. 1. w. de Acq. poss.

(f) FIUNT ABSOLUTI IMPERANTES. Imò etiam is potest esse *absolutus*, qui rationibus reddendis obnoxius est, juxta ea, quæ *suprà* diximus. Siquidem absolutus eum denotat, qui potest imperare, non assumtò aliò; non & qui rationibus reddendis non est obnoxius.

VI. Quod si eveniat, ut aliquid in futurum circa fundamentali a mutandum videatur, in iis locis, ubi Rectores sunt electi, hac lege, *ne quid in fundamentalibus mutant*, juris est, ut hoc ad populi conventus primum referatur, per libera suffragia decidendum. Quanquam sæpe salubrius est populis, nihil habere, quàm jus eligendi, atque satius sit, ut electi absolutam exerceant potestatem, aliquando etiam ipsis eligentibus, præscribere queant, in posterum quid facere debeant; Scilicet multæ plebes amplius habent jus quam expediat ipsis, ut de *Groningana* civitate scribit Grotius in *Histor. Belg.* ad ann. 1594. Quicquid tamen de utilitatis ratione sit, aut esse queat, ad juris rationem inde nullo modo licet argumentari. Nam hac ratione possis evincere & ipsos optimates Imperium in unum posse, nec non debere transferre; obtentu, quod hoc sit utilius, id quod tamen neutiquam licere *probavimus*. Adeo diversæ rationes sunt facultatis ac utilitatis, juris atque prudentiæ, Politices & hujus Artis, in quâ versamur. Atque hæc in principiis superius collocatis deducuntur.

VII. Ex iisdem judicari potest & illud, *quod repetimus*; populum, durante annuo Imperio, *non esse Electis superiorem*, (g) nec ullam penes eos esse majestatem, quia nihil circa Summæ potestatis jura faciunt aut facere possunt. Idcirco inter res novas & usurpationes *Leicestrianas* observatum fuit, à Patribus nostris, quòd is aliquando literas de rebus summæ Reipubl. ad Nobiles & Prædiarios, qui potestatem delegandi habent, non ad legatos Plenipotentiariorum, qui dicuntur, miserit, instinctu quorundam res novas molientium, etsi *tunc* jure meliori, quam *nunc* id fieri potuerit. Interim nihil vetat, eosdem Delegantes, quosque suis locis, jure suo, disponere de aliis rebus particularibus ad summam Rempubl. non pertinentibus, ut sit apud nos omni die.

(g) NON ESSE ELECTIS SUPERIOREM. *ne pendet.* At verò conventio est utriusque. Est omnino: nam quòd non possit circa jura trahentis. Majestatis quid decernere, illud ex *conventio-*

VIII. Prætereà manifestum ex prædictis est, optimates, nec omnes nec singulos prius aut post annum teneri suis delegantibus *ad rationem reddendam* (h) ejus, quod à se dictum factumve fuerit, in Re-
publ.

publ. juxta alios regendâ; multo minus, eos idcirco poenæ vel animi-
adversioni Delegantium esse obnoxios, nisi ob delicta publicorum
judiciorum ordine legitimo.

(b) AD RATIONEM REDDENDAM. Imò stratione, & imò durante eâ, si majoris culpæ Rei
tenentur, ut Tutores, cum primis finita admini- fiant, ut necessitas publicæ rei hoc efflagitet.

IX. An etiam Delegati à Delegantibus invitisi intra annum revo-
cari sive abdicari possunt? Affirmant Ordines Frisix, congregati Sne-
cæ in sua deductione publicatâ *d. 16. Novembr. 1672. fol. 13.* quod ego fa-
teor, me non intelligere, quî conveniat cum hoc Principio, quod Res-
publica pro certo habet, legatos *Plenipotentiarios* habere summam po-
testatem. Sanè repugnat hoc omnibus iis, quæ de naturâ summæ
potestatis antehac disputavimus: neque mihi constat, id unquam ac-
cidisse, nec credo quenquam in locum talis *Plenipotentiarii* à deleganti-
bus suis abdicati unquam esse admissum; quin latè nimis pateret ac
perversè cederet illa praxis; si mutatis partium viribus & studiis, lega-
ti ad comitia semel approbati atque recepti pro lubitu delegantium an-
te suum tempus revocari possent. Fas igitur sit, heic ἐπαύξειν & suspen-
dere judicium.

X. Tu dices, Quid si tales legati per Mandatum constituti nec
aliud quam Procuratores sint? cujusmodi apud nos sine dubio esse vi-
dentur, cum ipsi codicilli potestatis eorum *procuratores* & ipsi vernacu-
lâ voce appellentur ejusmodi, quæ tam procuratores quam *Plenipoten-
tarios* significat. Sed non hac in re solâ contingit, ut, mutatis rebus,
nomina maneant. olim, cum legati ad comitia res majoris momenti
referre debebant ad delegantes suos, aliterque acta decretaque eorum
non valerent, re verâ nihil erant quam Procuratores & mandatarii;
sed postquam libera potestas iis est data, statuendi quod è Republ. vi-
deatur, sine relatione ad committentes suos faciendâ, sine rati-
habitione eorundem expectandâ, facti sunt verè ἀντιπρόσωποι & *Ple-
nipotentiarii*, quemadmodum loquuntur; nomina tamen ipforum li-
terarumque, per quas constituuntur eademquæ prius fuerant, ut a-
mat fieri, manserunt.

XI. Cum autem super electione *Procuratorum* sive *legatorum* isto-
rum ad *Comitia* studiis partium sæpe contendatur, opus est aliquâ per-
sonâ

sonâ vel collegio plurium personarum, à quo literæ mandati sive plenæ potentia singulorum legatorum examinentur probenturque, vel improbentur; Quod arbitrium maximi esse momenti res ipsa loquitur. Nec tamen ideo tale collegium eo temporis articulo habet summam potestatem, vel ei quicquam detrahit *alibi* existenti, non magis quam *Censores Romani*, quibus jus erat movendi Senatu & in Cæritum tabulas redigendi quos è primoribus aut è populo vellent, eosque ita jure summi in Republ. suffragii privandi,

XII. Ubinam igitur est summa potestas eo tempore, quo veteres legati tempus suum finierunt & novi nec dum stabiliti sunt? Non potest alibi esse quam penes multitudinem delegantium. Nam sicut Rempublicam, in quâ populus ejusmodi annuos optimates absolutos sine referendi rationesque reddendi lege constituit, esse diximus Aristocraticam. Ita quoque certum est, eandem quotannis ad naturam conditionemque Democraticam necessario *relabi*. (i) Quæ res ne confusionem *πολιτείας* pariat, utilissimè ad continuandum præsentem statum, maxime in civitate per varias urbes diœcesesque diffusâ instituitur, ne universus populus in unum conveniat, quò conspiratio & mutandi libido frangatur,

(i) RELABI. Quomodo in Democratiâ ge, ubi populus eligendi facultatem habet, in Democratiâ non relabitur. relabetur? si Democratiâ, ex sententia *Auctoris* non est? Nam sanè Monarchia defuncto Re-

XIII. Fit etiam, ut ejusmodi *Aristocratia* non resolvatur in Democratiâ, sed, ut antea monuimus, in laxiorem *Aristocratiam*; quod evenire putamus, ubi jus eligendi annuos optimates, est penes immobilium aut omnium aut certarum rerum possessores, sicut, inquam, apud nos obtinet. Nam quia pars reliqua populi longe numero maxima & præcipua est, quia non minùs cives sine dubio omnes habendi sunt, non potest fieri, quin & originalis illa Reipubl. constitutio sit *Aristocratia*, sicut prædiximus.

CAPVT XXXV.

De Aristocratiâ patrimoniali.

ARGVMENTVM

Forma regiminis, quæ jus summi Imperii prædiorum Dominis addicit, ἀνοικία. Ejus causam esse voluntatem populi saltem tacitam. Jus hoc Imperii, esse patrimoniale aristocraticum, Inseparabile à prædiis. Effecta quadam singularia potestatis ejus exponuntur. Esse quidem hoc jus patrimoniale, non tamen Despoticum. Usus hujus juris, non proprietatem, seorsim à fundis ad tempus posse transferri. Ratio emendandi enormitatem hujus formæ, respectu peregrinorum, feminarum, puerorum, mente captorum. Excludi ab eo hereticos improbiore; an etiam infames? queritur. affirmatur.

I.

Verum & illa regiminis forma, quæ jus ἀνοικία Imperii tribuit Dominis Prædiorum, sine discrimine marium, feminarum, peregrinorum, incolarum, puberum, impuberum, sapientum & mente captorum, quæque aliæ inter alias gentes differentiæ servantur, ut veteribus incognita, sic etiam anomala & inexpectata videtur. Quia tamen Patria nostra & quædam vicinæ gentes suum regimen hoc modo custodiunt & experiuntur salutare, detur nobis venia, paucis etiam hac de re agendi.

II. Causa, per quam possessores immobilium hoc jus sunt adepti, quoties de jure belli aliove involuntario non constat, proxime à voluntate populi repetenda videtur, saltem tacita, ubi à tempore immemoriali hoc jus constanter adeoque *per præscriptionem* (a) exercitum est. Quæ præsumptione de voluntate reliquorum civium acrius adjuvatur, si nulli è populo facultas comparandi id genus prædia, quibus suffragii jus coheret, præcludatur; quæ species ut proxime ad Democratiam accedit, ita quàm maxime volentibus populis instituta videtur.

(a) ADEOQUE PER PRÆSCRIPTIONEM.

Non statim, quod per *observantiam* longinquam inducitur, præscriptione valet; utut valere quandoque possit dici *Privilegiò*. Ita consuetudo non est

præscriptio: & præscriptio non est jus, sed inducitur à jure, & quidem *Civili*, quod ea, quæ Imperii & publicæ sunt, præscriptioni non supponit.

III. Hoc jus recte dici *Majestatem*, non est quod negemus, (b) sive cun-

si pos-

Et possessoribus actu regimen obeant & ad Comitia vocentur, sive Reipubl. per delegatos, de quibus *cap. præced. actum*, administrent. Nam & tunc jus summæ potestatis originaliter est *penes dominos prædiorum*, ac etiam actu, quovis tempore, quo novos eligunt Imperantes, ideoque nec est, quod hoc pro exemplo Majestatis realis, quam non agnoscimus, habeatur. Utique sic juris est, quando reliquus populus non congregatur, nec ad summos Imperii actus pariter admittitur, quemadmodum, nisi per seditionem, in Frisiâ nunquam fieri solere constat.

(b) NON EST, QVOD NEGEMVS. Imò negandum test. Nam potestas eligendi non est *Majestas*. Et quod *Auctor* in *fine §. h.* pro muni-

endâ sententiâ suâ adjecit, illud si de jure accipiat, quod Populus admitti non debeat, ex se Majestatem tollit.

IV. Denique, illam speciem juris imperandi esse *patrimonialem Aristocraticam*, res ipsa loquitur, quia omnes & singuli, at pars longè minor populi, jus hoc habent *in patrimonio*, (c) pari scilicet jure, quo prædia habentur: Ita ut testamento, nec minus inter vivos unâ cum prædiis transferri possit omnique die transferatur Non tamen absque prædiis; vel ut seorsim nec ab ullo, nisi quatenus est prædii dominus aut domini hac parte jus habet, exerceri possit. Impensè enim Reipubl. interest, immotum esse illum ordinem, cùm separatô à rebus jure suffragii, confusio inde enormis oriretur.

(c) IN PATRIMONIO. Quod tamen rectius negatur. Multa enim tanseunt per consequens, quæ per se in patrimonio non sunt; velut in censu prædiorum se res habet. Nempe jus illud publicum est, quod privatorum conventioni & dispo-

sitioni directò non subiacet. Cur enim alias finè prædiis transferri non posset. Et si posset vel maximè, illud tamen fieret Lege permittente, nec ideo quia privatus illud transferret, propterea in & per se publicum esse desineret.

V. Jam quod est in singulorum *proprio jure*, (d) hoc quoque in patrimonio universorum esse oportet; siquidem universitas è singulis componitur, & jus omnium in unum coalescit. Unde sequitur, illos immobilium possessoribus habere facultatem, verum jus summæ potestatis in alios pauciores transferendi. Quod *in Regnis quasi fructuariis* (e) non licere *pridem*, & in Aristocratiis esse dubium, antea diximus; nec proinde paucioribus, in quos, ab immobilium possessoribus regimen transfertur, idem juris esse *simpliciter, antea dictis conveniens est*. Huic con-

consentaneum est, illos solos habere jus mutandi formam Reipublicæ, Imperiumque in Principem ordine successorio aut electivo transferendi, dominos, inquam, ipsos prædiorum hoc facere posse manifestum est. Potestas denique alienandi partem territorii aut patrimonium populi, illis duntaxat, non legatis eorum *competere, videtur*: (f) siquidem hisce non plus quam Principibus summa cum potestate constitutis licet, quibus id genus alienationibus interdictum esse *nota res ac antea dictum est*.

(d) **PROPRIO JURE.** Est tamen in jure ipsorum *publico*, adeoque non in patrimonio singulorum; ut sunt res *privata*. Hinc rectè dicimus ea, quæ in singulorum ut privatorum dominio non sunt, esse extrà patrimonium: qualia sunt res *publicæ*, universitatis.

(e) **IN REGNIS QUASI FRUCTUARIIS NON LICERE.** Utique dicitur hoc Imperium Usufructuarium respectu actû regentis. Ast penes populum omninò est modus habendi; de quò frustra quæreres: an usufructuario an proprietario jure?

nam posterius est extrà dubium, quia nemo extrà populum est, in quem dicere quis possit, usumfructum cadere.

(f) **COMPETERE VIDETUR.** Hinc omninò largiri possumus, illos immobilium possessores habere potestatem transferendi Majestatem in pauciores, item; quòd possint partem territorii alienare: siquidem unum quoque alterumve tale concessum est populo, in *interregno*, qui tamen eò ipsò Majestatem non habet.

VI. Cave autem putes, ex eo, quod nos hoc genus Imperii diximus esse patrimoniale, sequi dominos prædiorum, uti posse jure despotico sive herili adversus reliquos Civitatis consortes, ex illo jure patrimoniali, tametsi facilis harum rerum sit conjunctio, Patrimonialis, inquam, & herilis Imperii. Namque dari patrimonialia Imperia, quæ civilia tamen sint, hoc est, in quibus libertas & bonorum proprietas singulis salvæ maneant, antea diximus. Nunc addimus, Imperia quædam liberè voluntaria, posse fieri patrimonialia, si populus ita expresse constituat, vel immemoriali temporis usu ita sine controversia obtinuerit, quemadmodum apud nos haud dubie invaluit.

VII. Sed hoc nullo modo consequitur: populus voluit jus imperandi esse in plena proprietate Regnantium: ergo & libertate suorum corporum dominioque rerum semetipsos privare voluerunt. Quod ipsum omni scrupulo caret, ubi usus longi ævi & indubitata juris observantia, civilem regiminis æqualemque formam agnoscit & monstrat, *ut rursus apud nos antiquissima libertatis possessio loquitur*. Quemadmodum & è contra, usus omnium temporum servitutem subjectæ civium

Tt

partis

partis arguere posset, quemadmodum forsitan in rusticis *Polonorum* elucescit, qui libertate Reipublicæ, quæ est in ipso regno, vix aliqua ex parte frui videntur.

VIII. Aliud igitur est quærere, quid & quantum juris sit translatum, aliud quo modo habendum. Ad modum pertinet, temporarium an perpetuum, revocabile sit, an irrevocabile, fructuarium an patrimoniale sit illud, de quo agitur, Imperium. Quare si maximè in patrimonio sit jus Imperii, si tamen *invitis non sit* impositum atque deinceps ita exercitum, mensuram aliunde, quam à conjecturâ voluntatis, accipere non potest.

IX. Cæterum, quia Domini prædiorum jus illud suffragii non simpliciter, sed quatenus prædiis cohæret, habent in patrimonio, certum est, quod seorsim illud alienare, vel à fundis separare non possint. Quominus tamen usum juris pro tempore aut ad vitam in alium, qui respectu ejusdem prædii in comitiis admittatur, transferant, *nihil ob stare videtur*; (g) Idque tam per testamentum quàm inter vivos fieri potest. Multo potius dicendum, quod prædia sub hac lege; ut venditor jus suffragii, dum vivet, retineat; vendere liceat. Nam quod alioqui juris est, de publicis rebus, utpote extra commercium positæ, non licere nec in ultimâ voluntate neque per contractum disponere, id heic cessare puto. Quoniam illa prohibitio habet hanc rationem, quod unusquisque de eo quod ad se pertinet, obligare se & disponere possit: privati autem in publicis nihil habeant proprii; quæ res in hoc jure, de quo nunc agimus, contra se habet, cum hoc sit tam cuique proprium, quàm ipsi fundi sunt in dominio. Denique, usufructu talium bonorum constituto, jus suffragii non penes Dominum, sed apud fructuarium & est & esse debet; quod tamen, si non haberet rationem patrimonialem, nec esset alienabile, *fieri non posset*. (h)

(g) NIHIL OBSTARE VIDETUR. Imò hoc obstat, quia non eadem fide tractabit alius negotia Reipublicæ, qua is, qui immobilibus affixus est. Unde etiam ampliantio §. seq. fallit, & ratio jam ante refutata est. conf. not. ad art. 41. Capit. Leopold.

(h) FIERI NON POSSET. Hoc facilius potest admitti, cum & aliàs usufructuarius in nonnullis pro possessore rei immobilis habeatur. (l. 15. qui satisd. cog.) Nec tamen potest aliter, quàm ita permittente (aut saltem non prohibente) Lege fundamentali.

X. Jus hoc, quando agitur de certo negotio in Republica terminando,

nando, *vendi non posse* (i) vel præstinari, communis ratio adversusordes corruptionesque in regimentis civitatum stabilita, singulos ultrò commonefacit. Etiam Publica utilitas sæpius exigit, ut adversus oligarchicas artes illa potestas transferendi jus suffragii in alios, legibus aut prohibeatur, aut restringatur, quemadmodum ex usu cujusque Reipublicæ fuerit.

(i) VENDI NON POSSE. Hoc est: potest vendi prædium, cui jus inhæret, sed non jus ipsum eligendi.

XI. Postremò, reflectendum paulisper ad id, quod in *principio* diximus, esse in hac formâ regiminis quædam singularia, vehementer abhorrentia ab usu aliarum gentium, quæ Imperio multorum utuntur; scilicet quod *feminae, pueri, mente capti, exteri, licet* nunquam litus Frisicum viderint, Regiminis publici hac ratione participes fieri possunt. Nec enormitas illa legibus cohibita vel restricta fuit à majoribus; siquidem prædia, quibus suffragia cohærent, æquè liberè possunt alienari tam per ultimas voluntates (licet hæ à vicinis simili formâ utentibus hac parte coërceantur) quam inter vivos, ac aliæ res, quæ sunt in patrimonio. Sed hoc incommodum respectu exterorum quidem, numero & administrandi modo obtegitur, in pueris & mente captis per Curatores, qui cives sunt, emendatur; feminas admitti inter tot millia non potest insolens videri, si quis cogitet, in regnis aliquando solas admitti; maximè, cum heic administrationis nullo modo participes fiant.

XII. Cæterum, quia Religio est vinculum, quo animi civium Reipublicæ efficacissimè conjunguntur, aut alienantur ab eâ, Lege cautum est meritò, ne quis eo jure gaudeat, nisi qui Religionis publicè receptæ confessor aut amator sit, cujus usus maxime adversus Pontificios viget, qui zelo prædominantis in Europâ superstitionis acrius in dissentientes animantur cupidique mutationis & *ausuri* creduntur.

XIII. De infamibus quid juris erit? Lex quidem nulla de illis extat; sed consequentia juris communis excludere eos videtur, quia dignitatibus & honorariis civium juribus privantur *l. 2. C. de dignitat.* Proinde nec habent infames jus comitiorum, sicut Romæ, qui in Cæritum tabulas redacti erant, eo carebant. Atqui conventus omnium

totâ Provinciâ suffragantium nihil est aliud, quam maximum populi Comitium; In quo si quis ipse non habeat jus sistendi se ferendique suffragium, multo minus id absens per nuntium aut per literas facere potest; quod tamen apud nos commodo suffragantium, usu receptum est. His de rebus iterum *in cap. seq.* aliquid occurret.

Cæterum sicut de *Arcanis Aristocratici Imperii*, de quibus inter cæteros Boxhorn *II. Instit. Polit. cap. 6.* & Bœcler. *Diff. 17. Politic.* & Septalius, disquirere ad *Politicam* disciplinam pertinet: ita supplenda est hæc Tractatio quoad *Jus Majoris Partis*, tum & quatenus optimates singuli pœnis atque coërcitioni civili subsint. Equidem quod prius attinet: extant peculiare hanc in rem Dissertationes *Præschii, Heerwartii, Büttneri, &c.* Conferendus quoque est locus Hugonis Grotii, *de Jur. Bell. & Pac. Lib. II. cap. 5. §. 17.* Idemque Grotius majori operâ in *cap. 8. Apologetici* exsequitur; tum & Pufend. *Lib. VII. cap. 2. §. 15.* Enimverò dantur Collegia, ubi & *unius dissensus* omnium reliquorum consensum irritum reddere potest. Neque tamen in his sola ipsius pertinacia attenditur, verum potius lege communis salutis tenebitur, qui non tenetur jure majoris partis. Utique regulariter quilibet ex Collegio se conformasse censetur ei, quod pluribus placet; quamvis ipse rectius sentiat: siquidem practice certum præferendum est speculative certo, si non alia via sit rem expediendi: & cum in theoreticis veritatibus ponderare liceat sententias, in practicis tamen, ubi membra pari jure pollent, solum *numerari* possunt: cum nemo ibi judicare possit de sententia alterius, num ea melior sit; & ne quidem tertius, quò minus etiam de hujus prudentiâ disputare liceat. Confer Lampadium *Part. III. cap. 3. num. 17.* ubi eleganter exponit, quâ ratione in Senatu, qui suffragiis cæterorum vincitur, non tam potestati ipsorum subiaceat, quàm propriæ voluntati: item Danbæuerus *Part. I. Theol. Conscientiar. pag. 263.* Hinc quod omnes tangit, est quidem probandum ab omnibus, in re communi videlicet privatâ; eò ipsò, quòd à communione aliàs recedere cuilibet integrum sit, & quilibet quasi in re propriâ versetur: de quâ nemini sociorum cæterorum, quâ partem alterius disponere licet; ut tamen in hac etiam re *sanior* plurium sententia attendi debeat: quam certis ca-

sibus legibus probari videmus, si communi per eam melius consulatur. Quid verò, si Senatus integer non coierit? saltem oportet dimidiam vel paulò minorem partem convenisse: ut unus quidem, licet sustineat Jus Collegii, non tamen statuendi potestas ad eum redire possit; contra quàm H. Grotius *Lib. II. cap. V. §. 20.* & quidem major in eâ parte Collegiarum, non item sententiarum numerus concludet. Nec vera est distinctio, quæ Collegiarum numerum in Electione, sententiarum in consilio, spectandum esse ait, etiam si fieri possit, ut minima pars majorem dissidentem ad se trahat. Quoniam verò in Republicâ *Polyarchicâ*, sive ubi plures de summa rerum decernere possunt, versamur, eaque vel Simplex est & Pura vel Mixta. Hinc in Simplici, v. c. Aristocratiâ, aut duæ tantum reperiuntur dissidentes sententiæ, aut plures; ubi numerus suffragantium aut par est in utrâque sententia, & sic nihil agitur; nisi quòd prævalere meritò debeat sententia, quæ mitior est: nam huic calculum Minerva adicere dicitur, v. Bœcler. *integr. Dissert. de Calculo Minervæ.* Hinc, in Republicâ Judaicâ, sive Hebræorum, sententia ad condemnandum, licet unò votò major, non attendebatur, cum non videretur in Senatu unius judicium, contra dissidentem sententiam absolutoriam plurium, prævalere posse, sive pondus addere sententiæ condemnatoriæ, quæ præter singulare ejusdem judicium tot vota habebat, atque absolutoria. Cæterum si *per Tribus* vota colligantur, sive si *curiatim*, non viritim ferri solent: tunc illa vota, quæ in qualibet curiâ earum, quæ numero prævalent, dissidentia reperiuntur, non possunt ex suâ tribu eximi, ut adjecta Curii minoris numeri vota illarum augere possint: nam extrâ tribum suam sive curiam is, qui in eo majoribus suffragiis victus est, votò suo Curiam sive tribum aliam juvare sive augere non potest. Quòd si vota sint disparia in duabus sententiis: ita quæ sententia majora habet, eligitur; regulariter autem sententia, quæ unius votò præva-

prævalet, potior est. Aliquando tamen certus numerus Senatûs ad conficiendum negotium requiritur, v. c. ut duas oporteat esse tertias. Si sententiæ ita disparatæ sint, ut in plures, quàm duas opiniones abeant, tunc id ipsum, de quo vota feruntur, vel tale est, ut unum in altero contineri possit, vel secus. Illud accidit in *quantitate*: quò casu illa quantitas servabitur, in quâ omnes conveniunt; quanquam & hoc sanò sensu. v. g. XI. sunt senatores, quorum V. in pœnam centum, IV. in 50. cæteri in 30. condemnant: In 50. quidem plerique seu major Senatorum pars conveniunt, sed tamen quia omnes in 30. concordant, minimum videlicet: idèd potius id, in quo omnes, quàm quò major pars conveniunt, attendetur; cumprimis in pœnulis, tanquam mitior sententia, vid. Anton. Faber *L. 1. C. Saub. Tit. 7. def. 13.* Nam major pars tunc obtinet, quoniam in nullo omnes consentiunt. In illis vero causis sive objectis suffragiorum, ubi unum in altero non continetur, etiam conjungi sententiæ non possunt, ut v. c. si aliqui Senatorum absolutionem decernant, nonnulli relegationem, cæteri mortem interminant. Nam, licet duæ priores conveniant in eo, quòd reus pœnam capitalem subire non debeat; tamen hoc non fit directè & per se, sed in consequentiam. Hinc cum de puniendo reò actum fuerit, & absolutionum vota majorem partem non cõficiant, ut nec ulla cæterarum sententiarum; tamen quòd posteriores duæ sententiæ in eo, quòd puniendus sit reus, concordent: Idèd cum pœna definita non sit, saltem neutra sententiarum punitiviarum majorem partem constituat, nil actum esse censetur; sed ex integro de causa consultandum est. De *mixtis Rebuspublicis* in hoc

articulò Majoritatis votorum, Judicium desumi potest ex illis, quæ nunc de puris sive simplicibus dicta sunt: nam si quos Monarcha in curam Regiminis Aristocratici assumeret: idem in his, quod in Optimatum Republica servandum est, obtinebit. Quid verò de Republica, quæ ex pluribus coaluit, sive de Republica *Systematica*? Aut Systema ejusmodi regulare est puta si plures, v. g. 4. aut 5. Republicæ ita coaluerint, ut quælibet, salva libertate & juribus, cum Rebuspublicis fœderatis, de Summa rei in curiis decernere queat: ita, si non aliter convenierit, ne una quidem harum Rerumpublicarum voto cæterarum cedere tenebitur. Aut *irregularis* est contextus sive Symmachia, & ita secus habet; imò vel ex hoc irregularitas, quòd Resp. una vel plures cæteris in suffragando de eo, quòd numerò vel aliâ conditione Inferiores sint, cedant, arguitur. Conf. Pufend. *L. 7. c. 5. §. 20. de J. Nat. & Gent.* Denique si de *pœnis* singulorum ex *Optimatis* quæras, cum universi tantum Majestatem habeant: quoniam tamen quisque eorum indivisim Majestatem sustinet. Hinc in criminibus cæteris extra Læsam Majestatem, & ipsi *inviolabiles* penè & sancti habentur. Unde etiam apud Romanos penes eos solos *auspicia* erant. Liv. VI. & XXIII. Et grave crimen fuerat, virum Senatorii ordinis pulsare. Saltem non sinè magnâ ratione, ob crimina alia, licet residuorum, repetundarum, peculatûs, & similia fuerint, *supplicio ultimò* affici debent; ut tamen aliis pœnis citius supponantur. Sanè Decemviri Imperium posituri apud Liv. III. orant Patres simulque monent, ut ipsis *ab invidia* caveatur: nec suo sanguine ad supplicia Patrum Plebem assuefaciant.

CAPVT XXXVI.

De Democratiâ.

ARGVMENTVM.

Democratia vis & comparatio Imperii cum Arbitris. definitio & divisio democratia in resolutam atque restrictam, Illius exempla Roma & Athenis fuisse, hujus generis videri pleraque hodierna. Nullam tamen in Belgio Democratiam esse videri. Quid juris, si populo ab his, quibus id mandatum erat, non convocetur. Esse Democratias, ubi jus suffragii sit penes peregrinos, feminas, infantes, furiosos, surdos, mutos, cecos, infames;

mes; qua de re exemplum. Denique de modo incundi suffragia & censendi, quibus suffragandi jus competat,

I.

Quæ ultimo loco à Politicis collocatur *Democratia* superest; quam proximè ad statum naturæ primævum accedit, ideòque omnium primò ejus naturam (a) in exemplum Imperii, quod ubique gentium obtinet, à nobis proposita est, in argumentum juris, quod Imperio universo tribuendum sit.

(a) OMNIUM PRIMO EJUS NATURAM. Auctor hypothese suâ nititur, quòd & naturalis sit magis, & qui Status ex eâ quid unà trahit, optimus sit; ut tamen Aristocratiam referat; de quo *suprà*. Cæterum Aristoteles optimam inter simplices eam esse existimat, licet multum cautelæ

sit adhibendum, ne in anarchiam vergat. Quamquam verò nonnulli eam antiquissimam esse velint; ut Pufend. L. VII. c. 5. §. 4. verius tamen id de Monarchiâ asseritur, cui sententiæ quoque Scriptura accedere videtur.

II. Cujusmodi autem hoc sit, cum antea abunde expositum est, tum à Cicerone declaratur, his verbis, in oratione pro Plancio. *Est enim conditio liberorum populorum præcipueque hujus Principis populi & omnium gentium Domini atque victoris, posse suffragiis vel dare, vel detrabere quod velit cuique. Nostrum autem, qui in hac tempestate populi jactamur ac fluctibus, ferre modicè populi voluntates, allicere alienas, retinere partas, placare turbatas; honores si magni non putemus, non servire populo: sin eos expectamus, non defatigari supplicando.*

III. Hoc Cicero, qui alioqui minime erat δημοκρατικός, sed Aristocratiae quantum poterat, studebat; quique eadem ratione, paulò antè, de populo dixerat, cum non delectu aliquo aut sapientiâ duci ad judicandum, sed impetu nonnunquam & quâdam etiam temeritate; non est enim consilium in vulgo, non ratio, non discrimen, non diligentia, &c. Tamen illam potestatem æquo animo ferunt à majore parte populi; Quid vetat igitur, quominus id eodem animo accipiatur ab his, quibus idem jus delatum est, quod antea penes populum fuit? Pertinet hoc ad ea, quæ supra disputata sunt; Quibus illustrandis velim adhuc observari, Constitutionem Imperantium eleganter comparari posse cum Arbitris, qui bifariam decidendis causis eliguntur, ab his qui liberam potestatem de suis rebus habent, ut vel pronuntient quid ipsis æquum videatur, quò ita partes concilient, vel ut causam liberi instar judicii decident. Priore casu

casu ipsi eligentes manent Domini, atque arbitri rerum suarum, nec obligantur dictis iudicioque electorum, nisi quatenus expedire sibi iudicent. Posteriore casu intelliguntur omne suum jus abdicasse adeoque stare debent sententiâ Arbitrorum receptorum, sive æquum sive iniquum sit, quod hi pronuntiaverint *l. 27. §. 2. π. de Recept. qui arbitr. recep.* idque vi *compromissi*, quo litigantes inter se obligati sunt, alter alteri, se staturos eo, quod arbiter dixerit: inter compromittentes & arbitrum nulla est obligatio, quæ vim tribuat sententiæ, sed tantum quatenus arbitrium receperunt *l. 11. §. 2. & passim d. tit.* Cæterum, omnis potestas Arbitrorum pendet à compromisso; cuius limites si exceßerint, nullius momenti est, quod egerint *l. 32. §. 15. π. eod.*

IV. Conferantur hæc cum iis quæ suprâ toties de Imperio collocavimus. Homines extra Imperium in statu belli, ut litigantes, constituti, compromisso generali recipiunt Imperantem; cui dant rerum suarum arbitrium, promittentes se staturos iis, quæ Ille decreverit. Proinde contenti esse debent eo, quod is dixerit, fecerit; æquum iniquum nihil interest: at si Arbiter Reipublicæ fines compromissi exceßerit, jam nihil est, quod agit, si, inquam, disponat de rebus suo arbitrio non commissis.

V. Est hoc, igitur, uti vox indicat; *τὸ τῆ δῆμος καὶ ὁ πᾶς ὁ λαὸς*, *populi Imperium*, ut Aristocratia, *ἀριστοκρατία* optimatum potestas; populus autem universos cives aut partem saltem maximam significat. Nam etsi *fæx infimæ plebis* (b) à jure comitiorum alicubi excluderetur, sicut olim, ut videtur, Romæ factum, *sextâ classe* (c) populi constitutâ, cujus qui erant, proletarii & capite censi dicebantur, qua de re *dix. lib. 4. Digress. cap. 32.* non ideo *democratia* esse desineret, ubi duntaxat pars major civium Imperii compos haberetur.

(b) *FÆX INFIMÆ PLEBIS.* *Æqualitatem* in Democratia, quoad nonnulla Geometricam esse oportet; in aliis Arithmeticam, vid. Martini in *Lexico Philol.* voce: *Ratio.* Egregiè de hâc *Piccart ad Arist. lib. IV. Politic. cap. 8.* Et eum primis in Magistratibus divitiarum quoque & virtutis ratio habenda est; ne in *Anarchiam* citò statum abeat. Videlicet ut plebs & fæx vulgi imperet,

Democratia aut non datur, aut non sine vitio: & satis est, quod per vias communes, cum divitiæ & virtus cuilibet pateant, opportunum sit omnibus in civitate viventibus, ad capeßendum Magistratum aditum sibi parare.

(c) *DE SEXTA CLASSE.* Vid. Boxhorn. *Dissertat. 6. de Imp. Rom. tit. 6.* Inde Gellius in *X. noct. Atticar. 28.* populum Rom. in *Quinque* tantum clas-

ses distribuit: nempe in sextâ qui continebantur, nec Comitii nec actibus civilibus aliis adhiberi poterant, indeque provenit appellatio *testium Classicorum*. vid. Rævard. in *Lib. II. Conjectancorum* c. 20.

& Meursium in *Lib. II. Critici Arnobiani. cap. 16.* Estque facilis exhinc ratio, quare in qualibet ultima voluntate minimum 5. testes, tanquam ex 5. classibus Populi Romani desumpti, requirantur.

VI. Sed distingui potest, quod ad modum administrandi Democratia, in laxam vel *restrictam*. (d) Laxam sive resolutam dicimus, quando universus populus ad concionem vocatus omnia summæ potestatis jura saltem majora, secundum plurium sententias exercet atque disponit, ut *Athenis* in Ecclesiis, *Romæ* in Comitiiis.

(d) *RESTRICTAM*. Comparativè sic dicitur: naturaliter quælibet Democratia restrictionem habet, ut secundum leges populus in eâ imperet. In universum distinguendum est: an leges disponant circa negotia *privata*; & sic non imperant populo, sed pro populo: scilicet ipsius populi sunt consensus, jussus, & imperium: an circa *publicum statum*;

& ne sic quidem populo universo imperant, cum in ejus sit arbitrio, quoquò tempore voluerit, istas leges inmutare, sed tantum singulis imperant. Non itaque tam restringunt Leges populi Majestatem in Politia, quam quidem Regiam in Regno, siquidem Rex non ita Leges illas, ut populus, tollere potest.

VII. Hæc cum ferè, navis in mari vasto fluctuantis sit instar, duobus quasi anchoris teneri firmarique debet, Senatu & Magistratibus. Ut per Senatum ea quæ populus decrevit quæque adsiduò in Republica occurrunt, neque in universum à populo decerni possunt, expediantur. Magistratus, ut functiones ordinariæ & inferiores ad ordinem civitatis necessariæ per eos administrentur.

VIII. Restricta Democratia hoc solo ab altera differt, quod rarius convocatur populus & plura senatui ac magistratibus committuntur, cujusmodi nunc fere sunt, quæ habentur, populares civitates per Germaniam ac *alibi*. At in Belgis nullam cognovimus *Democratiam* propriè dictam, nisi quod municipales quædam urbes membra majorum Provinciarum, regimen suum ad instar democratici exercere videntur.

IX. Cæterum in utraque specie Democratix populus retinet facultatem infirmandi acta senatus & magistratuum eosque gravius in Rempublicam delinquentes puniendi. Nam si nihil quam jus constituendi Senatores & Magistratus, etsi quotannis, sit penes populum, electi verò absolutam in suo tempore habeant potestatem, hanc non esse *Democratiam*, *præcedenti capite* probavimus.

X. Jus

X. Jus conveniendi competit ipso jure, si populus certum tempus locumque ad id præfiniverit; alioquin, ubi convocatus fuerit. Jus convocandi est penes eos, quibus id populus, dum erat congregatus, faciendum commisit, *ut Romæ magistratibus majoribus (e) ex auctoritate Senatus*, de quâ dix. *lib. 1. Digress. cap. 3.* Si ab his convocatio, ubi res postulat, non fiat, nemo quidem alius habet jus comitia indicendi; Sed acta, quæ non vocato fiunt populo & tamen ab illo dependent, sunt ipso jure nulla. Si perseverent non vocare, idque datâ operâ, vel per discordiam, non est dubium, quin populus ultrò convenire, initiumque à quolibet fieri possit, ut jam pridem diximus.

(e) UT ROMÆ MAGISTRATIBUS MAJORIBUS. Qui etiam majores Magistratus *jus rogandi* populum in Comitibus habebant: & hinc illis quoque *unicè* jus *cum populo* esse dicebatur. Erant ejusmodi Magistratus, Consules, Censores,

Dictatores, Inter-Reges, vid. Alexandr. VI. *Genial. Dierum cap. 23.* Connan. in *I. Commentar. 28.* quanquam Vinnius ad §. 4. *J. de J. N. G. & Civ.* Censores & Interreges illis non accenseat. Confer de ejusmodi *rogationibus* Brissonium in *Formulis.*

XI. Idem de illis judicandum *Aristocratiis*, quæ in numero admodum magno consistunt, *de quibus ante paulo diximus*, & de quibus omnia, mutatis mutandis, quæ de populari Imperio tradidimus, intelligi debent.

XII. Ergo ubi certum tempus ad convocandos nobiles aut proprietarios jure suffragii præditos, veluti quotannis, istis Kalendis, locis certis, statutum est, illi possunt convenire, tametsi ab his quibus convocatio mandata erat, conventus non sint indicti; maxime si tum novi Imperantes creandi, *neque receptum sit interregnum. (f)* Casu quoque ejusmodi extraordinario, Magistratus, qui alioqui jus convocandi non habent, id exercere possent; quatenus omnes Rempublicam præstare debent incolumem. Nec aliud juris erit in ipsis annuis Imperantibus, si contingeret eos ab his, quibus id commissum erat, non vocari.

(f) NEQUE RECEPTUM SIT INTER-REGNUM. Hæc Cl. Auctor ex hypothesis eorum, quæ *supra* dixerat de Senatu Aristocratico tempo-

rario. Velut autem reverà status ille popularis est: ita *interregnum* ipsâ voce repugnante non nisi in Regno, five Statu Monarchicò, reperitur.

XIII. Cæterum, in *Democratiâ* certum est, jus suffragii non dari quam civibus, puberibus, masculis, honestis, *non* peregrinis, pueris, non feminis, nec infamibus personis; nec etiam alii pro aliis nomine pro-

Uu

curato-

curatorio suffragari possunt. Eademque moribus ac legibus cunctarum gentium in *Aristocratiis*, imo & comitiis populi vel optimatum, quæ in regnis habentur, obtinere notissimum est. Ratio quoque juris in promptu est, quæ civium duntaxat suffragia admittit, peregrinos excludit, tametsi bona in solo Reipublicæ habeant sita; *quippe unio civitatis vinculo personalis obligationis non situ bonorum continetur.* (g) Impuberes satis removentur, quia nullum est eorum animi iudicium, ut & omnes alii, quibus hæc ratio convenit. Feminae idcirco, quoniam à cunctis virilibus officiis (h) maximèque à cœtibus publicis verecundiâ sexus naturali arcentur. Infames quoque à publicis functionibus suo merito excluduntur, ut dictum modo & in *sine præced. capitis*. Procuraciones autem in publicis suffragiis receptæ non sunt; quia nemo potest alii jus dare quam de his quæ habet in patrimonio, quale non est jus suffragii; denique publica utilitas postulat, ut ad quem res tanta pertinet, quilibet ipse per se negotio intersit.

(g) NON SITU BONORVM CONTINETVR. Et hinc etiam resolvenda est quæstio de *Oneribus* sive *Muneribus*, quodvisque illa peregrini subire debeant? Videlicet *personalia* non sustinent; *realia* ordinaria utique. Quin & extraordinaria, si ad defensionem rerum imposita sint. vid. Klock. de *Contributionib.* Thomatium de *Collect.* & alios.

(h) A CUNCTIS VIRILIBVS OFFICIIS. Nemo melius hanc rem exposuit, Jacobo Gothofr. ad l. 2. de *R. Jur.* ubi eleganter officia publica & civilia ex usu juris Justiniani distinguit: & *civilia* ea appellat, quæ licet privatâ auctoritate expediantur, attamen vel in civitatis vel iudiciorum conspectu transiguntur; ut sunt postulare, pro alio intervenire, procuratellam obire, &c.

XIV. Tamen esse *Aristocracias* haud procul à *Democratiis* recedentes, in quibus peregrini, feminae, infantes, furiosi, prodigi, furdi, muti, cæci, infames, quique suis rebus ipsi superesse nequeunt, jus suffragii saltem *per alios exercent*, (i) *præcedenti capite* expositum est.

(i) PER ALIOS EXERCENT. Respicit *Auctor* ad illas Respublicas, ubi cives illi, qui immobilibus gaudent, jure quoque Comitiorum fruantur, &c. At verò Respublicæ illæ non semper in Aristocratiam incidunt, & præterea etiam in

illis jus Comitiorum non omnimodò & semper ex respectu unicè bonorum pendet, ut non aliquando legibus etiam quoad statum, existimationem, ætatem & reliquas personarum qualitates, variæ distinctiones introductæ reperiantur.

XV. Poterant hæc contra rationem juris per abusionem artesque politicorum eo modo recepta videri, quo facilior ad ambitum via sterneretur: Sed nec à jure hæc abhorre in ejusmodi Imperiis, ubi jus suffragii datum est possessoribus immobilium, facit id quod antea diximus, esse illud jus in patrimonio singulorum.

XVI. Ex quo sequitur, unumquemque de illo jure disponere posse, quatenus nihil juri publico adversum instituit. Hoc autem nihil aliud postulare videtur, quam ut is qui nomine cujusque prædii jus suffragii immediatè exercet, sit civis, habilisque ad publicas functiones ob-eundas. Suffragatorem autem statuendi facultatem quilibet, eadem ratione quâ patrimonii administrandi, potestatem exercet. Proinde peregrini & feminæ per se, infantes, furiosi quibusque bonis interdictum, per tutores curatoresque suos, statuere possunt, qui pro suis prædiis sententiam dicant. Juri publico enim satisfit, inquam, si is qui summum jus imperii liberâ potestate (nam talem substitutionem intelligimus) exercet, habeat ea requisita, quæ juris & Reipublicæ ratio ad-esse flagitet.

XVII. Sed ut peregrini immediatè vel præsentés, aut per literas nominatim constituent Imperantes aliaque jura exercent in eâ Republicâ, ubi non sunt cives, *hoc notissimos juris publici terminos egreditur*. Quin & ipsum illud jus substituendi alios summâ cum ratione poterat illis negari, non minus quam iis aufertur, qui ob diversam cultus divini professionem haud perinde cum Republicâ conjuncti videntur.

XVIII. De feminis alia ratio est; neque enim illis quicquam ob- stare videtur, quam quod in publico virorum coetu indecorum sit, illas conspici. Quo impedimento per substitutionem civis idonei sublato, nihil est causæ, quare suum jus patrimoniale exercere non debeant. Quin, ubi receptum est, ut qui jus suffragii habent, id per literas edere & declarare possint, *ut apud nos fit*, ibi feminis tam hoc jus exercere, quam easdem in monarchia imperare fas est. Nempe, ut nuptæ, qua- tenus hæc res est patrimonialis, maritali potestati subesse intelligantur, quemadmodum & reliqui omnes, qui sub curatoribus degunt per eos suum jus sine medio & sine dubio exercere possunt; etsi non sint im- mobilium possessores. Quatenus iterum hæc res est patrimonialis; quâ in re discrepat à Regnis, in quibus feminæ sub viris non sunt. Hæc igitur res propriè ad Aristocratiam Patrimoniale spectat.

XIX. Cæterum, in democratiâ simpliciter constitutâ, civium suf- fragia sine discrimine personarum numerari consentaneum est, ut apud

Romanos in tabellis, apud Athenienses in ostracis sive testis observabant. Aliquando ad tedium computationis evitandum ex adspectu præpollens multitudo colligebatur, quod etiam Romæ in Senatu fiebat, quando pedibus in alia & alia Senatores ibant. Alias è dispari clamore dissentientium, discessus partium in diversas campi partes aut colles fiebat, ut olim Spartæ factum fuisse accepimus. *Ubbo Emmius, Græc. vet. part. 3. de Republ. Lacædemon.* Etiam ubi de consensu majoris populi partis liquet, reliquorum suffragatio sisti potest, ut Romæ ex Servii Tullii instituto, post ordinatas classes & centurias, fieri solitum est. Quibus & hoc *σφισμα ἀριστοκρατικόν* inerat, quod vilior pars populi rarò interrogabatur, quia secundum centurias numerus inibatur; in quarum prioribus erant primores & cum hæ majore numero consensissent, rarissime ad sequentes classes descendebatur. Erat autem in primâ classe pars fere dimidia centuriarum *Liv. lib. 1. Dionys. Halic. lib. 4.*

XX. Eadem arte factum, ut pars quoque *minima populi jus majoris obtineret*; (k) siquidem inferiores centuriæ longe plura capita quam primæ continebant, & numerus centuriarum, non hominum advertebatur. Nec tamen ideo forma Imperii mutabatur, quia reliquarum jus erat idem, licet eluderetur & in comitiis diversi generis eadem artes haud perinde obtinebant. Jus erat & Romæ censoribus male meritos civium in *Ceritum* tabulas redigendi, id est, jure suffragii privandi, ut & prætereundi senatores adeoque senatu arcendi, ut superius dictum.

(K) MINIMA POPULI JUS MAJORIS OBTINERET. In univèrsam, ubi de *Majoritate votorum* agitur, illud observamus, licèt vota numerari debeant; tamen sæpè *minores* numero, si auctoritate præpolleant, cæteros in partem trahere: alicubi etiam qui majoribus votis superantur, in sententiam eandem, quamprimum majoritatem advertunt, concedere amant, ut unanime & amicabile quasi conclusum conficiatur. Hinc in *Comitiis* Imperii nostri tam variè de majoritate votorum sentiunt, cujus rei specimen apud *Textorem* de *Ratione Status* Imperii reperies. Illud saltem hoc loco addendum est: In Democratiâ, quoties de præjudicio aut jure hominum certæ conditionis in

Republica agitur, quòd tunc unam classẽ illi constituent, de quorum jure agitur; alteram cæteri. Et quamquam videatur eam classẽ, quæ prævalet, alteri non cessuram esse, nec etiam passuram alteram earum se dividi, dum spem habent fore ut suffragiis suis potiores evadant; tamen legibus fundamentalibus, à quibus deinde nonnisi communi consensu recedi potest, ita prospicitur, ut *arbitros* constituere oporteat, aut tertiam quandam classẽ mediæ conditionis. Possunt etiam hiæ dissensiones per pacta & transactiones componi; ut in Imperio nostro simile quid circa controversiam *religionis* accidit.

XXI Ex quo liquet, non obstare naturæ status DEMOCRATICI,
nec

nec consequenter *Aristocratia* latè diffusæ, quod Magistratibus certis jus sit examinandi judicandique, an & quinam jus habeant ferendi suffragium, quive legitime sint electi à populo, ut Imperium Reipublicæ temporarium exercerent. Verum summâ prudentiâ in hoc negotio provisum est à Romanis, ut qui exercebant hanc facultatem judicandi, quinam civium suffragia ferre deberent, vel non, remoti essent ab eo quod intererat ipsorum, adeoque nec Imperii quoad exercitium participes forent. Satis enim constat, censuram fuisse quidem honoris reputatione maximam, potestate exiguam, ab Imperio & jurisdictione ambituque remotam, & quasi complementum coronamque reliquorum magistratuum, iis tantum qui cæteris Reipublicæ functionibus erant defuncti, solitam deferri, *Plutarch. vitâ Crassi*. Si ad hoc exemplum ius examinandi suffragia populi vel primorum magni numeri comparatum esset, equidem occasiones querelarum hoc respectu, quas nunc in Rebuspublicis liberis frequenter audivimus, bono ingenti publico præciderentur.

XXII. Si quæ præterea differentia popularium Imperiorum traduntur, eæ ad modum administrandi potius quam ad juris rationem pertinere videntur. (I)

(I) PERTINERE VIDENTUR. Hic omnino à *Johannis Frid. Hornii* Hypothesis convellenda est, quando in Lib. III. *Polit. Archit. cap. un. de Republicâ Liberâ* solum in *Monarchiâ* statum *Majestaticum* esse, asserit; neque *Polyarchicum* statum, sive *Aristocraticum*, sive *Democraticum*, aliter quàm pactis & conventionem contineri: Esse potius statum illum *Libertatis*, & hinc non adedò addictos subditos Imperantibus, ut in *Monarchia*. Enimverò *Majestas* cadere potest æque in *Universitatem* sive *corpus* aliquod, uti potest in personam singularem: nam & corpus ejusmodi voluntatem, rationes & jura fortiri potest. Nec quicquam efficit pro *Hornio*, quod multitudo sive populus, in *Politiâ*, v. c., decretò suò non teneatur, quin possit abinde liberè discedere: nam ita Rex etiam *Majestaticè* non imperaret, cum & decretum suum revocare è vestigio possit. Non etiam: quod *Optimates* singuli *puniri* possint à Se-

natu *Aristocratico*, & si universi peccent, etiam universi puniantur, quod *Majestati* adversari videtur: Nam uti singuli quâ tales revera subditi sunt, quanquam eminentes: (de quò tamen quâ ratione *panis* vel capitalibus vel minoribus subsint, *cap. præc.* visum est:) ita universi *Regis vicem* obtinent, nec mirum est, prout Rex, si hostilem animum in populum induerit, dimoveri vel oppugnari à populo potest, quod etiam de universis *Optimatibus* idem dicatur, jugum ipsorum excuti à populo posse, perruptis semel Legibus fundamentalibus. Illud unicè *Hornio* largiendum est, quod in *Monarchis* *Dignitas* & splendor *personalis* majorem in modum se exerat, quoniam Rex nunquam ut subditus considerari potest: quale quid *singulis* imperantibus in Rebuspublicis *Polyarchicis*, ut subditi sint, accidit. Et jam necesse tandem est, ut Statum interregni à *Democratia* penitiùs discernamus? Est enim sententia communis, ut vix aliquem dubitare videas,

videas, quòd in Interregno *Majestas*, saltim *Realis*, supersit; quæ quidem sententia, prout *superius* refutata est: ita hic denud admoneri debet, in eò differentiam ejusmodi Statûs, quem merè *Magistraticum* esse arbitramur, consistere, quòd solâ *conventione* & quidem eâ, quæ ex legibus fundamentalibus, olim cum Regibus initis, firmata est, nitatur; indeque omnia gerantur interea, donec de capite prospectum Reipublicæ fuerit, per Magistratûs; ut in Imperio Romano sunt cumprimis *Vicarii*. Ex quo colligitur, hunc quoque Statum Interregni differre ab eo, in quo *multitudo*, quæ nullâ conventione nullâve lege fundamentali conficta *primum* coit; quippe quam ante omnia in id convenire oportet, ut quod *majoribus* placi-

tum fuerit, eidem omnes obtemperare debeant; deinceps verò, postquam singuli consenserint, majoribus votis definiant *modum Regiminis*, quò posterum Rempublicam suam dirigi velint: quæ quidem omnia in statu *Interregni* jam ante definita sunt, ut novâ conventione opus non sit. Uterque verò Status à *Democratia* impensè distinguitur. Nam *Democratia* est, ubi Jus de rebus communem salutem spectantibus statuendi, in concilium, ex universis constans, in perpetuum collatum fuit. Cæterum, quòd Interregni modum hactenus retenti sive usitati Regiminis, populus, sublati Legibus fundamentalibus, *mutare* possit, exinde procedit, quia nullius cujusquam, nisi populi illius, eâ de re interest.

CAPVT XXXVII.

De

Timocratiâ.

ET nunc Auctor peculiari Capite agit de *Timocratiâ* sive de Regimine *Censuali*. Quamvis enim *Democratia* ex omnibus Rebuspublicis absolutè independens sit, cum solus populus suum jus ab alio non habeat, sed à quo jus ad alios Rectores proficiscatur. Cum verò nullus populus adeò *Democraticè* regatur, ubi non vilior *plebs* à publico concilio *submoveatur*, admissis tantum qui opibus aut honestate notabiliores sunt, quod utrumque *τιμή* vocatur: non tamen inde quod cuilibet *Democratix* proprium est, si stabilis esse debeat, peculiaris & quarta Reipublicæ species, quam *Aristoteles Timocratiam*

appellat, constituenda est: quin potius quam talem *Huberus* jure talem habet, quæ illi *Polonorum & Frisorum* est, ad *Aristocratiam* referatur; nil impediens, si potestas summa in Republicâ tali penes tot homines versetur, ut numerus eorum ad Senatum exhibendum inordinatus sit: quæ vero talis honoribus aut divitiis præstantium, ut *Romanorum ex censu Classium potiorum* fuerat, multitudinis viliori, qualis erat census ultimi, non habitâ in Comitibus ratione, ad *Democratiam* pertineat: in quod etiam ipse Auctor inclinât.

§ (o) §

CAPVT XXXVIII.

De mixtâ Republicâ.

ARGVMENTVM.

Mixtam rempublicam, ubi plures sint ordines, singuli habentes summam potestatem, non dari. Qua sententia rationibus confirmatur, & objectionibus liberatur. Observationes de speciebus Mixtura tali similibus, attamen diversis.

I.

EXPLICITÆ sunt tres vel quatuor formæ Rerumpublicarum. Multi quartam vel quintam speciem inculcant, quam appellant mixtam. At nos in eâ sumus sententiâ, Respublicas proprie, id est, ex diversis formis mixtas nec esse nec unquam fuisse, videri, *neque civiliter dari posse*, (a) vel antehac extitisse, proprie & ex vero sumptas. Tali utique mixturâ, qualem dissentientes describunt, *ut jura summæ potestatis quædam Regi, quædam paucis, quædam omnibus seorsim adtribuantur*, sunt verba Arnisæi, *System. Polit. cap. 6. sect. 1. num. 38. 39.* Adhuc expectamus, dum talis Respublica plures habens Reipublicæ formas specie diversas, ex omni seculorum memoriâ nobis monstretur, quæ extiterit vel ætatem ferre potuerit.

(a) NEC CIVILITER DARI POSSE. Hoc est, si maximè fingi velit Status ejusmodi mixtus, in quo penes uno plures Majestas sive jura ejus divisim resideant, & ab iis exercentur; tamen id ipsum in praxin deduci non posse, sed civiliter impossibile esse: cum inutud Tres v. c. Monarchæ, si illi Rempublicam teneant, semet varie impedituri videantur; & cum primis si tantum unus eorum leges ferendi potestatem habeat, (cum hæc potestas amplissima sit,) Ille, quicquid unus alterve reliquorum circa Jus suum, v. c. monetæ eudendæ, meri imperiî, & similia dispositurus sit, vel momentô subvertere posset. Et hoc ipsum est, quod Pufendorfium in *L. VII. c. 4. §. 13.* à sententia communi, quæ revera est *Aristotelis, IV. Pol. 2. & 9.* (licet id neget Pufend. *dict. loc.*) & ab ipso quoque *Grotiô* recipitur, *Lib. 1. cap. 3. §. 9. & 17.* abstraxerit. Sunt tamen etiam, qui nec ob naturam rerum fieri hanc mixturam posse objiciunt: quoniam sci-

licet Formæ rerum misceri nequeant, eò quod ipsius rei sint essentia; plures autem essentia non possint misceri, sive ex miscendis integris, (quâ ratione unius rei essent plures essentia integræ,) sive ex diversis, (quoniam etiam dividi impossibile sit.) Accedere quod *contraria* non possint esse in eodem subjecto. At verò in contrarium, formæ Rerumpublicarum non essentielles, sed *accidentales* sunt. Non etiam mixtura hæc est *Physica*, nempe unio miscibilium alteratorum; sic & contraria non sunt jura Majestatis, formæ quoque solum disparatæ sunt, nec insunt simul quoad eandem subjecti partem. Igitur cum de re satis constet, in nomine difficiles esse non oportet: nec interest, utrum cum veteribus *mixtam* dicas ejusmodi Rempublicam, an verò compositam aut cum Pufend. *irregularem*; modò supponas, ita jura Majestatis distribui, ut non ea, quæ connexionem necessariam desiderant, disjungi velint; id quod omnino civiliter impossibile est, quam

quanquam & hic ad *hypothefin* utique procedi & accuratius res examinari debeat. Nam ita v. c. non repugnat, uni cuiusvis jus meri impii, alteri verò Jus aggratiandi competere: siquidem aggratiatio non nisi certis de causis, quæ lege quoque fundamentali definiri possunt, exerceri debet: qua quidem ratione merum imperium sive Jus vitæ & necis, quod aliàs Jus aggratiandi regulariter continet, non adeò turbabitur; quanquam diffidendum non sit, prout simplices formæ suas quoque digressiones patiuntur, ut non omnia in puncto consistere possint: ita non minus per varios modos & restrictiones idem in Republica mixta accidere solere. Deinde illud quoque in hac mixtâ Republica præsupponendum est, quod is quoque, qui habet Jus Majestatis divisim, simul habeat eò ipsò potestatem, Jus illud defendendi: quod tamen cum *Pufendorfius* pro se adducat, dum exinde tantam esse conjunctionem iurium Imperii infert, ut avelli unum ab altero non possit. Idèò sciendum est, id quod præsupponimus, ita intelligi debere, ut in quolibet sit *potestas tota Majestatica*, prout aliàs Jus quodlibet Majestatis, nomine *totius*, Politici insigniunt, quasi quodlibet jus Majestatis sit Majestas, i. e. summa potestas in *suo objecto*. Prout verò prudentia publica triplex est, *Legislatoria*, *Consultativa* & *Judiciaria*: ita etiam potestas eò modò distribuitur, & hinc quælibet pars Imperantium, quæ jus quoddam divisim tenet in Republica mixta, habebit quoad Jus illud & objectum ejus potestatem & Legislatoriam & Consultativam & Judiciariam. Falsum videlicet est, *judiciariam* potestatem solum exeri in Dicasteriis, prout nonnulli ex *Recentioribus* prudentiam quoque judiciariam ad negotia *forensia* nimium quantum restrinxerunt. Ex quo sequitur, quòd si cui jus competat, eidem quoque omnia illa delata esse, existimandum sit, sine quibus jure illò defungi ad communem salutem non potest.

Ex hoc ipso principio, quanquam malè applicatò, Defensores *Belli Schmalkaldici* putarunt, Jus *belli gerendi* pro religione competere debuisse Statibus Protestantibus, quippe quibus ipsum *jus Religionis* competierit. At verò si *Jus Religionis* sive *Sacrorum*, quà *Majestaticum* fuerat in Imperio, ad Status & vel ipsos Protestantes spectasset: ita quidem rectè inferret argumentum; verum quòd ante Pacificationem Religiosam & imò etiam post eam *Jus Sacrorum* tanquam *altera pars integra Majestatis* penes Status unà resederit, illud pugnat cum hypothefi *Majestatis Casarea*; & longè aliud est, *libertatem* habere *conscientie* sive religionis, quam & subditus quilibet sortiri potest, & imò debet, cum homo nullus, & ne quidem Princeps adeò, conscientis imperare queat: aliud verò est gaudere *jure Sacrorum* & Reformandi sive similibus: & adeò, si bellum illud Schmalkaldicum justum omninò fuerit, aliunde justitiam ejus deduci omninò oportebit. Cæterum ea, quæ ulterius objicit *Pufendorfius*, veluti quòd anima non possit divisim existere in duobus hominibus, ut in unò horum sit voluntas, in alterò intellectus, & similia, (quæ usitata est passim *Pufendorffio* per similia argumentandi speciosa, sed lubrica, ratio) ea omninò levia sunt; nec enim qui Rempublicam mixtam statuit, duas distinctas supponit Respublicas, in quarum unâ sint jura nonnulla Majestatis, & sic non integra Majestas; in alterâ verò divisim existant jura reliqua. Quòd verò Idem de *Aristotele* perhibet, ea frequenti traditioni ejusdem Philosophi & Interpretum ejus repugnat. Denique non sequitur hæc vel illa Compositio sive mixtura fieri non potest, ceu nec mixta dari potest Respublica ex duabus Democratiis: (hòc modò enim indivisim forent in omnibus articulis jura Majestatis penes omnes; quòd non aliud est, quàm simplex Democratia:.) E. planè nulla datur mixta Respublica.

II. Quod si mixturam dicere velis, quam illi negant esse, *ubi plures ordines jura quædam pariter exercent*, (b) non est dubium, quin ea species & esse possit & passim reperiatur, (quemadmodum in *Angliâ* jus indicendi tributa ferendique Leges, qui tunc omnes simul habent eandem potestatis speciem. Aliquando etiam usu venit, ut omnia jura

Maje-

Majestatis majora simul à Rege & ab Optimatibus habeantur, exercentur, ut in Poloniâ; In quibus exemplis non est etiam quod negetur, dari mixturam; sed non ejus generis, de quâ hîc loquimur. Ratione quoque administrationis multifariam misceri civitates, ejusque rei speciem plerisque imposuisse, ut Spartæ, Romæ ac alibi propriè mixtas fuisse Respublicas putarent, pro certo habendum, *dix. lib. 1. Digress. cap. 3.* Sed nec rarum, ut diversæ urbes regionesque diversâ utentes formâ *regiminis* (c) in unam coëant civitatem, eadem retenta diversitate regiminum, nec ideo tamen mixturam faciant, quia summa Imperii, non singulæ partes considerandæ sunt, ut in Frisiâ aliquæ civitates democraticè, rursus aliquæ reguntur more optimatum, summa tamen regiminis Aristocratica est. Fit etiam, ut plures populi sub diversis regimentis non planè in unam civitatem, sed in foedus arctum conveniant, quædam tamen jura communiter exercent, *sub uno principe fœderis*, sicut *aliàs* diximus. Cujusmodi & hodiernam Imperii Germanici constitutionem esse non poterit negare, qui consideret, omnia Majestatis jura plenamque *παμβασιλείαν* à Germanis Principibus in suos Populos, nec minus in externos jura belli & pacis liberè citraque veniam Imperatoris exerceri.

(b) PARITER EXERCENT. Videbantur in idem incidere mixturæ illæ, una quoad exercitium, altera quoad administrationem juriū Majestatis: nec tamen per omnia conveniunt: nam administratio minùs importat, quam exercitium; siquidem *Administratio* in totum fit alienò nomine, prout in Senatu Statûs Democratici videmus, & semper per Magistratûs peragitur, ut saltem si cuidam corpori omnis potestas, ut quidem in statu Democratico, administranda concedita est, Senatus appelletur pleniori vocabulo. Quod verò *exercitium* attinet, illud juris proprii esse censetur & perpetui. Hinc illos, qui exercitiò unà gaudent, *Ordines* potiùs appellamus; quanquam hîc cautè incedendum sit: velut in Doctoribus nonnullis Juris Publici Romani animadvertimus, quod tradiderint competere Cæsari Majestatem, sed *exercitium* habere eum non nisi *cum Statibus*: quod si enim Cæsar Majestatem solus habet, quidni habeat vividam, ut & ipse eam solus *exercere* queat; saltem quod *modus* exercendi eam talis sit, ut in eo exercitio consensum & con-

filiū Statuum adhibeat. Hinc sæpè ordines Regni non exercent Majestatem, si rem propiùs intuearis, nec etiam quâ *Ordines* possunt; nisi per concessionem five communicativè: de quâ re *superius* actum est. Quin potiùs in exercitio Majestatis Regiæ interveniunt. Equidem mixturas ejusmodi, quales hîc in §. 2. recensentur, ipse *Pufendorfius* etiam agnoscit, sed mixtam Rempublicam strictè dictam nomine aliò nempe *irregularem* appellat, & quod rem concernit, eam *pactò* tantum cohærere opinatur: quod quidem ei largiri non possumus.

(c) REGIMINIS. *Subordinati*; velut in Imperio nostro nonnulli Civitatem ejusmodi dari autumant; & rectè si rem ipsam respicias? Quod enim *Auctor* in vers. seq. *Fit etiam*. Imperitium nostrum ad systemata *fœderata* refert: illud *superius*, ut & ad Bœcleri Notitiā in Libr. de Formâ Imperii Rom. Germanici, ut & ampliori studiò in Introitu Comment. ad Capitulationem Josephinam, discussum est.

III. Non est tamen fortean, ut præcisè negari queat, posse fieri, ut unum aliquod alterumve jus Majestatis ab Imperio verè dividi & decidi queat, unique personæ vel ordini seorsim adtribuatur, quod in minoribus Magistratibus nullum habet dubium, cur magis in ejusmodi aliquo jure majori conflictum notabilem in civitate non faciat? ut si judicium de vita & bonis civium detur alicui ordini independenter, ut alicubi juris esse disputari novimus. Et imò in quâdam Gente vicinâ Populus & primores habent Jus tributa indicendi; Sed non absque periculo, & quam stare non posset ejusmodi Regimen, si non vi externâ fulciretur.

IV. Equidem una Civitas non potest habere nisi unum imperium sive summam potestatem, ut unum corpus plures mentes habere non potest: ubi autem diversa jura penes diversas sunt personas, ibi diversæ summæ potestates dantur; summum vero non potest esse nisi unicum. Quin nec fieri potest, ut non pignantia quandoque imparent duæ potestates summæ. Imò imperandi jura sic inter se connexa sunt, ut unum sinè alteritis contactu explicari non possit. Ut adeò mixtura talis, qualem plures volunt, dari non possit.

* * * * *

Hic verò per appendicem de quâvis Republicâ corruptâ: quarum aliàs quælibet peculiari nomine designatur, monendum est, quòd illæ (Huberus omnes unò nomine comprehendit cap. XL. de Tyrannide,) non differant à rectis specie, sive essentialiter, siquidem & ipsæ formæ Rerum-publicarum accidentales sunt: quâ ratione & corruptio in Formâ contingens salvam essentiam relinquet: indeque corrupta etiam Respublica non

minùs erit respublica: vid. Pufend. Lib. VII. cap. 5. num. 1. & 11. Finis; à quo desumpta hæc est distinctio, extrà rem est, & sicuti unus finis esse potest rerum plurium specie differentium; ita etiam plures unius rei possunt esse fines. Quod si etiam fines mutarent speciem, actûs imperantis, diversum sæpe finem habentis, quotidie essentiam Reipublicæ immutarent. Denique homo sanus & æger specie non differunt.

CAPVT XXXIX.

De

Imperiis Involuntariis.

ARGVMENTVM.

De Imperiis coactis primò remissivè. Esse ea justa vel injusta. Non semper ex victoriâ belli Dominatum sive Herile Imperium nasci. Dari quoque Imperia mixta, partim violenta & ex parte voluntaria.

I. Hactè-

I.

HActenus de Imperiis voluntariis, nisi quod *suprà* etiam de involuntariis & violentis actum; de quibus alioquin heic demum locus erat agendi.

II. Probatum ibi obiter, violenta Imperia non semper esse injusta. Possunt enim esse justa vel inde ab initio vel ex post facto. Ab initio justa sunt ratione formæ tantum, vel etiam ratione causæ. Priore modo justa sunt Imperia, quæ imponuntur bello solenni, quod scilicet illatum est ab his, qui jus belli inferendi habent, modoque jure Gentium recepto gestum fuit; Nam ejusmodi bella tribuunt effecta juris vitæ necisque & Imperii in victos sine discrimine causæ bonæ an malæ, ut docet Grotius *Lib. 3. cap. 3. de Jure Bell. & Pac.*

III. Sed videndum, ne non distinguendum sit inter jus *victoriæ* adversus *Regem*, & quod contra *populum* subjectum acquisitum est; ut posteriore solummodo usu, jure belli imperium acquiri videatur; sicuti in *Angliâ* nuper fuere, qui *Jacobô* Rege victo, per *Vilhelmum* Arausionensem, non potuisse Imperium partum esse in Populum opinati sunt, sed quod in hunc imperium *relapsum*, inque eum non nisi novô bellô aut consensu acquiri potuerit. Plerumque tamen populus cum Rege *communem causam* habet; nisi gens aliqua sua alienigena Domino invita agat. Quod si etiam populo tribuatur vis Imperii, & Regi corona ab hoste erepta fuerit, non plus videri poterat victori acquiri quàm victus habuerat, & Imperium quoad *proprietaem* recidisse in populum. Quod si verò Imperium in Regem ejusque familiam Populus alienavit, videri potest victo Regi & familiæ belli jure ademtum esse: idemque de Regno patrimoniali dicendum est. Usufructuarium autem jus Regni cum personâ ejus ipsô jure finitur, & ad populum redit, quibus post ultimum possessorem à populo delatum est.

IV. Quod si armis invadens Rempublicam se declaraverit, id gratiâ auxilii oppressis ferendi facere, ne quidem jus belli adversus regem, etsi pulsum, nec adversus populum obtendere potest. Aliàs, si communibus armis cum Rege populus invasori restiterint, imperium victoris est non modô durante statu belli reciproco; sed si submittat

se populus multò magis, ubi & pactis id modificari potest. In deditos autem nullò pactò intercedente, sive justum sive injustum bellum fuerit, modò requisita Juris Gentium habeat, (Grot. *III. d. 7. B. & P. c. 3. seqq.*) Imperium Victoris est.

V. Sunt verò & ratione Causæ justa Imperia, quæ imponuntur victis bellò, quod ipsi vel Imperantes eorum meruerant. Cum enim tales liceat occidere, non est dubium, quin sub Imperio jure merito contineantur. Sed injusta ratione formæ sunt, quæ jure victoriæ usurpantur ab his, qui jus belli gerendi non habent, vel qui solennia bellorum requisita, secundum jus Gentium, non servaverunt.

V. *Injusta* ratione causæ quæ sint, ultrò intelligitur, quando bellum quidem solenne fuit, quò victor Imperium quæsit, verum sine causâ justificâ adversus eos, qui Imperio subjiciuntur.

VII. Modus Imperii est in arbitrio victoris ratione sæpe dictâ, quæ est à majore ad minus; si victor habet jus occidendi, habet quoque jus servandi ad serviendum §. 2. *Inst. de jur. Person.*

VIII. Neque tamen semper ex jure belli initioque violento Imperium herile, quod Dominatum supra diximus, oritur. Sæpe generositas & mansuetudo victoris nihil quam civile obsequium exigit; sæpe nihil aliud vult prudentia. Sic *populo Romano melius visum, amicos quam servos querere tutiusque rati sunt volentibus quam coactis imperitare*, sunt verba Taciti in Agric.

IX. Denique sunt Imperia, quæ mixtam habent causam, quando vi metuque, voluntas elicitur eaque vis antea ab Imperante novo aut aliunde infertur. Ab *illâ*, cum Populus armis ad deditiorem, certis conditionibus, faciendam compellitur, ita ut in ditionem victoris transcat vi quidem coactus, sed tamen vi pacti. *Aliunde*, quando populus armis externis aut intestinis eò redigitur, ut exitium à malis suis, nisi Dominum alienigenam recipiendò, non reperiat, sicut olim Campani à Samnitibus pressi, nec multo aliter Frisii & Groningani Carolum V. certis videlicet legibus, quas Campani nullas stipulati leguntur.

X. Quod

X. Quod jam ad vinculum obligationis attinet, id in hisce postremis speciebus, ubi deditio non ultimâ vi, sed mediô pacto perpetrata est, non habet difficultatem; de prioribus autem quod satis est suprà diximus.

CAPVT XL.

De

Tyrannide Usurpationis.

ARGVMENTVM.

Tyrannidem esse triplicem, titulò tantum, qui Pisistratismus, exercitio tantum, seu Nervismum, utroque Phalarismum. Rex de factò an idem sit. Quinam verè sint titulo tyranni & quomodo tales esse desinant: numquid juris Imperata illorum habeant, & quid adversum eos liceat.

I.

Dicamus aliquando de Tyrannide, quæ post omnes Reipublicæ species & jura sequi debet, cum sit corruptio Reipublicæ cujuslibet rectæ. Quod tamen itâ nolim accipi, ut quælibet corruptio Tyrannis vocetur. Sic enim sola *perfecta* Respublica, quæ nulla est in mundo, non esset tyrannis, cum, ut aliàs è *Platone* diximus, olim hodièque omnes civitates malè administrantur. Sed de omni hoc negotio, maximi in hac arte momenti videndum accuratius. Usus hujus vocis strictè de monarchis, latius & à nobis de quavis Republica usurpatur.

II. Proinde *Oligarchia* certè, quæ est corruptio Aristocratix, non statim est Tyrannis; cum vix ullus aut planè nullus detur Optimatum Status, in quò non fiant coitiones, quibus potestas ad paucos redigatur. Ita non statim, ubi Princeps utilitates suas à populi sui rationibus dividit, suisque potiùs commodis quàm utilitati publicæ servit, statim pro tyranno habendus. Quotus enim quisque Principum in mundo ejus culpæ foret expers?

III. Est verò duplex Tyrannis, alia *titulo*, sive usurpationis, alia in *exercitio* quæ dicitur; nisi & *mixtam* dicere velis, titulo simul & exercitio. Primam *Pisistratismum*, (a) alteram *Phalarismum*, tertiam

Neronismum, à celeberrimis singulorum exemplorum auctoribus appellare licet.

(a) *PISISTRATISMVM*. Distinctionem inter *Pisistratismum* & *Phalarismum* invenit primus *Cicero*; sed alio sensu: cum *Phalarismum* ille exponat de Tyranno tantum exercitiò tali: imò & *Pisistratismum*: ut saltem modum exserendi videatur in utroque distinxisse: nam *hic* Illi est, quando tyrannus Rempublicam callidâ ratione & honestis præscriptionibus opprimit, ut *Pisistratus*

sine cædibus Democratiâ Atheniensium in Monarchiam vertit. *Phalarismus* autem est, qui per crudelia facinora exercetur. Unde qui *Ciceronem* sequuntur, mixtam genus docent apparere in *Tiberio*: qui tamen titulò Tyrannus non est, utut illum initio *Pisistratismo*, postea *Phalarismo* usum fuisse observent. *Auctoris* tamen sensus, quem distinctioni præfert, potius sequendus est.

IV. Tyranni titulo aliter invasores & *Usurpatores* dicuntur, qui Imperium civitatis nullo jure tenent, seu singuli sive plures, ut Romæ *Decemviri*, post Leges XII. latas, Athenis aliquando, quadringinti viri. Nam triginta, quos dicunt, tyranni, huc non pertinent, etsi eorum exemplum crebrius in hanc rem vulgò citatur; nam hi justam causam jure victoriæ à Lacedæmoniis constituti habuerunt, ideoque Tyranni exercitiò fuerunt. *Plutarch. in Lysand.*

V. Est ubi distinguunt inter Regem de jure & de factò talem. Et quidem de facto Rex idem cum Usurpatore sive *titulari* Tyranno multis esse videtur; At hoc non æquè verum, quàm quòd de jure Rex, etiam Legitimus Rex sit. Quid apud *Anglos* ubi hæc inventa est distinctio sit Rex de factò? exemplò *Henrici VII.* apud *Verulam.* patet. Is ducta in Uxorem *Elizabethâ* Eduardi IV. filiâ, Regnum *ejus nomine* adire nolebat, & si populus id mallet, ne magis reginæ maritus quàm Rex videretur. *Suo* non audebat, nec uti belli & victoris jure. Sumisit igitur diadema, nullam juris speciem præferens. Et ne hoc vim imperio dissolueret, Legem ferri curavit, quæ Regi ab Ordinibus agnito & coronato Regiamque dignitatem de facto possidenti, parere jussit.

VI. Nos teneamus, Usurpatores & Tyrannos esse, qui Regnum nullò jure tenent, qui Regnum injustum tenent. Nullò autem jure videntur Imperium habere, qui id, *invitis iis*, quorum est verum jus imperandi, tenent, sive is populus, sive optimates, aut unus sit. Igitur sicubi, expulso Rege vero, consensum licet amplissimum à populo Invasor impetraverit, tamen non desinit esse tyrannus, ut nostrâ memoriâ apud *Anglos* usu venit in *Cromwelliò*. Sed in populari Imperiò, (b) ubi con-

consensum Invasor à civibus impetrat, exinde legitimus incipit esse princeps, quod à *Gelone Syracusis*, à *Servio Tullio Romæ* factum. *Diodor. Sycul. lib. 11. cap. 26. Liv. lib. 1.* Sed qui cives ad consentiendum vi apertâ & terrore præsentis adigit, is invitis adhuc imperat, nec desinit esse tyrannus, ut Romæ de Triumviratu constat; nisi jusjurandum sit interpositum, quò qui obstricti sunt, non habere de metu exceptionem probat *Grotius Lib. III. cap. 19. num. 5. 6.*

(b) POPVLARI IMPERIO. Ratio differentie lum, interest; secus ac in Monarchia: ubi de jure est, quia in eo statu nullius alterius, præter populi Regis expulsi, & familia Regis, agitur.

VII. Non idem, quod de vi apertâ, censendum, quando populus civem unum adeo videns potentem, ut, si velit, omnes cogere possit, imperium illi defert, antequam vim faciat, ut populus Romanus in *Augustum* ab *Actiacâ* victoriâ reducem, quâ de re diximus *lib. I. Digress. cap. 17.* Similiter, si vis primum adhibita, dein tolerabili Imperio diu populus acquieverit, nec penes alium sit verum jus imperandi, videtur etiam è tacito consensu desinere esse invasio. Nihil enim causæ est, quare non heic etiam *præscriptio temporis* (c) locum habere debeat, cum in eâ, quæ longissimi & immemorialis est temporis, non requiratur titulus aut bonum initium, ut docent *JCti.* Quippe non minus verisimile est, populum haud velle in æternum fluctuare statum Imperii, quàm privati creduntur dominia nolle semper esse incerta, quæ est ratio usucapionis & præscriptionis rerum, quæ sunt in patrimonio.

(c) PRÆSCRIPTIO TEMPORIS. Hoc non admittit *Osiander* ad *Grot. Lib. 1. cap. 4. §. 15.* Videlicet quia præscriptio 1.) sit Juris tantum civilis. 2) Peccatum potius continetur, quàm auferatur. 3) Populus metu consentire censeatur; Enimverò si locò præscriptionis *longam possessionem*, ex quâ consensus populi arguatur, substituas, remotò nomine & requisitis præscriptionis, vera omnino est *Auctoris* sententia: (quò minus enim præscriptio inter *Gentes* obtineat, etiam immemorialis, quæ quidem in Civili etiam Jure bonò initio non debet desitui, *superius* ostendimus,) quippe qui

supponit, non nisi de populi præjudiciò agi; quâ ratione si illius consensus, non apparente vi apertâ & terrore præsentis, interveniat, (prout tacite intervenisse post multum temporis videtur,) utique legitimò imperio, qui invasor fuerat, postmodum utetur. Proinde *Sanderfonius*, quem citat *Osiander*, nil aliud definit, quàm quòd subditi invasori possint obtemperare, salvâ conscientia; quanquam per vim illam continuam *pristino Regi* Jus suum non auferatur. At verò hac ratione nobiscum facit *Sanderfonius*, qui *Osiandri* utique sententiam non probat.

VIII. Cæterum, Invasor quâ talis non potest obligare cives ad obsequium, neque valent ejus præcepta, nisi quatenus sine extremâ confusione ordo jubendi parendique *non potest everti. (d)* Tum enim

is, ad quem pertinet jus imperii, malle præsumendus est, *ut tyranno pareatur*, (e) quam ut universa civitas gravissimo afficiatur incommodo, vel præceps in exitium ruat.

(d) NON POTEST EVERTI. Vid. hanc in rem locum *Sanderfonii*, quem citat *Osiander d. l. pag. 568.*

(e) UT TYRANNO PAREATUR. Sed an etiam populus pristino Regi obedire tenebitur? Non utique quoad ea, quæ regimen civitatis occupatæ concernunt, postquam firmata est à Tyranno possessio; ut saltem violentiæ sive invasioni tacitæ populus concessisse videatur. An autem *pristino* Regi in eo obsequi teneatur populus, si is Tyrannum *occidi jubeat*? disquirat *Grotius* in *Lib. I. cap. 4. §. 18.* Quanquam verò ibidem hoc asserat: est tamen verior sententia *Bæcleri*; item *Osiandri* & *aliorum*, cum primis, si populus expressè Tyranni invasoris imperium agnoverit. Utique si bello justò, cum victoriâ finito, vel aliter se Regem quasi declarari fecerit, populo licet invitò;

tamen ille finè piaculo à subditis, quos Deus in manus ejus dedit, trucidari non potest. *Hessenthaler, class. 2. Athleta Politici, quest. 2.* Illud etiam notandum est contra *Grotium Lib. II. cap. 1. §. 9.* quando ille Principem, licet invasorem, idèò occidi non posse docet, quia persona sit utilis Reipublicæ: quòd ratio illa nequaquam rem conficiat. Nam respectus utilitatis & charitatis Christianæ ad quemlibet pertinet; multòque minùs *Grotio* accedendum est, quoniam eandem rationem porrigit ad Reges legitimos; quod enim hisce non resistere liceat, ejus ratio longè altiùs repetenda est, à solâ videlicet independentia Regum: iterumque *Grotius Lib. I. cap. 4. §. 7.* errorem suum insinuat, quoniam non - resistantiam petit à pactò populi; infirmò satis repagulo.

IX. Violentum alioqui & notorium Invasorem, vim adhuc continuantem, cuivis ut hostem publicum interficere licet. Neque minus ubi vim desiit adhibere, jussu videlicet ejus, ad quem jure pertinet imperium. Nam si ille usurpationi acquiescere, quàm bellum civile subire malit, injusta videtur habenda cædes tyranni; ideoque probandum non videtur, quod Brutus & reliqui conjurati apud Lucanum gloriantur,

Detrahimus dominos urbi servire paratæ.

Aliter deinde Brutus idem Epist. ad *Ciceronem* defendens se, quòd *Antonios hostilis animi in Rempublicam* manifestos, pro civibus habendos scripserat, id à se *justissime* factum ait, & pergit, *Quod enim nondum Senatus censuit, nec populus Romanus jussit, id arroganter non præjudico neque traho ad arbitrium meum.* Quo jure igitur *Cæsarem* occiderunt ipse sociique, cui senatus solenniter fidem dederat, quem populus amabat ut quem maxime? rogare licuisset eundem Brutum. Si tamen Lex præexistat, ut eum, qui externum aliquod inque oculos incurrens factum commiserit, hunc liceat occidere, velut qui satellites habuerit, qui arcem occupaverit; eam Legem non expectato jussu, exequi fas est, quo jure tyrannicidis olim statutz atque coronæ decretæ leguntur.

X. Cæ-

X. Cæterum, in Invasoribus mores non distinguuntur, adeoque juris ratio est eadem, seu Pisistratus, qui nulli injuriam fecit & quem Cæsar imitatus est, *ut in vitâ utriusque Plutarchus*, seu Phalaris civitati incumbat, adeoque clementissimus & humanissimus invasor æquè *tyrannus* est titulô, quàm qui cædibus & rapinis grassatur.

CAPVT XLI.

De

Tyrannide in exercitio.

ARGVMENTVM.

Exercitio Tyrannus quis, ejusque definitio ex Aristotele. Paraphrasis ejus Heinsiana notatur, & sententia Philosophi illustratur exemplis. Non tamen congruere definitionem illam omnibus imperiis. Proinde alia definitio traditur & exponitur, conveniens omnibus formis Reipublica.

I.

SEquitur *Tyrannis in exercitio*, quando Rectores jure constituti potestatem suam ita exercent, ut hoc nomen mereantur, qualis *Nero, Caligula, & alii plures*. Quatenus id verò fiat, locus aliquanto difficilior est, non modò quænam verè talis dicenda Tyrannis, verùm etiam quid adversus eam juris competat?

II. Aristoteles describit Tyrannum, quòd sit *Μοναρχία ἀνέστη, πρὸς τὸ σφέτερον αὐτῆς συμφέρον, ἀλλὰ μὴ πρὸς τὸ τῶν δεχομένων*. *Unius Imperium, quod ad suam ipsius, non ad subjectorum utilitatem in invitos exercetur*; quod est oppositum veri Regis officio, qui civium causâ, sicut omnis potestas, constitutus est. *lib. IV. polit. cap. 10. sub fin.*

III. Debere in Invitos esse tyrannidem sæpe dictum est, ultroque intelligitur, *ἵδεις γὰρ ἕνα ὑποδύει τοιαύτην δέχην*; *Nemo enim volens ejusmodi fert imperium*, ait idem Philosophus; quippe volentibus, siqui tales reperiantur, non fieret injuria.

IV. Heinsius in Paraphrasi *d. cap. 10.* verba definitionis ita explicat, *non tam ad eorum quibus imperat, quàm ad suam utilitatem*. Velim

Yy

abesse

abesse illud, *tam, quam*; nec enim est in Græco, nec convenire videtur; quia propria Imperantis atque subjectorum utilitas simpliciter, *positive* non *comparative*, opponuntur, *θετικῶς* non *συγκρητικῶς*, specie, non gradu. Si enim pro tyrannis habendi sint, qui *magis* quærunt *suam* quàm *civium* utilitatem, quotusquisque Regum & Principum tyrannidis absolvi posset?

V. Erit igitur Tyrannus Aristotelicus, qui omnia dirigit ad propriam utilitatem, populi verò commoda penitus negligit, cujusmodi *Neronis* institutum erat, cum Præfecto inculcaret; hoc agamus, *ne quisquam quicquam habeat*, ut *Suetonius* narrat. Multò magis, si quis *exitium populi totius* quærat; modo sanus homo illuc insanix venire possit, ut serio velit, quod *Caligula* optabat, *universus populus ut unam cervicem haberet*, quam unico ictu præcidere posset. *apud eundem Suetonium in vit.*

VI. Quare in Imperio summo simpliciter delato *Tyrannis* erit, ejusmodi institutum, quale nec in *Democratia* ferendum à minore populi parte diximus; velut si pars major, coitione factâ, id agat, ut reliquos omni modo vitâ fortunisque suis evertat. Verùm hæc definitio non convenit, nisi hypothesi Summæ Potestatis simpliciter delatæ. Opus est descriptione Generali, quæ omnis generis Imperio tam limitato quàm absoluto, plurium & unius Potestati, congruat; etsi de monarchiis, id nomen inprimis usurpetur, ibique potissimum usu veniat. Quò sensu verum est, Regnum & tyrannidem differre, velut virtutem vitiumque, laudem ac vituperium, adeoque *ἀντίστροφον τῇ βασιλείᾳ*; æque latè patere quàm regnum, ait *Arist. l. 4. Polit. cap. 10.*

VII. Denique pro nostro instituto *Tyrannum exercitio* vocabimus, *qui terminos summæ potestatis sibi jure delatæ notoriè & præfractè egreditur.* *Summam* in tyrannide propriè dictâ potestatem supponimus; siquidem ejusdem generis cum singulis Imperii formis, quæ summæ intelliguntur, esse debet, nec aliter *Philosophus d. cap. 10.* Igitur, qui potestatem summam nullâ sibi ex parte delatam exercet, eum titulò potius quam exercitio tyrannum existimamus, velut si dux Venetorum *αὐτοκρατορὶκῶς* regnare vellet. Si quis tamen ejusmodi principes, cujusmodi olim

olim erant *Spartani* & sunt hodie *Poloni* Reges supra Leges se evehentes, malit *hujus generis* nuncupare tyrannos, potest id suo sensu fieri.

VIII. Ex his jam sponte sequitur, quid sint tyranni exercitio tituloque simul, scilicet, qui, cum nullum jus imperandi habeant, tamen Imperium, quod usurpant, impotenter acerbeque tractant; ut factum à Phalaride Agrigenti.

IX. *Terminos Potestatis*, habetur in definitione. Imperium deferri simplex aut limitatum, pridem intelleximus. Quod *simpliciter* delatum est, non habet terminos expressos, nec tamen est infinitum; quoniam *limites* ejus tacite intelligantur, *suprà* exposuimus. Proinde, qui illa, quæ in omni Imperio tacite excepta diximus, notorie & præfractè violant, hos potestatis sibi delatæ terminos excedere & esse tyrannos, si modò excessus non sit contrà singulos vel paucos; ut modò de Nerone & Caligula diximus, est statuendum. Secundum hos, qui potestatem summam quidem, at *non integram* vel Lege fundamentali *limitatam* acceperunt, his esse terminos suos liquet, & posse hujusmodi terminos Imperantibus poni, positosque servandos esse, quin eos, qui illos egrediuntur, nihil agere, atque abuti potestate suâ, sæpius & copiose demonstravimus. Tamen sicut unus actus non facit habitum, nec una hirundo ver adfert, ita nec quilibet actus Imperantium notam tyrannidis imponit; sed opus est crebris actibus iisque indubitatis & violentis, ut Imperantes pro Tyrannis haberi possint, hoc est, quod in definitione collocatum est, *notorie* atque *præfractè*.

X. Quicumque igitur nondum à commissis adversus Leges fundamentales desistere, neque cautionem in futurum melius consulendi recusant, nec emendationis spem consumserunt, hos pro tyrannis habere non licet.

XI. Atque ex his jam constat, in Imperio *simpliciter* delato, Rectores multum improbitatis exercere posse, priusquam pro Tyrannis haberi queant; secus ac hi, quorum potestas Legibus est *limitata*, qui hoc nomen & jus incurrere possunt; etiam, quando respectu aliarum absolutè imperantium, pro moderatis haberi posse viderentur.

CAPVT XLII.

De

Jure resistendi Tyrannis, in exercitio, vel tyrannice agentibus.

ARGVMENTVM.

Adversus Tyrannum superius descriptum quid liceat subjectis, ratione & exemplis docetur; distincte tamen; esse enim aliud juris in eo, qui non habet summam potestatem aut non integram, atque in eo, cui Imperium sine exceptione delatum est; examinantur Barclaji & Grotii sententia, distinctio proponitur & ab objectis adseritur: semper tamen ejusmodi persona Principis parcendum. De tyranno ex Aristotelis sententiâ ejusque usu & executione.

I.

QUod Aristoteles de viro bono aberrante dixit, ἀδίκη μὲν, ἀδικῶ δ' οὐκ ἐστὶ *lib. 5. ad Nicom. cap. 6.* id de actionibus Imperantium, contra jus sibi institutis usurpare licet, sæpe eos tyrannice quidem agere, non esse tamen tyrannos, quamdiu non apparet eos id agere præfractè. Quatenus tamen antea probatum est, acta, quæ fiunt contra jus Imperantibus delatum, ipso jure nulla esse: superest videndum, an singulis è populo jus illis resistendi competat, ut ex nullitate actuum consequi videtur? quoniam Imperantes, manifestò excedentes potestatis suæ terminos, privati sunt & pro talibus habendi; quibus idcirco vim opponi non sit à ratione alienum.

II. Verùm Salutis publicæ discrimen non semper admittit Dialecticas conclusiones, adeoque ut singulis detur facultas resistendi, sola Nullitatis ratio efficere non potest. Potest enim fieri, ut nullitas, acquiescente eo, cui jus inde comparatum est, effectus aliquos valoris habeat; ut de testamento, quod ob præteritionem filiifamilias ipso jure nullum est, traditur à Jctis, id ipsò acquiescente ex bono & æquo sustineri, in l. 17. *de injust. rupt. testam.*

III. Proinde quoties hac de re quæritur, omnium primò videndum, penes quem sit Jus supremum. Sanè ubi unus tali principatu fungi-

fungitur, ut regimen *infra leges* (a) habeat, ibi jus summum necessario est penes senatum aut populi concilium. Si hoc præsens & sui potens acta ejusmodi principis aliorumve parem vim habentium tacite adspiciat, pro consentiente haberi debet; unde quod illegitimum erat, hoc modo legitimitur & obligat subjectos. Ex quo liquet, concilium illud, si potestate suâ velit uti, jus habere *cohibendi* illos, qui principale regimen in absolutum convertere satagunt. Quò minùs autem hoc semper faciant, rationes equidem esse possunt, verùm politicæ magis. Nam de jure non debet omittere tale concilium, quò minus sententiam suam & officium Principis cordati significant & demonstrent. Quod si tamen, is inconsultâ vi & manu, fretus pertendat, neque à Senatu in ordinem redigi possit, idque notorium sit, jam nihil hærendum, quin singulis è populo resistendi facultas jure competat. Nam quid singuli vel plures valeant, aut quid expediat, servire an pugnare, facti magis & Politices, quàm juris est.

(a) INFRA LEGES. Et sic distinguit Principi à Monarchiâ. *patum*, ubi scilicet quasi in Senatu Princeps est,

IV. Idem statuendum, si Rex summam quidem sed integram non habeat potestatem, verum quasdam Imperii partes una cum senatu aut popularibus delegatis exercere debeat, idque facere adspernetur. Quomodo cum *Dux Albæ*, nomine *Philippi* Regis, decimam à *Belgis*, Ordinibus quibusdam invitis, exigeret, idque manifestum esset, haud injuriâ singuli cives, clausis officinis, exactoribus restiterunt. Nec aliâ ratione potest defendi quod in plerisque civitatibus defectio ab Hispanis *ex plebe* initium habuerit. Quia satis constabat, pleraque *αυτοκρατίας* Hispanicæ facinora, reclamantibus populorum Ordinibus institui; nec minus certum erat, jure fundamentali id omnino esse prohibitum.

V. Collocatur tamen longiùs hæc res extra controversiam, si Regis electioni *Lex commissoria* (b) adjiciatur, ut si Rex non servet jura fundamentalia, populus omni vinculo obsequii solvatur; ut de veteribus Brabantis fertur, & *Poloni* hodieque stipulari solent. Idem est, si in delatione Imperii sit dictum, ut certo eventu Regi *resisti* possit, cujusmodi pacta populi adversus Regem habere posse effectum naturalem, contra Hobbesium *suprà* demonstratum est.

(b) LEX COMMISSORIA. Quæ hic de subjecimus. Nonnulla etiam ad *Capitulationem* pactò commissoriò, nullitate actûs, & resistentiâ *Josephinam* adversus *Limnæum* admonita sunt. civium adducuntur, illa omnia *L. i. c. 17. examini*

VI. Quin etsi nullus sit optimatum senatus aut populi concilium, tamen, si verum est, sicut est, Regem, quatenus ei delatum non est, nec habere Imperium, sed hæcenus esse privatum, sequitur, Imperatis ejus, quæ non *dubie* excedunt potestatem concessam, posse resisti. Ni fiat, quod *suprà* faciendum disputavimus, ut si quid istius generis occurrat, convocentur hi, quorum fuit primævum jus Imperii. Utique tamen semper, casu necessitatis inopinæ excepto, qui etiam in simplici Magistratum officio exceptus intelligitur, quomodo olim *Epaminondas* & *Pelopidas*, etsi Imperium in exercitum diutius quam ipsis à Thebanis erat concessum retinuisent, se defenderunt. *Cornel. Nep. in vit. Epaminand.* Et hæc quidem, ubi jura Majestatis non omnia absolute sunt penes Imperantes.

VII. Imperio autem *simpliciter* delato consentaneum est, nullam resistendi facultatem subjectis dari, nec ob publicas neque privatas ob causas. Infinitatem tamen Hobbessianam sana ratio adversatur, quâ de re non habemus quod addamus iis, quæ *superius* copiosè disputata fuerunt. Idem exempla antiquissimorum temporum evincunt, quæ suos Reges simpliciter sine anxiiis stipulationibus statuebant, nec tamen furias tyrannorum in infinitum perpetiendas crediderunt; tametsi in hujusmodi exemplis meritum hujus disputationis non collocemus.

VIII. *Barclajus* ipse, quem ut Regii Imperii fortissimum Assertorem laudat Grotius *l. i. c. 4. §. 7. vers. Barclajus*, huc tamen descendit, disputans contra Monarchomachos, maximè *adversus Brutum* (c) *παραβολιμαῖον*, ut si Rex *vere hostili animo* (d) in totius populi exitium feratur, non modo resisti illi queat, sed & regnum amittat. *lib. 3. advers. Monarchom. cap. 8. & lib. 6. cap. 23. & 24.* Verum id haud facile continget in Rege mentis compote, nisi pluribus populis imperans in gratiam unius, alterum velit perditum, ut colonias ibi faciat; quod *Philippo II. Belgis* irato atroci murmure majores nostri imputaverunt. Largitur & resistendi facultatem *Barclajus* populo toti vel insigni ejus parti adversus sævitiam Regis immanem. Grotius verò vix aut nihil alioqui

alioqui cedens *Barclajo* in patrocinio Regum, idem singulis civibus ad vitæ suæ tutelam concedit, utique jure naturæ & veteri divino, haud perinde *Evangelico d. cap. 4. §. 7.* Quod si verum, ut debet, est, id quod *suprà* diximus, non esse in novo fœdere severiorem morum disciplinam, ac in veteri fuerat, introductam: hæc differentia non potest admitti.

(c) ADVERSUS BRUTUM. In *Vindiciis contra Tyrannos*: sub quò nomine Hubertus *Languettus* venit, populo Majestatem in Monarchico etiam statu competere asserens.

(d) VERE HOSTILI ANIMO. Nam velut aliàs passio est perfectio actionis, ita si agens interitum Reipublicæ machinetur, utique respectus ille imperantium & parentium cessabit. vid. Pufend. *L. II. Elementar. Jurisprudentia Observ. §. 21. seqq.* & *L. VII. J. Nat. cap. 5. §. 9.* ubi contra auctorem *der Politischen Waagschale*, Regem deponi non posse, nisi *hostilem* animum induerit, comprobatur. Sic & Goldastus *Lib. I. de regno Bohemia cap. 5. n. 16.* item Hornius *Lib. II. Polit. Archit. c. 12. n. 10. seqq.* & *cap. 10. §. 15.* tum & Bœcler. ad *Lib. I. Grot. c. 4.* ubi etiam de questione *resistentia*: in qua aliud esse dicit, non parere illicita per injuriam imperantibus (quod argumentum bene tractavit dictus Pufend. *Lib. VII. cap. 8. §. 6. seqq.*) aliud vim opponere injuriæ imperantium: quoad *præ* multos statuere, quodd reatus executionis rei illicitæ, v. c. occisionis hominis innocentis, ex mandato Regis, in hanc redundet: quod quidem Ipse negandum censet Pufend. *dict. loc. pag. 265.* & *dict. §. 6. seqq.* quanquam id etiam sub limitatione asserat. Quoad *posterius*, licet verò multi sint, qui putent, *resistentiam* tanquam naturalem semper licitam esse: tamen illud intelligi debere tradit salvò ordine, quem si Rex violare præsumat, ita illi omninò resisti posse. Quinam verò gradus aut modi *resistentiæ* quolibet casu servandi sint: illud variè disceptatur apud Eundem Pufend. *dict. loc.* & apud Horn *dict. cap. 12. num. 2.* usque ad *num. 13.* quorum tamen traditiones utique examine indigent. *Depositionem* sive *dejectionem* Regis si respiciamus, quodd illa fieri non possit: multis argumentis ostendit Alberic. Gentilis *de vi civili in Reges semper injusta*. Sed & hæc sententia cum cautione jam antè præscripta procedit, quâ videlicet Rex non induit

hostilem animum: quanquam etiam hoc casu vix *dejectionem* admittat Osiander ad *Lib. I. H. Grot. cap. 4. §. 11.* quoniam difficile hoc sit cognoscere; deinde maneat Rex nihilominus, & potestatem, à quâ dejecti velit, à Superiori habeat: (quod saltem quoad *tuitionem Majestatis* verum est.) Enimverò quod *præ* attinet, illud tantum ad modum spectat: nec sequitur: Difficiliter hoc judicari potest, Ergò si judicari possit, *dejectio* inde inferri non potest: quin & *judicium* hac in re non cuilibet privato, sed *Ordinibus* sive Magistratibus, competit. vid. Auctorem §. XXI. *hic*. Imò notorietas & indubia sive præfracta subversio Status publici requiritur. Quod verò *posterius* concernit, utique Rex non est amplius, sed Tyrannus & hostis Reipublicæ, in quem jure belli tanquam in peregrinum utendum est. Ceterum absque animo hostili si fuerit Rex, *nunquam deponi potest*; aded, ut si vel Lege fundamentali clausula *commissoria* delationi Regni adjecta sit, per quam si vel maxime statum Reipublicæ non evertat Rex, sed solum unum alterumve articulum sive legem fundamentalem negligat, eum deponi posse, statueretur: talem Regem verè & propriè dictum non esse putandum sit. Quocirca etiam *jurejurando* obstringere solemus Reges, ut propriæ potius conscientiæ atque Deo rationes reddant. Videlicet Deum repræsentat Rex immediate in his terris: nemini autem est Imperium in *Vicarium*, nisi principali, qui inviolabilem esse, & *sanctum* voluit eum, qui summum in Regno locum obtineat: aded, ut nec *Majestas realis*, quippe quam Rex ipse habet, eodem sit superior; Hinc falsus est *Limnaus*, qui in nostro quoque Imperio clausulam *Commissoriam* saltem tacite inesse *Capitulationi Imperatoriæ*, tradit. ad Prolegom. *Capit. & in Observ. 6. Tit. 5. Aur. Bull. §. 3.* motus quidem maxime exemplis quibusdam *dejectorum Imperatorum*; quæ tamen partim quoad *factum* ambigua aut falsa sunt, partim ratione *juris* multis modis laborant,

rant, ut alibi & præprimis ad *Notitiam Imp. Bæ-* pag. 291. & de Gradibus admonitionis elegans
cleri ostensum est. Denique de *judicio*, & quibus exemplum in Mantifsâ *Limnæi* ad *Capitulationes*
notis Tyrannus exercitiò internosci possit? Bæ- *sub fin.* ex conventu Ratisbonensi de anno 1631.
clerus conferri potest, ad *L. 1. Grot. cap. 4. §. 14.* exhibetur.

IX. Mihi non abs re videtur, dicendum, aliud juris esse, cum Rex ordine legitimo ad disceptationem juris factique civem vocat innocentem & damnat: aliud, cum sine medio illum injustè opprimere & occidere parat, quomodo *Saul Davidem* apud lares transfigere conatus dein more latronis persequi non destitit. Sed judiciali ordini vim opponendam non esse, licet potestates eâ abutantur, parum abest, quin primitivo fœdere civitatis constitutum videatur. Adeo, ut ne manifestâ quidem innocentia, licet propositum iniquum Imperantis haud obscurum sit, vis & arma judicii opponi posse videantur. Quia præviderunt populi, hoc concessio, nunquam prætextus turbandi judicia defuturos. Sed ut ad libidinem vel fortuitam Imperantium iram inauditos trucidare fas sit, id nullâ ratione in voluntariis Imperiis consensu civitatis potest dici constitutum.

X. In violento Dominatu jus quidem externum ita faciendi Despotæ comparatum est, ut *supra docuimus*, quemadmodum dominus in servos jus vitæ & necis, sine respectu ad causam, habet, ubi id lege non restringitur, sicut Romæ jure novo consultum fuit. *§. ult. Inst. de His qui sui vel al. jur.* Verum nulla tamen adeo valida obligatio est, quæ quenkam ad mortis sine ulla ratione vel submissione præviâ, patientiam obstringat, ut ipsemet *Hobbes* fatetur. Quare nec David adhuc privatus (nam unctio in antecessum à *Samuele* facta non exemerat eum, vivò Saule, numero subjectorum) non dubitavit se componere ad resistendum, etsi Saul jus absoluti Imperii in suos, ut omnes Orientis Reges, obtineret. Idemque de *Machabæis*, qui Antiocho, ut Alexandri Magni successor, absolutoque Imperatori, serviebant, ut videtur, existimandum est. Unde, cur idem Christianis contra immanem sævitiam non liceat, veluti Gallis, postquam ex laniena *Lutetianâ* aliisque constiterat, hoc agi, ut omnes Reformati jugularentur, est dictu difficile. Vel quod non multò secus est, quando Rex sinè judiciò magnam civium partem bello invadit, omnique cruciatu vexat, ut adigat eos ad hoc, quod imperandi jus non habet; quomodo nuper in Galliâ consultum est.

XI. Gro-

XI. Grotius Christianis eam facultatem, quam veteribus largitur, quosdam secutus non concedit, citatô Patrum & Servatoris nostri exemplô, qui Petrum jussit gladium recondere, quod Petrus idem omnibus imitandum inculcat. *epist. 1. cap. 4. v. 12. & seqq.* Sed præter quod Judæi & procurator *Pilatus* speciem ordinemque judicii, quâ de re diximus, servarunt, notum est etiam, Christum Dominum noluisse ullo modo remorari id quod fieri debere toties prædixerat.

XII. Esse enimvero laude & admiratione dignos, qui malunt injuriam & mortem pati quam armis oppositis sanguinem fundere, non est negandum. Quomodo veterum Christianorum miro & heroico certamine ad martyrii gloriam festinantium exempla videntur accipienda. Ideo tamen eos omnes indiscretè damnare, qui ultimo necessitatis præsidio renunciare noluerunt, prædurum videtur. Maxime, si hoc temperamento sint usi, ut personæ ejus, qui summam haberet potestatem, parcerent, quod & *David* sedulò fecit, & juris ratio faciendum dicat. Quia, licet primæva civium consensio moderamen extremæ tutelæ admiserit, non ideo civitatem, ut sublato Imperio contingeret, dissolvi voluerunt; quod cum ultimum malorum sit, ob minus malum evitandum committi non debet, nec quidem ex Lege caritatis fas esse videtur.

XII. Jam quod vitæ servandæ causâ ex naturâ fœderis, quo civitas constat, juris est, id propter bona resque alias (nisi forte pudicitiam) non videtur concedendum, ut supra dicere occupavimus. Præterea doctrinam Aristotelis huc applicabimus, quâ Tyrannidem ille definivit, ita ut à nobis expositum est in *cap. præced.* secundum quæ, si quis Rex id agat, ut omnia dirigat ad libidinem utilitatemque suam solius, idque multiplici experienciâ palam sit; omnibusque tentatis remediis, nulla spes supersit emendationis, & Rempublicam pessum ire sit indubitatum, nihil in eâ sententiâ videmus iniqui aut absurdi, quæ resistendi facultatem tribuit subjectis. Et quanquam, ubi certò constat rem ita habere, initium resistendi à quovis potest fieri, Magistratusque nihilo plus habere juris quàm infimos civium adversus summam potestatem *alias diximus*; at tamen rectius & tutius hoc casu principium à summis Magistratibus fieri videtur. Eo quod sanius eorum hac de causâ sit judi-

cium, & quod minore confusione res geri possit ab illis, ut factum à *Bruto* contra *Tarquinium*, à *Galbâ* adversus *Neronem*, à *Wilhelmo Arausionensi* contra *Philippum II.*

CAPVT XLIII.

De

Jure puniendi Tyrannos.

ARGVMENTVM.

Tyrannos Usurpatores cum non habeant summam potestatem, sine dubio posse puniri. Tyrannos exercitiò tunc, quando commiserunt, ut imperio exciderint. Qui utroque sensu Tyranni sunt, hos indistinctè posse puniri. Jus puniendi competere iis, ad quos Imperium, amotò presenti Rectore, competit; etiam Magistratibus summis. Modum pœnae in Usurpatores esse, non modò exilium, sed & mortem ordinaria executionis, vel subitam ex insidiis. De pœnâ Tyrannorum exercitiò variè cautequè differitur.

I.

Ancipitis periculi doctrinam hoc Caput continet. Equidem Tyrannum *titulò*, qui totum imperium invasit, in potestatem reductum, punire licet, sive id fiat à libero populo, sive ab Optimatibus, vel Rege legitimò, à quibus ille imperium usurpet.

II. Tyranno autem, qui talis solùm *exercitiò* est, quamvis in quibusdam injustis & violentis actibus ei resistere liceat: quia tamen ob titulum per actûs illos Rex manet nihilominùs, nulla esse potest in ipsum jurisdictio, quâ puniri queat. Secùs si ea fuerint ejus facinora, quæ cum Regno stare non possint, ac proinde Rex esse vel etiam ex Lege commissi, desinat: tunc enim quòd ob ista puniri queat indubium, idque consultum est, si spes emendationis nulla sit; præprijis si hostilem ergà cives animum induat. Idemque de Tyrannò *titulò & exercitiò* multò magis dicendum est.

III. Deum ultorem vix est, ut metuant Regentes tales. Et quamvis *Papa Romanus*, *Vice-Deus* sibi addictis, excludat Regentes, quos ille noxios esse, & vel Ecclesiæ suæ, putat ab usu Sacramentorum: tamen hæc exclusio nil ad Potestatem *civilem*, & ne quidem *Excommunicatio major*, pertinet. Nam & *infidelibus*, in Imperio constitutis, obsequium

quium debetur. Nec Christus ipse *Jurisdictionem* in Principes exercuit, aut quicquam illius contulit in Apostolos.

IV. Cùm verò exercitiò Tyrannus, ob hoc imperio exutus, in *privatam* conditionem redigatur, ideò puniendus est ab his, ad quos velut in Magistratum, Regnò vacuò, Jurisdictio revertitur; cujus rei exemplum in *Nerone* obvium est: ut tamen quoad usque *Bellum Civile*, quod susceptum fuerit, durat, pro Rege, qui Tyrannidem *exercet*, præsumptio, hi non eam notorietas excludat, admittenda sit. Sed Tyrannum *titulò* in Potestatem redactum punit *Rex verus*, aut *liber populus*, si talem iste invaserit.

V. Etenim *privatis* puniendi arbitrium permittendum non est, nisi Tyrannus titulò in flagranti versetur, & singuli in id armentur *Lege* in certis factis tyrannicis.

VI. *Dejectio* autem Tyranni Principis, in quâ sæpè pars utraque acquiescit, locò pœnæ haberi vix potest, aut exilium, sive publicatis sive salvis *bonis*. Nam & *mortis* pœna talibus infligi potest; maximè si usurpationi sævitiam aut facinora immania addiderint.

VII. Nil etiam vetat, ut *judicium publicum*, quod *juridicum* est, saltem ut de eò cognoscatur, an jurisdictioni locus sit, ut de meritis *cognitio* suscipi possit, in Tyrannum, qui in potestatem redactus est, constitutur, si id tutò quod *Politica* est consultationis, fieri possit; & non oculis multitudinis parcere, & eum vi subitâ *opprimere* aut *venenò* uti magis consultum fuerit, vel etiam ut *percussor*, cùm de eò securum se putat, immittatur: quod num *bellò* & *civili* quidem durante, liceat, dubium videri posset.

VIII. Utique cùm Tyrannus exercitiò tantum ex L. fundamentali in hoc conceptò, vel ex tacitâ conditione in Imperiò voluntariò Regi absolutè delatò, & vel maximè hostili in rempublicam animò, se *privatum* ipse faciat, ob facinora eum pro meritis eorum puniri posse, constat. Si verò non nisi contra *singulos* vel *paucos* vim fecerit, *resistendi* quidem facultas illis competit; sed per hanc Rex pro Tyrannò haberi non potest.

IX. *Alienatio* tamen imperii totius: (nam *partis* alienatio tantum nulla est,) ad effectum perducta, pro tyrannide non minus habetur.

CAPVT XLIV.

De

*Fide & perfidiâ summarum potestatum
in Contractibus.*

ARGVMENTVM.

Hoc capite agi de conventionibus, quibus summa potestates jam constituta obligentur. Teneri illas cunctis promissionibus naturaliter, civiliter per se nunquam, sed tantum si velint, quod præsumi in contractibus privatis. In jus tamen vocari & judicari ne tum quidem posse, nisi voluntariè certis iudicibus se submittant, quo præsupposito, nec naturaliter absolute, neque civiliter, eos posse negare solutionem sine manifestâ injuriâ. Conventionibus qua regimen civitatis spectant, jure Natura principem duntaxat teneri: consensum in civilem obligationem heic non præsumi. An restitutio in integrum contra effectum naturalis obligationis in executione, tam respectu exterorum, quam ipsius populi partis detur. Quomodo successores teneantur, per distinctionem, explicatur: & quid jusjurandum promissionibus addat.

I.

HActenus de jure, quod Imperantibus in subjectos, qua tales, seu belli jure, sive ex conventionione competit, actum est. Videndum paucis, quid de illis *conventionibus*, quibus non defertur *Imperium*, sed quæ *postea* contrahuntur, sit habendum.

II. Jure Naturali Gentiumque regnantes obligari fatis est clarum, quia nihil præ cæteris habent mortalibus quam jus certi populi, qui cum ipse legibus naturæ totiusque humani generis institutis teneatur, Imperantes iisdem teneri necessum est. Jam verò promissiones expressæ de jure in alium transferendo pleneque acceptatæ sine dubio vim habent obligandi naturalem, jusque perfectum alteri contrahenti tribuunt. *Grotius lib. 2. cap. 11. de J. B. & P. §. 4.*

III. At civili vinculô, contractus summarum potestatum per se nunquam obstringuntur, seu cum subditis imperio, sive cum exteris in-
eantur. Non, si cum civibus contraxerint, quia obligatio est juris vinculum quod necessitate obstringit secundum jura civitatis; Atqui summam potestatem non posse cogi & omni jure civili solutum esse, jam toties dictum est; Cum externis autem non sunt termini habiles civilis
obliga-

obligationis, quia non sunt ejusdem civitatis. *Per se*, inquam; nam ex naturâ negotii & circumstantiis præsumptio nasci potest, quod *secundum jus civile*, (a) quod est in loco, partes *agere voluerint*. Quod de privatis Regnantium conventionibus, ut emptiones venditiones, locationes conductiones, stipulationes, transactiones similesque, omnino statuendum. Quoniam tales actus non à Rege qua Rege, sed quasi ab alio quovis instituuntur, adeoque, ut est membrum *communitatis*; quod & ipsius utilitas postulat, quia nemo alioqui cum principibus contrahere vellet. Hinc Imperantes ex emptione sine pretio, locatione sine mercede, *pacto nudo* (b) ex hypothese juris Romani, nec agere nec conveniri possunt. Perinde ex testamento imperfecto non cogitur princeps solvere legata, nec ipse de tali quicquam petere potest. §. *ult. Inst. Quib. mod. testam. infirm.* Imo & Leges municipales cujusque loci, in quo contractus celebratur, æquè in Principibus ac in aliis servabuntur.

(a) SECUNDVM JVS CIVILE. Non quâ est Jus Civile, & ut formale ejus spectetur; sed quâ *materiale*, & ut Princeps non teneatur voluntate suâ, uti ea legalis est, sed voluntate simplici.

(b) PACTO NUDO. Rectius, quàm Magerus *de Advoc. armat. cap. 9. num. 105.* & Wesenbec. *Consil. 2. num. 60.* Hactenus enim pactum nudum in Rege non minùs habendum est pro conventionem *indeliberatâ*; ut jure peculiari in eâ communi-

tate civili Princeps uti voluisse non censeatur: quò etiam pertinet, quod falsò nonnulli docent, quasi omnes contractus Principum sint *bonæ fidei*; ut Besoldus *IV. Consil. 150. num. 27.* Nam illud verum quidem est, quâ bona fides dolo opponitur, sed non quâ stricto juri: & sanè contractum bonæ fidei vel stricti juris esse, ex natura interiori negotiorum pendet, quæ ex personarum velut Principis, conditione utique non immutabitur.

IV. Possunt tamen *exprimere in antecessum*, (c) se illis Legibus nolle teneri, idemque sæpius ex ipso negotio colligi potest, ut si Rex faciat ipse *testamentum sine solennibus*, aut *emphyteusim sine scripturâ*, ubi Lex eam requirit.

(c) POSSVNT TAMEN EXPRIMERE IN ANTECESSVM. Quin &, si sciens & prudens Rex contractum ineat, qui juxta *leges civiles* subsistere non posset; firmum tamen eum fuisse puta-

bitur; aliàs contrâ. Quâ ratione Princeps quoque in Emt. vendit. iramodicè læsus ad rescissionem contractus ex *L. 2. C. d. Resc. Vend.* rectè experietur.

V. Et si vero Leges heic obligationem *actionemque adversus summas potestates producant*, (d) coactio tamen sequi non potest adversus eos, quatenus, à quo cogantur, nemo existit, *nisi quod exteris belli jus comparatum sit*. Hoc ut evitent simul & æquitas ac utilitas impulit Principes, ut tam à subditis quam ab reliquis conveniri se apud certos judices patiantur, cum alioquin ipsi *in suâ causâ judices* (e) *esse possent*; quia ne-

minem habent superiorem. In illis tribunalibus iisdem juris remediis, quibus alii cives utuntur, tueri se, neque plus ulla parte privilegii arrogare sibi possunt aut debent. Neque planè satisfactionem negare postulantibus, nisi petant *restitutionem in integrum*, (f) ex iisdem causis, è quibus alii cives eam jure communi impetrare possunt.

(d) ACTIONEMQUE ADVERSUS SUMMAS POTESTATES PRODVcant. Cùm verò actiones sint Juris Civilis: idèd aut naturaliter eas considerari oportet, aut Regem spectari, prout in ipso negotio Auctor in §. *præced.* considerari eum debere voluit; ut ad instar privati, quoad actiones quoque & in judiciò, habeatur.

(e) IN SUA CAUSA JUDICES. Juxta Menoch. L. 2. *presumpt. cap. 10.* & Dd. *communiter*; quod à ratione naturali èd minùs abhorret, quia vel ipsis Nobilibus, qui *Jurisdictione* præditi sunt, simile quid tribuitur, Berlich. *Decis. 109.* vid. tamen *Decis. Noviss. El. Saxon. 39.* ibique Philippi. Interim ipsi Senatores vel Collegia, quibus Principes, etiam subalterni, v. c. in Imperio, per Observantiam, causarum propriarum dijudicationem committunt, sententias concipere solent, non *Principis* ipsius, sed Senatùs, vel Collegii, nomine. Pertinet etiam huc disquisitionis, qua ratione dicto *Principis* credatur. Utique non creditur assertioni ipsius Principis, quando agitur de ipsius *commodo*, aut præjudicio tertij, ne quidem si fiat sub *honore* aut *fide Regiæ*; vid. Græven *ad Gail. Lib. II. conclus. 59.* quanquam præsumptio ubique pro dicto Regis militet: quæ tamen probationem in contrarium admittit, juxta Gædd. in IV. *Conf. Marpurg. 16. n. 415.* licèt Princeps absolutus sit; Klockius *cap. 7. de contribut. num. 63.* Habenda tamen est fides Principi in *cæteris*, velut si de *meritis*, Ministri sui, cui feudum concedit, (licèt in genere) quid asserat, Vultej. IV. d. *Consil. 25. num. 105.* Quid deinde, si ut *testis* Princeps advocetur? Non etiam statur ejus solius dicto regulariter. Videlicet inter factum proprium & alienum distinguendum est. Si *factum proprium*, velut Officium & Imperium Principis, concernat, creditur ei; & eadem ratione circa factum *alienum*, quando hoc *coram ipso* gestum est: cūprimis, si in eo fundatur gratia vel intentio Principis. Wessenb. *Consil. 148. num. 47.* nisi & sic res sit maximi præjudicii; item, si tertium concernat,

aut ad *jus quæsitum* auferendum tendat. Vid. Mascard. *Conclus. 1227. per tot.* Quod si vero de *facto alieno*, quòd coram ipso ut Rege gestum non est, deponere debeat: ita ad instar testis *cujuslibet* alterius habebitur; saltem quòd fides ejus ob dignitatein illius summam *exuberare* censeatur, & *plus, quam semiplenè* probet. Utique *contra extraneum*, qui ei subiectus non est, hæc omnia, quæ diximus, non obtinere, alii docent; quod tamen indistinctè asseri non debet: nam & extranei eum ut judicem quandoque agnoscunt, atque illis officium Regium Princeps impertit; nec unquam dignitatein exuit Regiam, ad quemcunque etiam referatur. Denique si in *proprium commodum* Princeps afferre quid velit, nuspiam ei creditur; veluti si ærarium suum exhaustum esse dicat, dum à subditis collectam petiturus est.

(f) RESTITUTIO IN INTEGRUM. Dissentit Hugo Grotius L. 2. de J. B. & P. c. 14. §. 1. qui, dum *modus* restituendi conditioni Regiæ repugnare videretur, ad negandam rem ipsam inductus est. Rectius Auctor. Nam (1) causæ restituendi æquitate naturali nituntur, quæ Prætor motus, etiam contra rationem Juris Civilis, in integrum Restitutiones introduxit. (2) Superiore sive Magistratu quopiam suprà Principem non opus est. Sufficit ratio, quolibet Rege superior, & evidens quidem, quam omninò hic supponi oportet; nisi pars altera, cūprimis si eum exteris agatur, judiciò *arbitrorum* rem committere velit: sic enim causam quoque non evidentem restitutionis Princeps movere poterit. (3) Si Rex etiam *majorænnis* quid ageret, in quo circumveniretur, videbatur non tam ipse, quam *Respublica* restituenda fore. Enimverò si tantum ex imprudentiâ læsio perveniat, utiq; cum exteris susceptum negotium non infirmabitur. Aliter, si ex dolo, aut læsione ejusmodi, ex quâ dolus aliàs præsumptione juris & de jure elici potest. Hinc apparet, quòd restitutio in integrum ex Capite *minorænnitatis* Regibus; sive ad externos sive ad

ad subditos suos referantur, competere non possit; nec quicquam subsidii, nisi in Tutoribus suis aut Curatoribus regni, habeant, quos ad rationes reddendas adigere non prohibentur. *Ecquid verò de Juramentis Regum?* Nemo equidem mortalium juramenta Deo præstita rescindere valet. Nam & *absolutio* si quæ est à juramentis, non juramenta, quæ valida sunt, sed quæ vitia habent Canonica, ut ajunt, supponit. Interim, quòd *relaxari* possit in uno alterove casu juramentum, etiam vacuum ab ejusmodi vitiis, ut est juramentum ad effectum agendi in Imperio nostro: illud procedit ex *antedaneâ declaratione* Principis; quam facere ipsum

posse circa actus *subditorum* suorum, indubium est. At verò hoc ipsum in juramenta Principum non quadrat. Hinc non ipsi tantum non possunt propria juramenta rescindere; nisi per se eadem nulla fuerint, ut tunc talia esse declarentur: verum etiam successores juramentis antecessorum suorum, si non quoad reatum perjurii, tamen quoad efficaciam obligationis, obstringuntur. Nec quicquam officiente exemplo *Salomonis* circa juramentum, quod Parens ejus præstiterat Simeï. Nil enim *Salomon* contra illud juramentum fecisse existimandus est. vid. Zepperum circa fin. *variorum Discursuum* Juridicorum, *Bremæ* editorum.

VI. Quia tamen hæc fiunt submissione, non ex amissione Summæ Potestatis, sciendum est, Imperantes, sicut reliqua suis subjectis, sic etiam ea quorum ipsi debitores sunt, adimere posse. Primo in pœnam admissi, publicatione omnium vel partis bonorum factâ, vel etiam *illius specia-liter*, quo illa delinquenti obstricta est; quod tamen, ut invidiæ plenum ut evitetur opera danda est. Denique *ex probabili causâ*(g) dominii eminentis, modò ejus prætextu non tegantur iniquitates & calumniæ. Si quid tale fiat, & generaliter quoties sine delicto creditoris aut sine extremâ Reipublicæ necessitate obligationi se subducit Princeps, tenetur ad reparandum damnum. Nam etsi utilitatis ratione Dominii eminentis aliquis per publicationem rerum unius è civibus usus esse queat, tamen aliâ viâ patientibus indemnitatem Respublica præstare debet, *utique regulariter*. Si contra agant Imperantes, faciunt quod illi, qui pro lubitu cives spoliant, quo casu quid juris aut patientiæ competat, *superius* dictum est.

g) EX PROBABILI CAUSA. Citrà factum culpæve ejus. Aliàs enim ne quidem de *plenitudine potestatis* contractus cum subditis initi retractari illisve adimi jus quæsitum, potest; Klock. *cap. 16. de Contribut. sect. 1. num. 172.* quantumvis ex Jure Civili subditis quæsitum Jus fuerit; veluti per *prescriptionem*. Sed Dominium *eminens* ubique

prævalet, ut ob hoc auferri aut differri debitum possit: quò Tabulæ novæ pertinent *Στοιχῆα* apud Athenienses, vid. de eâ Dissertat. *Spitzii*. Falsum tamen dicere Principi per dominium eminens non licet; ut rectè *Osiander* contra Grotium *Lib. III. cap. 1. §. 15.*

VII. Paulo diversa est ratio conventionum de rebus ad summam potestatem pertinentibus initarum, quas Reges non ut membra, sed ut capita civitatis aut civitates ipsæ contrahunt. In his palam est, non habere locum Leges civiles, quoniam illæ consistunt in imperando, cogendo,

gendo, quod non cadit in summam potestatem; proinde nulla exinde quam ex præsumptione voluntatis oriri potest obligatio.

VIII. Porro ab hac naturali obligatione Princeps *in ejusmodi negotiis* (b) semet in integrum restituere, propter causas jure civili proditas, non potest, ut contra Bodinum *Grot. rectè statuit l. 2. c. 14. in pr.* quia restitutio illa à superiori potestate restituendi proficisci debet. Rem tamen fere eodem in effectu recidere oportet, ut Regibus per modum exceptionum, quæ sunt juris Gentium, prosint causæ justæ, propter quas obligatio naturaliter resolvi debeat, ut sunt dolus malus, metus injustus, *haud perinde ætas*, nisi quid Rex pupillus suo motu sine Tutore consilioque pueriliter egerit. Et sic à *Grotio* dissidentes eidem conciliantur, etiam quæ populos, qui restitutionis in integrum jura ignorant. De obligatione Principis ex LL. fundamentalibus satis ex *suprà dictis* constat.

(b) IN EJUSMODI NEGOTIIS. Videlicet quanquam Rex in negotiis, quæ cum *subditis* suscepit, Ipse judicare possit, non tamen potest in illis, quæ suscepit cum *extero*; imò nec in his, quæ cum subditis iniit, aliter, quàm *privatus*, puta ut caput Civitatis: nam hæcenus judicium ad Regem pertinere non potest, quippe quòd Rex non sit, nisi sub conditione pactorum cum populo initorum,

nec unquam possit ratione pactorum regni considerari ut Princeps, sed ut pars contrahens, quæ ex Jure Gentium, quasi nondum Legem Civilem ferre possit, dijudicanda sit. Cæterum recte *Auctor*, dum effectum similem restitutionis, in his etiam causis, admittit, ut magis per exceptionem Princeps se tueatur, quàm ut rem arbitrio & sententiâ suâ, (quod non partis, sed judicis est,) definiat.

IX. Effectus obligationis illius naturalis quis sit, respectu exterorum, facile dictum est; nam ubi desinunt *judicia ibi incipiunt bella*. Quod autem sponte & liberaliter per modum PRIVILEGII, (secus *in donationibus* (i) propriè dictis) conceditur, id contrario privilegio tolli potest, *uti Lex Lege contrariâ potest abrogari*. In cæteris cum populo initis contractibus super rebus ad majestatem spectantibus, (*non tamen, quibus ipsum jus aliquod Majestatis tollatur*) (k) idem sine dubio juris est, quod modo de privatis negotiis per se consideratis tradidimus. Scilicet ut naturalis inde nascatur obligatio eaque efficacissima, & jus perfectum populo acquiratur, ita *ut contrà quàm conventum est, Imperantes facere non possint*. Sed ut leges civiles ad hos contractus non producuntur, ita nec tribunal aut judicium datur ullum, in quo de hisce controversiis disceptetur, quin si tale tribunal daretur, hoc ipso desineret esse summa Potestas.

(i) IN DONATIONIBUS. Videtur auctor nomine *Privilegiorum* intelligere constitutiones

speciales, ut sunt jura, quæ certum personarum Ordinem, vel causas certas concernunt: Ita ejusmodi privile-

privilegia perinde tolli possunt, ut lex quælibet alia, modò ratio non repugnet; aut verò intelligit privilegia *ad beneplacitum* concessa, quæ tamen cum lege non rectè comparantur: siquidem ad præcepta saltem suò modò universalia non pertinent. Cæterum *Donationes* illas *strictè* appellare solemus, quæ se exserunt in privilegiis *in perpetuum*, cum abalienatione quâdam concessis, etiam si personarum qualitatem contineant; ut sunt gradus dignitatum, Nobilitas & similia. Et has donationes sive privilegia non posse revocari communiter docent. In universum, Privilegia sive *constitutiones* personales, ut in jure Civili appellantur, (quò nomine etiam illæ veniunt, quæ familiis integris

aut heredibus conferuntur, sicque *realia* sunt; ceu in dubio omnia esse censentur: juxta Menoch. in *L. 3. præsumt. cap. 103. num. 13.*) vel ex causâ *Onerosa* concessa sunt, vel ex *lucratiâ*. Illa quidem facilius revocantur; sed quæ ex causâ *onerosa* procedunt, non utique: quippe quòd vim contractûs habeant; nisi justissimæ & gravissimæ causæ id suaserint: de quibus, post *Enenckelium* Rumelin. *part. 2. ad A. B. Dissertat. 4. thes. 12.* ibique *Mylerus*.

(k) JVS ALIQUOD MAJESTATIS TOLLATUR. Quasi videlicet super eò pacisci populus non posset.

X. Qui sunt in statu naturali, his licet obligationem Naturalem armis exequi: sed populus sub Imperium redactus longissime ab eo statu remotus est. Quare si pactis stare nolint Imperantes, ratio cogendi illos, nulla datur subjectis, nisi quatenus hi in societatem Imperii, saltem pro parte, recepti sunt. Proinde, si Rex ἀντιένδυν civilibus armis cum populo suo vel ejus parte colluctatus, pacem certis pactionibus iniverit, easque vel jurejurando quoque firmaverit, tenetur quidem omni modo, *gravissimeque perjurus est, ni stet conventis*. Si tamen stare nolit, dabiturne ad arma regressus? Nulla quidem juris ratio id populo permittit, nisi in partem imperii recepto. Quod si populus in Regem absolutum extra causas, *in capitulo de tyrannide* expositas, arma ceperit, superatoque conditiones extorserit, non videtur Rex ad eas servandas cum effectû obligatus. Quia *metus injusti auctor*, (l) *ut & alias dictum*, tenetur ad eum quem coegit, obligatione, quâ summo jure & directè obstrictus est, liberandum.

(l) METVS INJUSTI AVCTOR.) Rectè de metu *injusto* ex causâ rem definit Auctor. Aliàs si per vim ac metum *justum* Principi conditiones pacis, veluti cum extero Rege, extortæ sint, ne quidem eas servandas esse *Salonius* docuit de *Just. & Jure in contractib. & commerc. quæst. 88. art. 3. contr. overs. 1.* & *Lessus* L. 2. d. *J. & J. c. 17. dub. 6. n. 38.* omninò malè! Si quidem metus, qui jure

licitò illatus est, cui & ipse contrahens causam dedit, nunquam ad rescindendum negotium proficere potest: qualis metus est *belli just.* vid. l. 21. in *pr. quod met. caus.* & *Hug. Grot. Lib. 3. cap. 19. n. 4.* quantumvis per conventionem ejusmodi *Domaniolum* bonorum facta fuerit alienatio; ut graviter decedit *Sandius de prohibita rerum alienat. cap. 6. conf. Gudel. cap. 10. & 11. de Pace.*

XI. Videamus de *successoribus*, (m) quomodo hi ex contractibus teneantur. Notum est, jure naturæ haud minus quam civili obligatio-

Aaa

nem,

nem, quæ ex conventionibus est, transire ad heredes. Sed hoc ideo, quia qualitas heredis ex tacitâ vel expressâ defuncti voluntate deduci solet; *tacitâ*, cum successio ab intestato defertur, *expressâ* vi testamenti. Quam in regnis voluntariis utramque secus se habere, ex iis, quæ *suprà* de successione dicta sunt, intelligitur. Nam ibi successores non accipiunt suum jus ab eo, qui proxime decessit, sed à populo, qui *voluntatem suam Lege perpetuâ semel stabilivit.*

(m) DE SUCCESSORIBVS. Hanc quæstionem, quæ post Reinking. *Lib. I. class. 3. cap. 10.* diligenter tractavit Tabor in *c. 5. de Obligat. Successor. in Offic.* Distinctiones præcipuè hæ sunt: 1) Inter eum, qui succedit *jure sanguinis*, & qui *jure electionis*. 2) Inter Regnum *patrimoniale* & *usufructuarium*. Equidem in *usufructuario*, ut appellant, Reges non immediate, sed per interpositam civitatem, nec pro se, sed tanquam capita civitatum, contraxisse intelliguntur. Hugo Grot. *Lib. 2. c. 14. num. 11.* Indeque licet Successor, maximè si per electionem constituatur, ex *personâ* antecessoris, obstrictus non sit: tamen ex *negotii ipsius naturâ* tenetur, etsi cum Principe solo negotium initum fuerit; modò factum hoc sit sub nomine dignitatis & officii Principalis, atque juxta morem & consuetudinem Regni: vid. Klock. *cap. 8. de Contribut. num. 78. & seqq.* hoc est, ut *causa* negotii fuerit rationabilis: qualis non solum ea censenda est, quæ actu in utilitatem Regni cessit, sed quæ probabiliter cedere potuit. vid. *l. 12. C. de Transact.* quod quidem laxius aliquantò *Auctor* interpretandum esse vult, atque ex conditione ipsius Regni & quonam illud jure, plenò an minùs plenò (nam & in *usufructuario* gradus sunt) teneatur, dependet. Quare

haud dubiè falluntur, qui inter læsionem Reipublicæ modicam & *magnam* distinguunt: cum nec ob magnam retractari conventio debeat, si modò re ipsâ ac eventu, & non ex deceptione seu dolò contrahentis alterius evenierit. Nec minùs *gratiosa* negotia Successor, licet per electionem, rata habere debet: de quò Barbosa *ad Capit. si gratiosè x. de Rescript.* & Feudistæ, de Concessione *Expectativarum*; cumprimis Struvius *cap. 7. de feud. aphor. 9.* & quæ *ibid.* maximè de consultatione Regni Sueciæ diximus, super Expectativis & concessionibus à *Christinâ Regina* factis, in Comitibus Holmiæ anno 1655. habitis, 25. Junii: quam infecuta est die *Verordnung, betreffend diejenigen Gûther derselben Reduction, und was dem anhängig, welche voriger Zeit zu Nachtheil der Kron vergeben worden*, ubi præprimis §. 9. 18. & seqq. legi merentur. Denique quòdusque *negligentia* sive *Culpa* antecessoris successoribus noceat? non minùs dispendiendum est: eòque pertinet quæstio illa, an *prescriptio* contra antecessorem successori noceat? Puta quoad ea, quæ præscriptioni subfunt; de quo videri potest Mylerus cum citatis in *Nomologia*, cap. 17.

XII. Nihilo secus dicendum, successores Regum etiam ex contractibus teneri, sed cum distinctione. Rex enim habet & *patrimonium* peculiare & *regnum*, quæ post mortem diversa relinquit, tam ubi hereditaria quàm institutiva obtinet successio. Regnum quid sit, per se intelligitur; *patrimonium* peculiare est omne id, quod vel ante imperium delatum habuit, aut aliunde ei advenit, vel tempore imperii lucratus est, atque à rationibus publicis seorsim habuit. In jure Romano vocantur *res dominicæ*, *res Cæsaris*. Hæc etiam in hereditariis Imperiis à regno

à regno separata sunt, quia, ut supra disputavimus, hoc Rex plerumque manere vult unitum & in unum devolvendum, *quemadmodum & in voluntariis*, non æquè privatum peculium, nisi quatenus aliter constitutum est, ut quæ ante regnum quæsitæ sunt, ad coronæ jus uniantur.

XIII. Patrimonium defertur ab intestato ad omnes in pari sanguinis gradu constitutos, *qui proinde pariter defunctum repræsentant*, ac ita omnes pro hereditariis partibus è privatis illius contractibus obligantur. Proinde qui Regno potitur, si is partem de patrimonio tulerit, pro virili etiam tenetur, sin exclusus vel sponte abstinuerit, æris quoque alieni omniumque præstationum liber est.

XIV. Sed obligationes, quæ propter Rempublicam initæ sunt, tenent omnino successorem, non ut heredem, sed ut caput civitatis, imo ut ipsam civitatem. Hæc enim absolutè considerata, ut omnes coetus initi, facultatem habet obligandi se ipsam, idque jus in alium transferre potest. Transtulit autem in summos Imperantes, qui personam civitatis constituunt, ejusque jus omne & integrum exercent. Limitant hoc tamen gravissimi scriptores, ut procedat, *si acta Regum decessorum habeant probabilem rationem*, non si ratione careant probabili, *Grot. Lib. II. cap. 14. §. 13.* Prorsus ut de administratoribus civitatum jure Romano proditum est, valere contractus, si res in utilitatem civitatis versa sit, valere transactiones ab illis factas in rebus dubiis, non si id quod indubitate debeatur remiserint, & de tutore, eum Domini loco haberi, cum rem administrat, non cum pupillum spoliat. *l. 28. §. 1. π. de Pact. l. 22. C. eod. l. 7. §. 3. Pro empt. Grot. d. l.*

XV. Nos intelligimus, si quid turpe aut manifesto absurdum planeque stultum contraxerit Rex, aut deciderit, quod in ipsius potestate non erat, ut si partem regni alienaverit, id non esse in terminis habilibus propagandæ obligationis ad successores. Verba autem *probabilis rationis* nimis laxa videntur, magisque exempla tutorum & administratorum qui legibus tenentur. Etenim Imperantes supremi possunt omnia facere, quæ civitas ipsa potest, si non egrediantur terminos potestatis sibi delatæ; & civitas potest quicquid Dominus & quilibet arbiter rerum suarum, qui pro libitu de rebus suis disponit teneturque,

tam si male quam si bene rem gesserit; veluti si prodigas fecerit donationes.

XVI. Plane quod à Summâ Potestate populo imperatum, non haberet vim eos obligandi, id neque per contractum in obligationem deductum poterit obstringere cives: sed è contrâ, quod vim adversus illos parendi haberet, id cum in potestate Regnantium sit, valebit, etiam, ubi per conventionem alii jus inde comparatum fuerit.

XVII. Sed de Jurejurandô promissionibus Summarum Potestatum adjici solito, aliqui putant, multum accedere ad arctitudinem obligationis. Et quidem versus Deum & interiora conscientiae obligationi simplici, accedit Religio, & ob hanc culpa perjurii, si promissum circumveniat. Unde nec si Pactis fundamentalibus addatur, quicquam mutat, quippe quod eo etiam non adjunctô Princeps in his quæ excepta in iis sunt, pro privato habetur: neque etiam si pactis & conventionibus aliis adjiciatur plus efficit, nisi quod nota perfidiæ & impietatis è spretâ religione sequatur.

CAPVT XLV.

Quibus modis summa potestas finiatur.

ARGUMENTVM.

Modi recensentur decem indubitati, amotâ prius falsâ opinione, mors, tempus imperio prafinitum, prascriptio, abdicatio, derelictio, existentia conditionis commissoria, feloniam, animus Imperantis hostilis, jus belli, unio. Modos, de quibus dubitari queat esse, captivitatem, alienationem, subjectionem infra alium factam, negligentiam, bellum contra cives, regno necdum delato, gestum.

I.

ABsolutis, quæ pro hujus instituti ratione de juribus summæ potestatis suppetebant, non erit abs re *modos* percurrere, *quibus finiatur Summa Potestas*; in quod omnis methodica desinit oratio atque tractatus. Quo locô amovenda prius est eorum sententia, qui libertatem esse volunt rem meræ facultatis, quam repetere quandocunque liceat. Et tamen quod semel alienatum est, sinè nova causa repetere non licet.

II. Fi-

II. Finitur autem imperium vel unà cum civitate tota, vel consistente reliquo corpore, sola extinguitur. Primus igitur, quo sola Majestas finitur modus est Mors, cunctarum ultima linea rerum; est enim Potestas summa, *facultas personalis*. (a) Et quod in successoriis dicitur, Regem non mori, analogicè ad suum heredem in quo defunctus reviviscit, *L. ii. d. Lib. & posth.* intelligendum est. Secundò, finitur *tempore*, quod ab his, quorum est primævum jus imperandi, paucis vel uni præfigitur, postquam *suprà* obtinuimus, temporariam non desinere esse verè summam potestatem. Tertiò *præscriptione*, cujus & in tempore præcipua vis est, primo quidem si Rex verus populo, vel Proceribus, aut populus liber Principi vel Proceribus subjiciantur. Si populi dein ut principes diversi, possessione immemoriali contrà se invicem utantur, quod & juris Gentium est & iisdem rationibus firmari potest, quæ superius adducuntur. Nisi quod hic facilior & frequentior sit quam in eadem civitate, *protestatio*, qua jus suum qui possessione carent, reservant, cui fini aptissima est, usurpatio continua nominis & titulorum specialis. Nam titulus Augusti, Romanorum Imperatoris generalis, item reservatio amissorum in Capitulatione cum suis non sufficit. Cæterùm possessio immemorialis in eadem Civitate recordatione hominum præsentium, non memoriâ literarum nititur. Quartò, finitur *abdicatione*, (b) quando Rex Imperium deponit, sive reddat populo Rempublicam, ut *Servius Tullius* voluit, ut *Augustus* simulavit, ut perpetuus Dictator *Sylla* fecit, seu transferat in alium, ut *Diocletianus* & *Maximianus*, nec non *Carolus Caesar V.* & *Christina Sueciæ*. Quintò, si Rex Imperium *pro derelicto* habeat vel revera deserat atque destituat, ut *Henricus Andegavensis Poloniam*. (c) Qui tamen nomen Regis Poloniæ per omnem vitam præ se tulit. Sextò, *existentiâ conditionis*, ad quam delatum est Imperium, ut si lex commissoria regiæ electioni adjecta sit; ubi hoc vel illud Rex admiserit, fore uti jure suo cadat. Septimò, per *feloniam* amittitur feudale regnum, id est, grave delictum vasalli adversus Dominum: posse enim in feudo summam esse potestatem jam dudum probavimus. Octavò, si Rex *hostilem animum* contra populum suum induat, aut aliter Tyrannidem committat, idque palam liqueat, Imperium haud dubie perdit;

quando nihil directius officio imperandi adversatur, imò funditus illud evertit. Demique, nonò, *jure belli* summa potestas auferri potest & solet, quia victor in devictos jure Gentium, cujusmodi vult, Imperium adipiscitur. Decimus finiendæ Majestatis modus est, unio cum aliâ majore civitate; nam tunc, *ut supra dictum est*, civitas, quæ prius ipsa per se habebat summam potestatem, fit membrum majoris imperii & pars corporis subjecti, quomodo in Gallia majores provincie *Normandia, Britannia, Aquitania, Delfinatus, Provincia* aliæque majestatem amiserunt.

(a) FACULTAS PERSONALIS. Moritur tamen unâ etiam Majestas realis. Equidem Regem *Gallie* dicunt non mori. At verò etiam in eo, Majestas personalissima est non minus, utut nullum inter Regem morientem & Successorem, ut nec, in aliis Regnis successivis, Majestatis commutata, sit interstitium. De secundò, tertio & sexto modò Auctoris ex *superius* dictis statui potest.

(b) ABDICATIONE. De quâ an *licita* sit? *Doctores* disputant; ut videre est *apud* *Limnæum* *Lib. 2. Jur. publ. cap. 11. num. 2. & seq.* ubi tamen malè ex Jure Civili & Canonico argumenta petuntur. Utiq; pro *negativa* adducitur 1) quòd Majestas deferatur perpetua, eademque non aliter suscipiatur. 2) De Regno Rex non possit dispo- nere. 3) Conventione semetipsum ille liberare nequeat: cum nexus sit mutus. 4) Imperium sit munus publicum, quod, cumprimis in Regno electio, Civium quilibet invitatus ut suscipiat, cogi possit. Per quæ argumenta in negativam cum *Limnæo* procedit *Fritschius de Resignat. Officior. c. 1. n. 17. & seqq.* & tamen facilè ad singula Resp. ad 1) quòd Majestas quidem Imperantis sit perpetua à parte populi, ut videlicet ab hoc illa Regi eripi non possit. Ad 2) non hòc modò de imperio, sed de persona tantum Imperantis disponi: in quam cum nullum jus Civibus reservatum sit: naturali eam libertate frui oportere. vid. *Grot. Lib. 2. cap. 7. §. 26.* Ad 3) non habere Regem Jus regendi per conventionem, sed per liberrimam acceptionem: quâ unicè imperandi habitus acquiritur. Conventio enim solum regendi *modum* respicit, qui nolentem imperare non obligat: & posse me rem sub modò mihi donatam derelinquere;

ceu re dimissâ, modus etiam concidat. Ad 4) in muneribus à Superiori dependentibus, qui jus cogendi habet, ut in tutela & similibus, istud obtinere. Et quamquam in Regno electio invitatus cogi possit ad suscipiendum quoque imperium, tamen ut causæ declinandi audiendæ sunt, sic etiam agnoscendas esse causas resignandi. Nec coactionem illam ad suscipiendum ex vi imperii procedere: Siquidem in statu Interregni nulla Aristocratia reperitur; sed tantum electus ratione suâ & conscientia vel amore publici, dum alius idoneus non reperitur, diadema suscipit: quâ ratione adhuc dicitur electionem admisisse, ut v. c. in Imperio Romano, *„Ott zu Ehr und Lob und der werthen Christenheit zum Trost und Nutzen aus freyem gnädigem Willen.* Hinc si quæras: an tunc etiam ad retinendum Regnum cogi possit imperans, si expressè *promiserit*, se imperium depositurum non esse? Dicendum est, quòd adhuc ei resignare liceat, si justa *superveniat* renunciandi causa: siquidem 1) is etiam, qui in perpetuum ministerio cujusdam se addixit, interesse præstando liberare potest. 2) Humanæ necessitati nemo validè renunciat. vid. *Doctores ad l. 4. §. 4. ff. si quis cautionibus, &c.* 3) Nec ipsi Reipublicæ plerumque expediet, si causas resignandi Imperans Ordinibus probaverit, ut invitum & difficilem retineant. Cæterum ad hunc modum resignationis referri posset *Ingressus in Monasterium*: de quò *Hermes Cap. 6. num. 7. Jur. publ.* modò hæc justa resignandi causa esset, quam sanè Status in *Heinrico II.* agnoscere noluerunt.

(c) HEINRICVS ANDEGAVENSIS POLONIAM. *Heinricus Valesius, Dux Andegavensis, Heinrici II, Regis Galliarum filius.* Nam hic, post

post fratris Caroli IX. obitum, circa annum 1574. sex menses subliterat, per Viennam & Venetias, ad regendam Galliam, ex Polonia, in qua per & hinc Sabaudiam in Galliam, clam discessit.

III. Secundum hæc aliqui sunt modi, de quibus *ambigi* potest, tollant, an non tollant summam potestatem. De *captivitate primum*, quæ est mors civilis; utique ex hypothese servitutis antiquæ dicendum videbatur, summo jure amitti Regnum, sed *postliminio*, quod est juris Gentium, restitui: at inter eos populos qui servitutis rigore non utuntur, exercitium amittitur, jus ipsum retinetur, sicut in Gallia Rege Johanne atque *Francisco* captis, illo apud *Pictaviam*, hoc apud *Paviam*, accidit. *Alienatione* aut *subjectione* regni in alium aut sub alio factâ à Rege, jus Majestatis amitti tradit *Barclajus l. 4. c. 16. contr. Monarchom.* à *Grotio* reprehensus, eò quod talis actus sit ipso jure nullus, cujus proinde nullus esse queat effectus; nisi ut populus alienationem vel subjectionem Regi executuro vi resistat, ut *Angli adversus Johannem*, (d) qui se Pontifici vasallum addixerat, fecerunt. *Grot. lib. 1. cap. 4. §. 10.* Equidem in regno patrimoniali non potest esse vera *Barclaii* sententia, si modo loquatur de illo. In voluntario tunc erit vera, si alienationem Rex sit jam executus & traditione impleverit; nam Rex novus non est Rex, eoque excusso nihil est causæ, cur venditor sit restituendus in locum quem dereliquit.

(d) ANGLI ADVERSUS JOHANNEM. Dictus hic fuit Johannes sine terrâ, frater Richardi I, qui cum Richardus abesset in Syriâ, ad Regnum adspirare cœpit. Et quanquam redux Richardus ei nepotem Archidurum, ex fratre altero, prætulisset: ei tamen Johannes Regnum præripuit; va-

riè deinceps cum proceribus & ipso Rege Galliz, ab istis in auxilium vocatò bellis implicitus: donec ab Innocentio III. Pontifice *excommunicationis* fulmine peteretur. Ab hoc enim prius solvi non potuit, quam *tributò perpetuò* promisso, vasallum sedis Romanæ se profiteretur.

IV. Verum ob nudum alienandi conatum, etsi contractus sit perfectus, non posse Regem *spoliari Imperio*, (e) prorsus cum *Grotio* statuendum est; nec etiam si duntaxat submiserit se alii: sed ultra nullitatem justamque impediendi causam non videtur procedendum, nec enim ulla causa liquet, cur plus decerni debeat quam ne conatus fortiatur effectum. Quanquam exempla non desunt efficaciora *Johannis Balioli* in Scotia, & *Caroli Lotharingi*, in Galliâ, quibus hoc imputatum fuit, ad Juris Regii commissionem, *Buchanan. Histor. Scot. lib. 8. Reg. 95. Mezeray compend. Histor. Gall. regn. Hug. Capeti* Jean. de Serres

Serres *ibidem*; qui sic ea de re: *Ainsi per cet hommage & reconnoissance il avoit comme quitté tout le droit, qu'il pouroit pretendre à la Couronne de France.* id est, *per illud homagium & subjectionem omne jus, quod in Gallia coronam præferre poterat, quasi dereliquerat.* Atqui non Gallia Regnum, sed Lotharingia Ducatum duntaxat ab Ottone Cæsare agnoverant. Quid hoc ad commissum regni Gallicani? Potest etiam quæri, an per negligentiam Rex cadat Imperio, ut Franci *in ultimis Merovingiorum* (f) servarunt. De facto nil frequentius est. De jure tamen non videtur; sed si per eam civitas *ᾧ τῶν ὅλων* periclitetur, statuimus populum aut optimates Regi aliquos adjungere posse, qui pro conservatione totius, quod primum civitatis fundamentum, invigilent, haud tamen ultrà quam postulet necessitas. Idem juris est, si Rex incidat in furorem, *ut Carolus VI. Rex Gallia.* (g)

(e) SPOLIARI IMPERIO. Ut proinde indifferenter hujusmodi conatum ad animum hostilem non referre debuerit Bæclerus ad *Lib. I. Grot. cap. 4. §. 10.* Nam hîc distinctionibus opus est. Multò minùs Rex destitui potest, quando Regnum in clientelam vel feudum alteri daturus est: de quò idem Bæclerus videri potest, *pag. 285.* ubi etiam distinctionem inter proprietatem & *usumfructum* Regni captionibus obnoxiam esse fatetur: & *p. 388.* rectè docet, ne quidem ei, qui per successionem Regnum tenet, istud *alienare* licere. Sed de his omnibus ex *suprà* dictis decerni potest. Cæterùm, quòd per alienationem illicitam Rex suò jure cadat: illud sub generali causa destitutionis contineri potest, quâ *vinculum* inter imperantes & parentes dissolvitur.

(f) IN ULTIMIS MEROVINGIORVM. Childerico utròque & Theodorico: Nam *Childericus III.* stupidus, ultimus Merovingorum, qui Rex ex Monacho factus fuerat, cum socordia deditus omnia *Pipini*, Aulæ Magistri & patris Caroli M. arbitrio relinqueret, auctoritate Zachariae Pontificis & consensu *Procerum* denuò monasterio inclusus,

& à juramento ejus Galli absoluti, eique successor Pipinus datus est, à quo *Carolingorum* familia five periodus nova in Regibus Gallia cœpit.

(g) UT CAROLVS VI. REX GALLIÆ. *Vallesius*, qui cùm mente titubare videretur, Patruj ejus Regnum administrarunt. Ipse tamen cùm inde variae turbæ orirentur captus, *Heinrico V. Anglorum Regi* traditus est, qui ex hinc occasionem Regni Gallia subigendi, junctâ sibi in uxorem Caroli VI. filiâ, captavit. Sed ejecit eum ex Galliâ, quam totam ferè tenebat, Duce puellâ *Jobannâ Aurelianensi*, Carolus VII. dicti Caroli VI. filius. Simile exemplum reperitur in *Histor. Rom. Imp. in Carolo III. Crasso*, qui & ipse ex morbo capitis stupidus & amens, rebusque gerendis inutilis factus, Regno excidisse fertur à multis, obsequium primùm exuentibus Francis, Saxonibus Thuringis, & dehinc Bojis & Alemannis; sed potius *Arnulphus* ei Tutorem sive Curatorem, quanquam sub Titulo *Vice-Imperatoris*, ut *alibi* ostendi, admotus est. vid. Auctorem Compilationis Chronologicæ apud *Pistorium Tom. I. Veterum Scriptorum anno 887.*

V. Sæpe quæsitum est, an quod Rex ante regnum initum hostis regni fuisset, hinc in successivo Imperio amittat jus Regni, quomodo Galli *Carolum Lothringum* (b) hac etiam causâ excludere, non *Ludovicum Aurelianensem*, in quo brevi murmure parem causam transmiserunt

Guicar-

Guicardin. lib. 4. de Bell. Ital. sub fin. Quod fuit iustius, nam juris ratio minime commissum regni ob illam causam infert, modo non maneat hostis, ubi regnum ipsi delatum fuerit. *Hinc jus stirpis Capevingiæ*, nobilis Gallix historicus, niti inquit, *benedictione divinâ & possessione continuâ*, cui præteritio Caroli prioris locum fecerat, *Jean de Serres in regno Hugonis Capeti, ubi, Cette Election estant esté authorisée par la benediction de Dieu, qui en a maintenue la possession en la posterité successive de Capet &c.* perinde ac si diceret; *usurpatione felici & longissimo tempore.* Rem tamen aliter accipit Hottomannus in *Franco-Galliâ*, qui id factum docet ab universo corpore populi Franco-Gallici, quemadmodum adversus priorem stirpem Merovingiam decretum fuerat. Cujus facti ratio independet, utrum potestas Regia tum fuerit *παμβασιλική* an verè νόμιμη & λαπωνική populoque subjecta. Quomodo nunc in Gallia se res habeant inde ab aliquot seculis, omnibus constat, neque jam Gallis ulla ratio mutationum, quam quæ est in verbis *Serresii*, reddi posset; neque tum quidem olim quod ad successionem attinet, aliter se res habuisse videtur.

(b) CAROLVM. LOTHARINGIVM. Qui post obitum *Ludovici V, ultimi Carolingorum*, jure sanguinis, tanquam Patruus & Ludovici IV. filius, cui jam ante Otto II. Imp. *Lotharingiam* concesserat, Gallix Regnum adire volebat; sed ab *Hugone Capeto* duobus præliis repressus atque permisâ ei Lotharingiâ ab omni spe recuperandi Regni Francici cum posteris exclusus est. Videlicet cum *Otone II. Imperatore*, Lotharingiam à Gallis repente fecerat ipse Ludovicus, quem inde Hugo

cum Patre & cæteris Gallix proceribus pro hoste Regni habuerant. Quod verò *Ludovicum Aurelianensem* attinet, XI. videlicet ex *Valesiis*, cujus hîc meminit Auctor: ille Bella adversus Proceres initio gessit; quos tamen deinceps restituere coactus est, retento imperiô. Ipse tandem castello *Plessio* semet inclusit & omnibus diffusus ærumnosam vitam traxit; ut *apud Comminzum Lib. 9. & 10. legimus.* Hoc exemplum dissimile est priorî, nec par etiam causa hostilitatis.





JURIS PUBLICI
UNIVERSALIS,
SIVE,
DE
JURE CIVITATIS
LIBER II.
QVI EST
DE HIS QVI SVBJECTI SVNT
IMPERIO CIVITATIS.

CAPVT I.

De

Familiâ & Matrimonio.

ARGVMENTVM.

Status Naturalis duplex, respectu singulorum & familiarum. Ex familiis proximè civitas componitur. Definitio familia ejusque explicatio & defensio contra Bodinum & Arnisaum. Constare eam societate triplici, mariti & uxoris, parentum & liberorum, Domini & servi. Finis familiarum quis. Liberos matrimonii magis quam familia esse finem. Definitio matrimonii Grotiana improbat. Jctorum praefertur. Quid in ea, individua. Polygamiam ne quidem naturali ratione probari. Consensum perficere connubium, non deductionem in domum neque ιεργολογίαν. Communionem bonorum non nisi per legem stabiliri. De Imperio Viri in uxorem. Causa divortii & nullitatis matrimonii. Comparatio inter Jus virorum & mulierum.

Civitem nihil esse quam societatem familiarum (a) eodem summo Imperio unitam, aliàs ex Aristotele diximus.* Absque Imperio, Familiæ recte dicuntur esse in statu naturali, quam & alio strictiore sensu, recessus à statu naturali quovis facto & pacto intelligi potest. (b) Quando igitur duabus omnino partibus constat civitas, Imperantibus atque Parentibus sive subjectis, absoluto Imperio, res jubet, ut de his qui subjecti sunt, loquamur, qui in definitione civitatis monstrantur, *familie*.

* lib. 1. cap. 8.

(a) SOCIETATEM FAMILIARVM. Videtur hic dissentire J. Fr. Hornius *L. 1. Pol. Arch. c. 4. §. 2.* quoniam societates *minores* non esse docet partes Civitatis essentielles: quia sine illis aliquibus nonnunquam ea componi possit; neque etiam ex pagis civitatem immediatè exsurgere: quia antiquissimis temporibus singulis urbibus Reguli imperaverint. Enimverò, sicut *urbs* non est, nisi ex cœuentibus pagis: ita nec pagi sunt, nisi ex familiis; sive partes essentielles dicas, sive *constitutivas* simpliciter.

(b) INTELLIGI POTEST. Hoc vult Auctor, quando familiæ in Civitate considerantur, jam à statu naturali eas recessisse, & ex Lege seu Imperio Civili modum capere. Nec tamen Civitate ad hoc præcisè opus esse; verum etiam familias se-greges certis conditionibus posse ea inter se statuere, quæ extrâ & præter statum naturalem expedire videant.

Ceterum si quis non protinus ad homines in Civitate sub statu positos respiciat: Absolutè quoque considerari possunt, ex hoc, quod à natura habent; & à jure, quod varios inde tribuit effectus, *supponitur*. Sic enim in *Comment. ad π. tit. d. statu hominum*, in absolutâ illâ conditione ut nascendos, (ventrem & dehinc posthumum,) atque natos consideravimus: ut horum nomine ostenta quidem habeantur; *l. 31. d. V. S. monstra* verò non item. Legitimè natorum verò nomine etiam censeantur nati, à nuptiis septimi, & à morte mariti, *undecimi mensis initio*. Natos rursus à corpore spectari oportet, quoad sexum, (ubi & de hermaphroditis,) & quæ ibi ratio *feminarum* sit in Republicâ; & quoad ætatem: ubi de Minorennibus, quò annis tales esse definant: de Senibus item. Ab animâ autem de mente captis, furiosis,

II. Definiatur Familia, Cœtus plurium personarum, quæ sub unius potestate natura aut jure (c) sociatæ sunt, usus quotidiani causâ. Genus *cœtum* maluimus dicere quam ut Bodinus* *Moderationem*, Arnicaeus** *Gubernationem*, exemplo differentiae, illius inter civitatem & Rempublicam, quarum hæc est ordo, illa multitudo. Sed hæc tam verbis quam re distinguuntur, in familiâ simile discrimen ut verbis in-usitatum ita re ignotum est. Non quod regimen à personis non differat, sed quia regimen nusquam familia dicitur, (d) at hoc semper ad personas refertur, etiam à Jctis, (e) à quibus nostra definitio leniter inflexa mutuo sumpta est.*** Addito tamen fine, quam Aristoteles****

ait esse, *εἰς τῶν ἡμέραν*. Ad usum quotidianum, nam his verbis à collegiis discernitur, quibus & Juridicam convenire definitionem putat Arnifæus. Ideo vult addi vocem, *patrisfamilias*, Ineptè, nam qui nescit, quid sit familia, eum vox *patrisfamilias* certiore non faciet. Sed differentia ab reliquis collegiis, præter *finem*, constat inde, quod de illorum essentiâ non sit, ut sub unius potestate habeantur, neque ut personas contineant tam naturâ quam jure sociatas, quod utrumque est in familiæ definitione.

* *Lib. 1. de Republ. cap. 4.*

** *Lib. 1. Polit. cap. 2.*

*** *Ex l. 195. § 2. de verb. signif.*

**** *Lib. 1. polit. cap. 1.*

(c) NATURA AUT JURE. Equidem uxores jure fieri dicunt Interpretes: servos & filios naturâ. Ita Gæddeus ad l. 195. d. V. S. Quinquàm suô modô servi non minùs, quàm filii, jure seu lege constituentur. Vid. §. 3. b.

(d) NVSQUAM FAMILIA DICITVR. Præcisè videlicet: siquidem familia complexu suô tam materiale, seu partes constitutivas, quàm formale, denotat, quâ directio in ea reperitur.

(e) ETIAM A JCTIS. Si nomen spectes in universum, *Familia* vel juridicè accipitur vel politicè. *Politicum* significatum pro corpore hominum in unâ domô, quod numero magnum esse potest, (servorum quoque 400, vel ultrà, apud Romanos.)

non minùs suppeditat Jctus in d. l. 195. *Juridicè* venit ex Jure vel *Gentium*; quô ad cognatos etiam porrigitur: vel ex *Civili*; & sic vel ad *personas* offertur, vel ad *res* & earum universitatem. Hôc modô in tit. *Fam. erisc.* Illô, pertinet tum ad domum unam, iterumque vel *inadequatè*; ut societas tantum herilis respiciatur: per *tot. tit. Si fam. furt. sec. dic.* Vel *adequatè*: quâ ratione cum politico significato coincidit; solum quôd hîc juris respectus præpolleat. Denique *plures domos* vi suâ vocabulum *Familia* complectitur, pro unius stirpis agnatis; & sic iterum genti contradistinguitur, quæ plures stirpes, ut Romæ *Gens Cornelia* plures lineas, continet.

III. Personæ jure sociatæ sunt conjuges & servi, naturâ, liberi, ex quibus familia componitur. (f) Nam quod idem Arnifæus, liberos negat esse partem familiæ, eò quod finis familiæ sint, non habet rationem. Quia præter quod partem & finem esse diverso respectu non est absurdum, videtur proles matrimonii potius, quam scopus esse familiæ. (g) Perfecta igitur familia constat triplici conjunctione Patrisfamilias, cum uxore, cum liberis, cum servis.

(f) COMPOSITVR. Quinquàm verò in statu integritatis nonnullis videatur *herilis societas* à familiis abfuisse, quasi corrupto tantum statui sit propria; prout quoque in statu corrupto familiæ multæ dentur, quæ famulatio carent. Tamen etiam in statu integritatis famulos & ancillas ad familiam

concurrere potuisse, non repugnat; cœu *Respublica* integræ, quæ non possunt non ex parentibus etiam sive subjectis constare, existere potuerunt. Quôd verò nunc etiam aliquando in familiâ desit famulitium: illud per *accidens* contingit, & rei ipsius naturam, quâ perfecta est, non immutat. Aliàs dicere

dicere etiam posses, ad Rempublicam constituendam ne quidem requiri societatem paternam: quæ tamen ad conservandam, & imò ad perfectam Rempublicam constituendam omninò necessaria est. Proinde *imperfecta* est familia, quæ *servo* caret aut ancillâ. Vix etiam familia, & tantum nomine, quæ caret *liberis*: cum *juris societas* in his maximè usum fortietur. Sic & cum *caelebs femina* societatem habet *domesticam* cum famulitio. In locum tamen demortui *patrifamilias* quando *materfamilias* succedit, imperfectio non tanta est.

(g) SCORVS ESSE FAMILIÆ. Si itaque *finis* est Societatis nuptialis, & hæc est familiæ gratiâ: utique ad constitutionem familiæ liberi quoque concurrent; & quatuor minimùm personæ ad constitutionem familiæ requirentur, si perfecta esse debeat & *integra*, ratione *partium*; Sed quæ constitutionem ejus *finalem*, seu ad *usum quotidianum*, tres quoque sufficiunt personæ: nempe paterfamilias, femina & servus; imò etiam pater, mater, seu uxor, & filius, quia ad societates *miscendas* sufficiunt.

IV. Prima fit per matrimonium, quod Grotius ex (b) ratione juris Naturalis & Mosaici nihil ait esse, quam Cohabitationem maris & feminae, quæ feminam constituat quasi sub oculis & custodiâ mariti, eamque fide datâ mari obstringat.* Magis placent Jcti, (i) quibus Matrimonium est, viri ac mulieris conjunctio (k) individuum vitæ consuetudinem continens. Individua consuetudo** significat arctissimum illud consortium corporis animorum omnisque vitæ, quod natura & mos Gentium non minus quam jus divinum conjugio inesse debere dicunt. Prorsus nihil est aliud *individuum* consortium quam conjunctio in carnem unam, quæ non est juris positivi divini, sed ab ipsâ origine, rei naturæ insita à creatore***. Sic verbis *individua consuetudo* major inest efficacia, ad vim matrimonii exprimendam, quam quæ Grotius pōnit, ut femina sub oculis & custodia viri sit.

* Grot. lib. 2. cap. 5. num. 8. in f. & n. 9. in pr.

** §. 1. Inst. de patr. pot.

*** Dix. in digress. Iustinian. l. 2. cap. 10. & 11.

(b) PRIMA. Prima est hæc societas ex *simplicibus*, quoad naturam; sed *herilis* societas est prima secundum regulas *Oeconomicas*; quòd prius servus, quàm uxor aut liberi, quærendus videatur: (ita Horn. L. 1. Pol. Archit. cap. 1. num. 2.) id quod ad Civitatem constitutam referri oportet. Sed an Matrimonium sit *Juris necessarii*, h. e. ut quilibet civium matrimonium inire obstrictus sit? Qu. Equidem apud Gentes quasdam matrimonium necessitatis fuisse, Mylerius notat, in *Gamolog. cap. IV. sect. 2. §. 39.* Et sanè nostrates *Theologi* jus præceptivum hîc agnoscunt, quando de conjugio *Clericorum* disputant; provocantes ad *Gen. I. 28.* nisi verò præceptum superius obstat, aut *impotentia*.

Superius esse, quòd non resistendum sit *vocationi* divinæ: quæ tamen vocatio singularis planè est, nec nisi ex certissima notitia de dono continentia, motibusque verè divinis, temerè præsumenda: vid. Theologos ad *1. Cor. VII. 7.* Ut difficillimum & meritò impossibile censeas, *toti* cuidam *ordini*, veluti Clericorum, certitudinem vocationis ejusmodi competere. *Calicutenses* quidem *Nobiles* suos tanti faciunt, ut genus iis tribuant *humano excelsus*, indeque illis matrimonio interdican; ut tamen concubinas iis habere liceat. Inde *sorors Regis natus* in ejus locum succedit; ut scribit *Mandelsloh* Epist. 1. *Itin. Indic.* Quod verò *impotentiam* attinet, utramque, tam naturalem quàm violentam,

intelligimus; quanquam naturalem illam quod concernit, quæ à *senio* ætatis pendet: illa à matrimonio quidem incundō quem non arceat: cum adhuc *finem internum*, adiutorium videlicet mutuum, in conjugio senum liceat obtinere: quem tamen finem licet consequi etiam possint *impotentes alii*; tamen ut finem eum extrā matrimonium quærant, potius est, quam ut aliis juncti, quamvis *sobolis procreationi renunciaturis*, scandalis multis occasionem præbeant: quod consideratum quoque fuit, nostro tempore, in conjugio *Eunuchi* cujusdam, cui gratiam sobolis procreandæ fœmina, juvencula tamen, factura erat: quam in rem vide *Responsa Collegiorum ab Hieronymo Delphinō edita*. Quid quod etiam in *senibus* non debeat de sobole procreandā penitus desperari. Nam si ad summum senium perventum fuerit, ne quidem matrimonia admitti debent: cum nunquam *finis solus secundarius* ad actionem moraliter bonam sufficiat; nisi primarius etiam obtineri, aut saltem efficaciter intendi possit.

(i) **MAGIS PLACENT JCTI.** Non immerito. Nam ita concepit *Grotius* definitionem, ut cum divortio & polygamia stare matrimonium possit: quasi *cohabitatio* tantum sit, & *directio*, ut in alia quâlibet societate; non etiam *vinculum* arctè confictum, ut 1. Cor. 7. Plenius *Theologi*, quod sit *legitima & individua conjunctio*, *unius maris & fœminæ*, ad procreandam sobolem ac mutuum adiutorium, ut & *evitationem libidinis*. Civili jure *Matrimonium* quoque citrà pompam seu ritum nuptialem procedit. l. 22. C. d. Nupt. Quâ tamen ratione adhuc à *Sponsalibus de presenti* distinguitur.

(k) **CONJUNCTIO.** Quâ *societati* æquipollet; non ut simpliciter pro *actione*, sive etiam pro *termino actionis*, h. e. unione capitur. Nam actio, quæ unionem sive societatem producit, non semper durat; sed solum in fieri societatis conspicitur, atque instantanea est. *Terminus* scilicet actionis si respicias sive unionem: sæpè nulla conjunctio reperitur: nec *animorum*, puta in dissidio matrimoniali; nec *corporis*: & tamen ibi existit matrimonium. Plerumque dicunt, nuptias esse *conjunctionem*, matrimonium *societatem*.

De **CONCUBINATU**, (quicum *calibe* est; Uxoris locō: *maritus* enim *pellicem* juxta uxorem ne civili quidem Justin. Jure, habere potest; l. un. C.

d. *Concub. l. 21. d. V. O. l. 144. d. V. S.* ut nec plures simul Concubinas, N. 18. c. 5.) si quærat: num ille *verum Matrimonium* sit? *Afferendum* est. In *pellice* enim secus est: quippe quæ nullō juris vinculo marito obstringitur, & furtivō complexu habetur. Nec igitur protinus est *Pellicatus*, quando juxta Uxorem *naturali jure* quis fœminam *secundariam* habet. Hinc verum quoque matrimonium fuerat, quod Patriarchæ cum suis *secundiariis* habebant: quas nec *pellices*, nec *concubinas* accurate dixeris. Vid. *Gen. XXV. 5. & 6. Gen. XVI. 3. Gen. III. 4. Jud. XIX.* Habet vero præcipuè *Concubinatus* Juris Civilis essentialia *verum Matrimonii*. Hinc eum non tam nullum quam *inaequale Conjugium* dici oportet; l. 3. l. 5. §. 4. d. *Concub.* in quō tamen *fœmina* non *infamis* est, cum tantum *honestatem*, i. e. dignitatem uxoriā l. 41. §. 1. d. *R. N. junct. l. 27. §. 1. d. P. H. l. 3. §. 2. d. stellion.* non habeat, & *liberi* degeneres audiant. l. f. C. de *natural. liber.* Quin & *servorum conjugium verum* est; quod tamen, si ad *LL. civiles* expendatur, *Contubernium* appellamus. Videlicet non impedit *naturam conjugii*, quod unius voluntate *solvi* potuerit *Concubinatus*: l. 1. pr. d. *Concub.* Nam & in *Nuptiis Romani* aliquō tempore faciliores in *divertendo* erant; ne de *Gentibus* aliis dicamus. Etenim sufficit *modus* ac *finis* conjugii; nec dici potest; *voluptatis tantum* (v. l. 49. §. 4. d. *Leg. 3.*) *communicationem* in Concubinato fieri. Interea *Const. Imp. P. O. 1530. & 1548.* ut & *Provincialibus* (v. de *Saxon.* quibus pœnam carc. aut relegationis habet *Carpz. q. cr. 70. n. 72.*) prohibitus est.

Nunc quidem *Matrimoniis de Conscientiâ* utuntur aliqui, quos nullus *Superioris* metus abinde pel- lit; uti sunt *Magnates* etiam inter *Protestantes*: si capias nomen *Conscientiæ*, ut *crimen* evitent vagæ libidinis. In cæteris autem, qui *Pontifici* subsunt, nomen illud innuit, quod nemo ferè conjunctionis illius præter sociatos *consciis* fit: & *clandestina* habeantur. *Priorem speciem positivo* quoque jure non impermissam habent. Utramque *verum* J. N. constituere matrimonium. Utuntur hâc conjunctione *utriusque sexus personæ*. Et *Nobiles* quidem, nullō etiam communi *domiciliō* nullâ *communicatione honorum*, ut *liberi* non sequantur patrem, nullōque *lusu* quis Conjugem & solum pro *œconomâ* agnoscat. Nam ita *machinationes fœminarum plebejarum* evadere sibi posse videntur, dum

exi-

eximiam ducere consultum non habent. Interim ad Matrimonia *digna & perfecta* id genus (quod *Romanis* quidem usitatum non fuit, l. 32. §. 13. d. *Donat. int. V. & U.*) non pertinet, æquè ut nec *Concubinatus*.

Quid autem de Matrimonio *ad Morganaticam*, quod à *Morgen & Gnad*, sive *dono matutinali* nomen habet, ac *publico ritu* solet iniri, durch *Bermählung zur linken Hand*: (cùm quidem Matrimonio de Conscientiâ nil plerumque præter *consensum nudum sociatorum*, accedat.) Etenim hoc quoque matrimonium est *verum*, sed *non est plenum*, civili jure: cùm liberi ex eo suscepti *matrem* sequantur, & cum certâ portione hereditariâ, in pactis matrimonialibus definitâ, contenti esse debeant: de quò ad *Jus Feudale*, & aliàs plura. Utique tale non fuit matrimonium *Abrahami* cum *Kethura*, contra quàm Hugo Grotius II. c. 7. §. 8. Nam liberi ex eo nati, ante obitum patris, cum

muneribus discesserunt: idque non ex pacto antecedaneo; sed ex merâ Patris liberalitate & dispositione, quam divina voluntas eum in modum direxit. vid. *Genes. XXI.* Denique ad *Thalac* Matrimonium est, quò conjux assumitur à Principe, aliâve illustri personâ, ut *voluntatem* si *mutare* velit ipse, conjux illa non sit amplius. Nomen habet à corrupto Græcorum *thalamus*; quod *cubiculum* ipsis est: nam inde Illi hoc genus Matrimonii appellarunt, quò adhuc inter ipsos, etiam ex *Christianis* plures utuntur: ceu *Cretenses & vicini* ad triennium plerumque uxores ducunt, ut divortio secuto liberi apud Patrem manean. Istud Conjugium quia Genti illi probatur, *Paleotus cap. 17. d. Spur. num. 8.* censet, *Venetos* aliquando, dum *liberos* inde *spurios* judicaverint, male pronuntiâsse. Et sanè inter *Nosstrates*, si quis Sponsalibus *conditionem* ejusmodi adjiceret, illa pro non adjecta haberetur.

V. Neque placet, quod uxoris ille fidem viro dandam exprimit solam, multò minus causa cur id fecit, ne quid obesset, quo minus viro plures jure naturæ & Hebraico uxores ducere liceat, ut magnus ille existimat. Verius videtur multitudinem uxorum non posse cum arctitudine illius consortii & individuo affectu consistere, adeoque intrinseco conjugii naturæ adversari (1) polygamiam *. Quæ nec ad eam rem, cui unice inservire debebat, utilis reperitur, ad replendam populo civitatem; quatenus compertum est, non tam huc facere gignendi quam alendi liberos facilitatem, ut ex comparatione Muhamdanorum & Christianorum, eorumque inter hos, qui promiscua aut multis vetita habent connubia, constat.

* *Digression. lib. 2. cap. 16.*

(1) INTRINSECO CONJUGII NATURÆ ADVERSARI. Facilius admitti potest hæc sententia, si distinctio illa servetur, quam superius indicavimus: ut aliqua Juris naturæ dicantur esse fundata, in ipsâ *Dei naturâ*: adeoque illa, quæ ab ipsis deviant, directè ipsi naturæ divinæ repugnent; ut sunt Amor Dei, Fuga idololatriæ, perjurii, mendacii. Alia verò, licet non sint fundata in ipsâ *Dei naturâ* & perfectione; radicata tamen sint in *naturâ hominis*, à Deo conditâ: atque hinc non quidem directè ad naturæ divinæ convenientiam referan-

tur; interim ad Deum respiciant *mediatè*, tanquam conditorem naturæ humanæ, cui à Deo insculpta sunt; adeoque cum opere Legis naturæ humano generi inscripto convenient: quâ ratione dilectio proximi ad Deum reflectit, quia propter hunc proximus diligendus est. Ad hæc quæ generis *posterioris* sunt, prohibitionem *Polygamie* referri oporteret. Nam & alia nonnulla ejus generis Deus nonnunquam admisisse potuit; dum occisionem *Isaci* v.g. huc redigunt. Et hinc putant Deum quoque in sanctis suis *Polygamiam* tolerare potuisse. Si verò rationes

rationes quare *Juri Naturæ* polygamia adversa sit, expostules: dicunt, cum & Christus nos ad primum *initium* matrimonii remittat, adversari (1) polygamiam *bonitati naturæ humanæ*, à Deo primum conditæ: cum bonitas illa *perpetua & speciei humanæ communis* sit. (2) maritum uxori suæ indissolubiliter promississe *potestatem sui corporis*; nec *pactum ab initio* in contrarium valere in socio indissolubili, quod & naturæ negotii adversetur: ceu nec communi consensu, licet ab initio interpositò, *dissolvere* aliquando matrimonium concessum sit. (3) Fini matrimonii, quæ *generationem sobolis* legitimæ, aut saltem bonæ educationis, tum & mutui *adjutorii*, vitandæ scortationis, &c. repugnare videri; ob rixas etiam inter ipsas mulieres: ob æmulationem, & si maritus omnibus parem affectu se non exhibeat, ut & desiderium consortii alieni. Quibus rationibus colorem addunt ex revelatione *Evangelii*, quod matrimonium præfiguratio fuerit Christi, *sponsi unici* erga *unicam* ejus *sponsam*, Ecclesiam. Denique sufficere ad omnes fines obtinendos *Dei institutum & benedictionem*: congressus raros & temperatos magis esse *fructuosos*, & continentem propagationem Deo magis placere: *amicitiam* perfectam mutuaque amorem nonnisi inter duos esse; nec posse non plus amari eam, quæ superinducitur: ita ut ex pluralitate uxorum per se zelotypia oriatur; ex pluralitate verò liberorum in societate paternâ nonnisi per accidens.

Enimverò his omnibus obstat, (1) quod institutio conjugii unius viri & uxoris *lex positiva* divina esse potuerit; & non præcisè jus aliquod Naturale: siquidem in statu integritatis vel solum præceptum de non gustando fructu vetitæ arboris ostendere potest, non omnes leges in statu innocentie naturales fuisse. (2) Nulla per se est *intemperantia* in Polygamia: ne patribus tale quid imputetur, qui multiplicationem generis humani feminisve sui, & desiderium Messiae, prætulērunt. (3) De *unitate corporis* quod assertur, ad statum Novi Testamenti aliqui referunt; quanquam in eò, (ne in *Grotii* sententiam de duplici Lege incidamus,) caveri debeat. Videlicet, etiam quoad Legislationem veterem Testamenti *institutio* primæva fuit conjugii simplicis, sive *unius uxoris*; saltem quod in *Patribus* dispensatio; tanquam in *Lege morali positivâ*, reperiatur. Ad hæc unitas carnis sive corporis est *majoris æquitatis*, & nullum

dubium, quin Naturali juri magis sit conveniens, & præferenda monogamia; à qua nunquam *Christianum* recedere oportet; tantum quod hoc loco de Jure Naturæ quærat. Unde (4) quod de *rixis*, scortatione & aliis adferebatur, non tantum non est universale; verum etiam hoc solum efficit, quod monogamia polygamie præferri debeat, *Jurique Naturali* magis congrua sit; sed non etiam, quod monogamiam Jus Naturæ per modum *principii* dictitet, ut necessariò & semper obliget. Alias enim sequeretur, nullatenus Deum in universum inter Patres V. T. *dispensare* hac in re potuisse. Neque etiam institutionem singularis conjugii ad ea referre licet, quæ juris Naturæ sunt, ex genere *posteriori*; de quo superius: cum quidem quæ talia sunt, *in uno alterove*, à Deo aliquando per dispensationem immutata esse reperiāmus; sed non sanè in eum modum, quò polygamiam in Vet. Test. *percrebuisse* videmus. Neque etiam luculenter ostendi potest, quomodo *rationi naturali* polygamia adversetur: siquidem quæ talia sunt, apud integras *Gentes* & magnam partem orbis, *sensu communi*, ut quidem in polygamia factum esse videmus, recipi non potuerunt. Nec quid causæ fuerat aded urgentis, cur in populo suo Deus à dictamine juris Naturæ, *tantò tempore & in universum*, recedi posse voluisset. Ex quo sequitur, *monogamiam* esse Legis tantum *moralis*, & sic *positiva*: nec V. T. legislationem à legislatione *Novi Testamenti*, (quæ nulla est,) discrepare; sed Christum potius in novo fœdere ad Jus divinum positivum primævum, & ad *institutionem* idèò conjugii, provocasse; indeque dicendum esse: *Patribus* in V. T. bigamiam per expressam *dispensationem* divinam permissam fuisse: siquidem absque eâ adversus legem, quamvis positivam, quam in re tanti momenti, ut est institutio conjugii, optimè eos novisse, extrà dubium est, non egissent. Etiam si enim de *expressâ* illâ dispensatione non constet: necesse tamen est, eam à Deo cum Patriarchis conversante, primum illis indicatam, exemplò deinde & traditione ad alios transiisse. Non poterat sanè *Abrahamus*, Pater esse credentium, fide justificatus, & simul in peccato mortali versari; quale est, si in facto aliquo devio ab Institutione divina, citrà dispensationem Dei, & quidem cum continuatione per totam vitam, quis hæreat. Ita quidem facile, quanquam non absque causâ, Deus dispensasse dici potest

potest in eò, quod tantum juris positivi fuerat: cum e contra, si polygamiam Jure Naturæ vetitam esse assereremus: conniventiam aut permissionem Dei generalem statuere oporteret: quæ videlicet non impeccabilitatem inferret, sed *impunitatem* tantum conciliaret. At verò hæc utique non congruit cum facto ejusmodi, polygamix scilicet, quod Deus non modò in verbo suo ne semel quidem castigavit, sed & certò casu præcepit, *Deut. XXV. 3.* atque sanctis suis, quàm id ipsum ille eo tempore

non aversetur, aperuit. vid. *II. Sam. XII. 8.* junct. *Gen. XVI. 5.* Interea verum est, quòd ad *essentialia* nunc denuò, ubi ad primævam institutionem Christus expressè provocavit, atque *voluntatem Patris*, de sublatà dispensatione illà, prodidit, omninò pertineat, ut tantum *due persone* in *unam* carnem jungantur; atque idcirco nullo instituto aut lege humanà aliud induci possit: quòd universa dicta *Novi Testamenti*, quæ in hanc rem urgentur, respiciunt.

VI. Consensu (*m*) perfici matrimonium ratio dicat, corporum conjunctio illud implet; (*n*) mos tamen populorum fert, ut solum consensum sponsalia vocent, & sponso qui contraxerunt*. Sed & merito plerisque placuit gentibus, ut publico ritu matrimonium celebretur, deductionis in domum similique, Christianis verò, in cœtu publico fidelium, prævia publicatione sponsaliorum, forte si quid aliorum interfit. Horum tamen neglectus actuum nullitatem (*o*) matrimonio inferre non potest, nisi vi legis expressæ.

* *Lib. 2. digress. cap. 7. 8. 9.*

(*m*) **CONSENSV.** Cui officit *Error* ut & *Dolus*, (qui à parte decipientis infertur; *error* verò à decepto est unice:) ac *Metus*. Et *Dolus* quidem, si ad *substantiam rei* vel *consensus* pertineat, impedit validitatem desponsationis. *Error* itidem. Et quamvis in *accidenti matrimonii* istud non vitiet; (non verò *accidens* matrimonii, quod scilicet *unitatem* carnis postulat, est *integritas*; quin potius, si quis errans *vitiatam* sibi despondeat, consensisse in *matrimonium* non intelligitur:) tamen quando *accidens* aliquod, v. c. divitiæ, *pro conditione* positum est: quoniam hâc ratione *substantiam consensûs* ingreditur; idèd, nisi impleatur conditio, ut quis matrimonium consumet, adigi non potest. Semel enim consummatum non motâ conditione, ob eam non impletam non rescinditur. De *Errore* quoad *personam*, ut & ratione statûs, v. c. Nobilitatis, Servitutis, ut & *Propinquitatis*, ad *Dessl.* diximus. De *Metu* ad *π.* quoque uberius.

(*n*) **CORPORVM CONIUNCTIO ILLVD IMPLET.** Et oportet sanè consensum illum ita interponi, ut ambo contrahentes *corporis* sui copiam sibi facturi sint. Vid. *Osiandrum* ad *Grot. Lib. II. cap. 5. §. 9.* Hinc *etas* nubentium *debita* supponi-

tur: ut *perfecta* licet nuptiæ solâ animorum conjunctione, *impleri* tamen five consumari, *pro fine* obtinendò, possint. Neque enim est matrimonium, si *impotentiam* sibi attulerint, vir *eunuchus* v. c. vel *arcta* mulier. Quâ in re, si inter conjuges lis oriatur, dum impotentem v. c. vir se esse negat: *jurijurando* adversæ partis locus non datur; sed ad Medicos & inspectionem procedendum est. Cum *sterili* tamen (etiam *inter Magnates*, ut rectè *Mylerus* in *Gamol.*) stabile est matrimonium; & cum quolibet *non desperata facultatis*. Sed cum *frigido* non durat, si virtus, tempore legibus definitò, non fuscitur. *Nov. 22. cap. 6.* Equidem jus corporis *plenum* ex *Sponsalibus* non sequitur. Hinc illa à nuptiis hòc ipsò potissimùm distinguuntur; etiam si sponsalia *de presenti* fuerint: quæ quidem *matrimonium* non esse, contra *Hahnium* ad *Wesemb. Tit. π. de sponsal.* verius est. Unde ratio facile patet, cur sponsalia ex multis causis *dirimi* possint, ex quibus *dirimi* non potest matrimonium.

(*o*) **NEGLECTVS ACTVVM NVLLITATEM MATRIMONIO.** Num vero si *Parentum consensus* à liberis negligatur, matrimonium per hòc
Ccc
jure

jure Naturali aut Divinò nullum dici debeat? *Qu.* Hugo Grotius *L. II. c. 5. §. 10.* negat. Sed videtur plerisque hypothefes *Pontificiorum* secutus esse; & adversus ipsum probabiliter disputari potest. Nempe *Libertas* matrimoniorum ipsum juvare non videtur: siquidem consensus liberorum nihilominus liber maneret libertate naturali; utut liber non foret libertate morali, dum alieno juri subfunt. Et sufficit, si libertas matrimoniorum ea sit, quæ coactioni opponitur: *l. 21. d. Ritu Nupt.* Nec admittere oportet illam, quæ opponitur obligationi ad requisita Legalia. Requirit tamen dicunt consensum istum, *non absolutè*: quod pertinet objectio *Grotii*, quod actus matrimonialis celebrari possit, ab his, qui parentibus destituti sunt; (ut hinc ad essentiam negotii præcisè consensum alienum non

requiri appareat;) sed potius in *hypothesi*. Similiter non requiri consensum illum inter essentialia matrimonii *specificè*, seu ad quodlibet matrimonium in specie. Sic enim simpliciter, invitis parentibus, liberi nunquam matrimonium inire possent; sed tantum *genericè*, & ad robur matrimonii regulariter: ut ad quosvis actus liberorum majoris momenti alios. Hinc procedere, quod licet pater *votum filii* irritare possit; non tamen possit irritare votum nuptiale, quod per conjugalem *Copulam* jam consummatum est: nam hoc conjugium esse verum, licet non sit *ratum* sive legitimum. Sicuti autem nil est *Divini* juris *moralis*, quod nullitatem conjugio ob neglectum consensum paternum inducat; ita quoad *Jus naturale* quid sentiendum sit, ad *Caput sequens* decernemus.

VII. Etiam Lege aut pacto opus est, ut bonorum communio inter conjuges statuatur, nisi quatenus ad sustentandum vitæ confortium requiritur. Optimæ videntur Leges, quæ ad quæstum (p) & dispendia producant societatem, nam quæ ad substantiam rerum, quasi captatoria reddunt matrimonia.

(p) AD QUÆSTVM. Conf. Rotenburg. *de Acquestu conjugum*, & Lauterbach. *singulari Dissert.* Est autem sententia Auctoris hæc, quod melius sit, *pactis* sibi invicem prospicere conjuges *de acquirendis* durante matrimonio, per cujusvis

eorum industriam & laborem, quàm ut protinus in limine matrimonii videantur conjuges inhiare divitiis, & substantiæ, sive jam *acquisitæ*, sive quæ alteri eorum *adventura* est.

VIII. Jure societatis & primâ naturæ simplicitate familiæ imperium (q) feminæ pariter cum viro debebatur; Sed quia æqualitas parit rixas, viri ob præstantiam sexus prævalet auctoritas, ordinis tamen magis quam subjectionis causâ, ex sententia Aristotelis. Idque notissimo jure Gentium, monstrante naturali ratione, nec minus jure divino in tantum invaluit, ut neque Lex neque pactum valeret in contrarium. Sed quò minus civiles effectus, ut de cura bonorum similesque tam conventionem quam lege aliter se habeant, nihil obstare videtur. Bodini verò sententia, qui jus vetus Romanorum Germanorumque de vitæ necisque potestate in uxores cuperet restitutum, adeo non placet, ut ne verbera quidem (r) marito permessa videantur*. Quia vix aliter in liberos & servos, quò in officio contineantur, advertere potest pater & dominus; quatenus ad regimen
familiæ

familiæ plus opus esse non videtur: est autem inter hos & uxores totius generis discrimen.

* Bodin. 1. de Republ. cap. 4.

(q) IMPERIUM. Cum diversæ sint conditiones Imperiorum: idèò diversas etiam esse eorum causas nil impedit; ut in patre quidem aut domino, item marito, sicque in familiâ, sit à naturâ, ex causâ tamen qualificatâ, quæ intercedit: ut est in societate nuptiali consensus, quò mulier in societatem inæqualem se confert; divinæ non minùs quàm naturali ordinationi se subiciens: qualis ordinationi non modò ante lapsum (vid. 1. Cor. II. 18.) sed & post lapsum, maximè constitit, Genes. III. 16. In statu tamen Majestatico à Deo unicè potestatem esse dicunt immediatè; saltim non est à naturâ: quia hæc non tribuit Imperium, nisi ex causâ directè & specialiter imperium fundante; prout quidem finè expressâ Dei voluntate si fuisset, nihilominùs jubente ipsâ naturâ, mulierem sequioris oporteret esse conditionis, in hac etiam societate nuptiali; quicquid reclamet Hornius Pol. archit. 1. cap. 1. num. 6. dum Grotio L. II. c. 5. §. 8. nimium adversatur. Utique maritus potestati maritali renunciare, (ut Cellarius opinatur,) non potest: (quamvis possit Cura bonorum & administrationi:) cum potestas illa ne quidem juris Naturalis permixti sit, Jure autem Divino disertè præcipiatur, atque moribus adversetur, civilibus pactum illi contrarium, l. 11. solut. matr. Cæterum Imperium maritalè ab Aristot. I. Pol. 8. & VIII. ad Nicom. 12. civile dicitur, seu πολιτικόν, h. e. tale, ut materfamiliâs nihilominùs sui juris & potestatis maneat, l. 4. d. his qui sunt sui vel al. jur. & in illis, quæ ad rem Oeconomicam, nec adèò ad Dignitatem & sublime Imperium in Familiâ, pertinent, ipsa non minùs imperet, vi popularis æqualitatis; ut ipse Aristoteles I. Pol. I. se explicat: eâ ratione, ut uxor modò pareat, modò imperet, vel potiùs coimperet. Aut, ut rectius rem efferas, Societas, quâ videlicet uxor cum marito conspirat, nil hactenus rectorii habere videtur, nil imperii; (etiam civili jure, d. l. 4. de his qui sunt sui vel al. jur.) nilque adèò subjectionis; sed ordinis, & auctoritatis: nam & ipsa Domina est & Materfamiliâs. l. 41. pr. de Leg. 1. l. 12. §. 1. de ann. legat. l. f. §. 1. de aur. & arg. leg. Sicut nec in qualibet societate Imperium reperiri necesse

est: nisi etiam dicere velimus, marito potissimùm imputari, si quæ in familiâ, consentiente uxore peraguntur. Et verò ne sic quidem imperium se exerit in Societate nuptiali, quâ talis est: siquidem imperium semper aliquem, qui pareat, præsupponit: quale quidem in his, quæ inter conjuges statuuntur, sæpius non reperitur. Ut adèò optimè Aristoteles rem expresserit. Quòd enim fœmina Regina viris imperare queat, huc non pertinet; ne quidem ut hinc inferatur, maritum auctoritati suæ maritali renunciare posse: cum capax esse possit fœmina Imperii Majestatici in subditos: quæ tamen nec Imperium in maritum maritalè aut conjugale habeat; licèt Maritus ei hac conditione, ut Regium ipsa Imperium sola retineat, nupserit.

(r) UT NE VERBERA QUIDEM. Quòd dominium ei competat, passim traditur. Gen. III. 16. Sed dominium tale non est, quod rerum habetur, v. g. ut res possit haberi pro derelictâ, locari &c. verum potiùs accipitur pro imperio & jure corporis: quæ potestas à marito sic temperanda est, ut ne quid contrà officium maritalè faciat. Jus autem vitæ & necis marito in uxorem, quando in statu Familiæ adhuc consistunt, extrâ civitatem, competere de jure Nat. Hornius quidem asseruit. Pol. Arch. I. c. 5. n. 8. At verò nullum est jus vitæ & necis absque Imperio majestaticò, scilicet illò, quòd civitatis, seu societatis perfectæ, est. Hinc aliter Pufendorffius VI. ad J. N. G. cap. 3. §. 4. quòd vir quidem mulierem in statu familiæ, à civitate segregis, enecare possit; nec tamen vi imperii, sed vi belli: neque opus esse, ut protinùs, qui mortaliter peccat, è medio tollatur: cum nemo ipsum Patremfamiliâs, nemo Regem, ob crimen capitale enecare possit: quæ quidem, si extrâ respectum verbi divini rem expendamus, siquidem in primis familiis ipse Deus jus vitæ & necis, ut vel Caini exemplo constat, exercuit;) probabilitatem habere videri poterant: (nam & hodiè familiæ ejusmodi segreges, ut si in insulam v. g. familia quædam rejiciatur, adhuc dari queunt.) At verò Status ille nec belli propriè, & quâ potestatem privatam egreditur, Hobbesianus est,

IX. Solvitur matrimonium repudio inter sponfos, divortio inter conjunctos. Illud mutua partium gratiâ fieri posse videtur, nec non alterutro graves ob causas renunciante. Hoc partium consensu nullo modo, quia non, ut reliqui contractus mere consensuales, (s) status prior conjugum potest redintegrari. Proinde ejusmodi oportet esse causas, quæ foedus conjugale penitus destruant, (t) quales duæ esse videntur: Adulterium & desertio, (u) quæ fit animo non revertendi.

(r) CONTRACTVS MERE CONSENSVALES. Nec enim mero & nudo consensu partium præcisè constat matrimonium? sed potius nexus per *concursum Dei specialem* supernè firmatur; ut hinc non prout consensu dicuntur matrimonia constare: ita etiam per *dissensum* partium dirimi queant. Equidem ad *sponsalia* non minùs Deus concurrat, at generaliter tantum; non ita ut in matrimonio; cui singulari ratione benedictio Sacerdotalis accedit. Cæterum de *divortiis* ex V. T. dubium hîc movetur: Num adèd divortia *Juri Naturali* adversa sint? Siquidem *Deut. XIV.* simpliciter probata videntur, & ut quisquis dimittere vellet uxorem, libellum divortii ei dare potuerit: & multum hâc in re indulget Justinianus *Novell. 140.* At verò eum arctissima sit unio inter conjuges, quâ unum quasi corpus constituunt, & mysticam illam, quæ inter Christum & fideles esse dicitur, ad *Eph. V. 31.* unionem referant. Hinc omninò, præter causas duas illas, in N. T. expositas, nulla alia divortii esse potest. Et tamen illa indissolubilitas, tantâ arctitudine à Jure Naturali non pendet; sed à *Divinò* positivo *moralis*, in quam cadere poterat ista, quæ in V. T. conspicitur, *dispensatio*; pariter ac de Polygamiâ Patrum *suprà* diximus; & Salvator eam conformitatem subindicare videtur, *Matth. XIX. v. 4. seqq.* Neque etiam aliter honori Ecclesiæ *Judaicæ* five Populi Dei V. T., consuli potest: cum omninò, si aliter sentiremus, prout quidem hoc non jubet ratio juris Naturalis, oporteret simul asserere, dispensationem illam, de libello *repudii*, meram fuisse permissionem rei naturali jure illicitæ; quanquàm ad majus malum evitandum. Quâ ratione pariter utique, licèt impunè, Patres peccassent. Equidem Christus *Matth. V.*, quando ad Moysen provocat, (*Deut. XIV.*) verba illa, ut hypothetica, citat, ex suppositione videlicet divortii per dispensationem singularem: cum qui-

dem Pharisæi recentioris Ecclesiæ verba Moysis, tanquam categorica accepissent, quasi Moyses præcepisset divortium, qui tamen & restrictè, cum causâ duritiei videlicet, rem commemorat; & ex hypothesei modum, quò res non planè excedat, præscribit: ut solet in Legibus permissivis.

(s) PENITVS DESTRVANT. Etiam quoad *vinculum*; aliter atque Pontificii per Concilium *Tridentinum*, (post *Canones*,) *Sess. 8. cap. 7.* Balthasar. I. *resol. 6.* vid. omninò, pro *Nosstratum* sententiâ, *Dannbauerum*, P. 1. *Theol. conscient. p. 810.* junctò *Seldenò Lib. V. J. N. cap. 7.* Quod & juri *Naturæ* congruum esse, *Pufendorffius* post *Grotium L. II. c. 4. §. 9.* ostendit *Lib. V. J. N. G. c. 4. n. 20.* add. *Gerhard. Tom. VII. Loco de Conjug. pag. 574. Carpz. def. 189. Consistat.*

(t) DESERTIO. Hæc causa an jungenda sit adulterio? ex *1. Cor. VII. 15.* itidem disquiritur: & sententia affirmativa probata est, per tradita *Gerhardi*, d. l. §. 625. *Dannbaueri*, p. 807. vid. *Carpz. p. 2. Consist. def. 192.* Num verò præterea etiam admittenda sit causa *alia* matrimonii dirimendi? Ejus rei dubium injicere possunt Constitutiones Imperatoris; ut *l. 8. §. 1. C. de repud. & l. 11. §. 7. eod. tum & in Jure Novell. passim.* add. de illis Auctor *P. 2. Digress. L. 1. c. 18. n. 4. 5.* Sed abusum hunc *Tabor* in *Corol. Partit. Elem.* (ubi *Justinianum* commendat, quòd is plures causas rescaverit, cæteras quoque exuberantes sublaturus per *Nov. Constitut.* ultiores, si superstes diutius mansisset.) Ipsosque *Christianos* illos *Imperatores* ob id non excusari posse, censet *Osfander* ad *Grotium Lib. III. c. 9. §. 9.* Et sunt tamen, qui locum *Matth. V. v. 32.* accipiunt de divortio, quod *privatâ auctoritate* à marito suscipitur. Textum vid. *1. Corinth. VII.* agere dicunt de uxore, & ut *ausu proprio* se marito subducant. Ex quo non impediatur potestas *Civilis*, quò minus plures causas divertendi, *Judiciò* exami-

examinandas, admittere possit. Maximè vero *textus* illos respicere causas, quibus *merito suo* pars altera usu conjugii privetur. Præter has autem alias esse causas, quibus *citra delictum* in personâ quid accadat, ut cohabitare alter ei non possit, & tamen extrâ matrimonium vivere nequeat; qualis est v.c. furor perpetuus. Sanè Causas nonnullas, quæ saltim adulterium vel desertioni *similes* cense-
feri possunt, ex auctoritate Magistratûs & Con-

sistoriorum, quandoque sufficientes reputantur, ob quas matrimonium, v.c. ob præfractam debiti conjugalis denegationem, ob odia internecina, *quoad vinculum* rescindatur, vid. *Beust. de Matrim. Lib. II. cap. 25.* & quos *Bækemannus* citat, in *Apo-
logia pro Dissertatione sua inaugurali.* Porro de Separatione à thoro & mensâ, salvò vinculo, ad
π. extensè docuimus.

X. Vinculum conjugii non modo à muliere sed etiam à Viro, rem cum aliâ soluta habente, dirumpitur, quia fides mutua jus in corpora utrique largitur idem; tametsi gravius vir quam uxor suppositione partus lædatur. Unde licet diversæ delicti species & nomina esse queant, & poenæ, ut multis visum Legislatoribus, tamen utraque species matrimonio sufficit dissolvendo*.

* Sic Jure Romano constat, adulterium nonnisi cum innuptâ committi, virum ab uxore ad innuptam divertentem stupri duntaxat esse reum, per l. 6. §. 2. D. ad L. Jul. de adult. nec multò secus videtur jure divino. *Levit. 20. v. 10. Deuteron. 22. v. 22.*

XI. Idem efficit malitiosa & obstinata derelictio, quæ tollit peremptoriè omnem *συμβίαν* & *συνωμίαν*, non minus naturaliter quam jure divino. Si aliter mores foeminæ sint intolerabiles, non ultrâ quam domo exigi potest. Nec illa se alio modo sævitiae viri opponere, aut luxuriæ suas res subducere potest.

XII. Diversæ à causis divortii sunt rationes nullitatis, per quas ab initio nullum fuisse conjugium intelligitur, ut est impotentia (quæ tamen superveniens (u) non rumpit conjugium) sanguinis propinquitatis, (x) quæque per Leges plura in hanc rem statuta sunt.

(u) QVÆ TAMEN SUPERVENIENS. Vid. rationes ap. *Carpz. P. 2. Jpe. Confist. def. 202.*

(x) SANGVINIS PROPINQUITAS. Modò fuerit inter *ascendentes* & *descendentes*: nam si inter *collaterales* (quamvis fratrem & sororem,) matrimonium initum fuerit, puta ex facti ignorantia, & cohabitare sibi velint, non separantur; ut tamen in alium locum, scandalî vitandi causâ, teneantur *migrare*. Non obstante (1) quòd conjunctio illa sit contrâ jus Divinum *morale*. (2) *perpetuam* habet *detestationem*; indeque dirimenda videatur: quale aded non sit matrimonium illud,

in *Lev. XX. v. 19. 20. 21.* ibi: *sinè liberis morientur* Nam (1.) etiam hoc in *Lev. XX. v. 19.* juri *morali* adversum est. (2) Conjunctiones non omnes, quæ in *Lev. XIX.* prohibentur, sunt contrâ Jus N. & G. nec, ut aliqui volunt, omnes habent *pœnam capitis*. Non etiam quælibet *abominatio* capite luitur; cum etiam abominationes dentur in Sacris, adv. LL. *cerem. & forenses*. Imò si capitis pœna foret, non pertinent ad nos ipsæ LL. *forensium pœna*: ceu nec incestus inter fratrem & sororem capite nunc punitur. Hic vero de incestu non quæritur; sed de conjunctione, quæ *facti*

ignorantiâ suscepta fuit. Illa verò impunita est. Cumque impedimentum hoc *impediens* tantum sit, non dirimens: inde re non amplius integrâ relinqui possunt sibi conjugati.

Utique, matrimonium nullum inter collaterales, ne quidem illarum personarum, quæ sunt *parentum & liberorum loco*, (v. l. ult. d. R. N.) Juri Naturæ adversari dicendum est; saltem quòd prohibitio- num istarum aliquas Juri Naturæ *hypothetici esse velint*: (add. Huber. L. II. c. 18. Digress. ubi neces- sariam prohibitionem Juri Naturæ etiam in tertio gradu consanguinitatis esse asserit.) Sed rationes prohibitionis dari non possunt; & vix aliæ inter parentes & liberos, quam quæ in *reverentiâ & pudore*, l. 14. §. 2. d. R. N. collocantur, quas examinat *Osfander* ad *Grot. L. II. c. 5. §. 12. & 13.* ubi concludit: Interdicta *Lev. XIX.* esse quidem omnia Juri Naturæ, sed tamen non strictè & planè immutabiliter, ut oppositum videlicet intrinsecam habeat turpitudinem, divinitus indispensabilem; sed laxiori quodammodò, ut saltem *indispensabilis* sit prohibitio *inter homines*; qualia quæ sint Juri Naturæ *hypothetici* quòdam sensu nonnulli esse dicant. *Grotius d. §. 13.* putat, prohibitiones illas non quidem naturales; sed *positivas*, attamen *universales* esse: secùs non potuisse præter populum Dei alias Gentes Legibus illis censerì; & nescio num valdè *Grotii* sententia ab *Osfandri* definitione abscedat. Sunt tertio loco, qui nonnullos saltem casus in dict. cap. *Lev. XIX.* excipiunt, qui Juri Naturæ nullatenus dici possint, ut quidem cæteri; sed Juri solum *positivi*, & ex quo judicari non possint Gentes aliæ, quàm ad quas *notitia* Legum illarum *pene- traverit*: quasi videlicet interminatio illa, quæ Gentibus dictò capite intenditur, ad singulas species ibi expressas non respiciat. Confer *Meisner. Lib. III. de LL. c. 12.* Estque communis etiam *JCtorum* sententia, quòd quidem *dispensatio humana* in nullo casuum ibi expressorum admitti possit; possint verò admitti conjugia in casibus *similibus*, hoc est, qui respectum & gradum eundem habeant; modò ejusmodi casus *unicum* solum & *singulare* exemplum in Lege illa expressum reperiatur: & simul hoc ipsum restringatur ad lineam *collateralem*; potissimum quod affinitates concernit. Nam ita In- victissimus Cæsar Leopoldus eum sororis filiâ matrimonium iniit: eum nec inter *consanguineos* alia prohibitio sit *Lev. XIX.* quàm *personarum*; non

etiam graduum. Et in *affinitate* patrui viduam ducere non liceat, quia *diserte* id prohibitum est; liceat verò *avunculi* viduam, & *matertera* ut & *amita* viduam. Quæ quidem omnia in *Comment. π.* plenius exponuntur: ubi & *Affinitatis* ratio ex- tat, quòd nulla sit inter *Conjugum* cognatos. Unde est, quòd *filius* ducere possit *noverca* matrem: quò casu sit *focer* patris, & *novercæ* vitricus; *noverca* verò sit *privigni* *privigna*, & *matris* suæ *focrus*.

Equidem in dispensandò faciliores sunt *Ponti- fices*: quorum nonnulli etiam in *lineâ rectâ* de dis- pensatione liberius loquuntur; ut *Dom. Soto in IV. dist. 40. const. un. art. 3.* Fortassis, ait, non valet *dis- pensatio inter avum & neptem*. Quòd autem in *linea collateralis*, etiam inter eos, qui *parentum & liberorum loco* sunt, dispensationem *Pontificii* lo- cum habere statuunt, mirum non est: cum dis- pensationem, quæ à Deo fieri potest, *Papæ* scilicet ex delegatione asserant. Et sanè conjunctio ejus- modi collateralium, licet *Kitzelius* dissentiat c. 3. de *Spõsalibus th. 7. lit. g.* & Auctor in *Lib. 2. Di- gress. Justin. cap. 19. Juri Nat.* adversa dici non po- test: vid. exemplum *Genes. XI.* & ne expressè qui- dem prohibita reperitur *Lev. XIX.* observante hoc & ipsò *Jacobo Martini Lib. I. Polit. cap. 5.* tùm & incestus cum fratris filiâ *civilis* esse dicitur l. 38. §. 1. & 2. ad L. *Jul. de adult.* Quò pertinet denuò sen- tentia illorum, qui *nullam* prohibitionem d. cap. 18. *Levit. naturalem* esse putant, nisi concubitus cum masculis, cum bestiis, cum parentibus & liberis; idque inter alia etiam argumentò *vers. 19. junctò Levit. XV. vers. 25.*

Ad hæc, num conjugium *Jacobi* cum *duabus* *sororibus* subsistere potuerit, illæso Jure Naturali? Qu. Haud dubiè; quam in rem adhibere licet *Osfand. ad Grot. Lib. II. cap. 5. §. 14.* ubi simul etiam agit de conjugio cum *defunctæ uxoris sorore*, quod à *Rinteliensibus* *JCtis*, hòc seculò, pro humanitatis dispensabili reputatum fuit; opponentibus se *Havemannò* Theologò & *Tabore* *JCto*, integris Tracta- tibus. Equidem fratri non licet ducere *fratris sui* *viduam* *Levit. XIX. vers. 16.* quem locum facere putat *Scherzerus Loco XXVI. Th. pag. 777.* pro ho- rum sententiâ; (si modò faceret.) non textum in *ejusdem capite vers. 18.* quippe in quo agatur de pro- hibitâ cum *duabus* *sororibus* *polygamiâ simultaneâ*.

Denique non minus huc disquisitio de *Nuptiis secundis* pertinet: quæ contumeliose habitæ apud multas Gentes, (Vid. Bernegg. ad Tacit. *quest.* 110.) & odium non exiguum expertæ fuere apud Romanos. Mæstert. de *Sec. Nups. quest.* 4. 5. 6. At verò odium ejusmodi causas civiles respexit. Unde communis est *JCtorum* sententia, quòd omnes coercitiones illæ civiles cessent, quoties pater v. g.

superstes nuptias secundas init bonâ cum gratiâ liberorum prioris matrimonii. Cæterum nec *Divinò Jure* nuptiæ illæ indignæ haberi possunt; ut malè ab illis dehortetur *Grotius Lib. I. cap. 2. §. 9.* vid. *Rom. VII. 2. I. Corinth. VII. 1. I. Timoth. V. 14.* Gerhard. de *Conjug. §. 178.* neque multò minus *Jus Natura* illas averfatur. Vid. *Carpzov. Part. 2. Consist. def. 158. & 172.*

XIII. Cæterum, quæ ratio mulieres imperio Viri in familia subdit, eadem arcet eas à cunctis muneribus publicis. Nempe ut viris postponentur, quod in promiscuis Reipublicæ officiis, ubi nunquam viri desunt, fit semper. At in summis Imperiis æque postponitur maribus, his autem deficientibus in regnatrice familiâ, non est absurdum feminas, natosque ex illis, admitti, ut *supra* dictum. Plane in omni Republica virorum melior est conditio in his, quæ ad decus & dignitatem spectant, feminarum melior, quatenus imbecillitati subvenitur, quâ parte Justinianus & Theodora sexui largiter (γ) in suis Legibus indulserunt. *

* Vide specimen in Nov. 134. cap. 9. 10. & 11.

(γ) LARGITER. De quo dicetur suo locò.

CAPVT II.

De

Parentibus & Liberis.

ARGVMENTVM.

Post conjuges membra familia esse liberos ex justis natos nuptiis, è concubina tamen editos mediante legitimatione posse familia aggregari, modo mater fuerit, cum qua nuptiæ esse potuissent. Improbatus mos exponendi liberos, aut fame incestuosos necandi. Adoptatos quoque ad familiam pertinere. Patria potestas Jure Gentium qualis esse debeat. Refellitur Hobbes, qui Jure Naturæ partum matris in potestate solius esse putat. In nuptiis liberorum quæ sit patria potestas & in publicis causis & in bona liberorum. Quibus modis patria potestas solvitur.

I.

Videntur quidem hæc imprimis ad jus privatum pertinere, sed quia tractatus de familiâ ad civitatem necessarius est, nec ea, nisi partes expli-

explicentur, intelligi potest, res jubet, ut obiter hæc delibentur, sed obiter, ut fit. Igitur altera in familia societas orta è priori inter parentes liberosque, ex justis nuptiis natos, intercedit.

II. Nam qui absque matrimonio suscipiuntur, non fiunt membra familiæ, quia deficit principium familiæ. Qui tamen è muliere, cum quâ conjugium esse posset (a), sunt nati, suppleto defectu, quo à familia removebantur, possunt cum illâ redintegrari. Scilicet subsequente parentum connubio, aut sublato alterutro, (b) per Rescriptum summæ potestatis.

(a) CVM QVA CONJVGIVM ESSE POSSET. Hinc quando Papa dispensat in matrimonio eorum, qui in secundò gradu consanguinitatis sibi conjuncti sunt: liberi ex his antea nati, per matrimonium illud non legitimantur; quia tempore conjunctionis adhæsit liberis illis, ex doctrinâ Pontificiorum; impedimentum dirimens. Non etiam potest legitimari eadem

ratione adulterinus ex Christianâ cum Judæo susceptus, &c.

(b) SVBLATO ALTERVTRO. Ita quidem Jure constitutò obtinuit. Moribus tamen nostris, etiam superstitè utròque parente, quin & si pater aliam fœminam duxerit, vel mater alii viro nupsit, procedit per Rescriptum Principis legitimatio. vid. Herald. Lib. I. Rer. quotid. c. 5. n. 5.

III. Sed differentia Juris Romani inter eos, qui domi è concubinis nascuntur, & qui foris è furtivo amplexu, non est juris gentium, quo sufficit patrem esse certum, (c) ut liberi pro naturalibus & aptis ad legitimandum habeantur. Sed nati è coitu nefario, incestuoso vel adulterino non sunt in terminis habilibus, ut cum familia parentum unquam coalescant; quia vitium illis obstitans nunquam potest tolli. (d) Quod secus est in his, qui ex nuptiis sine parentum consensu initis sunt nati; nam horum status per ratihabitionem avorum (e) ad originalem integritatem potest reduci.

(c) PATREM ESSE CERTVM. Qualis etiam natura esse potest pater spurii; quanquam Jure civili, ubi Patrem non nisi legitimæ nuptiæ demonstrant, æquè spurii ac vulgò quæsti patrem aded habere non putentur, ut legitimari & ipsi non possint: saltem quòd moribus nostris spurii, etiam quoad Legitimationem, quia patrem illi, saltem naturaliter, ostendere possunt, secus ac vulgò quæsti, naturalibus æquiparantur; maximè Concubinato nunc per Leges recentes improbatò: ut non major sit favor naturalium, (imò majus ferè odium sit illorum ob continuationem improbatæ conjunctionis,) quam spuriorum. Et tamen etiam vulgò

quæsti per Rescriptum Principis nunc etiam legitimantur; nec simpliciter modus ille legitimandi, istius primarii per subsequens matrimonium succedaneus est. Interim, quod liberorum legitimorum & spuriorum distinctionem attinet, illa omninò Juris non tantum positivi, sed & naturalis est; ut rectè Bœclerus ad Grotium Lib. II. de Jur. Bell. & Pac. cap. 7. Quin & naturalis est distinctio inter eos, qui è Concubinis domi nascuntur, (quippe & ipsos è conjugio susceptos,) & qui è furtivo amplexu nati sunt; si vel maximè discrimen inter legitimos & naturales Jure Naturali vel Gentium nullum foret. Tantum quòd ad legitimandum sufficere

sufficere possit etiam naturali jure, quod spurius patrem certum habeat.

(d) TOLL. Nisi quoddam ex causa per dispensationem Principis legitimi hodiè fieri queant. Scilicet ut cum non aggregentur h. m. familiis, quod nec fit in vulgò quæstis, quando nunc legitimantur: tamen in Civitate pro honestis habeantur: ubi tamen frui effectibus civilibus legitime natorum liberorum non possint. Sanè in populo Judaicò Manzeres, h. e. ex concubitu, sub poenâ excisionis vetitò, nati, (exceptis solùm ex coitu cum menstruata natis,) excludantur ex Republicâ

Israel. Deut. XXXIII. 2. vid. Selden. de Success. in Bona defunct. cap. 3.

(e) RATIONABILITATEM AVORVM. Quod tamen Civili Jure non procedit; ubi solùm à tempore dati Consensus ratæ sunt Nuptiæ arg. l. 3. l. 65. d. R. N. de quo consensu loquitur l. 13. §. 6. ad L. Jul. d. adult. Quamquam diversum sentiat Clariss. Auctor, etiam alibi, v. Anal. nostra ad Locum. in pr. Inst. d. Nuptiis. ubi non minùs, quid hodiè ratione legitimatis liberorum, ex matrimonio citrà consensum Parentum consummatò, obtineat, ut & de successione diximus.

IV. Neutiquam tamen nefariæ proles abjici alimentisque privari (f) debent, quæ sententia Justiniano*, nescio an merito, (g) adscribitur; quamquam ut inhonorati in civitate degant, id juris ratio non abnuit, imò postulat. Multò minus ille mos veterum probandus, quo patribus erat permissum, liberos etiam jussu natos tollere aut exponere, quod non tam inutile quam impium fuit, nisi monstra essent. (h) Sed ubi servitus in usu est, ibi nefas non videtur, vendere liberos (i) si quos parentes ultima pressa paupertate alere non possint, ut Lege Thebanâ atque Romana de liberis recens natis fuit cautum**. At in bene constitutis civitatibus non desunt, neque debent deesse media, per quæ talibus de alimentis prospiciatur. Parentes sane tam extra quàm in matrimonio propter necem liberorum merito ut parricidæ puniuntur, nec discernendus pater à matre, quod fit Jure Romano (k).

* In Novell. 89. cap. ult.

** De Thebana Ælian. lib. 2. cap. 7. Romana in l. ult. C. de patr. qui fil. distrax.

*** in l. 1. D. ad L. Pomp. de parricid.

(f) ALIMENTISQUE PRIVARI. Alimenta quidem liberis non deberi, strictè suntò vocabulò debiti, sed in laxâ tantùm significatione, censet H. Grotius II. cap. 7. §. 4. Malè omnino: eum Jus Naturæ præcipiat præstationem ejusmodi, vias quoque in matribus ipsis idèd præparandò; & multò major obligatio ergà liberos, tanquam partem alteram sui, sit, quàm in elientes & similes alios. Jus autem Civile id sequitur, & liberos alendos esse vult, l. 4. §. 5. d. agnosc. & al. liber. donec se exhibere possint. l. 5. §. 7. eod. Num verò Legitima, & quousque, Juris Naturæ præceptivi sit? jam superius expositum est. Aristotelis

sanè doctrina, qui partum mæcum, nec non inutilem, (etiam non monstrum scilicet,) abjici, (quod Reipublicæ scilicet is prodesse posse non videatur,) item ob multitudinem liberorum abortum, antequam fœtus sit vitalis, in locis, ubi Lex infantes exponi vetat, nec tamen alendi eum media suppetunt, procurari posse, voluit VII. Polit. 16., profana est. Quin potius multiplicandæ proli operam dare oportet, licet molesta sit liberorum multitudo, atque Aristoteles magis ad facultatem alendi natos, quàm ad numerum respici debere velit. Nec enim natura editos liberos destituit: atque curæ Divinæ ea permittenda sunt. Hinc quoque LL. Romanæ

Ddd

abortus

abortus procurationem, in partu etiam non vitali, l. 38. §. 5. d. pœn. in crimine ponunt: ut tamen in eo extra ordinem, in vitali ut homicidium, (nec tamen ut parricidium, Carpz. l. quest. II. num. 16.) puniatur. Ceterum quoad parentes discrimen tantum aliquod in alendi modo est; non aliud: nam pater quidem infantem non demum post triennium, sed quamprimum natus est, præter lactationem alere tenetur. Coler. Part. I. de Aliment. cap. 6. num. 4. & seqq. Matri autem omnino integrum non est, ut Hobbes (ex hypothefi sua) docuit, cap. 9. d. Civ. §. 2. an exponere partum, an educare eum velit? vid. Grot. Lib. II. c. 7. §. 4. Nec tamen, licet mater lactare possit infantem, ad hoc, ut propriò lacte illum nutriet, præcisè obstringitur. Etenim mammas solum ad necessitatem dedit mulieribus natura, ut eis pauperes uti possint, & quæ vicariâ nutrice destituuntur: quippe quodd per hanc sæpè melius prospiciatur liberis, matre ægrâ vel non sanæ lactis: nutricem quoque probam eligere liceat; utut naturalis tantum facultas lacte nutricis juvetur: pravitate verò animi non perinde lacti tribuere oporteat. vid. Bartolin. Exercit. II. qu. 1. Quid tamen in adulto filio, si is bona à patre sibi data prodegerit? Adhuc pater ipsum alere tenebitur; Coler I. c. 2. d. Alim. n. 22. nisi ratam ei partem bonorum pro Legitimâ assignasset. Surd. Tit. 7. d. Alim. qu. 5. Bannitum quoque alere obstrictus est pater, cum bannum ea non tollat, quæ natura dicitur. Indeque etiam filius patrem bannitum juvare potest, receptandò quoque eum, alendò, aut viaticò instruendò; quatenus hoc pietate fit & miseratione: tantum illum animò perduelli & hostili juvare non potest, & intrudere, ut ulteriùs patriæ noceat. A. Matth. ad Tit. Lef. Maj. Tr. d. Criminibus cap. 2. n. 20. Nam ita etiam Vasallus Dominum suum adversus filium vel patrem, injuriam Domino inferentes, juvare II. F. 28. II. F. 55. §. insuper. Schrader. P. VI. d. Feud. cap. 5. num. 2. & filius patriam adversus aggressorem patrem tueri, l. 35. d. Religios. (ut tamen, quâ fieri potest, patri ejusque corpori & vitæ parcat,) tenetur. Sed Creditores tamen omnino bona obæratî parentis liberis penitus eripere possunt; ut frustra hi ad alimentorum necessitatem provocent.

(g) AN MERITO. Sic & alibi Cl. Auctor in Nov. 89. cap. ult. negari tantum successionem liberis

illis, tradit; & sic ista alimenta, de quibus idcirco obiter ibi agatur: nam extra ordinem oportere Magistratus prospicere liberis istis, etiam parentum sumptibus. Equidem alendos eos non esse, hoc est, non debere, nec posse, ali, ne quidem ad necessitatem, à parentibus, & ne à matre quidem, d. Nov. 89. c. 15. verbo: parentibus constare videtur. Non obstante, quoad matrem, Auth. ex complexu. C. de intest. nupt. ubi tantum patris mentio ingeritur; ex fonte enim Authentica hæc exponenda est, & ex ratione, quæ in matre æquè militat. Videlicet potiore ex parentibus Authentica designavit. Neque tamen per hoc alimenta quælibet liberis subtrahuntur, ut pereant; quod Anton. Matthæi opinatus est Lib. XLVIII. de Criminib. Tit. 29. c. 3. n. 7. Sed ut dolor inde patri matrique inferretur; Grot. Lib. II. c. 11. n. 4. dum abjectos esse & egenos vident liberos l. un. §. taceat. C. d. natural. liber. Nam quod Mestertius putat L. II. d. Just. LL. Rom. Dub. 7. (qui & ipse opinatur, alimenta solum ea incestuosus negari, quæ naturalibus cum aliquò respectu ad patrem debentur; non quæ naturæ indigentia exigit; adeoque Authenticam non rectè ex fonte sumtam esse:) quasi parentibus inde levamentum potius concilietur, si eximi eos quis putaret Legibus, quod tamen nefarii non mercantur, facile refellitur. Quamvis enim confiscatio illa non sit amplius, quæ bona simpliciter Fisco addicat, oporteat etiam hic intelligi conjunctiones, (sive extrâ formam conjugii, quas complexus appellat Novella, sive per conjugium susceptas,) nefarias, incestas aut damnatas; non quaslibet, quæ contra LL. civiles suscipiuntur. Tamen, utut aliàs necessaria vitæ ab alimentis differant: l. 5. §. 10. 12. d. agn. & al. lib. junct. Nov. 12. c. 2. Nov. 89. c. 11. §. 6. in Nov. hæc distinctio ne quidem per vocem illam, quæ in c. f. pr. habetur, cui similis Jac. V. v. §. extat, firmari non potest. Et quamvis necessariis destitutus occidatur; l. 4. d. agnosce. & al. liber. tamen hic parentes non occidunt liberos, nec contra Jus naturale peccant; quippe impediti. Nec Jus Civile adversum quid ratione liberorum Juri naturali statuit: quoniam alit eos, etiam, quando nefarii parentes eorumque facultates eò non valent; ceu nec naturæ convivium fit, quando duriter & parcè liberos illos vivere oportet. Num vero ex Jure Canonico diversum obtineat? Qu. Affirm. Postquam alia etiam de incestuosus J. Justin. constituta

stituta cessarunt; Idque foro de hinc & Statutis peculiaribus, vid. Pfalsg. L. R. Part. IV. tit. 34. & Reform. Noric. Lib. IX. cap. 34. obtinuit. Probatur hæc sententia per c. 5. X. de eo qui dux. in matr. Ad quod divinatoriè respondetur à dissimulantibus, qui discrimen iurium malè negant: quasi de eò loquatur, qui post mortem conjugis ex personâ, cum quâ, superstiti eâ, adulterium ipse commiserat, liberos suscepit. Neque etiam ipsos iuvat c. 13. X. qui filii sint leg. Illud quidem: an amor sui præferendus sit amoris proli? Scharrokius disquirat cap. 12. n. 5. de Offic. ubi hoc affirmat, & ad exemplum Seleuci respondet, item ad exemplum Davidis II. Sam. XXVIII. 33. Vicissim quomodo parentes à liberis alendi sint? amplissimè exponit ex Theologis, post JCC. Surdum, Colerum & alios, Osiander ad Grot. d. c. 7. §. 5. tum quodnam illud debitum sit? tum quoadusque porrigatur? Quamquam enim H. Grotius non æque ordinarium putet, ut parentes à liberis alantur, tamen parentes effecti, & viribus ad acquirendum destituti, pari necessitate, naturâ etiam iubente, alendi sunt: cum quidem voti sit paterni, ut liberis ipsi potiùs subveniant; II. Cor. XII. 14. quò tamen, si necessum sit, liberorum debitum non minuitur. Interim hæc obligatio causam habet aliam, gratitudinis scilicet pro beneficiis præstitis; quippe quòd procreatio sive natiuitas per se nuda beneficium non sit.

(b) NISI MONSTRA ESSENT. Nam hæc enecare licet protinus, quidni exponere? Cæterum Græci exponebant infantes in ollis fœtilibus; quod nec Romanis ignotum erat. vid. Auctoris II. Digress. 5. Atque huc doctrina Aristotelis de exponendis fœtibus pertinet; quamquam eam restringat ille ad eos, qui membris mutili sunt: Lib. VII. Polit. c. 16. quasi hi Reipublicæ usui non sint futuri; ceu quidem Lycurgus simile institutum suæ Reipublicæ persuadebat. Chineses verò pauperes, & præcipuè quidem fœmellas, aliquando necabant idèò, quòd meliorem ipsis conditionem se paraturos, crederent, si per metempsychosin ad lautiorè conditionem illæ promoverentur. Nec Gentiles miremur, postquam Laymannus Lib. III. tr. 3. Theol. Moral. part. 3. cap. 14. & cum eo Molina, tunc quidem filios spurios exponi posse, asseruere, quando per id gravem infamiam parentes evitare velint; nisi quòd addant, cautione opus esse, ne proles moria-

tur. Quantò rectiùs in l. 4. d. agnoscend. & al. liber. Ictus, quòd qui partum abijcit, eundem necare videatur; suò scilicet sensu, dum paternum affectum ei subtrahit: quem infamia metus in patre liberis innoxiiis adimere non debebat. Adde Nov. 153. cap. 1. & Carpzov. 1. qu. cr. 10. & qu. 15. num. 24. An etiam possit intra viscera partum necare mater, ut ne ipsa pereat, si eidem alias perennandum esset? Qu. Vid. l. 4. de extraord. crim. l. 8. ad L. Corn. de sicar. junctò A. Matth. ad Lib. XLVIII. de Crimin. sit. 5. §. 5. ubi sub dicta limitatione asserit.

(i) VENDERE LIBEROS. Inter Hebræos obtinuisse hanc venditionem & oppignorationem, tradit Hugo Grotius Lib. II. cap. 5. §. 5. Neque istud Juri Naturali adversatur. Enimvero quòd Libertas & vita pari passu ambulent, non nisi certâ ratione procedit; neque etiam venditio fiebat, ut in veram servitutem detruderentur, ut & sub conditione remancipandi. Ferè ad id solum, ut opera magis eorum venderentur, nisi quòd ad filios in dominiò, Jure Quiritium, positos non pertinuisse videri posset, quòd liberi hominis nulla æstimatio aut pretium nullum fuerit. Sanè id asseri non potest, in venditos jus vita & necis fuisse emtori, ut patri fuerat. Vix etiam, quòd filias vendere licuerit; cum non esset permittendum patri, ut pudicitiam earum periculo exponeret. Et quamquam venditio priscis fuerit liberior; deinceps tamen nonnisi ipsorum liberorum causâ venditio illa suscipi potuit, ut liberis ipsis prospiceretur, quando parentes illis alendis non sufficerent, l. un. C. d. patrib. qui fil. distrax. Quòd enim pro solvendis debitis apud Hebræos distrahi potuerint, (Lev. XXV.) illud Juris solum positiui fuit. Et tamen hoc etiam locationi quàm alienationi fuerat propius: maximè quòd post septennium in libertatem redigerentur. Cæterum Lex Thebana erat, ne quis infantem exponeret, nec in solitudinem abiceret; capitis interminatò supplicio, si secus fieret. Quòd si tamen extrêmâ mendicitate pater laboraret, five mas five fœmine infans esset, jubebat Lex, ut à materno partu ad Magistratum cum ipsis fasciis afferretur, qui infantem alii traderet hac conditione, ut iste b. f. infantem aleret, eumque adultum servi aut servæ loco haberet, operis ejusdem in mercedem educationis receptis. Ex quo apparet, quomodo Romani liberorum sanguinolentorum, five recens natorum, venditionem permiserint; & permit-

permittat illam etiamnum ipse Constantinus in l. 2. C. d. t. (qui tamen, sublatis tantum venditionibus aliis, extra dictum casum imaginariam illam venditionem, quæ in emancipationibus vigebat, non fustulit, vid. l. ult. C. de adopt.) Quod vero docent nonnulli, legem Thebanam ab Hebrais venisse: illud demonstrari non potest; ne quidem ex cap. I. Exod. vers. 7. ubi tantum de venditione ad Concubinatum, non simpliciter ad famulatum, agitur; & multa ceteroquin inter venditionem Hebræorum & Thebanorum dissimilitudo intercedit. Vide quoque collationem Legis illius Thebanæ cum l. fin. C. d. Patr. potest. ap. Auctor. d. L. II. Digress. cap. 5.

(K) JURE ROMANO VETERI. Hinc Marcianus, dum in l. 1. ad L. Pompej. d. Parricid. refert Legem Pompejam, (in quâ ad L. Cornel. de Sicar. vel caput ejus, cum & Sylla ante Pompejum Legem suam ad parricidas direxisset, l. 2. §. 32. d. O. J.

provocatur,) & in eâ liberorum mentio non fit; saltem matrem in brevi Institutionum suarum commentatione adducit, & avum, qui parricidii rei fierent. Patris autem, quâ ratione ille teneatur, saltem aliò jure, non meminit. Cum enim tempore JCorum Jus illud vitæ & necis adhuc duraret; vid. l. 11. d. Lib. & postb. ubi quidem Paulus ad tempora suis anteriora quoad rigorem P. P. respicit, & occisionem impunitam, arg. voc. licebat. & l. 2. ad L. Cornel. d. Sicar. ubi Ulpianus, si pater inauditum filium enecasset, illum L. Cornel. quippe quod hominem occidisset, teneri insinuat. Hinc specie exdis eâ, quâ mater, nec dum tenebatur pater, donec Constantinus l. un. C. de his, qui parent. vel liber. patribus add. l. un. C. de emendat. propinqu. domesticum illum rigorem penitus ademit. Itaque in his textibus progressus Juris Romani, & in d. l. 1. vestigium Juris veteris habetur.

V. Denique tædio orbitatis commentum Adoptionis repertum & à multis gentibus usurpatum est, quo extranei in nomen & jus liberorum adsciscuntur. Forma ejus pro more cujusque populi diversa, sed inter vivos fieri debet, fide & auctoritate publica. Sunt & imitamenta ejus, idem quidem nomen, at effectum minime eundem, habentia, qualis quæ per testamentum fit, aut apud veteres Germanos per capillum & per arma (I)*.

* Ritus erat, ut principes juventutis casariam inciderent, quod sumere capillum vocabant. Paul. Diacon. lib. 6. de gest. Longob. Per arma dicebatur adoptio, cum juvenes è manu Principis aut Illustris viri equos, enses, clypeos & reliqua instrumenta bellicorum acciperent, ut est in epistolâ Theodorici Gotbi, quam habet Olaus Magnus lib. 8. à princ. quomodo & Justinianum ab Athalarico Gotbo adoptatum memorat Cassiod. lib. 8. varior.

(I) PER ARMA. Sic & apud Gothos per barba tactum, Aimon. I. cap. 20. vel præcisionem. Idem IV. 23. Per capillos sæpè in Ecclesiâ. Id. IV. 57. Balsam. ad cap. 53. Syn. 6. in Trull., in baptismo. Nec tamen semper illi modi initiationes belli erant cum patrum & filiorum appellatione: tantum quod Romanis hi ritus non probarentur: ut nec assumptio per testamentum in locum filii; atque hoc justâ seu probabili magis ratione. Debebat enim omnino niti adoptio publicâ auctoritate, ob jure familiarum. Unde non aliud testamento licuit, & etiamnum licet,

nisi, ut quem nomen & honorem familiæ assumere faceret, cum bonis quoque. Familiæ autem & agnationis jura non producit: ed quod ad patriam potestatem respicere debeat adoptio: vid. §. 10. I. d. adopt. qualis post mortem nulla constitui potest. Distinctionem v. adoptionis in specie & arrogationis, quam habebant Romani, quamque nunc etiam servamus, ut solum arrogatio desideret auctoritatem Principis aut Curia ejusdem suprema, ed quod in arrogatione de capite Civis Romani statuatur, merito recipere etiam Gentes aliæ.

VI. Potestas parentum in liberos ejusmodi esse debet, quæ ad regimen familiæ sufficiat, & quidem in civitate, ubi est major potestas prædita gladio. Proinde jus vitæ & necis (m), quod olim Romæ habebant parentes, recte novis constitutionibus,* aliarumque gentium moribus, in modicam coërcitionem est mutatum, quia sufficit, inquam, parentibus tantum potestatis, quantum moderandæ familiæ necessarium est, salvâ publici privatique juris & coërcitionis differentiâ.

* In l. un. C. de emendat. propinq. l. 3. C. de patr. potest.

(m) JVS VITÆ ET NECIS. Ne quidem in segrege familiâ Jus vitæ & necis parentibus à naturali jure committitur: eum soli & omni Magistratui gladius ultorâ Deo datus sit: Rom. XIII. 3. Vix enim est, ut in statu Corruptionis abusus potuerit evitari. Rectoris autem vicem post lapsum parentum, qui protinus contigit, Deus ita servavit, ut supplicia ipse de fontibus sumeret. Nec habuit Bodinus de Republ. Lib. I. cap. 4. quare hoc Jus parentibus in Republicâ Christianâ, & ubi copia aded Magistratûs est, restituendum esse voluerit. Neque verò sententia ejus, (quam ex profanis refutat Jo. Zabelius Dissert. Anti-Bodiniana §. 4. ubi & Cruditatis exempla ex ipsô Bodinô VI. cap. 5. num. 737. ei obvertit,) suppetias habere potest ex Lev. XXVII. 28. ubi de consecratione liberorum: à quâ ad occisionem malè infertur. Non etiam Gen. IX. 9. seq. ubi mandatum Divinum totum negotium conficit: non item exemplum Jephthæ, quod ipsum (vid. Osiandr. ad Hugo Grot. II. 5. 7.) accipiunt nonnisi de consecratione ad cultum Divinum, & non aded de immolatione quâpiam. Satis quippe arguit Epist. ad Hebr. XI. 32, ipsum filiam non enecasse, cum & votum ejus, quod nec holocaustum simpliciter continet, solum ad animal holocausti capax pertineret: aded ut si vel canis ei occurrisset, non potuisset illum immolare; ad hominem verò nullatenus extendi potuerit. Verba autem Scripturæ consecrationem alternativè admittant; & particula &, ut sæpè aliàs in Linguâ Sancta,

accipienda sit pro aut: Erit Domino, (sic filiam consecravit ei,) aut offeram in holocaustum; add. Christiani Scotani Dissert. de Voto Jephthæ. Utique Romani jus illud exercebant ferè ad modum judicii, vocatis in consilium cognatis & amicis, atque ex ipsorum sententiâ irrogatò supplicio. Vid. Valer. Max. Lib. V. cap. 8. §. 2. 3. & 5. ibique Rupertum, & Senecam Lib. I. de Clementiâ cap. 15. quod quidem rem & morem illum mitigat. Imò jure externò impunitatis nitebatur illud primis temporibus, internò nonnisi ex causâ, & poterat Respublica delegare parentibus paterna supplicia. Deinceps verò Legem Corneliam subire oportuit patrem, qui illâ potestate abuteretur, l. 2. ad L. Corn. d. sicar. quicquid sit, quod seu parricida non teneretur. Planè apud Japanenses hodiernum pater Jus vitæ & necis habet in liberos; quod & Galli veteres habebant, teste Cæsare VI de Bello Gall. Sed non Hebræi; Deut. XXI. 18. seqq. Germani vero veteres solum adulteras scæminas, (ob scelus quod tantoperè averfabantur,) puniendi jus habebant, Tacit. Germ. XIX. 2. Denique non est Jus tale delegatum, quando Princeps summus gladio in liberos utitur; sicut Philippus II. Carolum filium necari fecit anno Christi 1568. pervincente sententiâ Azpilcueta, salutem Regni potiore esse oportere. vid. Strad. Decis. 1. Lib. 7. Historiam Don Carlos, Append. Viequefort des Ambassadeurs. &c. & quæ nos de Jurisdictione Principum in Uxores & familiam in Comment. ad π. diximus.

VII. Cum autem familiæ imperium sit penes virum, sequi debuit, ut potestas in liberos, quæ civiles validosque haberet effectus, patri soli permitteretur; honore interim & obsequio pietatis matri

æqualiter præstando. Hobbes * argutatur, jure naturæ partum esse in potestate matris solius, quia per naturam puerpera prima suo foetu potitur, (n) verum patriam potestatem esse vel ex pacto matrimonii vel ex Lege civili. Nostra ratio est **, primò honestatem naturalem exigere, ut mulier se non det pluribus viris, sed sub oculis unius agat eique cohabitaret. Unde ex eadem naturali ratione sequitur, virum, qui solus cum muliere semen communicavit, jus in eundem filium recte sibi vindicare, quia ex ipso est, & dum nascitur foetus, æque & facilius manum ei injicere potest, quam puerpera. Sed ratione generationis dicendum, utrique parenti commune & par jus comparatum esse; prærogativam patris jure Gentium, naturali ratione, quod melius erat, monstrante, fuisse introductam.

* *De cive cap. 9.*

** *Dix. in Digression. Justinian. lib. 2. cap. 3.*

(n) SVO FOETV POTITVR. Enimverò non permittit sana ratio, ut ad *Jus Naturale* argumentemur ab eò statu, in quo absque turpitudine morali nemo vivere potest. Nec enim *status naturalis* ejusmodi est, in quo mulier potestatem habet facere id, quod potest; sed quicquid ratio & honestas dicitur, ut *suprà* docuimus. Deinde non ut virum quemlibet admittat mulier, sed unum; aliter genus humanum confunderetur, neque posset partus esse alterius quàm ejus, cujus ipsum vellet ipsa mater: & sic tamen solum indicium filii esset pones matrem, non etiam potestas. Cæterum cum mater æquè in *generatione* locum suum habeat, & potiorē in gestando utero, imò & in concipiēdo & elaborando foetum: maritus vero (sec. recentiores naturæ peritos,) excitet potius virtutem muliebrem, nisi quod sic, tanquam agens quid, dignior sit patiente, saltem quod conceptionem attinget. Ideoque *matri* oportet locum quoque in potestate, ratione liberorum, juxta patrem competere, si generatio (quod asseri adversus *Hobbesum cap. 9. §. 1.* oportet,) seu datio essentiae producenti *rationali*, (quod non etiam simpliciter ut *naturalis* & *physica causa* spectari potest,) in productio itidem *rationali*, quod *imperio* etiam *proximo* indiget, causam potestati præbet, & non occasio tantum est; quod *Pufendorfio* visum fuit. *L. VI. c. 7. §. 4.* Nec tamen generatio sola causam omnem

facit; verum una etiam in seriem causarum venit *educatio*: quæ quidem cum in dignioribus ab auctoritate patris dependeat, utique rem optimè resolvere videmur, si dicamus: societatem paternam *Regiam* esse, & *mixtum* quid, ex formis scilicet Regiis duabus, ut aded nec par matri potestas *Jure Naturali*, & tantum *Jure Gentium* melius rationem monstrante *patri* prærogativa tribuatur: (ut §. 7. *b. in fin. & II. Digress. cap. 3.*) nec enim *Naturale Jus* quicquam in hac re à *Jure Gentium* discrepat, nec potest. Verum ut juxta patrem ei potestas distincta competat, indeque & *Gentium Jure*, quod dicitur, matri non omnis potestas denegetur; quippe in quâ & supersite patre effectus quotidiani potestatis illius maternæ se exerunt, & post mortem quoque patris societatem hanc per illam conservari videmus; saltem quod *impar* sit potestas matris, etiam *Naturali* sive primævo jure, & tantum in suo genere, atque in actibus ad curam muliebrem & maternam pertinentibus: indeque superiorem quidem ipsa non habeat; habeat digniorem: neque accipiat potestatem hanc à patre, sed à naturâ & Lege naturali, atque jure proprio: ut tamen si in quopiam objecto, quod matris imperium concernit, maritus ab eâ *dissideat*, non modò ex reflexu ad societatem *nuptialem*, quæ prior est; verum etiam ad potestatem *familie*, quam maritus tenet, mater prudentiæ & auctoritati patris, modò ratione

ratione ille utatur, in hac quoque specie imperii paterni, quoad liberos, concedat. Ex quo patet, quoddam malè Hobbesius *cap. 9. de Cive, §. 6.* potestatem in liberos pactò matrimoniali, sed hoc cessante, potentiâ matris niti, (*§. 3. seq.*) eique tunc soli competere, scribat, malè etiam nonnulli doceant, imperium paternum fundari in consensu utriusque partis, saltem in præsumtò à parte liberorum. Quos inter etiam fuerat Pufendorffius II. *Elem. Jurispr. Univ. Obs. §. 8.* Nec enim par ratio est Societatis hujus, ut caterarum: & cum potestatis illius causæ veræ sint, quæ in invitos valent; etiam initio constitutionis. Inde frustra de Consensu quaeritur, quò quidem niti hos oportet, qui nulla Jura agnoscunt ante pacta. Educationem in susceptos liberos dum ipsa Lex naturæ præcipit parentibus, non potuit non simul his imperium dedisse, ceu con-

ditionem finè qua non educationis, & in retributionem generationis humane. Indeque non immeritò societatem hanc invitam dixeris, quam velle tamen liberi ratione distante teneantur. Proinde in generatione & educatione, tanquam causis sociis & successivis potestatis illius parentum, subsistimus: quarum prior, cum suò modò perpetua sit; posterioris quoque, (i.e. educationis,) beneficii, quoad vivunt, liberi fruuntur. Hinc saltem pietas & directio parentibus, quamvis è domo ipsorum liberi abscesserint, perdurabit; non durante licet amplius, maximè hodie, rigida illà & stricta potestate, quam etiam Doctores Juris Gentium per tria tempora cum H. Grotiò distinguunt, in L. II. *cap. 5. §. 2.* junctò Pufendorffio in *Lib. IV. cap. 2. per tot. maximè §. 10. & seqq.*

VIII. Cæterum Jura patriæ potestatis tam ad personas liberorum, quam ad res bona & illorum pertinent. In personalibus id juris habet pater, ut quæcunque ad regimen familiæ (o) spectant, in iis filius nihil sine illius consensu possit, adeo, ut pater acta ejus irrita facere queat: (in infantibus res loquitur nullam esse exceptionem.) In cæteris tenetur quidem revereri & observare parentes, sed facultas perfecta patri in illis competere non potest*. Cujus generis videtur esse jure naturæ matrimonium, quod non ad regimen familiæ, sed ejus dissolutionem spectat, præter quod gignendi facultas tam propria & singularis cuique videtur, ut imperio subjici non possit. Sed ratio summa honestatis & gratitudinis, communisque utilitatis, plerosque Legislatores impulit, ut necessitatem vimque coactivam huic rei adderent**, adeo, ut divino & Romano*** aliisque juribus nuptiæ invitis parentibus contractæ nullius momenti censeantur. Jam in causis ad Rempublicam pertinentibus (p) clarum est, cessare debere patriam potestatem****.

* Vid. Grot. lib. 2. cap. 5. §. 1. seqq.

** Vid. Deuteron. cap. 7. vers. 3. Corinth. 7. v. 37. Exod. 22. v. 17.

*** Princip. Inst. de Nupt.

**** L. 9. D. d. his qui sui vel al. jur.

(o) AD REGIMEN FAMILIÆ. At verò non ea pertinent ad patrem, quæ talis est; sed quæ pater est familias: cujus Imperium distinctum ha-

beri omninò debet ab eo, quod ipse habet ut maritus, pater, Dominus; neque enim istud ex his simpliciter est compositum. Non etiam potestas familie

familix adæquatè opponitur *Prudentia Oeconomica*; verùm æquè refertur ad illa, quæ rerum domesticarum curam, quod ferè *Oeconomica* pertinet; quàm quæ *statum personarum* attinent; quæ magis ad *Societatis Civilis* rationem, & si quæ familia in Civitate est, ad *Civitatem* ipsam, ut familiis ea probè contineatur, respiciunt. Enimverò potestatem illam patrisfamilias partim *Civilem*, partim *Oeconomicam*, habere oportet; ut si *prudentia Oeconomica* huc non pertinet, tamen *potestas*, seu facultas altera patrisfamilias, doctrinæ huic omninò propria, nec propterea in hac tractatione, quæ ad *Civitatem* reflectit, *privata* sit. (Aliter ac *Lib. II. cap. 1. §. 1.*) Solemus tantum status distinguere in *Oeconomicum*, qui intrà domum, sed tamen ad *publicam* Civitatis salutem, terminatur: *politicum*, h. e. Civitatis, & *Ecclesiasticum*. Proinde quia imperia illa domestica ad eundem finem collinant, fieri utique potest in imperiis iisdem *non absolutis*, ut unum illorum alii imperio, & omnia Imperio Civitatis cedant; sicut maternum cedit nuptiali, & hòc etiam majus est imperium *familix*; quippe quod jam propius *Civitatis imperio* appropinquat, & exinde modum præcipuè capit; in *familiâ* autem *segrege*, juxta dominos aliarum familiarum, *regiam* quandam formam habet. Igitur *mater* si vulgò concepisset, in partum habet sola potestatem, quæ *patriæ* naturaliter *similis* est; si *familiam* ipsa regat integram, imperium quoque illius tenet. (Quamvis civiliter in *familia agnationis* non sint, qui extrà conjugium, quod istius familix principium est, nascuntur:) *Servus* naturaliter, ut *pater*, in liberos potestatem habet; sed hæc à potestate *Domini*, quæ illi *statum libertatis* aufert, penitus supprimitur. Videlicet imperia illa societatum *simplicium* spectare oportet vel extrà *Civitatem*, vel intrà eam. Ibi vel *distinctim* & *absolute*, ut cujuslibet societatis imperium in se consideratur, quodnam sit & quousque pertingat: (Secus enim de cujusque *modò* in compositione cum imperiis *concurrentibus* judicari non potest;) vel *relatè* & in *consensu* cum imperiis aliis. Sicut igitur in *Civitate* ipsâ datur *subordinatio* imperiorum: sic & in *familiâ*; ubi & *princeps familix* omnibus supereminet. Intrà *Civitatem* verò, ubi etiam ad *familiam agnationis* respicitur, imperium *paternum*, cum à patre sit cognatio, exaltatur eò magis præ materno; & in filios quoque majus & diuturnum magis est, quàm in *statu naturali*.

Quocirca si de libertate quæras liberorum in contrahendò matrimonio in statu naturali; sicut filius, qui *familiâ* egredi potest, non ultrà patris imperium respicere debet, (nam hoc non tantum in generatione, verùm etiam in *educatione* fundatur, quâ non amplius indiget filius:) ita consensum patris solum ex reverentiâ & in vim consilii, ut & matris, adhibere tenetur; indeque neglectò illò conjugium irritum propterea non est. Tantum non potest filius nurus, filia generum parentibus invitis in domum ducere. Sed hoc ad ipsius matrimonii rationem non pertinet. Intrà *Civitatem* verò, ubi patris tanquam Capitis familix & *Agnationis*, habetur ratio, tum & *Successionis necessariæ* in bonis paternis, ad sustentandam seriem familiarum, ut & dotationis filiarum, omninò aliter constitui jure non potuit, quàm ne in potestate liberorum esset, civiles illas dispositiones lubentiâ suâ, ob juventutis calorem plerumque improvidà, subruendi: quin potius omnes ausus illi pro irritis haberentur. Adèd ut quamvis *Jure Canonico* consensus parentum ad validitatem matrimonii non requiratur. (Sanè etiam *Jure Civili* matrimonia à liberis, neglectò consensu parentum inita, non dirimebantur; licèt quoad effectus Civiles sive legitimos nulla essent.) tamen illud solum respiciat ad *vinculum* inter conjuges, quod pontificiis ad nexum *Sacramenti* refertur. *Nostrates* etiam, rem ipsam secuti, matrimonia ejusmodi pro indissolubilibus habent. Interea quantum ad *Jus patrium* concernit: quamvis *Jure Civili*, cum primis *Justinianeo* recentiori, (quò quidem plurimum *Juri suitatis & familiarum* detractum est,) filium ejusmodi iminorigerum pater invitus heredem habere cogeretur, neque illum *exheredare* posset, *Statutis* tamen plurium locorum magis patriæ potestati hæc in re prospectum est; tantum quòd liberi ex tali matrimonio suscepti *legitimitatem* nihilominus consequerentur.

Cæterum quando & quousque liberi parentibus *detrectare* possint *obsequium*, profani etiam rectè definierunt. vid. A. Gellium *N. A. L. II. c. 7.* ibique Commentatores.

(p) AD REMPUBLICAM PERTINENTIBVS. Sed tamen patrem & hîc intercedere posse, quando filius potestate publicâ abutitur, nil vetat, eumque monere consiliò: nam ita consilium patris adhuc superius est proterviâ filii. Sed potestate tamen suâ pater

pater in his uti non potest, quippe quæ publicæ subalterna est. Civilia jura finxere identitatem personarum inter patrem & filium, in rerum juri- bus; quatenus nil proprii haberet filius, sed ex re patris & operis suis ipse familiæ acquireret. Hinc

cessabat illa identitas in *castrensi* & *quasi castrensi*, ut & *adventitio* peculio extraordinario: quæ quidem & ipsa ratione naturali nituntur; cum nec naturâ filius pro patre & vicissim fidejubere possit, in bonis, quæ prioris generis sunt.

IX. Jus in bona liberorum (q) eodem fundamento nititur, & sane quamdiu liberi sunt pars familiæ paternæ, consentaneum est, fructus redditusque bonorum cedere patri ad familiæ sustentationem, ut & lucra illorum, quæ ab ipso patre profecta sunt. Quæ præterea jure præsertim Romano constituta sunt, ea Legum commenta suo loco non inutilia, sed à jure universali aliena sunt.

(q) IN BONA LIBERORVM. Romani, quia Jus familia agnationis à patre deducebant, & à nexu potestatis: Hinc ea, quæ familiæ etiam seu domo tribui poterant, indeque patrifamiliās, ad hunc tanquam patrem, & sic ad potestatem specialem patriam, redege- re. Nam Jus in bona libero- rum, ad patrem, non quâ talem, sed quâ patrem familia, pertinebat; nisi arctius adhuc, non reclama- nte Jure naturali, Civile Jus Romanum, dominia rerum in familiis restringenda, ad institutum fami- liarum agnationis, censuisset. Quâ ratione peculio- rum distinctio ad patriam potestatem relata, & publici quid, in quo potestas illa cessaret, in libe- ris, etiam si adhuc in domo & familia patris com- morantibus, circa peculium castrense & q. ca- strense, admissum est. Et quamvis inquit, ubi rigida adhuc erat patria potestas & propior domi- nicæ, in arbitrio potestatis civilis ceu dominæ re- rum, fuerit, nil quicquam bonorum relinquere

liberis; Tamen postquam & liberos, quamvis sub potestate adhuc constitutos, domini capaces esse placuit, distinctio peculiorum, profectitii quoque & adventitii, mitiori jure, introducta est: ut ta- men adhuc utrobique ad patriam potestatem modus illorum componeretur. Imo quantum ad dispo- sitionem inter vivos, plus liberis permissum est Le- gibus Romanis. Inter mortuos verò noluere alium disponere etiam de suis posse, nisi qui esset pater- familiās, sui que juris, (aut pro tali haberi posset,) eò quod testandi Jus publicum esset; adeò ut hæcenus non tam ad patriam potestatem, quâ talem, respiceretur: secus filio super adventitio testaturo pater consentire potuisset. Tantum, ut de bonis filii & sic de alienis, disponere posset pater, ex potestate patria pendebat: unde & sub- stitutio pupillaris in liberis, in potestate positus; nec tamen id post mortem patris, ultra liberorum pubertatem.

X. Solvitur patria potestas jure Gentium non morte tantum aut ademptione libertatis & civitatis aut emancipatione voluntaria: qui modi jure Romano sunt cogniti; Sed & matrimonio separataque habitatione, (r) quia nunc ipsi liberi novam condunt familiam; quam- obrem ætate verius est non solvi potestatem. Quid si paterfamilias moriatur, (s) an omnis potestas familiæ solvitur? Ita Romanis vi- sum; sed à Jure Gentium non videtur abhorrire, ut mater, quæ fuit socia regiminis, & cui potestas ordinis saltem causa, utque cederet marito, negata erat, patre defuncto, succedat in imperium, donec so- cietas domi manebit.

(r) *SEPARATA HABITATIONE.* Romani hæc distincte habebant. Et quanquam *filiusfamilias* maritus suæ domus imperium, in uxorem & servos, suoque modò in liberos suos teneret: non tamen erat *paterfamilias* respectu *potestatis* illius, quam ad agnationem & statum sive *caput familie* illi adstringebant. *Naturali* autem jure non tam *etate* quis subducitur potestati patriæ, nec prudentiâ, quodusque *in domo patris* subsistit; quàm si tunc separatam familiam ineat. Indeque filius, ductâ etiam in domum patris uxore, suppositus & *familie domino* manet, & *patri suo*: quin & *nurus* subicitur *sacerò*; nec tamen ut *patri* ejusque potestati patriæ, sed ut *patrifamilias*. (vid. obiter de *Judicio Socris* in *Thamarem*, Genes. XXXVIII. 24. Gerhard. *Loc. d. Magistr. Pol. §. 301.*) De *abdicatationis* sive *ejectionis* è domo paterna, & *emancipationis*, ut & utriusque discrimine ab *exheredatione*: tum & de *separatione* liberorum per *Germaniam* usitatâ, ad *Jus Civile* dictum est.

(s) *MORIATUR.* *Civili Romanorum jure* effectus *patriæ potestatis*, quos inter etiam tutoris est constitutio, *ultrâ mortem* patris, ad usque *pubertatem* liberorum porriguntur; estque *tutela* vicaria quædam potestatis patriæ: *materna* verò tutela, tunc quidem, ubi ad *agnationum* jura non adeo respexit *Justinianus*, invaluit; saltim quòd *domus* cura in *matremfamilias* à morte patris devolveretur; eaque *educationem pupillorum* continuare posset. Cæterum quòd pater *vi potestatis patriæ* liberis suis tutorem dare potuerit, & non per *confecutionem* dispositionis *de bonis suis*, ex hoc evidens est; quoniam tutor datur *persona* inò *exheredato*, cui nil bonorum relinquit pater, neque *ultrâ pubertatem*, & tamen bona posthàc etiam *pueres* retinent. Idemque in substitutione pupillari observamus. Cur enim aliàs *minori* curatorem non daret pater, quando ei bona sua relinquit. Imò *simpliciter* facultas illa dandi tutorem *patriæ potestati* meritò adscribitur, quæ etiam *pauperrimi*

esse, & *patris & filii*, potest. Tantùm si *alius quis* impuberi tutorem constituebat: ille confirmabatur, quando impuberi simul *bonorum* quid reliquisset testator. Videlicet hic erat *modus*, circà bona impuberi relicta: quem tamen *publicâ Magistratûs auctoritate* juvari oportebat; ut non valeret tutor, tanquam *ab illo testatore* constitutus, vid. l. 4. ff. *et C. d. Legit. Tut.* Neque etiam *JCti* demum facultatem hanc propriam fecere potestati patriæ; quasi antehàc *Leg. XII. Tabb.* haud obtinisset. Nec enim in *L. XII. Tabb.* alius, nisi is, qui *in potestate* habebat liberos, intelligitur in hoc: *Paterfamilias uti super pecuniâ tutelæve rei sue legasset, ita jus esto.* Et in l. 53. d. V. S. tutor non dati posse dicitur *sine pecunia*: h. e. tutelæ constitutio est *accessorium testamenti* super pecuniâ. Est verò *naturali* quoque *juri* congruum, ut pater de liberorum educatione *post mortem* suam dispicere possit; nec minùs ut, in defectum illius dispositionis, ad eos, qui & *sanguine* propinqui sunt *pupillis*, & eorum bona expectare possunt, cura ista pertineat; idque *sine decreto Magistratûs*: atque hinc ad agnatos illos, protinus à morte patris, *periculum* tutelæ pertineret. Quicquid sit, quòd *Solon*, in legibus *Atticis*, propinquum successorem pupillo tutorem esse noluerit; ob vitæ scilicet infidias. Et tamen etiam à *non tutoribus* illæ metui poterant: tum & pater testamento *removere* poterat *agnatum*, in quò fiduciam non habebat. Denique discrimen inter *tutelam* & *curam juri* quoque *naturali* consentaneum est; quippe quòd hoc etiam *ætates* distinguat? & sicut *minorum*, ita & *curationis* eorum à tutelâ in *pupillos* diversa ratio sit. Atque hinc *invito* minori curator ne quidem *naturaliter* dandus sit. Quare nunc etiam discrimen illud retinetur: quamvis *Tutor et Curator*, apud *Germanos*, ut & apud *Græcos JCti*, idem nomen habeant; nec non hodiè plerisque locis geminam illam potestatem unum idemque *subjectum* successivè teneat.

XI. Porrò per connubia filiorum (nam filiæ innubunt in alienas familias, unde & capita & fines familiarum dicuntur) propagatur familia, omnesque nominis & cognationis participes, ejusdem familiæ esse dicuntur*. Sed cum origo sanguinis ultrâ memoriam hominum provehitur, desinit agnatio, & ex eâdem stirpe progeniti gentiles dicuntur,

cuntur, distributi in diversa familiarum cognomina, licet omnes ultimi progenitoris appellationem retineant. Ita fit progressus à familiis proprie dictis ad agnatos, ab his ad gentes, è gentibus civitates colliguntur.

* *Vid. l. 195. §. pen. & ult. ff. de Verb. signif.*

CAPVT III.

De Dominis & Servis.

ARGVMENTVM.

Definitio servitutis Grotiana. Praefertur Jctorum, qua explicatur, ubi de causis justae servitutis. Solvitur quaestio duplex: an liceat illis resistere dominis, & an fugere possint. Rectene hodie sublata sit servitus.

I.

Quanquam servi per se membra civitatis (a) non sunt, tamen ad familiam sine dubio pertinent atque ita sunt in civitate,

(a) MEMBRA CIVITATIS. Sic itaque late sunt jurium publicorum, & peculiariter in societatem illam assumti: quâ ratione *Princeps* quoque *civis est*. Agunt videlicet cives per se in civitate, ut focii; unde cives ne quidem uxores dici possunt, stricto sensu, partes reipublicae sunt solum *sives*, qui participes

II. Servum Grotius definit, hominem qui perpetuas operas pro alimentis debet*, exemplo Chrysippi apud Senecam, qui servum ait esse perpetuum mercenarium**. Non malè: nam tales sunt servi; at non plenè, quia plus jure Gentium inest servituti, quicquid dominio rei cujusvis (b) inesse potest, abutendi quoque & perdendi facultas. Unde efficacius Jcti, servitutem esse docent, constitutionem Juris Gentium, quâ quis dominio alieno contra naturam subjicitur. Contra naturam, id est, contra statum naturæ, seu conditionem hominum primævam, non contra jus Naturæ, (c) sive dictamen rectæ rationis.

* *Grotius lib. 2. cap. 5. §. 27.*

** *Seneca 7. de benef. 4.*

(b) DOMINIO REI CUVSVIS. Eleganter rerum vicem teneant servi homines: ut tamen servo injuria fieri possit; contra quam *Hobbesius*

Ecc 2

cap. 8.

cap. 8. de cive docuit. Aristoteli I. Pol. 3. servus est *organum animatum, rationis particeps, activum & separatum alterius bono, existens*. Quæ tamen definitio nec ipsa *dominii*, quod fieri debet, mentionem injicit.

(c) NON CONTRA JVS NATURÆ. Quando enim *libertas* dicitur esse *Juris Naturalis*: illud hoc sensu intelligendum est, quò quid dicimus esse *juris Nat. negativè*, h. e. ut *servitus jure Naturali* introducta non sit. Quamvis autem Hugo Grotius *Lib. III. cap. 7. §. 1.* *servitutem contra naturam* dicat; quasi *libertas* omnibus hominibus sit *naturalis*. Tamen (1) *statùs* illi præscindunt à respectu naturali; quanquam *causas naturales* habeant. (2) In hypothese *naturæ adversario* non est *servitus*. Nimirum *facultas naturalis* est *libertas hominis physica*. Hæc autem, ut *Jure* circumscripta est, in *Moralem* transit: quâ ratione non possumus illa *moraliter*, quæ juri adversa sunt; licet ea *naturaliter* possumus. *Servo* autem *libertas* quidem *naturalis* competit; & tamen hujus etiam *actus secundus* impediri potest in his, quæ in genere *morum* non considerantur. Unde est, quod *Seneca* ait *III. d. Benef. cap. 20. animum servi non servire; sed sui juris esse*. Imò *servus* non tantum *vi & jure, communi* illò & ad quosvis pertinente, impeditur, quò minus agere secundum *naturalem* illam *libertatem* possit; verum etiam *jure dominii*, sive *legibus* illud *jus, sive facultatem*, quam dominus habet, *desinientibus* constringitur. Adeò ut *exteriore* actiones *servi* per illas, etiam in his, quæ alii sine *vi* nec impediende *juri* possunt, impediuntur, per conditionem *statùs* ipsorum animus videri queat. Equidem *Deus* in creatione jam dedit homini *arbitrium, sive libertatem* contradictionis & contrarietatis, quâ actiones suas *externas* alii subicere, etiam ad finem certum, domesticarum v. c. operarum, (quæ existere poterant citrà *indigentiam & incommoda vitæ humanæ*) posset; indeque *naturaliter* licitam *servitutem* evincitur: tum & *disparis ingenii* extituri fuerant homines, etiam in *statu innoxio*: ceu *varietas* quoque in aliis obtinebat. Et multò magis igitur *naturalis* erit *servitus*, seu congrua *Juri naturali*, post lapsum hominis.

Neque tamen illa sententia, quæ vult, *servos naturâ* dari, quatenus nempe imbecilles ingenio

aliis *naturâ* subesse oporteat: admittenda est. Quales *servos* non *stugulos* tantum, ut de *Caligula* apud *Tacitum* VI. *annal. 20.* *Passienus*: *neque meliorem unquam servum, neque deteriore damnum fuisse*. (*Sueton. in Claud. cap. 29.*) Sed & *integros populos* dari, volunt. add. *Bœcler. II. ad H. Grot. cap. V. num. 17. pag. 178. seqq.* Nam (1) *natura* intendit perfectum: v. g. *cæcitas* non est secundum *naturam*. (2) homo tanquam nobilissima creatura non est secundum *naturam* alterius gratiâ. (3) imbecillis ingenio regi tantum debet, v. g. à tutoribus; sed non in *servitutem* detrudi. Quin & *Gentes* tales non tam ingenio destitutæ quam *cultu* sunt, & aptæ ad se regendum fieri possunt, *beneficiò religionis & disciplinæ*, quarum *præcepta* illis subministranda sunt. Debemus enim gentium illarum salutem intendere, si eò deduci se patiantur; sed non *herili* modò, nec ut inde in eos *causam imperii* nostri exstruere queamus. Nec enim *justitia* acquirendi ejus à qualitate tantum *subjectorum* pendet, ceu nec *modus imperii*. Hugo Grot. II. 22. 12. Quippe *imperium* quoddam in *natura* dominos, quos vocant, *justum*: & non omne in *servos*, *naturâ* herile *justum* est. Nil facit in adversum, quòd *societas herilis* sit *naturalis*: Ergo *subjectum* quoque à *natura* dispositum ad eam dari oporteat. Resp. Ideò dici *naturalem*, quia est *naturâ* prior compositis; adhibetur vero etiam ad *servitutem*, qui ingenio validus est. Deinde diciur *naturalis*, sensu eò, quò *natura* permittit, ut operam nostram alii addicamus. Possis quoque dicere, etiam *legalem* *servitutem* fore *naturalem*: quia *legalis* quoque *societas* est *societas herilis*. Si verò iterum *statum innocentie* objicias, quasi *integras* non *futuras* fuisse in eo *familias*, ex hypothese nostra sequeretur. Dicendum est, obsequium non *servile* in eo, sed *liberum*, & ministerium potius quam *servitium*, *futurum* fuisse: quâ ratione non debuissent obsequium ex conditione *statùs*; quod nec ad *servitium* in familia necessarium est; sed prout hodie homines *liberos* in ministerio nostro habemus. Post *statum* verò *corruptum*, si dicere velis, *servitutem* illam stupidorum esse *secundum naturam*, licet depravatam: in effectu aliud non dices, quam quòd sit *præter naturam*. Sed hæc ratione *Aristoteli* iterum *adversabimur*, qui in *III. Polit. 7.* velle hoc *naturam*, ingerit;

ingerit; item esse hoc ex intentione ejus. De Lib. III. cap. 3. & Lib. VII. cap. 3. §. 2. Conf. etiam incommotis, quæ ex *hypothesi Aristotelis* in Rempublicam redundare possint, scite Pufendorff. Richterum, in *Epist. post Heinsii Orationes*.

III. Multæ enim servitutis justæ (d) possunt esse causæ, veluti conventio, cum quis impos sui tuendi, se dedit alii defendendum aut alendum, hac lege, ut in ejus potestate sit & imperata faciat, quod Jure Romano & Mosaico (e) permissum. Secundò alimentorum præstatio; neque enim est iniquum, ut pro alimentis operæ præstentur, & is, qui infantem, verbi causâ, expositum aluit, accedente Legis autoritate eum habeat in dominio. (f) Tertiò jus belli, nam quos occidere honestum est, ut jure belli notissimo constat, eos servare ad serviendum (g) non potest esse inhonestum neque injustum. Quartò natiuitate, cujus ratio non tam est, quia, si domini nollent, liberi è servis non nascerentur, ut Grotius; (h)* sed quia pars sequitur jus totius, & quia foetus à domino, tam ante quam post natiuitatem, alius est. Denique propter delictum potest quis justè redigi in servitutem, ut hi qui in metallum (i) vel ad remos aut ergastulum perpetuum damnantur.

* lib. 3. cap. 7. §. 5. idem lib. 2. cap. 5. §. 29.

(d) JUSTA. Hinc falsum est, quod habet Hugo Grotius Lib. III. cap. 20. §. 2. quoddam servi nomen ex injuriâ natum sit. Nam utique ad libertatem non est jus quoddam, quod obliget. Quamquam non in potestate civis Romani esse voluerint LL. nostræ, ut is simplici pacto servus fieri posset; l. 10. C. de liber. caus. non quasi statum servilem improbarent; sed quoddam nollent quenkam, præter meritum suum, & nisi improbitas intercederet, in servilem conditionem, duram videlicet & abjectam, in Republica florente, detrudi posse. Causam si respiciamus herilis potestatis: malè Hornius imperium dominorum Deo immediatè tribuit; - prout rectè eum notavit Pufendorff. Lib. VI. cap. 3. §. 4. ubi simul docet, servitutis primariam originem ex conventionione deduci debere; nec adeò bellum esse causam ejus originariam, sed succedaneam potius: postquam homines commoditatem servitii deprehenderint; quippe quæ propterea etiam captos potius servari, quam occidi persuaserit.

(e) JURE ROMANO ET MOSAICO. §. 4.

Inst. d. Jure Personar. Exod. XXXI. 6. vid. tamen d. l. 10. & Dd. ibid.

(f) IN DOMINIO. Lib. II. C. de Infantibus expos.

(g) EOS SERVARE AD SERVIENDUM. Bachov. hanc rationem impugnat. Cum enim occidi ne quidem potuissent in bello capti: ideo pretextum tantum servituti hoc modo fieri. Enimverò, de resistentibus adhuc in bello LL. Rom. accipiendæ sunt. Et cum tota Respublica, quâcum bellum nobis intercedit, fortunæ bonis exui possit: etiam in membra ejus idem licebit; & libertas hætenus fortunæ donum est. H. Grot. Lib. III. cap. 14. §. 1. ibique Feldenus, nec non Pufendorff. Lib. VI. cap. 3. §. 5. & 6.

(h) UT GROTIUS. Grotii rationem (add. II. VIII. 18. ubi Jure naturali partum sequi ventrem, adæquatò fundamentò carere putat,) Osiander improbat videtur, ad Lib. III. cap. 7. §. 2. quia dominus videlicet, etiam si physice servos non producat, moraliter tamen eos produxisse censetur. At

Ecc 3

verò

verò (1) in eos tantum quadrat ratio *H. Grotii*, qui bellò capiuntur; indeque solum perpetua est in ipsis servis bellò captis, & quoad originem, ex more illò *Gentium*; sed non (2) quoad propagationem, de qua quæritur, & in eos, qui ex his deinceps geniti sunt. Postquam enim Jus vitæ & necis *Lege Roman.* inhibitu esset: adhuc ex ancillis servi nascebantur. (3) Ex fœminis nascuntur servi, etiam patre liberò: ut non tam persona præeis, quæ occidi potest, (siquidem & servi poterant enecari,) quàm venter spectetur; nec tam domini voluntas, quàm conditio proximi subjecti, rem conficiat; ceu soli ejusdani, in quod semen jacitur: ut fructus deinde non jure feminis, sed soli, censeantur; velut alias in fructibus naturalibus. Non etiam sicut pars totum sequitur: sive patrem, cujus & pars est, respicias: sive matrem, quæ ventrem alit: nec enim venter pars matris, ut nec fructus omnimodò pars soli est. Imò & usufructuarius ancillam & ventrem alit; nec tamen illius sit partus ancillæ. Est deinde notandus *H. Grotius*, quando in *Lib. II. cap. 8. §. 14.* junctò *Lib. II. c. 2. n. 29.* non modò matrem sive ventrem respici debere putat; sed & partum quoque, saltim ex parte, ei deberi vult, qui servi sive masculi dominus est. Nam & hanc sententiam meritò refellit *Pufendorff. Lib. VI. c. 3. §. 9.*

atque cum non tam de subjectione alterius ut in §. 19. de R. D. l. 5. §. 2. de R. V. & similibus, quærat, quàm de statu; & si diversæ conditionis sint pater & mater, commisceri statù non possint: meritò conditionem matris, quæ nullò tempore etiam quæ extra nuptias spectatur, incerta est, sequimur. Quanquam verò *Osiander* in *Lib. II. c. 8. §. 14.* saltim de eo casu dubitet, an si mater se vendit, soboles quoque ejus servituti futuræ obligari possit? quasi homo, cujus gratiâ omnes fructus sunt conditi, non debeat ullò modò inter fructus domini computari. Tamen & in hoc casu regulam Juris sequimur; & verum ramen manet nihilominus, quòd partus ancillæ in fructu propriè non sit. §. 19. & 38. J. de R. D. Unde & ad usufructuarius ancillæ partus non pertinet: nam fructus cuique rei proprius est; l. 12. §. 1. de usufr. at verò ancillarum fructus sunt opera l. 27. de pët. hered. Interim in accessione est partus, & dominium ancillæ meritò sequitur; ex his, quæ d. l. *Pufendorffius* quoque commentatus est.

(i) IN METALLVM. De servitute illà *panæ*, quæ tractum temporis habebat, ad π. egimus; ubi simul etiam, an hodie ad remos damnati servi fiant.

IV. Duo præcipuè de servis quærentur, primum an & quâ ratione prohibitum illis sit, resistere dominis, dein, an fugere possint. *Hobbes* * distinguit, (k) ut si in vinculis aut ergastulis habeantur, non modo fugere illis liceat, sed & resistere, imò occidere dominos. Quod si dominus servum nec vinctum neque inclusum teneat, videri tacitum intercedere pactum, quo servus ad parendum patientique pro vitæ præmio, quod victor ei largitur, se obligaverit, cujusmodi plerumque etiam expressum intercedit.

* de cive cap. 8.

(k) *HOBBS DISTINGUIT.* *Hobbesum* probat *Pufendorffius* in *Lib. VI. cap. 3. §. 6.* & simpliciter ad hoc attendit, an servum vinctum ex bello nec dum in gratiam receptum teneat dominus: ut hoc casu fiducia nulla nullumve pactum, inter servum & victorem, intercessisse videatur; adeò, ut ex simplici vitæ condonatione, aut necis dilatione, non putet ipse oriri obligationem servi, ut

domino pareat suo; sed potius bellum inter ipsum & dominum intercedere; atque huic in servum idem quod in hostem licere. Et sane non simpliciter est spectandum, an bellum finitum sit, nec ne: prout *Osiander* eò respexisse videtur, ad *Grot. L. III. c. 7. §. 6.* Hactenus enim, quoad vinctum tenet dominus servum, ipse adhuc, etiam finitò bellò, rigorem in eum exercere velle credi potest; siquidem

dem hic in questione cum *statum* dominicæ potestatis supponimus, ubi jus vitæ & necis dominis in servos adhuc competit. Aliàs autem *laxato* servo nefas esse putandum est, illum occidere, à quò cum is haberet jus occidendi, vitam ut optimum spoliū adeptus est servus. Cæterum sententiam indistinctam *Pufendorffii*, dum nullum iustitiæ belli respectum habet, admittere non possumus. Rectius utique *Auctor*, §. 5. b. Ita ut illo-

rum quoque sententiæ probari nequeat, qui in *bellō etiam iusto*, adhuc dum nempe durante eò putant *ausugere licere* servis, si modò in patriam & ad suos aufugiant; non verò ut ad alios: nimirum ut quoadusque intrà fines hostiles degunt, illi domino ei servire teneantur, qui ipsos in servitutem redegit; nisi quòd eosdem alibi recipientes damnum prioribus dominis restituere teneantur: nam quoad ipsos servos nil interesse videtur.

V. Planè in his, qui bello sunt capti, non videtur aliena à ratione hæc distinctio; quin solidius servilis patientiæ fundamentum, quam alii tradunt, suppeditare videtur. Unde resistendi facultas ejusmodi servis, iusto, id est, solenni bello captis, neutiquam danda videtur, sine differentiâ iustæ vel iniustæ belli suscepti causæ. Neque id tantum externo jure, sed ita, ut animi quoque servorum vi expressæ vel tacitæ conventionis adficiantur. Verum ad obligationem non fugiendi tacita illa conventio sufficere non videtur, maximè ad suos & durante bello; longe enim potentius est recuperandæ libertatis desiderium, quam ut ei tacitè renunciatum videri possit. Quod si bellum careat solennibus Juris Gentium requisitis, non fiunt capti jure servi, proinde nec ejusmodi tacita oritur obligatio, ut in his qui piraticâ aut latrocinio barbarorum (l) capiuntur. Porro cum his, qui ob delictum fiunt servi pœnæ, nullum initur pactum neque tacitum neque expressum: jus tamen resistendi non habent jure damnati, fugere quo minus jure possint, (m) nihil ob stare videtur. Voluntaria servitutis obligatio modum accipit (n) ab expressâ vel tacitâ voluntate contrahentium, expressa per se terminatur, tacita in qualibet civitate jus habet idem, quod publicè de servis receptum; tamen extra liberum jus vitæ & necis, quod ex pacto non oritur, (o) sed jure externo tantum valet, quatenus in civitate impune fit.

(l) PIRATICA AUT LATROCINIO BARBARORVM. At verò ab his captos fuisse *servos* factos, & in iis *postliminium* obtinuisse, patet, ex l. 5. §. 2. de captiv. & *postlim. revers.*

(m) FUGERE QVO MINVS JURE POSSINT. Quasi *auctor* velit, posse quemlibet se *pœna* subducere. At verò (1) longè diversa sunt, in libertatem naturalem se vindicare; quod *Jus Gentium* permittit: (tenentur enim servi contra

fugam vineli;) & à pœnâ promeritâ se subducere; cum malefici *custodiantur ad supplicium*. Servi autem servitutem non debeant, & *communi* infortunio involvantur. Tum & *dolus* in hostem licet. Quanquam ne quidem in libertatem se quis vindicare possit; nisi quodusque *servitus* constet *violentiæ*. (2) Servitus pœnæ invitis, ex *Legibus Civitatis*, jure *Magistratus* infertur; at verò ordinationi divinæ non tantum quis non repugnare, sed patient-

patientiam ei præbere, nec subducere se aliumve ei potest. (3) Reclamant Leges, quæ in fugientes è carceribus, licet nondum reos sive condemnatos, late sunt. (4) Hypothesin eam videtur fulcire *Auctoris* sententia, quod pœnæ in Republica simpliciter necessariae non sint; de quâ *inferius*.

(n) MODVM ACCIPIT. Ad voluntariam hanc speciem pertinet doctrina *Grotii*, in *Lib. II. cap. 5. §. 29.* quando putat, servos ob *sævitiā* dominorum fugere posse. At verò non evitat *Grotius* dictum *I. Petr. II. 18. seqq. it. I. Reg. II. 39. & 40.* Sunt enim contrà *sævitiā* præstò remedia publica: & diversa sunt, fugere; & ad statuas, item *Magistratum*, confugere: quod posterius in remedii potius locum servis concessum est. Utique, *Jacobi* cisseffum à *Labane*, *Genes. XXXI.* quod attinet, in exemplum trahendus ille non est: cum ex oraculo divinò speciali pendeat.

(o) EX PACTO NON ORITVR. Nec enim in Republicâ pactis privatorum ea dantur, quæ *Magistratus* sunt. Hinc *Jus vitæ & necis*, etiam parentum, in Republica Roman. ex lege *permissivâ* pendebat, ut quasi executores essent parentes publicæ potestatis. Alias enim, si *Jus vitæ & necis*, saltem dominorum, pependisset ex pacto, quidni potuisset omni tempore, etiam post constitutionem *Antonini* dominis à servis pacto conferri? Equidem ex *Jure Gentium* seu *victoriæ* non magis illud *Jus* in servos, servatos scilicet ad operas perpetuas, acquirebant; sed potius ex *Civili jure* & potestate fuerat occisio illa, etiamsi in immerentem, & sic *impunis*. Quod si *Jus Naturale* respicias, nil inde conficietur. Nam homo in hominem *Jus vitæ & necis* absolutum non habet: cum vitæ dominus sit *Deus*, & in bestias solum potestatem enecandi homo ex concessione divina exerceat. *Genes. I. 28.* Imò postquam *Deus* ipse inter primos homines *Jus* illud vitæ & necis exercuit, & dehinc *Magistratui* peculiariter concreditum fuit: per hoc erepta est potius vis omni illa cæteris, qui *Magistratui* subiecti sunt. Idem hoc est, quod *Grotius* habet *Lib. II. cap. 5.* quando dominis in servos *Jus vitæ & necis* nunquam competiisse docet, absolutum scilicet illud, sive promiscuam enecandi facultatem. Ne-

que enim ullum est dubium, si hodie dominus quidam in loco separatò degat, cum numerosa familiâ; veluti in Insulâ: quò minùs ex idoneâ causâ ultimum supplicium servo inferre possit. Sed tamen hoc non utique ex jure potestatis dominicæ procedit: ut quidem vult *Ostander ad d. l. Grotii*: nec enim unquam homini, quâ privatus est, *Jus vitæ & necis* competit; sed potius ex jure quodam imperii publici. Nam potestati dominicæ, quâ talis, solum illæ coercitiones imputandæ fuerant, quæ morte inferiores erant. Nunc quidem famuli nostri & ancillæ mercenarii verbera tantum & increpationes pati debent? sicut & liberi ratione parentum illa sustinent. add. *Stamm. de Servitut. Personar.* Illud superest, ut dispiciamus, annon *Hebræorum* jure servorum ea vilitas fuerit, ut potuerint à dominis interfici; saltem ut non pœna homicidii in eo genere hominum, servorum scilicet, obtinuerit: nam *Exod. XXI. 20.* dicitur, si quis percusserit servum suum vel ancillam virgâ, & uno die vel duobus supervixerit, non subjacere eum pœnæ, quia pecunia illius est. Equidem quodd in illo locò, de casuali homicidio, non de voluntario, agatur: ex instrumento, quod virga aut baculus esse debet, satis constat; maxime quodd in *cod. Cap. v. 26 & 27.* si quis oculi damnum vel dentis servo aut ancillæ intulerit, dimittere eos teneatur. Ex quo colligimus, ne *Jus* quidem membrorum dominis *Hebræis* in servos suos competiisse. Eleganter *Jctus ad L. Corn. de Sic. Servus, si plagis defecerit, nisi dolo id fiat, dominus reus non potest postulari.* Modum enim castigandi & in servorum coercitione placuit temperari. Quin & (3) si mortui fuerint servi in manibus castigantis, *Hebræa* quoque lege reus ille homicidii habebatur; sic enim satis de dolo constare poterat. Denique *Hobbesum* rectè refellit *Pufendorff*, quando iste negat, servo injuriam fieri posse: quasi volenti non fiat injuria; dum domini voluntati suam voluntatem subjecerit. Sic enim nec subito à Principe injuriam inferri posse sequeretur; ceu quidem vult *Hobbesius*: quod absolum est. Idem etiam *Pufendorffius §. 7.* benè explicat, quâ ratione rebus servi in jure nostro accenseantur.

VI. Plura de his nihil attinet dicere; quia Christiani servitutis usum inter se pridem sustulerunt, iidem infideles armis suis non infestant,

festant, sed innumera illis mancipia ipsi undique suppeditant. Non desunt, qui servitutis usum inter populos Christianorum ita penitus nollent sublatum*. (p) Speciosum esse charitatis obtentum, sed inutilem; multam inde colluviem hominum redundasse, quos licentia & egestas ad flagitia aut mendicitatem adigit, qui servitio melius tenerentur, cum nunc ministeria familiarum coarctentur, procacibus ingenuorum operis. Adde, cædes, servitute sublata, esse frequentiores, quod Romani in civilibus bellis experti, quibus capti non erant servi**.

* Vid. Busbeq. epist. Turc. 3.

** Vid. Tacit. lib. 2. cap. 44. Plutarch. in Othon. & JC. in l. 21. §. 1. de captivitat. & postlim.

(p) NOLLENT SVBLATVM. Utique maximum rei familiaris & publicæ subsidium in mancipiis, eorumque ministeriis, (de quibus latè post Pignorium, Knichenius in Lib. I. cap. 3. Op. Polit.) constituisse, ex eò colligitur, quod Athenæo teste ap. Corinthios 46000. servi fuerint reperti, atque civium Romanorum quidam ad 20000. & amplius fervorum habuerint. add. de Usu servitutis illius perfectæ, quam vocant, Busbequium d. Epist. 5. Est autem sublata servitus illa penitus sub Friderico II. Imperatore, quasi servos esse non conveniret eos, quos Christus in libertatem asseruit; vel potius, ut occasio tolleretur, augendi numerum hostium ex transfugis, servis Christianorum: nam aliàs sanè, sicut mancipiis imponenda non sunt, nisi quæ digna sunt homine; indeque Libertas Christiana non adversatur, quæ præterea ad spiritualia tantum spectat; non ad socialia. Ita nec divinæ or-

dinationi servitus repugnat; I. Cor. VII. 21. maxime si servitutem voluntariam respicias. Quanquam nec reliquæ species divinò jure damnatæ uspiam reperiantur: & justitia servitutis bellicæ satis superius evicta sit; modò inferatur servitus membris hostilis Reipublicæ, non etiam innocentibus, qui in hostico sunt; nec etiam ex bello non iusto. Illud verò haud dubiè falsum est, quod tradit Grænwegen ad Tit. Inst. de Jure Personar. quòd servi ex Indiis vel aliunde adducti, statim ac fines nostros attigerunt, ad Libertatem proclamare possint. Imò ne quidem à Turcis accepti, quamvis Christianismo nomen dent, nisi à duritie servitutis liberentur; servitutem verò ipsam, saltem quoad personam suam, (in liberis enim, qui deinceps ex ipsis nascuntur, secus est,) adhuc ipsi serviunt: indeque Jus Patronatus Dominium illud propè accedit.

VII. Videntur tamen nonnullæ certis in locis superesse reliquæ fervorum, ejus generis*, quos latini adscriptitios vocant, homines certo fundo colendo addictos, qui à Gallis manus mortuæ, Germanis homines proprii vocantur; qui pariter cum fundis vendi possunt, & quicquid acquirunt, (q) dominis suis acquirunt.

* De adscriptitiis. vid. tit. Cod. de agricolis & censit.

(q) QVICQVID ADQVIRVNT. Ex re scil. nuptiis, tutela; quàm in realibus, ut dominis & obligationibus, item in Judiciis, libertate gaudent, & in eo tantum servis (& quidem speciei alteri Adscri-

Adscriptitiorum Juris Romani: nam una tantum horum *servi* etiam fuerant quoad statum: assimulantur, quod certo loco affixi sint, à quo abscedere ipsis non liceat: vendi etiam possint una cum fun-

dis, & liberi conditionem eorum sequantur. *Vid. Mevium integr. tract. von Absforderung der Bauers-Leute.*

CAPVT IV.

De

Civibus & Municipibus.

ARGUMENTVM.

Quid sit civis, obscurum esse, quid sit reverà, explicatur ex definitione, & probatur, etiam mulieres, filios familias & rusticos, & qui imperii nullò modo participes sunt, esse cives. Etiam qui aliunde orti sedem fortunarum in civitate collocant, licet aliter Jure Romano, quo tales incolae dicuntur. Cives seu municipales origine, adoptione & manumissione censentur, unde qui alio migrat, & originis ut municeps, & domicilii loco ut incolae, subiectus est. At ex universali jure publico quemque ibi civem videri, ubi habitat, diversis quidem municipiis unius Reipublicae neminem pariter fieri posse civem. Veriorem videri sententiam, quod in Republica, ubi nihil hac de re cautum, quilibet civitatem mutare possit, modo sine captione. Alioquin, si hoc fieri non posset, verum foret, domicilium neminem facere civem. Specialiter & per excellentiam nomen civium quandoque de solis, qui Imperii sunt consortes, aut qui urbes, denique vel metropolim incolunt, usurpari.

I.

Qui domi sunt membra familiae, hos in Republica cives appellamus. (a) Qui autem verè sint cives, tam obscurum ac aliud in tota hac arte quicquam, videtur. Aristoteles * pro civibus habere videtur eos tantum, qui imperii & judicii participes sunt; ad popularia magis (b) Graecorum instituta, quam universam civitatem, ut videtur, respiciens. Romani (c) vocabant civem**, qui in urbe habebat tribum, centuriam & jus suffragii, quibus solis inter se jus conubii, successionis & commercii, aliaque juris civilis effecta, competebant. Habuerunt tamen & cives ex Latio, & colonos & municipales civibus accensebant, diverso tamen jure singulos, & ab his omnibus provinciales separabant, denique incolas neque cives neque municipales appellabant. Moribus hodiernis cives illi duntaxat haberi videntur, qui in urbibus habitant, saepe & ordinis plebeji duntaxat, ita ut
neque

neque rusticos neque *nobiles* (d) civium nuncupatione impertiantur, differentiâ interim civium & incolarum minus exactè servatâ.

* *l. 3. polit. cap. 1.* maximè in iis verbis: ὁ μὲν λεχθεὶς ἐν δημοκρατίᾳ μάλιστα ὅτι πολίτης. is quem diximus, in Democratiâ maximè civit. est.

** *Vid. Sigon. de antiquo jure civium Rom. Jure Italia & Provinciarum.*

(a) CIVES APPELLAMVS. Ex domibus Civitatem componi Aristoteles ait, *I. Pol. 3. & IV. Pol. 3.* Sed hoc perpetuum non est, cum & Roma ex cœlibus coierit. Unde *Bodini* quoque illud *I. d. Republ. c. 2.* finè familiis non esse Rempublicam, ad id, quod perfectionem Civitatis absolvit, referendum est.

(b) POPVLARIA MAGIS. Et tamen etiam ad *Status alios* aptari potest: quoniam non requiritur, ut quilibet civis omnibus simul conjunctim fruatur: Intelligit autem *Philosophus* sub ἀρχῇ consultationes etiam pro Imperio, ut ex *textu* ejus seq. apparet.

(c) ROMANI. Plenum videlicet civem hi describebant, qui *tribum, centuriam & Jus suffragii* habebat. Hoc *Jus Civitatis* insequabatur *Jus Municipum*; (quanquam & *degentes in Municipiis Romanæ Juri Civitatis* consecuti erant; idque vel in gradu supremo; ut nempe jure etiam suffragii fruerentur: vel remissiori, ut tantum connubiorum, successionum & similia Jura participarent: *Brissou. Lib. I. Sch. Antiqu. c. 13.*) inde *Coloniarum*, infra hoc *Latinitatis*, tum *Jus Provinciarum*, & denique *Jus Præfectorum*. vid. *Sigon. de antiquo Jure Civili Rom. & Arniseum, Lib. I. Rel. Polit. cap. 5. sect. 9. §. 14. seqq.* Et quidem illi, qui *Jus Civitatis* non obtinuissent, quanquam in *Orbe Romano* viverent, *Peregrini & ἀπόλιδες* habebantur; donec *Antoninus* (*Caracalla*, vid. *Vales. ad Excerpt. Peiresc. pag. 108.*) omnes *ingenuos* in Civitatis jura (nec tamen in *Jus suffragii Romanæ Civitatis*.) reciperet. *l. 17. de Statu homin.* Cæterum qui nec participes erant *Jurium Municipum*, ille *Incola* dicebatur, quippe simpliciter *domiciliis* constituti, & *honoribus* aded civitatis non gaudebant, sed *oneribus* tamen subiciebantur: cui quid simile hodiernum in

Civitatibus Germaniæ idque exactè satis, servatur; nisi quodd non diu ferri soleant incolæ, sed mox ad *Jus Civitatis* assumendum adstringantur. vid. de conditione incolarum *Gail. II. Obs. 34. & Besold. Thes. pr. voce Bessassen.* Quod verò *Aristoteles* in *III. Pol. 8.* Cives in perfectos & imperfectos distinguit; atque imperfectis *ibid.* accenset *Infantes*, & in *cap. 5. Opifices*: illud quantum quidem ad *Opifices*, admitti simpliciter non potest, si perfectionem ad substantiam rei referas: civis enim socius est civitatis: est autem æque socius, qui inferiori quâdam conditione assumitur. Hinc in politico significatu æque *Princeps* ac subditi omnes, modò hi per se agant in civitate, & cum aliis ad commune bonum cooperentur, cives sunt. Nimirum *uxores, liberi, servi*, per se non agunt in civitate: *peregrini* autem & *incolæ* ad eundem finem cum cæteris non conspirent: quâ ratione civibus hi omnes accenseri non merentur. (quanquam ad *Auctoris* respectum, quem ille servat *§. 1. seqq. hic nemo præter servos, §. 4. & advenas, §. 12.* è numero civium excludatur) Est verò distinctio illa in perfectos & imperfectos Civium eorum, qui politico tales sunt: nam hi deinceps, quoad participationem *Jurium*, & *juridicum* aded respectum, rursus in varia genera secundum magis & minus abeunt; indeque definitio *Civis* in genere non nisi distributive & concipi & intelligi potest.

(d) NOBILES. Quò pertinet quæstio illa *Juris publici*: num civem civitatis, & *Nobilem* esse, sint contraria? puta, ut non tantum *Juribus* civitatis *Nobilis* quispiam gaudeat, sed etiam, ut in urbe *domicilium* instituat. Non esse hæc contraria, & dari aded *Nobilem civem*, ostendit *Sprenger. in Font. Jur. publ. cap. 25. pag. 340.*

II. Nos secundum principia hujus artis universæ, remotâ nube tot distinctionum, pro civibus habemus (e) omnes tam mares quam fe-

minas, filios & patresfamiliaſ, tam nobiles, quam plebejos, etiam Duces, Principes & Comites; tam ruſticos, quam urbanos, tam ſubjectos, quam imperii participes, denique tam incolas, quam naturales. Prorſus ſenſu Papinianæo, ſecundum quem conſtitutione Antonini Caracallæ omnes qui in orbe Romano erant, præter ſervos, effecti ſunt cives Romani.*

* *Textus in l. 17. ff. de ſtatu hominum.*

(c) PRO CIVIBVS HABEMVS. At verò non poterunt haberi pro civibus, ne quidem politicè talibus, ſceminæ, filii, incolæ. Nam & quod in l. 17. habetur, pertinet 1) ſolùm ad ingenuos, non etiam ne quidem ad libertinos. 2) Ad ſenſum latioreſ, quâ omnis is eſt civis, qui Jure civili regitur; etiam illò, quod privatorum eſt, puta patriæ poteſtatis & ſimilibus, atque cujus peregrini redditi ſunt participes: ut ſunt Jura contractuum: qui ſenſus planè ab hõc loco alienus eſt. Et nimis lata igitur eſt definitio Auctoris in §. 3. 6. quippe quâ nemo non in territorio degens civis eſt, niſi ſervus fuerit. Qui igitur Civem non minùs Juristicè talem, & ad hanc quoque diſciplinam, definiamus: ſocium Civitatis, qui Inſtitutis illius, Legibus & Immunitatibus ejus, pro ætate ſexu & conditione ſua fruatur, & cum aliis ad commune bonum ſocietatis cooperatur. Bodinus equidem, l. de Republ. cap. 6. Civem definit, liberum hominem, ſumma alterius poteſtati obligatum. Et vix alia eſt Auctoris §. 3. definitio: nam & incolam comprehenſum & advenam ſemotum voluit Bodinus. Enimverò cum nullatenùs civem confundere cum ſubdito oportet;

quod uterque facit: ne non dicamus, Principem ad Civitatem pertinere, cujus tamen pars ille potior eſt; (vid. Senec. epiſt. 85. ubi navis gubernatori eum comparat.) tum & tota definitio ſervis competat, ſi eos in locum liberi hominis ſubſtituas. At vero ſervus à libero aliter quàm hæc definitione diſtinguitur: & ſic quâ Civis conditionem omnia eadem haberet ſervus; Incola autem civium utique Jure non fruuntur. Proinde noſtra definitio & Juridicum & Politicum reſpectum attendit, atque Principem unà continet, quod & Ariſtotelem intendiſſe videmus. Quapropter non malè dicitur, in Republica herili, ſolò imperante exceptò, cives veros non inveniri, ſed omnes ſervos eſſe. vid. Tacit. I. Hiſtor. 16. 2. Et ſanè quia Cives propriè illi dicuntur, in quibus ſons eſt Imperii; aded, ut reliqui ceu ſervi in familiâ, habeantur. Hinc Puſendorffius VII. 2., 20. ad originem Civitatis reſpiciens Cives eſſe dicit, qui pactis mutuis in Civitatem coaluerunt, aut in horum deinceps locum ſucceſſerunt. Sed noſtra ut & Ariſtotelis definitio ab effectu & operatione ſumta eſt.

III. Definiamus igitur civem, hic rhodus, hic ſaltus! utique ſi politicos vulgò conſulas, nihil tam facilius, nihil certius, ſi ad definitionem civitatis dudum collocatam reſpiciamus. Civis eſt homo liber, qui juris fruendi vitæque feliciter agenda gratiâ, cum aliis ſub eadem ſummâ poteſtate ſociatus eſt.

IV. Liberum eſſe oportet, quia ſervilis conditio ut Jure Gentium conſtituta eſt, non recipit terminos habiles civilis ſocietatis, ſed pro re magis in commercio poſitâ, quam pro perſonâ habetur ſervus. Quamquam naturaliter idem & rectè perſona dicitur, quatenus eſt membrum ſocietatis humanæ. Sed mulieribus tam nuptis quam ſolutis (f) nihil obſtat,

stat, quo minus unione & communione civili, juxta naturam civitatis, comprehendantur, siquidem & sociatæ sunt, & jure frui & beatè agere juxta viros cupiunt ac possunt. Etiam filijs familiarum definitio illa convenit, nihil obstante patria potestate, quia constat, hanc *in publicis* (g) nullum creare præjudicium, sed ad familiæ regimen, quod à Republica diversum, duntaxat referri.

(f) QVAM SOLVTIS. Equidem de *viduis* scæminis dubium esse poterat, num ex *nostrâ sententiâ* civibus eximi possint? quoniam illæ *per se* agere videntur. Dicendum est, accensendas illas civibus; at non aliâ ratione, quàm quâ loco & *jure maritorum* gaudent. *Nuptarum* enim per-

sonam mariti sustinent. *Innupta* pars paternæ domus sunt.

(g) IN PVBLICIS. Ex hoc nil aliud sequitur, quàm quòd *filiusfamilias* quâ talis civis esse non possit, sed si v. c. Magistratum, si tutelam suscipiat.

V. Jam ultrò liquet, dignitatis differentiam nihil facere ad summam Reipublicæ & civitatis characterem, nec habitandi locum, *in agris* (h) vel in urbe sit: Siquidem & Romæ constat ex XXXV. civium quatuor tantum urbanas, omnes reliquas fuisse rusticas tribus, & Athenienses ante Theseum omnes erant agricolæ, ut Plutarchus auctor est in Theseo; denique in antiquâ Germaniâ nullas urbes, civitates extisse multas, nota res est.

(h) IN AGRIS. vid. Mev. III. Decis. 165.

VI. Quòd ne incolas quidem à civibus discernamus, multis abs re alienius videbitur; sed incola quis est? tu dices, qui aliunde ortus domicilium sedemque fortunarum in alia civitate collocavit*, ut finiunt Romani, à quibus est discrimen civium & incolarum. At hæc ipsa definitio implet manifesto naturam civitatis: quis enim *magis est socius* (i) ad juris fruitionem vitæque civiliter beatæ communionem, quam qui sedem fortunarum certo loco stabilivit. Illi dicunt, civem esse quemlibet ibi, unde ortus est, atque ibi nunquam desinere esse civem; non posse autem fieri, ut *duorum locorum civis* (k) sit quisquam, quod nec nostra definitio patiatur. *Romanis* (l) ita visum est, qui civis alicujus civitatis sit, eum, si aliò transferat domicilium, ibi incolam esse, at civem seu municipem ibi, unde discessit, manere**: Nempe in diversis municipiis eidem summæ potestati subjectis nihil vetat, unum duobus locis civium muneribus oneribusque subjectum haberi. Sed ut

unus idemque in diversis Rebuspublicis summo Imperio distinctis propriè sit civis, id non habet facultatem, non magis quam ut unum idemque duorum corporum esse queat membrum. Potest quidem civi alterius Reipublicæ liberum jus commercii aut aliud civile privilegium concedi, jus quoque honorarium civitatis dari, ut olim Corinthii, solentque hodie Veneti & Helvetii quandoque largiri. Sed unio civilis sub obsequio summæ potestatis nullo modo uni homini duobus locis tribui potest.

* *JC. in l. 239. §. 2. de verbor. significat.*

** *Cit. l. 239. & l. 29. ff. ad municipalem.*

(i) *MAGIS EST SOCIUS.* Imò non est socius, nisi communiter, cum nec Juribus civis fruatur, neque habeat *eundem finem*, quem civis aliquis cum sociis Civibus intendit.

(k) *DUORUM LOCORVM CIVIS.* Sed tamen fieri omninò potest, ut Jura *originis* suæ quis retineat, & simul fruatur juribus civitatis ejus, in quâ *domicilium* sibi constituit; quanquam Jura originis hodiè quidem per domicilium absorbeantur; secus atque veteri *Romano Jure*. Potest etiam 1) duorum civitatum seu Rerumpublicarum civis aliquis non esse; ut nec potest membrum unum esse duorum corporum: scilicet de eodem civium *verorum* genere si loquamur; non etiam si de *honorariis*: nam ita verus unius, honorarius plurium esse potest. Deinde civitas 2) si communiter sumatur pro *urbe* vel etiam municipio, non minùs potest esse civis duarum civitatum; si modò duæ urbes illæ sint sub eadem Majestate. 3) Potest esse duarum civitatum sub una republica civis, si *juridicè* sumatur quoad Jura: & sic verum

est, quòd quis in utrâque civitate civis, in alterâ earum tantum habitare possit, sich wesentlich und beständig daselbst aufhalten; *vid. Tabor. in Arnam. p. 184.* quod simul etiam Politicum respectum continet.

(l) *ROMANIS.* Sed Romani non tantum eò sensu, quem *Auctor* tenet, dum *incolam* quoque pro cive habet, eundem duarum Civitatum civem esse posse, volunt; verum etiam suo sensu, quâ incola pro cive non habetur. Videlicet per *LL. Romanas* (l. 29. ad L. *Municipal.* l. 239. §. 2. d. V. S.) non impeditur; ut quidem *Cl. Auctor h. & in III. Digress. cap. 8.* existimat, quo minùs quis in duobus municipiis civis propriè dictus esse possit; neutrubi *incola tantum* sit. Etenim civera oportet devinctum esse *in omnibus & per omnia* Reipublicæ, seu *Summæ Potestati*, sub quâ degit. Hoc autem fieri potest ab eo, qui in *pluribus* etiam *Civitatibus* illi Imperio subjectis civis est; ut si quis in *Principatùs* ejusdam *Germaniæ* duabus Civitatibus Civis sit; ubi instar *Summæ Potestatis* habent *Principatùs*.

VII. Sed an civis liberam discedendi habeant facultatem, ita, ut vinculo fœderis, quo civitati innexus & Imperio obnoxius est, solvatur, acerrima disputatio est *. Si enim non potest, res clara videtur, cum nemo duobus locis civis esse queat, eum, qui ex una Republica in aliam se confert, manere civem in priori, incolam in posteriori civitate habendum. Atqui id facile obtinere videntur politici, non posse originarios Reipublicæ cives suo discessu liberari obligatione civili, qua & concivibus & summæ potestati obstringuntur; denique obligatio-

nem

nem esse perpetuam, & quod primo voluntatis, id postea necessitatis esse, tralatitium est; idemque evidentius patet in herilibus imperiis, ubi jus domini Imperantibus nullo modo adimi potest. Et quidem de his largiendum, quod cives Dominatui subducere se nequeant; quod & in adscriptitiis obtinet; idemque *de voluntariis* (m) statuendum Imperiis, ubi per Legem in antecessum migratio ex civitate prohibetur, ut de Moschis & de Sinensibus memoriæ proditum est. Sed ubi nihil expressum, multi tamen acriter contendunt, ipsius fæderis vim, quod æternum est, ita in perpetuum operari, ut cives, qui sponte discedunt, maneant tamen quovis tempore ad reditum obligati, adeoque semper revocari possint. Res inde judicanda est, utrum in primævâ constitutione civitatis id inter contrahentes populos actum censeatur; an non potius fuerit tacita fæderis conditio, ut obligatio maneret, dum cohabitatio duraret, eam tamen mutare singulis liberum esset? ** Hoc enim videri voluisse populos, est ratio, quæ suadeat, evidens & quæ dissuadeat, nulla magnoperè. Quod enim ad rei familiaris commodum & sæpe necessitatem efficacissimum est, publico autem nihil præjudicat, hoc nihil est causæ, cur non ex præsumptâ populorum voluntate permissum videatur. Atqui talis est migrandi libertas, ut privatis aliquando summopere optanda, publico nullum inferat detrimentum, maximè, cum ejusmodi libertas sæpe sit causa majoris frequentię aliunde redundantis. Unde colligitur, si contra se res habeat, & majore frequentia discessus instituatur, eum jure meritoque impediri. Item si intempestive aliqui discedere parent, aut cum grande æs alienum collatione factâ publice exsolvendum, aut belli majus imminet urgetque periculum; nisi abituriens offerat id, quod interest. Denique Lege semper potest caveri, ne impofterum discessus aliter, quam venia publicè impetratâ, instituatur. Enimverò qui non deposuerunt animum revertendi, vel de quibus hoc non constat, habensque suas res adhuc in Republica, possunt sub poenâ publicationis bonorum *edicto revocari*; (n) Sed eorum, quibus stat consilium absentię perpetuæ, non videntur obstricti esse animi, adeoque nec bona vinculo obligationis teneri.

* Vid. *Arnisei system. polit. cap. 5. sect. 7.*

** Vid. *Grot. lib. 2. cap. 5. §. solet hic illud queri. 24.*

(m) DE VOLUNTARIIS. De *Originariis* quidem hodiè diversum à voluntariis hisce civibus dici non debet: nam & originariis regulariter emigratio, cum excussione omnium jurium civitatis, permessa est. Cæterum de *voluntariis* rectè Auctor, quicquid reclament alii: quas non juvat 1) nexus inter Imperantes & parentes. Nam ad fœdus quidem seu pactum simpliciter cum *Grotio* illi respiciendum esse nolunt, quasi facilius à pacto ejusmodi discedatur, quàm ut discerpi tam facile *nexus* ille *interior* possit. Videlicet nexus iste tamdiu obtinet, quamdiu quis in civitate illa commoratur; non ultra: & prout quisque liberè in civitatem accedit, sic eadem libertate abcessus ipsi pateri debet; non, 2) quòd *societatem simplicem*, v. g. matrimonialem, pars altera relinquere non possit. Nec enim à simplici societate, cujus causa per se fœdus indissolubile constituit, ad compositam argumentum licet. Aliàs ne quidem societatem civilem ex utriusque voluntate, domini scilicet & subditorum, fas esset dirimere; cum simile quid non liceat conjugibus: non, 3) quòd submisisse se quis videatur potestati Principis, ut à nutu ejus pendeat; nam hoc in infinitum porrigi, ratio vetat; maxime in societate tali, quæ *parentium causâ* & *bona* inita fuit. Non, 4) constitutiones multarum Civitatum, quòd etiam *cap. 16. A. B.* pertinet; Hic enim ab ejusmodi placitis abstrahimus: & quod *Bullam Aurcam* attinet, illa de *Pfalburgeris* agit, quorum conditio cum fraude pristini domini conjuncta est. Non 5) quòd nec civitati liceat, civem pro lubitu expellere: unde nec fas esse videatur civi seu subdito, ut ipse pro arbitrio emigret. Est enim diversa ratio, quoniam miseram conditionem esse oporteret hominis, qui omnes suas rationes civitati & concivibus suis alligavit, si quolibet tempore expelli posset: cum econtra civitas totam suam incolumitatem uni alterive civi non superstruxerit: Et tamen *Hugo Grotius Lib. II. cap. 5. §. 24.*

assertionem suam, de *libertate emigrandi*, ita restringit, atque cum eo *Auctor hic*, ut ne illa fraudi aut periculo civitati esse possit. Non etiam migrare debent, quòdusque aliis concivibus adhuc perfectò quodam *jure tenentur*: nam ita non migratio, sed fuga foret. In peste migratio quæ sit, de quâ quòdusque licita sit, vid. *Bezam de Peste qu. 27. seqq.* abhinc aliena est. Ipsi etiam peste infecti cives *domibus suis ejici*, atque *bona* ipsorum *comburi* possunt; nullâ reparatione factâ heredibus; eò, quòd ipsismet illa perniciem allatura fuissent. Cæterum *H. Grotii* sententia, quâ putat *gregatim* discedere civibus non licere, quamque *b. Auctor* fovet, meritò displicet *Pufendorfio in Diss. de Oblig. advers. patriam §. 37. & in L. VIII. J. N. cap. 11. §. 4. non obs.* quòd hoc modo civitas nimium debilitetur. Nec enim, qui jus non habet, unum alterumve invitum retinendi: eidem integrum esse potest, ut plurium discessum impediat; si illi territorium Civitatis, dum fortè operis suis vitam sustentare non possunt amplius, relinquere velint. Neque verò scindi potest imperium in eadem regione citrà confusionem summam, neque hæc separatio migratio foret. Ad exemplum de flumine respondet *Osiander ad §. 20. H. Grotii*, quanquam ipse omnem migrationem etiam particularem subditis deneget.

(n) EDICTO REVOCARI. Ut in his, qui *militandi causâ* *exteris* operam suam locant; quæ libertas *Germanorum*, ut & *Helvetiorum* est. Illi tamen si *adversus patriam* arma capere velint, spontè reverti tenentur; aliàs justè *avocatoriarum* poenas sentiunt. Semper &, si nulla patriam necessitas premat, potiores sunt *exteri*, qui eos detinent: quamvis dimittere illos non minus soleant, idem ratione civium suorum alibi detentorum ab illarum *Rerumpublicarum Rectoribus* vicissim expectaturi.

VIII. Omnes igitur incolas, qui sedem fortunarum laresque suos alicubi fixerunt, hos rectè cives appellamus. *Etsi nec jurejurando*, (o) nec ullâ promissione devincti; sufficiente tacitâ consociatione, quatenus sæpe ne originales quidem ullâ promissione expressâ obligantur, neque etiam allekti, præterquam in urbibus, iique soli patresfamilia.

(o) **ETSI NEC IVREJVRANDO.** Nam *homagium* (quæ solum est religiosa iteratio *pacti Civitatis*) civem utique non facit; quod in causa *Argentoratensium*, dum illi ex privilegiò iurjurandum Cæsari detrectabant, A. C. 1660. ostensum est: nec idè quis civis est, quia *homagium præstat*, sed *præstat homagium*, quia civis jam est; *vid. Befold. th. pr. voce Huldigung*: Unde & *simplex professio* sufficit; iuramentum eam non auget, sed *intendit*. Ritus tantum ille in Orientali Romano Imperio usurpatus, (Paul. Diacon. L. 23. ad A. C. 777.) deinde apud Francos etiam, (Lehm. II. 18.) receptus est. In merò tamen arbitriò est Princi-

pis, quandoeunque illud à subdito exigere velit; adèd ut exactioni illi, quippe Superioritatis, *præscribere* subditus haud unquam possit. Cum primis vero *differentia* homagiorum attendi debet, cum sæpè in Imperio die *Erbhuldigung* cuiquam debeatur, cui tamen in iurantes non competit *superioritas territorialis*; saltim quòd in *condominio* quorundam iurium cum domino territorii versetur, in *Gemeinschaft v. c. der Zinsen oder Gerichtsbarkeit*, & imò der *Steuern*, cum quidem *securas indicandi* potestas regulariter arguat territorium; sed non item jus easdem *exigendi*, dieselbe zu erheben oder zu genießen.

IX. Cives cum respectu ad civitatem dicuntur, & civitas cum Republica æquiparatur, municipia autem sunt urbes majori subiectæ imperio: pari modo differt à munice civis; hic, qui unitus est cum Republica, ille, qui certo municipio se conjunxit, dictus inde, quod capiendis muneribus atque oneribus sit subiectus. Usus seculi fert ita, ut hoc genus peculiariter cives dicantur; reliqui, Principes, Comites, Nobiles, Agricolaë, quique alii sunt hominum ordines, suis singuli appellationibus distinguuntur. Isti etiam in plerisque Imperiis soli ferè iurejurando subiectionis & fidelitatis obstringi solent, ad quod tamen reliqui, dum exigitur, æquè tenentur.

X. Municipem apud Romanos causa facit *triplex*, (p) origo, manumissio & adoptio *. Origine cujusque à patre æstimatur; ut ubi is fuit municeps, ibi & filius esse dicatur, nisi fortè materna origo privilegiata sit; tunc enim juxta eam *municipalis origo* (q) censetur. Manumissio *ad servos pertinebat*, (r) qui cives fiebant, cum libertate donabantur, idque vel optimo jure, vel latino tantum, aliqui prorsus non erant cives, dedititiis seu provincialibus similes, donec hæc discrimina ab Antoninò Caravallà tollerentur. Adoptio, ut qui pro filio adscitus erat, perinde municeps in loco adoptantis fieret, atque si natus ex eo foret. Tam autem in adoptatis quam naturalibus liberis non spectabatur locus, quo fortè ipsi in lucem erant editi, sed quo parentes, inquam, jure municipum gaudebant. Migrare de loco in locum non erat prohibitum, sed qui de suo municipio in aliud transibat, is incola dicebatur, & parere debebat tam his magistratibus, apud quos incola, quam

illis, apud quos civis fuerat, unde secesserat, nec tantum municipali jurisdictioni in utroque municipio subjectus erat, verum etiam omnibus publicis muneribus fungi debebat **. Ideò proprietate vocis & Incola in nova civitate dicendus erat municeps; sed postquam obtinuit, ut suæ quisque civitatis civis municeps diceretur, consequenter hunc oportuit incolam dici.

* *JC. in l. 1. ff. ad municipal.*

** *JC. in l. 29. eod. tit.*

(p) **TRIPLEX.** Fiunt autem Municipales etiam assumptione sive allectione. *l. 7. C. d. incol. l. 5. §. 13. d. Jur. immunit.* Nam qui in Civitatem aliam concedebat, ille muneribus quidem subiciebatur; sed non fruebatur Juribus omnibus *Municipum*, nisi in Civitatem illam plenè assumptus, & tunc *incola* non erat amplius. Aliàs autem Cives aut fiunt aut nascuntur. Ad istos pertinent primi *colentes*, & qui *asciscuntur* postea, seu assumpti. Quò & *Proselyti* Judæorum, item *Naturalisati* in Anglià & Gallià, suò modò, respiciunt. *Nascuntur*, Matrimonio verò vel fictò.

(q) **MUNICIPALIS ORIGO.** *l. 1. §. 2. ad Municip. l. 22. & 29. C. de decur.* Recte verò

Auctor, quando à *patre* ait estimari civitatem, ratione loci, ubi is fuerit municeps: nam actum nascendi præcisè respici hac in re non oportet. Hinc si quis transeundo nascatur, non fit civis ejus loci, ubi nascitur, sed ejus civitatis, ubi, nisi casus fortuitus aut peregrinatio obstitisset, nasci debuisset, *l. 3. C. d. Municip. Afflict. Dec. 384. & Carpz. Dec. 1.*

(r) **AD SERVOS PERTINEBAT.** *Famulæ* nostri proprium hodiè domicilium retinent. *Carpz. P. 3. C. ult. d. 18.* Personis etiam *privilegiatis* inservientes in quibusdam ipsorum juribus gaudent. *vid. Dd. ad auth. habita. C. ne fil. pro patre.*

XI. Hæc visa Romanis. Atqui ex eo, quod de cive respectu totius Reipublicæ diximus, intelligi potest, eum, quem Incolam vocant Romani, quique in civitatem receptus capit ibi munera, *verè municipem esse*, (s) desinere autem esse in eo loco, unde discessit, nec proinde subjectum duobus Magistratibus, sed ei tantum, sub quo degit. Hæc ita, inquam, si Lege contrà non sit cautum, quod haud dubiè licet, alioqui ex ratione juris universalis nec locus originis nec nativitatis, sed domicilii tantum, tribuit forum & munerum capionem, idque convenienter Juri Gentium moribus hodiernis ferè observatur, ut mutatione domicilii jurisdictionem *mutare liceat*. (t) Salvis tamen iisdem exceptionibus, quas suprà in jure civitatis ratione totius Reipublicæ collocavimus, ut si intersit municipii, ad hoc ille, qui discedit, teneatur, nec effusa migratio concedatur. Tamen & in eo differt jus municipale à jure majori civitatis, quod ratio nulla vetet, municipem esse duobus in locis, (manet enim ejusdem corporis ejusdemque Reipubl.

mem-

membrum) ut, si quis voluntate sua *diversis in urbibus* (u) semet instruxerit, fortunasque collocaverit, vel jus municipale utrobique, civium privilegiis usurus, impetraverit: tunc enim utrique Magistratui parebit, oneraque duplicia ferre debet.*

* l. 6. §. 2. *ad Municip.*

(s) VERE MVNICIPEM ESSE. Sed si strictè capias municipem, omninò differunt: sicut *Aristoteles* quoque civem ab *inquilino* III. Pol. 1. §. 4. distinguit; atque nunc etiam discrimen illud obtinet. Nam *incola* simpliciter dicitur à domicilio, sed *municipes* reverà civis est, & non tantum in eà civitate, in quam receptus est, plenò jure civium gaudet, sed etiam respectu civitatis alterius *prævalentis*, (ut olim *Roma*,) munerum & honorum ejus particeps redditur. Erant autem *Municipes* iterum in duplici conditione, ut aut honoris tantum gratià in Civitatem Romanam assumerentur, muneris duntaxat honorii participes; aut ut Jus ipsum Civitatis Romanæ cum Jure suffragii, connubiorum &c. consequerentur; iterumque vel Jure Romano uterentur solò, vel etiam unà Jure suò propriò, vid. *Rosin. X. Antiquitat. Roman. cap. 24.* *Grot. in Floribus sparf. ad tit. ff. ad municip.* & *Sutholt. aphor. 200. de Jurisdictione.* Et magnum hodie abusum illi admittunt, (ut integro tractat. *de Jure munic. Zahnius*) qui nomen Municipaliū ad *Cives Rom. in Terris Imperii nostri* de-

signandos adhibent. Rectius omninò *Mevius* in *quest. 8. prælim. ad Jus Lübec. n. 17. & seqq.*

(t) MUTARE LICEAT. Quod tamen plerisque locis permissum non est, nisi præstitò censu seu decima *emigrationis*, qui *Recessibus Imperii* quoque probatus fuit. *R. A. de anno 1594. §. 93. junctò Mylerò de Statibus Imp. cap. 63.* Et census quidem ille, *die Nachsteuer*, non solum de bonis *contributioni* obnoxiiis, sed de omnibus etiam *mobilibus*, dem ganzen Vermögen, præstandus est. Quin & *adscriptitiam* conditionem multis locis excutere licet, gegen einen Abtrag der Leibeigenen schafft.

(u) DIVERSIS IN VRBIBVS. Prout domicilium constituere licet, & personalem aded habitationem, in pluribus locis, l. 5. §. 6. §. pen. *ad municip.* idque vel secundum tempora diversa anni: tunc verò quoad *forensia* electio regulariter actoris est; quanquàm hinc etiam arbitrio judicis locus debetur. vid. *Mev. Lib. 1. ad Jus Lübecens. tit. 6. art. 2. num. 64.*

XII. Ex his liquet, civium generale esse nomen, pertinens ad omnes eos, qui cum Republica, sunt uniti, quales tamen non sunt advenæ, homines peregrini, ad tempus in civitate degentes, cum animo se mox aliò recipiendi, sedemque rerum suarum alibi habentes aut destinantes. Illi dum manent in civitate, subditi quidem sunt Imperio & Jurisdictioni, sed foedere civitatis non continentur, nec munera capiunt. Est & per excellentiam usitatum nomen civium de illis, qui *Imperii sunt participes*, (x) aut eam incolunt civitatem, in qua sedes Imperii est, ut tum qui in subjectis habitant civitatibus, *municipes* dicantur, veluti olim in Imperio Romano.

(x) IMPERII SVNT PARTICIPES. Quasi men hi etiam *singuli* sub Majestate sunt. Unde & *Patritius Venetus* æquè *Civis* est; quamvis dici possit

possit Civis optimi Juris. Et oportet sanè Civium esse gradus. Imò Cives in Urbe Capitali, quamvis non participes Imperii, plerumque tamen jura

magis eximia habent cæteris, qui in Provinciis degunt.

XIII. Finitur jus civitatis non tantum morte, qui modus est tralatitius, sed & libera cujusque voluntate, mutata sede rerum, ut aliquoties dictum, nì lex intercedat. Dein per sententiam, si quis in exilium agatur, aut in opus publicum, vel ad remotos damnetur. Discrimen relegationis & deportationis apud Romanos *est juris peculiaris*: (y) nam relegati, licet præcipua quædam jura civium, quatenus hi per excellentiam dicuntur, & cujusmodi Romæ multa fuerunt, retinere queant; tamen unione Reipublicæ, ex qua ejecti sunt, *non comprehenduntur*. (z) Nec quidem refert, temporale an perpetuum sit exilium, quia quo tempore sunt expulsi, non sunt membra civitatis, neque participes functionum publicarum, neque jurisdictioni subjecti.

(y) EST JURIS PECULIARIS. Nec relegatio nec deportatio per omnia moribus nostris amplius supersunt; imò verius est, *deportationem* nunc quidem non obtinere. Staminus *Lib. 1. de servit. personar. Tit. 3. cap. 1. num. 18.* multò minus relegatio in locum deportationis successit, ut apud *Richter. Dec. 93.* reperitur. Denique an is, quem *dedit* civitas ex necessitate civitati alteri, maneat prioris civitatis civis? ad occasionem *l. 17. de Legation.* resolvit *Pufendorff.* & negativam adstruit, si ultrà deditionem declaratio alienæ civitatis de recipiendo vel non recipiendo, subsequuta fuerit. *L. 8. c. 11. §. 9.* qui non minus in *§. 5.* disquirat: *An transfugam simulare liceat?*

(z) NEC COMPREHENDUNTUR. Et promiscuè tamen accipi relegati & deportati non possunt. Nam *relegati* manebant Cives saltem juri-

dicè. l. 7. §. 3. de interd. & rel. quidem & exilium à relegatione discernitur; ut ostendit ipse *Huberus Lib. III. Digress. Jur. cap. 10.* citatà *l. 2. de publ. judic.* Nec protinus est exclusus à *Societate civili*, & sic eò minus est civis politicè talis, qui *abest*, licet *necessariò*: saltem talis non *per omnia* civis esse desinit. Hodie quod usum Imperii attinet, alterius loci est expositio, quâ ratione juribus civitatis particularibus *relegati*, vel unà etiam *fustigati*, priventur. Ab utroque verò genere coercionis differt *migratio*, oder die *Landes-Veräußerung*. Conf. etiam de variis *relegationum* modis, & quòd quis adstringi possit subsistere ad certam distantiam *ultrà territorium punientis*, *Besoldum in Delib. ad Lib. 1. ff. quæst. 45.* & *Speidel. in Notab. voce Landes-Verweisung.* item *Martin. Stephani L. L. de Jurisdic. Rom. Imperii cap. 10.*

CAPVT V.

De

Civium Qualitate & Differentia.

ARGVMENTVM.

Cives 1. esse mares vel feminas, 2. liberos aut servos. 3. majores minoresve annis. 4. sanos aut morbosos vel mente captos. 5. hosce rursus quadruplices. 6. bene aut

aut

aut malè moratos. 7. divitosvel pauperes, quorum singula differentia suas habeant effectus.

I.

Qualitas civium ex variis eorum differentiis intelligitur. Primo è naturâ distinguuntur in mares & foeminas; tertium genus androgyni sive *hermaphrodyti* (a) ad alterutrum sexum prævalentem referuntur*. Juris diversitas à sexu dependens (b) in familiæ enarratione, ubi de patre & matrefamilias actum, anticipata est.

* l. 10. ff. de statu homin.

(a) HERMAPHRODYTI. Dari ejus generis homines (qui gemino sexu ceu pudoris causâ geminum pudorem adferunt, indeque averfationi quandoque talis Romæ, ut aliò deportaretur,) præfractè negat Rennem. *Part. I. Jurispr. Rom. Germ. num. 18.* sed vid. Zachiam in *Qu. Med. Leg. L. 3. qu. ult.* & P. Gregor. *Tholof. VII. 2, 9.* Sanè si, dum utrôque sexu potis est, unum eorum elegerit, & aliud exercuerit: admissum scelus apud Hispanos flaminis expiatur. Sanchez. *Lib. VII. de matrim. dub. 16. num. 6.* In dubio habentur pro masculis, & Feudorum etiam sunt capaces. Welenb. *num. 3. de stat. hom. & Speckhan. I. quæst. 76.*

(b) A SEXU DEPENDENS. Quoties pru-

dentia respicitur, *femina*, quod jura privata, melioris sunt conditionis; sed tamen *Illustres*, & quæ consiliis stipatæ sunt, marium jure censentur: sic enim frui non possunt foemina ejusmodi Scitò *Vellejanò*; Quoad ea tamen, quæ in imbecillitate sexus & pariendi difficultate rationem habent; ut est prærogativa pignoris, in l. 12. C. qui pot. in pign. illustres foemina & plebejæ pari jure censentur. Quantum ad pœnas, licet Tiraquellus putet, foeminas mitius haberi: *Caus. IX. de Temperam. pœn.* Tamen illud non pertinet nisi ad delicta contrâ Jus civile: quod hæcenus mulieribus ignorare permissum est. l. 38. §. 2. & 7. ad L. de adult. arg. l. 9. pr. de jure & fact. ign. l. 6. pr. ad L. Jul. pecul.

II. Secundo à statu distinguuntur homines in liberos & servos, de quibus similiter dictum. Non est autem hæc tam divisio civium, quam hominum, quia servos satis constat non esse cives: sed hodiè famuli, quibus utimur ingenui, si aut originales sint, aut animum semper habeant remanendi, merito *inter cives numerantur*. (c) Altera à statu petita differentia inter filios & patresfamiliarum perinde occupata est in superioribus.

(c) INTER CIVES NUMERANTVR. De servis equidem ratio differentia: facillè constat: neque enim solus locus quem civem facit, sed in loco societas. Non etiam quòd subjiciatur quis Majestati, eique leges ab illâ præscribi possint: eò quòd Majestas sit in mensura Reipublicæ, & quicumque ei subest, parens & subditus, sicque pars Reipublicæ, meritò dicatur. Et tamen insuper 1) distinguendum est inter partes substantiales & accidentales sive ac-

cessorias: inter perpetuas & temporarias. Ita in homine unguis, capilli, partes sunt; sed *secundaria*. 2) Aliud quoque est, subjici Reipublicæ ob vinculum extrinsecum: & hunc respectum sustinent peregrini: nam locus subditum facere non potest, quanquam sit conditio quædam in peregrino, sub quâ subditus est Majestati, quæ conditio in omnes ibi commorantes extenditur. Aliud est subjici quem ob vinculum intrinsecum, in spe-

cie subjectionis: priores omnino parentes, sed non æquè cives appellare possumus. Constat sanè, solam habitationem ne quidem Jurisdictionem Magistratui tribuere, nisi *personalis subiectio* accedat, ut apparet in his, qui ædes *privilegiatas* incolunt. Hinc non sequitur, est subditus, E. civis est: nam *incola* non tantum paret, sed *subditus* est omnino, nec tamen *civibus* accenseri potest. Itaque etiam *famulos* civibus connumerare non licet. Sunt nempe tales, *imperfectiori* modò, maxime si sensum *iuri-*

dicum requiras: & est longè aliud, frui *juribus civilibus*; aliud, frui *juribus civitatis*. Denique *peregrini* etiam & *forenses* ab aliquibus malè confunduntur: nam *forenses* etiam in loco *non degere* possunt, nisi, quod ratione *rei sita* ibi conveniri & collectari possint: nec tamen collectas pendere tenentur *extraordinarias*; nisi ex causa ipsos *forenses* eorumque bona contingente, imponantur, v. g. ad totius regionis defensionem; ut sunt *die Land- Rettungs- Steuren*.

III. Tertio ab ætate cives dicuntur majores aut minores annis; punctum dividens hæc intervalla non minus ex ratione naturæ, quam exemplo Juris Romani & *gentium plerarumque*, (d) est quinque supra viginti annorum. Juris diversitas hinc oriunda est, quod majores ad munera functionesque Reipublicæ, haud perinde minores adhibeantur. Nam hi propter lubricum ætatis ne suis quidem rebus præsumunt, sed curæ aliorum subjiciuntur. Sunt autem hi puberes vel impuberes, quorum illi magis quod ad res suas, hi etiam quod ad actus personales in curatione habentur; quod discrimen Latini terminis quoque tutelæ & curæ diversis expresserunt. Mulieres jure gentium majores annis nullis subjiciuntur Curatoribus, ne quidem nuptæ; nam maritalis potestas longè à curatoria distat; & quod bona uxorum à viris reguntur, hoc juris & *instituti civilis est*. (e) Prætereà ætas virilis aut senilis est, habetque suos, etiam juris effectus, quod senes à muneribus Reipublicæ excusentur, ad honores, si velint & pares sint, magis admittantur: senectus autem à *septuaginta ferè annis* (f) duci videtur*. Olim sexagenarii vocabantur depontani; id est, honoribus & Comitibus impares, quasi à ponte, per quem transitus fiebat ad ferenda suffragia Romæ, deijciendi, scilicet arbitrio magis vulgi, quàm jure publico.

* l. 2. de Excus. l. 3. de Jur. immunit.

(d) GENTIVM PLERARVMQVE. Imò *varietas* maxima hic reperitur. Nam *Gothi* olim ex viribus corporis, facinore aliquò comprobatis, majorennitatem mettebantur, spreto *annorum* numero, *Loccenius* in *Sveciæ* Regno Judicis arbitrio rem confici docet, *Dissert. IV. ad Jus Svec. num. 6.* *Hebræi* unum habebant terminum & majorennitatis & pubertatis. *Persæ* annum vicesimum sextum

vel septimum, *Laces* annum 30, *Romani* ex civili *Lege Latoria* (l. 2. C. Theodos.) annum 25, definierant: unde tempus legitimum dicitur in l. 49. de minor. quanquam rationem ex *vigore virili* præbeat *Ulpianus* in l. 1. §. 2. de Min. Et tamen *Longobardi* postmodum vigorem illum 18. annò compleri arbitrati sunt; qui terminus hodiè in plurimis *Italia* locis observatur. *Galli* quidem & *Hollandi*

landi juxta Simon van Leuven, *Cons. Forens. Lib. I. cap. 8. num. 3.* Leges Romanas hæc in parte sequuntur. In Germaniâ Saxones tertio septenariâ, sive 21. ætatis annô minorennitatem terminant; idque obtinuit in oris *Juris Saxonie*, priusquam Leges Romanæ in Germaniam introducerentur. Hinc illos, qui Sax. Jure vivunt, maturius sapere, non tam Carpzovius ait *Part. II. C. 11. d. 9.* sed & Colerus, *dec. 19. num. 4. l. e.* citius Saxones cum effectu majorennitatis negotia sua, & quidem post annum 21. ætatis, perficiunt, ut imbecillitate judicii ex eô tempore nil amplius egisse per statuta putentur; quicquid etiam per genium & naturam fuerit. Unde à Limnæo *Tom. IV. add. ad Lib. III. c. 2. n. 38.* Carpzovius ob hoc perstringi non debuit. Illud etiam quoad feminas, cur citius illæ à tutelâ liberentur, cur item bienniô celerius veniam ætatis impetrare possint, l. 2. C. de his, qui ven. æt. cur testamentum citius condere? investigandum est: Quid enim viri potentia cum prudentiâ? Videlicet aliter fieri non potuit, quàm ut ea, quæ nuberet, quæ fieri annô poterat duodecimô, & in manum viri conveniret, in potestate tutoris esse desineret: semel autem hæc consequentia, ad tutoriam potestatem à nuptiis stabilita, eadem proportionem ad sequentes annos producta est; quin imò quoad veniam ætatis temperamentum corporis animus plerumque imitatur, ut æqualis sit utriusque maturitas, & solent esse feminæ tenaciore. vid. l. 14. §. 1. de alim. leg. Interim terminum minorennitatis quoad annum 25. distinguere in maribus & feminis, atque harum rationem peculiarem habere, non placuit, quòd jam eâ ætate plerumque nuptæ essent feminæ, & dehinc in perpetuâ maritorum tutelâ.

(e) INSTITVTI CIVILIS EST. Jure com-

muni non sunt in curâ maritorum mulieres, quam possint mariti procuratellam in bonis receptis subire; quippe quæ ex nutu mandantis revocari potest. vid. *Lyclamam Membran. VII. Eclop. 15.* De Jure Saxonico ad eod Curatella maritalis obtinuit, ut solius mariti curatoris interventu, sinè ullo aliô, mulier firmiter contrahere, & bona immobilia alienare possit; Schulz. ad §. 19. J. de Excus. tut. Carpz. P. II. C. 15. d. 19. nisi fortè sibi Curatorem ad omnes causas jam elegerit, aut in mariti utilitatem contrahere velit: nam ita alium Curatorem ut adhibeat, necesse est. Carpzov. d. *Const. des. 24.* & Philippi ad *Decis. Elect. 24.* Nec tamen cura cum potestate maritali confundi debet. Utique cura illa uxorum non est ætatis, indeque non tantum minorennium, & ne quidem si nuptæ fuerint, quæ minores sunt. Est verd sexus, cum & viduæ & virgines plorisque locis curatoribus utantur; saltem ubique necessariò in judicialibus: atque sic non omnis cura est maritalis.

(f) A SEPTVAGINTA FERE ANNIS. Vid. §. 13. & l. 2. pr. & §. 11. de excus. tut. cui tamen obijciunt l. 2. §. 8. de Decur. & l. 3. C. qui ætat. se excus. ubi 55. anni habentur. Wiffenb. in n. 29. ad d. tit. d. Excus. Tutor. textum l. 3. corrigit; sed malè: cum & l. 2. it. l. 5. de Jur. immun. consentiant. Rectius distinguitur, ut in quibus munibus plus est laboris corporalis, textus oppositi valeant; in quibus prudentia magis & consilium desideratur, anni plures ad excusandum requirantur. vid. l. 2. §. corporis. de vacat. mun. & Andler. medull. Justin. ad Institut. pag. 23. Adde Plin. IV. Epist. 23. de ætate LX. annorum: & quòd Sexagenarii suffragium non tulerint, inde Deponiani Sigon. L. I. Antiqu. Rom. c. 17.

IV. Præterea differunt cives ratione habitus corporum, animorum, disciplinæ, famæ, fortunæ, natalium, artificii, dignitatis, & si qui modi sunt alii, respectum ad juris publici rationem habentes. Quod ad corpus, sunt vel sani vel morbofi. Morbus est habitus corporis contra naturam, id est, qui impedit usum earum functionum, propter quas natura nobis sanitatem dedit, sive ex intemperie, ut febres, tabes, vel ex conformatione pravâ; ut mutus & cæcus*. Nisi quis hoc vitium dicere malit. Sed vitia Jcti dicunt, quæ deteriore duntaxat usum

usum functionis alicujus reddunt, ut vitiosi sunt myopes, balbi; morbos qui tollunt, unde mutos, surdos, cæcos pro morbosus habent **. Morbi præterea vel *fontici* (g) aut secus dicuntur. Horum alii excusant à muneribus, alii excludunt ab honoribus, prout magis aut minus impediunt, levioresque aut graviores sunt.

* l. 1. §. 7. & 8. de *Ædil. Ed.*

** d. l. 1. §. 7. l. 9. l. 10. §. 3. & *pass. còd.*

(g) VEL FONTICI. Morbus *fonticus* est, qui rei gerendæ est impedimento; L. 6. de *re jud.* *Perpetuitas* non requiritur; neque enim in genere describitur, sed duntaxat quoad actionem redhibitoriam; alias secus est. l. 46. de *Judic.* Cæterum

morbi non omnes excusant: neque enim à munere excusat v. g. morbus *podagricus*, nisi quis ob eum propriis suis superesse non possit. l. 3. C. *qui morbo.*

V. Ab animo sunt etiam sani vel mente capti: In sanis magna est latitudo, magnique gradus prudentiæ noscuntur, quorum in publicis haud leve quidem momentum consistit, in universum tamen definiri nequeunt. Mente capti sunt vel dementes, qui ad omnia sunt cæci vel fatui. Illi aut *dementes in specie vel furiosi* (h), Dementes, qui nihil sapiunt innocenter; furiosi, quos agitat rabies, Illi ferè perpetuum, hi plerumque ad tempus laborant. Fatuos licet dicere, qui, ut Cicero loquitur*, mente quidem sunt capti, hoc est, non sani, ad omnia tamen non excutiunt. Hi videntur esse quadruplices, fanatici, moriones, melancholici & stupidiores, vulgo, macarones. Fanatici sunt, qui caput jactant & responsa ferunt, quod plerumque temporarium est **. Moriones, qui non sapiunt quidem, scurrilibus tamen dictariis aliquid simile ingenii ostendunt; melancholici, qui certis imaginationibus aberrant, cætera non absurdi. Grossos dicunt vulgò, qui minus valide sapiunt ut Ulpianus***, qui mediocritatem civilium officiorum, vitæque communem cultum atque usitatum tueri possunt, verba Ciceronis, nulli tamen rei seriæ apti. Illi omnes à publicis functionibus, ubi locus electioni, excluduntur, ab hereditariis dementes similiter removentur, ut & moriones. Furiosi quia sperantur *ἀνανήψου*, ut & fanatici, melancholici & stupidiores magis est, ut curatoribus subjiciantur.

* 3. *Tuscul. sub fin.*

** l. 1. §. 9. & l. 4. §. 1. d. *adil. ed.*

*** l. 4. §. 3. ff. de *Ædil. Ed.*

(b) DEMENTES IN SPECIE VEL EVRIOSI. Furiosos curæ subiectos constat Romano Jure; dementes non æquè: rationem differentiae quaerit Huberus in *Lib. III. Digress. Just. cap. 18.* ubi tamen concludit, licet expressè in *LL. XII. tabb.* non sint dementes, tamen subintellectos videri, & respondet deinde ad §. 4. *J. de Curat.* ubi à Magistratibus, & sic non à lege, mente captis tutores dantur: quòd videlicet accipienda sit illa dispositio de his, qui

solum debilem quandam intellectum habeant; nam ita ne quidem omnes *mati* subijciuntur Curatoribus, *l. 65. §. 3. ad Scit. Treb.* nec omnes, qui non rectò planè judiciò utuntur: ut omninò hic discretionè Magistratus opus sit; inaximè quòd etiam is, qui remissiori intellectu utitur, testari queat, itemque matrimonium contrahere, &c. Vid. Sand. *Lib. II. tit. 1. def. ult.*

VI. Porro, à disciplinâ, homines sunt benè vel malè morati aut exercitati, denique docti vel indocti: sed harum rerum in publicis usus magis ad politicam pertinet, ut in *quâque functione* (i) optimè exercitati moratique adhibeantur. Doctrinam qui ad publica negotia resque agendas inutilem existimant, inscitiam suam produnt, omnisque ævi excellentissimorum hominum exemplis refutantur. Sed erroris causa duplex, una, quod qui ætatem in libris agunt, dexteritatem expeditam agitandi ferè amittunt; altera, quod qui judicium aut à natura aut ἀπὸ φύσεως minus rectè habent formatum, ostentatione sapientiæ hanc faciunt ridiculam. Quare qui Reipublicæ cupit admoveri, teneat ex sapientia doctrinaque modum; facilius tamen nimium quam nihil doctus suum corriget defectum, nisi *pedagogismus* (k) sit, qui nunquam exolefcit.*

* dix. in *Orat. de Pedantismo Auspic. Orat. X.*

(i) IN QVAQVE FUNCTIONE. Distinguantur autem *Personæ publicæ*, seu Instrumenta Summæ Potestatis, in *Consiliarios* seu Senatores: *Magistratus*, Civiles & Militares: *Curatores* seu *Administratores*, sacros & profanos: *Ministros*

Aule, vid. *Lips. III. Pol. 3. §. 8. & c. 10. & 11.* ut & *Bodin. III. cap. 1. seqq.*

(k) PÆDAGOGISMVS. Potest jungi *Lipius Lib. I. Polit. cap. 10.* cum *Commentatoribus*.

VII. Ex famâ cives sunt honesti vel famosi, quos alii cives definire esse tradunt; male; ut tu ex definitione civis sponte videbis. Sed infames ab officiis magistratuum honoribusque excluduntur; Nempe qui ob causas legibus proditas infamiâ notantur; nam qui opinione hominum, licet prudentium, pro talibus habentur, hos non tam juris quam *politices ratio* (l) ab ingressu templi honoris arcet.

(l) POLITICES RATIO. Imò & *Juris*, nam facti quoque infamia, quam leges nostræ dicunt, non minus suo modo *juris* est: ut *Donellus*

distinctionem eam vellicare non debuerit. *L. XIX. c. 6. it. Bachovius, Wissenb. & alii.* Nempe *facti* eam dicimus, non quâ juri opponitur, sed quòd facta

facta quædam jus in specie notes, quædam verò turpitudini, & simul censuræ atque opprobrio viro-
rum honestorum relinquat; qualia quæ sunt, etiam
contrà jura, saltim in genere, committuntur. vid.
l. 1. de obseq. parent. Et patron. præstand. l. 27. C.
de inoff. test. l. 2. C. de dignit. Cæterum de famâ
& infamiâ nonnulla habet Pufendorff. L. VIII. c. 4.
ubi inter alia non infame esse, duellum deestare
§. 8. ostendit; simulatque de levi maculâ §. 5. Et
seqq. agit, & in §. 9. disquirat, quâ ratione existi-
matio civium ex nutu & arbitrio Reipublica pen-
deat, cui §. 32. addi debet, ubi applicat hoc ipsum ad
liberos damnatorum Majestatis: quos quidem ibi
inhonoratos effici posse ait, seu ætius, sed non
infames. Et tamen Romanos justa ratio movit,
ut Characterem imprimerent familiæ reorum læsæ
Majestatis, non nisi per restitutionem pecuniariam
abolendum: siquidem privatio nuda, si non etiam
positivi quid imprimeretur liberis, à molimine quo-
cunque adversus Rempublicam non videbatur eos
satis arcere posse. Sic ergò publica saluti hoc im-
putari oportuit, cum simul ipsi infamati non tan-
tum dedecus subire viderentur, civili æstimatione,
uti quidem alii, quos proprii facinoris turpitudine
commaculaverat. Equidem latus hîc campus fo-
ret excurrendi in varia civium genera, quæ immi-
nutionem existimationis patiuntur. Sic enim Cau-
pones plerisque populis viles habiti sunt. Peguera
Dec. 41. Comædi item: quamvis si Comædiæ rectè
formantur, (de quò Conzen XII. Polit. 13.) fecus se
habeat. Spectacula sanè instrumenta imperandi
erant, ac populum demulcebant; maxime si publi-
cò sumtu fierent, aut lucra attenuarentur. vid.
Hurtad. Tr. I. Resol. mor. 8. nec protinus ea civium
animos corrumpunt; ut Bodinus VI. cap. 1. autu-
mat. Interim qui Spectaculis deserviunt, infimò
locò habentur. Porro Agyræ & circumforanci,
(de quorum artibus vid. Campanell. Lib. IV. de
Sensu rer. cap. 4.) ne quidem in Republica tole-
randi sunt; ut nec qui ollas fortune exercent: cum
vix sit, ut fraudes eorum reprimi queant. Knipsch.
II. cap. 16. num. 113.) Adhæc Bornit. II. d. erar.
cap. 4. ubi de Cautelis adversus ipsos. Nec tamen
hæc pertinent ad casum, quo Respublica ejusmodi
ollam, ut ex lucris publica necessitas sublevetur, in-
stituit. Meretrices quoque exigendæ sunt: quæ
enim mala majora evitari posse per tolerantiam il-
larum ajunt, illa non habent cum ommissione vitæ

meretriciæ necessariam connexionem. Quare patroni
quoque meretricum, officium in tuendis eis susti-
nentes, rem illicitam gerunt; quamvis aliud sentiat
Hurtado Tr. I. Resol. mor. 15. n. 130. multoque mi-
nus cogi possunt meretrices ipsæ, ut se prostituant.
Neque enim hoc probant l. 39. d. furt. l. 15. §. 15.
d. Injur. vid. Covarruv. III. Resol. 14. n. 2. Caroc.
P. 3. d. Locat. cond. qu. 30. n. 30. Denique Judæos
rectius arcemus è Republicâ: & quamvis eos non
esse ejiciendos velit Marqu. de Sufanis Part. I. d.
Judæis, cap. 7. quò trahunt Ps. 59. 12. & quòd de
illis spem conversionis habere liceat; quin & ex-
teri crescere ipsorum accessione, cum periculo no-
stro, possint. Tamen, sicut plerumque Criminosi
sunt: vid. Voët. de Judæismo, ita, sicubi recepti sunt
pactò vel possessione immemoriali, non aliter, nisi
quando cum pernicie Reipublicæ retineri non pos-
sent, excludendi sunt. Prohibentur autem conver-
sari Christiani cum Judæis, in domo, sive ut sub
tectò unò cohabitare istis cum his non liceat: tum
& abstinere debemus à conversatione illorum in
Conviriis quibuslibet, balneis, educatione & la-
statione liberorum, medicinâ, famulatum illis præ-
stando à Christianis, functione muneris publici,
edendis azymis ipsorum: maxime verò in Con-
jugiò & tutelâ. Tandem & castrati, maxime qui
semet ipsos castrarunt, ad abjectos pertinent in
Republicâ. Utique Ambrosius Morales, vir doctis-
simus, Hispanus, exemplò Origenis incitatus, sibi
anno 1590. virilia, ad incontinentiam reprimendam,
præcidit; quòd quidem damnat l. 6. l. 4. ad L.
Corn. d. Sicar. De natalibus Civium superius ali-
qua relativè tradita sunt. Hic solum observan-
dum est, non rectè tradi, quòd Jure universali
omnes certò Patre nati pro nothis sive naturalibus
habeantur; etiamsi ex furtivò amplexu sint.
Spurios verò propriè dictos esse, incertò patre ex
meretrice: & latè appellari spurios, ex his suscepti,
qui contrà præcepta LL. coierint, item adulterinos,
incestuosos. Enimvero Concubinitus certum Pa-
trem facit naturaliter eo, quòd is matrimonium eò
jure sit: neque naturalem rectè dicimus, qui ex
furtivo amplexu concipitur: quia Jus natura hunc
non probat; uti Concubinitum admittit; indeque
spurios propriè dictos certum non habet patrem
naturaliter sive natura Jure; quamvis talem ha-
beat physicè. Ex meretrice autem susceptus vulgò
quæstus est, nec utique naturalis, cum nec physicè
certum

certum Patrem habeat. *Significatus* vero ille *latior*, illi pro *naturalibus* sive Jure nature filiis haberi quò omnes qui adversus præcepta Legum coeunt, non possunt. spurii appellari queant, huc non pertinet: saltem

VIII. Fortuna distinguit cives in divites & pauperes, in viliores & honestiores. Divites, quatenus *maxime eorum interest*, (m) salvam esse Rempublicam, ad regimen honoresque præ pauperibus admit- tendi sunt, idque olim hodieque passim servatur: hinc pendet *vilium* (n) & honestorum oppositio: honestis hic non ab honestate, sed ab honore nuncupatis. *

* §. 4. I. d. Publ. jud. & passim.

(m) MAXIME EORVM INTEREST. Quid etiam quòd si in officiis delinquant, in facultatibus ipsorum læsi habeant, quò sibi consulere possint, vid. not. ad art. 41. Capit. Leopold. ubi in Aulicos Imperii *Consiliarios* adsciscendi dicuntur illi, die im Reich angeessen und begüthert seynd. Sunt autem discernendi *Pauperes* ab *egenis*. Nam isti habent, unde vivant; *egeni* non item. Matth. de Crimin. tit. de Probat. cap. 2. n. 410. Et potest probari Paupertas professione jurata facultatum:

nam Judicis arbitrio hic omnia tribuenda non sunt; *Pauperes* vero haberi non debent, qui *manu victum* quarunt: sic enim *collectas* quoque hi solvunt in Civitate. Sunt tamen pauperes tales in Legato v. c. pro conjunctis sive *cognatis pauperibus* relicto. Carpzov. III. 13. 21.

(n) VILIUM. Sunt tales etiam *plebeji*, vel qui in honore positi non sunt, qui tamen *fœminæ* illi- batæ habentur.

CAPVT VI. De Nobilitate.

ARGVMENTVM.

Octava differentia, *Nobiles* aut *Ignobiles*. Nobilitatem variè censeri, distinguì ab eà dignitatem equestrem, item *Patriciatum*, sive ordinem in Republica plebi ratione publici regiminis oppositum. Qua proprie apud Græcos & Romanos nobilitas, qua hodie, imprimis inter populos Germanica originis, qui monarchicam auctoritatem requirunt. Sed juris rationem velle, ut æque in liberis Rebuspublicis Nobilitas acquiri possit, haud secus ac apud eruditos olim populos. Etiam præscriptione Nobilitatem rectè acquiri, quod ejus non sit & quodnam sit fundamentum.

I.

Ratione natalium cives sunt *Nobiles* vel *Ignobiles*, qui ab honestis & vilibus prope ut genus & species discernuntur. Nobilitas nihil est aliud, (a) quam Excellentia generis ex claritudine majorum ad posterios propagata. Per quam definitionem ab Nobilium ordine sepa- ramus

ramus eos, qui pro Nobilibus habentur, aut pro suis tantum personis nobilitate donantur, aut pro Nobilibus habentur, ut aliqui equites aurati, quos vocant, & Comites Palatini. Quin omnes, qui creantur nobiles, ipsi quidem ab ista definitione sunt alieni; tales enim à latinis *novi homines* (b) dicuntur; nobilitas aliquam vetustatem requirit, adeoque non nisi per traducem & natalibus communicatur.

(a) *NIHIL EST ALIUD*. Sunt qui hunc in modum definiunt, quod sit Dignitatis in Republica gradus eminentior, quod quis ab eo vel illis, qui conferendi jus vel per se vel ex communicatione aliorum habent, plebejæ conditioni legitimè eximitur, & præclaris privilegiis ornatur. Sed hæc definitio non videtur posse competere in eos, qui *avitam* Nobilitatem habent; nisi commodè explicetur. Poterat equidem cum Auctore sanguinis fieri mentio sive traducis, nisi hæc ratione liberos quoque *naturales* ad nobilitatem parentum admittendos esse verendum esset. Unde alii definitionibus suis inferunt loco sanguinis, *familiam*. Cæterum etiam Nobilis ille, qui patrem sequitur familiæ jure, nihilominus Nobilitatem debet non tam Patri, quam *Principi* sive Reipublicæ, nec aded consequitur beneficium illud Jure successionis, aut per modum *transmissionis*, ut privilegium quoddam reale; sed immediate ex ipsa concedentis voluntate; nec enim numero eadem dignitas est, sed tam *specie*: nec *quilibet heres*, qui Nobili succedit, Nobilis fit, quod necesse foret, si privilegium reale esset: Quid quod filius sit nobilis, *priusquam de hereditate* Patris quæri possit. Interim cum ex hisce saltem hoc sequatur, Nobilitatem non rectè dici, quod per hereditatem acquiratur: probari potest utique definitio Auctoris. Omnino enim ad posteros per familiam dignitas hæc propagari potest: Malim tamen substitui loco *propagata*, vocem *propagabilis*, idque de regulâ intelligi; cum dubium non sit, eum quoque Nobilem esse, qui nobilitatem *personalem* adeptus est. Et si vel maximè definitionem accipere de Nobilitate *gentilitiæ* velis: tamen etiam hi, qui personalem obtinent Nobilitatem, directam

tamen, non aliam gradu & effectibus cæteris, quàm gentilitiam consequuntur.

(b) *NOVI HOMINES*. Præclara est hanc in rem annotatio Bæcleri ad *Lib. II. Velleji Paterni* c. 12. pag. 201. & multis facti videtur esse ea distinctio, non juris: quasi Nobilitas illa præstantior sit, quæ ex *virtute propriâ* sortitur. Unde licet Nobilitas juris Gentium esse quoad formam genericam rectè dicatur; tamen si ad *specificam* transeamus, claritudinem illam nominis, qua Nobiles sive Noscibiles fiunt in Republica: non ubivis terrarum illam *hereditariam* esse videmus. Nec facile est, rationem *æquitatis* hac in re defenderè, aded ut nonnulli eam licentiz meræ, per quam Nobiles *viribus* potentes hereditariam dignitatem sustinent, & coniventiz Principum imputent. Verius tamen est, *ex re & usu publico* censendum institutum illud, dum liberi Nobilium hoc ipso necessitate quâdam adstringuntur, ne ab istorum probitate degenerent: quam in rem *Insignis* & imagines, ut virtutes patrias ipsi posteri æmulentur, comparatæ sunt, ut nempe eadem virtutibus suis augere studeant, nec in filiis protinus gloria hæc extinguatur: cum in nepotibus & posteris, facultatibus & patrimonio suffultis, spes virtutis in Rempublicam proficua propagari possit. Interim novi homines contemni ducendi non sunt, nam & majores cæterorum novi fuere, saltim quod inter pares dignitate eum, qui *prius* illam seu antiquis *nactus* est, præferri oporteat. Cæterum in dubio Nobilitatem non personalem, sed *realem* collatam esse, præsumitur. vid. *Perez. ad Tit. C. de Dignit. n. 24. ubi n. 35.* simul exponit, quâ ratione Principi expediat, ut novos creet Nobiles, cum primis divites.

II. Cæterum ad hunc locum non pertinet consideratio Nobilitatis, ut est ordo Reipublicæ sive equestris, sive patriciorum; hoc enim ad regimen civitatis pertinet; heic nihil est aliud, quàm civilis qualitas

in sola honoris suprâ plebem eminentia consistens. Claritudinem illam parentum, unde reputatio Nobilitatis, diversæ gentes aliter atque aliter æstimaverunt. Apud Græcos & Romanos Nobiles habebantur, quorum progenitores summis in Republica honoribus præfulserant; qui primi honores meruerant, novi potius, quam nobiles dicebantur. Igitur Romæ postquam honores maximi cum plebe nobiles fuerunt, ut de Claudiis constat, qui *omnes nobilissimi*, (c) pars tamen plebeji censebantur; perindè ac equites ibi plebejos fuisse constat.* Scilicet Romanus populus in plebem & patricios dividebatur, sub plebe erant equites, patriciatus erat gradus major nobilitatis eorum, qui ex antiquissimis senatoriis familiis oriundi, vel postea numero illarum extraordinem erant inserti.** Unde patet, suo magis arbitratu quàm latinè loqui inter nostrates eos, qui ex familiis honoribus claris sunt nati, quod cum Inobiles se ferre non audeant, modestiæ causâ patricii gaudent appellari, quod certè non minùs, imò proprietate latini sermonis amplius, quàm Nobilitas est; quanquam jure suo isti tales & nobiles & patricii poterant vocari, ut statim videbimus. Apud gentes Germanicas, quæ per omnem Europam se diffuderunt, Nobilitas ex re militari oritur, accedente Principum auctoramento, qui vel feudum cum titulo nobili, vel præmium nobilitatis per se, aut cum insigni ordinis equestris largiuntur. Unde ad posteros propagatio. Quod tamen ita nolim ad rem militarem restringi, ut causa, qua Imperatores & Reges nobilitatem largiantur, non sit etiam Doctrina. Scientia nobilissima facit.***

* Sueton. in Claud. in pr.

** Sigon. lib. 2. de Juris Civ. Rom. cap. 20.

*** l. Providendum C. d. postul.

(c) OMNES NOBILISSIMI. Prædicatum Nobilissimi sub *Monarchiâ* Imperatoribus proprium factum est, quanquam & Nobiles dicti fuerint. vid. l. 3. d. natal. restit. Et in nummis legitur *Constantinus Nobilis Caesar*. Principes etiam successores pueri Nobilissimi dicebantur. l. 6. C. Theod. ad SC. Claud. confer. Guther. de Offic. Dom. Aug. Romanam verò Nobilitatem benè distinguit Pufendorf. l. 8. c. 4. §. 28. ubi simul cum Auctore ostendit, postquam Plebeji bonorum redditi fuerint par-

ticipes, etiam hos Nobiles factos, & imò Gentem sibi asseruisse, nec novam illam prærogativam, quam Patricii in sacris gentilitiis commenti fuerant, diu substituisse. Tradit etiam in §. 29. quâ ratione Equites Nobiles non fuerint, nec aded dignitas eorum fuerit aliqua, sed ordo quidam: de quo conferri debet Cyriac. Lentulus Lib. I. Apie. Roman. glor. cap. 5. Prout autem virtutibus togatis inter Romanos Nobilitas tributa est, & sic paci magis, quàm bello originem debet: ita in plerisque

Europæ Regnis [Nobilitas nunc quidem militari virtute comparatur: rationem habet *Pufendorff*, d. c. §. 30. atque hinc non tam insignia armorum nomine veniunt, sed & *Feuda* militiæ, cum primis equeſtria, deputata ut plurimum sunt, quippe quæ honoratior putatur, & maximè ſuntuoſa eſt. Et quanquam *Germani*, ut ex *Tacito* patet, rem equeſtrem parum curarint, & peditatum præcipuè inſtruere niterentur; tamen poſtmodum ſub

Regno Francico præcipua vis & dignitas exercitiis in equitibus fuit, indeque nunc etiam Nobiles iidem, qui *Equites*, *Ritter*. vid. *Wehner*. voce *Ritter* Dienſte, ut tamen Equites cum appoſito, velut *Torquati*, *Ordinis Johannis* &c.: eminentem Dignitatem, eamque perſonalem, præferant. vid. *Speidel*. in *Notab.* voce *Ritter*, & *Franciſcum Menenium* in *Delitiis Ordinum Equeſtrium*.

III. Denique ſola monarcharum auctoritas fons nobilitatis vulgò in univerſum habetur, adeò, ut in populis, qui plurium Imperio reguntur, vix ulli nobiles fieri poſſe credantur. Sed hæc ratio perperam ſe habet, dandaque eſt opera, ut hujus rei doctrina ad exemplum Græcæ Romanæque diſciplinæ intelligatur, potius quam ex barbarico inſtituto, ut de hoc genere nobilitatis non nemo locutus eſt, quatenus quicquid eruditis populis ignotum, ab exteris & incultis receptum eſt, barbarum ſolet appellari *. Planè ſi jus creandi Nobiles ſit ex juribus ſummæ poteſtatis, quod nemo negat, manifeſtum eſt, illud æquè in plurium quam ſingulorum Imperiis poſſe conſtitui. Quod ſi in liberis Rebuspublicis feuda talia vel diplomata non distribuuntur, dicendum eſt, ſufficere ad nobilitatem alia argumenta voluntatis eorum, qui ſummam habent poteſtatem. Tale eſt in Republica Venetorum jus communionis in Imperio civitatis, cujus qui participes ſunt, eos vocant patricios, eoſdemque Nobiles jure meritoque. In Republica, ubi Imperantes ſeu perpetui, ſive temporales, ex plebe partim & ex Nobilibus creantur, ut in noſtrâ; hi, qui pro Nobilibus in ſupremo comitio admittuntur, maximè ſi hoc ſæpius factum, ipſi quidem non fiunt propriè nobiles; ſed eorum poſteri haud immeritò nobilitatem vindicare ſibi poſſunt; modò opes profeſſioni reſpondeant, ſine quibus hoc decus comparari vix poteſt; etſi partum cuſtodiri facilius, In cæteris ſequemur inſtitutum, quod apud Græcos & Romæ juris publici fuit, ut Nobiles putemus, quorum majores inſignia Reipublicæ munia geſſerunt. Neque enim ulla ratio proferri poteſt, quare id minus hodie juris ſit, minusve moris eſſe debeat.

* *Sciopp. in Scalig. ſymbol. dix. lib. 2. Digreſſ. cap. 24.*

IV. Quo autem majores ſunt dignitates, eo major quoque nobilitas

bilitas propagatur, quemadmodum jure Romano alii magistratus sunt *Illustres*, (d) ut præfectus prætorii & urbis; alii spectabiles, ut procon-
sules, denique clarissimi, ut prætores; etsi clarissimorum vox ali-
quando & spectabiles complectatur, denique Senatores iisdem gradi-
bus & terminis distinguebantur*; Non quod nati ex illis similiter
illustres, clarissimi, spectabiles sint, (etenim magistratuum hi sunt tituli)
sed quia de majoribus genitum esse illustribus amplius est, sicut Romæ,
qui ex familiis censoriis, consularibus, prætoriis similibusque orti,
alii aliis erant nobiliores.

* *Vid. Pacium Isag. ad tit. D. de Senator.*

(d) *ILLUSTRES.* Vid. post Sigonium & Penna, Aurayam, item Perez. num. 3.
alios Commentatores ad tit. C. de Dignit. Lucam de

V. Denique usu temporis immemorialis cum jura quælibet,
etiam majestatis, acquiri possint, nihil est causæ, quare nobilitas eodem
modo quæsitâ haud perinde legitima censi debeat; quasi *ex tacita
voluntate* (e) eorum, qui cujusque Reipublicæ tenent Imperium. Et
quidem hic modus ideò cæteris validior videtur, quia Nobilitas res
admodum inepta est, si reputatio ejus cum populari existimatione
minus conveniat, affectataque magis quam credita videatur: præ-
scriptio autem, sive usus longissimi temporis, in ipsâ populari usur-
patione consistit. Quicunque igitur docere possunt, quod à longissi-
mo tempore ab omnibus habiti & agniti sint pro Nobilibus, etsi nul-
lum initium causamve decoris sui producere possint, tamen optimo
jure nobiles se ferunt, atque hoc modo verum est, veteres divitias
multos rusticos fecisse, ac etiamnum facere Nobiles. Scilicet, quate-
nus in Civitatibus hæc res aliter non est definita legibus; Quid enim
si album sive matricula nobilium familiarum extet? præscriptio non
potest ex usu tacito tribuere, quod expressam nominationem
requirit.

(e) *EX TACITA VOLUNTATE.* Sunt tamen consuli potest Noldenus de Nobilibus cap. 5.
& alia argumenta Nobilitatis tacite, de quibus

VI. Majoris excellentiæ gradus, ut Baronum, Comitum, Mar-
chionum, Principum, Ducum, proprie sunt nomina potestatum seu
summarum, sive aliis tam feudi quam civitatis jure subjectarum.
Atque

Atque ita non nisi per modum successionis propagantur, quod tamen *secus in quibusdam gentibus* (f) obtinet, ubi plerique titulorum illorum exemplo Nobilitatis ad omnes posteros, etsi potestas penes unum maneat, transmittuntur.

(f) SECUS IN QVIBUSDAM GENTIBVS. *Iern*, quorum natu major tantum *Principis* titulo Exemplum hujus est in *Comitibus de Hobenzol-* utitur.

VII. Ex his jam colligi potest, fundamentum Nobilitatis non consistere in virtute, neque fama rerum gestarum, sed esse eam nihil, quam *hereditariam* (g) in civitate honoris prærogativam, quæ tantò major quidem est, quantò cujusque majorum fama virtutum meritumque celebrior fertur; absque ea tamen perinde haberi potest, ac sæpe honores alii, cum dignis & indignis communicantur. Honos virtutum, quique belli & pacis artibus defertur, à reputatione hujus eminentiæ toto genere diversus est, ut frustra sint, qui nobiles esse negant omnes à majorum virtutibus degeneres. Interim nobilitatis initium à virtutibus famaue secundâ ut plurimum duci, multisque eam à summis potestatibus in præmium virtutis tribui, quin & hanc præstantissimam esse nobilitatem, haud ægrè concedimus. Ut tamen hi, quibus *auro venditur*, (h) nobilitas aut favore sine judicio datur à Principibus, non minus quam isti sint nobiles, perinde ac prætor æquè fuit Vatinius quam Cato, Consul tam Gabinius quam Cicero. Ratio alioqui primitus impulsiva recipiendæ Nobilitatis fuit hæc sine dubio, quod populi sperarent, virtutes eorum, qui bene Rempublicam gesserant, imitaturos esse, qui nascerentur ab illis; item ut eò magis quilibet ad virtutem accenderetur, si intelligeret, non perituram, verum usque seros nepotes victuram dignitatem se adepturum. Proinde si primi familiæ conditores potentiam suam insignibus vitiis corruerint, hi quidem idonei nobilitatis auctores vix judicabuntur.

(g) HEREDITARIAM. Emendandus est *Cl. Auctor* ex his, quæ ad num. 1. diximus, ubi cautius ipse loquebatur.

(h) AURO VENDITVR. Est venditio illa præcipuè commendabilis, quâ *Veneti* uti solent, ut inter competitores illum præferant etiam plura porrigenti, qui muneri, cui Nobilitatem unam circumponunt, accommodatior est, ita *Boxhornius*

Lib. I. Polit. cap. 8. Nuper admodum singulare institutum *Regis Daniae* observatum est, da *Thro Majestät* vor gut erachtet, alle im Rang begriffene *Dero Råthe, Rensher, und Secrétarien*, in deren Collegiis oder Versammlungen, so keiner Adelsichen Anfunst sind, in den Adelsichen Stand zu erheben, worgegen ein ieder 500. *Rthaler* für versiegeit *Papier*, 100. *Rthaler* dem Ceremoni-Meister, und die *Sangley-Gebühr*, abtragen und bezah-

bezahlen, derjenige aber, so solche hohe Königl. terstände, seines Rangs und Ehren-Amts ver- Gnade auszuschlagen oder zu verachten sich un- lustig seyn sollte.

VIII. Momentum, quod Nobilitas habet in Republicâ, non modo quod ad inania honoris, sed & in functionibus Reipublicæ capiendis, ignotum est nulli: Quæritur, an & jus aliquod hac parte Nobilibus competat, quo urgere & exigere possint, ut aliis præferantur, in tantum, uti secus injuria illis fieri dicatur, quod Catilina præ se ferebat; ideo civile bellum se movere, quod ipse & socia Nobilitas statum dignitatis suæ non obtinerent.* Fuit hæc res in Græcis civitatibus creberrima seditionum materies; sed ratio est, Nobilitatem nihil juris habere proprii & perfecti, nisi ex conventionem civitatis, id est, Lege; citra quam probabiliter tamen aliquod præcipuum illis tribuendum, minimè verò ut injuriæ & ultionis causa, si neglecti fuerint, oriatur. Quin & prærogativa illa cedit haud dubie virtutum & doctrinæ meritis, planè ut Franciscum Galliæ Regem servasse vel dictitasse ferunt, quòd pluribus honorem ambientibus, primum quis laude moribusque ad illum aptior, rogabat; nullo notabili discrimine, eum, qui Nobilitate excelleret, præferendum judicabat. (i)

* in Epist. ad Catil. apud Salust.

(i) PRÆFERENDVM JUDICABAT. Locum hunc illustrat Tiraquellus de Nobilit. c. 20.

CAPVT VII.

De

Diversis Civium Ordinibus.

ARGVMENTVM.

Antiquissimum genus civium fuisse agricolas. Dignitate etiam mercatoribus olim potiores habitos, secus hodie, ratio differentia. Quæstio, an naturaliter liceat in emendo vendendoque se invicem circumscribere? terminatur. De fœneratoribus, & an fœnus Jure Naturæ divinoque sit licitum; non tamen id, quod vulgo Lombardicum vocatur. Mercatores sequi Piscatores & Mechanicos artifices, sed milites ordinem in civitate proprium non constituere. At eruditos omninò, tam qui docent artes studiorum, quam qui faciunt illas.

I.

HÆ fere sunt differentiae ex qualitatibus civium; Dantur & aliae ex variis vitae generibus ac professionibus: Unde ordines hominum diversi componuntur.

II. Antiquissimum vitae genus est agricultura, idemque innocentissimum nec minus Reipublicae utilissimum, ideoque apud priscos omnes populos *merito honoratum*. (a) Unde & Legibus fovenda tuendaque imprimis, ut à Romanis factum; quò pertinet, quod instrumenta rustica loco pignorum capi & agricolis auferri prohibeantur*; quanquam id esse juris necessarii non videtur, sicubi cessent rationes, quas Jus Romanum praefert, ne tributa intercidant, ne rura deserantur. Quo minus *Imperii* in civitatibus Rustici *participes* (b) habeantur, nulla quidem ratio obstat, idque olim in laudatissimis civitatibus obtinuisse nota res est: hodiernis temporibus aliter usurpari videmus, ubique penes urbes aut nobiles summâ consistente rerum: non aliâ ex causâ, quam quod hi, qui opibus & ingenio pollent, agriculturam odio laboris fastidiant, eamque iis relinquunt, qui ad rem nullam praeterquam ad serviendum sunt apti.

* *Vid. l. 7. & 8. cum auth. agricult. C. Quae res pign. oblig. non poss.*

(a) *MERITO HONORATVM.* Inde nobiles, utut propriis manibus ruri operentur, dignitatis tamen suae luminibus eos per hoc non obstruere, notat Schütz Vol. I. Colleg. Jur. Publ. D. 9. thes. 8. lit. c. & Nolden. cum pluribus aliis in Tr. de Nobilib. cap. 23. num. 19. & seqq.

Germania, praetor mediator, Juris Comitiorum provincialium participes, (quod de Frisia Orientali referunt,) etiam immediati, freye Reichs-Bauren, reperiuntur; & hi quidem in partibus Franconiae, Marchiae Brandenburgicae, item in Principatu Elwangenfi. vid. J. Pac. art. 5. §. 2.

(b) *IMPERII PARTICIPES.* Utique in

III. Post agricolas sunt origine Mercatores; illos necessitas, hos utilitas commendat; quando nulla re compertum est, celerius incrementum & rursus deficere, quam florente vel coarctatâ mercaturâ, civitates. Plerique veterum dignitate post agricolas collocant mercatores, quia sane apud hos minus est simplicitatis & crebrae fraudes ac imposturae. (c) Ideone & his diebus Nobiles, qui agros, saltem per alios, ipsimet exercent, mercaturae misceri indecorum existiment? sed hæc quidem ratio aliter constat. Monarchæ ut liberius imperarent, plebi arma excutere eaque soli committere Nobilitati curæ habuerunt; at à flu-

à studio armorum nihil alienius esse constat mercaturâ. Accedit & ratio coercendi *monopolia*, (d) quæ per homines potentes & nobiles facile contraherentur, quamobrem Jure Romano cunctis potentioribus mercaturâ interdictum*. Philosophi idcirco illam deteriori loco habere videntur, quod cum simplicitate Juris Naturæ minus conveniat, rem eandem minoris emptam vendere pluris: nam in venditionibus, aut ubi pecunia rarior, in permutationibus commercia potissimum consistunt. Fundamentum** hujus quæstionis decidendæ petendum est à voluntate contrahentium; His enim consentientibus in eam, quæ arguitur, inæqualitatem, nulla ratio est naturalis aut civilis eam reprehendendi. Voluntas autem eumentium *ex indigentia* (e) colligitur, prout enim quisque magis aut minus aliquâ re indiget, ita pluris aut minoris eam æstimare solet. Sic tamen, ut indigentia non respectu singulorum spectetur, ita, ut venditor captet unius necessitatem, eamque precio enormi circumscribat, sed in universum, quatenus æstimatione communi res quæque censetur. Proinde non modo lucrum, quod simpliciter pensationi laboris operæque respondeat, sed & juxta subitum indigentiae incrementum licite capi potest. Est omnino tacitus ubique gentium & publicus in hanc rem consensus, ut res emptas cum lucro distrahere liceat; quæ generalis consensus in Jus Gentium abit, idque frequenter Naturale dicitur; unde Romani Jcti, *naturaliter* licere contrahentibus se invicem *circumscribere* (f) docent***. Quanquam monopolia, quibus jus vendendi certis hominibus, exclusis reliquis, permittitur, esse prohibita, satis hinc intelligitur, quod commercii libertas Juris Gentium est; nihil tamen vetat, quin civitas ob civiles quandoque causas ea permittere possit, quale fuit monopolium Josephi in Ægypto & est Indicæ societatis in Belgio. Cæterum dignitas Mercatorum in liberis Rebuspublicis aliquantò major habetur, & omnino plures apud populos etiam, qui regnantur, diversa, quam solebat, reputatio invaluit, ut ubi lucrum est, ibi quoque honorem esse arbitrentur, adeo, ut Reges quoque & Principes aggregari mercatoribus non dedignentur,

* Vid. L. unic. C. de Monopol.

** Vid. Grot. lib. 2. cap. 12. §. 14.

*** Jc. in l. 16. §. 4. ff. de minorib.

(c) CREBRÆ FRAVDES AC IMPOSTVRÆ. Hinc cum genus hoc vitæ vix immune ab abusu esse possit. vid. Eccles. 25, 2. idèd honoratioribus indignum reputatum fuit omni tempore: Tiraquell. *de Nobil. cap. 33.* tantum quod venditio aut permutatio rerum, quæ in *fundis* ipsorum nascuntur, integra illis sit: de quo ut & moribus diversis exterarum quorundam Rerumpublicarum ad l. 3. *C. d. commerc. & mercat.* agit Tabor in *Tract. de Jure cerevisiar.*

(d) MONOPOLIA. Differunt monopolia à propoliis, dem Vorkauff. Sed monopolium cum propolio sæpè conjunctum est; vid. de propolio, & cur illud in civitatum perniciem pernitendum non sit: Mevium *Part. VII. decis. 122.* quoddamque Principibus propolia vini, frumentorum & familia, exercere liceat, Klock. *Lib. II. de arar. cap. 81. num. 6. & seqq.* necessitate videlicet Reipublicæ, (de quâ disponere optimè censetur velle Princeps,) sic exigente: nam & Regibus & Principibus magnam mercaturam exercere concessum est. Hermes *cap. 35. Fascic. Jur. Publ. num. 26.* Et Klockius de *arar. d. L. II. c. 26.* idem de monopolio tradit, quando negotiatio nimis ampla sit, quâ nervum Reipublicæ negotiatores ad se pertrahere videantur, quod tunc etiam Princeps soli sibi negotiationem ejusmodi sumere possit: id quod Veneti quoad commercia in Flandria etiam & Anglia instituerint. Cæterum licet monopolium ne privatus quidem præscriptione acquirere possit: Mev. *VII. Decis. 267.* & in R. J. passim monopolia prohibita reperiantur; R. A. zu Cölln de anno 1512. §. Und nachdem. R. A. de anno 1524. §. Und diemeil. R. A. de anno 1592. §. Nachdem die Monopoliën. Ordin. Pol. 1548. Tit. von Monopoliën. additis DD. ad l. un. *C. de monop.* Sunt tamen casus multi, quibus eadem permitti convenit, ut 1) si spectent ad favorem & adjumenta commerciorum, dum civitas magnâ aded copiam mercium non indiget, sub promiscuâ autem vendendi licentiâ nemo illi generi commercii studere cupit, ob spem exiguam, quid inde lucrandi. 2) Per æquitatem, ut illis, qui commercii, vel opificii genus non levibus impendiis in civitatem introducturi sunt, prærogativam ejus, in redhossimentum curæ & impensæ, concedatur. 3) Ob emolumentum ipsius magistratus, si is pro usu publico peculiare commercium sibiumat; vid. Kœppen *Decis. 59.*

num. 28. ut Elector Bavarix salis monopolium, & civitates nonnullæ Germaniæ vini Rhevani, exercent: Sunt tamen multa, quæ speciem monopolii habent, & monopolia tamen non sunt, ut rectè Pufendorff *Lib. V. c. 5. §. 7.*

(e) EX INDIGENTIA. De justo rerum pretio elegantem Commentarium edidit Dinnerus; & Pufendorff *Lib. V. cap. 1.* de pretio amplâ ratione tractavit; ubi pretium in vulgare & eminens distinguit, pretium ad nummum referens. Et vulgare quidem pretium, de quo potissimum hic disquiritur, ita investigandum esse censet, ut in eo respectus ad fundos haberi debeat: inquit etiam in §. 16. *ejusd. cap.* An *salaria*, quæ ante totidem annos lauta sat fuerunt, hodiè non sint justo tenuiora?

(f) CIRCUMSCRIBERE NATURALITER. Non videtur Auctor assecutus esse indolem hujus vocis *naturaliter*: nam Jcti circumventionem hanc permissam esse volunt, ex necessitate consequentiz, quæ sit ex *re* & *negotii*, non juris, *naturâ*, *ἐμπροχως*, ut Gothofr. ad Nov. 97. c. 1. non Jure Naturæ, *Novell. 77.* Cujac. in *Recitat. Cod. de rese. vend. pag. 373.* nec minus eleganter Welenb. ad tit. ff. *eod. n. 4.* Aliter Jac. Gothofr. ad l. 23. de R. J. ubi naturale ad omni ferè sensum capit, ut *naturalia* in contractibus, opponi solent substantialibus & accidentalibus, quasi hic sit status & *natura*, modus item & terminus *contractuum*, & hæcenus naturaliter se circumvenire liceat: Quæ quidem expositio probari ex locis ab eo citatis non potest; Vulgariter quippe sumitur vox illa, quasi dixerit Jctus, naturam sive indolem *commerciorum* aliter non admittere, quàm ut circumventionem eam, quæ non ex proposito, sed ex *re ipsâ* sive *eventu* contingit, inemendatam in Republica relinqui oporteat. De eo major disceptatio est, cur Juris conditores læsionem ad *dimidiam* usque periniserint, & non arctiorem ei præstituerint terminum, puta tertiam vel quartam: nam & Pufendorffius *Lib. V. cap. 3. §. 9.* putat, licet quis *infra dimidium* læsus sit, tamen negotium de Jure Naturæ rescindendum esse. Rectius *Nostrates*, sive Jcti *Civiles*, qui nec in forò *Ecclesia*, propter læsionem minorem, agere licere statuunt, vid. præ exteris, Merendam *I. consrov. 38.* quò facit potissimum incerta rerum æstimatio *arg. l. 12. §. 2. rem rat. hab. l. 6. §. 3. de off. Proc. l. 41. de hered. inst. §. ult. J. quib. ex caus. man. non lic.* ubi in similibus *mediam viam* insti-

institère autores Juris. Neque enim permittendum erat, ut per regulam generalem, quæ ad res quotidianas, nec magni adeò pretii, æque pertinebat, contractus frequentius everterentur, si non in enormi quopiam, & quidem juxta communem rerum æstimationem, læsum se esse unus alterve contrahentium ostendere posset: quorum quilibet

etiam cautius mercari debebat: nec Jus Naturæ omnem inæqualitatem, si necessitas Reipublicæ & natura negotiorum aliter non admittat, ad momentum usque exigi debere, suadet: Ut satis tutum reputare possimus eum in conscientia, quem & rerum diversa conditio & indigentia, item pretii varietas, solari potest.

IV. Juxta mercatores censeri cupiunt fœneratores, qui pecuniis pro mercede mutuo elocandis suam vitam exercent, quos alii non modò penitus è civitate vellent ejectos, sed & fœnus in universum Juri Naturæ & divino contrarium judicant, quod scil. non damnum penset illatum aut lucrum cessans, nec quod *puniat* (g) debitores frustrantes, sed quod ob solum infligitur quæstum. De Jure Naturæ nobis certum est, id non prohiberi, quatenus *nulla est ratio*, (h) cur non ex pecuniâ meâ lucrum immediatè percipere queam, perinde ac aliis rebus pecuniâ comparatis. Jure divino fundamentum prohibitionis est charitas*, cujus Legibus si possit usura non adversari, dicendum, dari quoque usum ejus non nefarium. Atqui ut ab eo, qui nostrâ pecuniâ in suum commodum utitur, mercedem capiamus, id non repugnat officio charitatis**. Nec audimus τὸν μέγαν à se ipso dissentientem, quando sufficere ait, debere Legem ab Hebræis latam, ne à gentilibus suis capiant usuram; cujus cum honesta sit materia, Christianos quoque per illam obligari, quippe vocatos ad majora virtutum specimina. Nos hoc admisimus pridem in his, quæ merè sunt moralia, licet non necessaria, ut aliàs dictum; ejusmodi autem hoc præceptum esse non videtur, ut *ex conditione* liquet *illius populi*, (i) agrestis & à commerciis alieni, nam idcirco & aliæ gentes versuram interdixerunt, quam alii necessariam experiuntur. Præterea quod morale totum est, id omnibus ex æquo populis congruere oportet, hanc autem de fœnore Legem Deus ipse ad alienigenas noluit extendi. Quatenus autem *Legi dilectionis* (k) adversetur usura, id ex solidâ & infucatâ dijudicatione circumstantiarum, quæ in universum terminari nequeunt, cuique colligendum.

* Vide omnino Carolum Molinaum tract. de usur. num. 10.

** Grotius lib. 2. cap. 12. §. 20. de jure belli & pacis à se ipso dissentiens in lib. 3. manuduct. ad Jus Holland. cap. 10. §. 20. & seqq.

(g) PUNITAT. Atqui usuras *punitorias* reverà non esse distinctas à *compensatoriis*, ex l. 17. §. 2. h. alii colligunt. v. Rittersh. *Lib. IV. diff. J. Civ. & Can. cap. 11.* Quid quoddà æquitatem *compensatoria* usuræ non consistere dicant in compensatione damni; quoniam ratio damni non habeatur in Jure nostro in stipulatione usurarum, sed simpliciter adjudicentur, quoddà in *stipulatum* deductæ essent: & deductæ ided fuerint in *stipulatum*, quoddà creditores *damnum* raro ostendere possent. vid. Bach. ad *Trentl. ib. 2. de usur.* unde ei, *quod interest*, certus modus præstitutus non reperitur: l. 24. *de re jud.* cum quidem usurarum modum legibus præscriptum non liceat excedere. l. 26. *C. de usur.* Quicquid tamen sit, distinctio illa recepta in *compensatorias*, *lucratorias*, & *punitorias*, retinenda est. Nam licet *punitoria* etiam compenset suò modò, tamen *compensatoria* vicissim non punit: pœna *moram* respicit, quæ in *compensatoria* non attenditur, quippe quoddà ibi citrà *moram* usuræ adjudicari debeant. *Lucratorias* autem usuras penitus & Jus Naturæ & Jus quoque Civile abhorret.

(h) NULLA EST RATIO. Quod enim dicitur, 1) mutuum sui natura *gratuitum* esse debere, 2) minimum esse rem *sterilem*, 3) in rebus fungibilibus, & quæ usu statim *consumuntur*, dominium ab usu non distingui, ut aded pro usu rei, quæ alterius facta est, nil videatur exigi posse: ad hæc satis respondet Pufendorff. *Lib. V. cap. 7. §. 10.*

(i) EX CONDITIONE ILLIUS POPULI. Nempe ex forma Reipublicæ illius & conditione ejus seculi: erat enim forma popularis, in quâ opum æqualitatem servari oportuit; hinc leges similes de annò Jubilæo & remissionis, ut & de non alienandis in perpetuum fundis: Deinde populus rei faciebat ex pecuariâ, agricultura & operis manuariis, & (quod Auctor ait) pene alienus erat à mercatura, aut modicâ tamen utebatur: quo in statu nemo mutuum accipit, nisi inopiâ pressus. *Conf. Deut. 28, 12.* Denique lucrandi ardorem illò etiam seculò Deo prævisum idem coercere voluit, ne per eum tenuiores opprimerentur: Cæterum quâ ratione legem divinam circà usuras in *Exod. 22, 25. Lev. 25, 37. & cap. 19, 14. Deut. 20, 19.* Hebræi veteres explicaverint, *Seldenus* latè persecutus est, *Lib. VI. de Jure N. & G. sec. discipl. Hebræor. c. 9.* ex quò sua mutuavit Pufendorffius. *d. c. §. 8. & sq.*

Et ex his colligi omninò potest: legem illam non *moralem*, sed *forensem* fuisse, ut rectè *Kloppenb. de sener. cap. 7. & 8. & Hagen in cap. 2. de usu usurar.* Quin & *Jure Canon.* usuras tantum *mordaces* esse prohibitas, idem *Hagenus* docet *cap. 4.* quanquam certum sit, *disputationem Cameralium*, quæ nempe ante *Constit. Imperii*, von *trucherlichen Contracten*, in *Camera Spirensi* viguit, latius porrectam, & ad quaslibet usuras, non habitâ *subjectorum* sive *personarum* distinctione, extensam fuisse: velut apparet, ex *Vol. I. Decis. Meichneri, Dec. 12. & 13.* Utique enim etiam inter *Canonistas* plerique in universum usuras damnant. vid. *Zoefl. ad tit. X. de usur. num. 7. seqq.* *Menoch. II. arb. quæst. 398.* *Anton. Fabr. Lib. IV. C. tit. 24. def. 2.* & ne hodiè quidem in *Camera* usuræ aliter, quàm ex *morâ* adjudicantur, (nec aded ex *conventione*,) quas *compensatorias* appellamus: *Rodingius, L. III. Pand. Camer. Tit. 6. pag. 525.* nisi quoddà *remedium* huic rei (ne aliàs *mutuationes* pecuniarum in *Reipublica* impedirentur,) in *annuis redditibus*, deni *Guld. Rauf*, repertum fuerit, factâ tamen ad quincunces præstationes restrictione; præterquam si majus interesse damni emergentis & *lucris* cessantis quis probare vellet: ita *Stammius, Assessor olim Cameræ Imper. Lib. I. de servit. personar. Tit. V. cap. 3. num. 11. & Rulandus de Commiss. Part. IV. Lib. VI. cap. 6.* Interea in *Judiciis* *Camera* inferioribus *discrimen* ejusmodi non attenditur; quin potius in multis locis *semisses* adjudicantur; vel quoddà ante *Constitut. Imperatoriam* ita statutis obtinuerit: siquidem aliter *publicæ rei* consuli non potuisse, statûs plures, in suis territoriis, advertent; Vel denique, quoddà non tam verbis inhaerendum, quàm ad rem ipsam attendendum esse, crederent: quanquam de cætero *Frantzkiûm* hætenus nemo probaverit, quando in *Lib. I. Resol. I. n. 59. & 62.* *annuum redditum*, (den *Guld. Rauf*) ab usuris reverà non distingui, sed palliatum tantum mutuum referre asseruit.

(k) LEGI DILECTIONIS. Hanc probè evolvit *Osiander ad Grot. Lib. II. cap. 12. num. 20.* ubi discernit 1) inter usuram rigorosè dictam, & quaecunque, quoddà suprà usuram datur; 2) inter homines *mutuantes*, eorumque *indigentiam* & *paupertatem*: per quæ temperat dicta in 1. *Job. III, 17. Matth. V, 42. & 2. Cor. VIII, 14.* *junge Besoldum, in Tract. de vitâ & morte hom. cap. 5. n. 7.* Nec putandum

tandum est, in *Veteri Testamento* permissiōem respectu alienigenarum tantum effectum impunitatis, & non etiam jure liciti, habuisse: nam & hoc dubium eximit Osiander *d. locō*; ubi etiam exponit, non modò ad Cananæos, sed quoslibet extrā populum Israeliticum alios; permissiōem hanc respexisse; neque etiam in *Novo testamento* majus quid à Christianis exactum esse. Ceterum quod de usuris dictum est, idem etiam observari debet circa ea, quæ *similia* sunt, ut sunt *antichefsis*, *reditus annuus*, *cambia*, item *montes pietatis*, de quibus optimè post Moralistas, & qui de *arario* scripserunt, (ut Bornitium, *I. de arar. cap. 7.* Klock. *Lib. II. c. 20. n. 5. & 15.* & Pellerum *ibid.*) Harsdörffer im *Schau-Platz Lust- und Lehr-*

reicher Geschichte, cap. 147. quò non minus etiam *Mohatra* pertinet, seu contractus ille realis, quò aliquis rem carius emit pecuniâ creditâ, & eandem eidem mox vilius revendit, pecuniâ numeratâ, ut quam mutuo non potuit habere pecuniam, sub his involueris accipiat, v. g. cum ille, qui 20. thaleris indiget, pannos à mercatore emit pretiâ 30. thalerorum, post annum solvendorum, mox eidem numeratâ pecuniâ 20. thalerorum eos revendit, vid. Ziegler. *integrâ dissert. de Mohadra*, cum primis §. 29. & 30. Sed hi modi omnes, & vel *Montes pietatis*, iniquitati & impietati multifariam suppositi sunt, in quibus, ut & Auctor in §. 4. hic insinuat, non tam in thesi, quàm hypothesi, & in exemplis injustitia argui potest.

V. Nos utcunque eos, qui artem *ὀβολαστην* exercent ob necessitatem tolerandos, ita qui foeneratorium toto vitæ instituto artificium exercent, laudandos minimè putamus; quoniam etsi mutuum suâ naturâ gratuitum, non male quandoque fiat usurarium, id tamen extraordinarium juvandique alterius causâ, non promiscuè, ut faciunt mensularii, fieri debet: quemadmodum, etsi bellum sit licitum, non ideò, quibus bellum est ars, idque agunt, ut conducenti cuivis locent operas, vitæ genus justum sequi videntur. Planè qui apud nos trapeziticam exercent, quorum primi è Longobardiâ oriundi nomen gentis professioni dederunt, ne quidem, uti res habet, ferendi in civitate erant, nisi ipsos Magistratus tenerent implicitos; quæ tamen honorifica societas nihil argentariis ultra impunitatem tribuere, neque sane labes Reipublicæ *intrinsecam rei spurcitiem* (1) tollere potest.

(1) INTRINSECAM REI SPURCITIEM. Huc pertinet disquisitio, quatenus *emptio spei* in Republica, dum certum pro incerto datur, tolerari possit? & quidem de *sponsionibus*, apud Stracham, Santernam, Befoldum in *Thes. pr. voce Wetten*, it. Finckelth. *obs. 33.* Scheffer *I. quæst. 34.* junctâ *Reform. Francof. tit. von Wetten*; nec non de *Assurationibus* & Bodmeriis, integris tractatibus constat, quodd negotia in Republica licita constituent; sicut non minus inter ludos hæc differentia habenda est, ut tolerantur, nisi in aleam incidant. Sunt quidem, qui etiam in *chartis & tesseriis* in victoriam quid poni posse, illicitum non esse tradunt, ut Dunte

in *Casib. Consc. c. 10. sect. 2. qu. 76.* Balduinus *Lib. IV. cap. 4. cas. 10.* & Christinaus *Vol. I. decis. 198.* alii tamen lucrum in Chartulario lusu & similibus furto accensent, ut Dannhauer. *Part. II. Theol. conscient. pag. 210.* Amesius *L. II. Cas. conscient. cap. 45. n. 13. seqq.* junctò Carpz. *III. crim. quæst. 134. num. 3.* maxime circumstantiis, ratione personarum & quantitatis, concurrentibus. De *Lottaria*, wenn ein ieder was zulegt, und sie alle um dasjenige, so dergestalt bezahlt wird, spielen, quod licita sit, exponit Pufendorf. *Lib. V. cap. 9. §. 6.* Quid autem de *ollis fortuna*, oder Glücks-Löpfen, habendum est? Posse eas sub certis requisitis in Republica

publica admitti, ex his, quæ tradit Harsdœrffer DD. commentari solent, ad I. 5. de naut. sen. cap. 198. der Lust- und Lehr-reichen Geschichten, ubi studiosè explicatur, quidnam dici soleat, in colligi potest. Addenda sunt his oranibus, quæ *aleam incidere*.

VI. Mercatoribus jure meliori succenturiantur, qui Piscatoriam maximè Oceani, quique mechanicas exercent artes; sed de his Politici habent quod moneant, de illis quod juris est, hoc in loco de Jure maris videbimus.

VII. Milites ordinem in civitate proprium constituere non videntur; utique non, si delectu civium habito identidem bello confecto, ut olim Romæ, dimittantur; tunc enim pars civitatis sunt, non ordo civium peculiaris; neque verò, si perpetuis stipendiis modo in castris, modo in præsidiis habeantur, ut recenti Romæ: nam qui tum cives ex illis sunt, manent cives jure priori, alienigenæ mercenario servitio civilis unionis non fiunt participes; proinde nec originariis civibus militare ministerium quicquam juris, quo civilis mutetur character, superaddit: quod verò secus *apud Romanos* (m) obtinuerit, id vitium ac pestis, non jus fuit Reipublicæ.

(m) APUD ROMANOS. vid. DD. ad l. ult. C. de re milit. atque comparisonem integram militiæ Romanæ cum modernâ apud Rupert. in L. II. ad Val. Max. cap. 3. Dissert. 1. item: An hodiernus militiæ status, stipendiorum expers, cum statu bonæ conscientiæ conciliari queat? Dannbauer. Part. II. Tom. 1. Dial. 3. Theol. Conscient. quest. 12.

VIII. Sed qui studiis honestarum artium exercentur, hi optimo merito civilis ordinis censentur: sunt autem duplicis differentiæ, qui docendis tantum eruditæ disciplinis (n) dant operam, & qui faciunt artes, seu praxin earum, ut vulgo, exercent. Qui institutionem scientiamque earum artium profitentur, quibus Ecclesiæ & Civitates reguntur, & utilissimi humano generi & ab omni seculorum memoria honoratissimi fuere; præterquam ubi corruptis moribus præmia virtuti & doctrinæ debita ignavis bonarum artium promiscuè tribuuntur. Qui exercent in civitate disciplinas, hi quod attinet rerum divinarum scientiam alium locum, quam est is, de quo jam loquimur, in Reipublica tenent, idemque de Jctis in loco videbimus. Medici & Philosophi huc quidem pertinent, sed de juribus illorum vix est, ut in hac arte universali, (o) materia dicendi occurrat.

(n) **DOCENDIS DISCIPLINIS.** Has omnes ad statum *Ecclesiasticum* referunt nonnulli: quos rectè refellit Walther. *de statu Doctorum*, §. 49. quanquam cum eò tempore, quò Pontifices *Academias* sibi integras, in orbe Christiano, subicere nitentur, doctrina illa invaluerit, ut omnes in *Academiis* viventes *Clericis* annumerarentur. (vid. Conring. *de Antiquitat. Academ.*) Exhinc vestigium aliquod in *titulis* diu remansit, ut *Jurium* quoque *DD.* in *Cancellariis* titulo contractò *Ex pro Herr*, ut olim *domnus pro dominus*, compellerentur. vid. Barthium *XXIX. Advers.* 19. Quòd verò ad *Ecclesiasticum* magis, quàm ad *politicum*, status *Doctorum* pertineat, ipse Waltherus largitur, *cap. IX. §. 49.* Cæterùm *Doctorum* tantam esse dignitatem *Menochius* tradit cum aliis, *Lib. IV. præsumpt.* 189. num. 86. ut ne indignus quidem *Doctor* sit, cui *comitissa* nubat; nec tamen illustres aut *Comites* esse, etiam si per vicennium docuerint, ipse tradit, in *Arbitr. quest. cas.* 68. num. 43. & seqq. Interim *Equitibus* aliquando assimilati fuere, quæ & ipsa dignitas *Equitum personæ* est, ad instar dignitatis illius *litterariæ*. vid. *N. A. zu Augsburg* de anno 1500. ibi: *die von Adel, so nicht Ritter oder Doctores sind*, junct. *Noldio de Nobilib.* c. 3. num. 63. & seqq. & *cap. 6. num. 27. & 66.* Quid verò de *Professoribus*, quos *Limnæus* in *Lib. VIII. Jur. Publ. cap. 3. num. 1. Sophistas* à Romanis dictos fuisse, auctoritate *Cujacii* se probasse, putat? vid. omnino *Tabor de metat. pag. 199.* ubi illum eò nomine satis refellit.

(o) **IN HAC ARTE VNIVERSALI.** Quasi non tam videantur statum *Reipublicæ* sustentare, quàm singulis prospicere, in vitiis corporis & animorum sanandis: Equidem *ſcotos* eà ratione *Medicis* præferri communiter tradunt *DD.* vid. *Otton. ad J. P. p. 655.* & alicubi *DD. Juris*, *Doctoribus*

Medicinæ, etiam si hi tales *Professores* sint, ut *Lipsiæ*, præferri constat; ex traditis *Philippi ad §. 9. J. de J. N. G. & C.* Unde *A. Faber* licet ad *tit. 29. Lib. IX. C. Sabaud. def. 4. & 5.* *Doctores* quoslibet *Nobilibus* accenseat, *Medicos* tamen in *def. 9.* nec *Nobiles* esse, nec ullâ dignitate præditos, ait, excepto unico *Medicò Principis*: quem quidem ex *l. 1. §. 1. de var. & extr. cogn. item l. 6. & tot. tit. C. de Prof. & Med.* aliisque rationibus, satis refutat dictus *Tabor*, in *Armm.* Parte speciali *de hoplophoria cap. 3. §. 14.* & in *Tract. de Metat. pag. 203. & 270.* Pertinet huc disquisitio: num unico in *Rep. Rom. servi Medicinam* exercuerint? Quod adstruit *Dion. Goth. ad l. 1. §. 1. C. de commun. serv. manum.* Utique per *libertos* non minùs eam exercitam fuisse constat ex *l. 25. §. 1. & seq. de oper. libert. donec Jul. Cæsar Medicos Professores civitate donavit*, apud *Sveton. cap. 32.* & *Augustus* illis *immunitatem civilium munerum* dedit. Confer eund. *Goth. ad l. 5. C. de Prof. & Med. Philosophos* quod attinet, cum honorum & divitiarum contemptum profiteantur, præterquam quòd *Reipublicæ* manum non admoverent, vel tamen non ut *Philosophi*: (vid. iterum *Taborem d. c. 3. §. 14. & de Metat. art. 2. §. 7. pag. 203.*) idè ad illos, qui *collegia publica* constituunt, & ordinem civium, *Auctor* eos non retulit. Denique cum varia vitæ genera huc pertineant, de *redituariis*, oder *denen Renthenirern*, notandum est, quòd *Baldwinus Lib. IV. cap. 1. Casuum Consc.* nisi inhabiles sint ad suscipienda officia & munera publica, eos *conscientiæ suæ* non rectè consulere, doceat. De *Canoniciis* an status eorum talis sit, in quo vitæ tabernaculum figendum & consensendum sit, *Danhauerus* expedit, ipse membrum *Collegii Canonici Argentoratensis*, in *Tom. I. Theol. Conscient. P. 2. Dial. 3. quest. 6. pag. 713.*

CAPVT VIII.

De

Universitatibus Personarum.

ARGVMENTVM.

Post singulos, corpora hominum consideranda & Universitates. Definitio illarum difficilis, tentatur tamen, ut & divisio, quod vel singula persona vel integra in eas familia

Kkk

CUM

cum omnibus rebus conveniant. Definitio alia & accuratior Universitatis ejusque exegesis. De effectu Juris Universitatibus competentis, ubi & de Academiis & Jurisdictione illarum. Esse & Ecclesias Universitates suo sensu, qui explicatur.

I.

QUæ adhuc dicta sunt, ea singulis ferè civibus conveniunt; plerumque autem & plures personæ vel familiæ communis utilitatis causâ in unum conveniunt, quæ corpora sive universitates dicuntur.

II. Quid sit universitas, difficile dictu est, prope ut hic illud usu veniat & δὲ τῶν πλείων ὅσον ζῶντων, nam quia diversissimæ Universitates sunt naturæ, definitio ægrè, omnibus quæ conveniat, dari potest. Fortè facilius negante, quam ajente sensu; Universitas est *Multitudo* (a) communis utilitatis causa certo ordine regiminis sociata, quæ nec sit familia neque Respublica. Nam quia verba definitionis his quoque conveniunt, nec tamen hæ Universitates sunt hujus generis, nominatim separandæ videntur; deficientibus verbis, quibus aliter distinctio illa colligi possit, nisi quid fortè statim melius occurrat.

(a) EST MULTITUDO. Rectius quàm *Castrensis*, ad L. 3. *Quod cujusque universitatis nom.* quod sit persona mystica, ex pluribus personis singularibus constans: nam *persona* in jure nostro universitati opponitur: l. 9. §. 1. *quod m. c.* nec statutum, quod de persona loquitur, ad universitatem extendi potest; Homo etiam non est universitas, & perinde in causa universitatis unus potest esse testis c. 5. X. *de testibus*; Et si arbiter pronunciat, incolas in illa universitate hōc vel illō jure uti: eos hoc pronunciatum etiam adjuvat, quod eō tempore non fuere in universitate: per l. 7. §. f. d. 1. Porro cives singuli non possunt pro debito civitatis arrestari. *Berlichius I. concl. 52.* Non obstat, quod universitas possit condere leges, quibus bona civium singulorum obligentur. Ergo etiam inire ejusmodi contractus. Resp. posse utique Leges fieri ad defensionem bonorum, nam hanc omnes expetunt; non verò ad alienationem, nisi ex dominio eminenti: neque leges fiunt contrā singulos, sed contrā omnes. Hinc contractus non potest obligare omnes & singulos? l. 37. *de priv.*

Cred. nec liberatio universitatis prodest singulis, nec procurator universitatis negotia privatorum obire potest. Ex quibus patet, definitionem *Castrensis* quoad Genus multis instantiis obnoxiam esse: cum non sit per omnia idem, universitas, & persona, ex quibus illa componitur: nam universitas unum per accidens denotat, & potest perdurare, licet nemo ex singulis supersit. Simile est in flumine, quod idem manet, quamvis alia atque alia aqua fluat, nec non in legione & militibus, in populo & civibus, in judicio & iudicibus: nimirum plura individua ad instar materiæ habent, formalis autem ratio est, conceptus omnibus illis individuis, etiam succedaneis, communis, ab intellectu formatus, secundum quem singuli plures unum quid intellectui representant. Non est universitas, nisi hominum collectio, in unum corpus, abstractivè sumtum, sed non homines collectivè sumti: vel, est multitudo iisdem juribus sociata, & quidem in uno loco; quâ ratione *Provincia* non est universitas. Plenius & satis accuratè Auctor in §. 5. *infra*, nam *Brüning. de jur. universit.* extrâ oleas vagatur, ut ne quidem definitionem suppeditet.

III. Partimur Universitates, quod vel personæ singulæ vel integræ

tegræ familiæ cum omnibus suis rebus conveniant. *Corpora*, (b) quæ personali tantum unione constant, propter usus aut civiles aut sacros congregantur. Illæ vel ob mechanicas artes, vel studia bonarum artium haberi solent: suntque collegia artificum & rursus Academiæ; nam Scholæ & Gymnasia per se Universitates non sunt, quia nullo regimine civili continentur. Quæ ob sacra congregantur universitates, Ecclesiæ dicuntur, quæ utcumque à Republica separatæ sunt, membra tamen civitatis negari esse nequeunt. Universitates, quæ non modò personas, sed & familias domosque complectuntur, sunt vici, pagi, oppida seu municipia, territoria, provinciæ & similes.

(b) CORPORA. Quodd Corpus differat à Collegio, Wissenbach exposuit *ad l. 85. de V. S.* Est autem *Collegium* non nisi trium. Pufend. VII. c. 2.

§. 19. Non obstat, quodd duo Consules *collegæ* dicantur; multum enim interest, an collegam appelles, *corporis* intuitu, an *potestatis*.

IV. De his omnibus in genere statuendum, Nullas jure constitutas videri universitates, nec ullas omninò tolerandas, nisi quæ ab eo, qui summam habet potestatem, aut si minoris momenti sint, ab his, qui delegatam à Principe habent potestatem, probatæ vel confirmatæ sint. Ratio est, quia prætextu collegiorum fundamenta seditionum stabiliri possunt, præter quod nihil in civitate majoris momenti, quam à summa potestate constitui queat; nec quicquam facile pluris, quam civium consociationes, in civitate occurrit. Unde haud immeritò criminis extra ordinem rei sunt, qui *etruscas* sodalitia, collegia formaverint, ut non magis *Jure Romano* (c) receptum, quam Universali Jure Publico statuendum est. Quo facit, quod in variis civitatibus maxime, ubi fundamentum Imperii est Democraticum Universitates civium *quasi usum habent curiarum*, (d) ut olim populus Romanus in XXX curias divisus de publicis rebus consulebatur,

(c) JURE ROMANO. Vid. integr. tit. ff. de colleg. & corp. illic. additò de conventibus collegiorum, quem modum capere debeant, *Mevio* in Lib. IV. ad Jus Lûb. tit. 3. num. 17. & seqq.

(d) QVASI USUM HABENT CURIARVM. Ut 30. curiæ efficiebant *curiata*; ita Centuriæ *Centuriata*, tribus tributa Comitia, efficiebant, *cu-*

riata ex generibus omnium constabant, *centuriata* ex censu & ætate; quam *census* rationem & *centurias* civium Romanorum optimè exponit *Boxhornius* Dissert. VI. de Imp. Rom. §. 6. Tributa verò, quando ex regionibus & locis suffragia ferebantur, *Rosinus* totò Lib. VI. de antiquit. Rom. itemque *Sigonius* Lib. III. de antiquit. Jur. Provinc. cap. 11.

V. Forsitan ex his omnibus definiri potest concinnius quàm
Kkk 2 modò

modò Universitas, Cœtus subditorum sub certo regimine permissu summæ potestatis ad utilitatem communem sociatus. *Cœtum* dicimus, quia ipsum corpus civium pro universitate habemus; iterum spreta eorum subtilitate, qui *formam moderationis* (e) propriè loco generis collocatam vellent. Numerus sociatorum variè se habere potest, minimus omnium, à quo initium capere possit Universitas, habetur trium personarum. *Subditorum* non civium, siquidem & advenarum temporaria possunt esse collegia & universitates, ut mercatorum, studiosorum, denique Ecclesiæ. *Sub certo regimine*; his verbis constat differentia à societatibus, quæ non raro pro universitatibus fallunt, quales Romæ Publicanorum hodieque Mercatorum: enimverò nomina ne quem decipiant, tenendum societates sæpe dici, quæ sunt maximè Universitates, ut Indicæ apud Belgas. *Permissu summæ potestatis*, plerumque immediatè, aliquando *per Magistratus*. (f) Sic autem à familiâ discernitur universitas, quæ non eget consensu publico, simul à civitate; cujus anima est summa potestas, nec ante civitatem existit; at quod permissu supremæ potestatis fit, hoc eam præexistere supponit. Denique hæc verba, exercitus terrestres & maritimos, etiam singulas naves bellicas, separat ab Universitatibus, quia non permissu, sed nomine & jussu summæ potestatis inque ejus commodum immediatè sociantur. *Ad communem utilitatem*; Finis in omni legitimâ universitate necessarius; vox *communem* recipit duplicem sensum, pro communi coëuntium & pro civitatis communi, id est, publico bono. Utrumque requiritur; neque enim aliter ab Imperantibus corpora permittuntur. Meritò igitur Romani Principes vetuerunt esse *ἐταίριαι*, *sodalitia*, in quibus commessandi potissimum gratiâ homines conveniunt, meritòque in Academiis Belgicis abolita sunt Collegia Studiosorum Nationalia, quæ finem præcipuum symposia publicæque disciplinæ everfionem habebant.

(e) FORMAM MODERATIONIS. Pertinent huc ea, quæ *superius* notata sunt, dum rempublicam à civitate distingui nollet Autor.

(f) PER MAGISTRATVS. An autem civitates municipales jus collegii dare possint, quæri-

tur? Affirmatum est, si ita privilegio aut oblatione obtinuerit, Mevius IV. Dec. 301. nec tamen si collegium eversum vel extinctum sit, idem finè venia Principis restaurari potest. Idem IV. dec. 378.

VI. Regiminis universitati quantum ad cujusque moderationem fatis

fatis est, nec ultra conceditur, ut quam minimum publicæ autoritatis vigori decedat. Hinc Collegia artificum & Mercatorum habent *notionem causarum* (g) ad institutum suum spectantium & mulctæ dictionem, Imperium tamen sive facultatem exequendi regulariter non habent, nisi foris, ubi manu publica adjuvari non possunt, agant, ut in longinquis navigationibus, ubi & Meri Imperii exercitio privatis societatibus concedi solet. Jus etiam habent *condendi statuta* (h) professioni suæ convenientia, dum ne aliquid ex publico jure corrumpant, aut aliorum commodis adversentur, veluti, quæ ad monopolia spectant; quibus accensetur, si artifices statuunt, ne opus ab alio inchoatum alter absolvat, aut plus nomine pretii vel mercedis exigant*, quam Lex vel consuetudo permittant, quæque similia lucri sacra famas hominibus suggerere solet. Aliquando tamen è Republica est, ut monopolii quoddam genus certis collegiis permittatur, cùm varias ob causas, de quibus politici, tùm ideò, quod majori opus sit concordia potentiaque ad stabiliendam mercaturam, quod magno cum fructu in societate Indicana apud Belgas factum.

* *Vid. Tit. Cod. de Monopoliis & conventu negotiatorum illicito vel artificio ergolaborum & pactionibus illicitis.*

(g) *NOTIONEM CAUSARVM.* Est communis doctrina, quòd collegiis opificum Jurisdictio competat, & quidem per l. ult. C. de Jurisdic. om. Jud. ita Knipsch. tradit Lib. V. de Jur. Civ. Imp. Carpz. Part. II. C. 6. def. 9. Verùm in L. illa ult. nil aliud habetur, quàm quòd is, qui est de collegio aliquo licito, *judicem* peculiarem habente, possit ibidem conveniri, de negotio ad collegium pertinente, ut tamen *præventioni* coram ordinario locus sit: Quòd verò collegiis *judicem* sibi propriam auctoritate eligere liceat, illud in ea constitutione non habetur; ut aded rem rectè restringat Auctor ad *notionem simplicem*, quam tamen ab eo, qui superioritatem in loco habet, opificibus concessam esse oportet, vel saltim observantiâ firmatam: ut *mulctas* sæpè dicant, non tam ex jure potestatis, quàm jure conventionis & placiti.

(h) *STATUTA CONDENDI.* Conduunt etiam statuta multò magis *collegia honorata*, quòd pertinet *Jus equestre* das *Ritter-Recht*, multis locis. vid. Mevium VII. Dec. 355. it. *Facultatum* in Academiis,

& quidem statuta ejusmodi non minùs *contractus* jure regulariter valent. d. l. fin. cod. & l. 2. §. f. C. de constit. pecun. ut collegia exhinc non de aliis rebus, quàm quæ conventionibus & placitis ipsorum subjacent, statuere possint; Neque illa alios extrà collegium obligent, atque aded, non virtute obedientiæ, sed *fidei* membra collegiorum ex illis obligentur; nisi etiam facultatem statuendi pro commodo collegii sui à superiore acceperint; quale quid *Facultatibus* in academiis plerumque tribuitur; nam ita etiam alii extrà collegium, qui certâ ratione subsunt facultatibus illis, statutis ejusmodi tenentur; Quod verò Opifices concernit, illis hodiè vix tribuitur, arbitrium statuendi, quàm potius ad statutorum ab illis validitatem *superioris* confirmatio plerumque exigitur. Richter. II. Dec. 80. Carpzov. I. Respons. 48. Hermes in Fascic. Jur. Publ. cap. 35. n. 7. Et imò, ubi confirmatio non desideratur, ibi à statuto iniquo appellatio permittitur, de quâ vid. Mevium V. Decis. 172. & VI. Dec. 73. & 217. Cæterum An Magistratus Provin-

cialis de tribuum privilegiis quid mutare possit, an cogere opifices ad operam præstandam, an inspectionem & quam habeat in tribus opificum? exactè tradit Victor. *Sect. III. Dec. 3. & 4.* ubi simul plura habet de statutis opificum, v. g. an justum sit statutum, quò quis filiam opificis ducere tenetur, ut membrum collegii fiat; item ut oporteat lanificii artem didicisse, si cum lana ne-

gotiari velit, ut tantum indigenis opificibus uti teneamur: plura etiam ibidem cumulat, de his, qui justè à tribubus excludi possint, & an in duabus quis possit tolerari. Quod verò statuta *monopolium* foventia attinet: de iis, & quæ pro talibus habenda sint? vid. Mevium *Lib. IV. ad Jus Lübec. tit. 13. art. 3. num. 39.* & in *addit. juvet. Colleg. Argentor. ad tit. de Colleg. & Corp. illic. thes. ii.*

VII. Ejusmodi universitates quatenus suum corpus extra fines civitatis, cui sunt subjectæ, extendunt, habent se instar Reipublicæ subordinatæ, omnes Imperii actus velut in civitate exercentes, qui tamen infirmari ob iniquitatem & prohiberi possunt. Unde summa potestas nullo modo illis adscribi debet.

VIII. Illustres Scholæ olim non erant universitates; sed ante aliquot secula factæ sunt, datâ illis jurisdictione in Studiosos, qui foro civili & ordinario per omnem Europam ferè sunt exempti, alioqui multitudo docentium discentiumque per se non est Universitas. Sunt tamen Academiae, quibus notio de rebus studiorum duntaxat tributa est, quæ & sufficere videtur ad regimen universitati constituendæ necessarium, ut in collegiis artium mechanicarum. Ast dignitas liberalium scientiarum præ vulgo aliquid etiam externi decoris postulat; præsertim, quia imperiti & profani literarum, sæpe insolenti odio erga divinarum artium cultores feruntur, quorum scientia totus illuminatur mundus & ad obediendum Deo ac potestatibus vita subjectorum informatur, ut prædicat de illis fortissimus Imperator.*

* *In auth. habita. Cod. ne filius pro patre.*

IX. Habent igitur Academiae *jurisdictionem*, (i) consequenter & Imperium quod mixtum vocatur & in executione ac modica coërcitione consistit, sine quâ juvenus, hac præsertim morum ætate, in officio contineri non potest. Cum jurisdictione habent & omnia Academiae, quæ magistratus aliarum Universitatum & urbium in suis exercent, quatenus usum inveniunt; Proinde Magistratus oppidorum, in quibus sunt Academiae nihil juris ulla ex parte in cives Academicos exercere possunt, non magis quam in alterius civitatis incolas. Nam quod in hos nihil possunt, non facit mœnium sed jurisdictionis diver-

diversitas, quæ non minus inter Academiam & urbem sui situs diversa est, quam inter urbes situs diversi. Proinde ineptos se admodum præbent, qui jurisdictionem ideò non competere Academiis cavillantur, quod territorium non habeant; quippe cum nihil sit clarius, quam jurisdictionem universitati, quæ ex hominibus constat, adscribi, non glebis & silicibus. Merum Imperium, sive jurisdictio criminalis, quam vocant, haud aliter ad Academias pertinet, quam si disertè à summâ potestate concessa sit, ratione in loco reddenda. Cujus autoritas in universitatibus studiorum eò magis necessaria est, quod jus conferendi honores artium supremos sit ex minoribus Majestatis, quâ causâ honorati in Academiis ad usum & praxin doctrinarum in omnibus Reipubl. partibus admittuntur. Scholæ tamen illustriores hoc jure destitutæ, generali sensu universitates non malè appellantur, quatenus notione aliqua de rebus ad professionem suam spectantibus non carent; sumptâ tamen per excellentiam universitate, ut sit, hac appellatione non gaudent. Tentari poterat, Academias quæ nihilo plus jurisdictionis habent, etsi honores summos largiantur, nihilò magis esse Universitates, ni secus ferat usus popularis, quo privilegium dandi literarios honores potissimum spectatur. Quâ in re certum est, non advertendum cujus impensis Academiæ habeantur, sed quis jura legesque dederit: in quo sufficit solo esse potestatem summam, licet ille, qui fert sumptus, alii sit subjectus. Jurisdictionem Academiæ esse penes Rectorem & reliquos juventutis Magistros ab Friderico Cæsare constitutum & ubique receptum est, de reliquo regimine, quod est peculiare Academiis, supersedebimus; locus communis erit *infra* de jurisdictione.

(i) JURISDICTIONEM. Quid verò quoddam *relegatio* Academiis competat? Equidem *relegatio* ad merum spectat imperium; sed non est ejus generis *relegatio* Academica, indeque ad inferiorem sive bassam Jurisdictionem rectius refertur; ceu ex causâ patet, quia vix ob alia delicta infligi solet; quàm quæ moribus nostris ad imperium mixtum seu *inferiorem* Jurisdictionem pertinent; & plerisque locis Academiæ *cognitione* solum polleant, num causa *criminalis* sit nec ne? quò cognitò, ad judicem *mero* imperio præditum, criminofus si quis fuerit, remittitur: quocirca etiam mi-

nus rectè Arumæus & ceteri arguunt, Academiæ imperium *merum minus plenum* competere; cum tali imperio ne quidem jure Justinianeo gavisa fuerint, neque illud ex *Auth. Habita.* extrui possit: ex qua non meliori cum successu alii defendunt, quoddam studiosus actor reum, *ad forum suum trahere* possit. Neque enim hoc *cit. Auth.* ingerit; quam privilegio ejusmodi Academiæ *Lovanienfis & Leidenfis* gaudeant, de quibus *alibi* plenius. Edque pertinet, quum Autor super Jurisdictione Academiæ *Franeckeranæ* cum Cornelio *van Eck,* tum temporis Collegâ ejus, habuit disceptatio.

Quam-

Quantum verò ad Magistratus *oppidorum* pertinet, licet in personalibus omnes eos, qui de Academia sunt, Jurisdictioni ipsorum exemptos esse constet; tamen quod *realia* concernit, Jurisdictionem sibi plerumque in bona ipsorum, so *bürgerlich sind*,

vindicare solent, contrà quam assertionem integram facit consilium in calce consiliorum *Brunne-
manni*, & quæ *Cothmannus* in Respons. Academ. pro immunitate Professorum plenè tractavit.

X. Ecclesias quoque inter Universitates posuimus, non eo sensu quo Johannes Hus* rectissimè dicebat, Ecclesiam esse Universitatem prædestinatorum, neque ita cum quemlibet cœtum qui communionis sacræ causâ, quovis tempore habetur, hoc nomine appellamus. Sed multitudinem credentium Deo, quæ certo loco publicum & stabilem religionis cultum exercet, *rectè Universitatem dici* (k) arbitramur, quia definitio superius collocata perspicuè illis convenit. Est enim quævis Ecclesia *cœtus subditorum*, tam civium, quales plurimùm, quam advenarum & peregrinorum. Habetur *communis utilitatis* gratiâ, quam nos in definitione ad commoda, quæ pecuniariam habent rationem non restrinximus, cum & diversam Academiae habeant. *Permissu* quoque *summæ potestatis* institui debent Ecclesiæ ut sint Universitates; nam etsi conventus sacrorum causâ, invitis Imperantibus celebrari possint, universitates tamen cum ullo effectû juris civilis non sunt. Exempli causâ: nullus cœtus potest habere jus & effectus personæ competentes, nisi aliqua civili unione constet; non potest res acquirere; non vindicare suum jus, non stare in judicio, nisi permissu civilis Imperii stabilitus; addo, & probatus sit; talis enim hæc esse debet permissio. Ecclesiæ igitur prohibitæ non sunt universitates ex ratione juris publici, nec proinde hereditates aut legata relicta capere, non emere, conducere ullave commercia exercere, multò minus in judicio stare possunt.

* Testatur id de Johanne Husso Martinus Lutherus Wormatia apud Sleidanum lib. 3.

(k) RECTE UNIVERSITATEM DICI. Non hic accipitur *Ecclesia* in sensu sacro, pro cœtu vocatorum ad regnum Dei, ut *Psal. XLVIII. & LXXXVII. I. Pet. IV. I. Tim. III. Act. VI. 9.* & multis locis, nec etiam in significato *forensi* pro quolibet concione; sed potius, pro corpore quopiam, quod ex personis constat; certis juribus unitis ad hoc, ut cultus Dei in Republica conservetur, certis ad hoc facultatibus & patrimonio instructo. De hoc corpore olim dubitabatur, num

id heres institui & legata capere posset? siquidem pro personis *incertis* habebatur. vid. *LD. ad tit. C. de person. incert.* & cumprimis *Strauchium integr. dissert. præcipuè §. 6. & seqq. cap. 6.* ubi rationem *prohibitionis* collocat in eo, quod hereditatem *cernere* non potuerit, sive facere, ut viderint alii, ipsam esse heredem. At verò jus hoc immutatum esse, jam tempore *Marci Imperatoris* in Mancipibus, & dehinc in aliis collegiis & corporibus licitis, ex *l. 20. de reb. dub.* constat. *Christianorum*
tamen

tainen Ecclesiæ, æquè ac *Judeorum*, nondum relinquere quid lieuisse per l. 1. C. de *Jud.* constitutum est; donec per *Constantinum* pax Ecclesiæ *Christianorum* affulserit, sub annum Domini 312. vid. l. 1. de *SS. Eccles.* l. 4. & 27. C. de *Ep. & Cler.* Et tamen *singulis* *Judæis*, *singulis* item *Christianis*, legata relinqui, & iidem heredes institui potue-

rant. vid. *Finckelth. O. XXIV. num. 23.* & *Wissenbach. Disput. ad Inst. th. 10.* Quod verò collegiò herede institutò, *universum* institutum esse censetur, in dubio, non *singuli* de collegio, ostendit *Richterus Dec. 37. n. 25. seq.* etiamsi verbis *concretis* institutio facta fuisset. v. g. *civibus*, *Professoribus*, *ministris* Ecclesiæ si quid relinquatur.

XI. Quæri potest, an hoc ejusmodi Ecclesiis tribui debeat, quæ publicè tolerantur, cultumque suum libere profitentur & in corpora conveniunt, improbantur tamen & pro hæreticis aut schismaticis ab his qui civitati præsunt habentur. Dicendum, illis hætenus jura personarum videri concessa, quatenus ad exercitium liberi cultus necessariò requiritur, non etiam in illis, quæ ad τὸ εὖ εἶναι, ad meliorem faciendam conditionem pertinent; Possunt igitur emere, conducere domos in quibus conveniant, in quibus suos ministros collocent, aut fundos redditusque alios, ex quibus impensæ necessariæ redundant comparare; atque in his similibusque habebunt legitimam in judicio standi personam, omnibusque legum beneficiis fruuntur. Non idem in lucrativis, ut hæreditatibus legatisque vel aliis rebus, quæ ad amplificandam rem illarum faciunt statuendum, quia quatenus non apparet eas veniam accepisse, nihilo secus ac illicita collegia considerantur.

XII. Alia res est cum Ecclesiis, quæ per modum conventionis receptæ & stabilitæ perque omnia juris publici communione donatæ sunt, ut non modo *tres Religiones* (1) in Germania, sed & *Reformati* in Galliis *Edicto Nannetico*.

(1) *TRES RELIGIONES.* Nunc quidem per *Instrumentum pacis*; nam licet *Reformati* ante tempora *Pacis Monasteriensis* confessionem suam non esse aliam defenderent, quam quæ *Carolo V.* Imperatori in Comitibus *Augustanis* anno 1530. à *Protestantibus* oblata fuerat; tamen contrarium acriter defenderunt *Theologi Hassiæ superioris*, in controversia *successionis Hassiæ*, utriusque lineæ *Darmstadiensis* & *Cassellanz*, cum primis in *der Gründlichen Deduction derer Theologorum Darmstadiensium*, & hanc subsequitâ *Widerlegung*, quæ autorem habet *Johannem Dietericum*, *Conradi Ulmenis* fratrem Germanum. Quoad *Reformatos* in Galliis, primum firmamentum religio

& doctrina ipsorum cæpit, post colloquium *Posiæ*, anno 1561. tempore *Caroli IX.* Regis, cui *Beza* interfuit. Tunc enim *Carolo* adhuc sub tutoribus vivente, pax dissidenti Galliæ reddita est, per *Decretum*, quod vocant *Januarii*, quò *Reformatis* Ecclesiis, quarum præcipuam *Genevæ* in *Sabaudia* *Taurellus*, *Viretus* & *Calvinus* adornaverant, *Exercitium* permissum est; sed insecta sunt deinceps acria bella, *Guisis* Pontificiis adversus *Condeum*, *Reformatæ religionis* assertorem, insurgentibus, quos *nuptiæ illæ Parisienses* (seu *laniena* potius,) subsequutæ sunt; donec lætior fors *Reformatis* sub *Henrico III & IV.* affulgeret, & quidem ab *Henrico IV.* *Hugonotis* libertas religionis, *Edicto*

Nannetensi confirmata fuerit: utrôque tamen ob hoc, immixtis successivè Paparum sicariis miserè interemptò. Post hæc enim sub regimine Cardinalis *Richelii* privilegia hæc Reformatorum iterum concussa sunt, factò initiò, à *Bernensi* Ducatu, à quo totos jam 60. annos Papisinus prorsus exulaverat: nec tamen *Richelii* religionem tam respiciebat, quàm ut provinciam hæcenus à regno Galliarum separatam, Galliarum legibus reduniret; quod exemplum metuentes, reliqui *Hugonotes*, sic dicti ab

anno 1560. quòd Turoni ad portam Hugonis convenire solerent, *Rupellis* coierunt, ibique fœdere sancitò, & in partes vocatò *Jacobò* Britanniarum Rege, arma contrà Regem suum sumserunt; donec tandem *Rupella*, post diutinam obsessionem anno 1629. cum prima defectio in annum 1621. incidisset, fracta est: subsecuta tempora & persecutiones, maxime verò ejectionem Reformatorum nostris temporibus à Ludovico XIV. Annales loquantur.

XIII. Atque hæc obiter; Ultimum, quod in definitione Universitatis Ecclesiæ applicandum, est, *regimen certum*, quod in omni Ecclesiastico cœtu haberi nemo ignorat. Quanquam autem quod ad exercitium *potestatis clavium* (m) spectat regimen, Imperio non subjacet, tamen non executio modo sine ope extraordinaria Potestatis civilis fieri nequit, sed nec ordinaria administratio, quæ per modum judiciali similem debet fieri, aliter quam externi juris adeoque dependens ab Imperio potest censeri.

(m) POTESTATIS CLAVIUM. Claves solius Christi sunt in *Apocal. I. 18. Ecclesia* clavium œconomia est ac ministra: *Matth. XIX.* & quia Magistratus nobilior pars est Ecclesiæ, & facultas excommunicandi fori exterioris disciplinam respicit; hinc ad potestatem secularem exercitium istud clavium non minus pertinet. Reinking. III. de Re-

gim. Sec. 5. Eccl. class. 2. c. 2. n. 30. Grot. de Imperio Summar. Potestat. circa Sacra p. 237. Ex quo patet, Ecclesiam alio sensu in dictò cap. XIX. accipi, quàm in tractatione, quam Auctor hîc suscepit, adeoque pro integro cœtu fidelium & statu triplici, œconomicò, politicò, & Ecclesiasticò.

XIV. Planè omnis hierarchia sive gubernatio Ecclesiarum, quæ jure divino præscripta non est, haud aliter quam Imperii summi permissu constare potest, ut præcedente libro collocavimus. Unde sequitur, omnia corpora Ecclesiastica esse Universitates suo modo civiles (nam & aliter civilibus opponuntur) quia civiles personarum habent effectus in rebus acquirendis, in causis judicio persequendis vel suscipiendis, denique in omnibus, quæ non ad intrinsecum jus sacrorum à DEO præscripta sunt. Ita quod apud nos à consistoriis ad classes, à classibus ad Synodos aut prius ad eorum Legatos provocetur, hoc civile esse apparet, siquidem ultima provocatio ad summam potestatem fieri debet, cui proinde inferiores appellatos, fuisse oportet, quales, subordinatos. Hoc eodem modo se habere in vetustâ subordinatione presbyterorum aliorumque inferiorum sub episcopis, archiepiscopis-

piscopis seu metropolitanis, denique patriarchis, sive, ut latini, sub primatibus, notum; fideque historiæ testatum est, Imperatores ultimam manum Ecclesiasticis imposuisse controversiis. Ast ubi Romanus obtinuit Pontifex, ut ad se ultima fieret Provocatio, per hoc ipsum non modo sibi jus Principum arrogavit, sed universum quoque ordinem Ecclesiasticum Imperio & Reipublicæ subduxit. Unde palàm est, ubi Papa non regnat, ibi Ecclesias rectè dici Universitates civiles.

CAPVT IX.

De

Universitatibus Familiarum.

ARGVMENTVM

Vicos & cohabitationes, quæ nullo peculiari regimine continentur, non esse Universitates. Urbes distinguere in metropoles & inferiores, hasque vel subjectione vel reverentiâ, quæ videantur, nec tamen sint metropoles. De territoriis & de provinciâ: non omnes universitates videri. Neque Collegia Magistratuum aut Judicum. An & quatenus ex facto vel contractu rectorum universitates teneantur.

I.

Quæ fuerunt Universitates, quanquam sine rebus non habentur, per se tamen personales sunt, aliæ ex familiis cohabitandi causâ instituuntur, ut pagi, territoria, oppida, provinciæ &c. De quibus id ex definitione pridem positâ tenendum, quod non aliter sint universitates, quam si aliquo regimine peculiari contineantur.

II. Hinc vici, in quibus nihil est quam vicinitas incolarum, sine ullo magistratu vel rectore proprio, non sunt universitates, etsi *res quasdam habeant communes* (a) earumque respectu agere & conveniri possint, ut personæ; nam hoc de omnibus qui rem habent communem seu cum seu sine societate juris est notissimi. Atque in hoc differunt à vicis pagi (mittimus hic significationem, quâ integra territoria pagi dicuntur) quod certo regendi ordine consistent, seu per unum rectorem vel paucos aut totius suffragatione plebis. Idem evidentius in urbibus, quæ absque regimine vix unquam fuere, liquet, tametsi exemplum *Capuæ exret Romanis deditæ*, (b) &, in poenam defectionis

ad Hannibalem, omni facie civitatis privatæ ac dissolutæ, ut nihil quo dici posset Universitas retineret *.

* *Vid. Liv. lib. 26.*

(a) RES QVASDAM HABENT COMMUNES. Hinc facile apparet, cur plures socii *Syndicum* non possint dici constituere; *arg. l. 28. commun. div. Lauterb. Exerc. IV. concl. forens. n. 14.* & tamen pagus *Syndicum* constituere possit; licet non habeat corpus prædens, ut civitas: videlicet pagus certò & perpetuò regendi ordine, eoque publicò, constat, & alias quoque universitates tantum aliquæ per consilium regens gubernantur,

1. 3. quod cujusque univers. nomine; reliquæ verò reguntur communi omnium consensu, seu ut Autor loquitur, totius suffragatione plebis. Ubi autem consilium regens reperitur, ibi iterum discernendum est, ut alia sit conditio universitatis, quæ per modum Aristocratiz, alia quæ per modum Democratiz regitur, ut *infra* patebit.

(b) CAPVÆ ROMANIS DEDITÆ. Vid. Florum & Commentatores in *Lib. II. c. 6.*

III. Distingui solent urbes in *metropoles* (c) & inferiores, hæ autem vel subjectione vel reverentiâ: minores subjectione dicuntur, quando summa potestas aut originale duntaxat Imperii jus est penes metropolitanos, ut Romæ, Venetiis, apud *Florentinos*. (d) Reverentia, cum reliqua oppida comiter observant metropoleos dignitatem, ut coloniæ Græcorum & foederatæ civitates Atheniensium ac Spartanorum, quæ sub ducatu quidem, at sub Imperio nequaquam tenebantur. Faluntur autem, qui metropoles appellant omnes magnitudine aut opibus præcellentes, vel eas, in quibus principes summæ Reip. collegia suas habent sedes, ut Lutetia in Parisiis, Londinum, Amstelodamum aliæque similes.

(c) VRBES IN METROPOLES. Conditionem *Metropoleos* & differentiam diligenter excussit *Strauchius in Beryto c. 3.* qui simul etiam in *cap. 2.* conditionem *coloniæ* distinctè exhibet.

(d) APUD FLORENTINOS. Nam Ducatus *Florentini* fundamenta in urbe *Florentina* jacta sunt, quæ cum variis factionibus & dissensionibus ad excidium penè agitata, multisque bellis implicita esset, quæ *Friderici & Henrici Imp.* in Italia ge-

rebant, tandem cives suos ex ruina propinquorum sub *Ottone IV.* auxit, eam deinde à *Rudolpho Cæsare* libertate; & quanquam discordiis internis dehinc aliquoties concuteretur, tamen ex familiis cæteris *Medicei* caput extulerunt, civium opulentissimi, atque sensim Principatum urbis ad se traxerunt: sic enim *Joh. Medicus*, qui thesauris suis rempublicam juverat, Princeps senatus anno 1374. constitutus est, donec sensim suppressâ Senatus auctoritate in Ducatum Principatus ille verteretur.

IV. Cæterum Colonia Græcorum & metropoles non tam erant Universitas quam *Respublicæ*; (e) nec Roma fuit Universitas, quia non habuit conformationem à summâ Imperii distinctam, sed Magistratus Senatusque urbis Romæ iidem erant Imperii Universi: nec tamen *Respublica* fuit sola per se; neque enim Italia & Provinciæ, non erant membra

membra Reipubl. neque plus quam una fuit Respublica; caput igitur aut cor fuit Roma Reipublicæ. At reliquæ non tam matres quam primariæ urbes, quales modò nominatæ, sunt verè membra subiecta & Universitates nostræ definitionis.

(e) QVAM RESPVBLICÆ. Nec enim regimine subordinatò sed propriò constabant; neque etiam *fæderis* directio imperium in fœderatos confert. *Add. de Coloniis Pufend. Lib. 8. c. 11. n. 6. & c. 12. n. 5. ubi de accretione urbium.*

V. Plures pagi corpus territorii, plures insuper urbes faciunt provincias, neque tamen *numerus sufficit*, (f) universitates enim ut sint, proprii ordo regiminis, quo connectantur pagi & urbes, requiri certum est. Quare in Despoticis Imperiis provinciæ, quæ missis ab aula regnatrice Præsidibus & Præfectis *immediate* (g) gubernantur, sine ullis populi aut Nobilium ordinibus, universitates non sunt.

(f) NUMERVS SUFFICIT. Ad hoc ut fiat universitas, cum quælibet provincia non sit universitas. (g) IMMEDIATE. Nec propriis adeo juribus ac directione.

VI. Denique si Respublica è diversis provinciis conflata in unum, non nisi pariter & junctim regatur, *peculiari nullo regimine* (h) stabilito, singulæ provinciæ universitates non sunt, etsi ordinis causa in concursu regiminis ut distinctæ considerentur. Exemplum liquet domesticum. In Frisia Urbes XI. partem regiminis quartam constituentes Universitatem constituere non videntur unam; neque etiam tres pagani tractus, quibus reliquum corpus Reipubl. componitur: quam rem ita intelligi, ut revera se habet, communis interest utilitatis.

(h) PECVLIARI NVLLO REGIMINE. Superiori scilicet omnibus, sed tamen ut in fœdere consistant, omnes, & quælibet suo regimine singulari gaudeat; quod tamen cum subordinatum non sit, sed summum, exinde universitas non conficitur.

VII. Denique Collegia Magistratuum totius Reipublicæ non esse universitates ex definitione præmissa facile colligitur, quia in universitate requiritur, ut scopus & usus à summa Republ. diversus & coeuntibus sit peculiaris, quod de collegiis, quibus *jura Majestatis exercenda* (i) committuntur, adfirmari non potest.

(i) JURA MAJESTATIS EXERCENDA. quocirca cum instrumenta sint Majestatis, quæ à causa principali elevantur, non possunt eo ipso dici universitatem constituere; quippe quòd universitas regimine peculiari & distinctò gaudeat, eoque *mediato*, non quò immediate jura Majestatis, & qui-

& quidem ad summam exercentur. Potest etiam aliâ ratione dici, collegium magistratuum Universitatem non constituere, quia universitas totum & completum quid est, quale quid non est magistratus, quippe qui subditos respicit, qui tamen ipsi in

illo collegio Magistratuum, ut partes universitatum in universitate non continentur: unde nec Magistratus urbis provincialis universitas aliter, quam repræsentative, dicitur.

VIII. Diligenter idcirco advertendum, Universitates qua tales distinctum à constitutione corporis, unde *summa potestas* (k) integratur, habere respectum, tametsi & ipsæ ad eandem *integrationem* (l) cum aliis concurrant,

(k) VNDE SUMMA POTESTAS. Vel potius subjectum ejus.

(l) INTEGRATIONEM. Sed non quâ regi-

men universi inde componitur; nam omnes universitates sic comparatæ sunt, ut scopum à Summa Reipubl. diversum habeant: juxta §. *præced.*

IX. In Republ. ubi Imperium communiter penes urbes & pagos habetur, hi & illæ *singuli singulaque* (m) sunt universitates, quæ jure privatorum utuntur, & Magistratibus qui summæ potestatis sunt ministri non modo parere, quatenus hi potestatem summam repræsentant; sed & Collegiis delegatorum ac Judicum per se *dignitatis reputatione* (n) cedere debent; quæ proportio & ad singulos extenditur: eadem verò universitates in actibus & exercitio summæ potestatis quæque ad eam rem pertinent *summis collegiis* (o) omnino præferuntur. Unde liquet, non repugnare, ut aliqua Universitas concurrens aliquo modo ad integrandum regimen civitatis, aliis quæ ab tali concursu sunt alienæ (quatenus utraque est *proprium corpus* (p) & universitas) dignitatis æstimatione non sit superior.

(m) SINGULI SINGULÆQUE. Etenim quâ universæ spectantur, ita imperant, nec universitates aded constituunt; Cæterum licet regulariter universitates *jure privatorum* utantur, tamen plures legibus exprimuntur exceptiones. vid. l. 30. de *usur.* l. 27. de *reb. cred.* l. 1. de *pollic.* & cetera, apud Wiffenbach. ad l. 10. de *V. S.* quæ quidem regulam firmant in casibus non exceptis.

(n) DIGNITATIS REPUTATIONE. Sic enim quâ *singula* spectantur.

(o) SUMMIS COLLEGIIS. Delegatorum: nam hæc ab istis dependent, cò quod à majestate dependeant.

(p) PROPRIVM CORPVS. Et ut singulum aded considerari potest, quò ipso respectu urbs seu civitas, quæ regiminis alias particeps est, nihilominus ut *singula* considerari potest; & sic melioris conditionis non est, quàm civitas aliâ in eadem Republica; licet hæc ipsa civitas de vi regiminis nil participet.

X. Cæterum habere Universitatem *jus personæ* (q) dictum est aliquoties, quod tamen videndum, ne non ita capi oporteat, ut de Civitate dictum aliàs, quod *summa potestas sit persona civitatis*, (r) ita ut quic-

quicquid illa facit, contrahit aut delinquit in Imperio exercendo, id civitas tota facere & contrahere videatur, quæ exinde sine discrimine obligata intelligitur. Nam in delictis, utique non videtur, quicquid ordo municipii aut rectores universitatum admiserunt, hoc corpora consociata luere oportere, idque non modo in corporalibus poenis, sed ne quidem in pecuniariis mulctis statuendum videtur. Imo & de contractibus, nominatim de mutuo, jure Romano proditum est, civitatem mutui datione posse obligari, si ad utilitatem ejus pecuniæ versæ sunt, * alioquin ipsos solos qui contraxerunt non civitates teneri.

* *Ulpian. in l. 27. ff. de reb. credit.*

(q) *JVS PERSONÆ.* Vid. Barbos. *Lib. XIX.* thes. axiom. c. 37. n. 2.

(r) *PERSONA CIVITATIS.* Utique enim summæ potestatis alia est ratio, sive ut ex hypo-

thesi sua loquitur Auctor §. 12. b. foederis civitatis, quàm universitatis, v. g. civitatis subordinatæ, quin & Princeps *personam civitatis* conficere dicitur, non nisi in his, quæ Reipubl. potissimum versus *alios* respiciunt.

XI. Intelligitur, hæc dici de civitatibus, quæ per modum *Aristocratico similem* (s) gubernantur; nam si democratiæ instar se habeant, non est dubium, quin aut civitas tota teneatur, si populus sit consultus, aut non teneatur, si inconsulto sit gestum.

(s) *ARISTOCRATICO SIMILEM.* Videl. universitates aliquæ reguntur, communi *omnium* consensu, ut pagi & collegia, aliquæ per consilium *regens* gubernantur. l. 3. *quod cujusque univers. nom.* In posterioribus etiam status vel Aristocraticis vel Democraticis institutis accedit: si *Aristocraticis*, Senatus omnia facit, Carpz. *P. 1. C. 13. d. 7.* Si *Democraticis*, respiciendum est, an agatur de solius *curiæ* præjudicio, & sic etiam sola rem conficit. Mevius *II. Dec. 36.* an *totam universitatem* tangat, & sic consensum tribunorum plebis

requiri oportet, v. g. quando de alienandâ re universitatis agitur, Carpz. *Tit. V. Process. art. 4. n. 29. & seqq.* aut de obliganda universitate; Coler. *II. Process. exec. c. 3. n. 351. seqq.* nisi etiam de levissima causa ageretur. Myns. *1. Obs. 76.* sed hæc omnia intelligi oportet de universitatibus *proprie* sic dictis, ut hoc loco accipiuntur, in quibus vix est, ut *pura* Democratia locum habeat, secus utique totus populus convocandus est, in *Republ. videl. Democratica*; nisi Delegatis aut Administratoribus Ipse rem commiserit.

XII. Ratio autem diversitatis inter foedus civitatis & constitutionem Universitatis obscura non est, siquidem populus liber, Imperio translato, Imperantes ita suo loco statuit, ut nullo remedio se utique adversus externos tueri possint. Nam si Imperantes officii limites excesserint, ea inter populum & ipsos sit disceptatio, Exteri id quoad ob oculos est sequuntur, personam scilicet civitatem repræsentantem.

XIII. Ita

XIII. Ita quoque inter Universitatem & eos qui præsunt est conventio & obligatio, ut nomine communionis res gerant; ideoque de his, quæ ad communem administrationem pertinent, valide universitas per rectores suos obligatur, & quidem *erga alios indistincte* (t) sive in rem civitatis fuerit, vel secus: fere ut de Exercitoribus & Magistris quòd ad contractus super negotiis quibus hi sunt præpositi tradunt Icti.

(t) ERGA ALIOS INDISTINCTE. Hæc sententia legi 27. de reb. cred. & ad eam traditis *Factorum* non congruit, nec idoneum est argumentum à præpositione negotiationis exercitorie, vel similis, ad civitatem; ut senatus cum *Magistro navis* conferatur; Non enim civitas respectu senatus instar præponentis se habet, sed instar *pupilli*, qui alienò consiliò regitur: unde quoad *dist. l. 27. Ecclesia* quoque cum civitate comparatur, *Fachin. Lib. II. contr. 76. seq. it. loca pia. Gratian. Tom. 1. Discept. c. 196. n. 5. & seqq.* & quæcunque tandem universitates, quæ per administratores curantur: *Goedd. c. 2. de reb. credit. conclus. 10. n. 242.* nec

tenebitur aded unquam universitas, si mutuum in rem ejus versum non fuerit; quin potius præfecti unicè conveniri possunt, non à communitate, ut *Auctor §. seq.* sed à creditore ipso; Nee *Auctor in §. seq.* constare sibi videtur, quando dicit, universitates teneri, non onus in præfectos devolvi, si in rem civitatis pecunia versa non fuerit; nisi ipsum de effectu intelligas, sed tamen hæc sententia nullibi probatur, siquidem universitas, si in rem versio probari non possit, non tenetur, nec tantum onus in præfectos redundat, sed ipsi protinus ab initio commutatâ actione per creditores conveniuntur.

XIV. Verum si pecuniam in rem universitatis non converterint, præfecti tenentur ad damnum communitati sarcendum, qualis actio inter supremos Imperantes & subjectos, ut ex principiis libri præcedentis clarum est, nulla dari potest. Ideo tenentur quidem Universitates è contractibus rectorum nomine publico initorum; ast onus, nisi credito in rem suam verso, in præfectos redundat, apud quos pecunia refedit, vel qui in culpa sunt, quod ubi non liquet omnes tenebuntur.

XV. *Administratores* (u) verò, qui non ipsi Universitati sed rebus ejus præsunt, si quam mutuam acceperint pecuniam, non aliter obligant Universitatem, quam si creditor doceat, mandatum speciale publicum intervenisse, aut pecuniam in rem communitatis esse versam: nec alia modò relata juris Romani sententia esse videtur.

(u) ADMINISTRATORES. Hi sæpè cum *Syndicis* pari significatione veniunt, & quam maxime in contractibus universitatum; alias autem omnino differunt, & *Syndici* rebus potius *judicialis* præesse dicuntur. Itaque in *contractibus* idem est

dicere, per *Syndicos* esse contractum, h. e. Delegatos à Senatu, atque per administratores sive senatum ipsum, *vid. Goedd. c. 2. de reb. credit. n. 247.* Hic verò *Auctor* *Administratores* accipit, non pro Senatu integro, nec pro *Syndicis* seu Delegatis, sed

sed pro *Camerariis* ut dicuntur, qui non uno alterove actu, sed perpetuum pecuniæ reipubl. præfunt: de quibus ipse putat unicè l. 27. de reb. cred. procedere. At vero hæc sententia nec juri nec mo-

ribus probatur: nam si vel maximè totus senatus mutuum acceperit, tamen aliter universitas non tenetur, quàm si in rem versa fuerit pecunia.

XVI. Jam in delictis, quorum ratio *mere personalis est*, (x) minime dubitatur, quin soli delinquentes ad pœnam teneantur: quod si adeo sit popolare commissum, ut innocentes discerni nequeant, pœna in universitatem non in singulos exercenda, ademptis juribus aut multâ indictâ vel dissolutâ universitate: *Decimatio* (y) aliæve graves pœnæ, quâ nocentes & innoxii involvuntur, magis ad publicæ utilitatis quam justitiæ & æquitatis exempla referenda.

(x) MERE PERSONALIS EST. Proinde civitas tota tum demum deliquisse censetur, si universi cives communicatō universorum civium consensu, quid perpetraverint. Colerus in *Process. Exec. II. c. 3. n. 365.* veluti tota dicitur accepisse pecuniam, si omnes convocati fuerint; licet non omnes compareant. Aded ut quando de obligandis bonis *singulorum* non agitur, *absentes* utique, quod universitatis bona attinet, teneantur, vid. l. 2. C. de decur. l. f. C. d. autor. præst. Interim in *delictis*, quando ad singulos pœna procedere debet, strictior consensus & consilii ratio ineunda est: neque enim ex delicto universitas tenetur, etiamsi omnes vel major universitatis pars, licet sub vexillo in delinquendo adfuerit; nisi præcesserit delinquendi consilium aut deliberatio, aut saltem rati habitio subsecuta sit v. g. si cum de castro quis dejectus fuisset, universitas illud retineat: Nam aliàs singulos potius puniendos esse cum Schurffio III. *Consil. 205.* respondendum; sicque *Alvarotti* sententia ad c. 1. quibus mod. feud. amitt. n. 12. tenenda est, quod universitas, licet pars ejus dominum deseruerit, feudo tamen non multetur. Quid verò si *tanquam universitas* civitas aliqua coercenda sit? Ita *civiliter*, in quantum ad eam pervenerit, tenebitur; *Criminali* autem pœnâ vel dissolvenda vel privilegiis mulctanda vel duces facinoris castigandi sunt. vid. Zahn. c. 92. *Ichnograph. Municipal.* An autem semper possit exigi pœna post longum tempus, quia semper *durare* videtur universitas, quaeritur? Probè rem expendit *Piccartus* in III. *Poëlit. Arist. c. 3.* quâ ratione *populus* maneat *idem*, & *JCti.* ad l. 76. de judic. it. Commentatores ad Grot.

L. II. c. 9. §. 3. utique, quoad hunc locum, sublati delinquentibus pœnam cessare oportet, ut non obstat Deut. c. 13. 12. & seqq. nam ibi de anathemate agitur, ob idololatriam continuam, junde Grot. *Lib. II. c. 21. §. 8.*

(y) DECIMATIO. Est decimatio pœna, quâ ex pluribus delinquentibus is, quem in numero definito vel decimo loco, vel quo aliò, tertio, quarto, fors tetigerit, ob crimen supplicio afficitur: quanquàm aliàs decimatio ad causas alias non minus porrigatur: ut in navi v. g. decimo vitam ad famem sedandam adimere, eumque in cibum redigere licitum esse, multis videatur Seneca de Ira cap. 20. Sed hæc illicita species decimationis est, quam fors tueri non potest, cum Deus non concurrat specialiter, nisi fortibus licitis, & maximè *divisoriis*. Quantum verò ad decimationem *pœnarum* attinet, nullam illa habet injustitiam, siquidem multorum supplicium clades est Reipubl. non medicina. Tacit. II. ann. 49. & quem tangit supplicium, ille ex merito coercionem subit, (cum supponamus casum, ubi omnes ex æquo rei sunt, cum Grotio *Lib. II. c. 20. §. 9.*) qui verò periculo pœnæ eximuntur, eorum aggratiatio bono publico nititur, ne civitas exhauriatur, vel exercitus, & parcatur sanguini; dum finis pœnæ nihilominus obtineri potest: quin & periculum mortis subire, pœna est. Conf. Grot. d. l. §. 22. seq. Hinc si duo vel tres mortem promeriti sint, cum ex illorum supplicio Resp. non labefactetur, atque cessent rationes reliquæ jam adductæ, rectè *Zieglerus* fortitionem non admittit, ad Grot. L. II. c. 1. §. 15. Ut

Mmm

nesci-

nesciam, cur Auctor decimationis justitiam vellent? nisi quod comparative loquatur: quâ ratione derivari posset traditio ejus in eam sententiam, quâ dicimus decimationem quidem justam non esse, sed tamen non injustam, & sic magis negante quàm ajente sensu; ut multa ejus generis, quæ publicæ utilitatis argumentò fulciuntur. Interim Auctor gravius quid imputasse decimationi videtur, dum innoxios huic pœnæ involvi autumat, quod tamen decimatio non admittit: & malè Bôxhorn. *L. i. pol. c. 4. §. 12.* si autores sceleris ignorentur, etiam si in innocentes supplicium caderet, jure *domina-*

tionis, ut appellat, modum hunc supplicii adhiberi posse, docet: Nam si reverà innocentes in universitate quadam delinquentium reperiantur, nequaquam decimatio locum habebit; si vero innocentes in tantum, ut aliquos oporteat fuisse autores sceleris, qui tamen investigari non possunt, decimatio locum habebit hætenus, ut sortem in pœnâ non summa quidem sed media, quam omnes promeriti sint, subeant; secus & ubi innocentes simpliciter facinorosis mixti sint, tutius est omnes absolvi in re magni discriminis, quàm unum innocentem ferire, ut rectè Grot. *L. II. c. 23. §. 5.*

XVII. Cæterum ut Universitas à singulis differt, ita res quoque & bona Universitatis, perinde & onera atque obligationes Universitatis, à juribus singulorum distinguuntur. Nec proinde *singuli* magis de *ære alieno* (z) Universitatis, quam hæc ob debita singulorum, tenentur. Quia tamen ex partibus totum componitur, fieri non potest, quin ubi universitas obligatur, onus ad singula membra redundet. Si quis patriæ meæ, ut rectè Seneca *, pecuniam credat, non dicam me illius debitorem nec hoc æs alienum profitebor, tamen ad exsolvendum *pergit idem*, cives singuli portionem suam dabunt, non tanquam pro se solventes, sed tanquam pro patriâ conferentes. Proinde non bona tantum Universitatis à creditoribus distrahi possunt, verum omnes quoque & singuli, collatione factâ, pro communitate persolvere debent.

* *Lib. 6. de benef. cap. 19. in fin. & cap. 20.*

(z) SINGULI DE ÆRE ALIENO. Nec Princeps singulorum bona obligare potest, præterquam si herus sit omnium. vid. Grotium *Lib. III. c. 20. §. 6.* Ut aded, licet communibus suffragiis, in statu Democratico, constituti sint administratores accipiendis pecuniis, hi quidem universitatem ex mutuo obligent; quamvis pecunia in rem ejus versa non sit. At vero singulos aut bona illorum absque speciali eorum consensu non obstringant; Gratian. *Tom. 1. disc. for. c. 196. n. 19. seqq.* neque executio aded in bona singulorum fieri possit *l. 2. Quod cujusque univ. nom. l. 5. §. si quidem. cod. Coler. P. 2. process. Exec. c. 3. n. 369.* seu privilegia civitati concessa cujusque particularia di-

ei nequeunt. Cephal. *IV. consil. 515. n. 33. seqq.* Non obstat, quod res singulorum sint quoque res universitatis: nam sunt tales improprie. vid. *l. 6. §. 1. de rer. div.* & tantum per consequens æs alienum universitatis singulos gravat. Quod si bona universitatis non sufficiant, collecta singulos premeus indicatur, Köppen *Dec. 60. n. 18.* & Auctor *in fin. b.* Sunt autem singuli obligati, quando vel singuli se subscripserunt, aut singuli mandatum dederunt, ut tamen nec absentes possint gravari obligatione præsentium; Col. *p. 2. d. cap. 3. n. 375. seqq.* Nec major pars præsentium obligare minorem potest; quoniam bona sua non ut universi, sed ut singuli possident; Losæus *p. 1. de jure univers.*

univers. c. 3. n. 32. Licet vero singuli etiam consenserint, & nomine universitatis concepta deinde fuerit obligatio; non tamen singuli in solidum conveniri, aut bona unius alteriusve pro toto credito arrestari possunt, sed beneficio divisionis fruntur; *arg. l. 11. §. 2. de duobus reis.* Nisi huic expresse renunciatum fuerit. Denique si divisa per factiones fuerit civitas, & tunc pars una mutuum contraxerit; ita redacta posmodum in con-

cordiam civitate ab omnibus deberi intelligitur: sicut Athenis post legem Amnestiæ (de qua peculiari Dissert. Bæclerus) à creditoribus Lacedæmoniis conventi, cives omnes contribuerunt. Num vero quod in mutuo dictum est, cum primis ex *Jure Rom.* de probandâ in rem versione, ad alios quoque contractus, & quosnam eorum, pertineat, ea de re in *Comment. ad tit. de rebus Credit. in ff.* plenius diximus.

CAPVT X.

De

Magistratibus & Jurisdictione.

ARGVMENTVM.

Quid Magistratus. Potestas ejus duplex, Imperium & Jurisdictio Imperium majus quod & merum, aut minus, quod & mixtum. Utriusque differentia, ubi questio, an merum sit magistratus proprium, quod affirm. & objecta remouentur. Merum non posse mandari. Quid jurisdictio. Differentia ejus à notione & audientiâ. Divisio prima in voluntariam & contentiosam. 2. In ordinariam & legitimam. 3. In propriam aut alienam, & hæc rursus, mandata vel prorogata, cujus vulgò dicta species examinantur. De his quæ per requisitionem sunt. De mixto imperio quaque ad hoc pertineant. Denique notionis nuda usum fortean hodie exiguum esse aut nullum. Quomodo amittatur Jurisdictio & Imperium.

I.

Qui præsunt Universitatibus præsertim majoribus, quæque familiis constant, dicuntur Magistratus, quorum tamen latius quam ad rectores (a) universitatum patet appellatio; siquidem Magistratus nihil sunt aliud, quam ministri summæ potestatis ad vices illius in minoribus Reipubl. partibus obeundas potestate debita instructi.

(a) RECTORES. Nec enim rectores universitatum protinus sunt Magistratus. Interim jure Rom. illi, qui provinciis præerant, omnes dicebantur Rectores, atque tum spectabiles erant, ut Pro-

Consul, item Comes orientis & præfectus Augustalis; tum Clarissimi, ut Præsides, Correctores & Consulares: juxta Cujac. in *Parat. C. de off. Rect. prov.*

II. Ministrum cum dicimus, ipsos qui summum habent Imperium à nomine Magistratum satis excludimus, quod idem ratio juris & latini sermonis exigit proprietas, etsi aliter plerique politici ac fere Theologi. Vices summæ potestatis (b) exercent, ac ita medii quodammodo

modo sunt inter supremos Imperantes & subiectos, quo respectu & in administratione civitatis nonnihil de Magistratibus dicendum. Nec tamen hoc loco prætereundi, tam per occasionem Universitatum, quam quod ordo illorum ad subiectivam Reipublicæ constitutionem omnino pertineat. Dicuntur in *minoribus Reipubl. partibus* (c) occupari; ut maiora, hoc est, jura Majestatis à Magistratuum officiis aliena intelligantur.

(b) *VICES SUMMÆ POTESTATIS*: Hoc quidem non omnibus magistratibus competit, vel saltem non in pari gradu dignitatis, nec quoad latitudinem *objecti*. Sic enim vicarius Regis à magistratu quolibet aliò distinguitur. Interim suo modo verum est, etiam infimum Magistratum nullà pollere autoritate, nisi *alienà*, Principis videlicet, quamvis intermedià potestate alià, quæ tamen & ipsa dependens est: nempe magistratus quilibet *instrumentum* est summæ potestatis, nec aliquid habet imperii per essentiam, sed per *participationem*, velut animam sensitivam rationalem

esse dicimus: nec aded rectè magistratus *medius* inter Imperantes & subiectos constituitur, quin potius subditus est Magistratus, & quà fungitur potestate aliquà, in solidum ad principem refertur; Est enim Princeps magistratus *virtualiter* seu *eminenter*, ipse autem magistratus talis est *formaliter*.

(c) *IN MINORIBUS REIPUBL. PARTIBUS*. Ita quidem autor ex hypothese suâ, dum aliter jura *majora* definit, quàm ex communi sententiâ, de quo *superius*.

III. *Potestas Magistratum* (d) est duplex (e) Jurisdictio & Imperium, quarum illa in jure dicundo, hæc in manu & coërcitione consistit. Imperium rursus aut majus aut minus est. Majus, quod consistit in animadversione capitali aut aliâ graviore, (f) quod Romani ob magnitudinem & periculum *abusus* (g) cunctis Magistratibus permittere noluerunt, sed extra ordinem & lege speciali*: quæ res ob usum juris Romani per Europam fere in universalem abiit disciplinam. Minus, quod modicâ coërcitione constat & *jurisdictioni ordinariæ* (h) adjungitur, eamque perpetuo comitatur, ut vim executionis vigoremque judiciis necessarium addat: Hinc & mixtum dicitur, quia cum jurisdictione ita miscetur, ut ab eâ nunquam separari queat**. At majus illud ab ordinaria jurisdictione prorsus est discretum adeoque Merum Imperium, id est, *nihil quam Imperium* (i) atque ita Jctis Merum dicitur.

* Jc. in l. 2. §. 23. de Origine Juris.

** Jc. in l. ult. de offic. cor. quibus mand. est Jurisdict. & l. 3. de Jurisdict.

(d) *POTESTAS MAGISTRATVVM*. In universalibus conspicitur. In civilibus iterum deferatur vel *immediatè* à lege, vel jure magistratus competit.

petit. Illa est *extraordinaria Jurisdictio* & vel simpliciter vel modò quòdam talis; ad hanc posteriorem pertinent *legis actiones*, ut adoptio, manumissio vindicta, & emancipatio, & quæcunque Jurisdictionis sunt *voluntariae*; (quanquam nunc quidem voluntaria Jurisdictio ad Jurisdictionem, quæ jure Magistratus competit, transferit.) Quæ verò jure Magistratus habetur potestas, propriè dicta est *Jurisdictio*, & huic inest, (tanquam potentiz suæ virtus, sese quando opus est exserens,) *mixtum imperium*. Fungitur autem quis Jurisdictione ejusmodi vel ipse vel per alios: hinc *mandata Jurisdictio*, & quoad subjectum passivum, aliquando *in alios*, quam qui Jurisdictioni ejus subsunt: hinc *prorogata Jurisdictio*, eaque tum *spontanea*, tum *legalis*. Denique potestas cognoscendi in *criminalibus* est *Merum imperium*, in quo non tantum executio criminum, sed & cognitio involvitur. Hodie Jurisdictio latè accepta, ut omnem potestatem Magistratum complectitur, vel superior est vel inferior: & quidem ad *inferiorem* nonnulla etiam referuntur, quæ sec. Jus *Justinianum* ad merum Imperium pertinerent. vid. Carpz. P. 3. quest. 109. n. 29. & 31.

(c) EST DUPLEX. Imò est una, sc. *Jurisdictio*, cui inest mixtum imperium, quà Jurisdictio in complexu seu ut Cujac. ait, in concreto sumitur; Sanè cum Auctor Jurisdictionem Imperio opponat, & hoc in duas species distinguat, non poterat Jurisdictionem aliter, quam pro qualibet cognitione, etiam in criminalibus, accepisse; & tamen ille §. 4. in ipso mero Imperio hanc cognitionem de criminibus, (& rectè quidem) inesse docet. Equidem Imperium cum Auctor distingui non debet, cum genus illud imperii eò modò non sit univocum, quoniam mixtum imperium competit jure Magistratus, merum simpliciter ex lege, item mero imperio inest cognitio, mixto imperio nulla. Non obstat l. 3. de *Jurisdict.* ubi mixto imperio inesse dicitur Jurisdictio. Nam ibi latè accipitur Imperium, ut ex t. 1. de *Jurisdict.* colligitur: quò sensu uti Jurisdictioni in concreto acceptæ mixtum imperium, ita huic quoque Ju-

risdictio inesse dici potest: cum tamen in abstracto, & strictè, si res expendatur, Jurisdictioni potius innexum sit mixtum imperium, & quod satis ab eà, ratione formæ, licet non quoad subjectum, distingui possit.

(f) AUT ALIA GRAVIORE. Imò & minor: nam *relegatio* pœna capitalis non est: & *pecuniaria*, it. carceris pœna, si ob crimen infligatur, meri Imperii est.

(g) ABVSVS. At vero hæc non est ratio, sed quòd imperium, cui libertas & vita civium Rom. subiacebat, non nisi quibusdam majoribus, conceditum vellent. vid. Scip. Gentil. in *Diff. 1. de jure Publ. Rom.*

(b) JURISDICTIONI ORDINARIÆ. *Ordinariam* Jurisdictionem accipit Auctor pro omni ea, quæ mero Imperio opponitur, quà videl. Magistratibus civilibus competit, ut ex seqq. colligitur: quòd si tamen rem accuratiùs concipiamus, non omnis potestas in civilibus *ordinaria* est; sed licet aliquæ cum mero Imperio convenit, quòd *speciali lege* concedatur; indeque *extraordinaria* Jurisdictio dicitur. An huic quoque inest *mixtum imperium*? dubitari potest: sunt enim qui putant, totam Jurisdictionem extraordinariam esse voluntariam, quòd tamen falsum esse, alibi ostendimus: cum etiam nonnulla contineat, quæ Jurisdictionis sunt *contentiosæ*, & si imperium mixtum in illis utique se exserat: quanquam non probem illorum sententiam, qui putant, dari *tertiam* speciem, quæ videl. ex voluntaria & contentiosa quid participet. Est etiam hoc observandum, quòd aliud sit, esse quid *Jurisditionis* extraordinariæ; aliud, esse *cognitionis* extraordinariæ; nam & hujus esse possunt, quæ ordinariò jure Magistratus competunt.

(i) NIHIL QVAM IMPERIUM. Quòd tamen ipsum cognitionem involvere Auctor rectè docet; §. 4. seq. sed cognitionem non *ordinariam*: nam ita non esset mera, ut est ipsum Imperium, & involveret quid *Jurisditionis*, quæ tamen non jure speciali, sed ordinariò competit, & hinc econtrà *mixtum* imperium dicitur, quia in mixtum est Jurisdictioni seu potestati, quam Magistratus Romani, quæ tales, habent.

IV. Hoc autem præter rem ipsam merum à mixto distat Imperium, quòd hoc sola coërcitione absolvatur, quoniam Jurisdictio, cum

qua semper junctum est, sibi causarum cognitionem vindicat, at Meri Imperii pars quoque criminum cognitio habetur *. Nam quia criminalia ordinariæ jurisdictioni plane subducta sunt, deque his non nisi certis magistratibus jus dicere licet, palam est Merum Imperium, non esse officium exequendi judicata aliorum, sed & cognoscendi & exequendi judicata criminalium causarum.

* Per d. l. 2. §. 23. de orig. Jur. & l. 6. in pr. de offic. procons.

V. Secundum hæc, etsi frequenter neque absurde Merum Imperium criminalis jurisdictio appelletur, nos tamen more Romano, hæc distinguemus, Imperium Merum, Jurisdictionem, mixtum Imperium. Quid sit Merum jam intelleximus, potestas animadvertendi in facinorosos *, aliter jus gladii, idque modo plenius evolutum, ubi & discrimen à mixto. Aliud alii inculcant, mixtum scil. unà cum jurisdictione proprium esse cujusque Magistratus, merum usu quidem & exercitio eorundem, proprietate vero ejus qui summam habet potestatem, idque Henricus V. Imperator inter *Lotharium* (k) & Azonem Jctos arbiter sponfionis electus adprobasse memoratur.

* Jct. in l. 3. de jurisdict.

(k) *LOTHARIUM*. Qui sententiam ab A. *risdictio* probasse fertur. dissidentem per l. 1. ff. d. Offic. ej. cui mand. est ju-

VI. Scilicet popularis est error doctis etiam (at non legum) scriptoribus familiaris, Merum Imperium vel pro ipsa potestate summâ vel pro jure vitæ necisque capientium. Unde factum, ut jurisdictionem Magistratuum quidem propriam; haud æquè Merum Imperium interpretarentur. Sed ratio est, quod à Potestate summâ descendant omnia in civitate Imperia & jurisdictiones; quam ob rem, si quis illud jus originale proprietatem, derivatum inde & inferius velit usum vocare & exercitium, hoc de jurisdictione *perinde ac Imperio* (l) tenendum. At si jurisdictionem velis propriam dicere, quod immediate à principe & non beneficio alterius magistratus habeatur, nulla causa est, cur non idem de Mero Imperio statuendum *. Jus vitæ necisque ut ab hac potestate differat, in capite de majoribus Majestatis juribus est dictum; unde labitur argumentum, eò quod *damnatis*

ignoscere

ignoscere nequeat (m) is, qui merum habet Imperium, ideo id jure proprio non haberi.

* *JC. in l. 4. de jurisdic.*

(l) PERINDE AC IMPERIO TENENDVM. Nequaquàm hic sensus est eorum, qui docent, merum imperium ad magistratûs olim propriè non pertinuisse; sed illos solùm ejus habuisse *exercitium*, ut tantùm illud penes populum vel Principem resederit: Oportet enim, ut quando Jurisdictionem dicimus Magistratui *proprio* jure competuisse, non respiciamus dependentiam à summâ Majestate: cùm proprium quid esse non possit eò respectû, quò simul *dependens* est: Videl. Præfecti urbi & quidam alii imperium merum statim quidem habuere à creatione sua; *l. i. de Off. præf. urb.* sed tamen ita non minùs ex peculiari concessione *Legis Corneliæ*. Non *obstat*, quòd quæstiones rerum criminalium, per ejusmodi Magistratûs exercendæ perpetuæ jam factæ essent: unde in constitutione *Præfecti urbi* adhuc *Legis illius* fiebat mentio: estque altera concessio *legis*, quâ ordinaria defertur Jurisdictio, (*l. 6. de Jurisdic.*) longè diversa à *lege* illâ meri imperii: Nam istâ, sc. Jurisdictionis, quàmprimùm Magistratus quis constitutus fuerat, ei Jurisdictio delata, ipseque constitutus eam *suo jure* i. e. *Magistratûs*, eoque *mediante*, non etiam à *lege* immediatè multò minùs solùm quoad usum & precariò habere, censebatur *l. 5. eodem*. Hinc *mandari* non poterat merum imperium, ut possunt ea, quæ proprio jure competunt, & alterius nomine non exercentur. Nec sequitur, qui potestatem habet, non tantùm exercitium habet potestatis; Videl. etiam mandatarius potestatem habet, sed solùm *alienam* habet, aut potestatis, quæ alteri jure proprio competit, *exercitium*: (Obiter hoc notandum est, quòd *Henricus*, cujus *Autor* §. 5. hic meminit, *Quintus* numero dicitur illis, qui *Henricum Aucupem*, tanquàm à Pontifice non coronatum, inter Imperatores omittunt, cùm quidem alias sit, connumeratò *Aucupe*, *Henricus VI.*) Nec malè dixerimus, quod ea quoque, quæ *lege speciali* Magistratui in civilibus competunt, illi non competant jure *proprio*, ut sunt ea, quæ *voluntariæ* Jurisdictionis habentur: cùm enim in actuum illorum plerisque de *capite* aut *fortunis civis Rom.* agatur, & vero de his statuere non lice-

ret cuiquàm, nisi autoritate *populi*, & aliquo tempore in *Comitiis*, ut in adoptione, emancipatione, it. insinuationibus actuum & confirmationibus eorundem: hinc licet potestate illâ Magistratûs suos *populus* mactaverit, illi tamen eâ de jure tantùm populi gavisi sunt.

(m) DAMNATIS IGNOSCERE NEQVEAT. Hinc in formulâ *sententiarum*, si clementiam superioris imploret inquisitus, & causæ aggratiandi ex actis appareant, pœnam ordinariam decernere quidem solemus; sed adjectâ clausulâ: es *wolte denn die hohe Lands Obrigkeit ihm in ansehen &c. Gnade erzeigen, auf solchen Fall würde Er mit der ordentlichen Straffe verschonet &c.* Est enim *aggratiatio* jus superioritatis territorialis, eoque mortis pœnam in relegationem aut pecuniariam convertere potest superior; (modò crimen sit ejusmodi, quod *lege divina* non singulariter Magistratui commendatum sit, ut sunt imprimis homicidium, adulterium, blasphemia, fortilegium, Sodomia, in quorum nullò remissio pœnæ obtinet, sed tantùm commutatio:) & quidem ob causas jure probatas, & intrâ modum, qui in judiciis receptus esse reperitur, maximè quod homicidium it. alia scandalosa facinora, ut incestum & similia attinet. Quod vero ad Magistratus inferiores, seu qui merò imperiò non vi superioritatis, sed ex privilegiò, consuetudine, investiturâ aut conventionne, gaudent: illi pœnam mortis non possunt remittere, si vel maximè aliunde quàm ex jure divino penderet, nec eandem in relegationem vel pecuniariam convertere, quinimo ne mortis quidem modum mitigare seu alterare; quanquàm adhibitò consilio prudentum, acerbitatem supplicii, ex certis causis, temperare queant, v. g. caleum, in pœnâ parricidii, omittere, (maximè si flumen in eo loco non reperiatur,) nec non fustigationem, relegationem, ut & multam, quia pœnæ hæc *arbitraria* sunt, nec tamen hoc aliter nisi ex prudentum consilio, (quod tam *Ordinatio criminalis*, quàm pleræque constitutiones *provinciales* exigunt,) in *mitiorem* convertere non prohibeantur. Heig. p. 2. *quæst. 22.*

VII. Est

VII. Est & alia objectio, quod proprium magistratibus est, id posse mandari, nec tamen merum posse mandari Imperium *. At hoc non minus esse vanum facile probabimus. Nam quia jus gladii ob similitudinem quod habet cum jure vitæ necisque, nobilissima pars ejus juris est, quod Magistratibus datur, merito placuit, hoc à nemine exercendum, quam ab eo, cui specialiter à Principe concessum fuerit: qui proinde nec in alium pro parte vel totum jus suum transferre potest, ne quidem mandati titulo. Idque per Europam etiamnum servari videtur. Nam quod aliqui putant Principes, Comites, Dominosque immediatos Merum Imperium sibi commissum aliis mandare, speciem qua fallat incautos, habet. Illi enim Magistratus non sunt, sed jurisdictionem Imperiumque *habent in patrimonio* (n) non minus quam ipsa territoria, cum quibus illa jura per successionem, per venditionem aliosque contractus transeunt, quod à Magistratuum officio longe alienissimum est. Quoties igitur alios suo loco substituunt, qui de criminibus judicent, committere magis Imperium aliis jure quodam analogico principatus, quam sibi commissum mandare videntur. Hinc & illud sequitur, Jurisdictione & Imperio alicui à Principe in oppidum pagumve dato, *non videri* Merum Imperium hoc ipso *permissum* (o); quia nominatim hoc expressum oportet. Idque dicendum, etiamsi recepta ponatur divisio jurisdictionis in civilem & criminalem, quia non sufficit *nomen generis*, (p) ubi specialis commemoratio necessaria est.

* *JC. in l. 1. de offic. ej. cui mand. jurisd.*

(n) HABENT IN PATRIMONIO. Hinc ut populus Rom. non poterat dici *mandare* merum imperium, dum Præfecto urbi coercionem criminum permetteret: ita nec in Principibus aliisque, qui nunc vi Superioritatis Territorialis atero imperio seu potius jure vitæ & necis gaudent, dici potest, quod Officialibus suis merum illud imperium mandent: Et cum vel maximè quoad Episcopos, & Prælatos in Imperio nostro difficultate res non careat: ideo rem expendimus in *Dissert. de mero imperio Aphor. VI.*

(o) NON VIDERI MERUM IMPERIUM PERMISSUM. Utique si expressum fuerit mit *des*

nen Gerichten, moribus nostris voce eâ, ut & *Jurisdictionis*, non minus *criminalis* & superior Jurisdictio venit. Meichsn. T. III. Dec. 33. n. 133. Indequè dubium minus est, si in eâd. regione prædiis talibus *communiter* merum imperium adhereret; & cum primis si in eo, quod conceditur, prædio, Antecessor eâd. Jurisdictione usus fuerit, quod tunc jurisdictione una merum imperium seu criminalis transiisse videatur. Mev. IV. Dec. 290. & Carpz. Disp. 4. feud. th. 24.

(p) NOMEN GENERIS. Ut nec alias speciei per genus derogatum esse censetur, quando speciei peculia-

peculiaris ratio est vid. *N. 69. junct. tit. C. quando imperat. int. pupil. & vid. non obft. l. 7. C. de Ju-*

risdict. Optime Barbosa L. VII. c. 5. Thef. axiom. 4. ubi ampliaciones & 9. limitationes habet.

VIII. Jurisdictio post Merum Imperium *nihil est aliud, (q)* quam de causis civilibus cognoscendi & judicandi potestas, cui adjuncta est exequendi facultas. Ultima verba secernunt jurisdictionem à notione nudâ, quæ executionis vim ignorat, qualem *arbitri (r)* & judices qui Romæ *pedanei (s)* dicebantur, habent.

(q) NIHIL EST ALIVD. Fortè sic definitur accuratius: *Jurisdictio* est potestas statuendi & exequendi in causis civilibus, jure Magistratûs competens. Nam malè *notionem* pro genere supponit Collegium Argentoratense: quoniam *potestas* in notione cessat, *l. 2. §. 3. de liber. caus.* in jurisdictione haut unquam, *l. 215. de V. S.* verum semper Magistratui inest, nec aliter ille notionein suam, quàm vi Imperii, expedit.

(r) ARBITRI. Differentiam inter arbitrium & judicium diligenter explicat Pacius in *Method. C. de recept. arbit. c. 6.*

(s) PEDANEI. Quasi ad pedes Magistratuum sedentes, (ita Gell. *L. XIV. c. 2.* explicatè magis Feltmannus *de juram. perhorresc. c. 20. n. 18.*) alias etiam judices *dati*, vid. Coll. Arg. *de Jurisdict. th. II.* ubi exponit, cur primùm coram Magistratu *de jure* experiri dùm fuerit: additò Gilhaus. *in arbor. Jud. civ. p. 42. n. 61. seqq.* Cæterum differentia judicis pedanei à *mandatario* ut & ejusdem à *Delegato* alibi exponitur vid. Bachov. in *πρωτ. p. 408.* Franzk. *ad tit. x. de off. ejus cui mand. est Jurisdict.*

IX. Ejusdem fere generis est *audientia episcoporum (t)* & *consistorialis (u)* in Ecclesiis, de rebus quarum cognitio illis à potestatibus Reipubl. permittitur. Nam censura morum & declaratio indignorum communione sacra, toto genere ab hoc loco diversa est, siquidem hic de jure *quod à summa potestate defluit, (x)* agimus.

(t) AUDIENTIA EPISCOPORVM. Fluctuant Auctores in describenda Episcopali *audientia*. Cujacius putat ipsos Jurisdictionem non habuisse, nec apparitionem nec executionem; sententias autem ipsorum *Executioni* dedisse Magistratum civilem. *l. 8. C. de Episc. aud.* Alii *Jurisdictionem* illis ascribunt, sed *restrictam*; *l. 13. C. eod.* ut tamen porrigat se notio ipsorum etiam ad *crimina* pœnâ Ecclesiasticâ coërcenda, relictâ pœnâ seculari civilibus Magistratibus. vid. Perez. *ad C. de Episc. aud. n. 4.* Longè aliter se habet Jurisdictio Episcopalis *Jure canon. & Pontificiò* modernò. vid. Reinking. *l. 3. d. R. S. & E. cl. c. 10. & 11.* & omnium optime Taborem *ad Colleg. Arg. de judic. th. 269.* ubi solidè exponit ab origine *audientiam* Episcopalem, ejusque fata, & successionem juris, ad nostra usque tempora, exhibet.

(u) CONSISTORIALIS. Sed valde differt hæc ab audientia Episcopali. Illud constat, quòd in Consistoriis non sint tractanda illa, quæ *internam* potestatem Ecclesiasticam concernunt, nec quæ ad totam pertinent Ecclesiam; verum ea tantùm, quæ soli Principi reservata sint; ut sunt causæ, quæ ordinationibus & observantiâ *consistoriales* factæ sunt, ut puta de sponsalibus & matrimoniis, de usurarum excessibus (quanquàm hi quoque ex præventionem ad secularem Magistratum aliquando perveniant:) causæ decimarum, beneficiorum, seu præbendarum, stipendiorum, patronatus, suspensionis & destitutionis clericorum, absolutionis à juramento, (ut tamen *relaxatio reservata* maneat Principibus,) & denique quandocunque in civilibus vel delictis levioribus, quæ mitius quàm relegatione coërcentur, ratione personarum

Jurisdictio consistoriorum in Clericis, & qui eo pertinent, Kirchen- und Schul-Diener, fundari potest, vid. Carpz. Lib. III. Jurispr. Consist. def. 2. 3. 5. 6. 7. 11. & 12. Unde apparet, quod cognitio illa consistorialis reverà speciem Jurisdictionis conficiat, nec Auctor Judicum pedaneorum cognitioni eam æquiparare potuerit; nisi quod Consistorialis illa in multis ad coercitionem non porrigatur: At vero hoc etiam in Jurisdictione civili sæpius accidit.

(x) QVOD A SUMMA POTESTATE DERIVAT. Quasi videl. indignus communione Ec-

clesiasticâ judicari non possit à potestate summâ, quâ hæc ipsa talis est, & rectè; nec tamen solum ad ministerium illud pertinet: nam licet huic potestas clavium concedita sit, judicium tamen super exercendâ potestate illâ, totius est ecclesiæ, Principis & subditorum, ut ejusdem membra sunt; Quâ ratione tamen Consistoria, tanquam Ecclesiæ totius in eo loco representativa, cum & consent ex Secularibus & politicis consiliariis, vice Ecclesiæ in eâ re funguntur; ut hinc Auctor, si hanc potestatem à Consistoriis alienam esse voluerit, omninò deferendus sit.

X. Noli tamen putare, nullâ re quam exequendi jure notionum à jurisdictione distare. Nam autoritas, qua in jus vocantem sine conventionione præviâ sequi oportet, quæque præterea ante causæ cognitionem fiunt, non aliò quam ad jurisdictionem officiumque Magistratum referri possunt (y).

(y) REFERRI POSSUNT. Et tamen autoritas hæc, atque illa, quæ in jure, antequam Judex pedaneus cognitionem suscipiat, peraguntur, ad executionem non pertinent: Videl. plus est in Jurisdictione quàm Executio, nec tamen plus ei annexum est, quàm mixtum Imperium: etenim mixtum Imperium non rectè definitur per solam exequendi potestatem; sed est potestas jubendi &

coercendi Jurisdictioni tuendæ inserviens. Quid vero quod Judex quoque pedaneus directiones quasdam habeat, seu jussiones? nimirum illæ non sunt aliæ, quàm quibus nudæ notionis expediendæ causâ indiget. l. 11. §. 4. de interr. act. l. 15. C. de judic. l. 2. §. 7. C. de jurej. propter cal. dand. & sic solò genere à coercitionibus, quæ mixti imperii sunt, distinguuntur.

XI. Divisio jurisdictionis (z) prima est in voluntariam, quæ non nisi inter consentientes, & contentiosam, quæ inter contradicentes exercetur. Ad priorem spectant adoptiones, emancipationes, Legitimationes, non æque tutorum dationes, (a) veniæque ætatis (b) impetrationes: simile de similibus esto judicium.

(z) JURISDICTIONIS. Sed ita non oportet Jurisdictionem sumere pro ordinaria, quatenus extraordinariæ contradistinguitur: quanquàm pro tota Jurisdictione, quâ mero imperio opponitur, divisum hoc accipiant complures; quod tamen nec ipsum recipiendum est: non enim est distinctio hæc generis in species, saltim non generis univoci in sua univocata: siquidem Jurisdictio voluntaria non est Jurisdictio seu potestas, quæ jure Magistratus competit, sed cum termino quasi alienante, Jurisdictionis extraordinariæ, habetur.

(a) NON ÆQUE TUTORVM DATIONES. An fortassis mixtæ Jurisdictioni, quæ ex voluntaria & contentiosa quid participat, accensendæ erunt? Nequaquàm, non enim datur ejusmodi mixta Jurisdictio, quin potiùs tutoris dationem voluntariæ Jurisdictioni accenseri oportet: l. 2. §. 2. de tutel. l. 19. §. 1. de tutor. & curat §. 5. 7. de Attil. aut. Nam & in aliis actibus voluntariæ Jurisdictionis contentiones quædam suboriri aliquando possunt, qui tamen actus naturâ suâ per hoc non excidunt, nec ad diversos Magistratus prædus

perducuntur: quin potius ipsa disceptatio vi ejusdem extraordinariæ potestatis expedienda est.

(b) *VENIÆQUE ETATIS.* Rectè Auctor nisi ubi *Magistratui*, ut tali, ejus rei potestas con-

cessa est, sicut in Ducatu *Wurtembergico*: Aliàs omninò venia ætatis, it. legitimatio liberorum, *Majestatis* est, aut ex privilegiò aut præscriptione immemoriali Superioritatis, ut rectè Vinnius c. VI. de *Jurisdic.* §. 6.

XII. Contentiosa dividitur, (missa partitione in *civilem & criminalem* (c) quod sit ordinaria vel legitima. Ordinaria quæ competit Magistratui quæ tali & more solito absque speciali sanctione. Legitima sive extraordinaria, quæ competit iis tantum Magistratibus, quibus expressa lege, vel constitutione data est; quò apud Romanos pertinebat tutoris datio, consilii exercitio, permissio alienandi bona pupillorum & minorum, ipsumque Merum Imperium, ut modò indicavimus.

(c) *IN CIVILEM ET CRIMINALEM.* Male sic distinguit Jurisdictionem contentiosam Pau-
crimeisterus, L. 1. d. *Jurisd. Imp. c. 16. n. 23.* nam merum imperium à potestate causarum civilium penitus separatum est: unde non minus Auctor licet *supra* §. 5. dixisset, se Jurisdictionem ab Imperio mero distincturum esse, hoc tamen loco emendandus est. Nam licet merum Imperium referat ad *extraordinariam* Jurisdictionem, in *fin. h.* tamen hæc quoque Jurisdictio quamvis jure Magistratus non competat, ad causas tantum *civiles* ubi-

que restringitur: & quanquàm quædam extraordinaria sit etiam contentiosa, ut *supra* diximus; tamen contentio illa nunquam criminalia tangit, adeòque ipsum merum imperium non modò ab ordinaria, sed etiam extraordinariâ *Jurisdictione* separatam rationem habet. Deinde Auctor minùs rectè actus, qui hic sequuntur, ad *contentiosam* Jurisdictionem *extraordinariam* refert, siquidem tutoris datio, consilium, decretum, omnia voluntariæ Jurisdictionis sunt.

XIII. Ordinaria jurisdictio rursus est vel propria vel aliena, quæ ad legitimam non pertinet differentia, quoniam hæc in alium nullo modo transferri potest, quippe cum nulli competat, nisi cui vi legis data atque adeò cujus propria est. Etenim propria dicitur, quæ immediate à summâ potestate sive specialiter seu generali jure proficiscitur. Aliena, quam quis exercet vice alterius Magistratus ex voluntate ejus cui propria, *vel consensu partium* (d).

(d) *VEL CONSENSU PARTIVM.* Non sufficit: nam *legalis* prorogatio Jurisdictionis per *reconventionem* sc. non est ex consensu partium.

XIV. Illa dicitur mandata, hæc prorogata. Jurisdictio mandatur tota vel pro parte. Tota cum Magistratus omnes officii sui partes obire impeditur, aliumque pro tempore substituit, neque enim licet in perpetuum, nisi abdicato Magistratu, quo facto redit ad fon-

tem. Pro parte fit dupliciter; sunt enim partes aut subjectivæ aut potentiales, ut in Schola loquuntur; pro parte subjectiva mandatur jurisdictio, cum Magistratus oppido alicui aut territorio vel pago suæ provinciæ aliquem præponit, in quem usum Præsides olim *suos habebant Legatos* (e); pro parte potentiali, cum pro actu aliquo juris dicendi alium substituit. Possunt autem mandari & sub mandata simpliciter jurisdictione comprehenduntur omnia, quæ modo non veniunt ex speciali Lege vel constitutione; Ideoque mixtum quod dicitur Imperium per mandatum * quoque transit, non æque merum aliaque *legitimæ jurisdictionis*, (f) ut dictum.

* *JC. in l. 1. & l. ult. cod. tit. de off. ej. cui mand.*

(e) SVOS HABEBANT LEGATOS. Provinciarum sc. Consularium seu senatoriarum, i. e. *Proconsulum*; nam *Præsides* non habebant legatos, ipsi Legati Principis. At vero legati Proconsulum non erant mandatarii, sed habebant *propriam* Jurisdictionem à Senatu Rom. in actu primo, quæ per admonitionem seu excitationem Proconsulis in actum secundum deducebatur. Hinc non alteri, quam illi legato, mandari seu committi poterat, l. 4. §. 6. de off. Proc. nec adimi per Proconsulem, l. 6. §. 1. cod. appellari autem poterat à Legato ad Proconsulem, tanquam *distinctam* Jurisdictionem tinentem, l. 2. qui & a quibus appell. qui & suos

ipse proprios habebat Assessores, lictores, apparitores, l. 6. §. f. de pæn. indeque propria ipsius expressè dicitur Jurisdictio l. 4. de Off. ej. c. mand. est Jurisdict. l. 13. de Off. Proc. atque inter Magistratus Rom. ubique refertur, Conf. Cujac. VII. O. 21. Obrecht. L. 3. de Jurisdict. c. 17. Sutholt. de Jurisdict. th. 347.

(f) LEGITIMÆ JURISDICTIONIS. Possunt tamen, quanquam non nisi speciali mandato, illa mandari aliis, quæ cognitionis *extraordinariae* sunt, nam & hæc sunt *Jurisditionis ordinariæ*, ut supra diximus.

XV. Prorogari jurisdictio tantum potest *in specialibus causis* (g). Neque enim ut Magistratus totum id, quod habet rectè transfert, ita, privati plusquam de suis rebus cognoscendi jus tribuere possunt. Vulgo quadruplex prorogatio traditur, de loco ad locum, *de tempore ad tempus*, (h) de causâ ad causam, de personâ ad personam. Judicium de his speciebus in eo vertitur, quod privati de jure quidem suo remittere aut decedere, jus publicum autem mutare vel jurisdictionem privato dare neutiquam possint. Cum igitur extra territorium, cui præpositus est, nemo jus dicere queat, Magistratus v. c. Mutinensis Bononiæ, clarum est prorogationem de loco ad locum *impingere in principia juris*. (i). Cum etiam qui ad tempus certum constituti sunt Magistratus, eo præterlapso, sint privati, palam est, privatos in eum ut arbitrum quidem compromittere, judicem eligere non posse, unde perit

perit prorogatio de tempore, ad tempus. Sed nec ea, quæ de causa ad causam dicitur, *usum habet frequentem* (k), Judex enim qui de certis rebus judicare jussus est, de aliis toto genere diversis ne partium quidem voluntate judicium recte exercet, neque enim is, qui ad civilia constitutus est, de criminibus cognitionem suscipere; nec qui de fideicommissis aut familiis erciscundis duntaxat est datus, de rebus aliis adiri potest, utique non vi jurisdictionis, sed per modum arbitrii tantum. Quod si negotium sit ejusdem generis, quantitatis tamen majoris quàm Judici præscriptum sit, nihil ob stare videtur, quominus consensu litigantium jurisdictio ad majorem summam prorogetur, quia nihil apparet, quare inde judiciorum confusio sit metuenda*.

* *J.C. in l. 74. §. 1. de judic. l. 28. ad municip.*

(g) IN SPECIALIBVS CAUSIS. Videtur Auctor planè rationem in suâ tractatione *prorogata* Jurisdictionis non habuisse ejus speciei, quæ a lege dependet, & per *reconventionem* constituitur; quod tamen fieri non debebat. Equidem legalis prorogatio regulariter in omnibus causis locum habet, etiam *in vitis* partibus, saltem reconventô invitô.

(h) IMPINGERE IN PRINCIPIA JURIS. Videl. Magistratus extra territorium est privatus. *l. 3. de Offic. Præs. l. fin. de off. præf. urb.* & in *invitos* non potest exerceri in alieno territorio, imò nec *in volentes*, Jurisdictio contentiosa, quanquàm possit *voluntaria*; sed hoc non ex prorogatione partium, verùm ex Jurisdictionis illius *naturâ*.

(i) DE TEMPORE AD TEMPVS. Et rectè speciem quoque hanc rejiciunt alii; vid. Sutholt. *d. Jurisd. in aphor. 374.* Vinn. *l. 1. quæst. c. 4.* non ob st. *l. 2. §. 2. de Judic.* nam illa non loquitur de Jurisdictione prorogata, sed cùm Judex datus esset, ut notionem suam *intra tempus præfixum* expediret, quòd partibus integrum esse debeat, (quippe in quarum favorem terminus ille constitutus fuerat) tempus adjectum prorogandi.

(k) VSUM HABET FREQUENTEM. Imò nulla est planè prorogatio *de causa ad causam*, eò sensu, ut ad diversi generis formæve causas, velut à civili ad criminalem fieri posse debeat: *l. 61. §. 1. de judic.* Nec enim ubi Jurisdictio seu potestas non est, eadem per privatum tribui potest: & ne limitata quidem Jurisdictio potest produci ad causas alias. An autem causæ qualitas generalis & *summa* sufficit, velut quæ civilis alia dicitur, alia criminalis, ut prorogari possit? ita quidem Vultejus & Brunnemannus juxta quos si qualitas specialis alia sit, Jurisdictionem civilem hanc ad civilem causam *diversæ speciei* prorogari nil impedit; modò alias personæ Magistratui illi *subjectæ* fuerint. At vero quomodo ad *potestatem* prorogabitur à privatis cognitio? quam potestatem Magistratus non habet; Potius civilem Jurisdictionem, ne quidem ad civilem diversi generis prorogari posse, asserendum est: quam in sententiam Auctor inclinare videtur in veris. *quod si negotium*, eamque *l. 1. C. de Jurisdic. omn. Jud.* convenire ex inspectione constat, eaque fatente ipsò Vultejo *ibid. n. 107. usu* recepta est.

XVI. Præcipuus est usus prorogationis de personâ ad personam, quæ dicitur, quando is qui judici alicui non subest, ejus jurisdictioni se submittit, quod vel tacite fit ipso actu vel expresse *per conventionem* (l) antecedentem. Prius, quando qui non subest judici alterum in

jus vocantem sequitur & litem cum eo contestatur *; tunc enim declinare forum suoque judici se adferere non est amplius integrum, quod si petitionem adversarii tantum audiverit, neque respondere voluerit, non videtur stabilita jurisdictio **.

* *Jct. in l. 52. de judic.*

** *Jct. in l. 18. de jurisdict.*

(1) PER CONVENTIONEM. Fieri prorogationem spontaneam *per conventionem* minus aptè dicitur, nec enim pacto Jurisdictio tribuitur, aut stipulationis alius est effectus, quàm si magistratus ille non adeatur, ut tunc ad hoc agi possit, quod interest: Videlicet, si ad prorogandum judex adeatur, litise fiat contestatio, l. 4. C. de *Jurisdict.* ita prorogatio conficitur: quanquàm quod *Autor* hic docet, & ante eum Paurmeisterus L. I. c. 27. de *Jurisdict.* n. 18. quasi per *litis contestationem*, & non aliter, prorogatio inducatur, recipiendum

non sit: nam & per oppositionem *exceptionum dilatoriarum*, omissis declinatoriis, prorogationem induci per l. 52. *pr. de Judic.* rectè asseritur; Nec tantum per contestationem litis, quippe quæ vel maxime partem litigantem ipsumque judicium respicit, sed etiam *aliis modis* judex jam probatus esse potuit. Hinc in universam prorogationem tunc factam esse censemus, quando quid intervenit, ex quo colligi possit, quod quis *jurisdictioni* alterius se *subjicere* voluerit.

XVII. Conventio de recipiendo judice, cui debitor non subest, sine dubio valida est, ideoque si non stetur eâ conventionem, stipulatori actio in id quod interest dabitur, vel si quem præterea effectum obligatio ex consensu habere potest, is obtinebit. At publici juris ratio privata pactione *nihil immutatur* (m). Hinc vi submissionis sub nostro judice factæ, civis alterius Reipublicæ non potest in jus vocari, dum manet in altera civitate; non ibi in loco, quia nulla potestas in alieno Imperio ullos actus jurisdictionis instituere potest, neque per Edictum in finibus nostræ Reipubl. ut in subditos profugos fieri solet, quia deficit medium, quo citatio, quæ est actus Imperii, alienum civem obligare possit. Nec quidem actione in id, quod interest, rectè convenietur, nisi expressum sit, ut extrajudiciali denunciatione admonitus se sistat. Idem dicendum, si quis se judici ejusdem Reipubl. cui nec mediatè nec immediate subjectus est submiserit; quia & *in collateralibus* (n) unius Imperii Magistratibus vera est regula, nulli extra territorium suum jus dicenti esse parendum. Sed in utrisque effectum habebit submitio directum, si is qui foro suo renuntiavit, in loco judicis prorogati territorioque sit *deprehensus* (o) ibique citatus; tunc enim jurisdictio fundatur, ut litem ille contestari cogatur. Maximum porrò usum habet hæc

hæc prorogatio in his, qui se immediatè superioribus submittunt Judicibus, ad quos *prima aliqui instantiâ* (p) vocari non possunt. Nam ubi foro proprio & immediato renunciaverint, nihil obstat, quo minus superior Magistratus, quem pro supremo agnoscere debent, jurisdictionem in illos *exerceat* (q).

(m) NIHIL IMMUTATVR. Quid vero quòd *Autor* in §. *precedente* prorogationem per conventionem fieri posse docuit? Videtur hic in §. 17. ad jus hodiernum respicere, quò plerique docent, prorogationem spontaneam, seu quæ à partibus fit, non amplius obtinere, quoniam in patrimonio est Jurisdictio, quam Magistratui conventionis subduci non oporteat, indeque non nisi legalem prorogationem nunc quidem admittunt. Enimvero hæc doctrina procedit, si diversa territoria & diversas in eodem territorio Jurisdictiones *patrimoniales* supponamus; Nam in eodem principatu v. g. ut olim in Imperio non minùs tota *prorogationis spontaneæ* doctrina quotidie exercetur, quâ nimirum principis, coram quonam collegiorum suorum quis conveniatur, non interest, sed etiam quando ne foro renunciare possint, in favorem ipsorum & non publicum constitutum fuit; secùs & cum primis *externum* forum prorogantes mandatis pœnibus, etiamsi in causâ conclusum fuerit, *avocantur*.

(n) IN COLLATERALIBVS MAGISTRATIBVS. Est tamen ubi ex conventionem publica Jurisdictioni civitatis unius reliquæ submittuntur, velut civitates *jure Lübecensi* utentes olim ita inter se convenierunt, ut *appellationes* Lübecam, cui tamen nulla cæterarum suberat, deferrentur.

(o) DEPREHENSVS. Ut licèt ex suo loco non possit ad peregrinum judicem vocari; (nec enim hic aliter subditum alienum, quàm *per sub-*

sidium citare potest,) tamen si hic in territorio magistratûs peregrini reperiatur, perinde ibidem citari possit, atque dicimus aliquem forum fortiri ex contractu in loco contractus, si modò ibidem deprehensus fuerit, ut quidem habet doctrina communiter recepta, *apud Carpz. in 2. resp. 30.* aded, ut tunc deum locum contractûs forum competens constituere, (licèt ibi reus non reperiatur,) *Dd.* observent, si *arrestum* rerum inter venerit; vid. *Mev. P. 1. Dec. 239.* quanquàm de jure constituto verior sit *contrâ* Bachov. *Vol. 1. Tr. D. 3. th. 8. lit. C.* aliorum sententia, quòd contrahens in loco contractus conveniri possit, licèt ibidem non deprehendatur; idque ob text. generalem in *l. 19. §. 1. de Judic.*

(p) PRIMA ALIOQVI INSTANTIA. Cujus rei exemplum est illustre in statibus & immediatis Imperii, quando *Austregis* renunciant, ut tunc immediatè in Aula Cæsaris, vel Camerâ Spirenfi conveniri possint, vid. *Schubhard. cap. 7. de Austregis.*

(q) EXERCEAT. Quanquàm aliàs etiam observari debeat, quod si cuiquàm Princeps Jurisdictionem seu instantiam primam concessit, possit subditos ipsius non quidem in causis ad Jurisdictionem Vasalli v. g. pertinentibus, sed tamen in aliis, v. g. ut testimonium in judicio Principis dicant, & similibus, *immediatè* citare, ut rectè *Franzkus Resol. 18.* dissentiente licèt *Carpz. p. 1. C. 27. D. 11. & C. 16. D. 29.*

XVIII. Haud dispar judicium est de causis, ob quas homines diversis judicibus subditi propter continentiam negotii omnes ad unum vocantur, ut hoc rectè in eadem Republicâ, non perindè fiat *in diversis*, (r) nisi spontè sistant se: * quia neque Lex civilis illum concursum in diversis Imperiis operari, nec in jus vocatio contra non subjectos expediri potest.

* *Vid. JC. in tit. ff. De quibus rebus ad eundem judicem eatur.*

(r) IN

(r) IN DIVERSIS. Imò etiam in diversis, prout hodiè diffidendum non est, territoria statuum in Imperio ad instar diversarum Rerumpublicarum habere, & tamen quotidie ob *continentiam* causarum subditi territoriorum alienorum ad unius v. g. ubi bona sita sunt, citari, velut in *concurfibus* creditorum, (Mevius *V. Dec.* 125.) in *continentia ex accessorio* (Jurisd. *Dec.* 355.) nam hoc ipsum non tantum lex Civilis exigit, sed *naturalis* quoque ratio, de quâ vid. Blum. in *Proc. Cam.* tit. 40. n. 2. idque non modò in *continentia* ratio-

ne causæ, velut possessorii & petitorii; Vid. Carpz. *I. Resp. tit. 8. resp.* 74. & *tit. 3. proc. art. 5. n. 9.* sed etiam quoad speciem continentiar, quæ ex *personis* pendet; quanquam hæc eò plerumque dirigatur, ut rei diversis foris subjecti coram omnium superiori conveniantur, velut mandans & mandatarius v. g. diversis Jurisdictionibus subjecti, ob injurias coram utriusque superiore conveniri possunt. Vid. Vultej. *L. I. de Judic. c. 4. n. 227.* quanquam Carpzovius hac in re difficilem se præbeat *II. Resp.* 17. n. 12. contrâ quem vid. Berlich. *II. Dec.* 220.

XIX. Sed omnibus illis casibus, quod directâ vi jurisdictionis fieri nequit, per requisitionem inter civitates ob reciprocam utilitatem receptam, fieri solet ac debet. Idem juris & moris est, in criminum reis, quos cum in loco admissi publicè interfit animadverti: idcirco alibi deprehensos istuc remitti oportet, quæ remissio in eodem Imperio vi legis necessaria potest fieri, ut *Jure Romano* (s) cautum: * in diversis Rebuspublicis non nisi voluntatis mutuæque humanitatis est.

* *Justinian. in Nov. 134. cap. 4. & 5.*

(s) JURE ROMANO. Noz. hic citatâ, l. 7. §. ult. de accus. l. 7. de Cust. reor. Sed nunc remissiones cessant, Franzk. de judic. n. 46. Carpz. 3. quæst.

cr. 110. n. 45. seqq. nisi conventionem mutuâ aut observantia seu consuetudine ita placuerit, vel etiam reus latâ jam sententiâ aufugerit.

XX. Hæc de Jurisdictione pro hoc loco sufficiunt. Superest mixtum Imperium, quod in modicâ coërcitione consistit & jurisdictioni, ut dictum, civili adjungitur, eamque perpetuo comitatur, ut vim executionis vigoremque judiciis necessarium addat. Quanquam & *per se consistere potest* (t), ut nullam sequatur jurisdictionem, quoties Magistratus tralatitia hominum admissa aut contumacias per & propter se coërcent, veluti multæ dictione, pignoris capione, carcere, verberibus aut opere publico temporario, aliâve ignominia. Nam hi omnes modi ad Imperium mixtum referuntur, uti & manus militaris & missio in possessionem, aliaque ad executionem ac coactionem comparata.

(t) PER SE CONSISTERE POTEST. At vero hoc non est mixtum imperium à Jurisdictione separatum, si *Jus Justinianicum* respicias, ubi magistratus non minùs ob delicta, quæ lege publicâ judiciorum notata non fuerant, nec aded meri erant

imperii, carcere aut multâ coërcere poterat; verum etiam hodiè, ubi mixtum imperium ad bassam seu inferiorem jurisdictionem respicit, ejusmodi delictorum *correctiones* non minùs *Jurisdictionis*, cui mixtum imperium inest, esse dicuntur.

XXI. Cæterum nudæ forsitan notionis in hodiernis Imperiis usus est perexiguus aut nullus? Nam arbitris etsi perfectè competat jus cognoscendi & pronuntiandi, tamen hoc ad statum civitatis aut ordinem Imperii non pertinet, sed ad jus privatum & conventiones singulorum. Episcopi & Consistoria Ecclesiarum quam habent audientiam, ea toto etiam genere differt, non minus à notione quam à jurisdictione civili; sed analogice non minus cum hac quam illà comparari potest. Mos autem dandi iudices pedaneos, quam Magistratus Romani faciebant, ut causas viderent & sententias ferrent, quemadmodum recentiori jure Romano suppressus, ita nostris temporibus omnino incognitus est. Nam quod Commissarios Curiarum multi huc trahunt, error manifestus; siquidem illi nihil sunt aliud, quam delegati *ad præaudiendas partes*, (u) ut tamen ipsi Iudices & disceptent merita causæ & sententias dicant.

(u) AD PRÆAUDIENDAS PARTES. Zur gütlichen Handlung, sed ita strictè sumi commissarios, eoque modò infinitæ commissariorum seu deputatorum species recenseri possent. vid. nostra ad Tit. ff. de off. ejus cui mand. est jurisd.

XXII. Apparet ex his quæ diximus, Jurisdictionem esse facultatem moralem, quæ personæ competit, à summa potestate expressè delatam, quæ proinde nec aliis modis acquiri, neque amitti, nisi ex voluntate summæ potestatis possit. *Præscriptione* (x) igitur illam propriè nemo acquirere potest, ut alias dictum, neque secus amittitur, adeo ut nec abdicare se Magistratus suâ potestate, ignaro vel invito principe, possit. At morte, velut cuncta personalia, sine dubio finitur, maximeque tempore præfinito in functionibus ambulatoriis.

(x) PRÆSCRIPTIONE. Antehac nec *negativè* præscribebatur Jurisdictio, ut nempe quis contra eam liber tempore fieret, nec *positivè*, ut quis in Magistratum è privato abiret; nunc tamen Jurisdictio longò tempore adversus aliam quàm superiorem cum territorio, sed absque eo longissimò præscribitur. vid. l. f. C. de long. temp. præscript. adversus Principem vero seu superiorem immemoriali tempore opus est. Thoming. Conf. 22. n. 68. seqq. si titulò careat præscripturus, secus solum 40. annos desiderant. Arg. c. 1. X. de præscriptione.

XXIII. Sed usus fert, ut jurisdictio cum respectu ad subjectum territorium appelletur; eodemque jure quo ipsa territoria censeatur. Hoc sensu præscriptione potest acquiri & amitti jurisdictio, ut Magistratus cuique territorio præfecti latius aut angustius imperent, & si

territorium jus Universitatis habeat, tum nec ipsa potestate summa illud jus tolli potest, quatenus Universitas idem habet, quod privatus in suis rebus.

CAPVT XI.

De

Subjectione Rerum.

ARGVMENTVM.

Res cujusque subjectas eidem Imperio cui persona. Divisio rerum in corporales, & incorporales; rursus illarum in mobiles & immobiles: earumque differentia quod ad juris effectum, quæ de re disputatur. Divisio alia; res sunt vel singulorum vel communes vel publicæ vel universitatis aut nullius. Quid singula species. De rebus nullius agitur latius; primò de his, quæ per occupationem acquiri possint; quo loco probatur, fuisse initio mundi Communionem rerum. Quo jure nitatur jus venandi feras principibus solis addictum, accuratius docetur. Tum de rebus, quæ dominium non recipiunt, cujus natura probatur esse mare, certis tamen sub cautionibus; ne quidem Imperium maris ullum per se dari, citra illas cautiones. De publicis rebus & earum differentia. De insulis in flumine, de ripis, de alveis, de alluvionibus, denique de rebus verè aut quasi sacris earumque alienatione, de rebus sanctis, & religiosis.

I.

POST homines, qui subjiuntur Imperio, transeamus ad res. Intelligimus autem per res in jure ea, quæ Græci χεῖματα appellant, quæ Aristoteles* ait esse πάντα ὅσων ἡ ἀξία νομοματὶ μετρεῖται, omnia quorum valor pecuniâ aestimatur: quæ & bona dicimus à beando, unde latinè beati, id est, divites. Cum autem propter homines habeantur bona, consentaneum est, eos, qui Imperium habent in personas, eandem in res habere potestatem. Nempe, ut antea diximus, tam proprietas bonorum quàm libertas corporum singulis in civitate salva intelligitur, Imperium nec non eminens dominium, in singula vim suam pariter extendit, ut similiter dictum.

* 4. ad Nicomach. cap. 1.

II. Res sunt vel corporales vel incorporales (a). Illæ mobiles aut immobiles, quas inter magnum juris discrimen aliqui constituunt. Nam quia mobilia proxime & immediatè ad usum personæ spectant, ideo

ideo subjacere volunt hæc imperio illius, cui ipsa persona subjecta sit, quocunque loco bona reperiuntur. Adeo ut Princeps, qui bona civis sui propter delictum redigit in fiscum, ea quoque mobilia, quæ sub alterius imperio latent, jure sibi vindicet. Similiter Leges & statuta de successione bonorum, quæ in locis, ubi quisque civis est, obtinent, iis quoque in bonis habere effectum, mobilibus scilicet, quæ sub alterius ditione reperiuntur. At secus in rebus soli sive immobilibus esse; nam hæc cum partem Reipublicæ subjectivæ, id est, territorii constituent, non possunt alterius, quam qui regit eandem civitatem, sequi auctoritatem. Ideò leges de successione, quæ in unâ obtinent Reipubl. quod ad res alibi sitas, ubi diversum jus viget, non posse valere, idemque de confiscationibus dicendum.

(a) INCORPORALES. Ab his aliæ sunt *incorporææ*. Sunt autem res *incorporales* veræ relationes à jure productæ, & non entia rationis. Corporales vero res sunt mobiles vel immobiles: has non facit tales sola *destinatio* Patrisfamilias. Aliquando etiam res *incorporales* ad corporalium jura trahi angustia vocis legislatoris, aut hominis disponentis jubet, quâ ratione vel mobilium vel im-

mobiliū jure censentur: atque de actionibus *realibus*, quæ scil. rem sequuntur, pro diversa conditione rerum statuendum est: Quod vero actiones *personales* attinet, idem dici debet, ut si ad rem immobilem respiciant, in censu immobilium rerum non minus habeantur, si ratione mobilium, v. g. ex mutuo, locus in quo creditor degit, respiciendus sit, quod ad *fin. §. 4.* hic observandum est.

III. Verum his ratio juris vetat adsentiri; quatenus certum est, nullo modo posse fieri, ut principis ullius statuta vel decreta in alterius Imperio vi directâ sortiantur effectum. Publicatio igitur bonorum tam mobilium quam immobilium, quæ in alieno territorio sint sita, non potest institui, quam altero consentiente Principe, cui de rebus penes se positis pro arbitratu disponere licet.

IV. Quod ad successionem attinet, res quidem ita solet explicari, at longe diversâ, ut opinor, ratione, quæ non à jure imperii sed *voluntate petenda defunctorum*, (b) quæ in privatis successione utramque facit paginam; & sine dubio quisque de rebus suis ubicunque sitis libere disponendi habet facultatem. In dubio autem præsumitur, ea quæ ad personam suam pertinent eamque sequuntur, voluisse deferri secundum jus illius loci, ubi persona ipsius egit: mobilia verò dicuntur sequelam habere personalem. Non æque res soli, quas non ad personæ suæ rationem, verum potius ad regionis, cujus portio sunt,

mores & instituta destinasse videtur. Eadem ratio est in rebus incorporalibus, ut sunt jura, obligationes, redditus & similia.

(b) VOLUNTATE PETENDA DEFUNCTORYM. Imò vero ubique imperium prævalet, idque sequimur; videl. non quia id voluit defunctus, sed quia non aliter voluit, modò in eo loco, ubi bona sita sunt, testamentorum usus, & ut voluntas hominis legi prævaleat, receptum sit. Ceterùm hereditas tanquam universitas non censetur ex loco, ubi bona sunt, sed ubi relinquitur hereditas, quod fieri intelligitur, non ubi quis moritur, (quanquàm si ibi condidisset testamentum, quoad solennia actus, illud sec. requisita illius loci censeretur; ut ad bona extra illum locum quoque reperta porrigi possit. Myns. V. th. 20. Gail. 1. th. 123.) sed ubi domicilium habet, l. 1. C. ubi de her. agi. cui quis creditur bona sua adjecisse. l. 27. §. 1. de fund. instr. Jacob. Schultes. I. quæst. 39. nisi ex jure loci ubi sunt, aliud constitutum vel receptum reperiatur: nam ita potest fieri, ut circa bona mobilia, ita nomina, diversum servetur, si quidem mobilia illi quoque loco subsunt, ubi reperiuntur. (aliter atque Auctor hic docere videtur.) Quod si etiam constet, bona mobilia idèò in alium locum quem transtulisse, ut ibi perpetuò essent, & sec. jura seu statuta ejusdem censerentur, tunc iterum

domicilium morientis non respicitur. l. 35. §. 3. de hered. inst. l. 32. de pign. l. 86. de leg. 3. Carpz. VI. resp. 38. n. 29. exemplum habet in pecuniâ alibi sub usuris elocatâ: quod tamen exemplum meritiò quis in dubium revocaverit; nisi aliæ circumstantiæ concurrant, ex quibus animus defuncti apertius colligatur: v. g. si appareat bono filiorum fratris, qui in loco domicilii defuncti cum patris succedere non poterant, in eum locum, ubi eorum fuerat ex jure repræsentationis successio pecuniam eum constituisse. Quod immobilia attinet, certum est, statuta loci, ubi illa sita sunt, respici: ita Reinking. de retract. consangu. quæst. 1. n. 45. Boccr. Class. I. Disp. 3. n. 44. Denique quòd bona publicata alibi sita ad dominium loci, in quo ex crimine bona delinquentis publicantur, pertinere non possint, ejus rationem rectè Auctor in eo collocat, quòd nil valeat imperium publicantis, in bona quæ alibi sita sunt; Interim dubium non est, quòd etiam possit dominus territorii peregrini, si judicatam rem alterius agnoscat, bona delinquentis sub suâ Jurisdictione deprehensa, in fiscum redigere.

V. Præterea dividuntur res, quod sint vel singulorum, aut communes vel publicæ, aut Universitatis, denique Nullius. De rebus singulorum, quæ ad privatos pertinent, modo occupatum est, notumque vim Imperii dominia privata relinquere intacta. Quid autem Rex verus in illa ex ratione publicæ utilitatis aut necessitatis, quid Monarcha despoticus jure possit ordinario, (c) alibi explicatum.

(c) JURE POSSIT ORDINARIO. Num itaque non dabitur in Monarcha despotico dominium eminens? aut an omnia, quæ ipse peragit, vi dominii eminentis peragere videbitur? Neutrum asseri potest, nam & despoticum Imperium justum est,

& imò tyrannicum faciem jussi imperii eòsque sustinet, donec infima summis permixta, & in statum hostilem respublica conversa fuerit, quò statu frustrâ deinceps de ordinario vel extraordinario regimine seu potestate imperantis quaeritur.

VI. Res communes sunt, quarum usus & proprietas cunctis hominibus æqualiter competit, vi divinæ largitionis condito & instauratione generi humano factæ*: dicuntur & Nullius, eo quod peculiari do-

minio

minio (*d*) à nemine adhuc sint comprehensæ. Quæ sunt hujus generis eæ vel sunt tales, ut à quolibet occupari queant, aut penitus domini sunt incapaces.

* *Geneseos cap. 1. & rursus cap. 9.*

(*d*) *PECULIARI DOMINIO.* Distinctè hic procedendum est, & quidem inter omnes constat, etiam eos, qui *communione primævam* nullam unquam fuisse docent, quoddam res quædam *communes* hodiernum dentur, sic dictæ, quatenus vel natura suâ in proprietatem, seu ut *Auctor* hic, in peculiare dominium transcribi non potuere, dum earum usus & fructus omnibus animalibus necessariò relinquendus fuit (etiam si nec usum in his talibus, aëre, v. g. aurâ, ventis, in quibus nulla libertas utendi est, propriè dixeris,) vel quatenus ob innoxiam, quæ inde aliis obvenire potuit, utilitatem, eas ad se gentes propriò jure pertinere noluerunt: Inde non rectè communes hæc res manifeste dicuntur, tanquam *ex derelicto*, quasi videl. antea omnes occupatæ fuerint dominiò quoddam *potentiali*, ut *Strauchio* aliisque dicitur: Sanè dominium illud *potentialiale* æquè figmentum est, atque illa quæ multis etiamnum placet, & vel ipsi *Seldeno*, in *Lib. de mari Claus.* actualis communio, & quidem ut comunione illam rejiciamus, eò planè sensu, quò *Pufendorfius* usus est; Etenim is, in *L. IV. c. 4. §. 5.* statuit comunione *negativam*, quâ sc. res non magis ad hunc quàm illum pertinerint: (hoc est, omnes res *nullius* ab initio fuisse asserit, prout rectè dicitur comunio *positiva* esse, quâ res plurium est) adeò ut ne quidem *Adamum* pro *Domino* rerum creaturarum agnoscat, nisi quoddam voluerit dominum eum fuisse (§. 13. *d. cap.*) aliò quoddam & diverso domini genere ab eo quod nunc habemus, id quod ipse *Indefinitum*, neque tale formaliter, sed concessivè atque dominium, nec actu tale, quo nos utimur, sed *potentiâ*, appellat. Quæ quidem omnia si *Pufendorffius* intellecta velit de rebus aliis præter eas, quas *Adamus* actu tenuit, eò sensu, quo nos rem explicavimus, admitti possent; at vero cum ille dominium ne quidem *Adam* in rebus ab eo occupatis tribuat, & ideo quidem, quia nemo juxta *Adamum*, positò quoddam solus mansisset, adversus quem domini jure uti potuerit, extitisset, quando videl. proprietatem *exclusionem alterius* præcise notat: hinc

ei accedere non possumus. Nec enim proprietatem ut *servituti* opponitur, hic cum dominio æquiparanda fuerat. Et deinde satis prodit principia sua *Pufendorf. in §. 6. d. cap.* Nec enim potuisset ille dogmata *Hobbessiana*, de *pactitio* sc. *recessu*, à statu *belluino*, aliter quàm ex hypothese jam adductâ defendere: Nim. à comunione *recessum* ille docet per *conventionem*, & hactenus eum *Grotio*, quæ conventio tum *expressa* fuerit, per *divisionem*, tum *tacita*, per *occupationem*, quasi hoc posteriori modò actum id fuerit inter homines, ut quod unus occupasset, alter ipsi pacis causa non eriperet. Hinc enim ait, feras quidem etiam sibi rapere res in pabulum, sed tamen etiam si quid seposuerint, posse alteram id eripere, quia sc. feræ invicem *conventionem* sibi non teneantur; Explicat deinde §. 6. satis eleganter, quâ ratione *communio rerum perdurare* moraliter non potuerit: quanquam hæc explicatio magis ad usum historicum & quidem *occupationis* (non etiam *divisionis*, quippe quæ nulla fuit,) quàm *juridicum* faciat. Ex dictis sequitur, ap. eund. in §. 4. *it. 9. seqq.* quod *Deus* non sit causa *immediata* domini (puta ex respectu *Pufendorffii*, prout illud effectum habuerit ad alios homines, quem tamen frustra supponi antea admonitum est) sed ex *facto humano* illud processerit; unde nec *modum* rebus utendi à Deo præscriptum esse ait: quod quidem posterius, quoad *modum* scilicet, certâ ratione admitti posset; saltem quoddam *natura* hominem de variis juribus (& sic *Deus* non minus, *naturæ* Autor) instruxerit, ut quamvis adeo dominium naturale seu physicum *qualitatem* rei non esse, facile quis concefferit, tamen non omnino admitti posset, quod dominium non à natura sit, sed ab impositione & instituto. Nobis quidem distinctiùs & cum evitatione omnium, quæ doctrinam hanc de comunione implicatam aut suspectam reddunt, in *Disp. de jure rerum aph. 13.* ita res definiri posse visa est, si statueremus, *primævam comunione* nullam unquam fuisse, nec *discessionem* adeò ab eâ, sive per *divisionem*, sive per *occupationem*: non etiam fuisse dominium aliquod *potentialiale*,

nec dominium fuisse ullum ante proprietatem rerum; fuisse autem jus aliquod & facultatem, dominium rerum acquirendi, atque sic modum acquisitionis primæ esse occupationem, Titulum verò esse concessionem illam summi rerum Conditoris Dei; inde cum jus occupandi præsupponat actu rem nullius esse, idè jus vindicandi, it. dominium potentiale, cum isto occupandi jure stare non potuisse, differt ergo communio illa dissentientium actualis à dominio potentiali, differt ab utroque jus occupandi & se dominium faciendi; communio actu facit dominos etiam quoad fruitionem; dominium potentiale dominos facit solum in actu primo, ut tamen Domini re ipsa

quoad proprietatem sint: (solâ deficiente possessione, quam quidem qui communionem rerum tenent, & ipsi communem habent) jus vero occupandi solum confert facultatem, dominium rerum per occupationem acquirendi: eamque non primum hominem solum habuisse dicendum est (nisi *representative*,) nec enim ille poterat acquirere & apprehendere omnia; sed quemlibet hominum, qui subsecuti sunt, quibus ab ipso creatore ad omnia facultas patebat, ut illa, quæ ante eos ab aliis occupata non fuerant, acquirere sibi que appropriare potuerint. Interea non minus acquisitio *derivativa* in rebus jam acquisitis ad alios transferendis ex facultate illa & instituto creatoris suo modò pendet.

VII. Prioris naturæ sunt omnes res, quæ possessionem & occupationem stabilemque custodiam recipiant, ut sunt feræ bestię, volucres, pisces, gemmæ, metalla nondum effosa, res derelictæ, aqua profluens, omnesque maris insulæ regionesque desertæ*. Ejusmodi res naturali ratione cedunt occupantibus. Etenim posteaquàm à communione primævâ consensu non minus quam necessitate humanæ societatis recessum est, constanter receptum fuit, ut quod unusquisque apprehendit nullius existens cum animo sibi habendi, id ei à nemine citrà injuriam eripi posset**.

* Grot. lib. 2. de jure belli & pac. cap. 2. §. 2. & lib. 2. Jurispr. Holl. cap. 3.

** Job. Henr. Boeclerus comment. ad libr. 2. Grotii cap. 2. §. 2. Strauchius de Imp. Mar. cap. I. Job. Bapt. Burg. lib. I. de dom. Reip. Gen. in mari Ligust.

VIII. Quod enim aliqui disputant, ea quæ de communione primævâ dicuntur, esse fictitia, id demum vere, si quid, unquam, fictitium est; Nam si communio sit jus, quo res eadem plurium pro indiviso propriæ sunt, res loquitur, cum creator Deus cunctis mortalibus dederit jus in res hujus inferioris naturæ, nihil potuisse illud esse quàm communionem: adeoque ridiculæ sunt in contrarium rationes. Neque verò metuendum, quia fatemur, in quibusdam rebus statim defuisse communionem, ne nobis obloquamur, quasi communio nequidem animo concipi possit, eò quod proprietas sit in ipsa possessione. Nam quia factum saltem, id est, occupationem, si non pactum expressum ante primum à communione recessum requirimus, palam est, mente

mente saltem aliquod jus ante illud factum concipiendum. Dein, etsi quædam res incontinenti desierint esse communes, multæ tamen diutissime tales manserunt; neque enim nisi lapsu multi temporis pleraque terrarum occupari potuerunt, *quæ nec etiamnum omnes tenentur* (e). Præter quod in animalibus quæ cælo, quæ mari terraque continentur, in aqua profluente, aliisque rebus, non potuerat desinere communio, quia nunquam *desinere poterat occupatio* (f). Certum quoque est, quod totus populus æquale jus habeat in feras, volucres & pisces, item metalla thesaurosque subterraneos, qui in territorio ab ipsomet occupato reperiuntur. Unde clarum, quod communi consensu, id est, per legem singuli à jure suo recedere, idque in unum vel certas personas transferre possint.

(e) QUÆ NEC ETIAMNUM OMNES TENENTUR. Prout exponit inter cæteros *Phil. Cluverius Lib. ult. Geograph. c. 16.* de terra *Australi* incognita seu *Magellanica*, ubi & in *Notis*, quid ex ea hætenus detectum sit, & de terræ illius felicitate, epistolam *Petri Ferdinandi de Quier ad Hispaniarum Regem* citat.

(f) DESINERE POTERAT OCCUPATIO. Speciosa hæc ratio magis est, quam vera; Potius dicendum est, quod quarundam rerum usus & fructus omnibus animalibus necessariò relinquendus fuerit, ut in aëre, aquâ profluente, & similibus. Nam *feras* quidem quod attinet, earum ratio planè diversa est; & quanquam cujuslibet occupationi initio fuerint relictæ: tales tamen sunt, quæ in jus proprium describi potuerint: hinc quoad eas ratio *Auctoris* non concludit, quoniam in illis nunquam desinit occupatio: Postquam tamen communes non mansere, quod etiam *Auctor* tradit: inde singulos à jure suo, quod in feras habuerunt, *recessisse*, idque juxta *§. seq.* fundamentum præbere Principibus, ut venatione *hodie* quidem soli gaudeant, illud utique falsum est. Etenim jus aliquod in feris seu venatione singulis hominibus antè non competiit, nisi *negativum*, h.e. quod cum Principes quid de ea nondum statuissent, absque ullâ injuriâ quilibet feram in medio relictam suam facere posset: ut hætenus rectè *Grotius*, venationem eò usque promiscuam mansisse dicat, quoad nulla lex civilis aliud induxerit, *Lib. II. c. 5. §. 5.* Nam utique jure *imperii* seu superioritatis Principes venationem subditis

interdixisse rectius statuitur, quippe quod per illud aliter id definiri potuerit, quod nullo desuper statuente jure Naturali aut Gentium hætenus in medio, tanquam promiscuum, relictum fuerat; idque ob rationes, post *Wesenbec. in parat. Franzk. exerc. IV. quæst. 1.* & *Carpz. II. qu. crim. 54. n. 11. seqq.* à *Pufendorffio* etiam traditas, *L. IV. c. 6. §. 6.* quam illas nihil efficere putent hi, quibus libertas illa promiscua, in suis regionibus, adhuc defenditur. Cur enim illis malis non vexati veteres? & nonne possent statuta tempora præstinari, instrumenta facilioris & promiscuæ occupationis interdici, & alia, ut everfio nimia ferarum evitaretur. Quid quod agricolæ canes & equos ad venandum ne quidem alere possunt? quocirca *Hispanos Auctupia* hodiernum liberè permittere constat, nec *piscationes* ubivis terrarum privatis interdictas, nec in Belgio prohibitionem tam rigidam esse. Enimverò inde nil efficitur, quam ut inde pateat, penes imperium civile esse, pro conditione & natura cujuslibet regionis, de venatione statuere. Cæterum si quæ Principis sit aliqua constitutio, eidem propter conscientiam parendum est; (quod male negat *Gudelinus de Jure Noviss. Lib. II. c. 2.*) ut in conscientia is peccet, qui privatim leporem capit, licet res illa antè constitutionem nullius fuerit. Quod vero *pænam capitalem*, quæ non nullibi contra legem venantibus indicta est, concernit, quam eam *Carpzovius d. l. n. 38. §. seqq.* defendat, ei tamen sententiæ alii se opponunt, eò quod Magistratus quidem jus vitæ & necis habeat, sed non

ex quolibet delicto, verum ex ejusmodi, quod pœnam mortis mereatur: vid. Grot. *L. II. c. 1. §. 14.* Neque rigor ille Magistratui, de quo *l. 11. pr. de pen.* (in arbitrariis puta) ut nec principi legislatori affectandus est, quippe quod contemptus Principis rem non conficiat, nisi ex levissimis delictis, quæ facilius omitti poterant, contemptum quoque Principis multò majorem elicias. vid. Harpprecht ad *§. 11. de R. D. n. 34. & seqq.* Interim sæpius iteranti, & cumprimis in feris majoribus, capitis pœnam impingi posse, rectè statuitur cum Heigio *d. P. 1. quest. 15. n. 80.* Bocero, *cl. d. V. O. 3. th. 30.* Knieh. *de Sax. non privandi jure c. 5. n. 206.* Et Tabor. *in armam. p. 144.* ipsoquæ tandem Carpz. *d. l. n. 32. & seq. maxime n. 45.* qui non minùs de feris minoribus *n. 72.* & piscium furibus ibidem agit: ut rectè Einsiedel *c. 3. n. 368. de Regal.* arbitrariam pœnam esse voluerit; quanquam regula quidem sit, ut fustigatio ei præfigatur. Carpz. *d. l. n. 32. & seqq.* His legibus autem *exteros* quoque teneri. Grotius *L. II. c. 2. §. 5.* rectè docet, cum contrarium in *piscatione* contra Seldenum *de mari liber.* defenderat: nam privatus quidem non poterat prohibere, ut fundum ejus ingrediens captum suum faceret; Princeps v. respectu exteri territorium suum ingredientis non est privatus, & in eo territorio feræ communes non sunt amplius. Illud certum est, (quod & Zieglerus docet, *L. II. c. 8. ad Grot. §. 5.*) quodd ante capturam ferarum ne quidem Princeps ipse dominium illarum habeat; sed tantum legem is statuere potest, ut ipse solus feram suam facere possit. Unde falsum est, quod Vinnius *ad §. 13. j. d. Rer. Div.* docet, & ipse etiam Zieglerus *Lib. II. c. 2. §. 5.* quodd privati in ejusmodi territorio, si quid ferarum capiant, adhuc suum faciant, eò sc. quodd rei, quæ nullius est, dominium occupanti eripi à lege non possit. Cur enim Princeps id, quod promiscuum est, non posset sibi proprium facere, & effectum acquisitionis subditis interdicare? nisi vel totum jus venationis hoc ipso iterum subvertere velinus. Apparet ex jam dictis, quodd malè asserat Klock. *1. Confil. 50. n. 153.* jus venandi subditis ademptum esse per *patientiam* suam: nam *superius* dictum est, jus quoddam *positivum* commune subditis venationem non tribuisse, & ne quidem *divini juris* hunc sensum esse, (dum homini dominium ferarum tribuit,) cum cæteris Pufendorffius *d. I. ostendit.* Pejus ad-

huc tempori immemoriali adseribit id Finckelth. *Obs. 41.* nam privati rem suam contra patientiam Principum intrà tempora usucapionis vindicare ne quidem potuissent. Heig. *P. 1. quest. 15. n. 44.* Imò illud quod jure G. occupatione quilibet proprium facere potest, saltim *negativò*, non prohibitivo, præscriptioni alterius non subjacet *l. 45. de usucap.* Fal- lit etiam Hornius *Lib. 2. Politica Architecton. c. 3. n. 5.* quando hanc ademptionem venationis nullum aliud argumentum tueri posse opinatur, quàm *dominium eminens*: nam ita quidem prohibere pos- sent principes, ne quis fundos, in quos illi domi- nium eminens sibi asserunt, venandi gratia, ingre- deretur; qui tamen, si mandato conveniret, cap- tum nihilominus, vulgari saltim dominio suum fa- ceret. Porro *Dd. Juris G.* hic emendandi sunt, quando jus civile Rom. ipsimet emendare infelici- ter præsumunt. Ita Grot. *L. II. c. 8. §. 3.* taxat *FCtos*, quodd protinus, atque fera custodiam no- stram evaserit, capientis alterius faciant, *§. 12. J. de R. D.* cum in rebus aliis amissâ possessione, non protinus amittatur dominium. *l. 13. §. 13. de acquir. poss.* Oportere itaque non tam renovationem liber- tatis in ferâ, quàm difficultatem recuperandi, rem conficere: At verò hæc doctrina recipi non potest; nec sola, ut putat, desperatio rem conficit, aliàs etiam oves à lupo abreptos perderemus, quodd qui- dem malè alibi asserit ipse Grotius *L. II. c. 4. §. 5.* Ubi idem de rebus *in mare projectis* asserit: nam potest utique adhuc in hisce rebus, cum spe proje- ctâ, subsistere *animus* rei per dominium inhzren- di, quodd ex objecti demum destructione corrui- tum; cum quidem spes etiam ob arduum quiddpiam per- imi non possit. Longè rectius *Nostrates* in *l. 44. de A. R. D. l. 8. §. f. fam. herc.* quodd in animalibus quidem mansuetis & rebus aliis dominium cum possessione non amittatur, sed in *feris* longè aliter habeat, & quidem ob solam *amissionem possessionis*, non ob derelictionem tacitam, quæ quidem cum desiderio feram recuperandi consistere non potest. Deinde Pufendorffius *L. IV. c. 6. §. 20.* feram *vulne- ratam*, si lethale vulnus & in eo fundo, in quo Jus venatori versandi erat, acceperit, eam ab alio non posse intercipi, putat. Multò rectius *FCri Rom.* qui quandocunque & ubivis intercipi posse feram, nondum perfectè captam, docent, ut ta- men intercipiens in alieno *iniuriarum* teneatur. Denique Grot. *L. II. c. 8. §. 2.* feram, quæ in sylva circum-

circumseptâ versatur, ad Dominum sylvæ pertine-
re, contra L. 13. §. 14. de acquir. poss. docet: Et ta-
men ad occupationem actum corporalem requiri,
nemo non videt; secus si quis feram sylvæ circum-

septæ immisisset: tunc enim etiam, quæ inde na-
scerentur, *immitentis* forent. Itaque nec qui sinus
maris dominus est, dominus quoque erit *pisci-*
um inibi natantium.

IX. Atque hoc est fundamentum, (g) quo jus feras venandi, aucu-
pia, piscationes, metallifodinæ, thesauri & similia principibus aut pro-
ceribus hodierno gentium usu vindicantur. Non tamen efficere pot-
est Lex, quod vult Grotius, ut Principes * immediate domini ferarum
etiam ante occupationem fiant **, quia jus illorum non potest esse pri-
us quam populorum, à quibus illud habent: atqui feræ donec capian-
tur, manent nullius tam respectu populorum quam singulorum. Sed
hoc potest Lex, ut quicumque aliquam istarum rerum capit, hoc faci-
at, ut minister ejus, in quem populus suum jus commune transtulit:
adeoque ut Princeps in ipso occupationis actu dominio potiatur. Un-
de non male dicitur, eos qui feram lucri faciendi animo detinent ali-
quando furti se obstringere, quod negant qui solâ venatione privatis
interdictum, dominia autem ferarum principibus nullo modo adfecta
putant; quod inde refellitur, quia ne fortuito quidem feræ captæ ce-
dunt occupantibus, sed in publicum deferendæ sunt.

* Dix. in digression. Justinian. lib. 4. cap. 20.

** Vid. eand. digress. ut & cap. preced.

(g) HOC EST FUNDAMENTUM. De universa
acquisitione rerum ita habendum est, ut duo gene-
ra ejus, postquam nimirum occupatione res unius
alteriusve propriæ factæ sunt, statuantur, unum
acquisitionis originariæ, quod jam ante obtinuit, al-
terum derivativæ: Utriusque iterum considerandi
sunt & tituli seu causæ, qui efficientis locum susti-
nent, & modi, qui formam conficiunt; Originariæ
acquisitionis unus est modus, *occupatio*, sed titu-
li sunt varii, puta venatio, bellum, inventio &c.
de quibus hoc ad Grotium notandum est, L. II. c. 8.
quod *Jcti Romani* aliquos rerum *juris Naturæ* esse
dixerint, qui tamen ne quidem *juris Gent. primæ-*
vi sunt, sed secundarii; quosdam etiam dixerint *Ju-*
ris Gentium, qui tamen ex compacto quarundam
civitatum proficiscuntur; quanquam in univsum
omnes *ratione naturali*, si non primâ ubique, re-
motiori tamen; & ad prudentiam *Romanæ legis-*
lationis valdè probabilem exactâ, consent. Sic

ergo protinus alterum modum acquisitionis ori-
ginariæ à Grotio in L. II. c. 3. §. 2. & seq. confictum
rejecimus, rejectâ videl. communione illâ, cui *di-*
visionem hanc Grotius superstruxerat. Est autem
Occupatio iterum vel vera & directa per *Apprehen-*
sionem, quod pertinent causæ speciales jam antè in-
dicatæ, quæ communiter solam occupationem
constituere dicuntur; vel ficta, quæ sit per *Accef-*
sionem; eamque vel naturalem vel *industrialem*,
quæ *Adjunctio* dicitur; naturalem in animatis, quod
foetus pertinet, licet ex alterius mare genitus sit.
vid. Pufendorff. L. IV. c. 7. §. 4. Secus atque Grot.
L. II. c. 5. §. 29. & c. 8. §. 18. quando is, contrâ dis-
positionem *Juris Rom.* foetum æqualiter ad domi-
num genitoris & genitricis pertinere debere asserit.
Et inanimatis, per Alluvionem, quæ in genere
sumta vel continua est vel discreta. Continua per
incrementum latens, quam *alluvionem* in specie di-
cimus, vid. Besold. Thes. pr. voce *Zuflus*, & Pu-
fend.

fend. *L. IV. c. 7. §. 11. & 12.* ubi de alluvionibus in territorii finibus mutatis, it. in fundis privatorum; de quibus etiam Buchner. *de Jure aquatico. th. 89.* it. & in *th. 90.* in agris limitatis hodiè jus illud alluvionis obtinere docet: additò autem Carpz. *p. 3. C. 13. d. 17.* ubi, quâ ratione augmentum per alluvionem Emphyteutæ, vasallo, & usufructuario proficiat, decidit: Vel incrementum est evidens per avulsionem seu coalitionem, §. 21. *d. R. D. junct. l. 5. §. 3. d. R. V. Alluvio* (quam in genere accepimus) discreta, contingit vel circumluvione vel inundatione; de inundatione vid. Grot. *L. II. c. 8. §. 10.* ad quem notandum est, quòd inundatione proprietatis non reverà sed dubitativè, quâ in ancipiti est, adedque potentiâ amitti dicatur. *l. 23. quibus mod. ususfr. amitt. l. 24. §. ult. cod. Bachov. ad Tr. D. 20. th. 5. lit. g. & ad §. 23. J. de rer. div.* id quod maximè obtinet, si inundatio non simplex fuerit, ut *l. 7. §. 6. d. A. R. D.* sed cum flumen totum uno impetu, alveo desertò, in agrum aliquem se effundit: *Circumluvio* est vel omni ex parte, vel tantum ex unâ; priori modo fit *Insula*, de qua inferius: Posteriori mutatio alvei, de quâ cum ob traditionem *l. 7. §. 5. d. A. R. D. J. Cti Rom.* dissensisse videantur, *Dd.* negotium variè expediunt, ut apud Coll. Arg. *th. 29. cod.* post cæteros videre est. Putem, esse distingv. an flumen diurno tempore agrum occupaverit, an aliquo saltem? hoc modo, quia *propè inundationem* est, speciem mutatam non videri; illò vel non integrum vicinum agrum occupavit: & tunc si sensim recedat, pars alvei relictæ vicinis jure alvei advenit. *l. 28. d. tit.* si impetu, tunc strictâ ratione novus alveus relictus vicinis cederet. *d. l. 7.* Verum ratio illa, si *aquitas* spectetur, extendi huc non debet, sed ager potius ad pristinum Dominum reverti: cum ad vicinos non videatur pertinere jure *vicinitatis*, (utpote quòd jus illud in eo tantum alveo, qui nullò unquam tempore in bonis alicujus fuit, obtineat; nec etiam jure *alluvionis*, quia nullâ diligentiam impetum fluminis coërcere poterat. Conf. de *Fori usu*, Carpz. *p. 3. C. 31. d. 14. seqq.* & an quoties flumen cursu mutat, simul etiam terminus Imperii per flumen constitutus mutetur? Grot. *L. II. c. 3. & 16. seqq.* *Accessio industrialis* est vel simplex vel mixta seu proventus ex ipsa re: simplex tum in re mobili, tum immobili: illa per *conjunctionem* & *specificationem*. *Conjunctio* est vel in textura, de quâ contra H. Grot. *L. II. c. 8. §. 21.* defendit

Pufend. *L. IV. c. 7. §. 9.* quòd *purpura* etiam majoris pretii vestimentum sequatur. Reserri quoque huc poterit, si loco intexturæ nomen *adjunctionis* in specie acceptæ substituas, *Applumbatura* & *ferruminatio, cum similibus*. *Commixtio* est tum rerum liquidarum, in specie *confusio*, tum solidarum, quæ nomen generis habet. In Confusione, si forma prævaleat, res est *specificantis*, & sic in aliud genus transit. Richt. *Decis. 96. n. 109.* Quoad *specificationem* optimè rem *J. Cti Rom.* definierunt, quando etiam malâ fide *specificanti* dominium rei ex forma prævalente tribuerunt, & lites, si dictamina *Juris Rom.* sequamur, non modò evitantur, sed & suum cuique tribui potest; ut immeritò jus illud impugnet Pufendorf. *L. IV. c. 7. §. 10.* *Accessio* in re immobili, fit tum *Inedificatione*; tum *Implantatione* & *satione*: & quidem quoad *Inedificationem* in jure Rom. nil aded desiderant *Dd. Juris Gent.* Ipsi autem *J. Cti Rom.* difficultatem, quæ quoad mala fide ædificantem, (dum donandi animum aliquo casu habuisse creditur, in *l. 2. C. de R. V.* relidet,) satis expediunt, quanquàm variè; ut apparet ex Ummio *Disp. 22. ad proc. th. 13. Fach. 1. contr. 55. & aliis.* De *implantatione* iterum contra Grotium *L. II. c. 8. §. m. 22.* Pufend. *L. IV. c. 7. §. 5.* defendit, quòd *arbor*, quæ radicem in alieno solo egit, ad Dominum soli pertineat; Difficultatem *l. 26. §. 2. Nostrates* satis feliciter resolvunt: ad quam illustrandam conferri poterit *ad Instit.* Paulus Voëtius. Fuit *Accessio* vulgaris; *Eximia* sequitur, quæ conspicitur tum in charta, tum in pictura: *Charta* scripturam cedere, indignè fert Pufendorf. *L. IV. c. 7. §. 7.* & tamen hodiè illud servari Ludwell. perhibet, *Exerc. 4. th. 7. lit. c.* contra quam Harpprecht. putat. in §. 34. *J. de R. D.* Interim ex *aquitate* Judex nonnunquam possessorem chartæ absolveret, si pretium ejus, & si quid interfit, præstiterit. Enimverò in his, quæ juris publici fiunt, qualia olim omnia scribebantur, longè rectius dispositio §. *illius* obtinere posset; aliud dicendum est de eo casu, si quis vel *secreta* sua, vel inæstimabilia *commenta* aut *rationes* imprudens chartæ alienæ inscripserit. Conf. omninò *l. 3. §. ult. ad exhib. & l. pen. cod.* De *Pictura* in eo dubium vertitur, quâ ratione, cum tabula illi cedat, nihilominus Domino tabulæ, si picturæ impensam refundat, efficax detur adversus pictorem actio, in *l. 9. §. 1. de A. R. D. junct. §. 35. J. de R. D. vers. quo casu.* videl. etiam illo

illo casu adhuc Dominii *prævalentis* effectus est, quod si pictor pretium tabulæ offerat, domino eiusdem præferatur. Tantum de acquisitione originaria: *Derivativa* iterum *modus* unicus est, *Translatio*: Tituli quamplurimi. Translatio autem fit vel in personam certam vel in *incertam*. Huc *missilia* pertinent, quæ antequam ab aliis occupentur, non sunt nullius, & hinc rectè ad derivativam acquisitionem referuntur; aliter ac cum rebus *pro derelicto* habitis obtinet, quas omninò ad *inventionem* referri oportet; & quidem de hoc acquirendi genere ad l. 43. §. 11. de *furt.* *Nostrates* agunt, atque inter res derelictas & *pro desperatis* habitas distinguunt. Siquidem in his semper desiderium habendi superest, quamvis in eas quis inquirere cessaverit. vid. l. 11. de R. J. junct. l. 14. de A. R. D. Quod verò d. l. 43. attinet, eam de jactu spontaneo nonnulli exponunt, non propter naufragium: eamque responsionem formari dicunt ex §. 3. d. l.

item ex §. *præced. ejusd.* Et quonquàm *Bachov.* solidam hoc modò rationem dubitandi non fore putet, tamen cum in §. 10. d. l. Jctus disquirat, si quis rem jactaverit, non quasi pro derelicto, sed levandi sui aliave causa, an si tum eam abstuleris, furti tenere? & Respondeat distinctionem de jactu in terra, non posse perinde præsumi rem pro derelicto haberi, sicut si in *mare* abjiciatur; ut solum ad *furti* imputationem & ad tollentem, non item ad abjicientem, rem eam, nec adeò ad derelictionem principaliter respexerit: idè hæc ipsa sententiam prædictam non improbabilem reddunt. Translatio in personam *certam* vel est propria vel impropria seu ficta: hæc iterum conjuncta est cum translatione corporis seu rei; (& vel brevi vel longà manu fit, utrâque vel mediata vel immediata) aut sine translatione peragitur, velut per *constitutum*, l. 1. C. de *donat.* A. Fab. lib. 2. C. *tit. 3. def. 6.* *Tiraquell.* & *alii* plenius Tractatibus.

X. Ex his clarum est, quæ res extra territorium cujusque populi vacuæ sunt, eas à nemine quam per occupationem acquiri posse: occupatas autem ab aliis omnino neminem rectè sibi vindicare. Quare non immerito barbarus Rex Peruanus irrisit immanem Pontificis Romani arrogantiam, à quo terras novi orbis, quæ ab indigenis antiquissimâ possessione tenebantur, Regi Hispaniæ *donatas* (h) intellexerat.

(h) DONATAS. Est illa donatio, quam *Alexander VI. Papa*, litigantibus super jure occupandi novum orbem Hispanò Ferdinandò Catholicò & Lusitanò seu Portugalliæ Rege, *Diplomate* peculiari suscepit, factâ illa determinatione, ut lineâ mentis cogitatione descriptâ per utrumque cœli cardinem 100. omninò Leucas seu milliaria, ultra Insulas Hesperides, quæ ad viride promontorium jacent, quicquid terrarum ad solis occasum inveniretur, Hispano cederet, extera Lusitano relinquerentur. Quod diploma, cum novæ subinde lites orirentur, aliquoties Pontificem corrigere oportuit. vid. *Marian. Lib. XXVI. de Rebus Hisp. c. 3.* & *Diplomata* ipsa ap. *Calixtum* in calce tra-

ctatus de *Arte nova.* Nec tamen Pontificio dominio cuiuspiam, quod Pontifex in terras ejusmodi sibi asseruerit, concessionem hanc adscriptam volunt, sed *Redoanus* potiùs *Tr. de rebus Ecclesiæ non alienandis*, cum *aliis*, rationem in eo ponit, quod Pontificem oportuerit, ad pacem & tranquillitatem orbis conservandam, pro officio suo providere, ne plures simul ad eas regiones accederent, & ut illi eas aggredierentur, qui *viribus* idoneis ad conficiendum illud negotium instructi, & simul intenti essent, ad *religionem* Christianam & Dei gloriam inibi firmandam: quâ in re auctoritati & judicio Pontificis merito putant Principes Christianos cæteros concedere debuisse.

XI. Atque hæc de rebus communibus occupationem recipientibus; supersunt res dominii incapaces, cujusmodi esse videntur *tam dër quam mare* (i). Nempe ut distinguantur aquæ marinæ & aëris particu-

ticulæ ab aëre atque mari ipso. Illas enim occupari & in dominium redigi posse nulla dubitatio est.

(i) TAM AER QUAM MARE. Equidem dominium *aeris*, aquæ profluentis, luminis & caloris solaris, malignè quis sibi fumeret, & contra humanitatem. Interim cum illis *absque terris* uti non possimus homines, inde liber usus per consequens *intercipi* potest, ut carcere, servitute luminis, prospectus, venationis, aucupii, idemque in *ventis* usuvenit, quoad molendina pneumatica: Hinc malè dicunt nonnulli, non licere, molendi-

num pneumaticum erigere, nisi *aerem* quis à Principe obtinuerit, ut *ap. Gryphiandrum de insulis c. ii. n. 27.* & Modest. Pistor. *l. consil. 19. n. 13.* ad quem pertineat liberum ejus loci usum cuique concedere: quod quidem idèd à Principibus seu territorii dominis difficulter fieri solet, *ne multitudo molendinorum* rem molarem penitus evertat, non etiam quasi aeris concessio ad superioritatem territorialem respiciat.

XII. Sed mare per se totum vel quod ad præcipuas partes *non recipere dominium*, (k) cum effectu, ut jus sit Principi vel populo alios prohibere piscari in eo, navigare, aquam haurire, conchas & naufragiorum reliquias colligere, probatur hisce rationibus*. Prima est, quod in mari cesset ratio, per quam dominia instinctu necessitatis ab hominum primis divisa fuere. Nam reliquæ res humanæ inter singulos dividi oportuit, quia non omnes pariter ad usum sui admittebant, & quod suus cuique labor prodesse deberet. At mare commodissime toti humano generi sufficit, neque recipit opera permanentis industriæ, quæ auctores sibi solis vindicare debeant. Alterum argumentum sit, quod mare propter fluiditatem & vastitatem occupari nequeat, id quod in formâ tale est: quæ res non recipit possessionem, ea nec domini jure Gentium capax est; quia naturalis causa ac iterum effectus domini est, ut res sit in potestate nostrâ eique insistamus. Sed mare non recipit possessionem, quia possessio est sedium positio & rei detentio; at in mari neque sedes unquam poni, nec ipsum detineri aut custodiâ coerceri potest. His accedit auctoritas juris Romani, quo mare inter ea refertur, quæ in primævâ communione manserunt, perinde ac feræ bestię, volucres, pisces, terræque desertæ, habentque se, ut ea quæ primum à naturâ sunt prodita & in nullius adhuc dominium pervenerunt. Ex his sequitur, jus piscandi; balænas capiendi, per cuncta maria in omnes terras navigandi & commercia exercendi à nullo principe vel populo jure prohiberi posse. Quæ autem de dominio maris ubique scriptorum leguntur, & ab Seldeno aliis-

aliisque accumulata sunt, ea non aliter quam de potentiâ rei maritimæ intelligi posse res ipsa loquitur, & alibi à nobis probatum est.

* De hac questione dix. latè in digress. lib. 4. cap. 13. & seqq. ubi & ea quæ allegantur.

(k) NON RECIPERE DOMINIUM. Est hæc Grotii sententia L. II. c. 2. n. 13. & in Tract. de mari libero; quem in eò plerique, non tam veritati, quàm genti suæ studuisse, advertunt: Ipse tamen in Epist. 17. scribit, se in colloquio Anglos ad metas silentii redegissee; Seldenus deinde, iussu Caroli Regis Grotium refutare aggressus est; Seldenum iterum Pontanus privato scripto; qui tamen pleraque hujus rei, quæ ad thesin pertinent, præterit: publicè refellere eum iussus erat Graswinckelius, decreto Ordinum, sed cum librum offerret Ordinibus, dixit unus eorum, recensente Aizemâ, optimè res illas ferrò agi, indeque liber ineditus mansit. Cæterum pro Grotii sententia, cum non tantum inter Belgas & Anglos, sed etiam inter Hispania Regem & Remp. Venetam de dominio maris disputatum fuerit, pugnarunt Joh. Baptista Valenzuela Valasquez. Consil. 100. Anonymus Autor Italicus, cui Pacius respondet, & Graswinckelius in vindiciis maris liberi, adversus Petrum Baptist. Burgum, Ligustici maris domini assertorem. Ulterius Franc. Styppmann. in jure marit. & Loccenius in tract. simili. Pro Anglorum vero hypothese Seldenus in mari clauso (rectius Grot. ταλασσοκρατικον vocat,) Thom. Rivius l. 3. Histor. naval. media. c. 37. Pacius in discept. de domin. mar. Hadriat. Jac. Gothofr. ad l. 9. ad L. Rhod. dictus Burgus, Joh. Strauchius de Imperio maris, qui cum primis Styppmanni instantias representat, atque nuper Joh. Palatius, (Autor ille Monarchiæ occidentalis,) libris duobus de Dominio maris Reipubl. Veneta dicatis, & qui argumenta pleraque expendit multâ perspicuitate Pufendorffius L. IV. c. 5. §. 5. seqq. quanquam inibi de communione aliqua misceat, quæ ex superius dictis facillè examen patiuntur; maximè tamen exponit, quâ ratione in usum proprium cedere possit, & unde argumenta ejus repetenda sint, cum quibus

ea, quæ Bynckershoekius prodidit, committenda sunt. Equidem magnitudo maris, quod minus in jus proprium cedere queat, non impedit: nam & terra omnibus sufficere poterat; & tantò facilius mare dividitur, quod culturâ non indigeat: terminis quoque, si non suis, tamen alienis, & per lineas, de quo Gryphiander. c. 45. de Insul. n. 92. gaudet. Non obst. quod terrâ major sit oceanus: Nam adhuc terra continens est, seu limitem præbet, Job. 38. 8. ap. Selden. lib. 1. c. 32. Possent autem effectus domini maris esse (1.) ut exteri ob causam justam & publicam transitu prohiberentur. Grot. L. II. c. 2. §. 13. (2.) possent vetigalia institui (3.) delinquentes in mari puniri, (4.) ut vela extraneos submittere oporteat iisdem injungi. Possent etiam hoc dominium teneri, quatenus mare præsentiam nostram dominatricem è littore vel navibus admissurum est. Nec tamen, si quis mare proprium sibi assereret, ad quod Pufendorff. §. 9. d. cap. malè communem omnium consensum requirit, ut jure suo cedant, (neque enim jus tale est omnibus actu, quod Pufendorff. in rebus quoque cæteris commentus fuerat) solus & unus ubivis terrarum istud defendere poterit, sed junctis aliorum auxiliis: quod tamen cum in vasto oceano nullius utilitatis & magnæ difficultatis esse appareat, à nemine quidem suscipitur; & quæstio adèd simpliciter est de eo, num repugnet conditioni maris, ut in jus proprium cedere possit? Nam partes quidem maris jam ubivis terrarum occupatæ sunt, quod ipse Grotius fatetur L. II. c. 3. §. 8. ubi tamen non rectè acquisitionem partis fieri posse negat, quando mare speciale ejusmodi cum terris comparatum, illis majus sit, ut istud portio illarum non possit videri; malè etiam ibid. Grotius §. 11. docet, quod terris occupatis unâ viciniam mare occupatum non esse videatur.

XIII. Recipit tamen hæc sententia aliquas cautiones & limitationes. Prima sit, quod & aër & mare sub dominium veniant, quatenus sunt partes & accessiones terræ, quoniam hætenus requisita veræ

occupationis conveniunt. Hinc dicimus, eundem qui dominus est soli, esse dominum cœli, quod supra illud solum est, & qui partem aliquam maris undique suis terris complectitur, eum hanc partem satis occupasse atque possidere intelligi. Nam ut privatus particulam maris fundo suo immittens dominium ejus consequitur, uti fecit Lucullus Neapoli, sic nihil est causæ, cur non Rex aut populus sinum maris occupare queat suis terris undique comprehensum, ita ut dominio suo perfecte contineatur. Dein, conventionem populorum fieri potest, ut quidam jure & usu certi maris cedant, aliique liberam ejus dominationem permittant; quod scilicet universale jus non mutat. Tertio observandum, fieri quandoque ut divisio maris instituat (& divisio aliquam supponit occupationem) non ad possessionem stabiliendam, sed curam piratas coercendi & securitatem præstandam. Denique ratione territorii adjacentis pars vicina maris videtur esse sub Imperio Principis aut populi, qui navigantes è terra pro lubitu cogere potest: tunc enim custodia illius coerceri videtur. Extra hos casus nec dominium neque imperium maris jure cuiquam competere posse, prædictis rationibus constat.

XIV. Fuit, cum Imperium facilius quam dominium acquiri posse idque minus juris continere *putavimus*; (1) sed verius est, imperium tribuere omnia, quæ dominium maris principi aut populo tribuere queat, adeo ut jure imperii exteris prohiberi & piscatio & navigatio posset, æque ac introitus in terras alienigenis ab eo, qui imperat civitati, interdici potest. Habet quidem dominium effectus ab Imperio separatos, sed imperii illa vis est, ut exteris eos præcludere possit. Perinde ac jus in feras omnium quidem est hominum, sed dominus in suo fundo quilibet impedire potest, ne quis illuc ad venandum procedat. Plane ita habendum; ubi non est dominium, ibi nec in res Imperium esse potest; hoc enim illud præsupponit.

(1) *PUTAVIMVS.* Videtur *Auctor* respicere ad cit. locum *Digressionum*, in pag. *preced.* cum ibi largitus fuerat, posse divisionem maris institui, non ad possessionem stabiliendam, sed ad curam *Pira-*

tas coercendi & securitatem præstandam, quam in rem *Grotium* quoque in *Lib. II. Jurisprud. Holland. cap. 1.* citaverat.

XV. In qualibet gente duplex occupatio rerum fit, per fundos & per universitatem, hæc tempore prior est, & plenam occupatæ regionis initio continet proprietatem, tam quod ad dominium quam Imperium. Dein per fundos instituitur partitio, qua singuli cives dominium suæ portionis consequuntur, Imperio apud universitatem relicto. Flumina tamen & lacus majores omnesque terræ cultoribus vacuæ & quicquid dominum singularem non recipit, manet in primævo statu, quo cuncta pleno jure fuerant Universitatis.

XVI. Ex quibus evidenter liquet, Dominium & Imperium non esse quidem unum, pari tamen utrumque ambulare passu, nec unum existere, ubi alterum non sit. Imo si mare sit Imperio Principis aut populi, idem dominio quoque ejusdem esse deberet: quia occupatio prima, quæ fit à populo, jus plenum tribuit, modo privatâ divisione ab eo non recedatur, quod in mari ne quidem intelligi potest factum.

XVII. Simul hinc discimus, quæ res sint, quas publicas appellamus, sc. quarum proprietas certi alicujus populi est; eæque duplicis sunt generis; aut enim in occupatione per universitatem subsisterunt, nec à singulis divisæ sunt; aut ex post facto originem habuere. Prioris generis sunt portus & flumina, lacus plerique, & loca deserta ac vacua, aut ab initio ad sustentationem Imperantium vel publicos usus sequestrata. Ex postfacto publicum dicitur, quicquid ex collatione singulorum, aliove instituto, proprium liberæ Reipubl. constituitur; ut est ærarium, bona vacantia, fiscalia, & quicquid præterea cujusque in populi patrimonio nōscitur. Ex natura cujusque rei de usu judicandum. Quarundam enim usus rerum omnibus patet, ut fluminum portuumque; aliarum usus Reipubl. quâ tali illisve qui præsunt civitati solis conceditur, ut ærarii, fisci & domanii quod dicitur*.

* Dix. in digression. d. l. 4. cap. 21.

XVIII. De insulis quæ in fluminibus nascuntur, jure Romano traditur, quasi ex jure Gentium, quod privatis, qui habent proxima prædia, cedant, sed *ratio vult* (m), ut publicæ, hoc est, ejusdem juris cum fluminibus, quorum sunt partes, censeantur. Haud dispar ratio in ripis est, qui pro partibus alvei merito habentur, ideoque ejusdem

dem ac alvei juris esse videntur; etsi rursus aliter jure Romano, cujus ratio benignitatis magis civilis, quam juris universalis est.

(m) RATIO VULT. Sic etiam Grotius L. II. c. 8. & seqq. ubi idem in alveo exsiccatō seu derelicto asserit. Enimverò cum Insula videatur esse decepta ex prædiis vicinorum, idem Romani diversum sensere, & quidem quod alveum concernit, ille populi non esse censetur, nisi quā flumen supernatat. l. 30. §. 1. de A. R. D. Hinc faciliè respondetur ad hoc, alveum esse partem totius fluminis, alvei verò partem esse Insulam. Hotto-mannus sanè pro jure Rom. hanc quoque rationem perhibet, quia insula in flumine publico nata, fluvium dilatare, & vim profluentis ad vicinos agros allidere solet: unde tantundem in utriusque ripis adversi agri occupet, atque insulā contineatur. (Sed melior est ratio ante præbita:) unde alveus quoque à flumine relictus non amplius est pars fluminis, nec populus flumen occupasse videtur, nisi in forma fluminis. Posses etiam dicere, videri, recedente flumine, ex hac ipsâ ratione populum alveum pro derelicto habuisse, ut tunc primi illum inter se occupasse censeantur vicini, quod mala à flumine sibi ante hac illata refarciant, id quod *jus vicinitatis* appellamus; maxime quod publico conducatur, rem culturâ privatorum in censum venire posse. Illud superest, cum l. pen. §. 2. de A. R. D. insulam *juris publ.* esse dicatur, ut notemus *jus Rom.* privatis ob incommoda fluminum, proprietatem quidem Insulæ permisisse, ut tamen *usu publica* maneret: quanquàm multi Nostratum *textum* accipiant de insula, quæ non ex alveo egeritur, sed in virgultis nata & sustentata est, cujus rei exempla *Wissenbachius* habet d. t. n. 18. Hodie

tamen Insulæ in plerisque locis à dominis territoriorum occupantur: Sixtin. L. II. de Regal. c. 3. n. 29. Buchner. in Dissert. de Jur. aquat. th. 114. quod cum neminem facile pauperiorem reddat, utique introduci potuit, juxta *Busium* ad l. 3. §. pen. de Jur. Fisc. Unde si luculenter appareat, cum decremento vicinorum agrorum insulam natam esse, adhuc illis vicinis eam *Heigius* relinquendam esse censet. P. II. quest. 40. n. 58. De alveo quoque relictō, quoddam etiam Fisco hodie in plerisque locis cedat, *Gryphander* testatur diēt. tract. c. 11. n. 45. Nam ita quidem obtinuit, ut *Adespota* Principes sibi vindicent, id quod ad thesauros etiam extensum est; quamvis Grotius L. II. c. 8. n. 7. malè doceat, universali consuetudine hoc inductum esse, siquidem *Jus Rom.* in Hispania adhuc obtinere *Molina*, in Gallia *Paponius*, in Germania *Sixtinus* L. II. c. 2. de regal. & *Heigius* quest. 23. (ubi & vom Schach, so mit keinem Pflug erreicht wird, seu qui Vommeris ictu profundior est,) sec. *Jus Sax.* testantur. Equidem *Jus Rom.* ex eo satis sibi constat, quod sæpè res possint in avito fundo à majoribus reconditæ fuisse, aut saltem, (cum & in noviter acquisito fundo thesaurus domini inventoris fiat,) quia dominium in ignorata ferri nil prohibeat, si contenta in fundo sint: quodcirca ut fundi beneficia dantur; utut de cætero injustum non sit, ut res illa, quæ hactenus nullius est, & quæ iure communi definitionem necessariam non accepit, per Legem Principis Fisco attribuitur: quam idcirco injustam *Dominicus à Soto* habere non debuit.

XIX. De alveis exsiccatīs idem esto judicium. Cum enim flumine tecti sine dubio sint publici juris, nihil est causæ, cur aquis nudati publico subtrahantur; Quod enim ex re cujusque superest, id ipsius est, & ab ipso vindicari potest. *Jus Romanum* quod dominis adjacentibus alveos adscribit, derelictionem Reipublicæ præsupponit, quo præintellecto non potest aliud fieri quam constitutum est.

XX. Sed quæ per alluvionem adjiciuntur *, quia non constat, quantum quoque tempore accedat, & quia natura id quod adjicitur, par-

partem facit ejus cui advolvitur, necessario cedunt iis, quorum proximi sunt agri & non Reipublicæ. Quod si tamen à privatis incrementum alluvionis notabile occupatum non sit, quia tunc ratio prior cessat, Respublica cæteros antevenire potest.

* *Vid. digress. d. l. 4. c. 22.*

XXI. De parte, quæ per avulsionem, uno quasi ictu ablata uni, alterius agro adjecta est, dicendum videtur, dominium cujus antea fuit, ejusdem remanere, donec cum fundo coalescat, quo casu pars ejusdem erit cujus est totum.

XXII. Jam de rebus Universitatum, nihil præcipui potest adfirmari, siquidem corpora subjectorum, quod ad res suas, eodem jure quo singuli cives, utuntur.

XXIII. Res nullius vocantur, quæ commercio ita sunt exemptæ, ut à nemine in dominium redigi possint, quales sacræ, sanctæ, religiosæ. * Sacras Romani dixere, quæ rite per Pontifices Deo sunt consecratæ, nec abludunt recentiores Romani Christiani; à quibus separantur res piis usibus destinatæ, quas alii haud ineptè quasi sacras appellarunt. Ultræque summæ potestati subjectæ sunt, ut leges de illis ferantur, quibus inviolatæ maneant & bene administrantur: dominium autem verè sacrarum Nullius est, sed Dei immediatè, ut quidem definitio postulat. Quapropter neque potestas civitatis, neque Ecclesia potest eas alienare, (n) nisi ob ejusmodi causas, quas Deus in literis suis quodammodo sibi proprias fecit, ut ob alendos in fame pauperes, redimendosque captivos, similiaque inevitabilis opera misericordiæ: qualis etiam necessitas æris alieni ab Ecclesiâ propter id genus rationes contracti & distrahendi.

* *De alienatione sacrarum rerum dix. in d. l. 4. digress. c. 25.*

(n) EAS ALIENARE. De rerum sacrarum alienatione superius dictum est.

XXIV. Res quasi sacræ, quod ad dominium sunt Ecclesiæ, à quibus & libere administrantur & flagitante utilitatis ratione etiam alienari possunt, multò magis ob necessitatem; Enimverò quòd pro lubitu diminui nequeant, hoc à voluntate eorum, qui res illas Ecclesiæ donarunt

narunt & à lege & à fundamentali universitatis causam habere palam est. Quod vero nec ab his, qui Civitati præsunt, ea bona vel in profanos usus converti aut absque summâ necessitate distrahi possint, alio loco dictum est.*

* *Vid. cit. c. 25. lib. 4. Digressionum.*

XXV. Cæterum res verè sacras in statu renovati foederis per Christum esse nullas, cum ratione dicendum, quia consecratio per quam character aliquis rebus imprimatur, sine dubio ex cerimoniis est, quæ ut umbræ per adventum corporis *evanuerunt* (o).

(o) *EVANVERUNT.* Quidni res *sacras* dicemus? si paganum aut Pontificium sensum abstergamus: nam consecrare est addicere, ap. Rhodigin. L. XII. *Antiq. c. 11.* it. inaugurare, atque superstitiones & ritus Pontificiorum ipsimet averfamur. vid. Ziegler. *ad Lancell. Lib. II. tit. 18. §. 12.* neque *Templis* adeò dedicatis singularem effectum & *ἐνέργειαν* tribuimus; imò ne quidem illa in N. T. ut præcepta habemus, multò minus sacrificiis materialibus offerendis destinari potuerunt, sed ex libertate tamen Christiana introducta sunt. vid. Polydor. Virgil. *Lib. V. de invent. rer. c. 7. & 13.* Nimirum quæ humanis usibus exempta sunt, ita *sacra* dicimus, indeque *sacrilegia* in locis venerabilibus admittuntur: cum & loca privilegiata alia, ut cu-

ria civitatum & Palatia Principum, licet modò *remissiori* sacra dicere nil vetet. Conf. Mev. *Lib. IV. ad Jus Læb. tit. 15. art. 2. p. 123.* Aliàs notum est, quodd *Reformatorum* sit cum Nostratibus disputatio, dum *ἐυχαριστίαν* sacrificium esse dicimus, & tamen longè alio sensu, quàm *Pontificii* eadem voce utuntur, eim nos potiùs *sacrificium* propriè & formaliter tale in ea non agnoscamus, juxta *Hebr. 9. 12.* sed *sacramentum*, indeque verba institutionis, quæ *consecrationem* dicimus, non tantum recitativa cum Reformatis esse asserimus, sed *operativa*, ut nempè vi verborum elementa fiant media exhibitiva & ad usum sacramentalem adhibeantur, quando post consecrationem manducatio & bibitio subsequitur.

XXVI. Res sanctæ quas Romani dixere, muri & portæ civitatum *nihil præter superstitionem* (p) habent, quo à publicis aut Universitatum rebus separentur.

(p) *NIHIL PRÆTER SUPERSTITI-
NEM.* Vid. simulacra in *portis* collocabantur, quæ transeuntes salutabant; indeque à *Diis* ejusmodi *tutelâribus* portæ nomina accipiebant, ut apud Græter. in *Inscriptionibus* & *alibi* reperimus. Conf. de *Consecrat.* urbium apud Hebræos Petrum Cunnæum de *Rep. Hebr. lib. 1. c. 7.* Nobis tamen *hodie* abstersâ omni superstitione res ejusmodi ad-

huc *venerabiles* habentur, & quæ violari non debeant, vid. de Principum castris & propugnaculis Berlich. I. *Dec. 70.* nec etiam quoslibet *muros* sanctos esse cum *Berlichio* volunt alii: qui hactenus probandi sunt, ut violatores murorum & portarum in *municipiis* arbitraria pœna, nec adeò protinus capitali coercendi sint, juxta Menoch. in II. *Arbitr. Quæst. 483. Richt. consil. 20.*

XXVII. Denique religiosa loca, præter memoriam humanæ fragilitatis, quam repræsentant, nihil etiam à privato jure domini separatum, continent, cum & in commercio perinde ac aliæ res habeantur, nisi

nisi quod apud Pontificios cærimoniis quibusdam sepulchra consecrentur.

XXVIII. Reliquæ res, singulorum sunt patrimoniales. Patrimonium *duplici jure* (*q*) constat, *in Rem* (*r*) & *in personam*, (*s*) quod vulgo ad Rem dicitur. Juris in Re species sunt Dominium, servitus, pignus &c. Jus in personam, est Creditum. Sed utriusque in subjectione ad Imperium Civitatis eadem ratio constat, de quâ dictum *suprà*.

(*q*) *Duplici jure*. In jure civili distinctio hæc juris rerum quoad rem ipsam, non etiam quoad verba, reperitur. l. 3. pr. de O. & A. Canonistæ autem id, quod A. dicit *jus in personam*, *jus ad rem* appellant c. 40. de præbend. in o. c. s. de concess. præb. in 6. Clem. un. de sequest. poss. & fruct. quam appellationem in Foro sequimur, estque illa magis apta, quàm si cum *Auctor* *jus in personam* dicatur, quò eam v. g. ex conventionem, obstrictam habet: quoniam ita solùm ratione rei tenetur, & quâ debitor est. Equidem *actio in personam* dicitur, §. 1. f. de act. quidd in personam videl. dirigenda sit. At vero *actio* hæc æstimatur ex causa sua, quam *jus ad rem* conficit, non *jus in personam*, quippe quodd hoc *impressionem* quandam indicet: nec congruum etiam fuerat, *jus aliquod ad personam* nuncupare: Aptè itaque oppositum est *jus ad rem* *juri in re*; Atque *Jus in re* est *jus rerum* seu *jus circa rem* aliquam, ad quod *res ipsa* devincta est, ut rectè Sutholt. Disp. 4. aphor. 2. & Molina tit. 1. d. 1. & tr. 2. d. 2. *Jus vero ad rem* est *jus circa rem*, quò persona ad dandum aliquid vel faciendum aut præstandum adstringitur. Quam definitionem cum in Tract. suo de jure in re & ad rem carperet Feltmannus, eidem satis ab aliis jam responsum est.

(*r*) *IN REM*. Est vero *Jus in re* vel plenum vel minus plenum; plenum rerum tum singularium tum universalium. Illud est *dominium*, ut & *jus dominio simile*, quò b. fidei possessio respicit. Hoc est *Hereditas*, nam illa actionem in rem parit. l. 25. §. 18. de petit. hered. & facile constat, non hîc summi hereditatem materialiter, pro ipsis rebus hereditariis; nec efficienter, pro facultate morali, quâ ad acquisitionem hereditatis pervenimus; sed formaliter & effectivè pro acquisitò jure universali illorum, quæ defunctus reliquit: Nam multa mor-

te intereunt, l. 3. §. f. quib. mod. usufr. l. 196. d. R. f. l. 7. de except. aliqua etiam non nisi factò heredis quærentur l. 23. de acqu. poss. quanquàm utilitatis causâ Leges Rom. constituerint, ut licet possessio in herede ipsò non continuetur, tamen in eod. continuetur, licet, nec diu factâ apprehensione rei, usucapionis conditio. Distinctum vero *jus in re* esse à *dominio hereditatem*, probata dudum est sententia. Nullum enim rerum alienarum, nullum incorporaliū, est *dominium*, sed tamen earum est *hereditas*, nec in *dominio* se fundat is, qui petitionem hereditatis instituit, nec reus contra hoc excipit. Nullum est *dominium universalitatis*, saltim non tale, quodd omnimodò autorem, à quo res in me transit, repræsentet, & vi cujus omnia per defunctum relicta à quolibet possessore successor consequi possit, quodque onera omnia, quæ defunctum attingebant, consequantur: nam *Dos* quidem suo modò est *juris universitas*, quæ ratione objecti plures res continere potest, indeque fructus ejus nomine intelliguntur, aliter ac fructus ex re, quæ simpliciter v. g. & citrà respectum dotis in vindicationem deducitur; quocirca in dote etiam indefinita sententia valet. Interim *dos ultra se* nec commodum nec damnum adfert, & extinctis rebus ipsa quoque expirat, l. 10. pr. & §. 1. de jur. dot. cui simile quid reperitur in peculio: nam & hoc *universitas juris* est, adeoque hæc *universitates juris* toto genere differunt ab *universitate illâ eximâ* hereditatis, quæ *repræsentationem persone*, cum omnibus commodis & incommodis ad eum pertinentibus, à quo res in nos profisciscitur, continet l. 3. pr. de bon. poss. l. 37. de O. & A. ut quidem alibi plenius executi sumus. Hoc saltim ex jam dictis constat, quodd licet in natura non nisi *res singulares* sint, neque res naturaliter designata detri-

detrimentum recipere, nisi naturale possit, dum vel facto vel casu fit deterior, extrinsecus autem nec à debito detrimentum, nec à credito incrementum recipiat; *jure* tamen non tantum Romanò, sed omnium quoque Gentium placuerit, ut per successionem alterius, defuncti spiritus, quoad ea videl. quæ reliquit & relinquere potuit, in alterum continuari possit, atque in hoc ille quasi *superstes* sit; idque longè alià ratione, quàm si cuiquam *titulo singulari* in re quâdam succedamus, quas quidem successiones causâ & potestate Juris seu *titulo* Gentes distinxerunt, qui titulus non modò hâc rat. nascitur, quòd successio universalis illis fiat, qui ex hac vita decesserunt, singularis verò contrà: nam etiam *mortuis* *titulo singulari* succedimus, velut legati, fideicommissi, donationis mortis causa, & vicissim *vivo*, v. g. deportato, per *universitatem*, it. *arrogato* eod. modò. Hinc fieri non potest, ut licet bonâ omnia cuiquàm *donentur*, donatarius in *universa jura* donantis succedat, eò ipso videl. quòd *titulo singulari*, quem jura universitatem juris repræsentativam continere noluerunt, ab autore suo bona illa consequatur, vid. omninò Casp. Schiffordegherum L. 1. Tr. 13. ad Ant. Fab. Nec homo etiam universitatem ejusmodi condere potest, quanquàm possit compingere corpora & res plures ut junctim spectentur, uti sunt *gregis* & *similium* l. 1. §. f. de R. V. l. 30. pr. de usuc. aded ut nec modos quidem universitatis relinquendæ alios, quàm qui *legibus* constituti sunt, homo introducere valeat: cum *publici juris* repræsentatio illa per universitatem meritò habenda fuerit: eaque ferè præcipua est ratio, quòd LL. Romanæ *pactis* hereditatem transferri posse, non admiserint, nec etiamnum illud *hodiè*, nisi variis restrictionibus & cautelis, nec ullibi tamen quàm sub permissione *Juris specialis* admissum sit: prout in *Dissert. de Pactis* distinctè ostendimus. Itaque hereditatis tanta vis est, ut etiam *sinè corpore*, *sinè bonis* subsistere possit: l. 12. pr. de petit. her. non ita se habet unquàm *dominium*: & vaniigitur sunt, qui hereditatem à dominio *distinctam speciem juris in re* non constituere, etiamnum propugnant. De eo non minùs disquiritur, an *dominium* quoddam *incorporalium* dici possit, de quo ampla est disputatio ap. Coll. J. Arg. d. A. R. D. th. 3. & seqq. Equidem non magis interest, & tamen cum Eybenius *alique* nuper admodum putaverint, *affirmativam*

communiter rejectam defendi posse, quia de servitute, de pignoris jure, de actionibus *disponere* liceat, & verò *dominium* nil aliud sit, quàm disponendi de re facultas: idè in *Diss. de jure rerum* apb. 33. huic argumento respondendum fuit, ubi diximus, dispositionem illam *dominio* cuidam rectè non tribui, sed *arbitrio libertatis generalis*, ne in *infinitum* procedendum foret, nec de juribus ipsis tam decerni, quàm de *rebus sec. jura*, per quæ nobis devinctæ sunt: & quæ plura *ibid.* reperiuntur. Non minor est disceptatio, quæ ex modò dictis procedit, quâ ratione *dominium definitur*? communiter placuit, esse *dominium* jus in re corporali, per quod de ea nomine propriò liceat *disponere*: & hanc dispositionem non de *alienatione* intelligere oportet, siquidem *immutatio* quoque rei dispositio est, quæ quidem *usufructuario*, quanquàm plenissimum rei emolumentum habeat, non competit; & licet usufructuarius de re quadantenus disponere non prohibeatur, tamen hæc dispositio *limitibus* circumscripta est: unde addunt nonnulli definitioni domini: de *re tantum suâ*; alii quoque adiciunt, nisi *lege* prohibeatur. At vero superflua est hæc adjectio, cum dispositio non alia, nisi *legitima* intelligatur. Illud potissimum huc pertinet, quòd nonnulli jus disponendi non putant *rationem formalem* domini constituisse, sed potius *effectum*: quibus *Osiandrum* accessisse videmus ad Grot. L. II. c. 3. §. 6. Malè utique, nam dispositio est *effectus* domini, non ipsum *jus* disponendi, ut aded inanis sit definitio, quam ipsi substituunt, quod *dominium* sit *habitus* ad rem, tanquàm propriam; quis enim patriam potestatem definiret per *habitudinem* ad filium, ut talem: sanè omnia jura *habitudines* seu *relationes* præferunt, sed *fundamentum* relationis seu *habitudinis* illius, rem seu *formalem* ejus *rationem*, exprimit, estque impossibile, ut *relatio* domini antecedit facultatem de re disponendi, quia potius hæc facultas inducit *relationem* ad rem, quæ dominio subjicitur. Quid vero de his, quibus *animus* vel planè *deest*, ut sunt furiosi, vel *non plenus* est, ut infantis, & quænam in his locum habere potest *dispositio*? Equidem à negatione dispositionis absolutâ ad negotiationem domini non valet consequentia, & habet ergò *dominium rerum suarum* infans & furiosus in *actu* etiam *secundo*, licet modus ille sit, ut non possit fieri dispositio,

sitio, nisi certis requisitis; Unde *Grotius* male dissentit *L. II. c. 3. §. 6.* nam rationis quidem usus non requiritur, nec etiam *acceptatio* ad acquirendum præcisè necessaria est, vel saltem vicem ejus lex vel tutor implere potest. Equidem de *alienatione* jam *suprà* diximus, quòd rationem formalem dominii non ingrediatur; aliàs enim Deus non haberet dominium rerum creatarum, quippe cujus providentiæ, concursui, & dignitati causæ primæ, repugnaret dominium creaturarum à se abdicare. Cui simile quid ratione Majestatis occurrat, quando eam non minui, ex denegatâ Regi facultate alienandi, *suprà* notavimus. Hinc apparet, quid censendum sit de distinctione *Pufendorffii*, quando *L. IV. c. 4. §. 15.* putat, non posse infantem originaliter acquirere, posse tamen *derivativè*, dominium sc. rerum ab aliis accipiendò. Quidni enim infans rem apprehendendò, quæ nullius fuerat, suam faceret? quidni etiam quicquid in re infantis v. g. ædibus ejus, vel aliàs, ubi infans versari poterat, reperiretur, istud infantem acquisivisse censendum foret. Et sanè cum non minus in acquisitione *derivativâ* quàm originaria *animum* requiri ipse largiatur *Pufendorffius*, quòd rationem differentitiæ solidam indicare non possit: nam quod ait, receptum esse, inter Gentes, ut etiam qui in utero est, acquirere possit modò *derivativò*, & retinere, eò quòd consensus præsumtus in rebus jam acquisitis sufficere potuerit: illud non pertinet ad acquirendum, sed ad retinendum seu continuandum, quòd & ipse respicit: & si ad retinendum: cur non etiam eadem ratione *animum imperfectum* infantis in acquisitione ordinaria lex Gentium ubivis terrarum supplere videretur; maxime quòd infans cumprimis pluribus vitæ subsidiis indigeat. Videntur *LL. Romana* quàm optimè rationem naturalem investigasse, quando volunt, ut non quidem ipse infans & pupillus ejus ætatis, ut intellectum non habeat, *possessionem* apprehendere, nec adedò dominium acquirere valeant, *l. 1. §. 3. 9. 10. l. 10. §. 1. de acquir. poss. l. 26. C. de don. (non obli. l. 60. de R. V. l. 1. §. 5. cod. l. 32. §. 2. de acquir. poss. l. 28. de usuc. l. 3. C. de acquir. poss. l. 11. de pign. act.)* neque tamen rerum acquisitione indignè defraudentur: licet vel maxime de eo genere acquisitionis ageretur, quòd non ipso jure dominia, sed *facto* hominis, transeunt. Hinc etiam utilitatis causa receptum est, ut si non soli *possessionem* apprehen-

dere possint, prohibente videl. id ipsum ratione naturali, quàm omnino *animum perfectum* ad hoc requirere, cumprimis quoad *effectus* etiam *onerosos* ex *possessione* resultantes, verius est; possint tamen acquirere *possessionem auctore tutore l. 4. §. 2. l. 1. §. 3. 11. l. 32. §. 2. de acquir. poss. l. 3. C. cod. & in hoc à furioso infantem distinxerunt.* Nam infans dicitur acquirere *ipse*, sc. auctore tutore, quia sensum habet, licet non *plenum*, ceu capiendus est *§. 9. J. de inus. stip. l. 32. §. 2. de acquir. poss.* non etiam ut *per* tutorem acquirat, quale quid de furioso constitutum est, ut hic nil possit acquirere cum consensu curatoris, possit verò *per* curatorem, vel potius curator possit *nomine furiosi*, cum furiosus animo planè deficiat. vid. *l. ult. C. de Cur. furios.* Bachov. *vol. 2. ad Tr. D. 21. th. 3. lit. A.* Et tamen ubique videas magnâ benignitate *Jus Rom.* furioso legibus suis, æquitate naturalis plenæ, prospexisse. Post subjectum seu personas in acquisitionem dominii venientes, de *formâ* & quidem acquisitionis, quænam *jure N.* ad transferendum dominium requirantur? videamus. Equidem posse *nudâ voluntate* transire volentis, Jure Naturæ dominium transire, asserit *Zieglerus ad Grot. L. II. c. 6. §. 1. & c. 8. §. 25. it. Reuter. de alienat. lib. II. c. 5. §. 5.* sed contrâ disputat *Feltmannus de Jure rerum c. 13.* ut tamen *subtili* & *tacitâ* traditione contentus sit, dum civiliter quidem ait, dominia non concessionibus aut contractibus sed *traditione* transferantur: *l. 13. pr. de O. & A. & seq.* adedò rationem juris Naturæ sequi ipsa jura civilia etiam in pignore seu pacto hypothecæ, in legatis & fideicommissis: siquidem in pignore non conventioni quàm tali sed traditioni *subintellectæ* aut legi, vicem ejus explenti, quæ omnium rerum regina sit, *constitutio* juris in re adscribenda sit: quoad *hereditatem*, suos retinere potius dominium, *extraneos* defunctum repræsentare, dominium *legatarii* ante traditionem fictum esse, adedòque subtiliorem traditionis modum minimum intervenire: quem in sensum accipit *l. 3. pr. de publicianâ: vel patientiam* esse loco traditionis, lege *nudâ* translationem dominii nusquam fieri, ita *Feltmannus*. Pro *Ziegleri* sententiâ dici potest, quòd solâ conventionem non possit acquiri dominium in jure nostro, illud *merè civile* & arbitrarium esse, perinde ut nec ex pacto oriatur plena obligatio, siquidem minus è Republ. visum fuerit, jura perfecta & peremptorii præjudicii adedò fa-

cilè constitui & stabiliri; unde adhuc *judicium*, idque magis *externum*, *ejusque* auctoritatem requisitam videri posse; Et quanquam in §. 4. d. R. D. habeatur, (*jure N. traditione*,) tamen rationem ibi subjectam pro Grotii sententia non minùs facere; quanquam certum sit, plus esse efficaciz in voluntate, quæ cum dimissione actuali rei conjuncta est. Aliàs utique sufficit jure N. ad perfectionem actûs *internè* deliberatio & electio, *externè* signum constantis voluntatis, nec apparet, cur *jus incorporale*, ut est dominium, citrà actum corporeum transire non possit? imò si *jure N.* requireretur *traditio*, nunquàm finè eà dominium transiret, contrà quàm §. 43. *J. de Rer. Div. & l. 46. de R. V.* constitutum est, it. in *l. 50. §. 1. de R. V. l. 80. de leg. 2. l. 64. in fin. de furt.* ubi testatoris & cujuslibet alterius *declaratio* sufficit; subtilis *traditio*, quàm *Felmannus* supponit, à defunctis nulla fit, ne quidem ex hoc: do, lego; nam ubi hîc *traditio*? & *patientia* morientis, ut heres res sibi sumat, nil commune habet cum *patientia* usûs *in servitutibus*. Ex quibus omninò sequitur, ad dominium præcisè spectatum *traditionem* ne quidem *jure N.* requiri, quà videl. dominium à possessione & commodis, quæ citrà possessionem ex re percipi non possunt, præscindit. Interim si de dominio quoad *plenum usum* ejus & *exercitium* disquiramus: ita omninò *traditionem* intervenire necesse est. Omnium optimè *LL. Rom.* quæ de hac re diversimodè statuerunt, ut vel in solo articulo *hereditatum & legatorum* videre est; aded, ut *gradus* etiam domini, saltim quoad legata, constituerint, & in his inter dominium *fiçtum & verum*, inter ejus *actum primum & secundum* distinguere oporteat; dum aliter videl. legatarius dominus esse dicitur legati, à morte testatoris, aliter ab *aditâ hereditate* & plenissimè demum quoad rei *tractationem* seu omnimodum *exercitium*, postquam res ei tradita fuerit.

Denique ad effectum domini respicit, totum *cap. X. Lib. II. ap. Grotium*, quod inscripsit ille: de *obligatione*, quæ ex dominio oritur, quam inscriptionem, saltim ut ægè faciat *Jctis Rom. Pufendorff. l. IV. c. 13.* retinet, ubi in §. 5. ait, obligationem hanc procedere ex conventionis universali inter homines: quo circà non tam ex dominio, quàm circa illud, ex generali æquitatis ratione unum

alteri obligari, asserere videtur. Et sanè non potest non esse lusus in verbo *obligari*, de quo vid. Bachov. *D. VII. de action. th. 11.* Neque enim ex proprio jure obligationis, quodd quis rem nobis restituere teneatur, procedit; *l. 17. §. 1. l. 20. de R. V. l. 5. C. eod. l. 5. pr. de aut. tut. l. 3. pr. commod.* sed ex potestate *actionis realis*, & *judicii arbitrarii*, quod apud Romanos duas habet clausulas, unam de restituendo vel tradendo, quod probato dominio actoris & possessione rei conventi, judex merito ad hoc, ut *suum cuique* tribuatur, injungit; alteram de litis æstimatione, quæ contumaciam rei restituere nolentis subsequitur: ut tamen si culpâ restituere non possit, mitius cum eo agatur. vid. *l. 70. de R. V. add. Cujaciò ad l. 68. eod.* Utique Grotius in *d. cap.* infinitis modis, etiam in ipsis vestigijs *Juris Nat.* labitur, ut erroribus planè caput istud scateat, prout sæpius evenire necesse est illis, qui à *Jctis Rom.* solidiori prudentiâ instructis, abscedere malunt. Sed cum longè rectius hi de restitutione rei, quoad fructus ejusdem, distinxerint, atque satis ab illis evictum sit, quodd bonæ fidei possessor fructus perceptos non industriales solum sed & naturales lucretur, ipsumque aded jus N. velit, ut bonæ fidei possessorem non tam juvet, industria ipsius (quæ non minor esse potest in malæ fidei possessore,) quàm justa potius possessio; ided rectius utique hæc doctrina ex *Ed. nostris* quàm ex *d. cap. Grotii* haurietur. Illud solum addendum est, quodd valdè errent illi ex *Moralistis*, qui putant rei alienæ actum positivum *restitutionis* de *Jure N.* aut divino non requiri, sed pœnitentiam seu contritionem ad hoc, ut peccatum eluatur, sufficere. Nam omninò res ad æqualitatem redigenda est; aliter nulla est justitia; non etiam contritio seria esse potest, nisi fiat restitutio: Idem est moraliter, retinere res alienas, ac submovere: in furto uterque actus positivus & negativus inhibetur; etiam *fama* restituitur; non quidem honor fundamentalis, seu id, ob quodd honor exhibetur, (nam is ne quidem ablatu esse potuit,) sed honor exhibitivus, quem injuriâ alteri quis detraxerat. Et quanquam restitutionem ad salutem necessariam non esse obvertant, tamen facillè ad hoc reponere licet, non esse quidem necessariam, ut conditio impetratoria, aut meritatoria, sed tamen ut suspendatur salus à restitutione, tanquam à conditione omittendi oppositum, five

five non continuandi furtum, tanquam opus malum seu damnable.

Satis de dominio rerum singularium. *Hereditas* autem (nam de ceteris *modis* per universitatem res deferendi, ut sunt bonorum possessio, arrogatio, addictio cum similibus, *alibi* plenius agitur) vel testamento deferitur, vel ab intestato: *Testamentum*, utcumque Juris naturalis non sit positivè, tamen eidem non repugnat, & negativè aded Juris naturalis esse dicitur, quâ videl. non invito Jure naturali, Jus civile ubique ferè rationem testamentariam introduxit: Possunt enim aliquem etiam *inter vivos* facere dominum rerum mearum, qui talis mortuo me maneat: quidni possem inter mortuos efficere, ut per omnia, quodcumque patrimonii mei est, ad alios transeat? & detur aded successiva dominii perpetuitas; ut tamen voluntas testatoris sit ambulatoria usque ad mortem: & abinde incipiat jus heredis: ut hic adiret, si vellet; nec tamen in omnibus, sed exceptis quibusdam, defuncti personam repræsentet, & quæ alia ad modum disponendi pertinent; prout modus ipse testamentarius, juris positivi haberi debet: ceu facultas *absolute* disponendi, non minùs ut dominum & jura alia, ex naturali jure procedit. Posses etiam dicere, testamenta *Juris G.* esse, videl. *subjektivè*, quod pleræque Gentes eum modum disponendi receperint, non aliter ac *Feuda* Juris Gentium esse dicimus. Num verò *Germani* nostri usu testamentorum, etiam nuncupativorum, caruerint? *Pufendorfius* inquit, *L. IV. c. 11. §. 18.* idque asserit, de illis non minùs, ut de alijs quibusdam populis, & commendat valdè institutum, quò bona *avita* in familiâ conservantur, de proprijs vero seu *acquisitis* testari permissum est. Equidem sunt multi, qui testamenta usui publico adversari opinantur, ut *Argenteus* in *consuetud. Britannicæ Tir. 22. p. 1902.* & *Boërius* in *Consuetud. Bituricensibus*, ad *tir. de testam.* quòd *lites* inde oriantur, quæ sunt elades patrimoniorum, quòdque continuari potius oporteat dominia, à majoribus accepta, ad posteros, quasi perpetuò fideicommissò, & quòd æquitati naturali repugnet, extraneos sæpè fratribus, aliisque conjunctis, præferri: cumque successio naturâ debeat, eo ordine, quò civili lege eam ab intestato definitam videamus, ided testamenti usus supervacaneus sit; id quod *Plato* agnoverit *Lib. XI. d. LL.* quem citat *H. Grotius L. II. c. 7. §. 9.* sed

locum non persequitur. Enimvero *lites* si respicias, per accidens enascuntur, & viventium actûs eodem modo sustuleris. Deinde beneficia cessabunt omnia, si fas erit cognatis finè discriminis actus conjunctorum inclamare: In exheredatione nihil odio datur, nec in præteritione, sed justitiæ habendum est: conjuncti enim indigni beneficiò esse possunt. Infiniti bona non habent à majoribus: exempla Gentium paucarum non tollunt prudentiam & æquitatem ceterarum; neque locus *Platonis* huc aded pertinet, quod *Boeclerus* ad *Grotium* ostendit, *p. 271.* Leges utique civiles testamentis ubique modum imposuerunt, ne in æquitatem naturalem impingerent: Hinc *liberis* primum locum fecerunt, qui quasi finis matrimonii & patrimonii sunt, & partes parentum, quibus debetur, quod totius est: in *fratribus* non eadem ratio obtinuit, nec ortus communis id efficere potuit, ut non benefactores & amici illis præferri potuissent: Et quanquam ordo successionum *ab intestato* definitus sit, tamen illa definitio in defectum testamentorum obtinet; cum potior voluntas hominis in hac universitate rerum esse debuerit, quâ quilibet, tanquam fructu & emolumentò laborum suorum, gaudere posset, multa ceteroquin neglecturus, si dispositionem de illis post mortem ereptam sibi etiam cognosceret. Illud saltem obiter observandum est, quando nonnulli testamentum non tam *alienationem* quam continuationem dominii esse docent, quòd id non nisi quoad repræsentationem verum sit: nam testamentum alienationem esse, etiam quoad *liberos*, certum est, quippe quòd si solum analogicè *domini* rerum paternarum, vivò patre, esse dicantur, quarum rerum dominii quietam non habent; aded ut ne quidem *legitima æs alienum* ipsorum propriè dici possit. Hinc prohibita *alienatione*, non censetur permissa esse translatio rerum in alios, per testamentum; nisi aliquid appareat, quòd alienatio testamentaria permissa sit, ut rectè docet *Knipschildus c. XI. de Fideic. Famil. n. 155. & 164. seqq. 168. 177. 182. & c. VII. n. 137. c. XVI. n. 328.* Denique cum testamentorum solennia ex lege civili pendeant, disquirendum superest: num heres ab intestato veniens testamentum jure civili invalidum, in quo tamen voluntatem testatoris certò contentam esse, novit, in conscientia servare teneatur? v. g. filius ex solâ legitimâ institutus, non possit uxori vel amico testatoris

flatoris, cui satis constat, testatorem reliqua omnia destinasse, hæc ipsa eripere, idèd, quod unus alterve testium, qui testamento adhibiti sunt, inhabilis sit? Quod possit salvâ conscientia, *Nostrates* docent communiter; saltem in foro illa sententia obtinet, quanquam *Bachovius* ad *Treutl.* *Vinnius* ad *Inst.* *Amesius* *L. V. c. 41. §. 15.* *Molina*, *Vasquius* & alii, dissentiant: omnino malè. Nec enim velle videbitur testator, qui non legitime voluit, ipso *J. N.* hoc dictante, ut *modus* à lege civili præscriptus, ad fraudes & alia incommoda evitanda servaretur, & ne propediem tota illa in fumum abeat *legislatorio*. Est lex rerum nostrarum domina, quod in *usucapione* videmus, imò hæc ipsa lex sc. communis est *Reip. sponsio: l. i. §. 2. de LL.* ut nil videatur quisquam civium pretendere velle, nisi annitente Lege sibi debeatur: cui simile quid in quarta *Falcidia* legatariis detrahendâ, ut & in remissione ex credito, lege publicâ creditoribus injunctâ, occurrit; ne per rigidam exactionem depauperati debitores publicâ calamitate, cum pernicie communi omnium pessundentur; Nec quod *Amesius* urget in contrarium, quid efficere potest, quod nimirum lex civilis inventa sit, ut *fraudem* excludat; esse verò de fraude nos securos, quando de veritate testatoris constat: nam cessante ratione legis in *particularibus*, non est judicis à *generali* constitutione recedere: quoniam ita *Jus incertum* haberemus in omnibus actibus, ubi requisita civilia eo sine constituta sunt, ut ne quis læderetur; velut in alienationibus minorum, intercessionibus mulierum, insinuatione donationum, &c. Videlicet restitutio minori non dabitur, si ille sit virilis prudentiæ? ex pacto dabitur actio, cum deliberatum esse constat? contra quàm tradit *Sandius*, *II. Decis. tit. 9. def. 14.* & num testari poterit impubes pleni iudicii? num non poterit minor imprudentior? Sannè iudex, qui testamentum nullum pronunciat, non fundat se in præsumptione fraudis, sed in generali dispositione legis. Et si non legislator quem tutum vellet in conscientia, qui *Legibus tutus* est, an non misera hæc foret legislatio, quæ animas perderet, bona conservaret? Equidem *Jus naturale* convenit cum conscientia, & ex ejusmodi testamento non solenni naturalem obligationem oriri *Bachovius* objicit. At verò non oritur inde naturalis obligatio. Et num salvâ conscientia quis uti non poterit *SCto Vellejano*, *Macedoniano*, &

aliis juris civilis beneficiis? quorum nullum utique est, quod non ratione naturali, & verâ quidem illa seu *profundâ* nitatur. Etenim *Jura civilia* solum contra seu præter simplicitatem naturæ, aut potius contra ea disponunt, quæ juris naturalis, si primò intuitu & absolute rem spectes, esse videntur; sed non contra *Jus naturale* seu rationem ejus *exactiorem*: ut quando v. g. mulier creditoribus anterioribus præfertur: nam omnium horum ratio ex *Jure naturali* vel maxime pendet. Interim certum est, sepositâ ratione legum civilium, & non habitò respectu solennium, heredem de voluntate defuncti certum in conscientia, ad eam implendam obligari, idque jure etiam naturali dictari; modò *leges civiles solennia* attendi non velint, prout ad hanc simplicitatem testamenta *privilegiata* (v. g. parentum,) respiciunt, vid. *l. 38. de Fideic. libert.* sed alias non licet civibus se opponere Legibus, & negare eis obsequium, publicæ utilitatis causâ. Certum quoque est, si roganti testatori se præstiturum esse, quod velit ille, fidem exfert dederit heres, eum in conscientia omnino obligari, *arg. §. 1. J. de fideic. hered.* licet alias, nullâ intercedente ejusmodi promissione, ad fideicommissum exequendum, cui requisita civilia defuncti, heres non teneatur, ut ex *l. f. C. de fideic. §. fin. J. de fideic. hered.* patet; non attentò, quod *Alii* textus eos simpliciter accipiant, quasi heres ejusmodi, quando fideicommissum spontè *fatetur*, ad exequendum illud obstrictus sit, de quâ sententia vero *Taborem in Partit. Elem. part. 2. §. 46. p. 86. seqq.* quanquam illa in Foro reprobata, & sec. eam frustranea Justiniani constitutio futura esset: ut adeò potius rationem ejus in voluntate Legislatoris & specialitate casus quærere oporteat. Ulteriùs, certum est, posse heredem rem à testatore sibi verè, sed nec sec. requisita civilia relictam, salvâ conscientia *retinere*: siquidem *leges* taliter relictorum præstationem non prohibent. *Grotius* *L. III. c. 7. §. 6.* Videl. obligatio naturalis tantisper ex testamento durat, donec virtute legis ab herede expugnetur, aut saltem obligatio naturalis, si vel maxime retinentem heredem non tueatur: tamen ipsum satis tueatur, quod in alterius arbitrio, num infirmiter relictum sibi asserere velit, positum sit, nec tantum hujus derelictio, sed & defuncti certa, licet non solennis, voluntas, conscientiam retinenti salvam præstet. Tandem laudabile utique & honestius

nefcius esse potest, (prout moralia sanè gradibus hæcenus non destituuntur,) ut defuncti voluntatem legum solennitati quis præferat; id quod ex circumstantiis definiendum est. Quid enim si Pauperibus quid legatum sit? si personis aliis miserabilibus? vid. l. 38. de fideic. libert. l. 5. §. 15. de don. inter vir. & ux. nam ita vir bonus sinè morfu animi vix retinere potest ea, quæ ducente pietate vel ipse personis à testatore designatis, cum primis de lucro sibi adveniente, impertiri tenebatur.

Quancquàm vero LL. civiles non unâ ratione civibus de bonis suis post mortem disponendi facultatem concesserint: quodd si tamen eâ quis usus non fuisset, ipsasmet leges ordinem successionis ab intestato eum induxisse videmus, qui non quidem voluntati defuncti in particulari, videl. hujus vel illius, sed potius rationi hominum communi & publicæ utilitati congrueret. Hinc utique frustranea sunt, quæ Grotius L. II. c. 7. §. 3. & communiter cæteri Juris Gent. Doctores, eum sequentes, de voluntate conjecturatâ ejuslibet defuncti, ad fundandam æquitatem successionis ab intestato proferunt: quasi videl. cum defunctus non videatur voluisse, ut bona ipsius occupanti cedant, potius ad eum illa deferenda fuerint, ad quem dominum illorum ea pervenire voluisse probabiliter colligi poterat. Nam occupanti quidem ut cederent bona ejusmodi citrà absurditatem lex nulla unquam permittere potuit; & quod defuncti voluntatem concernit, omninò certum est, innumeros decedere, quorum voluntas, quâ præter ordinem legalem aliis bona sua relicta cuperent, intercludatur; innumeri etiam, quorum hæreditas ipsis invitissimis, per Legem, ingratissimis liberis, fratribus item defertur & imò proximo agnato, de quo ne quidem defunctus cogitaverat. Hinc apparet, quodd minus cautè Nostrates, ut Strauchius Diff. XI. apb. 1. aliique delationem hereditatis ab intestato testamentum tacitum appellent; potius hæc successio, merè legalis est, ut tamen prout nulla lex, cum primis in universitate bonorum, & integro aded civis unius & alterius patrimonio, sinè ratione inducitur: ita non minùs ordines succedendi ab intestato potissimùm rationem sanguinis respiciant, & communem aded habeant respectum, non hujus aut illius defuncti; nec aded tam hominis quàm humanitatis: & præterea conservationis familiarum, cum interesse cujuslibet videatur,

ut æternitatem nominis inter mortales, quantum fieri potest, sibi adstruat, & vel maximè respubl. ex splendore & divitiis familiarum conservetur: utut hic respectus non ubivis terrarum, nec omni tempore in unâ Republ. æqualiter, attendantur. Hinc in Rom. quoque Imperio, sepositâ aded sanguinis ratione, pristinis temporibus, familiarum rationem præcipuè leges habuerant, ut in exclusis emancipatis, cognatis, & matribus aded, quibus tamen sanguinem, amorem & affectum interiorem debemus, satis apparet; donec sensim ante Justinianum, & per ipsum plenò impetù successiones ad conjunctionem sanguinis reductæ fuerunt. Vanum itaque est dicere, ubi lex adest, ibi creditur defunctus id voluisse, quod lex voluit; quancquàm hoc rectius dicatur, ubi nulla lex est, (qui tamen casus ne quidem in ullâ Republica dabilis est,) ibi id voluisse creditur, quod æquitas jubet. Cæterum vult omninò æquitas, ut cessante provisione defuncti eum ordinem sequatur patrimonium, qui communiter in civitate, & in genere omnibus decedentibus, ex ratione etiam communi, & publicâ, præfinitus est: Hinc licet defunctum apertè constet plus amicum dilexisse, quàm eum, qui sanguine ipsi conjunctus fuerat; lex tamen, publicum familiæ respectum præferendum esse, existimavit: nec quod defunctus voluisset, sed, quod voluisse debebat, maximè cum facultate illâ & licentiâ disponendi, quam leges ipsi indulserant, semel exciderit. Et quamvis amicus ad bona comparanda sæpè juvisse defunctum potuerit, non tamen certum est, num meritis provocatus id non fecerit; sufficit etiam, quod mei saltem ei ad gratitudinem teneantur, imò ingratis etiam vel propinquis nostris potius condonasse videbimur, cum nihilominus conjunctio sanguinis arctissima sit, & in tantum familiæ suæ rationem quilibet habere videatur, ut propter eâ leges plerumque ultrà certam portionem bonorum, uxoribus defunctorum ex patrimonio maritorum, quibus tamen conjunctissimè vixerunt, nil aded deputent. Quid etiam si extrâ rationem subjectorum, quæ facile deprehendi possunt, ut sunt liberi, parentes, fratres, Leges civiles respicere voluissent, ad merita quæpiam, ad amicitiam & propensionem singularem, quæ non sanguine, non naturâ, certò definitur, & variè æstimari potest: num non ita litibus inter se civitas

collideretur? ut aded pacis & tranquillitatis omnino interfit, rectam illam & communem viam servari, licet vel maxime per hoc voluntas particularis multorum negligeretur: Accedit, quod liberalitate aut gratitudine successio ab intestato niti non debuerit, sed obligatione aliis prospiciendi, necessitudine sanguinis, & injecta propensione nomen suum augendi & conservandi: quod quidem posterius, cum Justinianus ampliata successione & extensa in eos, qui extra familiam sunt, non attenderit, à multis eidem ad Tyrannidem imputatum est, quasi videl. Principatum liberio rem alia ratione meliori inducere non potuerit, quam divitias atque statum familiarum infringendo, servorum infinitam multitudinem ad libertatem perducendo, uxoribus nimium favendo, quod dominis & maritis ægrè faceret: de quibus *alibi* dispiendum est. Sanè quod successione ab intestato attinet, non prohibuit Justinianus, quemlibet familiæ suæ consulere posse, & prostant plura successione ejusmodi genera per Majoratus, per fideicommissa familiæ, & pacta gentilitia: Unde in controversiis successione ab intestato adhuc dum auctoritatem juris Justiniani Gentes Europeas ubivis respicere videmus; quippe quod rationem naturalem illud optimè præferat, ceu Boeclerus agnoscit ad Grotium L. II. c. 7. it. Betsius c. 5. de pact. fam. illust. p. 220. junctò Carpzoviò II. Consist. tit. 25. def. 407. & aliis. Exempli illustria reperimus apud Buchananum Lib. XVII. Hist. Scot. p. 265. Thuan. Lib. XXXV. p. 727. Cambdenum Part. II. hist. Angl. p. 202. Paulum Piasecium in Chron. gestorum Europ. singularium p. 92. & infinitos alios, ut inane sit studium eorum, qui successiones Regum & Magnatum Christiani orbis ex fluctuante illo, nec ad liquidum reductò, Jure N. quod vocant, definire præsumunt; nec enim credendum est per tot secula, in Republ. optimè constitutâ, & ingeniis excelsis atque exercitatissimis refertâ, rationem J. N. prudenter satis excussam non esse.

(5) IN PERSONAM. Nam jus ad rem, quod nunc sequitur, personam afficit. Eò jure positò, ponitur obligatio, & vicissim: l. 137. §. 4. de V. O. Relata enim sunt, nec eò ipsò Synonyma: nam obligatio non est in creditore, siquidem ille non adstringitur: & vinculum quidem inter duos est, sed quod solum debitorem liget; Non etiam jus ad rem effectus obligationis dici potest: nam ex

obligatione oritur actio cum respectu passionis; sed quâ actio est, ex jure ad rem oritur: Ita jus ad rem in creditore, obligatio in debitore reperitur. Equidem illud falsum est, quod Grotius docet L. II. c. 11. §. 3. quempiam posse dici obligatum esse, ut nullum jus ponatur in alio, utcumque hoc quandoque imperfectum sit. In universum obligationes distinguuntur à Puffendorffio L. III. c. 4. §. 4. in congenitas & adventitias. Ad illas refert obligationem adversus Deum: (quanquam de eo, quando hæc obligatio se exferat, quid ad Puffendorffii hypothesein notandum sit, superius exposuerim:) & refellit ibid. Hobbesium c. 14. §. 19. & c. 15. §. 2. de Cive, qui Atheismum puniri non posse, tanquam in imprudentia nudâ consistentem, statuit. Adventitiam ex facto hominis deducit: quod si ita intelligas, ut factum quoque ejus, qui Remp. seu civitatem ingreditur, respicias, quippe quò omnibus juribus in eâ obtinentibus se subicere censetur, admitti potest: id quod tamen nimis remotum est; nam & citrà factum ejusmodi, nudâ æquitate, & ante legem civilem infinitis modis quis obstringitur, communi puta Jure N. & G. Nostrates obligationem accuratius distinguunt in naturalem & civilem: illam imperfectam seu minus plenam, & perfectam seu plenam, ut prior illa, nullâ factâ promissione antecedentâ, ex jure honestatis & æquitatis, nascatur, ut tamen de eâ indistinctè & sepositò omni circumstantiarum discrimine, dici non possit, quòd quem in conscientia obstringat, ut Strauchius Diff. X. th. 2. docuit. Hæc autem, plena sc. five arctior, quâ sibi relicta est, jure civili effectus tantum remissiores apud Romanos producit, ut retentionem, compensationem &c. nec tamen in omnibus, cum sæpè naturalis ratio fortior urgeat, ob quam ne quidem æquum fuerit, effectus ejusmodi admisisse; velut in impubere, in muliere intercedente: quapropter nullò periculò asserere licet, in ejusmodi personis naturalem obligationem videri potius, quam ut reverà in illis reperiat; nec enim alias naturalem obligationem lex civilis tollere poterat. Et sanè, si prodigum reverà naturaliter obligatum diceret, quidni posset juramentò promissioni suæ adjectò de bonis suis efficaciter obligari? videl. ne quidem naturâ obligari posse videbatur, cui dispositio de rebus suis planè adempta fuerat; In pupillo etiam & muliere intercedente satis naturalem obligationem abesse,

esse, infirmitas intellectus & imbecillitas sexus nimia, in articulo intercessionum, arguit. Merè Civilem obligationem quod concernit, quæ nim. æquitate naturali vacua est, eam dari nonnulli ex *Nostratibus* malè negant. Equidem *naturale quid* hactenus illi obligationi subest, quod eò usque agentem iudex audiat, donec reus exceptionem deficientis naturalis æquitatis probaverit; quò factò, subtilitas civilis effectu destituitur. Nam sola obligatio, quæ ex naturali & civili, vel verè vel *præsumtivè*, mixta est, (ut sunt, ex posteriori genere præsumtiva obligatio ex re iudicata, ex transactione, ex literarum obligatione, post biennium sc.) actionem efficacem in foro producit: & hæc distinctio obligationis à causâ efficiente *externâ* petita est: Ab *interna* & subiecto aliæ profluunt, ut est in *personalem* & *realem*. Ubi not. est, non omnem conventionem cum populo initam esse realem, licet subiectum sit permanens: nam certo tempori conventio includi potest; idemque obtinere, quàmvis populus cum populo contrahat, nec etiam si cum Rege contractum sit, licet fœdus quoddam fuerit, realis est obligatio, contra quàm Grotius *Lib. II. c. 16. §. 16.* Quâ rat. autem obligatio seu pactum personale vivò autore in successorem singularem transire possit, ad *l. 17. §. 5. de pact.* alibi expositum est. Deinde obligatio vel *mutua* est vel *non mutua*: illa vel utrinque principaliter vel ab unâ parte secundariò; *Pufendorffius* mutuam vel imperfectè vel perfectè talem constituit, & imperfectionem inter Principem & Subditos agnoscit: quod vel maximè verum est in eâ, quæ inter hos concipitur, de *modo imperandj*, conventionem; ut ad doctrinam de *Capitulatione* latius exposuimus, cur sc. non protinus, quando Princeps unum alterumve articulum Capitulationis negligit, imperiò & Principis jure excidat?

Cum verò in genere, quoad doctrinam obligationum, (quantum quidem ad hoc institutum,) de *fide* earundem, de *veritate* item ac *Iustitia* agendum sit: Idèò quod *fidem* concernit, promissionem *internam* animò non manifestatò de J. N. non obligare, constat: Nam licet proposito animi quid superaddat, tamen inchoatio tantum est promissionis, non complementum. Et quanquam animò quidem possit haberi pro derelicto, & amitti etiam, *possessio*; prout ad *Tit. de acquir. & am. poss.* docemus: tamen non potest res in alium

transferri actu illò solò interno, & facilius id desinit, quàm in alterò incipiat, nec tamen ulla potest fieri acquisitio, nisi inter duos, ita ut priusquam animus derelinquendi pateat, alter non teneat rem, quoad intentionem perfectam, licet, nec teneat formaliter, quàmvis quoad effectum, & tamen nunc solum ratione objecti; At vero in re ipsa non est perfecta moralitas, cum aliud sit rem derelictam occupare, aliud rem ut derelictam & sub habitudine illa, quæ moralitatem conficit. Hinc non obstat, quòd tota vis negotii à voluntate interna pendeat, & actus solum ad cognosci requiratur, non ad esse: nam utique ipsa perfectio actus externa signa requirit, estque aliud ipsa voluntas donandi seu donatio animò concepta, aliud ipsa donatio, quoad totam sui perfectionem; Nec potest iustitia dari acquisitionis, nisi simul fides & veritas negotium comitentur: imò aliena esse res non desinit vel saltim alterius facta esse; non dici potest, priusquam animus verbis proditus sit, quod veritatis est, & ut factum verba subsecutum sit, quod fidelitas exigit. Inter homines enim requiritur connexio sensibilis, cum de animo alterius citrà externa certi esse non possimus; Hinc non potest dici esse infidelitas, nondum datâ fide, nec deceptio, si non præstatur id, quod animo destinatum erat. Jam verò si ratione fidei alteri quid non quæsitum est, nulla inde promissio conficitur, quippe quæ fide non minùs constat. Denique *Juramentum* quodd obliget, cum animo conceptum est, inde procedit, quòd versus Deum dirigatur, nec tamen si homini non fiat, aliter habet, quàm instar voti; & hinc nullo respectu, nisi quatenus rem bonam complectitur, obligat. Quando vero ad externum actum animus processit, an tunc ad jus transferendum *acceptatio* requiratur, an verò citrà eam alteri quid acquiri possit, quæritur? Negativa quòd non possit, verior est, & quòd donanti ante acceptancem poenitere liceat: quanquam enim ex acceptance tanquam ex causa directa non oriatur obligatio, tamen illa tanquam conditio finè qua non requiritur, non aliter atque animus habendi, ut si un. ad dominium requiritur. Undè si piæ causæ vel Reip. quis quid *pollicetur*, quod exindè efficax subsequatur obligatio peculiari ratione, ut & in promissione ad *pias causas*, ob favorem publicum religionis & pietatis, constitutum est. Quapropter quando

ante acceptationem is, cui promissum erat, moritur, heres ejus acceptare non potest, ut rectè Grotius *L. II. c. 11. §. 16.* ubi simul in *§. 17.* exponit, an promissor revocare possit promissionem, si mortuus sit *internunciatus* ante delationem? Utique tertius si referat absenti promissario, hic ne quidem acceptare potest, nisi tertius ille mandatum habeat; nam aliàs non concurrunt duorum voluntates in unam; & tamen modi sunt varii, quibus fieri potest, ut donatio v. g. licet nondum acceptata à donatario, non tamen revocari à donante possit, ut diligenter exposuit *Andredus*, in *Controv. forens. c. 292. per tot.* Quid si præsens sit alter, quem negotium concernit, num ille pro consentiente, si *taceat*, habebitur? Aff. Grotius *L. II. c. 4. §. 5. & L. III. c. 24. §. 1.* Etenim cum consensus plus dicat; quàm repugnantiam dissensus, & positivum quid sit, ita ut silentium sui naturâ hæsitantem potius indicet: hinc consensus ex silentio colligi non potest, nisi accessu aliorum indiciorum, ut ex qualitate materiæ sub consensum cadentis, velut habet *c. 44. d. R. J. in VI.* ubi, quod is qui tacet, non fateatur, nec utique negare videatur. Quapropter in universum, & non modò quoad contractus, sed in aliis etiam negotiis, dicendum est, cum de commodo cujusquàm agitur, tacentem regulariter haberi pro consentiente, maxime si propterea præsens sit, ut de illâ re agatur. Deinde, qui non prohibet, pro se quem intervenire, mandare creditur. Ulteriùs, si quis dissentire aut contradicere debebat & taceat, consentire videtur? ut reus à Judice interrogatus: porrò, cum de incommodo alterius & obligatione ejus seu præjudicio agitur: tunc silentium sine re aut facto non satis probabilem conjecturam voluntatis efficit, ut si puella de matrimonio interrogatur, & nullo facto vel indicio interpositò taceat. Equidem in Criminibus nudum quandoquè silentium pro causa morali habetur, sed hoc tamen lege sancendum est; ut in Crimine Majestatis constitutum esse reperitur. Denique, ubi lex etiam tacentem pro consentiente aut confesso habendum esse vult, non minùs talis, cum legi subfit, si tacet, habebitur. Quod verò de acceptatione diximus, ad *vota* non pertinet: de quibus optimè scripsit Seldenus, *Lib. VII. d. J. N. & G. c. 2.* Post fidem succedit *Veritas*, ubi frequens est disceptatio; An quis sermone possit uti, qui sit *menda-*

cium? five an mendacium absolutè & secundum se consideratum, non habitò respectu ad finem externum, sit turpe? Afferunt hoc multi cum *Augustino*, qui nec *officiosum*, quod dicunt, mendacium probârît, & quidem (1.) perfectioni Dei, in genere morum quodlibet falsiloquium repugnare dicunt, veracitati sc. æternæ. (2.) abusum continere sermonis, qui ad aperiendum animi sensa homini concessus sit. (3.) fallendum neminem esse datâ operâ, cum nemo ipse ab alio falli cupiat: ita jus Canonicum *c. XXII. quest. 2. can. 4.* quod quidem verum tacere liceat, sed non item falsum dicere: similiter disparatam nos posse dicere veritatem, ut *1. Sam. XV. 6.* item conditionem subintelligere, ut *Luc. XXIV.* sed tamen præsumtibilem à quovis, etiam mediocriter intelligente, ut: se abiturum; nisi rogetur; non verò non præsumtibilem, & imò sæpè oppositam sermoni exteriori. Nec tamen cum ne quidem veritatem legere aut celare posse, qui contrahit aut reus est, idque ob fidem publicam & Dei ordinationem. Non obsistere, quod is qui docet, falsum sæpè dicat discipulo, ad hoc ut profectus ejus exploret, cum ni mendacium juxta illos oratio sit quædam externa, interno conceptui opposita, & ad fallendum directâ: hinc Doctorem ejusmodi non mentiri ajunt, quia non dicit quid assertivè sed tentativè, nec ut fallat, sed ut fallaciam caveat. In Medico autem qui melancholico quid persuadet, solertiam esse dicunt, quam frustra mendacii nomine insignias: quamquàm aliàs dolus bonus in scripturâ non fundetur, ut tamen dolus negativus seu occultatio veritatis non sit dolus, ne quidem bonus. Aliàs ne quidem ut vitam alii servemus, mentiri licere: quid enim ajunt, si custodes aliter quàm stupro promovere seu corrumpere non possis, an ita stupro uti licitum est? scilicet ut corporaliter vivat unus, non debet alter mori spiritualiter; Facta dicunt esse indifferentia, ut quando *1. Sam. XXI. 14.* David se stultum simulavit, ut periculum evaderet (conf. etiam *Jos. VIII. 15.*) posse enim facta illa diversimodè à diversis intelligi. Exemplum *Joh. XI. & I. Joh. II. Luc. XXII. & alia*, non urgere, quippe quod illis mendacii definitio non congruat. Quod vero Deus dicto suo juramentum addat quandoquè, ex hoc non colligi posse, quod nonnunquam seriò non dicat: siquidem juramentum dicto ejus auctoritatem addere non possit, quia non est major

jor se ipso, per quem juret; adeo ut potius sit obtestatio, quàm ad immutabilem essentiam suam veritatem nos advertere jubet. Enimvero Grotius *L. III. c. 1. n. 9.* argumenta hæc & similia probè expendisse videtur, quanquam valde fluctuet; ita ut semet vix expedire possit. Docet ibid. quòd nulla possit ostendi circumstantia, quæ intrinsecè & per se fundet turpitudinem mendacii absolutè & sec. se considerati. Et sanè quia importat falsam significationem, ex parte *materialis*, idèd quoad hunc respectum turpe non est, quia etiam id quod falsum est, indifferens est, in genere morum, signò exprimere, idquè ex bonâ intentione, ut homines id falsum esse doceantur. Nec etiam ex parte *formalis*, sc. intentione fallendi, turpe est: nam fallere est scienter quicquàm proferre cum significatione, quæ mentis conceptui seu intelligendo seu volendo disconveniat. Igitur huc res redit, si mendacium in sensu communi accipiatur, pro disconvenientia, ita non omne mendacium in vitio est, sed si in sensu stricto, quando videlicet accedit repugnantia cum jure ejus, ad quem sermo aut nota dirigitur, ita turpe est omnino. Redunt eò, quæ docet Pufendorffius, *L. IV. c. 1. §. 7. usque ad 14.* quando ait, omne mendacium esse falsiloquium, sed non omne falsiloquium esse mendacium; hoc omne esse turpe, seu speciem alteram falsiloquii, & hinc non omne falsiloquium; Est enim ubiquè respiciendum, num alteri jus sit, à me verum expetendi? si illò destituatur, possum simulare & dissimulare pro lubitu, nec mendacium erit: Indè sequitur licere falsum dicere pro aliorum salute, (modò Magistratui non fiat, nam huic jus quæsitum est veritatem à me explorandi, licèt minus juridicè disquirat) posse pravè curiosis illudi, licere hosti falsum dicere. Idem Pufendorf. *d. l. §. 16. 18. 19.* ubi tamen, quæ de reo criminis §. 20. tradit, probari non possunt; neque ea, quæ de Advocato §. 21. habet, examen effugient. Et certum adeo est, Jctos non malè docere, quòd *dolus bonus* adhiberi possit, quanquam hac appellatione, cum duriuscula sit, abstinere conveniat, quoties de sanctis, ut de Abrahamo, Jeremiâ &c. multoquè magis de ipso Christo, sermo est: cum tamen quoad rem ipsam dubium non sit amplius, quin Deus possit scienter quid proferre, quod mentis humanæ conceptui disconveniat; quanquam hoc ipsum non aliter sit capi-

endum, quàm ut cæteris attributis divinis, & cum primis, quod Deus fallere homines, ad perniciem ipsorum, non possit, conveniat: cum enim dissentientes hoc vel maxime refugiant, ne distinctionem illam divinæ voluntatis, quæ heterodoxi utuntur, ut alia sit voluntas *signi*, alia *beneplaciti*, admittere cogantur: Hinc utique doctrina jam adstructa cautius habenda est. De *Confessione fidei* nostræ quantum eam obtegere liceat, quæritur? Jubet eam confiteri, *1. Petr. III. 15.* sed affirmativa præcepta non ad semper obligant. Unde prudentiam commendat Christus discipulis suis, *Matth. X. 16. & fugam. vers. 23.* adeoque respiciendum est, an in confessione nostrâ vertatur gloria Dei, & ædificatio infirmorum, an potius scandalum, periculum turbarum, calumnia & veritatis ludibrium, indè exoriri possint. Deinde respiciendum est, an confessionem fidèi à nobis exigendi potestatem quis habeat, nec ne? an illi, quibus confessio edenda sit, sint personæ capaces, sint dociles, nec malevolæ, & qui eò fine confessionem petant, ut nos prodant, deferant, vel ludibrio habeant, ac proindè diversa longè fuit necessitas confessionis in *Martyribus*, quippe qui veram utilitatem & gloriam Dei, aliorumquè salutem, promoveri debuerunt: Quod quidem peregrinantibus nunc quidem vel aliis sæpius sperare non licet, ut cum plus damni sibi, quàm utilitatis aliis per confessionem allaturi sint, eam potius in tempus & locum commodiorem differre liceat: nam & Christus non semper interrogantibus, vel saltim non directè, respondit, nec sanctum canibus dari voluit, *Matth. VII. 6.* nec præfractis inculcari, *Luc. XXII. 68.* secus omnino, confessioni sinceræ præmium maximum, dissimulationi poena gravissima proposita est *Matth. X. 32. seq. Marc. VIII. 38. Luc. XVIII. 8. & 9. Rom. X. 19.* Denique acceptissima est confessio, quando cum fortunarum discrimine, ut nunc in *exulibus* videmus, & cum vitæ periculo cum opus sit, conjuncta fuerit.

Post hæc de *sensu sermonis* habendum, quòd verba intelligi debeant ex proprietate populari, cum sermo rationem societatis habere debeat, cujus gratia homini datus est. Itaque cessent *equivocationes & reservationes mentales*: nam veracitas respectum non dicit solum ad Deum, quasi propositio enunciata, quando conjungitur cum altera, quæ mente retenta est, veritatem integram

conficiat; sed ad proximum potius, cum quo nobis est negotium, respici debet, qui sermone nostro falli non debet: id quod futurum est per hoc, quod sensus ille verborum esse non possit, qui mente retinetur. Neque ipsi reservationum patroni æquò animo patiuntur sibi per eas illudi. Quid quod Doctores earum, dum licitas esse dicunt, mentalem habere possint restrictionem? & cum juramentum debeat esse finis controversiarum, quomodo cum reservatione mentali poterit consistere. Itaque rectius reservationes illas rejicit Grotius *L. III. c. 1. §. 17.* de quibus multa etiam in *Montaltii literis provincialibus* leguntur, atque nuper *Uffelmann. in c. 13. de jure, quo homo homini in sermone obligatur*, refutationem eorum, qui reservationibus ejusmodi patrocinantur, instituit. Utique finis, quod dicant, studio *se conservandi*, inventum ejusmodi probandum esse, rem non conficit, siquidem licitis mediis fieri debet conservatio, *Rom. III. 3.* nec fornicandum est, v. g. sanitatis vel tentationis causâ. Et quando quoad *judicium* obvertitur, licere judici tunc saltem respondere cum reservatione mentali, quando *juridicè* non interrogat: illud facile eliditur; nec enim veritatem tam judici debemus, quam iudicio: & periculosum est, cuilibet permittere, ut de eo iudicaret, num Iudex Juridicè interrogaverit.

De *Juramentis* nunc etiam quæ disquiruntur, videamus. Sunt enim illa finis controversiarum, *Ebr. VI. 16.* quem locum frustra *Mennonita* de hominibus carnalibus accipiunt; neque enim Christus *Math. V.* juramenta absolute prohibet: aliàs legem *Deut. XI. 13.* & *Exod. XXII. 10.* solvisset, imò ipse *d. c. V. v. 18.* juravit, junge *Es. LXV. 16.* videl. tantum non temerè Christus jurandum esse voluit, necessitate sc. non exigente, nec promiscuè, & per cavillum, ut Judæi per creaturas, proximo illudentes. Aliter non posset homo quicquàm eloqui præter ita ita, non non; vid. *Ziegl. ad Grotium L. II. c. 13. in fin.* Nec tamen ipse Grotius ad juramentum promissorium dictum locum *Math. V.* restringere debuit, quasi illud ibi, non etiam cetera, prohibeantur. Ita sanè omnes contractus jurati prohibiti forent: ita promissiones Regum juratæ, pax & fœdera juramentis firmata, illicita forent: & tamen hoc solum Christus voluit, non tantum peccari perjuriis; sed etiam verum jurando, si cum temeritate fieret: nam hic demum er-

ror *Phariseorum* refutandus ipsi fuerat. *Christiani* autem primæ *Ecclesiæ* idem juramenta resugerunt, quod *per genium* Principis, quem Gentiles divinitatis participem & proinde occultorum testem & fraudis vindicem esse, credebant, jurare nollent; utcumque per *salutem* Principis sacramenta dicere non recusaverint, & quod de cætero Christiani jurârint, ex *Vegetio* patet *Lib. II. c. 5. de re milit.* Est autem juramentum assertio religiosa, quâ divinæ misericordiæ renuntiamus, aut in nos vindictam Dei reposcimus, nisi fidem dicta nostra habeant. Quanquam enim *religio* per se & semper appetibilis sit, non tamen semper juramus, & rectè nihilominus juramento inesse dicitur religio, in hypothesis videl. necessitatis, & quando ut juremus, negotia humana requirunt: quocirca tunc etiam Deo, quid debere, & imò reddere ei gloriam, nim. omniscientiæ & veritatis, dicimur. *Matth. V. 35.* An autem juramentum ad substantiam sui verba desideret, quæritur? Utique non in ordine ad Deum, cui animò votum & juramentum concipi potest, nec etiam quoad hominem, verba prolata, sed tamen concepta, requiruntur, aut signa, quæ animi sensum liquidè ostendant. vid. *Franzkium Lib. II. resol. 1.* Quid verò si intentionem seu *animum* jurandi non habeat is qui jurat, num ita verbis prolatis jurasse videtur? certum est eum, qui verba alieni idiomatis juramentum continentia, non intelligens ea, enunciat, non jurare, nec eum qui historicè & enunciativè verba jurantia profert. Qui verò juramentum sine debita consideratione, verumne sit, quod juratur, profert, perjurium committit, in divino iudicio. Sic & incautum juramentum, sine deliberatione, num jurare velim nec ne, in perjurium coram Deo quodammodò incidit; cum nec verba jurantia in vanum protrudi debeant: Interim ad præstandum verba illa non obligant, quæ obligarent omnino, si perjurium non forent, sed juramentum. Qui autem verba jurantia profert deliberatò, etiam citrà animum, is omnino obligatur. *laud. Franzkius Lib. II. res. 2.* Etenim abalienatio animi, non detecta proximo, nil efficit: Deus enim in falsum testem non est vocandus, & citius debet velle promissum servare, qui Deum invocat, quàm ut erga acceptantem contentum Numinis fovisse videatur.

Undè Deus non accipit juramentum ex intentione jurantis, sed prout accipiens fidem eam ex verbis

verbis jurantis colligere potest. Per falsos Deos præstitum juramentum non quidem ex se obligat, quia per id non invocatur verus DEUS, sed in veri Dei potius contumeliam tendit, ut obligatio adeo ejus ad religionem & pietatem verè non pertineat; sed tamen obligat, quia ex conscientia erronea proficiscitur, quæ utique vim obligandi habet. Quocirca Deus non interpretatur illud, sub ratione perjurii, in suam injuriam, si per falsos Deos pejeratum sit; sed sub ratione violatæ conscientiæ jurantis, quantumcunque erronea fuerit. Potest autem exigi juramentum ejusmodi in genere, sed non potest præfigi pagano, ut per falsos Deos juret, aut hoc vel illud idolum invocet. Nimirum peccatum, ex suscepto juramento, sequitur per accidens, ex ipso jurante, qui posset aliter jurare, si vellet; ceu non peccat is, qui sub fœnore licet immodico mutuum à quoquam sumit; cumprimis quod necessitate urgeatur. An autem juramentum *Josephi* in Deum injuriam fuerit, dum per vitam *Pharaonis*, item *Elisei*, dum per vitam *Elie* juravit, queritur? Non utique nec juramentum id fuerat, sed obligatio per comparisonem rei gratissimæ; Aliàs Christus in universum per creaturas jurare prohibuit, quia plerumque juramenta ejusmodi, cum cavillo & noxâ proximi, conjuncta fuerunt, dum licet per indirectum ad Deum respiciamus, Domini tamen nomen vitandò feridè agere non videmur: imò *Es. LXV. 26.* per solum Deum exsertè jurandum esse, disponitur. Distinguuntur communiter juramenta in *promissoria* & *assertoria*; quanquam suo modo in promissoriis etiam sit assertio. *Promissoria* iterum præstantur, vel *obligationis* inducendæ causâ, vel actûs firmandi gratiâ, quæ *confirmatoria* dicimus. *Assertoria* sunt facti tum proprii tum alieni, quod juramentum *testium* & alia referunt. Utique prout negotia humana varia sunt, sic etiam juramenta diversas sortiuntur & novas subindè species. Hinc juramenta *extrajudicialia* sequentia ferè reperiuntur: juramenta *Regum* in exordio regiminis, *homagia* subditorum, eaque multiplicis respectûs: juramenta *officiorum* civilium & militarium, *Vasallagia*, juramenta *tutelæ* & curæ: tum deinde *promissoria*, *confirmatoria*, quod juramenta *renuntiationum* hereditatis, beneficiorum, respiciunt; ut minorennitatis, *ScTi Vellejani* &c. juramenta *voluntaria*, quibus controversiam *extraju-*

dicialem decidimus. In *judicio* deinde juramenta occurrunt necessaria, *suppletorium*, *purgatorium*, juramentum *litis æstimatorium*, eique inter Saxones affine *minorationis*, *Testium* deinde juramenta veritatis, credulitatis, porro juramentum *partium*, *judiciale* in specie dictum. Ad ordinationem *Judiciorum* pertinet Juramentum *judicis*, juramentum *Calumnie*, *paupertatis*, *perhorrescentiæ*, juramentum de *sistendo* *judicio*, item *dandorum*, *respondendorum*. In *Instantia secundâ*, juramentum *appellationis*, denique in causâ *Criminali*, præter cætera, juramentum *exultionis* seu *Urpheæ*.

De *causis* juramentorum videamus, cumprimis quâ ratione juramentum metu extortum dolovè elicitum servandum sit? & de metu quidem queritur: si quis prædoni quâ tali, pro vita suâ conservandâ, pecuniæ summam juratò promiserit, an naturali jure promissio hæc obliget & servanda sit? affirmativam tuetur *Grotius*; negativam cum *Cicerone* in 1. & 3. *offic.* *Pufendorf.* L. IV. c. 2. §. 8. & in *Elem. Jur. Nat. Lib. I. def. 12. §. 21.* median, ut videtur, sententiam fovet *Lessius Lib. II. de J. & J. c. 42. n. 27.* ubi putat, obligatum quidem esse promissorem ad solvendum; sed tamen, quia momentaneâ solutione promissio satisfieri possit, è vestigio ipsum pecuniam posse repetere. Equidem de hac sententiâ postmodum videbimus. *Pufendorffius* pro sua sententia potissimum hæc adduxit, quod juramentum metu præstitum, non sit directum ad Deum: inde huic non queri obligationem, licet Deo teste latroni quid promittam; in latrone autem vitium esse, ut non possit acceptare: non obligare simplicem promissionem metu extortam, quin potius dari restitutionem in integrum, ex quò colligi posse, ait, naturaliter quem ex obligatione meticulosa non obligari: prædones illos non esse hostes tantum publicos, sed communes, ita ut licet hosti fides servanda sit, non tamen ea servari idcirco prædoni debeat. Et imò plus dicere poterat pro suâ sententia *Pufendorffius*, quam dicit, & ante cum ex *Nostratibus* non minus sententiam ejus plures amplexi sunt, *Rauchbar*, *Setferus*, *Gail. A. Faber* & alii: Facit enim ulterius pro ea, quod nec fundatum esse videatur hoc juramentum in *justitia*, cum nil latroni debeat, nec in *liberitate*, cum id non velit promissor, nec in *fideltate*, cum promissio ex injuriâ procedat, nec ex *religione*, quia hæc ex hypothesi & objecto æsti-

manda

manda videatur. Neque etiam per se istud ut *votum* subsistit; tanquam accessorium verò non potest non illicitum censeri, si objectum cum injuriâ conjunctum est. *Votum metu extortum*, item matrimonium meticulousum ipsò jure nullum est, quidni multò magis tale juramentum hoc fuerit? redderet etiam latronem audaciorem, nec tamen juramentum vinculum *iniquitatis* esse debet. Cultus *Spontaneus* tantum Deo placet, sed cultus divini species est juramentum. In periculo vitæ aggressorem occidere licet, salvò quinto præceptò, quidni jurare in vanum, salvò secundò. Accedit, quòd non tantum ipsum jus Civile in *auth. sacr. pub. C. si advers. vend.* juramentum vi aut metu extortum nullius esse momenti jubeat, sed etiam jus *Canonicum* in *C. 20. X. de jurej. C. quamvis de pact. in VI. & c. 2. X. de jurej.* Utcunque autem hæc valde speciosa sint: tamen sententia *Grotii*, quæ & *Theologis Nostratibus* plerumque probatur, (vid. Chemnit. *P. 1. locorum, de Lege Dei præcept. 2. quæst. de juram.*) omninò amplectenda est, quòd obliget nimirum juramentum ejusmodi de *Jure N.* & in *Foro conscientie*, tanquam de re possibili & temporaria. Nam jus quidem *personæ*, quoad latronem exinde non simpliciter competit, sed tamen, in respectu ad Deum, jurans tenetur efficere, ut ab ipso non adducatur Deus in testem falsæ promissionis: quanquam non quidem *duplicem* obligationem statuere oporteat, ut una sit versus Deum, altera versus latronem, adeoque distinctè quælibet considerari possit: cum si persona gratiam jurisjurandi faciat, jam amplius Deo jurantem non teneri, constet. Aded, ut licet justitia obligationis ad *latronem* non referatur, nec in gratiam ipsius pecuniâ præstanda sit, nihilominus tamen obligatio in gratiam Dei, tanquam sponsoris, in ipso latrone & ad ipsum, terminatur: & sufficit aded respectu Dei & ipsius jurantis licitum esse & justum, (nempe ut vitam pecuniâ redimas,) quod promissum est; licet latro, abstractò & præcisò juramentò, injustè illud accipiat: nam & prodigus injustè dat, pauper justè accipit eleemosynam: & sic justè potest dare unus, alter injustè accipere. Equidem in *simplici* & non juratâ promissione, (utut hæc magis spontanea sit, quod ad principium internum & finem actionis attinet) ex metu quis restituitur: nec tamen *restitutio* est nisi *lesi*, & quidem in patrimonio. At verò ubi juramen-

tum accessit, ibi citius *rem caducam* dimiserimus, quam ut Deum lædamus, cui quidem non obligamur, nisi quando fidem fregerimus. Quod dicitur de *accessorio*: illud tunc procedit, quando ratio ejus eadem est cum principali. Quod verò de *virtutibus*, quasi nullam earum comitem hoc juramentum habeat: id facillè refellitur, cum sit actus charitatis, quò se à periculo mortis quis liberat, & civem Reip. conservat. *Voti* quoque alia ratio est, quanquam votum coactum, finè omni consensu, Deo non placeat; de cætero autem votum ex nuda & pura *voventis* voluntate pendeat, & majorem aded libertatem requirat, juramentum verò respiciat *materiam* ejusque capacitatem, num quod promissum est, finè periculo *animæ* præstari possit? *Matrimonium* fit directè ad obligandum, & inter homines, inter quos ex injuriâ obligatio oriri non potest, nec stare tam arcta animorum conjunctio cum violentiâ; sed juramentum per se & primò ad obligandum non tendit, verum ad confirmandum objectum ordinatur: idcirco cum ad Deum respiciat magis, quam ad hominem, licet hic injuriosus est, tamen rem non illicitam homini promissam, eidem, Dei tanquam Sponsoris intuitu, quis solvere tenetur. *Neccessitas vitæ* redimendæ, ut proximum perimam, efficere potest, sed non ut in Deum irreverens sim, & præceptum *primæ tabulæ* infringam. Quid quòd etiam invasor directè vitam meam petat, & nullam viam elabendi mihi relinquat; ac si aliter quam præstatione pecuniæ, evadere mihi liceat: nam vitæ quidem semel ablata restitutio impossibilis est, sed pecuniam reparare, vel saltem me præstatione illius morti eripere, possum. Denique in *Auth. sacr. puber.* juramentum metu extortum non dicitur nullum simpliciter & per se, sed *oppositivè* ad ea, quæ spontè præstita *inviolabiliter*, citrà ullam retractationem, custodienda sunt: nam metu extorta juramenta ex *jure Canonico*, quod posterioris ævi *Imperatores* secuti sunt, relaxari possunt: quanquam hîc non de eo quid positivi, sed quid *naturalis juris* sit? quærat. Utique enim *absolutionem*, salvâ conscientiâ, in casu juramenti meticulousi peti non posse, opinor, quippe quæ tunc solum locum habet, quando super re *impossibili*, & ex parte jurantis *peccaminosa*, quis juraverit: nam prout ad juramentum ejusmodi subeundum aded procedere quis non debet, ut mortem

mortem citius pati teneatur: ita si juramentum nihilominus præstitum fuerit, & sumtum aded nomen Domini in vanum, absolutione utique jurans à peccato, sed non etiam à vinculo juramenti, (quippe quod per se nullum est,) opus habet. Potest etiam jus Civile, ut in *cir. Auth.* contigit, juramenta ejusmodi metu præstita ab initio pro irritis declarare: & tunc quò minus ea servanda non sint, dubium non est. Nec tamen in eâ specie juramentorum tale quid facile Statuto vel lege introduci debet: cum ita haut dubiè plures à latronibus enecarentur; ne videlicet scelera, vi publicâ admissa, detegi possent. Quod ipsum efficit, ut nunc quidem lex ejusmodi non reperiatur, & imò ad ductum *Authentica* prædictæ nemo absolutionem quærere præsumat, sed citius velint omnes juramentum servare, juxta dictamen *Psalmi 15. i.* licet res ipsis damnosa fuerit; secus atque se res habet cum *relaxatione juramenti* ad effectum *agendi*, quæ in *Ordinatione Cameruli* illis promissa est, qui injuriam sibi à Magistratu illatam non vindicatuos se esse jurarunt: nam in eo quidem videtur Legislator ad salutem publicam respexisse, quæ salvari aliter non poterat, quam si ejusmodi juramenta relaxari posse statueretur, secus atque dixi eventurum esse, si de juramentis, quæ latronibus præstantur, simile quid Lege constitutum foret. Cæterum, quod *Lessii* temperamentum attinet, illud cum illusione & irrisione nominis Divini conjunctum est; aded ut ne quidem *restitutionem* in integram admittendam putem: ne dum semper restitutionem illam admitteremus, (cum nunquam non *metum injustum* latro inferat,) omninò illa juramenta inania & nullius momenti esse assereremus. Sic & in vanum est, quod *Puffendorffius* adfert, quasi per *compensationem* is, qui juravit, latroni solvere videatur, siquidem ad *resarciendum* latro teneatur juranti, quod ipsi damni *injuriâ* dederit: nam velut *alibi* ea de re disquiritur, num si alter, cui juravimus, nos præstituros quid esse, vicissim nobis quid debeat, eidem per *compensationem* solvere, eive per hanc juratò promissum præstare possimus, ita ad *compensationem* impropriad, (nec enim alia est illa *Puffendorffii* in hoc negotio, tam *strictæ* interpretationis,) deveniri non potest: cum nequidem dubium sit, si vel maximè latro quid juranti antea debuisset, quòd non hac *actum* esse censeatur per juramentum, ut non, *sepositò* hoc ipso debitò, jurans promissam

summam *realiter* præstare debeat. Illud addendum est, num si latroni juratum fuerit, non velle nos vim nobis illatam Magistratui *denunciare*, non attentò juramentò, vel saltem absolutione ab eodem obtentâ, deferre vim eam non liceat? Et quidem plures, qui in præcedenti quæstione nobiscum faciunt, objectum hujus juramenti videlicet contrà *publicam salutem* vergere, & hinc juramentum de *impossibili* esse, censent, ut omninò *absolutio* ab eo impetrari debeat, quò & alii similibus periculis eripiantur, & ipse qui juravit, suspitioni collusionis cum latronibus se eximat. Enimverò cautiùs incesse *Theologi Jenenses apud Dedekennium vol. II. sect. 13. n. 10.* qui hoc saltim voluere, ut Magistratus in genere moneretur, quò malis hominibus provinciam expurgeret. Et tamen cum conscientie facile scrupulus injici possit, tutius existimem, si quando expressè latroni silentium promissum fuerit, ut tunc de violentia sibi illatâ ad Magistratum nec in specie nec in genere quicquam quis deferat: quò facit, quòd non modò crimina omnia necessariò à Magistratu terrenò non puniantur, nec etiam ad delictum quodlibet revelandum obstricti simus, & præterea, si ne juramento quidem ejusmodi latrones quem obstringere possent, citius futurum potiùs sit, ut cædes longè plures subsequi oporteat: quòd quidem nemo non videt, cum magno communis & Reip. periculo conjunctum esse. Quid tamen si Magistratui aliundè de iniquitate facti constare cœperit? ita faciliùs putant *interrogatum* à Magistratu ad *veritatem* dicendam obstrictum esse: nam ita casus juramenti, re videlicet detectâ, jam extitit. Quoad juramentum *dolò* elicited sana est *H. Grotii* sententia *L. II. c. 13. n. 2. & 3.* quòd servari illud debeat, quando dubium sit, an, licet jurans verè negotium scivisset, non etiam jurasset nihilominus; eoquè refert juramentum à *Josua Gibeonitis* præstitum: nam nulla lex prohibuit parcere Cananæis, si idolis valedicerent, vid. *Deut. XX. 10.* & quanquàm juramentum illud ex positiva deceptione paciscentium ortum, & sic in *voluntarium* fuerit, tamen ex materia suâ non fuit illicitum, nec Hebræis injuriosum aut nocivum: neque etiam, cum objectum illius, positâ vel maximè notitiâ circumstantiarum, habile fuerit, juramento subterni, ignorantia in essentiali quopiam substituisse dici potest: prout iniquitas sola à parte ejus, cui

juramus, efficere non potest, ut juramentum negligere liceat; quin potius si possit servari citrà peccatum, utique nomen Domini in vanum sumtum esse non debeat. Qui enim contrariam probant sententiam, illi conscientiam minùs tranquilant. Videlicet putant illi, *Josua* pacturum non fuisse, si *Gibeonitas* ex vicinis populis scivisset, ob *Deut. VII. 3. it. XX. vers. 16.* idque constare ex Principum populi dubitatione & infirmatione populi ipsius. *Jos. IX. 7.* ex ipsa deindè *Gibeonitarum* interpretatione *vers. 24.* & deliberata ab illis prævensione, *vers. 3. seqq.* Ad exemplum vero *Rachab*, dicunt, peculiare id fuisse, & quoddam Salomon. *I. Reg. IX. 20:* cireà Cananæos constituisse legitur, illud eum fecisse ad exemplum Patris sui *Davidis*, cui de relaxatione interdictæ divinitus internecionis constiterit. At verò non potest probari, quoddam populo ipsum juramentum improbatum fuerit, aut ejus observatio; sed potius indignatus fuit populus, quod cum *Gibeonitis*, tanquam longè *distitis*, *fædus sociale* primores iniissent; quod quidem *Lege divinâ* interdictum fuerat. Confer ulterius *Frantzkiu* *L. II. res. 4. n. 5. seqq.* Interim juramentum istud in pœnam dolosæ circumventionis *Josua* stricte satis interpretatus est; maximè quoddam alias etiam illi, qui ex hostibus *Israelitis* se dederant, *servitutem* personalem subire tenerentur. *Selden. Lib. VI. d. J. N. c. 14.* Quod verò de objecto & materia Juramenti diximus, sufficere ad hoc, ut ab inde recedere non liceat, si materia jurata licitum quid fuerit, eò pertinet Disquisitio de juramento, quod *contra Benjaminitas* reliqui *Israelitæ* conceperant: non daturus se esse illis filias suas in matrimonium; Videl. obligatorium id fuit omnino: siquidem istud non erat *contra charitatem* aut *legem divinam*; quia non potest evinci, Deum voluisse omni casu tribum hanc salvam manere, quodcunque etiam flagitium admisisset. *Scortatio* autem & periculum *Idololatriæ*, si eum *Gentilibus* eos matrimonia inire oportuisset, exorta essent per accidens; quanquam nec casus *extreme necessitatis*, si tribum ex defectu uxorum extinguere oportuisset, sub juramento contentus esse videatur. De cœtero, licet quoad *jus Civile* juramentum tanquam *accessorium* consideretur & si modò actus cui confirmando adjicitur, *ipsò jure nullus* sit, licet non fuerit illicitus seu turpis moraliter, ipsum quoque juramentum corruat; ta-

men *jus Canonicum* longè rectius hac in parte conscientie providit, ubi juramentum, si materia contra Deum, Remp. aut Proximum quicquam non contineat, adeoque sine peccato servari possit, omnino servandum est. Quà de re egregie *Frantzkius Lib. II. resol. 5. & 6.* De interpretatione autem juramentorum in universum observari debet, quoddam quidem cavillationes jusjurandum quodvis excludat, *conditiones* tamen tacitas & *limitationes* ex re ipsâ desumptas non respuat: vid. *Pufendorff. L. IV. c. 2. §. 13. & 14.* atque cum de juramentis *studiosorum* dubium esse possit, quando injurias sibi illatas se consultò vindicatueros non esse, promittunt, sed super illis Magistratum imploratueros: num toties perjuria non committantur, quoties vindictas privatas ab illis suscipi videmus? ideo dicendum est, *disjunctivè* promissionem illam accipiendam esse, quod scilicet velint, aut legibus obedientiam præstare; aut, si contra venerint pœnam æquo animò ferre, prout alias etiam Lex ipsa obligat aut ad obedientiam aut ad pœnam, & in legibus dicitur, quod velit ob delictum vocatus, & discedere jussus, obedire: quâ ratione violatio legum in ipsis jam præsupponitur, ita ut ob eam perjuri non habeantur; sed tamen si jussui Magistratus non pareant, nemo utique eos à perjurii reatu immunes esse pronunciaverit. Juramentum *Officialium*: *Die Dienst-Pflicht*, quoad usque obliget, & an is statim perjurus sit, qui non ex assue facit officium suum? *Pufendorffius* expendit, *d. c. 2. §. 23.* Ulterius, quoad obligationem heredis, certum est, in eum juramentum defuncti, quoad reatum perjurii, non transire. Est enim juramentum personalissimum, vid. *Græv. ad O. 27. Gail. consid. 1.* licet in heredem transeat *obligationis necessitas*, & imò quoad hanc, cum defunctus v. g. *præcisè ad factum*, si præstari potuerit, obligatus fuerit, heres tamen ejus solum quoad interesse tenebitur, & in obligatione *danda* pecuniæ liberatur dando bona in solutum; maximè si præstatio pecuniæ difficillima & impossibilis futura sit. *Hodiern. ad Decis. 30. Surd. per tot.* Quid etiam si defunctus contractum *usurarium* juramento confirmasset? ita vero dubium non est, quoddam heres eum servare non teneatur: vid. *Meichsner Lib. I. Decis. 12. n. 47. 53. 165. & seqq.* Aliquando juramentum, quod defunctum præstare oportebat, prodest heredi, ut *pro præstito* habeatur.

Sed

Sed quæ in eo casu requirantur? vid. apud. Fabr. L. 14. C. Sab. tit. 1. def. 14. Gail. II. O. 43. Coler. I. Decif. 116. Mevium, V. Decif. 46. & ad Jus Lub. Lib. IV. p. 185. & 208. Num possit aliquis jurare in alterius animam? de eo nota est disceptatio inter Carpzov. & Oldencop. qui posterior argumenta adducit, cur Reip. & conscientiæ magis consulatur, si in propria persona ad jurandum partes cogeren- tur. Et tamen postquam procuratorem pro nuncio in hoc articulo juramentorum, habere soleamus, vid. c. ult. de procur. in VI. personalitas, quod minus per os alterius ipsimet juramentum enuncie- mus, non impedit; nisi quod in casibus nonnul- lis peculiari ratione adhuc dum juramenta per procuratores præstari non posse, constitutum sit. Superest, ut de contrariis jurisjurandi nonnulla subjungamus: Ubi quaeritur: si quis contra jura- mentum quid faciat, an hinc illud per se nullum sit? Et negatur, est quidem id illicitum & perju- rium inde committetur; sed tamen irritum haben- dum non est, v. g. quando quis juravit, se testa- mentum hoc revocaturum non esse, & tamen post- modum revocet, posterius hoc testamentum uti- que subsistet, sublatò priori: quia testamentum ex se revocabile est, & juramentum super ipsum actum ferri videtur, ut cum ipse retractari possit, juramentum non consideretur, nisi quoad juran- tem, quem perjurum efficit, conf. c. cum contingit. X. de jurej. c. 12. & 31. X. de Sponsal. si verò jura- mento simpliciter quis voluntatem suam firmave- rit: ne quidem, si deinceps eam mutet, inde per- jurus esse existimabitur: quia jusjurandum per se vim clausulæ derogatoriæ ad futura testamenta non habet, neque aliud vult, quam hanc esse testato- ris voluntatem: vid. Merenda Lib. IV. controvers. c. 50. quanquam aliter statuatur Finckelth. obs. IX. ut si causam habeat revocandi testator, revocare pos- sit, quia sic mutatis circumstantiis juramentum non amplius obliget. c. 25. de jurej. quod si causas non habeat, secus esse c. 70. eod. quæ sententia probari non potest, nisi juramentò se testator obli- gaverit, quòd hanc voluntatem revocare nolit. Quid si juramentum contra juramentum præstitum fuerit? prius servandum est, ut rectè Sanderfoni- us, de juram. promiss. prælect. 2. §. 11. An autem quis ex capite lisionis adversus juramentum in in- tegrum restitui possit? Franzkius disquirat L. II. resol. 4. n. 13. seqq. cumprimis autem n. 27. usque

ad finem. Denique Principem posse reddere irri- tum juramentum, antequam juretur, & vetare ne impleatur, postquam juratum est. Osiander ad Grot. L. II. c. 13. n. 20. frustra statuit, nec videmus tale quid unquam à Principe ullo susceptum esse; aded, ut nec quoad juramenta, quæ per latrones exiguntur, Principes simile quid audere, con- stet: Quod enim in relaxatione Urphedæ per con- stitutiones Imperii aliud quid provisum sit, ejus rationem jam supra exhibuimus. Nec juvat aded Osiandrum, quòd dispensatio ipsum juramentum respicere non videatur, sed materiam juramenti, & quidem futuram; quæ cum possit eventu ali- quò illicita esse, dispensatio in ea admitti debeat: Nec enim in casum res conjicienda est, ut suffi- ciat, si aliquò eventu materia illicita fieri possit, neque etiam materia iniqua juramenti obligationem tollit, si modò à jurante licitè præstari possit: ut aded potestas Civilis in his talibus, quæ conscien- tiam tangunt, magnà circumspectione uti debeat.

Et nunc de Justitiæ Obligationum tam quoad personas & res in illis intercedentes, quam etiam quoad modos, præcipuè in pactis & contractibus, dispiciendum est. Ratione personarum, princi- pia actionis humanæ supponuntur, & cumprimis quoad intellectum usus rationis requiritur: vid. Grotium L. II. c. 11. §. 3. unde impuberes licet na- turaliter quando pubertati proximi sunt, obligari dicantur: tamen cum perfecto nondum polleant judicio, vel ipsa æquitas naturalis jussit, ut LL. Rom. eam aetatem in effectu, (maximè quod ipsos impuberes concerneret) obligatam nollent, saltem quòd fidejussor, v. g. pro impubere interveniens, & quidem absque regressu ad impuberem, teneretur. Similiter mulieres intercedentes quamvis na- turaliter obligari videantur, tamen SCtum Velle- janum non minus rationem fortioris æquitatis se- cutum est, ut ne quidem ad Jus N. exactius pen- sitatum mulieres, ob imbecillitatem, videl. in hoc negotiò singulariter obviam, naturaliter obligaren- tur, adedque figuratè dicatur Jus Civile natura- lem obligationem per SCtum Vellejanum tollere; cum quidem, ubi verè naturalis est obligatio, eam tollere Jus Civile haut quaquam possit. In prodi- go intellectus deficere, & ipsò naturali jure, cen- setur; quod bona ejus attinet; quamvis quod de- licta concernit, aliter se habeat. Hinc ne quidem juramentò firmatus contractus prodigum obligat,

æquæ ac *furiosus* seu mente destitutus *jurandò* non obstringeretur, quanquam huic etiam accedat, quod *dispositio rerum qualiscunque* prodigo à legibus adempta fuerit, & sic objectum conventionis planè deficiat. Quoad *voluntatem* non tantum Pufendorff. *L. III. c. 6. §. 11. & 12.* sed etiam aliqui ex *DD. nostris* in eâ sunt sententia, quasi *metus* negotium, præprimis bonæ fidei ipsò jure nullum reddat: ita post Buium *ad l. 21. quod m. c. & 16.* Cujacium, Jac. Gothofr. *ad l. 116. de R. J.* quasi videl. consensus sustineat bonæ fidei judicia, qualis in meticulosa actione nullus sit, cum dolus eum auferat, metus verò non absque dolo inferatur. Hinc Pufendorff. procedere ait, quòd in Foro Civili restituamur in integrum, & actio solùm detur ipsò jure ob exceptionem metus in facto dubiam, super qua in judicio experiendum sit. Enimvero metum quoad principium si spectemus, necessitatem voluntati contrariam habet, sed si post principia eum attendas, secus est, nam ita *voluntarius* est actus, non tantum ratione finis, ut majus malum evitemus, sed & ratione principii interni, voluntatis, quæ deliberat, eligit, imperat; unde quod infirmitas negotio per restitutionem in integrum inesse arguatur, illud non ex involuntario, aut defectu adeò Principii actionis moralis, nec præcisè ex injuriâ metu illatâ (prout Grotius *L. II. c. 11. §. 7.* velle videtur,) verum inde procedit, quòd simul *damnum iniquè* patiatur is, cui metus illatus est: Hinc ne quidem is restituitur, cui vis à creditore suo adhibita est, ut solveret, sed vis aliâ ratione coërcetur, vid. *l. 12. in fin. & l. 13. quod m. c.* multò minùs consensus in negotio meticuloso deficit: nam *dolus*, qui metui inesse dicitur, tantum *materialis* est, quatenus nihil planè, quò delinquimus, à dolo vacat: sed ut *dolus formaliter* pro *circumventionem* accipitur, ita eum, qui metu adigitur, conditiones & circumstantiæ negotii non latent. Conf. Hornej. *Lib. III. Philosoph. moral. c. 4. §. 11. & DD. ad dict. tit. quod m. c.* ubi exponunt Illi, cur *dotis* negotium & quæ *spiritualia* habentur, (ut religionem ingredi, matrimonium inire,) ob metum *ipso jure nulla* esse existimentur? Cætera de *subjecto* Obligationum alibi plenius exponuntur: nostrum est hòc locò, ut tantum spicilegia faciamus, indequè ratione *objecti* non minùs aliqua solùm, quæ præcipuè notanda sunt, adducemus. Sit autem promissio rei *possibilis*, nam

promissio rei saltim moraliter impossibilis non obligat: num verò ea promissio, quæ *ob rem moraliter impossibilem* sit, obligare quem possit? de eò vid. Grotium commentat. *L. II. c. 11. §. 8. & 9.* Illud certum est, quòd *de facto* impossibile est alicui, illud nihilominùs rectè ab aliis promitti posse, frustra dissentit Hobbes. *c. II. §. 18. de cive.* Quod verò non uni vel alteri, sed quàm plurimis impossibile est, licèt *moraliter*, ad illud promittendum indiscretè quilibet admitti non debet: quale quid est *virginitas* seu *continentia perpetua*, quam ab integro Ordine *clericorum* Pontificios exigere indignum est. *Ob rem moraliter impossibilem* seu turpem, si quid promittatur, obligationem nasci posse jam antè diximus, ut tamen distinctione hìc opus sit, quando faciliùs retineri quid ex turpi causâ, quàm peti potest: ita quòd *meretrici* datur, ubi quæstus meretricius in Rempubl. receptus est, illud repeti non potest, quia nec turpiter accipit mulier, quæ professione receptâ utitur, nec frustra præbet alter, quia pro usu corporis pendit, quanquam aliàs fœmina nequam domina corporis sui esse videatur, nec voluntas dantis recta sed peccaminosa sit, indequè totum negotium quâ firmitatem Civilem, ex hypothesi legislationis permissivæ pendeat; quam quidem nemo probaverit. Ceterum ad mercedem post turpe factum an stipulator agere possit, quæritur? Existimat Grotius *L. II. c. 11. §. 9.* quia jam merces non sit illex mali, quippe patrati; Sed rectiùs Pufendorff. *L. VII. c. 7. §. 8.* quòd non minùs adhuc sit pensatio sceleris & complementum. Per accidens negotium fit injustum, quando in eodem *inequalitas* admittitur, quæcunque etiam fuerit, nec enim læsio *infra dimidium* lædentem tutum facit in *conscientiâ*, siquidem non juvat eum lex permissiva, non etiam quòd *volenti* (v. g. emtori) non fiat injuria, non quòd lex de pretiis & rebus statuere possit, ut in præscriptione, atque sic emtor rei viliori pretio emptæ ab ipsa lege justus Dominus videri possit: nam licèt, quando pretia rerum variant, & simul conditiones hominum & occasiones diversæ expendantur, nemini scrupulus ob hoc moveri debeat, quòd viliius fortè rem à quoquam emat: ita si emtorem inæqualitati studere certum sit, licèt venditor propositum decipiendi in foro ostendere non possit, emtorem lex civilis tutum in *conscientiâ* non reddet; nam lex solùm

solum in foro *exteriori* lationem intra dimidium permittit, & simul *fraudem* omnem & deceptionem severè inhibet, adeoque non approbat iniquitatem, ab ipso emtore v. g. decipiente agnitam, quoad forum *interius*: deinde venditor vel emtor deceptus non vult absolute, sed *involuntariè*, vel ex *ignorantia* iusti valoris, vel *invitus* ex necessitate, dum rem aliter comparare vel vendere non potest. Lex autem non *addicit* rem eâ ratione ut in *præscriptione*: quin imò præscriptionis longè diversa est conditio, quam simul *bona fides* præscribentis & *negligentia* possessoris, tum & *ratio* multò magis *publica*, certitudo sc. dominiorum, tuetur. Ex quo facile intelligitur, quâ ratione dicant JCTi L. XVI. de minor. quod *naturaliter*, se liceat circumvenire, id quod Grot. L. II. c. 12. §. 26. malè intelligit de recepto more atque consuetudine, & nos rectius in *superioribus*, quod videantur partes inæqualitatem quampiam sibi condonasse, cum aliter natura & conditio *commerciorum* non admittat. Cum verò non tantum res, sed *facta* & quidem etiam, quæ ab aliis nobis inferuntur, *patienda*, in obligationem deducantur, quæritur, an quis se possit obligare ad perferenda mala, *firmitatem animi humani* superantia: ut vulnera, & ipsam mortem? Hobbesius negat d. §. 18. nec non Pufendorff. L. III. c. 7. §. 5. ut tamen ad *probabile* mortis periculum subeundum, cum potestate ad extremum repugnandi, quis omnino obligari possit; ut in Cive pro patria & quolibet milite fieri videmus.

Ad *formam promittendi* varia promissionum genera pertinent, quæ SCti Rom. in *Pacta* & *Contractus* distinguunt, nam *pollicitationi* quidem inter conventiones locus fieri non potest; quippe quod hæ acceptionem requirant: de quò *superius* jam visum est. Cur autem promissio illa conventionalis, quæ *Pactò* fit, inter *Romanos* ad effectum *actionis* producta non fuerit? cum tamen ex quolibet pacto obligatorio, modò *deliberatum* sit, *jure N. seu G.* actio nascatur, inde procedit, quod cum *Legislatores Rom.* multas inde lites vererentur, si disceptari potuisset, num pactum aliquod *deliberatum* fuisset, nec ne? idè ex cæteris quidem negotiis consensualibus, illis scilicet, quæ quod frequentissimè susciperentur, certam *formam* sortita fuerant, actionem competere voluerunt, ut *ut solo consensu* constarent; ex pactis verò non

æquè, nisi *causam* sortita essent, id est *datio* vel *factum* intervenisset: quâ ratione in contractum *innominatum* transibant, atque si quid *verbis* contrahi vellent, præter contractus consensuales, ut *stipulatione* seu *verbis conceptis* id perficeretur; secus nulla inde daretur actio, quantumvis promissio *deliberata* fuisset. Ex quo apparet, animum *indeliberatum*, ad actionem ex pacto denegandam, non facere, cum ne quidem ex pacto *deliberato*, Jure Civili, actio competat. Et si tamen animum *deliberatum* non haberet ullum pactum, non dici posset, ex quolibet pacto nasci obligationem naturalem, & vi hujus obligationis exinde remissiones effectus competere. Videlicet ne planè inanes essent & frustraneæ promissiones illæ promiscuæ pactis initæ, idè *Legibus Rom.* placuit, Prætorè vel maxime suppetias ferente, ut cumprimis ad *liberandum* pacta illa proficerent; nec non si postmodum vel actu *geminatò*, velut in *constituto*, vel quò promissio illa *nuda* firmaretur, ut in *pignore*, item *fidejussore*, pactis accedente, de enixâ voluntate promittentis constaret, per *indirectum* saltem effectum quendam pacta sortirentur. Nam illud quod *Mæstertius* tradit lib. 1. ad *Just. LL. Rom.* c. 2. n. §. 45. qs. ex pacto *Jure* etiam Civili actio detur, satis refutavit Tabor in *Partit. elem.* p. 151. seqq. it. Hahn. ad *Wesenb. Tit. de pact.* Quod verò *Connani* doctrinam attinet, illam quidem Grotius & post eum Pufendorff. L. III. c. 5. §. 10. rejicit. At verò *Connanus* omnino refelli non meretur, quando ait eum, qui citrà stipulationem promittit, nec servat, quod promiserat, contrà *fidelitatem* agere, quia in animo perfectè promiserat, sed non contrà *justitiam*, quia promissario nullum jus inde fuerat quæsitum, in foro scilicet *exteriori*; quanquam utique promissio *deliberata*, quæ pacto fit, distinguenda sit, ab ea promissione, quæ fit animo, *non se obligandi*; sed tantum *affectum* ergà alium, vel desiderium aut propositum suum, ei beneficiendi, declarandi causâ, vel quæ *civilitatis* gratiâ, maxime verbis generalibus suscipitur, ut v. g. omnia mea usui tibi sunt, pro lubitu; nam ea promissio obligationem non inducit; imò promissio non est, sed declaratio & memoria beneficii accepti, & inde pendentis obligationis, quam *minus plenam* esse constat, ut ne quidem *inter Gentes* actionem producere possit; cum omnino turpe sit, pro beneficio pretium poscere.

Quid verò nomine *pacti* intelligamus, in Dissert. de *Pactis* distinctè expositum est, & malè Hobbesius, d. c. 2. §. 9. 45. quòd pactum illud sit, quando vel solum ab alterutrâ, vel à neutrâ parte quid præstatur, sed *fidem sequi* necesse est; contractum verò quando uterque statim *præstat* id, de quo conventum est: malè etiam Pufendorff. L. V. c. 2. §. 34. quòd *pactum* versetur circa alias res & actiones, quàm quæ in *commercium* veniunt. Nam Pufendorffius quidem eâ hypothesi nititur, quòd pactum naturali Jure à Contractibus non distinguatur, quoad illud pro objecto *res promercales* habet. Et tamen prout certum est, non finè ratione naturali jûs Civile pactorum naturam à stipulationibus & aliis contractibus, sc. consensualibus, distinxisse: ita nunc quidem *moribus nostris* adhuc pactum pro *indeliberato* habetur, & idcirco, non quâ pactum, præcisè videlicet, sed quâ *serium & deliberatum* est, actionem producit. Ex quo sequitur, eum qui inconsultò aut temerè nec firmiter animi proposito se quid promississe probare vult, admittendum esse, ut jure pactorum *pristinò* i. e. infirmo fruatur: nam ita adhuc inter stipulationes & pacta differentia intercedit: vid. Franzkium *Exercit. X. quæst. 1.* & Christinæum vol. II. dec. 91. qua de re in *aph. 19.* dissert. d. *pact.* pluribus egimus. Ut adeò traditiones ejusmodi Doctorum Juris G. nulli alii usui sint, quàm ut non tantum *civem Rom.* in foro suo, sed etiam inter *Gentes* versantem confundant: cum quidem populi *Europæi* eosdem terminos & appellationes contractuum eum *Jure Rom.* servant, nec utique eum illis per *commenta* unius vel alterius, sed per receptas doctrinas agatur: id quod præcipuè ad Grotium L. II. c. 12. advertendum est, in quo *capite* multa sunt, quæ reprehendas: nec causæ quid habuit Grotius, cur à *Jure Rom.* recederet, nisi quòd videri voluerit, *Jus G.* traditurus in præcepta *Civilia* seu terminos *Rom.* (qui tamen non minus *Gentium cæterarum* sunt,) non incidisse. Utique tradita *Grotiana* infinitis instantiis patent, atque plura in illis falsa, manca & confusa sunt. Dum itaque Grot. d. Lib. II. c. 3. & cum eo Pufendorffius L. V. c. 11. & in *Elem. p. 173.* contractus *innominatos* cum *nominatis* confundit, uterque autem contractus in *onerosos* & *beneficos* distinguit vid. Pufendorff. d. c. §. 8. 9. atque *mixtos* contractus, quales in *emphyteusi*, puta ex locatione &

emtionem venditionem, & in *aurifice*, quando ex auro suo anulum facit, ex emtionem & locationem, statuunt, merito eos deserimus, & *receptis* nitimur doctrinis, quæ & ipsi *juri N.* conformes sunt, & negotia optime distinguunt; prout ratione contractuum *innominatorum* exposuit Bachov. ad *πεῶτα. de pact.* p. 566. n. 3. Nam *nominati* quidem utiliores ac frequentiores, & hinc nomina exacta magis & ordinata sunt; indeque actio ex istis, cuique specialior, comparata est. vid. l. ult. C. de *interd.* cum quidem in contractibus *innominatis*, prout negotia cetera extrâ nominata eorumque terminos innumerabilia sunt, & in millenas formas abire possunt, vaga, inconstans & communis contrahendi remansit ratio; ut propterea remediis inde necessariis vaga & generata nomina actionum *Præscriptis verbis* & in *factum* imponere oportuerit. vid. omnino *Ægydium Hortensium pecul. tract. d. præscript. verb. p. 33. seqq.* Non etiam *beneficii* ratio ejusmodi est, ut tota possit quadrare in contractus commodati, mutui, mandati, depositi, nisi in quolibet cæterorum contractuum *beneficii* quid subesse non posse, asseras, qui tamen & ipsi inter amicos & benignâ sæpè ratione ineuntur: Videlicet potius ita confundimus negotia & eorum præstationes, quàm ut eadem discernamus. De *mixtis* illis, quos dicunt, contractibus, etiam *ICTos Rom.* sollicitos fuisse, non tantum ex constit. *Zenoniana*, sed aliunde etiam apparet, quando videl. in creditum iri dixerunt; in specie illâ cum *aurifice*, cui aurum nostrum præbemus, vid. l. 34. *Loc. & similes.* Aded Illi rem accuratè satis definirunt, ut *mixtura* inibi nulla locum habeat. Quâ autem ratione contractus *innominatus* per *causam* distinguatur, hoc est, dationem vel factum, à contractu nominato, & simul etiam toto suo genere à *pactò*, satis constat. De eo solum inter *ICTos* nostros disceptatur, quò sensu contractus *nominatus causam* habere dicatur. l. 7. §. 2. 4. d. *pact.* & *passim*, sc. non intelligitur ibid. externa aliqua seu impulsiva seu efficiens causa, ut quidem *efficiens* in pactis *legitimis* reperitur, sed *interna*, tum *materialis*, i. e. negotium, tum *formalis*, quòd nempe Civile sit negotium illud seu ad actionem ob utilitatem suam in *Civitate* receptum, quod *συμβαλλάγματος* nomine exprimunt; vid. Franzkium ad §. 2. *Inst. d. oblig.* In specie verò *nominati* contractus, tum *reales* sunt, tum *consensuales*, item

item *literales & verbales*. Et quanquam hæc genera contractuum nominatorum potiora sint: tamen *permutationem*, speciem illam contractus innominati, antiquissimum genus & simplicius venditione, censet Grotius *L. II. c. 12. §. 3.* Interim in statu integritatis nec emptio nec permutatio obtinuissent, sed communicatio potius rerum benignissima, licet non etiam communio, ut *suprà* dictum est. Reales contractus non ab *objecto*, nam & in cæteris *res* sæpè intervenit, sed à *formâ* dicuntur. Ubi de *mutuo* observandum est, quod Salmasius *L. 1. de usur. p. 217. & 218.* in eo usum tantum rei, non proprietatem, transferri, & sic in mutuo alienationem non esse, statuatur. Cujus quidem argumenta peculiari *Diatribâ* Wissenbachius resolvit, item Tabor, in *Traët. d. oblig. success. in off. c. 8. & in partit. Elem. p. 3. sect. 4. §. 25.* Et res eò redit, quod in mutuo non *quantitas* alienetur, sed tamen *corpus* quantum, quod nec restituitur in specie, ut constat. Ceterum de *SCti Macedoniani* æquitate, quoad mutuum à filiisfam. acceptum, *alibi* disquirimus, & constat sanè, quod totus favor ejusdem in *retentione* consistat, nec ita se habeat, prout in cæteris, quæ *naturaliter* indubitata sunt; quippe quæ soluta *repeti* possunt. In *commodato* ob supervenientem inopiam necessitatem commodantis, ante usum, rem revocari posse ob naturalem æquitatem, placuit: cum tacite id actum videatur, ut commodans fidem servet, *rebus* sic *stantibus*, commodatarius vero detrimentum recipiat *per accidens*: siquidem non damnum hoc, sed evitatio proprii detrimenti à commodante *intenditur*. Unde si quis rem in alium *abdica-tivè* transferat, velut per *donationem*: ita ex *necessitate* *superveniente* revocari non posset: nisi quod de supervenientia liberorum in donatione LL. civiles aliud iustâ ratione constituerint. Quod verò Pufendorff. ratione periculi in *commodato* *L. V. c. 4. §. 6.* opinatur, commodatarium de casu etiam fortuito teneri, quando res commodata ap. dominum æquè casu peritura non fuisset, illud omninò iniquum est: Equidem limitat ille *L. XVIII. in pr. L. V. §. 4. & 7. commod. & rejicit L. XIX. eod.* cum quâ committit *L. XII. §. 1. eod.* ad quos textus autem facillè quis Pufendorffo satisfecerit, vid. omninò Busium *p. 507.* ubi an etiam de damno ab aliis datò commodatarius teneatur, item *Besoldum in Delib. P. 2. p. 87.* Quoad De-

positum non minùs ratio naturalis fugit Pufendorffum, quando *L. V. c. 4. §. 7.* statuit, quod in eo culpa levis, & nonnunquam etiam culpa levissima præstanda sit: Nam, licet quoad doctrinam *præstationum* in universum unâ regula uti non possimus; siquidem in mandato v.c. quandoque lata culpa, aliquando etiam levis præstanda est, & ita in nonnullis aliis, sicut & in *Deposito* præstationem levis culpæ aliquibus casibus *Nostrates* admittunt; ut, si depositarius se obtulerit, si usum ex re depositâ habeat, si honorarium acceperit, & inò levissimam, ut in *L. IV. d. reb. cred. quin & periculum planè seu casum*, in Deposito irregulari *arg. L. 9. C. d. pign. ost. junctâ L. 11. C. si. cert. pet.* aut si casum mora præceperit, si semel dolò malò rem distraxerit, *L. 1. §. 21. depos.* Tamen Communiter in Deposito dolum solùm & latam culpam præstari debere placuit; ob rationem in *L. 5. §. 2. commod.* expositam: quæ tamen ipsa ratio in iis contractibus & negotiis, qui non utilitatis sed *amicitiæ* causâ suscipiuntur, non obtinet: Quare in *negotiorum gestione* it. in *mandato* culpam levissimam præstat is, cujus nulla est utilitas. Vicissim utilitas Tutoris in *Tutelâ* intercedere videtur, licet salarium ille non habeat: quia qui *publicam* salutem curat, curat suorum salutem & propriam. Est etiam hoc observandum, quod *culpa levis* à levissima naturâ suâ & causâ apertè distinguatur, & satis suppetat subsidii, per quod ad textus Juris Civilis, quibus nonnunquam confundi videntur auctores, responderi possit, nec enim quisquam præstationes culparum accuratius, quàm *SCti nostri*, in speciebus singulis, expenderit. Quod porro Pufendorffus docet, depositarium posse uti re depositâ, si nil indè minuat, *L. V. c. 4. §. 7.* malè habet; Quin potius furtum ille committit, *L. 29. pr. & L. 3. C. depos.* nisi cum probabili ratione putaverit, id sibi Deponentem permissurum esse. Unde si pecunia non *obsignata* deponatur, depositarius eadem utendò furtum non committit. *L. 25. b. junctâ L. 76. d. furt.* De *Pignore* Legibus Rom. æquum visum est, posse etiam illud ob *chirographariam* pecuniam retineri. Rationem DD. satis exponunt ad *tot. tit.* hæc de re *Cod.* quanquam aliàs retentione rei pro debito diversi generis uti non liceat, quando jus quoddam in illâ re retenturus non habet; prout frustra conductor ædium v. g. domum finitò tempore

locationis pro credito, quò locator ipsi tenetur, retenturus esset: Succedunt contractus *consensuales*, quibus consensus non pro causa *efficiente*, sed pro *formâ* ut modò dictum est, deservit, ut tamen consensum non genericum sed *specificum*, velut in emtione venditione, in rem & pretium, intelligamus. Venduntur vero etiam res *incorporales*, ut nomina, de quibus iustissima est constitutio *Anastasi* L. 22. C. *mand.* ad quam licet *Moralista* multa cumulent, quibus ostendant, posse casu nonnullò nomina *carius* vendi, etiam ultra dimidium pretii; tamen securius & multò majori cum fructu in tritura Forensi casus illos examinârunt *Nostrates JCTi*: vid. præ cæteris *Oleam de cess. jur. & act.* & *Josephum Urceolum* in *Consult. forens.* 51. Illud etiam quærun in emtione *Naturalistæ*: An venditor *venditæ rei vitia* publicè significare teneatur? quod quidem rectè negant. Interim is accedenti emtori utiquè ea indicabit, quippe quòd is nonnunquam rem ex parte vitiosam emit nihilominus: manifesta autem detegere non obstringitur: quæ exactè etiam *JCTi Rom.* ad *Tit. de Edil. edict.* exponunt. Nec iniunus quoquè de periculo rei emtæ accuratiores illi sunt *Grotiò*, in L. II. c. 12. §. 15. & aliis: Imò *Grotius* meritò ab *Hahnio* ad *Wesemb. d. contrah. emt. n. ii.* refutatur, cumprimis quòd doctrina ejus multa habeat *confectaria*, quæ nec Foro probari possunt, nec rationi. Neque enim, quòd *periculum rei venditæ*; ante traditionem, emtoris sit, exindè procedit, quasi ex dominio rei venditæ susceptio periculi pendere, & cum *Grotio* fingi debeat, emtorem ante traditionem dominum esse; sed ratio juris Civilis potior in eo est, quam *Grotius* non vidit, quòd venditor perfectò contractu solùm constituatur *debitor speciei*, & ad eam jus acquirat emtor, hætenus, ut ei *affecteda* sit, venditor autem specie peremtâ, vel absque culpâ sua deteriorata, liber & à præstatione ulteriori meritò immunis habeatur. Non etiam *Pufendorffius* rem tetigit, dum L. V. c. 5. §. 3. in periculo rei venditæ præstando *moram* esse respiciendam, ait, penes quem illa reperiatur. Nam licet hoc suò modò verum sit, rem tamen totam non conficit, quoniam sæpè in morâ non est emtor, & tamen periculi præstatio in eum redundat. De *locatione* hoc tantum (nam cætera etiam *JCTi Romani*, cumprimis ubi ad singularia & speciales

casus devenitum fuerit, rectius & securius expediunt) ad *Pufendorffium* L. VIII. c. 2. §. 9. observandum est, quòd malè ibidem contractum *do ut facias* cum *locatione* eundem esse doceat. Non enim de jure tantum Civili, & in Foro nostro, sædam ejusmodi doctrinæ confusionem pariunt, sed etiam quoad naturalem rationem, & in ipsis rerum argumentis, illa negotia satis discernuntur. Quoad *societatem* non est, quod longius excurramus, eò quòd in *Legibus* nostris *civilibus* quæstiones illæ, quas *Naturalistæ* suas faciunt, optimè resolvantur; veluti de *proportione* lucri & damni, item quâ ratione si pecuniam unus, alter operam conferat, finitâ societate, si maximè opera frustra impensa fuerit, alter pecuniam *præcipuam* habeat; siquidem ille non substantiam sed usum ejus communicasse censetur. Nec non, si plures socii concurrant, quomodo ex unius facto cæteri quibuscum uni negotium est, ceteris sociis obligentur? de quibus *Stracha*, *Felicius*, *Seaccia* latius videri possunt, & præ cæteris *Rota Gemuensis* in hoc articulo non minùs, ut in genere quoad commercia, commendabilis est.

Deniquè *Mandati* eadem est ratio, & jejuna sunt, quæ *Naturalistæ* in his talibus adferunt, si cum *Nostratium* doctrinis conferantur; & nil ferè *Grotius*, L. II. c. 16. §. 21. nisi quòd mandatum per æquipollens impleri posse doceat, quando forma mandati generalis fuerit; Licet rectius habeat distinctio inter mandata *publica*, ut sunt *Legationum*, & quæ *privatorum* gratiâ suscipiuntur. *Litterarum obligationem* Civilis instituti esse facile constat, ut tamen ipsa non minùs præsumptione æquitatis nitatur. Similiter de *stipulationibus*, quòd illæ Civiles sint, constat, & tamen cum totam rationem verbis se obligandi *Romani* in stipulationum doctrinam intulerint, de æquitate conventionum naturali non melius, quàm si stipulationum doctrinam exactè noverimus, constare potest. Equidem *fidejussores* etiam stipulatione constituuntur, quanquàm eorum, qui securitatem obligationi præstant, eive *accedunt*, varia etiam genera sint, cum *fidejussoribus* non confundenda. Cæterum *Naturalistæ* vel hanc solùm quæstionem movent, quâ ratione *pro delicto* *fidejussor* intervenire possit? quam tamen nemo rectius quàm *Rom. JCTus* expediverit, cum satis

non

non sit in superficie rem considerasse, sed circumstantiæ innumeræ exquisitam magis decisionem, quæ non nisi ab exercitatō in Tribunalibus ingenio expectari potest, desiderent.

Denique post veros contractus succedunt *quasi contractus*, quorum multæ sunt species, siquidem in *Institutis Justinianeis* tantum frequentiores exprimuntur. Totum vero hoc genus contrahendi non ex *tacitâ voluntate*, siquidem etiam *verè* per tacitam voluntatem, ut in mandatō, societate & aliàs contrahitur; Sed ex *presumptâ* potius

per legem ex facto *qualificato* conficitur. Obligatio vero *ex delictis* privatis suo modō huc etiam referenda est: nam & in illis, cū rationem patrimonii concernant *συνάλλαγμα* quoddam, licet *involuntum*, reperitur; quapropter omnia illa delicta *ex re* nasci dicuntur, h. e. ex *facto*, quā opponitur *voluntati* se obligandi, non litteris, verbis &c. ut postquam factum infectum fieri nequit, is qui delicto læsus est, *fidem* delinquentis æquivocè *sequi* velle videatur, quod probè explicuit *Franzkius* in *Exercitat.* &c.





JURIS PUBLICI
UNIVERSALIS,
SIVE,
DE
JURE CIVITATIS
LIBER III.
QVI EST
DE JURE ADMINISTRANDI
CIVITATEM.

CAPVT I.

De

Legibus & Consuetudine.

ARGVMENTVM.

Partitio eorum qua in administratione vertuntur. Administratio duplex, interna vel externa. Ad illam primò spectare legem, qua definitur. definitio explicatur. De privilegiis. Virtutes legis, inter eas non esse suadere. Ad futura tantum referri legem. Ad essentiam ejus non pertinere scripturam. De consuetudine, ejus requisitis & efficacia.

I.

Postquam de jure Imperantium & eorum, qui subjectisunt, singulis libris egimus, superest ut de civitate administrandâ, quatenus ad juris rationem pertinet, eâdem quâ coeptum, brevitate persequamur. *

* Grotius lib. 1. c. 3. §. 6.

II. Par-

II. Partes administrandæ Reipubl. alii plures alii pauciores enumerant, Grotius ita partitur; Qui civitatem regit, eam partim per se, partim per alios regit. Per se autem versatur aut circa universalialia aut circa singularia. Circa Universalialia versatur condendo Leges easque tollendo tam circa sacra quàm circa profana. Singularia, circa quæ versatur, sunt aut directè publica aut privata quidem, sed quatenus ad publicum ordinantur. Directè publica sunt actiones, ut pacis, belli, foederum faciendorum, aut res, ut vectigalia, & si quæ his sunt similia; in quibus & dominium eminens comprehenditur. Privata sunt res controversæ inter singulos, quarum disceptatio juris quidem privati est, sed cura & dispositio generalis de illis ad jus publicum spectat. Quæ per alterum expediuntur, ea per Magistratus aut alios geruntur ministros, quales & Legati. Nobis quidem hæc partitio materiam suggerit dicendorum, quæ obiter in capite de juribus Majestatis pleraque occupata sunt; ordo tamen simplicior magisque *historicus* (a) placet.

(a) HISTORICVS. Ita ut de facultatibus ad interna Reip. pertinentibus prius agatur, & sic de *judicialibus* tractetur ante ea, quæ *consulativa* sunt, seu mediæ potestatis & prudentiæ, quam & *βουλευτικήν* appellat *Aristoteles*; quippe quòd hæc ad *exterorum* negotia cum Reipubl. nostrâ communia se porrigat, indeque illam ultimò loco Auctor expendere magis ex usu futurum esse reputaverit: Quanquàm vero certum sit, *legislatoriam* quidem

potestatem ad interna solum Reipubl. pertinere; Tamen *judicialia*, cum ea non modò ad Magistratus respiciat, verùm etiam facultatem in univèrsum contineat, judicandi de omnibus actionibus tam civium quàm *exterorum*, sec. id quod justum est, non ita capienda est, ut solum ad forum *intrà* Reipubl. & omnium minimè ad actiones tantum *privatorum* restringatur.

III. Est igitur administratio duplex, aut enim spectat internam constitutionem civitatis vel habet respectum ad externos. Ad illam spectat primo Legislatio. Nihil enim prius in civitate Imperio fundata solet esse quam Legibus ordinare Rempublicam. Proinde non intelligi hoc loco Legem Naturæ, Gentium & divinam, sed *duntaxat civilem* (b) res ipsa loquitur.

(b) DVNTAXAT CIVILEM. Neque aliam propriè legem esse, quàm civilem, *Gassendus* ait, *Philos. mor. p. 152.* licèt ratio, quam ibi adducit, quòd lex sit pactio Civitatis, & sic ex instituto, malè habeat. Cæterum *jus à Lege* ita discernunt, ut prius licèt lege non comprehendatur, tamen virtute suâ obliget, cum *jus commune* eò nomine

magis designetur. Equidem *finè lege* vixisse populum unum alterumvè communis traditio est, quam post Tacit. III. ann. 26. *Boxhorn. L. I. c. 9.* in explanatione, recepit: At vero nullum unquàm populum *finè lege* vixisse verius est, ut ostendit *Boeclerus Diss. IV. polit. ad d. Loc. Taciti p. 356. & seqq.*

IV. Hoc modo sumpta Lex *definitur*, (c) Commune præceptum summæ potestatis honestati conveniens, omnesque subditos ad parendum obstringens. * Dicitur *Commune præceptum*, quia non *de singulorum* (d) sed universis rebus, *non de raro contingentibus*, (e) sed de his quæ ut plurimum eveniunt, concipi solet. Quod à *summa potestate* proficisci debeat, & quid inde observandum, suprà in capite de iuribus Majestatis dictum.

* Vid. JC. l. 1. l. 3. seqq. de Legib.

(c) DEFINITVR. Alii dicunt, Legem esse orationem, Pufendorsius L. I. c. 6. §. 4. esse decre-
tum, quo superior sibi subiectum obligat, ut ad istius præscriptum actiones suas componat. Alii retinent definitionem in L. I. §. II. ff. b. & quando lex inibi dicitur communis reip. sponso, tunc nonnulli omnem legem dicunt esse à *conventione*. Quamvis autem Græci, (prout Auctor definitionis legalis est Demosthenes,) ad *Democratias* respexerint, & in statu populari Reipubl. Rom. per stipulationes seu *rogationes* lex ferretur; tamen hodiè in Rep. Monarchica non ampliùs Lex, quàm talis est, per conventionem fit, nisi quàm lex per conventionem seu *præconsultationem* præparatur, ac si Cæsar rogaret populum Rom. num ita consultum Reipubl. putet, legem ferri; quo factò deinde Lex *subsequitur*, quam solus edicit Cæsar. Simili ratione Principes in suis Territoriis cum *statibus* Provincialibus in id *conveniunt*, quod deinceps *Edictò* statuendum est, hinc formulæ, *Reichs-oder Stände, Gutachten, Reichs* it. *Landtags-Ab-schied*. Equidem in statu populari, idem qui consensum præbebat ut singulus, legem dicit ut in universitate constitutus; sed non ita in *Monarchiâ*, ubi Populus sc. Majestate vacuus est: quamquam in statu populari non minùs conventio *modum* conficiat, quò Majestas se explicatura est. Aliàs enim in pacto dicitur faciam, in lege: fac, cum imperio & vi præsentanea. Illud falsum est, quòd ad legem requiratur subditorum *receptio*; licet suo modo verum sit, probandum esse, quòd lex *recepta sit*, certis nimirum circumstantiis, quæ vigorem legis in dubium vocent, apparentibus. vid. Menoch. II. d. *presumpt.* 2. & Frider. Martini c. 4. n. 67. §. 76. de *jure censuum*. Nam sæpiùs lex protinus ab initio evilescit, ut N. A. vom Zutrincken.

vid. Tabor. de altero tanto P. 2. art. 1. n. 6. Sed oportet, ut Principe sciente hoc fiat; secùs enim usurpationis erit, quæ legi non officit, ut cautè sint accipienda, quæ docet Carpzovius II. Decis. 1. junct. Gail. II. O. 60. n. 3. Cothmannò I. conf. 21. n. 74. & II. Consil. 51. n. 297. quàm non quidem ad essentialiam legis, sed tamen ad *existentiam* ejus requiratur populi usus & observantia. junde dict. Taborem de Confront. p. 58. §. seqq. it. Camisium ad c. 5. de reb. Eccles. non alienand. n. 10.

(d) DE SINGULORVM. Vid. l. 8. de LL. non obstat, quòd jus *singulare* detur l. 16. eod. nam illud tale non dicitur, quoad *subiectum*; (ad quod æquè & imò majori ratione *ad commune* referre poterat A.) ita enim *universos* cives obstringit; sed ob *formam*, quòd Jus tale *contra tenorem rationis communis* introductum sit. l. 15. ff. de reb. cr. Privilegia vero non minùs jura *specialia* sunt (non item *personalia*, de quibus *infra*) & vel integram *causam*, ut dotis, vel plures *personas*, ut militum, clericorum, sub nomine *appellativò*, contentas attinent, atque *communis* præcepta hoc respectu non minùs dici possunt. Et licet alicubi præcepta esse *personalia* videri possent: L. 3. §. 8. C. de LL. tamen ex mente legislatoris vim *universalem* habent. vid. §. 6. in f. b.

(e) NON DE RARO CONTINGENTIBVS. Consonat l. 5. de LL. nec obstat. tot. tit. C. de parric. Auth. *nausfragia* C. de furt. it. l. 20. C. de leg. t. hered. l. 7. §. 3. de A. R. D. & similes alia. Nam (1) dictam l. 5. non aliter intelligunt, quàm quòd sec. prudentiam legislatoris sufficiat, de his quæ sæpè eveniunt sancire, l. 10. eod. l. 3. C. ubi particula *potius* attendenda est, prout A. etiam hic dicit: concipi solet, vid. DD. ad l. 64. de R. J. (2) dist. est inter rara ex opinione agentis, quæ rara

rara propriè non sunt, ut furtum, parricidium, & similia; & quæ talia sunt ex opinione legislatoris. (3) si magna subsit ratio, cur de raris quid sta-

tuatur, non modò consultum, sed & necessarium est, de eis legem ferre; & eò non pertinet l. 5. b. ibi: constitui non oportet.

V. Debet etiam esse honesta Lex, hoc est, *non inhonesta* (f), ut nihil quod necessitati morali & divinis præceptis adversum præcipiat. Hoc enim si fiat, vim suam perdit cives obligandi, quoniam juris Naturæ & divini prior ac superior haud dubie est obligatio. Quod non æque dicendum, si quæ Lex dubiæ sit rationis, nec quare ita placuerit civibus constet; imò ne tum quidem, si contrarium probabilius videatur. Sufficit enim nihil in Lege necessario morum dictamini contrarium posse reprehendi. Hinc merito prohibent Legumlatores, ne quis in rationem Legis inquireat, nempe ita, ut si ratio sibi non liqueat aut minus probetur, tum legi obsequium sit negaturus.* Quo loco rectè *illud* applices *Hobbesianum* (g), non competere civibus discretionem boni & mali. Quoniam nihil magis ad resolvendam Imperii vim pertineret.

* V. JC. in l. 20. seqq. d. Legib.

(f) NON INHONESTA. Et multi tamen sunt, qui ad *essentiam* legis *honestatem* non requiri docent, prout nec 1.) ad *essentiam* Reipubl. pertinet, justam eam & rectam esse, & 2.) leges civiles injustas dari non modò ap. populos extrà Rempubl. Rom. Grotius notavit? sed etiam complures ex *Romanis* eo nomine adducuntur, ut in SCto *Siliano*, *Lege Majestatis*, & ea, quæ de corpore debitoris inter creditores *dividendo* XII. tabulis sancita fuerat; junge Mæstert. de *Just. LL. Rom.* & Antagonistam ejus Cyprianum Regnerum. 3.) *disfidentes* Leges in diversis civitatibus circà idem objectum reperiuntur, quarum una justa non esse videri potest, cum duo contraria justitia non definiat. 4.) in *rationem* legis inquirendum non est, & imò dari non posse legum omnium rationem proficitur JCtus l. 20. de *LL.* Enimvero si lex sumatur ἐξαιρέτως, ita non potest esse nisi justa, & hæc solum est, quæ *conscientiam* obstringit. Aliàs omninò lex esse potest, quæ vel non plenè justa, vel etiam injusta sit penitus, cumprimis si ad statum Reip. qui & ipse corruptus esse potest, pertineat: Ita Aristoteles capiendus est, III. *Polit.* 2. & IV. *Polit.* 1. Imò in privatis etiam lex potest

dici justa, quat. eà justior haberi non potest, aut quæ eligit id, quod minus injustum est, quâ ratione etiam lex una ad alteram in ead. Rep. comparata injusta seu non tam justa dici potest. Quamquam vero corrupta Resp. adhuc Resp. sit, idè scil. quia corruptela tantum est *sec. accidens* Reip. seu formam ejus accidentalem; tamen lex, si quæ injusta datur, internè & essentialiter destruitur, cum vim cogendi non habeat: nec verè, sed apparenter lex erit; Imò Resp. corrupta non dicitur à legum, sed ab imperantium corruptelâ, quia in illa quoque bonæ leges esse possunt; aliàs si verè sit corrupta Resp. hæc ad leges est accommodanda, non leges ad Reimp. si mediocriter, leges illam firmantes etiam malæ dici possunt; & sic *Aristoteles* restringi debet. Exempla legum injustarum, si rectè expendantur, omni ex parte subsistere non possunt, & vel publicâ saltim utilitate nitentur, nec omni ratione vacua sunt; ita SCtum *Silianum*, quod Grotius L. I. c. 1. impetit, satis Rom. JCti vindicant: Legem *Majestatis* tuetur *Jac. Gothofr.* integr. *dissert.* contra Grotium L. II. c. 21. §. 13. Lex de *dissecando corpore*, quam nunquam in usum venisse Mevius ad *jus Læb.* ex *Tertulliano* & aliis

& aliis ostendit, terruit potius fraudatores, quam punivit. Ad *tertium* facilis est responsio, prout enim diversi sunt respectus civiles in diversis Civitatibus; ita etiam leges non disparatæ solum, sed *contraria* occurrere possunt, indeque in eadem quoque civitate lex civilis *posterior* priorem, quarum neutra tamen Justitiâ aut ratione destituitur, sæpè tollit. Ad *quartum*, ratio non potest dari omnium necessaria, potest tamen *probabilis*: non potest eorum, quæ *statum* concernunt, nec debet à civibus: it. non potest illorum, quæ *merè positiva* sunt, & in *arbitrio* legislatoris *simpliciter* constituta, ut quod actiones aliquæ in duplum, triplum competant, quod 7. testes in testamento requirantur, quanquam & hoc causam suam habeat, ex *historia testamentariâ* nullò negotio ostendendam.

Imò si exactius *l. 20. d. LL. intusamur*, ad ea quæ juris *constituti* sunt, pertinet, quæ juri *recepto* opponuntur, & aded *comparativè* loquitur, videl. quanquam quæ juris constituti sunt, aliquam rationem habere possint, potissima tamen eorum ratio in eo est, quod sic constitui ea expedierit. Sed *recepti* juris alia conditio est, quia à prudentibus sine ratione apertâ recipi quicquam non potuit, imò quod quid antiquius populi moribus probatum & receptum est, eò certius sibi constat, id quod Jcti appellant *jus Commentitium. l. 20. de pæn.*

(g') ILLUD HOBBIANVM. Et tamen *Hobbesius* legem nosse, & imò certo respectu rationem ejus debere subditum, ingerit, *c. XIV. de cive §. 11. 12. & 13.*

VI. Dein dictum est in definitione, quod Lex omnes subditos obstringat, non cives duntaxat, quia Legis obligatio à subjectione dependet. Ubicunque igitur illa summæ potestatis est mens, ut omnes teneantur, ibi vis legis adeoque Lex est, quacunque formâ emittantur, sive ut Edicta, seu rescripta, vel ut epistolæ aut decreta.

VII. *Personales constitutiones* (h), quæ in gratiam vel in odium certarum personarum statuuntur, privilegia dicuntur, quomodo & Cicero Legem Clodiam, quâ in exilium actus, privilegium suum appellabat, maxime autem exemptiones à jure communi hoc nomine usurpantur.* His quidem æque obligantur omnes, ut respectu personæ privilegiatæ constitutioni effectum tribuant & tribui patiantur; sed ad alios eodem jure ornandos aut onerandos minime valet. In plurimum Imperiis privilegia propter studium æqualitatis rariora sunt, in Monarchiis aliquando frequentiora: scilicet, de his quæ vere sunt talia loquimur. Enimvero exemptiones, quæ integris hominum ordinibus, ut mulieribus, militibus, minoribus, pupillis, Fisco tribuuntur, etsi privilegia dicantur, diversi tamen omnino generis sunt; quia non singulis privatisque, sed universæ civitati concessæ videntur,

* *pr. Cicero in orat. pro domo sua.*

(h) PERSONALES. Quas hodiè dicimus privilegia, licet nomen privilegiorum ad constitutiones *speciales in Jure Rom.* relatum sit, indeque

confecta distinctio in privilegia *personarum & causarum.* Conf. Straush. in *Diss. de statutis à Summo Principe.*

VIII. Vir-

VIII. *Virtutes Legis* (i) à Ictis enumerantur hæ; Imperare, vetare, permittere, punire. Imperantur facienda, vetantur contraria, permittuntur licita: & quidem *permissio* (k) differt à tolerantia: * Nam quod permittitur id juris habet effectus, toleratur quod Lex impune saltem transmittit. Ita Lex Mosaica permisit divortia, Lex Romana concubinatum; sed meretricias libidines idem jus Romanum tolerat non permittit, ut aliæ civitates ebrietatem, ingratitude aliaque vitia, quæ ubique improbantur, nusquam puniuntur. Certe enim propter civiles rationes potest aliquid & tolerari & permitti, quod non sit honestum, utique propter necessitatem, haud perinde *ob utilitatem*. (l) *Suadere* (m) aut admonere non est virtus Legis, cum parendi necessitatem ejusmodi decreta habere non possint; quales illa Claudii Cæsaris, ut uberi vinearum proventu bene dolia picarentur, nihil æquè facere ad viperæ morsum, quam taxi arboris succum.** Sunt & Romani juris aliquæ admonitoria leges, majoris tamen momenti quam Claudinæ; sed neque Leges rectè dicuntur. Denique proprietas legis ut omnium præceptorum est, quod respectu futuri intelligatur, *ad præterita* (n) non pertineat, nisi casus præteriti temporis diserte exprimantur; quod in terminis habilibus justa ratione aliquando fieri potest.

* *JC. in l. 7. de Legib.*

** *Vid. Sveton. in Claud.*

(i) VIRTUTES LEGIS. Objectum autem legis propinquum sunt facienda & non facienda, seu actiones morales, & quæ ad societatem civilem seu publicam pertinet, civiles, atque hæ actiones spectari possunt, tum quoad objectum suum, tum quoad qualitates, prius dicit esse Pufendorff suppositivum, & eò statum hominis refert vel positivum, quod personas & res redigit! Quoad qualitates actiones sunt, vel invitæ vel spontaneæ illæ per ignorantiam, vel violentiam, quæ omnia latè quidem Pufend. L. I. c. 1. & per tot. exhibet, verum examine multò, cum primis quod à receptis scholarum terminis nullà necessitate recedat, omnino indiget. Melius utique insistimus traditis Horneji, & cum primis Daunbaueri, in quest. moral. ubi solida & elegancia depromit de fato & fortuna, de divinationibus, de libero hominis arbitrio, de ipsis hu-

manarum actionum principiis, de conscientia, de ignorantia, de voluntate & ejus coactione, de concursu Dei itemque de affectibus. Illud hic saltem observandum est, quod legislator quandoque veniam largiatur vitiis, quorum tanta sc. est pertinacia, ut iis corrigendis impar existat. vid. Dieterich. in Ecclesiasten ad cap. 7. vers. 14. Sed hoc eò non pertinet, quod Gros. tradit, L. II. c. 20. §. 19. quasi inevitabilia peccata non sint verè peccata: nemo enim ingratitude, quam legislator nullus planè tollet, peccatum non esse dicit: Senec. de element. c. 7. Nemo ebrietatem; quam mortalibus eximere non licet. Et imò ipsum peccatum concupiscentiæ, & peccata in irrogenitis & induratis verè peccata sunt, & tamen hi nequidem libere peccant, si libertatem in genere accipiamus.

(k) PERMISSIO. Hanc plenam dicunt cæteri, tole-

tolerantiam verò *minùs plenam* permissione, quæ iterum vel tantum *impunitatem* à pœna habet, quia vel deficit forum, vel leges civiles cujusque pudori & conscientiæ rem committunt, vel tantum habet libertatem ab *impedimento*: aut in eo *utrumque* reperitur. Cœterum *permissio* directè actio legis non est, sed actionis negatio, nisi quoad tertium, & hoc quidem quoad ea, quæ perfectè permittuntur: nam *eadem adulteri* in marito alius impedire non prohibetur, imò perfecta permissio magis à libertate non impedita agentis, quam à lege proficisci videtur. Interim etiam hætenus *virtus* legis esse dicitur *permissio*, quatenus (1.) Lex, intrà certum modum & mensuram, permissionem circumscribit, *tot. tit. d. usur. l. 20. § 21. ad L. Jul. d. adult.* (2.) quando ære quòpiam permissio redimenda est, quæ tamen species magis ad eam, quam *tolerantiam* appellat Auctor, pertinet: Exemplum esse in *meretricibus*, quæstum corpore facientibus. Et sunt plures, qui *lupanaria* ob multos respectus in Rep. utilia esse defendunt; maximè ne tententur matronæ & virgines castæ, ne prolis multitudine ad paupertatem familiæ redigantur &c. vid. Clapmarium L. IV. de arcan. Rerump. c. 19. Ammirat. III. Discurs. ad Tacit. 2. nam exemplum l. 27. de hered. petit. est facti, & nostris legibus tam *Justinianeis*, quam *Recessuum Imperii*, meretriciæ consuetudines omninò improbantur. Conf. Augustin. de Civit. Dei. L. XIV. c. 18. & Lib. XVIII. c. 21. Balduin. L. IV. c. 12. cas. Conscient. 18. Klock. Lib. II. de arar. c. 146. Carpz. II. qu. crim. 170. n. 10. ubi anno 1620. Romæ 1402. meretrices numeratas esse perhibet, quod & apud Limn. in addit. ad Lib. IX. c. 1. n. 86. reperitur.

(1) OB UTILITATEM. Quæ scilicet honestati adversatur, nam aliàs *utilitas* Reip. *solida* sc. illa, & quæ supremo juri adversa non est, finem legis conficit, quippe quòd utilitas ex ipso civitatis fine, i. e. ex felicitate & beatitudine petenda sit, quæ obtineri non potest per ea, quæ Deo adversa sunt; quanquam sæpè utilitatis æstimatio ambigua sit, cujus rei exemplum est apud Thuanum Lib. XLI. p. 460. seqq.

(m) SVADERE. Non obstat, quòd leges aliquæ inter *Romanas* reperiantur, quæ non præcepti sunt, sed *consilii*, ut Wissenb. movet Disp. IV. th. 10. Præterquam enim quod in Romanis legibus multa *philosophemata* reperiantur, *definitiones*, *divisiones* & similia, quæ tamen omnia *virtualiter* ad vim legum referuntur, ita etiam consilia à legislatore prodita hoc saltim volunt, quòd modus, quem suggerunt, legislatori placeat, utcunque ratione formæ, seu quâ suasionem continent, directò ad vim legis (præceptivam sc.) non respiciant.

(n) AD PRÆTERITA. Posse ad præterita per constitutionem Legislatoris expressè trahi Legem, non est dubium per l. 22. ff. h. l. 7. C. cod. junct. Coll. Argent. th. 23. Exemplum sunt apud Fridericum Martini de Jure censuum: c. 4. n. 110. Meichsnerum I. Dec. 12. & novissimè Philippi in Decis. Electorali Sax. 67. Quod tamen ita plerumque instituitur, ut quamvis ad *lites pendentes* lex illa porrigatur, imò etiam illas, quæ secundum LL. *priores* pro parte alterâ per sententiam definitivam decisæ, & per appellationem *suspensæ* sunt: (conf. Mevium V. Dec. 278.) tamen ad casus vel per rem *judicatam* decisos, vel nunquam in *judicium deductos*, aut per *transactionem* jam sopitos, Lex nova, quamvis expressè ad præteritos casus extensa, non pertineat; veluti nuper, cum Dux Guelpherbytanus, *Jura Saxonica* per Edictum in Anno 1675. in urbe *Brunsvicensi* amplius observari nollet, observatum est, juxta verba edicti: *So sehen, ordnen, und wollen wir, daß es zwar bey denen nach Sachsen-Recht, und unserer Stadt Braunschweig Statuten ausgesprochen, und vor Publicirung dieses unsers Edicts albereit durch würckliche Execution vollstreckten Urtheilen, allerdings zulassen; hinfuro aber, und à dato dieses unsers publicirten Edicts, in unser Stadt Braunschweig kein anders, als das allgemeine geschriebene, und in unsern Landen und Fürstenthum übliche Kayserl. Recht sambt denen Reichs- und unsren Landts-Constitutionen, gültig seyn sollen.*

IX. Habet Lex suam perfectionem statim atque decreta est, etsi non scribatur, ut rhetræ Lycurgi, neque enim ubi maxime scribuntur Leges, *scriptura ad essentiam* (o) illarum refertur. Verum ut obligent cives,

cives, innotescere & publicari debent, quod vix commode primitus quam per scripturam fieri potest. Expediit autem tempus præscribi, ex quo sint valituræ, velut jure novissimo Romano *bimestre spatium* * (p), antequam poenæ violatarum Legum exerceantur, præfinitum est.

* *Justinianus in Nov. 66. cap. 1.*

(o) *SCRIPTURA AD ESSENTIAM.* Et tamen ita *Strauchius* cum aliis in Dissert. suis Justinian. statuit, quasi videl. non quidem de essentia legis sit scriptura, sed tamen de essentia legis *scripta*: prout doctrina est de essentia hominis docti, non de hominis essentia simpliciter. Nam sanè lex ut sit lex, per scripturam (in quâ est *modus promulgandi*) fortitur, & lex ut promulgata obligat, cum si vel maximè *conceptam* esse quis sciverit, tamen scientem ante promulgationem non obliget *Christinaus II. Dec. 52. n. 2.*

(p) *BIMESTRE SPATIVM.* Quod hodiernum expressè nonnunquam Provincialibus etiam constitutionibus inferitur, prout videre est in *Resolutionibus*, Gravaminum Provincialium & Decisionum moderni Electoris *Saxonia* de anno 1661. Quanquam verò *Nov. 66.* hic citata, si rectè eam inspiciamus, de certo tantum legum genere disponat, quod & *Gudelinus* observat. *Lib. V. d. jur. novissimo c. 2.* tamen communiter ad LL. quaslibet à DD. tempus bimestre applicatur. conf. *Merend. Lib. II. controuv. 8.*

X. Vim quoque Legis habet consuetudo, sive *jus non scriptum* (q), quod tacito populi consensu vim obligandi accepit. Hujus initium nunquam est à scriptura, siquidem natura ejus & proprietates est, quod auctorem initiumque habeat incertum: sed ubi vigorem suum obtinent mores, & possunt & plerumque *solent scribi* (r). Proprie in popularibus Imperiis viget hæc species juris, nempe ut suâ vi nitatur; neque enim in diversis imperiis populus, qui expressè nullius auctor juris est, sed accipit Leges, tacitè id introducere potest. Verum in Monarchiis aut Aristocratiis valet nihilominus consuetudo ex tacito imperantium consensu, sic tamen ut contrario placito semper abrogari queant.

(q) *NON SCRIPTVM.* Est tamen jus non scriptum latius quàm *consuetudo*, atque in eam, ut & *observantiam*, *stylum* & *ritum*, nisi hæc omnia consuetudinis nomine confundere quis velit, distinguitur. Quâ autem ratione *præjudicia* ab observantia discerni debeant, docet *Tabor de Confront. p. 15.* quamvis *ibidem* variè inter Observantiam judicalem, & publicam atque consuetudinem volutetur.

(r) *SOLENT SCRIBI.* Et tamen in scripturam redacta *consuetudo* manet talis, etiamsi in scripturam ab eo redigatur, qui legis condendæ

potestatem habet. *Hunnius Lib. I. Resol. Tract. 1. quest. 23.* ita cum Comes Oldenburgicus 664. die Statuta oder Gewohnheiten des Budjadinger Landes in scripturam redigi curaret, quoniam illa sæpius cum pernicie partium controvertabantur, eaque confirmaret: frustra deinde dicebatur testamentum quoddam, quod de bonis avitis, contra consuetudines istas, 1662. conditum fuerat, ideò valere, quia statutum Budjadiense demum ab an. 1664. vigorem suum per sanctionem Principis adeptum fuisset.

Uuu

XI. De-

XI. Debet autem, ut consuetudo obtineat, his tribus prædita esse requisitis, ut honesta, generalis & certa sit. Honestæ pari sensu, quo *suprà* de Lege dictum. Generalis, id est, ab universâ Republ. vel potiori parte recepta, perinde ut Lex à toto populo: Quatenus enim pari modo obligant, ab unâ ad alteram rectè argumentamur. Hinc Municipiorum consuetudines eandem habent vim quam statuta, ut teneant, quatenus juri moribusque Reipubl. non adversantur. Ad certitudinem requiritur Longum tempus & frequentia actuum, quibus recepta & probata consuetudo. Quantum verò temporis & quales actus esse debeant, à Magistratuum vel judicum arbitrio pendet, modo talia sint, unde quod satis sit de veritate consuetudinis, constare queat.

CAPVT II.

De

Magistratibus creandis.

ARGVMENTVM.

An cunctis magistratibus jurisdictio competat. Divisio prima in majores aut minores 2. quod vel in regimine publico aut in controversiis privatis occupentur. 3. Aut ordinarii sint aut extraordin. 4. perpetui vel temporales. 5. an & in civiles aut Ecclesiasticos? Quid intersit, utrum Magistratus singuli seorsim, an per modum Collegii res administrent. An rectè dividantur Magistratus, quod vel Regis sint vel regni: distinguitur. Nundinationes honorum privatis illicita an publice fieri possint. Reliqua obiter attinguntur quæstiones; ut & de muneribus propriè ita dictis.

I.

Civitas ordinata Legibus, quæ surdæ & mutæ sunt, ministros & executores requirit, siquidem summa potestas per se omnibus haud sufficit exequendis. Hoc fine statim post Leges creati sunt Magistratus, quorum pridem habuimus definitionem, ibidemque de jurisdictione & imperio tanquam de partibus officii illorum est actum. Possit autem videri solos qui res controversas judicant esse Magistratus, quoniam his solis competat jurisdictio & imperium. Sed *in finendis Magistratibus* (a) pro requisito debitam potestatem non præcise jurisdictionem collocavimus. Præter quod cunctis Magistratibus potestatem judicandi de rebus ad officium suum pertinentibus & judi-
cium

cium exequendi, convenire haud immerito dicatur; etsi in omnibus illa solennis & accurata disceptatio, quæ in judiciis solitis, non observetur.

(a) IN FINIENDIS MAGISTRATIBVS. Vid. ea quæ *suprà* diximus: nam Sutholtius de *Jurisdictione aph.* 202. 203. 207. & 217. cum plerisque aliis ex usu *Juris Civilis* Magistratum definit. Ceterum nec consultare, nec imperare, nec judicare etiam rationem *formalem* Magistratus conficit, quia primum Consiliariis, alterum Legatis & imò sacerdotibus, tertium judici quoque Pedaneo commune est. Colleg. Arg. ad *Tit. de Senator. n. 1.* ita deferibit, quod sit ad quem cura Reip.

jurisque dicendi potestas pertinet, sunt autem vel Majores vel Minores, *illi* Illustres, *hi* Clarissimi dicebantur, sed & medii fuerant, sc. *spectabiles*, ut Proconsules & Præfectus Augustalis. *Conf. Coll. Arg. d. l.* atque Lentulum in *Apice gloria Romanæ Lib. II. c. 17.* item *Lib. III. c. 16.* ubi de Magistratibus tempore Constantini ad seriem *Pandectarum* simulatque mutatâ eorum sub *Justiniano* potestate.

II. Quibus rebus & quo jure præponantur Magistratus, è differentiis eorum intelligitur. Dividuntur autem primo in Majores & Minores, qui apud Romanos auspiciis discernebantur, hodie secundum plus aut minus momenti, quod singulorum functiones habent in Republicâ, quod tamen nec Romæ non erat.

III. Dein ratione objecti dividuntur, quod vel in regimine publico aut in controversiis privatorum judicandis occupentur. Nam dubitatio Aristotelis, utrum *judices sint Magistratus* (b), (si modo immediate à Principe constituentur, nec ab alio delegentur) satis ex eo tollitur, quod judicare alioqui sit officium principum, quos primitus eâ maxime gratiâ constitutos antiqui tradiderunt. Proinde quibus partes suas committunt, eos utique & Magistratus, ut ex definitione liquet, esse oportet. Sunt igitur vel ordinarii Magistratus vel extraordinarii. Illi, qui statis temporibus & semper in Republicâ sunt, hi non aliter quam usu aut necessitate postulante constituuntur, quales Romæ *Dictatores* (c) & Interreges.

(b) JUDICES SINT MAGISTRATVS. Dubium hoc fuerat: quoniam causæ publicæ Judicibus non submittuntur, sed causæ *privatorum*, nam Judices pro *Magstratu* sumit, (ut Romano sensu vox hæc accipitur pro *Prætor* v. c. & *similibus*) *Aristoteles*; sed rectè respondet Auctor. Quod si vero Judicem pro *Pedaneo* accipias: ita de jure Romano extrâ dubium Judex, quippe qui *potestate* nullâ publicâ præditus est, à Magistratibus totò genere distinguitur, vid. *Coll. Argent. ad Tit. d.*

Jurisdic. thes. n. adeò, ut mandataris & hodiè *delegatus* melioris hæctenus fuerint conditionis; quanquam ne hi quidem *Magistratus* dici possint, eò quod non propriâ sed *alienâ* potestate fungantur.

(c) DICTATORES. Et tamen Auctor *suprà* *Dictatores* Majestatem habere asseruerat. Ceterum *Præfectus vigilum* non minus extraordinariis accensebatur. vid. *l. 1. C. d. offic. Præfecti vigil. quia* videlicet *noctu* solum potestateungebatur.

IV. Quid si & in civiles aut *militares* (d) dividere Magistratus audeamus, ut præfecti Legionum & tribuni militum centurionesque, tam majores quam minores sint Magistratus? Sane ut Imperatoriæ Majestatis officium non modo est regere civem, sed & armis tueri Rempublicam, ita quibus potestas & ministerium belli regendi legatur, his sine dubio Magistratum definitio competit. Sunt & aliqui simul tam civiles quam militares, cujusmodi apud Romanos omnes fere majores, exceptis Censoribus & Tribunis plebis: & olim Tribuni Militum cum consulari potestate vel præcipue militares & tamen Magistratus erant.

(d) MILITARES. Utique Duces militares societati Civili præfecti esse non videntur, nisi quoad judicia militaria. Enimvero hoc ipsum sufficit: nam & *Præfectus annonæ* ulteriorem jus dicendi potestatem non habebat, quàm quoad annonam,

& hoc etiam solum certò modò, vid. omninò l. fin. §. fin. ad L. *Juliam de annon*: Et præterea ad potestatem *jus dicendi* non simpliciter, sed ad curam publicæ rei *non potestate* hic respicimus.

V. Sunt etiam perpetui vel temporarii Magistratus, inter quos tamen quod ad jus & potestatem exigua aut nulla differentia est; præstet autem perpetuos an *ambulatorios* (e) habere Magistratus, ea politicorum disputatio est.

(e) AMBULATORIOS. Distinguit Boxhornius inter ea officia, quæ plus *cura*, & inter ea, quæ plus *imperii* habent: *Hæc* magis ambulatoria esse vult; *illa* non item. Quid si tamen mos aut aliæ causæ perpetuitatem jubeant, plures conjungendos esse, ut alter alterius Consilia invadendi Reip. infringat; Sed Ipse ad statum liberum respicit, & plures alias limitationes subjungit. Plenius rem

expendit *Hessenthaler* in *Athletâ Politicâ*, *Class. IV. qu. 1.* ubi tandem in hoc devenit, quod pro diversitate munerum & forinarum Reipubl. partim ambulatorii partim perpetui Magistratus esse debeant; quin imò personas idoneas muneribus præficiendas, item tempora nunc quietiora, nunc magis turbida attendenda esse, & normam ex prudentiâ pendere, adeò ut in univèrsam nil definiri posset.

VI. Forte etiam tolerari posset divisio in Civiles & *Ecclesiasticos* (f), quatenus summæ potestatis aliqui constituuntur Ministri, à quibus partes illius circa Ecclesiæ externa administrantur.

(f) ECCLESIASTICOS. Ita Joachimus Stephanus *Lib. I. d. Jurisdict. c. 7.* & sunt omninò *Episcopi* præfecti societatis Civilis, tanquàm in Ecclesiâ unitæ, & specialiter sunt præfecti inferioris ordinis *Clericis*, imò *Constitutio* Episcoporum, tanquàm Magistratum ad potestatem *civilem* pertinet, vid. *Lampad. P. 1. §. 24. & p. 3. c. 2. §. 10.*

Alii putant, tatiùs eos appellari posse *Curatores*: juxta *Arist. VI. Polit. c. ult. junct. Sutholt. de Jurisdict. aph. 93.* verùm ad *judicia* nos Magistratus non restringimus, prout quidem *Jurisprudentiâ Romanâ* illam significationem vocis præponderare volunt, ut non sit Magistratus, qui non de re quæpiam possit judicare, vid. l. 58. d. *muner. & honor.*

VII. No-

VII. Notanda etiam hæc differentia, quod Magistratus alii conjunctim per modum Collegii functiones suas exerceant, (cujusmodi tamen Collegium perperam vulgò Magistratus in numero unius dicitur) alii singulares sint personæ, quales Romæ plerique erant omnes. Ex quâ diversitate oritur hæc insignis discrepantia juris: quod ubi singuli in Magistratu sunt, majores magistratus sibi invicem non subordinati in jus aliter quam spontaneâ submissione vocari nequeant, ut Romæ juris fuit notissimi.* Sed ubi plures magistratus uno corpore juncti in eâdem functione sunt, ibi singuli privatorum loco habentur, ideoque & pro collegio suo & pro diversis collegiis recte conveniuntur.

* JC. in l. 1. & 2. De in jus vocando.

VIII. Denique sunt, qui Magistratus dividunt, quod alii Regis alii regni sint. Regis qui & à Rege constituuntur & rem Regis, aulicam maxime curant: Regni volunt esse Magistratus, qui Reipubl. gubernandæ præficiuntur, sive à Rege sive à populo eligantur aut confirmantur. Judicium hac de re nostrum est, valere divisionem, quatenus populo jus aliquod speciale & fundamentale quæsitum est, cui adferendo certi Magistratus sint præpositi. Multo magis in Regno legibus subjecto, ubi summæ vis potestatis penes populi ordines aut optimates residet. Sed in Imperio *simpliciter* uni vel pluribus *delato* (g) negamus hanc obtinere distinctionem; quia summa potestas, cujus ministri sunt magistratus, & à qua omnis inferior potestas derivatur, penes solos est Imperantes, ut pridem edoctum. Quare etsi populus quosdam creet Magistratus, tamen ne hi quidem ipsi recte populi esse dicuntur; quia populus hoc indulgentia Imperantium non jure suo fecisse videtur, aut si jure suo, tamen præfecti plus juris quam præficientes, qui subditi sunt, habere non possunt.

(g) SIMPLICITER DELATO. Imò cum in hac divisione non respiciatur ad constituentem: siquidem etiam Rex, qui potestatem absolutam non habet, imò qui nec solus imperat, Magistratum regni constituere solus potest, ut in Polonia v. c. accidit. Ideò licet quis simpliciter & absolutè imperet, quia tamen fieri potest, ut causas domus

sue aut familiæ separatas habeat, quidni posset Magistratus alios quoque, qui Regni negotia curent, constituere, ut magis hi curare videantur ea, quæ Majestatis realis sunt, sensu *superius* expositò? nam ita in statu vel maximè Monarchico & absolutò ne quidem Regis sed *Regni* Curatores, Officiales & Magistratus, appellamus.

IX. Quin etiam quibus hereditaria & patrimonialis est jurisdictio, potestatem suam non modo subjectam summæ potestati, sed & inde profectam ac ab illâ dimanantem agnoscere debent, etsi forte *recognitionem feudalem* (b) nullam præstiterint; quia nulla in civitate potestas præter summam esse potest independens. Quod tamen de amplexu territorii intelligere noli; neque enim impedit, esse qui terras in alienâ provinciâ summo jure teneant aut simili summo, quales in Germaniâ *Nobiles immediati* (i).

(b) *RECOGNITIONEM FEUDALEM NULLAM.* Ut sunt *statûs* nonnulli in Imperio Romano, qui superioritatem territorialem ex *immemoriali* tempore, citrà recognitionem feudalem, adeoque *ad instar allodii* obtinuerunt. Et tamen superioritatem illam suò modò recognoscunt ab Imperio, quatenus abindè tanquam *subordinata* pendet, & imperii *beneficio* debetur: qualia communiter *Sonnen-Lehen* appellare solent; ut in *Lectiõibus feudalibus* dictum est.

(i) *NOBILES IMMEDIATI.* Hos non putat habere summum imperium *Auctor*, sed simile summo, nam ille *superius* asseruerat, *statûs* Impe-

rii singulos *Majestate* præditos, & in *fœdere* contineri. At verò, si communem sententiam sequamur, ne quidem quoad hanc hypothesein *Nobiles immediatos* ratione superioritatis, si ad *subditos* sc. suos referantur, diversæ conditionis à statibus censere debebat, quia *Jus Comitigrum* nil ad *superioritatem* territorialem, quippe quòd *status* fuerint in Imperio, antequàm superioritas illa exoriretur, de quo quidem ad *Jus Publ.* & ad *Lampadium* accuratius. Illud tamen verum est, *Nobiles immediatos* idèd inferioris conditionis censerì, quia super negotiis *fœderati* illius corporis, ut *Auctor* putat, in Imperio non statuunt.

X. Creari magistratus ab Imperantibus summis res ipsa loquitur & diximus dudum: utique majores: Nam quo minus inferiores per ministros creari curet, nihil de jure quidem obstat. Digni an indigni, gratis an pretio functionibus præficiantur, politicè quidem & interni juris respectu interest multum; sed externa facultate parum aut nihil refert; nisi à ministris male distribuuntur, qui rationibus & pœnæ hac causâ sunt obnoxii. Inprimis si pretio nundinentur officia Reipubl. quod ratio vult haud minus illicitum esse in plurium Imperiis, ubi Collegiis à summâ potestate delegatis dispositio de plerisque muneribus publicis permittitur. Quin & idem juris est, in singulis qui concilia summæ potestatis constituunt, ut sordium convicti repetundarum teneantur. Ratio prohibitionis præter intrinsecam rei turpitudinem est hæc manifesta, quod cujus rei quisque tantum ordinandæ gratiâ constitutus est, absque proprietate vel fructu & usu, de hac nummariam utilitatem nullo modo percipere possit: talis autem sine dubio sit potestas conferendi in idoneos homines munera Reipublicæ.

Quæri

Quæri potest, an cum intrinsecâ honestatis ratione convenire possit, quod summæ potestates ipsæ pretium officiis Magistratuum præscribant, ut quibusdam locis fieri vidimus & videmus. Dicendum in thesi, *Rempublicam* vehementer hoc instituto *dehonestari* (k), & virtuti, cui sæpe comes paupertas, aditum ad honores, quo nihil injustius, præcludi. Tamen si mores adeo sint corrupti, ut fordibus nullo modo privatim abstinere queat, fieri potest, ut nec civitas peccet, quod publico quæstu procerum avaritiam eludere satagat: Idem erit, si in summâ rei communis angustia præcipuis Magistratibus officium ineuntibus collatio extraordinaria imponatur. Sed Lex de pecunia *pro suffragio* * (l) vel aulicorum in Monarchiâ vel Regentium singulorum in Polyarchia danda exigendaque, ratione vix ulla nec quidem necessitate defendi potest.

* *Qualis constitutio Justiniani in tit. C. de suffragio esse videtur.*

(k) *REMPUBLICAM DEHONESTARI.* Et tamen cum divitiis vel maximè Reipubl. niti, juxta virtutem, constet, prout *Aristoteles* in optimatibus Reipubl. Aristocraticæ passim considerat: in illis Rebuspubl. ubi nundinationes receptæ sunt, ut in *Galliâ*, Proceres eò adigi videntur, ut divitiis studeant, quæ tamen ipsæ rursus à familiis distioribus illis, dum officia comparare necesse habent, ærario publico inferuntur: quanquam ipsi *Proceres* Regni *Galliæ* jam olim de venalitate officiorum apud Regem conquesti fuerint, ut videre est. *Tomo X. Mercurii Gallici* d. anno 1624. pag. 687. ubi redundantia exinde in Reimpl. incommoda uni-

versa recensentur. De eo dubitandum non est, posse honores illos pro pecuniâ conferri, qui *sine potestate* habentur; velut in Diplomatis Nobilitatis, Comitibus Palatinis, & similibus, apparet. Expedit enim aliquando pecuniæ summam honoribus aliquibus præstituere, ne quolibet ad eos admisso tanquam promiscui vilescant, id quod in gradibus Doctoreis & similibus magnâ ratione inductum videmus.

(l) *PRO SUFFRAGIO.* At verò hanc *L. unica* Constitutionem satis vindicat ab ambitu & corruptela Joh. Otto Tabor. *tract. pecul.*

XI. Cæterum quibus datum est jus munera publica conferendi non videntur adeò coarctandi, ut ex pluribus Candidatis haud ineptis omnibus, ex favore aliquem minus idoneum eligere nequeant, si nulla prægnans Reipubl. ratio secus postulet. Neque enim in puncto consistit *æstimatio aptitudinis* (m).

(m) *ÆSTIMATIO APTITVDINIS.* Confer. l. 18. in pr. & l. 19. §. 4. de adilit. edict.

XII. Juris quoque ratio non prohibet unum civem pluribus officiis & honoribus fungi, modo functionibus omnium par sit implendis. Sed an expediat honores ita cumulari, politica quæstio & Legibus cujusque Reipubl. terminanda est.

XIII. Spe-

XIII. Spectant quoque ad Politicam hæc quæstiones; Utrum senes an juvenes, divites an pauperes, esse debeant Magistratus, an plebeji cum nobilibus, advenæ cum indigenis admittendi. Item quanta potentia Magistratibus tribuenda, perpetuam an temporariam potestatem habere debeant, & id genus alia.

XIV. Invitos etiam cogi ad Magistratus capiendos, si res postulet, juris ratio dubitare non patitur. Sed hoc usum magis habet in muneribus proprie dictis, quæ sine commodo atque honore continent Reipubl. administrationem. Ejusmodi munera sunt vel *patrimonialia vel personalia* (n). Illa quæ sumptibus patrimonii & damno administrantis geruntur. Personalia, quæ animi provisione & corporalis laboris intentione sine aliquo gerentis detrimento perpetrantur. Mixta quæ & corporali ministerio nec sine detrimento expediuntur. Patrimonialia propius ad onera & tributorum similitudinem accedunt, ut præstatio equorum, navium, plaustrorum. Personalia veluti Tutela & Cura, * Centurionum quoque & vexilliferorum in ordinibus oppidanis. Mixtum videtur, exhibitio in armis, operasque & vigiliæ suo sumtu præstandi.

* Videndi Jcti l. 14. pr. & §. 1. & l. ult. de muneribus & honor.

(n) PATRIMONIALIA VEL PERSONALIA. Amplissimus hic est articulus, & expedit de eo integros consulere tractatûs, cum primis Taboris de Metat. ubi pleraquæ executus est, uti solidè jure Justiniano tam pandectarum quàm Codicis resol-

venda sint: jungi debet huic Mundius de muneribus, honoribus & oneribus & quoad munera personalia Klockius nobili de Contributionibus Commentario.

XV. Sed hæc à Magistratuum officiis, de quibus hoc loco, satis aliena sunt.

CAPVT III.

De

Judiciis.

ARGVMENTVM.

Judiciorum necessitas: Quando cessent: Definitio. Judicium quatenus ad Jus publicum pertineat. Divisio prima in civilia & Criminalia. 2. In publica & privata; verum hanc divisionem esse Juris Romani propriam. 3. Esse aut ordinaria Judicia aut extra-
ordina-

ordinaria. Personas judicium constituentes esse tres, Judicem, actorem, Reum. Judex quid. & quanam Judices esse queant. quod ejus officium. partes & ordo judicii latius explicantur.

I.

Legibus & Magistratibus in civitate stabilitis, Judicia, quorum gratia vel maximè instituta illa habentur, statim exercita fuisse nota res est. Ad hoc enim reperta est sacra Legum reverentia, ut nihil proprio ageretur impulsu, adeoque vis abesset, ut bene olim Theodoricus Rex *. Vim autem Cæsar Philosophus ait esse, quoties quis id quod deberi sibi putat non per judicem reposcit **. Et summum præceptum, non esse singulis concedendum, quod per Magistratum publice possit fieri, ne occasio sit majoris tumultus faciendi *. Excepta necessitate, quoties sine certo periculo vel damno judex non potest expectari. Hinc enim inculpatæ tutelæ moderamen omnibus gentium Legibus *ad avertendum vitæ periculum* (a) videmus sancitum. Et huc facit, quod debitorem fugientem prehendere, numosque ei extorquere liceat **. Sed extra hos similesque casus a Lege judicii minime recedendum. Improbanda igitur gentium Germanicarum vetus consuetudo, quâ dubiæ controversiæ *pugnis singularibus* (b) dirimebantur. Res adeo est sanctissima judicium, quo ultimum in rebus humanis malorum evitatur Bellum. Proinde quod judicis officium Christiano illicitum *Christiani homines* (c) sentiunt, nimis longè à prudentia Christianâ recedit.

* *apud Cassiod. lib. 4. varior. epistol. 4.*

** *D. Marcus in l. 13. D. Quod metus causa.*

* *L. 176. d. Reg. Jur.*

** *L. 10. §. 16. l. pen. in fin. D. Qua in fraud. credit.*

(a) **AD AVERTENDVM VITÆ PERICVLVM.** Etiam cum internecione aggressoris, vid. Hug. Grot. *L. II. c. 1. & Rachelium Disp. 1. de Duellis §. 20.* idque in *bonis etiam irreparabilibus*: velut servandò membro nobiliori corporis, item pudicitia, imò & ob bonæ fortunæ; quanquam non sinè graduatione, si ad vitam usque nostram intendat, qui bonis imminet: ut rectè idem Rachelius §. 23. (de quib. omnibus *infra* distinctius) Quod vero Grotius docet *L. II. c. 20. §. 8. vindicationem pri-*

vatum non omnino illicitam esse, si quando quis jure niti se putet, adeoque tutum illum esse in conscientia, quod *Lib. II. c. 7. §. 2.* insinuat; qui cum probatio in judicio ipsi defutura sit, rem quæ ipsius est, propriò factò sibi attribuat, illud utique recipiendum non est: nam deficit ejusmodi asserenti auctoritas publica, quæ vindex mali unica est, & reparatrix controversæ inæqualitatis: *Rom. 13.* neque in conscientia illud tutum, quin in *Civili* vitâ ob confusionem & scandala suborbitura periculum

losum. Quid quoddam magis consultum sit, iacturam rei pati, quam malè agere, & cum periculo publici. Non obstat, quòd *Israelitæ* vasa *Ægyptiorum* in retributione in operarum, retinuerint, & hoc adeò Deus ipse iusserit. *Exod. 3. v. 11. junctò Sapient. c. 20. 12. 20.* vid. *Osiand. ad d. c. 7.* *Grotii.* Idem dixeris, in *delictis*: nam hæc vel maximè vindicat publica auctoritas. Pugnat etiam *vindicta propria* cum charitate proximi. Jus naturæ brutale, quod *Grotio* est in oculis, jus non est; & modus defensionis ipse in jus naturale secundarium incidit. Vindicta verò propria ab illo jure secundario planè aliena est. Repugnat deinde *Grotio Prov. c. 25. v. 29.* Factum *Samsonis* est extraordinarium: nec privata fuit ista vindictio, cum ille fuerit vindex populi. Sic & *Maccabei* publicam personam sustinuerunt. In specie, quod *vindicem sanguinis* attinet, in *veteri Testamento*: non erat hæc vindicta juris moralis & perpetui, sed *forensis*: & legitima erat ira, quâ homicida vindici tradebatur. *Num. 35. v. 19.* Tum & vindex Carnificis locum subibat, nec poterat interficere occisorem; nisi post cognitionem causæ, & rem sententiâ definitam. Igitur quod *Grotius L. II. c. 20. §. 9.* opinatur, Judicium Zeli sub tempus *Novi Testamenti* reliquias fuisse juris privatim se ulciscendi, illud non minùs falsum est: nam seris demum temporibus judicium illud introductum fuit, quod & modò aliquò publicum erat, & non nisi præsentibus ad minimum decem *Israelitis* peragendum. *Stephani* verò *lapidatio* fuit judicii publici, hujusquæ potestas utiquè tunc temporis adhuc *Judæis* competebat. Sic & *retaliatio* in *V. Test.* prohibita fuit (de quo & *inferius*) nisi quæ publicâ auctoritate fieret. Deniquè locus hic de privata vindicta suppleri potest non tantum ex *Commentatoribus in Tit. Cod. quando liceat unicuique sine iudice se vindicare aut publicam devotionem*: Sed & ex *Tractatu Struvii*, item *Græcii*, d. *Vindictâ & Auctoritate privatâ* tum & *Armamentario Taboris*.

(b) PUGNIS SINGULARIBVS. Sive duellis. Ubi rursus *Hugo Grotius* emendandus *Lib. II. c. 1. §. 15.* quando licitum esse duellum putat: Saltim his casibus 1.) si invasor licentiam concedat dimicandi alteri, aliàs eum peremturus. 2.) si Princeps duos mortem meritos invicem committat: Nam quoad prius; alter non potest mihi licentiam dimi-

candi, & se perimendi concedere; nequè hæc est defensio, quippe quæ solum obtinet, post invasionem, quæ expectanda est. Quoad posterius, judicio agendum, infirmior sæpè succumbit, nec ad propriam mortem proximè quis cooperari potest: alter etiam alterum non læsit, & mors eò modo, quo manu mea inferenda, non est minus malum; imò est malum morale, quod nunquam eligi debet. Equidem in *statu Naturali* duellis facilius locum faciunt, eò quòd in illo iudex non reperitur. vid. *Pufendorff. Lib. V. c. 13. §. 2.* undè *Hobbesius c. 1. §. 9. de Cive*, in *statu naturali* quemlibet esse judicem suæ causæ, ait: quod tamen rectè negat *Pufendorff. L. III. & potius ad Arbitros* provocandum esse vult. §. 5. & *seqq.* id quod fieri debeat juxta *Grotium*, *Lib. II. c. 23. §. 11.* cum primis ab eo, qui petit, cum alterum tueatur possessio: nec non idem *Pufendorff. §. 7.* differentiam arbitrorum & *Mediatoribus* exponit. Igitur *H. Grotius L. I. c. 2. §. 2.* statum quendam sibi fingit ante omnia judicia, ubi manu quis suum jus consequatur. Omnino malè. Nam in *Societatibus simplicibus imperiò* res acta fuit; licèt familiari: & imò *Deus ipse* iudicis atquè vindicis locum in primis familiis sustinuit, ut quoad privatos, admitti non possit Duellum, nec pro causæ diremptione admitti unquam potuerit, aut possit etiamnum, quod vel *Pufendorff.* insinuat, *d. c. 13. §. 8.* Constat equidem de duellis, quæ vocant, *Judicialibus*, quòd, ante *Pacem Publicam* in Imperio constitutam, singuli causas suas per illa diremerint. vid. *Rachelium d. loc. §. 16.* ubi ex *LL. Gentium Germanicarum*, quas ex *Lindenbrogio* citat, ad longum de illis duellis agit: quomodo fractâ spathâ se idoneaverint Partes, quomodo item testes duellis committi fuerint ex *Lehmannò, Lib. II. Chron. Spir. c. 30.* & imò quæstiones juris per illa diremptas, apud eund. *Lib. V. c. 4.* Quin & modos alios dirimendi causas *Criminales* obtinuisse notum est, ut per candens ferrum, per aquam ferventem, de quibus optimè *Loccenius* in *Antiquitatibus Sævo Gothicis*. Torneamenta vero duellorum nomine non rectè censentur, cum congressus hostiles non fuerint, ut rectè *Rachelius d. Diff. §. 25.* Sed obtinere Duella illa per abusum, nec rectè dicta fuere *judicialia*, cum potius speciem belli habeant, & judiciis planè adversa sint: tum & periculosa sunt, cum effusione sanguinis & occisione conjuncta, & vel maximè ambigua. Durarunt tamen

tamen etiam recentibus adeo temporibus, neque enim *Carolus IV.* post nonnullos Antecessores suos, in totum abolere hoc malum potuit; quippe qui in *c. 17. A. B.* expressè constituit, in eò casu, quando Justitiam impetrare quis non potuisset, eum manu suâ aggredi posse reum, ut tamen ei tres dies antè invasionem denunciaret, & hoc videlicet, ut alter se tanquam contra bellum munire posset, nec instar prædonis actor in eum irrueret: Addidit etiam, non sociis reorum aut familiaribus, sed ipsis tantum reis, denunciationem faciendam, & in eo loco invadendum esse, ubi domicilium habeat. Quid? quoddam etiam debitor Creditori, si destinato tempore non solveret, potestatem concedebat, mit Raub und Brand (an die Grabschafft. v. c.) zu greiffen; donec felici auspicio *Maximiliani I.* an. 1495. per *Pacem Publicam* oder den Königl. Land-Fried, institutò simul *supremo Judiciò Camerali*, diffidationes omnes sub pœna *banni* tollerentur: cum quidem antea etiam in judiciis, velut *Rotwila*, an. 1458. das Kampf-Recht per sententias sæpe decerni solet. Putat quidem *Limnæus ad §. 1. Obs. 6. A. B. Carolum V.* in *Ordinatione Criminali*, art. 129. diffidationes quasdam iterum permisisse: At verò non illæ sunt *diffidationes*, sed speciem *defensionis* privatæ, & quidem *consensu Imperatoris* præsuppositò, ibidem intendi constat, ut diffidatio sumatur pro dehortatione hostis ab insultatione; alioquin fore, ut se consensu Imperatoris defendat, & injuriam continuò à se ulciscendò prepulset: quanquam plenius *Carolus V.* hac in re per *Ransersl. Land-Frieden*: Tit. *Aufhebung aller Fehden*, an. 1548. se exhibuerit. Conf. *Friderum Mindanum Lib. I. c. 25.* Nunc quidem *Duella privatorum* quod attinet, injustitiam eorundem, & effectus *coërcitionum* per varia momenta accuratè expendit, ad Constitutionem Ducis Saxoniz, *Ernesti p. m. Franzkii in Resolutionibus.* Quod autem *summos Principes* attinet, & qui iisdem accensentur, an hi singulare certamen acceptare possint, in casu necessitatis, ad dirimendam controversiam, de qua cum multo boni publici detrimento & effusione sanguinis Christiani certatur? ambiguz quæstionis est; saltim ob circumstantias, quæ non faciliè junctim reperiuntur, ut affirmativa sententia ipsò factò probari posset. Detinet Theologosexemplum *Davidis I. Reg. 17.* quod tamen vel maximè singulare est. Colo-

rem facit asserentibus, quòd fiat duellum ejusmodi auctoritate publicâ: quòd malum minus sit, ut cum perimere bello liceat integras legiones, liceat multò magis hominem unum. (Est vero diversa ratio quoad electionem mali in personis publicâ auctoritate congregientibus; nam ita occisio hominis malum morale non est.) Accedit utilitatis publicæ ratio, ut si impares simus exercitu, & res desperata sit: si congregiamur plenò agmine, succumbere nos, & Remp. probabiliter internecioni submitti oporteat: Quæ quidem *Franciscò Galliz Rege Carolum* quintum ad duellum vocante, cum locum non haberent, justâ ratione *Carolus V.* duellum declinavit; ut ut *Franciscus* vel maximè idem, ut exitum res non sortiretur, sollicitè curaverit. vid. quæ collegit *Limn. ad proam. Cap. Caroli V.* verb. *durch die Wahl p. 18. & seqq.*

(c) CHRISTIANI HOMINES. *Hug. Grotius L. I. c. 2. §. 7. gladii* potestatem Magistratui rectè confert, ex *c. 13. ad Rom.* ubi non tantum est narratio quædam, quòd Magistratus teneat gladium: Sed implicitum mandatum, quòd non frustra, i. e. non temerè, nec inaniter gladium gerat, eaque *ordinatio Dei* in genere dicitur; licet tunc Magistratus non nisi *infideles* essent. Dicitur etiam ad *Christianos*, & quidem quòd *omnis anima* huic Ordinationi subit. Nec functio ea impia dici potest, quæ à Deo ordinata est, imò *persona*, quæ functionem illam sustinet, *inviolabilis* esse potest, ita ut nemo Titio Magistratui dicere possit, se ipsi reluctari, non etiam *potestati* ejus; nam hæc abstractio intolerabilis est. Nec frustra dicit textus: *potestatibus supereminentibus*, ipsos videl. *Reges & Principes* designandò, non tantum *potestatem* eorum. vid. *Luc. c. XI. v. 12. I. Petr. II.* Igitur quod *Grotius* postmodum docet *Lib. II. c. 20. §. 16.* quasi hominì Christiano non conveniat, ut officium judicis de sanguine hominis ambiat: in eò videtur *Anabaptistis* propius accedere, & potestatem quidem ipsam pro Dei ordinatione agnosceret; (ut loco superiori,) sed tamen ut Christiani potestatem illam non tantum non ambire, ut subdole loquitur, sed nec recipere debeant. Sanè *Christus Math. VII.* non agit de *judiciis* publicis, sed *privatis*, iniquis, temerariis, superciliosis, quæ ex meris suspicionibus, & *contentu* proximi, nullâque habitâ ratione imbecillitatis humanæ suscipiuntur. Quando vero Magistratum sibi delatum quis

suscipere debeat? quæ quæstio prudentiæ est, Junius resolvit in *Quæst. VII. Politica & seq.* Est deinde notandus *H. Grotius*, quando *Lib. I. c. 3. §. 1.* judicia publica non esse à naturâ ait, sed à factò humano. Nam utique sunt à natura in Communi, quanquam in specie quoad hanc vel illam formam sint humani arbitrii; imò Juris divini sunt & morales. *Deut. I. v. 17.* juxta Præceptum quartum & octavum Decalogi. Sunt etiam Juris naturalis ex ipso, quod imperia sint à natura, & hæc etiam ordinem in societate servari atque suum cuique tribui velit. Quoad ipsas partes litigantes, homini Christiano coram Magistratu, & sic judicio conten-

dere licere, ex *1. ad Cor. 6. v. 4.* dubium non patitur: Nam ibi Christiani in judicio litigare aliter non prohibentur, quam in casu scandali, ut bene *Ossander ad Grot. Lib. I. c. 2. §. 8.* & plenius antè citatus *Junius quæst. 80.* ipseque *Grotius d. l.* quanquam non satis rectè illud *Matthæi V.* exponat, quasi leves injurias, item res minoris momenti, dimittere aliis debeamus. Nam Christus comparative loquitur, quod potius dimittenda tunica, si ex litibus multò majora mala metui possint; neque nimium urgere Jus quodlibet debeamus, dum privatim res agitur, sed potius cedere, salvis tamen per omnia judiciorum juriis.

II. Definitur Judicium, Legitima causæ disceptatio, quæ fit apud judicem à parte actoris & rei litis finiendæ gratia. In omni controversiâ seu causa duplex est quæstio, facti & juris; facti, an & quomodo aliquid gestum sit, juris, an recte vel secus & quid de eo statuendum.

III. Disceptatio tam de jure quam de facto pertinet ad jus privatum, quod totum circa judicia veluti cardinem suum vertitur. Sed constitutio & ordinatio judiciorum ad jus publicum merito refertur. Quod Prætores Romani non male discrevisse videntur. Namque illi tanquam Magistratus præerant quidem judiciis & auctoritatem illis præstabant & judicata exequabantur, sed ad merita causarum cognoscenda alios judices dabant. Forte & criminalia judicia, quibus vigor disciplinæ publicæ vindicatur, recte *publici juris* (d) dicuntur; quare & hodie publico nomine per Fisci procuratores duntaxat vindicantur.

(d) PUBLICI JURIS. Licet enim criminales actiones non persequantur id quod privatim interest, (quamvis ne quidem Criminale judicium strictè accipiamus pro eo, quod pœnam corporis ingerit, sed ex sensu Justiniani,) tamen judicium criminale & judicium publicum variè distinguuntur. Nam Criminale dicitur ab objecto & fine, publicum potissimum à causa efficiente, Lege videlicet judiciorum publicorum, ut *Lege Juliâ, Corneliâ, Pompejâ.* Quin & publica à popularibus actionibus discernenda sunt: Nam quoad efficientem, Populares à Prætoris Jurisdictione procedunt, ratione

objecti persecutio in illis tantum pecuniaria est, de quâ actor etiam participat. *l. 25. ad S. C. Silanianum:* quoad formam judiciorum publicorum, ordo singulari planè solennitate constat. Sed popularium idem modus est, qui privatorum judiciorum, atque coram eo institui possunt, cui causarum civilium cognitio commissa est. vid. *Coll. Arg. de popul. Act. ib. 10.* Durant etiam populares plerumque annò unò, publica judicia regulariter 20. annis. Effectus denique non est in popularibus corporale supplicium, quod plerumque in judiciis publicis est. Cæterum judicium publicum non modo à causis

causâ efficiente talè est: nam & *lex Cornelia* quædam de *injuriis* constituta reperitur, nec ratione tantum *subjecti*, quia suspecti Tutoris postulatione

hactenus *publica* videri posset: Sed oportet, ut quoad *omnes* causas publicum quid contineat.

IV. Scilicet præcipua judiciorum divisio est, quod civilia vel criminalia sint. Civilia, quibus illi quorum interest agunt ad commodum pecuniarium sibi applicandum. Criminalia, quibus ad publicam animadversionem, hoc est, ad mortem vel cruciatum corporis aut exilium vel mulctam fisco applicandam agitur.

V. Horum alia divisio in privata vel publica juris est Romani non Universalis: Namque hodie, *de cunctis*, ut dictum, *criminibus* (e) publicæ accusationes instituuntur. Veteres publica dicebant, de quibus Leges nominatim erant latæ, & in quibus cuilibet è populo potestas experiundi dabatur, eaque certo solennique ordine moris erat institui, quæ omnia fuisse Romanis arbitraria satis apparet.

(e) DE CUNCTIS CRIMINIBVS. Equidem Juris universalis adhuc est, judicia in publica & privata distinguere; modò quòd in una alterave Republ. id quòd privatim in judicium deductum est, publicum quoque fieri possit, non facillè contrà; quanquam *adulteria* quoad subjectum non promiscuè omnibus persequi datum fuerit. Ita *furtum* privatæ fuerat persecutionis, & nunc etiam, si res furtiva extet, eand. repeti posse constat, saltem ut *pænalis* persecutio quæ privata fuerat, penitus cesset. Nec enim audiendus est Tabor in *Racem. Crim. I. Th. 6. 8. & ad art. 17. § seq. Ordin. Crim.* quando actionem furti in *duplum* vel *quaduplum* adhuc obtinere putat: quicquid enim sit de *O. Crim.* sanè per universum Imperium illam actionem in *desuetudinem* abiisse constat. vid. Carpz.

P. II. cr. qu. 77. n. 5. & Berlich. P. V. Concl. 43. n. 2. & 3. Quid quod omnes actiones *pænales* ex *delictis privatis* solâ *injuriarum* exceptâ, non modò in *Germaniâ* non amplius obtinere promiscuè statuant: de quo tamen conferenda sunt, quæ de *usu actionum* Juris Justiniani *pænalium*, peculiari Dissertatione, *Bergerus* commentatus est. Verum etiam *extrâ Germaniam* crimina, etiam popularia, à Procuratoribus *fiscalibus*, aut per modum *inquisitionis*, tractentur, & *damnum* tantum *pecuniarium*, privatis illatum, quâ fieri potest, actionibus communibus Rei vindicationis, in factum, & similibus læsi privati persequantur. Confer Gudelini. *Lib. V. de jure novissimo*, c. 14. & Giphani. *ad l. 18. C. de Transact.*

VI. *Pleraque* (f) aliæ judiciorum partitiones quas habent Jcti, nobis alienæ sunt, præter unam, qua dicuntur ordinaria vel extraordinaria sive summaria. Illa, in quibus ordo judiciorum solennis observatur, plenaque causæ cognitio intervenit: extraordinaria, quibus nec solennia servantur, neque exacta cognitio adhibetur. Ordinaria in omnibus causis regulariter esse debent, quia nemo damnandus, nisi de quo plane & plene judicibus liqueat. Fieri tamen potest, quoties vel periculum in morâ vel celeritate opus est, aut res agitur non

peremptorii præjudicii, vel *inter partes ita convenit*, (g) ut brevi habitâ inquisitione & examine causæ, judicis officium interponatur. Talia, omnium populorum consensu, *judicia possessoria* (h) habentur, quia publicæ quietis maxime interest, possessiones rerum non nisi publicâ autoritate moveri & expeditissime restitui ac custodiri, nullâ re alioqui ad rixas & tumultus procliviores.

(f) *PLERÆQUE*. Sunt autem multæ, quæ hinc alienæ non sunt, ut quando dicimus, judicium esse *Ecclesiasticum* vel *seculare*, esse *Reale* vel *personale*, esse *conventionale* & *Reconventionale*, item *simplex* aut *duplex*, *universale* aut *particulare*, *Generale* vel *speciale*, *bonæ fidei* vel *stricti juris*, quæ sanè omnes distinctiones in naturâ rerum fundata sunt.

(g) *INTER PARTES ITA CONVENIT*. Equidem regulariter invitò Reò ex ordinario processu *extraordinarius* confici nequit. Mevius I. Dec. 170. & 188. nam *judici* quidem ex justa causâ aliud placere potest Zanger. P. I. d. except. c. 1. n. 58. Quid enim si causa minima sit? quid si in ea semiplena probatio sufficere possit? Besoldus. P. 1. ad jus Würtemb. n. 12. Sanè in regno Neapolitano omnes causas summarias esse *Hodierna* tradit ad Surdi Dec. 17. n. 6. quod tamen aliter intelligi non potest, quàm de causis illis, quæ indagationem pleniorē non requirunt.

(h) *JUDICIA POSSESSORIA*. Confundit *Auctor cognitionem* extraordinariam cum *processu* extraordinario: nam licet Prætor seu *Magistratus*

ap. Romanos extra ordinem causas *possessorias* ipse expediret; constat tamen si possessionis causa dubia esset, partes *actionem* ex *Interdicto* comparatam deducere potuisse, & hodiè *judicium summarium* à *judicio ordinario*, seu *pleno possessorio* per hoc distinguitur, quod posterius plenam & solennem causæ cognitionem desideret. Quænam verò, ratione *Processus*, *summaria* causæ habeantur? cum quidem omnis regulariter ordinaria sit, (Mevius I. Dec. 17.) ap. Carpzovium exponitur, in *Processu* Tit. I. art. 1. n. 46. & Jacob. Schultes. in observ. 3. ubi 150. enumerat. De *Processu* ipso solum hoc observandum est, quod malè Pufendorff L. V. c. 13. §. 8. asserat, non posse *judicem* invitam partem adigere, ut patiat^{ur} controversiam alterius conscientiz seu *juramento* committi: cum enim litigantes arbitrio *judicis* se submiserint, & finem litium expetant, utique *judicis* erit, eandem, si probatio deficiat, vel *juramento* suppletorio vel *purgatorio* dirimere. Quod si verò nil planè probatum appareat, tunc omninò liberum est *partibus*, num ad *juramentum* procedere, & simpliciter conscientiz rem committere velint.

VII. Porro ex definitione *judicii* liquet, personas id constituentes dari tres principales, *judicem*, *actorem* & *Reum*. *Judex* est vir bonus, juris peritus, ad lites terminandas publicè constitutus. *Fungi* possunt hoc officio omnes viri boni & juris periti, quanquam in excelsioribus Magistratibus quandoque toleratur, ut *juris imperitiam* (i) ope adfessorum suppleant.

(i) *JURIS IMPERITIAM*. Distinguunt communiter inter Magistratum & *Judicem* pedaneum, nam *Magistratus* ex censu factos vel auctoritate militari civibus præfectos tradit Gellius Lib. XIV. Noct. Attic. c. 2. De *judiciis* autem vid. Nov. 82.

in princ. & c. 1. item Bocerum Classe V. Disp. 2. th. 24. Hodiè sanè *peritia* requiritur omni modò, vid. Part. 1. der Cammer. Gerichts. Ordnung tit. 3. & Ordinationes *judiciarias* communiter; junctò Dannhauerò Part. 1. Theol. conscient. p. 91.

VIII. Quàm

VIII. Quàm autem justî & injusti discrimen acre judicium & ingenii intentionem requirat, quàm non sine multâ præceptionum memoriâ & subtili applicatione consistat, Romanum jus luculenter docet: Nec tamen hoc in plerisque à naturalis juris consecutione & eo quod cunctis civitatibus conveniat recedere, satis probant, qui licet obrectatores Romanæ prudentiæ, optimum illud esse juris Naturalis interpretem fatentur. Nulla igitur ratione Hobbes doctrinam artis Legalis in advocatis necessariam, in iudice prope supervacuam existimat, Angliæ potius suæ, quam ingenii humani morem negotiorumque perplexam varietatem, ut videtur, considerans.

IX. Exigit præterea judicis definitio, ut ætas justa, illæsa existimatio & naturales facultates adsint; neque enim surdus aut mutus iudex esse potest: *cæcus* (k) non facile dabitur, datus tamen quominus remaneat, nihil obstare videtur, quia cæcitas animi perspicaciam adjuvat potius quam obtundit. foeminas ratio communis arcet.

(k) COECVS. *vid.* Bachov. *Vol. 1. ad Treutl. Disp. 8. th. 2. lit. B.* ubi per l. 3. *Cod. de sentent. ex- periculo recitand.* cœcum simpliciter rejicit, sed malè; cùm hoc ipsum, quod in l. 3. habetur, per alium fieri possit, ut *Donellus* evincit *L. XVII. c. 24.* saltem in his, quæ ocularem inspectionem requi-

runt, cœcus versari non potest; Et tamen hoc etiam per relationem aliorum rectè peragitur. Uti- quæ cœcus non facilè iudex constitui debet, Iudex verò *constitutus* & postmodum cœcus factus, ob hoc removendus non est; si modò rei aliter prospici possit.

X. Officium judicis in genere est, ita judicare, quemadmodum Legibus & moribus est proditum & merita cujusque causæ postulant. Nobilis & vetus est quæstio, si iudici aliter de facto constet, quàm ex actis & probatis liqueat, utrum *juxta suam scientiam* (l), an ad fidem testium & instrumentorum jus dicere debeat. Imponere illi necessitatem pronunciandi quod falsum & iniquum esse novit, id verò durum neque committendum est. Rursus permittere, ut testes omni exceptione majores præ sua solius scientiâ spernat, exemplo pravum & noxium foret. Siquidem hoc prætextu; quoniam iudices, etsi debeant esse boni, sæpe malos vel ambiguos esse contingit; infinitæ tegerentur iniquitates. Plane is qui summam habet potestatem, aut qui datus est ita, ut iudicati rationem nullam redditurus (quanquam ita vix potest) merito tutoque scientiam suam præfert. Sed quorum sententiæ retractari possunt, his id nullo modo indulgendum, quia judi-
cati

cati rationem aliis ex conscientia sua reddere nequeunt, neque superior qui errorem ejus corrigit, aliter de eo quam ex actis arbitrari potest. Standum igitur media opinione; faciendum, ut judex eâ causa se exoneret, ac inter testes potius auxilio veritatis adsit.

(1) Juxta suam scientiam. Franzk. *I. Resol. 22.* & cum eo Brandmyllerus in *Manuductione ad Jus Canonicum* p. 426. putant, judicem quemcunque, etiam inferiorem seu subalternum, secundum conscientiam judicare debere: non enim esse probatum id, quod judex credere non possit, cum huic fides facienda sit. At verò *judici fides* fieri debet, in oppositione ad partes litigantes; sed tamen ita fieri debet, prout ratio *processus* fidem ex actis facere videtur: siquidem Judex legibus de processu constitutis adstrictus est; aliter in quâlibet causa tam Civili quam criminali mero *arbitrio* suo contra testes & instrumenta Judex niti posset: quod absurdum & in Rempubl. perniciosum est. Itaque distinguere oportet, inter Judicem *supremum*,

quippe qui *Legibus* judiciariis non tenetur, nec ulli mortalium, sed Deo rationem gestorum reddit: & inter Magistratum vel Judicem *inferiorem*. Prior ille secundum conscientiam utique judicare potest & debet, tentatis frustra rationibus, quibus probationum modi cum veritatis substantia concordare possent; sed *posterior* si probationibus quid imputare vel suspectas eas reddere non possit, abstinere causâ potius & rem ad superiorem deferre, ibique causâ de novo perquirendæ testem se & instructorem præbere debet: quâ ratione veritas facilius detegatur. Et deferendus adeo *Dannhaeuerus* in *cap. 2. quest. moral. 5.* quando supremum quoque Judicem secundum acta & probata judicare debere, statuit.

XI. Dein, per omnes judicii partes vertitur officium Judicis, initio ab in jus vocatione facto, quæ rectius multò jussu magistratus per apparitores fit, quàm lubitu privato, ut *olim tumultuario* (m) Romæ. Præter ordinariam illam per Nuncios publicos, est & extraordinaria citatio, quæ per tubam vel æris campani sonitum fit aut per edictum, quoties ad certum reum vel locum certum viatores dimitti non possunt: idque maxime *in criminalibus*, (n) reo fugitivo, exercetur*. In quibus & apprehensio magis quam citatio adhibetur. Absentes, qui se nunquam stiterunt, damnari, licet moris hodierni sit, rectius tamen jure Romano comparatum videtur, quo missio in possessionem bonorum absentis, disceptatione causæ reservata, fiebat, idque ob urgentissimam rationem, ne inauditus damnetur: maximèque in criminalibus hoc observandum. Ubi semel tamen se partes stiterint litemque sint contestati, ferendum non est, ut inchoatum judicium eludatur**, sed reo subducente se, judex ad definitionem procedet. Hæc de reo; Nam si actor qui vocavit adversarium, copiam sui non faciat, reum pro illo tempore duntaxat absolvendum res ipsa loquitur.

* *Vid. Nov. 53. cap. 4.*

** *Nov. 69. cap. 3.*

(m) OLIM TUMULTUARIO. Quod licet *Bachovius* in dubium vocet, tamen *Hahnus* n. 2. ad *Wesemb.* de *in jus vocat.* ipsi respondet. Et probatur sanè violentam vocationem obtinuisse, in statu *Democratico*, quasi quilibet civium auctoritatis publicæ quid sustineret, ex *L. XII. Tabb.* apud *Rittershus.* el. 3. ad *XII. T. c. 1.* verba sunt hæc: *si in jus vocatus non sit, testatō cum capito, si calvetur, i. e. moretur, pedemvè struit, manum in eum jactato.* *Göhausen* P. 2. *Peric. Acad.* 2. qu. 27. *Ant. Faber* ad l. 18. d. 1. in *Rationali*-Cujac. X. obs. 10. ubi *Plautus & Terentius.* Observarunt etiam morem hunc *Hebræi*, *Matthæi* 18. v. 18. Itaque non obstat l. 11. d. *in jus voc.* ibi: *pœniteat.* Resp. sufficit quoddam obortō collo fieri potuerit, licet non ubique facta sit: & quando dicitur, Patronum non invitum vocatum esse, potuit concurrere propria voluntas; indeque vocatio illa facilius per pœnitentiam excusari. Cœterum in l. 18. *cod.* vox *videri*, ut sæpe alias pro *esse* sumitur.

(n) IN CRIMINALIBVS. Vid. notata ad *Tit. de Requir. reis vel absens. damnandis.* Nec iustitiâ destituitur modus procedendi ad *bannum*: oder auf die *Nacht*, quibusdam locis receptus: & in terris quidem *Saxonis*, aliter in *Electōratu*, aliter in *Provinciis* reliquis proceditur. vid. rationem procedendi in *Electōratu* *Saxonie*, apud *Carpz.* in *Peinl. Inquisition und Nachts-Process.* & eund. P. III. *criminal. qu.* 140. In *Provinciis* verò *Thüringie* apud *Richter. de success. ab intest. sect. V. p. 102. & seqq.* ubi licet ante hæc declarati in *bannum* corpus & vita omnium impetitioni subiceretur, tamen per *Rescripta* *Principalia* modum illum abrogatum esse *Richter* notat, quippe qui solum *der Reichs Nacht* relinquendus sit: indeque *confiscatio bonorum* unicè obtineat; salvâ tamen legitimâ & portione statutariâ, idque nihilominus aliter ac in *O. Crim. art. 218.* ubi in *solo crimine læse Majestatis* *confiscationem* fieri posse, statuitur: adhibe *Coler. Dec. 102.*

XII. In citatione videndum, ne quis ad judicem incompetentem vocetur; quâ in re semper videndum, cui foro Reus sit subjectus; quod non modo æquitatis respectu ubique gentium receptum; sed & publici juris ratio idem inculcat. Insinuatio enim citationis quæ reo debet fieri est actus jurisdictionis, quam is nisi ab suo iudice agnoscere non compellitur, ex notissimâ regula, extra territorium suum jus dicenti impune non pareri.

XIII. Sortitur autem quilibet reus forum duplex, ratione domicilii & negotii, de quo agitur. Domicilium non ex origine, ut Romanis visum, sed ex habitatione, juxta quam suprâ *capite de civibus* dictum, æstimatur, & in omni causa reum citationi facit obnoxium. Negotium est civile vel criminale. Civile in Rem aut in personam dirigitur. Quod in rem instituitur, ibi judicandum, ubi res est sita. Non quod reus si in alieno habitat imperio citari queat, sed quod missionem in possessionem, si in loco rei sitæ se non defendat, pati debeat*. Actiones in personam contra Reum moveri possunt, ubi contractus est celebratus, vel ad quem contrahentes respexerunt, qui in dubio præsumitur idem ubi res gesta fuit. Nec tamen rursus, vi contractus adversarium alibi habitantem in jus vocare licet, sed oc-

casio expectanda, dum in nostro territorio reperiatur, ut de jurisdictione *superius* dictum. Continentia quoque causarum, de quâ *ibi-dem* egimus, judicem incongruum facit competentem; & hoc ad negotii subjecti pertinet conditionem. Denique ad hunc locum delicta referuntur, quæ tam ratione loci quo crimen admissum, quam personarum judicantur: scilicet ubicunque deprehensi sunt **, maxime tamen, ubi deliquere, puniendi facinorosi, quod & supra monuimus. Privilegia fori sunt quidem æque juris publici, at peculiaris & civilis, de quibus singularum scita gentium consulantur.

* *vid. l. 2. C. ubi in rem actio.*

** *L. 1. C. ubi de Crimin.*

XIV. Porro judices ad singulas causas dati identidem ante causæ cognitionem jurant, se integrè & sanctè judicaturos; sed ubi perpetuum judicis munus est, sufficit in ingressu officii juramentum præstari.

XV. Post litis contestationem, quæ perficitur intentione actoris & contradictione rei, propria incipit disceptatio & cognitio causæ, & ab hoc tempore judicii appellatio *stricte loquendo* (o) inchoatur. Si de facto partes consentiant, de jure saltem ambigant, sequitur decisio immediate. Quod si & in facto discrepent primò interloquitur judex & probationem utrique injungit, quod illi tam argumentis quam testibus & instrumentis satagunt. Et judicis officium est, testes, si nolint, compellere ad perhibendum testimonium. Instrumenta quæ probent publicâ fide composita esse debent, sive apud acta, seu per tabelliones ad eam rem publicè constitutos, quâ in re pernitiôsa quarundam civitatum negligentia cernitur. Cognita causa finitur sententia, quæ est Ultima judicis de re controversâ pronuntiatio continens vel absolutionem rei vel condemnationem tam actoris quam rei. Lis finita, dicitur *res judicata*; (p) unde confestim victori actio nascitur. At executio differtur aliquantisper; quâ in re civile fuit jus Romanum vetus, xxx. dies reis pecuniâ condemnatis pro laxamento concedens; Quadrimestre spatium, quod novo jure datum*, nimis enorme; mores hodierni qui parum aut nihil largiuntur asperiores videntur. *Modi* (q) quibus sententia executioni mandatur inprimis sunt, abla-

ablatio vel occupatio rei per manum militarem, pignoris capio & distractio bonorum.

* *L. ult. C. de usur. rei judic.*

(o) **STRICTE LOQUENDO.** Quâ videl. ad effectum judicii respiciamus, judicati sc. actionem, quæ ex *litis contestatione*, tanquam quasi contractu, nascitur: nam si judicium pro *processu integro* accipias, seu congerie actuum, ex quibus ordo judiciarius conficitur, ita judicium à citatione initium capit. juxta §. ult. *Inst. de pæn. temerè litigant.*

(p) **RES JUDICATÆ.** De jure quidem Civili *Justin.* protinùs rem *judicatam* esse dicimus *per sententiam*; undè non immeritò disquirir Colle-

gium Argent. an rectè dicatur sententia in rem judicatam transire? *Tit. de Appellat. th. 15. n. 11.* item, an rectè, cùm appellatur, res judicata, dici queat? id quod *affirmatur* ab eod. *Collegio Tit. de re jud. th. 111. arg. l. 32. in fin. de re jud. l. 14. C. de appell. l. 23. §. 1. de Cond. indeb.* longè aliò sensu atque *Jure Can.* rem judicatam esse dicimus, post fatalia, sc. *appellationis interponendæ, præclusa.*

(q) **MODI.** Rationem *exsequendi* nemo melius explicuit *Colerò* in *Traët. de Process. executivis.*

XVI. Impeditur executio per appellationem; quæ nihil est aliud quam Querela super iniquâ sententiâ aliove gravamine, ab inferiore facta ad superiorem. Quæritur, an hoc remedium lege seu statuto civitatis *tolli queat*; (r) & responsio est, appellationem proprie dictam rectè tolli; at omne remedium, quo de iniquitate judicum queri aut supplicare liceat, nulla Lege auferri posse.

(r) **TOLLI QUEAT.** Videbatur posse tolli, quia defensio civilis est, ut *Anton. Matthæi* docet ad *Libr. XLVIII. d. Crim. Tit. 17. cap. 5. n. 11.* licèt ad Jus naturale reductivè pertrahatur, ut omnia, quæ juris positivi Civis sunt; aliàs enim non posset summa potestas de appellatione disponere, ceu de potestate illâ latè agit *Brederodius P. I. d. Appell. Tit. 11. col. 24. & seqq.* At verò de Summo Principe hîc non disquiritur; indequè rectè plerumquè statuunt, quòd nullum *statutum*, quantumvis sit juramentò firmatum, appellationem ad judicium superius impedire possit: vid. *E. G. D. P. II. tit. 28. §. 2. Gail. observ. 135.* quamvis *limitare statûs* Imperii Appellandi licentiam, veluti per necessitatem præstandi juramentum calumniæ, deponendæ certæ pecuniæ &c. non prohibeantur. vid. *N. N. d.*

an. 1654. §. 115. Nam subditus quidem in unâ alterâve lite *renunciare* appellationi potest, sed non potest ei *renunciare absolute* & in genere: siquidem hoc jura superioris attingeret vid. *Tabor. ad Barbosam Lib. 1. cap. 75. axiomat. 2.* frustra contrarium suggerente *Capollâ, cautela 37. confer. Mynsing. III. obs. 58.* item *Clezelium c. 4. d. Appellat. n. 7.* ubi de gravamine denegatorum processuum; veluti citationis & similium: Quamvis autem per viam *S. Q.* gravamen *denegata Justitia* proponi debeat; tamen certis requisitis accedentibus, (d. quibus *Myns. II. obs. 24. & III. obs. 57.*) *appellationem* quoque desuper institui posse, *Anton. Faber* docet, *L. VII. C. 5. tit. 26. def. 4.* Sed hîc distinctione ulteriori opus, ut exposuimus *d. Gravamp. extrajud. c. 3. P. 2. sect. 1. membr. 1. §. 2.*

XVII. Differt ab appellatione Relatio *, quæ duplex est; una cum judex Principem expositâ facti specie super jure consulit; hæc non impedit appellationem. Altera, cum omnia & integra acta mittuntur ad Principem, ut is ipse ferat sententiam, cui sese judex parem

non sentit & ab hâc non potest provocari. Perinde à provocatione differt Querela denegatæ justitiæ, quæ immediatè ad Principem fieri potest, vel eum qui vicem Principis hætenus exercet.

* *Tit. Cod. de Relation. l. 34. C. de appellat. junctâ l. 1. §. 1. D. eod. tit.*

XVIII. Plures appellationum gradus civitati sunt noxii; ubi tamen sunt plures potestatum gradus, ibi totidem provocationes fieri necessum est, quia *per saltum* (s) nulla fit appellatio.

(s) *PER SALTUM.* Vid. tamen casus, quibus omissio mediæ appellatur, ap. Berlich. P. 1. Concl. 50. n. 67. & seqq. junctô Rodingio Lib. . Pandect. Cameral. Tit. 20. §. 6. & seqq.

XIX. Propter moras & sumptus judiciorum haud rarò in arbitros compromittitur, qui sunt privati homines, quos partes eligunt, ut litem instar judicum definiant. Horum omnis potestas compromisso continetur, quod tamen de rebus ad jus publicum pertinentibus, in quibus *crimen aut infamia* (t) similisve causa vertitur, concipi non potest. *

* *JC. in l. 32. §. 6. de arbitris.*

(t) *CRIMEN AUT INFAMIA.* Nec enim hæc privati sunt arbitrii, ne quidem si civiliter de criminibus ageretur, quasi sc. læso damnum præstari conveniat: neque etiam ex delictis *privatis*, de *actionibus famosis*, quæ indè oriuntur, compromittere licet. l. 32. §. 6. ff. de Receptis. Sandius

Lib. V. Tit. 8. Dec. 6. Ratio inter alias est in l. 63. de furt. potest tamen de contractu ex quo de dolo condemnatum *infamia* sequeretur, compromitti, arg. l. 13. §. 5. de his qui not. infam. quoniam sc. contractus ejusmodi non semper & per se infamiam condemnato attrahit.

XX. Sententia arbitratorum non parit actionem rei judicatæ, quoniam hæc publicam supponit auctoritatem. * Imo partes, *pendente cognitione* (u), arbitrum deferere & judicem adire possunt. ** Utroque tamen casu, si vel destituant eum vel pronunciato stare nolint, exigere possunt pœnam compromisso præfinitam. *

* *L. 1. C. de arbitris.*

** *JC. in l. 30. D. eod. tit.*

* *Cit. l. 30. in fin.*

(u) *PENDENTE COGNITIONE.* Neque enim *litis pendentia* aut *præventio* per compromissum inducitur: l. 30. ff. de recept. l. 2. C. ut lite pendens. ut proindè exceptio ejus coram ordinario ob-

jici non possit: cap. *quamdiu d. Appell.* Gail. 1. Obs. 141. n. 3. Undè & pendente compromissio pars alterutra appellationem coram superiore prosequi valet. Rugiellus §. 11. de appell. glossa 1. n. 57.

XXI. Pro-

XXI. Provocatio ab arbitro nulla potest fieri, cum quia partes suo consensu huic beneficio renuntiasse videntur; tum quia nulla inter arbitrum qui privatus & judicem subordinatio inferioris ac superioris est. *Reductio* (x) quæ fit hodie nec cum juris publici ratione, nec cum naturâ compromissi satis convenire videtur. Verum, ut è *silentio* (y) certi temporis, præsumptio, quod partes acquiescant ac inde actio quasi judicati nascatur, id habet rationem *.

* *L. penult. C. de arbitr.*

(x) *REDUCTIO.* Admitti demum *Reductio-*
nem in enormissimâ læsione; praxi *Camera* (vid.
Meichsn. *Tom. 1. Dec. 11.*) nec minus in *Galliâ &*
Belgiô receptum est. Regnerus *ad Tit. de recept. in*
Censurâ §. 5. prout etiam contrâ *laudum* ejusmodi
per exceptionem doli victus se tueri poterit, *arg.*
l. 36. d. V. O. j. l. 3. C. de recept. l. 32. §. 14. ff. eod.
St. A. 1594. §. 65.

(y) *E SILENTIO.* Quod *homologationem*
dicunt, fumendô eam pro qualibet laudi appro-

batione, contrâ quàm vox illa *l. 4. §. fin. C. de re-*
cept. pro sponderi accipi videtur. Et quidem, si
subsecutô *laudô* intra 10. dies contradicatur, omnis
vis laudi eliditur, ut rectè *Bronckhorst. I. évênt.*
63. aliàs comprobatum censetur, si videlicet *pœnâ*
vel stipulatione compromissum munitum non sit:
nam ita quandoquæ præstitâ *pœnâ* seu eo quod in-
terest, *laudum* evitare, & *ad ordinariûm* proce-
dere licebit, *juxta Scacciam d. Judicis Lib. II. c. 2.*
n. 408. & seq.

XXII. Cæterum de personis judiciî reliquis principalibus, acto-
re & Reo non est quod agamus. Sponte intelligitur, actorem esse,
qui provocat ad judicium, Reum qui provocatur. Utriusque com-
mune est, quod si temere ad litigandum procedant, impensis adversæ
partis & aliquando infamiâ puniantur*, præter jurisjurandi religio-
nem, quâ initio calumniæ causâ obstringuntur.

* *Vid. tit. Inst. de pœnâ temerè litig.*

XXIII. Personæ minus principales ad judicium necessariae sunt,
Scribæ, Executores, Apparitores, Viatores, denique Advocati &
Procuratores. Ab Advocatis differebant olim *Patroni* (z), hodie
utroque munere iidem funguntur, tam consulendo quam voce scri-
ptoque causas adjuvantes. Advocati habent clientes & precibus ad-
euntur, sed Procuratores mandato constituti pro dominis funguntur,
omniaque ad instruendam causam necessaria præter juris patrocinium
expediunt. Olim ita juris publici erat advocari & procurare, ut à
quovis pro quolibet institui possent, nunc alio sensu publica sunt, ut à
nemine quam cui venia data sit, illa munerum exerceantur. Qui-

busdam locis Procuratorum officia & Advocatorum pariter habentur, laudabili instituto, etsi dignitatis speciem minuat advocatis, modo litigantibus compendio sit.

(2) PATRONI. Quanquam *postulare pro se* ipse quis potuerit, etiam reus, plerumque tamen in eo alii, quos *Patronos* appellabant, Clientibus suis præbebant ministerium; *Advocatis* extra iudicia & tribunalia causam consiliis instruendis: donec idem qui consilia præbuerat, causam etiam in foro peroraret, & utrumque aded munus subiret unus & solus Advocatus: quod quidem *sub Augustis* percrebuit. Hodie ad pristinam ferè distinctionem reductum est, & Advocatus plerisque locis non postulat, sed Procuratores patrocinandi munus occupant.

CAPVT IV.

De

Judiciis Criminalibus.

ARGVMENTVM.

Animadvertendi in crimina modus duplex, Inquisitio vel accusatio & de ordine utriusque. absentes non damnandos. an reus dum capitur vi resistens jure occidatur: an questio per tormenta rationi & justitie conveniat. De pœnis, earum divisio triplex. rationes puniendi varia; & ignoscendi cause.

I.

Quanquam de judiciis locus superior generalis fuerit, pleraque tamen ad civilia inprimis pertinent, criminalia in multis secus habentur. Modus vindicandi maleficia duplex est, per inquisitionem vel per accusationem.

II. Inquisitio fit immediatè à Magistratu, cum vel delicti ignotus est auctor (a), vel notus quidem, at à nemine postulatur.

(a) IGNOTVS EST AVCTOR. Nempe duplex est *Inquisitio*: *Generalis*, ad hoc scilicet, ut delictum & auctor ejus inveniatur, an & à quo commissum sit? quâ inquisitione etiam eum, qui *inferiorem jurisdictionem* habet, Carpzovius P. III. qu. cr. 103. defungi posse, docet: & *specialis*, quæ à capturâ rei de Crimine diffamati vel denunciati

initium capit. Equidem generali inquisitione non opus est, quando de delicto & reo constat, sed ad specialem tantum proceditur *Mevius V. Dec. 302.* Aliquando tamen *Judex injuriarum* conveniri potest, quando protinus, sinè indiciis urgentibus, ad certam personam deflectit.

III. Accusatio apud Romanos in certis & gravioribus delictis cuilibet è populo competeat, hodie omnium criminum soli ad eam rem constituto Procuratori persecutio committitur. Non male, si-
quidem

quidem multa manere delicta oporteret impunita, si è populo *accusator esset expectandus* (b). Querela tamen nec hodie privatorum excluderetur, si negligentia conniventiaue Procuratoris vigor justitiæ adversus quosdam remitteretur. Quin etsi inquisitio fiat, causa tamen *per modum accusationis* (c) & defensionis agitata & discutienda est.

(b) ACCVSATOR ESSET EXPECTANDVS: Quanquam vero jure Justinianeò *inquisitionem* non obtinuisse aliqui doceant; tamen illud falsum esse, Besoldus c. 18. *Proc. Judiciarii* & Carpz. d. l. n. 24. & seq. ex l. 13. d. *Offic. Præs. l. 1. C. d. custod. reor. l. 7. C. de Accus. & Nov. 121.* satis docent; de jure verò *Canonicò* minor dubitatio est c. 17. 21. & 24. d. *accusat.* confer. Brunnem. c. 1. *Process. Inquisit. n. 2. seqq.* nimirum, si accusator non prodiret, utique Magistratus curæ inquisitio commissa fuerat. vid. l. 2. §. 5. ad L. *Jul. d. adult. arg. l. 14. C. de accusat.* Undè *Inquisitio* pro modo *extraordinario*, aliter ac hodiè, ubi *ordinarium* judicii genus factum est, habebatur. Et tamen variè fervatur: sic enim in Ducatu *Württembergicò* generalis quidem inquisitio usu obtinet, sed *specialis* non omnimodè: nam in caus. Capitalibus judex

ordinario modò, per viam accusationis, à *Procuratore Fisci* susceptæ procedit, in non capitalibus solum ex officio, & per viam *inquisitionis*.

(c) MODVM ACCVSATIONIS. Distinguentum nihilominus est, an accusator, ante receptas probationes, superveniat: quâ ratione doctrina *Auctoris* procedit regulariter; an post eas: & tunc demum si probatum crimen non fuerit, accusator adhuc admittitur. vid. Carpz. qu. cr. 107. n. 55. Econtra è Processu accusationis Processum inquisitionis fieri, tradit idem Carpzov. n. 58. quamprimum torturam reo imponendam esse decernitur vid. Eund. qu. cr. 106. n. 97. id quod malè negat cum *Oldencopio Decad. 1. qu. 6.* contra *Carpzovium*, *Blumlacherus ad Ordin. Crim. art. 45. n. 3.* quippe quos non juvat art. 45. 46. 47. 78. 94. & 95. dictæ *Ordin. Crim.*

IV. Delati graviorum criminum carceri confestim mancipantur & ex vinculis causam dicunt; ratione manifestâ; Nisi ob qualitatem delicti & personarum reus vel custodiæ militari aut *fidejussoribus* (d) committi posse videatur: quod à Judice æstimandum*. Et quidem haud facile sponzor in his, ubi de pœnis corporalibus agitur, admitendus, quia, si fugiat reus, judicium eludetur, quando competens supplicium à fidejussore expeti non potest. Neque verò civilis materia obligationis est inter gentes, ut ad mortem se quis aut cruciatum obstringat, nec denique justitiæ hoc modo satisfaceret.

* L. 1. & seqq. D. & Cod. de custod. reor.

(d) FIDEJVSORIBVS. Qui locum habent in crimine corporis pœnâ non coercendo. *Blumlacherus ad Art. 76. O. Crim. n. 8.* quin & *immobilia* reum possidere hoc casu sufficit Carpz. P. 3. qu. cr. 112. n. 47. imò in crimine etiam illo, quod corporalem pœnam habet, si ex actis appareat, eam reo metuendam non esse, *fidejussores* non minus admittuntur. Ubivis autem fidejussores

de judicio *sisti* recipiuntur, quando rei copia haberi non potest; quippe quodd in gravioribus etiam delictis, & vel atrocissimis, reo ejusmodi *salvus conductus*, ad oblatam cautionem sufficientem, conceditur: (quæ quidem cautio in *generali conductu* non exigitur: vid. Carpz. P. 3. qu. cr. 112. n. 53.) Durat autem *salvus conductus specialis* solum eò usque, bis was *Peinliches wieder den Inqui-*

Inquisiten erkannt wird, malè dissentiente Olden-
copio Decad. II. qu. 10. contra Carpzovium, quasi
reus à sententia torturæ adhuc appellare possit:

nam ita nunquàm salvus conductus, etiamsi sen-
tentia definitiva lata esset, finiretur.

V. Absentes non videri damnandos sed innocentia perpetuam
patere defensionem debere, superius dictum *. Item, ubique loco-
rum, ubi Reus deprehenditur, iudicium rectè institui, rectius tamen
ad locum admissi, modo requiratur, transmitti, & hoc suprà dictum.

* L. 1. in pr. D. de requir. reis & absent. damn.

VI. Si Reus vi resistat aut fugiat, an occidi possit? quæritur; &
quidem de fugâ sine morâ negandum est. Si vim opponat, videtur
bellum esse; proinde hoc agendum, ut quovis modo capiatur, in quo
tumultu Reus cadens, *jure cæsus videbitur* (e).

(e) JURE CÆSVS VIDEBITUR. Quin & si
eruptio rei periculosa futura sit Reipubl. aut si in
gravi & flagrante crimine deprehendatur, armis se
defendentem, citrà mandatum judicis, occidere

posse apparitores, firmat Bachov. ad Tr. Vol. II.
Disp. 31. th. 6. Lit. C. & Ant. Matthæi de crim. Lib.
XLVIII. tit. 14. ubi simul quomodo fugientem in
alieno territorio apprehendere liceat, disquirat.

VII. Carcere clausus celeriter examinandus judicandusque, ne
mala mansio poenæ loco cedat, nec omnino *excedendum* (f) juris Ro-
mani biennium sine causâ.

(f) EXCEDENDVM. Conf. Coll. Arg. d. cu-
stod. reor. th. 9. Aliquando respectu patientis, non
item Magistratûs, carcer pœna dicitur, l. 1. & 2. C.
cod. Quòd autem l. 38. de injuriis publicorum vin-
culorum mentio fit, de carceratione intelligi non
debet, sed de condemnatione ad operas publicas,
Bachovius Vol. II. Tr. Disp. 35. th. 4. lit. d. Jure ta-

men Canonico & moribus nostris, qui lege publ.
probantur, non modò carcer temporalis poenæ ce-
dit, Art. 157. & 216. Ordin. Crim. verùm etiam car-
ceres perpetui dictari possunt, frustra dissentiente
quoad hoc Menochio l. d. Q. 39. n. 2. & 3. de quo
inferius.

VIII. Damnandus verò haud dubie nemo, nisi confessus aut in-
dubitatis probationibus evidenter convictus, quâ in re non modo ad-
mittendi testes & instrumenta, sed & artificialia argumenta ex cir-
cumstantiis facti desumpta, quæ modo tam clara sint, ut nullum du-
bitandi locum relinquant *. Nam ex indiciis & præsumptionibus li-
cet urgentissimis, *neminem* unquam *damnandum* (g) ratio salutis huma-
næ omnino flagitat; valetque hætenus regula; præstare fontem di-
mitti quam innocentem damnari.

* L. ult. C. de probat. l. 1. §. 4. D. de quæstion. l. 2. C. Quor. appell. non recip.

(g) NEMI-

(g) NEMINEM DAMNANDVM. Distingunt communiter, ut ad condemnandum omnino requirantur in Criminalibus probationes luce meridianâ clariores; *l. fin. C. de probat.* nisi causa sit difficillimæ probationis, & quæ in sensû exterioris non incurrat. *v. l. 5. § 6. de remilit. & Carpzov. P. 3. Const. 15. def. 11.* Aded ut licet Mynfingerus *VI. Obs. 97.* aut confessum aut convictum esse reum oportere, tradat: tamen hoc posterius alii sic etiam intellectum velint, ut *plures imperfectæ proba-*

tiones ad convincendum conjungi possint, vid. omnino præ cæteris *Taborem*, in *Tr. d. Quæstionib. p. 123. § 177.* De eo autem dubitandum non est, quodd ad effectum *torquendi*, & facilius ad punctum *inquirendi*, imperfectæ probationes sufficiant, velut ipse Mynfingerus *Lib. V. Obs. 33.* rectè docet: ubi non minus etiam à rigore doctrinæ suæ in *d. Obs. 97.* quoad effectum *condemnationis* remittit, atque conjecturæ probationi ex præsumptionibus urgentibus locum facit.

IX. Sed gravissima quæstio hæc est, si probationes ad sententiam non sufficiant, an quæstionem de Reis per tormenta habere liceat: Ufus temporum fert ita; multi tamen sapientes viri in alia omnia. Multum mihi interesse videtur, *abstracte ita quæsitum (h)* ponatur, an hoc modo, sitne Lex justa de tormentis. Priori modo largiendum videtur, non posse justum censi, ut is de cujus crimine dubitatur nec confessus nec convictus, malum patiat, maxime cum & insonites hoc præambulo cruciatu ad confitendum haud rarò adigantur. Leges tamen de tormentis probandas existimo, modo adsint duo requisiti & una cautio. Primum, ut crimen sit grave, quod sine magno Reipublicæ detrimento non potest ignosci. Secundo, ut adsint tam prægnantes præsumptiones, sola ut rei confessio deesse videatur, ut judex, licet ad damnandum progredi nequeat, * prope tamen certus sit animi, fontem esse Reum. Cautio est, ne confessiones extortæ pro exploratis facinoribus habeantur, sed ni cum judiciis & vestigiis facti omnibusque circumstantiis conveniant, fidem ne mereantur. His suppositis, Legem de tortura non esse improbandam, ea nobis ratio est, quâ & alias usi sumus, quod Lex sit *ὁμολογία πόλεως*, communis Reipubl. sponsio, cui sponte cives se submittere intelliguntur, quam proinde nemo injustitiæ adversus se aut alium quemvis arguere potest. Deliberatio civitati proposita fuit, utrum facinora, de quibus magna præsumptio, non tamen erat liquida probatio, dissimulari vellet, an per tormenta inquire. Si hoc, metuendum erat, ne non insonites aliquando affligerentur. Si illud, infinita delicta, quæ plerumque sine arbitris committuntur, impunita manerent, multoque magis crebrescerent; maxime cum ne jusjurandum quidem ob periculum perjurii reis imponi posset. Et hoc consequens nullo modo

impediri; prioris incommodum ferè totum evitari poterat, si requisita modo posita custodirentur. Aut igitur tota civitas perpetuo ingenti incommodo & discrimine laborare debebat, aut tale quid recipiendum, unde rarissime nec nisi exquisitis casibus immeritò civis torqueretur. Prius sine dubio cum gravius, alterutrumque necessarium esset, pono cunctos cives decrevisse, recipiendum id in quo minus esset malum, & adhibenda tormenta, cautissimè tamen; seque singulos huic subjecisse periculo, ut si quem prægnantibus indiciis (quod tamen nunquam sine aliquâ culpâ, saltem imprudentiâ accidit) circumveniri contingeret, uti quæstio habenda foret, id, etsi forte nec nocens, pateretur. Malum hoc triste non turpe erat, ad quod sua se quemque voluntate boni publici causâ obligare posse dictum est aliàs.

* L. 1. §. 1. D. de quæstion.

(b) ABSTRACTE ITA QUÆSITUM. Absolutè sc. spectatam torturam improbat auctor, respectivè & quâ per legem tanquam *sponsionem communitatis* in Republ. placuit, licitam esse ait. At verò hoc est re ipsâ torturam *improbare*; in quo multos habet consentientes. vid. Wissenb. ad ff. d. qu. n. 13. Besold. in Thes. Pr. voc. *Peinliche Frage*. Anton Matth. d. crim. p. 802. Bachovium, Zepperum & alios: argumentò potissimum hòc ductos; si tortus tormenta pati potest, non fatebitur; licèt deliquerit: si pati non potest, innocens fatebitur: Enimverò inter rem & rei modum discernendum est. Nemo torturam injustam dicit, si præquiramus, ut de corpore delicti constet, ut poena delicti sit corporalis, ut ad confirmationem potius quàm ad investigationem veritatis instituat, ut penè convictus sit reus gravibus indiciis, minimum semiplenè probantibus. Nec Augustinus torturas reprobavit; velut hoc ipsum unâ cum cæteris ad justitiam quæstionum seu torturæ pertinentibus exequitur Tabor d. Tract. de Quæst. p. 8. 37. & seqq. ubi p. 18. in solâ Angliâ & Sueciâ torturas receptas non esse tradit.

Exempla Tragica, quæ apud Oldencopium in appendicè Cantelarum Criminal. apud Hanedæsum quæst. ult. Exerc. Imperialium, & alibi exhibentur, si rectè examines, ad regulas accuratæ quæstionis non quadrant, & imò, si vel maximè in tot millibus qui torquentur, unum vel alterum innocentem torturam indignè pati contigat: num propter eâ, ipsas torturas penitus ex Republicâ eliminandas, sequeretur? nisi etiam ipsa judicia tollere, testes non adsciscere, & quæcunquè in humanis rebus aliquando, licèt rarissimè, & ferè nunquam, fallere possunt, exterminare velis? Cæterum ex Auctoris distinctione quælibet, etiam iniquissima, si lege publicâ reciperentur, (quam sponsionem esse non nisi certò modò, supra exposuimus) justa dicere liceret, quod absonum est. Videlicet non de eo quæritur, an torturæ quoad effectum justæ sint? nam ita injusta sæpè quoquè justa dicimus; velut rem iniquè judicatam; sed an formaliter, h. e. an modus talis sit, quem lege in Republ. introducere possimus & imò debeamus.

X. Genus tormenti (i) oportet ejusmodi sit, quod transitorium, licet acrem habeat dolorem, neque membris sit mutilandis, denique ab ordinariis puniendi modis abhorreat*. Quâ causa, quod nonnemo virgas commendat ut efficacissimas nec corpori in futurum noxias,

xias, id iis in locis ubi fasces poena sunt, admitti non debet: alioqui multis aliis *παρὰ τὴν νόμον* torquendi modis virgæ præstarent,

* *Damboud. prax. crimin. tit. de Quest. c. 37. in fin.*

(i) GENVS TORMENTI. Apud Romanos fuerat *equuleus*, vid. Rosinum *L. IX. c. 31.* sed tamen & *fidiculæ* seu *funes* (vid. Bocerum *de Torturis c. 3. n. 19.*) ut & nunc adhibeantur. Carpz. *qu. cr. 117.* sunt etiam *pondera*. Zangerus *cap. 4. d. tortur. n. 8.* *Adufusio* ignis seu luminum, summum torturæ gradum conficit, nec unquam ille decerni-

tur, nisi in Criminibus nefandis & exceptis. Carpz. *d. l. n. 40.* ne quidem si plena tortura decreta fuerit, quam nos exprimimus per formulam: *Ziemlicher massen.* Apud Italos efficacissimum genus torturæ est *vigilia*. Farinacius *Lib. 1. Criminal. Tit. 5. quest. 38. n. 17.*

XI. Damnatis poena infligitur, quæ est *delicti coercitio* (k), de qua summa regula est, quod pro quantitate peccati gravior esse debeat, ut tamen crebrescentibus delictis ex usu Reipubl. asperari possit.

(k) DELICTI COERCITIO. Aliis *malum passionis*, quale dicitur non minus, quando quis ad remos & metallum damnatur: nam in his quodque passio est, ut rectè Pufendorf. *L. VIII. c. 3.*

§. 8. siquidem molesta actio plus ex passione trahit. Cæterum *d. l.* idem Pufendorff exponit, quæ ratione ad hoc nemo teneatur, ut poenæ se ipsam offerat.

XII. Nec tamen ad distributivam quæ dicitur, sive ad tributicem justitiam, poenæ referuntur, verum expletricem, quia & puniens *perfectum jus* (l) puniendi, & qui plectitur poenam perfecte mereri debet *.

* *Grot. l. 2. c. 6. 20. §.*

(l) PERFECTVM JVS. At vero non minus in *Justitia distributiva*, ut in totâ *Justitia particulari*, jus perfectum reperitur: quo ipsò præprimis à *Justitia universali* distinguitur: & quis in *muneribus*, quæ ad justitiam distributivam pertinent, jus non perfectum esse diceret? Interim ad *Justitiam universalem* illicitorum poenas refert *Rachelius* in *Diff. de pœnis §. 20.* Equidem ad *distributivam* justitiam, particularis justitiæ alteram speciem, eas non respicere, rectè docent communiter; nec enim poenarum eadem quæ præmiorum est ratio; quanquàm nec *præmia* in sensu stricto accipiantur, dum ad distributivam ea referimus, sed pro *commodis* cujusque generis, quæ a Civitate quilibet civium percipit: quâ ratione *onera*, non item poenæ, illis opponuntur: quippe poenæ non debentur Civi quâ civi: non etiam *personarum* respectus est in pœnis, sub ratione objecti *per se*, licet *per accidens*, ut majus locarium opificem peri-

culosum, in locatione domus, pendere oportet; & tamen *Grotius* ne quidem ad *commutativam* justitiam (*Lib. II. c. 20. §. 20.*) poenas referri posse vult, quia se. poena non possit dici *deberi*, aut per eam reddi quid nocenti: quanquàm omnino licet personæ quid non reddatur, tamen malum poenæ retribuat *malo culpæ*: quæ relata sunt, & imò ad *commutativam* justitiam *debitum & creditum*, quod *contractuum* tantum est, præcisè non requiratur; cum & *totum jus in re*, & alia multa, præter conventiones, ed referantur. Num E. *peculiarem* aliam *particularis* *Justitiæ* speciem, quam Pufendorff *L. I. Elem. Jurispr. def. 17. §. 4. & Lib. VIII. c. 3. §. 24. d. J. N. & G.* inducit, *vindicativam* scilicet, recipimus? ut *damni* saltim reparatio ad justitiam *commutativam* referenda sit? Nequaquam: sed potius distinguendum est, ut si *persecutionem* intueamur, quam *Respublica* suscipit, eam *universali* *Justitiæ* relinquamus: siquidem *Reipubl.* delinquens

linquens non quidem ut Civis, sed tamen ut reus, & perfecte quidem, secundum justitiam universalem, obligatur: ad particularem verò vel justitiam illam correctivam, quæ commutativa inadæquate dicitur, referamus exactionem pœnæ, quam quasi ἐν

συναλλάγματος, postquam factum infectum fieri non potest, obtinere nos, licet invito reo, malumus, fidem seu perfidiam delinquentis secuti: de quâ re in *Differt. d. justitia* §. 26. plenius dictum est.

XIII. Pœna triplex à fine triplici non malè statuitur à Tauro Philosopho, *υπεσία, τιμωρία, παράδειγμα*. * Primam speciem latine dixeris *admonitionem*, quæ dirigitur ad emendationem peccantis, ideoque capitalis esse non potest; Nam quod ** Seneca dixit, interdum ut pereant, interesse pereuntium, *huc applicari non potest*. (m) *τιμωρίαν* dixeris *satisfactionem*, cum, ut Gellius ait, dignitas auctoritasve ejus in quem est peccatum tuenda est, ne prætermissa animadversio contemptum ejus pariat & honorem levet; nec tantum dignitatis sed & cujusvis causâ juris tuendi intelligitur. *παράδειγμα* est *exemplum*, cum ideo pœnæ exiguntur, ut unius supplicium metus sit multorum, aliique similia cæteroquin ausuri deterreantur. Forsitan & quartus erit finis, *cautionis*, ne idem qui deliquit nobis aliisve rursus nocere queat; etsi hoc alii ad *τιμωρίαν* referant; ego verò ad *υπεσίαν* malim, est enim medium hoc emendationis.

* *ap. Agell. lib. 5. c. 14.*

** *lib. 1. de ira cap. 5. in fin.*

(m) HVC APPLICARI NON POTEST. Ut nempe ad emendationem non pertineat. Locus Senecæ hic est: *ultima supplicia sceleribus ultimis imponat Judex, ut nemo pereat, nisi quem perire etiam pereuntis interfuit.* Ne videl. in nequitia diutius hæreat, & quò unò modò potest, desinat esse malus: nam hæc Senecæ dictio figurata est, solent alias pœnarum fines distingui, ut alius intendat bonum singulorum; quod fit in pœna tam medicinali, quæ emendat & hominem puniendum respicit: quàm *satisfactoria*, quæ læsum concernit; alia bonum *Communitatis* intendat, ut in pœnâ *exemplari*; siquidem in hac etiam declinatio & aversio mali rationem boni habet. Nec ergò boni ratio cessat, si vel maxime pœnæ non alius finis sit, quàm ut malus tollatur è medio; licet Grotius *Lib. II. c. 20. §. 4.* in hoc casu pœnam remitti posse statuatur: & vix unquam potest fieri, ut tres illi fines eod. tempore & in eod. delinquente simul cessent. Quod verò finem cautionis, quem Auctor hic sub-

jungit, attinet, ille plerumque in tertium genus pœnæ illabatur: quanquam suò modò ad emendationem pertineat: nec tamen eò sensu, quò ab Auctore hic *υπεσία* accipitur: nam illa ipsa peccantem respicit. At vero non potest emendari, qui è medio tollitur; licet hoc ipso emendentur alii. Nec etiam ad satisfactionem finis ille respicit aliter, quàm ut in posterum metu liberentur cives mali sibi met inferendi, non etiam ut præteriti mali reparationem eò modo recipiant. Denique H. Grotius *d. l.* notandus est, quando malè docet, hominem in puniendo quid propositum habere debere, quòd *bonum* sit, Deum verò etiam punire posse, ex nullâ causâ, simplici Jure *dominii*: cum tamen pœna non sit actus domini, & hoc quoque Dei dominium non debeat adversari justitiæ divinæ, quæ culpam in puniendo requirit: quâ de re *superius* extensè dictum est. De illa pœnâ quæritur, quam bello sumunt ab invicem Reges & Respublicæ; videlicet quando *denegatio* ultionis *satisfac-*

tisfactionis & violenta peccati sui seu *iniquitatis* defensio, bellum parit: quod quidem *proprie* effectum poenae habere dici non potest, sed *mala* solum habentur per modum belli illata, in quibus propriis quisque viribus & arbitrio cautionem sibi de futuris injuriis procurat: nec ut coërceatur lædendens, alterius cujusquam, sed directè solum læsi ipsius, interest, in cujus etiam arbitrio consistit, an injurias exequi velit. Quid quod cautio bellica desinita non sit, sed pro conditione status nostri & hostium sumi soleat, quæ omnia in *panis* propriè dictis, & auctoritate *superioris* illatis, secus habent. Haud dubiè enim *Grotii* sententia illa d. *Lib. II. c. 20. §. 40.* vana est, qui putat Reges posse Gentes adeò *punire*, ut etiam aggredi eas possint obpeccata, quæ Reges illos peculiariter non tangunt, quando immaniter jus naturale & Gentium violent: Neque enim judices sunt Reges illi, neque

imperium habent, nisi in subditos, & intra suum territorium; quin potius Deus ea, quæ in contumeliam ipsius vergunt, Ipse vindicabit, suamque perniciem ferent peccantes, quorum crimina etiam alia nil ad Reges alios: vid. *I. Corinb. V. v. 12.* & jussu speciali divinò ejusmodi Reges omninò destituuntur. Nec *obst.* quod *Grotius* dicit, iisdem jus persequendi competere, non quia imperant, sed quia nemini subsunt: nam punitio requirit *facultatem*; hæc vero *positivum* quid est: proinde hostis etiam hostem non tam punit, quam affligit; neque enim ejus Dominus est aut superior: Pertinet huc disquisitio illa, quæ antehac auctoritate Caroli V. Imperatoris à viris divini & humani juris peritis super *Expeditione Indica* suscepta est, cui manum accuratiorem imposuit *Sepulveda* senator in *suprema Curia Hispanicâ Indiarum*.

XIV. Hi omnes usus in plerisque non capitalibus quæ publice exiguntur poenis concurrunt, ut est fustium, virgarum, flagellorum, vinculorum castigatio, verberatio. Ad emendationem magis, quam & ad reliquos fines, pertinet *damnatio ad opus publicum*, (n) Relegatio, interdictio fori aut negotiationis, similisque juris alicujus. Ad *satisfactionem* maxime pertinent poenæ pecuniariæ his qui læsi sunt applicatæ, *παλινωδία* (o) in injuriis & reliqua poenarum genera pro cujusque qualitate, ut hæc ratio magis aut minus illis quadrat. Ad *exemplum*, poenæ capitales in primis referuntur, maximè tales quibus & minus fontes quandoque involvuntur, veluti *decimationes* (p). Sed & hæc capitales suos gradus habent. Summus olim *crux* (q) erat, hodie vivi crematio, dein reliquæ mortium species; quamvis & omne mortis genus rectè summum dicatur supplicium.

(n) DAMNATIO AD OPUS PUBLICUM. A qua differt damnatio in *metallum*, quæ si maxime temporalis fuerit, civitatem perimit *l. 28. §. 6. de pan.* perpetua vero etiam libertatem. *l. 17. eod.* sed damnatio in *opus publicum* perpetua civitatem adimit. *l. 34. d. t.* temporaria ne quidem civitatem tollit. *l. 6. C. ex quib. caus. infam. irrog.* Hodie post *Nov. 22. c. 8.* nullum genus poenæ libertatem aufert. vid. *Wissenbach. l. 16. Et seqq. ad ff. d. pan.*

(o) PALINODIA. Hæc quidem ad *pænas* referri non potest, nisi ubi actus singulariter *ignomi-*

ni adhibentur. Undè nec *criminalis* est actio ad *Palinodiam*, sed civilis, & rei tantum, id est, *honoris* exhibitivi, persecutoria. conf. *Philipp. in Us. Pract. Inst. Lib. IV. Eccl. 23.* & *Mevium VI. Dec. 88.* frustra dissentiente *Mynsingerò II. Obs. 98.* Hactenus tamen ad *pænas* referri potest recantatio, quatenus *infamia* recantanti impingitur; quod ipsum tamen etiam in actionibus quibusdam ex contractibus accidit: ut adeò poenam hanc *civilem*, non etiam *criminales*, dicere liceat.

(p) DECIMATIONES: Et *Sortitiones* poenarum,

narum, de quibus *suprà* diximus. In universum pœnas ad *talionem* redigunt, quæ quidem omnimoda locum habere non potest. *Pufend. L. VIII. c. 3.* sed duntaxat *analogica*: quanquam ap. *Hebræos* propriè sic dicta talio in membris ruptis, (& tamen hæc non nisi sub *alternativâ*) obtinuerit: *arg. Exod. 21. v. 29. & seq.* ut & jure *civili*: quò ipsò tamen citò eam in *desuetudinem* abiisse, *Ant. Matthæi cum aliis*, ostendit *Tract. d. Criminibus*, in *Tit. d. Injur. cap. 2. §. 2. & 3.* Christus verò legem talionis non sustulit, contrà quam *Grotius, L. I. c. 2. §. 6.* visum est. Nec tamen est necessarium, ut eadem semper inter pœnas, si comparatè spectentur, sit *proportio*, quæ est inter *objecta* per delictum *violata*, sed singulis sua velut seorsim pœna imponi potest, ex usu *Reipubl.* nec minùs ad eò in *occisionem feræ*, quàm hominis, si ita *necessitas* publica suadeat, pœna *capitis* potest statui. Sed, ut ipsa civitas pro lubitu *crimina* definire, & v. c. *duella* pro licitis declarare, possit, ut *Hobbesius* asserit: illud falsum esse, *suprà* ostendimus. vid. *Pufend. L. VIII. c. 1. d. §. N. §. 3.* ubi quidem furta apud *Lacedæm.* sub declaratione certarum circumstantiarum, puta ut res erepta protinùs aliena esse desinere, permessa fuisse, tradit. Equidem *capitales* pœnas nonnulli planè averfantur; aliqui etiam, ut *Zepperus Lib. V. de LL. Mosaiscis cap. 7.* (à quò *inferius Auctor, §. 21.* non ad eò abscedere videtur) indignè ferunt, si ultra vitam *exacerbentur* supplicia, & ut pœnarum capitalium discrimen appareat, terrorem ex *simulacris* augeri posse, opinantur: in quo quidem vani, & institutò divino, quò *varietas* pœnarum capitalium in *Vet. Testamento* satis constat, omniumquè *Gentium* usui & placitis, adversi sunt. Utiquè *Grotius Lib. II. c. 20. §. 12.* planè *capitales* pœnas, (cum *Photinianis* sc.) averfantur, quasi finè illis *Respubl.* consistere possit: Et tamen desperati vix aliter coercebuntur: non obstante, quòd finis earum ap. omnes *superstitēs* obtineri non possit: nam alias vel uno supplicio capitali à quoquam sumtò protinùs omnes *capitales* pœnæ definire possent. Accedit verbum *Divinum. Ps. CI. v. 8. 1. Reg. II. v. 31. &c.* An autem *Lex civilis* in illis tantum delictis, quæ per *Mosen* morte coercita sunt, & quæ his paria habentur, jus necis habeat? quam *Scoti* esse sententiam idem *Grotius* perhibet, *Lib. II. c. 1. §. 14.* Illud quidem negandum est, cum *libertati Christiana* id repug-

net; nequè *Leges forenses* nobis absolute imparent, sed *exemplum* tantum suppeditare possint; quòd ipsum sit non quàm *Lex Moïsis formaliter Lex* est, ad eò ut *Jus Civile* eidem hætenus præferri possit. Quin imò *voluntatis* divinæ & quidem *perpetua* notitia solum ex eo, quòd *forense* fuerat, haberi nequeat. Quidni igitur *Lex Civilis*, ex quolibet delicto, quòd ob utilitatem publicam pœnam *mortis* meretur, licet atrox non fuerit, pœnam *capitis* introduceret?

(q) CRVX. Servilis hæc pœna est & omnium aliquando gravissima habita, quam *Constantinus* piâ ratione sustulit. vid. omninò *Petr. Fabrum Lib. II. c. 8. semestr.* plenâ & accuratâ tractatione. Quanquam malè ibidem neget, quòd crucis supplicium *Judæis* ante tempora *Christi* cognitum non fuerit, & ligni vox *Deut. XXI. suspendium* notet: nulla autem vox *Hebræa* præterea detur, quæ crucem designet. Nam *Lipsius* in *Commentatione* peculiari de *Cruce*, aliique, probabilis contrarium adstrunt. Idem *Faber dictò L. II. c. 7.* eradite rationem *Culei*, *Laquei*, *vivi Cremationis*, item *damnationis ad bestias*, exponit: quam ab *objectione bestis* factâ rectè discernit *Bachovius* ad *Wesenb. de Penis. n. 3. & Carpz. quæst. tr. 128. n. 26.* nec non omne *Fustigationum* genus, dictus *Faber c. 6.* item, pœnam *Fustuariam* & *verberum plumbatarum*, in *c. 8.* tum & *damnationis in opus publicum & metallum. c. 5.* ibidemquè *Relegationem*, & cum primis quolibet pœnas *serviles* egregiè expendit. Unicum hoc addendum est, cum hodiè in pœna capitali *rota* & aliquando ipsius *decollationis*, ubique autem in *suspensio*, corpora damnatorum *insepulta* mancant, furcis vel rotis imposita: num illud contrà legem *Dei, Deut. II. v. 23.* non pugnet? Dicendum est, *ceremonialem* hanc fuisse legem, & in *Christo* impletam, nunc quidem cessare. *Galat. III. v. 13.* Quòdquè *moralis* illa non fuerit, *arg. II. Samuel. XXI.* constat: undè & *maledictio* illa in ligno tantum *ceremonialis* est, quia in eo *penitentiam* agere poterant; ex quâ non *maledictio*, sed *salus* oriebatur, vid. quæ *Osiander* notat, ad *Grot. L. II. c. 19. §. 4.* ubi *Grotium* refellit, quando is rationem *Legis Moïsaicæ* in *immagine divina* quaerit.

Non *capitales* pœnæ variz sunt, quas inter *Confinatio* etiam obtinet. *Die Bannung oder Verstrickung ins Haus.* it. *Strapacorda*; de quâ *Tabor in Armament. p. 96.* Membri etiam *abscisso*, ut manus,

manus, linguæ &c. huc pertinet, cum fustigationi comparatur; indeque Nobiles in Saxoniâ pro fustigatione manus amputationem eligere possunt; ap. Carpz. qu. cr. 129. n. 39. ubi & de membrorum ex-

tensione, der Wippe &c. nec minus ad trivemes condemnatio & ad carceres huc respicit: de qua ad §. 21. dicemus.

XV. Ex omnibus causis & finibus memoratis poenas etiam Christianis esse licitas manifestè & ratio exigit & disciplina Servatoris mundi permittit (r): modo in executione opera detur, ut damnatus spatium poenitendi & peccata sua detestandi justum habeat. Quanquam autem jure Naturæ poena à quolibet qui paria non deliquerit exigi possit, ut recte Grotius* docet, tamen nec civitatis constitutio (s) neque divinæ Legis sanctitas facile id cuiquam privato concesserint. Unde tamen non sequitur**, accusationes publicas, ut Grotius censet, abhorre ab officio hominis Christiani, (t) nisi quod temeritas hic maximè abominanda.

* Grot. d. lib. 2. cap. 20. §. 3.

** Idem d. cap. 20. §. 10. sub fin. & §. 1.

(r) PERMITTIT. Cum Grotius loqui videtur Auctor, quando iste Libro II. c. 20. §. 4. & §. 21. it. c. 24. §. 2. & §. 3. licitum tantum esse punire, non etiam necessarium, statuit, & exerceri debere jus ad poenas remissius, cum poenæ omnino debite dici non possint. At verò Magistratus loco Dei vindex constitutus, tam non potest condonare, ut nec Deus potest, intuitu justitiæ suæ, nocentibus, quæ tales sunt, vid. Prov. XVII. v. 15. Estque Magistratus Custos & executor utriusque tabulæ, ad tollendum malum de Israël: neque verò Patri judex comparari potest, nam & ille intra fines domus suæ tantum versatur, & in delictis minoribus. In Bello vindicativo remissius utique agi potest; sed bellum ut supra monitum est, poena rationem non habet; indeque Rex quidem subditis ignoscere non potest, Regi tamen adeo condonare non prohibetur, ut nec privatus, quò minus privato jus suum aut injuriam remittat: quò ipsò tamen Aggravatio non tollitur: nam hanc circumstantiæ publicæ utilitatis, & certus adeo respectus, admittit; de quò superius. Est etiam H. Grotius Lib. I. c. 2. §. 9. notandus, quando dimissionem sceleratorum Christianæ bonitati adscribit: de quò inferius in §. 19. & 20. videbimus. Illud certum est, quòd de poenis ait Auctor, hoc loco, non officere eam, quò

minus condemnatus, qui poenitentiam agere detrectat, poenâ capitali nihilominus periri possit. Iterumque H. Grotius L. II. c. 20. §. 11. emendandus est, quando poenitentiam ob crimina, satisfactionem esse docet: quò ad Pontificios propendet. Et tamen contritio ipsa est à Deo, nec inæror est poena, & quæ à Dei manu post delicta sentiunt pii, non sunt irati iudicis, sed patris misericordis, qui post remissam culpam castigat. vid. II. Sam. XXIV. v. 10. & seqq.

(s) NEC CIVITATIS CONSTITUTIO. Et quia poenæ ratio simpliciter obtinere absque imperio civili non potest, ut supra de poenis in familiis ante civitates admonitum est, quòd in eis Magistratus vicem ipse Deus obierit: hinc non rectè Grotius cit. loc. docet: Neque enim Imperium est, ex qualicunque delicti habitudine in uno ad alium; sed à Deo immediate, nec quis ob delictum protinus adeo est inferior, ut nec comparantur Magistratus & subditi, ut homines, & ratione qualitatis peccaminosæ, sed intuitu Officii Magistratus. Correctio fraterna huc non pertinet; de quâ digna lecti sunt; quæ in Ordinât. Provinciali Gotth. reperimur: nam illa est actus charitatis, & sub eo respectu ad omnes pertinet; non etiam est actus justitiæ, quò nimirum per punitionem commune bonum inten-

intenditur: nam illa superioris est. *Jus vite & necis*, quod antehac in *Republ. Romana* familiarum capita pollebant, particula quædam fuerat *Imperii delegati*: ut in *vocatione in jus* non minùs obtinuisse supra diximus. Non aliter ut suò modò, si *proscriptum* seu bannitum privatus *enecat*, executor publicæ interminationis esse censetur, atque si non privatorum odiò & ex propriâ causâ, sed ut *communitati* prodesset, ad hoc ipsum processerit, in *conscientiâ* tutus est; quanquàm non unâ cautione hic opus sit: ceu patet ex traditis *Taboris* in *Armament. p. 243. & 256.* ubi de occifore militis, qui banniti partes fovet, an ille ex *L. Cornelia* teneatur? disquirat. An autem qui *furem nocturnum* interficit, civili lege permittente, in conscientiâ tutus sit? de eo vid. Grotium *L. II. c. 1. §. 14.* sanè quando *Lex dolori* solum indulget & indignationi, adeoque pœnam tantum humanam tollit, non vitium actus: tunc *conscientiam gravem* esse, ut in maritis adulteram uxorem atque mœchum occi-

dentibus, *Ant. Matthæi*, arbitratur in *Lib. XLVIII. d. Crim. Tit. 5. c. 2.* contra quam *Auctor* in *§. seq.* docuit. Prout verò puniendi facultas privatis non competit: ita etiam de *justitia* pœnæ judicium sibi sumere ipsi non possunt: Unde nec eorum traditio vera est, qui volunt *Carnifici* causæ *merita* cognita esse debere; saltim ei non apertè de injustitiâ constet; Utiq; enim injustum apertè judicium nemo debet exequi, sed ut Principis animus aliò flectatur, tentandum est. *Deut. XVII. v. 7. & H. Grot. L. II. c. 26. §. 4.*

(r) *HOMINIS CHRISTIANI.* Nil facit pro Grotio, quod justus dicatur *Josephus*, dum *Conjugem* suam *Mariam* deferre noluit, nam justus hinc dicitur, quod re nondum penitus perfectâ noluerit. Cæterum ab accusationibus quandoque expedit *abstinere*, non quod accusare per se illicitum sed quod periculò plenum sit; cum primis olim ob inscriptiones in crimen, & nunc ob emendationem damni & injuriæ.

XVI. Quandoque etiam publica autoritate jus puniendi *privatis permittitur*, (u) non modo ad emendationem, ut parentibus & propinquis, sed & ad satisfactionem & exemplum, ut Pater in filia adulterâ, atque olim indistinctè, etiam maritis in uxores & dominis in servos; quæ Leges quare conscientis securitatem præstare nequeant, si vitiosi absint affectus, nulla ratio apparet.

(u) *PRIVATIS PERMITTITUR.* Pufendorfius *L. VIII. c. 3. §. 1.* fatetur, neminem privatorum Jus puniendi habere, & rectè hætenus: at verò quando putat posse universos in *Republ.* per *conspirationem* quasi producere facultatem puniendi, & eam Principi conferre: prout nemo solus harmoniam conficere possit, ita verò cum aliis Recentioribus ad Principia sua respicit, quibus Imperium summum à populo procedere statuitur: de quo *superius*. Illud rectè docet, quod nemo facultatem habeat *se ipsum puniendi*. Quâ ratione autem *Parentes* in *liberos* Jurisdictione valeant, & *pœnali* quidem olim in *Republ. Romanâ*, de eo non minùs *alibi* dictum est: nec enim solum mortem

inferre liberis poterant, sed & relegationem illis indicare, ut *Petrus Faber Lib. II. semestr. c. 5.* tradit. Postmodum *Justiniancis* temporibus liberos judici tradere, & pœnam ei dictare poterant, si modò delictum *ad injuriam patris* pertineret. vid. *Ant. Fabr. in Cod. Sab. VIII. 33. 1.* quod tamen ipsum ne quidem *usu* nunc servatur: *Carpz. P. III. q. 100. n. 35.* utiq; *carcere privato* liberos detinere possunt: de quo *Mevius Lib. 1. tit. 3. ad Jus Lübec.* Quod si tamen pater *Jurisdictione* publicâ, & quidem *patrimoniali*, præditus sit, an tunc *Jurisdictione* illâ in *conjugem* & *liberos* uti queat? latè exequitur *Mylerus c. 22. Gamologicæ.* Junge etiam, quæ in *Diff. de mero imperiò*, notata sunt.

XVII. Cæterum puniuntur non quilibet actus vitiosi, sed qui *humanam ledunt societatem*, (x) quam quo magis violant, eò vindictam gravio-

graviorem esse oportet. Spectari tamen debent causæ * quæ impulerunt, quæ retrahere debuerunt, aptitudo personæ delinquentis, ad judicandum de illis; locus & tempus perpetrati delicti, qualitas & quantitas facinoris, itemque eventus qui subsequutus est, quæ omnia latius exequi non est hujus loci. Denique *cogitationis pœnam* (y) neminem pati recte docent JCTi**, quoniam actus interni Deo soli subijciuntur; at qui in effectum deduci cœperunt pœnis & solent affici atque etiam debent.

* *Grot. d. l. §. 29. 30. & 31.*

** *in l. 18 D. de pœnis.*

(x) HUMANAM LÆDVNT SOCIETATEM. Idem sentit *Grotius L. II. c. 20. §. 20.* At vero peccata, quæ propriè delinquentis *natura* nocent, non minus punienda sunt, quia non solum magis lædunt & propius, sed *exemplò* etiam nocent, & honestati publicæ adversantur. Est etiam falsum, quod *Grotius* ait, *vitia* virtutibus quæ *cogi non* possunt opposita, ut sunt misericordia, gratitudo, puniri non debere: sic enim avaritiam, ambitionem, invidiam, superbiam, impunem esse, tanquam vitia animi, quæ sine eversione civitatum puniri, nisi in actus enormes eruperint, non possint; Nam *imbecillitates* quidem humanæ vindictæ publicæ non subijciuntur: si tamen notabile quid ejusmodi vitiorum advertatur, *Censores* non tantum *Romani* id ipsum compescabant; sed *hodie* vitis illis suæ coercitiones, licet non criminales, (quod nec fieri convenit,) imponuntur.

(y) COGITATIONIS PŒNAM. Nam co-

gitatio actus internus est, soli Deo cognitus, si tamen actus internus cum externo *junctim* æstimetur, tunc *internus* ad pœnam maximum momentum adfert: vide de cætero, quoad cogitationem prorumpentem, (de *Conatu*,) integram Dissert. *Taboris*, & tradita *Ziegleri ad Lib. II. Grotii cap. 20. §. 39.* De *mandatoribus* delicti hoc solum adversus *Grotium L. II. c. 17. §. 11.* notandum est, quod malè Idem doceat, mandantem *primò loco* teneri: nam licet rectè se habeat, quod mandans & mandatarius, tanquam in genere *morum*, teneantur *ad equalia*; tamen potius est, ut patrator ipse, qui causa principalis, *physica & immediata* est, pœnæ cumprimis subijciatur. *Auxiliores* delictorum quomodo teneantur, *Grotius* etiam citatò *cap. 17. §. 11.* exponit, & longè distinctius *Nostrates* vid. post *Carpzovium Ant. Matthæi & cæteros*, *Taborem*, in *Armament. p. 222. 263. & multis seqq.*

XVIII. Id autem ex omni hac disputatione facile intelligitur, non alium quam *ipsum delinquentem* (z) esse puniendum, neque ad posteros quicquam pœnæ propagandum: quanquam incommoda pœnæ parentibus inflictæ liberos premere possunt, veluti ex public. bonorum egestas eorum consequitur; quæ tamen hoc nomine reprehendi non potest, quasi personam delinquentis egrederetur.

(z) IPSVM DELINQVENTEM. In pœnas *divinas* hic plerumque introspicere solent *Dd.* Et quidem *Reformati* supralapsarii Deum maximam hominum partem, sine intuitu peccati, ad æterna

Gehennæ supplicia damnasse, statuunt: quam sententiam horribilem appellat *Jansenius, Tomo II. lib. 3. c. 1. §. 5.* vide specimen *Jansenismi* ab *Osiandro* editum, & quæ nos *suprà de Jure Dei* notavimus.

vimus. *Arminiani* non quidem *merito* Dei imperio cruciatibus affici, sed tamen vitam temporali privari nos posse, asserunt, idque *absolutè Dei jure* in vitam hominis: quam quoque sententiam *H. Grotius* hinc inde sequitur: sed tamen hæc ipsa, in *Tractatu poenarum*, nec quicquam locum habent; unde *superius Grotium* rejecimus, quando in *Lib. II. c. 21. §. 14.* tradit, quod Deus in posteros poenam porrigat, non *vi justitiæ*, sed *jure dominii*. Nam utique poenæ illæ divinæ respiciunt peccati antecedentis meritum & gravitatem; nec ratio alia in facris suggeritur, quam quod Deus sit *Zelotes* aut *vindex*: *Exod. XX. v. 5.* aded ut in punitis culpam subesse necesse sit, & subfuerit etiam in Exemplis, quæ Sacro Dei verbo prodita sunt; quippe quod in illis filii aut populus peccantibus communicaverint positivè & negativè, sicque per imitationem, consensum aut conniventiam, quæ omnia moralem causam efficiunt: unde ad eam usque generationem porrectas esse poenas videmus, in quâ adhuc sceleris vigeat memoria. Non obstat, quod *Ezech. XXI. v. 8. & 9.* habetur, Deum cum injusto justum punire: nam hoc quoad subiectum, comparativè, non absolutè, & quoad prædicatum seu punitionem ipsam, ne quidem absolutè accipitur: prout etiam locus *Genes. XVIII. v. 23.* non simpliciter, ut jacet,

intelligi potest, cum etiam injustum sit, multitudi-
ni malorum parcere ob manipulum bonorum vid.
Grot. L. III. c. 2. §. 1. qui in hoc argumento non
simplici vice labitur: ut quando ait, Deum solum
illa in posteris punivisse crimina, quæ in ejus contumeliam patrata fuerant: *d. c. 2. §. 14.* Nam contra-
rium ex *Gen. IX. v. 25. II. Sam. XII. v. 15. Daniel. VI. v. 24.* apparet. Similiter, quod tradit idem Grotius, in *N. T.* Deum in posteros poenis non invehiri: Nam & Deus hodiernum *Zelotes* est, & ipsi *Judæi* crediderunt, supplicia etiam suo tempore à Deo ad liberos pertinere posse. *Matthæi XXVII. v. 25. Job. IX. v. 2.* Quantum vero attinet ad ipsum Magistratum, & an ille ad liberos & familias extendere seu porrigere supplicia possit? de eo graviter differit *Petrus Faber Lib. III. Sem. c. 8.* & nos cap. seq. eâ de re dicemus. Interim notandum est, quod poena ob delictum *Universitatis* non semper exigi possit, v. c. post duas aut tres generationes: prout nec dici potest, *primò & per se*, de civitate, quod deliquerit: Sed eâ ratione, quâ collegium doctum elicitur, in quo non omnes æque docti reperiuntur, ut *Pufend. L. VIII. c. 3. §. 29.* rem explicuit, qui & §. 29. de *fidejussoribus* delinquentium benè docet, quod illis poena infligi non possit.

XIX. Cæterum non modo jus habent qui civitati præsumt delicta puniendi, sed & auctoritate summi Legislatoris ad hoc tenentur, (a) ne delectari peccatis, saltem haud improbare videantur. Quæ tamen ratio, ubi manifesto cessat, non est scelus, ignoscere delinquentibus, si utilitas Reipubl. non ferat severitatem. Nam ex gratiâ, licet externo jure facultas illa Principi competat, pie tamen atrocibus delictis impunitatem dare non potest; sed in mere civilibus regnat ejus arbitrium (b). De levioribus etiam ferri potest, ut ob publicam lætitiâ aut principalem festivitatem generali abolitione coloni carcerum dimittantur.

(a) TENENTUR. Equidem deberi non posse dici poenam supra diximus, quia debitum non est inter Magistratum & subditum, quæ tales sunt; nec poena delinquenti propriè debetur, sed ipse eam debet Reipubl. *Frânzk. ad ff. Tit. de J. & J. n. 13.* In cæteris aut, jus suum cuique tribui, quod sine injuria ei denegari nequeat; in delictis vero

tribui, quatenus ab ea quis sine alterius injuriâ immunis esse non possit. Malè autem *H. Grotius Lib. II. c. 20. §. 22.* facile à poena abstinere posse docet, in delictis occultis, item ob merita delinquentis, & ob charitatem Christianam: cum quidem sufficiat etiam occultis delictis proximum lædi, nec Judiciis sit ad merita delinquentis extrâ delictum respi-

respicere, multo minus ob *insigne artificium* delinquenti parere: de quò *Ant. Matth. ad l. 31. d. pœnis lib. 48. d. crim. tit. 14. c. 5. n. 7.* utquæ iustitia *charitati Christianæ* haud unquam repugnat: Ita *Stoici* non rectius docent, quòd nunquam ignoscere liceat: nam hoc extraordinariè quandoque fieri, Reip. interest, etiam in his, quæ *merè civilia* non sunt; de quo tamen vid. ipsum *Grotium L. II.*

c. 20. §. 2. & quæ de Aggratiatione alibi diximus.
(b) REGNAT EJVS ARBITRIUM. Pertinet hæc elegans disquisitio *ad L. 13. de pœn.* quò sensu accipiendum sit, quòd hic *JCtus* hodiè omnia crimina *arbitraria* esse doceat, quam secundum *legem 1. §. 4. ad Sctum Turpillianum* accuratè instituit *Tabor in Racem. crim. ad art. 158. Ord. crim. th. 6. p. 457.*

XX. Nam *privatæ abolitiones (c)* quæ jure Romano noscuntur cum accusationibus privatorum sepultæ sunt. Perinde ac transactiones, quibus rei capitalium criminum apud Romanos, accusatores suos *impune corrumpebant*; *(d)* quanquam & hodiè cum his qui læsi sunt pacisci nemo prohibetur: sed procurator fisci qui solus accusat, *grande nefas (e)* transigendo committeret.

(c) PRIVATE ABOLITIONES. Similia tradit *Argentæus ad Consuetudines Britann. art. 274. n. 7. §. seq. & ex eo Wissenbach ad Sctum Turpill. item Gilhaus. P. II. Arboris crim. c. 3. n. 20.* sed dissentit *Dion. Gothofr. ad d. tit. in not.* nec apparet ratio, vel textus aut consuetudo solida, quâ jus hoc *abolitionis* sublatum sit: quin potius, quoad usque accusationes criminum à *privatis* suscipi possunt, *abolitionem* quoque superesse necesse est; prout quidem jure Saxonico pœna illi constituta reperitur, qui *sine abolitione* ab accusatione desisterit.

(d) CORRUMPEBANT. Malè *corruptiones* appellat *Auñtor*, quod ratione sanguinis redimendi constat. De quo, ut & hodierno jure, de crimin. *transigendi* in *Disp. de Transact.* diximus.

De *Asylis* quoque hîc agendi locus est, quem *suprà* præoccupavimus. vide interim de *Ecclesiis & Statuis Principum*, quousque securitatem eò confugientibus præbere debeant, *Seldenum de Jure N. L. IV. c. 2. & de abusu* hodierno maxime Pontificiorum, *Zieglerum L. II. ad Lancelot. Tit. 20. §. 6.*

(e) GRANDE NEFAS. Et tamen *Fiscalem* non tantum in *Imperiali Camera*, siquidem de pœna *pecuniaria*, i. e. fiscali, agitur, transigere posse, satis constat, ex *Gailio 1. Obs. 114. ibique Graveo in Considerationibus*: sed etiam *alibi* simile quid receptum est; saltem quòd in pœnis *non fiscalibus*, ut corporis, & similibus, *Auñtoris* sententia valeat.

XXI. Morte reorum crimina *pœnasque deleri, (f)* cum ad heredes nunquam transeant, per se clarum est. Et mortem supplicio irrogatam convenit humanitati esse momento transitoriam. Crux antiqua, vivicomburium, laniatio & contusio articulatim facta, per famen enecatio, similesque parum memores legum Christianarum videntur. Terror quidem ex apparatu & species major ex circumstantiis quæri potest; Sed in ultimâ horâ quâ transitus ad æternitatem committitur, non erat magnitudine doloris animus lacerandus & pene adigendus ad desperationem. Modi quoque custodiendi reos criminum à pœnis diversi esse debebant, ideoque *carcer maxime perpetuus*

tuus (g) non immerito ab Romanis & veteribus cunctis fuit improbat-
tus ad pœnam. *

* *Ulpian. in l. 8. §. 9. D. de pœnis.*

(f) **POENASQUE DELERI.** Tantum quod in Crimine *repetundarum* & de *residuis*, accusatio, quoad quæstionem pecuniariam, ad hæreses jure Romano jam porrecta fuerit.

(g) **CARCER MAXIME PERPETVVS.** Nunc autem non modò carcer *temporalis* pœnæ cedit. *Ordin. Crim. Art. 157. & 260.* Verùm etiam *perpetuos carceres* in pœnam sæpius decerni videmus. vid. Richter. *vol. 2. Consil. 346.* saltem quod in eo non exigua resideat difficultas, quænam effectum ratione condemnati, quoad *bona & causas civiles* perpetui carceres habeant? Equidem illis comparantur sæpius hi, qui ad *Triremes* alibi condemnantur, vid. Merlin. in *Controvers. forens. c. 52.* in quibus distinctio illa magis probatur, ut licet ad tempus ad *Triremes* condemnati civitatem non amittant, tamen aliud etiam in *perpetuum* edamnatis obtineat: ut Peregrinus *Lib. III. de Jure Fisci tit. 4. n. 5.* de his quoque sentit, qui in *perpetuum*

ad carcerem condemnati sunt, sive *Laici* sive *clerici* fuerint, ac proinde activas & passivas actiones eosdem amittere docet: id quod tamen hætenus solum recipiendum est, si *bona* eorum simul publicentur, ut rectè Petr. Gregorius, in *Lib. XLII. Syntagmatis c. 8. n. 12.* quem Barry in *Tract. de success. ab intest. aliisque* secuti sunt. Nec tamen, licet bona eorum non publicentur, condemnatos tamen ejusmodi testari posse *Da.* admittunt, absquæ peculiari concessione Principis, *Castill. Decis. 37. n. 20.* id quod fortassis in *Germania* quoad condemnatos ad *perpetuum carcerem* secus habet, quippe quod testari etiam jure Communi, nunc quidem receptò, regulariter iis, qui *capitis damnati* sunt, permisum sit. Illud certum est, quod ea quæ *juris G.* sunt, ne quidem in *perpetuum* ad carceres aut *Triremes* damnati amittant; idquæ post *Nov. 22.* & postquam *pœna servitus* planè sublata est,

CAPVT V.

De

Pœnis variorum criminum.

ARGVMENTVM.

Crimina rectè dici publica vel privata, at alio sensu quam judicia publica aut privata jure Romano, publica esse Majestatis, Peculatus, Repetundarum, Ambitus; Annona, Concussionis & Residuorum. Privata, Adulterium, Stuprum, Homicidium, Parricidium, Vis, Falsum &c. de quibus singulis speciatim.

I.

TAmetsi divisionem judiciorum in publica & privata nuper esse juris universi negavimus, tamen alio sensu non aliena id genus partitio videtur. Ut publica sint quæ immediatè lædunt Rempublicam, privata, quæ directè singulos violant, civitatem per consequentiam.

II. Prioris generis est crimen Majestatis, Peculatus, Repetundarum,

darum, Ambitus, Annonæ, Concussionis & Residuorum. Posterioris sunt, Adulterium, Stuprum, Homicidium, Parricidium, Vis tam publica quam privata, Raptus, Falsum, Magia, Plagium, Abigeatus, Furtum, Rapina, *Injuria*, (a) *Stellionatus* &c.

(a) *INJURIA*. Ne quidem si *realis* est, judicium publicum illam propriè efficere, (licèt post *L. Corneliam*,) *suprà* diximus. Interim *hodie* ubi non minùs per inquisitionem *injurix reales*, & quidem *atrociores*, vindicantur, indequè ad Jurisdictionem superiorem, oder die *Ober-Gericht*, pertinent, (vid. *Carpz II. quæst. cr. 99. n. 3.*) ad publica judicia suo modò non malè referuntur. Cæterum Crimina, quæ *privata* appellat Auctor, omnia sic habent, ut ex quolibet eorum etiam *privata* possint dari atquè *civiles actiones*; secus ac in illis, quæ

eximie publica sunt, quippe quorum nomine præter eam, quæ ex *L. publicâ* in quibusdam criminibus competit, ex privatis nulli datur quæ *privato* persecutio, nisi quòd de *concussione*, quæ & ipso jure Rom. inter publica judicia non simpliciter, sed ad *extraordinaria*, quæ modò quodam talia sunt, referenda est, aliud asserendum sit: vid. *t. t. ff. d. concussione*, junct. *Wehner. in supplemento Observ. Pract. p. 10.* ubi & de affini crimine *barattaria*, quando judex officium non facit nisi pro pecunia; item *Taborem*, *d. suffragio*, p. 188. & 190.

III. Crimen Majestatis admittitur à subditis contrà summam potestatem, *estque duplex* (b). Majestatis in specie vel Perduellionis. * Hoc dicitur, cum quis animo hostili adversus Rempubl. aliquid machinatur, ut hi qui seditiones in urbe vel exercitu movent, qui armatos habent, qui hostes adjuvant, aut consilia literasve cum illis communicant, etiam qui Magistratus præcipuos publicâ de causâ occidunt, maxime qui vitæ Principum insidiantur, & alii plures. ** Majestatis in specie vocatur, cum quis jura summæ potestatis sibi, at sine hostili intentione usurpat, ut is qui monetam cudit, qui privatim carceres habet, vectigalia colligit, &c.

* *JCr in l. ult. D. ad L. Juliam majest.*

** *JCr in l. 1. & seqq. D. eod. tit.*

(b) *ESTQUE DUPLEX*. Hanc distinctionem quâ ratione *Nostrates* exponant, videre est apud *Ant. Matthæi de criminib. p. 313.* & *Theodoricum Disp. V. crim. th. 2.* junctò *Zieglero integr. Diff. & Jac. Gothofredo ad L. Quisquâs. C. ad L. Jul. Maj.* utique Romani Principes posteriori specie in im-

mensum *abusi* sunt: quod detestatur *Forstnerus* ad *Tacitum* p. 250. Longè rectius *Nostrates* statuunt, quòd ne quidem verbis seu *maledictis* crimen Majestatis committatur, vid. *Carpz. I. qu. cr. 41. n. 113.* nisi ad *seditionem* spectent, ut *Schützius* tradit, *Exercit. 25. th. 6.*

IV. Poena Majestatis simpliciter læsæ est capitalis, genere mortis leniore aut terribiliore pro meritis admissorum: qua parte quod vivicomburium in privatos monetæ percussores statuatur, etsi probi sint nummi, id neutro modo habet *æquitatem* (c). Perduellionis apud

plerasque gentes pœna non modo personas delinquentium, sed & liberorum & propinquorum (d) feriebat, cujus rigoris vestigium in jure Romano superest. * Sed hoc quidem præter rationem justitiæ humanæ atque divinæ; non sufficiente ad approbationem, quod dicitur, fore, uti caritas liberorum parentes amiciores Reipubl. faciat, similibusque ratiunculis.

* *L. quisquis. 5. C. ad L. Jul. Maj.*

(c) *ÆQUITATEM.* At vero *arbitraria* pœna, non etiam *vivicomburium* huic speciei præstituitur, *Art. III. Ord. crim.* vid. *Carpz. L. 2. qu. cr. 43. n. 10.* it nec idem supplicium obtinet, si quis Principis alterius signum *Moneta* ex justâ materiâ fabricatæ imponat: in quo *Bocerus* lapsus est, qui in isto casu pœnam *ignis* obtinere putavit: Nam vocabulum *Zeichen Art. III. O. Cr.* ad eostantum respicit, qui ex injustâ materiâ monetam conficiunt, vid. *Carpz. d. l. n. 27. & seq.* aded ut etiam is, qui grandiore monetam resolvit, ut inde minorem cudad, in *art. III. arbitrariè tantum* puniendus sit. Et quamvis *Ferdinandus I.* sub pœna ignis illud prohibuerit, in *R. A. 1559. §. Wir ordnen*, magnâ necessitate, quæ nunc quoque imperium premit, ed perductus: tamen illam pœnam *Scabini Saxonici* nunquam observarunt; ut idem notat *Carpz. d. l. in fin.*

(d) *ET PROPINQUORVM.* Nam Persæ & Macedones etiam propinquorum capita devoverunt ob crimen perduellionis, quos *H. Grotius L. II. c. 21. §. 15.* crudelitatis accusat; quanquam, ut ibi notat *Ostander*, malè *Danielis caput* hanc in rem citaverit. Utique quod in *L. 5. C. de speciali lenitate Imp.* dicitur, quâ vitam liberis conservent, in terrorem ita constitutum est, & in relatione ad *Gentes alias.* Cæterum ex crimine Majestatis parentum, dum bona ipsorum confiscantur, ut inde ad liberos nil transeat, pœna dici non potest: saltem hoc in Constitutione *d. L. 5. eximendum su-*

per eâ disceptantibus, superest, quod *infamiam* liberi subeant, quanquam nec pœna propriè dici possit, quando *Resp.* ab honoribus non debitis familiam malè meritam arcet; ita ut effectus infamiz minimum ed sequantur, licet de cætero infamiam *formaliter* talem nemo nisi ex *facto proprio* subeat: videl. qui suam contemnere vitam famamque videbatur, hunc timidiorem reddere volebant Legislatores, si novisset, toti suæ familiæ perpetuum dedecus adhæsurum esse. Erant etiam *reprimendi* hic filii, ne ultores essent paternæ necis; quapropter ad filias derivatio imputationis non porrecta est. Quid? quod non crederetur tantam rem quis moliri, nisi adhibitis in *conscientiam liberis.* Accedit, quod exempla paterni criminis in ipsis metui possent: quæ quidem *contigisse* re ipsâ aliquot speciebus ostendit *Forslnerus in Hypomn. Polit. IX.* Denique trahit aliquid ex iniquo amne magnum exemplum in singulos, quod utilitate publicâ rependitur, juxta *Tacit. XIV. Ann. 11.* atque in nefando *extraordinario crimine* extra ordinem quid constitutum esse oportuit: *confer* ad hæc *Mæstert. Lib. II. d. Just. Rom. Leg. c. 63.* Et sic *H. Grotio Lib. II. c. 21. §. 13.* respondere licebit. Sanè quod *Hobbesius* adfert, liberos & propinquos penitus vitâ privari posse, tanquam *hostes* Reip. & quod in bello nemini parcatur: illud utique restitendum est. Nam nec bellum hic fingi potest, & in ipso etiam bello innocentibus parci, quâ fieri potest, ratio dictitat.

V. Solam quoque scientiam in hoc aliisque atrocissimis criminibus supplicio volunt esse obnoxiam; non male quidem, modò non ordinariæ pœnæ, nisi *merum silentium* (e) non tam sit quam conscientia.

(e) *MERVM SILENTIVM.* Distinguunt enim plerique, an qui *confusus* est, probare illud possit,

possit, ut tunc teneatur, secus si non possit; nisi etiam hoc casu omiserit secretò præmonere illum, cui periculum imminet. Myns. V. Obs. 40. Theodoricus Disp. V. Crim. th. 6. Læsius. n. 7. h. quò per-

tinet exemplum Christophori Thuani, quod accidit 1638. capitis puniti, Lugduni; ob reticentiam conspirationis in Regem Galliarum.

VI. Natura Majestatis sponte suggerit, hoc crimen non committi quam adversus eos, qui vere summam habent potestatem: Proinde machinationes subditorum contra eos qui *superiorem habent* (f) non sunt perduelliones sed magnæ injuriæ, nisi quatenus ad perturbationem superioris Imperii tendunt, quod autem exteri contra aliquam potestatem moliuntur, id hostile judicandum.

(f) SUPERIOREM HABENT. Magnò molimine Carpzov. p. 1. qu. cr. 41. n. 84. & Besold. in Delib. qu. ii. hoc agunt, ut in Statu Imperii crimen Majestatis committi propugnent. At verò quid opus fuisset, specialiter in A. B. Tit. 24. de EE. hoc cavere? nec Archi Duces Austria speciali prærogativâ hæc in re sibi prospicere opus habuissent: de quâ re Sixtinus Lib. II. de Regal. c. 20. n. 20. Unde subditus in Principem suum, qui Status Imperii est, delinquens, capite luit crimen, si

analogiam criminis Majestatis habeat, aliâve poenâ ultimâ supplicii exacerbati; sed tamen memoria ejus post mortem non damnatur, nec ubique confiscationem bonorum subit. vid. Schüz VI. Jur. Publ. Disp. VI. th. 19. Illud nescio, num ad Crimen Majestatis sufficiat, quando is, qui alibi habitationem constituit, in Principem domicilii originis quid admisit; si vel maximè animum revertendi habuisse videatur: quæ Felmanni est traditio d. Juram. Perhorresc. c. 38. n. 9. & seqq.

VII. Sequitur *Peculatus*, qui nihil est aliud quam furtum publicum, cujus mille modi formæque; proinde & variæ poenæ. non abs re autem videtur, quod jure Romano, Magistratus quibus custodia publicæ rei commissâ, capite cum suis administris hac causâ plectantur; * quod utinam mores & tempora ferrent! Furtum pecuniæ ad civitates non liberas pertinentis analogicè peculatus dicitur; ** proinde eandem in poenis analogiam servari oportet.

* JC. in l. 3. ad L. Jul. pecul. §. 9. Inst. de publ. judic.

** L. 4. §. ult. D. ad L. Jul. pecul.

VIII. *Repetundarum* tenentur *, qui in Magistratu, potestate, curatione, Legatione aliove munere publico positi pecunias acceperunt, quò magis aut quò minus ex officio suo facerent. Poena secundum merita cujusque corruptelæ diversa est, ut aliquando capitalis esse queat **. Haud infimum inter hos locum tenent, qui honores & munera Reipublicæ vendunt, quibus proinde non minor quam ordinaria Romanorum poena deportationis conveniret.

* JC. in l. 1. & seqq. D. de lege Jul. repetund.

** L. 7. §. ult. cod.

IX. De *Ambitu* tenentur, qui corruptis suffragiis honores petunt, unde patet, cum hi qui Reipublicæ præsent, precio munera publica distribuunt, concurrere ibi utrumque repetundarum & ambitus crimen. Hoc crimen hodie cessat in urbe, tradunt Jcti Romani*, postquam collatio honorum ad Principem spectare cœpit; neque enim de facto summæ potestatis inquiri potest; sed in plurium Imperiis, etsi à Collegio summæ potestatis honores proficiantur, viget tamen hoc crimen, non contra universum Collegium, sed in singulos qui subiecti sunt.

* *L. un. in pr. de lege Juliâ amb.*

X. Crimen *annonæ* committitur ab his, qui malis coitionibus hoc agunt ut annona fiat carior, quod cum ad universæ civitatis salutem pertineat, mirari licet, cur Romani adversus *dardanarios* (g) tam levi pœnâ defungantur; (maxime cum Romæ ea res, frumento trans mare advehendo, crebris subjecta periculis & seditionibus fuerit) multâ saltem xx. aureorum aut interdictâ negotiatione, vel ad summum relegatione aut in vilioribus opere publico in pœnam statutis. * Non est dubium, quin res & ratio graviolem postulet animadversionem; nec immeritò Carolus Cæsar V. pœnam capitis insigniori in hoc genere improbitati præscripsit. **

* *L. 2. §. ult. de lege Jul. de ann. l. 6. d. extraordin. Crimin.*

** *Constit. crimin. Caroli V. art. 113.*

(g) DARDANARIOS. A *Dardanis* Phrygiæ Gente fraudulentâ & mendacissima vid. Zahnium cap. XL. de jure Municip. n. 10. & per tot. Quod verò Carolus V. pœnam capitis huic Crimini præscripserit: illud ad summum intelligendum est,

nec ut unquam decernatur, nisi Jctis adhibitis, qui magnitudinem facti ponderent, vid. Menoch. Lib. II. A. Q. 317. & Colerum Lib. 1. d. Alimentis c. 17. n. 34.

XI. Crimen *Residuorum* est affine peculatui; committitur enim ab his qui pecuniam in publicos usus sibi commissam intervertunt sibi que retinent; qui jure Romano* sic puniuntur, ut tertiâ parte plus quam debent solvere cogantur: rursus profecto *nimis defunctorie*, (h) siquidem quod tam parum à peculatu differt, nihilo magis supplicii gravitate ab eo distare debuit.

* *Martian. in l. 4. §. 5. ad L. Jul. pecul.*

(h) NIMIS DEFUNCTORIE. At verò respiciendum est ad hoc, quod *credita* sit pecunia Admi-

Administratores ejusmodi, qui in crimen hoc incidunt: adeo ut hactenus à *peculatu* satis differat. vid. l. 9. §. 2. ff. ad LL. Jul. pecul. & Zoes in fin. *ibid.* Unde ne quidem jure Saxonico & moribus nostris quantitatem subtractæ pecuniæ admodum *furti* exigimus. vid. Carpzov. P. 2. *Crim. q.* 85. n.

26. & seqq. non attentò, quod Besoldus in *Delib.* ad tit. d. furt. qu. 5. & Bocerus in *Classibus*, ad d. t. L. Jul. ib. 17. gravius ejusmodi Officiales coërcendos esse velint, idque ob *perjurium* accedens, item ob *falsum*, ut ajunt, & *peculatum*.

XII. Denique *concussio* vocatur, cum quis obtentu potestatis quam habet, terrore injecto, pecunias aliis extorquet, quod pro negotii modo variè, sed haud procul à repetundarum exemplo, puniendum.

XIII. Est & publicum crimen *rupti* violativæ ageris, quo fluminis aut oceani inundatio sistatur, quod graviter & plerumque capite *vindicandum*. (i) * Ex his de cæteris, quæ Remp. immediatè spectent, facile judicabitur.

* L. 10. D. de extraordin. crimin. L. un. C. de Nili aggerib. non rump.

(i) VINDICANDVM. Gladiò scilicet de quo *Matthæi c.* XXVI. v. 52. accipi debet: Nec enim locutio illa solum proverbialis est & prædictoria, ut cum *Photinianis* Hugo Grotius. (vid. L. 1. c. 3. §. 3.) voluit; sed ordinem insinuat publicum, & munus justitiæ, atque Magistratûs officium vel maximè eo loco, una cum cæteris *suprà* adductis, firmari, probè ostendit Osiander p. 545. Atque malè Grotius *Lib. I. cap. 2. §. 4. & seqq.* docet, ante diluvium *vindictam privatam* obtinuisse, idque Deum quoad *Cainum* edictò repressisse, & postmodum quoque in *Republ. Hebræorum*, in *vindice sanguinis*, Num. XXV. hujus rei vestigium remansisse. Equidem de *Vindice supra* actum, & probata sententia magis,

quod vindicta illa *impunis* potius fuerit, ob duritiem cordis Israelitarum; non etiam in foro *animæ* omnino licita. Unde Grotius malè docet, quasi *natura* hoc ipsum dictaret. Nec minùs, quæ suppliciorum ratio fuerit in *statu primævo* hominum, *aliàs* diximus. Quod *Cainum* Deo placuit, majorem terrorem incutere mortalibus, eò exemplò diutius in animis hominum supersistere, & impressò homicidæ signò tam horrendi patrati criminis, quod *tremorem* dicunt Theologi fuisse *capitis* & omnium *membrorum*: ita ut quidem tum temporis poena *sanguinis* utique homicidio jam præstituta fuerit, quam & ipse *Cainus* conscientiam sibi dictitat.

XIV. Privatam læsionem, sed & publicam manifestâ consecutione præferunt, primo, *Homicidium*, quod jure naturæ, Gentium & divino, sanguine vindicandum, utique voluntarium, non invitum. Hoc autem duplex est: per vim & per ignorantiam; Invitum per vim dicimus hic (nota tamen improprietatem * termini) cum quis defendendi corporis sui vitæque causâ invasorem occidit: per ignorantiam, quod absque proposito occidendi casu perpetratur. Tale etiam est, cum quis animum quidem habet occidendi, sed in actu licito se versari existimat, ut *si quis Patrem in bello interficiat*. (k) Sed qui in re

Bbbb

illici-

illicita scit se versari, *licet animus cædis absit*, (l) tamen de cæde quam commiserit tenebitur, ut si quis in rixa hominem repentinâ percusserit iracundiâ; vel poculum amatorium propinaturus *abortum* (m) fœtus animati procuraverit. Qui quod prohibitum est incipit, ille de omni eventu tenetur **. Etiam conatus atrox & obstinatus pœnam mereri potest ordinariam, quò pertinet quoque, si quis *cum telo* (n) homines occidendi causâ diu & studiose ambulaverit*. Mitior tamen extra ordinem animadversio locum habet, quoties ad culpam propius quam ad dolum causa cædis perpetratæ accedit.

* *Improprietas in hoc consistit, quod propriè Invitum per vim dicatur, ad quod agens nihil confert, ubi principium agendi est extra agentem, quod hic secus.*

** *JC. in l. 16. §. 8. D. de pœnis.*

* *Vid. l. 1. D. ad L. Cornel. de sicar.*

(k) SI QVIS PATREM IN BELLO INTERFICIAT. Videtur speciem solùm homicidii per ignorantiam Auctor adduxisse, quando eam per casum illum definit, qui aliàs ignorantia invincibili constituitur: Aliàs in ipso genere criminis & pœnarum, immensa differentia est inter homicidium *culposum* & *casuale*: aded ut aliquando culpa lata pœnâ ordinariâ coerceatur, ut l. 38. §. 5. d. pœn. l. 12. ff. & l. 4. C. de custod. reor. *casuale* verò aded impune sit, ut ne quidem civiliter de eo agi possit, vid. Mevium l. Dec. 220. prout quidem, cum primis in *Foro Saxonicò*, de *Wergeldio* constat, hoc est XX. Imperialium præstatione, quòd illud toties agnatis ab occifore, & quidem integrum pro *masculo* occiso, pro *femina* dimidium, solvendum sit, quoties coërcitio pœnam corporalem non attingit: nam pœnam carceris vel relegationis *Wergeldii* præstatione non excludi, satis constat; vid. Carpz. P. 1. qu. cr. 15. n. 53. seqq. Et cum primis qu. 34. n. 7. & seqq. sed & de homicidio *casuali*, num non aliquando præstatio pecuniaria nomine ejus fieri debeat, per distinctionem P. 1. Crim. qu. cr. 27. n. 56. & seqq. Utiquè occisionem patris in bello ad *Casuale* homicidium, si propositò fiat, licet non dolo malò, referri non potest: sed culpæ *cædes* hæc adscribenda est. Si Justinii effatum sequamur, Lib. XVI. *Histor. cap. 1. ibi: In parricidio nulla satis justa causa abs sceleris patrociniò prætexi potest, nisi quòd patrem contrà patriam venientem omni-*

nò occidi posse, complures statuant, vid. Tuschum Card. lit. P. *Conclus. Pract.* 133. quòd quidem *Praschius* de *charitate Patria* p. 80. tunc solùm, & rectè quidem, admittit, si aliâ ratione & per alios occurrì certo excidio Reipubl. aut Principis, non possit: qui tamen casus facilè non accidit. Agit etiam *ibid. Praschius* de *liberis & fratribus*: Mitiora dubia movet *Pufendorf.* de deferendo seu accusando patre Reipubl. causâ in *Diff. Acad. d. Oblig. adv. Patriam* §. 33.

(l) LICET ANIMVS CÆDIS ABSIT. *Malitiosa* sc. hominem occidendi voluntas requiritur, nec simplex sufficit, eùm etiam is habeat *animum* occidendi, qui occidit *defendendi* sui gratiâ. Sed voluntas illa vel directâ est vel *indirectâ*: hæc etiam sufficit, ut si quis aliquem lædat instrumento ad homicidium apto, licet tantùm animo vulnerandi. vid. l. 6. C. de vi publ. l. 5. & 58. d. pœn. l. 15. ad L. Cornel. d. sicar. Carpz. P. 1. qu. cr. 1. n. 28. & seqq.

(m) ABORTVM. Quæ hîc ad textum l. 38. §. 5. de pœnis moventur, ex *Doctoribus* affatim peti possunt, vid. *Corrasium* in L. IV. c. 2. *Miscell. Mæstertium Lib. I. de Just. Legum Rom. dub. 25.* junct. *Wilsenb. ad L. Cornel. de sicariis* n. 12. cui satis ex *Mæstertio dict. I.* vel *Cujacio ad Paul. V. sent. Tit. 23.* responderi poterit. Utiquè si quis medicamentum ad conceptionem non malò animò, licet malò exemplò dederit, ex quò illa quæ id accipit, enecata fuerit, relegationem patietur, non ultimum supplicium.

plicium. l. 3. §. 2. ad L. Corn. d. sicar. Fachinæ. I. con-
trou. 36. Menoch. II. Arb. c. 352. n. 2. Illud quæri-
tûr: an liceat Pharmacum præbere ad faciendum
abortum, quando vita matris, ex difficili partu,
periclitatur. Negat Lessius, Lib. II. de Just. & Jur.
c. IX. n. 10. d. 61. item Dannhauerus quæst. 2. moral.
c. 8. ubi illicò post conceptionem factum animâ
præditum esse, asserit.

(n) CVM TELO. Sed ex gladii strictione ho-

diè non ampliùs doli mali, seu animi ad occiden-
dum meditati, præsumtio nascitur. Tabor in Ar-
mam. p. 109. imò si vel maximè Consilium occiden-
di adfuerit, tamen non subsecuto effectu poena ex-
traordinaria solum locum habet; Art. 58. Ordina-
nat. Crim. nisi quòd adhuc dum insidias improbio-
res, veluti per conductitium sicarium, intentas ca-
pitali animadversione vindicari velint.

XV. *Parricidium* proprie sumitur, pro cæde alicujus qui in re-
ctâ sanguinis lineâ nobis est conjunctus, reliquorum cædes propin-
quorum, magis est, ut homicidia atrociora sint *. Poenæ gravitas
non tam quærenda, ut superius dictum & de Majestatis quoque ac si-
milibus intelligendum est, intentione cruciatus, quam in specie ter-
ribili apparatus; quod egregie & ingeniosè à Romanis observatum,
cum parricidas virgis sanguineis verberatos culeoque inclusos cum ca-
ne, gallo gallinaceo, *vipera & simia* (o) in mari vel flumine suffocari
voluerunt.

* Vid. §. 6. Inst. de Publ. jud.

(o) VIPERA ET SIMIA. Rationem hujus in- nemo melius Palatiò in Monarchiâ Occidentali, in-
venti Wissenbachius post alios investigare studet, sed tegrò capite.

XVI. *Adulterium* est corruptio mulieris alii nuptæ. Nam vir
conjugatus rem cum alia solutâ habens matrimonii quidem *æquè fidem*
violat (p), sed non idem admittit delictum, quod uxor alii se subster-
nens; quia hæc præter thorum violatum, efficit ut maritus cum non
est, pater videatur. Unde omnium populorum existimatione con-
tumeliosior est viro quam mulieri *conjugis evagatio* (q). In muliere igitur
adulterium, in virgine viduaque stuprum committitur, gravius
quidem à conjugato quàm à cælibe, tamen stuprum; idque non Ro-
mano tantum sed & divino juri consentaneum videtur *: Quare Ju-
stinianum** ego quidem cucurbitas pingere maluisssem, quando capi-
tis poenam à Constantino Magno utriusque sexus adulteris inflictam
mulieribus remisit (r), jubens eas virgis admonitas monasterio includi,
etiam venia bonis viris datâ post biennalem poenitentiam eas redu-
cendi; scilicet, *quis earum non misereatur* ait optimus Cæsar, * dictante
Theodorâ. Recentiores Legislatores cur antiquum jus Romanum,

quod relegatio tantum in adulteros sancita erat, facilitate superare, quam & novum Constantini & divinum & veterum Germanorum aliorumque gravium populorum, quibus hoc capitale fuit, imitari maluerint, nullâ idoneâ ratione probari potest.

* L. 6. §. 1. D. ad L. Jul. de adult. Levit. 20. v. 10. Deut. 22. vers. 22.

** in Nov. 134. cap. 10.

* In l. ult. Qui potior in pign.

(p) *ÆQUE FIDEM VIOLAT.* Ita ut Carpz. P. 2. q. cr. 52. n. 3. etiam adulterium per hoc jure Civili committi putet contra l. 101. d. V. S. & alia à Bachovio adducta. II. ad Tr. Disp. 32. th. 2. lit. b. Nam quod Crimen hoc jure Canonico vocetur adulterium illud ed pertinere videtur, ut uxori itidem divertere & maritum accusare liceat; non autem ut adulterio strictè dicto adæquetur: quod etiam velle videtur Const. Crim. Art. 120. & sit adeo adulterium *secundum quid*; quanquam simpliciter *stuprum* cum Ant. Matthæi Libr. XLVIII. tit. 3. c. 1. n. 12. dici non possit, sed rectè fidei conjugalis disruptio in adulterii speciem incidere dicatur ab *Auctore*, quod ipsa Jura Saxonica, ratione capitalis supplicii, respexisse putanda sunt.

(q) *CONJUGIS EVAGATIO.* Benè exponit Pufendorf. L. VI. c. 1. §. 10. unde contemptus ille viri procedat. vid. de nomine Hanrey. Linneæum Lib. VI. c. 6. J. Publ. n. 95. & Besoldum, Th. Pract. lit. C. n. 62.

(r) *MULIERIBUS REMISIT.* Nam licet insignior fiat viris injuria, per adulterium mulieris, tamen in *feminis* imbecillitas sexus spectanda fuit, quâ libidini magis succumbunt. Accedit, quod mariti fortè placati, si mulieribus cohabitare voluisset, duplici afflictione afficiendi non fuerint. vid. Tabor. in Partit. Elem. p. 280. Wesenb. ad L. Jul. de adult. n. 19. ibique Bachov. & cum primis Jacob Moestert. L. II. c. 19. d. J. LL. Romanarum. Certè non multum à poena mortis discrepare videtur mulieris coercitio: siquidem poena *carceris perpetua*

morti similis est. Carpz. II. qu. 53. n. 20. ceu quidem bienniò exactò, vel marito interim mortuò, adultera poenitens perpetuò in monasterio detinebatur, illique pars quarta bonorum priorum concedenda fuerat. Nov. 134. c. 20. Quod si maritus civiliter egisset, dotem literari poterat. Nov. 101. c. 9. si criminaliter, substantia mulieris inferebatur monasterio. cap. 10. 16. Confer Berlich. P. 1. Concl. 29. Licet autem Carolus V. in art. 120. ad jus Justinianum se remittat; tamen quia ap. *Nostrates* monasteria non habentur, de consuetudine communi Germaniæ receptum est, ut adultera *virgis* cedatur, & in perpetuum *relegetur*. vide simul de hoc & jure Saxonico Berlichium d. P. IV. Concl. 27. Alicubi sanè levius & vel *carcere* adulterium coercetur, (ut in Ducatu *Wurtembergico*,) & alibi, etiam *relegatione* tantum: id quod Wissenbach probat, in th. 19. b. & qui apud *Struvium* citantur, §. 32. eodem. confer Taborem d. quest. p. 44. & seqq. item Feltmannum de juram. perhorr. c. 21. n. 15. Bachov. Vol. II. Disp. 32. th. 5. lit. B. post Lipsium ad IV. Ann. Taceti ubi solidè ex *Romana historia* idem deducit. Cæterum quod Grotius tradit L. II. c. 1. §. 15. adulteram liberis legitimis etiam rependere teneri, si quod damnum ex concursu susceptæ proles adulterinæ ad hæreditatem patiantur, illud rectè examinat Zieglerus *ibidem*, post quem vide Pufendorf. Lib. III. c. 1. §. 6. Nam utique si maritus uxori cohabitaverit, partus potius ipsius, quam adulteri, esse censetur; secus ne quidem filius adulterinus ad hæreditatem patris admittendus est.

XVII. *Stuprum* est corruptio virginis viduæque honestæ; Nam meretricia voluptas etsi impunita, ut visum Romanis, exemplo ebrietatis similiumque vitiorum esse non debet, æstimatione tamen criminis distingui meretur. Persecutio stupri non malè exerceri videtur, ut

vir

vir *ducat vel dotet* (s) *. Nam si amor furtivus nuptiis conglutinetur, hoc ferendum: Sin, æquum est ut defloratæ pecuniarium solamen tribuatur. Quod tamen nihil vetat, quominus insignitior fraus alterius, publicâ multâ vel coercitione corporali adficiatur. Meretricia libido similiter mulctanda pecuniis, aut relegatione, si nimis impudens & frequens.

* *Constit. L. un. C. de rapt. virg.*

(s) *DUCAT VEL DOTET.* Equidem jus divinum videtur *conjunctim* hoc exigere, sc. si vi quandam, sed tamen non omnino resistantem, quis stuprasset: nam sic *præcisè* eam ducere, & 50. filios ei pendere tenebatur. vid. *Exod. XXII. v. 16. junct. Deut. XXII. v. 25. & seqq.* quam tamen *conjunctivam* patri puellæ in *disjunctivam* vertere permisum erat. Et frustrâ adeò hoc vellicat Wissenb.

n. 27. ad *L. Jul. de adult. confer* ad usum Fori Rich-
terum integrâ *Decis. 88.* Et quoad *fornicationem*,
Mæstertius *Lib. II. d. Tract. c. 11.* ostendit, etiam
jure Romano non absque omni *coercitione* hoc deli-
cti genus fuisse. confer de eo non minus *Scharoc-*
kium de vitiis incontinentiæ speciebus c. 3. & seqq.
junctio simul ad usum forenses *Carpzovii qu. cr.*
70. & Meviò ad Jus Lubecense. Lib. IV. Tit. 5. art. 5. D.

XVIII. Vis fertur duplex publica & privata; Illa tamen non est publicum nostro sensu crimen. Nam si in Remp. committatur Majestatis est: sed publica vis dicitur quælibet atrocior, *maximè quæ fit armis*, (t) hinc privata intelligitur. Publicæ pœna plerumque capitalis est, privatæ secundum merita singularium alia atque alia esse debet.

(t) *MAXIMÈ QUÆ FIT ARMIS.* Nam & *sine armis* committitur, velut in *personam* publicam, aut à persona publica, item ex *objecto. l. 7. 10. & ult. b. l. 5. §. 2. cod. l. un. C. d. rapt. virg.* Besold. II. *Consil. 40. n. 1. & seqq.* adeò ut in *domo* alicujus propriâ

patrifamilias illatâ vis pro publicâ habeatur, juxta
Taborem in Armam. p. 315. qui & *species* violentiæ
publicæ & privatæ benè distinguit, *eod. Tract. pag.*
91. In quibus variè confunditur *Bachovius ad §. 8.*
d. publ. Judic.

XIX. Ad publicam vim pertinet raptus virginis viduæve honestæ, quem meritò jus Romanum gravissime persequitur, capitali pœnâ. Quod tamen non distinguit inter volentes invitasque mulieres, id verò *nimum rigoris* (u) præferre videtur. Stuprum denique gravat quidem raptus crimen, sed hoc tamen sine illo consistit & nihilominus capite rectè punitur.

(u) *NIMUM RIGORIS.* Et tamen non modo in delictis publicis illius, cui quid inferitur, *voluntas* attendenda non est, ut vel in adulteriis apparet; sed sufficit etiam parentibus, consanguineis, tutoribus, maritis, non consentientibus, *Raptum* contigisse: quanquam fieri possit, ut casu uno

vel alterò pœnâ *extraordinaria* obtineat: si fœmina nec dolo malo, nec malis persuasionibus, aut artibus decepta, & ad consentiendum inducta fuerit: de quò vide *Harpprechtum ad §. 8. Inst. ad publ. jud. & Besold. II. Consil. 40.*

XX. *Falsi* crimen est ficta veritatis imitatio vel suppressio in fraudem alterius facta, cujus *plurimæ sunt species*, (x) * aliæ aliis graviores, leviores; perinde variè puniuntur; haud absurde in illo membro præ aliis quo maxime falsum committitur, sc. *linguâ perforatâ*, (y) quod & in perjuros & blasphemos rectè statuitur.

* *Vid. l. 1. l. 2. & l. 8. l. 13. §. 1. l. 32. §. 1. ad Leg. Cornel. de Fals.*

(x) *PLVRIMÆ SVNT SPECIES.* Adeò ut nonnulli falsum in *verum & quasi tale* distinguant, ceu observavit Bocerius *cl. IV. Disp. 15. th. 2. & seq.* & quasi falsum sit, quod non *L. Corneliâ* de falsis, sed aliis Principum *Constitutionibus*, vel *SCtis*, tanquam accessione Legis illius, notatum reperitur. Imò ne hoc quidem sufficit multis, sed quamlibet veritatis immutationem, suppressionem vel imitationem, in alterius *fraudem factam*, pro falso habent: quæ sententia est intolerabilis. Quin potiùs nemo falsi accusari potest, nisi ejus factum expresse à lege notatum fuerit, Weseub. *n. 2. ad L. Corn. d. fals. in fin.* Bachov. & Hahn. *ibidem* & Tabor in *Racem. Disp. de Stellionatu n. 10.* Undè accessiones quidem Le-

gis Cornel. in eòdem numero cum *L.* rectè habentur; Sed tamen asserendum non est, cum Carpzovio *qu. cr. 39. n. 14.* quòd *generalis* notatio ad falsum sufficiat; secus indè sequeretur, nec *dolum* aut *doli actionem peculiarem*, nec crimen *stellionatûs* peculiare, existere; quod & ipsum *ex falso* oritur. *l. 3. §. 1. d. Stellion.*

(y) *LINGVA PERFORATA.* Quæ pœna quidem, ut nec linguæ *abscissio* ob *blasphemiam*, in *Saxoniâ* non frequentatur, teste Carpzoviò *qu. Crim. 45.* Cœterùm *blasphemix* species varias *Feldenus* commemorat *P. 2. Elementor. Jurisprud. univ. memb. 37. pag. 379.* & de *perjurio* idem videri potest, *membro 38.*

XXI. Huic affinis est Calumnia, sive delatio falsi criminis, cujus pœna rectissime jure Romano talionis tradita fuit, hoc est, eadem quam merebatur crimen, quod calumniator intendebat.

XXII. Magia quandoque pro veneficio fumitur,* at tunc ad homicidium pertinet; sed propriè est crimen eorum, qui ope diabolicâ, præstigiis artibusque vetitis *grassantur*; (z) idque plerumque dispendio hominum tam corporum quam animorum, aliquando quasi pro hominum salute. Illos jus civile gladio punit, hos impune dimittit *Constantinus* (a) *Christicolarum* primus Cæsarum,** alii hos gravius plectendos censent, ob periculum majus animarum. Neutri bene; puniendi quidem, sed lenius quam qui nocendi causam habent; quia Legislator maxime læsionem societatis communis spectat.

* *L. 3. 5. 7. C. de malef. & Mathemat.*

** *Constant. in l. 4. C. cod. tit.*

(z) *GRASSANTVR.* Cujusmodi Magos dari, Carpzovius post alios persequitur *qu. cr. 48. n. 39.* quòdque pro contrariâ malè citetur *Canon. Episco-*

pi. XXVI. qu. 5. (ubi, quòd *illusiones* Diaboli tantum hominibus imponant, dicitur) eruditè ostendit *integra Diss. Joh. Ott. Tabor*; Quòd vero capite plecti

plecti debeant sagæ, licet *damnum* non dederint, *Dannbauerus* ex divino jure probat, *Lib. II. Theol. Conscient. p. 465.* ubi simul an hæc pœna ad *impubes* porrigenda sit? ex spe conversionis expendit: de quo & latius *Weizeneckerus de Servitiis Daemon. cap. ult. n. 5.*

(b) *CONSTANTINVS.* Nequaquam verò. Quomodo enim *Constantinus* vel potius *Justinianus*, qui *Constantini* Constitutionem recepit, impunè eos dimitteret, qui tamen Ipse medicinam magicam, & sic ea remedia illicita, quæ commodant, improbat *l. 1. §. 3. d. var. & pond. cognit.* *Brunnemannus*, ut *Constantinum* salvet, *Legem 4. C. d. Malef. & Mathemat.* accipiendam esse censet de *Litaniis & Processionibus* hodiernum apud *Pontificios* usitatis. At verò illas demum *Seculo V.* introductas esse constat: Vid. *Polydor. Vergilius Lib. VI. d. Rerum Invent. c. X.* Nequæ oppositio textûs, cum omninò pars posterior de re quâdam illicita loquatur, illam expositionem admittit. Alii de tolerantia intelligunt: ut *Zoesius* & plerique cæteri. Nonnulli de permissione ad finem boni: ejus generis quoque alia in *Justiniano* Jure reperiuntur, accipiunt, ut *Coll. Argent. Heigius, Damhauderius & alii.* Denique *Gentilismum* sapere eam Constitutionem indeque à *Leone Nov. 65.* atque Jure Canonico *can. 26. qu. 2.* emendatam fuisse, *Carpzovius, Balduinus, Bachovius* nec non ea *Disputatio* adstruit, quæ nuper ad istam *l. 4. Al-*

terfii edita fuit. At verò aliud dicta *l. 4.* remedium quærendum est, ex ipsâ oppositione *Textus.* Nimirum, *Imperator* in versu: *nullis.* non loquitur de illis, qui expressum cum *Diabolo* pactum inière, quippe qui igne puniri debent; licet nemini nocuerint; sed ne de his quidem, qui pactum tacitum cum *Diabolo* inière, veluti auxiliò ejus & colloquiò immediatè utentes; verùm de illis, qui *superstitiosa remedia* ut *characteres, sententias, imagines & cætera, innoxie* adhibent, in quos non equidem nulla pœna, sed tantum non *severissima*, ut in *pr. d. l. & casu oppositò*, (nam ita *to criminalibus*, in versu: *nullis pro severissimis* accipiendum est) indeque *extraordinariâ* seu *arbitrariâ*, sicut per *Ord. Criminalem* in *Art. 149.* & ad ductum *Juris Canon. c. XXVI. qu. 7. can. 15.* utendum sit. vid. *Carpz. P. I. qu. cr. 49. & P. IV. Const. 2. def. 9. & 10.* Aded ut non simpliciter hos excuset *Imperator* à pœna, cui tamen alibi in *Jure Justiniano* iidem subjiuntur, sed tantum à gradu pœnæ *severissimo* seu *capitali.* Quanquam *ratio in fine* subjecta non exactè quadret. Et cum *ambigüe* posita sit *Constitutio*, ided mirum non est, quòd *Leo Imperator* in *Nov. 65.* eam non minùs de *Gentilismo* acceperit, quasi quid ejus *Constitutioni* illi inhæreat: ceu quidem etiam *Tabor in Partit. Elem. p. 278.* eam infelicitati seculi illius imputat.

XXIII. *Plagium* vocatur furtum hominis, cujus pœna usque * capitalem extendi potest, haud minus quàm raptus sine stupro.

* *L. ult. D. & C. de Plagiar.*

XXIV. Abigeatus est furtum majus pecudum ex agro vel stabulo abductarum; nam modicum, veluti ovium paucarum, magis est furtum. *

* *Vid. L. ult. D. de abig.*

XXV. Quanquam verò pœna furti simplicis exemplo juris divini, *Romani & aliarum gentium intra mortem (c)* subsistere debet, tamen in abigeos maximè qui ut artificium illud exercuere, non abs re videtur acerbius imò & capite animadverti; eadem ratione, quâ *Scythæ* olim nullum furto crimen gravius puniebant, quia nullis domibus res suas continentes, nihil salvum custodire possent, si non facilitas

litas perpetrandi acerbitate poenæ, & spes impunitatis metu gravitatis supplicii compensaretur.

(c) INTRA MORTEM. vid. de Furti coercitione in lege *Hebræa*, & quomodo duplō puniri dicatur, & tamen quinque boves & rursus quatuor oves alicubi restitui debeant, *Osiandrum ad H. Grot. Lib. II. c. 20. §. 32.* Equidem lex sacra, de non occidendo fure, lex tantum *forensis* est, pro certo tempore & statu; licet ipsa furti prohibitio sit *moralis*: & quanquam nonnulli poenam capitalem furum ex sacris probare conentur, tamen *Exod. XXII.* loquitur de perfossore, qui pro Aggressore merito habetur, & *Sam. XII. v. 5.* accipi potest, de extraordinaria *severitate*, maxime quod furtum ibidem in *rapinam* incideret: quanquam nec mors pro supplicio mortis necessario accipi debeat, sed pro gravissima, nec tamen capitali, poena: ut *Judic. XVI. v. 16. Baruch. II. v. 4. & III. v. 4.* Melius urgetur *Genes. XXXI. v. 32.* ubi male *Grotius* sacrilegium Jacobum censuisse putat, qui probe superstitionem *Labanis* agnoverat; Saltim ex hoc, & similibus aliis locis, colligere licet, etiam in *V. Testamento*, ante legem, boni publici causā, imò & post eam, circumstantiis exigentibus, capite puniri furtum potuisse: ut quidem tempore *Caroli V.*

perturbatio pacis publicæ & furum frequentia capitale supplicium exegit. Non obstant, quodd inter furis supplicium & rem ablata proportionem non sit, quoad iustitiam reparativam: de quā nec in genere poenarum queritur; Sufficit enim quodd proportio sit quoad iustitiam punitivam, ejusque fines superius expositos, seu nec æstimatur furtum, seu delictum aliud, tam ex eventu & objecti multitudine, quam ex pravitate voluntatis & intentione, tanquam constituyente formali, aded ut æquè puniatur qui viginti ac qui mille furatus est: ut tamen cum delictum hoc *res privatorum* respiciat rei hactenus simul habenda fuerit ratio, ut Legislator certam quantitatem, seu à *Carolo V.* factum est, definiret, infra quam poena Capitis furi non intentaretur: cum non videretur iustitiæ consonum esse, ut ob rem minimam capitis supplicium fur pati deberet, prout in his quidem Provinciis id ipsum ultro produxerunt *Dicasteria* & ad 20. Imperiales, in poena capitis, respiciendum esse voluerunt; secus ac in *Electoratu*: Neque enim *Nostrates* tempora præsentia eodem rigore, quò *Carolina* indigere arbitrati sunt.

XXVI. Pluribus de furto rapina & injuria heic supersedemus. *Stellionatus* (d) * postremo dicitur omne crimen, quod speciali nomine caret, à Stellione versuto animali, quod se in omnes formas vertere dicitur, adeoque specierum enumerationem hoc delictum quasi clausulâ generali obsignat.

* Vid. *L. ult. D. Stellion.*

(d) STELLIONATUS. De quò integrâ Dissertatione inter Racemationes criminales vide Taborem.

CAPUT VI.

De

Tributis & vectigalibus &c.

ARGUMENTVM.

Necessitas tributorum. An bonorum publicatio juncta poena capitis iustitia satis conveniat.

De

De tributis questio duplex tractatur, prima, quæ sint commodissima. 2. an omnia justè exigantur. ubi de præcipuis speciebus. de jure immunitatis. de commissis & de locandis vectigalibus.

I.

CIVitas Legibus, Magistratibus & Judiciis ordinata absque pecuniariis subsidiis neque intrinsecus subsistere neque adversus externos se tueri potest. Nam quies Gentium sine exercitu, exercitus sine stipendiis, stipendia sine tributis nullo modo haberi possunt.

II. Ad hunc igitur locum pertinent quævis commoda fiscum & ærarium augmenta, quorum pleraque in capite de minoribus Majestatis juribus ita recensita sunt, ut in universali hac disciplinâ parum de illis supersit dicendum. Nisi de publicatione bonorum quærere velimus, sitne justum fisci ditandi medium; ratione dubitandi, quod ut Cicero * ad Brutum fatetur, (defendens SCtum, quo bona Lepidi publicata fuerant) pœna quoque ad liberos pertineat; quare & Justinianus novissimè in gratiam propinquorum sustulit confiscationes.** Sed non obesse hoc argumentum diximus pridem; adeoque nihil impedit, quominus redarguere liceat; quos occidere justum est, hos spoliare non potest esse inhonestum. Sed est aliud; publicatio bonorum tum maxime cœpit, cum pœna capitalium delictorum non esset mors sed exilium, quod veteres scilicet mortem civilem, id est, commentitiam vocabant; hoc autem vix erat supplicium, si damnati patrimoniis suis in exilio gauderent, cujus rei experientia Romanos quidem compulit, *** ut bonorum publicationem, relictis alimentis, in pleraque graviora crimina sancirent. Ubi vero mors naturalis cœpit infligi reis, jam hoc satis supplicii cœpit videri (a). Hoc saltem exinde consequi videtur, etsi confiscatio in regulas justitiæ non impingat, laudabilius tamen abstinere Fiscum bonis damnatorum ubi sanguinem effuderit, etiam vel ideo, quod tum jactura opum reo nihil officiat, tantum premat posteritatem.

* *Epist. ad Brutum.*

** *Nov. 134. cap. ult.*

*** *Testis Sueton. in Julio.*

(a) COEPIT VIDERI. Et tamen etiam ex nullorum locorum moribus, in Germaniâ usurpatam fuisse, tempore Caroli V. ex Art. 218. Ordinationis

tionis Criminalis, colligitur: ubi quidem Imperator, licet aliàs in *proœmio* Ordinationis, Imperii *statibus* derogatum esse non velit, an ihren alten wohl hergebrachten rechtmäßigen und billigen Gebrauch, tamen promiscuam illam *confiscandi* rationem tollit, in verbis: Daß an etlichen Orten, so ein Ubelthäter, außerhalb des Lasters der Beleidigung unserer Majestät, oder sonst in andern Fällen, so der Ubelthäter Leib und Guth nicht verwirkt, vom Leben zum Todt gestrafft, Weib und Kinder an Bettelstab und das Guth dem Herrn zugewiesen werde. Diese und dergleichen Gewohnheit wollen wir, daß eine iede Obrigkeit abschaffen, als wir denn dieselbe aus Kayserl. Macht aufheben, damit vernichten und abthun, und hinführo nicht eingeführet werden sollen. Itaque hodiè citrà casus speciales in Jure Justiniano expressos, qui præter objectum Nov. 134. in *Pandectis* aut *Codice* occurrunt (nam hos Carolus V. non sustulit, arg. verbor. und andern Fällen, & art. 134. & seq. *Ordin. Crim.*) tantum ex crimine *læsæ Majestatis humana* confiscatio servatur, cui crimen *læsæ Majestatis divina* ob *Auth. Gazaros. C. d. hæret.* jungit Mylerus cap. 68. d. *Stat. Imp. n. 7. & 8.* sub quo quidem *hæreseos* crimine, licet Magiam seu *fortilegium* plures comprehendant: tamen ab illis rectè discedit Heigius

II. qu. 33. n. 53. & Klockius *Lib. II. d. arar. c. 35. n. 37.* tantum quoddam inquisitionis sumtus ex bonis fortilegorum, (licet hoc etiam non admittat Merkelbachius, apud Klockium I. *Conf. 24. n. 32.*) desumi soleant. Sic & ex omni Crimine capitali per accidens confiscatio in illis locis subsequitur, ubi die Mordacht recepta est. Aliàs non licet *statui* Imperii confiscationem bonorum ex aliquâ causâ, & ne erimine quidem enormi, propriâ auctoritate introducere, vetante illud expresse dicto Art. 218. nisi quoddam *immemorialis* consuetudo in causâ probabili, ad instar privilegii, invalescere possit. Et hinc statutum ne quis emigret ex territorio *sub pænâ* confiscationis bonorum, etiam exteri injustitiæ arguunt, ut Amaya I. *Observat. Juridicar. cap. 6.* quamvis hoc etiam speciali ratione, vetitæ nimirum libertatis, iniquum censeretur. Salm de eo constat, quoddam plures *Civitates* Imperiales, bona in censum non professæ pro commissis, per statuta vel usum inveteratum habeant, eaque in Fiscum redigant; qualia Statuta usumve immemorialem, licet à multis reproberentur, servari tamen illis debere, verius est. Quâ ratione autem & quousque heredes reticentium capropter teneantur, ap. Besoldum d. *Ærario C. V. n. 25.* disquiritur: nosque aliàs argumentum hoc latius deduximus.

III. Sed plus juvant Rempubl. tributa & vectigalia, de quibus duplex quæstio vertitur, prima, quænam sint *commodissima*, (b) dein, fatin' juste omnia exigantur. Prior maxime politica est Quæstio, altera hujus loci sed vel brevissima vel subtilissima. Nam contenta est Ars nostra, quod ad justitiam, si non repugnent honestati morali: at si comparatio instituat, quænam ex omnibus æquitate maxime commendentur, ea minuta foret disputatio.

(b) *COMMODISSIMA.* De Vectigalibus, quibusnam mercibus tam importandis quam exportandis ea imponi debeant? Pufendorffius agit L. VIII.

c. 5. §. 6. de Tributis autem, quænam opificia aut negotiationes illis gravari vel secus debeant, agit Boxhornius in *Disquis. Polit. cas. 18.*

IV. Locus generalis de jure summarum potestatum tributa *indicendi*, (c) an id populis invitis, an absque necessitate possint, spectat ad librum priorem, ubi de juribus Majestatis.

(c) *INDICENDI.* Afferunt hic communiter locum *Cominai*, qui de *Gallia* regno, vel maxime

Monarchico, afferat, invitis subditis contributiones imponi non posse: at vero hunc ex *Scyffelli* Principis

piis *Aristocraticis* perorare; *Boeclerus* advertit, in *Diff. VII. Pol. pag. 359.* & communius recepta est sententia, quodd tributa solvenda sint summæ Potestati, nec renitendum ei, licet de *fine & objecto* dubium moveri possit; idquæ ob *Rom. XIII. v. 3. 4.* aded

ut *Grotii* sententiam in *Lib. I. c. 2. §. 7.* dum is tributorum exsolutionem non deberi putat, nisi cum sine bono jungantur, in Regno quolibet admittendam non esse, sed in eo solum obtinere, verius sit, in quo cum *principatu libertas* miscetur.

V. Species autem vectigalium inhonestarum vix aliæ sunt, quam quæ ex rebus inhonestis colliguntur, veluti è lupanaribus, quia vix est, ut non hoc ipso probari videantur. Nec quidem satis illic defenduntur, ubi Magistratus indomitas hominum libidines cohibere non possunt, quin perniciosius erumperent, nisi ad meretriciam licentiam conniverent: Procul enim à conniventia distat permissio, quæ exacto vectigali omnino infertur. Cæterum indecoræ collectiones ut *Vespasiani* exlotio, differunt hoc sensu ab inhonestis.

VI. Sed verè hujus generis putamus vectigal, quod Magistratus decerpunt *ex fœnore trapezitico*; (d) cum enim hoc, ut hodie exercetur, sit injustum, non potest vectigal Magistratum, quo auctoritas instituto illi præstatur, injustitiæ absolvi. Perinde quod exigitur à mimis & Comœdis similibusque, inter illicita referendum videtur, quatenus vix ullæ hodie comœdiæ sine turpitudine exercentur. Simile de similibus esto judicium. Nam de iis quæ cum necessitate morali pugnant minime difficilis aut obscura constitutio est.

(d) EX FœNORE TRAPEZITICO. Si fœnus seu usura injusta non est, prout *suprà* ostendimus: non etiam injustum erit, ut exindè Magistratus quid sibi vindicet, tanquam ex pecunia sc. fœnebri & quacum creditor patrimonium suum auget: quod pertinet das *Ehurfürstl. Sächs.*

Steuer-Ausschreiben de an. 1626. wegen des 6ten *Steuer-Gulden*, ut debitor quidem 6. Florenos, prout tunc temporis semisses usuræ obtinebant, creditori pendere debeat, der Gläubiger aber den 6ten Gulden als Steuer einschicken solle, conf. *Carpz. P. II. Const. 30. def. 11.*

VII. Alterum de comparatione mediorum inter se, obiter delibabimus. Justissimus omnium, census videtur, quo secundum *facultates divitiarum* (e) cives in contributionem vocantur; & forsitan magis ratione fructuum quam sortis habitâ, quia alioqui fœneratores & qui redditus capiunt faciliores, præ immobilium possessoribus enormi præcipuo gauderent. Secundum hunc, quæ minus exhauriunt & causis lucrativis imponuntur præstant media, veluti quod à successioni- bus quæ ex latere propinquitatis aut ab exteris veniunt, deducatur.

Tum vectigalia rerum quæ extra civitatem evehuntur quæque aliunde advehuntur, earum quæ magis ad luxum & abundantiam quam usus necessarios pertinent, quales sunt quas Marcianus in *L. XVI. π. de publicanis* recenset.

(c) *FACULTATES DIVITIARVM.* Nam quia cuiusque patrimonium à Republ. defenditur, & quidem non finè impensis; hinc pro ratione reddituum seu emolumenti ex bonis cuique redacti, civium onera congrua imponenda sunt: cumque res suas cives etiam, beneficiò Reip. augere possint, si tunc quærat, an impositio sit facienda

ex his quæ quilibet *lucratur*, an ex his quæ quisque *consumit*? potius est, ut ad *consumtionem* respiciatur: quoniam fieri potest, ut qui æqualia lucrantur, non possideant æqualia: tum & difficile est in acquæstum inquirere, facilius in consumptionem, atque uni parsimonia fraudi esse potest, alteri lucro esse luxuria.

VIII. Ad censum proximè accedunt præstationes agris & domibus impositæ, quæ rebus semper cohærent & à quolibet possidente exiguntur, *etiamsi convenerit* (f) inter emptorem & venditorem, ut emptor tributum solveret.* Imo & reliqua tributum non soluti, quæ ante venditionem cesserant, ab emptore solvenda sunt, quia fundum sequuntur. Idem erit, si venditor partem census ab agro vendito in alium quem habet vicinum transtulerit, tametsi professionis censualis translatio publicis actis inserta fuerit; semper enim fundus vetusto censui manet obnoxius: nisi à Principe permessa sit translatio. Vectigal etiam quod agris vendendis imponitur, ab emptore solvendum videtur, venditori tamen pro parte imputandum, nisi aliter sit cautum. At in rebus mobilibus *præstat à venditore solvi* (g) vectigal, quia minus molesta solutio est accipienti quam precium danti.

* *Vid. tit. Cod. Sine censu vel reliquis fundum comparari non posse.*

(f) *ETIAMSI CONVENERIT.* Ita ut si fundus aliquis Principalis sit, qui sub eâ conditione venditur, ne Canon *Principi* præstaretur, fundus cum pretio committi debeat; secus ac in fundo civitatis. l. 5. *C. d. divers. præd. urb.* sed tamen hoc de fundo, in Principis *privato* patrimonio constituto; accipiendum est. Quid autem juris sit in eo, qui *potentioris protectioni* se submittit, ut à tributis seu præstationibus publicis se eximat? vid. *Brunneman. ad Tit. C. ut nemo ad suum patroc.* Utique per *derektionem prædiorum suorum* neminem se ab oneri-

bus eximere regulariter posse, docet Tabor *Tr. d. Metat. p. 286. § seq.*

(g) *PRÆSTAT A VENDITORE SOLVI.* *Gabellam* vocant, quam quidem communiter placet, ab emptore solvendam esse. per l. *debet. ff. d. edil. Edict.* Rationes habet Franciscus Marci. *Dec. 285. & Capella Tholosana qu. 452.* An autem rescissô contractu Gabella ejusmodi nihilominus debeatur, disquirat Brunnemann. *ad l. 1. C. qu. liceat ab emptione disced.*

IX. Rebus ad vitæ usum necessariis, *liberisque capitibus* (b) non nisi

nisi summâ urgente necessitate vectigal imponendum: sed hæc ad politicam vergunt.

(b) LIBERISQVE CAPITIBVS. Kopf-Geld oder Kopf-Steuer, quam sanè ob *vitam ipsam pendit*; ut hæc sc. vel corpus liberum, ejusque tutela, redimi debeat, rationi & æquitati minus conveniens esse videtur; quamvis id velit Pufend. *L. VIII. c. 5. n. 6.* Nil enim à cive hoc respectu exigì potest, quàm ut operâ suâ, cum hostis instat, ipse *vitam* suam, pro ordine & loco, quem in civitate sustinet, tueatur: & longè rectius JCti

Romani die Kopf-Steuer speciem esse dicunt oneris quodammodò realis, quodd absque prædiorum respectu, & aded ab *omnibus*, etiam qui prædiis destituti sunt, attamen sumtibus, & quidem pro cuiusque *conditione*, non pro *vitâ* (secus à Pufendorffio proditur, qui omnibus æqualem præstationem, quia omnes æque vivunt, imponendam vult) præstari debeat. *l. 6. §. 5. de muner. & bon. vid. Klockium d. Contrib. cap. 2. n. 12. 14. & 22.*

X. Immunitas à *vectigalibus* (i) haud facile, à censu vix unquam concedenda, idque in omni civitate ferè servatur. Concessa tamen à principe ad heredes aut posteros non pertinet, nisi diserte privilegio sint comprehensi *. Et mentione posterorum simpliciter facta, rationem habet, quod Lege Romana sancitum, posteros feminei sexus non intelligi, sed masculinos duntaxat **. Collegiis vero data immunitas, veluti Academiis, perpetua, quandiu durat collegium, intelligitur ***. Quia tamen vim majorem non habet immunitas quam privilegium, ideo lege contraria tolli & aboleri potest immunitas; nisi per contractum promissa & adsignata sit; quo casu jus quæsitum auferri non potest, nisi id quod interest in vicem præstet. Debent autem personæ immunes ad evitandas fraudes profiteri, quid in usus suos accipiant, idque ut *libello* (k) manu sua subscripto testentur haud de nihilo Lex Romana postulat *. Immunes autem sunt perpetuo, Res fisci, res exercitibus paratæ & ferè præsides provinciarum; ** studiorum quoque honori datum sæpius, ut Academiae ibique tam docentes quam discipuli ab oneribus vectigalium liberentur ***. Hi etiam qui loca palustria aut eluvione maris vadosa aliterve inculta emendant & frugifera faciunt, urbesve desertas frequentant, meritò immunitate, saltem ad tempus sublevantur. *

* JC. in l. 1 §. 1. D. de jur. immunit.

** d. l. 1. §. ult.

*** L. penult. §. penult. eod. tit.

* Vid. l. 4. §. pen. D. de publican.

** d. l. 4. §. penult. l. 9. §. pen. & ult. eod. tit.

*** L. 3. C. de alluvion. & palud.

* L. 2. C. de Vectigal.

(i) A VECTIGALIBVS. Videtur *Auctor* hanc doctrinam mixtim tractare de vectigalibus, cum iis, quæ ad munera seu *tributa* pertinent. Nam quæ in jure nostro de *immunitate* habentur integris titulis, ad *vectigalia* non pertinent; quanquam in his utique immunitas quandoque rebus aut personis

concessa sit, de quâ in titulo *de Publicanis & Vectig.* agitur.

(k) LIBELLO. Quid usus servet hodiè in vectigalibus, vid. ap. Hahnium *ad Weseub. d. Publican. n. 4.* Köppen. *Dec. 50. n. 13.* Confer. *Seefen. dorf, im Deutschen J. St. P. 3. Regal. 3. n. 5*

XI. Tributa sive census plerumque immediatè colliguntur. Vectigalia proprie dicta (nam sæpe *confunduntur* (l) solent locari, quia diligentius quæritur pecunia ab his quorum privatim interest, quam ab iis qui Rempublicam *administrant* (m). Qui conducunt vectigalia publicani dicuntur, odiosum cunctis gentibus nomen, tam ob exactiones, quibus vexant cives, quam ob per se invisum plebi institutum. Poenas eorum qui res munificas sive tributo obnoxias non profitentur, est hæc, quod res celatæ cadant in *commissum* (n) & in fiscum seu *publicani commodum* (o) redigantur. Nec tantum merces, sed & naves & plaustra quibus vectæ sunt, committuntur, *licita cum illicitis*, (p) * ut quidem passim observatur; nempe si unius Domini sit navis aut *unius societatis*; (q) nam si diversi magistri, diversa consilia celantium & non celantium sint, omnes eadem poena involvi minimè debent. Neque *ignorantiæ prætextus* (r) hac parte recipitur, si vel juris sit vel facti proprii **. Sed error probabilis hætenus tamen excusandus, ut publicani modica admonitione, v. c. duplo vectigali sint contenti, ut jure Romano ***. Factum quoque servorum domino ignoranti nocere non debet, nisi rebus illis quibus fraudati sunt, præpositi fuerint. Minori quoque ætati veniam erroris, etsi non æque probabili, æquitas postulat concedendam *. Si quis verò res suas professus vectigal non solverit, nec commissum nec alia poena habet locum: quia publicanus sibi imputabit, quod *vectigal non exegerit* (s) **. Denique, si propter necessitatem adversæ tempestatis, onus fuerit expositum, non debere hoc commissum vindicari, æquitas manifesta dicitur. Persecutio mercium, quæ in commissum ceciderunt, datur etiam adversus heredem; non quod ille propter defuncti delictum puniatur, sed quia merces ipso jure à defuncto amissæ fuerant; proinde apud heredem remanere non poterant. Si qua præterea poena lege statuta sit, ea cessat adversus heredem ***.

* L. 11. §. 2. D. de Publican.

** L. ult.

*** *L. ult. §. 5. cod. tit.*

*** *l. 16. §. 10.*

* *§. 9. d. l. 16.*

** *Ead. l. 16. §. 12.*

*** *L. 14. cod. tit.*

(l) CONFVNDVNTVR. Quod ipsi Auctori accidit, & in jure quidem nostro sæpè tributa sub nomine vectigalium continentur. *l. 1. §. 1. 2. C. d. exact. trib. l. 9. C. d. annon. §. tribut. l. 23. d. V. S. tot. tit. si ager vectig. vid. Cujacius VII. obs. 3. §. 4. & Wissenb. ad l. 17. d. V. S.* Et tamen si exactè nomen accipias, nunquam exactiones publicæ & communes sub eo nomine veniunt. vid. Arnifæus *Lib. 3. d. Jur. Maj. c. 7. §. 1. 4. 8.* & quod differentias varias explicat Collegium Arg. de *Censibus th. 6. n. 2. it. Gudelinum Lib. V. d. J. Novissimo c. 9.*

(m) ADMINISTRANT. Id quod aliunde non minus utilissimum esse Reipubl. & fraudes per hoc eò diligentius caveri, ostendit Boxhorn. in *Disquis. Polit. cas. 42.*

(n) IN COMMISSVM. Sed pœna commissi non ubique locorum obtinet, sic enim in Saxoniâ pœna arbitraria servatur. (Carpz. *P. 4. Const. 14. de fin. 15.*) nec non alibi. vid. Anton. Matthæi *cap. 7. d. Auction. n. 20. seqq.* ut & Mevium *ad Lib. II. Jur. Lübec. Tit. 13. art. 6. n. 7.* Prout etiam pœnæ eorum, qui Gabellas defraudant, Jure Communi arbitrariae sunt. vid. Coler. *P. 1. c. 3. d. Process. execut. n. 74. & Menoch. II. A. J. Q. cas. 397.*

(o) PUBLICANI COMMODVM. Non obstat *l. 9. §. 4. de Publican.* Nam *l. 1. n. C. de vectig. §. Commiss.* pro Publicanis apertè militat; *d. l. 9.* autem vult, quòd Mercator, qui de fundis fiscalibus mercari consuevit, non eandem immunitatem, quàm Fiscus fruitur, allegare possit. Neque etiam pro contrariâ facit, quòd fundus *emphyteuticus* si committatur, ad conductorem non pertineat. Est enim in utrâque specie inanimata differentie ratio. An verò augmentum vectigalis, v. c. ex mercibus, quæ antea prohibita fuerant, nunc permissis, ad Publicanum spectet? vid. Taborem *ad Colleg. Arg. tit. d. Publ. th. 9. circa fin.*

(p) LICITA CVM ILLICITIS. Sed hoc nonnisi sub distinctione verum est: Videl. in universum res, quas professus quis non est, aut licitè portari possunt, sed non absque solutione vectigalis: & tunc res celata tantum in Commissum cadunt.

l. 4. §. 1. d. Publ. l. 1. §. 15. de aqua quotid. §. 1. §. 1. 58. de Scito Trebell. dummodò & improfessæ per se immunes fuerint; alias & hæ non minus unâ cum celatis committentur; tantum ereptis casui commissi illis, de quib. vectigal præstitum est. Renemannus *Disp. 51. de jure Oblig. th. 25.* Aut res, etiam cum vectigali licitè portari non potuerunt, & si Dominus reliquarum mercium eas suis junxerit, aut jungi sciverit ab alio, licitis unâ mulctatur. *l. 3. C. de Naut. fœn. l. 11. §. 2. de Publicanis.* Sixtinus *Lib. II. de Regalibus c. 6. n. 126.* Ergò publicis rebus vetitis, si privatas in sciò Dominò junxerit nauta, hæ in commissum non cadent; quamvis publicis non vetitis, sed tamen immunibus, omnino ex facto nautæ, (non profitentis sc. privatas,) Dominus periclitaretur: contra Christinæum *Vol. V. Dec. 58.* Ex quibus Wissenb. *n. 25. ad ff. d. Publicanis* emendandus est, qui de cætero notat, Belgas discernere *Acciscas* à Vectigalibus, Gallos habere distinctam rationem maris, à terris & fluminibus. Ant. Matthæi *cap. 7. de Auction. n. 7.* inter Jus scriptum & benignum distinguit, ut quidem de jure stricto Dominus mercium licitarum semper periclitetur; de jure benigno nunquam. confer Boërium *integr. Dec. 178.*

(q) UNIVS SOCIETATIS. Nam & socio immunitatem in individuis proficere volunt: Interim cum præstationes vectigalium in quantitate consistant, idèò res focii, cujus socius immunis est, utique in commissum cadit, non obstante *l. 5. pr. d. Censibus.* quippe quæ loquitur de casu, quo uterque munificus est.

(r) IGNORANTIE PRÆTEXTVS. vid. Mylerum *c. 12. d. pond. §. mens. p. 154. §. seqq. & Taborem c. 6. Armam. th. 31. ubi l. ult. §. 10. d. publicanis* exponit: Utique error probabilis Antonio Matthæi in *Lib. II. d. Auction. c. 7.* attendendus videtur, ut à commissio quem liberet: Alias si vectigal deprehensus vel confestum offerat, *morum* tamen purgare non potest. *l. 16. §. 3. §. 11. cod.* cum pœnitentia in delicto consummato non admittatur. Farinac. *Quest. 31. n. 65. §. 66. & per commissum res protti-*

protinus *ipso jure* commissa sit. vid. l. 19. d. leg. 2. l. 13. d. *condict. indeb.*

(s) VECTIGAL NON EXEGERIT. Et ho-

diè fisco illud refarciet: Köppen. P. 1. Dec. 209. ita ut malè Notator ad *Colleg. Arg. tb. 14. n. 9.* hoc casu duplicatum vectigal solvendum esse velit.

XII. Cæterum vectigalia sine principis jussu neque à Magistratibus, neque ab ipsis publicanis augeri vel minui, vel reformari possunt. Neque pactiones publicanorum in ejusmodi finem cum singulis initæ, facile permittendæ; saltem Reipubl. non præjudicant, quominus, publicano non solvente ærario, debitum vectigal exigatur. Collectio pecuniarum publicanis nullo modo permittenda, nec proinde collectores vectigalium conductorum participes esse debent. Neque permittenda publicanis dilatio solutionis prætextu *compensationis* (t) alterius debiti, sed hoc à Reipubl. seorsim petere debent. Quando tamen constat, eos nihil esse fraudatos, & ob defectum solutionis excutuntur, tum liquidi compensatio negari non potest. Vigor etiam publicæ utilitatis postulat, ut reliquatores publicanorum corporaliter plectantur, nisi perspicue docere queant, nec cupiditate, neque negligentia suâ, verum fato accidisse, ne solvere possent. Est & hoc rationi consentaneum, ut qui maximos fructus ex redemptione vectigalium consecuti sunt, si postea minime tanti locari queant, iidem ea prioribus pensionibus suscipere compellantur, ut Romanis usitatum erat, * hodie non perinde servatur. Debitores autem fisci vel Reipubl. ** vectigalia conducere prohibentur, nisi forte tales obtulerint fidejussores, qui & reliquis eorum satisfacere parati sint. Denique, si pensionibus facta sit locatio, prioribus non solutis, pellere licet conductores, necdum etiam tempore conductionis impleto ***.

* L. 11. §. ult. eod.

** L. 9. §. 2. & 3.

*** L. 10. §. 1.

(t) COMPENSATIONIS. Nam debitor Reipubl. non potest uti compensatione per l. 17. & 20. d. *compensat. l. 3. C. eod. l. 46. §. 4. & 5. de jure Fisci* Zanger P. III. d. *Except. c. 8. n. 15.*

XIII. Cæterum, ut publicanis secundum statuta paratum & rigidum jus dicatur, publice interest, nec minus ut audacia temeritasque eorum in captandis vexandisque civibus, pœnis competentibus coërceatur *. Utroque tamen casu sententia declaratoria requiritur, nec

nec minus, cum quæritur, an res celatæ debeant committi: ut tamen usque summaria cognitio adhibeatur.

* *L. 12. cod.*

XIV. Quæ de vectigalibus Reipubl. traduntur, ea de municipiorum quoque tributis & vectigalibus intelligantur: scilicet, si principis consensu instituta fuerint, neque enim ordo municipalis nec ad suas quidem necessitates quicquam ab suis incolis *exigere possunt* (u).

(u) EXIGERE POSSVNT. Posse Municipia collectos imponere extra ordinem ex *l. 12. C. d. operib. Publ.* evincitur; sed non nisi municipum consensu, & quidem majoris partis: vid. Zahn. *d. Jur. Munic. c. 63. n. 7.* ut tamen collecta illa *modica* sit, atque hodiè consuetudine seu conniventia Principum firmata. Distribuire autem ea collectas à superiore indictas inter cives suos posse, certum est. Klockius *c. 17. d. contribut. n. 19. § 172.* ubi quidem si plus solverint aliqui, adv. reliquos concives conditionem indebiti non habent; Zahn. *c. 65. n. 14.* neque contra Magistratum imponentem, sed tantum moderamen petere possunt: vid. Mevium *VI. Dec. 170.* Utique *novas Gabellas* etiam, victualium nomine, civitates *Municipales*, absque supe-

rioris consensu, instituere non possunt. Klockius *c. V. d. Contrib. n. 121. § seqq.* licet *Civitates Imperiales*, cum quidem cæteris Statibus Imperii tale quid permissum non sit, Gabellas ejusmodi, quibus etiam *transcuntes* & peregrini graventur, possint instituere, idem Klockius *d. l. n. 180. seqq. § Capitul. Leopoldina*, quæ rationem quoque exprimit. Denique, quod nonnulli docent, eos qui defraudant vectigalia, non peccare in *conscientiâ*, quia pœna apponatur in bonis, adeoque lex solum tribuat Principi Jus ad rem seu fisco in fundum, si fraudator deprehensus fuerit: illud verò repugnat *præcepto* divino reddendi vectigalis *Rom. XIII. v. 6. 7. Matth. XXII. v. 21.* vid. Osiandr. *ad Grot. L. II. s. 17. §. 16.*

CAPVT VII.

De

His quæ exteri sibi invicem debent. *

* *Vid. super hoc cap. Grot. lib. 2. cap. 2.*

ARGVMENTVM.

Citra omne factum & pactum exteros sibi invicem teneri ad ea quæ necessitas postulat, modo alter carere possit. 2. & quæ sunt innoxia utilitatis. 3. quæ ad propulsandum à nobis evidens periculum requiruntur, ut munimentum in solo pacato capi liceat, sub cautione certâ. an possit vicinus Rex impediri, locum in suo munire nobis vicinum, aut regionem nobis vicinam occupare. Quo sensu jure Romano capti à populo nobis pace nec bello cognito in servitutem redigantur.

I.

HAbemus civitatem legibus ordinatam, à Magistratibus administratam, Judiciis pacatam, pecuniis instructam. Non deerant, quæ plura de internâ administratione dicerentur, sed compendio con-

Dddd

fulen-

fulendum. Sequitur, quid juris publici adversus externos, qui sub eodem nobiscum imperio non degunt, cuique civitati sit observandum. Quâ in re primò videndum, quid juris sit, ubi nullum fœdus, nullum factum aut pactum inter nos & alienigenas intercessit.

II. Et primò, *quæ necessitas postulat* (a) ea sibi invicem exteri debent: proinde, si qua civitas fame laboret, frumentum à vicinis petere potest, precio tamen justo, modò illi non laborent pari necessitate. Idem in aliis rebus: & ex negatione, belli causa nascitur. Ratio est, quoniam proprietas rerum, quæ initio humanæ societatis communes erant, consensu generali est introducta, nec patet ulterius, quam ille consensus ferat: atqui non est dubium, quin ea voluntas omnium fuerit, ut institutum salutis communis ergo receptum ne duraret in perniciem hominum, ipsamque necessitatis legem subigeret. Ex eâdem causâ, si quis populus virorum sit, is matrimonii copiam, quâ ex se frui nequit, *jure petit à vicinis*: (b) ideoque Romani bello potius justo quam raptu perfido contra Sabinos agere debuissent.

(a) *QVÆ NECESSITAS POSTVLAT.* Non aliter *Molina* processit, quando in *Tomo I. d. Just. & Jur. Disp. 105.* aliis in res nostras citrà factum nostrum Jus competere docet in casu 1.) gravissimæ necessitatis & 2.) utilitatis innoxie, vid. §. 3. b. Equidem necessitas aliàs quoque multum valet contra justitiam, ut *Quintilianus* ait, *Declam. 260.* Strictam videl. illam & regularem: Cœterum Jus quoque parit benignum illud & extraordinarium, quod non tantum dispositionem circà res nonnullas *Legis Rhodie* referunt, in quibus *contributio* ne quidem debetur: ut est *consumtio cibariorum*: (siquidem illa necessitati communi imposita navi videntur, & in societatis commodum destinata,) sed & in cœteris *Legis Rhodie* capitibus, dum saltem jus est mihi, res alienas in mare projiciendi, *Justitia* ea ratio se exferit; nec minus in his, quæ in *consequentiam* ejus introducta sunt, veluti quod vicini *zdes* ad incendium à meis avertendum diruere possunt. Similiter *damni infecti* aliqua huc pertinent, item quod *viam* de fundo suo alius mihi invitus concedere tenetur, si exitus aliud non pateat. Sic & quoad homines ipsos, si duo tabulam unam navis occupaverint, quæ utrumque non capit, abs-trudere alterum licebit, ut nos salvissimus: & pa-

ri ratione obtere intermedium, ut ex persecutione hostis mei, cum aliter non liceret, evadam. vid. *Pufendorff. L. II. c. 6. n. 3.* ubi tamen quando necessitatem efficere posse tradit, (licet subdubiè,) ut *jugulare* liceat unum ex navigantibus famis sedandæ causâ, per sortem, utique rectius *negativam* simpliciter adstruxisset; Nec enim scelus necessitatis causâ committendum est. Utique *publica necessitas* majorem habet justitiam, & ided Dominus territorii naves prætervehentes, item advenarum currus & equos, cogere potest in casu necessitatis, ad usus suos, etiam citrà mercedem, si præstari ea nequeat; ut tamen sinè gravi vectorum damno fiat, & quâ aliàs commoda admisionis peregrinorum ex hoc quadantenus compensari videntur; adeoque non ex jure quodam *Communions reviviscentis*: quod hæc talia *H. Grotius* ex parte retulit; sed jure potius *imperii*, idque in tantum, ut etiam ad loca periculosa & infecta, ad exercitum scilicet vel aliâ exigente necessitate vectores ejusmodi mitti posse *Ripa* docuerit; quanquam hoc non nisi magnis cautelis & restrictionibus asserendum sit. vid. *Perez. ad Cod. tit. de nav. non excusandis.* Quid autem, num quis in extrema famis necessitate, in quam præter culpam propriam incidit,

cidit; jus habet rem alii subtrahendi; ut ob hoc in Crimen *furti* non incidat? Equidem nonnulli ne quidem extremam necessitatem requirunt, sed *gravem* admittunt, uti *Dicasillo*: qui etiam putat, posse furem ejusmodi si impediri velit, ipsum Dominum occidere, quamvis cum moderamine inculpatae tutelae. *Lib. II. de Just. & Jur. Tract. II. Disp. 9. Dub. 9. n. 257. & seqq.* Quos *Hug. Grotius Lib. II. c. 2. §. 6.* in hoc quidem sequitur, quod *furtum* surripienti ille non committat, & quidem ob hoc, quasi *communio* illa *primæva* reviviscere videatur. At verò nullam unquam ejusmodi *communione* fuisse, quam & *Lessius* in hoc articulo supponit; nec *dominium* instituti *humani* esse, sed juris *divini* naturalis & moralis, *superius* ostendimus. Necessitas etiam licet extrema, nedum gravis, morbi, famis, nuditatis, rem meam alterius efficere non potest, quum potius rei alienæ contractatio *furtum* constituat, quacunque intentione illa ipsi surripiatur: nam & hic *lucranda* animus, i. e. cupido alieni versatur, nec privatus in facultate illâ dominii, quæ ex jure universali pendet, dispensare potest. Non etiam sequitur: ex *charitate* dominus rei tenetur egeno in necessitate succurrere. E. hic sumere sibi potest, quod indiget: ceu non sequitur: Princeps imperare benignè tenetur. E. subditis ad hoc eum cogendi jus competit: peti solum & urgeri hoc potest; quod demum respicit *Prov. III. v. 27.* etiam à Magistratu, quippe quod sumus dispensatores bonorum à Deo constituti, & *Eleemosynarum* sua sit *necessitas*, quod *Franzkius* integrâ *Resol.* optimè deduxit: Exhinc autem egeno in rem nil juris est, ita ut si vel maxime unquam primi extitissent divisores, egeno propriam invasionem non permisissent, sed dominis injuncturi fuissent concessionem superflui: Quid quod ipse *Grotius d. c. 2. §. 9.* surripienti in casu, in quo definit ejusmodi necessitas *restitutionem* injungat: ex quo sanè non oportet rem fuisse ei debitam; nec enim nunc obligatio de novo nata dici potest, si non principium debiti ex ipsa surreptione protinus nasceretur. Facessat itaque *Pufendorfius L. II. c. 6. §. 5. & 6.* quando à furti crimine surripientem in casu, quò à locuplete rem obtinere precibus non potuit, immunem esse, docet, & *divisioni* *primævæ* hoc adscribit, non item *communioni* cum *Grotio* & *cæteris*, quia aliàs, inquit, domino, qui pari necessitate premitur, posset adhuc

rem alter eripere, velut in medio positam & communem. Sed & fundamento *Pufendorffii* ea, quæ antè diximus, efficiunt: & quanquam ipsum *Franzkius II. Resol. 7. n. 33.* item *Wissenbachium* ad *Tit. d. furtis.* non minus, quoad rem ipsam, *Grotto* accedere videamus; tamen nil ulterius hi moliuntur. *Textibus* autem nonnullis ex jure *Canonico* in *cap. 3. X. d. furt. c. XXVI. Dist. 5. de Consecrat. & can. fraternitas. caus. XII. qu. 2.* *Riemerus Decad. 12. Qu. 4.* satisfecit, vide etiam *Seldenum, Lib. VI. cap. 7. & Taborem Racem. 3. Crim. n. 36.* & in *Armam. p. 319.* qui nobis adstipulantur. Itaque *furtum* omninò surripienti ille committit, quanquam cessante improbitate *pœnalem* actionem merito non subeat, nec quoad rem ipsam restituendam prius quàm ad hoc idoneus fiat, adstringatur. *vid. Ord. Crim. in art. 66.* ibique *Matthiam Stephani & Bachov. Vol. 2. Disp. 30. ib. 3. lit. H.* Nec putem eum solum quoad forum exterius, sed etiam in forò interiori *conscientiæ* ipsum à pœna liberum posse pronunciari, licet *Osiander* dissentiat, ad *H. Grot. Lib. II. c. 2. §. 6.* nisi quâ *appetentia alieni*, etiam in contractibus, pœnam coram Deo meretur; quò intuitu sententia *Osiandri* admittere potest.

(b) JURE PETIT A VICINIS. Ita *Grotius L. II. c. 2. §. 21.* quem alii refellunt, quod ita parentum libertas, nec non liberorum, concutitur, tum & utriusque partis religio moresque diversi esse possint: & quanquam alteri jus esse queat matrimonii; non tamen esse determinatè hujus vel illius. *Grotium* quoque Exemplum *Benjaminitarum* non juvabit: nam hos non *Jure G.* seniti putavisse, sed peculiari *Reipubl. communis*, ob unionem tribuum attendendum est. *vid. Judic. c. XX.* Itaque hic multa supponenda sunt, ut nil sc. supersit præter nudam *invidiam*, quam ut inter Gentes feramus, ratio communis propagandi generis humani non patitur. Equidem *LL. Romana* cum *peregrinis nuptias* non admittunt, non quidem ut prohibita esse reperiantur, sed solum quod peregrini & in Civitatem non recepti *civilibus* effectibus nuptiarum frui non possent: Ut non opus sit eum *Pufendorffio L. III. c. 3. §. 13.* ad alias rationes confugere; veluti quod conditionem *fœminarum* & copiam peregrinis fuisse, *Romani* supposuerint, quod splendorem prætexuerint *familiarum*, & ut *Romanae* mulieres maritos facilius invenirent, nec opes extra civitatem aliò transferrentur. Quod verò *Sabinos*

binos attinet, in raptum foeminarum Sabinarum valdè invehitur *Augustinus* L. II. cap. 17. & L. III. c. 17. de *Civitate Dei*. & cum primis libertorum matrimoniorum, infamem & indignam Romanorum sortem, hospitalis fidei sanctimoniam, & huic adversam fraudulentæ deceptionis feritatem, urget. Ubi quidem de *libertate matrimoniorum* ea habenda sunt, quæ antè diximus. De cætero quamvis varias causas, quibus raptum hunc tueatur *Pufend. d. l.* adferat; tamen rationes *Augustini* satis prægnantes sunt, præcipuè quòd ludorum fe-

stivitatem dolosè mentiti Romani fuerint: cui malè reponunt alii, quòd deficiente superioris iudiciò modus acquirendæ rei, quæ jure cuiquam debetur, *promiscuus* sit, nec an per vim an dolum acquiratur, referat; perfidiam verò non esse, nisi fides data fuerit, quò factò demum Jure suo quem semet abdicasse, vel vindicationem ejus ad certum tempus suspendisse, videri: Nam utiquè à *perfidia* raptus ille alienus non est, cùm *fides hospitalis* super omnem utiquè fidem sit. Ex quo rectè *Auctor* cum *Augustino* sentire videtur.

III. Secundò, quæ sunt *innoxiæ utilitatis*, (c) ea jure à quovis populo petuntur; quidni enim, ut rectè Cicero, quando sine detrimento suo potest, alteri communicet, in iis quæ sunt accipienti utilia, danti non molesta? Hinc non modo ignis & aquæ copia indigentibus danda, sed & *transitus per terras* (d) & aquas patere debet, qui hoc transitu opus habent ad causas justas; modò cautionem securitatis sufficientem petentes præstent. Nec quidem *vestigal* (e) transeuntibus imponi potest, nisi quod respectum ad sumptus ob illum transitum faciendos habeat, denique nisi præscriptione immemoriali jus illud acquisitum sit. Sed & *commoratio ad tempus*, (f) imo & perpetua habitatio his qui sedibus suis pulsi sunt negari non potest, modo imperium agnoscant & recipi possint. Imo & terræ à populo non occupatæ per fundos, sed tantum *imperio tenus*, (g) non videtur ejusmodi exulibus neganda, supposito semper id tuto fieri posse. Nam ut quisque suum occupavit quod securè teneat, non minus primævâ hominum conventionem statutum videtur, quàm ut res dividerentur: ideoque hujus rei cautio semper excipienda est. Hinc tempore belli jure suscepti, licet occupare locum *in solo pacato situm*, (h) quoties certum periculum est, ne hostis eum locum invadat ac inde gravissima damna infligat, multò magis si jam hostis eum teneat & inde nobis noceat. Sub hac tamen cautione, ne plus quam custodiam nobis arrogemus, relictis domino vero fructibus & jurisdictione, periculoque cessante, locus restituitur. Neque sumptuum nomine qui in custodiam sint facti locum retinere licet, nisi & cives domini veri præsidio nostro manifestè ab injuriis vindicati fuerint.

(c) INNOXIÆ UTILITATIS. Conf. *H. Grotium* L. II. c. 2. §. 11. ubi quidem malè fundat illam utilita-

utilitatem in reviviscentia *communione primava*, cum potius res illæ, quas ibi designat, ob naturam suam, ex intentione Dei, & conditione ipsarum rerum, semper in communione, h. e. ut cujusque *omni tempore proprie* fieri possent, subsisterint: ut ipse de aquâ profluente §. 12. fatetur. Etenim rerum ejusmodi usus in plures se diffundit, sinè labore & industriâ, & citrà detrimentum aut imminutionem commodi alieni: ac præterea quædam *humanitatis* sunt, si non tantum ad res, sed etiam ad jura seu facultatem, innoxiam ejusmodi utilitatem referas; ut sunt erranti viam monstrare, lumen de lumine accendere, quod tamen utrumque non semper innoxie utilitatis est: indeque, cum fuerit ex humanitate, tanquam parti unius corporis, præstari debet. *Inventum* verò quoddam, licet saluberrimum, ut aurum conficiendi, & similia, ut quis *communicet*, non tantum non à privato, sed nec publicò nomine quis cogi potest; si non ob aliud, saltem ob hoc, quod nec publico expediant, quibus commercia omnia & patrimoniorum ordo turbaretur. Quod *res* ipsas attinet, etiam de iis distinctè sentiendum est, sic enim aqua non ubique *utilitatis innoxie* haberi potest. Undè Mosis etiam Idumæus aquam non injuriâ denegasse existimandus est, (*Judic. XI.*) in regione siticulosa, & pro toto exercitu.

(d) TRANSITVS PER TERRAS. Diversæ quæstiones sunt de *transitu* singulorum vel paucorum & *inermium*, & de *transitu exercitus*: *priorem* quidem concedendum esse, facilius asseri potest cum *Grotiô*, *Lib. II. c. 2. §. 13. & c. 1. de mari libero*, sive illud fiat ob commercia, sive ob cupidinem lustrandæ nationis extæræ: de quâ causa plures dubitant. Nam utique ad colendam societatem humanam *peregrinatio* impediri non debet, modò noxa absit morbi, sceleris, latrocinii, religionis turbatricis. Quod verò *commercium* attinet, quorum causa favorabilior est, etiam ob hæc transitum concedendum esse, verius est. Nec enim ut lucrum meum minuat, alteri medium, quò unicò gaudet lucrandi, præscindere fas est, nec nuda utilitas mea jus mihi facit adversus alterum. Quid quod per accidens lucrum unius gentis minui possit, commercandi verò ratio per se omnibus debeatur: prout quis non ferret opificem conquirentem, quod alter, ejusdem artis beneficiò, commoda ejus ipsi evertat. Interim *Stapulam* in-

ponere gens intermedia mercibus transvectis potest; velut *vestigal* Juri Gentium non minùs congruum est: nec tamen ut *omnes* merces *venum exponi* debeant, (nam ita necessitati transeuntis in suo non consuleretur,) sed tantum ut pars aliqua. Discrimen verò inter merces *necessarias* & *luxum* instrumentes fieri non debet. Quid enim hoc ad Reimpubl. intermediam, si in altera *luxus* foveatur? Et quisnam judicaverit, num unam alterumvè in causa *luxus* censeri debeat? maxime ubi Gentium diversi mores & instituta reperiuntur. Ipsa tamen Gens transiens, si quæ in copia habet, ea ut vendat prius, cogi utique potest. Proinde non obstat, quod obvertitur, indigentiam alterius ipsi adversus me jus parere non posse: nam hæc petit id, quod est in principio. Non etiam quod possint notitiam aucupari peregrini rerum nostrarum: nam eandem accipere hostes quoque possunt ex captivis: imò quæ arcana statim sunt, à Civibus clam haberi debent. Regulæ autem morales omnes, eò quod bonæ sunt, & ad virtutem ducunt, communicabiles habentur. Quod si morbos dissimulari posse dicas, etiam cives si domum peregrè redeant, dissimulare eos possunt, & hinc Quarantanz plerisque locis frequentantur. Quæ omnia efficiunt, ut etiam moram quandam adventantibus concedi oporteat; siquidem si corruptelæ nostratum ex moribus peregrinorum metuantur, observatores constitui, & spatium certum comoratori præfigi potest. Interim cum *Francisco de victoria*, Professore Salmanticensi (*Prælect. V. de Indis noviter inventis, sect. 3.*) ad Hispanos concludere non licet, qui navibus ingentibus, nunquam visis, ad littora *Americana* accedentes, infuetis armis pariter ac vestibus instructi, nec linguæ gnari, ab Americanis *justè repulsi* sunt. Cauti sunt *Japonenses*, quando peregrinos etiam cum navì unâ alterâve admittunt, sed ut *naves* protinus Commissariis Regni relinquantur. Illud equidem *disfidentes* adventanti denegare non possunt, quod jactatum mari & pulsum ad oras peregrinas, si morâ quâdam ad reparandam navim vel restituendam valetudinem indigeat, excipi, & tempus necessarium ei indulgeri oporteat. Præterea quaritur: an Gens una cum Gente altera pacisci possit, ut certi generis *merces ei soli* vendat? Permittit hoc *Grotius Lib. II. c. 2. §. fin.* ubi speciem ponit in fructibus, qui alibi non nascuntur, & restringit senti-

tentiam suam, ut debeat parata esse Gens illa, quæ soli sibi id genus mercium pacta est, aliis easdem æquò pretiò vendere. Enimvero sicut nonnulli istò *Grotii* locò ad hoc abutuntur, ut ostendant, non posse populum quendam cogi ab exteris ad commercia, quoniam hoc ipso pacto *Grotius* admittat, omnes præter unam gentes ab aliquo commerciorum genere excludi posse; (quanquam *H. Grotius* traditionem suam dictâ restrictione juvare nitatur) ita sanè pacta ejusmodi vix probari posse videntur, nequè *Grotium* juvat *Pufendorfius*, quando ait, hoc impedimentum libertatis non fieri per violentiam, nec etiam immediatè, sed tantum mediante conventionione cum alio, & sic per indirectum. Nec enim interest, quocunquè modò libertas impediatur. Quid quòd *Grotius* ipse in cap. XII. de mari libero. jam antè contrarium contra *Hispanos* defenderit, qui apertè tunc profitebantur, teste *Seldeno* Lib. II. c. 20. de mari clauso se populos cæteros à commercio cum *Indis* prohibere posse: adèd ut, in *Jure Belli & Pacis*, *Grotium*, pro *Belgis* suis, qui postmodum non minùs commercium in *Oriente* sibi solis pacti fuerant, locutum esse oporteat. Quid autem de transitu non singulorum, sed integri exercitûs? *Pufendorfius* L. III. c. 3. §. 5. transitum exercitui denegari jure posse, contra *Grotium*, adstruit, qui ex comunione rerum primævâ malè rem deducat. Cautiones esse inanes ac difficiles, iisque vel maximè præstitis, periculi plenum manere transitum, etiam ob vicinos, imò hostes transeuntium. Hinc unicè, quando vires nobis desint, resistendi, instantiæ transire volentium nos cedere, & tunc excusationi, ratione vicinorum, aliorumquè quorum interest, imbecillitatem nostram deservire, posse. Equidem *H. Grotium* d. cap. 2. §. 13. non tantum, quòd in fictiâ illâ communione se fundet, verum etiam ob hoc in materia transitûs minùs rectè procedere, apparet, quòd à privato & singulorum transitu, ad eum qui integri exercitûs vel populi est, procedat. Nam licèt privato facillè negari transitus non possit; tamen in exercitu secus est, si justus metus fuerit, qualis utique semper esse potest, ut vix unquam causa non justa recusandi detur. Unde nec exempla *Grotii* quadrant: Nam *Moses* ab *Idumæo* jure fraternitatis transitum petere poterat, & ratione miserationis diuturni itineris, tum & de manu Dei, in illò populò, satis constabat; adversus A-

moræos autem bellum non fuit justum, ob denegatum transitum; sed quia populus ille finibus suis egressus injuriis *Israelitis* affecerat. *Jud. XI. v. 20.*

(e) VECTIGAL. Probè hunc articulum expendit *Pufendorf*. Lib. III. c. 2. §. 7. ubi, non eand. vectigalis maritimi rationem esse, quam terrestris, ob sumtûs videlicet aliosquè respectûs diversos, ostendit.

(f) COMMORATIO AD TEMPVS. De hoc non minùs agit *H. Grotius* d. c. 2. §. 15. eamquè admittit, si innoxia, & exindè nobis satis cautum, fuerit: nec minùs *H. Grotius* §. 16. jus habitandi perpetuum peregrinis indulgendum esse, docet; quanquam certis conditionibus: quibus tamen cumprimis conditio religionis addenda est, tum & multitudo attendenda, & causa impulsiva mutandæ sedis, an necessaria illa fuerit? simul etiam an felicitas agri nostri tanta sit, ut recipi illi possint: an bene habitaturi simus? an turba ignava sit? an locari & disponi possit, absquè periculo nostri statûs, an si ubertas fuerit, persitura ea in longum videatur. Igitur si multitudo nocitura sit incolis: si religione, vel moribus dissideat: si vitiis naturalibus aut moralibus affecta sit, aut Statûs nostri ratio id non patiat: habitationem peregrinis concedere non oportet. Num vero, quòd *Molina* docet, apud *Grotium* L. II. c. 2. §. 22. impediri non possint illi, qui veram religionem afferant? qu. Saltem non posse impediri prædicatores, videtur: si de integro populo ambigatur: Interim quòd minus ut *Evangelium* quoque ubivis terrarum prædicent, recipi debeant, meritò dubitatur. Neque enim illi habent Jus prædicandi pro omni tempore: sufficit obtinuisse illos certis quibusdam Periodis, Deo visis, in *Adamo*, *Noacho*, & tempore *Apostolorum*. Et quidni Reges exteri, qui Majestate valent, etiam de sacris in suo disponere possent; quanquam omninò male agant, *Evangelium* à se repellendo; quòd tamen invitis etiam obtrudendum non est. *Matthæi VII.* De cætero, quòd *Pufendorf*. L. III. c. 3. §. 9. tradit, si nos ad aliam Gentem commeare non cupiamus, quòd tunc etiam nos eidem in nostrâ aditum non debeamus; præterquam in necessario & gravi casu: ex illo libertas ea ad alios commeandi, quam supra adstruximus, convelli non debet. Nam sanè amicitiae, & commodius atque cultius vivendi desiderii, ratio, contrarium satis evincere potest. Non obstat,

obstat, quòd privatus quem arcere possit à suo fundo, licèt nullius periculi metu. Nam diversitas ingens ratione commodorum & incommodorum est: siquidem privatus, quem arceo, ab aliis civibus obtinebit, quod à me non potest. Gentes verò integræ quandoquē subsidio quodam, quo carere non possunt, indigent, & indignum adeò foret, alterum ex mero beneplacito nos ab his, quæ nobis necessaria sunt, arcere posse: multò minùs ut nos ille arceat à cultu Correspondentiæ & nexu humanitatis: nam quoad *commercia* quidem, satis certum est, tantò liberius nos Gentem exteram ab eodem mercium genere arcere posse; licèt quod ad eam rem, eò commovere non cupiamus; modò merces illæ respiciantur, quibus ipsæ facillè carituræ sunt; ut sunt equi pulcherrimi, arma certi generis, & similia. Quin & ea prohiberi possunt, quòd minùs exteris dimittantur, quæ licitum & necessarium usum habent, si ipsimet illis indigeamus, ut vinum, oleum, lana, ferrum: prout etiam Nostrates prohiberi possunt, ne ab aliis certum genus mercium emant, scil. ne effœminentur, vel ipsi solertiam dediscant. Unde malè *Francisc. Victoria* simpliciter asserit, *Hispanis* jus merces importandi in Indias fuisse. Sed an unus præ alio admitti possit? qu. Potest excludi unus alterve, si delictum præcesserit. *H. Grotius L. II. c. 2. §. 22.* Imò etiam aliàs quoad ea commoda prærogativam quibusdam concedere licet, quæ ex voluntate superiorum pendeat, ut in effossione auri & similibus: qualia tamen, quando omnibus promiscuè concessa fuerint, utiquē ab illis Gens una sola excludi non potest.

(g) IMPERIO TENVS. i. e. quæ Imperio nostro occupatæ sunt, sed ut nemo eas colat, & nec publico nec privato nomine possessio illarum exerceatur. Rem ipsam quod attinet, sententia hæc

Auctoris, quam & *Grotius L. II. c. 2. §. 17.* tenet, utique reprobanda est. Nam planè sterilem locum non occupabunt, sinè periculo incolarum: *aliquatenus* sterilis, qui culturam admittit, quidni relinquatur incolis, qui nec cultus esse potuit, vel defectu hominum vel electione partis melioris, aut ob calamitatem morborum, belli, & similium: ita ut quamvis *Auctor* hic supponat, quòd tutò illud fieri posse debeat: vix tamen species ejusmodi reperiatur, in quâ periculum non opportunum sit. Proinde non est ferè, ut Quæstio, nisi quàm plurimis restrictionibus affirmari possit. Et haud dubiè inanis iterum est illa, quàm *Auctor b. l.* à communione primævâ petit, ratio.

(h) IN SOLO PACATO SITVM. Sic iterum *H. Grotius Lib. II. c. 2. §. 10. & Lib. III. c. 1. §. 2.* ubi & cautionem illam, quam *Auctor* habet, adjicit. Interim, cum prædiciariorum petulantia satis quandoquē coerceri non possit, collusio quoquē cum vicinis, adversus ipsam dominium loci, aliquando oriri, & periculum exindè non minimum ei creari, queat. Hinc æquitas flagitat, ut priùs domino denunciatur, quòd locum custodiat, oblati etiam sumtibus, aut inutilem saltim ad recipienda præsidia, eum demoliendò vel aliter faciat. Sumtus vero illi, si vel maximè concessio loco à nobis fiant, repeti non possunt. Sanè *Bæclerus* ad *d. Grotii* locum, docet, quòd nemo ad occupationem ejusmodi permittendam teneatur; tantùm quòd veniam faciliorem mereatur is, qui necessitate securitatis suæ locum occupaverit: Nec enim nos securitatis alienæ gratiâ teneri, ut nos periculo suspectæ conspirationis involvamus, ipsisvè belli malis, si occupans ille rursus exturbetur: neque & cogi quem posse, ut hospites recipiat, quibus leges dare nequit: quæ *Bæcleri* sententia satis proba est.

IV. Videndum, ne non ex eodem fundamento rectè statuatur, posse vicinum impediri, ne in suo solo sine aliâ causâ suâque evidenti utilitate munimentum nobis propinquum exstruat, aut aliud quid faciat, unde justa formido periculi oriatur, idque non minus quam quilibet rectè prohibetur aliquid in suo, re suâ non postulante, facere, quo damnum rebus nostris inferatur. Quod tamen usque eò non extendendum, ut bellum promiscuè ad alterius minuendam potentiam, move-

movere *liceat*, (i) quomodo aliqui disputant, eodem argumento; quod scil. ex tacito generis humani pacto, idem ad securitatem procurandam quod ad damnum avertendum liceat; enimverò factum aliquod speciale opus est ut accedat, unde animus lædendi probabiliter colligi possit.

(i) LICEAT. Ideoque metus ex vicini potentia ad bellum non sufficit. Sufficit autem ad apparatus defensionis, imo ne quidem bellum ex *præventionem* excusari potest; nisi ex probabilitate morali de animo lædendi in vicino constet. *Conf. Strauchium Exerc. IX. Exot. th. 15. Equidem in Imperio Romano facilius Principibus de securitate constat, vid. Limn. Lib. IV. J. P. c. 8. n. 213. & seqq.*

V. Eodem pertinet quæstio, an Regi aut populo præpotenti, cujus vicinitatem timeamus, impugnanti regionem, qua captâ, nobis & vicinus sit futurus & nocendi validus, ob hanc causam impedimento esse liceat, ne quod intendit hoc obtineat, quod ex eadem sequelâ video disputari. Responsio est, tametsi, ut se res habent humanæ, in suasoriis hæc causa maximè valeat, tamen justificam per se non videri, siquidem hæcenus nihil committitur, quò nostra securitas lædatur, & ex obscurâ futuri mali conjecturâ, *ad bellum*, (k) quod est omnium malorum compendium, non festinari, interest generis humani: Excipe, nisi constet, eâ certitudine, qualis sufficit in moralibus, impugnari urbes alienas vel ad hoc maxime, ut nobis deinde noceri possit, quibus forte gratia Polyphemi servetur, ut ultimi devoremur.

(k) AD BELLUM. Quoad usque *fœderibus* absterre licet Regem alterum; Et hinc non directè aggredi eos, qui vicinis nostris imminet, solemus; sed per indirectum, ut vicinos justiori ratione adjuvemus, aut mediationem offeramus: quam si non admittat aggressor, longè rectius deinceps præsumi liceat, ne quidem nobis aliquando eum parciturum esse. Ceterum *Auctoris* tradita hoc s. congruunt H. Grotio L. II. c. 22. d. J. B. & P.

VI. Præterea, quamvis iudices exteri in exterorum causis nullo modo sint constituti, tamen jus naturæ permittit, imo jubet, ut iis qui vim injustam ab aliis patiuntur, suppetias feramus, modo tam manifesta sit injuria, ut sine longiori causæ disceptatione calumnia judicari possit, atque ubi talis causa subest, ibi suasoria, qualis ea quæ modo relata est, non male accedere potest. * Quin imò subditis alterius Principis manifestâ ejusmodi injuriâ oppressis auxilio accurrere licet, etiam quando ipsis potestati suæ *resistere non licet*; (l) quippe cum impedimentum illud personale sit, quod in exteris cessat; & rei natura

tura ex obligatione universâ humanæ societatis ad illos manifesto spectat.

* *Vid. Grot. lib. 2. c. 25.*

(l) RESISTERE NON LICET. De jure videl. quoniam subditi sunt. Et tamen nos etiam illis suppetias ferre, (licet hoc velit *Grotius L. II. c. 25. §. 8.*) non debemus. Quid enim ad nos, de quo rationem Deo redditurus est Tyrannus, cujus nec forma regiminis nobis perspecta est, an Despotica illa, aut herilis, an Civilis ea sit, aut pactis vel observantiâ quolibet modò definita. Quid quòd perniciosum hoc sit inter Gentes: cum prætextum nunquam non Reges querere possent, ut belli causam inveniant, in adjuvandis subditis aliorum: Potest etiam cum incommodo suppressorum hoc fieri, siue impares simus negotio, siue bello superiores: cum non modò mala bella sint omnium

malorum maxima, verùm etiam deprecationibus ad Regem, & precibus ad Deum, qui non patitur tentari ultra posse, plus subditi, novo & incerto Regimini fortasse subjiciendi, effecturi fuissent. Aliàs omninò cuilibet suppetiæ ferendæ, quamdiu tertius innocens non læditur, aut præjudicium ei infertur, in re quâpiam, cujus rationem non hominibus, sed Deo quis reddere tenetur. Sic enim patrocinari non modò possumus, sed debemus Clienti; opemque medicam ferre ægroto; neque enim, licet nullâ spe lucri, deferere fas est: quò intuitu medicos etiam gratiosos appellare solemus. Sed in assistentia illâ, quæ subditis fieri posse dicitur, omnia in circumstantiis aliter habent.

VII. Sed hic subit mirari, quod humanissimum jus Romanorum, non illud cascum & obsoletum, sed optimi ævi tradit; si cum gente aliqua neque amicitiam neque hospitium neque foedus amicitiae causâ factum habemus, si quod ex nostro ad illos pervenit hoc illorum fieri, & liberum hominem ab eis captum fieri servum eorum, idemque esse, si ab illis ad nos *aliquid perveniat* (m) *. Nisi Hobbes contemneret jus Romanum omnemque auctoritatem, nihil aptius ad jus suum Naturæ, quo ante pactiones nihil injuriæ posse committi, sed omnibus omnia adversus omnes licere disputat, confirmandum proferre posset. Dicendum videtur, Ictos loqui non de eo quod justum sit jure interno, sed de eo quod inter populos diversos pro statu separato, in quo sunt, jure videlicet externo, vertitur, quatenus inter homines agi solet, & quidem cum effectû, quia partes non sunt uni Imperio judiciove subjectæ, quò læsus in integrum restitui possit.

* *JC. in l. 5. §. 2. D. de captiv. & posslim.*

(m) ALIQUID PERVENIAT. Idem sensisse Marocci & Fessæ Regem H. *Grotius Lib. III. c. 9. §. 2. ex Thuani Lib. 130. ad annum 1603. recenset: Atque idem Grotius L. 2. c. 15. §. 5. textum Juris Romani hîc citatum, satis bene explicat; quòd videlicet, postquam tempore aliquò cognatio inter*

homines naturalis oblitterata fuisset, ut latrocinari & pradas agere in externos pro licito haberetur, idèd fœderibus opus fuerit, ad idem denuò reducendum, quod Juris naturalis fuerat: sicuti videmus Veteribus olim cautum fuisse, ut utrimquè jus *hospitii* ut & *commercii* esset: idque sæpius no-

Eeee

mine

mine Juris *naturalis* venire. Inter *Græcos* equidem quàm maximè hunc *Scythismum* seu *Tartarismum*, vel *prædatoriam* obtinuisse constat. Et ipse *Aristoteles Lib. IV. Pol. 4.* Nonnullis hunc morem probasse videtur; quem tamen *de facto*, ut ex *cap. 8. eruunt*, locutum esse, alii censent; ut *Tabor in cap. 6. Arm. tb. 24.* ubi de cætero *jus* illud *bestiale* appellat: quod ne in *Romanos* quadret, cum *Auctore*, de jure *externo* accipiendum est: vel rectius dicendum, *Romanos* aliter non potuisse, quàm ut in vicem talionis eum Gentibus aliis, à quibus artem hanc *prædatoriam* patiebantur, hunc in modum agerent; quin potius *Romani* studebant, *jus* illud *naturale* & *cogitationem humanam*, à naturâ præceptam, foederibus, hospitio, amicitia, & commercis reparare: prout etiam sequentibus tem-

poribus robur subindè reparatio illa fortita est. Cum *Hobbesiana* autem hypothesi malè *Jus Romanum* confertur: Nam *Hobbesius* inter singulos, & quidem ex ipsa naturâ, *prædatoriam* adstruit; nequaquam tale quid *Romani*, qui non tantum inter se, sed & cum aliis Gentibus tranquillè agebant: & quidem inter Gentes, nisi ab his ipsi lacefferentur: neque verò *prædatoriam* illam ullibi videmus naturâ dictamini à *Romanis* adscribi, quin potius eam in remedii vicem adv. externos adhiberi in *Republ. Romana* oportuerit. Atque adeò, quod *Hobbesius* securitatis tam in civitate, quàm extrà eam, ex pactis deduxerat, istud *jus* ipsum naturâ jam dictitare *Romani* satis noverant; quòdque etiam ante pactiones injuriæ & injusta committi possent.

VIII. Sed interim adeò nec piè nec juste fit hoc, ut si res repellantur, neque restituantur, tum *puro pioque duello*, (n) ex formula antiqui juris *fecialis* recuperari possint.

(n) *PURO PIOQUE DUELLO.* Ita bellum accipiebatur, ut *Boxhornius* habet *Diff. d. Republ. Romana VI.* ubi formula *Fecialium*: quorum *Jus Numæ* jam temporibus *Romæ* observabatur, & de ritibus eorum *Rosinus* legi potest, *Lib. III. Antiquit. Rom. cap. 21.* ibique *Dempsterus*: & simul quemadmodum *jus Feciale* populi *Romani* à *Jure cæterarum Gentium* diversum fuerit: (quarum plures

quidem *Scythismo* illò, neglectò omni jure *Feciali* utebantur) & quidem apud *Alberic. Gentilem L. II. d. J. Bell. cap. 1. &c.* Formula sic habebat. *Res nec solverunt nec dederunt nec fecerunt: quas res dari, fieri, solvi, oportuit, idèò puro pioque duello illas querendas censeo, consensio, conscisco.* Conf. *Brisson. L. IV. Formularum.*

IX. In summâ quicquid *Jus Naturale*, *Divinum*, *jus Gentium* dictat, ad hoc populi *principesque diversi* (o) erga se invicem obligantur, quicquid prohibetur illis, hoc nefas est.

(o) *PRINCIPESQUE DIVERSI.* Huc duo præcipuè capita inferenda sunt, unum de *sepulturis*, alterum de *præcedentiâ*. Et *sepulturas* quidem quod attinet, non tantum quòd homines humo potius seu terræ mandari quàm inhumati abjici aut cremari debeant, deduxit *Junius in Quæst. Polit. 109. & 111.* & quòd apparatu & Cereemonia id debeat fieri: *Qu. 113.* sed & quâ ratione *Juris divini* sit, cum resolutione *textuum* oppositorum, plenius ostendit *Osiander ad Lib. II. c. 19. H. Grotii*

§. 7. & seqq. tum & quòd Gentes sibi invicem & hostibus quòdque, ex ratione humanitatis, *sepulturam* debeant: *H. Grotius d. c. 19. §. 3.* satis probè ostendit; ubi simul: an insigniter *facinorosi & atrocissimi* sepeliri debeant, disquirat. In *Præcedentiâ* autem, quibus ea fundamentis præcipuè nitatur, post alios, de quibus ad *Bæleri Notitiam Imperii* mentio facta est, inter *Dd. Juris Gentium* industriam suam impendit *Pufendorpius, Lib. VIII. d. J. N. & G. c. 4. §. 13. & seqq.*

CAPVT VIII.

De

Legatis.

ARGVMENTVM.

Definitio & differentia legatorum. Quaestiones de illis duae ventilantur, prima, an, & quibus ex causis non admitti possint; dein, an unquam ullâve causâ ladi vel puniri queant ab iis ad quos mittuntur, an res eorum à creditoribus detineri.

1

Dictum de jure quod inter populos nullo facto aut pacto sibi cognitos ex sola humani generis cognatione intercedit *. Sed quia summopere omnium interest populorum commercia amicitiaeque officia propagari, aut si bellum sit ortum, id quamprimum componi; quos fines absque internunciis adsequi non licet; ideo Legati *jure Gentium* (a) eximio jure, sunt praediti; qua re nihil apud omnium temporum scriptores magis testatum. Est autem Legatus, nihil aliud, quam nuncius publicus, vel si definito opus, Qui cum mandatis publicis ab eo, qui summam habet potestatem, mittitur ad externos. Quatenus summa potestas *in mittente* (b) requiritur, diximus in titulo de juribus Majestatis.

* *Ad cap. de legat. vid. Grot. lib. 2. cap. 18.*

(a) JURE GENT. Sic & lex 17. ff. de Legationibus Juri Gentium hoc imputat: quod quidem aliqui *suasorium* appellant, ob Majestatem mittentis, itemque necessitatem ac utilitatem humani generis: Nos autem Legatos, apud hostem aded, ipsò *natura & jure* inviolabiles esse, jam *suprà* ostendimus, cùm ad Pacem & cœtera negotia humanitatis concilianda necessarii sint. Quæ verò Legatis de cœtero tribuuntur *privilegia*, ea frustra juri Gentium imputari: puta illi, quod *eximie* jus Gentium dictum volunt; siquidem ex mera indulgentiâ ejus, ad quem mittuntur, hæc ipsa pendent, seu ex consensu quodam tacito, quò plures moratiores ad similia feruntur: aded ut si quis Regum, ad quem Legatus mittitur, privilegia mittendo

deneget, ob hoc in *jus Gentium* peccare dici non possit; modò non antè ad se venientes prærogativis illis gaudere passus sit, aut tempestivè de eo mittentem adverterit. Sic enim aliud non merebitur, quàm ut ipsius quoque Legati ad alios non nisi *simili modo* habeantur.

(b) IN MITTENTE. Hinc patet, Legatos non esse propriè dictos, qui à *Statibus Imperii*, quibus *tales* sunt, ad Imperatorem mittuntur. Quapropter, cùm in anno 1529. *Protestantium* Legati à Cæsare custodiæ committebantur, non provocarunt illi ad Jus quoddam seu morem inter *Gentes* receptum; sed ad *Capitulationem*, atque sic ad conventionis expressæ jura, apud *Hordlederum*. Tom. 1. c. 6. n. 8.

II. Divisio Legatorum vix à veteribus ulla traditur; nisi quod
Eccc 2 fecia-

feciales & caduceatores alique nuncii à Legatis discernantur, qui tamen jure legatorum perinde gaudent. Sed moribus hodiernis varii characteres, *nomina varia* (c) usurpantur, quæ tamen nihil quam dignitatem, jus haud magnoperè variant. Præcipua divisio est in *ordinarios*, (d) qui sedem uno loco moramque longiorem faciunt, ut de omnibus negotiis quotidie occurrentibus agant, & in *extraordinarios*, qui de certis rebus specialiter sunt missi. Illos Grotius antiquis ignotos non ita pridem à Ferdinando Arragonio, cujus summa consiliorum in explorandis aliorum consiliis erat, introductos, ideoque non necessarios, forte nec utiles videri scribit. Hodie tamen ita usurpantur, ut sine illis amicitia vix stabilis inter populos diversos coli videatur, etsi nec minus usum habeant exploratorum.

(c) *NOMINA VARIA.* Quæ tamen & ipsa jus magnoperè variant, nisi quæ in eximium Legatorum genus five *primi* five *secundi* ordinis sit, incidunt. Equidem *inviolabilitas sola* jus Legatorum non conficit: nam & eadem buccinatores, tympano tribæ, & Heroldi, fruuntur; *Oratores* tamen item *Nuntii*, à Pontifice missi, tum & *Deputati*, quos *Respubl. Majestatica* mittit, ut Belgarum, *Legati* utique sunt, licet nomen eorum non sustineant: de quibus nominum discriminibus bene egit *Jacobus Thomassus* in *Legato inviolabili* §. 7. usque 24. & *Culpisus* de *Legat. Statuum*, c. 1. & duob. seqq. ubi simul etiam de *Consulibus Mercatorum* in Emporiis nonnullis; de *Pro-Regibus*, de *Commissariis*, *Residentibus*, *Agentibus*, *Alegatis*, *Missis* (*Envoyé Gallis*) uterque agit. Et satis constat, quod subditi non nisi *Deputatos* & *Syndicos* mittant, Principes verò ad *subditos* mittant *Commissarios*.

(d) *ORDINARIOS.* Non rectè *Legatos* ordinarios appellari, *Residentes* ejusmodi, cum præcipui ordinis, cum *charactere* sc. personæ mittentis, non sint: quapropter ordinis non sint, *Alegatos* seu *Missos* ordinarios rectius specificò nomine *Residentes*, & Gallicè *Envoyez ordinaires*, appellamus. Etenim *Zouchæus* de *Legati delinquentis* *Judice competente* cap. 4. p. 68. ap. Athenienses &

Romanos, (& præcis aded temporibus) adhibitos jam fuisse, putat; sed malè, per exempla Legatorum, aliquandiu in uno foro commorantium id ipsum probat; cum destinatio potius mittentis, & receptio ab eo, ad quem missio fit, respicienda veniat; & hodiè per plures annos quandoque *Ambasciadores Extraordinarios* in aulâ peregrinâ subsistere constat. Hinc *Marselaer*, *Lib. II. Diff. 2. de Legatis*. *Ferdinando*, Arragoniæ Regi, cum *Grotio* inventum hoc *Residentium* adscribit: qui de cetero non tam iniquus est *Residentibus* ut *Paschalius* cap. 67. d. *Legat.* utut iste periculis has legationes assiduas non carere largiatur. Et sanè *Henricus VII.* Angliæ Rex ejusmodi *ordinarios* Legatos in regno suo morari nunquam passus est: ut *Albericus Gentilis* notat *Lib. II. c. 12.* Utique rejici posse *Residentes* ejusmodi certum est; aliter atque *Extraordinarios*: & hinc in illis pactum singulare utriusque partis nonnulli desiderant: quanquam de causâ efficiente, & quæ sustineant æquitatem ejusmodi missorum, peculiare quid asserendum esse non videatur; modò ea observentur, quæ supra de admittendis peregrinis diximus. Nam utique, ut *Legatis* temporariis seu *extraordinariis* modus Legationis aliquis præscribi non potest, ita facilius hoc fieri in *Residentibus* posse, utilitas ipsa & necessitas Gentium exigit.

III. Quæsitæ de Legatis hoc loco imprimis duo sunt, prius, an semper admittendi, secundum, an usque in infinitum inviolabiles. Admis-

Admissio legatorum sine gravi causa non potest *recusari*; (e) sunt autem rationes hæ, si is qui mittit legationem obtendens verè interim arma intentet: si sceleribus infamis sit, quæ ratio valet quoque in eo qui mittitur, aut si hic aliter ei, ad quem missus, nimium ingratus est. Denique, si causa mittendi suspecta, veluti seditionis ergo, aut tempus minime opportunum vel dignitati occasio mittendi minus conveniens est. Extra has similesque graves causas legatos seu belli seu tempore pacis admittere nolle, id vero nihil est aliud quàm tollere *jus Gentium*, (f) ut apud Livium Hanno censebat.

(e) *RECUSARI*. Quæ *Auctor* habet, ex *Grotio* modum capient in *cit. cap. 18.* licet *Grotius* *ibid.* malè doceat, *Regem bellò victum* Legatos mittere non posse: cum tantum non possit ad *Victorem*, qui eundem, ipso planè devictò, se impari & inferiore censet. An autem ad *Subditos Rebelles* Legatum Reges mittere conveniat? *Bosclerus* expendit, ad *Lib. 1. Histor. Taciti cap. 19. p. 563.* Quod mittendos attinet, non posse exulem ad Principem suum mitti, inter omnes con-

venit. Cæterum, si mittentes ipsi criminosi sint, item hæretici, iisdem jura Legationis subtrahenda non esse, quoad usque vitia legationem ipsam non intrent, magis probata est sententia.

(f) *JUS GENTIUM*. *Jus naturale* potius, quod etiam Hanno Senator Carthaginensis, dum in Hannibalem invehitur, intellexisse potuit: dum ait Legatos ab sociis & pro sociis venientes bonus Imperator noster in castra non admisit, *jus Gentium* sustulit.

IV. Alterum singulare Legatis est, quod *sancti* (g) sint, hoc est, ut vocis fert proprietas, inviolabiles, cujus rei ratio descendit à jure positivo Gentium, ut nihil in historiis occurrat frequentius, quam sacra legationis, fas Gentium. Et quidem non modò ab injuriis, licet ab hostibus veniant, sed & ab iis molestiis, quæ jure illis creari possent, liberi esse debent. Propter rationem, quia populorum interest, quò promptè & securè mittantur, certo constare, nullam rem obstituram, quominus certò tutoque Legati sint ituri & redituri: ita ut in subditorum numero, quales alioqui omnes qui in alterius sunt territorio, non habeantur. Unde sequitur, quod non modò in merè civilibus, ut aliqui volunt, sed ne quidem in his, quæ sunt juris Naturæ ac Gentium, delictis, *pænæ sint subjecti* (h). Quæ sententia & hac ratione juvatur, quod si liceret ex causis crediti vel criminis vulgaris aut machinationis fraudulentæ vel hostilis detinere & plectere Legatos, vix unquam deessent prætextus persequendi vexandique illos. Denique & hæc ratio est, quod Legati Principem populumve, a quo sunt missi, repræsentent eorumque faciem & auctoritatem præferant,

ut Cicero dixit, quo imprimis firmatur, quod antea dictum, eos quasi extra territorium constitutos videri. Unde si testamentum fecerint, si contractum iniverint, non ex formâ statuti illius loci in quo Legationis causâ commorantur, actus isti nihilominus valebunt. Quare in casu gravioris delicti nihil ultrâ in Legatum decerni posse videtur, quam ut finibus egredi jubeatur ac ab eo, qui miserit, puniri postuletur.

(g) SANCTI. Alii Sanctos à sagminibus: de quo vide *Thomafium, dict. Diff. §. 63.* ut & de *Ceryciis* Græcorum, sed potior est & nativa magis hæc in *Auctore* deductio.

(h) POENAE SINT SVBJECTI. Equidem Legatos puniri posse videri poterat, his rationibus, si criminum *juris naturalis* reos se reddidissent: quia alias non Legati illa foret sanctimonia, sed secleris. Et velut Princeps in territorio alieno delinquens, sic & Legatus ejus multò magis *pro privato* censendus fuerat, qui nec in delicto Principem suum *representat*, & imò potius mandatum Principis sui in eo excedere deprehenditur. Interim verior est *Auctoris* sententia, ut Legatus admissus *extra Jurisdictionem* habeatur, quousque Legatum & Pacis Conciliatorem agit; nec respectum hunc amittat, licet ipse delinquat, & quidem atrociter, vel *comites* ejus; nisi delictum naturæ Legati, quâ *talis* est, adversetur, & hostem vel hostilia arguat: sic enim legati personam exuit, quæ cum hoste consistere in actu hostili non potest; siquidem ab hoste etiam missus Legatus pacem quærit aut promovet. Et tamen, licet possit tractari Legatus ejusmodi ut hostis, tamen *consultum* magis est, ut si absque perniciæ Reipubl. possit, & extrema aliud non jubeant, ad Dominum puniendus remittatur. Non aliter enim, quàm ut in *salvo conductu*, si in corpus quid decerni potest, securitas delinquentis tollitur: quoniam non etiam cum præjudicio vindictæ publicæ conductus præbitus fuit: ita pariter inviolabilitas Legati eousque tantum non cessat, quoad nostra Respubl. non periclitatur; ob cujus securitatem Legatus admissus est. Quod verò *contraria* antè adducta concernit, dicen-

dum est, quod Legatus non possit videri in *Potestate* Principis exteri positus esse, sed absens potius fingatur & exlex ut *Princeps*, qui ipsum ed miserat. Tum & publica fides & utilitas Gentium protegere Legatum debet, quæ stare non potest cum *dividuitate respectuum*, ed quod Legati illa publica consideratio in immensum prævaleat respectui, quò ut criminofus, si nostram Rempubl. crimina ejus interius (& *statum* aded illius,) non petant, obtegitur. Imò ne quidem in territorio nostro ut delinquens esse videtur, & quâ contrâ Domini mandatum peccat, vel voluntati potius ejus adversum quid admittit, non alii quàm Domino suo obnoxius est, ad quem ipse puniendus mitti debet. Quid de *Familia* Legati? eam pariter *sanctam* esse innuimus, & si ex eâ aliquis delinquat, coërcitio ejus ad peregrinum Principem non pertinet. An autem Legatus in familiam suam *Jurisdictione* polleat? qu. Quâ talis eâ utique non pollet, quia Majestatem Principis non habet, quâ illa se in subditos ejus, qualis ipse non minus ac comites sunt, diffundit, sed quatenus ad extraneam Majestatem & cum eâ communicandam *character* ille requiritur, & oportet aded Legato in specie Jurisdictionem à Principe suo concessam esse. Tunc vero ulteriori concessione Principis peregrini opus non est, sed potius si non prohibeat exercitium illius, sufficit; quanquam illud exercitium prohiberi possit. Quod si etiam Legatus vel planè non, vel non rectè, Jurisdictione illâ utatur in comites, v. c. delinquentes vel aliter: id omne Principi mittenti vindicandum relinquendum, nec manum comitibus inferre debet is, ad quem Legatus mittitur.

V. Quæritur, si ille qui misit, nostros antea secus habuerit, an nobis idem in ipsius Legatos sit permissum. Distinguendum reor,
utrum

utrum malè per injuriam sint habiti, an ex merito. Si prius tum scelus hostium nullo modo fas imitari; si posterius, tum nihil esse videtur impedimento, quominus vicissim jus dicere liceat, non propter jus talionis, sed quasi è tacito alterius consensu.

VI. Nec modò personæ Legatorum, sed quicquid ad eos pertinet, eâdem sanctione continetur, quatenus ex jure tralatitio, accessoria sequuntur jus & naturam sui principalis. Proinde, invito Legato, comites abduci non possunt, sed ad deditionem ab illo postulari; quo recusante, idem ab Rege populoque qui legavit petendum. Utroque casu, si palam sit, mittentes nolle quod à Legatis perpetratum est, vindicare, adeoque satis id approbare, tum, si causa tam sit atrox, nihil aliud quam ultio belli superest. Ne quidem vasa resque Legatorum à creditoribus detineri possunt, eâdem ratione; non obstante, quod ita Legati difficulter creditores inventuri videantur: ipsi utrimque viderint.

VII. At hæc omnia non aliter habent locum, quam si absque periculo nostro legatis parci queat, denique per modum defensionis etiam rectè puniuntur. Quapropter, si noxia moliantur consilia, custodiri utique & interrogari & publico certorumve hominum colloquiis interdici possunt. Quin etsi ipso facto vim inferant, vi illis resistetur, & si cadant, jure cæsi intelliguntur.

VIII. Postremò, si ob causas antè memoratas denunciatum sit, ne Legati mittantur, alioqui pro hostibus fore, tum juris ratio minime violatur, si legati violentur.

IX. Obligatio autem de non violando duntaxat inter mittentes & eos, ad quos mittuntur legati, intercedit, *ad tertium non pertinet* (i). Qui proinde contra jus gentium non peccat, si hostilia meritos tanquam hostes accipiat, iisque damnum aut exitium ferat, cujus rei exempla historiæ multa suppeditant.

(i) AD TERTIUM NON PERTINET. Quod Auctor subjungit, hostilia meritos tanquam hostes tractari posse, ex eo colligitur, hanc sententiam eum foverè, quòd Legatus per fines hostium transiens ab hostibus occidi queat: siquidem ad hos

non missus sit, & Legatorum adeò securitate frui non possit. Sunt tamen Alii, qui putant, tutius esse, Legatum ejusmodi transeuntem non occidi, aut quolibet modò violari, quia nihilominus Regis sui Personam, qui hæcenus in territorio illo deprehendi

hendi non videtur, sustinet, modò boni cujusdam gratiâ transeat, & inò si in perniciem hostium aliò ire Legatus videatur, detinendum potius & re-

mittendum, quàm occidendum esse, idque prætereà generositatem populorum morationum exigere.

X. Idem est, si legati characterem suum celent ac ut privatos se gerant, quâ, ut & præcedenti ratione Carolus V. duos Francisci Regis legatos per Italiam ad Turcos euntes interfici curavit.

CAPVT IX.

De

Fœderibus. *

* v. Grot. lib. 2. cap. 15.

ARGVMENTVM.

Fœdus quod & quotuplex. Non esse justa fœdera, quibus socii ad omnia bella promiscue obligantur: sed nec obligationem inde ad bellum injustum oriri. An cum infidelibus licita sint fœdera inita, disputatur: item, an morte contrahentium finiantur. de sponsonibus earumque effectu. de interpretatione fœderum.

I.

Legati primò omnium ad externos dimittuntur, ut amicitiam cum illis aut societatem, hoc est, fœdus contrahunt, quod nihil est aliud, quam conventio inter diversas civitates *non transitoria* (a); ut ab aliis contractibus, in quibus nihil post conventionem remanet, distinguatur.

(a) **NON TRANSITORIA.** Alii genus proprius suppeditant, nec *finis* planè omitti debet. Dicamus igitur: Fœdus esse societatem diversarum Rerumpublicarum sub præstandis publicè mutuis operis. Sic ergò non quælibet Fœdera *proprie* talia dicta sunt, ne quidem ea, quæ de *non offendendo* concipiuntur, nec omnia, quæ inita sunt *commer-*

ciorum gratia; cumprimis quod hæc etiam inter alios quàm *liberos* ineantur. Non etiam fœdus *deditionis* aut *Clientelæ*, eximie dicta fœdera, sunt: Ita ut cum in varias species abeant conventiones Gentium, oporteat definitionem redigere ad societatem eam, quam strictè & *proprie* Fœderis nomine appellare liceat.

II. Ratione materiæ dividitur fœdus, quod vel de iis fit, quæ populi per se ex conjunctione humani generis sibi invicem debent, aut quæ aliquid juri Naturæ adjiciant. Priora sunt de non nocendo, de liberis commerciis, similibusque rebus, quales ante præcedenti capite enumeravimus, & hæc vel cum iis quibus cum ante bellum habuimus,

buimus, aut cum feris nationibus, quæ promiscue prædas agunt, potissimum *ineuntur* (b).

(b) *INEUNTUR*. Nuncquidem, quod *mora-
tiores* attinet, inter Gentes *barbaras*, foederatas &
socios illos non habemus, qui nil nisi communia
humanitatis officia pacti sunt. Et antehac, ubi
prædatoriam profitebantur integri populi, consci-

entiâ tranquillâ eos usos fuisse, putandum non est.
vid. *Senecam* L. IV. d. *Benef. cap. 17*. Illustravit locum
hunc egregiè *Dissertatio Thomasi de Latrocinio*
Gentis in Gentem.

III. Reliqua foedera sunt *æqualia* (c) aut inæqualia. Utraque vel
paci sunt vel societatis. Pax bellum sequitur & in nostra quoque me-
thodo sequetur. Societates maximè de commerciis aut de bellis in-
euntur, aut si quæ res aliæ sint. De commerciis, velut, ne vectiga-
lia aut omninò aut ultrà modum certum exigantur, aliaque infinita.

(c) *ÆQUALIA*. Sunt, quæ utrinquè eodem
modò se habent juxta *Grotium* Lib. II. c. 15. §. 6. & vel
de bello, vel *citra bellum*; ut, ne in confinio alterius al-

ter arces habeat, subditos ejus non recipiat, iter ho-
sti non præbeat. Equidem, *Pacis* esse fœdus quod-
dam, improprie dicitur.

IV. Societas bellica vel est de bello pariter communi nomine
gerendo vel de auxiliis alteri præstandis. Prius est vel offensivum, ut
vulgo loquuntur, vel defensivum. Et rursus utrumque vel ad certa
vel ad omnia bella. Offensivum ad omnia, est id quod Græci *συμμαχίαν*
vocant, quo Athenienses & Spartani suos singuli socios habebant con-
junctos, sub ipsorum ducatu; explicatius Thucydides *τὰς αὐτὰς ἐχθρὰς καὶ*
φίλους νομίζειν, *eosdem hostes & amicos habere*. Offensivum ad certa bella
quid sit, hoc per se patet, ut & defensivum tam ad omnia, quod Græ-
cis *ἐπιμαχία* dicitur, quam ad certa etiam bella, vel denique cuncta,
sub exceptione quorundam. Eandem diversitatem tuitionis aut of-
fensionis recipiunt foedera, quibus altera pars ad auxilium alterius ob-
ligatur, quæ similiter de cunctis aut de certis bellis ineuntur.

V. Ea quibus se populus aut Princeps ad cuncta promiscuè bella
adjuvanda obstringunt, tam nocendi quam tuendi causâ, vix huma-
no juri consentanea videntur, quia præ se ferunt animum, ad quos-
libet homines, à quibus nullo modo sit læsus aut offensus, seu jure si-
ve injuriâ affligendos, paratum. Quare non immeritò Ulricus Zuin-
glius Tigurinis suis auctor fuit, ne in ejusmodi fœdus cum Rege
Francorum ineundum, quo sanguinem suum ei ad quævis bella com-
modato vel locato addicerent, consentirent *. Tamen sancito tali

Ffff

fœde-

foedere, est dicendum omnino, ad injusta bella nullam esse obligationem, nec proinde contrà foedus factum videri, quod suppetiæ illo casu negentur: At cum odiosa & lubrica sit hujus rei disceptatio, non desinunt periculosa animisque gravia esse id genus pacta foedera.

* *Testis Job. Sleidanus.*

VI. Idem de illo foedere sit judicium, quo se partes ad perpetuam *Συμμαχίαν*, nunquamque ab armis alterum sine altero destitutum, obligarunt. Nam si utrique pax honesta & tuta, plenaque satisfactio ab hoste offeratur, pactum prius obstare non videtur, quominus alter, si nolit alter, solus bellum claudat. Quin &, si alterutri justæ conditiones proponantur, vix est, ut prioris vi pacti ad bellum continuandum teneatur; Quia promissio, quæ aliud bonum morale majus impedit, non est obligatoria, sed ad auxilium socio qui jus suum ab hoste communi obtinere non potest, ferendum, alter nihilominus vi pacti obligatus videtur.

VII. Foedera inæqualia sunt, in quibus alter plus, alter minus promittit: Nam priora, cum unus auxilium alter mercedem stipulatur, æqualia censentur. Eaque sunt ex parte vel superiore vel inferiore. Superiore, ut si quis alterum in tutelam recipiat sine ulla repromissione, nisi reverentiæ & gratitudinis, (sub qua tamen plus longe *latere solet*) (d). Quæ ex indigniore, ea vel Imperii inferunt diminutionem, vel salvâ libertate contrahuntur, cujus rei judicium ex cap. xv. libri prioris colligendum.

(d) *LATERE SOLET.* Sc. ex foedere *inaequali* plerumque imperium nasci solere, Bodinus ostendit *Lib. 5. de Republ. cap. 6.* quanquam per se illa foedera summum Imperium non iuvant, cum imperium illud, quod potentior habet, *conventionalis* sit, non Majestaticum; licet Leges præscribat foederato, quas transgredi ille non possit: nam & hæ ex concessione superioris *antecedentè* æstimantur, ut ex *ejus voluntate* pendeant. Idemque dicendum est, si inconsultò foederato potentiori ne bellum quidem suscipere, aut pacem inire, liceat: quanquam ita Majestatis *exercitium* restringi videatur, quod quidem facilius omnino fieri posse debet in Juribus illis Majestatis, quæ *externa* ap-

pellantis, quæ præterea natura sui ad *potentiam* magis quam *potestatem* pertinent, nec tam Majestati, eorundem jurium exercitio modum ingeri, officit, quàm si *interiora* jura Majestatis versus *subditos* exercenda restringerentur. Non etiam efficiunt Majestati foedera, quæ adjunctum habent aliquod onus, quò simul & semel defungi licet, ut stipendia solvere militibus alterius, multæ loco quid numerare, moenia diruere, arma tradere, cum similibus. Nam hæc ne quidem tanti sunt, ut permanentia illa, quæ ante diximus, & quandoque perpetuò duratura, v. c. ne liceat arces extruere in certo loco, ne naves extra numerum habere. Quanquam in his talibus foederatus inferior obstritus

ctus esse dicatur, ut Majestatem alterius comiter conservet, ut loquitur Jctus l. 7. ff. d. capt. & postl. revers. i. e. ut curare debeat, ne majestas foederati superioris ullô modô imminuatur. Grotius L. I. c. 3. n. 2. & Arniseus, cap. 4. d. Jurib. Maj. n. 1. Quantacunque enim adstrictio hæc fuerit, Majestati tamen inferioris ea non derogat: non obstan-

te d. l. 7. ibi: in eos animadvertimus. Nam Jctum ibi exhibere genium Reipubl. Romana, ut fuit temporibus posterioribus, observat Pufend. Lib. VIII. c. 9. §. 4. quibus foederum reverentia apud Romanos non adeo servabatur, sed pari jugo premebantur bello victi & socii,

VIII. De personis foederatorum (e) quæritur, an licitum sit, (f) inire foedus cum impiis & à verâ religione alienis, quæ est quæstio juris divini. Nam jus naturæ cunctis hominibus commune est, sufficitque nihil eo conventum, quod morali honestati adversetur. Jure veteri divino exempla foederum extant non pauca cum idololatrâ inita, Jacobi cum Labane, Davidis & Salomonis cum Hieromo, ne de hujus affinitate Ægyptiaca dicamus. In Evangelio & rationibus Christianæ sinceritatis nihil est, quod hisce foederibus in universum obstat; non utique illis, quæ ad benefaciendum infidelibus, nec iis quæ ad mutuam utilitatem pertinent aut ad opem ab illis implorandam. Sed merita circumstantiarum hic consideranda, ne commixtio nimis arcta cum impiis contagium animis adferat, ne potentia infidelium nimis promoveatur, multo minus, ne auxilio illorum ad nocendum Christianis utamur.

(e) PERSONIS FOEDERATORVM. Posse tantum foedera inire, qui Majestate pollent, extrâ dubium est. Hinc Foedus Hanseaticum, quâ Civitates mediatar in eo contentas, nulla firmior quàm prescriptionis & patientiæ superiorum tuetur ratio. Carpz. d. L. R. cap. 6. sect. 10. n. 20. Reinking. Lib. I. class. 4. c. 20. n. 50. & seqq. Quid vero de statibus Imperii? Equidem hos etiam foedus inire posse, ipsi Legibus Imperii constitutum est, cum & possint Nobiles immediati, eò quod Procures illi ob potentiam in juribus exterioribus Majestatis, ad instar Regum seu Liberorum aut saltem exemptorum habeantur, quibus exteri tantum deferunt, ut non attentâ Majestate Imperii, cui statûs subsunt, eosdem similes sibi non modò in foedus, sed & bellorum & reliquo jure annexo, æstinent. De eo magis dubium est, an statûs quâ ad Imperatorem referantur, foedera inire possint? utique contra Imperatorem non nisi in causa Religionis foedera pangerent, & defensiva quidem posse, superiori tempore

evictum est, vide Zierizium Disc. Apologeticâ pro foedere Schmalkaldicâ, Hortilederum simili Tract. Arum. V. 1. Juris publ. Disp. 26. Limn. Lib. IV. c. 8. n. 31. Bocerum de Jur. Belli c. 5. & Carpz. cap. 4. d. L. R. Sect. 6. Quanquam Arniseus de auctoritate Principum semper inviolabili cap. 2. paulò rigidior sit, cum ne quidem de religione introducenda Politici conveniant, num armis id non liceat statibus, qui absolutè subditi non sunt: de quo tamen Ant. Faber Swartzburgicus in Tr. de Religione regendâ cap. 5. videatur; ubique Lutherus etiam prædictum Foedus initio dissuasit. Et tamen quod hunc concernit, ille thesîs solum, quod subditis non liceat resistere Imperantibus, ut & omnes controversias, conscientiam tangentes, ex scripturâ decidendas esse voluit, qui præterea oleum igni affundere nolebat, ne exacerbati animi Protestantium Catholicos aggredierentur, sed aggressionem expectarent: quanquam dissidendum non sit, in hypothesis Lutherum à peritis Statûs Germaniæ accuratius informatum, ffff 2 tum,

tum, postea *liberius* pro foedere illo pronunciâsse: cum Imperator non nisi salvâ *Libertate statuum* imperet; omninò autem maxima sit libertas, quæ pro religione facit, ut habet l. 43. d. *Relig.* junctò Lactantio *Lib. V. Inst. div. cap. 20.* Accedebat, quodd statuum non aliqui sed complures non possent videri decernere voluisse, quod Imperio adversum fuerat; maximè quodd quilibet territorio suo prospiceret, ipsosquè jam olim Imperator habuisset pro *Fidei defensoribus*: Schûzer und Schirmer des Glaubens. v. N. N. 1524. §. Als auch. Fides autem opus humanum non sit, nec imperii objectum *conscientia* haberi possit; maximè, quando Religio regimen, sub quo quis degit, non turbet, sed firmet potius: prout multum juvit *Imperatoria* contra *Pontificem* jura, *Protestantium* fides & *Auctoritas*. Quin & Imperator *veram Ecclesiam* tueri, obstrictus est, quæ Petrum docentem sequitur, non quæ successorem ejus, (ut videtur,) errantem. l. 1. c. d. *Summ. Trinit.* als nicht mehr des Stuhls zu Rom, sondern der Christlichen Kirchen Advocat. De cœtero quoquæ foedera in Imperio pangenda totius Imperii nomine sint *consensu Electorum*, si quando cum *reliquis Statibus* in Comitibus communicari non possit, vel inde procedit, quodd *Proceres* & subditi sanguinem fortunasquæ suas foederibus tutandis commodare, non aliter teneri posse videantur, & periculo semet exponere, quam si *spro* Illorum consilîo, magnum aded negotium, quod totam Reipubl. securitatem officit, non suscipiat *Imperans*: ita ut non modò tutius & consultius id fuerit, sed ex *hypothesi* saltem necessarium. Warend. ab Ehrenberg *Lib. I. de Fœder. cap. 2. n. 223.*

(f) AN LICITUM SIT. Ita Jcti & Politici quæstionem, quænam foedera *consulta* ac *licita* sint, simul expediunt. Et quidem, cum *utilitas* foederum in *fide* consistat, nec quicquam aded labile & infirmum, cujus facilius rumpendi causa & occasio reperiatur, quàm foedera: hinc meritò infida *infidelium*, hæreticorum, *offensorum*, formâ Reipubl. nobis dissimilium (& maximè si cum *Democratîis* negotium suscipiendum sit) ut & viribus inæqualium, foedera censentur. Ad quæstionem *liciti* transeamus, in quâ *sectarios* ab *infidelibus* imprimis distinguere oportet. Sunt autem *Sectarii* vel *cives*, & tunc cum illis ad *religionis diversæ*, v. g. Evangelicis, ad Catholicæ *assertionem*, foedus inire non licet; secus ad tuendam publicam

securitatem aut *libertatem*. Syringius d. *Pac. Relig. th. 21. & seqq.* Dorschæus in *antichresi*, p. 135. Prout etiam perpetuæ pactiones in *Confraternitatibus* aliisque *Unionibus* cum sectariis ineuntur. Et ita quidem si concives sint: cum *extraneis* autem non nisi ad effectum defensionis & tutelæ, salvâ per omnia Religione foedera permessa sunt; velut antehac *Protestantium* cum Rege Galliæ. *Conf. Gerhardum d. Magistrat. Polit. §. 156.* Cum *infidelibus* hoc est à fide *Christianâ* alienis, foedera in *V. Testamento* iniri potuisse H. Grotius L. II. c. 15. n. 8. & 9. exemplo *Abrahami* cum *Sodomitis* & *Maccabæorum* cum *Hasmoneis* frustra probat: ut *Ostander d. l.* ostendit: & foedera quæ ex *V. T.* citat, velut *Jacobi*, *Davidis*, commerciorum causa, aut de non nocendo, inita fuere. Nam ejusmodi foedera ne quidem prohibuit erat *Israelitis* ferire, cum *septem populis*, nisi in *idololatriâ* perstitissent. *Deut. XX. v. 10. Jos. XI. v. 9.* sic enim *exscindendi* erant omnes funditis, etiam *fœminæ* ipsorum & *infantes*: cum quidem cœteræ Gentes, si pacem abnuerent, tantum quâ viros expiationi potuerint sufficere *Deut. XX. v. 16.* Et cavendus est H. Grotius, quem hic nimium pressit *Auctor*, ne *proximi* nomine in hac etiam Foederum causa *Israelitas* tantum intelligamus, quasi in *N. T.* ampliata fuerit Christi institutis *proximorum* conditio. Utiquè non dubitandum est, cum quovis *infideli* foedus *pacificum*, seu de non offendendo, aut de non nocendo, inire licere: ut & *defensivum* & de finibus tuendis, imò de *auxiliis* mutuis, quando contra *Gentilem* aut *infidelem* alium agitur. Quanquam etiam ad hoc extrâ casum necessitatis procedi non debeat, ob rationes ab *Auctore in fin. §.* indicatas. Quocirca *offensivum* foedus cum illis iniri non debet, & quidem omnium minimè *adversus Christianum*. Quid tamen si vel bellum Christiani contra æquè Christianum ob causam à religione penitus alienam, & quæ meris conditionibus Politicis nitatur (vid. *I. Corinth. V. v. 10.*) sed iustissimum tamen, generatur, ut altera pars accessu *infidelium* se superiorem reddiderit? ita non tantum offerentes se nobis *infideles* admittere, aliàs perituri, possumus; verum etiam ad avertendum internecionis periculum eosd. *accerere* licet; maximè si, post tentata in cassum omnia, nullum se conservandi remedium super sit: Nam hoc etiam casu contra *Christianum* foedus propriè dictum, consociationis videlicet, suscipi posse, certum est. IX. Effe-

IX. Effectus foederis est, ut sine captione fiat quod inter partes convenit, quâ de re mox accuratius. At dubium esse potest, si cum duobus sit foedus ejusdem sententiæ, ut auxilii ferendi, his inter se collidentibus, *utri opitulandum sit* (g). Nam si cum tertio pugnent, nihil difficultatis est, cum utrique ut plurimum satisfieri possit. Et quidem cognitio haud dubie suscipienda, ab utro stet ratio & justitia causæ, ut qui causa potior est, auxilio prior habeatur. Si non liqueat, utrique vel potius neutri mittendum.

(g) *UTRI OPITVLANDVM SIT.* Cum primis respici debet, an altera confederationum sit *antiquior*. nam hæc in recentiori foedere excepta videbitur, licet non expressum fuerit. Si vero iisdem temporibus utraq; contractæ fuerint, his opein ferre oportet, qui archissimè nobis juncti sunt: ut *Helvetii* sibi invicem potius assistunt, tanquam ex sanctiori foedere contra alios sibi foederatos. Si utriusque foederati par sit conditio, quem casum *Auctor* ponit, *neutri* auxilia debentur, priusquam *arbitrium* delatum sit; modò ita

conventum fuerit in ipsò foedere: nam ita detestantem arbitrium, ad hoc adigere eum potius, quàm juvare, debet; si verò nulla de arbitris, conventio facta sit: tunc respici volunt, an bellum *defensivum* gerat alter, ut huic succurrendum esse videatur. At verò etiam ille causam injustam fovere potest: ut rectius statuatur, *offendenti* si potiora ejus-jura sint, auxilia ferenda esse. Nam & defensio ab injuriâ cum offensivo bello coincidere potest. Et foedus quodlibet à *causa injustitia*, ut quælibet societas, alienum est.

X. Finitur obligatio foederis, si pars altera *pactis non stet* (h) *ut Thucydides* & vel *tantillum* transgrediatur, nisi convenerit, ne ob quaslibet offensiones foedus rumpere liceat. Non tamen statim atque à foedere licet discedere, bellum etiam movere licet: hoc enim propriis regulis constat, de quibus *inferius*.

(h) *PACTIS NON STET.* Iisdem pactis sc. Nam ob foedera nova rupta, aut diversis legibus inita, diversum foedus rescindere non licet. Non etiam à privatis violatum esse sufficit, nam hoc de-

ditione vel poenâ eorundem vindicatur; nisi scientia, facultas puniendi, & neglectus, evincant, foederatum factum privatorum probasse.

XI. Tempore etiam præfinito finitur foedus; neque enim silentio utriusque partis renovatum videtur, nisi actus ipsi hoc *necessariò* (i) præ se ferant, alioqui novatio non præsumitur sed ex facto probari debet.

(i) *NECESSARIO.* Itaque non omnis actus, qui vel maximè auxilii speciem habet, post finitum tempus foederis exercitus, renovationem ejus in-

fert, modò argumentum possit esse amicitie etiam post foedus durantis.

XII. Quæritur, an & morte contrahentium finiantur; quâ parte inter *personalia* (k) & realia distinguendum, ut illa morte intereant,

hæc ad posteros transmittantur. Realia sunt omnia, quæ cum plurimum imperiis ineuntur, quia in illis non est mutatio summæ potestatis quod ad personas. Etiam quæ cum Regibus, si mentio regni, ut plerumque fit, adjiciatur; Quin & ex materiâ, si favorabilis sit, idem colligitur, ut sunt foedera de commerciis, de non nocendo, de mutuâ defensione. Quod si odiosa sint negotia, neque in verbis sit quicquam, unde obligatio cum respectu ad populum accipitur, magis est ut personalia censeantur.

(k) PERSONALIA. Hæc esse censent, quando interesse Principum & familiarum eorundem illa concernunt; siquidem juris etiam naturalis est, fœdus, ut quamlibet societatem, morte finire, adeo ut regulariter *personalia* esse videantur: arg. §. 5. *Inst. d. societat. cum similibus.* Albericus *Gentilis Lib. III. d. jur. bell. cap. 23.* Idque maximè si odiosa foedera sint, ut offensiva: nam defensiva quidem tanquam favorabilia facillè in perpetuitatem vertuntur. Majoris quidem securitatis causâ foedera, etiam *realia*, mortuo Rege, *renovari* solent, ne si nihil adhuc ex foedere sit versum in utilitatem Regni, fortassis excipi possit fœdus personale esse, & à successoribus Regni judicari, quasi ex usu Reipubl. fœdus non fuerit. Agitata fuit hæc controversia hoc seculo inter *Electorem Saxonia & Regem Succorum.* Nam Elector sanè, post obitum Regis, expirasse fœdus (quod Sueci cum Regno initum & reale asseriebant,) ex his causis censebat, quod in contrahendo ejusmodi foedere ad Regis qualitates singulares, scientiam militarem, & prosperos successus, respexisset, vid. *Ableitung der wieder den Pragischen Frieden*

Schluss movierten dubiorum. Quod autem hic in §. 12. foedera cum *Polyarchiis* inita *realia* omnia esse dicantur, illud utique de *indefinitis* intelligi, constat: quæ, licet *forma* Rerumpublicarum ejusmodi mutetur, tamen adhuc consistere putaverim: siquidem formæ mutatio solum *accidentalis* est, & Rex succedaneus voluntatem populi seu Reipubl. tenet; nisi etiam fœdus pro fine habuerit conservationem *status presentis*: puta defensionem Formæ & Reipubl. Liberæ; sic enim causa cessante & ipsum fœdus cessare oportet. Sed an Regi, qui Regno pulsus est, foederatus alter adhuc teneatur? *Grotius* disquirat, d. c. 15. §. 17. & *affirmat*, quia Jus Regni adhuc ille teneat. Enimvero si fœdus initum sit, ad defensionem Regis ejusve familiæ: ita *Grotius* probandus est; non item si in utilitatem Regni: nam ita censetur, ejusmodi Regi auxilia promissa esse, non adversus cives, de quò ne quidem cogitatum fuerat, sed ad hostes *externos*. Quid si pecunia & opes foederato deficient? Cessat effectus fœderis per rationem l. 4. §. un. ff. pro soc.

XIII. Quid differant *sponsiones* (l) à foederibus, dictum est supra; sunt enim pacta ducum belli inita de ejusmodi rebus, quæ ad summam potestatem spectant & de quibus mandatum illi nullum habebant. Effectus earum est, ut sponsores sive illi fuerint duces soli, sive etiam ordinum ductores seu milites universi, teneantur ad implendum id quod promiserunt. Sed potestas summa, cujus hac parte nullus, ne tacitus quidem intervenit consensus, nullo modo tenetur, nisi non silentio tantum nudo sed & facto aliquo sponsionem comprobaverit. Qui sponponderunt, hi, non servatis pactionibus, tenentur vel

vel ad rem in eundem statum, quo fuit ante sponsionem, restituendam, si hoc præstare queant, vel in id quod interest, aut denique sua corpora dedenda stipulatoribus.

(1) SPONSIONES. Quæ cum aliàs latè sumantur pro qualibet promissione *L. 7. d. V. O.* hinc strictiori significatu veniunt. Cum primis autem celebris est quæstio de *Caudinâ sponsione* apud *Livium Lib. IX. c. 8. seq.* quam & *Grotius* habet *L. II. c. 15. §. 16.* Equidem non tenebatur eam ratihabere Pop. R. nec ad rem restituendam in priorem statum; sed sponsores teneri sufficiebat. Interim si ex æquo & bono res expendatur, quoniam Consules consensum populi certò supponebant, cum

aliter flos populi conservari non potuisset, & ab hostibus præstitum fuerat, quod paci & fœderi æquipollebat, utique par esse videbatur, ut licet penes Consules, de toto bello transigere, non fuisset, Populus tamen condiciones, nil duri aut iniqui habentes, ratihaberet: neque enim hostes intolerabile quid postulaverant, vid. *Lib. IX. Livii cap. 4.* & generosè *Samnites*, quod deditos sponsores non recipere.

XIV. Coeterum *interpretatio (m)* * fœderum & sponsionum sine calliditate, ut modo dictum, facienda, ex simplici & populari intellectu verborum, procul habito sensu diverso, quem quis tacite in animum inducere aut dictis affingere possit, cujusmodi & in veteri novâque historiâ hominum plurima extant ludibria. In ambiguis accedendum ei quod minus ambiguum, omisso eo quod est obscurius, quæ est regula *Plutarchi*. Altera *Jctorum*, in dubiis capiendam interpretationem quæ vitio caret, aliisque certis rationibus non adversatur. Item, adversus eam faciendam explicationem, in cujus potestate fuit Legem clarius dicere. Denique odiosa restringenda, favorabilia interpretatione adjuvanda esse & extendenda. Inter odiosa videtur habenda renunciatio libertatis faciendi, quod lubet ex jure Naturæ. Unde pendet quæstio, an focis in fœdere nominatis generaliter, ne liceat illis nocere, contineantur & hi quos alter fœderatorum *postmodum adsciverit*: (n) quod negandum. Quanquam & novos adsciscere socios non est prohibitum. Proinde, quod ad hos, dicendum utrimque cessare fœderis obligationem, adeoque in illis impugnandis vel defendendis sine perfidiâ conflagere posse fœderatos. Dantur omninò plures regulæ satis pressæ & subtiles, secundum quas regendæ interpretationes, sed quæ hujus compendiarie scriptionis modum penitus excedunt.

* *Vid. Grot. lib. 2. cap. 16.*

(m) INTERPRETATIO. Ad hæc confugiendum est, sicubi Leges fœderis non omninò expressæ

pressæ sunt. Quid E. si in formula fœderis nil dictum sit, cujusnam *impensis* ferri auxilia debeant? Ita si ab una tantum parte promissa sunt, debentur non nisi impendiis ejus, qui ea postulat. *H. Grotius L. II. c. 16. n. 12.* Quod juri etiam Civili & Feudali congruit, si ex utraq; parte promissa fuerit *impensæ* promittenti, & unicuique aded incumbunt: siquidem mutuz hîc præstationes respiciuntur. De modo autem seu *qualitate & numero* auxilii si dubium oriretur: tam ad offensionem, quam ad facultates, fœderatorum respiciendum est. Utique auxilia ne quidem ferenda sunt, si per rationes *proprii Regni* id fieri non posset, cum quilibet fœderatus civibus suis *propius* teneatur: nec debeamus ignari esse conditione eorum, quibuscum contrahimus, aded ut cum *inter Principes*, ex sermone dicto *Baconi*, de *Sapientia veterum c. V. unum sit verum & proprium fidei fundamentum necessitas* (magnum potentibus Numen) & *periculum status & communicatio utilitatis*: interpret autem optimus fœderum & anima ipsorum sit *sinceritas*.

(n) POSTMODVM ADSCIVERIT. Rectè negat *Auctor*. Non obstante, quod generali *sociorum* nomine etiam *futuri* comprehendendi posse videantur, nec quisquam sociorum libertati, alios in societatem recipiendi, renuntiâsse videatur. Cum enim hîc de fœdere dissolvendo agatur, & adimendâ fœderatorum alteri, injurias sibi illatas vindicandi potestate, quod odiosum est: indè sociorum appellatio ad hos tantum, qui tempore fœderis erant, restringenda est. vid. *Grotium L. II. c. 16. §. 23.* Ulterius quæritur: an ex fœdere ad mutuam *defensionem* facta, auxilia quoque debeantur ad *recuperationem* eorum, quæ post contractum fœdus amissa sunt? Utique: Nam & recuperatio, si in continenti fieri velit, i. e. quamdiu offensio durat, & occasio recuperandi fuerit, ad *defensionem* respicit vid. *Gail. L. 1. d. P. P. c. 6. n. 12. & seqq.* An verò *peregrinis* injustè oppressis opitulari *adversus socios* debeamus? quæritur: cum quidem nullò pactò videatur id, quod naturæ jure aliis debemus, tolli posse; debeamus autem alii, si modò absque periculo nostro fieri queat, succurrere: aded ut, qui

eripere morti quem potest, nec ab eâ ipsum liberavit, occidisse eum videatur. *c. 6. X. de homicid. Prov. XXIV. v. 11. & c.* id quod multò magis *potentibus* quam privatis obtinet. Interim cum hoc pacto nullum fœdus stabile futurum esset, si hæc iusta causa rumpendi foret: ided reconciliatio potius tentanda est, ut fœderatus se tanquam *mediatorem* interponat, vid. *Grotium L. II. c. 16. n. 13.* Et sic quandoque in defensionem alii recipiuntur, ut nec fœdus per hoc violari, nec per hoc fœderatis bellum inferri, censeatur. Quod nullum patitur dubium, quando peregrini illi in fidem ac ditionem nostram concedant; sic enim non fœdus quoddam initur, sed jus quasi subjectionis intervenit. Non autem licet subditos fœderatorum recipere, nec facile datur tam manifesta & intolerabilis jure divinò ac Gentium improbitas ac sævitia, ut indè receptio ejusmodi justificari possit; quin potius Regibus tuenda est Regum Salus & cavenda exempla in perniciem omnium eruptura. Denique de *pace pangenda* certum est, omnium confœderatorum consensum requiri; nisi non principaliter omnes & suo nomine gerant bellum, sed tantum ex fœdere auxilia ferant. An verò ex Principalibus *majorem partem* consentire sufficiat? indè judicandum, an bellum eos ut singulos an ut universos concernat. In conditionibus autem Pacis omnium, etiam *auxiliarium*, incolumitati & *securitati* prospici debet. *Neutrinitas* in eod. Regno Statibus permittenda non est, nec permessa est in Imperio Romano. *N. A. 1641. §. und demnach.* nisi cum consensu Imperatoris *§. seq. eodem.* Et sanè Principi etiam summo regulariter ea fugienda est. vid. *Reinking. Lib. III. cl. 2. c. 39. & Neumeyer. integr. tract. junctò Grotio L. III. c. 17.* ubi quidem minus benè neutralitatem violari putat, *transitum* denegandò. Pertinet huc pactum illud, quò quis Magnati alicui seu potentiori, pro certâ mercede seu pensione, se obstringit, ut si conatibus illius assistere non velit, favere tamen iisdem velit aut non adversari, quæ quidem nostris temporibus satis frequentia fuere, &c.

CAPVT X.

De

Bello.

ARGVMENTVM.

Definitio belli, & disputatio an licitum sit jure Natura & utroque divino, quod affirm. & probatur, remotis objectionibus. sequitur divisio belli, in publicum, privatum & mixtum. Illud solenne aut minus solenne. solenne fieri, si & summa potestas utrinque sit & precedat indictio, minus solenne contrà intelligi. quatenus Magistratui bellum sit permissum. mixtum vel ratione personarum aut indictionis. qua in alterâ parte secus se habeant. privata duella, quando licita. De repressaliis. de interdictione belli.

I.

STatus Naturalis, in quo sunt diversæ civitates, propter humani ingenii pravitatem non minus rixis & contentionibus quam pacis institutis exagitur. Rixa autem summarum potestatum facile in bellum, quia cessant judicia inter illas, erumpunt. Est autem bellum Certatio per vim, ut Cicero definit, vel ut Grotius, Status per vim certantium, quâ tales sunt; * Quanquam nec Cicero ** dixit certationem *pro actu certandi*, (a) sed pro universo tractu atque ductu armorum inter partes certantes, ut alibi contentionem belli & observationem, pro longo observandi instituto, & similia.

* *Grot. lib. 1. c. 1. §. 1.*

** *Orat. pro Sext. cap. 58. 1. off. c. 16.*

(a) **PRO ACTV CERTANDI.** Dupliciter enim bellum sumitur pro *actu* sc. & *statu* seu habitualiter: & posteriori tamen modo aliter quàm significata *Hobbesiano*, quoad *statum*, quem ille fingit, *naturalem*: quanquam de cætero *Hobbesius* statum belli, ut nobis sumitur, bene describat in *Leviath. c. 13. §. manifestum igitur.* Grotii quidem definitio *L. 1. c. 1. §. 2.* convenit bello *publico & privato*; nec non *civili*. Sed rectius definitum analogicum in significato famosiori describitur, quatenus accipitur pro *publico*. Ita definiunt per inimicitiam publicam,

quam ille cujus ea de re jus est, & hostes illius inter sese, per vim militarem & hostilem ritè exercent. Quâ ratione nec solum pro statu capitur, nec etiam per actionem præcisè definitur sed utrumque significatum definitio assequitur; neque enim bellum formaliter est actio, nec adæquatè: non etiam *militia* tantum mentio fieri debet, quippe quod illa etiam unò exercitu absolvatur; duorum vero exercituum ratio habenda est: nam & Simson contra Philistæos *pugnâ* non bellum obiit, & actum extraordinarium virtutis Heroicæ.

II. De hoc prima est quæstio, an bellare unquam sit justum, quod jure quidem Gentium nullam recipit dubitationem, quia de usu & effectu quem populi omnes bello tribuunt, plenæ sunt omnes historiæ idem-

Gggg

que

que notissima docet experientia. De *jure Naturæ* (b) & divino imprimis videndum. Et qui dem non prorsus juri naturæ bellum adversari satis hoc ostendit, quod nihil quam defensio corporis sui magis aut æquè sit juris Naturalis. Denique ut rebus quas natura in medio posuit utamur easque absumamus, id jus primum naturale dictat, & qui hoc prohibet injuriam infert, quam vi repellendam res & ratio dictat. Post recessum à communione licuit idem pro dominio quod antea pro rebus quæ nullius erant factæ. Præterea delinquentes *pœnam mereri* (c) eamque à quolibet non reo paris maleficii, maximeque ab eo qui læsus est, exigì posse aliquoties dicere, occupavimus. Quod cum inter diversas civitates sine vi non possit fieri, bellum etiam puniendi causâ recte suscipi vel exinde apparet. Adeò ut originem habere bellum ex *jure Naturæ* manifestò constet. Proinde quod & Juri & scriptores alii bellum *jure Gentium* esse docent introductum, hoc de certâ & solenni bellorum formâ, unde peculiare pendeant effectus, intelligendum.

(b) *JURE NATURÆ.* Nec tamen bellum à *primis naturæ* procedit, ut male *H. Grotius*, L. I. c. 5. §. 1. & *alibi*, (quoties vindictam privatam exinde deducit,) insinuare videtur: siquidem homo inermis & ad pacem conditus est, bellum vero extrâ or-

dinem naturæ in subsidium necessitatis assumi oportuit; in quo tamen ipsa etiam natura intendit, ut homo de pace cogitare debeat.

(c) *POENAM MERERI.* Quod rejecimus *suprà*, ut & *communione*, quam *Auctor* hîc inculcat.

III. Sed nec *de jure veteri divino* (d) magna est dubitatio, quin non omne bellum sit illicitum. Abrahamus sine speciali Dei mandato Reges quatuor devicit, laudante Melchisedeco. Et bella Davidis, quorum pleraque non liquet nominatim à Deo fuisse jussa, Dei prælia, id est, pia ac justa dicuntur. Imò quod magis est, perpetuæ ac generales de modo belli gerendi à Deo regulæ præscribuntur,* quo quid fortius argumento sit, bella pie geri potuisse, tametsi nullum Dei speciale mandatum intervenisset? Ex his apparet, Legem Dei de sanguine non fundendo bellis nihilo magis officere quam Lex de non occidendo judiciis capitalibus obstat. In nova testatione à primo initio habemus Johannis præcursoris dictum, quo milites officii sui non deferendi sed pie exercendi admonentur. Paulus** verò, non tantum docet, gratum esse DEO, ut oremus pro potestatibus, quo tranquillam sub eorum tutelâ vitam degamus, quod sine armis in hoc mundo fieri nequit; sed & Dei Ministros affirmat esse, qui haud frustra gerant

gerant gladium, quin vindices sint ad poenam his qui malum fecerint; quod ratio non patitur, ut minus *de exteris delinquentibus*, (e) ad tutelam suorum, quam de subjectis potestatum intelligamus. Idemque suo exemplo docuit Paulus, quando militare præsidium, cum se insidiis Judæorum ope Tribuni militum eripuisset, minimè rejecit. His accedit, quod, ut suprà diximus, Lex Mosaica de rebus moralibus & quæ aliis gentibus æquè conveniat, obligationem suam in perpetuum ad omnes populos adeoque ad Christianos quoque extendat. Jam quid magis honestati imo necessitati morali adversum esse potest, quam ut gladii jus summis potestatibus eripiatur, quo sublato manifestum sit maximam scelerum licentiam malorumque diluvium nihil ut tutum, nihil sanctum aut inviolatum foret, secuturum?

* *Deuteron. cap. 20. v. 10. & 15.*

** *Ep. 1. ad Timoth. c. 11. v. 1. 2. 3.*

(d) DE JURE VETERI DIVINO. Ad eum sensum accipi hoc debet, ut *superius* expositum est; nec enim datur *Lex nova* & *vetus* in *verbo Dei*. Cæterum *Abrahami Bellum*, ad quod *Grotius* & cum eo *Auctor h.* provocat, licet fuerit ex speciali Dei mandato, tamen & ipsum *juri naturæ* non adversum fuit: vid. *Osiander. ad L. I. Grot. c. 2. §. 2.* quanquam *Israëlitas* quod attinet, illi justum bellum gerere non potuerint absque mandato Dei speciali. Nec sequitur, Deus *Leges de modo bellum gerendi* præscripsit, E. bellum propriâ auctoritatè populus deinde suscipere justè potuit: siquidem *divortium* Divinæ voluntati adversabatur, & tamen ipse Deus de *modo* Divortii *Leges* præscripserat. Deinde jura Majestatis penes Deum residebant, ut aded speciali jussu divinò populus indiguerit. Quòd vero bellum *juri Divino* adversum non sit, *H. Grotius L. I. c. 2.* plenè ostendit; quanquàm ipse in *Prolegomenis §. 5.* malè laudet illos, qui *usum armorum* sublatum volunt. Nam licet in omni bello utique mala subveniant, tamen illud solum evenit per accidens, & hoc tantum inde sequitur, quòd difficulter ad bella procedere debeamus. Utique *dilectioni Christiana* bella non repugnant, neque *Evangelium* politias tollit aut jus per bellum eas tuendi. *Vita* est privatum bonum & exponi periculo pro Republica potest, idque publicâ auctoritate: nec homo sibi soli natus est, sed Deo

& *proximo*; hinc abjectâ curâ sui illis quoque facit injuriam, & multæ molestiæ sunt vitæ humanæ, quæ efficere possent, ut quis vitam suam citò arumperet, nisi per instinctum se conservandi in emolumentum quoque proximi & gloriam Divinam legem aliam Deus homini commendasset. Debemus enim jure Naturæ vitam ponere pro fratribus, si patriæ salus aut fratrum æterna exigat, prout ipsi æternam nostram temporali nostræ præferimus: & verò proximum diligere tenemus, sicut nos ipsos. Quod enim jure divinò *Joh. III. v. 16.* inculcatur de *fratribus*, illud rectè de quolibet homine accipimus, secus ac *H. Grotius L. I. c. 3. §. 3.* qui religionis tantum consortes intelligit. Nam Christus pro inimicis tantum mortuus est. *Rom. V. v. 6. seqq.* Et frater est homo quilibet quoad carnem. *Rom. IX. v. 3.* Quanquam vitam ut ponamus aliter necesse non sit, nisi accedentibus requisitis, & cum primis quoad bellum, *publicæ auctoritatis*. *Eventus* belli dubius potestatem illud gerendi non tollit, nec protinus, quod malè cedit, illicitum est. Unde & *religio*, licet nec defendi nec tolli armis possit, tamen non obstante dubiò eventu, exercitium religionis armis rectè asseritur. Nam ordinatè juvat Deus, ut in pace, sic & per defensionem armatam, si invadamur. vid. *Nehem. IV. 14. 17. 18.* Quin & Princeps licite agit, quando milites ad oppugnandum urget,

get, quamvis multis per hoc pereundum sit; modò ita jubeat necessitas & plures alias in posterum metuendæ sint cædes, quas evitare intendat, vel quoddam obsidionem magis diuturnam prospiciat, vel prælium subeundum instet, aut urbes alias exemplo territas eò minùs restituras æstimet.

(e) DE EXTERIS DELINQUENTIBVS. Quanquam vero *injuria* sit belli justa causa, quam rectè vindicat persona publica, Dei Vicarius, animò compescendi hostes, boni communis causâ, in salutem illorum, quibus ex officio subveniendum est; modò lædat *injuria* illa ipsum vindicantem, sitque atrox, aut saltem malis belli proportionata: nam ita *vindicta* illa ceu *publica* & verbo Dei probata bellum justificat. Num. XXXI. v. 3. I. Macc. II.

v. 66. seqq. (quapropter non tantum defensionem & recuperationem, sed & *vindicationem* illò sensu justam belli causam esse rectè statuitur:) Tamen minùs rectè *Grotius* alique asserunt, quasi ob delicta, ex quibus sc. damnum aut injuria ad extraneos nisi exteram civitatem redundat, & vel maximè ob Tyrannicam in cives crudelitatem extero Regi Bellum Tyranno ejusmodi vel Genti criminis reæ inferre liceat, idque *puniendi* causâ. Nam jus puniendi non competit ei, qui potestate in alium summâ destituitur: & quis ita foret bellorum in orbe finis? Quod verò bellum *adversus subditos nostros* attinet, illud quidem *punitivum* est, rebellium scil. at vero hoc ipso est improprium & nil aliud armata judicii executio.

IV. Ad ea quæ ex dictis Christi contra bellum moventur, tenendum hoc primò; si fuisset Christo propositum omne jus gladii tollere & ejusmodi statum introducere, qualis nunquam visus, auditus esset, eum id verbis quam maximè specialibus & expressis fuisse facturum; Qualia tamen non proferuntur, sed ejusmodi quæ de cohibendo vindictæ privatæ studio & exercenda in rebus minoris momenti patientiâ injuriarum agunt.

V. Jam in veteri Ecclesiæ historiâ celebrantur Legiones Thebæa & Fulminatrix quique sub Juliano defectore militabant, qui, teste Ambrosio, * dicenti Imperatori, producite aciem pro defensione Reipubl. obediebant, cum autem diceret eis, producite aciem in Christianos; tunc agnoscebant Imperatorem cœli. Ne de Martyribus dicam, quos etiam milites complures antiqua martyrologia memorant & agnoscunt. Quod autem sententiæ Patrum quorundam minus de bello honorificæ extant, illæ hanc causam habent, quod tum difficulter *castris inesse sine periculo* (f) idololatriæ, saltem sua religionis exercitia minus commodè aut prorsus habere non liceret; Etiam verò, quod cum semper in castris omne genus impietatis regnet, viris eximio sanctitatis proposito afflatis, nihil potius, quam procul abesse à profanis videretur.

* Ambros. serm. 87. de offic.

(f) CASTRIS INESSE SINE PERICULO. Arcentur clerici ex doctrinâ Pontificiorum à bello,

sed ex causis nullius momenti: & quâ ratione eadem intervenire possint, vid. Osiandr. L. I. c. 5. ad Grot.

§. 4. Cœteri si prædæ aut stipendii causâ militent, idque pro *sine* habeant, ut nunc plerumque accidit, non etiam ut ceu *medium* stipendia respiciant, militia vitiosa est. I. Cor. IX. Potest autem quis *vitam* suam periculo mortis *exponere*, non quia vitæ suæ est Dominus, sed quod imperio ejus se subjecerit, qui publica auctoritate, ut vitam periclitetur, ei injungere potest: Illud quæritur, si hosti quis se

obligaverit, quod in eum *arma* posthac *gesturus* non sit, an nihilominus in civitatem suam reversus, ab hac, ut pactô conveniat, adigi possit? Dicendum est, integrum ipsi esse, neque civitatem id ab eo posse exigere, nisi in summô constituta fuerit periculo, ad se defendendum; maximè si ipsius quoque salus cum salute civitatis interire possit.

VI. Sequitur *divisio belli*, (g) * quæ in duas abit species: est enim privatum vel publicum, nisi tertium addere velis, quod mixtum appellatur. Publicum est, quod geritur auctoritate ejus qui habet jurisdictionem. Privatum quod est inter eos, qui auctoritate publicâ carent, & quæ hujus sunt generis vulgo *duella* (h) dicuntur. Mixtum quod ab una parte publicum, alterâ privatum est.

* Vid. Grot. lib. 1. cap. 3. quem & vide ad seqq.

(g) **DIVISIO BELLI.** Est Bellum ex communibus *αἰεὶ ἐν* & analogicè dicitur. Inde bellum quoddam *privatum* constituunt, cum in eo, quoad analogicam acceptionem belli, omnia contineantur, quæ in significato illo veniunt; prout nec omnis privata vindicta injusta est. Cœterum quod Majestas non competat partibus, quod exercitus in illâ specie belli non reperiatur, illud non officit: nam hæc belli tantum *publici* sunt. Itaque *proprie* bellum dici potest etiam privatum, licet non usitatè. Est autem *bellum publicum*, quod ab eo geritur, qui potestatem civilem (licet solum *subordinatam* seu per participationem) habet. Datur etiam *mixtum*, ut quod Rex adversus subditos gerit: nam id ex horum parte privatum est, & sæpè etiam justum. Publicum verò iterum *solenne* est vel minus. H. Grotius L. I. c. 3. §. 4. Quod autem ibi Grotius *Magistratum tantum* jus belligerandi habere statuit, illud malè habet: siquidem Auctoritate publicâ Magistratus unicè niti-
tur, si quando armis eum adversus externum aggressorem uti oportet; etiamsi defendere jura sibi commissa aliter non possit: sic enim fundatur totum negotium in consensu Principis virtuali & implicito: *executio* verò *Jurisdictionis* armata in inferiori, non est ordinis supremi sed subalterni, nec aded rectè *bellum* dicitur. Neque etiam Jus Civile Romanum aliud induxit, ut Grotius opinatur; siquidem Majestas populi seu civitatis impro-

prie dicitur, ut *suprà* ostensum est. Quod autem *Status Imperii* jus belligerandi adversus externos obtineant, illud fieri posse illasâ etiam Majestate Romanâ *alibi* evictum est: ubi diximus Jure *Potentatûs* posse Jura Majestatis illa, quæ adversus externos valent, ut sunt Belli, Fœderum, Legationum, &c. *per assimilationem* exerceri ab his, qui in Republicâ quidem sub imperio summô seu Majestate continentur, ipsi tamen *potentiâ* quasi *Regiâ* exteris æquivalent. Quanquam hæc etiam jura non aliter exercere illis conveniat pro *salvâ* semper *fide*, quâ imperio Romano v. c. obstricti sunt. Quid de *bellum intestino* in Republicâ *mixtâ*? Nonnulli verum esse bellum hoc existimant, quia partes utrinque veram habeant, licet non plenam, Majestatem. At verò non qui Majestatem habet, perinde habet Jus belli. Unde rectius dicitur, inter *Optimates*, si aliqui eorum jus tantum belli habeant, civiles solum esse dissensiones. Tunc verò quod bellum mixtum concernit, cives etiam adversus Regem arma capessere possunt, si pactis sibi defensionem reservaverint: quâ ratione non ut subditi, sed ut *exempti* & ex pacti jure bellum gerunt, cum aliàs non possint subditi arma adversus Regem suscipere, quin coetus inde conficiatur rebellium, & manus prædatorum: indeque Grotius L. I. c. 3. §. 1. bellum latius accepit, abstracta sc. ratione Auctoritatis. Est etiam hoc ad Grotium Lib. I. c. 4. §. 1. observandum, quod ille bellum *privati* in Majestate

statem non rectè probet exemplò *Abrahami*. Nam ille fuit *Princeps* independens familiæ suæ numerosæ & ab aliis populis segregatæ, à Deo sc. constitutus. Non etiam rectè probat bellum Regis in privatum exemplò *Isboethi*: nam hic non fuit subditus Davidis, sed *Princeps* populi, quem agnovebant tribus, extrà tribum Judæ, pro capite: *Davidi* etiam nondum competebat Regnum nec competiturum erat nisi sub certo ordine & tempore ad eundem, extinctò scil. Saule, occisò *Isboethò*, & debellatâ parte illâ, quæ Abnerum militiæ Duce præfecerat. Denique non protinus quod bel-

li publici speciem habet, tale etiam existimandum est: nam v. c. *Princeps Imperii* jura sua per vim armatam adversus vicinum, æquè Civem Imperii, defendens tantum naturali defensione utitur, ex jure quod cuilibet etiam privatorum competit; quæ tamen defensio ob potestatem defendentis & apparatus *Belli faciem* consequitur.

(b) *DVELLA*. Definiri potest *Duellum*, quodd sit Pugna singularis deliberatâ ab utrâque parte spontè & ex condicò suscepta, cum periculo occisionis seu mutilationis aut vulneris.

VII. Publicum rursus aut solenne est, quod & justum suo sensu, aut minus solenne. Solenne, quod utrimque ab illis qui summam habent potestatem, ritu jure Gentium necessario geritur. Minus solenne erit, quod vel auctores habet personas, publicas quidem illas, at superiorem habentes, ut Magistratus, vel quod juris Gentium requisitis destituitur.

VIII. At verò Magistratus in externos belli jus gerendi nullo modo habet, quia per hoc tota civitas venit in periculum, ideoque ejus qui præest civitati hac de re judicium solius sit oportet: qua parte peccarunt Cn. Manlius, qui Gallogræcos & Cæsar Julius, qui Germanos injussu populi Romani infestarunt. Excepto casu inopinatæ necessitatis; quo casu præsumptio de voluntate summæ potestatis dubitare non patitur, ne non arma permissa sint. Verum in subjectos, qui Magistratus Imperio sunt præditi, hætenus habent jus armorum, ut partes sibi commissas cum vigore publicæ disciplinæ & coercitione contumacium seu per apparitores sive per milites in hunc finem sibi adtributos exercere valeant. At extraordinariâ manu vel cum exercitu absque speciali mandato nequaquam experiri possint; ne civile bellum oriatur. Sub Magistratibus & superiorem habentibus hic non complectimur eos, qui partem summæ potestatis obtinent; nam hi, quatenus summi sunt, rectè hoc nomine bellum solenne suscipiunt, multò minus inæqualiter foederatos: sed hæc res ex iis, quæ præcedente libro dicta sunt, intelligi debet.

IX. Jam mixtum quodnam sit bellum, ex simplicibus facile colligitur, ejusque variæ sunt species; miscetur enim aut ex solenni & privato

vato vel ex minus solenni privatoque bello. Ex solenni & privato, cum is qui summam habet potestatem contra externos latrones aut prædones, vel suos rebelles expedit arma. An autem subjecti jure adversus Imperantes bello congredi possint ex iis, quæ de tyrannide superius dicta sunt, judicari debet. Ex minus solenni & privato mixtura conflatur, quoties Magistratus pro officii sui executione vim parat in contumaces aut in prædones. Sed publicum utrimque, minus solenne, dari non potest inter pares Magistratus, quia par in parem non habet imperium nec in eadem civitate cogendi facultatem; Verum inter superiores & inferiores pari modo vis locum habere potest, quo inter Magistratus & privatos antea dictum est. Mixtura ex publico solenni & non solenni dupliciter potest supponi, aut cum Magistratus in suam potestatem supremam insurgit, vel cum adversus externos armis contendit. Priorem non posse aliter esse justam, atque si privatus quilibet summo Imperio se opponat, aliàs explicatum est. Posterior ex modò dictis resolvitur, ejus usum existere posse, cum repentina necessitas flagitat, ut Magistratus salutem publicam armis tueatur, aut cum id genus habet mandatum, ex quo ejusmodi potestas colligi possit, quemadmodum Romæ Consules ex SCto viderent, ne quid Reipubl. detrimenti caperet.

X. Hæc de publico mixtoque fatis, bellum merè privatum regulariter illicitum, nec quicquam adeo inimicum est constitutioni civitatis & judiciorum. Unde liquet, non aliter hoc justum fieri, quam ubi ordo civitatis & judicia cessent, quod vel fit extra terminos civitatis aut etiam intrà illos. Extra, si qui versentur in locis à nullo populo vel à tali, qui nullum imperandi parendique ordinem servet, occupatis, ut in solitudine, insulis vacuis, aut *Cannibalum regionibus* (i).

(i) CANNIBALVM REGIONIEVS. Incolæ, qui in Antillis (seu Insulis, quæ Camericanæ dicuntur,) in America Meridionali habitant, *Canni-*

bales dicuntur, i. e. fortes, & sunt *Anthropophagi*, quales etiam sunt incolæ Caribanæ.

XI. In Civitate cessant judicia momentaneè vel continuè. Momentaneè, quoties sine certo discrimine res non fert illam moram, ut expectetur judex, velut in invasione aut fugà debitoris. Continuè cessant

cessant culpâ vel subditorum vel Imperantium. Illorum, cum per seditiones & bella civilia nullus ordo Reipubl. servatur, sed omnia confusa sunt. Imperantium, quando princeps aperte rejecit causæ cognitionem. Princeps, inquam, non iudex, si enim hic læsos & conquerentes audire nolit, neque subditis neque exteris causa belli nascitur; sed uterque ad Principem recurrere debet. Quo adhuc negante justitiam, civis quod ultrâ moliatur, non habet: Etenim nullo modo statuendum est, eum à principe suo rejectum sibimet ipsi jus dicere & ferrum stringere posse: hoc enim *foedere civitatis* (k) omnino prohibitum, & ferenda ejusmodi sine dubio injuria, ut ex principiis libro priore collocatis plus quam manifestum est.

(k) FOEDERE CIVITATIS. Longius hoc peti- tum est, vide quæ de exortu Civitatis *suprà* diximus.

XII. Exteri, à summâ potestate adversarii sui, palam spreti ad suos Imperantes se convertent, quibus, si oppressionem negatamque juris copiam approbaverint, ab illis veniam reprædandi, sive literas *Repressaliorum* (l) impetrare possunt. De quibus jam liquet, ut jure dentur & exercentur, quid requiratur, scil. justitiam à summâ potestate partis ejus quæ læsit esse negatam, postquam sæpius & instanter erat petita. Dein à summa potestate eorum, qui læsi sunt facultatem prædas agendi esse petitam & impetratam. His præsuppositis, nemo dixerit, repressalias juri Gentium esse contrarias. Nam quod vis armata non primis tantum injuriæ actoribus, sed cunctis qui sub eodem imperio sunt, inferatur, hoc eodem fundamento, quo ipsum nititur bellum. Notum enim est è doctrinâ, quam de summâ potestate libro primo habuimus, id quod agit summa potestas, hoc omnes & singulos cives agere videri, nec quenquam de eo non teneri. Proinde cum Princeps id quod jus & fas tulit, facere noluit, universa civitas nec minus singuli hoc luere debent.

(l) REPRESSALIORVM. *Repressalias* necessitas introduxit, utique enim pro peccato & neglectu Civitatis seu Communitatis, quæ connivet Principi, possunt singuli affligi, cum in peccato tantum personali obtineat, ne alius pro alio &c.

Nec ergò vindicemus, nisi necessitas, ob commune bonum id exigat, & tunc summa annuat potestas, atque fiat post denegatam justitiam ab iis, quibus adversarius subiectus est. vid. pl. de *Repressal. in Tract. d. Gravam. extrajud.*

XIII. Superest ad explicationem belli solennis, ut ritum qui
jure

jure Gentium in eo requiritur, paucis explicemus. Est autem ille ritus, Indictio, sive denunciatio, quam *propterea placuit recipi*, (m) ut constaret, non privato ausu sed voluntate utriusque populi aut Imperantium geri bellum. Denique, ut si populus ejusve Imperantes non sint immediatè in culpâ, deliberent, utrum velint suam facere litem, an satisfacere læsis. Hinc alia indictio pura est, alia conditionalis. Pura fit, cum vel alter jam intulit bellum, aut ea deliquit ipse quæ pœnam jure Gentium non dubiè merentur. Conditionalis instituitur, cum subditi alterius deliquerunt, tunc enim ab Imperantibus postulanda satisfactio, ad quam suos cives compellant; aut si tergiversentur, ipsi causam suscipiant. Et hæc est indictio, quæ cum repetitione rerum conjuncta dici solebat Clarigatio, quâ non modo rei nostræ vindicatio aut debiti pecuniarii, sed & criminalis persecutio comprehenditur: unde verba fecialium antiqua *reddi, satisfieri, dedi*, delictorum scilicet fontes. Et quidem pura indictio cum ipsa vi paratâ fieri potest; conditionalis deliberandi tempus largiri debet. Superflua est indictio, in bellis, ut loquimur, defensivis, aut in executione pœnæ propter delictum manifestum. Ritus indicendi cujusque populi & seculi sunt peculiare; ideoque ad hunc non pertinent locum.

(m) PROPTEREA PLACUIT RECIPERE. Ne scil. prius hostiliter agatur, quàm communi quoque illi amicitiz & cognationi, quâ homines junguntur, renunciatum sit. Deinde ut alter se munire possit, non etiam ut admoneatur de satisfaciendo.

Nam hæc admonitio præcedere debet denunciationem belli. Porro non eodem momento quis debet indicare bellum & simul aggredi: nam hoc ipsa perfidia & dolo non caret.

CAPUT XI.

De

Causis Belli.

ARGUMENTVM.

Causa belli suasoria vel iustificata. harum triplices, 1. defensio personarum & rerum. 2. Recuperatio ejus quod nostrum aut nobis debetur. 3. punitio delictorum. De omnibus tenendum, levia transmittenda, ad punitionem pertinere auxilium quod pro innocentibus suscipitur. amorem libertatis, studium propaganda religionis non esse justas belli gerendi causas. Dubia causarum pro injustis habenda. Subditos in bellis injustis non debere Principi operam dare: magis tamen in dubiis.

Hhhh

I. Belli

B*elli causæ* (a) non male vulgò in suasorias & in justificas dividuntur. Suasoriæ sunt, quæ partes impellunt ad Bellum suscipiendum. Justificæ, quæ juris fundamentum armis tribuunt. Hæ aliquando cum suasoriis coincidunt semperque publice præferuntur. Illæ autem, quando à justificis differunt tacite habentur, & dissimulantur. Justificæ tum sunt *προφάσεις*, prætextus, suasoriæ magis *αίτίαι* dicuntur. Ac ita plerumque in omnibus olim hodieque bellis agitur; suasoriæ sunt ferè cupiditates variæ, quibus principes populi que agitantur. Prætextus à justitiæ imitamentis petuntur. Nos de causis verè justificis, hoc est, justis agimus, quæ non male ad tres referuntur, ad *Defensionem*, (b) *Recuperationem* & *punitionem*.

(a) **BELLI CAUSÆ.** Differunt causa belli *impulsiva* & *occasio*. *Impulsiva* iterum *externa* est vel *interna*. *Ista* est *justifica* vel *suasoria*. *Justifica* vel vera est vel apparens. In universam *justifica* causa est *injuria* facta, non facta: *illa* reparanda, *hæc* coercenda.

(b) **DEFENSIONEM.** Omne quidem bellum defensivum est *habitualiter*, quando illatum damnum alter non vult compensare aut honorem detractum restituere. Aliàs vel *defensivum* bellum est vel *invasivum*.

II. *Defensio* est juris Naturæ, quâ vim vi non privatis modo, sed & populis *repellere licet*, (c) idque ita, ut nec indictione sit opus. Enimverò de tuitione corporis ad vitæ vel *pudicitiae custodiam* (d) nihil dubitatur. Sed de minoribus injuriis aut damnis avertendis quæritur, an licitum sit hominem occidere. Equidem si justitiæ explettricis rationem simpliciter consideremus, nemo vel tantillum injuriæ pati cogitur; Sed Lex caritatis maximè Evangelica dictat potius ad leviora connivendum, quam ultionem quærendam, ne dum sanguinem humanum effundendum, ut de *alapâ* (e) & de tunica Christus respondit. Sane inter privatos & maximè in civitate, ubi judiciis locus, illud ipsum præcisè observandum, ne *ob res ereptas* (f) vel eripiendas cædes committatur, nisi tales sint res à quibus nostra vel nostrorum vita dependeat. Forte autem inter populos diversos circa res majoris momenti ratio non parum diversa consistit. Nam si potestatibus supremis non liceret raptores suarum rerum quantivis pretii occidere, palam est, actum fore de salute populorum.

(c) **REPELLERE LICET.** *Quin & tertius* interveniens tenetur innocentem ab aggressore in vitæ

vitz periculum indeclinabile conjectum liberare, si ipse sit extra vitæ periculum. Est vero licita *privata Defensio*, quia omnia etiam *animantia* semet tueri videmus. Tum & *Lege divinâ* furem nocturnum licet occidere *corporis tuendi*, quidni vitæ servandæ causâ. *Exod. XXII.* Et iaditus homini *appetitus irascibilis*, cui frustraneus esset, si non propulsare noxia possemus. Denique privati ad privatum eadem, quæ *Reipublicæ* ad *Rempublicam* est proportio. Quin imò illa, quæ *moderamen inculpatae tutelæ* habet, *necessaria est & præcepti*, in casu indeclinabili, etiam cum internecione aggressoris. Est verò *moderamen inculpatae tutelæ* actus mixtus, quo quis occisione alterius, à quo corpus ipsius injuriâ præsentē, cum periculo vitæ, non aliter vitabili impetitur, eò ipsò temporis puncto, quo impetitur, se defendit, unicè eâ intentione, ut vitam conservet: (quanquam hæc definitio potior rem tantum speciem describat:) Quod si enim proximum eripere teneamur vitæ periculo, multò magis nos ipsos, nam is est *ordo charitatis*, & si alium occidere prohibitum est, præceptum erit utique, ne nos ipsi occidi patiamur, aliosque pariter ac nosmet reos faciamus sanguinis. Nec tamen fieri debet occisio illa intentionaliter & per viam aggressionis ac præventionis, ut *directè* mortem alterius intendam; sed ut animus occidentis primò intentus sit in defensionem sui, & si vulneratione possit repelli aggressor, non ultrà progressus fiat: atque ut *medium* impeditivum homicidii fiat læsio. Nam ita non modò impunitatem habet, sed imò *obligationem* ex ordine charitatis & quòd naturæ jus conservationem nostri nobis injunxerit per licita *media*. Hinc etiam *Pufendorffii* doctrina *Lib. III. d. J. N. & G. c. 5. §. 13.* meritò rejicitur, quòd *fugere* non teneat in statu naturali, si vel maxime fugere possim commodè, secus atque in civili statu. Quid tamen si me *furiosus* invadat? etiam hunc interficere possum defendendî mei causâ, ut & illum, qui me hostem suum esse putabat, per internecionem ejus, si aliter fieri nequeat, *amoliri* possum. Est enim vis illa *injusta*, & talis esse censetur non unicè ex principio agentis sed etiam *subjecti patientis*: nec iste jus ullum me invadendi habet, & ego mihi meritò sum maximi. Quod vero *Rex invasor* non debeat occidi, ejus ratio non ex eo pendet, ut *Grotius* vult *II. c. 1. §. 9.* quoniam utilis hæc persona sit multis,

aut ex debito charitatis. Nam prout malè passim *H. Grotius* *Legem charitatis cum justitia* committit: ita ratio ab utilitate petita non est adæquata, (licet etiam *Pufendorffius* *Lib. II. c. 5. §. 2.* in genere putet, non posse me alterum defendendî mei gratia occidere, quando vita ipsius multis est utilis & tamen & ipse conjecturam utilitatis incertam & ambiguum esse §. 14. *ibid.* largitur: & si eò præcisè attendi debeat, inde secuturum, ait, ut nunquam coelebs aut orbus proletarium sui aggressorem defendendo occidere posse videatur. Neque enim per commodum aliorum obligatio mea evertitur, à summo incommodo memet liberandi, & præterea spes de futuris beneficiis valde maleficiò præsentî imminuitur: quin potius speciale *Dei præceptum* quoad Principes præponderat, de non resistendo ei, qui soli Deo subest: prout omninò ex interitu seu interemptione ejus gravia sæpè & funesta bella civilia exoriri possunt. Utique in casu Martyrii in & pro causa Dei potius succumbendum est, atque subditis non alia quàm patientiæ gloria relicta est. Posthæc magnâ contentione quæstio illa volvitur: An Christianus, qui se in *statu gratiæ* ac via salutis esse novit, invasorem *injustum*, defendendò se, occidere potius, an mortem ab eo sibi inferri pati debeat? Equidem ambigüe dicitur, quòd Christiano invaso *certa spes salutis* affulgere possit. Nam id vel in *sensu composito* intelligitur, nempe Christiano si patiatu se tunc occidi, spem certam affulgere salutis; vel in *sensu diviso*, quòd ei aliàs & quia se in statu gratiæ esse novit, prævisâ tamen morte spontè subeunda spes salutis certa affulgeat. *Priori* sensu Christiano spem salutis certam competere nondum probatum est. Quid enim si in eo statu Christianus persuasus sit, sibi non licere vitam profundere, quam servare potest, adedque se contrâ conscientiam acturum, si nihilominus vitam amittat: nonne enim hoc ipsò *spes salutis* in eo, qui in actu contrâ conscientiam moriturus est, decrescet, dubia reddetur aut expirabit? *Posteriori* sensu vacillat consequentia. Non enim licet argumentari: Si Christiano antequam decernat mortem subire, quam licitè potest evitare, spes certa salutis affulget, sequitur ei etiam sub conditione subeundi mortem hanc spem salutis pristinam manere illibatam, & vitæ jacturam, quasi viam certam & brevem pertingendi ad salutem hoc ipso maxime

optabilem esse. Nec *obstat*, quod fortassis impossibile sit homo Christianus desciscere à fide. Nam licet non sit *absoluta* spes illa salutis futuræ, tamen in hypothesi certa est & tanta, ut quemadmodum Christianus planè certus est, Deum à sua parte nil intermissurum, ut in salutis via constitutus ad eam re ipsâ pertingat, & propter firmum animi propositum non peccandi contra conscientiam & quotidianarum precum exercitium, moralem habet jam certitudinem de se in statu gratiæ conservando: ita non opus habet Christianus, ut ex metu, ne aliquando præparatus inveniatur, mortem aliàs evitabilem anticipando subeat. Quicquid tamen sit, sanè *naturalis instinctus*, qui relictus est & *Legis vim* habet, quodque enormitas non offenditur, jubet ut quis semet ab intereptione liberet: ut Legi naturæ repugnat is, qui hoc modo parit vitæ alterius & vitam suam profundit; cum saltem controversum sit contrarium. Neque etiam minor debet esse dilectio nostri quàm proximi, & violaretur aliter ordo charitatis: quid quod etiam Reipublicæ civis subducatur probus & sceleratus relinquatur. Utcunque enim exitio æterno proximum eripere teneamur idque cum jactura rerum, quæ comparari cum illo non possunt, ut est vita temporalis. Tum & invasus idem sibi cupiat fieri, si in statu æternæ damnationis positus alium gratiæ certum aggredieretur: pro temporali commodo nonnunquam vitam profundamus, multoque magis ergo ex æternâ damnatione proximum eripere teneamur: cum quæ de necessariâ defensione cum intereptione aggressoris adferuntur, ad hanc hypothesin, ubi etiam simul de æternâ vitâ aggressoris agitur, nil inferat. Unde etiam Pufendorf. *Lib. II. c. 5. §. 2.* asserit, invasum bonâ conscientia mortem subire & pati posse, si alterum æternum periturum sciat; & ipsum invasum perire aliorum non intersit. Tamen hoc saltem verum est, quicquid nobis ab aliis præstari rationaliter cupimus, illud aliis si opus sit, quod minùs præstemus, nos refugere non debere. Videlicet homo quidem velle potest salutem æternam sibi promoveri, sed non potest velle, sibi in peccato mortali constituto non infligi promeritam pœnam, ad qualemcunque spem salutis conservandam: aliàs Magistratus peccatorem, de cujus salute nondum certus esse potest, cum nondum seriam ostendat pœnitentiam, non posset ipsum supplicio perimere:

adeoque nec invasor potest velle, ut alter patiatur se occidi: cum suâ culpâ è statu gratiæ ejiciatur, non invasus, & suâ ergo culpâ non alienâ pereat: ceu nostrò etiam concursu ad æternam salutem non indiget, cum ab aggressionem cessare posset. Nec bonum vitæ temporalis exiguum est, sed irreparabile. Accedit quod tunc demum debeamus pati jacturam boni minoris, quando spes non adeò dubia est auxilii efficacis, quando jactura illa non simul etiam cedat in damnum fortè etiam ingens aliorum, quando malum solum triste sustinendum est, & non simul malum morale conjungatur, prout est peccatum ad propriam mortem concurrere. Neque vero morali judicio æstimandum est illud malum, in quod se invasor conjicit, & unde per semetipsum immunis esse poterat: & conjungitur hætenus cum defensione illâ per accidens & vitiò ipsius invasoris, exitium æternæ salutis ab invaso mediis legitimis seu judicariis non avertibile: quidni etiam posset invasor postmodum fieri audacior, ut fortassis unum alterumve temporali vitâ, & si pœnitentiam agere potuisset, æternâ privaret. Ab *exemplis Gentilium* argumentum duci non potest, quippe qui vanâ gloriâ ducti sunt. Deinde aliud est vitam impendere salutem Reipublicæ & amicorum: & vitam his conservandam pro injusto aggressore, & sine spe certiore salutis ejus profundere. Neque tamen dici debet, damnari illos omnes, qui in illum statum deducti malunt interfici ab invasore, quàm occidere. Licet enim Christianus reverà ad oppositum obstrictus sit, fieri tamen potest, ut ille argumenta probatæ sententiæ non possit assequi, aut persuasus sit, vi dilectionis fraternæ se proximo in æternum exitium lapsuro parere; adeoque pati malit, quàm occidere. Et ejusmodi homini, etsi ignorantia quâdam laboranti, quia tamen non nisi benigno charitatis affectu, indeque non excusâ fide mortem subit, non eudimus hanc patientiam ad culpam imputatam iri, ut Deus vitâ æternâ eum excludat, sed potiùs, quod affectui charitatis adhæret *ἔνοχον*, remissurus ei & propitius homini futurus sit.

Jam ad alia quoque transeundum est, quæ ad *Defensionem necessariam* pertinent: de quibus licet in tractatione *Lib. I.* commodior dicendi locus fuerit, tamen cum hic occasione belli defensivi nonnulla de privata singulorum *defensione* moneri necessum fuerit, atque bellica defensio non minùs

ex naturali jure pendeat, ut ad eam plura defensionis privatæ applicari possint: inde præcipua quædam illius Defensionis expendemus. Et quidem eleganter quæritur. An obterere seu necare liceat *intermedium innocentem*, si aliter mortem evadere concessum non sit. *Negandum* est licet communiter diversum innuat, qui jus necessitatis extollunt; ut *superius* traditum est. Nam debeo proximum diligere sicut me ipsum, & ille innocens est, qui nullò suo vitiò aut intentione me impedit aut in vitæ periculum conjicit, estque in vitæ iustâ possessione, quam adimere ei, sine culpâ ejus, non debeo, sed casum Deo commendare. Nec *obstat*, me ita salutem alterius meæ saluti præferre: Utique innocentis. Non etiam quod pacto est non obliget: Neque enim hoc necessarium est, ac mortem non pro illo, sed *pro illo* subeo. Non, quod adnatantem in naufragio à tabulâ quam teneo arcere possim. Quidni cum sim in possessione, & ille jus tabulæ non habeat. Denique non obstat, quod innocens tradi possit, ut civitas servetur. Imò ut servetur Civitas, civis pro eâ tradi, sed non occidi, possit: Dissimilia omnia! Hinc etiam *Scharrokus c. 3. d. officiis secundum Jus N. n. 11.* autumat, si duo in eo ponantur statu, ut physica sit de morte alterius eorum certitudo, velut si in angusto & præcipiti stadio totò impetu currentes alter alteri obveniat, nec stadium utrumque ferre possit, nec retrò detur alteri cursus, quod damnum non dare, sed accipere quis potius, debeat, cum alter innocens sit, cui parcere debeamus. Quod si tamen interficiam obstantem mihi, dum fugere aliter non possum, ordinaria pœna in me locum non habet, quia non intentio extorsit necesse, sed necessitas. Porro Qu. An ad liberandam à morte *fœminam prægnantem* liceat fœtum in utero jacentem expellere & occidere? Videri posset, quia homicidium solum est materialiter, quoniam intentio Medici non tam ad necem infantis directa est, quàm ut mater conservaretur: & præterea partem licet abscindere ut totum servari queat. At verò non habent parentes *jus vitæ & necis* in liberos, licet nondum natos: & formaliter quoque rationem habet homicidii, licet indirectè intendatur, occisio fœtus animati. Melius est, perire matrem quam peccare: ut etiam *Osiander censet Part. II. Theol. Conscient. p. 1259.* & ante ipsum *Dannhauserus* supra citatus, cum aliis. Pars integrans ma-

tris non est ille fœtus, sed tanquam peculiare suppositum statui, quem Divina providentia constituit, servandum est. Debet, postquam mulier prægnans facta est, non sui tantum sed & fœtus habere rationem, & patienter ergo ferat casum divinitus immissum.

(d) *PUDICITIÆ CUSTODIAM.* Imò de hoc utique dubitatur: Verius enim est, contra quàm *Auctor* sentit, ob pudicitiam conservandam occidere aggressorem non licere. Est enim potissima pudicitæ pars intrâ animum, quò virgo manere potest. Neque vero pro honore & exstimatione quem interficere fas habetur, aut privare quem vitâ hâc & sæpè alterâ: nec virgo peccat, quæ vim patitur, sed peccat saltim dubiâ conscientia, quò hominem occidit. Non *obstat* vitâ æquè charam esse pudicitiam. Nam idem ad hoc, quod in fama, respondetur; videl. illud non procedere simpliciter, sed solum quantum ad defensionem, quæ aliàs per se licita est, & quoad conservationem ejus moraliter possibilem seu tuitionem, per exclusionem proprii consensus aut concursus in illius jacturam. Non etiam *obstat*, quod jactura hæc sit irreparabilis. Nec enim sequitur pro quocunque bono irreparabili hominem licere occidere. Interim fœmina gravi periculo exposita, cum & in culpam consensisse videri posset, veniâ digna est, vel saltim remissione arbitrariâ, quoad modum quem in defensione excesserit. Posse etiam Civitates, quæ capitis pœnam in violentos stupratores constituere potuerunt, permittere singulis honestis fœminis, vel cum eadè tueri, quod semel creptum restitui nequit, pudicitiam: Et non tantum ap. *Hebræos*, sed & *Græcos* id impune fuisse, notat *Pufendorffius d. L. II. c. 5. §. 2.* ut adeò *Tx. in c. 1. Caus. XXXII. quest. 5.* attendendus non sit.

(e) *DE ALAPA.* Etiam hic emendandus est *Auctor*. Nec enim Alapa idè ferenda est, quia est levis injuria. (*Matth. V.*) Nam & atrox est aliquando, & in *gravioribus* etiam Christus vult, ut malo non resistamus. *Comparete* sc. accipiendum est, quod ait, ut poti' s perferamus, & alteram quoque maxillam præbeamus, quàm vindicemus *privatam* vindictâ. Nimirum non pecco priori modò, pecco autem si vindicem: Neque tamen de exhibitione operis etiam illud accipi debet, si quidem nec injuriæ declinatio, nec defensio sui, nec au-

Hhhh 3

xilij

xilli imploratio vetatur, cum & Christus contra injuriam egerit. *Job. XVIII. v. 23.* Sed de præparatione cordis, quâ sc. animus adeo debet esse liber ab affectu vindictæ, ut potius paratus esse debeat novam ferre injuriam, si averti non possit, quam veterem ulcisci. Incautus etiam est Auctor, quando *Grotii* distinctionem inter *Legem veterem & Evangelicam* denuò repetit: neque enim *Lex charitatis* aliter nova est, quam quatenus in eam transiit tota vetus Legislatio & transfusa quoque in eam nunc sunt *Leges ceremoniales*, quodque Christus *Legem illam charitatis renovavit* suoque confirmaverit *exemplò*. Bene tamen est, quod de cætero *Hugonem Grotium* non probet Auctor, quando iste in *Lib. II. d. J. B. & P. c. 1. §. 10.* tradit, in statu naturali videri eum, qui alapam mihi impingit, dare mihi libertatem adversus ipsum *in infinitum*: cui *Pufendorff. d. L. II. c. 5. §. 12.* adstipulatur, eò quod semel ille pacem ruperit, idèque majores injurias me qualiterc. impedire posse, licet nondum vitam meam directè impetierit, sed plagis tantum me onerare velit aut membro aliquò non vitali me mutilare. Neque enim mala, quæ per modum belli inferuntur, ad simplicem æqualitatem redigi posse: quapropter etiam periculum alapæ accipiendæ posse me cum cæde intentantis arcere iidem sentiunt. Sed hoc nemo facillè approbaverit, estque falsum omninò, tantum æqualitatem inter offensionem & defensionem esse debere in statu post Civitates constitutas. Nam & jus ~~morsu~~ in omnibus servari æqualitatem præcipit, nec absque hac cuique suum tribuetur. Redderentur etiam homines infociabiles, si ob injuriam quamlibet necare hominem liceret. Nec obstat, quod si tantum illud quod æquum est, possim restituere, semper alter me invasurus sit, quia ita nil perderet, adeoque modestum semper videri miserum esse oportere: nam possum efficere, ut in posterum me vellicare non possit, nisi se in periculum majas conjicere vellet, imò parare socios, & in civitatem ire debemus. Itaque *gradus* servandi sunt & semovenda iniquitas, quæ ex infinitate procedit. Nemo occidendus propterea, quod molestias adversus me iteraturus esse videatur; nec de eo quod retribuitur sermo est, cum constet utique inter homines ea, quæ per vim peraguntur & in modum belli fiunt, ad justam æqualitatem exigi non posse: nam hoc facti est; de eo autem, quoc. *Naturæ jus* exigit, disquiri-

mas: cui ut & auctori ejus Deo & societati humanæ adversum est, si omnium vita ob leves injurias periculo obnoxia foret. In civitate honor seu existimatio facillè reparari potest, nec adeò indignum videri ait ipse *Pufendorff d. l.* si quis alapam cum resistantia accipiat: unde nec reperiendo ulcisci licet, quamvis Nobilis vel Miles fuerit, neque etiam alapam impactam recuperare honorem ab inferente, sed ab aliis, qui nubem honoris pro honore habent; etenim verus honor alapam non auferitur & honor exhibitivus vindictam propriam, per æstimationem internam, restitui non potest, sed is legitimis & in civitate propositis remediis recuperari, non ultione privata repeti debet. Interim si quis alapam passus alium interfecerit, extra ordinem punitur. *Carpzov. II. qu. cr. 30. n. 19. seqq.* Sed & gladium obversum si incurrat, alapam mihi inflicurus, sibi imputet. Sic & prostratus si occidi plagis possit, pugione aut gladio vel cultello etiam se eripere potest, vid. tamen *Harpprecht. ad §. 5. Inst. d. Publ. Jud. n. 146. ubi & n. 171. seqq.* ea quæ de militibus, Nobilibus &c. diximus, (ut tamen ea, quæ ad Ord. Crim. superius admonita sunt, agendi velimus,) & ipse confirmat. Quod verò à me occidi possit is, qui mihi *mutilationem membri* intentat, illud itidem malè asseritur, neque enim id licet, quoadusque aliter possim evadere: imò si evadere nequeam, non tam occisioni æquitatem conciliat, quod damnum grave sit, quam quod incertum sit, annon mutilatio periculum mortis secum trahat, & ex hinc patientiam ejusmodi cuiquam injungere sit contra humanam constantiam. Sunt etiam nimii, qui putant, in casu *insidiarum* etiam, per falsas accusationes, & imò etiam ratione honorum licere prævenire, & è medio tollere *insidiantes*. Nam moralitas licitæ defensionis consistit in puncto, cum quadam latitudine, usque dum alius evadendi modus non affulgeat: sed in privatis quam maximè *consilia evadendi* mora si quæ fuerit, suppeditare potest, ac voluntas hominis mutabilis est & interna, in qua ne quidem iudex pœnam imponere posset, quam quis cogitationem eam profiteretur. Quid quod Deus providere queat, & scandalo plenum sit, perimi hominem, qui nondum de malitia convictus fuerat. Illud facillè constat, quod *retorsio injuriarum* admittenda sit, (utut *Rennemannus & nuper nonnemo* adversus *Strupium de Vind. priv.* aliter

aliter senserint,) quando criminatio alterius in nos conjecta certa est & *injusta*, atque retorsio à nobis non injuriandi sed purgandi nostri causa fiat, item *in continenti*, loco competente, nec nova inferatur injuria, verum eadem quæ illata est retorqueatur, neque etiam suscipiatur retorsio, nisi ex gravi causa et si cum primis fama personæ nostræ ratione officii publici in periculum venerit, nec alia via commodior tuendi existimationem nostram appareat: quæ quidem in Civitate, uti ad suppressendos injuriarum processus remedium retorsionis *Lege publica* probatum est, nullum fortiri potest dubium; quippe quod eo ipso nil *privata* vindictæ contineat.

(f) OB RES EREPTAS. Equidem *Pufendorfius Lib. II. c. 5. §. 16.* putat, in statu naturali pro defensione rerum mearum posse me invadentem occidere; sed in Civitate secus esse. Verius tamen est, non posse me furem vel raptorem rerum mearum interficere, quæ *talis est*; nam quæ periculum vitæ simul intentat, licet in id me adducam, tamen quia in re licita versor, defensione scilicet rerum mearum, hinc *gradibus* & modò inculpatæ tutelæ, ad interfectionem usque ad-

versus ipsum procedere, atque eum perimere possum, qui ut res mihi eripiat, corpori meo vim inferre nititur. Aliàs etiam bona vitæ meæ postpono, quidni & proximi, ne ipsum temporali & æternâ vitâ privem, quod posterius quamvis ex accidente sit, tamen non est nisi in casu defendendæ vitæ nostræ permissum. Utique *furtum* quæ tale non potest mihi jus interficiendi dare, ne dicamus id ob rem dari etiam minimam: Licet verò *bella* ineantur rerum gratia, tamen publicæ potestatis diversa est ratio; aliàs etiam occidere liceret pro recuperandis, non tantum pro retinendis, bonis. Vis quoque furis extrema non est, ut in aggressore corporis, nisi etiam sit fur nocturnus & insidiator vitæ. Ubi obiter notandum est, malè *Pufendorffium d. l. §. 17. 18.* in eo rationem, cur nocturnus fur occidi possit, constituere, quoniam à diurno res facilius recuperari potuerit: neque enim tam ad *amissionem rerum*, quam ad *vita* periculum eò casu respicitur. Et caveat homo pius, ut quæcunque aliâ potius ratione furem nocturnum ædibus expellat, quam ut eum interficiat; nisi extrema vitæ defendendæ necessitas à fure afferatur: quò sensu locus in *Exod. XXII. 2.* accipiendus est.

III. Idem judicium de rebus esto recuperandis semper tamen intellecto, levia damna *silentio transmittenda* (g) (sub quibus & repetitionem ejus quod nobis debetur comprehendimus). Plane ab injustis detentoribus sua per vim avocare licet, cui si per vim illi resistent, jam causa puniendi illos iusta nascitur.

(g) SILENTIO TRANSMITTENDA. Præcipue enim si res magni momenti non sit, de jure suo remittendum est; ut & si ad satisfaciendum læsus se offerat, si facile res recuperata amitti possit. Nec tantam Christiani, ut *H. Grot. II. c. 24. §. 1.* innuit, sed omnes ad hoc tenentur, ut casibus illis cedant, ne sceleribus & incommodis mul-

tis per bellum viam aperiant. Ubi notandum, non idèò dici *I. Paralip. XXIII. v. 8.* Davidem Deo templum ædificare non debere, quod *bella* gesserit, sed quia fuit distentus bellicis actionibus, ut peragere Pacis opera non potuerit: gessit enim ille *bella* Domini, & victorias suas ipse deprædicat. *Psal. LX. v. 8. seqq.*

IV. Summis quoque potestatibus competit jus ulciscendi *puniendique* (h) delicta, quorum species pridem complures habuimus.

(h) PUNIENDIQUE DELICTA. De quo tamen vid. quæ *suprà* ad c. de pœnis annotavimus.

V. Et plane hoc *de justis belli causis* (i) quæsitum tam late patet, quam tota boni & æqui disciplina; ideoque hic nihil quam summa capita

capita delibare licet, reliqua aut jam dicta pridem aut aliunde petenda sunt. Hoc obiter tenendum, veras causas è justitiâ explettrice petendas, adtributrix uti *non parit actiones forenses*, (k) ita vix est ut belli causas suppeditare queat.

(i) DE JUSTIS BELLII CAUSIS. Est autem Bellum aliquod *justum* vel in ordine *ad jus naturale*, & vel *negative* quatenus jure naturæ non est prohibitum, vel *affirmative*, quatenus illò jure præceptum est; vel *ad jus voluntarium*, quod effectum habet juris *positivi*. Itaque Bella dantur, quæ diverso respectu *justa* sunt & *injusta*, ut cum re judicatâ in foro Civili accidit. Potest etiam bellum esse *utrinque* formaliter *justum*, i. e. ut uterque practico judicio se putet *justam causam* fore, ut *Israëlitæ* repetentes veterem possessio-

nem terræ Canaan, & *Cananitæ* putantes sibi licere defendere possessiones suas. Sed non potest esse ab utrâque parte seu utrinque naturaliter & à parte rei seu materialiter *justum*: nam inter *justum* & *injustum* non datur medium.

(k) NON PARIT ACTIONES FORENSES. Imò enim ratio hæc non est, sed quia Cives ejusdem Civitatis concernit, inter quos bellum non suscipitur; alias enim *justitia* adtributrix seu distributiva utique *jus perfectum* parit.

VI. Videtur & ad punitionem referri posse causa belli, quod pro auxilio innocentium suscipitur, qui ab aliis, quibus subjecti non sunt, injuria afficiuntur. Imò & pro subjectis alienis licere bellum suscipere, si manifesta sit imperantis injuria, superius approbatum est. De metu quoque alienæ potentiæ diximus antea;

VII. Libertatis amor suasoria causa, *justifica* per se esse non potest. Nec studium *propagandæ religionis*; (l) cujus longe aliam Deus in literis suis rationem præscripsit.

(l) PROPAGANDÆ RELIGIONIS. Neque verò Ecclesiæ jus est in armis ad invadendum populos peregrinos. Christus non fuit Rex temporalis. *Job XVIII.* nec armis sed *verbò* lucrandi animi: nunquam defendi poterit, ob *heresin*, quem capitis supplicio puniri posse. vid. Osiand. ad *Lib. II. Hug. Grot. c. 20. §. 50.* Prima Apostolorum vindicta in *Anania* & aliis solum fuit pro tempore plantandæ Ecclesiæ. Et ne quidem Pontificii extendere audent *indirectam* potestatem in temporalibus, quam dicunt habere *Pontificem*, ad *infideles*, quoniam ad hos ne quidem spiritualis datur *directa*, E. nec *indirecta* temporalis. Et sanè si deli-

cta in Deum commissa bello causam præbere possent, una gens facile damnaret alteram, & adversus invicem gentes universæ exsurgerent. Quid etiam religioni esse potest negotii cum *possessionibus terrarum*, quæ ob hoc cujusque esse non definiunt. *I. Pet. II. v. 13.* Malè etiam *H. Grotius Lib. II. d. J. B. & P. c. 22. §. 10.* statuit, populos qui *rationis* usu aliquo destituuntur, Dominio carere, indeque ab aliis regendos esse. Nam non dantur tales, nec Dominium à ratione pendet, nec si alium lædant, bello petuntur offensivo, sed hoc defensivum erit. Unde rectè ideò §. 12. tradit, qui servilis ingenii sunt, eos non statim armis subigi posse.

VIII. Oportet autem ejusmodi esse causam, de cujus æquitate manifesto constet, eâ certitudine, quæ in moralibus haberi possit. Ideo-

Ideoque si dubium sit, an causa belli sit iusta, non modo tutius sed & rectius, imò & abstinere armis necessarium est. Praestat primo rem colloquiis tentari, dein arbitrio finire; denique forte vel certamine singulari, quod in hoc casu pro licito habendum, quia fundamentum habet idem, quod bellum, & minus est malum. Etiam hi, qui bellis alienis se ministros & instrumenta præbent, causæ, hoc est, conscientiae suæ rationem habere debent. Ne quidem cives principi suo causam habenti injustam, licet imperetur ipsis, opitulari possunt, quia magis hac parte Deo parendum. Quod si de meritis causæ dubitent subditi, videntur posse & debere suos Rectores sequi, non obstante, quod tutius sit, in dubio, abstinere eo, quod periculosius est. Videtur enim vinci ratio hæc, eo quod civibus de actionibus principum suorum optimè sit præsumendum & quamminimùm publicis consiliis intercedendum, Denique certum inobedientiæ peccatum pluris facere par est, quam incertam de iniquitate causæ formidinem. Intellegendum hoc autem de justificis duntaxat. Nam suasoria, quatenus ab illis distinguuntur, vix aliâ quam utilitatis consideratione censentur; cujus interpretatio nihil ad subiectos. Etiam vero cum subditi causam belli improbant nihilominus se suaque adversus vim hostium tueri possunt, quia cum ipsi non deliquerint, peccatum imperantis naturalem defensionis facultatem illis auferre non potest,

CAP. XII.

De Jure Belli.

ARGUMENTVM.

Traduntur aliquot regulæ de jure belli, esse id autem duplex, internum, quod rationibus justitiæ per se consentit, externum, quod usu & consensu gentium vim juris accepit: Inductione specierum id approbatum. Quo jure res hostium capiantur. De jure postliminii tam personarum, quam rerum.

I.

Ut sciamus quid juris belligeranti competat, teneantur hæ regulæ
Prima, Qui justam belli causam habet, huic omnia licent, quæ ad executionem causæ necessaria sunt.*

* HUGO GROTIUS de I. B. et P. lib. III. summatim exposuit Ius belli, ad quem remittendus est B. L.

II. *Secunda*: Cui finis conceditur, huic omnia ad finem necessaria conceduntur. Hinc qui invaditur & in vitæ periculum adductus est, potest id propulsare quovis modo, nec tenetur primum expectare ictum, aut paribus uti armis. Regulam istam non metimur ex belli principio tantum, sed & ex post, facto. Hinc in eum, qui se hosti meo adjungit, idem licet, quod in ipsum hostem.

III. *Tertia*, si finis obtineri nequeat nisi plus faciendo, quam per se finis requireret, hoc perinde licere dicendum. Hinc plus capere ex hoste fas est quam nobis debeat, ut tamen quod abundat, restituantur deductis impensis. Ex eadem regula sequitur, posse etiam prohiberi alios, ne ad hostem ea deferant, ex quibus ad bellum instructior esse possit, idque facientes licere deprædari, modo publicè præmoneantur. Eadem regula dicat, si per vim assequi finem nostrum nequeamus, fas esse fraudibus uti, salva tamen fide & dignitate. Doli qui in actu negativo consistunt sine dubio licent, qui in actu positivo, hi aut in rebus, aut sermone consistunt. Qui in rebus, cum non habeant certam & infallibilem significationem, sunt liciti: Qui in sermone ut mendacia, quibus fides non rumpitur, jure gentium improbari non videntur, jure Divino vix tuta est affirmatio.

IV. Cæterum Jura Belli vel eiusmodi sunt, ut sine labe interna justitiæ, vel ut tantum impune & cum effectu externo exerçantur. Posteriori, modo licet omnibus, qui bellum solenne gerunt, hosti nocere quovis modo, jure an injuria, nihil refert. Quod non ex jure naturæ sed gentium * oritur, idque ideò, quia plerumque pars vtræque justam se habere causam contendit, à cujus rei decisione belli effectus suspendi nequit.

* Iure gentium et iuræ naturæ, quæ reapse distincta non sunt, et quidem iure naturæ et gentium externo de quo diversis lib. III. capitibus fuisse agit laudatus GROTIUS de I. B. et P.

V. Primo igitur licet hosti occidere hostem, omnesque inter hostium fines versantes, quia ab omnibus illis damnum potest metui. Imò etiam scæminas, infantes, supplices, dedititios, nempe, ut dictum, impune, non iure quod vitio careat. Veneno hostem interficere naturaliter licet, jure gentium non æquè. Percussorem immittere, si fides expresse vel tacitè non violetur, vtroque jure (vix tamen dignitate salvâ) licet, alioqui non. Stupra in feminas vel pueros vtroque jure licita censentur.

VI. Post corpora res quoque hostium auferre, abigere, rapere, perdere licet; etiam res sacras & religiosas. Quas res quisque capit, eas facit suas, nempe si nomine proprio capiat. Hinc, quæ actu belli publico capiuntur, fiunt ejus, cujus nomine actus ille instituitur. Sed in actibus privatis, uti sunt excursions, quilibet rem primum arripens dominio ejus potitur, idemque in direptionibus ab Imperatore concessis.

VII. Occupatæ autem res dicuntur mobiles quidem, ubi illuc perlatae fuerint, unde ab hoste difficulter recipi possint. Res immobiles captæ non videntur, nisi munitionibus capientium inclusæ sint, aut capiens plane victor evaserit.

VIII. Res tamen non hostium, licet intra fines eorum repertæ, non fiunt capientium, quia non, ut ab hominibus, damnum ab illis metuitur, idemque de rebus in hostium navibus deprehensis. Sed quæ ab hostibus erepta sunt aliis, ea priores Domini repetere non possunt, quia hostium facta jam erant. Si enim propriæ res hostium non fuerunt, neque solenni bello aliis ereptæ, tunc non fiunt propriæ capientium. Sumptus tamen in rem facti sine dubio repeti possunt.

IX. Nec tantum res, sed etiam personæ, Dominio capientium cedunt, quos enim licet occidere, hos multò magis servare licet ad serviendum. Unde jus vitæ & necis in servos & facultas quidlibet imperandi jure gentium recte exercetur. Servus tamen bellò injusto licet solenni captus fugere salva conscientia non prohibetur. Resistere autem domino inique imperanti haud perinde potest, qua de re dictum *superius*.

X. Quod jus in singulos, idem in universos competit, ut victor eam civitati formam det, quam voluerit, estque hoc imperium in victoris patrimonio. Imò & deleri forma civitatis & membrum alterius fieri potest, seu mutatione politica tantum, seu migratione in diversas terras.

XI. Porrò ad personas & res privatas ab hostibus captas jure gentium obtinet postliminium, quod definitur: Jus ex reditu in
 Iiii 2 fines

fines publicos. Estque duplex, personale & reale. Personale postliminium est, jus quo is, qui captus ab hostibus & eodem bello reversus est, perinde omnia recuperat sua jura, ac sic captus non fuisset, singula verba expendamus. *Captus*; nam transfugæ non habent postliminium nec qui victi armis, hostibus ex pactione se dediderunt. *Ab hoste*; justum enim, id est solenne bellum esse oportet: hinc in latrociniis & civilibus bellis non opus est postliminio. *Eodem Bello*, nam qui pace facta revertitur, non habet postliminium nisi expressum hoc sit. *Reversus*: nec interest; clam vel palam, vi an dolo, reversus, idque in præsidia nostra vel ad populos partium nostrarum. *Omnia sua jura*: tam quæ statum personæ ejus spectabant, quam quæ in dominio & in credito erant. *Ac si captus non fuisset*, ideoque & ea recuperat, quæ si mansisset apud suos, habiturus fuisset.

XII. Reale Postliminium efficit *, ut res ab hostibus captæ iisque iterum ereptæ prioribus Dominis restitui debeant, scil. immobiles. Mobilia enim sunt in præda, nec postliminio recuperantur, nisi quæ res usum in bello habeant, ut tamen ab his arma & vestimenta excipiantur, quia hæc sine dedecore non amittuntur.

* Movetur hic quæstio. Utrum *postliminium* sit juris gentium, an juris civilis Romani? Probe et accurate distinguit HUGO GROTIUS de I. B. et P. lib. III. Cap. 9. quæ in *postliminio* sunt juris gentium, et quæ in eo sunt juris civilis Romani. Sunt autem, qui totam de *postliminii* jure doctrinam ad jus Romanum referunt, et hæc pro stabilienda sententia adferunt. *Postliminium* est ius amissa jura recipiendi l. 19. pr. ff. h. t. Amissio fiebat per legem Corneliam ejusque fictionem l. 22. eodem. Iure gentium nulla fictio legis Cornelie; E. nec ullum *postliminium*. Captivorum bona in patria, jure gentium manent in eorum dominio, et suspenditur interim eorum exercitium. Quod etiam ad jus civitatis extendunt. At enim vero, quum (o) HUBERUS in prælect. ad Tit. ff. de captiv.

et *postlim. reverso* multis et haud spernendis rationibus docuerit; *postliminium* ad ius civitatis publicum pertinere; 2) institutiones illud iuri gentium adscribant; 3) Fictio *iuris postliminii*, a fictione legis Cornelie plane diversa sit, quum hæc ponat, eum, qui ex captivitate redit, *numquam abfuisse*, sed semper in civitate fuisse, illa vero eum, qui captus est ab hostibus, non redit, eo momento, quo captus est, *mortuum esse*, fingit; l. 22. ff. qui testes facere poss. et hinc. si filius, patre, ante reditum mortuo, natus erat, pro spurio habebatur. L. Div. Sever. 23. ff. de Captiv; Denique 4) rationes a GROTIO l. c. allatæ ejusmodi sint, ut dissentientium argumenta infringant ac conuellant, statuimus potius cum GROTIO, *quædam omnino in postliminio esse iuris gentium*.

XIII. Cæterum, quæ supra dicta sunt, de jure occidendi, vastandi, capiendi, & imperio subjiciendi tam justo quam injusto bello, multam recipiunt limitationem ex regulis internæ justitiæ & moritæ prudentiæ: de quibus videndi, qui hæc ex professio tractarunt.

CAPVT

CAPUT XIII.

De Fide Publica, dum bellum geritur & dum finitur.

ARGVMENTVM.

Fidem hostibus quoque servandam, imò & latronibus & tyrannis; non tamen ab eo, qui iniusta vi coactus est, nisi juraverit. De induciis, & quibus rebus illæ violentur, de pactis captivorum. De pace, quomodo explicetur, quomodo rumpatur.

I.

Naturalis obligatio quæ ex fide data oritur, etiam viget inter hostes quia promissio jus tribuit ei à quo acceptatur, nec aliud ad hoc requiritur, quam ut rationis sit capax. Quod adeo verum est, ut nec latronibus nec tyrannis qua talibus fides data infringi possit, nisi remedio juris civilis, quod illos loco pœnæ juris effectui privet. Si quis tamen præsentī metu sit coactus ad fidem dandam, hic non tenetur nisi juraverit, quoniam Deo non obstat metus exceptio.

* *Fides ex mente Ciceronis est dictorum conventionumque constantia et veritas, quæ etiam gentiles hosti servandam esse statuerunt. Sicuti enim pro iustitiæ fundamento habuerunt fidem; ita semper hanc præstiterunt hostibus. Historia huius causæ memoriam actionis heroicæ, quam Pompeius iunior in tuenda hostibus fide præbuit conspiciendam et reliquit posteritati admirandam. Hic enim nimium quantum a præfecto Classis excitatus, ut patris mortem vlcisceretur Augustumque et Antonium interficeret, respondit: Augustum et*

Antonium fide data pacti ineundi venisse, et se malle perdere orbis terrarum regna, quam violare fidem. Digna profecto Heroe responsio admirabilisque fides. Idem laudant Historiarum Conditores ac prædicant de Carolo V. Imperatore, qui nulla re a dato Luthero de libero metu et remeatu fide dimoueri potuit, sed et verbis et re ipsa ostendit, bonam fidem inprimis in Principe reside-re debere. De fide publica etiam hostibus servanda ac concedenda fusc ac præclare egit Hugo Grotius de I. B. et P. Lib. III. Cap. XIX.

II. Hæc de obligatione interna, nam jus externum latrones, quique societati hominum noxii sunt, nullum habere possunt. Pacta quoque summarum potestatum cum subditis eandem habent rationem, jure interno obligant, externo effectui vix possunt, sed hac de re alibi dictum.

III. Imo & perfidis servanda fides, sc. in diversis causis, rupto enim fœdere ab uno, alter manifesto liberatur. Etenim nulla delictorum compensatio datur; sed ex contractu debitum recte hac ratione eliditur.

IV. Ad fidem durante bello pertinent induciæ, per quas intelligitur conventio, ut partes ad tempus bellicis actibus abstineant. Sub quibus non comprehenditur refectio mœnium, conscriptio militum, sed corruptis hostium præfidiis sine vi munitiones eorum occupare pugnat cum induciis, derelicta ejusdem occupare licet. Privatis factis induciæ non rumpuntur, nisi publice approbatis.

V. Pacta captivorum cum hostibus omnino valent, licet postea ignoratæ captivi divitiæ emergant, licet eas penes se habuerit, quia non facit suum capiens, nisi quod apprehendit. Dimissus sub conditione redeundi captivus, ni faciat quod convenit, redire debet, etsi per ipsum non steterit, quo minus faceret.

VI. Pacta ducum non obligant eos, qui summam habent potestatem, nisi de his rebus, quæ ducibus commissæ intelliguntur, quas inter sunt induciæ, aut nisi ratum habuerint. Quodsi dux aut legatus mandatum excesserit, quod arcanum fuit, nihilominus summa potestas obligatur; si manifestus sit excessus, dux ipse duntaxat obligatur. Is qui colloquium facit cum hoste, tacito pacto eatenus de non offendendo obligari intelligitur.

VII. Conventio, qua bellum finitur pax est, quam solus inire potest, qui summam habet potestatem; ducum pacta sunt sponsiones, de quibus supra. Inter conditiones pacis bona subditorum posse alienari ex dominio eminente sequitur, at cum onere damnum sarcienti. De damnis bello datis si nihil convenerit, compensatio ab utraque parte intelligitur, sed quæ privati ante bellum invicem debebant, suo loco manere intelligitur. Imo & hæreditates, quæ flagrante bello jure intestati obvenierunt hostibus, jure gentium hodierno, ubi bellum fuerit finitum peti possunt, quanquam de simplici rigore juris disputari poterat. Delicta, quibus populi unius cives erant obstricti, civibus populi cum quo bellum fuit, remissa intelliguntur, ne qua belli causa post pacem relinquatur. Si dubitetur de interpretatione pacis, pronunciandum est adversus eum, qui legem clarius dicere potuit.

VIII. Rumpitur pax, cum quid adversus pacta conventa committitur, quanquam nova belli causa pace integra etiamnum, hoc est, non violatâ, præberi potest. Facto subditorum rumpitur pax, si summa potestas id sciverit, punire tamen noluerit. Ejusmodi factum est, cum subditi illius, quo cum pacem habemus, hostibus militant nostris. Viceversa, non modo si respublica nostra, sed & cives nostri lædantur, idque non vindicetur publice, ab altera parte rupta pax intelligitur, nisi rem vindicare nequeat, ut si piratæ aut latrones sint. Rupta autem dicitur in favorem ejus, qui est læsus, quo acquiescente pax sustinetur.

IX. Solet confirmari pax obsidibus, quos violata pace jure externo licet occidere, jure interno non nisi ob culpam ipsorum. Fugere obsidi modo fidem non dedit licet; populus tamen, qui dedit eos redhibere tenetur.

CAP. XIV.

Quomodo civitates & imperia finiantur.

ARGVMENTVM.

Modi finiendæ civitatis ad duos reducuntur, primus, cum ipso multitudo extinguitur; alter cum unio civitatis tollitur, prius inundatione, terræ motu, bellis fieri; alterum dissipatione hominum, vel omni ordine summæ & inferiorum potestatum sublato, non tamen mutatione loci nec formæ reipubl. nec consolidatione plurium civitatum in unam, denique nec improbitate & injustitia.

I.

Quæ post hæc de conservanda augendaque Civitate dici poterant, ea ad politicam magis spectant. Ut omnia orta intereunt, ita quoque civitas & Respublica. Nam quod hæc immortalis vulgo dicitur, comparate intelligendum, quatenus singulorum motibus plurium Imperia non intereunt.

II. Sed extinguitur civitas, vel ipsa multitudine extincta, vel ejus unione sublata. Multitudo perire potest inundatione, terræ motu, bellis. Unio tollitur sublato omni imperio & communitate
juris

juris. Quod (I) Et dissipatione hominum, peste, seditione, bellis. 2) servitute publica, si tollantur omnes magistratus & senatus, ut olim Capuæ factum à Romanis, imo integri populi in provinciæ formam ab iisdem redacti.

III. Sed mutatio loci non extinguit Civitatem, si maneat ordo aliquis imperii, ut cum Athenienses, bello Medico urbe deserta, naves conscenderunt.

IV. Forma quoque imperii mutata, neque civitas neque respublica periisse censetur; semper enim populus Romanus idem mansit, sub regno, consulatu & Cæsaribus.

V. Unio quoque plurium populorum non extinguit civitates, sed conjungit diversas: hinc intelligitur, populum Romanum eundem hodie esse, qui olim fuit. Et proinde ad eundem populum pertinere jura Veterum Romanorum, nisi quatenus præscriptione aliisque juris gentium modis amissa fuerint.

VI. Denique nec justitia deficiente Civitas nomen suum & jus communis perdit, quamdiu juncta manet societas, juris licet minus perfecte fruendi causa, quanquam secus olim Cicero arbitratus videtur, adeo ut ne barbari quidem Algerienses & Tunetani civitates esse negandi sint.

F I N I S.



INDEX



INDEX R E R V M

in quo

Numeri Paginas, Litterae vero Commentarios denotant.

Abdicatio imperii 112. num licita 374. principis locum non habet in successione lineali 309. k. quomodo ab exheredatione differat? 310.

Abolitio delictorum ac poenarum. 555. etc.

Abortus eius crimen ac poena 562. et m. 563.

Academiae unde dictae 446. earum ius maiestaticum 192. et f. facultates quales ius habeant 445. h. dignitas 446. et iurisdictio ib. et 447. penes quos sit ib. merum imperium quando et quale iis competat. ib. et i.

Acquisitio eius varii modi origin. dt deriuat. 481. g 482. 483.

Administratio ciuitatis, eius partitio *Grotiana* 515. simplicem et historicam praefert A. quae est l. interna vel externa ib.

Adoptio quid? 369. et l. eius diuersi ritus ib.

Adpellatio quid? 539. an tolli queat ib. et r. quomodo ab ea differat relatio. ib. et 540.

Aequitas naturalis datur. 29. n.

Aggratiatio 463. m. eius ius quatenus et in quantum Principi competat? 176. d. 187. g.

Albertus 270. i.

Ambitus vide crimen.

Arcanum reipublicae quid? 184. 185. a.

Agricola est antiquissimus innocentissimus et vtilissimus ciuis 434. maxime olim honoratus ib.

Alluio 488. 489.

Alueus exsiccat ad quem pertineat? 488.

Angariae quid? 203. et m.

Anima eius immortalitas an ex ratione demonstrari possit i. 2. a. facultates emendare ac conseruare tenemur 22. a.

Appennagium 294. f. quid. 297. et i.

Aristocratia eius origo 110. vis imperii 114. temporaria an detur 135. 136. p. plebi onerosa 147. cautiones pro ea tuenda 147. d. eius praerogatiua 264. definitio 316. 317. diuisio in successoriam et electiuam 317. vtriusque definitio electio duplex 318. quomodo ex ea fiat democratia 319. quid optimates in ea valeant? 320. 321.

Aristocratia annua eius ius quid. 322. et in quo consistat? 323-326.

Aristocratia patrimonialis quid. 327. 328. eius origo. ib. ius maiestaticum. ib. testamento et inter viuos transferri potest 328. inseparabile a praediis ib. et 330. quorum Domini reipublicae formam mutandi, et in

Principem ordiue successionis aut electionis transferendi ius habent, patrimonium aut territorii partem alienandi ipsis sed non eorum legatis competit. 329. et f eius imperium patrimoniale sed non despoticum 329. huius vsus sed non proprietas ad tempus transferri potest 330. eius enormitatem emendandi ratio diuersis respectibus. 331. ab ea excluduntur haeretici improbiores et infames 331. 333. in ea ius maioris partis obtinet quod explicatur 332. 333. Arma eorum potestas a Iute Belli differt. 178. o. ius quod dicatur 211. p.

Arrogatio quid? 369. l. ab adoptione distincta ib.

Asyla sunt licita 64. l. eorum constitutio et iusta vsurpatio 177.

Atheismus theoreticus 23. a. practicus ib. l. subtilis l. crassus. ib.

Atheus an detur theoreticus. 23. a.

Audientia Episcopalis 465. t. consistorialis ib. et u et 466.

Augustana confessio eius de immediata imperiorum causa examinatur et explicatur placitum 82. d.

Autociria I. N. prohibita. 21. a.

Auulsio de parte quae per eam aufertur. 489.

Axioma Tantum Dux. quantum imperator in suo imperio examinatur. 208. etc. et explicatur.

Beatitudo ciuitatis maxima vid. ciuitas.

Belgium foederatum. 141. f.

Belgae contra Hispanos libertatis possessione se melius, quam priuilegio tuentur. 168. et u.

Bellum eius status 178. origo. ib. ius ad totam ciuitatem pertinet. 78. in imperio Romano apud quos resideat? ib. m. definitio 601. et a. an licitum I. N. vtroque diuino affirmatur et probatur 601. 602. 603. et d. e. 604. et f 605. eius diuisio in priuatum, publicum et mixtum 605. et g. def. ib. publicum diuiditur in solemne et minus solemne quod vtrumque def. 606. mixtum l. ratione personarum vel ratione indictionis ib. et 607. priuatum seu duellum quando licitum ib. et 608. de eius interdictione et repressal. ib. et l. 609. causae vel suasoriae vel iustiticae def. 610. a. et sunt defensio, recuperatio et punitio. de defensione personarum et rerum agitur 610-615. de recuperatione 615. de punitioe ib. 616. et i. k. causae suasoriae sunt libertatis amor, studium propagandae religionis 616. causae si dubiae pro iniusto illud habendum 617. in dubio subditi Principi adesse tenentur, sed in iniusto minime 617. vis causa

Kkkk

- caussa imperii 80. b. populare maius turbarum plenum 110. eius natura seu essentia 111.
- Bohemiae* Rex potestatem absolute summam non habet. 145. n.
- Bona* eorum publicatio ad fiscum ditandum an licita? 569. cum poena mortis coniuncta an conueniat? ib. in Germania quibusdam locis usurpata 569. 570. a. Ecclesiastica in vfus reipublicae conuerti non possunt 239. f. sed alienari.
- Brutum* quomodo interfici possit sine peccato. 22. a. eius imitamenta 53. g. cognitio ib. non est capax I. N. 54. g. nec societatis 79. n.
- Caesar* I. num iure interfectus? 352.
- Capitulatio* caesarea commissi clausulam non habet. 138. n.
- Capti* quo sensu I. R. a populo nobis nec pace nec bello cognito in seruitutem redigantur? 585. et m. 586.
- Caro* eius efus cur Adamo interdictus? 22. a.
- Carolus* Lotharingus 377. et h.
- Carolus* VI. Rex Galliae 376.
- Cartesius* Renatus eius principia 252. h.
- Causa* eius cognitio ad vim Iuris exferendam requiritur 177.
- Cerimoniae* 236. c.
- Charitas* et iustitia num diuersa? 29. n.
- Citatio* 537.
- Ciuis* qui adpelletur. 410. quod sit reuera obscurum ib. quem Aristoteles pro eo habeat? ib. Romanis qui erat ib. 411. c. est I. perfectus I. imperfectus politice ib. an nobilis dici queat? ib. d. quis reuera sit ex definitione explicatur 411-412. sed Auctoris definitio notatur. ib. c. et alia substituitur ib. Bodini examinatur. ib. cum subdito non confundendus. ibid. in republica herili non est verus. ib. definitur. 412. liber. ib. originarius, adscriptitijs, voluntarius. ib. 416. m. eius diuersa nomina. 417. differt a municipe 418. eius nomen generale. 419. per excellentiam. ib. eius qualitas ex differentiis quas constituit primo natura inde sunt mares et feminae 421. Hermaphroditi ib. a. 2) status, liberi I. serui. 421. 3) aetas, maiores et minores annis. 422. et d. vfus Romanarum aliarumque diuersus ib. puberes impuberes 422. 4) corporis animique habitus. 423. 424. 425. h. disciplina 425. fama ib. et I. 426. fortuna 427. natales. ib.
- Ciuitas* eius causae 78. Origo et diuersi ordines 79. a. imperium perperam voluntati coeuntium adscribitur. 79. a. sed pacto quod explicatur 80. a. quid 80. 87. 88. a. ex Aristoteli 379. et a. origo. 81. 82. d. finis 88. serui ex ea non excludendi 88. 89. b. num in eius definitione iuris et imperii mentio recte fiat. 89. et c. in abstracto 90. c. in concreto ib. significatus perfectissimus cum imperio maiestatico hic obtinet. 90. c. a Republica differentia 89. c. formae quot sint. 263. et quae earum praestantissima 263. b. c. per eam quid Graeci intellexerint. 90. c. beatitudo maxima. 90. d. num vna siue plures. 92. 93. et e. imperio duo contraria sunt. 1) licentia effraenata ac continua cum proposito in personas et bona subditorum grafsandi 46. n. a. 2) Mors violenta ciuibz illata. 146. rea potest esse iniuriae in singulos. 106. ius quo amittatur seu finiatur. 420. eius finis quibus promouetur et quibus non. 624.
- Clarissimi* qui dicti 431.
- Claues* earum potestas 450. m.
- Collegia* artificum et mercatorum quale ius habeant? 445. g. h.
- Commissi* clausula capitulationi caesariae non inest 138. u.
- Comitia* eorum exercitium in R. I. 190. p. in iis summa potestas ib.
- Communio* in statu integritatis perperam statuitur à Grotio 23. a. 36. 37. h.
- Communicatio* Maiestatis eiusque iurium ad exempla R. I. adplicata 170. c. et 171.
- Compromisso* 540.
- Concilium* popularium de regimine populus constituens principem et quaedam iura sibi referuans recte indicat. 155.
- Concordia* naturalis. 35.
- Concubinatus* an verum matrimonium 382. k.
- Concupiscentia* est contra ius Naturae. 13. a.
- Condomini* et condominatus in Monarchia obtinet 265. 266. quomodo fiant 267. 268. debent esse augusti. ib.
- Coniugium* fratrum et sororum I. N. licitum 27. 28. k.
- Conscientia* quid 20. a. antecedens, consequens ib. recta erronea ib. dubia scrupulosa. 20. a. certa probabilis tranquilla et inquieta. 21. eius forum internum. 21. a. fora externa 25. d. ius internum soli Deo competit. 34. eo pertinet confessio fidei. ib.
- Consensio* per quam vna fieret voluntas necessaria ad ciuitatem constituendam 80. multitudinis origo est ciuitatis 81. 82. d.
- Consensus* dat ius. 143.
- Conseruatio* vitae ad eam homo obstrictus est. 22. a.
- Consilia* dantur in I. N. 29. n. an dentur euangelica. 64. m. Senatus non tollunt aut minuunt summam potestatem. nec statuum consensus. 137. t.
- Constantinus* M. cur sedem imperii ex vrbe Roma transulerit? 147. d.
- Consuetudo* vid. lex.
- Contractus* Hobbessii. Grotii. Pufendorffii errores circa eum 510. eius doctrina ib. consensualis. 512. quasi contractus. 513.
- Conuentio* dat ius puniendi. 143.
- Conuentiones* quibus summae teneantur potestates 364. seqq. ciuiles 364-367. ad summam potestatem pertinentes. 367. imperantem I. N. obligant 368. seqq. nec consensus in ciuilem obligationem praesumitur ib.
- Corpus* homo conseruare tenetur illud alendo ita. vt ab omni cibi potusque abusu abstineat 22. a.
- Crimina publica* quae eorumque poenae 556. sunt autem crimen Maiestatis 126. e. 557. def. quod I. in specie vel perduellionis 126. e. def. 557. 558. et c. d. 559. peculatus ib. repetundarum. ib. ambitus. 560. an-noxae ib. residuorum. 560. concussionis 561. rapti. 561. et I.

Crimina priuata et eorum poenae, Homicidium vel violentum vel inuitum def. 561. eius varii proponuntur ac deciduntur casus 562. k. l. m. n. Parricidii def. 563. Adulterii def. 563. 564. et p. q. r. stupri, 564. 565. vis publicae priuatae 565. et t. raptus virginis viduaeque honestae 565. falsi quid. 566. et x. eius species ib. Calumniae def. 566. Magiae 566. et z. 567. et b. Plagii 567. Abigeatus ib. et 568. et c. Stelionatus. 568.

Crimina in iis procedendi eosque puniendi modi 542-549. ad rationem num in vniuersum redigi queant? 550. p. eorum auxiliores quomodo teneantur? 553. y. cum poenis morte delentur. 555. variorum poenae 556-568.

Crux quaenam poena? 550. q.

Cultus Dei 18. a.

Curiae earum vsus apud Romanos. 443. d.

Damnum ad cuius reparationem imperans obstrictus? 367.

Dardanarii qui? 60. eorum leuis poena 560. g.

Decalogus eius tab. I. et II da 62. n. h. nos hodie obligat 66.

Decemviri eorum imperium. 154. z.

Decimatio quid. 457. g.

Decorum 29. n.

Defensio est I. N. 610. quae I. N. sit licita 610-615. et commentar. adiunct. est iuris N. et G. 39. q. 48.

Democratia eius status quomodo a magistratico differat? 85. e. 342. l. quid? 96. proxime est a naturali ib. c. optimus ib. eius forma 97. duplex obligatio 108. vis imperii 114. 334. potestas 128. ab eius statu interregnum differt. 341. et l.

Democratia eius definitio 316. 335. quid Ciceroni audiatur 334. diuisio in laxam et restrictam, 336. laxa quid ib. eius fulcra Senatus et Magistratus. 336. quid restricta, ib. eius a laxa differentia ib. et d. ius suffragandi in ea qui habeat? 337. 338.

Depontani qui nominantur. 422.

Derelictio 220. h. 221. k.

Despotae populo nulla in re obligati sunt, 276. 277. perniciem intendunt ib.

Deuolutio eius ius ad Regni successionem, 315. Grotii doctrina de eo ib. Brabantiae obtinet, tamen non potuit adplicari ad Regem Hispaniae 315. e.

Dictator Romanus 134. o. eius potestas ac munia ib. et 135.

Dienst-Pflicht, 506.

Dignitas quid ex definitione Tulliana contineat. 74.

Dispensatio quid? 187. g. a principe est ib. in matrimonialibus quam princeps dare queat. 390. x.

Diuitiae eas cura debita ac moderata congerere licet 22. a.

Diuortium 20. a. an I. N. sit licitum contrarium. 388. r. eius causae ib. et t. 389. seqq.

Doctores nobiles 441. o. eorum dignitas 441. n.

Dominatus eum qui exercent Tyranni non sunt appellandi. 276.

Dominium in creaturas quod homini competit. 23. a.

Dominium eius definitio 492. r. cur ad I. G. referatur, 49. I. N. est ib. 55. h. Iuris positui 54.

Dominium eminens eius vis 180. iuribus maiestatis adnumeratur a quibusdam 181. quorum sententia examinatur ac refutatur. 181. u. et 182. eius ab imperio differentia ib. item a Dominio Regis, quod est regium ordinarium et maiestaticum ib. quae ad illud pertineant, ib. explicatur, ib. ille habet penes quem est summum imperium, 183. quae eo referenda sint? 183. 184. vnde ita dicatur, 184. potestas extraordinaria a quibusdam vocatur, 184. ad illud multi rationem status trahunt. 184.

Donatio prodiga non est decori 29. n.

Duellum quid? an I. N. licitum contra Grotium 330. b. 331.

Ecclesia quid 231. repraesentatiua ib. m. interna externa ib. eius auctoritas ib. errare potest, ib. et 232. eius capita quo sensu Principes dicantur. 239. *Ecclesiae* sunt vniuersitates 448. et k. 450. quo sensu ib. earum regimen 450. et m. hereticae, quae iura habeant. 449.

Electio principis eius ius naturaliter competat? 284. 285. species 287. 288. modus, ib. in conclau Romano ib. et n. m. in imperiis voluntariis successiuus post defectum familiae regnatricis obtinet, non vero post abdicationem imperantis. 289.

Electores eorum vigor vnde? 284. a. 285.

Emigratio ciuium quando licita. 415. 416. m. 419. t.

Emtio spei (Wette) num licita? 439. l.

Erasiani eorum sententia de potentia Ecclesiae circa sacra examinatur. 244. 245. origo et dogma ib. d.

Eruditi doctores ac discipuli ordinem ciuium constituunt. 440.

Excommunicatio in Ecclesia esse debet, 245. e.

Executio eius tempus et modi 538. 539.

Exteri quae sibi inuicem debent, sunt necessitatis 578. a 579. 580. innoxiae vtilitatis, quae exponuntur, 580. et c. 581. 582. 583. communis securitatis et quae ad eam faciunt. 583. 584.

Fama pro patria quando dimittenda 105. m. eius restitutio. 195. n. et 196.

Familia 36. quid? 379. in quo statu extra ciuitatem, ib. et b. eius explicatio et defensio contra Bodinum et Arnisaem 380. iuridico sensu quid? 380. e. et politico sensu, 380. e. perfecta quibus constet 380. et f. imperfecta 381. f. eius patria potestas, 36. per conubia filiorum propagatur. ib.

Famuli sunt ciues. 422.

Feminae an ciues reuera sint? 412. c. viduae sunt 413. f. an iure summis admoueanrur imperiis? 270. 271. et m.

Femina regnatricis eius maritus collega imperandi, 268. 269. si imperii exercitio resignare illudque marito concedere velit, consensu populi opus est, 269. et f. quando ius concessum finiatur. 269.

Feudilgium 145. n.

Fides publica in bello hostibus, latronibus ac tyrannis seruanda 621. et quid sit. ib. non tamen ab iniusta vi coacto, nisi iurauerit. ib.

Fides eius confessio 501. defensio, 249. g. quousque in ea procedere liceat, ib. et 250.

Fiscus eius ius ab eius regali distinguendum, 199. a. quid ib.

Foedus datur inter imperantes et subiectos adstruitur contra Hobbesium 105-107. seqq. et 148. Dei et populi, Regem delictorum populi iudicio diuino non facit reum 118. 119. inter totum populum et imperantem 156.

Foedus quid? 179. 591. et a. pangendi ius ib. eius a sponfionibus differentia ib. quoruplex ib. 593. non est iustum quo focii ad omnia bella promiscue obligantur 593. nec inde obligatio ad iniustum bellum gerendum 593. 594. et h. an liceat inire cum impiis et a vera religione alienis 595. quando status imperii contra Imperatorem pangere possint ib. e. quod nam licitum ac consultum 596. f. non mutat summam potestatem 138. est vel aequale vel inaequale nec aequale officit summae potestati 138. 142. quomodo finitur 597. eius interpretatio 599. m.

Foedus amphyctionicum 140. c. Aetolicarum ib. d. et Achaicum ib. n. c.

Foenus Longobardicum I. N. haud licitum, 439.

Foeneratores 437.

Forum 537.

Frisi num armorum iustitiam contra Hispanos habuerint? 166. 167. q.

Furtum I. N. prohibitum 37. m. 38.

Gabella quid 202. k. 572. g.

GranWinckelius eius sententia de origine ciuitatis conucllitur. 81. 82. et 85. 86. a. 96. b.

Grotius Hugo eius I. N. cum Hobbesii doctrina comparatur, 42. et x. y. eius diuisiones iurum recensentur et examinantur, 174.

Haeretici non sunt Lutherani 242. m. quomodo cum iis procedendum. 140. k.

Hahntey 563. et q.

Helueti eorum respublica. 141. f.

Hereditas eius ius quale 491. r. 492. eius diuisio 495. ab intestato 496. 497. 498. r.

Heres fiduciarius 132. h.

Hobbesius Thomas eius ius Naturae curate examinatur et euertitur cap. III. L. I. 30-34. cum annexis commentariis.

Homagium quid 417. n. ciuem non facit ib.

Homologatio 541. et 9.

Homines noui qui 428. et b.

Homo proprius 409. q.

Homo socialis 78. a. sociabilis ib. eius malitia causa ciuitatis 78.

Honestas et necessitas moralis distincta non sunt. 29. n.

Honores decenter adpettere licet 22. a.

Huberus eius disputationes cum Theologis, quas nouae de iure ciuitatis inseruit edit. recensentur et explicantur in adiunctis Commentariis, diuersaeque opinioniones refelluntur 253-262.

Hugonori eorum religionis exercitium, in Gallia tristissimaque fata. 449. 450. l.

Idololatria 23. a. est l. subtilis interna l. crassior externa ib. explicata, implicata ib.

Illustres qui 431.

Imago diuina in quo consistat? 9. 12. 13. a. non est lex naturae 12. a. nec ius naturae ib. nec lumen rationis ib. est positium quid. 13. a. non mere negatiuum ib.

Imperans eius fides in contractibus eamque seruandi obligatio 364. naturalis non ciuilibis ib. 365. quando teneatur ciuilitur ib. iudex in sua causa quomodo esse possit. 366. c. iuramentum num rescindi queat 366. c. pacta cum populo bello ciuili implicato pacis causa inita iure iurando firmata seruare teneatur 369. quando periurii reus ib. successores quomodo ad contractus obstricti 370. et m. 371. iusiurandum quod promissionibus addat? 372. facta praestare non tenetur 120. d. potestas quomodo munitur 121. e.

Imperator Romanus non subiectus est iudicio Palatini 138. u. est Princeps foederis S. R. I. 141. eius consensus ad creandum Romanum Pontificem non requiritur 286.

Imperia quo nitantur 80. eorum differentia 81. diuisio in voluntaria et inuoluntaria 81. mixta ib. et 348. 349. immediate a Deo non constituuntur 81. 82. et d. 279. inuoluntaria l. iust. l. iniusta 347. quae iusta 348. quae iniusta? ib.

Imperium Dei internum externum 2. a. absolutum conforme est eius attributis ib. exferit se in conscientia per I. N. ib. eius amplitudo et eminentia, ib. externum 3. a. inuoluit ius vitae et necis 40. r. domesticum 40. r.

Imperium summum quid 127. eius ius 94. 95. a populi voluntate determinatur. ib. quod contra Hobbesium adstruitur e natura status democratici 96. 97. et d. nec ciuitatum magnitudo aut paruitas reddit diuersum, 136. et q. ius in ciuitate reipublicae forma non immutatur 127.

Imperium eius delatio vna populi voluntate s. vniuersa cum imperatores pactione 149. et l. Seruii Tullii exemplo illustratur 16. lex vetus ib. est diuisibile 152. u. translatio 112. et dominium quomodo differant 112. d. ab eo exempta quae sint 113. vni delatum quae potestas ib. et f. herile 5. despoticum quid 129. illud exercens Tyrannus haud adpellandus 276. uon semper ex victoria nascitur 348. si ex victoria modus est in Victoris Arbitrio ib. ciuile quid 129. patrimoniale quid 129. quid Grotio ib. explicatur 132. saluis LL. nullis conditionibus expressis delatum 164. et k. de vi subditorum disponit 160. eius et herilis differentia 303. institutum 304. 308. iure administrandi herile est sed fundamentalis constitutio in illis obtinet 304. quae explicatur ib. a usufructuario quid 129. contra Hobbesium asseritur 131. comparatur cum dominio reuocabili sed caute 131. 132. h. quibus modis obtineatur 132. 133. successuum 132. 133. n. electitium 133. n. heroicum quid, 272. Asymmeticum ib. Laccanicum ib. feudale summam habet potestatem 145. eius seruitia ib. limitatum negat Hobbesius 156. refutatur

- futatur* 157. et g. status limitatus et mixtus confundi non debent 152. u. merum quid ICtis 460. a mixto quomodo differat? 461. 462. o. ad mixtum quae pertineant 472. plenum habere quid 130. et plene habere quid ib. quando alienari possit 130. 131. c.
- Imperium* Romanum eius statuum libertas 101. l. status non sibi sed Caesari Maiestatem tribuunt 141. f.
- Impietas* 23. a.
- Incolae* num sint ciues 412. c. 416. qui 418. vnde nominentur 419. r.
- Induciae* quid 612.
- Infames* qui e ciuitate debeant expelli 426. l.
- Iniuria* eius crimen quo pertineat 557. a. 568. singulis a populo in Democratia perferenda 105.
- Inquisitio* criminalis generalis 542. et a.
- Instituta* humana dantur, quae nec sunt naturalia nec ciuilia sed l. G. 54.
- Insulae* in flumine 487. 488. ad quem pertineant ib. m.
- Integritatis* status num imperium admittat 24. a. eius a Gentilismo et Christianismo differentia 9.
- Interregnum* vbi et quando 291. 292. a. eius status 342. a statu democratico diuersus 309.
- Iobanna Neapolitana* 270. et k.
- Iudex* eius definitio 534. requisita 535. officium ib. an sit Magistratus 523. et b.
- Iudicia* eorum necessitas 529. definitio 532. constitutio l. P. est ib. et d. diuisio in ciuilia et criminalia 533. illa rursus priuata et publica ib. quae definiuntur 536. ordinaria extraordinaria 533. aliae partitiones 534. f. personae triplices 534. quorum officia ordo modusque procedendi fusius exponuntur 537-542. ad quae generatim sese extendant 188. l. maiestatica 189. m.
- Iuramentum* 502. 503. r. distinguitur in promissorium et assertorium 503. eius species ib. causae ib. et 504. 505. 506.
- Iurisdicchio* quid inuoluat 461. d. et e. ordinaria explicatur ib. h. extraordinaria ib. criminalis 462. post merum imperium quid 465. et q. eius differentia a notione et audientia 465. et t. 466. g. diuisio in voluntariam et contentiosam 466. contentiosa est l. ordinaria l. legitima l. extraordinaria 467. ordinaria est l. propria l. aliena ib. illa dicitur mandata ib. haec prorogata ib. et 468. huius species vulgo dictae 468. 469. d. g. h. i. k. *seqq.* annexis commentariis quomodo finiatur? 473. 474.
- Ius* pro regula actionum i. 33. pro lege 2. a. pro facultate aliquid habendi aut agendi 1. 33. eius diuisio in naturale et voluntarium 5. positium 3. huius in diuinum et humanum ib. d. et e. 4. h. reliquae diuisiones 45. adiunctis commentariis Gentium publicum et ciuile publicum s. publici vniuersalis prudentia 6. differentia a Politica 6. 7. et u. 9.
- Ius* naturae eius existentia 10. definitiones 16. fontes 17. principium non est natura humana 17. 18. nec sociabilitas ib. definitio 24. Tullii 25. 742. immutabile 25. 26. h. i. k. aequitas num detur 29. n. strictum quid 70. a. proprie dictum quid Grotio 76. regium 1. Sam.
8. 9. explicatur 121. e. Hobbefianum examinatur ac conuelliur 30-43.
- Ius* Gentium eius definitio 43. 44. 47. 48. existentia probatur 44. a. 45. a. l. N. diuino et l. N. differentia ib. 47. ostensuum non constitutum est 47. distinctiones 48-51. definitio ICtorum 53. hypotheticum quid Hubero 55. rationi aduersari potest ib. k. in statu primaeuo quale 56. et in statu naturali ib.
- Ius* ciuile eius origo et fons 67. 68. et a. ex mente Grotii ib. an detur iniustum ib. an l. N. aut addat aut detrahat l. 6. ff. de l. et l. 69. a. Romulus per LL. introduxit ib.
- Ius* Romanum l. N. et G. seruit 71.
- Ius* canonicum 69. a.
- Ius* mundi quid? 58. c. quibus datum 59. duplex 59. d. et 60. e. 61. et g. f.
- Ius* rerum sacrarum 224-234. adiunctis commentariis fufe ac solide pertractatur.
- Ius* non scriptum latius patet quam consuetudo 521. et q. quomodo a consuetudine distinguatur ib.
- Ius in re* eius species 491. et r. *ad rem* eius species 491. *in re* est l. plenum, l. minus plenum vtrumque explicatur ib. 492. *ad rem* 498. r. *seqq.*
- Ius* in ceritum tabulas redigendi 340. quibus Romae erat ib.
- Ius* cladii num Christiano Magistratui conueniat? 531. c.
- Ius* vitae et necis eius a mero imperio discrepantia 175. in ciuili imperio absque causae cognitione exerceri non potest 177. quod Magistratui competit, differt ab eo quod Maiestati conuenit 98. g.
- Ius* belli cautiones obseruandae 617. 618. est l. internum, l. externum 618. quantum in hostium personas 618. quantum in eorum res concedat? 619. qui non habeant? 211. q. quatenus transferri queat 210. et armorum diuersa sunt 178. o.
- Ius* Pacis quale et quantum conferat 210. 211. 212. cui competat 178. 179. p.
- Ius* internum conscientiae eius complexus habetur a 234-240.
- Ius* Maiestaticum vide Majestas.
- Iustitia* quid? 71. vniuersalis ib. eius nomen vnde? 72. b. particularis ib. virtus est 76. qualis ib. e. proprie dicta 73. definitio Tullii ib. distributua commutativa explicatur 74. 75. c. est l. expletrix l. attributrix quid Grotio 75. c. 76. eius denominatio a iure quod est regula boni et aequi desumpta prodit iustitiam vniuersalem, a iure vero pro qualitate morali habendi aut agendi sumto, petita iustitiam particularem ficit 76. et d. Reipublicae salutifera 189. m. Principis ib.
- Iustus* eius definitio 71.
- Laesio* alterius l. N. prohibita 34.
- Lapsus* primi hominis 24.
- Legatio* eius ius 441. a.
- Legatus* eius definitio 587. differentia 588. varia nomina ib. et c. ius 179. Maiestatum, ib. subditorum ib. r. an et quibus de causis admitti non possit? 588. dein, an vmquam vllaue causa laedi l. puniri queat ab iis,

- ad quos mittitur ib. et denique an eius res a Creditoribus detineri queant 588 - 592. cum annexis commentariis, sanctus est atque inuiolabilis 589.
- Leges* naturae quas recenset Hobbesius 52. c. I. G. diuersae a LL. naturae iuris 52. sunt l. naturales l. ciuiles ib. et f. in naturales et ciuiles quod nam discrimen 57. b. morales in statu integritatis non fuerunt sed post lapsum 58. b. omnes obligant 60. d. Decalogi omnes obstringunt 59. d. morales necessariae obligant omnes 62. 63. distinguuntur in naturales et positivae 62. h. iniustae quomodo esse possint? 69. a.
- Leges* fundamentales proprie ad imperium pertinent 169. d. absolutae potestati non officiant ib. analogice tales 160. non sunt constitutiones ib. c. ciuiles non sunt efficienter 161. c. earum definitio 161. interpretatio a quo et quomodo fieri debeat ib. f. eas constituendi ius penes populum 162. ad eas imperans est obstrictus ib. regni rationem communem quando innuant? 164. k. ab imperante mutari non possunt 165. l. quae sint et quomodo introducantur 167. et r. 168. an sint conuentiones etc. 169. et z. earum obligatio naturalis 169. in imperante 169. b. 170. in quibusdam iuribus communicationem summae potestatis inferunt 170. in despoticis imperiis obtinent 172. mutari non possunt 186.
- Leges* earum Auctores apud Romanos 185. et b. eas condendi ratio 184. 185. b. num Princeps LL. prouinciae veteres abrogari possit 186. c. municipales s. statuta 185.
- Legitima* quoad alimenta materialiter a. I. N. pendet et vi eius perfecte debetur contra Grotium 294. f. ad eam Principes non sunt obstricti ib.
- Lex* naturae ad imaginem diuinam expressa 14. a. aeterna quid? ib. inadaequate pro regula morali sumpta 54. g.
- Lex* eius definitio 160. positiva ib.
- Lex* ciuilis eius definitio 516. c. eius explicatio 517. et f. 518. virtutes 519. et i. 520. k. l. m. n. scriptura ad eam non necessaria 520. sed est de essentia legis scriptae 521. o. eius promulgatio necessaria 521. quando valorem obtinet 521. apud Romanos quando obtinuit ib. et p. non scripta 521. potest scribi ib. r. eius requisiti 322. a. iure quomodo discernatur 515. b.
- Lex regia* quid 149.
- Lex salica* ad quod pertineat? 308. et g. 309.
- Lex Thebana* quae 392. 395. i.
- Liberi* ex iustis nuptiis familiae membra 192. e. concubina legitimated iis aggregantur ib. cum annexis commentariis e. coitu nefario incestuoso adulterino minime ib. nisi legitimated ib. et 393. d. iuste et iniuste natis alimenta debentur nec licet eos exponere nisi sint monstra ib. et f. 394. 395. g. eius mos apud Romanos et Graecos 393. h. 394. 395. eos vendere in casu necessitatis num liceat? 393. 395. i. eorum adoptio 396. diuersimoda ib. et l. ab arrogatione distincta ib. in eos patria potestas 397. et m. 398. et. n. Hobbesii sententia refutatur ib. 399. eorum educatio parentibus incumbit ib. eorum iura quo se. extendat 399. obsequium quando parentibus detractare possint? 400. in eorum bona ius 401. q. eorum bona profectitia et aduentitia 401. q.
- Liberi* naturales num in regnis patrimonialibus successionis sint capaces 301. et q. 302. item num adoptiui 302. filiabus postponendi ib. nothi qui dicantur 302. s.
- Libertas* quo sensu I. N. dicatur 404. c. naturalis seruo competit ib. I. N. concessiui 21. a. quid ib.
- Licentia* quid? 187. g.
- Lingua* perforata quae poena? 566. et y.
- Lis* eius contestatio 538.
- Lottaria* licita 439. k.
- Ludouicus* Aurelianensis 377. et h.
- Lutherus* haud schismaticus 241. l.
- M***agia* et diuinitio vnde 23. a. eius crimen 566. et z.
- Magistratus* eius definitio 459. 188. h. et k. explicatur ib. et 460. eius potestas duplex 460. quid inuoluat ib. et 462. et p. 463. l. aggratiatio ei non competit 463. m. diuisio in maiores minores 523. ciuiles militares 524. et d. perpetuos, temporarios ib. ambulatorios ib. et e. ciuiles et ecclesiasticos ib. Regis et Regni 525. a. quo creentur 526. an eos pretio vendere liceat? 526. 527. et k. quibus concedendi? 528. an inuiti ad eos capeffendos cogi queant et qui 528. Christianis ius gladii conuenit contra Grotium 531. c. totius reipublicae collegia non sunt 453.
- Magistratus* summus ad tempus constitutus maiestatem non habet 154. z.
- Magistratus* Romanus, qui de iure suffragandi eiusque competentia censebat erat honorificentissimus 341.
- Maiestas* eius definitio 122. 124. est Grotii 122. a. examinatur ib. Aristotelica melior ib. et 223. substituitur alia ib. a. eius aequiparantia et disparantia quid? ib. summa quid? ib. libera soluta LL. ib. totum potestatiuum quid? ib. nomen 124. d. quid veteres eo intellexerint quid Recentiores ib. eius diuisio in realem et personalem quae notatur ab Auctore vindicatur a Lynckero 124. 125. et e. in delegantem et delegatam 126. eius par vigor in qualibet reipublicae forma 128. et a. a nulla Reipubl. forma mutatur ib. num perpetua 133. 134. et ab imperio summo distincta 135. o. 138. u. quo nitatur 82. 83. d. non est penes populum nec radicaliter nec formaliter 84. a. 111. a. contra Grotium sed in imperante residet ib. non est in interregno 84. et 86. eius communicatio cum iuribus ex I. R. G. illustratur 170. 171. c. pacto eius modus a populo determinari potest 154. et a.
- Maiestas* eius iura maiora vide 173. 190. cum adiunctis commentariis, minora 190 - 204. cum annexis commentariis plane et penitus alienari nequeunt maiora 204. 205. a. eorum exercitium aliis committi potest ib. an alicuius transferri queat in totum et quomodo 206. b. nullum e. maioribus in totum confertur sed eius vltimum et excellentissimum retinet imperans 208. 209. et commentariis adiectis 210. minora facile transferuntur 212. an praescriptione acquiri possint? 214.
- Maiestas* regia eam dignitatis accessio seu collatio non minuit 145. n.

Maestas realis num moriatur 374. a.
Majorennis quando Princeps in R. I. in Germania, in Gallia 314.
Mandatum 512.
Mare eius dominium 485. k.
Maria Britanniae 270. et l.
Maria Theresia in Brabantia iure deuolutionis non succedebat 315. e.
Maritus eius imperium in vxorem 386. 387. quale ib. ex Aristotele ib. et r. ius vitae et necis an habeat. ib. Vxoris quando subditus 270.
Mater an obstricta sit liberis proprio lacte nutrire 394. f.
Matrimonium quid? 380. est simplicium societatum prima ib. h. an sit iuris necessarii 381. et 382. an iuris praeceptiui 22. a. eius definitio Grotiana censetur 382. i. theologorum ib. Seruorum verum est 382. k. *Conscientiae* num. I. N. verum 382. 383. k. ad *Marganaticam* verum sed non plenum iure ciuili 383. k. ad *Thalac.* ib.
Matrimonium consensus facit, 385. parentum I. N. ad illud non requiritur necessario 385. o. 386. impedit error, dolus, metus et conditio essentiam consensus ingrediens non impleta 385. m. eius pacta 16. imperium virile ib. dissolutio cuius causae verae quae 388. 389. inualidae f. nullae ib. et u. x. 390. id inuendi libertas 400. eius validitas I. N. et iure canonico parentum consensu non nititur. 400.
Matrimonium quibus sanguinis propinquitatis gradibus sit licitum et princeps dispensare possit, quibus vero illicitum et princeps haud dispensare possit? 389. et u. x. 390.
Maximae quid? 184. n.
Medici qui apud Romanos fuerint? 441. o. a. Iulio Caesare ciuitate donati ib. ab Augusto vero a muneribus publicis liberati ib. doctores num nobiles, ib.
Mendacium an sit turpe? 500. 501. r.
Mercator eius utilitas 434. eius exigua olim existimatio 435. in liberis rebus publicis hodie maior ib.
Merouingii ultimi, 376. f.
Metus non est causa consociationis inter homines 34? iniusti auctor 369. et l.
Meum et tuum eius origo 36.
Miracula ad constituendam ecclesiam praedicta 232. n.
Moneta eius bonitas 198. z. subsidiaria 199. z. ferrea et stannea ib. eius valor vnde? 199. z.
Monarchia eius origo 110. definitio 265. ab ea condominatus non est distinctus ib. et 266. 267. eius species ex Aristotele recensentur et definiuntur 271. et a 270. sed tantum duae sunt nempe regnum et dominatus quae definiuntur 272. 273. etc. earum differentia 274. 277. et causa 274. herilis seu despotica quid 129. ciuilis quid? ib. temporaria non datur. 136. p.
Monarchia in ea LL. sunt quibus principis potestati quid detrahatur. 147. ex pacto imperantes subditis sunt obnoxii 147. 148. quae commoda, quae incommoda habeat? 264.
Monopolia an licita 435. 436. d.

Moratorium quinquennale 197. peremptorium ib. t. 198. vbi non obtineant ib. t.
Mors quem princeps violenter ac crudeliter infert iniusta est. 177.
Municeps 417. a. ciue quomodo differat ib. et 418. vnde apud Romanos ib. *origine manumissione, adoptione* quae explicantur 418. quibus additur *assumptio* siue *allectio* 418. p. eius ab incola differentia. 419. r.
Natura humana non est principium I. N. 17. 18. a. eius LL. dari probatur 38. 39.
Naturalia prima et secunda quid? 51. c.
Naufragium eius ius 201. g. h.
Neronismus quid? 350.
Nobiles et ignobiles qui? 427.
Nobiles immediati 520.
Nobilissimi apud Romanos qui dicti? 429. c.
Nobilitas quid 427. et a. quid apud Romanos 429. apud Germanos ib. eius fons an sola Monarchorum auctoritas 439. dignitatis gradu metienda 431. etiam praescriptione acquiritur 421. hereditaria 432. virtutibus parta ib. eius venditio ib. apud Venetos et in Dania ib. h. eius praerogatiua cui? 435.
Notarii eorum instrumenta num et vbi valeant? 193. g.
Nothi qui? 30. 25.
Notio nuda eius vsus hodiernus, 73.
Nundinae maiores priuilegiatae 193. et h. Lipsienses ib. minores 194. annuae ib. i.
Nuptiae consobrinarum in tertio et secundo affinitatis gradu haud sunt prohibitae. 30.
Obligatio congenita quid? et aduentitia quid? 495. r. naturalis ciuilis ib. et 499. eius iustitia 507. r. seqq.
Occupatio fusc explicatur 479. f. 480. *originaria* quid? 481. quid *deriuatiua* ib.
Officia erga Deum et erga alium 23. a. virilia quae 338. h. eorum nundinatio an licita? 526. et k. non ex fauore sed dignitate conferenda 527. plura vni non conferenda, ib.
Oligarchia quid? 349. a. Tyrannide distincta. ib.
Optimates eorum potestas 110. 113. 141. d. artes ib. an imperium alienare vel Reipublicae formam mutare possint? 320.
Ordines eorum potestas circa Regem seu imperantem, 188. et k.
Ostracismus Atheniensium quid? 99. k. defenditur 99.
Pacta captiuorum 622. gentilitia et eorum effectus. 290.
Pagi qui? 451. eorum a vicis differentia ib. quando vniuersitas 454.
Parangariae quid 203. et m.
Parricidium eius rei I. R. 393. 396. k.
Pars maior 109. g. obtinet 99. 100. si etiam iniqua ib. c. quando ei resisti queat 99. 100. l.
Patricii 228. 229.
Patrimonium duplici iure nititur 491. et q. Regis et regni differunt 315. et d.
Pax 178. et l. eius ius cui competat? 178. 179. et p. eius con-

condiciones generales ib. quomodo ineatur ib. confirmetur 623. et rumpatur ib.
Peccatum quid? 15. a. Originale eius imputatio 2. a.
Pedaneus 465. s.
Peculatus vide crimen.
Peculium profectitium aduentitium 401. q.
Pellicatus 382. k.
Peregrinus quatenus onera et munera subire debeat? 338.
Permissio iuris et facti 23. a. plena quid? 24. a. minus plena 24. a.
Petalismus Syracusanorum defenditur 99. et k.
Phalarismus quid? 349. eius inuentor 350. a.
Philosophia eius vsus in Theologia 248. f.
Philosophus ad ordinem ciuium non refertur. 441. o. ei an liceat vxorem ducere 23. a.
Pisistratismus quid? 349. eius inuentor 350. a.
Plenipotentiarii eorum potestas 324. 325.
Poenae est vel interna vel externa 176. d. haec I. *correctoria* vel *afflictiva* ib. illam non hanc interdum princeps omittere potest contra *Grotium* ib. eius commutatio relegationis nempe perpetuae cum fustigatione Nobilibus in Electoratu Saxoniae est concessa ib.
Poenae non capitales earum varius vsus 548. 549. *capitales* 550. et. q. Christianis an licitae 551. s. delinquentem solum feriunt 553. et c. earum abolitiones 555. et c. variorum criminum 336. 568.
Polonia eius status 317. a.
Polygamia 20. a. I. N. an aduersa vtrum potius legi diuinae positiuae 383. et l. 384. 385.
Pontifex eius ius in sacra 242. 243. a. excommunicatio Regum ei non competit 243. b. eius adprobatio Imperatori non necessaria 286.
Populus vnum quid vna persona iuris statuendi eidem retinendi capax 150. dispersus vnum est ac vnus personae ius habet ib. contra *Hobbes* 151. potest sibi reseruare ius conseruandae libertatis 151. et f. in democratia quoque quid iuris retinet 152. s. intendit communem vtilitatem 108. in statu limitato ius intercedendi, deficientem imperii exercitio habet 153. g. ius acquisitum modum Maiestatis exercendae definitens post conuentum retinet 156. et f.
Postliminium an sit I. G. an I. R. 620. *
Potentatus eius ius 211. p.
Potentia iuris perfecti in alium causa non est 35. quomodo ad iuris causam pertineat. 39. et exercenda ib. qua imbecilliores ad obsequium coguntur producit ius improprie dictum. ib.
Potestas sociatae ciuitatis 143. 144. nec tributum perpetuum a victore victo impositum eam infringit 144. nec feuda adimunt 145. et n.
Potestas summa num communicatione iurium Maiestatis tollatur? 161. et g. quo minuatur 161. 162. h. eius finiendi modi indubitati qui 373. dubii qui. 375. 376.
Potestas iudiciaria se etiam extra dicasteria exserit 344.
Potestas Magistratus in quo consistat? 461. d. num duplex ib. e.
Potestas maritalis a regia non tollitur 269. 270. h.
Potestas patria quid? 397. et n. 398. 399. eius iura ib.

num ius vitae et necis habeat ib. m. familiae a patria quomodo distincta 399. c. 400. et dominica aequae summa 129. in bona liberorum, 401. q. quomodo soluat 401. I. N. matrimonio et separata familia. 401. 402. r. quousque duret ib. de tutore pupillo ptofpicit. 402. s.
Praescriptio num sit I. G. contra *Grotium* *Seldenum*, 216. d. eius requisita ib. et 217. quando Magistratus habeant Iuris Maiestatis aduersus Principem 217. 218. quando non 217. n. ea, quae Maiestati defunt a Principe quaedam Maiestatis iura habente acquiri 218. ea etiam a principe LL. subiecto summa potestas acquiri potest ib. item ab optimatibus 218. 219. et g. probatur vtrumque 219. 220. et h. 221. subditus aduersus maiestatem eam non habet 214. a. 215. b. quantum temporis ad eam requiratur 222. et p. et 223. debet esse bonae fidei ib. temporis immemoralis ad R. I. adplicatur 222. 222. 224. p. iurium summae potestatis 214. a. eius requisita ex mente *Pufendorffii* *Hornii* quorum sententiae examinantur ib. quae admittenda 115. a.
Praecepta Dei necessaria natura eaque 231. reuelata ib.
Praetextus iuris, quo Caesares olim usi explicatur 149.
Presbyteri eorum ius circa sacra 243. a quo tempore ius sacrorum in Anglia ad se trahere conati sint 244. c.
Primogenitura an sit I. N. et G. 297. et h.
Primogenitus ante regnum pari iure gaudet cum iis qui patre regnante sunt geniti 299. et eius nepos iunior fratribus secundo genitis in regnis patrimonialibus praefertur 399. 300. p. et 301.
Princeps inuolabilis putandus 162. l. nullum agnoscit superiorem 112. et c. recte imperanti parendum est 114. num male imperanti quoque? 114. contra *Boxhornium* 113. g. an, qua priuatus haberi potest, sit sub potestate sui ipsius 117. c. et 118. eius causae priuatae eius summae potestati nihil derogant 138. u. quantum in populum habeat imperii 154. 155. limites imperii excedens priuatus nulloque obsequio dignus 155. LL. solutus 158. quibus ib. et 77. e *Romanus* LL. fundamentalibus non solutus 159. a. I. N. et G. obstrictus est ib. 160. et e. ob delicta puniri num queat ib. et c. 169. si rationem reddere tenetur de iure aliquid Maiestatis amittit 188. u. imperii et status sunt independentes 141. f. eius abdicatio 309.
Princeps quo sensu caput Ecclesiae dicatur 239. 240. g. ei liberum est a cultu recepto dissidere ib. eius potestas circa sacra 123. a. 241. se extendit ad omnia, quae diuinitus non sunt determinata ib. et 242.
Principes Ecclesiastici in Germania eorum origo 286. et 287. g.
Priuilegia quid 368. i. et 369. ad beneplacitum ib. personalia 187. 369. realia ib. onerosa, lucrativa ib. quae? ib. summae potestatis sunt 187. g.
Priuilegia quae vim LL. fundamentalium non habent 168. 169. quae eam habent 168. eorum iura vel maiora vel minora 170. 174. o. 175. male ad dominium eminens referuntur 173. a. immanentia et transeuntia 174. ad regimen sunt necessaria 174. a.

Proculus I. C. in L. VI. ff. de captiu. et postlim. reuers. explicatur 141. i.

Professores eorum dignitas 440.

Promissio 36. 37. k. generalis specialis restrictionis quid efficiat? 159. d. ob metum probabilem non retractanda 37.

Prouincia unde? 453. quando vniuersitas quando non? ib.

Prouocatio 541. quae summae officit potestati 143. summa in imperio Caesari vnice conceditur 189. et n. eius species ib. ob denegatam iustitiam in Saxonia institui potest ib.

Prudentia publica quotuplex 344. a.

Prudentia Oeconomica 400.

Pyrrhus cui ex filiis regnum assignauerit? 267.

Querela inofficiosi vid. testamentum.

Ratio eius dictamen etiam in statu naturali habet effectum coactionis et punitionis 39. et q.

Reductio 541. et x.

Regalia eorum praescriptiones 115. a. minora ac maiora Maiestatis iura comprehendunt 203. n.

Reges sunt propter subditos iis tamen non inferiores 115. 116. o. et 117. eorum potestas 110, Maiestas ib. et a. 111.

Regia manus 177. quid ib. g. 182. u. et 183. Imperium et dominium eminens designat ib. sub ea, quae comprehendantur 182. 183. u. ab ea longissime distant flagitia dominationis 184. et a.

Regimen ecclesiasticum eius ratio 236.

Regina ius et imperium sibi referuans marito nil nisi Regis impertit titulum 270. maritum habet subditum ib.

Regna vid. imperium.

Regnum eius modi transferendi 277. ordinarii, electio et successio 278. extraordinarii, matrimonium et ius belli ib. electuum et successuum quod nam sit ib. quod nam inter haec discrimen ib. successuum quando in patrimonialibus imperiis quando in voluntariis obtineat 280. 281. contra Hobbesium ib. Hereditarium 282. potest alienari ib. minime vero patrimoniale contra Grotium 290. et p. Patrimoniale 293-302.

Regnum delatum cum commissi clausula 159. d. improprie tale est 115. g. subiectionem nullam non admittit ib. maiestatem non habet 138. u.

Relatio 539. 540.

Religio naturalis est l. N. 18. a. eius sacra quatuor capitibus includit Grotius 229. h. variarum in republica tolerantia 140. h. eius exercitium quibus religionibus in R. I. G. concessum 449. l.

Repraesentatio quid 301. eius effectus in hereditat. successione ib.

Repressalia eorum ius 203. n.

Requisitio seu, requisitoriales 472.

Res defin. 474. corporales et incorporales ib. illae mobiles immobiles ib. earum differentia quoad iuris effectum 475. 476. singulorum, communes, publicas, vniuersitatis, nullius 476. quae defin. 477. et d. 478. occupatorum communio initio mundi probatur 478. 479. earum acquirendi modi 481. g. 482. 483. domini in-

capaces 483. 484. cautiones 485. 486. 487. publicae earum differentia 487. vere sacrae 489. quali sacrae earum alienatio ib. sanctae et religiosae 490. 491. singulorum quae patrimoniales 491. earum dominium 493. 495.

Reseruationes mentales 501. r.

Res iudicata 538.

Respublica quid 80. 90. eius a ciuitate differentia ib. forma 90. c. rege mortuo a populo mutare potest 289. plures quomodo vno capite regi queant 91. e. earum symmachia seu systema 92. e. 93. mixtae dantur 163. i. 164. 343. a. 344. quid 344. earum formae occidentales 164. i. quales in Anglia in Polonia 345. et b. in Aristocratia ib. de earum speciebus diuersis observationes ib. earum arcana 184. a. unde distinguantur 262.

Respublica corrupta a specie recta non differt 346.

Restitutio in integrum an Principi in negotiis cum subditis concedenda? 168. quando iure ciuili subditus ab imperante eam petere possit? 366. f. quando ab Imperante peti queat. ib.

Rex de iure quis? 350. et de facto ib. huius distinctionis inuentio ib. quando deponi queat 100. l. licite a communione sacrorum arceri queat? 101. quando eum occidere liceat? 359. d.

Roma haud fuit vniuersitas 452. sed caput et cor reipublicae ib.

Romulus Legislatores 69. a.

Sabbatum 61. g. eius praeceptum I. N. esse qui statuerunt? 61. 62. h. num dies precise septimus ib. eius fundamentum primum 65. ratio moralis ib.

Sacramenta V. T. ad quas LL. referenda 60. e.

Scholae illustriores ab Academiis diuersae 447.

Sepultura eius ius 44. a.

Seruitus num contra naturam 404. c. recte ne an hodie sublata sit 409. et quando ib. q. ei christiana libertas non aduersatur ib. eius iustae causae 405.

Seruus pertinet ad ciuitatem sed non est ciuis 88. 89. b. quo sensu ciuitatis membrum dicatur 403. a. eius definitio Grotiana 403. Ictorum ib. Aristotelis 404. b. libertas naturalis ib. ad remotos damnatus 406. i. ei an liceat Domino resistere, fugere 406. 407. et k. in eum an Dominus ius vitae et necis habeat 407. 408. o. eum castigandi modus ib. adscriptitius quid? 409. num detur hodie ib. et q. a libero distinguendus. 412. c.

Societas eius adpetitus naturalis 34. 35. causa ciuitatis 78. a.

Sodalitas Romae illicita. 444.

Sonnenlehn quid? 526. h.

Specabiles qui 431.

Spinoza 42. x.

Spiritus S. eius testimonium contra Hobbesium adstruitur. 232. 233.

Sponsalia de praesenti matrimonium non sunt, 385. n. causae quae ea dirimere queant. ib.

Sponsio quid? eius a foedere differentia 598. interpretatio. 599. effectus. 598.

Sponsio caudina quid? 599. l.

Status eius ratio 184. a. aenigma politicorum vocatur, ib. quo distinguant eam a Dominio eminente ib. quid.

quid. ib. in manum regiam incidit, ib. quomodo ob ea differat 184. 185. a.
Status eorum consensus non tollit aut minuit maiestatis iura. 137. t.
Stipulatio reciproca. 107. 108. et b.
Subditus Principis imperata contra Deum exequi non tenetur 102. l. pro salute publica vitam famam et opes perdere debet ib. quibus casibus mortem pro salute reipublicae obire debeat. 103. 104. m.
Subiectio mutua inter populum et imperantem nulla est. 114. 115. g. contraria argumenta allegantur et eueruntur, p. 115-120.
Successio regni *patrimonialis* 292. et a. hereditaria *testamentaria* et *ab intestato* ib. de utraque vid. 294-301. cum commentariis adiect.
Successio instituta eius origo 303. simplex *hereditaria* 304. *linearis* ib. et 306-310. notis annexis.
Successio in quibus regnis et in quibus casibus locum habeat 290. si de ea oriatur controuersia, nullus iudex nisi ferrum, aut populi declaratio et interpretatio 311. aut tertius-Arbitrator ib. l.
Suffragia plurima eorum praerogatiua 97. numerantur non ponderantur 98. h. eorum maioritas 339. 340. et k. minoritas ib. maiora nil detrahunt Maiestati, 141.
Superioritas territorialis quomodo differat a summa potestate, 141. f.
Superstitio 23. a.
Supplicatio.

Telonia quid? 202. k

Territorium quid constituat 453. quando vniuersitas ib.
Testamentum num I. G. 495. r. num alienatio 495. r.
Testamentum N. non seueriorem prae V. T. tradit disciplinam 66. 67. et o.
Testimonium internum Spiritus S. quid Reformatis? quid Lutheranis? 233.
Theocratia quid 86. 87. f.
Theologia thetica 57. a. moralis ib.
Timocratia 324. quartam constituit reipublicae formam, ib.
Tortura quando adplicanda? 545. 546. eius genus, ib. et 547. i. apud Romanos ib. apud Italos. ib.
Transitio num I. N. ad transferendum dominium necessaria 494. r. num necessaria 36. 37. i.
Tributa eorum necessitas 569. iusta quae? 570. eorum species 571-573. et notis, ab iis immunitas quibus concedenda? 573. cum vestigalibus confunduntur 574. eorum commissio et locatio 554. et 575. annex. not.
Tutela electoralis legitima est 312. a. 314. *legitima testamentaria* illa obtinet in regnis voluntariis, haec in

patrimonialibus ib. legitima constitutio 313. et finis 314.
Tutela inculcata eius Moderamen 529. et a.
Tutor regius eius potestas 312. 313. et b. qui successori regni institui hereditarii a Rege dari possit 312. a. qui in patrimonialis, ib.
Tutor illustris in I. R. G. eius priuilegia 213. a. legitimus an in regnis patrimonialibus capite mulctari possit? 314. et c. furioso prodigo licet mentis compoti legitime datur. 314.
Tyrannis quid 349. late stricte, ib. *titulo exercitio* vel *utroque* 349. eius nomina ib. 350.
Tyrannus titulo 352. quando incipit legitimus princeps esse 351. eius mandata quid iuris habeant? 350. 351. an iussu regis interficiendus 352. et quando 352. *exercitio* defin. ex Aristotele 353. 354. definitio alia generalis 355. adplicatur ad ceteras reipublicae formas ib. ei resistendi ius quod habent subiecti 356. seq. potest puniri 363. sed cum cautione quadam, ib.
Vestigalia quae commode et iuste exigi possint. 570. b. liberis capitibus imposita *Ropff-Steuer* 573. et h. eorum immunitas, 573.
Venatio 200. d. eius ius quomodo acquiratur? 481.
Vestis eius pro discernendo sexu vsus 631. et de eo lex ib.
Via publica regia eius ius. 202. l.
Vicarius perpetuus 126. f. summae potestatis eius vices 213.
Vindicta priuata I. N. est illicita contra Grotium, 529. a 530.
Vici quid? 451. absque regimine non sunt vniuersitates ib. quomodo a pagis differant? ib.
Virgines ingenuas Hispaniae Reges a Mauris tributo loco matrimonii causa iuste postulauit 105. m.
Virgo eam princeps stupro committere non potest 182. u.
Vita quatenus homo de ea disponere potest, 103. m. 104. periculo eius inuasoris tuenda 22. a. nemini in ciuili absoluto imperio sine causae cognitione auferri potest 177. et e.
Vita et fama pari passu ambulant 196. p.
Vniuersitas def. 442. et a eius diuisio 442. 443. a Principe debet esse approbata 443. definit. concinnior. 444. eius regimen 445. quando instar reipublicae subordinatae 446. qua talis distincta est a corporis constitutione 454. habet ius personae ib. quod iudicium eius Rectores 455. eius constitutio a foedere ciuitatis quomodo differat 451. quatenus ex facto et contractu Rectorum teneatur. 456. et t. u. 457.
Vocatio eius ius 237. et 238. Lutheri legitima 238. d.
Vrbs eius distinctio 452. est Metropolis et inferior, ib. quando vniuersitas 452. Graecorum metropoles erant respublica 452.
Vsurae earum distinctio 438. g. quae I. N. licitae ibid. Ebraeorum lex de iis explicatur. 438. et i.
Utilitas non est mensura iuris in statu naturali 33. et d.

SOLI DEO GLORIA.

IENAE LITTERIS TENNEMANNIANIS



